



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





1064

0-7.

R-1

TH 36 / 12.









# BIBLIOTHECAE PATRVM CISTERCIENSIVM.

SIVE  
OPERV M ABBATVM ET MONACHORVM CISTERCIENSIS  
Ordinis, qui sæculo S. Bernardi, aut paulò post ejus obitum floruerunt.

## TOMVS QVARTVS

Complectens


Opera Beati Guillelmi quondam Abbatis S. Theodorici, pòst Monachi Signia-  
censis, quorum ipse Catalogum texuit.

Disputationē Abbatis anonymi adversus Petrum Abaëlardum; qua etiam impo-  
situræ ejusdem Abaëlarði adversus S. Bernardum confutantur.

Disputationem Iacobi de Thermis, Abbatis Caroliloci, adversus impugnatores  
exemptionum & privilegiorum Canonicis & Religiosis à Summis Pontificibus  
concessorum.

Cum annotationibus pauculis in fine operis.

*Labore & studio F. BERTRANDI TISSIER, Doctoris Theologi, Boni-fontis  
in Therascia ejusdem Ordinis Prioris.*



BONO-FONTE,  
Anno Domini. M. DC. LXII.

*Venit Parisijs in Collegio S. Bernardi, & in vico S. Iacobi apud Edmundum Conteros,  
sub signo Boni-Pastoris*

PERMISSV SVPERIORVM.

RECEIVED  
MAY 12 1912

2 V 12

SIGNATURE OF WILSON AND OTHERS  
SIGNED AND DELIVERED BY THE

ATTEST

Notary Public for the State of New York  
In and for the County of New York  
I, the undersigned, do hereby certify that the foregoing is a true and correct copy of the original of the same as the same appears from the records of the said County of New York.

Witness my hand and seal this 12th day of May, 1912.



# REVERENDO ADMODVM PATRI ET DOMINO

DOMINO ROBERTO PEAN VALLIS-CLARÆ ABBATI

**Q**UO PVS ingens aggressus sum, Reuerende admodum Pater, & Domine, cum ad veterum Ordinis Cisterciensis Patrum monimenta literaria typis excudenda animum addixi. Nec defuit tunc, qui velut alter Iethro mihi insuffurraret. *Vlra vires tuas est negotium: solus illud ferre non poteris.* Sanè præter varias ad diuersa loca peregrinationes, ad codices conquirendos susceptas, præter laborem, quæ in illis describendis exhaurire oportuit, præterq; impensas viarum, immensi lumpus typographiæ erant ferendi: quibus vix inchoandis parem me esse sentiebam. Non despondi tamen animum, & quod mente conceperam, parturiri: sed vires non habebam parturientas, donec tandem obstetricante benigna manu tua, feliciter in lucem eductus est tergeminus fœtus. Ecce autem & quartus, qui mihi quidem primus olim, aut etiam solus, fuerat in mente. Quem proinde tibi nuncupandum censeui: ut hæc publica confessione, quantum tibi obstrictus sim, fiat omnibus manifestum. Tu mihi velut alter Ambrosius Adamantio, ad hoc literarium opus sumptuum partem non modicam suppediasti, pecuniæ aliquid liberaliter erogando, multum etiam absque spe scenoris mutuando. Quo adjuncto auxilio Guillelmum quondam cenobii tui vicini Presulem, aliosque ei subiunctos, è tenebris, in quibus diu latuerant, erutos, in lucem educo, atque gratitudinis ergo nomini tuo nuncupatos adduco. Vale, Reuerende Pater, & Domine: meque fovere, ut cœpisti, perge,

addictissimum tibi servum

F. B. TISSIER.

## IN OPERA BEATI GVILLELMI

### PREFATIO.

Vitam & Catalogum librorum ejus exhibens.

*Ex Anonymo Scriptore, ac ex vita & epistolis S. Bernardi, & ex Chronico Signiacensi.*

**B**EATVS GVILLELMVS Leodij genere nobili ortus, adolescens studiorum causa Remos missus, absoluta encyclopædia Religionis vestem in cenobio S. Nicasij Remensis induit, & post aliquot annos S. Theodorici ad Remos Abbas est electus. Circa illud tempus fama virtutum S. Patris Bernardi longè lateque jam diffusa, Claram-vallem adiit, & cum Sancto Viro sacrum fœdus inijt, atque ab eo die arctissima illi necessitudine deinceps fuit; de qua multa scribit ille lib. 1. vita ejusdem S. Bernardi: ubi etiam ait, se, cum in suo S. Theodorici Cenobio aduersa laboraret valetudine, à S. Bernardo Claram-vallem accersitum, & per B. Gerardum ejus fratrem illuc deductum: ubi quantum ex convictu & sermonibus Sancti profecerit, declarat. Mutuum hunc amorem eorum scripta demonstrant. Guillelmus in epist. qua præcedit librum De Sacramento Altaris, sic Patrem Sanctum salutat. Carissimo suo electo ex millibus, suus ille seipsum. Et in alia, qua non extat. Suus ille, inquit, quod suus. Huic respondet epist. 86. S. Bernardus pari quoque salutatione. Epistola autem 85. amicum cum eo expostulat, quod scripisses, minus se à D. Bernardo diligi, quam Bernardum à se. Fortè, inquit, verum est, quod dicis, minus scilicet à me amari te, quam me diligis: sed certe certus sum, certum non esse tibi. Et infra Deum alloquens. Quod, inquit, diligam illum sc. Guillelmum, ex dono tuo & suo merito, tu scis, & ego sentio: quatenus autè diligam, tu scis, ego nescio. Deniq; S. Bernardus suum De gratia & libe. urb. librum, itemq; Apologiam pro Cisterciensibus, Guillelmo; & hic vicissim suum de Sacramento Altaris opusculum, & alterum aduersus Petrum Abbatem Bernardum nuncupavit: in quibus etiam quanti alter alterius eruditionem estimaret, declaratur. Guillelmi siquidem censuram pro evulgando aut supprimendo libro prædicto expectare se dicit S. Pater: qui & epist. 79. ab Abbate Cisterciensi consultus, Guillelmi nostri sapientiam his verbis commendauit. Miror, quid tibi visum fuerit, me tam remotum expetere consultorè: cum prope habeas virum sapientem, vestri Ordinis, & tuæ præcipuè domus amatorem, Guillelmum Abbatem S. Theodorici;

Tam tanta inter illos animorum esset unio, aptaretque Guillelmus ad Cisterciensem Ordinem migrare, distulit tamen illam migrationem S. Bernardus: ut ex eius epistola 86. constat. Prævaluit tamen Guillelmus, ac Signiacense cœnobium alyt: ubi reliquum vita tempus egit. Testes sunt Anonymus vita Guillelmi scriptor, & Burchardus Abbas, in notâ, quæ sequitur librum l. vita S. Bernardi: uterque autem synchronus fuit horum Sanctorum. Idem testatur Chronicon Signiacense, & passim alij codices manuscripti Ordinis, quorum quidam maxè producendi. Prius autem quam Signiacum peteret, cum Sueffionem iret, consulturus quemdâ amicum, sopore grami in via caput urgeri: & sub arboris prope Bazochias dormienti beata Virgo apparuit, caput eius blande cõplectens ac demulcens, & mirâ suavitatē animum eius afficiens. Cum autem Signiacum adisset, eius secessum moleste ferentes Abbates viciunt interpretia. D. Rainaldi Remensis Archiepiscopi autoritate, & missa ad eum legatione, illum renocare tentarunt, sed non profecerunt. Postea uerò gravi tentione concussus, est super asperitate victus: sed à monacho, qui eum secutus erat, & Præpositus S. Theodorici olim fuerat, roboratus est, ut prius Christus ab Angelo. Socios habuit à doli in monasterio alios duos insignes viros, Arnulphum fratrem domini de Moriomet, Abbatem S. Nicasis, Reppensis, & Gerardum fratrem Domini de Orcimonte, Abbatem Florinensem: qui cū duodecim è suis monachis Signiacum venerat. Guillelmo nostro aliquando in ipso Signiacensi cœnobio egrotanti monachus quidam affluens furno pressus vidit matronam venerabilem sibi pelliceam offerentem, ac dicentem, his operi illum. Monacho autem quærenti, quamnam ipsa esset, respondit: Ego sum Domina de Bazochijs. Ignorabat ille, quid hoc esset, neque B. Virginem alias Guillelmo, prope Bazochias apparuisse. Mox autem conualuit Guillelmus, postquam, ei visio hæc suam monachum indicauit. Demum vita sua cursum sancto sine beatus Guillelmus absolvens, obdormiit in Domino: Corpus eius in Claustro, juxta introitû Capituli, traditum est sepultura. At octogesimo circiter ætate post mortem, translatus est cum corporibus prædictorum Arnulphi & Gerar. Domino Egidio nono Signiaci Abbate: de quo præfatum chronicon. Ipse ossa D. Guillelmi quondam Ab. S. Theodorici, Arnulphi Ab. S. Nicasis, & Gerardi Ab. Florinensis, de tumulis in quibus usque ad tempus illud jacuerant, leuauit, & eadem intra murum oratorii, & juxta introitum Ecclesiæ, à parte claustris, in quadam theca cum honore debito collocavit. Huic autem translationi vicini Abbates interfuerunt. Effigies eorum ibi depictæ adhuc cernuntur, & nomina subscripta. Porro quidam monachus ei familiaris olim rogauit eum, ut post mortem suam, dignaretur visita hæc, quod & promiserat B. Guillelmus: qui elapso anno eidem cum aly duobus apparuit, rogatus, quomodo sibi esset, bene, inquit, mihi erit. De se quoque monachus ille sciscitatus, quando esset mortuus, unus ex comitisbus Guillelmi respondit, nondum eum oportere hoc scire. Multum autem perpendebat idem monachus verbum illud, bene mihi erit: quo tantus vir significabat, se nondum gloriam affectum esse. Nec tamē consequens erat, eum purgari orio igne puniri; cum multi post mortē solo desiderio purgatorio affligantur post penam ignis, aut sine illa. Quæ de re nos in Apologia pro Casario. Nunc de Scriptis Guillelmi agendum.

Hoc v. catalogum texuit ipse in epistola ad P. de Monte-Dei prefixa libro, De vita solitaria, non qualis passim cernitur, mutila scilicet & media sui parte truncata, sed qualis in bibliothecis Ordinis reperitur: nominatimq; in Signiacensi, ubi illa ab autore exarata fuit: qui exordium ducit ab ipso libro De vita solitaria, quem vocat laborem suum quotidianum: alij enim libri quos postea recenset, jam editi erant. Hi autem sunt. Speculum Fidei, Enigma Fidei, Liber De contemplando Deo, Liber De natura & dignitate amoris, Libellus De Sacramento Altaris, Meditationes, In Cantica Canticorum, usq; ad illum locum, Paulul. cum pertrāsisset eos, &c. Contra Petrum Abaelardum, Expositio Epistola ad Romanos, Sententia Fidei, Liber De natura corporis: & Liber De natura animæ. Scripsit & idem Pater postmodum librum primum vita S. Bernardi, cui immortalis est Librum autem De vita solitaria, ad Pat. de Monte-Dei, S. Bernardo à quibusdam ascriptum, illius non esse, iam dudum persuasum fuit etiam ipsi, qui veteres operū eius editiones adornarunt. Nam codices omnes typis cusi, ante librum illum hanc notâ habent. Hactenus habes opera, à D. nostro Bernardo cõposita: proinde quæ sequuntur illam notam, S. Bernardi esse negantur. Inter illa autē, quæ illius esse negantur, primo loco ponitur liber ille, seu epist. Ad Frat. de Monte-Dei. Codices verò manuscripti ad unū omnes opusculum illud Guillelmo Abbati S. Theodorici ascribunt. Vidi Signiacense, quo & usus sum, exemplar: vidi & Longipontanum, ac Carolitocense. Dunense se vidisse testatur noster Henriquez, alij alia: quæ omnia Guillelmum parentem agnoscunt. Non ster item Manrique eundē librum eidem Auctori indubitanter tribuit. Bellarminus item Opusculum ipsum ait spiritum Bernardi habere, non stylum: cõmuniter autem tribui Guillelmo. Anonymus quoque scriptor vita ipsi Guillelmi, in catalogo operū eius librum illum De vita solitaria ponit. Extat & vetus codex in cœnobio S. Theodorici continens eorundem operum catalogum, in quo etiam idem liber, seu Epistola ad Carthuf. scripta, memoratur. Olim etiam in cœnobio Montis-Dei ipsum authographum Guillelmi habebatur ut testatus est mihi venerabilis Dominus Ganeron, ejusdem loci Religiosus; qui exemplar ex illo descriptum habet. Denique, qui librum illum scripsit, cum sibi vindicet duodecim alia opuscula jam recensita, si librum illum S. Bernardo tribuimus, ei etiam tribui duodecim alia prædicta opuscula debent: quæ tamen Guillelmi nomen præferunt. Illius ergo est & prædictus liber De vita solitaria ad Patres de Monte-Dei. LIBRUM de Sacramētis quidam Anselmo tribuunt, sed immerito. 1. Quia Anselmus jam obierat, quando editus est liber ille. Nam Edinernus Anselmi discipulus, in eius vita, ait illum anno 1093. creatum Episcopum, & in Episcopatu vixisse annos 13. Ideoq; obiit anno 1106. At liber ille de Sacram. Altaris scriptus est post annum 1111. Prior enim pars hujus libri ad Rupertum Tuitiensem scripta est, ejusque verba, quæ habentur lib. 2. de Offic. c. 9. refutantur. At libri de Officijs scribebantur an. MCXI. Nam lib. 8. C. 4. refert miraculum ipso an. factum. Hoc, inquit, sancto Paschæ sabbato, quo cereo annus ab Incarna. Mille simus centesimus vndecimus inscriptus est, &c. Non potuit autem Anselmus refutare librum post eius mortem scriptum. 2. Edinernus in catalogo operum Anselmi non meminit hujus insignis libri De Sacramento Altaris: cur autem illum omisisset si hunc Anselmus scripsisset? Deniq; hic liber in manuscriptis Guillelmo passim ascribitur, Anselmo nunquam. Duo exemplaria habui ex Signiacensi cœnobio: utrumq; autem quinquies exprimit nomen Guillelmi authoris. Sic & exemplar Vallis Clara. In Cœnobio item Igniacensi libris Rupertis De Officijs, præmittitur Epistola prædicta, quæ eius errorē cõfutat, & Guillelmo nostro tribuitur eadem epistola. Circa disputationem adversus Abaelardum nota, extare aliâ Disputationem cujusdâ Abbatis adversus eundem, tribus libris cõprehensam, sed imperfectâ, & ex qua præridem exciderunt nonnulla. quæ Gausfr. Ab. Altacumba amissa quondâ querebatur: sed illa usq; hodie manet imperfecta. Hanc nostro Guillelmo quidam ascripserunt: verum, quæ hic exhibet, ex Signiacensi cœnobio, ubi scripta est ab Authore nostro, sumpta est. Quis fuerit aliter Abbas ille, ignoratur. Vt tamen curiosi fiat satis, illam addere visum fuit.



# B. GUILLELMI COENOBII S. THEODORICI

AD REMOS QVONDAM ABBATIS,  
LIBER DE VITA SOLITARIA.

## PRÆFATIO

*Sive Epistola ad Patres Carthusienses de Monte-Dei, non mutila, & plusquam media sui parte truncata, ut hactenus inter opera S. Bernardi edita est, sed plena & perfecta; ejusdem libri & omnium operum Authoris nuncupatoria.*



ARISSIMIS Fratribus & Dominis N. Priori & cæteris, fabricatū delicatum. Pene ipudenter, & plusquam decebat, os meum patet ad vos, Carissimi fratres Christi, nō possum tacere, Deus scit. Ignos-

cite, quia cor meum dilatatum est. Dilatamini & vos obsecro, in visceribus vestris, & capite nos: quia totus vester sum in eo, in cujus visceribus invicem cupimus vos. Ideo ex quo recessi à vobis vsque nunc, qualemcumque laborem meum quotidianum statui dedicare, non vobis, qui nō indigetis; sed F. Stephano & socijs ejus fratribus iunioribus & novitijs venientibus ad vos, (quorum doctor Deus solus est;) ut habeant & legāt, si fortè ibi aliquid inuenerint utile sibi ad solatium solitudinis suæ, & sancti propositi incitamentum. Offero quod possum, bonam voluntatem: ipsamque à vobis repeto cum fructibus suis. David saltādo placuit Deo, non propter saltum, sed propter affectum. Similiter & mulier quæ vnxit pedes Domini, laudata est à Christo, nō quia vnxit, sed quia amavit: & quia quod habuit hoc fecit, in eo justificata est. Deinde vobis etiam arbitratus sum dedicandum aliud quoddam opusculum, quod in consolationem suam, & in adiutorium fidei facere me compulit fratrum quorundam plus anxiam quam periculosa necessitas: quorum tristitia plurimum mihi facere solet gaudium, nisi quod eos contristatos videre non possum. Præ magnitudine quippe non solum fidei, sed etiam amoris, exosum adeo habent quidquid videtur esse contra fidem, ut si vel ad modicum seu ex spiritu blasphemiarum, seu ex ipso sensu carnis fuerint super hoc attentati vel pulsati, quasi ex solo auditu vel tactu læsam omnino in semetipsis æstiment conscientiarum pietatem vel puritatem: & miserabiliter desceant semetipsos quasi reprobos circa fidem. Quibus & contingit à sæculi tenebris ad purioris vitæ exercitia venientibus, quod contingere solet repente prodeuntibus ad

lucem à diutinis tenebris: ut sicut in illis lux ipsa, quæ cætera videnda sunt, primò irruens infirmis oculis sit molesta: sic & isti ad primum fidei lumen cæcutiant, nec insolitos novæ lucis radios possint sustinere, donec ipso lucis amore adfuescant. Diuiditur autè illud opusculum in duos libellos, quorum primum, quia planus & facilis, Speculum fidei, alterum verò, quia rationes & formam fidei secundum dicta & sensum Catholicorum Patrum summatim continere videtur, & est aliquantulum obscurior, Enigma fidei vocari statui: plus in hujusmodi studio fugiens otiositatem inimicam animæ, (quippe quem senium & ægritudo à communi labore, jam non quidem ut emeritum, sed ut pigrum & inutilem relaxat,) quàm cæterorum eruditioni insistens, quæ reuera non est speciosa in ore peccatoris; & illos tantummodò decet, qui quod dicendo plantant, viuendo confirmant. In primo quò accedere debeat, in secundo qua etiam cautela incedere, rudis docetur auditor. Nam hoc quoque ordine Dominus ad discipulos dicit. *Et quò ego vado scitis, & viam scitis*, Vnde & propheta. *Divinitia inquit, salutis sapientia & scientia*. Nam etiam in psalmo primum *dies diei eructat verbum*; postea verò, *nox nocti indicat scientiam*, Sunt præterea & alia opuscula nostra: tractatus duo, primus De contemplando Deo, alter De natura & dignitate amoris: Libellus de Sacramento altaris: Meditationes novitijs ad orandum formandis spiritalibus non vsquequaq; inutiles: & super Cantica Canticorum, vsque ad illum locum, *Paululum cum pertransissem eos, inveni quem diligit anima mea*. Nam contra Petrum Abaelardum, qui prædictum opus ne perficerem effecit, (neque enim integrum mihi fore arbitrabar tā delicato intus vacare otio, ipso foris fines fidei nostræ nudato, ut dicitur, gladio tam crudeliter depopulante,) contra ipsum, inquā, quod scripsi, quia de fontibus Sanctorum Patrum hausi quod dixi, quemadmodum in Epistolā ad Romanos, & in cæteris, de quibus infra dicturus sum, in quibus aut nihil omnino, aut non multum de meo dixi, melius est, si ita placuerit, ut suppresso nomine nostro inter anonyma relin-

*Speculū fidei & Enigma libri Guillelmi.*

*Ioann. 14. Isaia 33.*

*Psal. 44.*

*Recenset Author alios libros suos.*

*Librum de vita solita. dedicas.*


*2. Reg. 6.*

*Luc. 7.*

quantur, quàm vt prædixi, quæ non pepericō-  
gregare videar. Excerpti enim ex libris S. Am-  
brosij quicquid in eis differuit super Cantica  
Canticorum, opus grande & inclytum: simili-  
ter & ex B. Gregorij, sed diffusius quàm Beda  
fecerit. Nam idem Beda, vt nostis, vltimū in cē-  
teris libris suis, hanc ipsam exceptionem consti-  
tuit. Sententias de fide quas de Beati maxime  
Augustini libris extraxi, si vultis transcribere,  
fortes nimirum & graues sunt, cum supradicto  
opusculo, quod *Ænigma fidei* intitulari placuit,  
magis congruunt. Est etiam aliud opusculum  
nostrū De natura animæ, scriptum sub nomine  
Ioannis ad Teophilum: cui, vt de toto homine,  
(quasi enim congruere videbatur,) aliquid per-  
stringerem, præmisi etiam De natura corporis:  
hoc ex eorum, qui corporibus medentur; illud  
autem ex eorum, qui curandis animabus inuigi-  
lant, libris decerpens. Itaque legite omnia, & si  
non primi, tamen, si ita videtur, vel vltimi: ne si  
in eorum manus deuerint, qui nihil ipsi faci-  
entes aliorum omnia rodunt, ego quoque, vt  
pote senex & deficiens, sicut de Isaac legitur;  
deficiens inquam, non gressu, sed sensu, illæsus

non possim effugere. Denique melius arbitror,  
si inutilia reperiantur, vt ea amicorum non tam  
iudicio quàm consilio vltor ignis absumat, quā  
vt in ea liuor irruens detractorum offendat. In  
pace enim vocauit nos Deus; & providēda sunt  
bona, non solum coram ipso, *sed etiam coram* Rom. 12.  
*hominibus: ut si fieri potest, quod ex nobis est, cum* Rom. 14,  
*omnibus pacem habeamus.* Hoc enim summo-  
pere monet idem Apostolus iudicandum, ne  
ponamus offendiculum fratri vel scandalum:  
quamquam si quis fraterno animo legerit, etsi  
nullam consolationem ex eis vel ædificationē  
accipiat: nihil tamen in eis, vnde scandalizari  
vel stomachari velut contra præsumptorem de-  
beat, reperturus est. Et vt de ædificatione tace-  
am, qui amicus est, sustinebit & in hoc, si qua est,  
insipientiam meam: nec sinistro oculo inter-  
pretabitur simplicitatem meam: tum maxime  
propter causam, quam superius dixi, quia scili-  
cet forensium prorsus ignarus operum, & non  
solum ætate, sed insuper infirmitate iam fract⁹,  
nisi sub huius studij patrocinio, otiositatis, quæ Eccli. 33.  
teste Scriptura *multa mala docuit*; nullatenus  
effugere dominium valuissim.

Genes. 27.



# LIBER B. GUILLELMI

## DE VITA SOLITARIA

### CAPVT PRIMVM.

*Vita solitaria per viros simplices restituta, sicut olim mundus per pauperes conuersus.*



**P**RATRIBVS de  
Monte-Dei, Orien-  
tale lumen, & anti-  
quum illum in Reli-  
gione Ægyptiū fer-  
vorem tenebris oc-  
ciduis & Gallicanis  
frigoribus inferenti-  
bus, vitæ scilicet so-  
litarie exemplar, &

cœlestis formam conversationis, occurre &  
concurrere anima mea in gaudio Sancti Spiritus,  
& risu cordis, in fauore pietatis, & in omni ob-  
sequio devotæ volūtatis. Quidni? Etenim epu-  
lari & gaudere in Domino oportet: quia Chri-  
stianæ religionis speciosissima portio, quæ cœ-  
los propinquius tægere videbatur, mortua erat,  
& revixit; perierat & inventa est. Auditū auris  
audiebamus, nec credebamus: legebamus in li-  
bris, & mirabamur de antiqua vitæ solitarie glo-  
ria, & magna in ea gratia Dei; cum subito inue-  
nimus eā in campis sylvarum, in Monte-Dei, in mon-  
te-pingui: vbi jam de ea pinguescunt speciosa  
deserti, & exultatione colles accinguntur. Ibi  
enim jam per vos offert se omnibus, & in vobis  
se demonstrat, & ignota hæcenus innotescit in  
paucis simplicibus; ipso nobis eam ingerente, qui  
in paucis simplicibus totum olim sibi mundum  
subjecit, ipso mundo mirante. Licet enim ma-  
gna & diuina planè fuerint miracula, quæ Do-  
minus gessit in terris: hoc tamen vnum super  
omnia alia enituit, cætera cuncta illustravit, quod  
sicut dictum est, in paucis simplicibus totum

mundum, & omnem sapientiæ ejus altitudinē  
sibi subjugavit. Quod & nunc cœpit operari in  
vobis. *Ita Pater, quoniam sic beneplacitū est ante* Matt. 11:  
*te. Abscondisti enim hæc à sapientibus & pruden-*  
*tibus hujus sæculi; & revelasti ea parvulis. Noli-*  
*te ergo timere pusillus grex,* ait Dominus: sed  
omnino confidite, *quia complacuit Deo Patri*  
*dare vobis regnum.* Videte enim, fratres mei, vo-  
cationem vestram. Vbi sapiens inter vos? Vbi  
scriba? Vbi conquistor hujus sæculi. Nam etsi  
sunt aliqui sapientes inter vos, per simplices ta-  
men sapientes aggregavit, qui reges olim & phi-  
losophos mūdi hujus per piscatores sibi subje-  
cit. Sinite ergo, sinite sapientes hujus sæculi de  
spiritu hujus mundi tumentes, alta sapientes, &  
terram lingentes, sapienter descendere in infer-  
num. Vos autem dum foditur peccatori fouea,  
sicut cœpistis, stulti facti propter Deum, per  
stultum Dei, quod sapientius est omnibus ho-  
minibus, Christo duce humilem apprehendere  
disciplinam ascendendi in cœlum. Vestra nam-  
que simplicitas jam multos provocat ad æmu-  
lationem. Vestra sufficientia & altissima pau-  
pertas jam multorum confundit cupiditatem.  
Vestrum secretū jam earum rerum, quæ tumult-  
um facere videntur, pluribus incutit horrorē.  
Siqua ergo consolatio in Christo, si quod sola-  
tium charitatis, si qua societas spiritus, si qua vis-  
cera misericordiæ, implete gaudium, non meum  
tantummodo, sed omnium diligentium nomen  
Dei: vt in varietate vestitus deaurati de auro sa-  
pientiæ Dei reginæ assistentis à dextris sponsi,  
vestro studio, vestrā instantiā, ad Dei gloriam,

Matt. 11:

Luc. 12.

1. Cor. 14

*Præcipuum  
Christi mi-  
raculum fu-  
it, quod per  
humiles mū-  
dū subegit.*

magnam coronam vestram, & gaudium omnium bonorum, hoc sanctæ nouitatis instauretur ornamentum. Nouitatem verò dico, propter linguas nequam, (à quarum cōtradictione abscondat vos Deus in abscondito faciei suæ,) hominum impiorum; qui cū manifestum lumen veritatis obnubilare non queunt, de solo nouitatis nomine caillantur, veteres ipsi, & in veteri mente nescientes nova meditari: vtres veteres non capientes vinum novum, quod si eis infunderetur, rumpentur.

## CAPVT. II.

*Quinam primi vita Religiosa & Eremitica cultores.*

*Vita Religiosa non est noua.*

**S**ed hæc nouitas, non est nouella vanitas. Res enim est antiquæ Religionis, perfectio fundatæ in Christo pietatis, antiqua hereditas Ecclesiæ Dei à tempore Prophetarum præmonstrata; jamque novæ gratiæ sole exorto in Ioanne Baptista instaurata & innovata; ab ipso Domino familiarissimè celebrata, ab ejus discipulis ipso præsentē concupita: cujus trāsfigurationis gloriam cū vidissent, qui cum eo in mōte sancto erant, continuò Petrus (in eo quidem abreptus sibi, & nesciens quid diceret, quia visa Dei maiestate commune bonum intra priuatum suum visus est concludere voluisse, in eo autem præsentissimus sibi, & scientissimus quid diceret, quia suauitate ejus gustata optimum sibi iudicauit in hoc semper esse,) vitam hanc in cōtubernio Dei & ciuium supernorum, quos cū eo viderat, concupiuit dicens. *Domine bonum est nos hic esse: si vis, factamur hic tria tabernacula, tibi vnum Moysi vnum, & Helie vnum.* In quo si auditus fuisset: factur⁹ proculdubio erat postmodum alia tria, sibi vnum, Iacobo vnum, & Ioanni vnum. Post passionem verò Domini calente adhuc in cordibus fidelium effusi ejus sanguinis recenti memoria, solitariā hanc vitā profitentibus, paupertatem spiritus sectantibus, & in spiritualibus exercitijs & in contemplatione Dei pingue otium altero in alterum zelantibus, deserta repleta sunt. Ex quibus legimus Paulos, Macarios, Antonios, Arsenios, & alios quamplures, in sanctæ hujus conuersationis re publica consulares viros, egregia nomina in ciuitate Dei, nobiles & triumphales titulos habentia de victoria hujus sæculi, & principis hujus mundi, & corporis sui, de cultu animi, & Domini Dei sui. Sileant ergo, qui in tenebris de luce judicantes, vos arguunt novitatis ex abundantia malæ voluntatis, ipsi poti⁹ arguendi vetustatis & vanitatis. Sed & laudatores & detractores semper estis habituri, sicut & Dominus. Laudatores præterite, & bonū quod in vobis amant, hoc in eis amate. Detractores dissimulate, & pro eis orate.

## CAPVT. III.

*Religiosis perfectio cordi esse debet.*

**E**t obliu quæ retro sunt, prætergressis scandalis, quæ juxta iter vobis à dextris & à sinistris posita sunt, in anteriora vestra vos extēdite. Si enim ad singula volueritis vel laudatoribus respondere, vel cum detractoribus litigare, tempus perditis, cujus in proposito sancto nō levis est iactura. A terris enim ad cælos festinantem qui moratur, et si non detinet, plurimum tamen nocet. Nolite ergo negligere, nolite tardare: grandis enim vobis restat via. Altissima est enim professio vestra. Cælos transit,

par Angelis est, Angelicæ similis puritati. Non enim solum vouistis omnem sanctitatem, sed omnis sanctitatis perfectionem, & omnis cōsummationis finem. Non est vestrum circa communia præcepta languere, neque hoc solum attendere, quid præcipiat Deus, sed quid velit; probantes, *quæ sit voluntas Dei bona, & beneplacens, & perfecta.* Aliorum est enim Deo seruire, vestrum adherere. Aliorum est Deum credere, scire, amare, reuereri: vestrum est sapere, intelligere, cognoscere, frui. Magnum est hoc, arduum est hoc: sed omnipotens & bon⁹ est, qui in vobis est pius promissor, fidelis reditor, & indefessus adiutor: qui magno ejus amore magna profitentib⁹, & in fide & spe gratiæ ejus majora viribus suis aggredientibus, & voluntatem & desiderium suggerit in idipsum: & qui voluntatis gratiam prærogauit, subrogabit etiam virtutem ad proventum. Cui cū fideliter fecerit homo, quod homo potuerit, calumniante calūniatore, ipse misericorditer pauperi suo iudicium faciet, & causam: quia quod habuit homo hoc fecit.

## CAPVT. IV.

*Religiosis cauenda elatio.*

**A**bsit tamen, fratres, à conscientia vestræ æstimatione, à paruitate & humilitate vestra, ab ore vestro, omnis altitudo; quia altum sapere mors est: & facile est in alto se contuentem obstupescere, & de vita periclitari. Nomen aliud vestræ professioni imponite: alium titulum operi vestro inscribite. Feras vos poti⁹ indomitas, & incaueatas bestias, (quæ aliter, & communi hominum more domari non poterant,) existimate & appellate: longè supra vos virtutē eorum suspicientes, & admirantes gloriam, qui ambidextri fortissimi, (sicut Ahod ille Iudex Israël, qui vtraq; manu utebatur pro dextera,) & quamdiu licet, deuotissimè intrus vacare amant charitati cōtemplandæ veritatis: & cū necessitas vocat, vel officium trahit, prōptissimè se foras mutuāt pro veritate adimplendæ charitatis. Caue etiam serue Dei, caue, ne quoscumque imitari non vis, damnare videaris. Volo hoc facias adhuc in ægritudine tua, quod, cū sanissimus esset, faciebat qui dicebat. *Veni Iesus Christus peccatores saluos facere, quorum primus ego sum.* Neque enim hoc dicebat Paulus mentiendi præcipitatione: sed æstimandi affectione. Qui enim perfectè examinādo semetipsum intelligit, suo peccato nullius peccatum par esse existimat, quod non sicut suum intelligit. Nolo ergo, vt nusquam artriseris lucere solem communem diei, nisi in cella tua: nusquam esse serenum, nisi penes te: nusquam operari gratiam Dei, nisi in conscientia tua. An solitariorum Deus tantum? Imò & cōmunium. Miseretur enim omnium Deus, & nihil odit eorū quæ fecit. Malo te cogitare, vbique esse serenū, nisi penes te: & pej⁹ te de te, quam de alio aliquo existimare. Cum timore poti⁹ & tremore vestram ipsorū salutem operamini.

## CAPVT. V.

*Virtus feruenter colenda ad posterorum exemplū.*  
**N**ec quales sint alij, sed quales ex vobis hāt, (quantum in vobis est,) cogitate, non solummodo qui modò sūt, sed & qui post futuri sūt; quos in proposito sancto estis habituri imitatores. Ex vobis enim, ex vestro exemplo, & vestra authoritate, in regione hac pendere habet tota

*Religiosa professio Angelica est.*

*Rom. 12*

*Quam humiliter de se sentire debeat Religiosus.*

*1. Timot. 1.*

*Qui bene se examinat, se peccatorū maximum indicat.*

*Cænobitæ hic communes appellantur.*

*Laudatores & detractores habent Religiosi.*

*Primi Religiosi post-  
eris sunt lex.*

posteritas hujus vestri Ordinis sancti. Vos in eo patres, vos in eo institutores cum debita imitationis reuerentia appellabimini à successoribus vestris. Quidquid à vobis statutum, quidquid vobis tenentibus & seruantibus in consuetudinem fuerit missum; absque omni retractatione à posteris vestris tenendum erit & seruandū: nec fas erit ab aliquo immutari. Sic enim de vobis erit apud eos, sicut de incommutabilibus legibus summæ & æternæ veritatis est apud nos: quas scrutari omnibus expedit & scire; non autem licet alicui dijudicare. Deo autem gratias, quia nec indignum vobis erit, nec inutile posteris, si piè, si fortiter & vos tenueritis, & ipsi in vobis fideliter imitentur, quod interim tenetis. Et si quid adhuc aliter sapere oportuerit, & hoc vobis Deus reuelabit. Saluā enim per omnia Carthusiæ sanctitate debita, & cum omni laude prædicanda reuerentia: multa in Alpibus illis horrendis & continuis frigoribus necessaria sunt, quæ frugalem sufficientiam & voluntariam paupertatem sectantibus in his dumtaxat regionibus non adeo necessaria videntur. Intelligitis quæ dico: dabit enim vobis Dominus intellectum. Gaudeo autem in vobis, & licet absens corpore, sed præsens spiritu, & videns ordinem vestrum, sed feruorem spiritus, sed abundantiam pacis, sed gratiam simplicitatis, in proposito rigorem, in dilectione mutuam ipsam Sancti Spiritus suauitatem, & plenā omnino in conuersatione vestra formam pietatis, in recordatione Montis-Dei totus exulto: & primitias Sancti Spiritus, & pignus gratiæ in spem crescentis in ea religionis deuotus adoro.

## CAPVT VI.

*Montis-Dei incola quid agere debeant.*

*Psalms. 23.*

*Genes. 32.*

*1. Cor. 13.*

*Quis in vanum animam  
acceperit.*

*Pietas.*

*1. Timo. 4.*

**N**am & ipsum Montis-Dei nomen bonæ spei præfert omen: scilicet, quoddam, sicut Psalmista dicit de Monte Dei, habitatura sit in eo generatio quærentium Dominum, quærentium faciem Dei Iacob, innocens manibus, & mundo corde, quæ non accepit in vanum animam suam. Ipsa est enim professio vestra, quærere Deum Iacob, non communi omnium more; sed quærere faciem Dei, quam vidit Iacob, qui dixit: *Vidi Dominum facie ad faciem, & salua facta est anima mea.* Faciem enim Dei, hoc est cognitionem ejus quærere. Facie ad faciem, quam vidit Iacob, de qua etiam dixit Apostolus: *Tunc cognoscam, sicut & cognitus sum: & nunc videmus per speculum in enigmate, tunc autem facie ad faciem, videbimus eum sicuti est.* Hanc in hac vita semper quærere per innocentiam manuum, & munditiam cordis, ipsa est pietas; quæ sicut dicit Iob, *cultus Dei est.* Quam qui non habet, in vanum accipit animam suam hoc est, frustra vivit, vel omnino non vivit: dum non vivit ea vita, propter quam ut in ea viueret, accepit animam suam. Pietas enim hæc est jugis Dei memoria, continua intentionis actio ad intelligentiam ejus, indefessa affectio in amorem ejus, ut nulla vnquam inueniat seruum Dei, non dicam dies, sed hora, nisi vel in exercitij labore, & proficiendi studio, vel in experientie dulcedine, fruendi gaudio. Hæc est pietas, de qua Apostolus dilectum sibi discipulum admonet, dicens. *Exerce te metipsum ad pietatem. Nam corporalis exercitatio ad modicum utilis est: pietas verò ad omne opus bonum est utilis: habens promissionem vite quæ nunc est, & futura.*

Pietatis enim non solummodo formā, sed & veritatem in omnibus, & præ omnibus, habitus vester repromittit, propositum vestrum requirit. Nam sicut apostolus dicit, sunt aliqui *formam quidem pietatis habentes: virtutem autem ejus abnegantes.* Hanc quicumque vestrum non habet in conscientia, non exhibet in vita, non exercet in cella, non solitarius, sed solus dicendus est. Nec cella ei cella, sed reclusio & carcer est. Verè enim solus est, cum quo Deus non est: verè reclusus est, qui in Deo liber non est. Solitudo enim & reclusio sunt nomina miseriæ. Cella autem nequaquam debet esse reclusio necessitatis, sed domicilium pacis: ostium clausum non latebræ, sed secretum. Cum quo enim Deus est, numquam minus solus est, quàm cum solus est. Tunc enim liberè fruitur gaudio suo: tunc ipse suus est sibi, ad fruendum Deo in se, & se in Deo. Tunc in luce veritatis, in sereno mundi cordis vltro pater sibi pura conscientia: & liberè se in se fundit affecta de Deo memoria: & vel illuminatur intellectus, & bono suo fruitur affectus, vel liberè se ipsum deslet humanæ fragilitatis defectus.

## CAPVT VII.

*Cella & Cæli parallela.*

**P**ropter hoc secundum formam propositi vestri habitates in cælis potius quàm in cellis, excluso à vobis toto sæculo, totos vos includitis cum Deo. Cella siquidem & cæli habitatio cognata sunt: quia sicut cælum & cella ad inuicem videntur aliquam habere cognationem nominis, sic & pietatis. Ac cælum enim cælum & cella nomen habere videntur: & quod cælatur in cælis, hoc & in cellis. Quod geritur in cælis, hoc & in cellis. Quidnam est hoc? Vacare Deo, frui Deo. Quod cum secundum ordinem, cum piè & fideliter celebratur in cellis: audeo dicere, sancti Angeli Dei cellas habent pro cælis, & æquè delectantur in cellis ac in cælis. Nam cum in cella jugiter cælestia actantur; cælum cellæ & sacramenti similitudine, & pietatis affectu, & simili operis affectu proximum efficitur: nec jam spiritui oranti, vel etiam à corpore exeunti, à cella in cælum longa vel difficilis via invenitur. A cella enim in cælum sæpe ascenditur: vix autem vnquam à cella in infernum descenditur: nisi, sicut dicit Psalmista, *descendant in infernum viuentes*, videlicet ne descendant morientes. Hoc enim modo sæpe cellarum incolæ in infernum descendunt. Sicut enim assidue contèplando reuifere amant gaudia cælestia, ut ardentius ea appetant: sic & dolores inferni, ut horreant & refugiant. Et hoc est, quod imprecantur inimicis suis orantes, scilicet ut descendant in infernum viuentes. Moriens autem vix aut numquam aliquis à cella in infernum descendit: quia vix vnquam aliquis nisi cælo prædestinatus, in ea usque ad mortem persistit. Filium enim gratiæ, fructum ventris sui cella fouet, nutrit, amplectitur, & ad plenitudinē perfectionis perducit, & colloquio Dei dignum efficit: alienum verò vel suppositum abdicat à se citius & proicit. Vnde ait Dominus ad Moysen, *Solve calceamenta pedum tuorum: locus enim in quo stas, terra sancta est.* Morticinum enim mortuarum affectionum, vel hominem mortuum à corde, locus sanctus vel terra sancta nequaquam diu paritur. Cella terra sancta, & locus sanctus est: in qua Dominus

*2. Timo. 3.*

*Solus est, cum  
quo Deus  
non est.*

*Inclusi cum  
Deo Religiosi.*

*Psalms. 54.*

*Quinā vi-  
uentes in in-  
fernum des-  
cendant.*

*Exod. 3.*



In Templo  
& in Cella  
eadem tra-  
ctantur.

& servus ejus sæpe colloquuntur, sicut vir ad amicum suum. In qua crebrò fidelis anima Verbo Dei coniungitur; sponsa sponso sociatur, terrenis cœlestia, humanis diuina uniuntur. Si quidem sicut templum sanctum Dei, sic cella est serui Dei. Et in templo enim & in cella diuina tractantur: sed crebrius in cella. In templo visibiliter & figuratimè aliquando Christianæ pietatis sacramenta dispensantur: in cellis verò sicut in cœlis, ipsa veritate, ipso ordine, etsi nondum ipsa puritatis maiestate, vel æternitatis securitate res ipsa omnium sacramentorum fidei nostræ assidue celebratur. Ideo, sicut dictum est, alienum, qui non est filius, citius à se projicit, quasi abortivum; euomit tamquàm inutilem ac noxium cibum: nec diu talem pati potest in visceribus suis officina pietatis: venique pes superbiæ, & asportat eum manus peccatoris, & mouet eum: & expulsus non potest stare; sed fugit miser nudus & tremebundus sicut Cain à facie Domini, expositus vitij & dæmonibus, vt qui prior inuenerit eum, morte animæ eum occidat: vel si aliquādiu duraverit in ea, nō virtutis constantia, sed pertinaci miseria, sic ei cella est quasi carcer, aut sicut viuenti sepultura. Pestilenti verò flagellato, sapiens sapientior erit: & lauabit iustus manus suas in sanguine peccatoris.

Prouer. 19.  
Psalm. 57.

CAPVT VIII.

Tres status Religiosorum, & virtutis studiosorum.

Ierem. 4.

Sicut ergo dicit Propheta, Si conuerteris Israel, ad me conuertere: hoc est perfectæ conuersionis culmen apprehende. Nulli enim in eodē statu diu esse conceditur. Seruo Dei aut semper proficiendum, aut deficiendum est: aut sursum nititur, aut in inferiora vrgetur. Ab omnibus autem vobis perfectio exigitur, licet non vniformis. Sed si incipis, incipe perfectè. Si jam in profectu es: & hoc ipsum jam perfectè age. Si autem perfectionis aliquid attigisti: te ipsum in temetipso metire, & dic cum Apostolo. Non quod iam apprehenderim, aut perfectus sim: sequor autem, si forte comprehendam, in quo & comprehensus sum. Vnum autem, quaquidem retro sunt obliuiscens, & ad ea que sunt priora extendens meipsum, ad destinatum persequor, ad brauium supernæ vocationis in Christo Iesu. Deinde addit. Quotquot ergo perfecti sumus, hoc sapiamus.

Philip. 3.

In quo sita  
perfectio.

Incipientijs  
status ani-  
malis, &c.

In quo manifestè Apostolo docente declaratur, quia perfecta eorum quæ retro sunt obliuio, & perfecta in anteriora extensio, ipsa est hominis iusti in hac vita perfectio: & perfectio hujus perfectionis ibi erit, vbi erit brauij supernæ vocationis perfecta apprehensio. Hoc autem modo sicut stella à stella distat in claritate, sic cella à cella, in conuersatione scilicet incipientium, proficientium, & perfectorum. Incipientium status potest dici animalis: proficientium rationalis, perfectorum spiritualis. Ignoscendum est in aliquib' aliquando eis, qui adhuc sunt animales; in quibus ignosci non debet eis, qui jam habentur quasi rationales. Rursumque rationalibus in quibusdam ignoscitur, in quibus non ignoscitur spiritualibus; quorū perfecta omnia esse debet, & imitatione & laude potius quàm reprehensione digna. Et cum ex his tribus hominū generibus constet omnis status religionis; quæ sicut proprijs nominibus distinguuntur, sic etiam dignoscuntur ex suorum proprietate studiosorum: debent omnes filij Dei

in die qui est, semper diligenter prospicere, quid desit sibi; vnde venerint; quovsq; pervenerint; & in quo proficiendi statu singulis diebus vel horis sua se æstimatio deprehendat. Sunt etenim animales, qui per se nec ratione aguntur, nec trahuntur affectu: & tamen vel auctoritate permoti, vel doctrina commoniti, vel exemplo prouocati, approbant bonum vbi inueniunt: & quasi cœci, sed ad manū tracti, sequuntur; hoc est, imitantur. Sunt rationales, qui per rationis iudiciū, & naturalis scientiæ discretionē, habent & cognitionem boni, & appetitum: sed nondum habent affectum. Sunt perfecti, qui spiritu aguntur: qui à Sancto Spiritu plenius illuminantur. Et quoniam sapit eis bonum, cuius trahuntur affectu, sapientes vocantur. Quia verò induit eos Spiritus sanctus, cuius affectu trahuntur, sicut induit olim Gedeonem, Spiritus sancti indumento spirituales appellantur. Primus status circa corpus se habet: secundus circa animam se exercet: tertius non nisi in Deo requiem habet. Quorum singuli sicut habent certam proficiendi rationem; sic in genere suo certam habent perfectionis suæ mensuram. Initium boni in conuersatione animali, perfecta obedientia est. Profectus, subicere corpus suum, & in seruitutē redigere. Perfectio, vñu boni consuetudinē vertisse in delectationem. Initium verò rationalis est intelligere, quæ in doctrina fidei apponuntur ei. Profectus, talia preparare, qualia apponuntur. Perfectio, cum in affectum mentis transit iudicium rationis. Perfectio verò hominis rationalis, initium est hominis spiritualis. Profectus ejus, reuelata facie speculari gloriam Dei. Perfectio verò, transformari in eandem imaginem à \* charitate in charitatem, sicut à Domini spiritu.

Animales  
ad manum  
tracti.

Rationales  
affectu ca-  
rentes.  
Perfecti à  
Spiritu illu-  
minati.

Indic. 6.

Singulorū  
profectus &  
perfectio.

\* Fortè  
à claritate  
in claris.

CAPVT IX.

Status Incipientium seu Animalium.

Vt ergo primum prosequamur de primo, scilicet de animali; animalitas est vitæ modus sensibus corporis seruiens, scilicet cum anima quasi extra se per sensus corporis circa dilectorum delectationes corporum affecta, eorum fruitione pascit vel nutrit sensualitatem suam: seu cum intra se regrediens, & corpora quibus forti glutino amoris & consuetudinis adhæsit, ad locū incorporeæ naturæ secūferre non præualens, eorū illuc secū trahit imagines, & amicabilem ibi cum eis conuersatur, quibus asluefacta cum nil putat esse, nisi vel quale foris reliquit, vel quale intus contraxit: inde quamdiu licet, iucundum habet secundū delectationes corporis viuere. Cum autem ab eis auertitur, nescit nisi corporea imaginando cogitare. Cum verò ad cogitanda spiritualia vel diuina se erigit: non aliud de eis, quàm de corporibus, vel de corporalibus potest æstimare. Hæc auersa à Deo fit stultitia, cum nimium intra semetipsam fuerit remissa, & tam bruta, vt regi vel nolit, vel non possit. Cum verò ipsa sibi per superbiam extra se nimium fuerit abrepta, fit prudentia carnis: & ipsa sibi sapientia esse videtur, cum stultitia sit, dicente Apostolo Dicentes se esse sapientes, stulti facti sunt. Porro ad Deum conuersa fit sancta simplicitas, hoc est eadem semper circa idem voluntas: sicut fuit in Iob, qui dictus est vir simplex & rectus, ac timens Deum. Proprie enim simplicitas est perfectè ad

Animalitas  
quid sit.

Rom. 1.

Iob 1.

Deum conversa voluntas; vnam petens à Domino, hanc requirens, non ambiens multiplicari in sæculo. Vel est simplicitas in conversatione vera humilitas, scilicet virtutis magis conscientiam amplectens quàm famam: cum non refugit vir simplex videri stultus in sæculo, vt sit sapiens Deo. Vel simplicitas est sola ad Deum conversa voluntas, scilicet nondum ratione formata, vt amor sit, id est formata voluntas: nondum illuminata vt sit Charitas, hoc est amoris iucunditas. Simplicitas ergo initium aliquod in seipsa habens creaturæ Dei, hoc est, voluntatem simplicem & bonam, quasi futuri boni hominis informem materiam, in primordio conversionis suæ offert auctori suo eam formandam. Iam enim cum bona voluntate habens initium sapientiæ, id est timorem Domini, ex ipso colligit, nec per se eam formari posse; nec quidquam tam expedire stulto, quàm seruire sapienti. Itaque homini se propter Deum subiiciens, ipsam ei bonam voluntatem cõmittit in Deo formandam in sensu & spiritu humili. Iam timore Dei incipiente operari in eo omnem virtutum plenitudinem, dum per iustitiam defert majori, per prudentiam non credit se sibi, per temperantiam refugit discernere, per fortitudinem totum se obedientiæ subicit, non discernendæ, sed adimplendæ. Hæc enim vxor est, cui à Domino præcipitur. *Et ad virum tuum erit conversio tua.* Vir ejus, ratio vel spiritus est; suus, vel alterius. Huic enim viro rectè obedit vir simplex & rectus in semetipso. Rectius autem sæpe ac tutius in altero, quàm in semetipso. Ex præcepto ergo Dei, & ipso ordine naturæ habere debet vxor ad virum, animalitas ad spiritum suum, vel spiritualem aliquem virum, cõversionem legitimam, hoc est obedientiam perfectam. Perfecta verò obedientia est, maxime in incipiēte, indiscreta: hoc est, nō discernere quid vel quare præcipiatur: sed ad hoc tantum niri, vt fideliter & humiliter fiat, quod à maiore præcipitur. Lignum enim scientiæ boni & mali in paradiso, censura discretionis est in conversatione religionis penes patrem spiritualem, qui diiudicat omnia, ipse verò à nemine iudicatur. Ipsius est discernere, aliorum est obedire. Adā gustavit in malum suum de ligno vetito, edo<sup>ct</sup> ab eo qui suggerendo ait. *Quare præcepit vobis Deus, vt de ligno non comederetis?* Ecce discretio, cur præceptum sit. Et addit. *Sciebat enim, quia qua die comederitis, aperientur oculi vestri, & eritis sicut Di.* Ecce vt quid præceptum sit, scilicet quòd Deos fieri non sinat. Discreuit, comedit, & inobediens factus est: & de paradiso eiectus est. Sic & animale discretum, nouitiū prudentē, incipientē sapientē, in cella diu posse cōsistere, in cōgregatione durare, impossibile est. Stultus fiat, vt sit sapiens; & hæc omnis sit ejus discretio, vt in hoc nulla sit ei discretio. Hæc omnis sapientiā ejus sit, vt in hac parte nulla ei sit. In eo verò, in quo se sibi animalitas ratioq; conterminant, in natura animæ humanæ relict<sup>9</sup> est à creatore bono intellectus & ingenium, & in ingenio ars, in quo constituit Deus hominē super opera manuum suarum, omnia sæcularia ista subiecit sub pedibus ejus: animali superbo, in testimonium naturalis dignitatis, & similitudinis Dei amissæ: simplici verò & humili in auxilium recuperandæ dignitatis & conseruandæ similitudinis. In hoc quod notum est Dei, ma-

nifestum est in illis. In hoc æstimatur de creatura creator. In hoc cognoscitur iustitia Dei: & quia qui bene agunt, digni sunt vita: qui verò aliter, digni sunt morte. In hoc creatura quæ sponte homini seruit, ad naturam subicitur & apratur, vt seruiat ad eam quæ ex peccato est, necessitatem, & ad voluntatem; & ad voluptatem. Hinc etiam quot & quanta vitæ huic necessaria, & à bonis & à malis hominibus facta sint, & fiant, omnibus manifestū est. Hinc enim in literis, vel opificijs, per innumerabiliter multiplices hominum ad inventiones tot processerunt modi studiorum, tot genera professionum, subtilitates exquisitæ scientiæ, artes eloquentiæ, dignitatum officiorumque varietates, & innumerabiles conquisitiones hujus sæculi: quibus homines illi etiam qui dicuntur sapientes hujus mundi, cum eis qui sunt simplices & filij Dei, pariter vtuntur ad necessitatem & vtilitatem. Sed illi abutuntur eis ad curiositatem & voluptatem; & superbiam: hi autē vtuntur eis propter necessitatem, alibi habentes suam suauitatem. Ideo illos seruos sensuum suorum & corporum suorum sequuntur fructus carnis suæ: qui sunt fornicatio, immunditia, superbia, luxuria, inimicitia, contentiones, æmulationes, ira, rixæ, dissensiones, inuidiæ, comestiones, ebrietates, & his similia: quæ quicumque agunt, regnum Dei non consequuntur. Hos autē, fructus spiritus; qui sunt charitas, gaudium, pax, patientia, benignitas, longanimitas, bonitas, mansuetudo, fides, modestia, continentia, castitas, & pietas, promissionem habens vitæ quæ nunc est, & futuræ. Hi vtrique quamdiu simul sunt in actu, homines videntur similes actiones: Deus autem voluntates discernit & intentiones. Cum verò vnusquisque redit in sua, vnūquemque ex fructibus intentionis suæ pascit cōscientia sua: nec tamen ab vtroque æquē ad conscientiam reditur: quia nemo amat ad eam redire post actionem, qui recta intentione ad agendum ab ea non proficiscitur. Qui tamen redit ad conscientiam, si nondum vicit concupiscentiam suam, inuenit ibi de ipsa concupiscentia sua vel suaves delectationes, vel graves corrosiones; & inde multiplicat cogitationes. Qui verò jam concupiscentiam vicit, quamdiu tamen veri boni major concupiscentia vel major delectatio mentem ejus non obtinuerit, cum exosa quadam voluptate gestorum, visorum, vel auditorum, patitur imaginationes: vnde in vtroque lumbi implentur illusionibus delectationum, & ad cogitanda diuina vel spiritualia lumen suorum oculorum & ipsum non est secum: qui cum pugnat contra concupiscentias, patitur molestias; quia vincere adhuc non præualeat ad perfectum affectiones. Qui verò jam ad libertatem aspirat, excutere à se non potest affectionum imaginationes; & noxias, vel occupatorias, vel otiosas, quæ exinde passim oriuntur, cogitationes. Huic in tempore psalmodiæ vel orationis, cæterorumque exercitiorum spiritualium, in corde serui Dei etiam nolentis & reluctantis imaginationes volvuntur, & phantasmata cogitationum versantur: à quibus velut ab avibus immundis insidentibus vel circumvolantibus sacrificiū deuotionis vel omnino rapitur de manu tenentis, vel sæpe polluitur vsque ad lachrymas offerentis. Fitque miserabilis & ipiqua miseræ animæ diuisio, spi-

*Simplicitas est vxor, vir ejus spiritus, proprius vel alienus. Genes. 3.*

*Perfecta obedientia indiscreta.*

*Ibidem*

*Rom. 1.*

*Galat. 5.*

*Fructus carnis.*

*Ibidem*

*Fructus spiritus.*

ritu & ratione voluntatem cordis & intentionē, & corporis sui promptum obsequium defendente: animali verò improbitate sibi affectum præripiente & intellectum; mente sæpius sine fructu remanente. Hinc in animis infirmiorib⁹, & in quibus concupiscentiæ carnis & sæculi necdum perfecte mortificatæ sunt, vitia passim curiositatis ebulliunt. Hinc solitudinis & silentij quæruntur inordinatæ, & proposito inimicæ consolationes: in via regia communium institutionum furtiua propriæ voluntatis diuerticula, solitorum fastidium, præsumptio nouitarum: quæquidem ægri animi pruritum & tædiū quasi confricando videntur ad horam lenire: sed calefaciunt & accendunt; & vt postea nequius ferueat, & amplius pruriat, efficiunt. Hinc quodiæ fiunt nquæ occupationes, novæ actionū & laborum adinventiones, lectiones diuersæ, non ad ædificandum animū, sed ad fallendum tardantis diei tædium: vt cūm damnauerit solitarius omnia vetera, omnia solita, & defecerint nova, non restet nisi odium cellæ, & fuga matura. Propter quod pia simplicitas, & in professione religionis & solitudinis novus homo qui non habet vel rationem ducentem, vel affectum trahentem, vel discretionem moderantem: sed vi quadam vtitur in semetipsum, tamquam à figulo figmentum, lege quadam mandatorū Dei quasi manibus alienis faciendus est & formandus in omni patientia, & in rota volubilis obedientiæ, & in igne probationis suæ, psalmatoris & formatoris sui voluntati & arbitrio subdendus. Nam & si caller ingenio, si viger arte, si præminet intellectu, instrumenta sunt hæc tam vitiorum quàm virtutum. Non ergo refugiat doceri vti eo in bono, quo & in malo vti potest, quod proprium virtutis opus est. Ingenium corpus adaptet, ars naturam informet, & intellectus non elatum faciat animū, sed docibilem. Ingenium quippe, ars, intellect⁹, & alia huiusmodi, gratuito habentur, aliter virtus. Virtus enim vult doceri cum humilitate, quæri cū labore, haberi cum amore. Nam cūm omnibus his digna sit, nec aliter doceri, vel haberi potest. Primum quidem docendus est rudis incola eremi, secundū Apostolicam Pauli institutionem, vt exhibeat corpus suum *hostiam viventem, sanctam, Deo placentem, rationabile obsequium* suum. Qui etiam compescens in novitio feruore animalis hominis, qui nondum percipit ea quæ Dei sunt, circa spiritualia ac diuina præproperam & curiosam inquisitionem, subjunxit dicens. *Disco enim per gratiā Dei quæ data est mihi, omnibus qui sunt inter vos, non plus sapere quàm oportet sapere; sed sapere ad sobrietatē.*

## CAPVT X.

*Mortificatio carnis ab incipientibus exercenda.*

**Q**uia enim omnis, vel præcipuè animalis hominis institutio circa corpus est, & exterioris hominis compositio, docendus est rationabiliter mortificare corpus suum, & mēbra sua quæ sunt super terram; & inter carnem & spiritum, quæ invicem iugiter aduersum se concupiscunt, iustum rationis ac discretionis habere iudicium; nec alicujus eorum in iudicio accipere personā. Docendus est sic habere corpus suum, sicut ægrotum commendatum, cui etiam multum volenti, inutilia sunt neganda, vtilia verò etiam nolenti ingerenda. Sic de eo agere, sicut de non suo, sed ejus à quo pretio

magno empti sumus; vt glorificemus eū in corpore nostro. Rursumque docendus est cauere, quod peccatori populo Dominus per Prophetam improperat: *Projecistis me, inquit, post tergum vestrum.* Multumque esse cauendum, ne pro necessarijs hujus vitæ vel commodis, à proposito rectitudine, vel dignitate naturæ in amorem vel honorem corporis sui sinat in aliquo degenerare spiritum suum. Ideoque durius tractandum est corpus, ne rebellet, ne insolescat; sic tamen vt seruire sufficiat: quia ad seruendum spiritui datum est. Nec sic habendum est, tamquam propter illud viuamus: sed tamquam sine quo viuere non possumus. Fœdus enim quod habemus cum corpore, non quandocumque volumus, possumus abrumpere: sed legitimam ejus resolutionem patienter nos expectare oportet; & interim quæ legitimi fœderis sunt obseruare. Sic ergo nobis est cum eo conuiuendum, vel conveniendum; quasi non diu nobis sit cum eo commorandum: sicque, vti aliter euenerit, non vrgeamus ad exeundum. In quomultum & scrupulosè laborandum, & periculosè sæpe fuerat errandū, nisi lex obedientiæ & cellæ plenam communis institutionis formā semel tradens ingredienti de victu & vestitu, de labore & quiete, de silentio & solitudine, & omnibus quæ ad exterioris hominis cultum vel necessitatem spectant, fratrem obedientem & patientem & quietum in reliquum cautū redderet & securum. In quibus sic semel circumcisa sunt omnia, & præcisa superflua, sic intra congruæ sufficientiæ terminos & generalis continentiæ limites circumscripta sunt omnia necessaria, vt sit quod fortes cupiant, & infirmi non refugiant; nec vltius quantitas concessorum lædere possit in aliquo vtentium cum gratiarum actione conscientiam: nec quæ sunt amputata, tentare debeant aliquatenus in seruo Dei corporis bene morigerati & rectè educati sufficientiā. In quibus sicut Salomon dicit, *qui ambulat simpliciter, ambulat confidenter*: qui verò mentis est duræ corruet in malū. Licet enim necessitas sic sit ordinata, vt nec querelæ sit locus ullus, & omnis sit superfluitas amputata: si quid tamen vel publicè vel priuatim addendū est, vel minuendum, hoc in prioris est arbitrio, absque omni scrupulo obedientium subditorū, vel periculo. Instituentus est ergo novus eremita ad communis institutionis normam concupiscentias carnis suæ præteritorum peccatorum penitentiā continuā domare, & ad contemnenda cætera ad sui ipsius contemptum venire.

## CAPVT XI.

*Præparandus est novitij animus ad tentationes, quarum sentina est otium.*

**P**æmuniendus est assiduè contra tentationes actius in solitarium nouitium desauientes, cūm seruum Dei gratis Deo seruientem nõ cessent sollicitare vitia, mercedem oblatæ delectationis diabolo suggerente, carne concupiscente, sæculo concupiscenda ingerente. Tentat enim nos Dominus Deus noster; vtrum diligamus eum, an non: non vt ipse quasi nesciens agnoscat, sed vt plenius hoc in ipsa nobis tentatione innotescat. Sed illæ tentationes facile vincuntur; & facile à ratione eis occurratur, quæ vel suspectæ sunt, vel prima facie malæ esse innotescunt. Quæ verò sub specie boni se inge-

*Incipiens alienis manibus formandus est.*

*Rom. 12.*

*Ibidem*

*Corpus in-*  
*star ægroti*  
*curandum.*

*3. Reg. 14.*

*Lex obedientiæ securū facit Religiosum.*

*Prouer. 16.*

*Quæ tentationes periculosiores.*

*Non otiosum est vacare Deo.*

*1. Cor. 11.*

*Corporalia exercitia sunt propter spiritualia.*

runt, & difficilius discernuntur, periculosius admittuntur. Sicut enim difficilimè tenetur modus in eo quod bonum esse creditur: ita non semper tutus est omnis boni appetitus. Omnium autem tentationum & cogitationum malarum & inutilium sentina, otium est. Summa etenim mentis malicia est otium iners. Numquam otiosus sit feruus Dei, quamvis feriatum sit. Nomen quippe tam suspectum & vanum & molle, rei tam certæ, tam sanctæ, tam severæ imponendum non est. Otiosum non est vacare Deo, negotium negotiorum omnium hoc est. Quod quicumque in cella non agit fideliter & feruenter; quodcumque agit, quod propter hoc non agit, scilicet ut Deo seruiatur; in eo quod agit, otiiatur. Vbi pro vitando otio otiosa sectari, ridiculum est. Otiosum autem est, quod nullam habet utilitatem, vel utilitatis intentionem. Non autem hoc tantummodo agendum est, ut cum aliqua delectatione vel sine grandi nausea otij dies transigatur: sed ut etiam de perfecta diæta ad profectum mentis sæpe aliquid in conscientia resideat, aliquid quotidie in thesaurum cordis congeratur. Nec ea die bonus cellita se vixisse debet existimare: in qua nil eorum se egisse recolit, propter quæ in cella viuatur. Quæris quid agas, vel in quo te occupes? Primum extra quotidianum orationum sacrificium, vel lectionis studium, quotidianæ conscientiæ discussioni, emendationi, morum compositioni pars sua diei neganda non est: deinde operandum est aliquid manibus quod iungitur; non tam quod animum delectando ad horam detineat, quam quod spiritualibus studiis delectationem conferuet & nutriat; in quo remittatur ad horam animus, non resoluatur: vnde se facile, mox ut sibi ad seipsum redeundum esse visum fuerit, expediat, sine controuersia inhibentis voluntatis, absque contagio contractæ delectationis, vel memoriæ imaginantis. *Non enim vir propter mulierem: sed mulier propter virum.* Non spiritualia exercitia sunt propter corporalia, sed corporalia propter spiritualia. Propterea sicut viro creato collatum est, vel comparatum ei adiutorium simile sibi ex ipsa hominis substantia: sic cum in adiutorium spiritualis studij necessaria sint, non tamen in hoc semper æquè conuenire videntur omnia corporalia exercitia; sed quæ cum spiritualibus propriorem videntur habere similitudinem & affinitatem: sicut ad ædificationem spiritualem meditari quod scribatur, vel scribere quod legatur. Subdualia enim exercitia & opera, sicut sensus distrahunt, sic sæpe etiã spiritum exhauriunt: nisi cum grauiore ruralium labore operum sit major contritiō corporis vsque ad contritionem & humiliationem cordis: fatigationis enim suæ pressurâ exprimunt sæpe vehementioris affectu deuotionis. Quod etiam in labore ieiuniorum, vigiliarum, & omnium, in quibus affectio corporis est, crebro fieri, manifestum est. Serius tamen animus & prudens ad omnem se comparat laborem: nec in eo dissoluitur, sed per eum magis in seipsum colligitur: qui semper præ oculis habens non tam quod agit, quam quod agendo intendit, omnis consummationis attendit finem. Quo in quantum verius innititur, intantum etiam feruentius & fidelius manibus operatur: totius sibi corporis sui subiciens seruitutem. Coguntur enim in vnum sensus à disciplina bonæ voluntatis; nec lasciui-

*B. Gualtheri S. Theodorici Abbatis,*

se eis vacat à ponderè laboris: & subacti & humiliati in obsequium spiritus, docentur conformari ei, & in laboris participatione, & in consolationis expectatione. Exordinata enim natura per peccatum, & à conditionis suæ rectitudine exorbitans, si ad Deum fuerit conuersa, recuperat citò pro modo timoris & amoris quæ habet ad Deum, quæcumque perdidit auersa: & ubi cœperit spiritus reformari ad imaginem conditoris sui, mox etiam reflorescens caro ex voluntate sua incipit cōformari reformato spiritui. Nam & contra sensum suum incipit eam delectare quidquid delectat spiritum suum. Insuper & pro multiplici defectu suo ex pœna peccati multipliciter sitiens ad Deum, nonnumquam etiam contendit præcedere rectorem suum. Delectationes enim non perdimus, sed mutamus à corpore ad animum, à sensibus ad conscientiam. Panis furfureus, & simplex aqua, & olera, & legumina simplicia, nequaquam res delectabiles sunt: sed in amore Christi & desiderio internæ delectationis, ventri bene morigerato grater ex his satisfacere posse, valde delectabile est. Quot millia pauperum ex his, vel ex aliquo horum satisfaciunt naturæ! Facillimum quippe & delectabile esset adjuncto amoris Dei condimento secundum naturam viuere, si infania nostra nos permetteret: qua sanata, statim naturalibus natura aridet. Eodem modo & de labore. Rusticus duos habet neruos, fortes lacertos: exercitatio hoc facit. Sine eū torpere, mollescit. Voluntas facit vsum; vsum exercitium: exercitiū vires in omni labore subministrat. Sed redeamus ad propositum. Hoc omnibus modis agat & labor & otium nostrum, ut numquam simus otiosi: & hoc semper sit negotium nostrum, ut perfecte consummetur in nobis, quod dicit Apostolus animalibus & incipientibus: *Humanum, inquit, dico, propter infirmitatem carnis vestra. Sicut enim exhibuistis membra vestra seruire immunditiæ & iniquitati ad iniquitatem: ita nunc exhibete membra vestra seruire iustitiæ in sanctificationem.* Audiat hoc hæcenus amicum corporis sui mancipium animalis homo, qui jam incipit corpus suum subdere spiritui, & adaptare semetipsum ad ea quæ Dei sunt percipienda, & ad exuendam fidei seruitutis necessitatem, & carnis suæ dominantem consuetudinem, se accingat: necessitatem faciat sibi contra necessitatem, & consuetudinē contra consuetudinem, & affectum sibi formet contra affectum: donec plenius mereatur accipere delectationem contra delectationem; ut delectationibus carnis ac sæculi secundum consiliū Apostoli saltem tantum eum delectet carere, quantum eum delectabat primò eas habere: tantum delectet eum de membris sui corporis seruire iustitiæ in sanctificationem, quantum prius delectabat eum seruire immunditiæ & iniquitati ad iniquitatem. Hæc est perfectio animalis hominis in suo statu, vel nouitij incipientis: qui cum cōsummauerit hoc animale vel humanum, si non respexerit retro, sed fideliter in anteriora se extenderit, citò perueniet ad illud diuinum; ut incipiat apprehendere sicut apprehensus est, & cognoscere sicut cognitus est. Hoc autem opus non in vno fit momento conuersionis: non est vni⁹ diei, sed multi tēporis, multi laboris, multifudoris: secundum gratiam Dei miserentis & studiū hominis volentis & currentis.

*Mens ad Deum conuersa non perdit delectationes, sed mutat.*

*Rom. 6.*

*Philip. 3.*

Caput

Cella virtutis officina.

Mutatio loci non sanat animu agram

Inconsulto magistro nil agendum.

**O**mnium verò bonorum horum officina est cella, & stabilis perseverantia in ea. In qua cuicumque cum sua paupertate bene conuenit, diues est: & quicumque bonam voluntatem habuerit, secum habet, quidquid ad bene viuendum ei opus est: quamvis bonæ voluntati non semper credi expedit, sed frangenda est, sed regenda est, & maxime in incipiente. Regat sanctæ obedientiæ regula bonam voluntatem, illa verò corpus: & doceat illud posse consistere in loco, cellam pati, secumque morari: quod in proficiente bonæ compositionis initium est, & certum bonæ spei argumentum. Impossibile est, hominem fideliter figere in vno animum suum, qui non prius alicui loco perseveranter affixerit corpus suum. Nam qui ægritudinem animi migrando de loco ad locum effugere nititur, sic est sicut qui fugit umbram corporis sui. Seipsum fugit, seipsum circumfert: locum mutat, non animum. Eundem ubique se inuenit, nisi quod deteriorem facit ipsa mobilitas: sicut lædere solet ægrum, qui circumferendo concurrit eum. Ægrum enim se sciat, & vacet circa causarias partes ægritudinis suæ: si non interruptitur quies, remedia continuata citò proficiunt: & sanatus animus ab alienationibus vel captiuitatibus & tentationibus suis, totus in Deo suis efficitur. Curâ eger, & non modicâ, non inquinata, sed infecta natura. Incumbat ergo immobiliter valetudinario suo, (sic enim solent appellare medici valetudinum curandarum officinâ,) & remedij suscepta prosequatur usum usque ad sanitatis experimentum. Valetudinarium tuum, ò ærore, ò languide, cella tua est: remedium quo curari coepisti, est obedientia vera. Sed scito quod remedia crebro mutata nocent, naturâ disturbant, & ægrum determinant. Nam & qui aliquid pergit, si vnâ certam tenuerit viam, citò perueniet quod tendit: itineris & laboris faciet finem. Si verò multas aggreditur vias, errat, nec laboris aliquando finem facit: quia error finem non habet. Non ergo remedium mutes, nec aliud pro alio accipias: sed usque ad terminum perfectæ sanitatis, medicinalis obedientiæ remedium vttere: nec abjicias eam vt ingratus, cum factus fueris sanus: sed tamen in reliquum alio modo eâ vti permittaris. Si ergo ad sanitatem festinas, vide vt nil vel modicum de temetipso agere præsumas medico inconsulto: à quo si operam medicantis expectas, necesse est, vt vulnus tuum semper ei detegere non erubescas. Erubescas, sed tamen reuera torum, ne abscondas. Sunt enim qui confitendo quasi fabulam enarrant suorum historiam peccatorum, ægritudines animæ suæ sine confusione dinumerant, & sine penitentia, & sine affectu doloris. Citò enim lachrymas inuenit, & resolutur in gemitum, qui habet sensum doloris. Si verò malæ ægritudini desperabilior stupor accesserit, hic in eo quod non dolet, quantum sanitati videtur esse propinquior, tãd ab ea fit remotior. Quod si medicus quasi clementior fuerit, & quasi vnguētis & emplastris lenioribus omnia voluerit curare: tu age pro temetipso, & remedij fortioris & celerioris audis, sanitatis ferrum require, cauterium exposce. Medicus semper tibi præsto est, paratus est.

**N**E enim horrore sit tibi tua solitudo, & vt tutius in cella habites: tres tibi deputari sunt custodes, scilicet Deus, conscientia, & spiritualis pater. Deo debes pietatē, cui te totū impēdas: conscientiæ tuæ honorē, corā qua peccare erubescas: patri spirituali obedientiam charitatis, ad quem de omnibus recurras. Insuper vt gratum me habeas, addam tibi & quartum: & quamdiu parvulus es, & donec plenius addiscas diuinam cogitare præsentiam, pedagogum tibi procurabo. Elige tibi tu ipse hominē consilio meo, cuius vitæ exemplar sic cordi tuo infederit, reuerentia inhererit, vt quorū ejus recordatus fueris, ad reuerentiā cogitati assurgas, & temetipsum ordines & componas: qui cogitatus ac si præsens sit, in affectum mutæ charitatis emendet in te omnia emendanda, & tamen nullum patiatur damnum secreti sui solitudo tua. Hic præsens tibi adstet quamdocumque volueris: occurrat sæpe & cum nolueris. Inceptiones ejus profint tibi cogitata sancta, ejus seueritas, consolationes, pietas & benignitas, exemplum sanctæ vitæ, sinceritas. Nam omnes cogitationes tuas cum ab eo videri cogitabis: ac si videat, ac si arguat, emendare cogeris. Sic secundum præceptum Apostoli, *scilicet temetipsum custodi*: & vt temetipsum semper inspicias semper ab omnibus oculos auerte. Egregium instrumentum corporis est oculus, si sicut cetera, sic etiam videre possit semetipsum. Quod cum interiori ocula concessum sit: si ad exterioris exemplum seipsum negligens vacat circa aliena: etiam cum vult, non sufficit redire ad seipsum. Tibi vacat, multa tu ipse tibi sollicitudinis materia es. Exclude etiam ab oculis exterioribus, quod desueuisti videre: ab interioribus, quod amare: quia nil tam facile recrudescit, quam amor: & maxime in tenerioribus & recentioribus animis. Aude etiam nonnumquā sapere, & æmulari charismata meliora: & tu ipse tibi esto parabola ædificationis. Alia cella tua interior, alia interior. Exterior est domus, in qua habitat anima tua cum corpore tuo. Interior est conscientia tua, quam inhabitare debet omnium interiorum tuorum interior Deus, cū spiritu tuo. Ostium clausuræ exterioris, signum est ostij circumspectionis interioris: vt sicut sensus corporis per exteriorē clausuram foris vagari non permittitur, sic interior sensus ad suum semper interiorē cohibeatur. Dilige ergo interiorē cellam tuā, dilige exteriorē: & vnicuique suum impende cultum. Togat te exterior, non abscondat; non vt pecces occultis, sed vt tutius viuas. Non enim scis, ò rudis incola, quid cella debeas, si non cogitas quomodo in ea non solummodo à vitijs tuis curaris, sed etiam non habeas rixari cum alienis. Nescis enim quem conscientiæ tuæ debeas honorem, quicumque in eâ non experiris gratiam Sancti Spiritus, & internæ suauitatis dulcedinem. Da ergo vtrique cellæ honorē suum: & tu tibi in ea vindica primatū tuū. Discē in ea secundū cōmunis instituti leges tu tibi præesse, & vitā ordinare, & merces componere, & temetipsū iudicare, teipsū apud teipsū accusare, sæpe etiā condēnare, nec impunitū dimittere. Sedeat iudicans iustitia, stet rea, & seipsum accusans conscientia. Nemo te plus te diligit: nemo te fidelius iudicabit.

Cogitanda persona venerabilis nobis præsens.

2. Timo. 2.

Cella interior &amp; exterior.



## CAPVT XIV.

*Examen conscientia & alia pia exercitia peragenda.*

**M**ane præteritæ noctis fac à temetipso exactionem : & venturæ diei tu tibi indicito canonem. Vespere, diei præteritæ rationem exige, & superuenientis noctis fac indicationem. Sic distracto nequaquam tibi aliquando lasciuiare vacabit. Singulis horis secundum communis instituti canonem sua distribue exercitia : cui spiritualia, spiritualia : cui corporalia, corporalia : in quibus sic exolvat omne debitum spiritus Deo, corpus spiritui : ut si quid fuerit intermissum, siquid neglectum, siquid imperfectum, suo modo, suo loco, suo tempore non abeat impunitum vel irrecompensatum. In quibus extra illas horas, de quibus dicit Propheta, *Septima in die laudem duxit tibi* : matutinum ac vespertinum sacrificium ac mediæ noctis est maxime observandum. Non enim frustra ait Propheta : *Mane adstabo tibi & videbo* : sed quia tunc à curis exterioribus adhuc sumus jejuni : &, *Dirigatur oratio mea sicut incensum in conspectu tuo; elevatio manuum mearum sacrificium vespertinum* : quia tunc à huiusmodi impedimentis jam quodammodo inuenimur digesti. Qui & in nocturnis vigilijs nostris, in quibus media nocte surgimus ad confitendum nomini Domini, confessionis ejusdem ordinem contexens, *In die, inquit, tribulationis meae Deum exquisivi manibus meis nocte coram eo, vel contra eum; & non sum deceptus*. Istis enim horis potissimum coram Deo debemus nosmetipsos constituere quasi facie ad faciem, & in lumine vultus ejus perspicere; tribulationem, & dolorem nobis de nobis ipsis inuenire, & nomen Dei invocare; scopando spiritum nostrum, donec incalescat : ambiendo ad memoriam abundantiae suavitatis suæ, donec ipse in cordibus nostris dulcescat. Sed tunc maxime nobis agendum est, quod dicit Apostolus. *Malo in Ecclesia quinque loqui verba sensu meo : quam decem millia verborum sine intellectu*. Et illud, *Psallam spiritu, psallam & mente. Orabo spiritum, orabo & mente*. Tunc enim menti & spiritui aggregandi sunt fructus sui, ut exinde vel in abundantia benedictionis Dei in quietem noctis relaxemur : surgentibus nobis ad laudes Dei omnis exinde tenor operis nostri in ipsis laudibus formetur ac vivificetur. Idcirco in præueniendis nocturnis vigilijs non expedit multitudine psalmorum obruere intellectum, & exhaustire spiritum vel extinguere : sed quamdiu sobrius inuenitur, pietati afficiendus est, & suo itinere dirigendus ad Deum : donec dilatato corde currere incipiat usque ad finem operis Dei ; postmodum fervoris sui modum si vetenorem habiturus, nisi magna intercideretur negligentia, vel omittatur voluntaria miscitia.

## CAPVT XV.

*Passio Christi recolenda : & lectioni vacandum.*

**S**cit etiam, quicumque sensum Christi habet, quantum pietati Christianæ expediat, quantum Dei servum, & servum redemptionis Christi deceat, & utile ei sit, vna saltem aliqua diei hora passionis & redemptionis ipsius attentius recolere beneficia : ad fruendum suaviter in conscientia, & recondendum fideliter in memoria : quod est spiritualiter manducare corpus Christi, & bibere ejus sanguinem in memori-

amejus. Qui omnibus in se credentibus præcepit dicens, *Hoc facite in meam commemorationem*. In quo etiam præter peccatum inobedientiae, quam impium sit, hominem tantæ Dei pietatis immemorem esse, palam omnibus est : cum amici hominis abeuntis sub quolibet signo commendatam memoriam nefas sit obliuisci. Siquidem sanctæ hujus ac reverendæ commemorationis mysterium suo modo, suo tempore, suo loco, celebrare licet paucis hominibus, quibus in hoc creditum est ministerium : rem verò sacramenti vel mysterij in omni tempore & in omni loco dominationis Dei, modo quo traditum est, hoc est debitæ pietatis affectu agere, contrectare, & sumere sibi in salutem, omnibus in promptu est, quibus dicitur. *Vos autem* 1. Petri 2. *genua electum, regale sacerdotium, gens sancta, populus acquisitionis : ut virtutes annuncietis ejus qui de tenebris vos vocavit in admirabile lumen suum*. Nam & sacramentum sicut accipit ad vitam dignus, sic ad mortem suam & judicium temerare potest indignus. Rem verò sacramenti nemo percipit, nisi dignus & idoneus. Sacramentum enim sine re sacramenti sumentis mors est : res verò sacramenti etiam præter sacramentum sumentis vita æterna est. Si autem vis, & verè vis, omnibus horis tam diei quam noctis, hæc tibi in cella tua præsto est. Quoties in commemorationem ejus qui pro te passus est hoc factum ejus pie ac fideliter fueris affectus, corpus ejus manducas, & sanguinem bibis. Quamdiu in eo manes per amorem, & ipse in te per sanctitatis & iustitiæ operationem, in ejus corpore & membris ejus computaris. Deinde etiam certis horis certæ lectioni vacandum est. Fortuita enim & varia lectio, & quasi casu reperta, non ædificat, sed reddit animum instabilem : & leuiter admissa leuius recedit à memoria. Sed certis ingenijs immorandum est, & assuefaciendus est animus. Quo enim spiritu Scripturæ factæ sunt, eo spiritu legi desiderant : ipso etiā intelligendæ sunt. Numquam ingredieris in sensum Pauli, donec usu bonæ intentionis in lectione ejus & studio assidue meditationis spiritum ejus imbibaris. Numquam intelliges David : donec ipsa experientia ipsos psalmorum affectus indueris. Sicque de reliquis. Et in omni Scriptura tantum distat studium à lectione, quantum amicitia ab hospitio, socialis affectio à fortuita salutatione. Sed & de quotidiana lectione aliquid quotidie in ventrem memoriæ demittendum est, quod fidelius digeratur, & sursum revocatum crebrius ruminetur : quod proposito conveniat, quod intentioni proficiat : quod detineat animum, ut aliena cogitare non libeat. Hauriendus est sæpe de lectionis serie affectus : & formanda oratio, quæ lectionem interrumpat, & non tam impediatur interrumpendo, quam puriorem continuè animum ad intelligentiam lectionis restituat. Intentioni servit lectio. Si verè in lectione Deum querit qui legit : omnia quæ legit cooperantur ei in bonum, & captivat sensus legentis, & in servitutem redigit omnem lectionis intellectum in obsequium Christi. Si in aliud declinat sensus legentis, omnia trahit post semetipsum : nihilque tam sanctum, tam pium inuenit in Scripturis, quod seu per vanam gloriam, seu per distortum sensum, seu per prauum intellectum, non applicet vel malitiæ vel vanitati. In omnibus enim Scripturis legentis initiū

*Mane vespere req; quid agendum.*

*Psal. 118.*

*Psal. 5. & 140.*

*Psal. 76.*

*Quid nos Deo statuere oporteat.*

*1. Cor. 14.*

*Eucharistia sacrificium.*

*Quo spiritu sint legenda Scriptura.*

*Oratio & lectio sociantur.*

debet esse amor Domini: ut in eo primo solideretur intentio legentis; & ex eo ordinetur & exurgat totius lectionis intellectus & sensus.

## CAPUT XVI.

*Exercitia corporalia utilia, modo non obfistunt spiritualibus.*

1. Cor. 11.

*Corporale exercitium duplex est.*

**A** spiritualibus vero exercitiis in corporalia numquam longe vel in totum recedatur, sed facile ad ea posse redire animus assuetus: & cum illis se mutuat, istis semper inhæreat. Sicut enim supra dictum est, non vir propter mulierem; sed mulier propter virum. Nec spiritualia propter carnalia; sed carnalia propter spiritualia. Corporalia vero exercitia nunc dicimus, quæ manuali opere corporaliter exercentur. Nam sunt & alia corporis exercitia, in quibus necesse est corpus laborare, sicut sunt vigiliae, jejunia, & alia huiusmodi: quæ spiritualia non impediunt, sed iuvant, si cum rationis discretionis fiant. Quæ si ex indiscretionis vitio sic agantur, ut vel deficiente spiritu vel languente corpore spiritualia impediuntur: qui licet corpori suo tulit boni operis effectum, spiritui affectum, proximo exemplum, Deo honorem: scilicet est, & horum omnium in Deum reus. Non quod secundum Apostoli sensum, non videatur humanum etiam hoc: & non deceat, & iustum non sit, caput aliquando dolere in seruitio Dei, quod olim saepe usque ad dolorem laboravit in vanitate sæculi: esurire ventrem usque ad rugitum, qui saepe repletus est usque ad vomitum: sed modus in omnibus habendus est. Affligendum est corpus aliquando, sed non conterendum. Nam etiam corporalis exercitatio admodicum quidē, sed tamen utilis est. Propter quod & ad modicum, hoc est non in concupiscentiis, sed tamen cura carnis agenda est.

## CAPUT XVII.

*Honestas seu decentia servanda, & in cibo & somno modus.*

1. Cor. 14.

*Victoriam Angelis standum in cella.*

**A**genda vero est sobrietas, & cum spirituali quadam disciplina; ut neque in modo ejus, neque in qualitate, neque in quantitate, appareat aliquid, quod non deceat seruum Dei. Eis enim quæ inhonesta sunt nostra, abundantiorum honorem circumdare debemus. Honestas verò nostra nullius egerit. Non solum autem hoc, sed & omnem vitam nostram, quamvis hominibus occultam, exhibere debemus Deo sanctam & honestam, & omnem conversationem nostram sanctis Angelis conspicibilem agere & delectabilem, quamvis inter domesticos parietes inclusam. *Omnia vestra*, inquit Apostolus, *honeste fiant in vobis*. Grata Deo res est honestas, & sanctorum Angelorum amica. Propter quod etiam iubet Apostolus velari mulieres, propter Angelos: qui cum proculdubio tam diu quam nocte vobiscum sint in cellis vestris, vos custodientes, & vestris studiis congaudentes, & cooperantes: placet eis, ut etiam nullo homine vidente omnia vestra honeste fiant. Siue ergo manducetis, siue bibatis, siue aliquid aliud faciat: omnia in Domino agite, pie, sancte, & religiose. Si manducas, mensam tuam per se satis sobriam sobrietas tua perornet. Et cum manducas, nequaquam totus manduces: sed corpore tuo suam refectionem procurante, mens suam non negligat: sed de memoria suavitatis Domini, vel Scripturarum aliquid quod eam pascit, meditando, vel saltem memorando, secum ru-

minet & digerat. Sed & ipsa necessitas non singulariter, non carnaliter expleatur: sed sicut decet monachum, sicut convenit seruo Dei. Nam etiam quoad sanitatem corporis, cibis quantò honestius & ordinatius sumitur & ingeritur, tantò facilius & salubrius digeritur. Observandus est ergo sumendi modus & tempus, cibi quantitas & qualitas: fugienda superflua & adulterina condimenta. Observandus est ergo sumendi modus, ut non effundat qui comedit, super omnem cibum animam suam: tempus, ne ante horam: qualitas, ut quibus vitur communitas fraternitatis, excepta causa manifeste necessitatis. De condimentis verò sufficiant, obsecro, ut comestibiles fiant cibi nostri: non etiam concupiscentes vel delectabiles. Sufficit enim concupiscentia malitia sua: quæ cum vix aut nullo modo pertransire possit ad finem explendæ necessitatis, nisi per viam quantæcumque delectationis: si coeperit accipere irritamenta ab eis qui perpetuum suscipere bellum adversus ejus oblectamenta: sunt duo contra unum, & sic periclitatur continentia. Deinde sicut de cibo dictum est, sic de somno. Cave, in quantum potes, serue Dei, ne totus aliquando dormias, ne sit somnus tuus non requies lassæ, sed sepultura corporis suffocati: non reparatio, sed extinctio spiritus tui. Suspecta res est somnus: & ex magna parte ebrietati similis. Exceptis enim vitij, quibus in dormiente cum corpore dormitante ratione, non est qui contradicat, quantum ad debitum continui profectus, nihil temporis tam deperit de vita nostra, quam quod somno depuatur. Iturus ergo ad somnum, semper aliquid defer tecum in memoria vel cogitatione, in quo placide obdormias, quod nonnumquam etiam somnare iuvet: quod etiam euigilantem te excipiens in statum hesternæ intentionis restituas. Sic tibi nox sicut dies illuminabitur, & nox illuminationis tua erit in deliciis tuis. Placide obdormies, in pace quiesces, facile euigilabis, & surgens facilis & agilis eris ad redeundum in id, unde non totus discessisti. Sobrius enim cibum sobriumque sensum sequitur sobrius somnus. Carnalis verò somnus & brutus, & sicut dicitur letheus, abominandus est seruo Dei. De quo verò post congruam quietem facile est sensus corporis & mentis evocare, & quasi servos domus patris familias ad opera necessaria spiritui suscitare & emittere: huiusmodi somnus tempore suo modo suo aspernandus non est. Sic prudens & Deo deditus animus habere se debet in cella sua, in conscientia sua, sicut prudens paterfamilias in domo sua. Non habeat, sicut Salomon dicit, mulierem litigiosam carnem suam, sed ad sobrietatem moderatam, & assuetam ad obedientiam, & ad laborem paratam: ubique institutam & esurire, & saturari; & abundare, & penuriam pati. Habeat sensus exteriore non duces, sed seruitutes: interiores, sobrios, & effigaces. Habeat omnis omnino domum, vel familiam cogitationum suarum sic ordinatam & disciplinam, ut dicat huic vade, & vadat: & alio veni, & veniat: & seruo corpori fac hoc, & absque contradictione faciat. Qui sic semetipsum ordinat & regit in conscientia sua: optime sibi credendus & committendus est in cella sua. Sed hoc est perfectorum, vel perfici iam incipientium, quod ideo proposuimus incipientibus novitijs, ut sciant quid desit sibi, & quid

*Qua servanda in refectione.*

*Somnus quies sit, non sepultura.*

*Psalm. 38.*

*Proner. 22.*

*Animus a partibus familiis sensuum.*



extendere habeant intentionem studij sui.

## CAPVT XVIII.

*Quinam ad solitariam vitam apti.*

*Tres status  
eiusdē homi-  
nis.*

*Hebr. 5.*

*Actor. II.*

*Duo genera  
hominū soli  
tudini apta.*

Sciendum verdest, quia cum de carnalivel  
le animali sensu, vel de rationali scientia, vel  
de spiritali sapientia differimus; vnum homi-  
nem describimus, in quo secundū diuersos pro-  
fectus, & profectum prouentus, & intentionis  
affectus, hæc omnia diuersis temporibus possi-  
bile est inueniri: & tria hominum genera sin-  
gula secundum statuum horum proprietates in  
professione religionis in cellis militantia: quā-  
vis cellæ dignitas, & sanctæ solitudinis secretū,  
& solitariæ professionis titulus, non nisi perfe-  
ctis conuenire videtur: quorum sicut Apostolus  
dicit, est solidus cibus; & pro consuetudine ex-  
ercitatos habent sensus ad discretionem boni  
& mali: in quo etsi rationalis, qui proximus est  
sapienti, utcumque videretur esse tolerandus;  
sed certē animalis, qui non percipit ea quæ Dei  
sunt, penitus putaretur arcendus. Sed occurrit  
Petrus Apostolus dicens de quibusdam. *Si Spi-  
ritum sanctum ipsi acceperunt, sicut & nos: ego quis  
eram, qui prohiberem Deum?* Spiritus enim san-  
ctus bona voluntas est. Nec enim sine grandi  
scrupulo mentis à quacumque professionis alti-  
tudine arcendus est; cui testis inhabitantis &  
trahentis Spiritus sancti bona voluntas est. Si-  
quidem ex duobus hominum generibus cellarū  
habitatio supplenda est: scilicet vel de simplici-  
bus, qui & sensu & voluntate ad assequendam  
religiosam prudentiam feruentes apparuerint  
& habiles: vel de prudentibus, quos religiosæ  
& sanctæ simplicitatis constiterit esse æmulato-  
res. Stulta verò superbia, vel superba stultitia, à  
tabernaculo iustorum semper procul sit. Est  
autem omnis superbia stulta, quamvis non om-  
nis stultitia sit superba. Stultitia enim sine su-  
perbia, nonnumquam simplicitas inuenitur:  
quæ si ignorat, forsan & docibilis: & si nequit  
doceri, forsan est tractabilis. Et est propria ci-  
uitas refugij simplicitati, cohabitatio Religio-  
nis; nisi sit talis, quæ nolit humiliari: vel tam  
bruta, ut non possit regi vel tractari. Bona ta-  
men voluntas, etsi multam sit bruta, non tamen  
deferenda: sed salutari consilio ad laboriosam  
& actuosam vitam est transmittenda. Superba  
autem quantumvis prudens sibi videatur, di-  
mittenda sibi est, & abigenda. Si enim admit-  
titur superbus, prima die qua ingreditur habi-  
tare, incipit leges dare. Nimium verò stultus  
discere non potest quas inuenit. Sollicitè ergo &  
prudenter perpendendum est, quis admittatur  
ad habitandum secum. Qui enim habitat secū,  
non nisi seipsum qualis ipse est, habet secum.  
Malus autem homo numquam tutè secum ha-  
bitat, quia cum malo homine habitat, & nemo  
molestior ei est, quàm ipse sibi. Nam insani &  
nimium dementes, & qui non satis quacumque  
de causa mentis suæ bene compotes sunt, custo-  
diri solent, nec sibi relinqui vel committi, ne so-  
litudine sua malè utantur. Admittantur ergo ani-  
males homines pauperes spiritu ad cohabitati-  
onem cellarū, sed ut fiant ipsi rationales ac spi-  
rituales: non ut propter eos ipsi qui jam hoc esse  
meruerunt, conuertantur retro, & efficiantur  
animales. Suscipiantur in omni benevolentia  
charitatis, portentur in omni patientia benigni-  
tatis. Sed qui eis compatiuntur, non eis con-  
formantur: nec sic querant eorum profectum,

ut propter eos cogantur incurere propositi in  
Religione rigoris defectum.

## CAPVT XIX.

*Sumptuosa ædificia improbantur.*

Inde enim jã subintrat de ære alieno sum-  
ptuosa, & quantum pudor sinit, ambitiosa  
cellarum ædificatio: & abjecta sancta simplici-  
tate & rusticitate, sicut Salomon dicit, ab altis-  
simo creatā, quasi religiosas quasdam nobis cre-  
amus habitationum honestates. In quibustan-  
tum compassum est animalibus: ut pene omnes  
in hoc effecti simus animales. Dimissam enim  
nobis à patribus nostris jure hæreditario formā  
paupertatis, & sanctæ simplicitatis speciem, ve-  
rum decorem domus Dei alienantes à nobis, &  
à cellis nostris; per manus artificum exquisitorū  
cellas non tam eremiticas quàm aromaticas æ-  
dificamus nobis, singulas in titulo centuta soli-  
dorum, concupiscentias oculorum nostrorum  
de elem. synis pauperū. Amputa Domine op-  
probrium centum solidorum à cellis pauperum  
tuorum. Cur non potius centum denario-  
rum? Cur non potius nullorum? Cur non po-  
tius grātis filij gratiæ ipsi sibi ædificant? Quid  
respondum est Moysi, cum consummaret taber-  
naculum? *Vide, inquit, omnia facio secundum  
exemplar, quod ostensum est tibi in monte.* Non à  
sæculi hominibus decet fieri tabernaculum Dei  
cum hominibus. Ipsi quibus in altitudine men-  
tis ostenditur exemplar veri decoris domus Dei,  
ipsi ædificent sibi. Ipsi quibus sollicitudo interi-  
orum suorum contemptum & negligentiam in-  
dicit omniū exteriorum; ipsi ædificent sibi for-  
mam paupertatis, & sanctæ simplicitatis speciē,  
& paternæ frugalitatis lineamenta. Nulla sic  
aptabit artificū industria, sicut eorū negligentia.  
Ergo obsecro in peregrinatione hujus sæculi, in  
militia hac super terram, ædificemus nobis, non  
domos ad habitandum, sed tabernacula ad de-  
serendum: ut pote citò inde vocandi, & emi-  
graturi in patriam & ciuitatem nostram, & in  
domum æternitatis nostræ. In castris quippe sa-  
mus; in alieno militamus, in alieno laboramus.  
Facile est, quicquid naturale est. Numquid non  
facile est solitario, & sufficiens naturæ, & vti-  
le conscientiæ, ipsi sibi cellam de virgis conte-  
xere, de luto psalmare, vndecumque operire, &  
decentissime inhabitare? Et quid amplius est  
requirendum? Credite fratres, & vtinam expe-  
riri vobis non contingat: quia pulchritudines  
illæ & forenses honestates citò virile propositū  
eneruant, masculinum animum effeminant. Nā  
etsi ipso sæpe vsu sopiuntur earum delectatio-  
nes: etsi sint aliqui qui utantur hujusmodi, quasi  
non videntes: tamen contemptu melius quàm  
vsu extirpantur & vincuntur hujusmodi affecti-  
ones. Conferunt etiam non modicum interio-  
ribus nostris exteriora nostra ad similitudinem  
mentis aptata & composita, & bono propo-  
sito suo modo respondentia. Pauperior enim cul-  
tus in alijs frænat concupiscentiam: in alijs cir-  
ca amorē paupertatis afficit conscientiam. Sed  
& intentum interioribus suis animū magis de-  
cent incultra omnia, & neglecta exteriora: qui-  
bus animus ipse incola domus dum sæpius alibi  
conuersari dignoscitur, seque alibi magis occu-  
patam intentio sancta denunciat, & efficaciter  
bonæ conscientiæ conciliat interiora, cui omnia  
exteriora renuntiat. Obsecro ergo ut maneant  
cellæ illæ delicatiores, sicut factæ sunt, sed non

*Ecclesi. 7.*

*Paupertatis  
camraria  
ædificia sup-  
tuoza.*

*Exod. 25.*

*Peregrini in  
mundo sumus*

creseat numerus earum: sintque in valetudina-  
ria fratribus animalibus & infirmioribus, donec  
conualecant; hoc est incipiant desiderare, non  
valetudinaria infirmorum, sed tabernacula mi-  
litantium in castris Dei. Maneant in exemplum  
posteris vestris; quia tales habuistis, & spreuistis.  
Vos autem qui spirituales estis, sicut Hebræi, id  
est transeuntes, non habentes hic ciuitatem ma-  
nentem, sed futuram inquirentes, ædificate vo-  
bis, sicut cœpistis, casulas in quibus habitetis. In  
casulis enim habitauerunt patres nostri, habi-  
tantes in terra repromissionis, quasi in aliena:  
cum coheredibus repromissionis expectantes  
ciuitatem habentem fundamenta, cuius artifex  
& conditor est Deus: non acceptis repromissi-  
onibus, sed à longè eas aspicientes, & confir-  
tes quia hospites sunt & peregrini super terram.  
Qui enim hæc dicunt, significant, se patriam  
inquirere meliorem, hoc est cœlestem. Idcirco  
patres nostri in Ægypto & Thebaida, facti hu-  
jus vitæ ardentissimi æmulatores, in solitudini-  
bus degentes, angustiati, afflicti, quibus dignus  
non erat mundus, ipsi sibi cellas ædificabant: in  
quibus recti tantummodo & circumsepti à tur-  
bine, & à pluvia tutabantur: in quibus eremi-  
ticæ frugalitatis delicijs affluentes, locupleta-  
bant multos ipsi egentes. Quos quo nomine di-  
gnius appellare nescio, homines cœlestes, an An-  
gelos terrestres: degentes in terris, sed conuer-  
sationem habentes in cœlis.

## CAPVT XX.

## Labor manuum commendatur.

**L**aborabant manibus suis, & de labore suo  
pauperes pascebant esurientes ipsi: de vasti-  
tate eremi urbium carceres alebant: infirmos,  
& in quibuslibet necessitatibus positos sustenta-  
bant, viuentes de labore manuum suarum. Quid  
ad hæc dicemus nos, non animales, sed anima-  
lia terrena: adhærentes terræ, & sensibus carnis  
nostræ, in sensu carnis nostræ ambulantes, &  
ex alienis manibus pendentes? Quamvis conso-  
letur nos in hoc ipsum aliquatenus ille, qui cum  
diues esset, pauper pro nobis factus est: & qui  
voluntariæ paupertatis dedit præceptum, ipse  
ejusdem paupertatis in semetipso nobis formam  
dignatus est demonstrare. Vt enim sciant euan-  
gelici pauperes, quid eis faciendum sit, ipse eti-  
am à fidelibus pasci voluit: nonnumquam &  
ab infidelibus, sed ut fideles faceret, vitæ neces-  
saria accipere non recusauit. Sed etiam in primi-  
tiua Ecclesia pauperes illos sanctos, qui p. Chri-  
sto rapinam bonorum suorum perpelli fuerant,  
vel secundum perfectionis consilium omnia re-  
liquerant & vendiderant, ac fratribus fidelibus  
communia effecerant, quanta sollicitudine, quan-  
ta pietate sancti Apostoli alendos à fidelibus pro-  
curabant, & liber actuum Apostolorum & Pau-  
lus in epistolis suis manifestè demonstrat. Quod  
etsi conceditur liberius, hoc ipsum Dño præci-  
piente & ordinatè Euangelium annuntiantibus  
de Euangelio viuere: ex Apostolorum tamen  
authoritate non negatur etiã euangelicè viuen-  
tibus, sicut sanctis illis pauperibus qui tunc  
erant in Ierusalem: qui sancti etiam pauperes  
ob hoc vocantur, quia in professione sanctitatis  
& communis vitæ nomen dederant: & semet-  
ipsos in hoc ipsum sponte pauperes effecerant.  
Quod enim Apostolus seuerissima authoritate  
quibusdam denuntiat, ut qui non vult operari,  
non manducet: continuò ostendens de quibus

diceret, subjunxit, dicens. Audiuimus enim  
quosdam ambulantes inter vos inquietè, nihil  
operantes, sed curiosè agentes. His autem qui  
huiusmodi sunt, denuntiamus & obsecramus  
in Domino Iesu Christo, ut cum silentio ope-  
rantes panem suum manducant. Suum, hoc est,  
suo labore partum & acquisitum. Et tamen ne  
illos, quãvis inquietos, nihil operantes, & cu-  
riose agentes, nomen tamen Domini inuoca-  
tum super se habentes, quasi exposuisse videretur  
& abiectis, statim intulit dicens. Vos autè  
fratres nolite deficere bene facientes in Christo  
Iesu Domino nostro. Ac si diceret. Etsi illi per-  
seuerant in malitia seu negligentia sua: vos ta-  
men in sustentandis eis nolite deficere à bene-  
ficientia vestra. Cum ergo seuerissimè superius  
denuntiauerit, non manducandum nolentibus  
operari: postmodum verò, volentibus operari,  
sed nihil operantibus, aliquantò se exhibuerit  
clementiorem: possemus dicere secundum tex-  
tum verborum ejus, nec omnino aberraret à ve-  
ro, non volentibus quamvis valentibus, inten-  
tatam esse illam seueritatem: volentibus autè,  
sed non valentibus, indulgentiam istam. Sed  
etiam cum istis denuntiet, & obsecret in Do-  
mino Iesu Christo, ut cum silentio panem su-  
um manducant: videntur panem non suum man-  
ducare, nisi eum suum efficiant operando: quã-  
rùm operari possunt sub testimonio Dei & con-  
scientiæ suæ. Ignosce Domine, ignosce, excusa-  
mus, tergiversamur, sed non est qui se abscon-  
dat à lumine veritatis tuæ: quod sicut illumina-  
uit conuersos, sic etiam ferit auersos. *Non est Psal. 138.*  
enim, occultatum os nostrum à te, quod fecisti in  
oculto hominum. Nos autem nobismetipsis fa-  
cimus id occultum: quia vix est aliquis in eis qui  
ad te sunt, qui experiri velit, quid possit: &  
quod promptissimè potest quancumque secun-  
dum carnem vel sæculum, siue timor impulerit,  
siue cupiditas traxerit: sed & si fallimus homi-  
nes infidos, non nos permittas, ut quasi volen-  
tes fallere te, fallamus nosmetipsos. Nos non  
laboramus, quia vel non possumus, vel non  
posse nobis videmur, vel consuetudine otii &  
deliciarum nostrarum nos non posse efficimus.  
Adoremus ergo semper, & procidamus, & plo-  
remus coram te, qui fecisti nos, & qui in hoc  
ipsum peccato nostro manifesto, iudicio tuo  
occulto formasti nos, ut forsitan quia non mul-  
tùm hoc volumus, non possumus: vel quia non  
volumus cum potuimus, cum volumus non  
possumus. Vescamur saltem secundum pœnam  
Adæ pane nostro, si non possumus in sudore vul-  
tus nostri, in dolore cordis nostri: in lachrymis  
doloris, si non possumus in sudore laboris. Ma-  
gnam hanc iacturam professionis nostræ supple-  
at pietas ac deuotio conscientie humilis. Sint  
nobis lachrymarum nostrarum panes die ac nocte, quã-  
diu dicitur animæ nostræ, ubi est Deus tuus: hoc  
est, quamdiu peregrinamur à Domino Deo no-  
stro, & à lumine vultus sui. Vnum quidem erat  
necessarium. Sed qui nec in vno figimur, nec in  
multis exercemur: in quo ordine computabi-  
mur? Vtinam cum illo, de quo Apostolus dicit.  
*Ei qui non operatur, credenti autem in eum ani-*  
*ustificat impium, reputabitur fides ejus ad iustitiã,*  
*secundum propositum gratia Dei.* Vtinam cum  
peccatrice cui multum dimissum est, quia mul-  
tum dilexit. Et beata anima, quæ hoc iudicio  
apud Deum meruit iustificari, iudicio diligen-

Hebr. 11.

Qualia an-  
tiquorum  
habituacula.

2. Cor. 8.

Act. 11.

1. Cor. 16.

Rom. 15.

Pauperes sã  
sicut dicti.

2. Thessal. 3.

Pauci volũs  
experiri,  
quid possint.

Psal. 41.

Rom. 4.

Luc. 7.

na  
tium nomen Domini, ut omnia omni iustitia  
operū & fiducia meritorum, in hoc solo iustifi-  
cetur, *quoniam delexit multum*. Nam in diligen-  
do te Deus, retributio magna est diligenti con-  
scientiā ipsa dilectio tua, deinde verò vita æter-  
na. Sic fratres, obsecro vos, non excusemus nos;  
sed accusemus nos & confiteamur. Et qui ma-  
gni nominis umbram, & personale quoddam  
figmentum perfectionis apud homines indui-  
mus: apud Deum conscientie nostræ cognos-  
centes paupertatem, non usquequaque receda-  
mus à veritate, & veritas liberabit nos.

#### CAPVT XXI.

*Incipientibus, lectio, oratio, & meditatio,  
necessaria.*

Iac. 4.

Gen. 2.

Formatio  
hominis spi-  
ritualis.

**D**Einde docendus est animalis incipiens &  
Christi tyrunculus Deo appropinquare; ut  
& Deus appropinquet ei. Sic enim admonet  
Propheta, *Appropinquate Deo, & ipse appropin-  
quabit vobis*. Non solum enim faciendus est ho-  
mo, & formandus, sed & vivificandus. Primò  
enim formavit Deus hominem, deinde *inpira-  
vit in faciem ejus spiraculum vite, & factus est ho-  
mo in animam viventem*. Formatio hominis  
institutio est moralis: vita ejus, amor Dei. Hūc  
fides concipit, spes parturit, charitas format &  
vivificat. Amor enim Dei, vel amor Deus Spi-  
ritus sanctus amoris hominis se infundens, af-  
ficit eum sibi. Et amans semetipsum de homine  
Deus, secum unum efficit & spiritum ejus, &  
amorem ejus. Sicut enim non habet corpus vi-  
de viuat, nisi de spiritu suo: sic affectus homi-  
nis, qui amor dicitur, non vivit, hoc est, non  
amat Deum, nisi de Spiritu sancto. Amorem er-  
go Dei in homine ex gratia genitum lactat le-  
ctio, meditatio pascit, oratio confortat & illu-  
minat. Animalī verò & novæ in Christo homi-  
ni ad excitanda ejus interiora melius & tutius  
proponuntur legenda & meditanda Redemp-  
toris nostri exteriora. Ostendendū in eis exem-  
plum est humilitatis, prouocatio charitatis, &  
affectus pietatis: & de Scripturis sanctis, & Sā-  
ctorum tractatibus Patrum moralia quæque &  
planiora. Proponenda sunt ei gesta, & passio-  
nes Sanctorum: ubi nec laborandum ei sit in  
planitie historiali: & semper aliquid occurrat  
quod novitij animum excitet ad amorem Dei &  
contemptum sui. Porro aliz historie delectant  
quidem cum leguntur, sed non ædificant: quin  
potius mentem inficiunt; & in tempore oratio-  
nis vel spiritualis meditationis inutilia quæque  
vel noxia faciūt fraturire de memoria. Lectionis  
quippe modum similis meditatio sequi solet.  
Difficilius etiam lectio Scripturarum fatigat,  
non reficit teneriorē animum: frangit intentio-  
nem, hebetat sensum vel ingenium. Docendus  
est etiam in oratione sua sursum cor levare; spi-  
ritualiter orare; à corporibus vel corporū ima-  
ginibus, cum Deum cogitat, quantum potest,  
recedere. Admonendus est, quanta potest puri-  
tate cordis intendere in eum, cui sacrificiū ora-  
tionis suæ offert: seipsam attendere qui offert:  
intelligere, quidnam & quale sit, quod offert.  
Quantum enim videt, vel intelligit eum cui of-  
fert, tantum ei in affectu est; & ei amor ipse est  
intellectus. Quantumque ipse ei in affectu est,  
tantum sapit ei hoc ipsum, si dignum Deo est,  
quod offert: & in eo sibi bene est. Hujusmodi  
tamen homini oranti vel meditati, melius ac-  
tutius, sicut jam dictum est, proponitur imago

Vna Christi  
& Sanctorum  
legenda &  
meditanda.

Cogitandus  
Dei sancto-  
rum ima-  
ginibus, quæ  
tum scrip-  
tæ.

dominicæ natiuitatis, passionis, & resurrectio-  
nis: ut infirmus animus qui non novit cogitare,  
nisi corpora & corporalia, habeat aliquid, cui  
se afficiat, cui iuxta modum suum pietatis inui-  
tu inhæreat. Est quippè in forma Mediatoris:  
in quo, sicut legitur in Iob, *Visitans Homo spaci-  
em suam, non peccat*, quia cum intentionis suæ  
intuitum in eum dirigit, humanam in Deo spe-  
ciem cogitando, à vero non usquequaque rece-  
dit: ut dum per fidem ab homine Deum non  
diuidit, Deum aliquando in homine apprehē-  
dere addiscat. In quo pauperibus spiritu, &  
simplicioribus filiis Dei, tantò primùm soler  
esse affectus dulcior, quantò humanæ naturæ  
propinquior. Postmodum verò fide migrante  
in affectum, amplexantes in medio cordis sui  
dulci amoris amplexu Christum lesu, totum  
hominem propter hominem assumptum, totū  
Deum propter assumptum Deum; incipiunt  
eum non jam secundum carnem cognoscere:  
quamvis eum necdum secundum Deum plene  
possint cogitare. Et sanctificando eum in cor-  
dibus suis offerre ei amant vota sua, quæ distin-  
xerunt labia sua: obsecrationes, orationes, po-  
stulationes, gratiarum actiones, pro tempore,  
pro causa, congruentes.

#### CAPVT XXII.

*Diversi modi orandi.*

**S**unt enim orationes aliz breves ac simpli-  
ces, sicut eas format voluntas seu necessitas  
orantis pro causa incidenti. Aliz prolixiores &  
rationabiles, sicut in inquisitione veritatis pe-  
tentes, querentes, pulsantes; donec accipiant,  
inveniant & aperiatur eis. Aliz alacres, spiritu-  
ales & fecundæ, in affectu fruentis, & gaudij  
gratiæ illuminantis. Et ipsæ sunt, quas Apo-  
stolus alio ordine dinumerat; obsecrationes, or-  
ationes, postulationes, gratiarum actiones. Nā  
postulatio, quam primam posuimus, est circa  
obtinenda temporalia & necessaria aliqua vitæ  
hujus, in qua Deus postulantis quidem appro-  
bans bonam voluntatē, facit tamen ipse, quod  
meli⁹ iudicat: & dat libenter sequi bene postu-  
lantem. Ipsa est, de qua Psalmista ait, *Quoniam  
adhuc & oratio mea in beneplacitis eorum*. Hæc  
est etiam hominum impiorum: quia omnium  
communiter est, sed maxime filiorū sæculi hu-  
jus, desiderare tranquillitatem pacis, sanitatem  
corporis, temperiem aëris, & alia quæ ad vitæ  
hujus usum spectant, & necessitatem, & abutē-  
tium voluptatem. Pro quibus qui fideliter po-  
stulant, quamvis non ea postulant nisi ad ne-  
cessitatem: tamen in hoc ipso voluntati Dei su-  
am semper subiciunt. Obsecratio verò est in  
exercitijs spiritualibus anxia ad Deum instantia:  
in quibus ante gratiam succurrentem, qui appo-  
nit scientiam, apponit & dolorem. Oratio verò  
est hominis Deo adherentis affectio, familiaris  
quædam & pia collocutio: & statio illuminatæ  
mentis ad fruendum Deo quamdiu licet. Por-  
rò gratiarum actio est in intellectu, & cogni-  
tione gratiæ Dei, bonæ voluntatis indeficiens  
ad Deum, & indefessa intentio: etiam si aliquā-  
do vel non sit, vel torpeat siue actio exterior,  
siue interior affectio. Hæc enim est, de qua di-  
cit Apostolus, *Velle adjacet mihi; perficere autem  
bonum non inuenio*. Ac si dicat. Semper quidem  
velle adest; sed aliquando jacet, hoc est ineffi-  
cax est; quia perficere opus bonum quero, sed  
non inuenio. Hæc est charitas, quæ nunquam

Iob 5.

1. Timot. 2.

Quid sint  
obsecratio,  
postula. &c.

Psalms. 140.

Eccla. 1.

Rom. 7.

1. Theff. 5

Non super-  
tinax postu-  
latio à Deo.

Mat. 15.

deficit. Ipsa est enim sine intermissione oratio, seu gratiarum actio, de qua Apostolus ait. *Semper sine intermissione orantes: semper gratias agentes.* Est enim jugis quædam bonitas mentis & bene compositi animi, & ad Patrem Deum in Filijs Dei bonitatis ejus quædam similitudo, orans pro omnibus semper, & gratias agens in omnibus: tot modis in oratione vel gratiarum actione in Deum se jugiter refundens, quot in suis necessitatibus vel consolationibus, in proximis etiam vel compassionibus vel congratulationibus causales in hoc materias inuenit pius affectus. Hæc autem jugiter in gratiarum actionibus est: quia qui sic est, semper in gaudio Sancti Spiritus est. In postulationibus ergo pie ac fideliter orandum est, sed non est in illis pertinaciter in hærendum: quia nos nescimus, sed pater cælestis scit, quid in temporalibus istis necesse nobis sit. Obsecrationibus verò insistendū est, sed in omni humilitate & patientia: quia non afferunt fructum, nisi in patientia. Nonnumquam enim cum celerius gratia non subuenit, sit obsecrati cælum æneū, & terra sua ferrea. Et cum relicta sibi cordis humani duritia advorum exaudiri non meretur: anxietas desiderantis negari sibi æstimat, quicquid differtur. Cumque sicut Chananza illa præteriti se ac despici ingemiscit, quasi immunditiam canis, præterita sibi peccata sua imputari vel impropèrari imaginatur. Nonnumquam verò non sine labore petens accipit, quærens inuenit, & pulsanti aperitur. Et consolationes ac suauitates orationis inuenire tandem aliquando meretur labor obsecratoris. Nonnumquam etiam puræ orationis affectus & bona illa affectionis suauitas non inuenitur, sed quasi inuenit, cum non petentē, non quærentem, non pulsantem, & quasi nescientem gratia præuenit, & tamquam gen<sup>9</sup> seruatorum recipitur in mensa filiorum; cum rudis adhuc & incipiens animus in eum orandi assumitur affectum, qui pro præmio sanctitatis reddi solet meritis perfectorum. Quod cum fit, agitur, ut vel in iudicium suum non liceat nescire negligentem quid negligat, vel ut prouocatio charitatis amorem in eo gratiæ ultro se offerentis accendat.

## CAPVT XXIII.

*De gratia Dei aliqui superbiunt, alij proficiunt.*

**I**N quo pro dolor! plurimi falluntur; quia cum pascuntur pane filiorū, jã se esse filios arbitrantur: & deficientes vnde proficere debent, ex visitante gratia euanescent à conscientia sua, arbitantes se aliquid esse, cum nihil sint: & de bonis Dei non emendantur, sed indurantur, & fiunt de quibus Psalmista dicit. *Inimici Domini mentiti sunt ei, & erit tempus eorum in secula. Et cibauit illos ex adipe frumenti: & de petra melle saturauit eos.* Pascuntur enim à Patre Deo aliquando de pretiosiore gratiæ substantia serui, ut affectent esse filij: ipsi verò gratia Dei abutentes efficiuntur inimici. Ut enim abutantur etiam Scripturis sanctis in peccatis vel concupiscentijs suis, redeunt ad eas post orationes, dicunt sibi illud vxoris Manue. *Si Dominus voluisset nos occidere: non suscepisset sacrificium de manibus nostris.* Quam dilecta tabernacula tua Domine virtutum, in quibus, *passer inuenit sibi domum, & turtur nidum, vbi reponat pullos suos.* Passer inquam, animal naturaliter vitiosum, mobile, leue, importunum, garrulum,

ac pronum, in libidinem. Et turtur luctus amica, opacæ solitudinis familiaris incola, forma simplicitatis, exemplum castitatis. Ille sibi inuenit in eis domum quietis & securitatis: illa nidum sibi, vbi reponat pullos suos. Quid sunt hæc, nisi iuuenum naturaliter calidus sanguis, & feruidus animus, ætas labilis, curiositas iniqua: & virilis naturalitas, serius animus, castus, sobrius, pertæsus exteriorum, & intra semetipsum, quantum potest, recondens semetipsum? Quorum alterum in tabernaculis Domini virtutum, in disciplina cellarum inuenit sibi ab omnibus vitijs quietem, firmamentum stabilitatis, & mansionem securitatis: alterum verò in secreto cellæ secretiorem recessum conscientiæ, vbi reponat & nutriat sanctarum affectionum suarum fructus, & spiritualis sensus contemplationis. Passer solitarius in recto, hoc est in altitudine contemplationis, calcare amat habitationem carnalis conuersationis. Turtur in inferioribus fecundatur; & gaudet in fructibus humilitatis. Perfecti enim quique & spirituales, qui turturis nomine designantur, cum ad firmamentum & robur virtutis suæ per virtutem obedientiæ & subjectionis perueniunt, premunt se semper ac deiciunt in id quod incipientium est: & vnde infra se descendunt, inde ascendunt supra se: & humiliando se magis proficiunt, propter fructus solitudinis, qui sunt frequentes & sublimes excessus contemplationis: non arbitantes esse negligendam conscientiam voluntariæ subjectionis, vsum socialis vitæ, & dulcedinem fraternæ charitatis. Ideo vir spiritualis etiam corpore suo spiritualiter vtens, seruiturē ejus quam habet animalis homo per vim coactam, rationalis per consuetudinē subactam, accipere meretur quasi naturaliter affectam. Vbi illi est obedientia necessitatis, iste eā habet charitatis. Vbi ille virtutes laboris plenas; iste habet eas versas in mores. Illi verò passeret Dei sursum nitentes ad ea quæ sunt perfectiorū, non elationis præsumptione, sed amoris pietate, in paupertate spiritus sui sublimati, non repelluntur ut elati, sed suscipiuntur ut deuoti: & aliquando hoc merentur experiri, quo spirituales frui: & semper affectant imitari eorum vitam actiuā, ad quorum ambiunt consolationem contemplatiuā. Sicque vno spiritu, licet non vno gressu gradientes æquē proficiunt & spirituales in humili, & incipientes in sublimi. Et hæc sunt cellarum bene ordinarum sancta commercia, studia veneranda, otia negotiosa, quies operosa, charitas ordinata, mutud in silentio sibi colloqui, & in absentia ab inuicem se ad inuicem magis frui, proficere de inuicem: & cum se nō vident ad inuicem, in alio videre quod imitandum est, in seipsis non nisi quod flendū est. Ego verò, sicut dicit Ieremias *vir videns paupertatem meam*, cum alienas diuitias computo, in memetipso erubescō, & suspiro, quia quod tracto in alieno, malle experiri in proprio. De duobus quippe malis tolerabilius est, quod amas non videre, quàm videre & non habere: quamuis non sic de bonis Domini. Bona enim Domini videre, amare est: amare verò, habere est. Ideo nitamur, in quantum possumus, ut videamus; videndo intelligamus, & intelligendo amemus, ut amando habeamus. Domine, super hoc ante te omne desiderium meum: & gemitus meus à te non est absconditus.

Passer turtur  
quid in-  
nuant.Que cella-  
rum sancta  
commerciorum.  
Thren. 3.

Psal. 80.

Abusus gra-  
tie Dei.

Iudic. 13.

Psal. 83.

## CAPVT XXIV.

*Vita proficientis, seu rationalis.*

Sap. 6.

Ibid. c. 7

*Quid sit anima, qui-  
do fiat ani-  
mus.*

*Non perit  
peccato libe-  
ra arbitrii.*

Rom. 5.

**D**E animali vero statu transeuntes ad rationalem, ut de rationali transeamus ad spirituales, tractando, & utinam proficiendo: primo scire debemus, quia sapientia, sicut in libro nominis eius legitur, *praeoccupat eos, quae concupiscunt, & occurrat eis, & ostendit se in vis hilariter*: sicut in proficiendo, sic & in meditando & tractando attingens ubique propter sui munditiam. Adjuvat enim Deus vultu suo se intuentem, movet ac promouet, & attrahit species summi boni se contemplante. Cumque ratio proficiendo in amore sursum ascendit, amanti & desideranti gratia descendit. Vnum sapere sunt, quae illos duos statim efficiunt, quae sunt ratio & amor, & quae ex eis efficiuntur, scilicet scientia & sapientia. Nec iam possunt a se invicem tractari vel cogitari, quae iam unum, & unus operationis ac virtutis sunt, & in sensu intelligentis, & in gaudio fruētis. Quavis ergo distinguendus sit alter ab altero: tamen cum sic se res obtulerit, & cogitatus & tractatus erit alter cum altero, & in altero. Quia ergo, sicut iam supra dictum est, quod admodum in profectu religionis status animalis vigilat circa corpus & hominem exteriorē componendum & aptandum studio virtutis: sic rationalis circa animam agere debet, vel faciendum, si non est; vel excolendum & ordinandum, si est. Primo videndum est, quis vel quid sit animus ipse, quem ratio rationale facit: quid ipsa ratio, quae animal rationale mortale faciendo hominem perficit. Sed primo dicendum est de anima. Anima est res incorporea, rationis capax, vivificando corpori accommodata. Haec animales constituit homines, quae carnis sunt sapientes, sensibus corporis inhaerentes. Quae ubi perfecta rationis incipit esse: non tantum capax, sed & particeps, continuo abdicat a se notā generis feminini, & efficitur animus particeps rationis, regendo corpori accommodatus, vel seipsi habens spiritus. Quid sit enim anima est, cuius in id quod carnale est, effeminatur. Animus vero vel spiritus non nisi quod virile est & spirituale meditat. Spiritus enim hominis in appetitu boni subtilis & efficacis naturae conditus, & in arce creatricis sapientiae omni corpore melior, omni etiam luce corporea lucidior ac dignior, ob imaginem conditoris, & capacitatem rationis, vitio tamen carnalis originis implicatus, peccati servus effectus est, & captivatus in lege peccati, quae est in membris. Nec tamen omnino amisit arbitrium, id est iudicium rationis in iudicando & discernendo, quamquam libertatem suam amisit eligendo & agendo. Nam in poenam peccati, & testimonium amissae dignitatis naturalis, positum est in signum ei arbitrium, sed captivum. Quod etiam ante conversionem & liberationem voluntatis, numquam perdere potest ex toto vlla aversione ipsius voluntatis. In quo etiam cum abutitur in eligendo malum pro bono, sicut dictum est, melior est & dignior omni corporea creatura, & in se, & in arte creatricis veritatis. Liberatur vero voluntas, quando efficitur charitas: cum charitas Dei diffunditur in cordibus nostris per Spiritum Sanctum qui datur nobis. Et tunc vere est ratio, hoc est habitus mentis per omnia convenienter veritati. Cum enim liberata voluntas per liberantem gratiam, spiritus agi incipit libera ratione, tunc suus, hoc est seipso libere utras

efficitur, & fit animus, & bonus animus. Animus, inquam, in quantum bene animans, & perficiens animal suum supplemento liberat rationis. Bonus autem, in quantum iam amans bonum suum, quo bonus fit, & sine quo nec bonus, nec animus esse potuit. Fit autem bonus animus & rationalis, diligens Dominum Deum suum in toto corde suo, & in tota anima sua, & in tota mente sua, & in omnibus viribus suis: & non nisi in ipso seipsum, & proximum suum sicut seipsum. Fit autem bonus animus Deum timens, & mandata eius observans: hoc est enim omnis homo. Ratio vero sicut diffinitur a diffinientibus, vel describitur a describentibus; Aspectus animi est, quo per seipsum, non per corpus verum intuetur: aut ipsa veri contemplatio, aut ipsum verum quod contemplatur, aut vita rationalis, vel rationale obsequium: in quo conformatur veritati contemplatae. Ratiocinatio vero & rationis inquisitio: hoc est aspectus eius motio, per ea quae aspicienda sunt. Ratiocinatio querit: ratio invenit. Aspectus hic in rem aliquam conjectus, cum ea videt, scientia est: cum non videt, ignorantia est hominis. Haec ergo ratio est & instrumentum, per quod operatur, & opus, quod operatur. Haec semper exerceri amat in eo quod utile est & honestum, exercitio proficiens, desidia vero in semetipsa marcescens.

## CAPVT XXV.

*Proficiens debet mentem ad Deum erigere.*

**N**ihilum vero dignius & utilius exercitium: est homini eam habenti, quam in eo quod melius habet, & in quo ceteris animalibus, & ceteris partibus suis praeminet: quae est ipsa mens vel animus. Menti vero vel animo, cui cetera pars hominis regenda subdita est, nec dignum est aliquid ad querendum, nec dulcius ad inveniendum, nec utilius ad habendum, quam quod solum ipsam mentem superminet: qui est solus Deus. Nec longe est ab unoquoque nostrum: quia in ipso vivimus, movemur & sumus. Et non sicut in aere isto, sic in Domino Deo nostro: sed in ipso vivimus per fidem, movemur & promovemur per spem, sumus, & manemus, & fugimus per amorem. Ab ipso enim & ad ipsum conditus est rationalis animus, ut ad ipsum sit conversio eius, ut sit ipse bonus eius. Hic autem ex illo bono bonus, & ad imaginem & similitudinem eius conditus est, ut quoad hic vivitur, quam proprius potest, accedat ad eam similitudinem, a quo sola receditur dissimilitudine: ut sit is sanctus, sicut ille sanctus est: in futuro futurus beatus, sicut ille beatus est. Denique hoc solum magnum & bonum est, cum magnus & bonus animus suspicit, miratur, & affectat, quod supra eum est: & adhuc se festinat similitudini suae devota imago. Ipse enim imago Dei est. Et per hoc quod imago Dei est, intelligibile ei fit, & se posse; & debere inherere ei, cuius imago est. Ideo etiam in terris regit corpus sibi commissum, meliore tamen parte sui, scilicet memoria, intelligentia & amore, ibi semper conversari amat, unde quidquid est, quidquid habet, se non accepisse: & ubi in perpetuum se mansurum, & cum plena Dei visione plenam Dei similitudinem adepturum, (quantum in hoc homini sperandum est,) sperare ei licet: sibi bonae spei vitam suam non neglegat conformare. Illuc ergo spectat, unde pendet: plus cum hominibus commorans, ut vivificet eos vita Dei ad querenda & capienda divina, quam ut vivat vita ista mortali & humana. Sicut enim corpus quod animatur, naturali statu suo

*Animus ut  
fiat bonus.*

Eccl. 12.

*Quid sit  
ratio, quid  
ratiocinatio.*

Aster. 17.

*Animus est  
Dei imago.*



erigit in cœlum, quod natura, & loco, & dignitate, & loca omnia & corpora supereminet: sic spiritualis ipse naturâ, ad ea quæ in spiritualibus præminent, hoc est ad Deum & diuina erigere semper amat semetipsum; non superbe sapiendo, sed piè amando, sobriè, & iustè, & piè viuendo: qui, quantò altius est, quò nritur, tanto fortioribus exercitiôrû studiis exercendus est: & quæ cum non perfundant, sed intingant; sicque afficiant, vt perficiant. Studia verò hæc, etsi literis aliquando adjuvantur & vtuntur, non tamen literatoria sunt, non cauillantia, non disputantia, non garrula: sed spiritualia, pacifica, & humilia, humilibus consentientia. Quæ etsi foris exercentur, intus potiùs aguntur in spiritu mentis, vbi renouatur homo de die in diem, induens novum hominem, qui secundum Deum creatus est in sanctitate & iustitia veritatis. Ibi enim sit animus, ibi sit intellectus bonus omnibus facientibus cum, vbi, secundum regulam ab Apostolo datam, in omnibus docemur exhibere nos sicut Dei ministros, in multa patientia, in tribulationibus, in necessitatibus, in angustiis, in laboribus, in vigiliis, in carcere cellæ, in jejuniis, in castitate, in scientia, in longanimitate, in suauitate, in Spiritu sancto; in charitate non fictâ, in verbo veritatis, & virtute Dei: per arma iustitiæ à dextris & à sinistris: per gloriam & ignobilitatem, per inamiam & bonam famam: vt seductores, & veraces: sicut ignoti & cogniti: quasi morientes, & ecce viuimus; vt castigati, & non mortificati: quasi tristes, semper autem gaudentes: sicut egentes, multos autem locupletantes: tanquam nihil habentes, & omnia possidentes: in labore & ærumna, in fame & siti, in frigore & nuditate. Hæc & huiusmodi sunt studia sancta, exercitia apostolica: in quibus discutit se solus cum Deo animus; & inuenit, & emendat: mundans se ab omni inquinamento carnis ac spiritus, perficiens sanctificationem in timore Dei. Studia hæc silentium amant, quiete desiderant cordis in labore corporis, paupertatem spiritus, & pacem in exterioribus pressuris, & bonam cōscientiam in omni puritate cordis & corporis. Hæc faciunt animum; quia vnde faciunt, habent. Vana verò illa, nugiger ula, verbosa, contentiosa, curiosa, ambitiosa, etiam factum animum, vel jam perfectum, dissipant & corrumpunt. Hæc studia scrutantur virtutum non tam flores, quàm radices: non vt luceant, sed vt sint: non vt sciantur, sed vt habeantur.

## CAPVT XXVI.

*Mala consuetudo cauenda: quid vitium, quid virtus sit.*

Vitiorum verò plus in semetipsis metuunt appetitum, quàm ab alijs impetum: plus contagium, quàm malitiam. Sicut enim aliquando magno labore & studio perseverante virtutes trahuntur in affectum & mentem bonam: sic vitia leuissima remissioris licentiæ oportunitate transeunt in conspersionem; & quasi naturalia efficiuntur. Sed nullum vitium naturale est; virtus verò omnis homini naturalis est. Consuetudo tamen vel voluntatis corrupta, vel inolitæ negligentia, plurima sæpe vitia quasi naturalia in neglecta conscientia efficere solet. Consuetudo quippe, sicut philosophi dicere solent, est secunda natura. Omnis tamen malus animus priusquam indurescat, malitia ejus molliri potest: sed nec postquam induruerit, desperandus est. Hæc enim maledictio est Adæ, vt in terra

laboris nostri, & in agro cordis vel corporis nostri, noxia vel inutilia gratuito passim vbique proueniant: vitia verò vel necessaria & salubria cum labore. Virtus tamen quoniam naturæ res est, cum venit in animum aliquando, non venit sine labore, sed venit in locum suum, & sedet fideliter: & bene cum ea naturæ conuenit, cum nullum præmium potius sit ei, quàm in Deo cōscientia sui. Vitium verò, cum nihil aliud esse credatur, quàm priuatio virtutis: tamen vastitas ejus & enormitas tanta nonnunquam quasi sentitur, vt obruat & opprimat: scditas tanta, vt inquinet & inficiat: adhesio tam pertinax consuetudinis, vt vix à se eam natura excutiat. Omnis enim vitij frustra siccatur rivus, si fons non fuerit obturatus. Verbi gratia, remissa voluntas facit mentis leuitatem, ex qua prodeunt instabilitas mentis, inconstantia morum, vana lætitia sæpe vsque ad lasciuia carnalis, vana tristitia nonnunquam vsque ad ægritudinem corporis: & multa alia, in negligentia vel transgressione propositi ex leuitatis vitio venientia. Sic etiam superba ex usu voluntas, in magna sæpe cordis inopia fumentem efficit animum: vnde procedunt vana gloria, fiducia sui, negligentia Dei, iactantia, inobedientia, contemptus, præsumptio, & cæteræ animi pestes, quæ profluere solent ex tumore & usu superbiz. Et in hunc modum omnia genera vitiorum ex aliquo male voluntatis affectu, vel malæ consuetudinis usu, suam singula ducunt matricem originem: quæ quantò diutius menti inolita est, tantò fortius hæret, & fortioribus remedijs eger; & curam requirit diligentiorum. Huiusmodi enim pestes vitiorum vsque in vltimam solitudinem solitarium persequuntur. Et sicut bene concreta virtus, & fideliter animo insidens, possessorem suum in nulla deserit multitudinem: sic vitium cōsuetudinis possessum suum liberum esse non patitur in qualibet solitudine. Nam nisi pertinaci studio & prudenti opera expugnata fuerit consuetudo, leniri potest, vix potest: & quomodocumque se componat animus, hæret; & in quauis solitudine habitet, secretum vel silentium cordis esse non patitur. Cui quò maiorem contigerit inesse usum consuetudinis & voluntatis, eò nequior & rebellior in eo inuenitur nō tam malitia spiritualis, quàm quasi manibus expellenda multiplex quædam collectio & dura corpulentia necessitatis. Sed redeamus ad laudem virtutis. Quid est virtus? Filia rationis, sed magis gratiæ. Vis enim quædam est ex natura: vt autem virtus sit, habet ex gratia. Vis est ex iudicio approbantis rationis: virtus autem ex appetitu illuminatæ voluntatis. Virtus enim est voluntarius in bonum assensus. Virtus est æqualitas quædam vitæ, per omnia cōgruens rationi. Virtus est ad iudicium rationis vsus liberæ voluntatis. Virtus quædam est humilitas. Virtus quædam est patientia. Virtus quædam est obedientia. Virtus sunt, prudentia, temperantia, fortitudo, iustitia, & aliæ quamplures: in quibus singulis non est aliud virtus, quàm, sicut dictum est, ad iudicium rationis vsus liberæ voluntatis. Bona enim voluntas in animo est origo omnium bonorum, & omnium mater virtutū. Sic econuerso mala voluntas est origo omnium malorum & vitiorum. Ideo custos animæ suæ valde sollicitus esse debet circa custodiam voluntatis suæ, vt prudenter intelligat & discernat,

*Noxia sponte crescunt, vitia labore soluta.*

*Vitium priuatio virtutis.*

*Mala consuetudo vitio potest vinci.*

*Virtus gratiæ filia.*

*Bona voluntas est origo virtutum.*

*Qualia sint spiritualia studia.*

*Psal. 110.*

*2. Cor. 6.*

*2. Cori. 7.*

*Quanta sit vis consuetudinis.*

*Virtus est secundum naturam.*

quid in totum velit, vel volendum sibi sit, sicut est amor Dei: quid propter illud, sicut est amor propositi.

## CAPVT XXVII.

*Dei dilectio, obedientia, & veritas, voluntatis custodes.*

**V**T enim in illo tuta sit omnis indiscretio, in hoc semper secundum obedientiæ regulas cauta & prudens debet esse dilectio. In dilectione quippe Dei non alia ratio, non alia discretio est, nisi ut, sicut ille, cum dilexisset nos, in finem dilexit nos: sic, si fieri potest, in infinitum diligamus eum nos, sicut beatus vir, qui in mandatis eius cupit nimis. Sed cum nullum finem vel terminum habere debeat deuotio amatis: tamen terminos suos, fines, & regulas, habere debet actio operantis. Vbi ne aliquando oberret nimia voluntas; necesse est, quod semper adsit mediante obedientia custodiens veritas. Nihil enim in bonum hominis in Deum proficietis, tam sibi conuenit, quam voluntas & veritas.

*Matt. 18.*

Hæc duo sunt, quæ sicut dicit Dominus, *si consenserint in vnum: quodcumque petierint, fiet eis à Deo Patre.* Si duo hæc in vnum perfecte consenserint, omnem in se continent virtutum plenitudinem; sine vitio intercurrente omnia possunt in homine etiam languente: omnia habent & possident in homine nihil habente: dant, mutant, cōferunt, profunt in homine secum quiescente. Gloria & diuitiæ in conscientia sancti viri illius; ex fructibus bonæ voluntatis ejus. Foris verò non ex vno latere, sicut scutum hujus mundi, sed vndique eum circumdat scutum veritatis Dei. Hilarem enim & iucundum intrus semper efficit bona voluntas: in exteriori verò actione serium & grauem, tutum ac securū reddit veritas. Ideoque supergressus humana homo ille, semper in sereno est: sicut de aëre illo homines ferunt, qui super globum lunæ est. Voluntas naturalis quidam animi appetitus est, alius in Deum, & circa interiora sua: alius circa corpus & circa exteriora & corporalia. Hæc cum sursum tendit, sicut ignis ad locum suum, hoc est, cum sociatur veritati, & mouetur ad altiora, amor est. Cum verò promouetur, & lætatur à gratia, dilectio est. Cum apprehendit, cum tenet, cum fruitur, charitas est, vnitas spiritus est, Deus est. *Deus enim charitas est.* In his autē cum consummauerit homo, tunc incipit: quia nulla horum in hac vita plena perfectio est. Cum verò declinat in ea quæ carnis sunt, concupiscentia carnis est. Cum in curiositatem sæculi, concupiscentia oculorum est. Cum verò in ambitionē gloriæ vel honoris, superbia vitæ est. Quamdiu tamen huiusmodi vtilitati seu necessitati naturæ seruit: natura est, vel appetitus ejus. Cum verò in superflua se exponit vel noxia, vitium naturæ est, vel sui ipsius. Quorum primo appetitu vel accessu, de temetipso tibi hoc capere licet argumentum. Cum in eis quæ ad corpus spectant, in rebus necessarijs voluntas primo appetitui finē facit, naturalis animi appetitus est. Cum verò in appetendo semper ad vltiora progreditur, ipsum se prodit: quia jam non tam voluntas, quam vitium voluntatis est, avaritia, vel cupiditas, vel aliquid huiusmodi. Voluntati enim in huiusmodi citò satis est: vitij verò ejus numquam satis est. Hæc in spiritalibus, & in eis quæ ad Deum sunt, cum vult, quod potest, laudanda est: cum vult, quod non potest, & plus quam po-

*Voluntas cum sursum tendit, amor est.*

*1. Ioan. 4. Eccl. 18.*

*Voluntas declinans cōcupiscentia est.*

test, regenda est & refrænanda: cum non vult, quod potest, excitanda est & prouocanda. Sæpe enim si non frænatur, impetum facit, & agitur in præceptis. Sæpe, si non excitatur, dormit, & tardat, & obliuiscitur quod tendebat: & facile declinat quasi à latere in obliuationes oblatae delectationis. Ideoque sicut in corpore etiam solet fieri, (melius enim corpus hominis ab alio videtur, quam seipsum videat,) in huiusmodi nos sæpe melius videt alienus oculus, quam nos ter: & alius, qui non est pariter in fervore ejusdem voluntatis, rector sæpe nostræ iudex est actionis: quia sæpe vel negligentia vel priuato amore nostri erramus in nobis. Bona ergo custos voluntatis est obedientia, siue imperij illa sit, siue consilij: siue subiectionis, siue solius charitatis. Purius enim ac dulcius, secundum Apostolum Petrum, ad pares, seu etiam ad minores suos, filij obedientiæ castificant corda sua in obedientia charitatis, quam ad maiores subigant per obedientiam necessitatis. In illa enim sola vel præcipit vel consulit & obedit charitas: hic autem pœnam timeret, vel minatur, imperiosa auctoritas, & meticulosa necessitas. Et in illa obedientiæ sæpe debetur major gloria: in ista verò inobedienti major semper intentatur pœna. Ergo in homine sursum cor habente, propter exteriora sua regenda, moderanda, cōponenda, palā omnibus est, quam necessaria sit voluntati custodia sua, ampliùs autem propter interiora sua. Animo enim sæpe seipsum vel Deum cogitanti, ipsa voluntas in omni cogitatione princeps est: & necessariò principium voluntatis sequitur omnis tenor cogitationis. Tria enim sunt quæ cogitationem faciunt; voluntas, memoria, & intellectus. Voluntas cogit memoriā, ut proferat materiam: cogit etiam intellectum, ad formandum quod profertur, adhibens intellectui memoriæ, ut inde formetur; intellectui verò aciem cogitantis, ut inde cogitetur. Quæ quia in vnum cogit voluntas, & facili quodam nutu copulat, à cogendo cogitatio nomen accepisse videtur.

## CAPVT XXVIII.

*Quæ cogitationes admittenda, quæ non.*

**H**inc sunt cogitationes omnes; alie bonæ & sanctæ, & dignæ Deo; alie malæ & peruersæ, quæ separant à Deo: alie sine intellectu, id est otiosæ & vanæ, à quibus aufert se Deus. Hinc enim dicitur, quod *peruersæ cogitationes separant à Deo: & quia Spiritus sanctus aufert se à cogitationibus, quæ sunt sine intellectu.* In quibus aduertendū est, quia sine omni intellectu nullatenus cogitari potest: & nulla omnino cogitatio sine omni intellectu est. Sed alius est intellectus ex vi naturalis rationis: alius ex virtute mentis rationalis. Intellectus quidem idem ipse est, qui quocumque, seu in bonum seu in malum, applicitus fuerit, naturaliter viget. Sed alius inuenitur sibi relictus, alius à gratia illuminatus. Ille sæculi rebus, & serijs & nugatorijs, se non negat: hic autem non nisi dignis se rebus & similibus sibi seipsum accommodat. Ille sæpe operatur sicut sibi relictus, & vitio infectus ex vi rationis, & vitio corruptæ voluntatis, texens peruersas cogitationes, quibus semetipsum, qui cogitat, sponte separat à Deo. Hic autem semper sicut illuminatus, & virtuti affectus, operatur pietatē, quæ cogitantem iungit Deo. Quæ verò secundo loco ponuntur, cogitationes sine intellectu; ipsæ

*Sæpe melius nos videt oculus alienus, quam nos ter.*

*Bona custos voluntatis obedientia est.*

*1. Petri 5.*

*Sapi. 1.*

*Intellectus alius est sibi relictus, alius illuminatus.*

*Cogitatio sine intellectu quæ.*



*Qua sint cogitationes siue intellectus.*

sunt vana illa & otiosa, neutro intellectui per cogitantis intentionem se applicantes; non repente perimentes, sed sensim & paulatim corruptes; occupantes tempus, necessaria impediētes, & animum inficientes: non tam cogitationes, quam ex veris & imaginarijs recordationibus simulachra quaedam cogitationum; seu ipsae recordationes vltro & multipliciter de memoria scaturientes. In quibus passio quaedam voluntatis potius videtur esse quam actio; cum nulla sit in eis cogitantis intentio: cum, quod sponte ebullit de memoria, formandum se offert intellectui non curanti: & quicquid agitur, videtur potius agi in somnio dormientis, quam in studio cogitantis. Vbi tamen si se repellere Spiritum sanctum non est in voto cogitantis: fit tamen ex culpa negligentis, ut Spiritus sanctus disciplinam meritis auferat se a cogitationibus indisciplinaris. Quae quamvis fiant per vim occultam rationis, non tamen fiunt ex ratione: & trahitur in eas intellectus, cum nullus sit in eis intelligentis assensus. Vbi verò serio de rebus serijs bene cogitur; voluntas libero arbitrio de memoria euocat quodcumque opus habet: & intellectum formantem memoriam adhibet, formatumque quicquid illud est, intellectus adhibet aciei cogitantis; & sic peragitur negotium cogitationis. Cum verò de his quae de Deo vel ad Deum sunt cogitatur, & voluntas eo proficit ut amor fiat: continuò per viam amoris infundit se Spiritus sanctus, spiritus vitae, & omnia viuificat, adiuvans, seu in oratione, seu in meditatione, seu in tractatu, infirmitatem cogitantis. Et continuò memoria efficitur sapientia, cum suauiter ei sapientiae bona Dei: & quod ex eis cogitatum est formandum in affectu, adhibet intellectui. Intellectus verò cogitantis efficitur contemplatio amantis: & formans illud in quodam spiritalis vel diuinæ suauitatis experientias, afficit ex eis aciem cogitantis: illa verò efficitur gaudiū fruentis. Et tunc de Deo bene cogitur secundum humanum modum: si tamen cogitatio dicenda est, ubi nihil cogit nec cogitur: sed tantummodo in memoriam abundantiae suauitatis Dei exultatur, jubilatur, & verè sentitur de eo in bonitate, ab eo qui in simplicitate cordis quaesivit eum. Sed modus hic cogitandi de Deo non est in arbitrio cogitantis, sed in gratia donantis: scilicet cum Spiritus sanctus, qui ubi vult spirat, quando vult, & quomodo vult, & quibus vult, in hoc aspirat. Sed hominis est jugiter prae parare cor, voluntatem expediendo ab affectionibus alienis, rationem vel intellectum a sollicitudinibus, memoriam ab otiosis & negotiosis, nonnumquam & a necessarijs occupationibus: ut in die bona Domini, & in hora beneplaciti ejus cum audierit vocem Spiritus spirantis, ea quae cogitatione faciunt, continuò liberè concurrant sibi, & cooperentur in bonum, & quasi symbolum faciant in gaudium cogitantis: voluntas exhibendo in gaudium Domini puram affectionem, memoria materiam fidelem, intellectus experientiae suauitatem. Sic ergo voluntas neglecta facit cogitationes otiosas, & indignas Deo, corrupta peruersas, quae separant a Deo; recta necessarias ad usum vitae hujus: pia efficaces ad fructum spiritus, & ad fruendum Deo. Fructus autem spiritus sunt, sicut Apostolus dicit, *charitas, pax, gaudium, patientia, longanimitas, bonitas, benignitas, mansuetudo, fides, modestia, continentia, castitas.*

*Cogitationes de Deo, & de ijs, quae ad Deum sunt.*

*Dies bona Domini, & hora beneplaciti ejus.*

*Galat. 5.*

Et in omni genere cogitationis omnia quaecumque cogitanti occurrunt, conformantur intentioni voluntatis, agente in eis misericordia & iudicio Dei: ut iustus iustificetur adhuc; & qui in sordibus est, sordescat adhuc. Ideo homini Deum amare volenti, vel jam amanti, suus semper consulendus est animus, examinanda conscientia: quid sit, quod in totum vult, & propter quod vult, quicquid aliud vult spiritus vel odit; quicquid contra illud caro concupiscit. Incidentes enim quasi extrinsecus, & decedentes cogitationes, & praetervolitantes voluntates, quibus modò vult, modo non vult, nequaquam inter voluntates, sed penè inter otiosas deputandae sunt cogitationes. Nam etsi aliquando fiunt vsque ad delectationem animi, citò tamen inde se excutit animus compos sui. Quod autem in totum vult, primò considerandum est ei, quid illud sit, quod sic velit: deinde quantum velit, & quomodo velit. Si, quod in totum vult, Deus est; discutiendum est ei, Deum quantum velit, & quomodo velit, & utrum vsque in contemptum sui ipsius, omniumque quae sunt, vel esse possunt: & hoc non tantum ex iudicio rationis, sed etiam ex affectu mentis; ut jam voluntas plusquam voluntas sit, ut amor sit, ut dilectio sit, ut sit charitas, sit vnitas spiritus. Sic enim diligendus est Deus. Magna enim voluntas ad Deum amor est, dilectio, adhesio siue conjunctio, charitas, fructio. Vnitas verò spiritus cum Deo homini sursum cor habenti, proficientis in Deum voluntatis est perfectio: cum jam non solummodo vult, quod Deus vult: sed sic est non tantum affectus, sed in affectu perfectus; ut non possit velle, nisi quod Deus vult. Velle autem quod Deus vult, hoc est jam simile Deo esse. Non posse velle, nisi quod Deus vult, hoc est jam esse quod Deus est, cui velle & esse idipsū est. Vnde bene dicitur, quodd tunc plenè, *videbimus eum sicuti est, cum similes ei erimus*: hoc est, erimus, quod ipse est. Quibus enim potestas data est filios Dei fieri, data est potestas, non quidem ut sint Deus; sed sint tamen quod Deus est: sint sancti, futuri plenè beati, quod Deus est. Nec aliunde hic sancti, nec ibi futuri beati, quam ex Deo; qui eorum sanctitas & beatitudo est.

*Apocal. 32.*

*Velle, quod Deus vult, est esse similem Deo.*

#### CAPVT XXIX.

##### *Dei similitudo in anima.*

ET hæc hominis est perfectio, similitudo Dei. Perfectum autem nolle esse, delinquere est. Et ideo huic perfectioni nutrienda est semper voluntas, amor prae parandus: voluntas cohibenda, ne in aliena dissipetur: amor seruandus, ne inquinetur. Propter hoc enim solum creati sumus & viuimus, ut Deo similes simus: cum ad Dei imaginem creati simus. Est autè Dei similitudo quaedam, quam nemo viuens, nisi cum vita exuit, quam omni homini in testimonium amissae melioris & dignioris similitudinis creator omnium hominum relinquit: quam habet & volens & nolens; & qui eam cogitare potest, & qui tam hebes est, ut eam cogitare non possit: scilicet, quod sicut ubique Deus est, & ubique totus est in creatura sua; sic & in corpore suo omnis viuens anima. Et sicut semper sibi indissimilis Deus indissimiliter dissimilia in creatura operatur: sic anima hominis quamvis totum corpus viuificans indissimili vita; in se sibus tamen corporis, & in cogitationibus cordis, indissimiliter operatur assidue dissimilia. Hæc si-

*Ob hoc creati sumus ut Deo similes simus.*

*Similitudo  
Dei duplex.*

*Vnitaa spi-  
ritus cum  
Deo.*

2. Cor. 6.

*Cognitio  
Dei in hac  
vita a nigra  
tica est.*

Iob 36.

militudo Dei in homine, quantum ad meritum ejus, nullius apud Deum est momenti; cum naturæ, non voluntatis ejus sit, vel laboris. Sed est alia magis Deo propinqua similitudo, in quantum voluntaria, quæ in virtutibus consistit: in qua animus, virtutis magnitudine summi boni quasi imitari gestit magnitudinem; & perseverantia in bono constantia, æternitatis ejus incommutabilitatem. Super hanc autem alia est adhuc similitudo Dei. Hæc est, de qua jam aliquanta dicta sunt, intantum proprie propria, ut non jam similitudo, sed vnitaa spiritus nominetur: cum sit homo cum Deo vnus spiritus, non tantum vnitaa volendi idem; sed expressiore quadam veritate virtutis, sicut jam dictum est, aliud velle non valendi. Dicitur autem hæc vnitaa spiritus, non tantum quia efficit eam, vel afficit ei spiritum hominis Spiritu sanctus; sed quia ipsa ipse est Spiritu sanctus, Deus charitas: cum, qui est amor Patris & Filij, & vnitaa, & suauitas, & bonum, & osculum, & amplexus, & quicquid commune potest esse amborum in summa illa vnitaa veritatis, & veritate vnitatis; hoc idem homini suo modo fit ad Deum: quod cum substantiali vnitaa Filio est ad Patrem, vel Patri ad Filium: cum in amplexu & osculo Patris & Filij mediam quodammodo se inuenit beata conscientia; cum, modo ineffabili incogitabilique fieri meretur homo Dei non Deus, sed tamen quod Deus est ex natura, homo ex gratia: unde in catalogo spiritualium exercitiorum, Apostolus prudenter inter se Spiritum sanctum, dicens. *In castitate, in scientia, in longanimitate, in suauitate, in Spiritu sancto, in charitate non ficta, in verbo veritatis, in virtute Dei.* Vide enim quomodo tamquam omnifacientem, ordinantem & viuificantem; in medio bonarum virtutum, sicut cor in medio corporis, constituit Spiritum sanctum. Ipse est enim omnipotens artifex creans hominis ad Deum bonam voluntatem: Dei ad hominem faciens propitiationem; formans affectionem, dans virtutem, iuvans operationem, agens omnia fortiter, & disponens omnia suaviter. Ipse vivificat spiritum hominis, & continet in vnum: sicut & ille viuificat, & in vnum continet corpus suum. Homines doceant Deum querere, Angeli adorare: solus ipse est, qui docet inuenire, habere, & frui. Ipse enim est & sollicitudo bene querentis, & pietas in spiritu & veritate adorantis, & sapientia inuenientis, & amor habentis, & gaudium fruuentis. Quicquid tamen de visione & cognitione Dei hic fidelibus impartitur, speculum est & ænigma: tantum distans à futura visione & cognitione, quantum à veritate distat fides, vel tempus ab æternitate: etiã cum aliquando fit, quod de eo in libro Iob legitur. *Qui abscondit lucem in manibus; & præcipit ei, ut sursum oriatur; & annunciat de ea dilecto suo, quod possessio ejus sit, & ad eam possit pervenire.*

#### CAPUT XXX.

*Celestes illuminationes & visitationes.*

**E**LECTO enim & dilecto Dei aliquando vicissim lumen quoddam vultus Dei ostenditur, sicut lumen clausum in manibus, quod patet & latet ad arbitrium tenentis; ut per hoc, quod quasi in transcurso vel in puncto permittitur videre, inardescat animus ad plenam possessionem luminis æterni, & hereditatem plenæ visionis Dei: cui ut innotescat aliquatenus id quod ei

deest, nonnumquam quasi pertransiens gratia perstringit sensum amantis, & eripit ipsum sibi, & rapit in diem, qui est à tumultu rerum, ad gaudia silentia: & pro modulo suo ad momentum, ad punctum, id ipsum ostendens ei videndum sicuti est, interim etiam & ipsum efficit in idipsum, ut sit & ipse pro suo modo, sicut illud est. Vbi cum didicerit, quid intersit inter mundum & immundum, redditur sibi, & remittitur ad mundandum cor ad visionem, ad optandum animum ad similitudinem; ut si aliquando rursus admittatur, sit purior adhuc ad videndum, & stabilior ad fruendum. Nusquam enim se melius apprehendit modus humanæ imperfectionis, quam in lumine vultus Dei, in speculo diuinæ visionis. Vbi in die qui est, plus & plus videns quid sibi deest, emendat in dies similitudine, quicquid deliquit dissimilitudine: similitudine ei appropinquans, à quo longè factus est per dissimilitudinem. Et sic expressiorem visionem expressior semper similitudo comitatur. Impossibile quippe est videri summum bonum, & non amari: nec non tantum amari, quantum datum fuerit videri: quovsq; amor proficiat in aliquam similitudinem amoris illius, qui Deum similem fecit homini per humiliationem humanæ conditionis; ut hominem similem Deo constituat per glorificationem diuinæ participationis. Et tunc dulce est homini cohumiari summæ maiestati, compauperari filio Dei, diuinæ sapientiae conformari; hoc sentiendi in seipso, quod & in Christo Iesu Domino nostro.

#### CAPUT XXXI.

*Perfectio & sapientia hominis est pietas & vnitaa spiritus cum Deo.*

**H**IC enim est sapientia cum pietate, amor cum timore, exultatio cum tremore: cum cogitatur & intelligitur Deus humiliatus usque ad mortem, mortem autem crucis, ut hominem exaltet usque ad similitudinem diuinitatis. Hinc emanat fluminis imperus lætificans civitatem Dei, memoria abundantiae suauitatis ejus in intelligendis & cogitandis circa nos bonis ejus. In quo cum ad Deum amandum facile hominem adducant pensata vel etiam contemplata ejus amabilia, per seipsa in affectu contemplantis elucetia potentia ejus, virtus ejus, gloria, maiestas, beatitudo: hoc porissimum amantem rapit in amabilem, quod ipse in semetipso est, quicquid in eo amabile est, qui est totum quod est; si tamen totum est, ubi pars non est. Cui bono amore ipsius boni sic se intendit pius affectus, ut non se inde reuocet, donec vnum, vel vnus cum eo spiritus fuerit effectus. Quod cum in eo fuerit perfectum, jam solo mortalitatis huius vel diuiditur ac differtur à sanctis sanctorum, à summa illa beatitudine supercælesti: qua tamen cum jam in fide & spe ejus quem amat fruitur in conscientia; etiam quod superest vitæ huius, tolerabili præstolatur patientia. Et hæc est destinatio solitarij certaminis, hic finis, hoc præmiu, hæc requies laborum, consolatio dolorum. Et ipsa est perfectio & vera hominis sapientia, omnes in se amplectens & continens virtutes, non aliunde mutuatas, sed velut naturaliter insitas sibi, ad similitudinem illam Dei qua est ipse quicquid est: cum, sicut Deus est id quod est: sic circa bonum virtutis habitus bonæ voluntatis in bonam mentem sic consolidatus & affectus est, ut ex ardentissima boni incommutabilis adhæ-

*Imperfectio  
nostra in lu-  
mine vultus  
Dei cerni-  
tur.  
Impossibile  
est, Deum  
videre, &  
non amare.*

*Premiu  
certaminis  
solarij.*

*Modus con-  
versationis  
caelestis un-  
de formetur*

*Job 28. secū-  
dum 70.*

*Sapientia &  
scientia.*

*Prima prin-  
cipia mor-  
alia.*

*Horatius.*

sione nullatenus videatur jam posse mutari ab eo quod est. Cum enim sit circa hominem Dei assumptio illa Domini, & sancti Israël regis nostri: sapiens & pius animus per illuminantem & adjuvantem gratiam in contemplatione summi boni speculatur etiam regulas incommutabilis veritatis; in quantum ad eas perungere meretur intellectu amoris: & exinde format sibi modum conversationis cujusdam coelestis, & formam sanctitatis. Speculatur enim summam veritatem, & quæ ex ea vera sunt: summum bonum, & quæ ex eo bona sunt: summam æternitatem, & quæ ex ea sunt. Illi veritati, illi charitati, illi æternitati se conformans, in istis se conformans, in istis se ordinans: illis non supervolitans judicando, sed suspiciens desiderando, vel inhærens amando: ista suscipiens, & eis se coaptans & conformans, non sine discretionis iudicio; non sine examine ratiocinationis. Ex quo cōcipiuntur & oriuntur virtutes sanctæ; & imago Dei reformatur in homine: & vita illa Dei ordinatur, à qua homines quosdam alienatos conqueritur Apostolus: & colligitur robur virtutis, & duo illa in quibus contemplatiuæ vitæ perfectio constat, & actiuæ: de quibus, juxta antiquos illos interpretes legitur in Job. *Ecce pietas est sapientia: abstinere verò à malo, scientia est.* Sapientia enim pietas est, hoc est cultus Dei, amor quo eum videre desideramus, & videntes in speculo & in enigmate credimus & speramus, & in hoc proficimus, ut eum videamus in manifestatione. Abstinere verò à malis, scientia temporalium est, in quibus nos sumus: in quibus tantum abstinemus à malis, in quantum ad bona studemus. Ad hanc scientiam & ad hanc abstinentiam spectare inveniuntur primò omnium virtutum exercitia: deinde omnium artium vitæ hujus, in qua versamur, disciplina. Quorum alterum, id est studium virtutum, respicere potius videtur ad superiora: quasi superioris sapientiæ præferentia virtutem, & redolentia suavitatem. Alterum quod circa corporalia sit exercitia, nisi fidei religione religetur, miserè defluit in inferiorum vanitatem. In quibus cum scientia sit res, siue ratione, siue sensibus corporis comprehensa, & memoriæ cōmendata; si bene res perpenditur, id propriè quod apprehendimus sensibus, omnino scientiæ deputandum est. Quod verò per semetipsam ratio in huiusmodi apprehendit: hoc jam est, in quo se sibi scientia atque sapientia conterminant. Quicquid enim aliunde discitur, scilicet per sensus corporis, quasi alienum & aduentitiū menti ingeritur. Quod verò sponte venit in mentem, siue ex ipsa vi rationis, siue incommutabilium legum incommutabilis veritatis naturali intelligentia, ex qua etiam impissimi homines nonnumquam rectissime judicare inveniuntur: hoc sic ipsi inest rationi, ut hoc ipsum ipsa ratio sit: nec tam commendatur ei per doctrinam aliquam, ut scientia sit, quàm vel alio commonente, vel ipsa commemorante, hoc ipsum sibi inesse naturaliter intelligit. In quo hoc potissimum est, cum, quod notum est Dei, Deo naturaliter reuelante, manifestū sit homini etiam impio. Deinde affectus virtutum naturalis, de quo licuit dicere ethnicum Poëtam. *Oderunt peccare boni virtutis amore.* Deinde per inquisitionem ratiocinationum, quælibet discretio rationalium. Infirma verò pars est scientiæ, & deorsum vergens sensibile animalis expe-

rientia, quæ sit per quinque sensus corporis, præsertim quando concupiscentiæ carnis militant, siue oculorum, siue superbiæ vitæ hujus. Cum ratio ergo sapientiæ conformata format sibi cōscientiā, & ordinat vitam: in inferioribus scientiæ aptat sibi seruitutem, & sufficientiā naturæ; in ratiocinationibus & rationabilibus ordinem vitæ; in obtentu virtutum formam conscientiæ. Sicque ab inferioribus promota, à superioribus adjuncta, pergens in id quod rectum est, & iudicio rationis, & assensu voluntatis: & mentis affectu & operis effectu erumpere festinat in libertatē spiritus & unitatem: ut, sicut jam sæpe dictū est, fidelis homo vnus spiritus efficiatur cum Deo. Et ipsa est, de qua paulò antè diximus, vita Dei, quæ non tam rationis est profectus, quàm jam in sapientia perfectionis affectus. Hæc enim quia jam sapiunt sapienti, sapiens est: quia factus est vnus spiritus cum Deo, spiritualis est. Et hæc in hac vita hominis perfectio est. Iam enim, qui hætenus fuit solitarius vel solus, efficitur vnus, & solitudo ei corporis vertitur in unitatem mentis. Et impletur in eo quod Dominus pro discipulis in clausula omnis perfectionis orauit, dicens. *Pater, volo, ut sicut ego & in unum sumus: ita & ipsi in nobis unum sint.* Hæc enim unitas hominis cum Deo, vel similitudo ad Deum, in quantum propinquat Deo, intantum inferius suum conformat sibi, infirmum illi: ut spiritus & anima & corpus suo modo ordinata, suis locis disposita, suis meritis æstimata, suis etiam proprietatibus cogitetur: ut incipiat homo perfectè nosse seipsum; & per cogitationē sui proficiendo, ascendere ad cognoscendum Deum. Quod cum primū exurgere & aspirare incipit proficientis affectus, in cogitatione hujus similitudinis plurimū cauendus est error dissimilitudinis; scilicet ut spiritualibus spiritualia, & diuinis diuina comparando, non aliter de eis cogitetur, quàm quod res habet.

## CAPVT XXXII.

*Qualis credendus & cogitandus sit Deus.*

COGITANS ergo animus similitudinem Dei, & sui, primò in hoc formet & aptet cogitationem suam, ut omnino fugiat secundū corpus cogitare seipsum: Deum verò non solum non secundum corpus, sicut locale; sed neque secundum spiritum, sicut mutabile. Quæ enim spiritualia sunt, tantum diuersa sunt à corporū qualitate & natura, quantū ab omni locali circumscriptione remota. Quæ verò diuina sunt, tantum supereminent omnia & corporalia & spiritualia, quantum ab omni loci vel temporis lege, vel mutabilitatis suspitione aliena, in suæ incommutabilitatis & æternitatis beatitudine incommutabilia manent & æterna. In quibus, sicut quæ corporalia sunt discernit animus per corporis sensus: sic quæ sunt rationalia vel spiritualia discernere non potest, nisi per semetipsum: quæ verò sunt Dei, non nisi à Deo quærat vel expectet intellectum. Et quidem de nonnullis quæ ad Deum spectant, fas est & possibile homini rationem habenti aliquando cogitare & disquirere: sicut de dulcedine bonitatis ejus, de potentia virtutis, & alijs huiusmodi. Ipsum verò id ipsū, quod est id, quod est, cogitari omnino non potest, nisi quantum ad hoc sensu illuminati amoris attingi potest. Credendus tamen est Deus; & in quantum Spiritus sanctus adiuverit infirmitatem nostram, cogitandus quæ-

*Perfectio  
huius vitæ  
in quo sita.*

*Diuina  
quantum  
distant à cor-  
poralibus &  
spirituali-  
bus.*

*Quedam  
Dei attributa  
possunt  
disquiri &  
cogitari; sed  
non Dei es-  
sentia.*

Qualis co-  
gitant. Iussit  
Deus.

Certius at-  
tingitur De-  
us amore,  
quàm cogi-  
tatione.

dam vita æterna, vivens & vivificans, immuta-  
bilis, mutabilia omnia immutabiliter faciens: in-  
telligens & creans omnem intellectum & intel-  
ligentem: sapientia faciens omnem sapientem:  
veritas fixa, stans, indeclinabilis, ex qua vera sūt  
omnia quæ vera sunt; in qua sunt æternaliter  
rationes rerum omnium evenientium tempora-  
liter. Cuique vita ipsa essentia est, ipsa natura;  
& vita vivens ipse sibi est; quæ est ipsa diivinitas,  
æternitas, magnitudo, bonitas & virtus in seip-  
sa existens & subsistens: excedens omnem locū  
cum virtute naturæ illocalis, æternitate verò  
omne tempus, quod vel ratione vel opinione  
comprehendi potest: quæ longè veriùs est &  
excellentiùs, quolibet sentiendi genere sentia-  
tur. Certiùs tamen sensu humilis & illuminari  
amoris, quàm quolibet cogitatu rationis attingitur:  
& semper meliùs est, quàm cogitatur; me-  
liùs tamē cogitatur, quàm dicitur. Ipsa est enim  
summa essentia, ex qua omne esse proficiscitur:  
ipsa est summa substantia, non subiecta prædi-  
camentis vocationis, sed rerum omnium subsistens  
causale principium: in quo esse nostrum non  
moritur, intellectus noster non errat, amor non  
offenditur: qui semper quæritur, vt dulciùs in-  
veniat: dulcissimè invenitur, vt diligentius  
quærat. Hoc ergo ineffabile, (cū non nisi  
ineffabiliter videatur,) qui vult videre, cor mū-  
det: quia nullā corporis similitudine dormiēti,  
nullā corporeā specie vigili, nullā rationis in-  
dagine, nisi mundo corde humiliter amantis, vi-  
deri potest, vel apprehendi. Hæc est enim facies

Domini: quam nemo potest videre, & vivere  
mundo. Hæc est species, cui contemplandæ sus-  
pirat omnis qui affectat diligere Dominum Deū  
suum in toto corde suo, in tota anima sua, in  
omni mente sua, & in omnibus viribus suis. Ad  
quod etiam non desinit excitare proximum suū,  
si diligit eum sicut seipsum. Ad quod cū ali-  
quando admittitur, in ipso lumine veritatis in-  
dubitanter videt prævenientem gratiam. Cū  
inde repellitur, in ipsa sui cæcitate intelligit pu-  
ritati ejus non convenire immunditiam suam.  
Et si amat, flere dulce habet, & non sine multo  
gemitu cogitur redire in conscientiam suam. Ad  
quod cogitandum omnino impares sumus, sed  
ignoscit quem amamus, & de quo dignè nos nō  
posse vel dicere vel cogitare confitemur: & ta-  
men vt dicamus & cogitemus, vel amore amo-  
ris ejus prouocamur & trahimur. Cogitantis  
ergo est, in omnibus humiliare semetipsum, glo-  
rificare in semetipso Dominum Deum suum: in  
contemplatione Dei vilescere sibi: in amore crea-  
toris subiectum esse omni humanæ creaturæ.  
Exhibere corpus suum hostiam viventem, san-  
ctam, Deo placentem, rationabile obsequium  
suum. Præ omnibus autem, non plus sapere,  
quàm oportet sapere, sed sapere ad sobrietatem:  
& secundum datam à Deo mensurā fidei, bona  
sua non ponere in ore hominum, sed celare in  
cella sua, & recondere in conscientia; vt hunc  
quasi titulum, & in fronte conscientiæ, & in  
fronte cellæ semper habeat: *Secretum mentis*  
*mibi: secretum mentis mibi.*

Facies & spe-  
cies Dei.

Officiū con-  
templari.

Rom. 11.

Isaia 24.



## B. GVILLEMI S. THEODORICI ABBATIS.

### Meditativæ Orationes.

#### MEDITATIO PRIMA.

##### Contemplatur anima Præscientiam Dei, Prædestinationem ac Reprobationem.

Rom. 11.



Altitudo sapientia & scientia Dei:  
quàm incomprehensibilia sunt iudicia  
ejus, & investigabiles via ejus. Quis  
enim cognovit sensum Domini: aut  
quis consiliarius ejus fuit? Misereris

Rom. 9.

enim Domine, cujus misereris: sed misericor-  
diam præstas, cujus misertus eris. Nec enim vo-  
lentis vel currentis est; sed misertus tui Deus  
noster. Resiluit hic vas fictile à manu ejus, qui se  
finxit: qui dicit per Prophetam, ego feci, ego fe-  
ram: resiluit à manu tenentis & portantis, casu-  
rum, confringendum, conterendum; & cla-  
mat. Quid adhuc queritur? Voluntati enim ejus  
quis resistit. Et addit. Quid me fecisti sic? Sic tibi  
dicit, o æterna sapientia, vas fictile & luteum,  
vas contumeliæ & iræ aptum in interitum: cū  
potius tremere ad te haberet, & orare te deberet:  
qui habes potestatem, ex eadem luti massa face-  
re, aliud quidem vas in honorem, aliud in con-  
tumeliam. Sed permanent vasa honoris & ele-  
ctionis; vasa misericordiæ, quæ præparasti in  
gloriam; quæ non hoc dicunt, sed agnoscunt te  
creatorem, & figulum suum, se autem lutū con-  
pactum in manu tua: de qua si ceciderint, vā eis,  
quia confringentur, conterentur, & redigentur  
in nihilum. Hoc sciunt; & ex gratia tua non de-

ficiunt. Miserere Domine, miserere: tu plastes  
noster, & nos lutum. Adhuc tamen quomodo-  
cumque cohæremus: adhuc manu virtutis tuæ  
portamur: adhuc de tribus digitis tuis, fide, spe,  
& charitate, dependemus: in quibus appendis  
molem terræ, soliditatem scilicet sanctæ Eccle-  
siæ tuæ. Miserere, tene nos; ne de manu tua ca-  
damus. Vre renes & cor nostrum igne Sancti  
Spiritus tui; & confirma quod operat⁹ es in no-  
bis: ne dissoluamur; & in lutum nostrum, vel  
in nihilum redigamur. Ad te à te creati sumus,  
& ad te conuersio nostra: te factorem & forma-  
torem cognoscimus: tuam in disponendo sapi-  
entiam, in continendo & conseruando bonita-  
tem & misericordiam, adoramus & invocamus.  
Perfice nos, qui fecisti nos: perfice vsque ad  
formam plenam imaginis & similitudinis tuæ,  
ad quam formasti nos. Dicit tibi vas luteū luto  
destinatum: & vox ejus est cadentis & crepātis.  
Quid me fecisti sic? Vas in honorem non hoc  
dicit. Corde enim credit ad iustitiam, ore autē  
confitetur ad salutem, quia bonus bene omnia  
fecisti; & ipsum in honorem, illud verò in con-  
tumeliam bene fecisti: vtrique dans liberum ar-  
bitrium, vt vterque nō cogente necessitate, sed  
spontanea voluntate faceret, quod faceret: &

Rom. 10.  
Liberum ar-  
bitriū quo  
quis meti-  
tur.

Isaia 46.

Rom. 11.

Vox repro-  
bi, qui orare  
deberet, ne  
reprobus fie-  
ret.

Gratia omnibus offertur. Præscientia Dei non imponit necessitatem.

Ioan. 1.

Ioan. 14.

Deo nil præteritum aut futurum.

Psal. 11.

Gratia omnibus parata.

Genes. 1.

Sapi. 1.

Ioan. 14.

Iac. 4.  
Electio & reprobatio fit ex meritis.

proprium haberet virtutis meritum. Virtus enim est spontaneus in bonum bonæ voluntatis assensus. Habens autem omnium scientiam, præsciebas de utroque, o æterna sapientia, quomodo libero arbitrio uterque uti deberet; qualisque futurus esset sui rerumque arbiter: utrique paratam habens gratiam, qui non eam in vacuum susciperet. Præscientia autem tua non utique cogit eos esse, quod futuri sunt; tanquam necessarii sic sint futuri, quia sic eos esse futuros præscisti: quin potius quia sic futuri erant, ideo tu sciens omnia, priusquam fiant, etiam hoc præscisti: & omnino non potest falli præscientia tua. Est autem præscientia tua, Deus, ipsa sapientia tua, quæ ab æterno æternaliter tibi coest, etiam si nulla esset creatura: in qua sunt æternaliter causæ omnium quæ sunt temporaliter, & ipsa præscientia creaturæ in tempore suo creandæ. Quæ tamen tibi futura non erat: quia in consubstantiali tibi ipso Verbo tuo, per quod factum est, quicquid est factum, vita erat: sic existens in eo vita, sicut futura erat: sic omnino futura, quia in ipso vita erat. Vita autem, non cogens ut ita sit: sed sic existens in eo quod sic futurum sit. Quid igitur? Modus futuri temporalis, causa est in Deo ejus quod est, id est æternitatis? Nam si sic non esset futurum temporaliter; videtur in Verbo Dei non posse esse æternaliter. Sed scientia vel præscientia tua Deus, ipsa est veritas tua, quæ dicit. *Ego sum veritas*. Et sicut tu, Deus, præsciendo, non cogis fieri, quod futurum est: sic nec cogi potes præscire, ab eo quod futurum est. Tibi quippe nihil est præteritum, nihil futurum, sed es semper quod es: illud autem quomodo-cumque sit, siue præsens, siue præteritum, siue futurum, in verbo tua vita est. *In circuitu impij ambulans*. Collige te, o homo, à circuitu erroris ad centrum veritatis. Vas luteum sic redigitur in lutum suum: ut non eum cogat ad hoc Dei præscientia; quia eum non latuit sic futurum: quod tamen quia sic futurum præsciuit, in interitum prædestinavit. Præscientia etiam Dei, bonitas ejus est: quæ ab æterno parata est omnibus, quamvis non ab omnibus suscipienda. A quibus autem suscipienda sit, à quibus non, neque hoc alienum est à Dei præscientia; quæ sicut dictum est, quantum ad bonitatem Dei, omnibus ab æterno parata est, etiam si nulla esset creatura. Bonitas enim hæc Spiritus sanctus est, Patri Filioque coæternus. Vnde in creatione mundi, *spiritus*, inquit, *Domini ferebatur super aquas*: scilicet omnibus se offerens, ad omnes se exhibens, benefaciendo, & vilia providendo, quod proprium est Spiritus sancti: sed malivolam refugiens animam, in quam non potest introire sapientia. Itaque præscientia de creatura, quantum ad Deum, præscientia est: quantum ad homines, prædestinatio. Ipsa est electio vel reprobatio. Vnde est, *non vos me elegistis; sed ego vos*. Prædestinatio autem, est gratiæ præparatio. Gratia verò, ipse est effectus. In quam cur vnus assumatur, alter reproberetur; noli velle querere, si non vis errare. Si superbus es, non latet Dei præscientiam: nec effugis ipsius providentiam, qua prædestinatus es in pœnam superbis præparatam. *Deus enim superbis resistit: humilibus autem dat gratiam*. Superbia ergo & meritum est, & signum reprobationis: sicut humilitas meritum & signum est electionis. Dicat ergo luteum vas, quid me fecisti sic; id est, quare me prædestinasti in interitum: & respondet ei veritas. Ut secundum te loquar, quia præsciui te futurum vas iræ aptum in interitum, futurum fatuum, qui nescias, vel nobis salvari: superbum, qui contemnas humiliori: ideoque nihil jam queror, sed tu irremediabiliter ibis in interitum. Voluntati autem meæ non resistis, cum sit voluntas mea, ut miseris, id est, qui miseros se cognoscunt, proxima sit misericordia: potentes autem in iniquitate potenter tormenta patiuntur. Nec nisi humilibus volo misereri: qui misereor, ejus misereor. Perge querere. Cur non dedisti mihi humilitatem? Quia dedi tibi quod majus est, arbitrij libertatem: & tu ex ipso quasi potens in iniquitate, dilexisti malitiam super benignitatem: insuper etiam declinasti in me mala tuas; & de eis sic niteris excusare te, ut velis accusare me. Non vis, ut inveniatur iniquitas tua ad odium: ideo ibis in locum tuum, vas aptum iræ in interitum.

# MEDITATIO II.

*Sistit se Deo anima, cupiens ab eo illuminari, & SS. Trinitatem, avulsâ à sensibilibus mente, cogitare.*

**A**ccedere ad eum & illuminamini: & facies vestre non confundentur. Confundor, Domine Deus, confundor confusione terra & horribili, quoties accedens ad te, clausam mihi inuenio januam visionis tuæ: & penè mihi videor audire vocem illam terribilem. *Amen dico vobis, nescio vos*. Et qui illuminari à te desiderabam, sic à dolore cordis mei, & perturbatione sensus, totus tenebreSCO: ut penè mihi melius fuisse videatur, non accessisse. Quis enim me consolabitur; si desolare tu volueris? Abeant & pereant omnia solatia mea, quæ tu non es: vel ex te non sunt. *Ve soli*; ait Salomon. Verè vix mihi soli; si non fueris tu mecum, vel ego tecum. Beatum & beatissimum, Domine, me credo, si sentio te esse mecum: sed tædet me mei, & odio mihi sum, quoties sentio me non esse tecum. Quamdiu sum tecum, sum etiam mecum: non sum autem mecum, quamdiu non sum tecum. Et vix mihi, quotiescumque tecum non sum; sine quo numquam esse possum. Non enim habere subsistere, quovis modo subsistendi, siue in corpore, siue in anima, nisi præsentem virtute tua: non desiderarem, non quererem te, nisi ex præsentem gratia tua: numquàm inuenirem te, nisi occurreret mihi misericordia & bonitas tua. Sed cum in omnibus his ego tecum sum, sentio in me operantem gratiam tuam: bonum est mihi quod sum, quod vivo: in Domino laudatur anima mea. Si autem cum tu mihi benefaciendo es præsens, ego cogitatione vel affectu sum absens; sic mihi videntur circa me beneficia gratiæ tuæ, sicut circa mortuum sollicita & officiosa cura sepulturæ. Si aliquando sentio te transeuntem; non stas mihi, sed præteris me clamantem post te, sicut Chananeam illâ; cumque quasi clamoribus importunis necessitatis meæ fatigaris, objicis ignominiosæ conscientiæ meæ præteritam canis immunditiam, præsentem impudentiam: & canem tuum à mensa tua ieiunum & famelicum, & flagellis conscientiæ afflictum, expellis, vel abire permittis. Ergone ulterius accedam? Utique Domine. Nā & catelli à domo domini sui cum flagellis eieciti statim redeunt: & circa domus custodiam vigilantes, panem suum quotidianum recipiunt. Expulsus redeo: exclusus clamo: flagellatus obsecro. Absque hominis contubernio canis vivere

Psal. 33.

Mat. 25.

Eccle. 4.

Gratia necessaria.

Matt. 15.

Anima cani comparatur Dei respectu.



*Psal. 17.  
Thren. 3.*

*Obduratio  
cōsuetudine  
contrafacta.*

*Psal. 58.*

*3. Reg. 19.  
Psal. 33.  
Anima à  
Deo excitata,  
ut se  
agat.*

nescitis: nec anima mea absque Domino Deo suo. Aperi ergo mihi, Domine, ut accedam ad te, & illuminer à te. Tu in cœlis tuis habitas, & posuisti tenebras latibulū tuum, tenebrosas aquas in nubibus aëris; nubēque, sicut dicit Propheta, *opposuisti, ne transeat oratio.* Ego verò in terra computruī, & aggrauavi contra me densum lutum, scutumque cordis: nec luceat mihi sidera tua cœlestia: sol obscuratus est; luna non dat lumen suum. Audio enim in psalmis & hymnis & canticis spiritalib⁹ magnalia tua: rursus autem mihi in Euangelijis tuis dicta vel facta tua: verberant assidue oculos meos & aures, exempla seruorū tuorum: concutunt me terroribus, & vellicant promissis Scripturæ veritatis tuæ, quæ se assidue ingerunt oculis meis; & strepitu suo contundūt furditatē aurium mearum. Ego verò vsu prauo, & stupore nimio mentis obdurui: & didici, & assueui contra solis splendorem dormire; non videre occurrentia: in mari positus non audire maris rugitum, vel cœli tonitruum mortuus à corde. Vtiquequo, Domine, vsquequo? Vtiquequo non dirumpis cœlos tuos & descendis, & non concutis stoliditatem meam in ira consummationis tuæ, ut non sim quod sum: ut sentiat dominantē Iacob, & finium terræ; & conuertat saltem ad vesperam, & famem patiar ut canis, & circumeam ciuitatem tuam, quæ adhuc partim peregrinatur in terris; sed ex maiore parte sua jam gaudet in cœlis: si forte inueniam, qui me recipiant in tabernacula sua deficientem, nec proprium habentem cubile, ubi caput reclinem? Audio quidem non nūquam vocem Spiritus tui, sed pertransuentem quasi sibilum auræ tenuis; & intelligo dicentem. *Accedite ad eum, & illuminamini.* Audio & concutio; surgensque quasi à somno, & excutens meipsum, aliquatenus destupesco: os meum aperio, & attraho spiritū: distendo sensus animæ meæ, ut depigrescant: egredior de interioribus nocturnæ conscientie meæ; exeo ad lucem orientis mihi solis iustitiæ. Sed cum somnolentos oculos in eum volo dirigere; reuerberantur, desueti luci, & assuefacti tenebris. Et ad insolitum splendorem tremante & palpitante pupilla rationis cum palpebris suis, exercitij manu detergo quantum possum, ab eis rheuma diuturnæ somnolentiæ. Si te donante inuenio fontem lacrymarum, qui in humiliatæ & contritæ animæ vallibus circo solet exoriri; lauo manus operationis, & faciem deuotionis. Deinde sicut extendit accipiter alas suas ad austrum, ut plumescat; expando manus meas ad te, Domine, & anima mea sicut terra sine aqua tibi: & sicut terra deserta, inuisa, & inaquosa, sic in sancto appareo tibi; ut videam virtutem tuam, & gloriam tuam. Cumque oculos mentis, sensum rationis ad te erigo, ô sol iustitiæ, contingit mihi, quod contingere solet ebrijs à somno, vel infirmis oculis, ut vnam rem aspicientes, duos aut tres esse arbitrentur: donec videndi processu incipiant intelligere, vitium esse oculorum, non rei, quæ videtur. Nam ab vsu vel ab oblectatione sensuum & sensibilibus expergefactæ animæ meæ prima occurrit imaginatio, quæ assuetam sensibilibus animam, sensibus obturatis, sensibilibus obscurat imaginibus: ut sicut tota sensibilibus solebat vacare; sic nihil iam nisi imaginationem sensibilibus cogitare sciat, vel intelligere. Propter quod cum à somno negligentie expergefactus subito respicio in

Deum, de quo me lex diuina instruit dicens; *Audi Israël, Dominus Deus tuus, Deus unus est.* Deuter. 6. & in eum à quo sum illuminandus, quem sum adoraturus, vel oraturus, dirigere omnino habeam mentis intuitum: occurrit mihi Trinitas Deus, quam fides Catholica à progenitoribus mihi incārata, vsu ipso inculcata, à te ipso tuisque Doctoribus cōmendata, mihi demonstrat. Sed eam fatua animæ meæ imaginatio sic accipit, sic inquetur, ut Trinitatis numerum simplici illi diuinitatis substantiæ inesse somniet; quæ extra omnem numerum existens, in pondere & numero & mensura omnia fecit: & singulis in Trinitate personis quasi suum unicuique locū deputet: ut sic Patrem oret per Filium in Spiritu sancto, ut de vno ad alterum transeundum sibi videatur per tertium. Sicque mens caligans in vno, dissipatur in tribus: tamquam tribus discernendis instat, vel vniendis corporibus. Cum hoc imaginatio, id est mens imaginans, etiā nolens imaginatur, vel imaginatum inuita & reclamans patitur; venit fides & reprobatur: ratio per fidem dijudicat: autoritas condemnat; pariterque conclamant omnia, quæ intra me sunt, quod suprà dictum est: *Audi Israël, Dominus Deus tuus, Deus unus est.* Nam cum & fides & ratio & autoritas cogitare me doceant, Patre per se; Filium per se; Spiritum sanctum per se; nil tamen in Sancta Trinitate censent admittendum, quod tempore, vel loco, vel numero, substantiæ faciat diuisionē, vel personarum sonare videatur confusionem. Sic enim adstruunt Trinitatis vnitatem, ut solitudinem remoueant: sic Trinitatem vnitatis, ut in deitatis substantia nō recipiant numeri pluralitatē. Omne enim meritum, omnem scientiæ prudentiam, omnemque virtutem præueniens in nobis gratia tua Domine, dat nobis nostri tuique quantulamcumque cognitionem: ipsa verò subicit nos humilitati, humilitas authoritati, autoritas fidei: fides instruit rationem, ratio per fidem erudit, vel destruit, & abjicit imaginationem: fidem verò nō instruit ipsa ad intelligentiam: sed per fidem desursum eam expectat à Patre luminum; à quo omne datum optimum est, & donum perfectū. Intelligentiam autem, non quæ ex ratione colligitur, vel ratiocinatione formatur: sed quæ de sede magnitudinis tuæ merito fidei adducitur, & sapientiā tuā formatur; similis omnino suæ origini, quæ veniens in mentem fidelis tui rationem ad se colligit, & sibi conformatur; fidem verò viuificat & illuminat. Stat igitur oratura Deum suum pauida & stupens anima; semetipsā in manibus suis semper portans, quasi eam tibi oblatura: pauida à consuetis, stupēs ad insolita, ad inueniendū te portans signaculum fidei tuæ; sed non adhuc inueniens, cui illud resoluar: vultum tuum, Domine, vultum tuum requirens, nec sciens, nec omnino nesciens, quid requirat. Cordis sui phantasmata de te abominatur ut idola. Amat te, qualem te sibi fides describit; sed mens videre non sufficit. Ardensque faciei tuæ desiderio, cui sacrificium pietatis & iustitiæ suæ offerat, oblationes & holocausta, cum differtur, magis turbatur. Et cum non tam citò fidei tuæ, cui se credidit, impetrat illuminationem; intantum nonnumquam stupefeit, ut credere se in te vix sibi credat; ut oderit se, quia, ut sibi videtur, non te amat. Absit autem, ut non credat in te, quæ sic anxiatur desiderio tui; ut non amet te, quæ

*Quomodo  
SS. Trinitas  
tem contem  
platur.*

*Deuter. 6.*

*Iac. 1.  
Intelligentia  
merito fidei  
collata.*

quæ sic anxietur desiderio tui: ut non amet te, quæ desiderat te usque ad contemptum omnium quæ sunt, & etiam sui. Usquequo Domine, usquequo? Tu si non illuminas lucernam meam, si non illuminas tenebras meas, non eripiar ab hac tentatione: nec nisi in te Deo meo transgrediar murum hunc.

MEDITATIO III.

*Anima desiderium videndi Deum exprimit, & circa obiectum ipsum fruendum exspatiatur.*

Exod. 33.

Exod. 3.

Visio Dei est omne bonum.

Psal. 15.

**I**AM non audeo intendere in faciem tuam, Domine, quam desidero usque ad mortem, quia dixisti Moyse, *non videbit me homo, & vivet*: sed licet mori velim, ut videam, vel videre, ut moriar; operio tamen vultum meum, sicut idem Moyse: non audens respicere te contra te. Sic enim ibi legitur. *Porro Moyses operuit vultum suum: non enim audebat respicere contra Dominum.* Nam forsitan contra Dominum respiceret: si vellet respicere Deum, non quis, sed quid esset. Nam quis esset, audiebat. Ego, inquit, *sum Deus Abraham, Deus Isaac, Deus Jacob.* Tamen eidem Moyse audita morte sua eodem adhuc desiderio æstuantem, & oranti ostendi sibi gloriam tuam, respondisti. *Ego ostendam tibi omne bonum.* Et o Domine, ubi est omne bonum, nisi in vultu tuo? Unde & David eodem desiderio ardens, *Adimplebis me*, inquit, *latitia cum vultu tuo.* Ignosce, ignosce, impatiens est ad te cor meum: vultum tuum requiro: exquiro faciem tuam per temetipsum: ne in finem auertas eam à me. Scio enim & certus sum, quia qui ambulant in lumine vultus tui non offendunt, sed securè ambulant: quorum omne iudicium de vultu tuo prodit. Ipsi sunt, qui vivunt: quia sic vivunt, sicut in exemplari vultus tui legunt & intelligunt. Domine, non audeo respicere te contra te; ne amplius obstupescam. Stans autem coram te sicut pauper, mendicus, & cæcus, sicut tu vides me non videntem te, plenum desiderio tuo pectus, totumque me, quicquid sum, quicquid possum, quicquid scio, & hoc ipsum quod post te langueo & deficio, offero tibi: sed ubi te inueniam, non inuenio. Vbi es Domine, ubi es? Et ubi, Domine, non es? Scio certè & certè certus sum, quia hic modo mecum es, in quo movemur & sumus; & ex cuius saluberrima præsentia ardet & deficit in salutare tuam anima mea. Scio certè verissimè, sentio saluberrimè, te esse mecum: scio & sentio, adoro, & gratias ago. Sed cum tu sis mecum, cur & ego non sum tecum? Quid obstat? Quid impedit? Quid intercedit? Si tu mecum es, bene mihi faciendum: cur & ego non sum tecum, te bono omnium bonorum meorum fruendo? Propter peccata mea? Et ubi est, qui tulit ea de medio, & affixit ea cruci suæ? Num quia eum non amo? Nonne centies & millies mori velim pro te, Domine Iesu? Si hoc non sufficit tibi, nec mihi sufficit: quia nihil sufficit animæ meæ, nec videtur sibi omnino amare te, nisi fruatur te. Frui autem te non poterit, nisi pro dono tuo & modo suo te viderit & intellexerit. Cur autem te non videt? Qui modo te amo usque in mortem, tunc amare in usque in vitam æternam. Ipsam, Domine, jam mihi spirat nescio quis odor tuus: qui saltem si perficeretur in me, nunc interim non quærerem amplius. Siquidem mittis mihi aliquando, quasi quasdam consolationis tuæ baccellas: sed quid hoc ad desiderium famis meæ? Obsecro, dic anime meæ, o salus ejus,

quare ei tuum inspiraveris desiderium. Num ut tantum torqueat me, discerpat & occidat? Et vtinam occidisset. Obsecro Domine, hæccine est mea gehenna? Et hæc sit. Nec unquam me destinat torquere, nec unquam destinam in ea ardere: nec in aliquo liceat respirare una die, una hora, uno momento, donec appaream in conspectu tuo, & appareat mihi gloria tua, & facies tuæ festiuitas æterna illuxerit animæ meæ. Habuerit Domine vetus ille Moyses opertum ad te vultum suum, & velatam faciem, formam gerens populi cui præerat, semper à facie Domini fugientis. Paulus tuus, & totus noster, quia totus tuus, non ui testamenti tuba, pro se loquens, & pro suis in desiderio & amore tuo discipulis; Nos, inquit, *omnes revelata facie gloriam Domini speculantes, in eandem imaginem transformamur, à claritate in claritatem.* Homo iste tuus non fugiebat à facie tua; sed ad faciem tuam. Ignosce Domine, ignosce improbitati & importunitati meæ; adhuc audemus, quia ardemas. Ignis tuus urget nos, quem venisti in terram mittere, & voluisti vehementer accendi. Obsecro te per omnipotentissimam bonitatem tuam, per mansuetissimam semper in nos patientiam tuam, patere me aliquid adhuc quærentem: & dic animæ meæ, quid est quod desiderat, cum faciem tuam desiderat. Sic enim cæca est, sic ad meipsum turbata: ut & desiderio tabescat; & ignoret quid desiderat. Numquid vult te videre sicuti es? Et quid est, sicuti es? Num qualis, aut quātus? Sed nec qualis, nec quantus es: quia nec qualitas nec quantitas in te est, qui es quod es. Quid ergo est, sicuti es? Hoc videre supra nos est: quia videre quod tu es, hoc est esse quod es. Nemo autem videt Patrem, nisi Filius; & Filium, nisi Pater: quia hoc est esse Patri, quod videre Filium; & hoc est esse Filio, quod videre Patrem. Sed sequitur & dicit. *Et cui voluerit Filius revelare.* Voluntas autem non alia est Patris, alia Filij: sed una & eadem, quæ est Spiritus sanctus. Ergo per Spiritum sanctum alicui amico Dei, quem nimis honorare voluerit, revelat semetipsam Trinitas Deus. Sed numquid homo videt Deum, sicut Filium Patrem, vel Patrem Filium: quibus, sicut dictum est, alium alij videre, hoc est non esse aliud & aliud, sed unum Deum? Sic omnino, sed non per omnem modum. Quod ut aliquantum nobis dilucidius pateat, de visu & naturali ejus potentia videndum est, quid habeat physicus intellectus. Omnis sensus corporeus, ut sensus sit & sentiat, oportet ut quadam sensibili affectione aliquomodo mutetur in id quod sentit: visus scilicet in hoc quod ei sit visibile, auditus in audibile; sicque de reliquis. Alioqui nec sentit, nec sensus est. Nisi enim rem sensam sensu rationi renuntiante, anima sentientis quadam sui transformatione mutetur in rem, vel rei qualitatem quæ sentitur; nec sensus est, nec sentire potest. Ideoque si sentit, amore qui sensus suus est, Deum bonum; & amat, quia bonum: non hoc potest, nisi bono ipsi affectu communicans, & ipsa bona efficiatur. Si ad sensum animæ reuertatur, nonne hoc est, quod Paulus dicit. *Gloriam Domini speculantes, in eandem imaginem transformamur?* Sic enim est quodammodo de sensu animæ. Sensus enim animæ amor est: per hunc siue cum mulcetur, siue cum offenditur, sentit quicquid sentit. Cum per hunc in aliquid anima extenditur, quadam sui transformatione in id

Moyse vultum opertum quid significat.

2. Cor. 3.

Luc. 12. Amor est ignis, quem Christus attulit.

Videre Deum est, supra nos.

Mat. 11.

Sensatio fit per sensus immutationem.

2. Cor. 3.



- quod amat transmutatur; non quod idem sit in natura, sed affectu rei amare cōformatur; utpote non bonum aliquem amare potest, quia bonus est, nisi & ipsa in ipso bono bona efficiatur. Nōne hoc est, *Sentire de Domino in bonitate*? Et sapientia. *Scire enim te, sensus est consummatus*. Et Apostolus. *Hoc sentite in vobis, quod & in Christo Iesu*. Hæc est charitas; qua qui diligit, in Deo manet, & Deus in eo. O charitas, charitas, quæ usque huc nos adduxisti; ut amando Deum, & Filium Dei, Dei & filij Dei nominemur & simus. Etsi nondum apparet, quod erimus: cum apparuerit, similes ei erimus: quia *videbimus eum sicuti est*. Domine, bonum est nos hic esse; libet hic immorari: & utinam liceret immori. Sed meditantibus & loquentibus & scribentibus de te, da quæso sensus sobrios, verba circumcisa & disciplinata; cor ardens de te, ô Iesu, in apertionem Scripturarum, quæ de te sunt. Ignosce Domine, ignosce: amor amoris tui agit me; tu scis, tu vides. Non sum scrutator majestatis tuæ; sed pauper gratiæ tuæ. Obsecro te per dulcedinem tuæ dulcissimæ mansuetudinis, non opprimat me majestas tua; sed subleuet gratia tua. Ignosce, inquam, quia proprium est fidei desiderium visio Dei: hic in ænigmate, ibi verò facie ad faciem, Non enim præsumas, neque confidas, ô homo, neque hic stes, quisquis vir desideriorum es, sicut Daniel: nec dicas, sufficit. Quicquid hic de Deo sentis, quidquid vides, quidquid de eo hic te docet fides, ænigma est: aliud quidem obscurius, aliud autem expressius. Et ipsum tamen quàm dulce sit, cum adest; quàm desiderabile, cum videtur deesse; sciunt, qui sentiunt. Hic est enim calculus habens nomen scriptum: quod nemo scit, nisi qui accipit. Porro de eo quod erit facie ad faciem, dictum est. *Non enim videbit me homo, & vivet*. Nam & hic qui videt, non vivet, sed dicit: *Infelix ego homo, quis me liberabit de corpore mortis huius*: tunc demum speras se esse victurum, quando perfectè visurus. Quid hic sensus, quid imaginatio valet; quid ratio potest: quid intelligentia rationalis? Nam etsi ratio, Deus, nos ad te mittit; per se tamen te non attingit: nec intelligentia ea quidem, quæ de inferioribus ex ratione consistit, rationis terminos excedit, nec mensuram habet pertingendi usque ad te. Quæ verò de sursum est, quod sursum est redolet; nihil humanum, sed totum divinum: & ubi se infundit, rationes secum defert sui generis, non communicantes inferiori rationi, nisi in quantum eam habent ex obedientia fidei. Hæc in Trinitate sancta nil diuidit, nil compingit: sed sensum fidelem sic quando, & quantum, & quomodo vult Spiritus sanctus, perstringit: ut orantes te vel contemplantes supergressi nonnumquam omne quod tu non es, videant aliquatenus te, qui es; quamvis non videant te, sicut es: sed tamen medium quid deuotæ mentis demulceat inuitum, quod cōstet nec de eis esse, quæ te non es; nec, etsi non sit omnino totum quod es, alienum tamen esse, ab eo quod es. Sic enim Spiritus Domini quietum & humilem suū, super quem requiescit, induit repente, & mutat in virum alterum; ut sensum intuentis non diuidat Trinitas, non confundat vnitas, non offēdat Trinitas pietatem vnum Deum quarentis: non contristet substantiæ vnitas charitatem Patris & Filij dilectione gaudentis: in neutro conturbet solitudo vel pluralitas: sed etiam ad hoc ei valeant vnitas Trinitatis, & Trinitas vnitas, ut pio & sobrio intellectu comprehendat non cōprehendendo maiestatem diuinæ incomprehensibilitatis. Sicque gustans & videns, quàm suavis est Dominus, repente sic totus gustando dulcedinem ejus dulcescit, sic videndo lucem veritatis ejus lucefcit; sic de repentina summi boni plenitudine in gaudio S. Spiritus exhilarescit: ut si hoc in eo perficiatur, confidat se vitam obtinuisse æternam. *Hæc est enim, inquit, vita æterna; ut cognoscant te solum verum Deum: & quem misisti, Iesum Christum*. Accedite ergo ad eum, & illuminamini: & facies vestra non confundentur.
- MEDITATIO IIII.
- Orandi donum petit, statum suum priorem, ac nonissimam solitudinem suam describit.
- M**ISERATOR & misericors Domine, patiens, & multum misericors: suavis es Domine vniuersis: & miserationes tuæ super omnia opera tua. Hortaris nos Domine, & tu, & per tuos Spiritus sanctus tuus, ut oremus & vigilemus in oratione. Hortaris nos, & doces sicut pius, sicut misericors; sicut misereri desiderans; & causam præparas nobis, faciens nobis iudicium & iustitiam: ut orantibus nobis quæ admodum oportet orare, quasi iustam habeas causam miserendi. Quin etiam orandi formam ipse nobis dictasti: ne in aliquo causæ nostræ deesses, ipse iudex, ipse advocatus. Et confidenter nos petere iussisti in nomine tuo; & credere, quia quæcumque petierimus, accipiemus, & fient nobis. Tibi Domine, hoc suggerit tua bonitas; nobis autem grauis incumbit necessitas: & tamen te hortante pigrescimus: te distante negligimus: te promittente non credimus. Tu autem in misericordia & miseratione tua multa pigros & negligentes concutis: in patientia tua incredulos dissimulas; quin etiam, quia quemadmodum nos oportet orare, nec scimus, nec possumus; mittis nobis Spiritum sanctum tuum, qui adiuvet infirmitatem nostram: & interpellet pro nobis gemitibus inenarrabilibus. Oramus itaque, quia tu hortaris: petimus confidenter, quia tu promittis: statimque occurris, & orantes exaudis; inueniens, quia faciens, in quo nobis propitius. Suavis Domine vniuersis, suauitates tuas nobis multiplicas: & miserationes tuæ super omnia opera tua incipiunt apparere nobis. Nam tu Deus appropinquans, & non elongans, cum nobis incipis appropinquare, & consolationes tuæ lætificare animas nostras: continuè ex odore & tactu saluberrimæ præsentis tuæ emortui animæ sensus reuiuiscunt: fides exultat: fiducia hilarescit: cor accenditur; lachrymæ fluunt; non quæ ignem accensum extinguant, sed accendant amplius. Et cum Spiritus tuus adiuvat infirmitatem nostram, flemus vbertim lachrymas pingues & dulces ex dulcedinis tuæ affectu: quas cum pia consolationis manu detergis, fluunt vberius, & fiunt nobis panes de ac nocte, & fortis & grata refectio: quia dulce habemus plorare coram te Domino Deo nostro, qui fecisti nos; qui sumus populus tuus, & oves pascuæ tuæ. Ego ego Domine, sicut dicit Prophetæ tuus, *vir videns paupertatem meam: pauper sum, & in laboribus a iuuentute mea; exaltatus autem, humiliatus sum & confusus*. Quantas enim ostendisti mihi tribulationes multas & malas: & conuersum vniuersificasti me, & de abyssi terra iterum reduxisti me. Multiplicasti magnificentiam tuam:
- Sap. 1. & 6.*  
*Philip. 2.*  
*1. Ioan. 4.*  
*1. Ioan. 3.*  
*Apocal. 2.*  
*Exod. 33.*  
*Rom. 7.*  
*Intelligentia infusa, qua S. Trinitas cogitatur.*  
*Ioan. 17.*  
*Psal. 33.*  
*Psal. 144.*  
*Domus hortatur ad orandum; & orandi formam præscripsit.*  
*Ioan. 16.*  
*Marc. 11.*  
*Rom. 8.*  
*Quid opere tur Deus, visitans animam.*  
*Psal. 94.*  
*Thren. 3.*  
*Psal. 87.*  
*Psal. 70.*

Gen. 2. &amp; 3.

*& conversus consolatus es me.* Nam cum in paradiso tuo olim me creasses, ipsumque lignum vite in possessionem mihi juris perpetui donasses; voluisti vel permisisti, ut etiam ad fructum ligni scientiæ boni & mali manum mitterem: ut quasi bonorum meorum interiorum pertusus, experirer quid foris possem. Eua meâ carne meâ, in hoc consentiente. Gustavi, & vidi non suavitatem tuam, sed confusionem meam: ut viderem me esse, cujus turpitudine velamento egeret: cuius nuditas ad occursum tuum paveret: cuius libertas opus haberet cohibente legû disciplinâ. Inventus enim sum in oculis tuis nudus ab omnibus, quæ intra me homines putabant: turpis in occultis meis, in quibus nec me nec te latebâ: egens rectore, qui regendos alios susceperam. Ideo Domine abscondi me intra ligna paradisi: ideo refugi in tenebras meas: elongavi fugiens, non tamen à te, sed ad te; & mansi in solitudine: ibi te expecto, qui salvum me fecisti à pusillanimitate spiritus & tempestate. Posui in pulvere os meum, si forte sit spes: onager solitarius attrahens ventum amoris mei. Cumque totus mihi redditus sedeo solus & tacens, nec audiens clamorem exactoris, vel sonitum prælij; videns quia tempus me juvat, & vaco vacare mihi: discutio meipsum, quis sim, vnde venerim. Et invenio me vnum filiorum Adam, filium iræ per naturam, sed ancillæ tuæ sanctæ Ecclesiæ per gratiam: vnum exulum paradisi, habitantem & laborantem in terra maledictionis, cui maledixisti in operibus Adam: quam cum operatus fuero, non dat fructus suos, sed spinas & tribulos generat mihi. In sudore vultus mei vescor pane meo, secundum severissimam sententiam iusti iudicii tui, qua increpasti superbos & maledictos, qui declinant à mandatis tuis. O bone creator! quàm bene me creaveras! quàm gloriose formaveras! quàm feliciter locaveras! Creaveras enim me Domine, sicut dicit Apostolus tuus, *in operibus bonis*; quæ præparaveras, ut ambulares in eis: formaveras me ad imaginem & similitudinem tuam, & locaveras in paradiso voluptatis tuæ, ut operarer, & custo direm illû: operarer bonorum studiorum exercitijs: custodirem, ne serpens irreperet. Serpens irrepsit, Evam meâ seduxit, & per eam me per zvaricatorum constituit. Propter quod expulsus de paradiso bonæ conscientiæ, exul factus sum in terra aliena, in regione dissimilitudinis. Sed ô Domine, qui omnia creasti; & vidisti cuncta quæ creasti, quia sunt bona valde: numquid per opus meum malum peribit bonum tuum? Siquidem non propter paradysum me, sed propter me paradysum constituisti: cum me hominem super terram fecisti. Non te pœniteat, ô creator, hominem me fecisse super terram: sed præcipe sicut ab initio, ut sim homo rationalis, potestatem habens super terram meam: ut corpus meû subditum sit spiritui, spiritus tibi. Non te pœniteat donatæ homini dignitatis; ut sim super bestias terræ meæ, truces & indomitos motus affectionum animæ; reptilia etiam cogitationû humi repentia, & de veneno terræ, cui jugiter inhærent, noxia vel mortifera; pisces maris & volucres cæli, cogitatus scilicet de spiritu huius mundi, curiosa sæculi, altitudinemque dei ejus scrutantes & sectantes; iumenta etiam, sensus istos corporis, ad hoc ut secundum nomen suû juvent nos, nobis concreatos. Da nobis, qui ea

dedisti nobis, ut patiantur frænâ rationis, zeli boni stimulos, stabulum disciplinæ, ubi cibis suis pascantur & nutriantur, producenda ad usum, cum res exegerit; non autem siluescere permittantur in latitudine publici erroris. Veniet, dicit, qui promittit; veniet dies, cum leo & agnus cubabunt simul; cum, quæ modo nocent, non nocebunt in omni monte sancto tuo: iumenta quoque pascuntur in pascuis vberimis, non jâ infirmitatis nostræ iumenta, sed beatæ felicitatis instrumenta. Interim Domine, exaudi cælos; & cæli exaudiat terram; & terra exaudiat vinû, & oleum, & frumentum; & hæc exaudiant Israël, id est semen Dei, quod seminasti in nobis. Lactasti enim me, ut ait propheta, Domine, & eduxisti in solitudinem; promittens, quia ibi loquereris ad cor servi tui. Iam gratias tibi, locutus es semel & iterum, & aliquotiens: & dicenti tibi animæ meæ, Deus meus es tu; respondes aliquando placidè ac benignè, salus tua ego sū. Et nunc, ô desiderium animæ meæ, vacare tibi aliquantisper desiderans ipsa anima mea, & gustare & videre, quàm suavis es Dominus; precatur benignissimam misericordiam tuam, ut ab omnibus, quæ extra sunt vel intra, pacem mihi facias & silentium: ut in ea quæ intra me sunt, jus mihi, conserues quod dedisti: exterius autem percutias mihi sœdus cum bestia agri, & reptili terræ, & volucris cæli: & arcum, & gladium, & bellum, conteras de terra mea: ut in pace fiat totus locus meus, & in Sion habitatio mea. Da mihi Domine consolationem solitudinis meæ, cor solitarium, & colloquium tuum frequens. Non enim ero solus, quamdiu tu mecum eris, Deus meus: sed si me deserueris, vix soli, quia si obdormiero, non erit qui calefaciat dormientem: si cecidero, non erit qui subleuet cadentem. Sed adhuc, ô refugium meum & virtus, deduc me ad interiora deserti tui, sicut duxisti famulum tuum Moysen; ubi ardet rubus & non comburitur: ubi sancta anima, quæ ad hoc assumi meruerit, in plenitudine ignis sancti Spiritus tota ardet, sicut Seraphim totum ardens & non comburitur, sed purgatur: & tunc primum melius subsistit; quod est miraculum omnium miraculorum tuorum, & visio visionum: ubi locus sanctus est, in quo non statur, non proficitur, nisi solutis corrigijs impedimentorum carnalium nudis pedibus, id est, mundis & puris affectibus incedatur: ubi qui est, etsi non potest videri sicut est; auditur tamen dicens, *Ego sum, qui sum*: ubi operiendus est vultus interim, ne videat contra Dominum: sed in humilitate obedientiæ exercendus auditus, ut audiat, quid in eo loquatur Dominus Deus suus. Absconde me Domine, interim in abscondito tabernaculi tui in die maiorum horum; in abscondito faciei tuæ à contradictione linguarum. Iugum quidem tuum suave, & onus leve imposuisti mihi: & cum ostendis mihi servitutis tuæ distantiam, & servitutis sæculi, blandè & leniter me interrogas, utrum melius sit servire tibi Deo viventi, an Dijs alienis. Ego manum imponentis adoro, jugum deosculor, & onus amplector: & multû mihi suave est sub eo desudare. Multum enim & multo tempore possederunt me domini absque te; quorum jugum non est suave, nec onus leve. Tui juris esse cupio; tuum jugum recognosco, & onus leve, quod subleuat me, non premit. Sed ingrediens te quam servitutis tuæ disciplinam, videor

Isai. 11.

Ose. 2.

Ibidem.

Exod. 3.

Ibidem.

Omni Religionis lege.

Cisterciensè intelligit Ordinem.

Apocal. 21

mihi videre cœlos novos & terram novam : & ecce mihi noua facis omnia. Doce me Domine, hominem rusticum de rure sæculi venientem, ciuitatis tuæ mores disciplinatos, & curiæ tuæ venustas vrbانيتates : deforma me à forma sæculi, cui me conformaueram : conforma me ciuibus tuis, ne inter eos deformis appareā : doco etiam me linguam quam non noui, quam egrediens de terra Ægypti audire incipio, sed inuenteratus in terra aliena, non intelligo, linguam scilicet, qua loqueris filiis tuis, & ipsi tecum. Fac me etiam intelligere nutus tuos; quibus intelligere facis intelligentes, quæ sit voluntas tua bona, beneplacens, & perfecta. Et jam anima mea, gratias tibi pater dulcis, cum ei loqueris, vocem tuam incipit agnoscere; sed non satis intelligit, quid ei loquaris: quia vox tua numquā vacua venit: quia vox tua gratia tua est, non sonans exterius, sed potenter & dulciter interius operans. Cum etiam ego loquor tibi, intendo tibi, & in hoc etiam bene mihi est: & quaquauerum eat oratio, numquam gratis te oro vel adoro: cum etiam in orando fiat mihi retributio multa. Doce ergo me, S. Spiritus, sine intermissione orare: ut des mihi in te sine intermissione gaudere. Nam etsi plorat, cum orat pauper tuus, pauper spiritu, vel peccatorum suorum memor, vel in angustiis constitutus; dum vehementius dolet, vehementius gaudet: sicut è contrario qui gaudet in sæculo, cum vehementius gaudet, tunc si quid sapit, in occultis conscientie suæ vehementius torquetur & dolet. Pia ergo & pura oratio numquam est sine gaudio.

## MEDITATIO V.

*Diversos modos orandi recenset: passionem Christi & peccata sua in memoriam renouat.*

Matth. 14.

Ioann. 12.

Luc 10 &amp; 22

**C**V M ad iugiter & efficaciter orandum excitare, & exercitare, & assuefacere cor meū desidero: nullius in hoc magisterio malim erudiri, quàm tuo, ô Domine Iesu, sapientia Dei Patris. Recogito ergo modos orationum, quibus orans coram hominibus in terris formam nobis dabas perfectæ orationis: & inuenio re aliquando quidem orantem solum; aliquando in turba, aliquando in exultatione spiritus, aliquando in sanguineo sudore, aliquando exaltatum in cruce. Exultatio spiritus & solitudo orandi, dulcissima mihi sunt ad imitandum: sed nisi tunc præuenias in benedictionibus dulcedinis tuæ, locum quidem facile inuenio, sed non tã facile cor solitarium. Exultatio verò spiritus fit ex puritate conscientie, cuius ego mihi conscius non sum: vel ex abundantia gratiæ tuæ, cuius ego indignus sum. Orare in turba tuum fuit, cui nihil defuit: quod tamen, cum sic exigit res, nec nos refugimus. Scio Domine, scio, quia per necessaria esset mihi oratio illa sanguinea, & oratio crucis: quia cum sentio, quid oratio in me habeat exsudare, quid crux excruciare; non quid habeo sanguineum sudorem, sed sanguineas lachrymas exsudat cor meum in oculis tuis. Nec inuenit corpus meum crucem in qua crucifigatur: sed infelix anima mea super omnem crucis dolorem in seipsa cruciatur. Concrucifixus tamen tibi sum, Domine Iesu, utcumque in cruce professionis, quam de munere tuo quotidie & iugiter tibi offero: quia munera tua data tua; sed de meæ crucis delicijs contemplans passionem tuam crucis, clavis timoris tui confixus confundor, & totus contabesco; non ex dolore crucis

Religiosus per professionem cum Christo crucifigitur.

meæ, qui ex gratiâ tua jam mihi nullus est: sed ex dolore cordis, quo considero opus tuum in medio annorum viuificatum; in omnes annos & ante & post, effectu redemptionis clarificatū; cui nihil cōpensari potest: cui nulla mors, nulla vita respondere sufficit: quod tamen mundus per ipsum redemptus despicit. Vsu enim ipso jam pro nihilo habemus crucifixum te videre; cogitare te mortuum & sepultum: & quod amplius & penetrabilius est ad corda transpungenda, casum alapis & flagellis, irrisum, conspurcū, clavis & lancea confixum, spinis coronatū, potatum felle vel aceto; qui in cruce tua non nisi salutem nostram sitiebas. Te crucifixo terra tremuit, nos ridemus: cœlū cum luminariis suis obscuratum est, nos clarere in sæculo æstuamus: petra scissæ sunt, nos corda nostra obduramus: monumenta aperta reddiderunt mortuos suos, nos in stratis lasciuiæ luxuriâtes sepelimus mortuos tuos. Tres Domine in tempore passionis tuæ, si bene aduersi, Deo Patri obrulisti orationes, in quibus totū constat esse inclusum, quod cunctis orationibus in ipsa passione tua pretio sanguinis erat agendum: pro te, pro amicis, pro inimicis. Pro te quidem cum orasti, non laborasti: quia sicut dicit Apostolus, exauditus es pro tua reuerentia. Orasti & pro amicis in tentationibus tuis tecum permanentibus: & pro inimicis crucifigentibus te, sed nescientibus quid facerent. Vbi est oratio pro scienter peccantibus? Quamdiu sic sunt, extra amplexum crucifixi sunt: qui extensis in cruce manibus, etiam formā patibuli amplecti videbatur omnes, pro quibus patiebatur. Itaque sicut dicit Apostolus, voluntarie peccantibus iam non relinquitur pro peccatis hostia. Quæ nisi penitentia deleat; nisi sanguineus sudor exudet, & crux excruciet; voluntarie & scienter peccantes non inuenio partem habere, vel in oratione sanguine sudantis, vel in sacrificio in cruce pendentis. Heu me, quem conscientia accusat; quæ veritas non excusat, ut dicere possit, non enim sciuir, quid fecit. Ignosce ergo Domine, in pretio pretiosi sanguinis tui, omnibus peccatis meis, in quæ incurri scienter & nescienter: & dic peccatori tuo, insinua pauperi tuo, quid faciat pro eis; & maxime pro eis, quæ commisi scienter. Nam si omnes scienter peccantes videris exclusisse: vniuerso mundo, quia paucissimos videris inclusisse. Voluntarie peccantibus, ait Apostolus, iam non relinquitur pro peccatis hostia. Irritam quis faciens legem Moysi, sine ulla miseratione duobus vel tribus testibus moritur. Quamò magis peccatis deteriora mereri supplicia, qui Filium Dei conculcauerit, & sanguinem testamenti pollutum duxerit, in quo sanctificatus est: & spiritui gratia contumeliam fecerit? Scimus enim qui dixit. Mihi vindictam, ego reddam. Verè Domine voluntarie post acceptam veritatis notitiam & multū peccaui, & spiritui gratiæ contumeliam feci; à quo gratis in baptismo acceptā remissione peccatorum, post acceptam notitiam veritatis reuersus sum ad ea, sicut canis ad vomitum. Sed numquid te, fili Dei, conculcaui? Conculcaui, si negaui: quamvis nec arbitrer Petrum conculcasse, quem contigit negasse: qui tunc ardentissimè te diligebat, etiam cum semel, & iterum, & tertio te negabat. Num sanguinem testamenti pollutum duxi? Qui hoc sentit, anathema sit. Absit, ut vniquam hoc senserit cor meum: absit, ut vniquam hæc confessio transeat per os meū.

Passio Christi si parvisit à Christianis

Matt. 27.

Tres fuerunt Christi crucifixi orationes.

Hebr. 5.

Hebr. 10.

Pro voluntarie peccantibus non oratur Christus.

Hebr. 10.

Petrus Christum amabat, etiam cum negabat.

Non quod Satanas aliquoties non expecterit fidem meam, ut cribraret sicut triticum: sed oratio tua usque ad me pergit, ut numquam deficeret à te fides mea. Virtus est voluntarius assensus animi in bonum. Tu scis, quam voluntarium semper cum habui in fidem tuam: tu conserva eum mihi usque in fidem. Semper in te credidi: numquam te negavi: semper te amaui, etiam cum in te peccaui. Pœnitet me peccati mei usque ad mortem: sed amoris tui non me pœnitet, nisi quia etiam tunc non sic te amaui, sicut debui: quia si sic te amassem, non peccassem. Sed heu, quam timeo, ne hoc ipsum quod tunc te amaui, proueniat mihi in iudicium: quia si tam graue est, peccare post acceptam nœtitiā veritatis: quam grauissimum, post gustum boni tui, post acceptam dulcedinē tuā dilectionis! Nam etiā in ipsa pueritia mea puer impurus jam ex gratia tua te amabam: & tamen non pueriliter in te peccabam. Ex tunc usque nunc numquā cessauī peccare: nec tū mihi bene facere. Quid restat, nisi ut dicatur mihi, recepisti bona in vita tuā? Sed conuerte Domine iudicium tuum in misericordiam; & de peccato damna peccatum: ut qui iuste me damnare habes, pro tantillo amore quo tunc te amabam, acceptā nunc ex gratiā tuā plenitudine amoris tui, veniam in iudicium tuū, & appaream in sancto tuo, & in oculis misericordiz tuæ, ea ratione qua apparuit peccatrix illa, de qua dixisti. *Dimittuntur ei peccata multa: quoniam dilexit multum.* Sed primum dignare cor meum igne perfecti amoris tui; excludet à me magnus ejus ardor, & excoquat omne peccati venenum: exploret & diluat lacrymis oculorum meorum omne conscientiz meæ contagium: excruciet crux tua quicquid concupiscentiæ carnis, concupiscentiæ oculorum, & superbia viræ, longo negligentiz meæ sicut est contractū: pereat ab increpatione vultus tui, quicquid ex voluntate carnis, vel consensu mentis, incelsum est & suffosum. Domine qui vult audiat, & irideat me confitentem: videat cum peccatrice tua ad pedes misericordiz tuæ jacentem, lauante lacrymis cordis, & vnguento piæ deuotionis vnguentem. Est omnis substantia mea, quantum lacumque est, siue in corpore, siue in anima, in pretium placiti tibi vnguenti, quod effundam super caput tuum, cujus caput Deus; & super pedes tuos, cujus pars ima humilitatis nostræ natura est. Murmure Phariseus: tu miserere mei Deus meus. Fremat in me dentibus fur loculos habens; dum tibi placeam, non magnipendo cui displiceam. Sit tibi, ô amor cordis mei, quotidiana, imò continua hæc vinctio mea: quia cum vngo te, vngo etiam me. Natura quippe mea nequitiz inueteratæ respondens duritiam, facta est sicut vter in pruina; quæ nisi vnguenti hujus suauitate continuā demulceatur, rigescit, durescit, & crepat, & effundit, si quid boni tui intus habere videtur. Dixisti. *Quid habuit hæc fecit.* Da mihi Domine fideliter facere tibi, quicquid habeo, quicquid scio, quicquid sum, quicquid possum: nihil mihi reserue. Tecum habeo causam, cum nullo hominum: ad pedes misericordiz tuæ jaceo; ibi jacebo, ibi plorabo; donec me facias audire vocem tuam bonam, iudicium oris tui, sententiam iustitiæ tuæ & meæ, quia à te mihi datæ; *dimittuntur ei peccata multa, quoniam dilexit multum.* Domine, per omne iudicium, quod dedit tibi Pater, præueni me hoc

merito, & iudica me hoc iudicio: quia amore amoris tui malo hoc iudicio justificari & saluari, quam alio magnificari & glorificari. Domine, non excludas me ab amplexu redēptionis tuæ: qui per omnia desidero cōmunicare cruci tuæ. Tu dixisti. *Mihi vindictam: ego retribuam.* Nequaquam ô benignissime. Sed mihi vindictam, ut ego pœniteam. Horrendum est incidere in manus Dei viuentis. Præcipe quicquid vis; sed da mihi intelligere & posse, quod præcipis; qui jam in hoc dedisti paratum cor meum, ut à faciēda voluntate tua in nullo se subtrahat cor vel corpus meum. Tu cognouisti sessionē meā, & resurrectionem meam: & omnia mea nouissima & antiqua. Deforma me à sæculo, cui me conformaui: forma & conforma me gratiæ tuæ ad quam confugi; & da cordi meo formam placitæ tibi pœnitentiæ. Da etiam mihi Domine fidem puram & deuotam, piā, fortem, & incontusillam: ut dicas etiam mihi, gratiam dans pro gratia. *Vnde, quia fides tua te saluum fecit.*

Rom. 12

Psalm. 138.

Luc. 7.

## MEDITATIO VI.

*Anima gaudium Beatorum, ac cælum, idest Deū, & arcam testamenti, idest humanitatem Christi, contemplatur.*

**V** I D I ostium apertum in cælo, ait beatus Ioannes; & vox prima quam audiui, quasi tuba loquens meum, dicens. *Ascende huc.* O Domine, qui cælum & terram creasti, terram autem in peccato & opere Adam maledixisti, & filiis ejus deputasti inhabitandam: in qua quicumque habitant, sub maledicto sunt; cum & veteris maledicti pœnas luant continuas, declinando à mandatis tuis, novis quotidie cumulatur; de quibus dicitur, *Maledicti qui declinant à mandatis tuis*: perterritus tot maledictionum novarum & antiquarum, quibus & quæ non rapui, cogor exsoluere, & quæ rapui, cum multiplici sœnore exigo: quam libenter, quam desideranter fugerem de terra nostra in cælum tuū, quod semel mundatum à superbia, projecto inde superbo, tibi retinuisti: si ascensum inuenirē, & ostiā apertam. Audio nihil esse ibi malorum omnium quæ hic patimur: non esse ibi matutinum & vespertinum, matutinū lætitiæ non demorantis, vespertinum demorantis fletus, quorum exitus tu scis quantum me delectaret: sed vnam ibi esse diem de visionis tuæ continua gloria festinam; feriatam ab omnibus, quæ festum vultus tui interrumpere possint. Audio, quia ignis, grando, nix, glaciēs, spiritus procellarum, illuc non ascendunt, quæ ad affligendos nos, facientia verbum tuum, super nos huc assidue descendunt: nulla ibi mors vel corruptio corporum vel animarum; remota penitus omnis perturbationum pestis; vna ibi virtus, vna felicitas & gaudium, charitas tua fruens bono suo absque suspitione perdendi. Audio adhuc festinam diem illā Angelorum gaudijs & laudibus celebrem; Apostolorum & Martyrum coronis gloriosam; & omnium bonorum, qui ab initio tibi placuerunt, Ecclesiam inibi congregatam, & ad diem festum hunc perpetuas fixisse mansiones. Quorū cum duos aut, tres in terris aliquando videm⁹ in nomine tuo congregatos, te in medio eorum existente, si tam bonam & tam jucundam videmus eorum cohabitationem, tam plenam vnguento Spiritu sancti, ut palam sit omnibus tuam illic mandatam benedictionem: quantum maxime ubi congregasti sanctos tuos, qui ordinauerunt tes-

Apocal. 4.

Peccatum originale, &amp; actuale.

Psalm. 118.

Bona quæ in cælo sunt.

- Psal. 49.* ramentum tuū super sacrificia; & facti cœli annunciant iustitiam tuam? Non enim solus ille dilectus discipulus tuus illuc inuenit ascensum: nec soli illi ostensum est ostium in cœlo apertū. Palam quippe omnibus pronunciaſti, non per præconem, vel per Prophetam quemlibet, sed per temetipsum dicens. *Ego sum ostium: per me si quis introierit, saluabitur.* Tu ergo es ostium. Et cum dicis, *Per me si quis introierit*, omnibus intrare volentibus videris apertum. Sed si ostiū patens in cœlo videmus, nos qui in terra sumus: quid prodest nobis, qui illuc ascendere non possumus? Respondet Paulus. *Qui ascendit ipse est, & qui descendit.* Quis hic est? Amor. Amor enim ad te Domine, in nobis illuc ascendit: quia amor in te huc ad nos descendit. Quia enim amasti nos, huc descendisti ad nos: amando te, illuc ascendemus ad te. Sed tu ipse qui dixisti, *Ego sum ostium*, per temetipsum te obsecro, aperi nobis temetipsum: ut ostendas euidentius, cuius domus ostium sis, quando & quibus apertum. Domus cuius ostium es, sicut jam dictum est, cœlum est, quod Pater inhabitat, de quo legitur, *Dominus in cœlo sedes ejus.* Siquidem nemo venit ad Patrē, nisi per te, qui es ostium. Sed dicit quidam seruus tuus. Qui visibilibus adhuc pulchritudinibus delectantur, nec possunt de Deo spirituale aliquid cogitare, quoniam terræ præferunt cœlum; tolerabilior est eorum opinio, si Deum, quē adhuc corporaliter cogitant, in cœlo potius esse credant, quā in terra. Nam, o conditor omnium & locorum & temporum, tu nec tempore moueris, nec loco teneris; nec cœlo corporeo sustentaris ne cadas; nec sic in eo habitas, ut cœlū & terram non impleas: vbique præsens, si de inlocali hoc dici potest; vbique totus, si in te vel de te prædicari potest totitas, in quo non est particularitas. Tu ipse tamē docuisti nos dicere, *Pater noster, qui es in cœlis.* Et hæc opinio sic omnes cōplectitur; ut ab omnibus hominibus, etiam Iudæis & Ethnicis, in cœlis Deus habitare perhibeatur. Sed alia est sententia, quod falsum est, opinantium: alia, quod verum est proferentium talibus rerum nominibus; ut & ab intelligentibus veritas possit intelligi; & opinantes, quia res sicut sunt, cogitare vel intelligere non possunt, ex rerum nominibus aliquantū tolerabilius permittantur opinari. Vnde Propheta qui dicit, *Deus autem noster in cœlo*; paulo post, *Qui habitat*, inquit, *in Ierusalem.* Ad te ergo tendentibus, post te anhelantibus responde obsecro. Rabbi, vbi habitas? Cito respondes & dicis, *Ego in Patre, & Pater in me.* Et alibi. *In illo die vos cognoscetis, quia ego sum in Patre meo; & vos in me, & ego in vobis.* Item. *Ego in eis, & tu in me; ut sint consummati in unum.* Locus ergo tuus Pater est, & tu Patris: & non solum, sed etiam nos locus tuus sumus, & tu noster. Cum ergo, o Domine Iesu, tu es in Patre, & Pater in te, o summa & indiuisa Trinitas, tu tibi locus es; tu tibi cœlum es: sicut non habens ex quo, sic non indigens in quo subsistas, nisi ex teipso in teipso. Cum autem nos inhabitas, cœlum tuum sumus, vtique, sed non quo sustentaris, ut inhabites; sed quod sustentas, ut inhabiteatur: tu quoque cœlum nobis existens, ad quem ascendamus, ut inhabitemus. Nostra ergo, ut video, in te, vel tua in nobis habitatio, nobis cœlum est: cœlum verò cœli tibi æternitas tua, qua es, quod es in teipso, Pater in Filio, & Filius in Patre; & vnitas qua Pater & Filius vnum estis, id est, Spiritus sanctus, non quasi aliunde veniens & mediū se faciens; sed coessendo in hoc ipsum existens. Vnitatis verò, qua in nobis vel in te vnum sumus, author & ordinator est idem Spiritus sanctus, filios Dei faciens nos per gratiam, qui filij ita eramus per naturam, dicente Apostolo. *1. Ioan. 3. Videte qualem charitatem dedit nobis Pater, ut filij Dei cognominemur & simus.* Dono vtique, qui est Spiritus sanctus. Et post pauca. *Carissimi, nunc filij Dei sumus: & nondum apparuit, quid erimus. Scimus, quoniam cum apparuerit, similes ei erimus: quoniam videbimus eum sicuti est.* Natiuitas verò Filij de Patre, æternitatis natura est: natiuitas in nobis, gratiæ adoptio est. Illa nec fit, nec facit vnitatem, sed ipsa in Spiritu sancto vnitatis est: ista non est, sed fit per Spiritum sanctū, in quantum similitudine Dei insignitur, equidē vltra modum naturæ humanæ, sed citra essentia diuinæ. Nam & semen huius natiuitatis Spiritus sanctus dicitur: de quo dicit idem Apostolus. *Omnis qui natus est ex Deo, non peccat: quoniam semen ipsius in eo manet, & ideo non potest peccare.* Ibidem. Similitudinem autem ipsam Dei conferet nobis visio ejus, qua Deum videbimus, non quod est, sed sicut est: & ipsa est similitudo, qua similes ei erimus. Nam videre Patri Filium, hoc est esse quod Filius; & e contrario. Nobis autem videre Deum, hoc est similes esse Deo. Hæc vnitatis, hæc similitudo, ipsum est cœlum, quo Deus in nobis habitat, & nos in Deo. Tu autē cœlum cœli es, o summa veritas, qui es quod es, qui à te tibi es, tuus tibi, sufficiens tibi; cui nihil deest, nihil redundat: apud quem nulla discrepantia, nulla confusio; transitio nulla, nulla transmutatio, vel vicissitudinis obumbratio; nulla indigentia, nulla mors: sed est ibi summa cōcordia, summa euidentia, summa plenitudo, summa vita. Creaturæ autem tuæ nulla tibi turpitudine turpis est; nec nocet malitia; nec error errat: qui bonis suas singulis virtutum vel beatitudinis præordinasti mansiones: ad quas omnino peruenire habent, quæcumque impediatur vel retardetur necessitas; malisque in malo suo terminos præfixisti, quos præterire non sit potestas; etiam si non desit voluntas. O Domine, hæc altitudo, hoc profundum, hæc sapientia, hæc virtus; numquid hoc cœlum, cuius tu es ostium? Sic plane, sic est. Vnde & apertio ostio, sicut dicit idem Ioannes, *arca testamenti visa est in cœlo.* Quid enim est arca testamenti recognita in cœlo, nisi, sicut dicit Apostolus, dispensatio sacramenti absconditi à sæculis in Deo, qui omnia creauit? Tu enim verè arca testamenti es: in quo reconditum est à sæculis, & in nouissimo tempore impletum, quicquid ab initio mundi à Sanctis omnibus & Prophetis testificatum est, lege, prophetijs, signis, & prodigijs. Tu arca es circumtexta ex omni parte auro mundo: quia in te requieuit, teque totum complexa est glorificans sapientiæ Dei plenitudo. In te est vna aurea habens manna, sancta & immaculata anima, quam corporaliter inhabitauit plenitudo diuinitatis: & virga Aaron quæ fronduerat, dignitas sacerdotij æterni: & tabulæ testamenti, quibus heres gratiæ tuæ constitutus est mundus; gentesque positæ sunt coheredes, & concorporales, & comparticipes promissionis tuæ. Supra quæ Cherubim gloriæ, plenitudo scientiæ: supra autem; non quasi dignitate præeminentia, sed ab his portari & fulciri indigētia;

*Videre Deū est similes ei esse.*

*Apocal. 17.*

*Ephes. 3.*

*Christus arca testamenti*

*Vna aurea anima Christi.*

*Virga Aaron sacerdotis Christi.*



Tit. 2. &amp; 3.

Bonitas Dei  
nota per In-  
carnationem.

Ioan. 19.

Ioan. 20.

Ioan. 13.

Ibidem.

Psal. 41.

Ibidem.

obumbrantia propitiatorium, id est, mysterio-  
rum propitiantis gratiæ tuæ incomprehensibi-  
litate testantia. Hæc bona à sæculis in cœlo  
secreti tui abscondita, in fine sæculorum desi-  
deranti mundo ostendisti, cum temetipsum os-  
tium in cœlo aperuisti. Aperuisti autem, cum  
apparuit gratia tua omnibus hominibus, erudiens  
nos; cum apparuit benignitas & humanitas tua,  
non ex operibus iustitiæ quæ fecimus nos: sed  
secundum misericordiam tuam salvos nos fa-  
ciens. Tunc aperto cœlo omne bonum, omnis  
suauitas cœli se terris infudit. Tunc quanta in  
te esset bonitas circa nos, ô Deus, qui proprio  
filio tuo non pepercisti, sed pro nobis omnibus  
tradidisti eum, omnibus palam innotuit; cum  
notum fecisti mundo salutare tuum; & in con-  
spectu gentium revelasti iustitiam tuam, quam  
in sanguine vnici tui nobis fecisti: cum ipse ca-  
stam charitatis obedientiam circa saluationem  
nostram impendit tibi, nobis autem obedientiam  
ipsius charitatem. Tunc enim benedixisti terræ  
nostram: & ex tunc cepit dare fructum suum.  
Ex tunc ad cœlum tuum strata est via publica;  
trita Apostolorum vestigijs, & Martyrū, & San-  
ctorum omnium; qui exemplo & gratia chari-  
tatis accepta à te, dilexerunt te usque ad con-  
temptum sui: & pro te animas suas ponere non  
timuerunt. Inuestigabiles istæ diuinitatis gloriæ  
tuæ, Domine, penes te latebant in cœlo secreti  
tui; donec lanceâ militis aperto latere filij tui  
Domini & Redemptoris nostri in cruce, redem-  
ptionis nostræ effluxere sacramenta: vt in latus  
ejus non jam digitum mittamus, aut manum, si-  
cut Thomas; sed in apertum ostium toti intro-  
mus vsque ad cor tuum, Iesu, certam sedem mi-  
sericordiæ; vsque ad animam tuam sanctam, ple-  
nam omnis plenitudinis Dei: plenam gratiæ &  
veritatis, salutis & consolationis nostræ. Aperi  
Domine ostium lateris arcæ tuæ; vt ingredian-  
tur omnes saluandi tui à facie diluvij huius inun-  
dantis super terram: aperi nobis latus corporis  
tui: vt ingrediantur qui desiderant videre oc-  
cultas Filij; & suscipiant profluentia ex eo sacra-  
menta, & pretium redemptionis suæ. Aperi ostiū  
cœli tui; vt videant bona Domini in terra viuē-  
tium redempti tui, qui adhuc laborant in terra  
morientium: videant & concupiscant, ardeant  
& currant, quibus factus es via, per quam illuc  
itur; veritas ad quam itur; vita propter quam  
itur: via, exemplum humilitatis; veritas, puritatis;  
vita, vita æterna. Hæc omnia factus es nobis,  
misericors pater, suavis domine, dulcis frater;  
qui sumus filij tui, quibus dicebas, *Filij mei,*  
*adhuc modicum vobiscum sum*: serui tui, quibus  
dicebas, *vos vocatis me magister & Domine, &*  
*bene dicitis; sum etenim*: fratres tui, quibus mā-  
dasti, vt irent, vbi te viderent. O bone pater,  
dulcis frater, suavis Domine, bonus quicquid  
es, & dulcis, & suavis, in quo abundat tota bo-  
nitas, aperi nobis te: vt de te vsque ad nos manet  
tua suauitas, impleat nos. Aperi mihi te, qui es  
ostium, vt per te aliquoties affectu, etsi adhuc  
non mereor pleno effectu, ingrediar in locum  
tabernaculi admirabilis, vsque ad domum Dei.  
Renelasti enim aliquando auriculam serui tui,  
vt aliquando subaudierit vocem illic exultatio-  
nis & confessionis soni epulantis; sed proce dere  
non licuit. Propter quod meritò tristis es anima  
mea: meritò cōturbas me. Sed spera in Deo, quo-  
niam adhuc confitebor illi; salutare vultus mei

& Deus meus. Aperi mihi Domine, vt quia ho-  
mo alienus, non sum dignus adhuc cuius illuc  
adscribi; donante te, vel aliquoties vel aliquan-  
tulum ibi liceat mihi peregrinari: vt videns vi-  
deam gloriam tuam, nec nisi expulsus exeam.  
Si sæpius illuc metuerō ascendere, si aliquādiu  
immorari, si seriū redire; innotescam ciuibz  
tuis, illis non lætantibus, sed sicut lætantibus  
omnibus habitantibus illic; quorum lætitiā  
nulla verba exprimunt; quorum participatio in  
idipsum; nec vt alienum me habebunt, si ali-  
quando in aliqua tuæ illius domus parte jubeas  
me inter eos requiescere. Domine inquietum &  
impatiens est ad te cor meum: nec extra te re-  
quiem ei inuenio. Propter quod cum expellor à  
cœlo, à radio vitæ meæ liber etiam me aliquan-  
do descendere ad infernum viuentem: (ne con-  
tingat me illuc descendere morientem;) vt vi-  
deam quid etiam ibi agatur. Sed cum in primo  
ejus limine scriptum inuenio, quia in inferno  
non est qui cōfitebitur tibi, anathema ei dicens,  
inde refugio. Audio intro solum oculorum, &  
stridorem dentium: sed non mihi contingat Do-  
mine, vsque illuc descendere. Ad te Domine, ad  
te oculi mei semper, qui habitas in cœlis; ad do-  
mum tuam, ad ciuitatem tuam Ierusalem, vnde  
ad nos descendisti: cujus tecum tam mirabile  
exemplar nobis detulisti. A quo accensus, ardē-  
ter & cupidè sæpe illuc recurro. Si te ostium in-  
uenio apertum, ingredior: & bene mihi est, quā-  
diu licet: si clausum inuenero, confusus redeo.  
Et prohibitus videre gloriam tuā, remittor mi-  
ser in domum meam: & cogor pati domesticam  
& familiarem paupertatem meam. O si videbo,  
ô si durabo, ô si vniquam aliquando audiero,  
*Intra in gaudium Domini tui*: vt sic introeam,  
vt ultra non exeam. Potens es Domine; & veri-  
tas tua in circuitu tuo. Perfice, quod fecisti  
dona, quod promissisti.

## MEDITATIO VII.

Anima videndi Dei desiderium exprimit.

**T**ibi dixit cor meum, exquisiuit te facies mea:  
*faciem tuam Domine requiram. Ne auertas*  
*faciem tuam à me: ne declines in ira à seruo tuo.*  
Comparare quidem faciem meā faciei tuæ, Do-  
mine Deus, inspector & iudex cordium, teme-  
rarium nimis videtur & insolens: cum, si introi-  
eris in iudicium cum seruo tuo, non habeat fa-  
cies iniustitiæ meæ, nisi fugere à facie iustitiæ tuæ.  
Sed si donante te, charitas ardens excusaret, hu-  
militas pia adiuuaret paupertatem meam: fu-  
giant qui oderunt; ego non fugerem à facie tua.  
Altera enim præsumit, altera nutrit fiduciam.  
Harum ego conficius mihi non sum: sed ami-  
cum profiteor. Si enim interrogas me, sicut in-  
terrogasti Petrum, *amas me*: dicam planè, di-  
cam confidenter; Dñe, tu omnia nosti: tu scis  
quia volo amare te. Quod etiam sic vult, vt nihil  
sic velit cor meum, quàm amare te. Humilita-  
tem etiam amplector, quam diffiniunt diffini-  
entes, contemptum propriæ excellentiæ: sed  
dum quasdam excellentiarum minutias nonnu-  
quam inscius incurro: vel cum offeruntur, non  
satis citò me inde excutio: optimè scio, quia hu-  
milis non sum. Est alia humilitatis species, scili-  
cet notitia sui, in qua si iudicor, secundū ea quæ  
in me noui, actum est de me: & malo, vt aiunt,  
omine terendi pedem in iustitiam iudicij tui. Si  
autem hoc apud te virtus iudicatur; si peccatū  
meum coram me est semper: huius virtutis non

Mentis as-  
censu in ca-  
lum.Et despectu  
in infernum

Matt. 25.

Psal. 26.

Ioan. 21.

Quid sit  
humilitas.Notitia sui  
humilitatis  
species.



Psal. 26.

Non vidit  
Paulus Deū  
in hac vita.

Exod. 33.

Psal. 43.

Psal. 29.

Psal. 16.

Psal. 88.

Vultus Dei  
est notitia  
veritatis  
eius.

Exod. 33.

omnino expertem me arbitror: cum etiam nolenti mihi, & rebus melioribus intento, sic sæpe fœda peccatorum meorum facies mentis meæ oculis se ingerat, ut propter ipsa ipse me oderim. O Domine! quid multa dicam de ignominiosa facie conscientię meæ? Qualiscumque quomodocumque sit; sic tota ðjus facies tuam faciē desiderat: ut omnia quæ sunt vitæ hujus, ipsamque vitam, præ amore ejus fastidiat & despiciat: nec curet omnino quid videat, dum te videat. Sic interim, ð visu desiderabilis! exquirat te facies mea; faciem tuam requiro: ne obsecro auertas eam à me. Sed doce me interim, ð æterna sapientia, illustratione ipsius vultus tui, quæ sit ista facies & facies: quia licet desiderio alterius ad alteram contrahescam, neutram tamen satis novi. Scio enim, quia si non est datum Paulo Apostolo, ut videret in hac vita te facie ad faciem; & dilecto discipulo tuo, sicuti es: quod sic diligenti & sic dilecto non conceditur, non sani est capitis, à quo hoc speratur, vel queritur. Tamen ubi audio in David faciem & faciem, non possum desperare, quod audio de te aliquem sperare: non quod oblitus sim, quis sim; sed spero de indulgentia misericordiæ tuæ: & quia licet miserè in hoc proficiam, nollem te minus amare ab illo te amante. Nam licet Moyse videatur esse negatum, quod tamen David nullo modo erat desperatum: tamen de eodem Moyse, ceterisque Patribus cantat & psallit iste David, quia *non in gladio suo possederunt terram, & brachium eorum non salvavit eos: sed dextera tua, & brachium tuum, & illuminatio vultus tui.* De se ipso etiam, Domine, inquit, *in voluntate tua præstitisti decori meo virtutem. Avertisti faciem tuam à me: & factus sum conturbatus.* Eam ergo dulcissime, faciem, quam avertisti aliquando à sancto David, & factus est conturbatus, converte ad me, & ero consolatus: quam priusquam avertisses ab eo, in voluntate tua præstitisti decori ejus virtutē. Et possideat terram meā dextera tua, & brachium tuum, & illuminatio vultus tui; quæ terram Patrum possedit, in quibus complacuisse. Nam de vultu tuo & facie tua neminem audio tam sæpe, tam familiariter agere & loqui, quàm David: nec credendum est, cum vultus tui in expertum, de quo precatur omne judicium suum prodire: & cum vultu tuo lætitia se præsumit adimplendum. Qui etiam beatificans beatum populum, qui scit jubilationem; Domine, inquit, *in lumine vultus tui ambulabunt.* Quàm attentius possum, ð Deus cordis mei, consulens ipsum vultum tuum, ut de eo super hoc judicium meum prodeat; conclamante in hoc omni conscientię meæ assensu, vultum tuum hunc, & faciem tuam inuenio esse notitiam veritatis tuæ: cui beatus populus tuus facies exhibens bonæ voluntatis, jubilat gaudium in Spiritu sancto; & magni anni jubilei festum in cōtemplatione & fruitione ipsius veritatis tuæ: in cujus etiam lumine ambulat, gressus suos & omnia sua dirigens secundum judicia justitiæ tuæ. Est quidem alia facies, & alius vultus notitiæ tuæ, de qua dictum est ad Moysen, *facies mea non videbitur tibi; non enim videbit me homo & vivet:* vitio vel scientia divinæ majestatis tuæ, quæ in hac vita melius nesciendo scitur: & scire aliquem, quomodo eam nesciat, hæc in hac vita summa ejus scientia est. Sed, ð Domine, licet tenebras ignorantię nostræ & cæcitatis huma-

næ posueris latibulum faciei hujus: tamen in circuitu tuo tabernaculum tuum, luminosi scilicet tui, sancti aliqui fuerunt; qui de luminis & ignis tui contubernio lucentes & ardentes, verbo & exemplo cæteros illuminabant & accendebant: & hujus supereminentis notitiæ tuæ solemne gaudium in futura nobis vita denunciabant; qua videberis sicuti es, vel facie ad faciem: interim verò per eos fulgura veritatis tuæ alluxerunt orbi terræ; & illuxerunt coruscationes, ad quas hilarescunt, qui sanos habent oculos: commoventur autem & conturbantur, qui diligunt tenebras magis quàm lucē. Nam manifestatio hic veritatis tuæ, per quoscumque fiat, sic est sicut sol tuus, quem facis oriri super justos & injustos, qui in suæ naturæ puritate permanens, utitur rerum materijs, sicut eas inuenit; lūtum stringens, ceram solvens, illustrās omnem oculum & videntem & cæcum; videntem, ut illustratus plus videat, cæco in sua cæcitate permanente. Sic & tu, ð sapientia Dei, & lux veritatis, cum venisti in mundum, per quem mundus factus est: illuminasti omnem hominē venientem in hunc mundum: sed tenebræ te non comprehenderunt. Quotquot autem te receperunt, & lucem veritatis tuæ, dedisti eis potestatem filios Dei fieri.

## MEDITATIO VIII.

*De multiplici facie hominis, & osculo atque amplexu sponsi & sponse.*

**F**VLGVRANS omnibus, ð sol justitiæ, lumen vultus tui, & veritatis tuæ splendorē: sponfam tuam, quæcumque illa est, inuitas dicens. *Ostende mihi faciem tuam, soror mea.* Statimque anima bonæ voluntatis, cui de cælo pax annunciat; qui frater est Christi, cujus anima soror ejus appellatur, sicut est, sic in sancto tuo desiderat apparere tibi; & in lumine tuo videre lumen. Si peccator est, ostendit tibi faciem misericordiæ suæ, requirens faciem misericordiæ tuæ: si sanctus est, occurrit tibi in facie justitiæ suæ: & inuenit in te faciem similitudinis suæ, qua justus Dominus justitias diligit. Porro cui frons est meretricis, non vult erubescere: & fugiens veritatem tuam incurrit seuerissimam justitiam tuam. Quot enim anima humana habet affectiones: tot ad te habet facies. Tu autem, ð veritas, omnes excipis, & omnibus te mutuans, in te ipsa non muraris. Inuenit in te pia humilitas familiaritatem gratiam: inuenit ardens amor suauē olei materiam: inuenit humilis cordis contritio paratam sibi à te justitiam: inuenit frons meretricis confusionem suam. Sic, ð summa justitia, misericordia in te & veritas obuiant sibi, cum veritas humanæ justitiæ in anima iusta humiliter confiteretur: & tuæ justitiæ veritas in veritate consentienti quasi justè miseretur. Et dum porrigit illa osculum justæ confessionis, tu eam excipis in osculo pacis. Hoc est osculum sponsi & sponse: cujus facies ut digna inueniretur osculo tuo, ð Domine, tuæ facies conspuita est: ut illius appareret decora & speciosa, tuæ facies alapis palmarum, & arundinum ictibus facta est liuida: tua in oculis hominum saturata est opprobrijs, ut illi pulchra & speciosa appareret in oculis tuis. Quin insuper fecisti ei lavacrum tui pretiosi sanguinis, in quo laurentur filij Dei, horribilia pro nobis patiens, qui fecimus horribilia: pro quibus faciei summæ justitię in nulla satisfacere potuisset facies cuiusvis penitentię, nisi eis quæ pro

Matt. 5.

Cant. 2.

Psal. 84.

Quid fecerit sponsa pro sponsa.

pro nobis passus es, addita fuisset tua innocentia; & quia cum esses filius, exauditus es pro tua reuerentia. Pro meis enim manibus, Domine, quæ fecerunt quæ non debuerunt, tuæ manus clavis transfixæ sunt: pedes tui pro meis pedibus, oculi tui pro illicito visu meo, aures pro auditu, in mortem obdormierunt. Lancea militis apertum est latus tuum, ut de impuro corde meo per vulnus tuum totum aliquando efflueret, quicquid in eo longa labe fuerat incensum igni & suffosum. Ad ultimum mortuus es, ut ego viverem: sepultus, ut ego resurgerem. Hoc est osculum dulcedinis tuæ ad sponsam tuam: iste est amplexus dilectionis ad amicam tuam. Væ ei, qui huius osculi particeps non fuerit: væ, qui de amplexu isto ceciderit. Hoc osculum accepit in cruce latronis confessio: hoc accepit Petrus, cum respexit eum Dominus negantem, & egressus foras fleuit amare: & plurimorum qui te crucifixerunt, post passionem tuam ad te conuersi, in hoc osculo tibi confederati sunt. In amplexu isto exultabat Maria illa, septem olim Daemoniorum possessio: de quo ceciderat discipuli proditoris malitia. In hoc amplexu stringebantur publicani & peccatores: quorum conuiuia & amicus factus es. Illic Raab meretrix conuersa, Babilon te sciens, alienigena, Tyrus, & nigri Æthiopes. Quod autem Domine, trahis eos, quos amplecteris & adstringis, nisi ad cor tuum? Cor tuum dulce est illud mæna diuinitatis tuæ, quod intus habes, ô Iesu, in vna aurea supersapientis animæ tuæ. Beati, quos ad eam tuus trahit amplexus: beati, quos in abscondito absconditi illius abscondisti, in medio cordis tui: & scapulis tuis obumbrantur à conturbatione hominum; nec habent spem, nisi sub pennis tuis protegentibus & frequentibus. Scapulis enim virtutis tuæ obumbrantur, qui in abscondito cordis tui absconduntur; suauiter dormientes, & dulci expectatione letantes inter medios clericos meriti sanctæ conscientie, & expectationis præmij promissionis tuæ: non propter pusillanimitatem deficientes, vel propter impatientiam murmurantes. Sed & qui se dulcius osculantur, mutuo sibi suos spiritus infundunt: quorum quibusdam odoribus dulce habent perfundi. Accipe tibi, Domine, nec respuas totum spiritum meum, quem totum in te effundo, qui totus olet: infunde mihi totum tuum, qui totus quod est redolet: ut de tui suauitate meus ultra non oleat; & tui dulcis odor, ô dulcissime, semper ulterius in me permaneat. Hoc est quod agitur, cum facimus, quod in tui commemorationem nos facere precepisti: quo in salutem filiorum tuorum nil dulcius, nil potuit prouideri potentius: cum manducantes & bibentes incorruptibile epulæ corporis & sanguinis tui, sicut munda animalia tua ab intestino memorie cogitandi dulcedine, quasi ad os reducimus: & in nouum & perpetuum salutis nostræ effectum nouo semper pietatis affectu ruminantes, rursus suauiter in ipsa recondimus memoria, quid pro nobis feceris, quid fueris passus. Vbi dicis animæ desideranti, *dilata os tuum, & ego implebo illud*: & illa gustans & videns suauitatem tuam sacramento magno & incomprehensibili, hoc efficitur quod manducat, os ex ossibus tuis, & caro de carne tua: ut sicut orasti Patrem iturus ad passionem; hoc Spiritus sanctus hic in nobis operetur per gratiam, quod in Patre & te Filio ejus est ab æ-

terno per naturam: ut sicut vos vnum estis, ita & nos in vobis vnum simus. Hæc est, Domine, facies tua ad faciem te desiderantis: hoc est osculum oris tui ad os te amantis: hic est amplexus dilectionis tuæ ad amplexum sponsæ tuæ suspirantis tibi & dicentis. *Dilectus meus mihi, & ego illi: in medio vberum meorum commorabitur.* Et *Tibi dixit cor meum, exquisiuit te facies mea.* Nā si facies animæ nostræ tuam faciem non requirit: non est facies ejus naturalis; sed bestialis aliqua larua. Quis non requirat eam? Quis non infirmabitur pro ea? Quis non languebit? Quis non deficiet? Quis non morietur? Miserere Domine. Iam post eam mortuus fuisset nescio quali morte; nisi visitatio tua custodisset spiritum meum. Contra inuenit in te inimicus in tempore vultus tui clibanum ignis, peccator partem calicis sui, laqueos, ignes, sulphur, spiritus procellarum: superbus potentiam, qua superbis resistis: hypocrita lucem veritatis, quam odit. Et hi omnes proprijs priuatorum malorum suorum faciebus cauteriatis habentes conscientias, quasi generalem habent faciem malitiæ impœnitentis: & tu excipis eam in facie justitiæ justè judicantis, & odientes justitiā in odio iniquitatis. Quia enim probauerunt, se Deum non habere in notitiam; tradidisti eos, Deus, in reprobum sensum, ut faciant ea, quæ non conueniunt: quæ turpia sunt ad cōmemorandum ante te; quæ tamen impudenter & irreuerenter fiunt ante te: & de concupiscentijs suis & filiabus earum, & de peccatis, & eorum filijs, & filijs filiorum, nectunt sibi lacrymosam illam duram & longam catenā, de multitudine peccatorum, quasi de connexionione anularum ferrearum suauiter interim stridentem, sed insolubiliter stringentem, per quā trahuntur in infernum; vbi nullus ultra confitebitur tibi, ô Deus: vbi nulla spes, nullus inde regressus. De quibus miror, si positis in inferno scire quoquo modo dabitur, quantum sit bonum te fruendi: quod si aliquo modo datur eis scire, non purp in inferno majus esse tormentum, quam tua visione carere. Sed heu, heu, qui horribilia commiserunt, horribilia insuper patientur: quia impœnitentibus sanguis tuus Christe non subueniet; quin potius rei judicabuntur sanguinis tui, quem peccando & non pœnitendo conculcauerunt. Hæc est facies furoris tui, quam Prophetæ pauet, & tremet ad faciem eorum, quos expectat, sicut dicit Apostolus, *terribilis quedam expectatio judicij, & ignis amulatio, qua consumptura est aduersarios.* Domine Deus, iudex viuorum & mortuorum, isti sunt duo greges dextere tuæ & sinistræ in die judicij tui. Et inter medias sortes has, & clericos hos, sortem mortis & vitæ, perditionis & redemptionis, iræ & gratiæ, vbi parebo? O veritas, veritas, per gloriam & maiestatem faciei tuæ, ne abscondas eam à me; sed fulgura in me totas ejus coruscationes: ut in lumine ejus videam lumen, scilicet quid facies mea sit ad tuam, quid tua ad meam: vtrum sicut est veritas in te, Iesu, sic veritas sit in me, deponere me secundum pristinam conuersationem veterem hominem, qui corrumpitur secundum desideria erroris. Omnino enim, ô veritas, quod te queram, scio: sed vtrum verè queram, nescio. Hæc est facies mea ad te, magnæ miserie meæ, & magnæ cœcitatatis meæ. Licet enim consolationes tuæ nonnumquā lætificent animam meam: scio tamen, quis fuerim, modo autē nescio, quid sim.

*Cant. 1. & 2. Psal. 26. Facies Dei quam sit requirenda.*

*Rom. 1.*

*Reprobi catenam sibi nectunt peccatorum.*

*Carentia visionis Dei damnatorum maxima pena.*

*Hebr. 10.*

*Dne sortes in die judicij futura.*

*Nescit hominē, qualis sit ante Deū.*

Vnam pretij à Domino, hanc requiro: vt sicut ad te anxiatur facies miseræ meæ; sic super me amplius & amplius illustret se facies misericordiæ tuæ, vsque ad omnimodam consumptionem omnis miseræ & caliginis meæ.

## MEDITATIO IX.

*Anima discutit, seu in iudicium vocat cogitationes suas & affectus.*

**T**anta, Domine, est in me miseræ meæ densitas & immensitas, vt nec sufficiam eam per partes dispicere: nec totitatis ejus enormem faciem peruidere. Nam ecce sicut solet, caligo ejus me obuoluit: nec ad te Dominum Deum meum, cui loqui, quem audire desidero, liber est visus, vel expeditus auditus. Sic mihi semper facit, sic à se me rejicit domus propria conscientie meæ.

Isaia 26.

Numquid hoc est, tollatur impius, ne videat gloriam Dei? Et cum mentis oculis obtenebratis, palpando quodam modo nitor quo tendebam; lassata & quassata ardentis desiderij intentione, de altis tuis in profunda mea recido; à te in me; à me subtus me: & resoluta omni conatus mei machinâ, sicut inane quiddam pulveris projectum à facie terræ efficior ventorum ludibrium per phantasmata cogitationum, voluntatû, affectionum, tot quot vultus hominum, quot horarum momenta, quot rerum vel euentuum incursus vel occurfus. Ideo cum facies bonitatis tuæ super me semper intendat benefaciendo, facies miseræ meæ stolidam semper terram respiciens sic cœcitatibus caliginè obuoluitur, vt nec sciat, nec possit coram te apparere, nisi in quantum faciei veritatis omnia transvidentis quomodocumque sit, non potest latere. Propter quod relinquens munus meum ante altare, indignans mihi & excutens me, surgo in memetipso, & accensâ verbi Dei lucernâ in indignatione & amaritudine spiritus mei ingredior tenebrosam domum conscientie meæ; quasi peruisurus vnde tenebræ istæ, vnde caligo odibilis, diuidens inter me & lumen cordis mei. Et ecce quasi quædam muscarum pestis ruens in oculos meos, & pene exturbans me à proprio conscientie meæ domicilio. Ingredior tamen sicut in re juris mei; & ecce cogitationum turba tam proeæx, tam indisciplinata, tam varia, tam confusa: vt discernere eas non sufficiat cor hominis, quod eas genuit. Resideo tamen quasi iudicaturus eas. Iubeo eas stare prope me, vt vultus singularum nationesque dignoscam, singulis suum apud me locum daturus. Priusquam perspiciam, priusquam dignoscam, dissiliunt: & aliæ pro alijs se offerentes irridere videntur iudicantem. Indignor & irascor mihi. Exurgo quasi seuerius in eas acturus pro potestate, sicut in regno meo. Adduco mihi, & quasi ad consiliû assidere mihi facio, quas certas & stables aliquando expertus sum, haustas de fontibus Saluatoris: ipse iudex, ipse accusator, ipse testis. Secerno in partem immundas & pessimas, quasi indignas audiri, & absque omni iudicio damnandas, & debita poenitentiae poena plectendas. Otiosas, odiosas, quasi quasdam muscarum importunitates abigo. Admitto interim quasi rationabiliter audiendas & emittendas, negotiosas vel occupatorias: sua eis tempora, suaque loca distribuens. Quæ dantur iudicio propriæ conscientie, absque murmure suam suscipiunt sententiam. Otiosæ rem videntes seridè ætari, diffugiunt, vel efficiuntur lentiores; verentes inturbare quæ gerun-

Inania cogitationum phantasmata.

Cæcitas cordis humani.

Cogitationes in iudicium vocantur.

tur. Negotiosæ negligi se videntes, & sicut caulis suis cessantibus ad modicum viles, jam prope inter otiosas computari se erubescences, recedunt. Sic ergo discussa aliquantisper cogitationum caligine, conuerto me ad eorum originem; ad ordinandam scilicet affectuum disciplinam: & inuenio necessitate solitudinis in quam transfugi, obstructos eis aditus & exitus, in his quæ carnis sunt: quos si inuenirent patentes, confiteor miseriam meam, suspectissimam haberem infirmitatem meam. Sed & princeps eorum amor, per gratiam ejus qui me confortat, vni illi, quam peto, assidue vacans, omnem eorum turbam sibi redigit in feruitutem: leges dat, modos informat, præfigit terminos, quos præterire non licet. Iam ergo discussa omni caligine, saniores in te oculos conuerto, ô lux veritatis: & exclusis omnibus, tecum, ô veritas, me includo; & abscondens me in abscondito vultus tui, secretius & familiarius te alloquor: & omnes conscientie meæ situs tibi apetiens, & projectâ veste pelliceâ Adæ, quam ei fecisti ad protegendum opprobrium confusionis suæ, nudum me sicut me creasti, tibi exhibens, aio. Ecce me Domine, non qualem me fecisti: sed qualem me feci, ex quo à te defeci. Ecce vulnera mea recentia & antiqua: nihil subtraho, omnia tibi expono, & bona tuâ, & mala mea. Ad imaginem tuam me creasti: in paradiso tuo me collocasti: in media sorte filiorum tuorum locum nominatum mihi dedisti: ab ipsa pueritia mea impura super me lumen vultus tui signasti. Ego de paradiso fugi: pro loco quæ dederas cloacam inueni, & in ea me obuolui. Signaculum vultus tui affectu semper tenui, sed opere abjeci: quia sequendo concupiscentias meas & vanitates cordis, adolescentiam meam perdidici: & pene viam canis ingressus sum. Semper autem spiritus meus te dilexit: etiâ cum caro neglexit. Cum ab his fugerem, ad te confugi: & tu de sæculi voragine me extraxisti: sædus tecum pepigi: iuravi & statui custodire iudicia iustitiæ tuæ. Et tu misericordiæ tuæ sinum mihi aperiens, in eum me collegisti: in quo cum suauiter quiescerem, diem hominis vidi & concupiui. Et emisisti & nolentem & volentem: sed tamen me à te non dimisisti. Si obliuiscabar aliquando Dei mei, & si extendebam manus meas quod non debebam: statim interiùs omnia ossa animæ meæ baculo discipline tuæ confringebant secreti conscientie meæ tortores: exterius verb supra dorsum meum fabricauerunt peccatores. Sic cadentem, resurgentem, morientem, reuiuentem, multo me tempore sustinuisti & sustentasti. Cum ad vltimum & corpore deficere & mente, & de ventre inferi clamarem ad te, statim mihi adfui: porrexisti manum, de lacu miseræ me eduxisti. Restituisti me in antiquum; & ampliorem quam prius salutaris tui lætitiæ mihi reddidisti. Sic fui Domine, sic sum: en totus tibi adsum. Mala mea quæ patent, nec te nec me latent: sed sunt pluræ quæ me per cœcitatem meam vel obliuionem latent, quæ tamen tibi patent. Si bona in me vlla, incorrupta nulla, quia plura mihi præripuit inimicus: vel si hoc non potuit, quouis modo corripuit: quamvis plura ego mihi, quam inimicus. Ecce coram te facies mea, cuius nomen est misericordia, ad faciem tuam, ô summa misericordia. Angulos ejus occultos & recessus non tibi occulto; tu scis ô veritas, & precor te, vt coram te hoc sit veritas. Nullum enim sic timeo sicut me-

Describitur hic fuga sæculi, & conuersatio in monasterio.

ipsum: ne vel sciens vel nesciens decipiam me-  
ipsum. Numquid non credo te, non credo tibi,  
non credo in te, Deus meus? Non irideant me  
diffinientes fines & terminos fidei meæ: corde,  
ore, manu, scripto, tibi offero, lux veritatis: sci-  
licet voluntarium & plenum credendi assensum  
in omnibus quæ de te credit Ecclesia Catholica.  
Hos fidei meæ fines, si sufficiunt, imple: si mi-  
nus sunt, supple. De spe autem cōfidenter dico:  
quia non verè credo, si aliud spero, quàm quod  
credo. Te credo, te spero: te mihi da, aliud non  
quæro. Sed non spero, si non amo; nec amo, si  
non spero. Ideo Pater, quia miserè amo, lan-  
guide spero. Sicque dum quod supercreuit de  
radice fidei, marcescit: ipsa etiam radix lentescit.  
Credo tamen adhuc te, & spero, & amo, ô vita  
æterna. O patria, patria, quàm de longè te video  
& saluto: vbi mala nulla, bona omnia. De malis  
scio, quòd ibi non sint mala, quæ me perfectè  
docuit longa & tædiosa experientia: de bonis  
verò quæ ibi sunt, inquantum longè est expe-  
rientia mea, intantum peregrinatur ab eis scien-  
tia mea. Miserere Domine, ecce cucurri & di-  
rexī: exurge in occursum meum, & yde: notum  
fac mihi finem meum, & numerū dierum meo-  
rum, qui est, vt sciam quid desit mihi. In fide  
tua sto, in spe proficio, de amore tuo pauper assi-  
sto & mendicus. O amor, ô ignis, ô charitas,  
veni in nos. Esto dux & lux, ignis ardens & cō-  
sumens in pœnitentia peccatorum: paracletus,  
consolator, aduocatus, & adiutor in causis ora-  
tionum nostrarum. Ostende nobis quod credi-  
mus: insinua quod speramus; fac faciem, quam  
faciei Dei comparemus, vt dicamus. *Tibi dixit  
cor meum, exquisiuit te facies mea.*

MEDITATIO X.

*Incarnationis & passionis Christi consideratio.*

*Galat. 6.* **M** <sup>HI</sup> <sup>abst</sup> <sup>gloriari</sup> <sup>nisi</sup> <sup>in</sup> <sup>cruce</sup> <sup>Domini</sup> <sup>no-</sup>  
*Crux gloria* <sup>stris</sup> <sup>Iesu</sup> <sup>Christi.</sup> *nostra.* Ad crucifixum meū con-  
*Crucis si-* uersio mea. Crux ej<sup>9</sup> gloria mea, qua frons mea  
*gnum.* insignitur, hilarescit mens; dirigitur vita; mors  
amatur. Non despiciant me Domine, super hoc,  
qui merentur videre te sedentem super solium  
excelsū & eleuatū diuinitatis tuæ, & majes-  
tate tua replentem omnem terram: quia & ea  
quæ sub te sunt humanæ dispensationis myste-  
ria, omnis contemplationis replent templum,  
cujuscumque sit magnitudinis. Habeant sancti  
Angeli tui in cœlis gloriam suam: sed non num-  
quam communicent etiam nobis in terris gratiā  
suam: quia & de nostris adhuc proficere amat,  
& dulce habet beata eorum perfectio, cum, si-  
cut dicit Apostolus, *innotescit principatibus & po-*  
*testatibus in cœlestibus per Ecclesiam multiformis*  
*sapientia Dei.* Propter quod ignoscāt nobis Do-  
mine, etiam in hoc, si amor tuus eō aliquando  
nos abducit, ut desideremus videre cū eis, quod  
cum eis amamus: quibus nos plena charitate  
gratulamur, videntibus, quod adhuc videre nō  
meremur. Contemplantur feliciter in sapientia  
tua diuinitatis tuæ maiestatem: quæ ante mediū  
nostrum & post inspecta, totum quicquid illud  
est, præteriti vel futuri, intra præsens æternita-  
tis suæ includens, attingit à fine vsque ad finem  
fortiter: media autem nostra, quæ sunt humanæ  
dispensationis tuæ, charitate constrauit: dispo-  
nens omnia suauiter, propter filias Ierusalem,  
deuotas, sed infirmas adhuc animas: quæ ad cō-  
tuenda sublimia illa nondū habentes exercita-  
tos sensus, amant affici circa humilia tua; & re-

folui, sicut circa similia sibi. Inter quas meum quoque spiritum Domine, docebit aliquando, te, qui spiritus es, adorare in spiritu & veritate; carne jam aduersus eum non concupiscente, vel lentius id agente. Sed nunc interim, quia non potest in ea quæ tua sunt, sic fortiter expediti, sicut ei expedit: dispones ei quæ sua sunt, sic suauiter, sicut ei competit. Cum enim sensualis imaginationis meæ rudimenta necdum supergressus sim: permittes & gratum habebis, ipsa mentis imaginatione circa humilia tua, infirmā adhuc animam meam suam indolem exercere: scilicet nascentis amplecti præsepia, & sanctam adorare infantiam: pendentis in cruce lambere vestigia: tenere & deosculari pedes resurgentis: mittere manum in loca clauorum, & exclamare, Dominus meus, & Deus meus. Et in his omnibus, sicut dicit Iob, visitans speciem meam non peccabo: cū orabo & adorabo, quod imaginando videbo, quod audiā, quod manus meæ contrectabunt de verbo vitæ. Audaſter enim dicam, in suauī dispositione sapientiæ tuæ hanc ab æterno prouisam nobis gratiam; & de præcipuis Incarnationis tuæ causis hæc apud te fuisse non minimam, vt parvuli tui in Ecclesia tua lætæ adhuc indigentes, & non solido cibo, nec spiritualiter, & tuo te modo cogitare præualentes, haberent in te non ignotam sibi formam, quam in sacrificio orationum suarum proponerent sibi absque fidei scandalo: non sufficientes adhuc intueri in claritatem illam diuinæ maiestatis tuæ. Quapropter etsi jam te non nouimus secundum carnem: secundum hoc tamen quò glorificatus sedes in dextera Patris in excelsis, tantò melior Angelis effectus, quantò præ illis differentius nomen hæreditasti, ipsam carnem nostram, quā non abiecisti, sed glorificasti, quæ est scabellum pedum tuorum, oramus, adoramus, obsecramus; David nos ad hoc exhortante, & dicente. *Adorate scabellum pedum eius, quoniam sanctum est.* Et ô beatum illud Sancti Spiritus templum, de quo exaltatum in cruce Christum nulla exterminat obliuio; & recens semper decurrit sanguis in salutem credentis & amanti: & iugiter operatur; quod postulat Propheta. *Redime me, & miserere mei.* Toties enim redemptionis nostræ in nobis celebratur effectus: quoties eam recollit supplicantis affectus. Sed quia neque hoc possumus, vt volumus, ideo adhuc amplius audentes, proponimus nobis formam passionis tuæ; vt habeant etiā oculi carnis, quod videant, cui inhæreant: non adorantes picturæ imaginem, sed in imagine passionis tuæ veritatē. Cum enim attentius respicimus in imaginem passionis tuæ; silente ipsa, videris nobis dicere de cruce. Cum dilexissem vos, in finem dilexi vos. Mors & infernus mordeant me in mortem suam: comedite vos amici, & inebriamini carissimi in vitā æternam. Sicque crux tua linteum illud nobis efficitur, quod beato Petro ostensum, & quatuor initijs demissū de cælo; in quod omnes intrantes, & munda & immunda animalia, in cælum nos leuari gratulamur, in quo & mundamur, qui sumus immundi. Mediante namque imagine passionis tuæ, Christe, cogitatum à nobis circa nos bonum tuum repente nos transfert in summi boni affectum. Cujus faciem in opere salutis tuæ das nobis videre: non jã quasi humano conatu exorta intelligentia, & tremantibus oculis mentis, & refugientibus lucem tuā:

*Vna ex pra-  
cipuis causis  
Incarnatio-  
nis.*

*Pfal. 98.*

**Psal. 25<sup>th</sup>**

**Crucifixus  
Christus  
quid nobis  
dicere vi-  
deatur.**

*Cruz Christi  
linteum  
est Petro  
ostensum.*

Digitized by Google

sed placido amoris sensu, & bono usu videndi & fruendi suauitate, sapientiâ tuâ quæ nostra sunt disponente nobis suauiter, Laborat enim, qui ascendit aliunde. Qui verò per te intrat, ô ostium, per planum graditur, & venit ad Patrē; ad quem nullus venit nisi per te: nec jam laborat in intellectu supereminētis scientiæ: sed totus resolvitur in suauitate bene affectæ conscientiæ. Et abundantiore fluminis impetu lætificante animam illam, videtur sibi videre te sicuti es, dum de mirabili passionis tuæ sacramento cogitandi dulcedine ruminat bonum tuum circa nos, tantum, quantus ipse es, vel quod ipse es: videtur sibi videre te facie ad faciem, cum summi boni facies apparet ei in cruce & opere salutis tuæ; & ipsa crux efficitur ei ad Deum facies mentis bene affectæ. Quid enim meli⁹ præparatum, quid suauius potuit esse dispositum, quàm quod ascensuro homini ad Deum suum, offerre dona & sacrificia secundum præceptum legis, non sit ei ascendendum per gradus ad altare ejus; sed per planum similitudinis, placidè & pede inoffenso eat homo ad hominem similem sibi, in primo ingresso limine dicentem sibi, *Ego & Pater unum sumus*: statimque per Spiritum sanctum affectu assumptus in Deum, & ipse Deum in seipsum excipiat venientem, & mansionem apud eum facientem, non tantum spiritaliter, sed etiam corporaliter per mysterium sancti & viuifici corporis & sanguinis Dñi nostri Iesu Christi? Hæc est, Domine, facies tua ad nos, & nostra ad te, plena bonæ spei. Indue me hoc salutare tuo, & forma mihi hanc faciem Christi tui: quia impossibile est, vt avertas eam, quotiescumque in sancto tuo apparuerit tibi. Vade, ô homo, quicumque thesaurum istum absconditum inuenis in agro cordis tui; vende omnia quæ habes, & remetipsum in seruum perpetuum, vt possideas eum jure hæreditariæ possessionis: & beatus eris, & bene tibi erit. Thesaur⁹ in possessione tua: Christus in conscientia.

## MEDITATIO XI.

*Cocitatem suâ exponit, cupiens à Deo illuminari, & pastorale onus abdicare.*

**D**EVS *Virtutum conuertere nos; & ostende faciem tuâ, & salui erimus.* Cum enim ex munere gratiæ tuæ Domine, ad ea quæ carnis sunt faciem cordis non habeam, sed posueris ea mihi dorsum: mundum, & quæcumq; ejus sunt, posueris mihi deorsum: quid est obsecro, quod in toto corde exquirens te, cum faciem tuam apprehendisse me gratulor, quam solâ facies mea desiderat, repente me inueniō seorsum? Cur eâ abscondis? Numquid arbitraris me inimicum tuum? Num consumere tu me vis peccatis adolescentiæ meæ? Numquid ego non sum ad te conuersus: vel tu adhuc es à me auersus? Si nō sum conuersus; Deus virtutum conuertere me. Si tu es auersus, Deus virtutum conuertere. Et iterum. *Conuertimini ad me: & ego conuersar ad vos.* Tu scis donum gratiæ tuæ in corde pauperis tui: paratum cor meum Deus, paratū cor meū. Præcipe quod vis: fac me intelligere quod præcipis: da posse, qui dedisti velle: & fiet in me vel de me, quidquid vis. Vt faciam voluntatem tuâ Deus volui: & legem tuam in mandatis amplector in medio cordis mei. Sed est alia lex tua immaculata conuertens animas: sed nescio eam Domine: later in abscondito vultus tui, quo ego ingredi non mereor. Si semel dares mihi sic in-

trare illuc, vt viderem eam, clamor scribæ velle, lociter scribentis Spiritus sancti tui transcriberē eam super cor meum dupliciter & tripliciter; vt haberem quod recurrerem; & intelligens opera mea, ambularem deinceps simpliciter & confidenter. Nunc autem sum sicut cæcus palpians in meridie: quocumque assensus mei tendo pedem laqueum timens & ruinam. Et sicut cæco dicitur mihi, huc vel illuc, hac vel illac: ego verò sicut qui non videt, neque huc scio, neque illuc, neque hac neque illac. Emitte mihi Domine, lucem tuam & veritatem tuam; ipsa me deduxerunt & adduxerunt in montem sanctum tuum, & in tabernacula tua. Dicis mihi, ego sum via, per quam ibis; veritas, ad quam ibis; vita, propter quam ibis. Et quo eundum sit scitis: & viâ scitis. Et ego Domine, nescio quo vadam: & quomodo possum viam scire? *Tenuisti manum meam: & in voluntate tua deduxisti me.* Tenuisti manum meam, cum tuam cæco porrexisti; clamanti post te & ploranti, & dixisti. *Venite ad me omnes, qui laboratis & onerati estis: & ego reficiam vos.* Quo audito in viam mandatorum tuorum cucurri, cum dilatares cor meum. Veni ad te, paratum tibi offerens cor meum Deus, paratum cor meum, & dicens. Quid me vis facere? Et dixisti mihi. Vade, vende omnia quæ habes, & da pauperibus: & veni, sequere me. Abij, cucurri, vendidi omnia quæ habui; ipsum corpus meum, ipsam animam meam: pauperibus nihil dedi, quia nihil habui. Et tibi Domine, vendidi, quæcumque habui: & pretium meum tu es. Tu scis, quia nihil mihi retinui: vel si effugit me aliquid, & latet adhuc in abdito aliquo cōscientiæ meæ, exquiram illud, & fideliter offerā tibi. Sed cum quæro à te pretium: tu imputas mihi delicta iuventutis meæ, antiquū debitum. Obsecro Domine, patientiam habe in me: non habeo vnde reddam tibi. Huevsque veni, hic sto, procedere non licet. Sedens ergo secus viâ transiente te, cæcus, pauper, medicus, clamor ad te. *Fili David, miserere mei.* Et turbæ opprimunt faciem meam; & increpant vt taceam. Ego verò multo magis clamor: miserere mei fili David. Laboravi clamans, rauræ factæ sunt fauces meæ: defecerunt oculi mei, dum spero in Deum vivū: tu verò clamantem pertransis. Aliquando stas mihi, sed ad modicum. Iubes me venire ad te: & dicis mihi. *Quid vis faciam tibi.* Ego verò & omnia ossa mea dicunt tibi. *Domine, ut videam.* Tu verò pertransis. Miserere mei fili David. Sequi te non possum, quia cæcus sum. Miserere mei. Habui ex te quantulamcumque rationem, quæ me adduxit ad te: non habeo virtutem, quæ me faciat currere post te. Miserere mei fili David. Miseremini mei, saltem vos Domini mei, serui Dei mei; & dicite ei. *Dimitte, cum, quia clamat post nos.* Heu mihi, quia incolatus meus prolongatus est: multum incola fuit anima mea in domo tenebrarum. Quid feci? Dominus est: faciet quod bonum est in oculis suis. Sedebo secus viam. Viam non derelinquam. Redibit aliquando forsitan sine turbis: & videbit non videntem, & miserebitur. Adest enim bonum verbum ejus in corde meo dicens. *Expecta Dominum, viriliter age; & confortetur cor tuum, & sustine Dominum.* Congregamini ad me interim, anima mea, & omnia quæ intra me sunt: & fermo Dei viuis & efficax, & penetrabilior omni gladio ancipiti, & pertingens vsque ad diuisionē

*Vbiq; mendus est lapsus.*

*Psal. 72.*

*Matt. 11.*

*Exitus autoris de seculo hic describitur.*

*Matt. 13.*

*Luc. 18.*

*Matt. 15.*

*Psal. 26.*

*Ioan. 10.*

*Christus corporaliter nobiscum manet in Euangelio.*

*Zachar. 1.*



animæ & spiritus; compagum quoq; & medullarum: & discretor cogitationum & intentionū cordis: & non est vlla creatura inuisibilis in cōspectu ejus; omnia autem mea nuda & aperta sunt oculis ejus. Ad ipsum nobis sermo. Dixi Domino, Deus meus es tu: in manibus tuis sortes meæ. Mittamus sortem, cujus peccato malū hoc acciderit nobis; vt auertat Deus faciem suā a puero suo. Sententia sortis meæ, inuētio Deus, veritatis tuæ. Viuit Dominus, quia si dextera manus mea, si oculus, si pes, scādalizauerit me, non parcam ei: sed amputabo eum, & projiciā a me. Dic mihi, ô Verbum Dei; nūquid non bonum est, quod feci, credens tibi: quōd reliqtis omnibus secutus sum te? Omnes cogitationes meæ, & intentiones cordis, anima & spiritus, compages & medullæ respondent, quia bonum est. Addo querere. Numquid etiam bonum hoc non bene factum est? Submurmurant cogitationes: & loquendi acceptā licentiā aiunt. Dixit Dominus Petro. *Petre amas me? Respondit. Tu scis, quia amo te. Pasce oues meas.* Et hoc terriō, vt funiculus triplex sententiæ hujus non facile videatur rumpendus: quia pastio gregis probatio est amoris. *Intentiones.* Pastor, & qui non est mercenarius, etiam si pro grege animam suam posuerit, vix ei sufficit. Sed grauissimum est ei præesse, vbi non potest prodesse. Fuerit aliquādo, vt rex Dauid sic infirmus corpore, vt lecto decumberet; sic senio frigans, vt vestibus calefieri non posset; de lecto solo verbi imperio populum Dei regeret: & oculi totius Israël de omnibus in eum intenderent. Nondum sic fascinatio nugacitatis obscurabat bona: nondum sæculi senescens dura nequitia sic incalluerat: vt senibus emeritis non seruaretur sua reuerentia. Nunc verō cum Pastoribus Ecclesiæ incumbat pascere gregem Domini in corpore simul & anima: de anima autem maximè Deus requirat, dicens, *Primum querite regnum Dei:* de corpore autem quasi secundariō securos faciat, subjungens, *Et hæc omnia adjicientur vobis:* quis hoc hodie audiat prædicantem? Quis parcat seni? Infirmo quis ignoscat? Prudentia carnis, spiritus hujus mundi, curiositas, vrbāritas, & alia hujusmodi a magistris Ecclesiæ hodie requiruntur: irridetur simplicitas, religio despicitur, humilitas nullius momenti est. Et si sufficere videtur adhuc vtrumque qui præest ad subministranda interiora, cui hoc hodie sufficit, nisi sufficere abundent etiam exteriora? Et vtinam terminos suos sufficientia cognosceret. Propter hoc vix nobis: quia peccauimus. Propter hoc, sicut dicit Propheta, *Egypto dedimus manus, & Assyrijs; vt satiamur pane.* Nam contra Apostolum, *serui facti sumus hominum* raptorum, feneratorum, filiorum alienorum in hoc sæculo abundantium. Si non hujusmodi hominibus ad nutū hodie qui præest obsequatur: si sæculo huic sic formato non conformetur: nisi hominibus impositis super caput suū aduletur: subditis, multa simulando, dissimulando plurima, non blandiatur: quid faciet? Quid poterit? Vbi parebit? Hodie enim plane obsequium vix paucos, ipsosque labiles & volatiles parit amicos: veritas manifestos & crudeles, & pertinaces inimicos. Sed si hoc interim animas ponere pro fratribus: sit sagorum cilicinorum exteriori pati molestias aeris hujus: vt in decore suo intrinsecus permaneat domus Dei. Sed vtinam non perueniat gla-

dus ad animam. Nam fascinatione nugacitatis & instantia concupiscentiæ obstupuiamus, & indurata sunt corda nostra: & facti sumus Effraim vitula docta ad trituram. Sic enim a nobis recessimus: sic in ea quæ erant necessitatis transiimus per affectum cordis: vt quibus id agere incumbit, solo vsu agendi, in eis quæ pari pudori est & horrore, delectemur: quinetiam ambiant ad hoc, quibus non imponitur. Vbi est hodie querela Marthæ, quōd sola dimittitur ministrare? Nonne hodie Mariæ potius murmur totam replet domum, quōd permittitur ad pedes Domini sedere? Propter quod & corpore periclitantes & animā, per longam militiam & vires longo laboris vsu attritas, fas est, vt æstimamus, jam ad manus regis munificentia respicere, vt senectutem nostram jam patiatur vocari emeritam; & largiatur ei melius, quā ipsa sibi conscia sit se esse promerita. Semper Iacob Lix suæ lippitudinē sustinebit? Semper seruiet pro Rachel; & numquam eam adipiscetur? Quinetiam omnia quæ peribant, ab eo exigebantur: cum quotidie mutarentur mercedes ejus, vt nigra pro albis acciperet. Intus vxores zelantes, foris Laban cum filiis iurgantes. Oporteret Iacob aliquando providere etiam domui suæ: justumque videretur, vt saltem senescens & defectus in domum patris sui redire permittatur.

*Compago.* Si sic res agi incipit, finis est. Compago enim totius corporis dissoluitur; & perente vnitatis necesse est vt partes fiant; & diuisum regnum desoletur; domusque super domū cadat. Sapiens paterfamilias peregre proficiscēs, & ordinans domum suam, vnicuique serporum data potestate cuiusque operis, janitorē posuit in limine. Domus sine janitore publicum est diuerticulum. Qui vult intrat & exit, infert & tollit. Domus Ecclesia est: ipse janitor qui janua, Christus Iesus. Qui per eum non intrat vel exit, fur est ascendens vel descendens aliūde. Ipse obediens factus est Patri vsque ad mortem. Qui hanc obedientiæ regulā non tenet, a Christo recessit: sicut dicit Apostolus. *Recognite enim eum, qui talem sustinuit a peccatoribus aduersus semetipsum contradictionem: vt non fatigemini animis vestris deficientes.* Nondum enim vsque ad sanguinem resistitis. Nullum senectus, nullum infirmitas excusat: donec qui induxit, ipse educat. Alioqui si sit janua absque janitore, & patens omnibus; quid restat, nisi vt sicut exundi, sic etiam & intrandi sit par & æqua licentia?

*Medulla.* Heu, heu, in circuitu impij ambulat: secundum altitudinem tuam multiplicasti, ô Deus, filios hominum. Acti enim in circuitu erroris, quadā capitis vertigine obstupescimus: vt ad veritatis centrum & vnitatis punctum immobile non pertingamus, quod stabile permanens dat puncta moueri. Ipsa est veritas. Ipse est qui dixit, *Ego sum veritas.* Et. *Cognoscetis veritatem: & veritas liberabit vos.* Vtique a circuitu erroris. Consulamus ergo centrum veritatis: vtrum ab ipso & per ipsum ducatur circuitus, in quo rotamur. Legibus quidem ejus, si bene ducitur in rectum, sibi concurrir: sin autem, error manifestus est. Considerentur affectus & actus. Affectus figatur in centro veritatis: & conuenienter sibi respondebit exterioris actus orbiculari rotunditas. Totus quippe affectus debetur Deo. Cui cum fideliter adhæretur, quaquarotetur circulus operationis, errare non potest a

Statuit pastorale omne abdicare.

Ecclesia domus est, cuius janitor Christus.

Hebr. 12,

Joan. 13. & 8.



Quando  
proximo vel  
nobis vaca-  
re debeamus

recto, sed bene sibi concurrit; ut in omni parec  
æquè respondeat ad centrū veritatis. Et potest  
esse punctum sine circulo: circulus autem nul-  
latenus bene duci potest sine puncto. Sufficit  
enim affectus, si res non exigit, vel possibilitas  
deest, ut exerceatur actus. Cum enim actum exi-  
git necessitas charitatis, debet eum, siue Deo,  
siue proximo, veritas charitatis; si non exigitur,  
habere nos debet vacantes sibi charitas veritatis.  
Et sicut semper debetur Deo totus affectus: sic  
tunc ei debetur etiam totus vacantis actus. Et  
vbi non expostulat necessitas proximi, qui de  
affectu vel actu aliquid extrinsecus à Deo dissi-  
pat: committit rem sacrilegij. Sed & quemcum-  
que expostulet necessitas: non sic prompta de-  
bet esse ejus voluntas, ut non discutiatur possi-  
bilitas. Quæ utrum sit, an non: centrum verita-  
tis in veritate consulendum est. Si non est, &  
præsumit, non inhæret centro; ideoque orbis  
exterioris perfectionem confundit. Nam sunt,  
qui stabilitatis puncto numquam amant inhæ-  
rere, sed semper foris orbiculari. Hi sunt impij,  
qui in circuitu ambulant: hi sunt filij hominū,  
quos cum altitudo judiciorum Dei in hoc sæcu-  
lo multiplicat, vel multiplicari permittit: vni-  
tatis & veritatis efficiuntur inimici. Hic est finis.  
Si verè potest, qui expostulatur, in veritate figat  
affectum, nec recuset seruitutis actum. Si con-  
sulta veritas insufficientem eum responderet, &  
non idoneum; vacet nterius stabilitati veritatis;  
ne exterius positus ut rota, mittatur in præci-  
pitium erroris. Tamen quem consulta veritas  
absolvit, si expostulante necessitate absque ti-  
more magno de possibilitate sua judicat in fa-  
uorem propriæ voluntatis; magnus eum error  
inuoluit. Nam si scienter errat: & in proximum  
reus est negligentiz, & in veritatem fallaciæ; &  
jam nec actum habet, nec affectum. Non errat  
adeo, si errat nescius; sed errat omnino, si est se-  
curus. Non autem penitus alienus est à veritate;  
qui judicium veritatis non reformidat. Propter  
quod intraturi in judicium veritatis, breui & fi-  
deli compendio deuitemus omnes anfractus er-  
roris: & quia forsitan volumus non posse; ut  
quasi in judicio veritatis non inueniamur men-  
daces, mendaces nos confiteamur secundum ju-  
diciū propriæ voluntatis; & super hoc & affe-  
ctu & actu petentes indulgentiā; in judicio ve-  
ritatis magis apparebimus veraces. Non enim  
dolosè nobis agendum est in cōspectu veritatis;  
ut inueniatur iniquitas nostra ad odium.

*Spiritus.* Assentio. Et hæc verè est medulla &  
centrum veritatis, morbum non palpare; sed  
exulcerare totum virus interioris nequitiz.

*Anima.* Sic est. Sicut enim olim delectabat me  
præesse; sic voluntatis est nunc subesse: & pro-  
pria voluntas mea gratam mihi efficit necessita-  
tis excusationem: & attendere me non permittit  
fratrum necessitatem.

*Spiritus.* Licet ò anima necessitatis fratrum  
plena non desit compassio; sic tamen ut dicis,  
tua est affectio. Ideo nil restat, nisi confessio hu-  
militatis, & omnis conatus virtutis: ut quomo-  
documque infructuosi & inutiles appareamus  
exterjūs; interiūs non omnino inanes inuenia-  
mur & steriles. Et licet turbæ opprimant os no-  
strum: toto corde, tota mente clamemus; *Iesu*  
*fili David, miserere mei.*

*Psal. 142.*

**D**OMINE exaudi orationem meam, auri-  
bus percipe obsecrationem meam: in verita-  
te tua exaudi me in tua justitia. Domine, qui pro-  
pe es omnibus inuocantibus te in veritate, sicut  
Scriptura veritatis tuæ nobis promittit: sicut  
veritas est coram te, voluntatem mihi esse inuo-  
candi te in veritate hodie: sic ò veritas, exaudi  
me in multitudine misericordiæ tuæ. Nam dixi,  
nunc cœpi: sit hæc mutatio tua, ò dextera excel-  
si. In malis enim meis præteritis & peccatis  
quæ magna sunt, & innumerabilia, in quibus  
inueteraui, factus sum mihimetipsi vilis & des-  
pectus: in bonis, siqua in me visa sunt fuisse,  
scrupulosissimè ipse mihi sum suspectus. Venio  
igitur hodie ad te, quasi mortuā totā vitā præ-  
teritā, in te, ò principiū nouæ vitæ, facturum prin-  
cipium. Si qua bona feci, tua sunt, tibi ea confi-  
gno: tu redde ea mihi in tēpore beneplaciti tui.  
Mala quæ gessi, mea sunt; heu quot & quanta  
sunt; quæ ex maxima sui parte à memoria mea  
perierunt; vtinā & à tua congrua ea deleat pœ-  
nitētia: quæ pro sui horrore longè aliter memo-  
riæ meæ affixa sunt, quàm vt ea abolere vlla pos-  
sit obliuio. Quorum tamen sic odi memoriam,  
ut sæpe velim funditus, olim oblitum fuisse om-  
nia. Sed tu Domine delicta iuuentutis meæ ne  
memineris: fuerunt hæc primogenita Egypti,  
quæ in ægypto peremisti: & quæ feci in ægypto,  
in ægypto dimiseram, cum inde exiui. Longo  
enim tempore per desertum postea circumdu-  
xisti me, & docuisti, & custodisti vt pupillam  
oculi: corripuisti peccantem; consolatus es do-  
lentem; erudisti nescientem; donec jam prope  
ad introitum terræ repromissionis perduxisti.  
Vbi cum sto, te monstrante contemplans deliti-  
as terræ viuientium, & recordor, quod Moyse di-  
ctum est, *Videbis eam, & non intrabis*: totus hor-  
rore concutior. Si enim hoc ille audire meruit  
ob vnus peccati excessum; quid auditorus sum  
ego, qui tot & tanta peccata mea hodie ipse co-  
ram te delaturus sum? Omnia tamen hodie, &  
quæ memoria teneo, & quæ non; mala mea præ-  
terita, & merita eorum non præterita, sicut co-  
ram te sunt, ò veritas, etiam me tacente, sic ho-  
die coram te veniant me confitente. Sed pro-  
ferantur quasi in fasciculum vnum ad combu-  
rendum: imò in fascem grandem, & importa-  
bilem: si non est qui adiuuet. Non discussio ea,  
non dinumero, nec enim possum: sed quantū-  
cumque vel quomodocumque verū est, me co-  
ram te peccasse, ò veritas; sicut me scis peccato-  
rem, sic me esse confiteor. Nullus mihi ea leui-  
get, nullus exaggeret: nullus minuat, nullus  
multiplicet: nec egomet mihi. Coram te enim  
Deus, res agitur. Non parca mihi: tu parce Do-  
mine. Verumtamen non sic parcas, vt ex hac die  
arbitreris me inimicum tuum; & scribas contra  
me amaritudines ad consumendum me in pec-  
catis præteritæ vitæ meæ. O custos hominum,  
ne ponas me vlteriūs contrarium tibi, in quo  
nimis factus sum mihimetipsi grauis: sed tolle  
peccatum meum, quod dividit inter me & te. Si  
ignoscis Domine, ignosce: si placet tibi vlcisci,  
& ego vlciscar tecum. Verumtamen plaga ini-  
mici ne conteras me. Quoniam ego in flagella  
manus tuæ paratus: & dolor meus erit in cō-  
spectu tuo semper. Quoniam iniquitatem meā

*Iusto suspe-  
ctus sum suæ  
opera.*

*Peccata iu-  
uentutis præ-  
mogenita  
Egypti.*

*Deuter. 34.*

annunciabo & cogitabo me pati pro peccato meo. Non enim credo me manibus inimici: sed cum omni fiducia tuis me committo, quas crebro expertus sum. Quare cum vna me percutit, altera blanditur: cum vna dejicit, altera supponit se, ne collidat. Sed aliquando etiam super iram inimicorum extendis manum tuam, gravius feriens quam quilibet inimicus, cum iratus auertis à nobis faciem tuam; & sit nobis cælum æneum, & terra ferrea: & dura omnia, & mala omnia, quæ fieri solent in auersione vultus tui. Propter nomen tuum Domine, in hoc parce seruo tuo. Quantum vis flagella; dum semper illumines vultum tuum super nos, & miserearis nostri. Verumtamen Dominus ultionum es, liberè agens in remittendis eis vel leuigandis. Declinasti enim in te mala nostra: & in passione tua exolués quæ nõ rapuisti, parasti in iudicio thronum tuum: vt injustè iudicatus justè iudicatos aboluas in tua iustitia. Iudicia ergo tua Domine adiuuabunt me: & aspicias in me secundum iudicium diligentium nomen tuum, sicut iudicasti aliquando de peccatrice te amante. *Dimittantur ei peccata multa: quoniam dilexit multum.* Ipse amor tuus sit mihi hodie in causa mea patronus: quem si negaui in terra, timeo ne & ipse me neget in cælis: si erubuerò, & ipse me erubescat. Quem profecto erubescò: quia sicut debeo, non habeo. Et quia hodie iudicij mei dies est, in hoc etiam, & iudex cordis mei, iudica me hodie; & discerne causam meam: vt vtrum verè patronum habeam, quem prætendo. Hoc est enim, in quo sic caligat mentis meæ intuitus; vt penitus hæsi rem, an videat mihi videre, quod non videam: an non videre, quod videam. Certissimus quippe mihi esse videor; quod amorem tuum semper amo: intantum vt afficiar quotiescumque de eo vel admoner, vel recordor. De te autem, semper eum recordor, vel admoner, & non moueor, non afficior; timeo, quia forsitan non semper te amare conuincor: cum vbiq; & vndique verberent vel excitent in hoc stoliditatem sensuum meorum signa præsentissimæ potentie & bonitatis tuæ. O lux veritatis, disjice mihi hodie tenebras istas, & dissolue caliginem. Ciba me in hoc pane vitæ & intellectus: & pota aqua sapientie salutatis. Etenim in intelligendo quæ tua sunt, & cibus est & potus: quia sunt in quibus tenendis & quasi mastigandis exercemur & laboramus: quædam autem quasi potus, sicut sunt transeunt, & suo modo nos reficiunt. Cum enim amorem tuum per intellectum querimus, & nonnumquam inuenimus, ipse est panis vitæ confirmans cor hominis: quem sæpe cum magno labore querimus, priusquam habeamus: quem in pœnam peccati Adæ vescimur in sudore vultus nostri. Aliquando verò Spiritus tuus vbi vult, & quando vult, spirat, & amoris tui gratiam nobis aspirat: vocem ejus audimus, quia sensum amoris accipimus: sed nescimus ex quo misericordie tuæ iudicio veniat: & quo iustitiæ tuæ iudicio aliquando dulcius, aliquando leuius quasi saturatos, nos pertranseat. Ipse est potus. Ciba me hodie pane tuo, qui dat mundo vitam: & de his quæ de amore tuo quero, & solidior mihi detur intellectus: & gratie tuæ suauitate, sicut potu salutari, cibum ipsum ordina & modifica: ne minus capacem sensum meum lædat potius quam confortet cibus solidior. Quero Domine, vt eum habeam

amorem tuum. Si inuenero me habere; hoc est in quo solo laudatur anima mea, & placet mihi: sin autem, odio est mihi: & nihil est quod amem, cum meipsum oderim. Sentio & confiteor habere me amorem amoris tui; intantum vt omnino nisi in ipso vel propter ipsum nil amare velim; nec meipsum: cuius faciem vt plenè mererer inspicere, in cuius lumine vt manifestè mererer ambulare, & frui ejus delitijs, non curarem penitus, quomodo pro ipso vel in mortem vel in vitam datem meipsum. Hæc est conscientia mea coram vocata, & discussa in lumine veritatis tuæ, inrepede mihi de amore amoris tui videtur respondere. De te autem, vt eum semper te amet, & satis amet, respondere trepidat in iudicio tuo. Amorem quippe tuum vbi eumque in quocumque videro, & signa ejus euidentia, totus hilaresco: tuæ verò bonitatis vel potentie præsentiam cum semper omnia mihi vndique testentur: vix in hoc aliquando moueor. Vnde si quæras hodie à me, quod olim à B. Apostolo tuo quætebas, *amias me*, respondere trepido, *Tu Ioann. 21. scis quia amo te*: sed alacri & secunda conscientia respondeo, tu scis, quia volo amare te. Reuela Domine oculos meos: & considerabo mirabilia hæc de lege tua, de lege amoris tui. Forsitan ideo videor mihi amare amorem tuum, quia aliquoties cogitans de te vel de eo, aliquatenus scio, video, sapio eum: te verò non sentio, vel vix sentio; non video vel vix video; rarissimè & parcissimè sapio. Difficile verò res amatur, quæ per semetipsam non innotescit amatori suo. Nā crebra & magna beneficia tua, & ipse amor tuus quædam certissimè amo, mittunt me ad te: sed cum te non inuenio, recido in eum, & in eo non sine ipse requiesco. Nam cum amor tuum suauiter sentio affectu, te autem quero ipsius amoris intellectu; amo quod sentio, desidero quod quero; & in desiderando languens deficio. Nam etsi aliquando dono tuo modo meo afficitur ipse intellectus; non permittitur glutire totam saluam gustus boni; sed quasi de ore ei auferitur, & recidit in famem & ignorantiam suam; nec permittitur stare in lumine vultus tui, donec in eo discernat & finiat hæitationis huius molestiam. Cumque in meditatione mea exardescit ignis, & scire laboro, quid sit mihi, & quid desit mihi; ordior mihi viam ascendendi ad te; postulans in hoc auxilium abs te. Dispono ergo in corde mihi ascensiones istas. Primum necessaria videtur voluntas magna; deinde illuminata, deinde affecta. Hæc in omni ascendente primum est magna, secundum posse suum; illuminata, secundum donum tuum: affecta, secundum modum tuum. Magna, quantam eam creasti; illuminata, quantum dignam fecisti: affecta, sicut eam formasti. Formasti autem sine forma: quia cum tu nec forma sis, nec formatum quid; nec etiam amoris tui aliqua forma esse potest, vt formetur circa aliquid quasi formatum. Ipse est enim sapientia, de qua dicitur, *Vapor est virtus Dei, & emanatio quadam claritatis omnipotentis Dei sincera*: & ideo nihil inquinatum in eam incurrit. Candor est enim lucis æternæ, & speculum sine macula Dei maiestatis, & imago bonitatis illius: propterea non eum apprehendimus cum volumus; & nisi ipse prior ad nos veniat, & nisi gratia ejus nos præueniat, parum aut nihil nos promouet, conatus quilibet nostri intellectus. Nam quod dicit Apostolus, *in forma Dei,*

*Qui Deum non amat, odit seipsum. Amorem amoris Dei nobis inesse sentimus.*

*LUC. 7. Amor Dei peccatoris patronus.*

*Amarcamorem Dei & amare Deum non idem sunt.*

*Gradus ascensionis in Deum.*

*Amor Dei est sapientia Sapiens. 7.*

*Philip. 2.*

*Boetius.**An sola ve-  
hemens vo-  
luntas sit  
amor.**Suauitas a-  
moris Dei  
non potest  
sensibus con-  
cipi.  
Iob 36.**In celo ha-  
bere vel frui  
est intelligo-  
re vel amare*

te esse, forma deitatis tuæ ipsa est simplicitas na-  
turæ vel substantiæ tuæ: cui similem oportet esse  
amorem suum. Nam sicut dicit sapiens quidam  
de fide tuâ; quia sicut res est, sic de ea fidē capere  
tentare debemus: sic & tantō magis hoc de amo-  
re tuo intelligendum est, quāto fidei supere-  
minet charitas. Hoc autem solus discernit affe-  
ctus. Voluntatem tui vel ad te habeo, qua ma-  
jorem habere non possum: & mallet non esse,  
quā eam non habere. Cujus scuti protectio si  
non olim me coronasset: cū exurgerent ho-  
mines in nos, forsitan viuos absorbuissent nos.  
Gratiæ verò illuminantis & afficientis charita-  
tis aliquando aliqua sensu dulcia irritamenta:  
sed longē fiunt à me plenitudinis eorum expe-  
rimenta. Et cū rarē & parum voluntas, quan-  
tam eam mihi dedisti, illuminetur, (facientibus  
peccatis meis,) & rariū afficiatur: miserē in hoc  
concurrentibus studiis & meritis meis; nescio  
vtrum amor vocari debeat. Sola quidem vehe-  
mens voluntas à diffiniētibz amor diffiniri  
solet: sed qui hoc diffiniunt, de finibus amoris  
tui judicare non nouerunt. Si desiderium vo-  
cetur, non renuo. Nam reuera desidero te. Sed  
quādiu coram te tam pauper, tam misera ap-  
parebit professio mea: non potest gaudium ha-  
bere cōscientia mea. Rideat me vel irrideat qui  
vult: ego scio, quid in hoc patior. Et scio, quia  
nullus in hoc mihi compatitur, qui hoc ipsum  
vel non passus sit, vel non patiatur. Mihi verò  
lacrymæ mez panes erunt die ac nocte, quādiu  
dicetur mihi, vbi est Deus tuus: id est, quādiu  
erit in anima mea aliquis affectus, in quo suo  
modo non sit Deus meus; maximē amor, qui  
propria ejus sedes esse debet in me. Dolorem  
hunc non mihi releuabit, donec seipsū mihi re-  
uelabit; cū videbo quod amabo, & certo mē-  
tis gaudio amabo quod videbo: tamen interim  
quod ex parte sentio, ex parte amo: quod nisi  
aliquatenus sentirem, nullatenus amarem. Nam  
cū in mensa tua filios tuos epulantes video in  
delicijs amoris tui, ieiūnus amorem tuum amo  
in eis vehementer: & ipsos te amantes in medio  
cordis mei amplector dulciter. Et video eos cō-  
gaudentes gaudio meo, quod habeo de gaudio  
eorum; & volentes nec valentes exprimere mo-  
dum gaudij sui. Affectus enim, quo te amando  
fruuntur, sensibili quidem suauitate cuiusdam  
gaudij spiritualis vel diuini potest sentiri: sed si-  
cut sapor cibi cuiuslibet nulli insinuari potest,  
nisi gustanti: sic sapor ille nec ratione discuti,  
nec exponi verbis, nec sensibus potest concipi.  
Diuinum quiddam est, & arrha vel pignus Spiri-  
tus, quo in hac vita pauperem tuum Deus latri-  
ficis & pascis, ne deficiat in via; & de gaudio  
vitæ æternæ annuncias, sicut dicit Iob, amico  
tuo, quod possessio ejus sit, & ad eam possit per-  
venire. Reformatur enim anima sancta ad ima-  
ginem Trinitatis, ad imaginem ejus qui creauit  
eam: etiam ipso modo beatitudinis suæ. Nam  
illuminata voluntas & affecta, id est intellectus  
& amor, & fruendi habitus, sicut de Trinitate  
Deo dicitur & creditur, quodāmodo tres sunt  
affectuum personæ; sed vna beatitudinis sub-  
stantia: quia quod amatur, non nisi intelligēdo  
amatur, nec nisi amando intelligitur: nec nisi  
amando & intelligendo fruitur eo, qui meretur  
frui. Hoc enim ibi est habere vel frui, quod in-  
telligere vel amare. Felix cōscientia, cujus affe-  
ctus ordinatæ charitatis tenēs viam, indeclina-

bili cōstantia sic ad te proficiendo proficiscitur;  
sic cooperāte ei gratia tua in proficiscendo pro-  
speratur, vt non deficiat donec tu perficias: qui  
multitudinem dulcedinis tuæ, quam abscondis  
timentibus, perficis sperantibus, maximē quo-  
rum opera lucent in conspectu filiorum homi-  
num, ad gloriam tuam, o pater qui es in cælis.  
Hi sunt qui te amant: tales cū video, & inter  
eos me non inuenio, tædet me viuere. Quorum  
sapientia non est de spiritu hujus mundi, vel de  
prudētia hujus sæculi: sed quia non cognoue-  
runt literaturam, introierunt in potentiam Do-  
mini: & pauperes spiritu memorantur iustitiæ  
tuæ solips. Propter quod docuisti eos, vt vita &  
conuersatione sua pronuncient mirabilia tua.  
Ipsi enim sunt simplices serui tui, cum quibus  
esse solet sermocinatio tua: qui in eundo ad te  
non in curribus ingeniorum suorum, vel in equis  
virium suarum spem habent: sed tantum in no-  
mine Domini. Ideo sapientiā tuā suauiter eis  
omnia disponente, compendio breui, sarcina  
leui, ad destinatum finē perueniunt; vbi currus  
& equites deficiunt. Qui non formant vel con-  
formant sibi amorē tuum subtiliter indagando;  
sed ipse amor tuus simplicem in eis inueniens  
materiam, format eos, & conformat sibi & affe-  
ctu & effectu: vt absque eo quod intrinsecus la-  
teret, gloriā scilicet & diuitijs in domo bonæ cō-  
scientiæ, non artificiali conamine, sed quasi na-  
turali quadam cōplexione, lux interior in vultu  
eorum exteriori reluceat, intantum vt de vultus  
& habitus eorum venusta quadam simplicitate,  
quædam prouocatio charitatis tuæ procedens,  
rudes etiam nonnumquam ac barbaros animos  
solo visu ad amorem tuum compungat. Siquidē  
redeunte natura ad suam originem, absque do-  
ctore fiunt docibiles Dei, & cū spiritus eorum,  
adjuuante infirmitatem eorum tuo Spiritu, in  
diuinas transeunt affectiones, spirituali quadā  
disciplina modificatis sensibus, etiam corpora  
eorum spirituales quædam induunt effigies; &  
facies plusquam humanas, & singularem quan-  
dam gratiam habentes. Sed & caro eorum stu-  
dijs boni exercitij seminata in corruptionē, jam  
incipit resurgere in gloriam: vt pariter & cor &  
caro exultent in Deum viuum: & sitiente in te  
anima, quā multipliciter sitiāt & caro. Pos-  
sident enim beati mites corporis sui terram, quæ  
spiritualium exercitiorum studiis fecundata,  
bono vsu etiam dimissa sibi & inculta, sponte  
fructificat in ieiunijs, in vigilijs, in laboribus:  
parata ad omne opus bonum absque contradi-  
ctione, vel pigritia. Istos cū video, in amorem  
amoris tui, qui hoc in eis operatur, tor⁹ afficior:  
quem in eis deprehendo certa quadam experiē-  
tia cognita amantibus. Amo ergo eos, quia te  
amant, & multum amo: sicut amo amorem quo  
amaris, quem in ipsis amo. Et si eos hoc modo  
amo, vt in eis, & in affectu eorum naturali nil  
amem nisi te: cū ipsum affectum ob hoc tan-  
tum amem, quia plenus est te: sed & in me ipso  
numquam meum amem affectum, nisi cū ipso  
affectum me inuenio de te, in eis quos amo in te  
& in me ipso, quem non nisi in te amare volo,  
quid amo, nisi te? Nil penitus. Nam & si illos, &  
si me ipsum alio quouis modo sentio amare me,  
plus in hoc odio habeo me, quā amo. Inue-  
nio igitur te Domine in amore meo: sed vtinā  
semper inueniam. Cū enim amor non sit, nisi  
amet: semper autem in me vehemens sit volun-


*Sapientia  
eorum, qui  
Deum a-  
mant.**Amor Dei  
etiam in cor-  
poribus ela-  
cet.**Amare a-  
lios quia  
Deū amat,  
est amare  
Deum.*

tas tui, id est amor vrgens me in te, cur non semper afficior de te? Nūquid aliud est amor: aliud ipsius affectus amoris? Vt video, amor naturæ est: amare te gratiæ est: affectus gratiæ manifestatio est: de qua dicit Apostolus. *Vnicuique datur manifestatio Spiritus ad utilitatem.* Nam quādiu corpus quod corrumpitur aggrauat animā, & terrena inhabitatio deprimit sensum multa cogitantem: necesse est, vt animæ quantumvis amantis defectus fiat & profectus: quorum alterum nisi consolaretur, alterum contineret iste affectus; in omnimodum rueretur defectus, de quo nullus subleuaret profectus. Semper ergo in anima pauperis tui Deus amor tuus est: sed

latens sicut ignis sub cinere, donec Spiritus qui vbi vult spirat, placitum habuerit, sicut & quantum voluerit illum ad vtilitatem manifestare. Adesto ergo, adesto o sancte amor, adesto sacer ignis; vire delectationes renūm, & cordium cogitationes late sicut vis, ad faciendam flammæ manifestationis tuæ copiosiores humilitatis materiā: appare quando vis ad manifestandam bonæ cōscientiæ gloriā, & diuitias, quas habet in domo sua. Manifesta, vt sollicitum facias ad custodiendum: absconde, ne temerarium facias ad dissipandum: donec qui cœpit perficiat: qui viuūt & regnat per omnia sæcula sæculorum.

Inuocatio  
S. Spiritus.

1. Cor. 12.



# EIVSDEM B. GUILLELMI

ABBATIS S. THEGDORICI,

*Liber De Contemplando Deo.*

Isai. 2.



**V**ENITE ascendamus ad montem Domini, & ad domum Dei Iacob: & docebit nos vias suas. Intentiones, intentiones, voluntates, cogitationes, affectiones, & omnia interiora mea: venite ascendamus in montem vel locum, vbi Dominus videt, vel videtur. Curæ, sollicitudines, anxietates, labores, pœnæ seruitutis, expectate me hic cum asino corpore isto: donec ego cum puero, ratio cum intelligentia, vsque illuc properantes, postquam adorauerimus, reuertemur ad vos. Reuertemur enim: & heu quā cito! Abducit enim nos à vobis charitas veritatis: sed propter fratres abdicare & abjurare vos non patitur veritas eharitatis. Sed licet retrahat vestra necessitas: nō ppter vos omnino omittenda est illa suauitas.

Genes. 22.

## CAPVT PRIMVM.

*Aperit desiderium videndi Deum, aut saltem Christi humanitatem: repulsam tamen se pati declarat.*

Psal. 79.

**D**OMINE Deus virtutum conuertere nos: & ostende faciem tuam, & salui erimus. Sed heu, heu Domine, quā præproperum est, quā temerarium, quā inordinatum, quā præsumptuosum, quā alienum à regula veritatis & sapientiæ tuæ: corde immundo velle Deū videre. Sed o summe bone, summum bonum, vita cordium, lux oculorum interiorum: propter bonitatem tuam Domine miserere. Hec est enim mūdatio mea, hæc fiducia mea, hæc iustitia; contemplatio bonitatis tuæ bone Domine. Ergo o Domine Deus meus, qui dicis animæ meæ modo quo tu scis, salus tua ego sum, Rabbi, summe Magister, vnice Doctor videndi quæ videre desidero: dic cæco mendico tuo; quid vis faciā tibi. Et tu scis, qui jam hoc ipsum das, quā ex omnibus suis recessibus, abjectis procul omnibus sæculi huius altitudinibus, pulchritudinibus, dulcedinibus, & quidquid concupiscentiā carnis vel oculorum vel ambitionem spiritus attentare potest, vel solet; tibi dicat cor meum. *Exquisiuit te facies mea: faciem tuam Domine requiram. Ne auertas faciem tuam à me: ne declinet in ira aſerno tua.* Impudens quippe sum & im-

probis, o adiutor meus antique, & susceptor indefesse: sed vide quia amore amoris tui hoc facio: sicut vides me non videntem te, & sicut tui desiderium dedisti mihi, & siquid tibi placet in me: & citò ignoscis cæco tuo ad te currenti: & manum das in aliquibus in currendo offendenti. Responder quippe mihi intus in anima & mēte mea tumultuans in me & concutiens omnia interiora mea vox testificationis tuæ: & caligant oculi mei interiores à fulgore veritatis tuæ ingredientis mihi: quia non videbit te homo, & viuere poterit. Ego enim verè in peccatis totus vsq; adhuc; necdum potui mori mihi, vt viuam tibi. Sed tamen ex præcepto tuo & dono tuo sto in petra fidei tuæ, fidei Christianæ; in loco qui verè est penes te in qua vt possum interim fero patienter & amplector, & deosculor regentem & protegentem me dexteram tuam: & aliquotiens contemplans, & videre gestiens posteriora videntis me: humilitatem scilicet pertranseuntem dispensationis humanæ Christi filij tui, suspicio. Sed cum accedere gestio ad eum, & vel sicut hemoroissa illa infirmæ & miseræ animæ meæ à salutifero tactu vel fimbriæ ejus quasi furari gestio sanitatem; vel sicut Thomas ille vir desideriorum, totum illum desidero videre & tangere: & non solum, sed accedere ad sacrosanctum lateris ejus vulnus, ostium arcæ quod factum est in latere; vt non tantum mittam digitum vel totam manum: sed totus intrem vsque ad ipsum cor Iesu, in sanctum sanctorum, in arcam testamenti, ad urnam auream, animam nostræ humanitatis, continentem intra se manna diuinitatis: heu! dicitur mihi. *Noli me tangere.* Et illud de Apocalypsi: *Foris canis.* Sicque cōdignis cōscientiæ meæ verberibus expulsus & propulsus, improbitatis & præsumptionis meæ pœnas cogor luere. Rursumque in petra meam me recipiens, quæ refugium est herinacijs spinis peccatorum plenis, reamplector & reosculor regentē & protegentem me dexterā tuam: & ex eo quod leuiter sensi vel vidi, magis accenso desiderio, vix patienter expecto, vt aliquando auferas manum regentem, & infundas gratiam illuminantem: vt tandem aliquando secundū responsum

Exod. 33.

Desiderium  
videndi humanitatem  
Christi.

Matt. 9.

Ioan. 29.

Ioan. 20.  
Apoca. 22.

Velle Deum  
immundo  
corde videre,  
inordinatum est.

Psal. 26.

F

*Beata facies  
qua Deo affi-  
ciuntur.*

*Psal. 26.*

veritatis tuæ mortuus mihi, & vivens tibi, revo-  
lata facio ipsam tuam faciem incipiam videre, &  
affici tibi à visione faciei tuæ. Et o facies, facies,  
quàm beata facies, quàm affici tibi meretur vidē-  
do te, ædificans in corde suo tabernaculū Deo  
Iacobi, & omnia faciens secundum exemplar quod  
ei ostenditur in monte. Hic verè & cōpetenter  
cantat: *Tibi dixit cor meum, exquisivit te facies  
mea: faciem tuam Domine requiram.* Itaque ut  
dixi, ex dono gratiæ tuæ contemplans omnes  
conscientiæ meæ angulos vel terminos, vnicè  
& singulariter desidero videre te; ut omnes fines  
terræ meæ videant salutare Domini Dei sui: ut  
amem cum videro; quem amare hoc est verè vi-  
vere. Dico enim mihi in languore desiderij mei.  
Quis amat, quod non videt? Quomodo potest  
esse amabile: quod non aliquatenus est visibile?

#### CAPVT II.

*Creaturas non posse satiare appetitum; & desiderij  
desiderij, amorē amoris dimini sibi inesse satetur.*

**S**ed te desideranti amabilia quidam tua oc-  
currunt: & à cælo & à terra, & ab omni crea-  
tura se mihi ultro offerunt & ingerunt, o in om-  
nibus adorande & amabilis Domine: quæ quā-  
tò te manifestius & verius prædicant & appro-  
bant a nobilem, tantò ardentius te mihi faciunt  
desiderabilem: sed heu non ad fruendi perfectā  
suavitatem & gaudium; sed ad intentionis, &  
intensionis, & defectus, non tamen sine aliqua  
suavitate, tormentum. Sicut enim mea non tibi  
perfectè placeant oblata, nisi tecum: sic bonorū  
tuorum contemplatio reficit nos quidem dulci-  
ter, sed non satiat perfectè, nisi tecum. Hæc est  
animæ meæ assidua exercitatio: hinc assidue sco-  
po spiritum meum: & cum bonis & amabilibus  
tuis, quasi pedibus & manibus, & totis ianites  
viribus sursum tendo ad te, in te, summe amor,  
summum bonum; sed quantò tendo fortius, tā-  
tò retrudor durius infra, in memetipsum sub  
meipso. Sic ergo respiciēs & discernens & diju-  
dicans meipsum: factus sum mihi ipsi de meipso  
laboriosa & tædiosa questio. Tamen tamen Do-  
mine, certè certus sum per gratiam tuam, desi-  
derium desiderij tui, & amorem amoris tui ha-  
bere me, in toto corde, & in tota anima mea.  
Hucusque te faciente profeci, ut desiderem de-  
siderare te; & amem amare te. Sed hoc amans,  
quid amem, nescio. Quid enim est amare amo-  
rem, desiderare desiderium? Amore amamus, si  
quid amamus: desiderio desideramus, quicquid  
desideramus. Sed forsitan cum amo amorem,  
non amo amorem, quo amo, quod amore volo,  
& amo quicquid amo: sed me amantem, cum in  
Domino laudatur & amatur à me anima mea:  
quam proculdubio detestarer & odio habere, si  
eam alibi quàm in Domino, & in ejus amore, in-  
venirem. Sed & de desiderio quid dicemus? Si  
dicam, desidero esse desiderans: jam me inuenio  
desiderantem. Sed numquid desiderantem de-  
siderium tui, quasi non habeam, aut desiderium  
majus, quàm habeam?

#### CAPVT III.

*Aperiri sibi oculos optat, & si quando Deo fruatur,  
ut tunc se habeat, indicat.*

*Genes. 2.*

**C**um igitur hoc modo deficient & caligent  
& cæcutiant interiores oculi mei: oro ut  
citius à te aperiuntur, non sicut aperti sunt Adā  
carnales oculi, ut videret confusionem suā, sed  
ut videam Domine gloriam tuā: ut oblitus par-  
itatis & paupertatis meæ totus erigar, & curra-

in amplexus amoris tui, videns quem amavero,  
& amans quem videro: & moriens in me, viue-  
re incipiam in te: & bene mihi sit in te, cui pessimè  
est in se. Sed festina, Domine, ne tardaveris.  
Habet enim Domine, sapientiæ tuæ gratia, vel  
gratiæ tuæ sapientia, sua compendia: & quod ra-  
tionis vel ratiocinationis nullis argumētis, nul-  
lis disquisitionibus, quasi quibusdam scalis con-  
scenditur; ad torrentem scilicet voluptatis tuæ,  
ad plenum amoris tui gaudium: cui hoc datum  
est, fideliter querens, fideliter pulsans, sæpe re-  
pente se ibi inuenit. Sed o Domine, si quando,  
quod quàm rarum est, me in aliqua hujus gaudij  
parte inuenio: clamo, vociferor, *Domine, bonum est nos hic esse: faciamus hic tria tabernacula;*  
fidei vnum, spei vnum, amoris vnum. Numquid  
nescio quid dicam, cum dico, bonum est nos hic  
esse? Sed repente cado in terram, quasi mortuus,  
& respiciens nihil video: & mox ubi prius eram  
inuenio; in dolore scilicet cordis, & affectione  
spiritus. Usquequo Domine, usquequo? *Quam-  
diu ponam consilia in anima mea: dolorem in corde  
meo per diem? Quamdiu non permanebit spiri-  
tus tuus in hominibus, quia caro sunt; sed venit  
& vadit, & spirat ubi vult? Sed in conuertendo  
Dominus captivitatem Sion; facti sumus sicut  
consolati: tunc replebitur gaudio os nostrum,  
& lingua nostra exultatione. Interim heu mihi,  
quia incolatus meus prolongatus est, habitavi  
cum habitantibus Cedar: multum incola fuit  
anima mea. Sed respondet mihi intus in corde  
meo veritas consolationis tuæ; & consolatio ve-  
ritatis tuæ. Est amor desiderij, & est amor frui-  
tionis. Amor desiderij moretur aliquando vi-  
sionem, visio fruitionem; fruitio amoris perfe-  
ctionem. Gratias ago gratiæ tuæ, qui loqui di-  
gnaris ad cor serui tui: & anxij ejus questionibus  
aliquatenus respondes. Suscipio & amplexor  
hanc spiritus tui arrhā: & lætus expecto in  
arrha promissionē tuam. Desidero itaque ama-  
re te, & amo desiderare te; & hoc modo curro:  
ut apprehendam, in quo apprehensus sum: sci-  
licet ut amem te perfectè aliquando, o qui prior  
nos amasti, amande & amabilis Domine.*

#### CAPVT IV.

*Amor non dicit sufficit, nec satietatem admittit.*

**S**ed estne aliquando aut alicubi Domine, hæc  
amoris tui perfectio, hæc in amore tuo bea-  
titudinis consummatio: ut sitiens anima ad Deū  
fontem viuum, sic satietur, sic impleatur, ut di-  
cat, sufficit? Miror, quicumque ubicumque ille  
sit, si non deficit: si dicit, sufficit. Sed ubi istius  
sufficiētiæ est defectio: quæ potest esse perfe-  
ctio? Nusquam igitur, & numquam perfectio.  
Sed & iniusti Domine, numquid regnum tuum  
possidebunt? Injustus autē est, qui non tantum  
desiderat, & debitorem se sentit & intelligit te  
amare: quantum ab aliqua creatura rationali  
possibile est amari te. Constat etiam beata illa  
Seraphim, quæ à vicinitate præsentis tuæ, à cla-  
ritate visionis tuæ ardentes & interpretantur, &  
sunt: plus amare te, quàm aliquem, qui minor  
est in regno cælorum. Qui si in regno cælorum  
non dicam minimus, sed nonnullus est, utique  
tantum desiderat amare te, quantum ab aliquo  
vel potes amari vel debes: & hoc forsitan est, in  
quem desiderant Angeli conspiciere. Desiderat  
ergo beatus minor ille, quicumque ille est, tan-  
tum te amare, quantum amat quicumque plus  
eo amat, non æmula insectione, sed pia & do-

*Sapientia  
& gratia  
Dei sua ha-  
bet compendia*

*Matt. 17.*

*Psal. 12.*

*Genes. 6.*

*Ioann. 3.*

*Psal. 125.*

*Psal. 119.*

*Amor desi-  
derij, & a-  
mor frui-  
tionis.*

*Nusquam  
perfectio a-  
moris.*

*1. Petri 1.*

*Amare a-  
morem,  
quid sit.*



uota imitatione. Si verò & in amore proficit, quāto felicius illuminaris oculis in interiora procedit, tantò dulcius sentit & intelligit, si ingratus non est & iniustus, & te plus posse amari, & se debitorē plus amare: vel quāto te amāt Cherubin & Seraphin. Sed qui desiderat, quod assequi non potest, miser est. Miseria verò à regno beatitudinis prorsus aliena est. Assequitur ergo quod desiderat; quisquis ibi aliquid desiderat. Quid dicemus ad hæc? Quid, inquam, dicemus? Loquere, obsecro Domine, quia audit servus tuus. Numquid & magni & parui omnes qui sunt in regno Dei, unusquisque in suo ordine & amat & desiderat amare, & amoris unitas non finit ut sit diversitas, dum amat cui datum est hoc ardentius: minor autem in maiore sine invidia bonum ubicumque videt & amat, quod ipse sibi desiderat, & habet utique amorē, quāto cumque est, quem in amante amat? Nimirū amor est qui amatur: qui ex magna bonitatis suæ affluentia & natura, amantes & cōamantes, gaudentes & congaudentes pari implet grātia, licet dispari mensura: & quāto se amantium sensibus largius infundit, tantò eos sui capaciores efficit, satietatem faciens, sed sine fastidio: de ipsa satietate non minuens desiderium, sed augens, sed remota omnis anxietudinis miseria. Amor enim est, ut dictum est, qui amatur: qui à voluptatis suæ torrente omnem ab amatore suo repellit vel in satietate fastidij, vel in desiderio anxietudinis, vel in zelando, invidiæ miseriā; illuminans eos, ut dicit Apostolus, à claritate in claritatem: ut in lumine videant lumen, & in amore concepiant amorem. Hic est enim fons vitæ: qui semper fluit, & numquā percessit. Hæc est gloria, hæc sunt divitiæ in domo beati amatoris tui; quia præsto est desideranti quod desiderat, & amanti quod amat: ideoque & qui desiderat, semper amat desiderare; & qui amat, semper desiderat amare: & desideranti & amanti quod desiderat & amat, sic facis abundare, ô Domine: ut nec anxietas desiderantem, nec fastidiū affligat abundantem. Et numquid Domine, obsecro, hæc est via æterna, de qua cantat psalmus; & vide si via iniquitatis in me est, & deduc me in viam æternam? Hæc affectio, hæc est perfectio. Sic semper ire, hoc est peruenire. Vnde Apostolus tuus, qui paulò antè dixerat, non quod acceperim aut perfectus sim; sequor autem, si comprehendam, in quo comprehensus sum à Christo Iesu: unum autem, quæ retro sunt obliscens, ad ea verò quæ sunt priora extendens me, ad destinatum persequor, ad brachium supernæ vocationis Dei in Christo Iesu: quicquidque ergo, inquit, perfecti sumus, hoc sentiamus.

CAPVT V.

*Deus nos amat propter se, & à nobis propter se amatur, & nos ipsos propter ipsum amamus, si amor perfectus est.*

**E**T hoc est amare tuum, quo amas te amantem à dulcedine bonitatis tuæ, quam habes ad creaturam tuam, Creator bone, inspirare eis hoc desiderium amandi te: & amorem quo amant & desiderare & amare te. Non enim afficeris ad nos, vel à nobis, cum amas nos: sed es quod es, qui semper id ipsum es; cui hoc est esse, quod esse bonum: bonam autem tibi in te, & omni in te creaturæ tuæ. Nos autem à te ad te vel in te afficimur, cum te amamus: qui possumus misero aliquo modo esse, & non amare te:

id est, esse, & malè esse. Tibi autem, qui semper idem es, nihil accedit, si amando proficimus ad te: nihil decedit, si deficimus à te. Cum autem nos amas, non nisi propter te: cum verissima summa justitiæ regula etiam nos nil amare permittat extra te. Et certè possibile est amoris Deum amantis, ubi magna occurrit gratia, ed proficere, ut nec te nec se amans propter se, & te & se propter te solum amet; & per hoc reformatur ad imaginem tuam, ad quam creasti eum: qui ex veritate præstantissimæ naturæ tuæ, & naturæ veritatis tuæ, nec te nisi propter te, nec Angelum nec hominem amare potes, nisi propter te. Et ô felicem & felicissimam animā! quæ Deo sic à Deo meretur affici, ut per unitatem spiritus in Deo solum amet Deum, non suū aliquid privatum, nec nisi in Deo amet seipsum; & Deus in ipsa amet vel approbet, quod amare vel approbare debet Deus, id est seipsum: imò quod solum debet amari, & à creatore Deo, & à creatura Dei. Amoris enim vel nomen vel affectus nulli competit vel debetur, nisi tibi soli: ô verè amor, & amande Domine. Et hæc est in nobis voluntas filij tui: hæc pro nobis oratio ejus ad te Patrem suum. *Volo, ut sicut ego & tu unum sumus: ita & in nobis ipsi unum sint.* Hic est finis, hæc est consummatio, hæc est perfectio, hæc est pax, hoc gaudium Domini, gaudium in Spiritu sancto: hoc est silentium in cœlo. Quamdiū quippe in hac sumus vita, hoc felicissimæ pacis silentio in cœlo, id est in anima iusti, quæ sedes est sapientiæ, aliquando fruitur affectus; sed hora dimidia: intètio verò de reliquijs cogitationis diæ festum perpetuum agit tibi. In illa verò beata & æterna vita; de qua dicitur. *Intra in gaudium Domini tui*, sola erit perfecta fructio; & tantò felicior, quāto remoris jam omnibus, quæ hoc retardare vel impedire videntur, amoris ejus indissolubilis æternitas, irrefragabilis perfectio, incorruptibilis erit beatitudo.

CAPVT VI.

*Oras, ut fada desideria loco cedant, & amor Dei totum possideat hominem, ut Christus docuit.*

**O** amor, veni in nos, posside nos: dispare à facie tua in nobis omnia sceleratis nomina, quæ concupiscentia carnis & oculorum & superbia vitæ huic innascuntur affectui, quasi spuria quædam vitulamina: affectui inquam, qui amor in nobis dicitur, & corrumpitur sapientis iusto, animæ à te & ad te creatæ, ad te solū concreatus & concretus, & reluctans legi naturali, & reclamans, cogitur vocari gula, luxuria, avaritia, & his similia: qui incorruptus & in sua permanens natura, ad te solum est, Domine, cui soli amor debetur. Est enim amor animæ rationalis, sicut dicit quidam servus tuus, mortuus, vel quieta statio, vel finis, in id, ultra quod nil appetat, vel appetendum judicet, voluntatis appetit. Ultra te verò, vel supra te, qui quærit aliquid tamquam melius te, nihil est quod quærit; quia nihil est melius vel dulcius te: ideoque nihil efficitur recedendo à te, qui amandus solus es verè: & fornicatur & luxuriat in alienis affectibus aliena, ut dixi, nomina habentibus. Amor enim, ut dictum est, & sæpe dicendum est, ad te solum est Domine, in quo solo est, quicquid verè est: ubi quieta & secura statio: quia Deum timere timore amoris casto, & mandata ejus observare, hoc est omnis homo.

*Perfectus est amor, quo se homo non amat, nisi propter Deum*

*Ioan. 17.*

*Matt. 23.*

*Amor corrupti nomina.*

*Amor ad se lum Dei est*

*1. Reg. 3.*

*Amor repellit miseriā ab amatore.*

*2. Cor. 3.*

*Psal. 139.*

*Philip. 3.*

**R**ECEDAT itaque ab anima mea omnis iniustitia, ut te diligam Dominum Deum meum ex toto corde meo, & ex tota anima mea, & ex omnibus viribus meis: recedat omnis zelotypia; ne tecum aliquid amem, quod propter te non amem, o verè vnice amor, & vere Domine. Cum verò propter te aliquid amo, non illud amo, sed te: propter quem amo, quod amo. Tu enim verè salus Dominus: cujus dominari super nos, hoc est saluare nos: nostrum verò seruire tibi nihil est aliud, quàm à te saluari. Quæ est enim salus tua, o Domine, cujus est salus, & super populum tuum benedictio tua: nisi quod à te accipimus, ut amemus te, vel amemur à te? Idcirco Domine filium dexteræ tuæ, hominem quem confirmasti tibi, Iesum, id est Saluatorem appellari voluisti: ipse enim saluum faciet populum suum à peccatis eorum: & non est alius, in quo sit salus: qui docuit nos amare se, cum vsque ad mortem crucis prior dilexit nos, amando & diligendo suscitans nos, ut amemus eum, qui prior vsque in finem dilexit nos. Hæc iustitia filiorum hominum. Ama me; quia amo te. Rarus autem est, qui dicere possit. Amo te; ut ames me. Hoc tu fecisti: qui sicut clamat & prædicat servus amoris tui, prior nos dilexisti. Et sic planè, sic est; amasti nos prior, ut amaremus te; non quòd egeres amari à nobis: sed quia id ad quod nos fecisti esse non poteramus, nisi amando te. Ideo multiphariam multisq; modis olim locutus Patribus in Prophetis, nouissimè diebus istis locutus es nobis in Filio, in Verbo tuo, quo cæli firmati sunt: & spiritu oris ejus omnis virtus eorum. Loqui tuum in filio tuo non aliud fuit, quàm in sole, id est, in manifesto ponere, quantum & quomodo nos amasti, qui proprio filio tuo non pepercisti, sed pro nobis omnib; eum tradidisti: qui etiam dilexit nos, & tradidit semetipsum pro nobis. Hoc est Verbum tuum ad nos Domine, hic omnipotens sermo: qui dum medium silentium, profundum scilicet errorum, tenerent omnia, à regalibus sedibus venit, duras eorum debellator, dulcis amoris commendator. Et quicquid fecit, quicquid dixit in terra, vsque ad opprobria, vsque ad sputa & alapas, vsque ad crucem & sepulchrum, non fuit nisi loqui tuum nobis in Filio: amore tuo prouocans, & suscitans ad te amorem nostrum. Sciebas enim, creator animarum Deus, in animabus filiorum hominum cogi non posse, sed prouocari oportere affectum istum. Simule etiam, quia ubi coactio, jam nec libertas: ubi non libertas, nec iustitia. Tu autem Domine iuste, saluare nos volebas iuste, qui nullum saluas vel dānas, nisi iuste; ipse nobis formans & iudicium & causam, sedens super thronum, & iudicans iustitiam, sed quam tu fecisti: ut omne os obstruatur, & subditus fiat omnis mundus Deo, cum misereris, cujus misereris, & misericordiam præstas, cujus misertus eris. Voluisti ergo, ut amaremus te; qui nec iuste poteramus saluari, nisi amaremus te: nec amare poteramus, nisi procederet à te. Ergo Domine, sicut Apostolus amoris tui dicit, & nos jam diximus, prior dilexisti nos: & prior diligis omnes dilectores tuos.

Nostrum  
seruire est  
saluari.

Matth. 1.

Hebr. 1.

Quid sit,  
Patrem nobis  
loqui in  
filio suo.  
Rom. 8.  
Galat. 2.

Sapient. 18.

Amor non  
potest cegi.

**S**ED nos Domine, te diligimus affectu amoris & te nobis indito, tu verò conditor omnium, & affectuum bonorum & animarum efficiendum, numquid accidenti vel incidenti amoris affectu amas quos amas; & aliquo modo in aliquo afficeris, qui omnes & omnia facis? Absit. Absurdum est, procul est à fide; alienum ab omnium creatore. Quomodo ergo nos amas, si nos amore non amas? Sed amor tuus bonitas tua est, summe bone, & summum bonum, Spiritus sanctus à Patre procedens & Filio: qui ab initio creaturæ superfertur super aquas, id est mentes filiorum hominum fluitantes, omnibus se offerens, omnia ad se trahens, inspirando, aspirando, noxia arcendo, prouidendo vtilia, Deum nobis & nos vniens Deo. Sic enim ipse Spiritus sanctus tuus, qui amor dicitur Patri & Filij, & vnitas & voluntas, per gratiam suam in nobis inhabitans, & Dei in nos charitatem commendans, & per ipsam ipsum nobis concilians, Deo nos vnit, per inspiratam nobis bonam voluntatem: cujus bonæ voluntatis vehementia amor in nobis dicitur, quo amamus quod amare debemus, te scilicet. Nihil enim aliud est amor, quàm vehemens & bene ordinata volūtas. Amas ergo te, o amabilis Domine, in teipso, cum à Patre procedis & Filio Spiritus sanctus, amor Patri ad Filium, & Filij ad Patrem: & tantus est amor, ut sit vnitas: tanta vnitas, ut sit *quies*; id est eadem Patri & Filij substantia: amas te ipsum in nobis, mittendo Spiritum Filij tui in corda nostra à dulcedine amoris, à vehementia inspiratæ à te nobis bonæ voluntatis, clamantē *Abba Pater*; sic nos efficiens tui amatores, imò sic teipsum in nobis amans, ut qui primum sperabamus, quia noueramus nomen tuum Domine, & gloriabamur in te, qui diligebamus nomen Domini in te, o Domine, jam per inspiratam nobis gratiam per Spiritum adoptionis tuæ, omnia quæ Patris sunt, nostra esse confidentes, ipso te nomine innocemus per adoptionis gratiam, quo filius tuus vniscus per naturam. Sed quia hoc abs te totum est, cujus amare hoc est benefacere, à quo omne datum optimū, & omne donum perfectū, summe pater luminum: tu teipsum amas in nobis, & nos in te, cum te per te amamus: & intantum tibi vnimur, in quantum amare te meremur, & participes efficimur, ut dictum est, orationis illius Christi filij tui. *Volo, ut sicut ego & tu vnum sumus: ita & ipsi in nobis vnum sint.* Genus enim tuum sumus, Domine; genus Dei, sicut dicit Apostolus tuus; transferens Ethnicī sententiā de malo vase in vas bonum: ut non nisi ipsam & vas bonum sapiat. Genus inquam sumus Dei, Dij & filij excelsi omnes, cognatione quadam spiritali magnam apud te nobis vendicantes affinitatem, cum per Spiritum adoptionis Filius tuus vnum nobiscum nomen fortiri non dignatur: & cum ipso, & per ipsum, præceptis salutaribus moniti, & diuina institutione formari, audemus dicere, *Pater noster qui es in cælis.* Amas itaque nos, in quantum nos efficit tui amatores; & nos amamus te, in quantum à te Spiritum tuum accipimus, qui est amor tuus; obtinentem & possidentem omnes affectionum nostrarum recessus: & perfectè eas conuerrentem in puritatem veritatis tuæ, in veritatem puritatis tuæ,

Amor Dei  
bonitas ejus.

Genes. 1.

Quid sit  
amor.

Rom. 8.

Deum vocamus Patrem, sicut & Christus.  
Iac. 1.

Ioann. 17.

Act. 17.

Psal. 81.

Matth. 6.

*Joann. 17.* in plenum amoris tui consensum : tantaque sit conjunctio, tanta adhesio, tanta dulcedinis tuæ fruitio, vt vnitas ab ipso Domino nostro filio tuo vocetur, dicente, *ut sint ipsi vnum in nobis*: tantæ dignitatis, tantæ gloriæ, vt subsequatur & dicat, *sicut ego & tu vnum sumus*. O gaudium, ô gloriâ, ô diuitias, ô superbiam. Habet enim sapientia etiam sui generis superbiam, quæ dicit. *Prouer. 8.* *Mecum enim sunt diuitia & gloria : opus superba & iustitia.*

CAPVT IX.

*Beatus qui Deum diligit, & sic vnus cum eo spiritus efficitur.*

*Psalm. 143.* *Quid sit beatum esse.* Quid autem est absurdus, vniri Deo amore, & non beatitudine? Beati enim verè & vnicè, & singulariter & perfectè beati, qui verè & perfectè amant te: nullus autem & nullomodo beatus, qui non amat te. *Beatum enim dixerunt populum, cui hæc sunt*: sed mentiuntur, quia solus beatus, cuius est Dominus Deus eius. Quid enim est beatum esse; nisi non velle, nisi bonum: & omnia habere, quæcumque vult? Te igitur velle, & vehementer velle, quod est amare, & singulariter amare, qui amari non dignaris cum aliqua omnino re, siue carnali, siue spirituali, siue terrestri, siue cælesti, quæ non ametur pro te, hoc demum est, non velle nisi bonum: hoc est habere quæcumque vult omnia: quia habet te quis, inquantum amat te. Ergo & beatitudine vniri Deo, intelligimus quoddam verè Domini est salus: & super populum tuum benedictio tua. Ideoque orationes nostras, vota & sacrificia, & omnia nostra, offerimus tibi Pater assidue, per Dominum nostrum Iesum Christum filium tuum: credentes & intelligentes ex te, à te, & ad te, per ipsum nobis esse, quicquid bene nobis est, à quo habemus ipsum esse. Quæ omnia per subministrationem Spiritus sancti tui habitantis in nobis credimus & intelligimus, quantum intelligere fas est: qui vt dictum est, conformans sibi & vnies Spiritum nostrum, spirat in nobis, quando vult, quomodo vult, quantum vult: cuius sumus factura creati in operibus bonis: existens sanctificatio nostra, iustificatio nostra, amor noster. Ipse enim est amor noster, quo ad te pertingimus: quo te amplectimur. Alioquin, ô incomprehensibilis maiestas: cõprehensibilis esse videris animæ te amanti. Licet enim nullus sensus animæ cuiuslibet vel spiritus te comprehendat: tamen totum te, quantus es, comprehendit amor amantis, qui totum te amat, quantus es: si tamen est totitas vbi non est particularitas: si quantitas, vbi non est tantitas: si est comprehensibilitas, vbi hæc omnia non sunt. Sed cum te amamus, afficitur spiritus noster Spiritui tuo sancto: per quem habitantem in nobis charitatē Dei habemus diffusam in cordibus nostris. Cūque amor tuus, amor Patris ad Filium, amor Filij ad Patrem, Spiritus sanctus habitās in nobis, ad te est quod est, id est amor, omnem capriuitatē Sion, id est animæ nostræ omnes affectiones in se conuertens & sanctificans; amamus te, vel amas tu te in nobis; nos affectu, tu effectu, vnū nos in te efficiens per vnitatē tuam; id est ipsum Spiritum sanctum tuum, quem dedisti nobis, vt sicut non est aliud Patri nosse Filium, nisi hoc esse, quod est Filius; nihil aliud Filio nosse Patrem, nisi hoc esse, quod est Pater: vnde in Euangelio, *Nemo novit Patrem, nisi Filium, & nemo novit Filium nisi Pater: & sicut Spiritui sancto*

nihil est aliud nosse vel comprehendere Patrem & Filium, quàm hoc esse, quod est Pater & Filius: ita nobis, qui ad imaginem tuam conditi sumus, & ab illa per Adam inuolutati, per Christum ad illam renouamur de die in diem, amantibus Deum nihil sit aliud amare & timere Deū, & mandata eius obseruare, quàm esse, & vnum spiritum cum Deo esse. *Deum enim timere, & mandata eius obseruare, hoc est omnis homo.* Adorande, tremende, benedicende, da cum nobis. *Emitte Spiritum tuum & creabuntur: & renouabis faciem terra.* Non enim in diluvio aquarum multarum, in perturbatione & confusione affectionum tam multarum, ad Deum approximabunt. Iam satis, Domine, durauerit cataclismus iste, pœna filiorum Adæ. Adduc spiritum super terram: recedat mare, recedat antiquæ damnationis salsugo: & appareat arida fontem vitæ sitiens. Veniat columba Spiritus sanctus expulso terribilissimo alire, & cadaueribus suis incumbente: veniat inquam columba ramo oliuæ, ramo refectiois & luminis pacem annuncians: sanctificet nos sanctitas & sanctificatio tua: vniet nos vnitas tua; & Deo, qui est charitas, velut cognata quadam affinitatē per charitatis nomen sociemur: per virtutem nominis vniamur.

CAPVT X.

*Quinam sint, qui verè iustitiam diligant.*

*August. 10. Confess. c. 23.* Sed interest Domine, quomodo quis te amet. Multi enim, sicut ait quidam à te illuminatus, amant veritatem lucentem, & non amant redarguentem; iustitiamque multi colunt affectu, à qua procul sunt effectu: approbantes eam & amantes in seipsa, non autem exercentes eam in seipsis. Numquid isti verè te amant, ô vera iustitia Deus: numquid isti verè te amant? Philosophi mundi huius olim eam coluerunt, & affectu amoris & effectu operis: intantum vt diceretur de eis ab eis. *Oderunt peccare boni virtutis amore.* Sed conuincuntur iustitiam non amasse, qui nō amauerunt te, à quo fons & origo, & in quem finis & recursus veræ iustitiæ: & sine quo omnes iustitiæ hominum sicut pannus menstruat. Nō enim habebant fidem, quæ per dilectionem operatur; licet affectum quendam amorem, & opera quædam haberent honestatis: quæ quia ex fonte veræ iustitiæ non prodibant, nec in veræ iustitiæ finem ibant. Via enim, Pater, Christus tuus, qui dixit. *Ego sum via veritas, & vita.* Veritas ergo tua, vel vita ad quam itur, per quam itur, meram & veram & simplicem nobis describit forma diuinæ & veræ philosophiæ, dicens ad discipulos. *Sicut dilexit me Pater: & ego dilexi vos. Manete in dilectione mea. Si præcepta mea seraueritis, manebitis in dilectione mea: sicut & ego præcepta Patris mei seruaui, & maneo in eius dilectione.* Ecce dilectus dilecti, sicut in Psalmo legitur, cum Pater diligit Filium; & Filius manet in dilectione Patris, vsque ad plenam mandatorum eius obseruationem. Rursumque dilectus dilecti, cum dilectus discipulus diligit magistrum Christum, vsque ad obseruationem omnium eius mandatorum: & vsque ad mortis necessitatem non perdit hanc voluntatem in illuminatione veritatis & amoris eius, rebus omnibus & idoneis ad bonum, & prouis in malum, & inter vtrumque medijs, bene vtens in bono, quod proprium est Christianæ virtutis. Est enim virtus, sicut iam ante nos dictum est, bonus vsus liberæ voluntatis: opus verò virtutis, bonus illa-

rum rerum usus, quibus etiā male uti possumus. Exinde ne manca sit charitas, docemur amare proximum secundum legem charitatis puram: ut sicut Deus non nisi seipsum amat in nobis, & nos solum Deum didicimus amare: ita & proximum sicut nos incipiamus amare, in quo solum Deum amamus, sicut in nobis ipsis.

## CAPVT XL

*Ut se habeat anima, cum interim celestem saporem sentis.*

3. Reg. 17.

Psal. 117.

Ose. 8.

**S**ed ut quid, Domine, tot verba? Sed nuda est, Domine, & gelida & algeus misera anima mea: & desiderans calefieri calore amoris tui. Ideo vestem non habens, panniculos hos vnde cumque collectos contraho & consuo ad tegendam nuditatem meam: & non ut sapiens illa Sareptana duo ligna, sed furculos istos minutos de deserti mei vastitate, de cordis mei spatiosa colligo vanitate: ut aliquando ingrediar in tabernaculum domus meae, & faciam mihi de pugillo farinae, & hydria olei, & comedam & moriar, vel non tam cito moriar: imò Domine, nō moriar, sed viuam, & narrem opera Domini. Stans igitur in domo solitudinis quasi onager solitarius, & habitaculum habens in terra falsuginis, & attrahens ventum amoris mei; os meū aperio ad te Domine, & attraho spiritum. Et nonnumquam Domine, quasi clausis oculis ad te hianti mitto mihi in os cordis, quod non licet mihi scire, quid sit. Saporem quidem sentio, dulcem adeo, suauem adeo, adeo confortantē: ut si perficeretur in me, nihil ultra quæterem. Sed cum accipiens nullo corporis visu, nullo animæ sensu, nullo spiritus intellectu, aduertere me permittas quid sit: cum accepero, tenere & ruminare volo, dijudicare ejus saporem; sed statim transit. Deglutio quiddā illud, quicquid illud est, in spem vitæ æternæ: sed operationis ejus virtutem diu ruminando omnibus animæ meae venis & medullis, quasi vitalem quemdam succum optabam transfundere; ut ab omnibus alijs affectionibus desiperet, & illud solum & semper saperet: sed festinat transire. Et cum de inquisitione ejus vel acceptione vel usu, formata quædam lineamenta memoriæ gestio arctius impressa committere, vel etiam memoriā labilem scripto iuuare: re & experimento cogor discere, quid illud sit, quod in Evangelio dicis de spiritu: & nescis unde veniat, aut quo vadat. Quæcumque enim quasi quibusdam lineamentorum figuris commendare curavi memoriæ, quorum quasi quodam reductu, cum voluero illuc me recolligam, ac per hoc subesse mihi

velim posse, quotiescumque voluero: audiens à Domino, Spiritus ubi vult spirat; & sentiens etiā in me, quia non quando ego volo, sed quando ipse vult, spirat, omnia illa mortua inuenio & insipida: & ad te solum lenandos esse oculos, fons vitæ, ut in tuo solo lumine videam lumen. Ad te igitur Domine, ad te sunt, & sint oculi mei: ad te, de te proficiant omnes animæ meæ profectus: ut cum defecerit virtus mea, quæ nulla est, post te anhelent omnes ejus defectus. Sed interim quamdiu me differs, quamdiu miseram & anxiam & anhelam post te animam meā protrahis? Absconde me obsecro in abscondito faciei tuæ, à conturbatione hominum: protege me in tabernaculo tuo à contradictione linguarū. Sed jam alius reuocat, & pueri perstreperunt.

Psal. 30.

## CONCLUSIO ET ORATIO.

*Anima innocat & colit Deum omnium principium & bonū, Patrem, Filiū, & Spiritum sanctum.*

**N**um ergo Domine, plena fide te Deum colo, vnum te omnium principium; & sapientiam, quæ sapiens est, quæcumque anima sapiens est: & ipsum donum, quo beata sunt, quæcumque beata sunt. Te vnum Deum colo, adoro, benedico: te ex toto corde meo, & ex tota mente mea, & ex omnibus viribus meis vel amo, & desidero. Quisquis Angelorum vel bonorum spirituum te diligit: scio quia & me diligit diligentem etiam se in te. Quisquis in te manet, & potest sentire preces vel affectiones humanas: scio quidd in te me exaudit, in quo & ego eorum gloriæ congratulor. Quisquis te habet bonum suum, in te me adjuvat: nec mihi cui participationem potest invidere. Solius enim apostatæ spiritus est, nostram miseriam suam facere lætitiā; nostrum bonum suum damnum: nimirum quia à communi omnium bono, & vera beatitudine lapsus, non est subditus veritati: priuato suo gaudens, & commune omnium odiens bonum. Te igitur Deum Patrem, quo creatore viuimus, te sapientiam Patris, per quam reformati sapienter viuimus, te Sanctum Spiritum, quem & in quo diligentes beatè viuimus, & beatissime viuemus, vnius substantiæ Trinitatem, vnum Deum, à quo sumus, per quem sumus, in quo sumus, à quo peccando discessimus; cui dissimiles facti sumus: à quo perire non permissi sumus: principium ad quod recurrimus; formam quam sequimur; gratiam qua reconciliamur; adoramus & benedicimus: tibi gloria in sæcula, Amen.

Trinitas  
principio  
sapientia  
& dono designata.

Ioan. 8.

# EIVSDEM B. GUILLELMI ABBATIS S. THEODORICI,

*De Natura & Dignitate amoris.*

## CAPVT PRIMVM.

*Quod amor homini congenitus, sed peccato corruptus, sit purgandus.*

Ars artium  
ars amoris.



**A**rs est artium ars amoris: cujus magisterium ipsa sibi retinuit natura, & Deus author naturæ. Ipse enim amor à creatore naturæ inditus, nisi naturalis ejus ingenuitas adulterinis ali-

quibus affectibus præpedita fuerit, ipse inquit, se docet: sed docibiles sui, docibiles Dei. Est quippe amor vis animæ, naturali quodam pōdere ferens eam in locum, vel finem suum. Omnis enim creatura, siue spiritalis, siue cor-

porca, & certum habet locum, quo naturaliter ferrur: & naturale quoddam pondus, quo ferrur. Pondus enim, ut ait quidam verè Philosophus, non semper fert ad ima, Ignem sursum, aquam deorsum: Sic & in cæteris. Nam & hominem pondus agit suum, naturaliter spiritum ferens sursum, corpus deorsum: vnumquodque in locum vel finem suum. Quis enim corporis locus? Terra, inquit, & in terram ibi.

Genes. 3.  
Eccl. 12.

De spiritu verò in libro Sapientie: *remaneat*, inquit, *spiritus ad Deum, qui creavit eum*. Vide hominem dissolutum: quomodo totus pondere suo ferrur in locum suum. Cum res bepe & ordine suo procedit: spiritus redit ad Deum, qui creavit eum; corpus in terram. Nec in terram solum; sed in elementa, ex quibus cõpactum & formatum erat. Cum enim quiddam in eo terra, quiddam ignis, quiddam aqua, quiddam aer sibi vindicet: cum naturalis cõpactionis naturalis sit dissolutio, pondere suo vnumquodque ad suum recurrit elementum; & tunc plena facta est dissolutio, cum horum omnium in locum suum plena facta fuerit restitutio. Quæ utrum corruptio vel putredo, & non potius, ut dictum est, resolutio melius vocanda sit, iudicet qui vult. Et cum horum nihil à naturæ suæ tramite aberraret; sola misera anima, & degener spiritus, cum per se naturaliter eò tendat; peccati vitio corrupta, nescit, vel difficile discit, ad suum redire principium. Naturali quidem pondere suo semper eò impellitur: cum beatitudinem desiderat, beatitudinem somniat, non nisi beatus esse querit.

Psal. 143.

Beatus autem ille, & non alius, cuius est Dominus Deus ejus. Sed beatitudinem querens, non in regione sua, nec in via sua: longè aberrat à naturali intentione sua. Ideoque amissa doctrina naturali, opus jam habet doctore homine, qui de beatitudine, quæ naturaliter queritur amando, doceat admonendo, ubi, & quomodo, in qua regione, qua via queratur. Amor ergo, ut dictum est, ab authore naturæ naturaliter est animæ humanæ indicus: sed postquàm legem Dei amisit, ab homine est docendus. Non autè docendus est, ut sit, tanquam qui non sit; sed ut purgetur, & quomodo purgetur: ut proficiat, & quomodo proficiat: ut solidetur, docendus est. Nam & fœdus amor carnalis fœditatis suæ olim habuit magistros; in eo quo corrupti erant & corrumpebant, tam perspicaces, tam efficaces; ut ab ipsis fœditatis amatoribus & sociis doctor

Onidius de artis amatoris recantare cogeretur, quod inter Arte amandi perantius cantauerat: & de amoris scribere remedium; & postea, de Remedio amoris.

perantius cantauerat: & de amoris scribere remedium; qui in amoris incentiva, vel vetera quasi per quemdam pruritum excitanda, vel in nova inveniendâ, toto se effuderat ingenio. Non utiq; amoris carnalis feruorem nitebatur ille docere, qui tam in docendis, quàm in eo qui docebat, sine quovis rationis tẽperamento naturali quoddam igne aestuabat: sed naturalem ejus vim in disciplinatis quibusdam disciplinis in quandam erudiebat lasciviam: & superuacuis quibusdam fomentis luxuriæ in quandam perurgebat insaniam. In illis enim pravis & nequam hominibus ex superfluente carnalis concupiscentiæ vitio, totus deperierat ordo naturæ. Quippe cum debito naturæ ordine spiritus eorum naturali pondere suo, amore suo sursum ferri deberet ad Deum qui creavit eum; carnis humiliatus illecebris nõ intellexit & comparatus jumentis insipientibus,

Psal. 48.

similis factus est illis. Factique sunt, de quibus diceretur. *Non permanebit spiritus meus in hominibus istis; quia caro sunt*. In quorum persona, factum est, inquit Propheta, *cormeuum tamquam cera liquefens, in medio ventris mei*. In augusta quippe corporis parte ab authore naturæ naturaliter cor locatum, ubi quasi medium superiorum sensuum arcem, & corporis inferioris sicut populi humilioris quasi quandam reget & dispensaret rempublicam, totamque circumquaque cogitatum & actionum regionem: ad concupiscentiæ carnalis ignem degenerare quoddam mollitie liquefens, totum defluxit in ventrem, & in medium ventris: videlicet non sapiens nisi ea quæ sunt ventris, & de ventre in ventris inferiora; omnia confundens, omnia degenerans, omnia adulterans: amoris naturalem affectum pervertens in brutum quoddam carnis appetitum, non solum quæ non licet appetentem, in contumelijs corporis, in passionibus ignominie; sed adeo oblitum suæ antiquæ generositatis, ut qui creatus erat Deo soli, à corruptis & corruptoribus suis æstimeretur esse potius luxuriæ naturale domicilium, & visioem omnium profuturorum subulum. Infelices, qui instantum naturæ reclamante sibi viluerunt; ut animæ suæ locum, qui proprius Dei creatoris erat, & nulli creature communicabilis, sedem Sathanz, sedem spurciarum & omnis impudiciæ constituerent.

#### CAPUT II.

Amoris declaratur origo, & imago Sanctæ Trinitatis in anima.

ACTUS igitur de amore, prout dederit ipse, se, cuius amoris operis ipsius sudat intentio, primum quasi à primordijs ejus narrationis seminem inchoantes, quasi per succedentes sibi ætates, profectum ejus processum ordiamur, usq; ad senectutem vberem, quæ non est picea senilis doloris; sed plena misericordiæ vberis. Sic enim secundum ætatem incrementum vel detrimentum puer mutatur in juvenem, juvenis in virum, vir in senem; secundum qualitatum mutationes etiam ætatum nomina mutantes: sic secundum virtutum profectum voluntas crescit in amorē, amor in charitatem, charitas in sapientiã. Nec debet latero de amore, de quo agimus, quibus ortus sit natalibus: quæ nobilitatis linea insignis habeatur: vel quo oriendus loco. Primumque natiuitatis ejus locus, Deus est, ibi natu, ibi alius, ibi prouectus; ibi civis est, non advena, sed indigena. A Deo enim solo amor datur, & in ipso permanet: quia nulli nisi ipsi & proprii partem debetur. Porro si de natalibus ejus agitur, cum Trinitas Deus hominem crearet ad imaginem suam, quandam in eo formavit trinitatis similitudinem, in qua & imago Trinitatis creatricis reluceret, & per quem novus ille mundi incolâ, simili naturaliter ad simile sibi recurrente principio suo, creatori suo Deo; indissolubiler inhaereret, si vellet: ne multiplici creaturarum varietate illecta, abstracta, distracta, creata illa trinitas inferior, à summa & creatricis Trinitatis unitate recederet. Ex enim cum in faciem novi hominis spiraculum vitæ, spirituales vim, id est intellectualem, quod sonat spiratio & spiraculum; & vitalem, id est animalem, quod sonat nomen vitæ, infudit, & infundendo creavit: in ejus quasi quadam arce vim memoriale collocavit; ut creatoris semper potentiam & bonitatem memoraret. Statimq; & suæ aliquo more

Genes. 6.

Psal. 21.

Amore Deo soli creatus naturalis domicilium, & visioem omnium profuturorum subulum.

Nulli amor debetur, nisi Deo, & propter Deum.



*Memoria,  
ratio, & vo-  
luntas ima-  
go S. Tri-  
nitatis.*

interstitio memoria de se genuit rationē: & memoria & ratio de se protulerunt voluntatem. Memoria quippe habet & continet quod tendendum sit, ratio quod tendendum sit; voluntas tendit. Et hæc tria vnum quiddam sunt, sed tres efficaciz; sicut in illa summa Trinitate vna est substantia, tres personæ. In qua trinitate, sicut Pater genitor, Filius genitus, & ab utroque procedit Spiritus sanctus: sic ex memoria ratio gignitur, ex memoria & ratione voluntas procedit. Ut ergo Deo inhaereret creata in homine rationalis anima: memoriam sibi vendicauit Pater, rationem Filius, voluntatem ab utroque procedentem ab utroque procedens Spiritus sanctus. Ecce quibus orta natalibus voluntas: cujus natiuitatis, cujus adoptionis, cujus dignitatis, cujus nobilitatis. Quæ cum præueniente & cooperante gratia Spiritui ipsi sancto, qui Patris & Filij amor est & voluntas, bono sui assensu incipit inhaerere, vehementer incipit velle quod Deus vult, & quod volendum memoria suggerit, & ratio: & vehementer volendo amor efficitur. Nihil est enim aliud amor, quam vehemens in bono voluntas. Per se enim voluntas simplex est affectus, sic animæ rationali inditus, ut sit capax tam boni quam mali: bono replendus cum adiuuatur à gratia; malo, eum sibi dimissus deficit in semetipso.

## CAPVT III.

*Liberum arbitrium, unde habet amor, ut sit virtuosus, vel honestus.*

*Voluntas à  
gratia profi-  
cit, à seipsa  
deficit.*

*Y Litera  
Pythagora.*

**N**E enim à creatore aliquid animæ deesset humanæ, libera in vtramvis partem data est & voluntas: quæ cum adiuuanti concordat gratiæ, virtutis accipit profectum & nomen, & amor efficitur: cum sibi dimissa seipsa secundum seipsam frui vult, sui in seipsa patitur defectum: & quot vitia, tot vitiorum sortitur nomina, cupiditatis, avaritiæ, luxuriæ, & alia huiusmodi. Primo itaq; profectu suo voluntas quasi in Pythagoricæ literæ binio libera constituta, si secundum dignitatē natalium suorum erigitur in amorem; secundum naturalem virtutum suarum ordinem de amore, ut dictum est, in charitatē, de charitate proficit in sapientiam: sin autem, nullo ordine sui, iusta tamen ordinatione Dei, præcipiti acta ruina, tenebris confusionis obruta, sepelitur in inferno vitiorum, nisi à gratia citius ei fuerit subuentum. Si verò viâ inferni relicta sursum gressum cœperit attollere, & gratiam sequens deducentem & enutrientē, adulta fuerit in amorem: jam in iuuentutis constituta fortitudine, à spiritu timoris, quo hætenus ut puer timebat pœnam, in spiritum pietatis incipit proficere; incum, à quo jam incipit nouam gustare gratiam: piè jam incipiens amare Deum, & colere, de quo scriptum est. *Pietas est cultus eius.*

*Iob 28. secundum 70.*

## CAPVT IV.

*Amoris iuuentus sancta insania fervens.*

**H**ic ergo iuuenis, non ætatis sed virtutis, naturalem exerat fortitudinem & virtutem. Nec iuuentutis, (licet à ratione ea veterur corrumpere,) naturalia perdat incentiua; quibus si insaniunt qui corrumpunt; qui in imagine pertranseunt; quorum spiritus ut spiritus bestiarum vel pecorum; quorum carnes, juxta Prophetā, ut carnes sunt aliorum: multo magis eos qui in veritate sunt amoris, & spiritualibus eius aguntur incentiuis, in spiritualis iuuentutis fervore, suo decet modo insanire. Grauis enim opprobrij

*Ezech. 23.*

res est in naturam, si plus in deterius proficere possunt ejus corruptores: quam in bonum veri amatores. Audi sanctam insaniam. *Si mente, inquit Apostolus, excedimus; Deo. Vis adhuc audire insaniam? Si dimittis, inquit, peccatum, dimitte: sin autem dele me de libro quem scripsisti. Vis alium? Ipsum audi Apostolum. Optabam, inquit, anathema esse à Christo pro fratribus meis. Nonne quædam mentis bene affectæ sana quædam videtur insania, quod impossibile sit effectu, habere fixum in affectu: pro Christo anathema velle esse à Christo? Hæc ad Sancti Spiritus aduentum Apostolorum fuit ebrietas: hæc Pauli insania, cum diceret ad eum Festus. Insanis Paulus. Mirumne erat, si insanire pronunciabatur: qui in ipso mortis periculo ipsos Iudices suos, à quibus pro Christo judicabatur, ad Christum conuertere nitebatur? Non hanc insaniam multæ literæ in eo faciebant, sicut dicebat Rex, veritatē intelligens, sed dissimulans: sed, ut dictum est, S. Spiritus ebrietas, in qua & in paruo & in magno similes eos sibi facere gestiebat, qui eum judicabant. Et ut cætera omittam, quæ major, quæ magis inopinata insania, quam hominem relicto sæculo desiderantē & ardentem inhaerere Christo, pro Christo rursus necessitate obedientiæ & charitatis fraternæ inhaerere sæculo: tendentem in cælum semetipsum mergere in cœnum? Hic est Benjamin adolescentulus, qui in mentis suæ excessu nec se, nec suum aliquid sentit: sed eum solum, in quem totus excessit. Hac insania insani erant sancti Martyres inter tormenta ridentes. Cur hic non dicam, quod in fervore lasciuiz suæ lascivus Poëta dicebat, *Insanire libet?* Hic ergo decet, emineat feruor iuuenilis, & feruens religionis cursus: qui quamvis in hoc adhuc statu nec habeat nec habere debeat, frænū tamen patitur rationis. Fervorem enim nouitiū non decent illæ misericordes in seipsum discretionēs, & discretionum dispensationes, facilesq; indulgentiæ suo iudicio: non tamen recusandæ sunt alieno. A seipso in seipsum rigida debet esse censura, & districta seueritas: ad regentem vel consulentem, paternam vel fraternam charitatē & pietatem, lenis & obediens in omnibus humilitas. Si alterum desit: vel in deside & tepido nō spero cursus perseverantiam: vel in præcipiti timo ruinam. Propter quod tota debet esse discretio nouitij, stultū se in omnibus pro Christo facere, & ex alieno pendere arbitrio: maxime si seniore talem habet, de quo certum sit, quod à Deo discit, quod homines docet. Vbi tamen proficienti vel obediens non facile præsumenda est iudicandi licentia, quandiu manifestē nil contra Deum præcipitur: donec longa & patiens experiētia intellectū super his dabit auditui. Ad eam verò maxime semper se obedientiā studeat exercere, de qua scriptum est. *Castificantes corda vestra in obedientia charitatis. Hæc est enim voluntas Dei bona, & beneplacens, & perfecta.**

*1. Petri. 2. Rom. 12.*

## CAPVT V.

*Quæ ad amorem sanctum obtinendum sunt præstanda.*

**A**D hæc autem obtinenda & conseruanda, continua appetenda sunt præsidia sedulæ & longanimis orationis: in qua tanta sit fides, ut speret omnia: tanta deuotio, ut Deum videatur cogere: tantus amor, ut omnia quæ petit, in ipsa oratione se sentiat obtinere: tam benigna humilitas, ut in omnibus non suam, sed Dei in se voluntatem.

*Act. 26.*

*Psal. 67.*

*Discretio  
nouitij quæ.*

*Virtutes ve  
ri Religiosi.*

luntatem fieri præoptet. Studeat etiam habere hic talis, & amplectatur cordis puritatem, corporis munditiam, silentium vel verbum ordinatum, oculos stabiles & non sublimes, aures non prurientes, victum & somnum sobrium, & qui faciat, non impediatur boni operis diætâ: manus continentes, gressum mitem, non ridendo prodere cordis lasciuiâ, sed leniter subridendo gratiam: meditationes spirituales & assiduas, opportunas lectiones & non curiosas: ad maiores subjectionem, ad seniores reuerentiam, ad juniores dilectionem: non desiderare præesse, amare subesse, omnibus cum quibus est, velle prodesse: non seueritate obrui, non leuitate exinaniri: in vultu serenitatē, in corde ad omnes habere dulcedinem, in opere gratiam. Hic etiam & locus & tempus est voluptates amputandi, vitia omnia extirpandi, voluntates frangendi: ut cæteris non voluntatibus, sed voluntatum simulachris, præcisīs & amputatis, sicut adulterinis quibusdam & sponte nascentibus ramusculis: spes proficiendi augeatur naturali & veræ voluntati. Illæ enim non tam sunt voluntates quàm appetitus animæ: concupiscentia scilicet carnis, concupiscentia oculorum, & ambitio sæculi. Hic qui plus amat, plus currat. Hic labor, hic opus est, labor multorum sudorum, opus laborum multorum: maximè cum cæcus adhuc amor quod facit faciat, sed nesciat adhuc unde veniat, aut quod vadat: & sic huiusmodi operetur affectibus, sicut cæcus manibus: qui manibus quidem operatur, sed nec manus videt quibus operatur, nec opus quod operatur. Sicut enim si videns quis in aliquod opus erudiat nō videntem, trahit docendum, curuat, erigit, & disponit in vsum quemdam potiùs, quam in artē eum agens suscepti operis: sic per omnia quæ suprädicta sunt, cæcus amor extrinsecus in quādā vitæ & morū formatur honestatē. Cum verò interioris hominis substantia longo disciplinæ vsum emollita plenè poterit imprimi & informari in eorum formam, tunc fructum pacatissimum operabitur salutis: tunc in re non specie horum omnium & similium percipiet vtilitatem. Quæcumque enim obseruanda suprâ texuimus, nondū sunt in \* affectu, sed in desiderio, & rationis magisterio: & de his omnibus humiliter adhuc cantat ad Deum. *Concupiui desiderare justificationem tuam.* Sicut tamen dixi de cæco, quamvis adhuc non videat oculus, non cesser operari manus: ut qui proficere vult in magno, fidelis sit in minimo: & in eo in quo ex conditoris largitate jam prærogatum habet jus potestatis, officium exhibeat bonæ voluntatis, in corpore scilicet proprio. Faciatque quod dicit Apostolus. *Humanum dico, propter infirmitatem carnis vestra. Sicut enim exhibuistis membra vestra seruire immunditiae & iniquitati ad iniquitatem: ita nunc exhibete membra vestra seruire iustitiae in sanctificationem.* Ac si dicat. Cum amor transierit in charitatē; cum anima perfectam suam adeptam fuerit puritatem; tunc vobis dicam vel indicam longè aliud quid & diuinum: nunc interim accipite istud humanum: ut sicut in tempore veteris negligentiae & peccati liberi fuistis iustitiæ; iustitiæ in nullo, in omnibus autem peccato exhibentes membrorum officium, & hoc ad iniquitatem: sic amodo exhibeatis membra vestra seruire iustitiæ in sanctificationem. In quo si fidelis, ut dictū est, apparuerit: incipiet in seipso

*1. Joan. 3.*

*Amor carnalis ut in spirituales transcat.*

*\* Fortè effectū, Psal. 118.*

*Rom. 6.*

experiri, quod David dicit. *In nomine tuo lenabo manus meas: sicut adipe & pinguedine repleatur anima mea.* Si enim spiritu facta carnis mortificauerit: si Deum in corpore suo glorificauerit: ex hoc anima adipe gratiæ & pinguedine sancti Spiritus repleta renouari incipit, *spiritu mentis suæ; & induere novum hominem, qui secundum Deum creatus est in iustitia & sanctitate veritatis.* Ex hoc enim jam rerum facies noua ei incipit apparere: charismata meliora in quorum æmulatione hætenus laborauerat, familiaris se ei aperire: corpus sanctis humiliatum disciplinis ex consuetudine jam bona in spontaneum spiritus seruitium transire: noni hominis interior facies de die in diem renouari, & vsque ad speculanda bona Dei reuelari. Iam frequentes & improuisæ theophaniz, & sanctorum splendor legia, animam continuo desiderio laborantem incipiunt refocillare, & illustrare: quia sapientia occurrens in vijs hilariter, sicut dicit Iob, *abscondit lumen in manibus; & præcepit ei, ut rursus adueniat: & annunciat de ea amico suo, quod possessio ejus sit, & ad eam possit ascendere.* Ex quo jamdiu laborans anima insolitas quasdam & dulces affectuunculas incipit colligere, in quibus tenerè requiescit, cum adsunt; cruciatur, cum auferuntur, & non redeunt ad votum. Sicut enim ruralibus assueta cibarijs, cum affectiones has, quas diximus, quasi in primo ingressu aulae regiz cœperit degustare: nonnumquam ignominiosè depulsa, violenter expulsa in domum paupertatis suæ vix vltra redire acquiescet. Et frequenter ianuam recurrens, importuna, improba, & anxia sicut inops, sicut mendica, sperans, suspirans, inspicit, suspicit, siquid ei porrigatur; si quando aperiatur. Et aliquando improbitate sua & importunitate sic omnia vincit obstacula & transgreditur; ut vsq; ad interiorē sapientiæ mensam præcipiti transiliens desiderio, impudens & illico reexpellenda assideat conuiuia, & audiat. *Comedite amici, bibite & inebriamini carissimi.* Ex hoc iam innascitur sanctæ paupertatis amor, latendi studiū, odium sæcularium distractionū: orationis vsum, psalmodia frequens.

*Psal. 62.*

*Hominis renouati gratia & primum legia.*

*Iob 80.*

*Pia improbitas amantiss.*

*Canti. 5.*

#### CAPVT VI.

*Grave amoris impedimentum detegitur.*

SE o graue hic, nisi caveatur, occurrit tentationis impedimentum, quod multorum cursum vsque huc prosperum & felicissimū vel grauius retardet: vel retro nonnumquam in quādam teporis ignauiam reflectat. Quod enim à patre pio in via accipit ne deficiat; sic incipit habere quasi sufficiat: & hic proficiendi metam constituens, vbi desinit proficere, ibi incipit deficere. Quinetiam conculcans gratiam Dei, & vanam de ipsa contra ipsam sibi fabricans fiduciam, vel in ore, vel in corde jactat se non vsquequaque à Deo derelictum, toties sibi iudiciū manducans & bibens, quoties visitationis & consolationis à Deo percipit gratiam: & exinde non in Deum, sed in voluntatum suarum executionem præsumit fiduciam. *Inimici Domini, ait Psalmista, mentiti sunt ei: & erit tempus eorum in secula. Et cibavit eos ex adipe frumenti, & de petra melle saturavit eos.* Audi cibatos, & audi inimicos. Audi saturatos, & audi mentitos. Audi non solum frumentum sed adipem frumenti; non petram, sed mel de petra; occultam scilicet & diuinam sacramentorū gratiam; de qua

*Presumptio quā cœuenda.*

*Psal. 80.*

Hebr. 6.  
Gratiā Dei  
negligere  
quam peri-  
culosum.  
Hebr. 10.

Hebr. 6.

saturati perhibentur, qui inimici esse conuincuntur. Qui si non fuissent inimici, non tam citò potuissent saturari. Qui enim saturatus est, nō plus petit quā accipit, quia plenus est: & quod habet satis ei est. Hoc est post primam illuminationem, ut ait Apostolus, post gustum doni celestis, post participium Spiritus sancti, post gustum nihilominus boni verbi Dei, virtutumque sæculi futuri, voluntariè peccando post acceptam notitiam veritatis, rursus sibi metipsis filiū Dei crucifigere, & conculcare; & sanguinem testamenti pollutum ducere, in quo sanctificati sunt; & spiritui gratiæ contumeliā facere. Quid enim est aliud, filium Dei sibi crucifigere, quā facere mala, ut veniant bona: confidenter peccare, & cruci Christi quicquid peccant imponere? O si audiant quod sequitur. *Terra sæpe superuenientem bibens imbrem, & generans herbā opportunam his à quibus colitur, accipit benedictionem à Domino: proferens autem spinas & tribulos, reprobā est, & maledictio proxima, cuius finis est in cōbustionem.* Sed redeamus ad meliora, ut ait ipse Apostolus, & viciniora salutis. Iam ergo bonæ spei iuuenis, cuius Deus iuventutem incipit lætificare, crescere incipit, in virum perfectum: in mensuram ætatis plenitudinis Christi.

## CAPVT VII.

## Charitatis excellentia describitur.

1. Ioan. 4.

IAM enim amor incipit confortari & illuminari: & transire in affectum & nomen maioris virtutis, & amplioris dignitatis. Amor quippe illuminatus charitas est. Amor à Deo, in Deo, ad Deum, charitas est: charitas autem Deus est. Deus, inquit, charitas est. Brevis laus, sed concludens omnia. Quicquid de Deo dici potest, potest dici & de charitate: sic tamen ut considerata secundum naturas doni & dantis, in dante nomen sit substantiæ, in dato qualitatis: sed per emphasin donum etiam charitatis Deus dicitur, in eo quod super omnes virtutes virtus charitatis Deo cohæret & assimilatur. De charitate quid dicemus? Audiuius famam eius: non nouimus eam, non vidimus eam. Apostolus eam nouit, qui excellentiorem viam eam appellans, in laudem eius totum se effudit dicens. *Et adhuc excellentiorem viam vobis demonstro. Si linguæ hominum loquar & Angelorum; charitatem autem non habeam: factus sum velut æsonans, aut cymbalum tinniens. Et si habuero prophetiam, & nouerim mysteria omnia, & omnem scientiam: & si habuero omnem fidem, ita ut montes transferam: charitatem autem non habuero: nihil sum. Et si distribuero in cibos pauperum omnes facultates meas: & si tradidero corpus meum, ut ardeat, charitatem autem non habuero: nihil mihi prodest. Charitas pateriens est: benigna est. Charitas non amulatur: non agit perperam: non inflatur; non est ambiciosa; non querit quæ sua sunt. Non irritatur, non cogitat malum: non gaudet super iniquitate; congaudet autem veritati. Omnia suffert, omnia credit, omnia sperat, omnia sustinet. Charitas numquam excidit. Sine prophetia, enacubuntur: sine lingua, cessabunt: sine scientia, destruetur. Nunc autem manent fides, spes, charitas: tria hæc, maior autem his, est charitas.* Hoc est iugum Domini suaue: & onus leue. Onus quod portantem portat & leuigat: onus leue Euangelij; suaue eis, quibus dicit ipse Dominus. *Iam non dicam vos seruos: sed amicos meos.* Qui enim prius non poterat portare præcepta legis: postea leuia habet præ-

onus Christi  
portantem  
portat.  
Ioan. 15.

cepta Euangelij, per cooperantem gratiam. Qui primū non poterat implere, *Non occides: potestea leue habet, pro fratribus animam ponere: & sic de reliquis.* Sic cum iumento imponitur graue onus, & refugit quasi importabile, adducitur quadriga volubilis, id est Euangelij discurrens per totum mundum: & onus quod quasi graue refugiebat primū, postea sine labore trahit duplicatum. Sic auicula quæ implumis & sine alis seipsam non potest portare: pondere plumarum & alarum addito auolat sine labore. Sic & panis durus, qui per se non potest transire, adiectione lactis vel alterius liquoris colabilis fit in gutture. Amor ergo prius habuit conatum & aliquem affectum: charitas habet effectum. Iam enim tantò leuius operatur charitatis manus: quantò eam adiuvat illuminatus oculus. Primū quippe operamur per manum: deinde manu tergimus oculum. Vnde dicit. *Amandus tuis intellexi.* Iam enim incipit opera sua intelligere: & affectiones discernere. Iam sic afficitur virtutibus, ut sicut Deo hoc est esse, quod bonum esse: sic iam iustæ & sanctæ animæ non aliter sit esse, quā sanctè, & iustè, & piè esse. Sanctè in seipsa; iustè ad omnes; piè ad Deum. Ex augmento enim gratiæ Dei sic afficit iustam animā iustitiæ affectus, ut iam in nulla sui parte, vel cogitatum, vel affectuum, vel actuum, sciat vel possit esse, nisi iusta: in toto suo, in omni eo quod est iustitiæ, plenè & indissolubiliter affecta. Vnde dicit Apostolus. *Charitas numquā excidit.* Aliquando quidem titubat vel deuiat affectionis vel operis effectus, quamdiu in hac vita non potest videre charitas, nisi ex parte, & per speculum, & in ænigmate: sed integer tamen semper & solidus in sua virtute suus permanet affectus. Aliud quippe est affectus, aliud affectio. Affectus est, qui generali quadam potentia, & perpetua quadam virtute firma & stabili mentē possidet, quam per gratiam obrinuit: affectiones verò sunt, quas varias variis rerum & temporū affert euentus. Infirmitas enim carnis ex vicio primæ originis sæpe offendit, sæpe cadit, sæpe lædit grauitè & læditur: mente interiùs dolente & patiente potiùs quā agente, quod perperā foris in carne geritur: nec charitatem perdente, sed ex charitate gemente, & clamante ad Deū. *Infelix ego homo, quis me liberabis de corpore mortis huius?* Vnde idem Apostolus, *Ego, inquit, ipse mente seruo legi Dei: carne autem legi peccati.* Et rursus. *Non ego operor illud, sed quod habitas in me peccatum.* Itaque quisquis ille est, sicut dicit beatus Ioannes, secundum hoc quod natus est ex Deo, id est, secundum interioris hominis rationem, intantum non peccat, inquantum peccatum quod corpus mortis foris operatur, odit potiùs quā approbat: semine spiritualis natiuitatis, quo ex Deo natus est, eum interiùs conseruante: quod etsi interim aliquando incurfu peccati læditur, & atteritur, radice tamen charitatis in altum defixā non perit: imò statim fecundius & viuaciùs cōualescit in spem boni fructus & surgit. Sic enim dicit beatus Ioannes. *Omnis qui natus est ex Deo, peccatum non facit: quoniam semen ipsius in eo manet: & non potest peccare, quoniam ex Deo natus est.* Notanda vis verborum. *Non, inquit, peccatum facit, quod patitur potiùs quā facit, qui natus est ex Deo; & non potest peccare, perseverando scilicet in peccato; dum legi Dei, cui mente seruit, etiam carnè*

Exod. 20.  
1. Ioan. 3.

Pulchra similitudo.

Psal. 118.

1. Cor. 13.

Affectus & affectionis discrimen.

Rom. 7.

Ibidem.

1. Ioan. 5.

festinat subigere: quæ tentatione & peccato incurrente legi peccati videbatur seruire. Petrus cum peccauit, charitatem non amisit: quia peccauit potius in veritatem, quam in charitatem: cum eius se non esse, mentitus est in ore, cuius totus erat in corde: ideoque negationem falsitatis continuò lacrymis lauit veritas charitatis. Sic & Dauid cum peccauit, charitatē non perdidit: sed obstupuit quodammodo in eo charitas ad vehementem tentationis ictum; & charitatis in eo nequaquam facta est abolitio, sed quasi quedam soporatio: quæ mox vt ad vocem arguentis Prophetæ euigilauit, continuò in illam ardentissimæ charitatis confessionem erupit. *Peccami Domino. Et continuò audire meruit. Et Dominus transtulit à te peccatum tuum: non morieris.*

CAPVT VIII.

*Quinque sensus anime, quibus mediante charitate Deo coniungitur.*

*Charitas nō est sine fide & spe.*

**A**D HVC in laude charitatis, amor in fide est & spe: charitas in seipsa est, & per seipsam. Potest etiam esse, vt fides & spes sint sine charitate: vt autem charitas fidem & spem in se non contineat, nō potest esse. Fides enim, quod amatur, esse asserit: spes promittit. Amat igitur, qui in fide & spe amat; sicut amari potest, quod creditur tantum & speratur: charitas verò creditum vel speratum jam habet, iam tenet, iam complectitur. Amor igitur Fidei & spei Deum videre desiderat, quia amat: charitas quia videt amat. Ipsa enim est oculus, quo videtur Deus: habet enim anima etiam sensus suos: habet visum suum vel oculum, quo videt Deum. Sicut enim corpus suos habet quinque sensus, quibus animæ coniungitur vitæ mediante: sic & anima suos quinque sensus habet, quibus Deo coniungitur mediante charitate. Vnde dicit Apostolus. *No- lite conformari huic sæculo, sed reformamini in nouitate sensus vestri: vt probetis quæ sit voluntas Dei bona, & beneplacens & perfecta.* Hic ostenditur, quia per sensus corporis veterascimus, & huic sæculo cōformamur: per sensum verò mētis renouamur in agnitionem Dei, in nouitatem vitæ, secundum voluntatem & beneplacitū Dei. Quinque enim sunt sensus animales vel corporales, quibus anima corpus suum sensificat: vt ab inferiori incipiam, tactus, gustus, odoratus, auditus, visus. Similiter quinque sunt sensus spirituales, quibus charitas animam viuificat: id est, amor carnalis parentū, amor socialis, amor naturalis, amor spiritualis, amor Dei. Per quinque sensus corporis mediante vita corpus animæ coniungitur: per quinque sensus spirituales mediante charitate anima Deo cōsociatur. Tactui comparatur amor parentum: quia affectus iste promptus omnibus, & quodammodo grossus & palpabilis, sic se omnibus naturali quodam occurſu præbet & ingerit, vt effugere eum non possis, etiam si velis. Tactus enim sensus est totus corporalis, qui ex quorumlibet corporum conjunctione conficitur: si tamen vnum eorum aut vtrumque viuatur, vt tactus esse possit. Sicut igitur quaquam te verteris, corpus tuū non potest esse sine tactu: sic nec anima tua sine hoc affectu. Propter quod in Scripturis amor iste non multum cōmendatur: imò ne sit nimis coercetur, dicente Domino. *Si quis non odit patrem & matrem: non potest meus esse discipulus.* Secundo gustui comparatur amor socialis, amor fratrum, amor Sanctæ & Catholicę Ecclesię, de quo scri-

ptum est. *Ecce quā bonum, & quā iucundum, habitare fratres in vnum:* quia sicut per gustum vita administratur corpori: sic illic mandauit Dominus benedictionem & vitam. Gustus etiā licet corporaliter exerceatur: saporem tamen introrsum generat, quo anima afficitur. Propter quod corporalis quidem maximè hic sensus: sed tamen ex parte aliqua etiam animalis esse comprobatur. Sic & amor socialis, quia ex corporali cohabitatione in vnum ex similitudine professionum ex parilitate studiorum, alijsque huiusmodi causis confederatur, mutuisque officijs enutritur: maximè animalis esse videtur. Sed tamen ex magna parte etiam spiritualis est: quia sicut sapor est in gustu, sic affectus fraternæ charitatis fragrat in affectu, de quo scriptum est. *Sicut vnguentum in capite, quod descendit in barbam, barbam Aaron: quod descendit in oram vestimenti eius: & sicut ros Hermon, id est exaltati luminis, qui descendit in montem Sion.* Tertiò odori comparatur amor naturalis, qui naturaliter ex ipsius naturæ similitudine & consortio, absque omni spe recompensationis omnem hominem diligit: qui ex occultis naturæ recessibus veniēs, & animæ se ingerens, nihil humanū ab ea patitur esse alienum. Sensus autem iste magis animalis esse videtur, quā corporalis, id est odoratus: quia ad creandum eum interiūs corpus nil agit, præter leuē instrumenti sui, id est narium, attractū, & licet haustus per corpus, animam tamen afficit, non corpus. Sic & amor naturalis magis spiritualis esse videtur, quā animalis: quia præter solum connaturalis humanitatis respectū, non consanguinitas, non societas, nec aliqua omnino in eo necessitudo huiusmodi consideratur. Quartò, auditui comparatur amor spiritualis: amor inimicōrum. Auditus enim nihil interiūs, id est intra corpus operatur: sed exteriūs quodammodo, id est ad aures pullans animam euocat, vt exeat & audiat. Sic & amorem inimicōrum in corde nulla vis naturæ, nullus alicuius necessitudinis suscitatur affectus: sed sola obedientia, quæ per auditum significatur. Ideoque amor iste spiritualis dicitur. Ideo etiam, quia ad filij Dei similitudinem, & filiorum Dei proficit dignitatem, dicente Domino. *Benefacite, his qui vos oderunt: vt sitis filij patris vestri, qui in cælis est, & reliqua.* Quintò, visui comparatur amor diuinus. Visus enim principalis est sensus: sicut inter omnes affectiones principatum obtinet amor diuinus. A visu oculorum cæteri sensus omnes videre dicuntur, cum solus videat oculus: dicimus enim, tange & vide, gusta & vide; sicque de reliquis. Sicque ab amore diuino cætera dicuntur amari, quæ bene amantur: cum luce clariūs constet, nil debere amari, nisi propter Deū: nec amari rem, quæ propter aliud quid amatur; sed id potius propter quod amatur. Vnde est. *A quo omnis paternitas in cælo & in terra cognominatur.* Visus vis est quædā animæ mera, & potens, & pura. Sic & amor diuinus, potens est, quia magna operatur, si est purus: quia sicut ait ille, *nihil inquinatum in eum incurrit.* Non enim dignatur Deus amari cum alia aliqua re; quæ propter ipsum non amatur. Visus in eminenti corporis arce, & insigni capitis loco positus, etiam secundum ipsius corporis formā infra se habet & ordine & dignitate, & virtutis potentia, omnia cæterorum sensuum instrumenta; ipsosque sensus, quos vt ita dicam, animaliores,

*Amor naturalis odoratus.*

*Amor inimicorum auditui.*

*Amor diuinus visui.*

*Anima sensus qui sunt. Rom. 12. Ephes. 6.*

*Quinque sensus anime, seu amores.*

*Amor parentum tactui comparatur.*

*Luce. 14. Amor socialis gustui.*

*Visus & di-  
mini amoris  
cōparatio.*

propinquiore: quos verò corporaliore, remo-  
tiores. Infimus enim omnium, & cæteris igno-  
biliores tactus, licet communis esse videatur totius  
corporis: tamen propriè manuum est. Sic mens  
quæ caput est animæ, & principale ipsius mētis,  
sedes esse debet amoris Dei, ut sub se habeat &  
regat & illustret cæteros amores: nec sit in eis,  
quod se abscondat à calore & lumine ejus: quos  
spiritaliores habens propinquiore, quos ani-  
maliores vel carnaliores remotiores: cū dile-  
xerimus Dominū Deum nostrum ex toto corde  
nostro, & ex tota anima nostra, & ex omnibus  
viribus nostris: & pōst, proximum nostrū sicut  
nos ipsos. Visus in digniori, ut diximus, corpo-  
ris loco sedem habens, etiam super ipsam ani-  
malitatis virtutē aliquid moliri videtur: & men-  
tis vel memoriæ, quantum fas est, gestit imitari  
virtutem: vno horæ momento dimidium cæli  
peruolans, vno momenti puncto plurima terra-  
rum stadia transvolans. Sic & illuminatus amor  
Dei suam in anima Christiana sedem obtinens,  
ad quandam diuinæ potentie similitudinem eā  
prouehit: dum omnem creaturam angustam &  
breuem, imò nullam, videri facit ad compara-  
tionem Dei: dum confidit sua esse omnia quæ  
Patris sunt: dum omnia ei cooperantur in bonū:  
dum *sine Paulus, sine Cephas, sine mors, sine vita,*  
*sine omnia,* ejus sunt: & *fidelis viri totus mundus*  
*diuitiarum est.* Visus ergo ad videndum Deum  
naturale lumen animæ ab authore naturæ crea-  
tus, charitas est. Sunt autem duo oculi in hoc  
visu, ad lumen quod Deus est videndū naturali  
quadam intentione semper palpitantes; amor &  
ratio. Cū alter conatur sine altero, non tan-  
tū proficit: cū invicem se adiuuant, multū  
possunt: scilicet cū vnus oculus efficiuntur, de  
quo dicit Sponsus in Canticis. *Vulnerasti cor*  
*meum, o amica mea, in vno oculorum tuorum.* In  
hoc autem plurimū laborant suo vnusquisq;  
modo, quod alter eorum, id est ratio, Deum vi-  
dere non potest, nisi in eo quod non est: amor  
autē non acquiescit requiescere, nisi in eo quod  
est. Quid est enim quod ratio omni conatu suo  
possit apprehendere vel inuenire, de quo dicere  
audeat, hoc est Deus meus? Intantum enim so-  
lum modo potest inuenire quid est: in quantum  
inuenit, quid non est. Habet etiam ratio suos  
quosdā tramites certas, & directas semitas qui-  
bus incedit: amor autem suo defectu plus profi-  
cit, sua ignorantia plus apprehendit. Ratio ergo  
per id quod non est, in id quod est videtur pro-  
ficere: amor postponens quod non est, in eo  
quod est gaudet deficere. Inde quippe processit:  
& naturaliter in suum spirat principium. Ratio  
majorem habet sobrietatem; amor beatitudinē.  
Cū tamen, ut dixi, inuicem se adiuuant, & ra-  
tio docet amorem, & amor illuminat rationem,  
& ratio cedit in affectum amoris: & amor ac-  
quiescit cohiberi terminis rationis: magnū quid  
possunt. Sed quid est, quod possunt? Sicut pro-  
ficere proficiens in hoc, & hoc discere non po-  
tuit nisi experiendo: sic nec cōmunicare potest  
inexperto: quia sicut dicitur in sapiētia, *In gan-  
dio ejus non commiscebitur extraneus.*

*Prone. 14.*

## CAPVT IX.

*Amor charitatis perimit amorem seculi.*

**E**X hoc jam animam suauitate hætenus, &  
delitijs amoris tenerē nutritam, sed & non-  
numquam paternæ pietatis disciplinis attritam:  
ex hoc jam, inquam, fortis ut mors dilectio per-

uadit, dulci amoris gladio ab amore & affe-  
ctu sæculi sic occidens eam funditus & interi-  
mens, sicut mors interimit corpus: intantum ut  
dici possit de eo, quod de Enoch, scilicet quod  
non invenitur in sæculi actibus, quia transtulit  
eum Deus. Sed corpus morte sua mortificatur  
ab omnibus sensibus suis, anima sua morte ma-  
gis proficit & viuificatur, & roboratur in suis:  
fortiter & constanter & prudenter incedens jã  
in semitis suis omnibus & gressibus: & quocū-  
que hætenus ignorando, dubitando, & palpā-  
do, vix audebat tendere pedem boni assensus.

*Fortitudo enim simplicis via Domini.* A sæculi  
verò actibus & affectibus sic mortificantur: si-  
cut Paulus Apostol<sup>9</sup>. *Mihi, inquit, mundus con-*  
*cifixus est: & ego mundo.* Cū enim alter non  
curaret de altero, cū suis ligati affectibus ad se  
inuicem non poterant vel non curabant accede-  
re: sibi inuicem crucifixi erant Paulus & mun-  
dus. Sed tamen cū Pauli conuersatio tota es-  
set in cælis, non recusabat, quandocumque ne-  
cessaria erat hominibus in terris. Propter quod  
cum gemitu dicebat. *Cupio dissolui & esse cum*  
*Christo: multo enim melius.* Et o quā melius est  
esse cum Christo. Esse enim Christum cum Pau-  
lo, sicut dixit, *Ecce ego vobiscum sum usque ad*  
*consummationem sæculi,* sic inquam esse Christū  
cum Paulo, magna Pauli securitas: esse verò  
Paulū cum Christo, vel hic per contemplationē,  
vel ibi per beatitudinis præsentia, beata & glo-  
riosa Pauli felicitas. Charitas verò Dei sursum  
eum attollebat: charitas verò proximi infrā  
eū premebat, quasi à collo dependens. Vnde  
sequitur & dicit. *Permanere autem in carne, ne-*  
*cessarium propter vos.*

## CAPVT X.

*Septiformis Spiritus animam charitate flaman-*  
*tem illuminat & docet.*

**A**FPECTVS ergo charitatis Deo indissolubi-  
liter inhærens, & de vultu ejus omnia ju-  
dicia sua colligens, ut agar vel disponat exteri<sup>9</sup>,  
sicut voluntas Dei bona & beneplacens dicat  
ei interius, dulce habet in vultum illum semper  
intendere: & sicut in libro vitæ, leges in eo sibi  
legere viuendi, & intelligere, illuminare fidem,  
roborare spem, suscitare charitatem. Iam enim  
& Spiritus scientiæ euidenter scientiam docet  
animam, quid, quomodo sit faciendum: & Spi-  
ritus fortitudinis vires vel virtutes subministrat  
faciendi: Spiritus consilij disponit. Et cū ani-  
mæ illi vacat Deo vacare, Deo inhære: Deo  
efficitur similis per deuotionis pietatem, & vo-  
luntatis vnitatem. Cū verò ad homines & hu-  
mana redire cōpellitur à lege vultus Dei, & ex-  
hilaratam faciem in oleo illo charitatis Dei tam  
factis quā dictis, & etiam glorificatione qua-  
dam & gratia exterioris hominis refert ad ho-  
mines: ipso suo bonitatis quodā habitu & gra-  
tia eam sibi exigit vel efficit apud eos reuerenti-  
am, ut etiam in promptu habeat, in quo voluerit  
eorum obedientiam. Nam etsi ex occulto illo  
ad vitia delinquentium, & corruptos motes er-  
rantium, aliquando exiens ex veritate, & seueri-  
tate iudiciorum vultus Dei quasi facies cornuta  
apparet & terribilis: vbi visa fuerint à corrigē-  
dis secundū insolubilem veritatis legem omnia  
agi & disponi in pondere & mensura, \* credi-  
tur charitati: & ira illa charitatis intelligitur di-  
ciplina. Ideo rotæ in quibus est spirit<sup>9</sup> vitæ sem-  
per eunt in voluntatem Dei perficiendam: nec

*Gene. 5.*

*Prone. 10.*

*Gala. 6.*

*Phil. 1. & 3.*

*Mat. 28.*

*Philip. 1.*

*Homini ca-  
ritate prædi-  
ti studia.*

*Exod. 34.*

*\* Alias cedi-  
tur.*



reuertuntur ad faciendā suam. Si iubentur prae-  
esse, prae sunt in sollicitudine: si iubentur subesse,  
in humilitate: si aliquibus coesse, in charitate.  
Si praelati sunt, sunt sicut patres ad filios: si sub-  
jecti, ut filij ad Patres suos: si conuiuentes, om-  
nium seruos se faciunt. Pius ad omnes affectus:  
dulcis in bono consensus. Occursus in hilarita-  
te: cohabitatio in gratia; discessus in ostensio-  
ne charitatis. Ad minores, quouis modo, mitis  
affectio cum opere: ad pares, amor vsq; ad sub-  
jectionē: ad maiores, reuerentia vsque ad serui-  
turē. Non quæ sua sunt querunt, sed quæ sunt  
omniū: si fieri potest in eis quæ sunt aduersa, sua  
sæpe faciunt, quæ sunt omniū. Et ad hæc omnia  
quodcumque lex illa summa ordinaverit, facile  
habent membra corporis & bonam voluntatē  
commodare: cum Spiritu sancti artham vel pi-  
gnus acceperint seruitutem istam creaturæ, &  
membrorum suorum breui transituram in ad-  
optionem & reuelationem filiorum Dei.

CAPVT XI.

*Mutua charitas & occupatio Religiosorum  
habitantium in vnum.*

**S**E D veniamus ad eam, quam dicit Apostolus  
societatem spiritus, & laudem disciplinæ: ad  
bonum illud & iucundum cohabitationis fra-  
ternæ munus, vbi mandat Dominus benedictio-  
nem & vitam, de quo dicit Dominus. *Nolite ti-  
mere pusillus grex: quoniam complacuit Patri ve-  
stro dare vobis regnum.* Laus ergo hujus discipli-  
næ ab Apostolis sumpsit exordium: qui sicut à  
Domino didicerant, vel à Spiritu sancto, cuius  
virtute nuper ex alto fuerant induti, modū con-  
uiuendi sic sibi instituerunt, ut esset *multitudinis  
cor vnum & anima vna*, & omnia communia: &  
essent vnanimiter semper in templo. Hanc Apo-  
stolicæ institutionis formam quidā æmulantes,  
non habent domos, vel diuerticula, nisi domum  
Dei, domum orationis: omnia quæcumque fa-  
ciunt in nomine Domini facientes: simul habi-  
tantes, vno ordine, vna lege viuentes: nihil ha-  
bentes proprium, nec ipsa corpora sua, nec vo-  
luntates in potestate habentes. Simul dormi-  
unt, simul surgunt: simul orant, psallunt, vel le-  
gant. Fixum & immobile propositum eorum  
obedire præpositis suis, & subiacere eis. Ipsi verò  
pervigilantes pro eis, quasi rationem reddi-  
turi pro animabus eorum: re ipsa eis prædicant,  
quod in Ieremia populo Israël Godolias legitur  
prædicasse. *Ego pro vobis respondebo Chaldeis, qui  
veniunt ad vos: vos autem colligite frumentum  
vtrum & oleum in vasis vestris: & habitate securi  
in urbibus vestris.* Rîsumque cordis sui & gau-  
dium Isaac quotidie Deo pro eis immolantes,  
filium liberæ, filium repromissionis; referunt  
& conservant Ismaël filium servitutis: cum pro-  
pter eos fructus negligunt spiritus; & seruiendo  
ipsorum saluti, actibus seruitutis eorum omnes  
postponunt affectus profectuum suorum. Ipsi  
verò perpetuum prædicantes sabbatum, à curis  
sæculi alienos, à necessitatum anxietatibus red-  
dunt expeditos. Coactis enim in breui necessi-  
tatibus ipsis, paruo viuitur. Vilitas in vestibus,  
sobrietas in victu, & ceteris omnia præfixæ legis  
terminata limitibus: ut nec plus quis habeat,  
quàm licet habere: & sufficiat omnibus, nec pl<sup>9</sup>  
habere libeat, si habent quod liceat habere. Nū-  
quid non ista est non terrestris, sed cœlestis pa-  
radisi? Sed in ista paradiso solis Prælati per-  
mittitur manducare assidue de ligno sciētiæ bo-

ni & mali; id est dispensationes administrare dis-  
cretionis: subditis verò quorum est obedire, nō  
discernere, si quis illud tetigerit, morte morie-  
tur. Omnes omni tempore student oris silentio:  
inuicem cordis loquuntur affectu. Crebris eo-  
rum qui præsunt exhortationibus oleū additur  
camino: licet plus ipsi mutuo se excitent exem-  
plo. Honore & obsequio inuicem certatim se  
præueniunt: secundum Apostolum in prouoca-  
tione se charitatis inuicem provocantes, inuicē  
suscipientes. Nullum intra se patiuntur esse so-  
litarium: ne dicat ei Salomon. *Vae soli.* Solita-  
rium verò eum deputant, qui in conscientia sua  
per confessionem non vult habere socium: vel  
qui novis & solitarijs adinventionibus suis cō-  
turbat societatem fratrum. Si quando res exigit,  
permittitur de rebus animæ vel corpori necessa-  
rijs, mite colloquium: sin autem, mitius vbi-  
que silentium. Ad studium orationis tanta &  
tam continua vbique deuotio: ut locus ora-  
tionis omnis, sicut locus diuinæ dominati-  
onis. Psalmorum tam pia, tam consona, tam  
seruens melodia: ut vitæ & morum, & bono-  
rum affectuum, non musicæ sed charitatis re-  
gulis bene compositum melos, quadam conso-  
nantia similitudine Deo repræsentare & sacri-  
ficare videantur. In communibus pietatis stu-  
dijs, in quadam etiam vultuum & corporum &  
habitu gratia inuicem in seipsis bonitatis di-  
uinæ videntes præsentiam, tanto se affectu com-  
plectuntur; ut sicut Seraphim in amorem Dei  
alter ardeat ex altero: nec vllō modo satis esse  
possit deferenti, quodcumque alter defert alteri.  
Hæc est specialis charitatis schola: hic ejus  
studia exercentur, disputationes agitantur, so-  
lutiones non ratiocinationibus tantum, quan-  
tum ratione, & ipsa rerum veritate & experien-  
tiā terminantur. Hic qui in proficiendo lassus  
est, si residet ad sarcinās, quas adhuc de suis &  
cohabitantium necessitatibus secum trahit, non  
moriatur: nec retro regredi, nec ultra procede-  
re, lege compelletur. Et si fideliter residens hic  
sarcinās custodierit: in triumpho victoriæ pa-  
rum ei erit dissimilis, qui ulterius processerit.  
Nonne locus est sarcinarum, vbi patimur eos  
qui per potentiam nos opprimunt, quasi caput  
nostrum conculcantes, inimicos supra dorsum  
fabricantes: filios quasi in medio cordis ample-  
xibus \* inhaerentes: foris pugna, intus timores;  
quotidiana, imò continua omnium sollicitudo:

CAPVT XII.

*Senectus amoris; & quatuor in Deum amoris  
affectus.*

**S**E D adhuc habet Idithum quo transiliat; ad-  
huc grandis restat via ascendenti ad montem  
Domini, & ad domum Dei Iacob. Ulterius ta-  
men procedere fas non est cum sarcinis. Sed &  
senectuti sua debetur reuerentia. Ex hoc enim  
jam senectus incipit, non apta sarcinis, sed vene-  
rabilis, non annorum sed virtutum numero cō-  
purata; spirans sapientiæ maturitatem, & re-  
quiem laborum, quasi emeritæ militiæ præmiū.  
Suscipiens enim sapientia proficiendi iter perfi-  
ciendum, charitatem quidem non abjicit, non  
deserit, sed provehit; sed tamen peritum ha-  
bet, ut dictum est, sarcinās ejus portare, quæ alijs  
jam rebus intendens, parare se & aptare conatur  
ad intrandum in gaudium Domini sui. Odit er-  
go curas quascumque; & si quando aliquos  
suscipit labores, sed laborum non amat solici-

*Cōformitas  
cum volun-  
tate diuina.*

*Hebr. 1 a.*

*Eccl. 4.*

*Psalmodia  
Religiosorum  
qualis.*

*Isai. 6.*

*Alludit ad  
1. Reg. 30.*

*\* Alijs vul-  
nerantes.*

*Philipp. 3.*

*Psal. 132.  
Luc. 12.*

*Act. 4.*

*Religiosi vi-  
ta iudea.*

*Ierem. 40.  
Prælatorū  
officiū.*

*Deuter. 6.*  
*Quatuor as-*  
*fectus à no-*  
*bis in Deum*  
*exiguntur.*

rudines. Vires quidem non deficiunt ad portā-  
dum: sed refugit impedimentum. Excitans ergo  
in hoc proficiendi gradu Dominus, & prouo-  
cans animam sanctam ad intrandum, vt dictum  
est, in gaudium suum: *Dilige, inquit, Dominū*  
*Deum tuum ex toto corde tuo; & ex tota anima*  
*tua, & ex omnibus viribus tuis; & ex tota mente*  
*tua.* Quatuor in Deum à nobis & toti exigun-  
tur affectus. In eo quod dicit, *ex toto corde*, to-  
tam sibi vendicat voluntatem, in *tota anima*, to-  
tum amorem: in *omnibus viribus*, virtutem de-  
designat charitatis: in *tota mente*, fructum sa-  
pientiae. Primum enim ad Deum voluntas ani-  
mam mouet: amor promouet; charitas contem-  
platur, sapientia fruitur. Sapientia verò dignè  
constituitur in mente: quæ cum ideo mens  
dicatur, quod meminit, vel eminet in anima;  
bene illi adscribitur virtuti, quæ super omnes  
eminet animæ virtutes. Est enim mens vis quæ-  
dam animæ, qua Deo inhæremus, & Deo frui-  
mur. Fructio autem hæc in sapore quodam di-  
uino est. Vnde & à sapore sapientia. Sapor  
autem iste in gustu quodam est. Gustum au-  
tem istum dignè nemo potest exprimere: nec  
etiam qui meretur gustare. *Gustate, inquit, &*  
*videte, quoniam suauis est Dominus.* Hoc gustu,  
secundum Apostolum, gustatur bonum Dei  
verbum: gustantur etiam diuitiæ sæculi ventu-  
ri. Iam ergo de gustu isto, qui saporem habet  
illum, in quo sapit sapientia, subtilius inquiren-  
dum est. Primum dicendum, quia licet per gra-  
dus ad arcem sapientiae venerit, qui ascendit: ta-  
men nisi vbique in omni gradu vsque ad vltimū,  
sapientia, sicut ipsa dicit in libro sui nominis,  
quærentes se quæsiisset, & occurrisset in vijs,  
ostendens se hilariter: nec voluntas mouisset,  
nec amor promouisset: nec charitati contem-  
platio, nec sapienti prouenisset fructio. Itaque  
sicut cœperamus, prosequamur de gustu.

## CAPVT XIII.

*Sensus Ecclesie, præsertim gustus.*

*Ecclesia mē-*  
*bra seu sen-*  
*sus exponū-*  
*tur.*

**C**ORPUS Christi vniuersa est Ecclesia, tam  
veteris quam noui testamenti. In hoc cor-  
poris capite, id est prima & antiquiori vel supe-  
riori parte, quæ est primitiua Ecclesia, quatuor  
sunt sensus; visus, auditus, odoratus & tactus.  
Oculi sunt Angeli, propter cōtemplationis sub-  
tilitatem: aures Patriarchæ, propter obedientiæ  
virtutem: nares vel odoratus Prophetæ, propter  
rerum absentium notitiam. Tactus verò cōmu-  
nis est sensus. Omnes hi sensus ante Mediatoris  
aduentum in capite erant: sed languebant, infe-  
riori corpore penitus emortuo propter vnus  
sensus absentiam, id est gustus: sine cuius admi-  
niculo nec viuere corpus poterat, nec sensus vim  
sue viuacitatis obtinere. Quicquid enim ad to-  
tius corporis spectat alimentum, cunctis sensi-  
bus vniuerso corpori appone, suppone, circum-  
pone: si solus gustus decrit, quid proderit? In-  
funde auribus, intrude naribus, vel ad quamvis  
aliam partem: obesse poterit, prodesse non po-  
terit. Gustum autem quædam sequitur saporis  
dulcedo; quam in interiori suo sentiens anima,  
modo quodam singulari, & cæteris sensibus in-  
communicabili, quæ suscipit, cuncta discernit  
& dijudicat: seque omnisque sensus vegetat &  
confirmat. Gustus ergo in capitis & corporis  
confinio, id est in gutture positus, velut vtrumq;  
connectens, cum designat, qui per conditionem

carnis paulominus est minoratus ab Angelis: &  
Moysè & Helia, cæterisque Patriarchis & Pro-  
phetis per exhibitionem patientiæ & humilita-  
tis minorem quodammodo se fecit & humilio-  
rem: cum illi potenti virtute Dei & suos pro-  
sternerent inimicos: ipse verò suos doceret disci-  
pulos, *Si quis percusserit te in dextera maxilla,*  
*præbe ei & alteram.*

## CAPVT XIV.

*Christi ad homines aduentus, & vera hominis*  
*sapientia.*

**H**ic enim post Prophetas veniens & Patriar-  
chas, limes quidam legis & gratiæ, capitis  
& corporis per mysteria humanitatis suæ, & pas-  
sionis, & resurrectionis, quæcumque in lege &  
Prophetis & psalmis salubria, quæcumque cor-  
pori vitalia, vel vtilia, quasi quoddam ipsius os  
degustans, id est in se intelligens, & per se intel-  
ligenda corpori trajiciens homo Christus, inte-  
riori quodam diuinitatis sapore, quo nobis sa-  
pientia, factus est sapientia Dei Christus, sapida  
ea habet: nobisque facit sapida & vtilia. In se  
enim viuens, & per se totum corpus vegetans &  
confortans, gaudium sibi, gaudium Angelis fa-  
cit de consummatione corporis: gaudium Pa-  
triarchis & Prophetis de visione dei sui, sicut  
ipse dicit, *Abraham pater vester exultauit, ut vi-*  
*deret diem meum: vidit & gavisus est:* gaudium  
vniuerso corpori & vitam, ita vt cum quodam  
mentis tripudio vniuersali illo tactu spirituali  
viuificato & confortato clamemus. *Quod vidi-*  
*mus & audimus, & manus nostra contrēstane-*  
*runt de verbo vite.* Ideoque in omnibus oratio-  
nibus nostris subijcimus, *Per Christum Dominū*  
*nostrum:* vel quia omnes orationes nostras & sa-  
crificia ad Deum Patrē dirigimus per eum sicut  
per mediatorē nostrum: vel quia quicquid spe-  
ramus à Patre luminum, omne datum optimū,  
& omne donum perfectum, non per aurem, nō  
per nares, sed per ipsū petim⁹ infundi os nostrū,  
& gustum nostrum, & sapientiam nostram; vt  
sumentī possit esse proficuum. Hic est gustus,  
quem in Christo facit nobis Spiritus intellectus:  
intellectus scilicet Scripturarum & Sacramen-  
torum Dei. Vnde cum post resurrectionem suā  
discipulis Dominus apparuit: *tunc, inquit Euā-*  
*gelista, aperuit illis sensum, ut intelligerent Scrip-*  
*turas.* Cum enim Scripturarum interiorē sen-  
sum, & virtutem mysteriorum & Sacramentorū  
Dei, cœperimus non solum intelligere, sed etiā  
quadam, vt ita dicam, experientiæ manu palpa-  
re & tractare, quod non fit nisi quodam con-  
scientiæ sensu, & experientiæ disciplina intelli-  
gentis; imò, vt plus dicam, intus in semetipsa le-  
gentis & sentientis bonitatem & virtutem Dei,  
quā potenti bonitate cum efficaci virtute in  
filijs gratiæ, gratiæ ipsius opus operatur; tunc  
demū sapientia quod suum est exequitur. Tunc  
quos dignos iudicat vñctione sua docet de om-  
nibus: tunc appposito bonitatis Dei sigillo, om-  
nia nostra pacata vñctione illā & emollita im-  
primit & conformat: & siqua dura, siqua rigida,  
inuenit, inculcat & infrigit: donec lætitiā sa-  
lutaris Dei receptā, & sapientiæ spiritu princi-  
pali confirmata sancta anima læta ad Deum de-  
cantet. *Signatum est super nos lumen vultus tui*  
*Dominus: dedisti lætitiā in corde meo.* Vnde &  
Dominus, *Hæc est, inquit, vita æterna, ut cognos-*  
*cant te solum verum Deum: & quem misisti Iesum*  
*Christum.* Beata scientia, in qua continetur vita

*Gustus Chri-*  
*sto tribuitur*

*Matth. 5.*  
*Luc. 6.*

*Ioann. 8.*

*1. Ioann. 1.*

*Iac. 1.*

*Luc. 24.*

*Psalms. 4.*

*Ioann. 17.*

Ephes. 3.

eterna. Vita ista ex illo gustu est: quia gustare hoc est intelligere. Ex hoc gustu, per hunc saporem, in hac sapientia, minimus ille Apostolorum satiatus, exilaratus, confirmatus, *Mihi*, inquit, *minimo omnium Sanctorum data est hac gratia, in gentibus evangelizare inuestigabiles divinitas Christi: & illuminare omnes, quae sit dispensat. o sacramenti absconditi a saeculis in Deo, qui omnia creavit: ut innotescat principibus & potestatibus in caelestibus per Ecclesiam multiformis sapientia Dei, secundum praefinitionem saeculorum, quam fecit in Christo Iesu Domino nostro: in quo habemus fiduciam & accessum in confidentia per fidem eius.* Et post pauca. *Huius*, inquit, *rei gratia flecto genua ad Patrem Domini nostri Iesu Christi, ex quo omnis paternitas in caelo & in terra nominatur: ut det vobis secundum divinitas gloria sua virtutem, corroborari per Spiritum eius in interiorem hominem, habitare Christum per fidem in cordibus vestris, in charitate radicati & fundati: ut possitis comprehendere cum omnibus sanctis, quae sit latitudo, longitudo, & profundum.* Libet hic advertere, si forte in sensum Apostolicam sapientiam aliquatenus penetrare possimus.

CAPVT XV.

Quid Deo debeamus.

Debemus Deo timorem & amorem.

**C**ONTRA quatuor Dei, debemus duo. Quatuor sunt in Deo: potentia & sapientia, charitas & veritas, vel aeternitas, quod unum est. Nihil enim verè est, nisi quod incommutabile est. Ad quae duobus nobis respondere nos convenit. Potentiae quae potest nos punire, sapientiae quam nil potest latere, debemus timorem verum: id est, quem non impedit torpor securitatis, vel refugium simulationis. Simulatio autem est, vel quando fingimus laborem in precepto: vel quando irrationabilem misericordiam simulamus in Deo. Charitati & veritati debemus amorem verum: id est quem non impedit tepor affectionis, vel scrupulus suspicionis. Charitati enim quid debetur, nisi charitas? Veritas verò charitatis, & charitas veritatis, omnem remouet scrupulum suspicionis. Suspicionem autem dico, ne non amet charitas: ne decipiat veritas: ne defluat aeternitas. Vnde Paulus. *Ut possitis comprehendere cum omnibus sanctis, quae sit longitudo & latitudo, & sublimitas & profundum.* In sublimitate nota potentiam, in profundo sapientiam, in latitudine charitatem, in longitudine aeternitatem sive veritatem. Et haec est crux Christi. Et alibi idem Apostolus exprimens euidentiùs summam in nobis sapientiae virtutem. *Propterea*, inquit, *& ego audiens fidem vestram, quae est in Domino Iesu, & dilectionem in omnes sanctos, non cesso gratias agens pro vobis, memoriam vestri faciens in orationibus meis: ut Deus Domini nostri Iesu Christi Pater gloria det vobis spiritum sapientiae & reuelationis in agnitione eius, illuminatos oculos cordis vestri: ut sciat, quae sit spes vocationis eius, quae divinitas gloria hereditatis eius in sanctis: & quae sit supereminens magnitudo virtutis eius in nos qui credidimus, secundum operationem potentiae virtutis eius, quam operatus est in Christo, suscitans illum a mortuis.* Cum igitur orante Atolo, & exaudiente Deo datur nobis Spiritus sapientiae & reuelationis in agnitionem eius, id est ut agnoscamus eum, & sapiamus eum, vel sapiat ipse nobis: cum illuminantur oculi nostri, ut videamus bonum, & bona boni intelligamus, ad quae nos trahit spes vocationis eius, scilicet

Ephes. 3.

Ephes. 1.

diuitias gloriae hereditatis eius in sanctis: in his omnibus nobis bonitas vel benignitas apparet, illuminantis & vocantis: cum verò ut sequamur vocantem etiam virtus additur, per ipsam experientiam Spiritus sapientiae reuelatur nobis, quae vel quam sit supereminens magnitudo virtutis eius in nos. Ex hoc igitur, qui sic est, ex gustu diuinæ cōtemplationis palato cordis sanato: omnia discernit, omnia diiudicat. In autore omnium bonorum Christo primum ei sapit sua ad Deum conuersio, deinde peccatorum remissio: postmodum pro ira, cuius filij eramus omnes, gratiarum multiplex augmentatio. Et haec omnia non nisi per Dominum nostrum Iesum Christum. Ipse est enim mediator noster, & sapientia nostra: cuius quod stultum est, fortius est hominibus.

CAPVT XVI

Causa adventus Christi.

**N**AM cum talibus Dei bonitas abundaret, & offerret omnibus, nec esset qui reciperet, vel sciret recipere, vel recipere doceret: nec esset qui illuc posset ascendere, ubi bona haec distribuuntur, vel qui huc posset deferre: opus erat mediatore inter nos & Deum, per quem nostra propinquarent Deo, & bona Dei nobis. Inijt ergo consilium tota Trinitas: consilium illud de quo dicit Propheta, *Consilium tuum antiquum, verum fiat.* Videbat quippe Deus quantum ad hominem omnia confusa, omnia turbata: nihil stare in loco suo, nihil procedere ordine suo. Videbat hominem abiisse in regionem dissimilitudinis: tam longè, ut per se nec posset nec sciret redire. Angelus enim praesumpserat similitudinem Dei dicens: *Ponam sedem meam ad aquilonem, & ero similis altissimo:* homo similiter Deus esse voluit, cui persuasum erat, eritis sicut Dij. Ergone, inquit Deus Pater, Filius meus, splendor gloriae meae, & figura substantiae meae, in ipsa mei similitudine tot æmulos habebit, & pares, & socios? Praecipitatus est uterque. Vidēs imago Dei Deus Filius Angelum & hominem, qui facti erant ad ipsam, id est ad imaginem Dei, non tamen quod ipsa, id est imago Dei per inordinatum imaginis & similitudinis eius appetitum perijisse: heu, inquit, sola miseria caret invidia. Sed subueniendum est ei, cui subuenire non prohibet iustitia. Exhibebo igitur me homini hominem despectum & nouissimum virorum, virum dolorum, & scientem infirmitatem: ut zelet & imitetur in me humilitatem per quam perueniat ad gloriam, ad quam praepere festinat: ut possit audire à me. *Discite a me, quia mitis sum & humilis corde: & inuenietis requiem animabus vestris.* Accinxit ergo se quodammodo Dei filius: & aggressus est per humilitatem recuperare eum qui recuperari poterat, qui per superbiam perierat. Itaque inter Deum & hominem medium se faciens, qui recedens à Deo captus & ligatus erat à diabolo: hoc modo boni mediatoris & personam induit & actum. Factus est homo. Egressa est virga de radice Iesse, & flos de radice eius ascendit: & requieuit super eum Spiritus Domini; Spiritus sapientiae & intellectus; Spiritus consilij & fortitudinis; Spiritus scientiae & pietatis: & repleuit eum Spiritus timoris Domini. Intellige hic fortissimum agonothen nostrum, quasi campum mundi ingressum inungi ad palæstram oleo Spiritus sancti: & exultantem gigantem ad currendam viam dispensatio-

Quid sapias palato condit sanata.

Psal. 92. secundum 70.

Isaia 14.

Qualem se exhibuit Christus homini, ut eum redimeret. Isaia 53.

Matt. 11.

Isaia 11.

nis humanæ. Nota verò Prophetam à superioribus cœpisse, & descendisse ad inferiora: quia Mediatoris annunciabat descensum. Nos verò per eandem Spiritus sancti gratias ejusdem Mediatoris & processum operis, & ad superiora inuestigantes regressum: ab inferioribus, id est à timore incipimus. Christus ergo ad Patrem timorem habuit, sed castum, sed filialem; per quē in omnibus honori ejus detulit dicens; *Meus est cibus, ut faciam voluntatem patris mei, qui est in cœlis*, Et in Psalmo; *Latetur cor meum, ut timeat nomen tuum*: & cætera multa in hunc modum. Per quem etiam seipsum videbatur abjicere, humiliare, negligere; ut opus quod per eum fecerat Pater sed perierat, reparatum & renouatum ei posset reconsignare. Hoc igitur modo ad Patrem Mediator noster habuit timorē quasi sursum; ad miserum verò reconciliandum pietatē quasi deorsum: ad vtrumque verò scientiam, sciens quid cui esset exhibendum. Sed ad implendum ministerium mediationis suæ, cum Patris bonam voluntatem de sursum haberet; à misero autem inferiùs jacente haberet nihil; & habere aliquid ratio & ordo mediationis requireret; exegit ab eo fidem. Exegit autem fidem, prærogando pietatem. Qua exactiōe nulla poterat esse validior: quia non fuit difficile homini misero ei se credere, à quo se præuentum videbat pietate. Sed & cum se ei credere non posset sine spe; quis enim se ei crederet, in quo spem non haberet? cum fide etiam spem obtulit: cum spe etiam addens timorē, sine quo spes esse non poterat: ne scilicet desereretur à tanto Mediatore. Accepto itaque Mediator à reo suo tanto salutis pignore, ad Patrem regreditur; scilicet cum in montem ascendit solus orare; vel cum factus in agonia prolixius orabat cum sanguineo sudore. *Pater*, inquit, *clarifica filium tuum*. En quid tibi; en quid exhibeam illi. En quod à te habeo; en quod ab illo; Mediator quippe sum. Et in salutem ejus jam videntur concurrere mediationis meæ rationes; sed captus est & ligatus. Alligauit eum fortis. Et nisi fortior eo superuenerit; non diripiet vasa ejus. Sed mitte me manum tuam de alto, & eripiam captivum de inimicis ejus fortissimis in Spiritu fortitudinis, fortitudo tua & virtus tua. Scio enim quid faciā. Moriar pro nocente innocens, & plus poterit incomparabiliter bonitas mea, quam hostilis malitia; pœna innocentie meæ, quam pœna inobedientie humanæ. Et clarificami, inquit Pater; & clarificabo. Iam fortissimo mediatori opus est Spiritu consilij; quia si princeps mundi intelligeret, numquam dominum gloriæ crucifigeret. Per omnia ergo virtutem ei diuinitatis occultans, & solam ei infirmitatem carnis absque peccato præferens; per justitiam vitæ suæ inuidiam suscitauit hostilis nequitie; per infirmitatem carnis suæ spem illi contulit victoriæ; ad faciendam inuidiam accedentibus miraculis, quibus reconciliandi sui fidem in se roborabat. Deceptus antiquus deceptor, pœnam peccati, mortem scilicet atrocissimam ei inflixit, qui nullo erat peccato obnoxius. Occisus justus injuste pro justitia, nouam de inimico obtinuit justitiam; mortis scilicet injuste sibi illatæ. Quam quasi sibi non necessariam, quia absque peccato erat ipse, homini peccatori comunicans; reum absoluit per pœnam innocentie suæ. Positoque corpore suo & sanguine in

manu ejus, hoc inquit manduca, hoc bibe, hinc viue. Patrique eum repræsentans: en, inquit, Pater sanguinis mei pretium. Si de peccato hujus requiris: en pro eo meus sanguis. Domine Pater, dedisti benignitatem: & terra corporis mei dedit fructum suum. Iam justitia ante te ambulabit; & tu pones in via saluationis humanæ pedes tuos. Et ut justè jam salvetur, qui justè perierat: tu Domine fecisti directiones: judiciū & justitiam in Iacob tu fecisti. De fructu ergo hujus operis satiatus homo, mediante sapientia Dei non solum reconciliatur; sed etiam sapiens efficitur. Sapit enim ei quod manducat. Manducat & bibit corpus & sanguinem Redemptoris sui, manna cœleste, panem Angelorum, panem sapientie: & manducans transformatur in naturam cibi quem manducat. Corpus enim Christi manducare; nihil est aliud, quam corpus Christi effici, & templum Spiritus sancti. Templum autem hoc cum ornatum fuerit præscriptarum positione virtutum, & supradicto dedicandi ordine dedicatum, nullus ulterius alienos titulos potest suscipere: nullum habitantem nisi Deum, qui condidit illud & creauit. Nihil ergo ultra terrenum sancta illa anima, nihil materiale, nihil corruptibile diligit aut curat, ex quo egressa est à loco farnicarum: & si aliquo horum aliquando quasi in transitu vritur, sed frui non dignatur. Si quid in hujusmodi prosperum inuenerit, pertransit: non turbatur, si quid aduersi occurrerit. Totum sapit, quicquid capit: nec potest amanti nisi sapere, quicquid sicut saluam contigerit de capite Christo descendere. Quicquid ad corpus spectat, bonum siue malum, fortis ei est: nec pertingere potest ad eum, qui intus est. Vnde Apostolus in squalore carceris jacens & vinculis, & quantum ad corpus tribulatione coronatus & miseria, scribens discipulis, *Mittam*, inquit, *ad vos Timotheum, ut sciatis qua circa me sunt*. Quæ circa me sunt, inquit, id est in exteriore homine, in exteriore tunica carnis, quæ ad me, qui intus sum, non pertingunt.

## CAPVT XVII.

## Vera Sapientia.

**H**Æc est sapientia, de qua dicit Apostolus.

*Sapientiam loquimur inter perfectos*. De qua sic nos loquimur, sicut qui audiuius, & non vidimus: sicut loqueremur de ciuitate aliqua quam non vidimus, sed plurima de ea audiuius: de qua qui vidisset, longè aliter loqueretur, & expressius. Hæc autem sapientia oppositam sibi ex aduerso aliam habet infauti nominis sapientiam, quam dicit Apostolus principum hujus mundi, sicut nigrum albo, sicut luci tenebras: de qua dicitur. *Sapientia vincit malitiam*. Malitia siquidem est sapor mali. Vnde & à sapore sapientia. Cum igitur sapit malum, & non deest astutia vel voluntas ad exequendum: sapientia est principum hujus mundi, per omnia supernæ sapientie contraria. Hæc est enim malitia, quam odit sapientia. Siquidem ibi sapor boni est in seipso: hic sapor mali in seipso. Ibi ad exequendum præsto est prudētia: hic, ut dictum est, non deest astutia. Sed inter has duas quædam media est sapientia; quasi inter nigrum & album medio quodam colore coloratū. Quæ siue superius, siue inferius, sic se habet ad vtraque partem; ut proueniat ei finis secundum intentionem & studium vtriusque.

quam

Ioann. 4.

Psalm. 85.

Quid Christus ab homine redimendo exegerit.

Ioan. 19.

Christus injuste occisus justitiam nobis contulit.

Templum Spiritus sancti ornatum & dedicatum.

Philip. 2.

1. Cor. 2.  
Sapientia Sanctorum.

Sapientia principum mundi.

Sapient. 7.

Sapientia saculi.

Circa quid  
versetur sa-  
pientia  
mundi.

1. Cori. 8.

Psal. 101.

Rom. 1.

Ibidem.

quam dicit Apostolus hujus mundi; & quam  
mediam locauit inter sapientiam Dei, & sapien-  
tiam principum hujus mundi. Hæc circa vtile  
& honestum tota versatur; & affectata quadam  
prudencia dispensatur. Hæc pene tota est in sci-  
entia: videlicet vt sciat discernere prudenter, & di-  
judicare inter vtile & inutile, inter honestum &  
inhonestum: etiamsi non sit vitæ & moribus ac-  
commodatum. *Scientia* verò *inflat*: *charitas*  
*edificat*. Aut ergo in hujusmodi exquisitis elab-  
orant, vt tantum sciant, quod tantummodo ser-  
uit curiositati: aut vt videantur, seu sciantur  
scire, quod seruit vanitati. Et hoc eorum stu-  
dium tantum potest proficere, & in alta se ex-  
tollere: quantum potest ratio sine amore. Si-  
quidem hæc philosophia in scientiam rerum  
humanarum & diuinarum diuiditur. Quamdiu  
est in humanis, sic interim sibi est. Quando verò  
ad diuina se exaltat: quantum altius ascendit, tan-  
to inferius cadit: & impletur in eo, *quia eleuans*  
*alligasti me*. Ed siquidem aliquando conatu na-  
turalis ingenij prouehitur, vt sicut dicit Apo-  
stolus, *quod notum est Dei*, id est, quantum de  
Deo ratio potest comprehendere, *notum sit illis*:  
ita vt in illis, id est intra semetipsos. Deus enim  
illis reuelauit: qui sic eos creauit, vt in seipsis ha-  
beant, vnde naturaliter Deum cognoscant. Sur-  
gunt enim de Ethica sua in quandam Physicam,  
& inuisibilia Dei à creatura mundi per ea qua fa-  
cta sunt intellecta conspiciunt; sempiternam quoque  
ejus virtutem & diuinitatem, ita vt sint inexcusa-  
biles; videlicet, quia nolunt ulterius procedere,  
vel proficere, cum possint, in verâ scilicet Theo-  
logiam: *quia cum cognouerint Deum, non sicut*  
*Deum glorificant, aut gratias agunt: sed euanes-  
cunt in cogitationibus suis, & obscuratur insipiens*  
*cor eorum*. Dicentes enim se esse sapientes, stulti  
facti sunt. Et qui Theologiam insipienter per-  
diderunt: etiam de physica miserabiliter cadunt:  
cum gloriam mutant incorruptibilis Dei in simi-  
litudinem imaginis corruptibilis hominis, & volu-  
crum, & quadrupedum & serpentum. Propter  
quod neque in Ethica permanere permittuntur:  
sed tradidit illos Deus in desideria cordis ipsorum  
in immundiciam, vt contumelijs afficiant corpora  
sua in semetipsis: tradidit illos in reprobum sensum;  
vt faciant, qua non conueniunt. Sed sapientia sem-  
per vincit malitiam: quæ contubernium habens  
Dei, nouit semper proficere, & nunquam de-  
ficere. Et attingens à fine vsque ad finem forti-  
ter, disponit omnia suauiter: sapienter se agens  
in diuinis, cautè in physicis, prudenter in mo-  
ralibus.

Sapiens ani-  
ma vt de  
rebus judi-  
cet, &c.

Sapient. 7.

Igitur sapiens anima, sicut supradictum est, ab  
omnibus alienis affectibus defœcata, Deum tan-  
tummodo sapiens, hominem in homine exuit,  
Deoque plenè & in omnibus affecta, omnem in-  
fra Deum creaturam non aliter quàm Deus at-  
tendit, in luce & virtute sapientiæ omnia dispo-  
nens & ordinans: sic agens, sic de eis judicans,  
sicut est, sicut viuut: faciens iudicium & iustiti-  
am de eo vnde est, & vnde viuut. Est enim sapien-  
tia, sicut ipsa dicit, candor lucis æternæ, & spe-  
culum sine macula Dei maiestatis: & emanatio  
claritatis omnipotentis Dei sincera, & vapor  
virtutis ejus. Ideo sapiens anima sicut candorem  
lucis æternæ intra se gerit, & speculum Dei ma-  
iestatis, sic cum in creaturam se exponit, expri-  
mit & exhibet imaginem bonitatis & iustitiæ  
Dei: & sicut virtute Dei vaporatur interius, sic

claritatis & charitatis Dei emanationem effun-  
dit exterius. Vnde & alibi dicit Salomon. *Sa-  
pientia hominis lucet in vultu ejus*. Et alibi, *Ocu-  
li*, inquit, *sapientis in capite ejus*: quia non aliud  
de, quàm de naturali & interna virtute cerebri  
sui, id est sapientiæ, exterius se effundunt, & à  
capite non recedunt. Dicit Salomon. *Multitu-  
do sapientium, sanitas est orbis terrarum*. O feli-  
ces res humanas, si vbique sapientibus seruirent  
insipientes. Sed & felices res humanas, dicit  
quidam philosophus: si aut soli sapientes re-  
gnent, aut philosophentur omnes qui regnant.  
Sed cum sapienter fugiunt sapientes regnare;  
& insipienter fugiunt insipientes sub sapienti-  
bus esse: omnia desipiunt, omnia confunduntur  
& turbantur. Sapientes latent & delitescunt:  
pueri regnant & principantur: & sunt princi-  
pes, qui mane comedunt. Et *va terra illi*. Sed ad  
propositum redeamus. Anima igitur spiritu sa-  
pientiæ illustrata, quia diligit iustitiam, & odit  
iniquitatem; propterea vnxit eam Deus oleo  
lætitiæ, quo vnctus est Christus præ participi-  
bus suis: & quam perfudit Deus gratia, omni-  
bus placet, ab omnibus amatur. Ipsi etiam, qui  
ex aduerso sunt videntes hujusmodi, timent &  
reuerentur: quia etsi bonum in bono imitari  
non vult indurata nequitia: dissimulare tamen  
non potest natura.

Eccle. 8. & 2

Sapient. 6.

Plato.

Eccle. 10.

#### CAPVT XVIII.

*Sapientium lingua Angelica, & sensus beati.*

INTE & se autem sapientes habent quandam  
priuatam gratiam, & quandam linguam An-  
gelicam, linguam Angelorum, qua inter se lo-  
quuntur mutuis affectibus, spirituali quadam  
gratia communicantibus in hoc ipsum extero-  
ribus aspectibus: quam linguam nullus nouit,  
nisi rex Angelorum & Angeli ejus, & qui sunt  
ex genere Israël, & ciues Ierusalem. Nullus eam  
nouit Ægyptius: nullus Chananæus. Sicut enim  
in sanctitate vitæ, & hominis interioris glorifi-  
catione, & contemplatione, & fruitione diui-  
nitatis, jam futuræ vitæ beatitudinem prælibare  
in hac vita videntur, & initiari: sic etiam de cor-  
porum suorum glorificatione, quam plenè ibi  
percepturi sunt, in hac vita non nihil perci-  
piunt. Excepta etiam illâ gratiâ, de qua diximus,  
qua habitantes in vnum seipsis in Deo, & Deo  
in seipsis fruuntur, ipsius carnis sic sentiunt e-  
uanuisse omnes contradictiones: vt vniuersa  
substantia carnis non sit eis nisi instrumentum  
boni operis. Nam etsi ipsius miserijs & infirmi-  
tibus contabescunt: sed ex hoc ipso in interi-  
ori homine fortius inualescunt. *Quando enim*  
*infirmor: tunc fortior sum & potens*, dicit Apo-  
stolus. Sensus ipsi nouam quandam percipiunt  
& prope spiritalem gratiam. Oculi simplices;  
aures temperantes. Aliquando in seruire ora-  
tionis tanta odoris ignoti cuiusdam spirat fra-  
grantia, tanta gustus etiam non gustando sua-  
uitas, tantum per mutuum tactum spiritualis  
charitatis incentiuum: vt videantur sibi intra  
seipsos spiritualis cuiusdam voluptatis gerere  
paradisum. Vultus etiam, & torus corporis  
compositione, vitæ & morum & actuum deco-  
re, mutæ etiam seruitutis vel deuotus exhibi-  
tionibus vel pijs susceptionibus, sic cuiusdam  
gratiæ beneplacito sibi invicem conueniunt &  
coniunguntur: vt verè sint cor vnum, & anima  
vna. Nimirum futuram corporum suorum glo-  
riam jam hic inchoant ex puritate conscientie

2. Cor. 12.



& mutue conuersationis gratia: perfecte cam habituri in futura & perenni vita. Sicut enim nunc viuentia omnia solis claritate perfunduntur, & ab inuicem perfundi videntur: sicut nos inuicem hic viuere videmus, nec tamen vitam qua viuimus videmus: sic in illa vita videbitur Deus à singulis in omnibus, & ab omnibus in singulis: non quod corporalibus oculis videatur diuinitas: sed præsentiam diuinitatis glorificatio corporum demonstrabit manifesta quadam sui gratia. Ad hoc etiam in hac vita corporalium sacramentorum valet religio: quia cum vix aliquid, nisi corpora & corporalia intelligamus: quamdiu in imagine pertransimus, corporalibus religamur sacramentis, ne à Deo recedamus. Vnde etiam à religando religio dicitur. Cum verò fidelis anima talibus erudita talibus incipit non indigere, & à corporalibus transire ad spiritualia; à spiritualibus ad spiritualium & corporalium conditorem: hoc verè erit exire à sarcinis. Relicto enim corpore & corporeis omnibus curis & impedimentis, omnium quæ sunt, præter Deum obliuiscitur: nihilque præter Deum attendens, & quasi se solum solumque Deum æstimans: *dilectus*, inquit, *mens mihi; & ego illi*. Quid enim mihi est in celo; & à te, quid volui super terram? Defecit caro mea & cor mouit: Deus cordis mei & pars mea Deus in æternum.

## CAPVT XIX.

*Mors est transitus & Pascha.*

DEINDE venit ad mortem. Hunc enim transitum ad vitam miseri infideles mortem appellant: fideles autem quid, nisi Pascha? In morte ergo corporali perfecte moritur mundo: ut perfecte viuat Deo. Ingreditur locum tabernaculi admirabilis: ingreditur vsque ad domum Dei. Et omnibus bene & secundum ordinem procedentibus, sicut in principio diximus, pondus suum vnumquodque defert in locum suum: corpus in terram, de qua assumptum est, tempore suo resuscitandum & glorificandum; spiritum ad Deum, qui creauit eum. Sed quis iste transitus ad Deum? Diruptis omnibus obligamentis, superatis omnibus impedimentis, perfecta beatitudine, perenni dilectione, ex hoc iam perfecte Deo inhæret, vel potius vnitur, verè sancta anima: intantum ut efficiatur vna ex illis, quibus dicitur. *Ego dixi dy estis; & filij excelsi omnes*. Hic est finis eorum, qui proponunt Ierusalem in principio lætitiæ suæ: quos vnctio Sancti Spiritus docet de omnibus: qui ascensiones in corde sapienter disponunt, de virtute in virtutem, donec videatur Deus Deorum in Sion: Deus Deorum, beatitudo beatorum, gaudium bene gaudentium, vnum denique bonum, summum omnium bonorum. A fine boni propositi, in principio ascensionis, vsque ad hunc finem omnis consummationis, sapientia attingit fortiter, fortitudinem ascendentis ad se custodiens, ne in ascensu deficiat: *suauiter disponens omnia*, & aduersa & prospera: omnia ei in bonum modificans & componens, donec animam ad principium suum reducat, & abscondat in abscondito faciei Dei. Scire autem debet omnis sapiens ascensor, non sic esse gradus hujus ascensionis, sicut gradus scælæ: ut singuli affectus isti suis tantum temporibus, & non alio tempore, sint necessarij. Habet quippe vnusquisque affectus in ascensus ordine tempus

suum & locum, quo cooperantibus alijs affectibus suas videatur partes sollicitius exequi: sed omnes tamen sibi concurrunt & cooperantur, præueniunt & sequuntur: & sæpe sunt primi nouissimi, & nouissimi primi.



## ORATIO D. GUILLELMI,

*Qua Christum orat, ac demum ad animam suam reflectit sermonem.*

DOMINE Iesu Christe, veritas & vita, qui veros adoratores Patris tui futuros denuntiasti, qui eum adorabunt in spiritu & veritate: libera obsecro, animam meam ab idolatria: libera eam, ne quærens te, incidat in sodales suos, & errare incipiat post greges eorum in sacrificio orationis suæ: sed tecum cubet, de te pascatur in meridiano feruore amoris tui. Quia enim naturali quodam sensu suo à principio suo, tuam quodammodo quasi somniar faciem, ad cuius imaginem condita est: sed vel desueuit, vel non assueuit, aliam pro illa recipere non acquiescit, cum multæ se offerant in hora ascensionis suæ. Sed intentionis suæ aciem colluctans dirigere in eam, nec videns eam, nonnumquam præueniri etiam ab ea sentit intentionis ipsius conatum: sæpe verò non nisi in graui sudore vultus sui comedere potest panem suum, in pœnam antiquæ maledictionis: sæpe verò nec sic, nec sic, sed in domum paupertatis suæ redire cogitur pauper & famelica. Aut enim citò proficit: aut citò deficit. Sicut enim in oculo non prodest ad visum pupilla, si naturalem de se radium emittat; si viam aëris qua trāsfit puram & claram inueniat; nisi corpus offendant citius quo destinatur, & in quo desinat: qui si pergat longius, rectam intentionem lassatus non obtinet; sed scissus in partes diuiditur & deperit; sic in contemplantis vel orantis intentione si intellectus rationis aut amoris certum aliquid de te non habeat, quod citius apponat, ubi requiescat affectus, finemque faciat intentionis, & offerat & deponat fructus deuotionis; contemplatio hebescit, oratio tepescit, intentio lassatur, intellectus infirmatur, ratio nihil potest. *Sed quid mihi est in celo: & à te quid volui super terram?* Si enim orans quæro te in celo isto pulchro quidem, sed corporeo, quod sursum video, pari modo erro, quàm si quæram te in terra quam calco; vel in aliquo quolibet loco, vel extra locum, loco quem creasti includo te, vel excludo. Si formam aliquam, vel formatum aliquid imaginer mihi pro te Deo meo, idolatra fio. O veritas, responde obsecro. *Rabbi ubi habitas? Veni*, inquit, *& vide*. Non credis, quia ego in Patre: & Pater in me est? Gratias tibi Domine, nonnihil profecimus: locum tuum inuenimus. Locus tuus, Pater tuus; locus quoque Patris tu es. Ab hoc ergo loco localis es. Sed ista tua localitas longè altior & secretior, quàm aliqua illocalitas. Ista localitas vnitas est Patris & Filij: consubstantialitas Trinitatis. Quid igitur? Num solummodo inuenimus locum Domino? Imò, o anima, enitere quantum potes, non tam rationis effectum quam amoris affectu: & si locus Dei Deus est, si ista localitas Trinitatis est consubstantialitas, remotis om-

Religio unde dicta.

Cantic. 2.

Psal. 72.

Eccle. 12.

Psal. 81.

Sapient. 7.

Ioan. 4.

Genes. 3.

Psal. 72.

Ioan. 1. & 14

Quis locus Patris. aut. Filij.

nibus vñtatis locorum vel localium imaginationibus, intellige te Deum in seipso inuenisse, ipso ostendente; qui tantò veriùs & certius est, quantò ex seipso, in seipso, per seipsum est, quod est: & sicut de veritate diffiniunt antiqui illi Philosophi, sic habet esse vñde est, vt nihil possit esse, vñde ei esse possit, non esse. Quid certius, quid solidius, quò nostra intentio se dirigat, quod affectus apprehendat? Sed & si in oratione nostra aliquando pedes Iesu tenemus, & ad humanitatis ejus formam, sicut vñā cum filio Dei personam, quasi corporeum quemdā affectum formamus, non erramus: sed tamen

spiritualem tardamus & impedimus orationem: & dicit ipse nobis. *Expedi vobis, vt ego vadam. Nisi ego abiero; paracletus non veniet ad vos.* Si vero ignauia & inertia omnino manus dantes, de profundis ignorantia ad Deum quasi de clauso carcere clamemus, & audiri tantum volumus, nec vultus ejus gratiam curamus, ad quem clamamus: & siue ab irato, siue placato detur, quod petimus, non perpendamus, dum tantum accipiamus: sufficiat ei qui ejusmodi est, quòd à Deo accipit: quia nec magnum quid à Deo nouit petere; nec magnum est, quod accipit.

Joan. 16.



## LIBELLVS, SEV TRACTATVS

DE

EXPOSITIONE MISSÆ, ET SIGNIFICATIONE QVORUMDAM, quæ fiunt in ea.

EIDEM BEATO GVILLELMO S. THEODORICI ABBATI,  
In Codice manuscripto Vallis-clara ascriptus.

**N**ON ausim asserere, hunc libellum esse Guillelmi nostri, cùm illius non meminert, vbi recensuit sua opuscula. Quòd autem alij quoque illius non meminert, non me admodum mouet: quia illi ex eodem Guillelmo Catalogum operum ejus mutuati sunt. Posset quoque quis dicere, authori ipsi, cùm suos libros recenseret, excidisse e memoria hunc breuem Tractatum. Magis me mouet, quod stylum non habeat Guillelmi hic Tractatus. Sed quidquid sit, cùm inter opuscula sancti Thomæ collocatus sit, etiam in vltima editione Parisiensi, ab ijs, qui faterentur, non videri illum esse sancti Thomæ: aquo jure eundem inter opera Guillelmi nostri reposui, codicem prædictum Vallis-clara secutus.

## CAPVT PRIMVM.

Causa Missæ, differentia, finis, virtus, ordo, ratio, & utilitas.

**I**N virtute sanctæ Crucis & Sacramenti altaris magna est conuenientia, & magna efficacia, cùm per vtrumque excludantur contraria, & renouetur & sanctificetur Ecclesia. Duplici autem ratione renouamur, vt scilicet prius exuamur à vetustate, deinde induamur nouitate. Septem sunt quæ in Sacramento Altaris attenduntur vniuersaliter, scilicet quæ sit causa Missæ, quæ differentia, quis finis, quæ virtus, quis ordo, quæ ratio, & quæ utilitas. De causa Missæ. Causa Missæ est tripartita, scilicet honor sanctorum, salus viuorum, & requies defunctorum. Præmittitur autem quasi prologus oratio, & inuocatio Trinitatis, in quo prælibatur, & ostenditur quæ sit causa Missæ sequentis. *Suscipe sancta Trinitas*, &c. Ibi continetur, vt sanctis proficiat ad honorem, nobis autem ad salutem, defunctis ad requiem. Tripartita est ergo differentia: nam secundum differentiam partium Ecclesiæ tres sunt Missarum differentia,

vt scilicet alia dicatur pro sanctis, alia pro viujs, alia pro defunctis fidelibus. Sunt enim tres partes Ecclesiæ, scilicet pars in exultatione, pars in peregrinatione, & pars in expectatione. In exultatione sunt sancti, qui Christi vestigia sunt secuti: in peregrinatione sunt viujs, subiacentes varietati, & tribulationi: in expectatione sunt fideles defuncti, qui expectant opem, & requiem. Secundum harum trium partium differentiam, sunt tres differentia finium Missarum, & Officiorum. Alium enim finem habet Missa pro sanctis, quia *Ite Missa est*: alium finem Missa pro viujs, quia *Benedicamus Domino*: & alium finem Missa pro defunctis, quia *Requiescant in pace* dicitur. In fine Missæ pro sanctis, inuitamur ad illam gloriam, in qua sancti jam requiescunt, per *Ite Missa est*, q. d. hostia à Patre nobis missa est, vel à nobis ad Patrem remissa est, idèd *Festinate ingredi ad illam requiem*. Finis verò Missæ pro viujs, hortatur nos qui sumus in hac peregrinatione; vt demus iugiter Deo benedicti.

Tres sunt partes Ecclesiæ.

Septem notantur in Sacramento Altaris.

H ij

Psal. 113.

Septem ordines crucis faciendæ in Missa. Initio Canonis sacri.

onem, & gloriam, juxta illud. *Nos qui vinimus, benedicimus Domino, &c.* In fine Missæ pro defunctis, eis optamus requiem per *Requiescant in pace*, quod in principio petimus: similiter per *Requiem æternam, &c.* De virtute Missæ. Crux Christi est, quæ Sacramentum est Altaris, & quæ Sacramentum Ecclesiæ consecrat & sanctificat: De Ordine Crucis in serie Canonis. Et nota quod septem ordines Crucis in serie Canonis sunt, quos Spiritus sanctus multa sapientia ordinavit. Primus ordo est, à, *Te igitur clementissime Pater*, usque ad, *Quam oblationem*: secundus est, à, *Quam oblationem*, usque ad, *Qui pridie*, & tertius est à, *Qui pridie*, usque ad, *Vnde & memores*: quartus est ab, *Vnde & memores*, usque ad, *Per quem hæc omnia*: quintus est, à, *Per quem hæc omnia*, usque ad, *Per ipsum*: sextus est, à, *Per ipsum*, usque ad, *Pax Domini*: septimus est à, *Pax Domini*, usque ad finem Missæ. In singulis autem ordinibus sunt causæ profundæ, & rationabiles mouentur quæstiones, quas spiritus cui vult claudit, & cui vult aperit. In primo ordine Canonis tria apponimus, & pro tribus rogamus Deum, & tria petimus, & ideo tres cruces facimus.

## CAPVT II.

*Quare in Missa ponantur panis, & vinum, & aqua.*

Prima causa.

Secunda causa.

Ezech. 36.

Cur altare in loco sublimi.

Verb. Cano.

Tertia causa.

**T**RIA apponimus, id est, panem, vinum, & aquam. Quare autem ista tria potius quam alia apponuntur, quæstio oritur. Tripartita verò causa est. Prima causa, quia inter omnia humanæ vitæ sustentandæ necessaria, præcipua sunt panis, vinum, & aqua, & magis communia, & utiliora, & magis necessaria: propterea, potius debuerunt apponi, quam alia, & in illud quod melius & utilius est omnibus, & super omnia ad vitam capeßendam magis necessarium, transformari, id est, in Corpus & Sanguinem Christi. Secunda causa est, quia in his, res ipsa, & virtus Sacramenti intelligitur: sine qua, ad hoc Sacramentum indignè acceditur, & ad iudicium non ad salutem sumitur. In aqua enim intelligitur fides quæ latet, & nutritur in aquis. In vino, quod lætificat, & accendit, intelligitur spes. In pane, qui confirmat & reficit, intelligitur charitas. Vel in pane qui corroborat, intelligitur Pater, qui est omnium fortitudo. In vino, quod lætificat, intelligitur Filius, qui est gaudium omnium nostram, quod nemo tollit à nobis. In aqua quæ mundat, & lauat, intelligitur Spiritus sanctus: unde, *Effundam super vos aquam mundam, & mundabimini ab omnibus iniquitatibus vestris*: vel in aqua intelligitur munditia castitatis, in pane fortitudo, & opera pietatis, in vino quod accendit, rectitudo intentionis. Hæc enim tria accedentibus ad Altare ita necessaria sunt, ut sine his cum salute nemo accedere possit, ideo in eminentiori loco paratur Altare, ut ascensuri his gradibus studeant seipsos præparare. Vnde in quarto ordine Canonis antequam dicamus, *Panem sanctum vitæ æternæ; & Calicem salutis perpetuæ*, pro necessario offerimus, *Hostiam puram, Hostiam sanctam, Hostiam immaculatam*; sed de his in consequentibus dicendum est. Tertia causa est, quare prædicta tria apponantur, scilicet panis, vinum, & aqua: quia pro tribus generibus hominum rogamus; etiam trina nobis donari petimus. Igitur secundum hoc, tria, panem, vi-

num, & aquam ponimus, pro tribus autem rogamus. Primò, simul generaliter pro omnibus, ubi dicimus, *In primis quæ tibi offerimus pro Ecclesia, &c.* Secundo, pro familiaribus nostris absentibus, ubi dicimus: *Memento Domine famulorum famularumque, &c.* Tertiò, pro circumstantibus, ubi dicimus, *Et omnium circumstantium*. Tria etiam petimus, primò ut dies nostri disponantur in pace: secundò, ut eruiamur ab æterna damnatione: tertiò, ut mereamur numerari in dominico grege: quæ omnia ibi habemus, ubi dicimus: *Diesque nostros in tua pace disponas, atque ab æterna damnatione nos eripi, & in electorum tuorum iubeas grege numerari*. Quia ergo tria ponimus, tria rogamus, tria petimus, propterea tres cruces facimus, ut per virtutem crucis primò quæ apposita sunt benedicantur: secundò, ut hi pro quibus apponuntur, roborentur: tertiò autem, ut quæ petimus, impetrentur. *Quare primò tres cruces facimus*. Soluta ergo est hæc quæstio, quare in hoc ordine tres cruces fiant, ut quando dicimus, *Hæc dona, hæc munera, hæc sancta sacrificia illibata*, scilicet maiestati diuinæ, ut hæc dona referantur ad naturam, hæc munera ad gratiam, hæc sancta sacrificia illibata ad incorruptionis gloriam. Quare autem hoc Sacramentum iteretur, vel quomodo benè sumatur, vel quid benè sumptum operetur, vel quare sub hac specie Sacramenti veritatis lateat, rationabiles quæstiones oriuntur.

## CAPVT III.

*Cur hoc sacrificium reiteretur.*

**Q**UARE hoc Sacramentum iteretur, triplex est causa. Prima est, ut qui quotidie labimur, per hoc quotidie releuemur. Secunda, ut sicut in medio Paradisi erat lignum vitæ, ita sit Corpus Christi assidue in medio Ecclesiæ, quo criminaliter peccantes arceantur, donec per pœnitentiam satisficientes, ad hoc & per hoc reconciliati reuertantur, vel redeant. Tertia est, ut per hoc vnum Corpus efficiamur cum Deo. Vnde. *Qui manducat carnem meam, Ioan. 6. & bibit meum Sanguinem, in me manet, & ego in eo*. Deinde benè sumitur, si quis per fidem integram, confessionem puram, & pœnitentiam dignam ad hoc præparatur. Deinde sumptum tria operatur. Primò peccata purgat, secundò virtutes roborat, tertiò in vitam æternam resuscitat. *Qui manducat meam Carnem, & bibit meum Sanguinem, habet vitam æternam, & ego resuscitabo eum in novissimo die*. Quare hoc Sacramentum speciebus sit velatum, quare sub specie Sacramenti veritas lateat, vel veletur, triplex est causa. Prima est interrogatio fidei. Secunda augmentum meriti. Tertia defectus infirmi. Primò enim homo fidem interrogat, ut interrogando prober & consentiat. Secundò, ut per fidem probatam majus meritum acquirat. Tertiò, ut nostræ infirmitati parcat, dum seipsum in suæ maiestatis claritate non manifestat: sed sub quodam velamine occultat. In primo ordine petimus, ut quæ apposita sunt, benedicantur. In secundo verò petimus, ut quæ in primo benedicta sunt, in verum, & summum sacrificium transformetur. *Quare secundò facimus quinque cruces*. Quinque verò cruces facimus: quia quæ benedicta sunt, in id transformari petimus, quod in quinque præcellit omnibus, scilicet in triplici prærogativa & chari-

Verb. Cano.

Tria ponimus, tria rogamus, &amp;c.

Ioan. 6.

Ibidem.

Quare sacramentum hoc velatur.

tate gemina : idèd dicimus, *benedictam*, omni scilicet plenitudine gratiarum ; *ascriptam*, summa dignitate & honore : *ratam*, summa & æterna potestate. Sed quia hic triplex prærogativa parum nobis prodesset, nisi charitatem geminam exhiberet, propterea dicimus, *ut nobis corpus & sanguis fiat dilectissimi Filij tui Domini nostri Iesu Christi* : cujus charitas gemina fuit, quā habuit ad Patrem & gregem, Patri obediendo, & pro grege moriendo ; vel charitas gemina, qua corpus & animam posuit. Aliter ; vel idèd quinque cruces facimus, ut ex prædictis quinquē necessaria nobis impetremus, scilicet ex participatione Sanguinis remissionem peccatorum ; ex participatione Corporis, unitatem & societatem sanctorum : ex summa & æterna potestate, timorem & sollicitudinem mandatorum : ex summa dignitate & honore, honestatem vitæ & morum : & ex plenitudine gratiarum impetremus plenitudinem præmiorum.

## CAPVT IV.

*Cur in ordine tertio due tantum fiant cruces, & hic fiat consecratio ; ad quam tria requiruntur, sicut ad alia sacramenta.*

**I**N tertio ordine petimus, ut quæ in primo & secundo benedicta sunt, in verum & summum sacrificium Corporis & Sanguinis Christi transformentur, & idèd duas cruces facimus. Et nota, quòd iste ordo breuior est, quàm alius : sed profundior & magis sapientia plenus. Vnde in hoc duplex quæstio mouetur : prima est, quare non nisi duæ cruces fiant : secunda, quare in hoc ordine potius quàm in cæteris, substantia panis & vini in verum corpus Christi & Sanguinem transeat. Solutio primæ quæstionis est. Quia nulla alia nisi hominis natura sola duplex redimenda erat, scilicet corpus & anima. In hoc autem ordine, nostra Redemptio & reparatio celebratur, per quam humana natura liberatur ; & idèd duplex crux fit hic, propter redemptionem duplicis naturæ. Solutio secundæ quæstionis est : quia triplex est ordo, scilicet naturæ, iustitiæ & gratiæ. Ordine naturæ flos præcedit fructum, ordine iustitiæ pœna sequitur peccatum, ordine gratiæ superabundat gratia peccatum, & misericordia impenditur, ubi nullum præcedit meritum. Et idèd nec natura potuit, nec iustitia debuit, ut panis & vinum fieret corpus vel caro & sanguis ; sed sola gratia diuina hoc potuit & voluit, hoc fecit & facit : sicut etiam sunt tria tempora : scilicet tempus ante legem, tempus sub lege, & tempus post legem, vel tempus gratiæ. Venit Dominus Iesus Christus, qui hoc Sacramentum celebravit & instituit, sicut & in hoc tertio ordine Canonis de pane & vino, Corpus & sanguinem consecrat & conficit. Et nota, quòd hæc tria ad hoc Sacramentum sunt necessaria, scilicet Ordo, actio, & intentio. Ordo, ut sit Sacerdos ; actio, ut verba proferat, quæ Christus dixit in cœnâ : intentio, ut ad hoc proferat. Et hæc tria requiruntur in alijs Sacramentis, præterquam in baptismo, qui est necessitatis. Quandoque verò proferuntur jocose verba pertinentia ad Sacramenta, vel ad instruendum ignaros : & non habent tunc efficaciam illam vel effectum Sacramenti. In quarto ordine præsentem vero & summo Sacerdote, jam apud Patrem innotef-

cunt preces nostræ, præsentem summa & vera hostia, tam minor prætenditur mora, trium magnalium quæ fecit celebratur memoria, ut tam per eum, quàm per ea quæ fecit, Patris flectatur clementia.

## CAPVT V.

*Cur ex ordine quarto fiant quinque cruces : & de extensione brachiorum Sacerdotis.*

**Q**UINQUE ergo cruces facimus, non quòd eum qui præsens est, Sanctum Sanctorum sanctificemus, sed ut per ejus præsentiam offeramus & sumamus Hostiam salutarem ; & eidem conformati Sanctorum consortijs mereamur admitti. Dominus enim noster Iesus Christus in Passione sua fuit Hostia pura, in Resurrectione fuit Hostia sancta, in Ascensione Hostia immaculata : panis vitæ æternæ esurientibus, Calix salutis perpetuæ iustitiam facientibus. Ei ergo assimilari, & conformari debemus, qui ad ipsum offerendum & sumendum accedimus.

Sed quia hoc non potest fieri, nisi Passionem, Resurrectionem, & Ascensionem ejus studeamus imitari ; propterea trium istorum memoriā facimus, cum dicimus : *Vnde & memores Domini Iesu Christi* *Filij tui Domini Dei nostri, tam brava Passionis, nec non ab inferis Resurrectionis, sed & in caelos gloriosa Ascensionis*, ut scilicet in imaginatione Passionis per mundiciam castitatis sumus pueri, & offeramus Hostiam putatā : ex imitatione Resurrectionis obtineamus rectitudinem intentionis, & offeramus Hostiam immaculatam : ex perceptione panis sancti, vitæ æternæ obtineamus virtutem & fortitudinem charitatis : & participatione Calicis salutis perpetuæ, obtineamus magnitudinem & æternitatem. Tria ergo in hoc ordine sancto præcedere inuimus, quia tria prædicta necessario primum offerre debemus, ut ad panem sanctum vitæ æternæ, & ad Calicem salutis perpetuæ, digne perueniamus. Alia ratio, quare quinque sunt cruces in isto quarto ordine. Vel idèd quinque cruces facimus, quia propter quinque rogamus, & quia quinque petimus. Propter quinque rogamus. Primo generaliter pro fidelibus vivis omnibus, ibi. *Supra quæ propitio ac sereno vultu respicere digneris*. Secundò specialiter pro Altaris sacrificio participantibus : ibi, *Supplices te rogamus, & cætera, ut quotquot*, &c. Tertiò pro defunctis familiaribus, ibi, *memento etiam Domine famulorum famularumq; tuarum*, &c. Quarto generaliter pro fidelibus defunctis omnibus, scilicet *ipsis & omnibus in Christo*, &c. Quintò quinq; petimus ; duo scilicet nobis, id est vivis, & tria fidelibus defunctis. Duo nobis, scilicet, *ut omni benedictione celesti & gratia replamur*. Tria fidelibus defunctis, scilicet *refrigerij sedem, quietis beatitudinem, & luminis claritatem*. Ideoque in hoc quarto ordine de omnibus Patribus, qui ante legem fuerunt, scilicet Abel, Abraham, Melchisedech, præcipue ponitur memoria : quia in eorum personis & sacrificijs, personæ, & sacrificium Christi præfigurabatur.

Verba Canonis.

Quinque necessaria petenda.

Verba Canonis.

Verba Canonis.

Tria ad hoc sacramentum necessaria.



## CAPVT VI.

*Quare ponuntur duo ordines, Sanctorum, noui Testamenti.*

**S**ep quare in hoc ordine, & in primo ordine Canonis, duo ordines Sanctorum noui Testamenti ponuntur; in primo verò ordine plures & maioris auctoritatis sancti commemorantur. Quia cum in isto officio & ministerio, mirabilia & incomprehensibilia agantur, id est substantia panis & vini in veram Carnem, & verum Sanguinem Christi consecratur; maioribus & pluribus auxilijs indigemus. In hoc verò, id est in quarto ordine, id est post consecrationem, & pauciores, id est quindecim, & minores sancti ordinantur, vt per virtutem Sacramenti, quod tractamus & offerimus, eorum adiuti precibus, & meritis, quindecim charitatis gradibus ascendamus, & inuicti ad Sanctorum consortium transeamus. Multò ergo maius est & mirabilius substantiam panis & vini in verum Corpus & Sanguinem Christi conuertere, quàm in Sanctorum consortium admitti.

## CAPVT VII.

*Quare in quinto ordine fiant tres cruces.*

*Trium personarum dominarum benivolentiam captamus in 5. ordine.*

**I**n quinto ordine, vt petitionum nostrarum consequamur efficaciam, captamus beneuolentiam triplicem: quia commendamus personam Patris, personam Filij, & personam Spiritus sancti. Commendamus personam Patris per ineffabilem potestatem, vbi dicimus, *Domine Sancte Pater*, &c. personam Spiritus sancti per multiplicem largitatem, vbi dicimus, *& prestat nobis*: personam Filij, vbi dicimus, *per quem hæc omnia*, per mirabilem sapientie profunditatem, qua ita ordinauit Canonem, vt ad verbum creationis crucem non faciamus, ad tria autem consequentia faciamus, scilicet *sanctificas, vinificas, benedicis*. Et quare ter? hæc est causa: quia humana natura ex statu pristinae conditionis, nec habuit profectum virtutis, nec stabilitatem boni operis, nec consummationem beatitudinis. Ex prima ratione creationis pollebat naturali ratione, gaudebat arbitrij libertate: per se autem non poterat stare nec proficere sine gratia adiutrice, & sanctæ Crucis virtute. Ex virtute autem sanctæ Crucis & gratiæ adiutricis, stabilis efficitur & benedicta, propterea ad primum verbum creationis non facimus signum Crucis. Et adhuc tria facimus, *sanctificas*, scilicet fide & remissione peccatorum: *vinificas*, scilicet Sacramento fidei & virtute bonorum operum: *benedicis*, scilicet plenitudine bonorum operum, & consummatione bonorum. Idè ergo tres cruces facimus: quia per ejus virtutem & amorem tria obrinemus, quibus super omnia indigemus. Vel commendamus personam Filij per multiplicem potestatem, ostendentes eum esse, primò Deum naturæ, secundò Deum veniæ, tertio fontem vitæ, quarto Regem gloriæ. Prima potestas est: quia potest omnia ex nihilo creare: secunda est, quia potest peccata dimittere: tertia est, quia potest gratiam & virtutem dare & augere: quarta, quia potest emendatos, vel perseverantes in bono, gloria & beatitudine coronare. Et, *per quem Domine hæc omnia semper bona creas*, ecce Deus naturæ: *sanctificas*, ecce Deus veniæ: *vinificas*, ecce Deus fons vitæ, & plenitudo virtutis &

*Crucis crucem faciamus in 5. ordine.*

gratiæ: *benedicis*, ecce Rex & corona æternæ gloriæ. In sexto ordine per eum qui venit in sexta ætate, & per virtutem Crucis ejus, jam plenius omnem veritatem cognoscimus, & per eum Deum Patrem honoramus & glorificamus: vbi majori sumpta fiducia & audacia, vt ad summam pacis omnium petitionum pertingamus & brauium, colligimus orationem, *Pater noster*, &c.

## CAPVT VIII.

*Ex illo quintuplici Crucis signo quinque gradus in veritatis cognitionem ascendendo notantur.*

**I**n hoc enim ordine quinque cruces facimus, vt per virtutem & amorem crucis, quinque gradus in cognitionem veritatis ascendamus, sine quibus salui esse non possumus. Primus gradus est fidei de æternitate Patris, secundus de æqualitate Filij, tertius de vnitæ essentia, quartus est de modo essendi, quintus de vnitæ Spiritus sancti cum vtroque, id est cum Patre & Filio. Et nota, quòd in hoc ordine longè alius modus & alia ratio, quàm in alijs ordinibus obseruatur; eo quòd in crucibus faciendis magna diuersitas ostenditur. Corpus Domini integrum manu tenetur, & in eodem oratio Dominica continetur, vnde & inde multæ quæstiones oriuntur. Prima quæstio est, quare in crucibus faciendis tanta diuersitas ostenditur. Sed quæ diuersitas ostenditur? Prima est, quia crux ex vtraque protenditur vltra Calicem, secunda calici, quia Calici coæquatur, tertia est quia infra Calicem coarctatur, quarta & quinta quia ante Calicem deprimitur. In prima ergo cruce æternitas Filij cum Patre intelligitur, in secunda æqualitas, in tertia vnitæ Spiritus sancti, in quarta & quinta quòd est æternus, & vnus Deus. In eo autem quòd dicitur, *Per ipsum*, intelligitur creatio: in eo quòd dicitur, *Cum ipso*, intelligitur operatio: in eo quòd dicitur, *In ipso*, intelligitur conseruatio. Per Filium enim Pater creauit & creat vniuersam creaturam: cum Filio Pater, & c. cum Spiritu sancto regit & disponit, & conseruat: vnde dicitur, *Est tibi Deo Patri omnipotenti in vnitæ Spiritus sancti omnis honor & gloria*.

*Diuersitas in crucibus faciendis.*

## CAPVT IX.

*Quare corpus Christi integrum tunc in manu teneatur.*

**S**E C V N D A quæstio est, quare Corpus Christi integrum in eisdem crucibus faciendis manu teneatur; quòd idèd fit, quia in sexta ætate ita integer & perfectus homo apparuit, & ipsum & perfectum & integrum exhibuit, & pro nobis se obtulit; idèd in sexto ordine eum integrum manu tenemus, quem fide & opere perfectè imitari debemus.

## CAPVT X.

*Cur in ordine sexto dicatur Pater noster: & pax in septimo detur, &c.*

**T**E R T I A quæstio est, quare in hoc ordine potius quàm in alijs dicatur oratio Dominica. Dicendum, quòd ideo fit, quia in sexta ætate Dominus iste veniens, orationem Dominicam docuit, & idèd in sexto ordine conuenientiùs, quàm in alijs ponenda fuit: septi-



mus ordo à pace incipit, & ad pacem tendit: unde, *Pax Domini*. Est enim pax inordinata superborum, qui contempto superiori, obediunt inferiori. Est pax simulata proditorum, est pax immunda fornicatorum, est pax celebrata rebellium & schismaticorum, est pax gratiosa iustorum. Hæc est pax Domini ordinata, quæ ordinem diligit: vera, quæ neminem fallit: munda, quæ omnia inquinamenta refugit: pudica & æterna, quæ finem nescit. In hoc autem ordine quæstiones multæ oriuntur, quæ Spiritu sancto reuelante solvantur. Prima quæstio est, quare tres cruces fiant ibi, *Pax Domini*, &c. Solutio hæc est, quia tres sunt vitæ humanæ naturæ: prima est animæ simul cū corpore, secunda est animæ relicto corpore, tertia est resumpto corpore. In prima vita pax est necessaria, quæ longè facit à crimine: in secunda, quæ longè facit à terrore, tertia quæ longè facit ab utroque, cōsummata gloria & beatitudine, & idèd dicimus: *Pax Domini sit semper vobiscū*. Secunda quæstio est, quare istæ non supra, vel extra Calicem, sed tantum intra fiant. Solutio, quia nec in septima ætate, quando accipietur ab octava pax consummata, non erit quidem unde exterius sit dolendum, sed unde interius potius sit gaudendum, propterea cruces non extra, sed intra facimus. Tertia quæstio est, quare tertia particula Dominici Corporis manu teneatur in cru-

cibus faciendis. Solutio. Tertia pars Domini ci corporis quam manu tenemus cū cruce facimus, pars est Ecclesiæ, quæ est in exultatione, & gaudet cū Christo in æterna beatitudine. Quarta quæstio est, quare eadem particula factis crucibus descendit in Calicem. Solutio. Dicendum, quod quia laborem signat & imitationem Dominicæ passionis, habet suum interius, & suum exterius. Exterius pressuram & tribulationem, interius gaudium & consolationem: propterea tertia particula descendit in Calicem, quia post laborem cū Christo æternam recipiet requiem. Quinta quæstio est, quare duæ partes extra Calicem remaneant. Solutio. Duæ partes Dominici Corporis quæ extra Calicem remanent, duæ partes sunt Ecclesiæ: vna pars quæ est in peregrinatione, alia quæ est in expectatione. Sexta quæstio est, quare *Agnus Dei*, dicitur ter, & quare in duobus primis est convenientia, & quare in vno sit differentia, ibi, *Dona nobis pacem*. Solutio. Tria sunt tempora, quorum duo sunt tempora misericordiæ, tertium est pacis & iustitiæ. Quia ergo in tempore tribulationis, speratur & expectatur misericordia, in tempore verò resurrectionis pax conseruatur atque iustitia: propterea quando dicitur *Agnus Dei*, &c. in duobus primis est convenientia, in tertio verò est differentia.


*Ecclesia triumphans per tertiam hostiam partem designatur.*

*Duo tempora misericordiæ, vnum iustitiæ.*

*Tres sunt vite hominis.*

*Cur cruces fiant intra calicem.*

*Hunc breuem Tractatum cum Opusculis S. Thomæ Parisijs nuper excusum, sic arbitrabar correctum fore, vt superfluum videretur, exemplaria manuscripta consulere: at quia contrarium reperio, & ipsa manuscripta nunc non sunt præ manibus; si ex ijs potuero, quæ hic incorrecta apparerent, corrigere, id postea in notis præstabo.*



DOMNI





# DOMNI GUILLELMI

ABBATIS S. THEODORICI

*Libri duo de Natura Corporis & Anima, sub nomine Theophili,  
id est Deum diligenti, descripti.*

## PROLOGVS

**F**ERTVR celebre apud Græcos delphici Apollinis responsum, *Homo scito teipsum.* Hoc & Salomon, imò Christus in Canticis. *Si non, inquit, cognoveris te, egredere.* Qui enim non immoratur in eis quæ sua sunt, per sapientie contemplationem, ingreditur necessariò in aliena per curiositatis vanitatem. Quapropter cum omni homini qui capax est rationis, vix suus sufficiat sensus, nisi adjutus à gratia, vt sciat seipsum: cum hoc nihil ei conferat, nisi ex hoc quod ipse est, ascendat ad eum à quo ipse est, & qui est super ipsum: miserrimè errat & desipit, qui extra se in alienis intellectum suum dispergit; cui natura, imò author naturæ Deus, tantum intra se indixit operationis negotium. Vt igitur microcosmon nostrum, id est minorem mundum, hominem scilicet, ex aliqua parte intus perscrutemur, & foris; id est anima & corpore; vt per visibilia vel sensibilia nostra intellecta, ad visibilia & invisibilia omnium surgamus authorem; primum aliqua discutiamus de corporis natura, deinde de his quæ sunt animæ. Scias autem, quæ legis, non mea esse, sed ex parte Philosophorum vel Physicorum, ex parte verò Ecclesiasticorum doctorum; nec tantum eorum sensa, sed ipsa eorum, sicut ab eis edita sunt, dicta vel scripta, quæ excerpta ex eorum libris hic in vnum congeffi.

Cantic. 1.

## PHYSICA HVMANI CORPORIS.

**O**MNE corpus animale tetraformatum est; id est ex quatuor compositum. Aliud est enim tetraformatum, alia sunt ex quibus constat. Ex quibus constat, quatuor sunt elementa.

*Qualitas  
capis que ele  
menti pro  
pria.*

Vnumquodque autem elementorum vna tantum contentum est qualitate. Ignis caliditate, aer humiditate, aqua frigiditate, terra siccitate. Sed ignis quia mobilis est, ex motu assumit siccitatem; & est calidus & siccus. Aer, quia sub igne est, ab eo sumit quod proprium habet & naturale, id est caliditatem; & est calidus ab igne, humidus à seipso. Aqua ponitur sub aëre, & ideo humiditatem ab eo sumit, frigida à seipsa. Terra sub aqua est, ideo frigida ab ipsa, sicca autem in seipsa est. Itaque secundum Hypocratem, si corpus animale ex vno constaret elemento, numquam doleret: quia non esset vnde doleret, vnum existens. Sed terra lutificata efficitur aqua; aqua rarefacta & calefacta & evaporata, fit aer: condensatus & collectus aer efficitur aqua; & sic de reliquis; & hoc modo fit corruptio. Ex his quoque quatuor elementis, quatuor in corpore animali creantur humores; propter quod & ipsorum filij dicuntur; sicut elementa mundo, sic & isti corpori animali vitæ & incolumitatis materiam & ordinem administrantes: si suo modo & ordine suo dispensentur, & non vitio vel incuria corrumpantur. Alioquin sicut aqua mutatur in terram densata, & terra in aquam lutificata: sic ipsi humores, cum in se inuicem vel ab invicem corrumpuntur, corrumpunt & destruunt corpus suum; quod viuificare & ordinare debuerant. Itaque in corpore animali sua propria est complexio prima & naturalis in ipso elementorum coniunctio: quæ si æqualis est & bene composita, vt contraria non impugnentur vel def-

*Quatuor  
humores  
corporis.*

truantur à contrariis; sed calida temperentur à frigidis, frigida à calidis, sicque de reliquis, bona fit complexio, & consentiente natura fit eucrasia, bona scilicet temperantia quatuor qualitatum. Rebus enim naturalibus in temperamento manentibus impossibile est humanum corpus ab aliquo morbo infestari; si est, vt dictum est eucraticum, id est bonæ complexionis. His autem distemperatis, necesse est alterari corpus. Sed de his alias. Nunc videndum, vnde ipsi quatuor humores nascuntur vel nutriuntur. Omnis cibus vndecumque sumatur, sicut supra de corpore animali de monstratum est, ex quatuor constat elementis. Sed quam multipliciter & dissimiliter in eis quæ vesci possunt, natura elementorum se habeat secundum caliditatem & frigiditatem, siccitatem & humiditatem, liber graduum demonstrat. Cum igitur cibus accipitur, os primum adaptat illum in subtiles & minutas partes cum dentibus & lingua. Lingua quippe ministrat: dentes frangunt & comminuant. Sic præparata esca transmittitur stomacho per guttur & merum, vix ad mensuram palmi vim saporis producens. Est autem meris membrum longum & rotundum & concavum & iatus villosum: habens introrsum pilos longos, alios in transversum, alios sursum ad os directos. Pilij sursum directi naturaliter cibum attrahunt: qui verò in transversum stomachi, stringunt, & stringendo in succum transmutant: & paulatim in os stomachi demittunt. Stomachus vero duo habet ora, alterum superius alterum inferius: quæ etiam portæ vocantur, quia clauduntur per horas, & aperiuntur. Superius enim os stomachi accepto cibo clauditur donec digeratur. Deinde de ipsa digestionem retinens quod suis aptis nutrimentis inuenit, cætera portâ inferiori aperta egerit in

*Per fistulam  
meris.*

*Quatuor  
stomachi fa-  
cultates.*

*Digestio ci-  
bi quid.*

*Et formen-  
tur quatuor  
humores.*

inferiora. Operantur autē hęc stomachi per qua-  
tuor quasda virtutes, quę sunt ei naturalēs; ap-  
petitivā, contentivā, digestivā, expulsiuā:  
quibus etiam ceterę nonnullę partes corporis  
non carent; sed maxime quatuor illę partes, quę  
corporis dicuntur fundamenta, id est cerebrum  
propter animalem vel sensualem virtutem, cor  
propter spiritualem, hepar propter naturalem,  
genitalia propter generatiuā virtutem. Appe-  
titiva & digestiva desideria faciunt; media con-  
tentiva seruit digestionī, continens scilicet cibū,  
ne redeat vnde descendit, & stringens & pau-  
latim per partes transmittens inferius, & vt cō-  
petit, ordinat digestionē. Appetitio autem sto-  
machi, vel contentio, vel expulsio, sicut de me-  
ri dictum est, fit ministerio quorundam pilorū  
per stomachum in longitudinem & in transuer-  
sum porrectorū: quibus etiam quidam inferio-  
res sub stomacho intestini non carent. Hęc au-  
tem suę per primā digestionem, quā in sto-  
macho peragitur. Est autem digestio cuiuslibet  
rei per naturalem calorem ebullitio. Porro, quę  
per inferiorem portam egeruntur, suscipit duo-  
denum intestinum; quod sic vocatum est, quia  
ad mensuram est duodecim digitorum, statim  
cum facta est digestio, & per digestionem rei di-  
gesta alteratio, sequitur eorum quę feculen-  
ta sunt egestio. Suscipiunt & alia intestina quę  
egeruntur, tria subtilia superius circa os stoma-  
chi, tria grossa inferius. Est autem inferius in-  
testinum vnum subtile vocatum, in quod post  
eam quam diximus digestionē factam in stoma-  
cho, cum descenderit quod egestū est, aliquan-  
diu ibi immoratur: donec ibi secunda quadam  
digestione melius succus ille depuratus, & sub-  
tiliatus, per venas quas dicunt melsaraicas, quod  
subtile est & purum, remittit ad hepar. Sciendū  
autem, quia in digestionē alij sunt cibi, qui mu-  
tant & non mutantur, vt diagridium: alij mu-  
tantur & mutant, vt cępe & allia, quę & cibi  
sunt & medicina. Hepar prædictum succū sus-  
cipiens per venas prædictas, & eam quę dicitur  
porta, in sui naturam transmutat, iterum dige-  
rendum. Quicquid enim in eo igneum est, ad  
nutrimentum sui assumit cholera rubea, quic-  
quid æereum, sanguis; quicquid aquosum vel  
humidum, flegma; quicquid grossum & terre-  
num, melancholia. Sicigitur humores qua-  
tuor in hepate creati, & ab hepate in totū cor-  
pus distributi, si secundum rectam naturę regu-  
lam incedunt, quamvis diuersę sint qualitatē,  
vnā tamen formā operantur sanitatis, in-  
uicem cooperando, inuicē se adjuvando. Cho-  
lera quidem rubea, cum sit calida & sicca, cali-  
ditate sua sanguinem subtiliat: & cum ea vadit  
sine acumine, subtiliatus, vt eis membris quę  
subtilia sunt, & subtilem cibum desiderant, con-  
gruū sanguis præbeat alimentum. Sanguis verò  
cum sit calidus & humidus, humiditate sua il-  
lus temperat siccitatem. Flegma cum sit frigi-  
dum & humidum, frigiditate sua seruit calori  
sanguinis, humiditate subuenit siccitati melan-  
cholię, cui ex frigiditate concordat. Et nota, si-  
lios elementorum incedere secundum viam pa-  
trum suorum. Eodem enim modo elementa ope-  
rantur in mundo maiori, quo operantur qua-  
tuor humores in mundo minori, qui est homo,  
id est microcosmos, vt supra dictum est: ex sua  
sibi diuersitate concordantia, & per concordē  
diuersitatem facientia pulcherrimam ordinis sui

virtutem. De digestionē etiam ista sumus ascen-  
dens lenis & suavis, molliter tangit cerebrū, &  
venericulos ejus opprimit, inaptum vt omnes  
ejus actiones sopiat: hic est somnus. In quo ces-  
santibus omnibus animę virtutibus sola viget  
virtus naturalis, quę tunc tantū intentius ope-  
ratur, quanto tota ei vacat natura. Anima verò  
interius requiescens, exclusis omnibus sensuum  
officijs revoluit penes se præterita, præsentia, &  
futura: & hęc sunt somnia. Cum verò quatuor  
hi humores creantur in hepate & formantur;  
non tamen vnusquisque in propriam formam  
seccernitur; sed secundum formam ipsius hepatis,  
quę sanguinea apparet, confusę omnes substan-  
guinei apparent: & vnumquodque ad nutrien-  
dum & regendum totum corpus, per suas vias,  
venarum scilicet & arteriarū dispensantur, hoc  
modo generati. Primum cibi in medio stomachi  
albi efficiuntur, id est flegmatici; circa inferiora  
prope hepar quasi sanguis aquosus: decoctus  
in hepate sanguis; plus decoctus cholera rubea;  
nimis decoctus cholera nigra. Cholera verò ru-  
bea ab hepate egrediens, multipliciter se in cor-  
pus infundens, per venam quandam se ad infe-  
riora cum quadam corrosione deponens, fecu-  
lenta quę remanserant, exire prouocat per ege-  
stionem. In quo qui cogit naturam ante volun-  
tatem, facit contra sanitatem. Ledit etiam sani-  
tatem; qui cum venit voluntas, naturę differt  
necessitatem. Per alium verò venę cuiusdā fur-  
culum stomachum ingressa cholera rubea, di-  
gestionē ibi operatur & appetitum. Diuiditur  
etiam in alias corporis partes, cuius recrementa  
fel suscipit. Est enim officium fellis, vt sanguinē  
a cholera rubea purificet; ne cū sanguine com-  
morans eum incendat. Quę vbi per se nimium  
dominatur, omnia incēdens pessimas infirmita-  
tes operatur. Sanguis ab hepate per venas duas  
egrediens, quarum vna concaua vocatur, porta  
altera; in partes se innumeras diffundit, per ve-  
nas & venarum furculos. Vna est, quę intrat  
stomachū, & inde fert cibum ad hepar, si quem  
invenit. Altera ingreditur stomachi latitudi-  
nem, portans illuc ab hepate cibum: vnde ven-  
triculus stomachi cibum digerens sibi sumat nu-  
trimentum. Altera ad splenem vsque procedēs,  
feces sanguinis ab hepate trahit. Sed antequam  
illuc veniat, diuiditur in partes plures, & ad car-  
nem nutriendam mittitur. Hęc vena a medicis  
panagras vocatur; proprium est enim sanguini  
corpus nutrire. Est etiam proprium sanguini, vt  
aëris imitetur qualitatem; cuius, sicut iam dictū  
est, habet naturam; in quantum plurimas patitur  
sui mutationes, sicut aër. Si enim fuerit grossus  
& turbidus, significat caliditatem & humidita-  
tem nimia: si subtilis & aquosus, significat frigi-  
ditatem hepatis: si rubeus & foetidus, signifi-  
cat infectionem cholere rubeę, & sui putrefa-  
ctionem: si spumeus, ventositatem: si coagula-  
tus & aquosus, significat nimium flegma, & ex-  
pulsivę virtutis defectum. Quod enim per vri-  
nam vel sudorem, alijsue modis, debuit expelli,  
remanet in sanguine. Flegma semicrudus est ci-  
bus: propterea frigidum est & humidum. Fleg-  
ma in nutrimentū corporis aliquando operatur  
deficiente sanguine: & decoctū mutatur in san-  
guinem. Flegma si liquidum emittitur & sine sa-  
pore, naturale est: si dulce, infectum sanguine;  
si salsum, infectum cholera rubea; si actum, me-  
lancholia: si vitreū & coagulatum, ex frigiditate

*Somni.*

*Somnia.*

*Flaua & a-  
tra bilis.*

*Officium  
fellis;*

*Venacava  
& vena por-  
ta.*

*Vitia san-  
guinis.*

*Flegma  
quando alijs  
humoribus  
mixtum.*

est. Ex actionibus sic cognoscetur. Si flegma naturale redundauerit, cibi potusque appetitū remittit, propter humoris abundantiam in stomacho: cibi potusque saporem minuit, sicut aqua cuiusque cibi sibi admixti sapore solet minuire. Si dulce flegma dominatur, cibus omnis dulce sapit, & citò digeritur: si salum dominatur, minoratio cibi sequitur, & os amaricatum, & potus appetitus. Acre verò debilitat potius appetitum, cibumque prouocat: cibo non digesto, & in inferiori parte stomachi collecto, superiori parte relicta vacua, quæ cibum appetit. Vitreum flegma cibum & potum destruit: rigores facit præ nimia frigiditate. Quatuor ergo hi humores superiora appetentes, ibi purgantur naturali quadam purgatione: cholera per aures, melancholia per oculos, flegma per nares & os. Urina verò colatura & purgamentum sanguinis est. Et cum propter humiditatem suam & abundantiam sanguis & flegma facilius ferantur, & superfluitates suas ejiciant: per renes eas & vesicam egerunt, nulla propria vasa habentes; sicut cholera rubra fel, melancholia splen. Melancholia enim in splene sedem habet, ubi ab hepatis sanguine decoloratur: & inde iterum ad os stomachi remittitur, ut appetitum confortet. Hæc est humorum distributio ex digestionem hepatis procedens: deinde ex ipsius digestionis feruore fumus quidam procedens generat spiritum, qui dicitur naturalis, hepar ipsum viuificans ad seruendum naturæ, in quodcumque virtus expetit naturalis. Tres quippe sunt virtutes in corporis regimine. Virtus autem est habitus operationis in membro, ad id quod efficitur. Quæ alia naturalis in hepate, alia spiritalis in corde, alia animalis in cerebro. Omnia autem corporis regimēta aut ex anima sunt & natura, aut ex sola natura. Quod à natura & anima regitur, est animatum: quod à sola natura, inanimatum. De inanimatis modò nihil ad rem. In eis verò quæ sunt animata, necesse est animæ & naturæ quandam virtutem inesse, quæ valeant suam adimplere actionem. Quæ virtus ex actionibus concipitur. In eo enim quod appetimus, continemus, digerimus, & egerimus, exercetur virtus naturalis; in eo quod sentimus, & voluntario motu nos mouemus, virtus animalis: in eo verò quod aërem attrahimus & emittimus, virtus spiritalis. Virtus naturalis communis arboribus, bestiis, & hominibus: virtus spiritalis bestiis & hominibus: virtus animalis animalibus similiter in quibusdam: in quibusdā non. Nam phantasiam & memoriā perfectè nō potest habere, nisi animal rationale. Virtus autem naturalis tria habet, id est tres virtutes; generatiuā, pascitiuā nutritiuā. Generatiuā in spermate, pascitiuā in vegetatione, nutritiuā in augmentatione de paruo in magnum. Hæc autem maximè sanguis operatur, qui virtutem habet nutritiuā & augmentatiuā. Cui subseruiunt in hoc superfluitates ejus mundificantes, fel, spen, renes. Fel choleram rubream attrahens ad se, ne eum exurat; spen superfluitates ejus in se suscipiens: renes verò superfluitates aquosas de sanguine in vesicā emittunt egerendas, sicut intestina grossos cibos à stomacho suscipiunt egerendos. Et hæc omnia operatur spiritus naturalis, qui natus in hepate virtutem naturalem augmentat & regit, actiones ejus custodiens; sicut spiritalis spiritus in corde, &

spiritus animalis in cerebro. Tres enim sunt spiritus, tres virtutes regentes & viuificantes. Et sicut naturalis originem & sedem habet in hepate: sic spiritus spiritalis in corde. Cor enim spiritalis caloris est fundamentum. Alimenta ejus, pulmo, panniculi, lacerti pectoris. Lacerti enim nerui sunt cum carne mixti, quorū motu aër trahitur ad refrigerandū, & calor expellitur fumosus quadam spiritus digestionem. Spiritus autem est virtus virtutum ad peragendas suas actiones. Est enim spiritus quædam vis animæ, per quam virtutes suos actus operantur: naturalis scilicet in hepate, spiritalis in corde animalis in cerebro. Istæ enim tres virtutes vel tres spiritus fundantur in tribus principalibus membris istis, hepate, corde, cerebro: & ab his in totum corpus diffunduntur. Spiritus ergo spiritalis vel eius virtus fundata in corde, operatur dilatationem & constrictionem. Dilatatio est, cum se cor dilatat, & dilatatur arteria ad aërem attrahendum, modo conuenientem, modo superfluum; & sanguinem subtilissimum à venis. Nisi enim cordis calor sic temperaretur, sedem suam, & omnia quæ vicina sunt, combureret. Vnde etiam dicitur requiescere cor in sinu pulmonis, quasi in sinu nutricis, aërem sibi ad sui nutrimentum iugiter attrahentis. Cujus attractionis meatus si quouis modo obruitur: ad ipsum refugit semper, quamdiu in eo aliquid inuenit aëris, vnde pascatur. Qui si omnino deficit, cor moritur. Vnde dicunt physici, hominē non plus quàm septem diebus viuere posse sine cibo; nec plus quàm septem horis sine aëre. Virtus ergo spiritalis est quæ viuificat omnia; & à qua viuit quicquid vivit in corpore. Et hic est spiritus spiritalis. Hic, ut sæpe jam dictum est, in corde natus, per arterias vadit ad totius corporis mēbra; spiritualement virtutem augmentans atque regens, ejusque actiones custodiens. Arteriæ verò à corde procedentes, & in spiritu vitali circumquaque deferendo cordi seruientes, villosæ sunt, intus & foris villos habentes: eos qui foris sunt in longitudinem porrectos, ad attrahendum de cordis imo calorem vel spiritum; & tunc dilatantur ipsæ arteriæ. Alij verò villis interioribus in transuersum positis constringunt spiritum: & fumosas superfluitates expellunt. Et hæc est prima spiritus spiritalis digestio. Deinde ipse spiritus per arterias quæ dicuntur iuueniles, per dextrum & sinistram colli in cerebrum ascendentes, cerebrum ingreditur. Iuueniles enim illæ craneum ingrediuntur. Est autem craneum sedes cerebri, testa scilicet capitis, in qua ipsum cerebrum continetur. Est autem compositum ex multis ossibus; tum propter fumositatem, ut per poros inter ossium juncturas habeat spiritus viam exeundi, tum propter venas & arterias introrsum admittendas. Iuueniles arteriæ spiritum vitalem deferentes, craneum penetrantes, usque ad cerebri sedem sub ipso cerebro multipliciter in modū retis dilatantur: ut sub ipsius retis fomento spiritus iterum digeratur. Ibi enim spiritus spiritalis immorans digerendo purificatur. De qua digestionem spiritus animalis creatur: post per duas arterias supra rete retortas egreditur: & ad ventriculum prora cerebri dilabatur. Vbi iterum subtiliatur & depuratus, depurationes suas ejicit per meatū palati & narium. Et hæc est tertia ejus digestio. Ipse verò transit ad puppis ventriculos per viā

Sedes spirituum qua.

Superfluitas humorum quæ excat.

Virtus naturalis, spiritalis, animalis.

Virtus naturalis triplex

Vnde fiat spiritus animalis.



*Cerebrū se-  
des rationis.*

mediam prora & puppis: & memoriam & motum ibi facit; sicut in prora phantasia & sensum. Est autem prora anterior pars cerebri in anteriore parte capitis locata: puppis verò posterior pars cerebri in posteriore parte capitis posita. Vnaquæque autem quasi proprium domicilium quemdam habet ventriculum, in quo virtus sua continetur: inter quos mediū ventriculus rationem continet & intellectum. Et sciendū, quia cerebrum per se quādam facit, quādam per officiales suos. Rationem in medio positam, sicut Reginam & dominam, qua distamus à bestiis: phantasiā in prora, memoriam in puppe per se facit: animalem autem virtutem, id est sensum, in prora, motum autem in puppe; alterum per quinque sensus, alterū per nervos à puppe procedentes. Quod autem per se facere dicimus rationem, memoriam, & phantasiā; cum etiam in brutis animalibus esse videantur phantasia & memoria, sicut sensus & motus, (alioqui nec canis dominum suum recognosceret, nec avis ad suum nidum rediret,) sciendum est, nec memoriam eis inesse, nec phantasiā: sed inesse eis tantō maiorem vim sensuum, aut vsum sensualem actionum, quāto anima eorum à ratione est aliena, suo corpori tota dedita & affixa; tota vacat sensibus tantū & motibus. Vnde & motus etiam habet viuaciores, & vsum membrorum ad motus suos promptiores. Hunc autem spiritum spirituales quidam Philosophi animam esse dicebant: qui corpoream animam esse volebant. Sed falsum est. Anima enim spiritualis est substantia ad imaginem Dei facta, Deo simillima: sic quodā modo se habens in corpore suo, sicut Deus in mundo suo: in corpore scilicet ubique existens, & ubiq; tota. Tota in naturalibus, tota in spiritualibus, tota in animalibus operationibus. In naturalibus operatur subtiliter, in animalibus subtilius, subtilissimē in spiritualibus. Quādam enim facit naturaliter, quādam actualiter & passibiliter, id est animaliter: quādam per seipsam, & secundū seipsam, id est spiritualiter. Siue igitur virtus naturalis, siue animalis siue spiritualis; non sunt anima, sed animæ instrumenta. Sed redeamus ad propositū. Hæ itaque omnes spiritualium actionum rationes in corde fundantur; de corde exeunt. Quod cum ita, ut dictum est, naturali ardeat calore: ipso calore ad se trahit quicquid ejus calorem potest temperare. Et cum forma ejus talis sit, ut quasi duas habeat auriculas; dextra auricula venam ab hepate suscipit, per quam sanguinem sibi attrahit; per sinistram verò emittit arteriā quādam magnā, multis diuisionibus suis spiritum vitalem ubique administrantem. Sciendum etiā de arterijs, quia per totum corpus quādam familiaritate venis conjunguntur: & per poros, quos in eis prouida creauit natura, de quibus abundant, inuicem sibi communicant, arteriæ scilicet venis vitalem spiritum; venæ arterijs nutrimentum naturale: nec vquam sanguis nutritus deest in arterijs, nec spiritus animalis in venis. Sed ad spiritum redeamus. Diximus, quia transiens spiritus spiritualis in posteriorem cerebri puppim, memoriam in eo operatur & motum: memoriam per se, motum per officiales suos: nerui, sicut in anteriori prora phantasiā per se, sensum per officiales suos, qui sunt quinque sensus. De spiritualibus autē spiritus actionibus disputare difficile est: de eis

*Anima in  
corpore, ut  
Deus in mū-  
do.*

*Cordis au-  
ricula.*

vetò quæ per officiales in corpore aut circa corpus facit, aliquid in promptu est, de sensu scilicet & motu. Ut igitur de motu primū agamus: motabilis virtus facta in cerebro mouet per se quæ vicina sunt. Natura enim prouida septem paria neruorum in ipso cerebro fundauit: qui per congruos meatus exeuntes, quæ circa & infra caput & collum sunt, vsque ad diaphragma, id est vsque ad mediū viscerū, tum per se, tum per alios neruos ex se prodeuntes & furcantes, mouent quæ mouenda sunt, & ministrant quæ ministranda sunt. Nam quinque sensus sui motus & sui sensus vim vnique ministrant: similiter cerebro, linguæ, gutturi, & alijs, ut dictum est, vsque ad diaphragma. Sed quia virtus hæc in cerebro fundata, ut dictum est, id est vis motabilis & à cerebro procedens lentissimum & pigerrimum redderet animal ad mouendū, si per neruorum virtutem à summo cerebro exeuntium, itusque eorum & reditus per omnes corp⁹ partes, & vsque ad pedum ima dispensaretur vis voluntarij motus: congruum cerebro natura prouidit auxilium, quod & vsque ad inferiora descenderet, cui operationis motabilis & sensificationis vim in inferiora vbique deferendā mutaret. Nerui quippe naturaliter faciunt motū; muscoli cū neruis sensum; membra delicata ad humores peregrinos tremant, nihilque in corpore sensum doloris patitur, quod his non regatur. Dolor enim quem in læsione ossium vel vngularum vel huiusmodi sentimus, non in osse & vngue, sed in eo ū sunt cū carne & neruis cōiunctionib⁹. Quia ergo si à summo vsque ad imū, ut dictum est, nerui tenderentur, & facile pro ipsa longitudine possent rūpi, & sensus & motus hebesceret: prouisus est nervus qui lingua arabica nucha vocatur, descendens à cerebro, & à fine puppis, per spondilia dorsi, id est ossa spinæ vsque ad inferiora. Vnde etiam dorsi vel spinæ cerebrum nominatur. Propter quod etiā ad similitudinē cerebri quibusdam fomentis & nutrimentis vestitur & regitur. Cerebrum enim cum craneo claudatur, inter ipsum & cranei duritiā duos habet panniculos interpositos; vnum molliissimum & lenem, quo foueatur, vnde & à Physicis pia mater vocatur: alterum validiorem, quo à cranei duritiā defendatur, vnde & dura mater vocatur. Sic & dorsi cerebrū nucha & pia mater & duram habet matrem: insuper & alios duos habet panniculos ex ligamentis compositos; ut his defendatur & operiatur. Nam vsque ad piā matrem aliquo casu læsis omnibus operimentis, si nucha maner illæsa, nullum erit periculum. Nucha patiente vel incisa, sensum & motum perdunt omnia inferiora, superioribus in suo statu permanentibus: in tantū ut si in prima spondili post cranetm præcidatur, adiacentia & subjacentia omnia sensu & motu priuentur. Ab hac ergo nucha per neruos hinc & inde prodeuntes, sensus & motus administratur omnibus membris infrā vel circum positis. Hoc itaque modo motus voluntarius à cerebro prodit in totum corpus. Est autem puppis vnde motus procedit, minor quā prora: quia dignior & profusior est prora operatio, & plura quā puppis, continet operationum instrumenta. Est etiā mollior prora quā puppis; quia puppis durior esse debuit, ut facilius motum pateretur: prora verò mollior, ut sensum citò reciperet sensuales nerui ab ea pro-

*virtus mot-  
rix ut se  
exerat.*

*Quid sit  
nucha.*

*Secunda vis  
summirabilis*

deuntes, qui sunt septē pares; cum à puppi pauci pròdeant motum sensumque facientes. Nam etiam his & omnibus à cerebro prodeuntibus natura & motum contulit & sensum: & motū agiliorem, & sensum acutiorem & digniorem. Sed quia ex nervis puppis & mediatoris ejus, qui dicitur nucha, vniuersalis ille corporis motus procedit & sensus: puppi specialiter & motus assignatus est & sensus. Iam ad animalem virtutem, vel animalem spiritum transcendunt nobis est. Quæ cum maximè in quinque illos notissimos corporis sensus se exhibeat, & in eorum actiones: de ipsis sensibus subtilius aliquid perspicendum nobis videtur: primumque de visu, cujus parva sed mirabilis officina oculi, vix ab aliquibus philosophorum vel physicorum ingenijs investigari vel perspicere aliquando potuit, differamus. Oculi igitur quantæ sunt præ ceteris sensibus dignitatis, ipsa ostendit natura, cum ante sedem rationis viciniùs eos collocavit, sicut sensû & in potentiæ similitudine magis sibi convenientem: & in discernendis eis rebus, quæ sub se & circa se sunt, magis necessarium. Oculorum organa vel instrumenta visum à cerebro deferentia, opticus est nervus, humores, & tunica, de quibus postea dicitur. Opticus nervus sub pia matre de ipso cerebro procedens, ibique natus & foras, ne pro teneritudine sua in egressu ab ossibus cranei læderetur, ipsius piz matris pellicula involut<sup>9</sup> producit<sup>9</sup>: & usque ad oculos procedens, vique visibilis eis administrans, in mediam chrystalleidon solidatur. Deinde humores & tunica visum facientes vel adjuvantes, hi sunt. Tres sunt humores, septem tunica. Humor est medius, qui chrystalleidos dicitur, in quo, ut dictû est, visus fundatur. Est autem forma ejus rotunda, ut non leuiter patiatur, plana tamen in vna parte, ut solidè ac stabiliter visus dirigatur. Sub isto, vel post istum, id est retro, positus est vitre<sup>9</sup> humor hoc ordine. Primum ei supponitur tunica retina, vel circumponitur: ideo sic appellata, quia ex venis & arterijs in modum retis est composita. Hujus officium est sanguinem aduenientem subtiliare, ne grossior sanguinis substantia chrystalleidon lædat. Chrystalleidos proprium est visus instrumentum: à crystallo propter claritatem sic vocatum. Ab hac retina non per venas vel arterias, quarum ibi nulla est conjunctio, sed naturaliter vitreus humor sanguinem fugit, in suam convertens naturam alimentum; unde & nutrimentum chrystalleido subministrat. Inter retinam tamen & vitreum humorem duæ adhuc sunt tunica; id est secundina, ideo sic vocata, quia secundum locum tenet, & sclerosid est dura ut ab interiori parte à superuenientibus superfluis humoribus, aliisque superfluitatib<sup>9</sup> oculos defendant. Super haec tres tunicas positus est vitreus humor, id est similis vitro; jungitur opticus nervus non simplex sed binatus, ut unusquisque suum habeat ministrantem sibi vim visibilem spiritum. Post vitreum humorem quarta est tunica, propter sui tenuitatem dicta tela araneæ: ut & facilis sit humori attrahendo, & præ tenuitate sua utrumque mulceat humorem. Super hanc enim ponitur chrystalleidos, post quem euagaidos, id est humor albugine<sup>9</sup> albugini oui similis, qui chrystalleidon & humiditate sua exterius nutriat, & ab aëre defendat, ne eum excicet. Post hunc posita est vtea tunica, facta in

modum vte, receptibilis lachrymarum. Post huc cornea, dura ut cornu: ut defendat evagaidon ab incuris exterioribus. Quæ etiā chrystallinum tenet humorem: ne si assidue acies oculorum extra protenderetur, excicaretur vel hebetaretur visus, sicut in piscibus, qui numquā oculos claudunt, & ideo in retia currunt. Septima tunica ponitur conjunctiva; quæ omnia continet & conjungit. Et ipsa est albedo quæ apparet in oculis. Ista non operit, sed circumdat vteam. Porro nervus opticus à cerebro veniens concavus est, ut spiritum visui ministret sufficientem: qui cum ad oculos venit, sic dilatatur, ut vitreā tunicam totam circumdet. Spiritus autem visionis à cerebro egrediens, & eandem tunicam percutiens, oculum irradiat. Unde sequitur, ut chrystalleidos quæ est lucentissima & clarissima, & primum videndi instrumentum, cito aptet se coloribus. Spiritus enim visibilis in concavitate nervorum clarificatus, egrediens & usque ad claritatem chrystalleidos perueniens, & inde foras exiens, miscetur ad diem aërem. Quæ duo dum sibi concorporantur: facile utraque & citissime commutantur. Aër enim & spiritus facile visarum rerum se commiscet coloribus. Spiritus autem chrystalleidon exiens, mutationemque sibi deferens, citò eam mutat. Quam mutationem cum mens senserit quæ in cerebri ventriculo est, res exteriores colorib<sup>9</sup> discernit; per colores quoque formam corporis, quantitatem atque motū intelligit. Aër enim diem lucentissimus tantum spiritui dat supplementum, quantum nervo cerebrum. Nervus enim à cerebro defert sensum atque motum, suisque deportat membris. Similiter aër exterior visibilium colorum fert mutationes; & spiritus eandem menti infert mutationem. Omnis enim sensus sentientem transmutat quodammodo in id quod sentitur, alioquin non est sensus. Quod tunc in oculo efficitur, cum interiori spiritui splendor exterior conjungitur. Quod fit sine aliqua moræ interpositione. Sic ergo visus formatur in oculo. Ipse autem visus si subtilis est & multus, longinqua & propinqua perfectè videt. Multus enim videt remota: subtilis bene discernit videnda. Multus & grossus remota videt, quia multus; non perfectè, quia grossus. Paucus & subtilis videt perpe & profectè. Non enim longè ex visus paucitate; perfectè autem, ex subtilitate. Paucus & grossus non videt longè pro sui paucitate, nec perfectè pro sui grossitudine. Hec de visu vel oculo. De naribus verò, duæ narium viz duabus de causis sunt necessariæ. Quæ major est, ad attrahendum spiritum & odoratum: altera, ad emittenda sgrossas superfluitates à cerebro venientes. Viz autem istæ ad proram cerebri admittunt odoratum, sed non faciunt. Duo enim foramina vberibus simillima odoratus sunt instrumenta. Quæ duæ matri apposita, & per ipsam pertusata ad cerebrum usque pertingentia, inferius autem usque ad nares prope descendencia hoc modo odoratum faciunt. Fumus corporum odoriferorum dissolutus & cum aëre mixtus, per narium foramina ab vberibus illis trahitur, & usque ad cerebrum transmittitur. Quæ cerebri ventriculis attractum in suā mutant naturam. Hanc verò mutationem sentit mens, & sic fit odoratus. Aëris verò attractio cerebro est necessaria: quia idem ei facit quod cordi anhelitus. Dum enim cerebrum dilatatur: aër ad ipsum

*Narium via  
duæ ad quid*

*Vis fiat odorandi actio.*

refrigerandum attrahitur. Dum verò constrin-  
gitur, superflua fumositas expellitur. Et cum di-  
latatione aer à pulmone, à naribus, à guttore  
trahitur, fit odoratus. Isto enim modo odoran-  
da odorantur: cum per prædictas mamillas,  
vt dictum est, fumus de corpore odditifero dis-  
solutus & aëri commixtus, ad cerebrum pertra-  
hitur: auditum verò facit par neruorum à ce-  
rebro procedentium, & in aures se dilatantium:  
vbi foramen ipsarum aurium cartilaginibus te-  
gitur duas ob causas; & ne aliquid incidat,  
quod auditum impediat: & vt vocem adjuvet;  
quæ ad cartilaginem veniens ibi adunatur, vt  
fortiter intret foramina. Porro duo illi nerui in  
foramen, vt dictum est, aurium se dilatant, &  
totum operiunt: operimentum tantum valet  
audiri, quantum chrystalleidos visui. Vox au-  
tem est aer ictus. Tactus ergo vel ictus aëris ad  
aures venit; & intrado paulatim alternatur. Ta-  
ctus enim propinqui aëris propinquorem per-  
cutit: ille succedentem sibi. Sicque alteruando  
aures penetrat, donec perueniat ad operimen-  
tum neruorum, de quo jam dictum est: ibique  
ipsum operimentum in naturam tacti aëris à na-  
tura transmutatur. Sunt enim similia, quia  
utraque aëria. Hæc autem permutatio ad men-  
tem ducitur per neraos; mens autem discernit  
naturam intronissæ vocis; & sic fit auditus.  
Lingua verò instrumentum est gustus & locuti-  
onis: habens vicinas sibi quasdam venas, salivas  
sibi semper administrantes. Hæ ab initio lingue  
incipiant in modum arteriarum: à quibus hu-  
meclatio phlegmatica emanat, quæ vocatur sa-  
livaris. Venit autem nervus à cerebro, qui per lin-  
guam diuiditur, vt det ei sensum gustus, qui sic  
efficitur. Res gustanda, cum ad linguam, venit,  
ejusque essentiam tangit: natura in ea operatur,  
vt lingua in naturam rei gustatæ mutetur. Mu-  
tatio tangens nervum, per eum menti transmit-  
tit gustum discernendum & judicandum: & hic  
est gustus. Tactus alijs sensibus est similis: quia  
mutatur in rei substantiam quæ tangitur. Quæ  
mutatio madatur menti per nervos: & hoc mo-  
do sentit mens illam mutationem. Omnes autem  
sensus proprium habent membrum, præter tac-  
tum. Tactus enim totius est corporis, exceptis  
partibus illis, quæ nervis carēt, vt pili, & vngu-  
læ, & talia: quæ vbi ligantur, quia hoc non si-  
ne nervis fit, ibi tantum sentiunt. Et vt finem fa-  
ciamus de sensibus, nihil patitur in corpore,  
quod non sentit: nihil sentit, quod nervis non  
regitur. Sciendum etiam de sensibus, responde-  
re eos quatuor humoribus, de quib⁹ supra mul-  
ta dicta sunt. Visus enim igneæ est naturæ, au-  
ditus aëriæ, odoratus fumeæ, gustus aquosæ,  
tactus terreneæ. Quid mirum, cum etiam ætates  
singulæ hominis singulis respondeant humori-  
bus? Adolescentia enim vsq; ad vicesimū quin-  
tum annum vel tricesimum, assimilatur sangui-  
ni, qui per humiditatem & caliditatem nutrit.  
Quidquid enim crescit, per humidum & calidū  
crescit. Vsq; huc augetur & viribus & altitu-

dine, & lōgitudine, & latitudine. Deinde sequi-  
tur iuuentus, cholera rubea similis propter sic-  
citatem & calorem: cuius calor humiditatem  
adolescencie consumit: & ideo sicca est, quia  
humiditate minorata sequitur siccitas. Iuuentus  
conseruans corpus perfectum sine diminutione  
viriū finitur trigelimo quinto vel quadragesi-  
mo anno. Deinde senectus frigida & sicca cho-  
leræ nigre assimilatur: frigida propter humidi-  
tatem iuuentutis exsiccata, quæ est nutrimen-  
tum caloris. Hæc quinquagesimo quinto anno  
vel sexagesimo finitur. Huic succedit seniu na-  
turaliter siccissimum & frigidissimum, acciden-  
taliter autem humidum, propter indigestionē  
& abundantiam phlegmatis. Hæc de homine  
exteriori diximus, non tamen omnino exteri-  
ori: sed de quibusdā, quæ sunt in corporibus hu-  
manis, nec tamen subiecta sunt omnino sensib⁹  
hominis: sed ratione & experientia discernun-  
tura physicis & philosophis, qui hucusque per-  
venire potuerunt, humanæ naturæ exquirentes  
dignitatem. Qui tamen absurdissimè in hoc de-  
generauerunt, quod in horum numero partem  
illam hominis putauerūt deputandam, qua ho-  
mo imago Dei est incorruptibilis, ceterisq; ani-  
mantibus præeminet, animam scilicet rationale:  
hunc decorem tantum hominis commendantes  
& salutantes, quomodo scilicet naturaliter præ-  
cunctis animantibus in celum erectus aliquid se-  
cum cælo habere testatur: quō per totum corp⁹  
ipsum secundum in longum distinctionem me-  
brorum media viget vnitas, hinc autem & inde  
pulchra per latū membrorum responder parili-  
tatis: quomodo totum ipsum corpus in ponde-  
re & mensura & numero inueniatur cōpositum.  
Transeamus ad animam. Ponderis enim æqui-  
tatem in corpore humano testatur membrorum  
parilitas: mēsuram autem probare potest men-  
surandi sollicita experientia. Dicūt enim Physici,  
quia si homo supin⁹ extensis manibus & mēbris  
jaceat, si circinū in centro vmbilici locatum vn-  
dique circūvoluatur, inoffenso mensuræ cursu  
in omnibus partibus suis par sibi & æqualis in-  
ueniatur. De numero satis constat. Vt enim o-  
mittam de exterioribus mēbris, quorum nume-  
rum nullus potest ignorare: etiam omnia inte-  
riora certis constare numeris, non est dubium.  
Nam etiam ossa ab his, quibus id curæ fuit, nu-  
merata sunt, & inuenta sunt ducēta & quadra-  
ginta vnum esse, in omni corpore humano. Si-  
militer de nervis. Neruorū à cerebro exeuntium  
inuenta sunt esse septem paria: à nucha triginta  
duo paria, & vnum impar. Quid multa? Et ve-  
nas & lacertos, & omnia quæ sūt in corpore, cer-  
tis constare numeris: certū est. Sed jam, vt dictū  
est, ad animā transeam⁹: nec quid de ea Philo-  
sophi vel Physici sæculi sentiant vel opinentur,  
sed quid Catholici Patres à Deo didicerint, &  
homines docuerint, breuiter perstringamus.

*Finis Physica humani corporis.*

*vt fiat au-  
ditio.*

*Quid sit  
vox.*

*Sensus mē-  
brum habet  
propriū,  
præter tactū*

*Sensibus res  
pondent 4.  
humores.*

*Singulis æta-  
tibus humor  
aliquis do-  
natur.*

*In corpore  
est pōdus, nu-  
mer. & mēf.*



## D. GVILLELMI S. THEODORICI ABBATIS,

## Physica Anima.

Anima des-  
criptio.



ANIMA, sicut Philoſophi hujus mundi dicunt, ſubſtantia eſt ſimplex, ſpecies naturalis, diſtans à materia corporis ſui; organum membrorum, & virtutem vitæ habens.

Porro ſecundum noſtros, id eſt Eccleſiaſti-  
cos Doctores, anima ſpiritalis propriaque eſt ſub-  
ſtantia, à Deo creata, viuificatrix, rationabilis,  
immortalis, ſed in bonum malumque conuertibilis.  
Quod autem propria ejus dicitur ſubſtantia: ideo quia nullus alius ſpiritus carnem ſuſcipit vel corpus, vt ejus paſſionibus aut con-  
deſcat aut lætetur. Viuificatrix autem ſui corporis miris & ineffabilibus modis intelligitur. Tri-  
a enim circa corporis naturam eſſe intelligimus: quorum cauſa ſingula quæ in nobis ſunt conſti-  
tuuntur. Nam quædam propter viuere tantum, quædam verò propter bene viuere: quædam ad ſucceſſionem futurorum bonorum oportunitatem habent. Quæcumque igitur in nobis talia ſunt, ſine quibus non recipitur humanam vitam conſiſtere, in tribus particulis intelligimus, ſicut in priori libello prætaxatum eſt: ſcilicet in cerebro, in corde, in hepate. Nam cætera omnia adjectio quædam ſunt bonorum, quæ propter bene viuere natura contulit homini: ſicut ſunt ſenſuum organa, & cætera multa, quæ vitam quidem in nobis conſtituunt: quoniam plurimis ex eis quocumque caſu deficientibus, nihil minus viuunt homines. Sunt verò quædam ex eis à natura vitæ conſtitutionibus adjecta, & vitæ officiis ſubſeruiencia: ſine quorum adminiculo ſuum illa officiū implere non poſſunt; ſicut ſunt venter & pulmo, & cætera nonnulla. Pulmo ſiquidem ignem qui in corde eſt per attractionem æris ſuſtando inſrigidat: qui niſi hoc faceret, ignis cordis & ipſum, & omnia vicina combureret. Venter verò eſcæ viſceribus introducit: ſine qua natura ſtatim deficeret. Iſtis verò plurima ſunt ſubſeruiencia & coadiuvantia ſuis modis ſingula. Non enim vniſormiter nobis ex vno aliquo ad viuendum virtus deducitur: ſed auctrice animâ à Deo datâ, plurimis particulis natura ad vitæ conſtitutionem ſuas occaſiones & efficientias inſpirans, neceſſariam quamdam & penè inſcrutabilem ex omnibus in vnum viuendi facit collationem. Quæcumque ergo ad munimen, vitæ pulchritudinem natura machinata eſt, omittentes, quæ plura ſunt, & ad ſe inuicem ſuas habentia differentias: prima ex eis ſegregemus principia, in quibus vitæ conſtitutio fundatur: ſcilicet cerebrum, cor, & hepar. Primumque videamus de cerebro; cujus potens efficacia in adminiſtratione vitæ, per hoc à contrario declaratur, quod nec minimâ recipit vulneris læſionem, quin mors ſtatim ſequatur paſſionem. Nervolum itaque illud operimentum, vel membraneum, in quo ipſum continetur cerebrum, quod Græci himen vocant, omnium voluntatiorum motuum fontem eſſe conſtat & cauſam: à qua voluntario quodâ ſpiritu per nervos qui ex ipſo procedunt deſcendente, & in omne ſe corpus per ipſos nervos diſſundente, varia & multiplex fit motuum adminiſtratio, multum

velox & verſibilis, & ad omnem agitationem oportuna. Hinc cervicis circumuolutiones, capitis inclinationes & eleuationes, circa maxillas agilitas, palpebrarum & oculorum motus celerissimi, manuum adminiſtratio varia. Hinc in gradiendo crurum & pedum ſucceſſio, cæterorumque omnium artuum motiones, nervis ſue laxatis, ſue retractis, quaſi naturali quadam machinâ voluntario quodam ſpiritu vitæ ſe agentibus. Ipſa verò virtus in ſede cerebri propriū quemdam obtinet imperativum motum: qui prompto ſpiritu juxta quamdam naturæ adminiſtrationem in ſingulis ſingula operatur. Sic & de corde. Cujus calor naturalis ſi extinguitur: cor inſtando inſrigidato corpore mors ſequitur. Per quod euidenter apparet, quemdâ viuendi fontem & cauſam in corde etiam conſiſtere, ex quo ſiſtulares pori & arteriarum procedens multiplex diuerſitas, alijs ab alijs naſcentibus, vniuerſo corpori ignem & vitalem ſpiritum adminiſtrant. Quoniam verò omnino etiam oportebat cibum quemdam cordis calori à natura adminiſtrari, non enim recipit ignis à ſeipſo manere, niſi ex conuenienti cibo vel materia nutriatur; propterea ſanguinis rivuli veluti ex fonte quodam ex hepate ſurgentes, cum calido ſpiritu vbique per corpus venarum miniſterio decurrunt: ne ſeparatim altera ex altera paſſio facta naturam corrumpere. Omnis enim ſuperfluitas, corruptrix paſſio eſt. Sic vitæ nutriendæ & confortandis naturalibus incrementis, per hanc artificialem & diſciplinalem formationem ſtatim conjuncta virtus animâ rationali oſtenditur, obſcurius quidem per primam manifeſtationem; deinde verò ex proceſſu naturæ, & bonorum ſtudioſum uſu, manifeſtius. Sicut enim qui ſigmentum hominis excidit in lapide, primum quidem ſculpit ſigmenti formam; deinde verò formæ illius ſecundum ſua lineamenta diſtinctionem & decorē, ſic author naturæ, & corporis & animæ conditor Deus, hominem format ad imaginem & ſimilitudinem ſuam; obſcuriorem quidem in primo, euidentiore verò & perfectiore poſt operis conſumationem. Sic ergo in ſculptura organi animæ ſpecies ſecundum ſubjecti analogiam præmonſtratur, imperfecta in imperfecto, in perfecto perfecta futura. Quæ & principio perfecta eſſet; ſi in ſuo principio corrupta natura per malitiā non fuiſſet. Propterea naſcimur vt pecudes; nec continuo, nec niſi cum magnis & diuturnis laboribus relucere poteſt in nobis factoris imago; ſed longa quadam via per materiales & pecuales animæ proprietates ad perfectionem ſuā homo ducitur. Gratiâ tamen creatori ſuo non quantas debet, ſed quantas poteſt, totus homo referat: qui in ipſis ſuis primordijs omnis creaturæ ei confert perfectionem; omnipotenti virtute dans ei eſſe cum lapidibus; dans ei vitam feminalem cum herbis & arboribus; dans vitam ſenſualem ſue animaleſcem cum pecudibus: additurus etiam vitam rationalem cum Angelis. Sed quovis modo herbæ & arbores vivere videantur, habere animâ bruta & quævis animalia;

Cor ſon-  
ta.

Tres partes  
ad vitam  
neceſſaria.

Motuum  
voluntario-  
rum cauſa.

Omnis cre-  
atura perfe-  
ctio in eſt ho-

constat tamen, hæc omnia, quamvis quovis modo viuētia, animam non habere, nec assurgere in hoc ad dignitatem conditionis humanæ. Nā in germinibus quædam quidem apparet animalis operatio: quæ tamen non procedit usque ad motum, qui per sensum sunt. Est enim ibi vita, quævis non sit anima. Ad quam conficiendam, intueri & vide omnium elementorum particulatim semina conuenisse. Est quippe illi terra in crassitudine, aqua in humore, aer in progressionem, ignis in germine. Et cum inferiora ratio rerum ordine semper superioribus afficiantur: transacto brumali frigore per conuersionem celi recursum siderum calor à superioribus ueniens aerem sibi & loco & natura proximum prius afficit. Qui quoniam tanto gradu igni cedit, quanto ipse aquam supereminet: per radices arborum vel quorumpiam germinum de terræ imis aquas attrahit, eo quod ignis elementorum omnia naturaliter rapiens tepescit aerem ad se cogit, perque arboris medullam sicut ipse haurit aerem, sic aer aquam, sic aqua terram, sicut nos cum volumus per festucam de inferioribus aquam haurimus. Ex his elementis quatuor, quæ modulatè musiceque in arboris vitam sibi concinunt, siquid contra mensuram vel defluit forte vel superfluit: agrefcit arbor primum, dehinc moritur ueluti victa languore. Bruta uero animalia per motum voluntarium & adjectionem sensuum dignius aliquomodo viuere uidentur, quam herbe uel arbores: non tamen usque ad perfectionem quæ in rationis & intelligentie gratia consistit. Propterea dicimus, uerā quidem perfectamque animam humanam esse solam, quæ in omni ualet actione. Si uero quidpiam aliud vitam participet, abusuē dicimus animatum: quia non perfecta in his anima est, sed quædam tantum operationes animalis actionis, quas in primordiis suis etiam homini constat esse ingentis. Bruta quippe omnino sunt suis sensibus dedita, huc usque ualentia; ideoque uementius etiam in his quam homines, qui sensus istos ratione supergrediuntur, se exerentia: sicut fluuius qui leuiter decurrens, ubi quouis repagulo prohibetur ne progrediatur, ibi uementiori impetu se agit. Spiritus uero hominis longe aliter. Nam sensibus dominatur, & de sensibus iudicat. Quasi enim regina sedens ratio in media ciuitatis suæ atque, portis sensuum undique patentibus, domesticos domestica, peregrinos peregrina ingerentes, suo unumquemque uultu & habitu discernit & suscipit, & collocat suo unumquemque scientiæ loco: per genus etiam & cognationes & gentes singulos discernens, singulisque suas memoriarum mansiones distribuens. Itaque mirabile quid est animus secundum sui naturam, qui sensuum uirtutibus per singulos se impertitur, & per singulas uirtutes conuenienter ipsorum sensuum scientiam recipit. Nam quia aliud aliquid præter sensum sit, nullus sapientum potest dubitare. Si enim unum esset cum sensu: unam omnino secundum sensum operum haberet societatem. Nunc autem simplex & incompressus, licet in multipliciter partitam sensualitatem diuidatur: tamen in singularitate uariū inuenitur, unum in uarietate. Quin potius quia in simplo nihil uariū potest considerari: nec aliud est cum tangit, nec aliud cum olfacit, nec aliud cum gustat, sicque de reliquis. Vide ergo, quantum distat sensualitas ho-

*Quæ uergetur arbor.*

*Perfecta anima est sola humana.*

*Ratio est quasi Regina in corpore.*

*Anima à sensibus differt.*

minis rationalis à sensualitate bruti animalis. Sileat etiam omnis conjecturalis ac uana ratiocinatio eorum, qui in particulis quibusdam corporis intellectualem includunt uirtutem; quorum alij quidem in corde principatum esse constituunt; alij uero in cerebro animum ordinari contendunt; & super hæc singuli suas afferunt physicas conjecturas. Sed conjecturæ corporaliū in qualescumque corporum constitutiones referendæ sunt: animum uero singulas quasque particulas per ineffabilem commixturam uel uirtutis ratione obtinere, æstimandum est. Quod si hi qui præ corde agunt, Scripturam præterdunt nobis, in qua de Deo dicitur, *Scrutans corda*, & nos adiciemus, quia *Scrutatur etiam renes Dei*. Qui ergo cordis meminit, & renum etiam recordatus est; aut in utrisque aut in neutro intellectualem constituit substantiam. Author enim naturæ, intellectualis substantiæ ad corporalem societatem & contractum quemdam uoluit esse ineffabilem & inintelligibilem: scilicet ut neque intus existat; neque enim in corpore incorporale tenetur, neque comprehenditur à corpore; neque exterius inueniatur eadem naturæ lege. Nam secundum quemdam modum superrationalem & inintelligibilem appropinquat animi naturæ; & coaptatus in ipsa & circa ipsam, consideratur, sicut considerari potest, neque intus positus uel circumplexus; neque extra positus, uel quasi circumplexus; sed modo quodam, qui nec dici potest nec intelligi, omnino naturæ permeabilis est, & ad suas operationes efficax. Non enim in parte aliqua, sed in toto tota intellectualis illa natura, neque in concauitatibus corporum interius locatur; neque abundantia carnis uel alterius cuiuslibet rei expellitur: sed ueluti organum musicum totum corpus in suos creat effectus. Et sicut in organo musico modulari scientes, aptum artis suæ instrumentum inuenientes solemniter artis ipsius officium exercent: si uero carie uel uetustate fuerit attritum, uel quolibet euentu turbatum; artifex quidem de arte nihil perdit, organum uero inactuosum manet & absonum: sic & animus totum organum obtinens, & intellectualibus operationibus singulas partes sicut consuevit tangens, in his quidem quæ secundum naturam disponuntur, quod suum est operatur: in his uero quæ infirmantur, artificialem sui motum pigrum habet & inactuosum. Vnde & natura organum corporis usus rationis per omnia componit & coaptat. Verbi gratia, uide manus corpori copulatas: quod in nullo inuenies animali irrationali. Ex quo quanta in corporis humani organo subsequatur harmonia, aduerte. Primum quod in anteriori parte omnes bestiarum pedes habent, homines uero manus. Deinde etsi multi sint huius uitæ usus, ad quos emachinauit natura manuum officia, seu in pace seu in bello: tamen ante omnia ideo natura corpori manus adjecit certa rationis necessitate; ne si homo manuum expertus fuisset, iuxta morem quadrupedum escæ usus oris forma configuraretur, scilicet dum colli modus prolongaretur ad percipiendam escam de terra, more brutorum animalium extenuarentur nares, ante os prominere labia callosa, ponderosa, crassa, ad sectionem pabuli oportunitatem habentia: pars uero carnosa circa dentes solida esset & aspera, sicut in canibus ceterisque carnem comedentibus: sicque contingeret, si

*Anima est in qualibet corporis parte.*  
*Jerem. 17.*  
*Psalms 7.*



ret, si manus corpori deessent, ut articulata vox formata ori deesset, dum oris constitutio ad vsum soni non conformaretur, sed necesse esset hominem aut balare, aut mugire, aut latrare; seu aliquem aliū bestialem fremitū emittere. Nunc verò dum manus seruit ori, os famulatur rationi, ac per hoc animo rei spirituali & incorporali, incommunicabilis cum animalibus irrationalibus addita est gratia, ut plectri instar dum oris particulas voci coaptatas tangit, per talem sonorum formationem interiorum suum loquendo interpretetur motum: veluti si quis musicæ peritus existens, propriam ex passione aliqua non habens vocem; volens autem manifestam facere musicam, alienis vocibus modulatur, per tibias siue lyras artem publicans. Sic animus diuersorum intellectuum inuentor, cum ipse incorporeus corporeas dictiones per se non habeat; intelligentiæ impetus per corporales sensus sufficit ostendere. Licet etiam manuum alia adhuc sit digna rationi prærogatiua. Magnum enim rationalis gratiæ munus est, quod per manus scribendo loquimur: quod per manus quodammodo elementorū voces characteribus suis compactas pronunciamus. Seruiunt igitur rationi & manus & os. Manus scribendo futuris vel absentibus: os verò facillimè & promptissimè loquendo quicquid interiùs suggerit ratio. Spiritus quippe per artetiam repulsus ex folli- bus spiritum recipientibus impetu quodam sui arteriam in vocem roborat aërem percutiendo: deinde secundum tibialis instrumenti formam per circulares quosdam membranarum quarūdam motus, ipsarum membranarum vehiculis in gyro circummodulans superiora petit; ubi maxillæ, dentes, & lingua, quasi quamdam plectri formam imitantes, multiformi & velocissima varietate sonos ad vsum coaptant; labia verò distincta quadam sui apertione & compressione idipsum faciunt, quod digiti modulantis in tibia, qui spiritum conceptum in tibiarum foraminibus ex multiplici varietate in vnam formant melodiā. Sicque verba sua humana digerit natura: rationis verò est ea dispensare. Si ergo, ut dictum est, graue & laboriosum seruitutis officium circa ciborum vsum labijs distribueretur, muta interiùs anima per organicā hanc loquēdi distinctionem suam non exerceret rationem; & muti ad inuicem rationabiles esse non possemus. Nunc autem talem administrationem manus in seipsas transferentes, aptum & liberum seruitio rationis os dimiserunt. Animus verò loquendo suas exerens motiones, aurium, oculorum, cæterorumque sensuum adminiculo ad se recipit alienas, tantam habens internam capacitatem in quam omnia confluant, quæ vndecumque infunduntur; stylosque suos habens, quib' ea describat in memoria; diligentius alia, ideoque magis inhærentia; alia negligentius, & ideo citius abolenda. Sicque ad imaginem ejus qui creauit eum, qui stabilis in seipso dat cuncta moveri, vna quidem est potentia ipse insitus animus, qui per singula sensuum instrumenta existens quæcumque occurrentia transcurrit; ipse per aures audiens, ipse videns per oculos, sicque de reliquis. In hoc tamen longè dissimilis est ab eo cuius est imago; quia differentibus potentijs Deus ea quæ sunt non tangit; quia absurdū est, in simplicitate Deitatis intelligere receptionem & multiformitatē receptoriarum operationis. Sed

non exigitur ab imagine, ut in nullo \* quæ in principali suo intelliguntur, deficiat. Iam enim identitas esset, non imago. Non ergo in his quæ circa diuinam naturam considerantur, & incomprehensibilitatem essentiae, necesse est cum qui sortitur imaginem, omnem ad principale exemplum imitationem habere. Nam si imaginis natura principale exemplum comprehenderet, esset proculdubio super id quod comprehenderet. Quinetiam in hoc ipso quod neque sui ipsius perfectam apprehendit scientiam rationalis animus: diuinæ incomprehensibilitatis naturam per quamdam similitudinem videtur characterizare. Adhuc aliud quid sibi vult corporeæ figuræ restructio. Erecta hominis figura ad cælum extensa, & sursum aspiciens, imperialem regalemque dignitatem animæ rationalis significat; ostendens traditum sibi à creatore dominium omnium aspicientium deorsum, & multum se habere cum supernis, si ingenitæ imaginis custodit dignitatem, scilicet ut imperet animus rationi, nec pariat, quin eligat quod vtile est. Hujus dignitatis expertes sunt, qui rationem, quæ naturaliter domina est, seruire facientes desiderijs naturæ, libidini quæ per sensus est, blandiuntur seruiliter. Naturales enim in eis affectus carnis vel sensuū animus sequitur; minister eorum factus, quorum dominus esse debuit & iudex. Ideoque natura corporis ad libitum animo imponit & contristati sensum, & le- tantis concupiscentiam. Hujusmodi enim homines imagine creatoris exuta, aliam induerunt imaginem terram respicientē, pecudalem, bestialem. Non enim secundum furorem hominis ad Deum est similitudo; non ex voluptate supereminenti naturæ consimilatur: formido quoque & ferocitas, & ad quædam desiderium, ad quædam verò odium, longè sunt à diuinæ pulchritudinis characterē. Hæc & his similia ab irrationali humana sibi contraxit natura. In his enim irrationalis vita ad conseruationem suam munita est à natura, ad homines verò translata passionibus sunt animæ. Et verè passionibus, quibus homo factus ad imaginem Dei, ad imaginem pecudū se patitur humiliari. Verè passionibus, quia contra naturā sunt. Hinc David *Homo*, inquit, *cum in honore esset non intellexit: comparatus est iumentis insipientibus, & similis factus est illis.* Nā, sicut dictum est, quæ in bestiis sunt natura, in hominibus sunt vitia. Furore enim feruntur carne vascencia; voluptatis amor fecunditatē seruat animalium, infirmum formido; debiliores à fortiori timor; corpulentum seruat edacitas. A nullo horum passionibus pecudibus vel bestiis proueniunt: quia à nullo eorum quæ secundū libidinem sunt, tristitiæ materies in irrationalibus est. Humana verò miseria passionibus has patulo corde in se ipsam admittens, ipsarumque passionum principia per deliberationū cooperationem penes se ipsam in multitudinem & robur quoddam coagens: turbulentissimā ambigamque exinde consequentium vitiorū generationē operatur. Sic voluptatis amor principium quidem habuit ex ipsa similitudine ad irrationalia: sed in humanis delictis coangmentatus, tantas peccatorum differentias per libidinem progenit, quantas in irrationalibus nemo potest inuenire. Hæc enim & talia cognata quidem sibi abjicit ratio rationabilium affectuum: sed augentur cogitationum auxilio. Inde

adde  
\* eorum

Non imita-  
tur anima  
Deum in  
omnibus.

Car figura  
hominis ere-  
cta.

Quando  
anima crea-  
toris exna-  
at imaginē.

Psalm. 48.

Quæ in be-  
stis sunt na-  
tura, homi-  
nis sunt vi-  
tia.

Aliud mu-  
nus manuū.  
scribere: fi-  
cut oris lo-  
qui.

Animus in  
sensib' ope-  
ratur.

*Anima Deo  
frui, creatu-  
ris uti debet*

*Solus homo  
nudus nasci-  
tur, & omni  
natura ope  
destitutus.*

ex ira nascitur infamia, inuidia, mendacium, infidia. Hæc autem omnia malignæ operationes degenerantis animi sunt. Nam si denudata foret passio cogitationum auxilio; cito deficiens bullæ instar deperiret. Et hæc omnia, sicut dictum est, ex pecudali generatione in constitutionem hominis contraherunt: cum author naturæ ejus seruitio ea contradidisset. Nam cui duplicis forma rationis occasiones constituit, corpori animum, terrenum diuino commiscens: voluit, ut per cognationem & societatem qua ad utrumque poteretur, altero frueretur, altero verò vteretur: Deo frueretur per diuiniorum naturam; terrenis verò bonis vteretur per cognatum sensum. In operationem quippe regni commodam & aptam naturam nostram optimus artifex condidit: & in observationibus animæ, & in ipsa quoque, ut jam satis dictum est, corporis figura tale præparauit animal, quale ad regnum opportunitatem haberet; scilicet non primum in terram, sed erectum in cælum. Anima siquidem rationalis intelligens & conseruans honorem suum, regale quiddam est & excelsum: hinc ostendens se à rustica humilitate & degeneratione esse longè naturaliter segregatam, cum sit libera & per se potens imperet omnibus, & seruire faciat suis ipsa voluntatibus, suisque potentijs administrata, quod proprium regis dignitatis est. Propter hoc nudus quidem naturalibus protectionibus, inermisq; nascitur: instanti, ut cum in alijs aliorum animalium primordijs læta mater appareat naturæ; in homine solo videatur tristis nouerca. Alijs quippe animantibus variz qualitatibus tegumenta contradidit; testas scilicet, cortices, spinas, coria, villos, setas, pilos, plumam, pennas, squamas, vellera: truncos etiam, vel arbores, cortices interdum gemino à frigoribus & calore tutauit: hominem tantum ut diximus, nudum in nuda humo natali die abjicit, ad vagitus statim & ploratum; nullumque aliud tor animalium ad lachrymas, & has protinus, in lucem edidit. Solus quippe in omnibus antiquis vel recentibus historijs natus esse ridens legitur Zoroastes inuentor magicæ artis: videlicet ut infausto ortu & innaturali appareret notabilis, qui naturarum communium infaustis artibus, futurus erat impugnator. Deinde miserum hominem, ut in carcerem se datum intelligat, statim vincula excipiunt, & omnium membrorum nexus: præter solum oculorum & oris officium, quod liberum permittitur ad lachrymas tantum & vagitus. Et hoc qui feliciter educatur, Imperatoris vel Regis filius. Iacet igitur victus pedibus & manibus flens animal à supplicijs vitam auspicans, vnam tantum ob culpam, quia natum est. Heu dementiam existimantium ab his inijs ad superbiam hominem egenum! Deinde prima roboris spes, primumque temporis munus, quadrupedi eum similem constituit. Et quando hominis succedit incessus? Quando vox & lingua in verba formatur? Quando cibi perceptio? Quando diu palpitantis verticis firmitas? Adde quod præter omnia animalia solus miser homo nihil per se sciat, nisi plorare: sed magno matrum vel nutricum vel sui ipsius labore ei addiscendum sit, quicquid hominis esse debet, vel potest, naturale. Vbi verò tandem aliquando stabilitus vel confirmatus videtur esse totus ille humanæ dignitatis status: statim morbi succedunt & me-

dicinæ, & ad extremum cura sepulcræ. Nulli quippe vita vel sanitas fragilior; nulli vitæ vel sanitatis cura propensior. Subito casu aliquo intercipitur, & vel ruina opprimitur; vel graminis aut vermiculi alicujus veneno interficitur, vel bestię cuiuslibet, suffocatur. Vixque per uigili cura vel fuga se potest tueri ab omnibus, quæcumque quouis modo potestatem habent nocendi. Omnibus expositus ex fragilitate corporis, quæ natura subiecit sub pedibus ejus ex virtute rationis; & pauper homo, & omnium quæ ad usum sunt egenus, in hanc vitam inducitur: miser videri potius quàm beatificari, secundum formam exteriorum. Non enim acie cornuum armatur, non unguium acuminibus, non unguis seu dentibus, non dente vel aculeo mortifero, sicut multa animalia; non pilorum amictu corpus tegitur. Solus quippe homo est velociter currentium tardior, enormium breuior, naturalibus armis munitorum expugnabilior. Et quomodo, dicit quis, qui talis est, imperium suscipere? Bene per omne modum. Primum, quod nocendi potentiam in rebus subiectis ratio humana habet subiectam: dum eam vel cauet prudenter, vel destruit potenter, & in propriam redigit seruitutem. Quod enim videtur naturæ nostræ egenum: occasio est ad eorum quæ sibi subiecta sunt, dominatum. Et forsitan imperium despiceret homo; dum nullius subditorum seruitio indigeret. Nunc verò hujus rei gratia per singula quæ nobis subjugata sunt; hujus vitæ utilitates disperitæ sunt, ut necessarium nobis sit imperium, quo super illa naturam humanam sublimauit Deus. Tarditas namque corporis nostri & ad mouendum difficultas, equum sibi seruire imperauit & edomuit. Rursum alia animalia bajulandis oneribus subjugauit. Carnis nuditas necessarium fecit ouium dominatum. Ne herbam ut bos comederet, ad terræ culturam ipse sibi bouem subjugauit. Habet etiam canem, & contra feroces & noxias bestias quasi vivum quemdam gladium, & nocturni somni custodem; cornuum verò acie & unguis acumine ferrum acutius & fortius, quod præter homini arma, non belluina, trunculenta, connaturaliter eum semper onerantia, sed cum ratione sumenda & deponenda. Habet etiam ex ipso ferro munimenta corporis fortiora squamis crocodilli: galeæ scilicet & lorice. Quid multa? omnis creatura homini sicut regi seruit & militat. Vnde vide & amplectere, ô homo, dignitatem naturæ tuæ: nec tantum tibi vilis sis in eis quæ sunt corporis, in quibus ab animalibus vinceris, quàm pretiosus in interiori tuo, in quo omne quod uiuit, vel quod non uiuit, antecellis. Secundum interiorem enim dignitatem in regiam natus es conditionem. Omnipotentis enim naturæ imaginem fieri, quid est aliud, quàm continuè regalem conditam fuisse naturam? Ut enim juxta consuetudinem hominum loquamur, qui imagines regum vel potentum componunt, formæ figuram parificant, amictuque purpureo regalem dignitatem depingunt: dicitur etiam secundum humanam consuetudinem imago rex: sic humana natura quoniam ad imperium aliorum constituta est, per similitudinem ad vniuersitatis regem veluti quidam animata imago electa est; principali exemplo & dignitate & nomine Deo communicans, non amictu purpureo, nec sceptro vel diademate dignitatem in-

*Homo alijs  
creaturis do-  
minatur &  
uitur.*

*Quæ sint  
insignia ani-  
mæ.*

*Libertas ar-  
bitrij.*

*Quatuor  
anima ele-  
menta.*

*Fides an ra-  
tionem ref-  
puit.*

dicans : neque enim principale exemplum in talibus est ; sed pro purpura virtute induitur, quod omnia regalia superexcellit insignia, pro sceptro beatitudine immortalitatis insignitur; pro regali diademate corona justitiæ perornatur : itaut propter omnia in regni dignitate ostendatur diligenter principalis exempli formâ assimilans. In eo enim quod ad imaginem Dei factus dicitur homo; tale est ac si diceretur, quia humanam naturam participem omnis boni fecit Deus. Plenitudo enim omnium bonorum est Deus, imago autem Dei est homo. Igitur in eo quod sit plenitudinis omnis boni capax, ad principale exemplum imago habet similitudinem; est enim nobis omnis boni forma, virtutis, sapientiæ, & omnium quæ in melius possunt intelligi : in eo item quod sit liber omni necessitate animus, nullique naturali potentie subjugatur, sed per se potentem ad id quod desiderat habet voluntatem, virtutem scilicet liberi arbitrij; suâ exprimit dignitatem. Res enim est dominatu carens, ac voluntaria, virtus : quod autem cogitur, violentiamque patitur, virtus non est. Hic animus vel hæc anima à Deo datur, ab anima verò naturalis vita nostra. Datâ autem animâ querendum est, quid sit, quare sit, quomodo sit. Cum quid sit querimus, spectat ad physicam; quare sit, spectat ad rationē : quomodo sit, spectat ad moralitatem. Quid sit, nemo comprehendit; quia nulla ejus est materia, quia res est spiritalis, intellectualis, Deoque simillima. Quare sit, qui non vult scire, non est dignus vivere: scilicet ut viuat secundum rationem. Quomodo sit, ipsum exigit modum secundum rationē viuendi. Ad quod, sicut corpus ex quatuor constat elementis, ut viuat: sic anima rationalis habet quædam quatuor virtutum elementa, quæ sunt prudentia, temperantia, fortitudo, justitia. Ex his igitur quatuor quasi elementis, rationalitas animæ formatur: ea rationalitas quæ vivendi modus est secundum rationem. Nam per sua quasi elementa in plurimas partes deducta, multiplicia & varia gignunt in anima germina virtutum quatuor hæc virtutum elementa. Sicut etiam anima in administrationem vitæ materialis quatuor virtutibus utitur in singulis corporalibus organi principalibus partibus, appetitiuâ scilicet & contentiuâ, digestiuâ, & expulsiuâ; sic administrationem rationalem quatuor exercet passionibus, scilicet & gaudio, timore & tristitia. Et sicut tota corporalis vitæ natura tribus se agit virtutibus, naturali videlicet in hepate, spiritali in corde, animali in cerebro: sic spiritalis vel rationalis usus in tres se exerit potentias, scilicet rationalitatem, concupiscibilitatem, irascibilitatem. Et sicut tres illæ virtutes tres de se generant effectus, sine quibus vita humana non subsistit, naturalis scilicet virtus in hepate nutritium, spiritalis in corde viuificationem, animalis in cerebro sensualem: sic ad spiritualement vel rationalem vitam ordinandam vel consummandam in rationalitate fundatur fides, in concupiscibilitate spes, in irascibilitate charitas. Licet enim fides non habeat meritum, cui humana ratio præbet experimentum: tamē quia in rationalitate fundatur, quasi naturaliter semper solet esse auida rationis; quia vix ei sit credibile, quod vel congrua autoritas, vel ipsa ratio non demonstrat aliquomodo esse rationabile. Concupiscibilitas verò & spes quan-

ta sibi affinitate iungantur, non est laboriosum ostendere: imò otiosum ostendendo laborare. Porro irascibilitas & charitas intantum sibi videntur aduersa; ut alterum alterius videatur esse perceptorium. Sed hanc diversitatem feruor quidā spiritus colligit in unitatē: quia feruor in ira, feruor in charitate est. Non autem hanc iram dico bestialem; sed humanam, rationalem. Est enim ira rationalis; & est ira bestialis. Rationalis in duo diuiditur, in zelum & disciplinam. Est autem hic habitus mentis, non aliud quàm amor Dei & proximi, odiumque vitiorum. Ideoque odiū vitiorum, quia amor Dei & hominum. Porro ira bestialis diuiditur in tria; in furorē, ubi in quantitate nullus modus est; in eam quæ dicitur manis, ubi nullus terminus; in eam quæ coitus appellatur; cui sola vindicta finem facit, sicut coitus feruori carnis. Feruet ergo ira rationalis ex charitate; charitas nihilominus feruet in ira in qua fundatur: quia nisi ira præcederet, charitas non sequeretur. Non enim potest diligi iustitia, nisi odiatur iniquitas. Sicut ergo in hepate, in corde, in cerebro, suæ virtutes, ut dictum est, & virtutum effectus corporalem vitam administrant & tuentur: sic ista spiritali. Sed & sicut illa vel ex defectuum suorum remissione, vel ex superfluitatis intentione, operationum suarum diuersa patiuntur impedimenta, quæ sunt passionibus corporis, siue infirmitates, sic & ista. Rationalitas enim corrupta sæpe de se generat presumptiones, hæreses, & his similia. Concupiscibilitas concupiscentiam carnis, concupiscentiam oculorum, superbiam vitæ. Irascibilitas irā bestialem, truculentiam, odium. Nunc de sensibus videamus. Habet autem anima sensus animales; habet nihilominus & spirituales. In utrisque verò tam potenter, tam mirabiliter operatur, ut vix humanus hoc comprehendat intellectus. Inuisibile enim quid & incorporeum est anima; & tamen per sensus operatur quiddam inuisibile & corporeum de corpore visibili. Est enim sensus vnus quilibet de quinque inter inuisibile incorporeum, & corpus visibile, inuisibile corporeum; quia in eodem corpore. Inuisibile incorporeum est anima; & inuisibile corporeum quod de corpore visibili mirabiliter agit anima; est visus, auditus, gustus, odoratus, & tactus. Aliud enim est visus, aliud oculus; aliud auris, aliud auditus; & sic de reliquis. Sed & interior visus animæ clarescit prudentiâ, insipientiâ tenebrescit: auditus fallaciâ offenditur, veritate mulcetur; fragrat animæ rationali æquitas, fætet iniquitas vel immunditia; vanitate tabescit, virtute pinguescit: misera est contubernio stultitiæ, beata complexu sapientiæ. Tota oculus est, quia tota videt, & totum quod inspicit videt. Homo verò exterior nec totus videt, quia solo oculo videt; nec totum videt quod videt: quia nullius visus corporis omnia videt. Adde quod hoc est ibi videre quod audire, odorari quod gustare vel tangere; cum huiusmodi unitas vel potentia in corpore esse non possit. Cum autem animam inuisibile quid vel incorporeum dixerimus, ac per hoc illocale, nihil enim incorporeum locale: querendum est, ut lucidius aliquid perscrutemur de ipsa anima, utrum verè illocalis comprobetur; utrum omnino sicut diuinitas, à prædicamentis illis quæ propria sunt corporum vel corporalium, segregetur: quorum nulli diuina subiacet essentia, licet ipsa sit prima &

*Ira rationalis duplex.*

*Ira bestialis triplex.*

*Anima habet sensus animales.*

*Deum non est in prædicamentis.*

*Vt Deus in  
mundo, sic  
anima in  
corpore.*

*Anima est  
sua potentia*

*Mutabilia  
ab immoto  
mouentur.*

summa substantia. Non enim dici potest qualis, qui est incomparabilis: non quantus, qui nulla mole magnus est: quid habet, qui nihil non habet: quomodo est, qui ipse modus est: nec est querendus habitus habenti omnia; nec locus ejus qui est illocalis, & vbiq; totus; nec tempus æterni, nec actus quieti, & in quiete omnia possidentis: nec passio impassibilis. Humana autem anima quia non habet molem, non habet quantitatem; quia affectuum mutabilitati subjacet, non effugit qualitatem; quia non clauditur in loco localiter, non recipit localitatem. Cum enim sicut Deus in mundo, sic quodammodo ipsa sit in corpore suo; vbiq; scilicet, & vbiq; tota, tota in singulis sensibus, vt in singulis tota sentiat; tota in singulis partibus, vt totum tota vegetet & sensificet: localis quomodo dicitur? Sic & de reliquis prædicamentis. Nulli ergo prædicamento subjacet diuinitas, anima quibuscumq; corpus omnibus subjacet. Agitur enim anima non per loca, sed pro affectuum diuersitate delectabiliter & pœnaliter. Quæ licet sine corpore incorporaliter per affectus vel mulcetur vel affligitur: totum tamen corpus sine anima nec pœnalia sentit, nec suaui. Anima enim in suis actionib; amplioris & agilioris potentie est, quam corpus. Hinc est, quod etiam dum corpus administrat & sensificat, si quando per internum mentis obtutu in superna & sempiterna se erigit, ita quodammodo corporeos deserit sensus, & ab eis illocaliter discedit; vt coram posita non videat, juxta sonantia non audiat: percursum in legendo paginam non intelligat; mirabili, & diuinæ quodammodo consimili potentia, hora eadē tota in intellectu contemplando cœlestia, tota in sensu vel actu in agendo: cum tamen quod agit non sentiat, tota in corpore quod viuificat. Ipsaque est anima quæ sentit; ipsa quæ quod sentit, non intelligit: ipsa quæ nec sentiendo nec intelligendo vegetat corp; & viuificat; per quod sentit quod per seipsam non intelligit. Ipsa etiam anima sua est potentia. Quod enim cogitat, accidens ejus est: ipsa verò sua substantia est, qua cogitat. Sic de voluntate. Velle aliquid accidens ei est; ipsum verò velle, substantia ejus est. Tota igitur cogitat, quia tota cogitatio est; totaque vult, quia tota voluntas est. Vide, obsecro, quomodo proficimus in imaginē ejus qui creauit nos. Si enim anima cogitans tota cogitatio est; si tota voluntas est: profecto tota diligens tota dilectio est. Sed & Deus dilectio dicitur, & est. Sed dilectio illa talis est, vt nec ipsa diligere nisi bonum; nec per eam diligere possit nisi bene. Hæc autem dilectio, quæ est humana anima pro affectuum mutabilitate potest & in superiora, quod ei solus Deus est, cœlesti charitate flagrare; & in inferiora dampnabili amore defluere. Tantæ majestatis creata anima ac dignitatis, ad imaginē creatoris sui, seque contemplans & ipsum, paululum in seipsa consistit; potentiamque suam ipsa non sine horrore suspicit, cogitansque vtrū supra se sit aliquid, quo sibi à se transeundum sit, inuenit quia omnia mutabilia vel mobilia non nisi ab immoto possunt moueri. Intelligensque de se, quia etsi non mouetur per locum, mouetur tamen per affectum: aliudque esse supra se stabilius stabilimentum, quod nec loco mouetur nec tempore: quia vt dictum est, nihil mouetur nisi ab immoto, videt se anima stare ne-

cessariò, vt moueat corpus per locum pariter & temp;: sicut stans Deus in semetipso mouet animam per tempus: inuenitque se mediam inter Deum & corpus, eoquod nulli corporum similis sit, cum similitudo Dei sit; nec tamen Deo possit æquari, quia & si ab illo cœperit, ex ipso tamen vel de ipso non est. Videt se videre incorporalia per se, corporalia per corpus: videt etiam corporalia videre se per se, sine corpore. Videt quippe, vt alia omitram, ipsa sui interiora corporis, triformitatem scilicet cerebri coeuntis, & jecoris massam jacentem, & regulis alienis hærentem: stomacho libram pendente, cordis plectrum sine intermissione feriens, venarū tramites, neruorumque texturas & origines, cōpages ossium, pulmonumque concava, & alia innumerabilia. Vndecumque cogitat, siue de locis, siue de regionibus, ibi est: licet contēplari per naturam nequeat: eorumque contemplatur situs locorum, decursus fluminum, vultus hominum, cæteraque talia. Quæ licet non videat, quia corporalia sunt, nec nisi corporalibus oculis videri possunt: sic tamen vbiq; cogitat adest, vt loca quæ cogitat, corporali visione non videat; sicut adest vbi viuificat, vbi ipsa quæ viuificat, sui corporis interna non videt. Et in hoc etiam ex aliqua parte, imaginem sui conditoris in se recognoscit: in hoc etiam quod videt illum lumen illuminans, se verò lumen luminabile. Amplius. Ad imaginem summæ Trinitatis videt quodammodo respondere, quæ sibi in se ipsa præsto sunt; mentem scilicet, cogitationem, & voluntatem. Nam cum cogitat aliquid, totū est in mente quod cogitat: & quod totum simul meminit, totum simul cogitat, & vult cogitare & meminisse: hoc est, amat habere mentem & cogitationem. Cumque cogitare se meminit, totam certè cogitationem tota mente comprehendit, & totum amorem suū vel mentem suam tota cogitatione cogitat, cum amare vel meminisse se cogitat: toto amore suo eandem totam mentem atque eandē cogitationem suam tota diligit; cum meminisse & cogitare se, ipsumque amare diligit. Et si se singula tota simul vel ament vel cogitent, vel meminerint: nō majora erunt tota simul tria, quam vñ mens tota pariter recolens, vel cogitatio tota cognoscens, vel amor totus diligens. Hoc videns anima in se esse, imò hoc videns se esse, audiensque sibi Deum quodammodo loquentem; veritatē videt radiantem, Christum intendit prædicantem & dicentem. *Ego & Pater, & charitas mea, non tres, sed vnū sumus*, vnus Deus sumus: tu vero mens rationalis, cogitatio, dilectio tua, vnus es homo, ad similitudinem authoris tui factus, non ad æqualitatem creatus: nempe non genitus, formatus es, non ipse formator. Recede ab his quæ infra te sunt, minus formata, minusque formosa, quam tu es; accede ad formam formatricem, vt possis esse formosior, eidemque semper adjungere, quia tantò ab illa specie amplius accipies, quantò te illi majori charitatis pondere impresseris. Ab illa enim obtinebis imaginis hujus indemutabilem statum, à quo sumpsisti principium. Hæc & alia loquitur veritas ad aurem cordis, intrinsecus admonens nos. Quæ quæcumque audit anima: cum semper humana miseria prompta sit ad inuidiā, non habet vnde inuideat Angelo; quia homo talis, & Angelus, & Deus, vnus jam sunt spiritus, secundum Apo- *1. Corin. 6.*

*Anima similitudo  
Dei à Deo,  
nō ex Deo.*

*Anima lumen  
luminabile.*

*Ioann. 10.*

*1. Corin. 6.*

**Joann. 17.** solum: vel vnum sunt in Deo, secundum Euāgelium; maximè cum hominis caput homo Christus in unitatem personæ ab ipsa veritate à Filio Dei verè & perfectè assumpsit meruerit jam olim audire, quod numquam potuit audire Angelus. Audiuit quippe à Deo Patre. *Hic est filius meus dilectus, in quo mihi complacuit.* Gaudet itaque glorificata in capite suo Christo sancta humanitas; & exaltata super Angelos exultat in seipsa: cum adoratum ab homine Angelum reculantè audit & dicentè pia humilitate, dulcissima charitate. *Vide ne feceris; conseruam enim tuum sum, & fratrem tuum.* Præsumat etiam minimè regni Dei peregrinus adhuc in sæculo; quia teste eadè veritate, *Angelus ejus semper videt faciem patris.* Sed redeamus adhuc ad imaginè Trinitatis. Sicut nihil sine creatore Deo, ipsa scilicet Sancta Trinitate existit; ita nihil omnino esse potest, quod non & vnum sit, & trifarià consistat. Omnis quippe anima, sicut dictum est, tribus individuus subsistit; memoria, consilio, voluntate. **Anima tribus subsistit.** Omne verò corpus & vnum est, & mensurabile, & numerabile, & ponderabile est. Anima verò secundum sua tria horum trium capax efficitur: quippe secundum ipsa de mensurabilib⁹ & numerabilibus & ponderabilibus judicans, hoc est de omnibus corporibus. Permanat enim à summo quod Deus est, per medium quod est anima, ad imū quod sunt corpora, unitæ specimen Trinitatis; corporibus signa sui imprimens, animabus verò notitiam tribuens. Hæc omnia anima intellectu conspiciens, non jam tantum delectatur in sua formositate, quàm in forma formatricè, cui intendendo semper efficitur formosior. Ipsum enim intendere, formari est. Quicquid enim ad Deum afficitur, non est suum, sed ejus à quo afficitur. Et o beata anima & verè beata, quæ si orat, sicut dicit apostolus, non ipsa, sed **Rom. 8.** *Spiritus sanctus pro ea orat usque ad ineffabile gemitus*: si loquitur, *Spiritus per eam loquitur mysteria*: quæcumque demum operatur, non ipsa, sed **1. Corin. 12.** *Spiritus in ea omnia in omnibus operatur, dividens singulis singula prout vult.* Sicut enim corpus vivit ex alia sic ex Deo vivit alia illa, ipsa soli suspirans, ipsum solū jugiter spirans, sicut corp⁹ vivens aërem: tota manens in Deo per fidelem affectionem, eumque quem amat in se habens manentem per omnipotentè operationem, vnus spiritus cum eo existens. Voluntas enim Patris & Filij, Spiritus sanctus incogitabili gratia, ineffabili gaudio, secretissima inspiratione, manifestissima operatione voluntatè ejus sibi conformans, amorem ejus omnipotentia spirituali sibi vniens, intantum cum ea vnum efficitur, vt sicut dictum est, interpellante ea gemitibus innarrabilibus, ipse potius interpellare dicatur. Et hæc est oratio Filij ad Patrem *Volo*, id est, voluntatis meæ virtute, qui Spiritus sanctus est, efficio, *vt sicut ego & tu vnus sumus* in substantia, *sic & ipsi in nobis vnū sunt* ex gratia. Vnum amore, vnum beatitudine, vnum immortalitate & incorruptione, vnum etiam quodammodo ipsa diuinitate. **Joann. 1.** *Quotquot enim receperunt eum: dedit eis potestatem filios Dei fieri.* Sed considerem⁹ gradus ab imo vsque ad supremum, quibus anima ad perfectionē contendens, proficiendo ad suum conscendit authorē. Anima igitur in primo gradu corpus hoc terrenum atque mortale præsentia suā viuificat; colligit in vnum, atque in vno tenet; defluere atque contabescere non

fini: alimenta per membra æqualiter suis cuique redditis distribui facit: congruentiam ejus modumque conseruans, non tantum in pulchritudine, sed etiā in crescendo atque gignendo. Sed hæc omnia homini etiam cum arbutis communia videri queunt. Hæc enim & dicimus viuere, in suo verò quodque illorum genere custodiri, ali, crescere, gignere videmus, ac færemur. Ascende itaque ad alterum gradum, & vide quid possit anima in sensibus, vbi euidentior manifestiorque vita intelligitur: quorū nobis cum his quæ radicibus fixa tenentur, nulla potest esse communio. Inscendit se anima in tactum: & calida, aspera, lenia, dura, mollia, leuia, graua, sentit atque discernit. Deinde innumerabiles differentias saporum, odorum, formarum, gustando, olfaciendo, audiendo, videndoque dijudicat. Atque in his omnibus ea quæ secundum naturam sui corporis sunt adsciscit atque appetit, rejicit fugitque contraria; remouetque se ab his sensibus certo interuallo temporum, & eorum motus quasi per quasdā ferias reparans, imagines rerum quas per eos hausit, secum ceteruatim atque multipliciter versat, & hoc totum est somnus & somnia. Sæpe etiam gestiendo ac vagando facilitate motus delectatur; & sine labore ordinat membrorum concordia. Pro copulatione sexus agit quod potest, atque in duplici natura societate atque amore molitur vnū corpus: sed hæc rursus omnia posse animam etiā in bestiis, nemo negat. Ergo attolle te intertiti gradum, qui jam est homini proprius; & cogita memoriam non consuetudine inditarū per sensus ad animam, quæ ad bestias pertinet, sed animaduersione atque signis commendatarum atque retentorum rerum innumerabilium, tot artes opificum, agrorum cultus, extructiones variarum vrbiū; ædificiorum, ac moliminum multimoda miracula; inuentiones tot signorum in literis, in verbis, in gestu, in hujuscemodi sono, in picturis atque figmentis; tot gentium linguas, fluuios eloquentiæ, carminum varietates, ludèdi ac iocandi causa milleformes simulationes, modulandi peritiam, dimerendi subtilitatem, numerandi peritiam, præteritorum ac futurorū ex præsentibus conjecturā. Magna hæc & omnino humana; sed est adhuc ista partim doctis atque indoctis, partim bonis ac malis animis copia communis. In his tribus gradib⁹ vides, anima quid valeat in corpore. Suspice igitur & in **Gradus quarto.** quarto gradui; quo bonitas incipit, & omnis vera laudatio. Hinc enim anima se non solum suo, secundum quod vniuersi partem mundi agit, sed ipsi etiam vniuerso corpori mundi æquidat se præponere, bonaque eius bona sua non putare, atque potentie pulchritudinique suæ comparata, discernere atque contemnere: & inde quo magis delectatur Deo, magis sese abstrahere à sordidis; nihilque velle alteri quod sibi nolit accidere: sequi auctoritatem ac præcepta sapientum, & per hæc loqui sibi Deum credere. In hoc tam præclaro actu animæ inest adhuc labor: & contra hujusmodi molestias atque blanditias magnus acerrimusque conflictus. In ipso enim purgationis negotio subest motus mortis. Quod cum effectū fuerit, id est cum fuerit anima ab omni tabe libera, maculisque diluta: tūc se denique in se ipsa lætissime tenet, nec omnino metuit quodlibet sibi, aut vlla sua causa quicquā angitur. Est ergo iste quint⁹ gradus. Aliud

**Gradus secundus.**

**Gradus tertius.**

**Gradus quartus.**

**Gradus quintus.**



Summus  
aspectus ani-  
mae.  
Gradus  
sextus.

Psalms. 50.  
Spiritus re-  
ctus quis.

2. Cor. 4.

Iusto passio-  
nis sunt vir-  
tutes.

est enim efficere, aliud tenere puritatem, alia prorsus actu, qua se inquinatam redintegrat; non patitur se rursus inquinari. In hoc gradu omnifaria concipit, quanta sit. Quod cum conceperit: tunc ingenti quadam & incredibili fiducia pergit in Deum, id est in ipsam contemplationem veritatis: & illud, propter quod tantum laboratum est, altissimum & secretissimum primum. Sed hæc actio, id est appetitio intelligendi ea quæ verè summeque sunt, summus aspectus est animæ; quo perfectiorem melioremque ac rectiorem non habet. Sextus erit iste actionis gradus. Aliud est enim mundari oculos ipsum animæ, ne frustra & remere aspiciat & prauè videat: aliud ipsam custodire sanitatem, atque firmare: aliud serenum atque rectum aspectum, in id quod est videndum, dirigere. In his duobus gradibus vides quid in seipsa valet. Sed intende, quoddam qui prius volunt serenum atque rectum aspectum habere, antequam mūdātī & sanari fuerint; ita illa luce reuerberantur veritatis, ut non solum nihil boni, sed etiā mali plurimum in ea putent esse, atque ab ea nomē veritatis abjudicent: & cum quadam libidine & voluptate miserabili in suas tenebras, quas eorū morbus pati potest, medicinæ maledicentes, refugiant. Vnde diuino afflatu & prorsus ordinatissimè illud à Propheta dicitur. *Cor mundū crea in me Deus: spiritum rectum innoua in visceribus meis.* Spiritus enim rectus est, credo, quo fit ut anima in veritate quærenda deuiare atque errare non possit. Qui profectō ea non instauratur, nisi prius cor mundum fuerit: id est nisi prius ipsa cogitatio ab omni cupiditate & fæce rerum mortalium sese cohibuerit & eliquauerit. Iam verò in ipsa visione & contemplatione veritatis, qui septimus est atque vltimus gradus animæ, neque jam gradus sed quædā mansio, quod illis gradibus peruenitur, quæ sunt gaudia, quæ fruitio veri & summi boni, cuius serenitatis afflatus, solus intelligit qui fruitur. Per hos igitur gradus fidelis anima ardens desiderio, sollicitudine non pigra; anabathmon, id est ascensum faciēs, & ascensiones in corde disponens, vsquequo perueniat in locum quem proposuit vel disposuit ei Deus; viuit, sicut dicit Apostolus, vita Dei, vita scilicet spirituali in gaudio Spiritus sancti, in spe filiorum Dei, in contemplatione & exemplari summæ iustitiæ. Vivit etiam quamdiu hic viuit, quamdiu hic ex parte per speculum videt & ænigmate, naturalibus passionibus suis sic utens, ut in carne posita non secundum carnem viuat, & pene fiat impassibilis, cum passionibus ipsæ non passionibus ei sint, sed virtutes: dum non timet nisi timore casto; dum non dolet, nisi quia differtur à regno, dum in latitudine charitatis exhilarata læta currit viam mandatorum Dei; omnia credens, omnia sperans, omnia sustinens, & à contemplatione finis sui suauiter amans; & quod fruitur, & quod patitur, & quod expectat, dulciter in eo requiescens in spe, quamdiu manet fides, spes, charitas; tria hæc. Cum enim absorpta fuerit mors in victoria, & euacuarum quod ex parte est; jam non erit fides vel spes, sed

sola res; cum in ea regnabit & exultabit major omnium charitas, destructo timore & dolore, speque fideque transmissa; & tunc intrabit in gaudium Domini, in quo intrabit beata anima feliciter, in eo victura æternaliter, & in illud proprium corpus resurrectionis mirabiliter, ut quod particeps fuit laboris, particeps etiam sit gloriæ in vita æterna. At contra infelix & degener anima, si tamen anima dicenda est, quæ se ipsam occidit, & in seipsa mortua est, carabathmon, id est, descensum facit inferiūs: imò non descensum sed ruinam, ut quæ in sordibus est, sordescat adhuc: agitque & patitur omnia per contrarium, alienata à vita Dei. Nam ad imaginem & visionem Dei creata, ubi incipere debuit Deum sapere, ibi incipit desipere: egressaque à facie Domini sicut Cain, habitat in regione dissimilitudinis; in terra Naim, id est commotionis. Extorris à virtute vitij subigitur: alienata à pace filiorum Dei in seipsa tumultuatur: artem naturalem in nequitia corrumpens & astutiam, malitiosa efficitur; animalitatis vel sensuum illecebris turpiter se immergens luxuriatur: efficiturque sicut equus & mulus, quibus non est intellectus; prudens tantum ut faciat malum, bene autem facere nesciens. Sui nulla cura; Dei nulla memoria. Vnde & passionibus suis fœdè angitur, quibus miserè abutitur; dum non timet, nisi quæ sensibus sunt molesta; non gaudet, nisi cum præsto sunt, quæ blandiuntur; non dolet, nisi cum tolluntur: per omnia bestiarum vel pecudum similis; nisi quoddam, ut supra dictum est, in illis est natura, quod vitium est in humana anima. Tamen continuo vsu malitiæ à nimietate languoris sui sic aliquando obstupescit, ut & ipsa quodammodo efficiatur impassibilis, siue insensibilis: dum nimia intentione nequitie quævis durissima & aspera carni non refugit, ut suis, id est animæ corruptionibus deseruiat, auaritiæ scilicet & concupiscentiæ carnis, vel oculorum, vel ambitionis sæculi. Sic viuit, quamdiu sepulchro corporis includitur. At ubi inde auulsa fuerit, penè sicut in brutis animalibus, quibus se sentit similem, toto cum corpore moritur. Cum enim vera ejus essentialis virtus omnino in ea deperierit, de qua dicit sapientia, *Deum time, & mandata ejus observa, hoc est enim omnis homo*: iustissimo tamen iudicio Dei tota mori non permittitur; sed quantum ad dolorem solum reseruetur passibilis, exclusa ab omni gaudio, alienata ab omni spe, timorem nullum habens doloris, sed ipsi dolori tota emancipata. Nempe viuens quiddam viuificū in ea remanet, quia viuit tantum, ut patiatur, passibilis ut puniatur vel torqueatur, viuifica ut corpus iterum viuificet: ut cum eo torqueatur semper, cum quo libuisset, si liquisset, peccare semper. Heu quàm melius illi fuerat, si sicut anima pecoris tota cum corpore moreretur: ne in æternum puniretur. Hæc autem beatæ animæ & miseræ dissimilitudinē, sicut anima sola facit amoris dissimilitudo. In altera quippe amor naturalis dignitatis tenorem: in altera verò degenerat in pecudalē carnis animalitatē.

Quæ ani-  
ma desan-  
sum faciat.

Genes. 4.

Anima be-  
stiarum similis

Eccla. 12.

Discrimine  
beatæ & mi-  
seræ anima  
ab amore

Finis Physica Anima.

# B. GUILLELMI ABBATIS

## S. THEODORICI

### Speculum Fidei.



**N**on tria omnia salutaria Dei salutarium nostrorum, que Deus noster, Deus saluos facendi, homini ad salutem suam proposuit obseruanda, sicut dicit Apostolus, *manet tria hec, fides, spes, charitas*, maxime obseruanda saluandis mortalibus. Hanc enim trinitatem constituit Trinitas sancta in mente fideli, ad imaginem & similitudinem suam, qua renouamur ad imaginem eius qui nos creauit, in homine nostro interiori: & ipsa est machina illa salutis humane, cui edificandæ ac construendæ in cordibus fidelium inuigilat omnis Scriptura diuina inspirata. A fide enim incipit homo. Interim quippe dum peregrinamur à Domino, non nos fallit Apostolus, qui dicit, Christum per fidem habitare in cordibus nostris. Sed & spes peregrinationi nostræ necessaria est. Ipsa enim est, quæ consolatur in via. Tolle enim viatori spem perueniendi: franguntur vires ambulandi. Cum autem venerim⁹ quod tendimus; jam non erit fides. Numquid enim diceretur nobis, crede? Non utique; quia videbim⁹ Deum, & contemplabimur eum. Sed neque spes jam erit necessaria; quando erit res. Quod enim videt quis, quid sperat? Nec tamen fides & spes peribunt, sed in res suas transibunt: cum, quod credebatur, videbitur; habebitur, quod sperabatur. Charitas verò non tantum erit, sed perfecta erit: cum, quod nunc diligitur credendo, & sperando, tunc diligeretur videndo & tenendo. Interim verò homini in illud lumen incircumscriptum intèdere cupienti quàm necessaria sint tria hæc, facile est aduertere. Tria namque habeat necesse est, oculus, quibus jam bene uti possit, ut aspiciat & videat. Oculus verò animæ mens siue ratio est, ab omni malo pura atque purgata: quod ei primo nihil aliud præstat, quàm fides. Si enim non credat se visurum, quod adhuc demonstrari non potest ægrotanti, quia nequit videre nisi sana; non dat operâ suæ sanitati. Sed quid, si credat quidem & rem se habere, sicut dicitur, atque ita si videre potuerit, se esse visurum; sanari tamen se posse desperet: nonne se prorsus abjicit atque contemnit, nec præceptis medici obtemperat: præsertim quia præcepta ipsa necesse est ut morbus dura sentiat? Ergo fidei spes adjicienda est. Quid si, & credat ita se habere omnia, & se speret posse sanari; ipsam tamen quæ promittitur lucem non amet, non desideret; suisque tenebris, quæ jam ei in consuetudine jocundæ sunt, se arbitretur debere esse contentam: nonne nihilominus medicum respuit? Ergo tertia charitas necessaria est, & nihil tam necessarium. Igitur sine tribus istis anima nulla sanatur, ut possit Deum videre; hoc est, intelligere. Cum ergo sanos habuerit oculos: restat, ut aspiciat. Aspectus autem animæ, ratio est. Sed quia non sequitur, ut omnis qui aspiciat, videat: aspectus rectus atque perfectus,

id est, quem visio sequitur; virtus vocatur. Virtus namque est recta vel perfecta ratio. Sed & ipse aspectus, quamvis jam sanos oculos conuertere in lucem non potest, nisi tria illa permanent; fides, qua creditur ita rem se habere, ad quam conuertendus est aspectus, ut visa faciat beatum: spes, qua cum bene aspexerit, se visurum esse præsumat: charitas, qua videre perfrui, que desideret. Iamque aspectum sequitur illa visio Dei, quæ est finis aspectus; non quo jam non sit; sed quo nihil amplius habeat quo se intendat: & hæc est verè perfecta virtus, ratio perueniens ad finem suum, quam beata vita consequitur. Ipsa autem visio intellectus ille est, qui est in anima; cum animæ intelligere, hoc est Deum videre contingerit. Ita cum iustus ex fide vivat, manent utique ad formandam vitam fidelium tria hæc. Hinc namque fit, ut pares cum eis mores non habeant infideles; qui hæc tria cum fidelibus paria non habent. Qui enim à fidelibus alia credit, alia sperat, alia diligit: necesse est ut etiam aliter vivat. Nam cū vsus quarundam rerum similis, esse nobis cum gentibus videtur longe tamen aliter his rebus utimur, qui ad aliam finem vsus earum referimus: aliter de eis gratias agendo, de quo praua & falsa non credimus; & eandem res non ad eundem finem referendo, sed ad finem diuini legitimique præcepti, charitatem de corde puro, & conscientia bona, & fide non ficta. Nam & homo fide spe & charitate subnixus, eaque inconcussè retinens, non indiget Scripturis, nisi ad alios forte instruendos. Ita multi per hæc tria etiam in solitudine sine codicibus vivunt. Vnde & in illis arbitror jam impletum esse quod dictum est; quoniam *sine prophetia, euacuabuntur, sine lingua, cessabunt; sine scientia, destruetur*. Quibus tamen quasi machinis tanta in eis fidei, spei, & charitatis surrexit instructio; ut perfectum sine illis apprehendant, quale potest esse perfectum vitæ huius, quod per fidem, spem, & charitatem, apprehendi potest. Perfectio namque huius vitæ non alia est, quàm per fidem, spem, & charitatem, perfectæ que retrò sunt obliuisci; & in ea extendi quæ ante sunt. Nam & Apostolus hoc dicit. *Quotquod, inquit, perfecti sumus; hoc sapiamus*. Qui cumque ergo verè querunt Deum Trinitatē; triū virtutum harū affectent, in semetipsis habere Trinitatem: & conformare se studeant ad earum disciplinam. Conscientia earum paradisus voluptatis est, pollens affluentia gratiarum, & castis sanctorum delitijs virtutum: ubi homo incolâ paradisi ipsius cum Deo conuersatur; & sæpe eum videt, semper ab eo videtur: sæpe cum eo loquitur. Tres autem cardinales istarū virtutes ubi sunt, ad aliquam similitudinem Trinitatis Dei sic sibi inuicem connexe sunt & conjunctæ, ut sint singulæ in omnibus, & omnes in singulis; ut quod, & quantum, & quomodo, quis

1. Cor. 13.

Ephes. 3.  
Fidei spei &  
caritatis necessitas.

Rom. 8.

Rom. 1.

1. Corin. 13.

Perfectio huius vitæ in quo sita sit.  
Philip. 3.

*Iac. 2.  
Homines  
quidam pe-  
iores demo-  
nibus.*

credit; hoc etiam, & tantum, & eo modo speret & amet: sic etiam speret, quod credit & amat; sic amet, quod credit & sperat. Fides enim nomen virtutis est; & magnæ & eximie virtutis. Sed fides quæ spem & charitatem non habet; virtus non est. Sic enim & dæmones credunt, & homines, qui sicut dæmones credunt; nisi quodd peiores esse videntur ipsis dæmonibus homines quidā; in eo quod homines nec timent, vbi dæmones contremiscunt. Certamque esse fidem oportet; vt certa sit spes, certa charitas. Sicut enim recte credi non potest sine spe, nec sperari nisi præcedente fide; sic nec alterius formæ spes esse potest quàm fides. Creditum quippe bonum suum spei format appetitum; cum credita bonitas crediti dat fiduciam sperandi. Ad similitudinem ergo summæ Trinitatis sicut fides spem gignit, sic charitas ab utroque, hoc est à fide & spe procedit; cum non potest non amari quod creditur & speratur; & eodem utique modo amari, quo creditur & speratur. Sicut enim ibi tres personæ coæternæ sibi sunt, & consubstantiales; ita & hic fides, spes, charitas, non tempore alia prior, alia posterior est, quantum ad virtutis substantiam quodammodo consubstantiales; licet videantur habere secundum formam differentis affectus, quasi differentias quasdam personales. Rationalis quippe animi virtus generalis est recta ratio; cuius tot sunt species, quot rationalis hominis dicuntur virtutes. Nam & trium virtutum harum, fidei, spei, & charitatis, vna virtutis forma, quia tota à fide proficitur, in hac vita, in qua credimus, speramus, amamus, quod non videmus, fides est, & fides nominatur: per quam hic ambulamus, quamdiu à Domino peregrinamur: tota futura & dicenda charitas in futura vita, & gratia nominis & merito perfectionis; cum fide & spe non peteuntibus, sed in res suas transeuntibus, videbitur & habebitur, quod nunc creditur & speratur. Nam & in hac vita, in quantum aliquando proficitur in idipsum summæ veritatis, per affectum sentiendi de Domino in bonitate, fides & spes nonnumquam, non tamen charitati conformatur, quàm vniuntur: adeo vt tribus ipsis in lumine vultus Dei proficiendo ambulantiibus, licet suæ unicuique maneat species proprietatis; sæpe tamen in tribus non nisi vna sit seu appareat facies charitatis. Ascendentibus enim de valle hac lachrymarum ad supernarum celsitudinem promissionum, charitas hæc, seu dilectio, seu amor hic, ab initio fidei inchoatur: vbi homini primitus ab infidelitatis tenebris progredienti continuò sol iste iustitiæ exoritur; cum non solum credi incipit & sperari quod non videtur; sed etiam diligitur in quantum creditur & speratur: quamvis in hac vita dilectionis ipsius plenitudo seu perfectio nulli prorsus, cuiuscunque profectus fuerit, speranda sit; quousque illuc perueniatur, vbi videntium facie ad faciem tota erit beatitudo habere quod diligitur; & omnis virtus diligere quod habebitur. Interim verò ambulantium per fidem est, eò niti, eo suspirare; vbi à fatigatione viæ, & tædio peregrinationis, sperat respirare. Species namque summi boni ad amorem sui & cognitionem naturaliter semper suscitatur & trahit omnem rationalem intellectum, quod mundior, eò jam sibi propinquior; eò ardentior ad videndum, quod videndum beatis mundicordibus promittitur: quod non nisi mundis cordibus videretur; ad quod

videndum, non nisi fide corda mundantur. Cui suspirat, quicumque affectat diligere Dominum Deum suum extoto corde suo, & extota anima sua, & ex omni mente sua; & proximum suum, in quantum præualeat, adiuuat in hoc ipsum, quod diligit sicut semetipsum. Sed quamdiu ex peccato primi hominis, & pœna peccati ejus, in filiis carnis ejus, qui etiā sunt filij gratiæ, sit quod dicit Apostolus de seipso, *condeletor iniqui legi Dei secundum interiorem hominem, video autem aliam legem in membris meis repugnantem legi mentis mee, & captivum me ducentem in legem peccati, quæ est in membris meis; & caro concupiscit adversus spiritum, & spiritus adversus carnem*: quamdiu sic est homo, palam omnibus est, quàm non diligit Dominum Deum suum, sicut debitor est; scilicet ex toto quod homo est, quod vivit; qui toties tam multa, tam carnaliter extra Deum concupiscit. Quamdiu enim hic vivitur; carnalis concupiscentia minui potest, frenari potest: extinguiverit vt penitus non sit, non potest. Quapropter perfecta illa dilectio quæ ex toto est, quæ secundum præceptum legis Dño Deo debetur, præcipitur in hac vita: sed nequaquam à quoquam perficitur. Præcipitur tamen; vt quod nos extendere debeamus, non ignoretur. Quæ in quantum proficit in nobis, in quantum concupiscentias carnis minui necesse est; donec ibi perficiatur, vbi extra Deum iam nulla concupiscentia est. In quo hic proficere, per fidem ambulare est. In quo quicumque proficiens inuenietur exiens de hac vita: indubitanter de eo credendum est & sperandum, perficiendum eum in futura vita. De fide autem non rectam fidem habemus; si non intelligimus fideliter ante omnia, cuius donum sit. Est autem fides res liberi arbitrij, sed liberati à gratia. Nequaquam enim liberum potest esse arbitrium hominis venundati sub peccato; nisi liberante eo, de quo dicitur. *Si vos filii liberi meritis: tunc verè liberi eritis*. Ad peccatum tantum per se liberum est: qua libertate peccant omnes, quicumque delectatione vel amore peccati peccant. Sed hac libertate servi facti sunt peccati, liberi iustitiæ: nullum fructum iustitiæ liberum habentes vel velle vel perficere; nisi liberante gratia liberati à peccato servi facti fuerint iustitiæ. In quo in filiis Adæ venientibus ex massa damnationis antiquæ, quem vult iuste deserendo indurat debita iustitia: cuius vult subueniendo miseretur indebita misericordia. Vbi offert bonam & liberam voluntatem, & accipit fidem adjutus: jactat quæstionem, & meretur damnationem desertus & reprobatus. Dicit enim. *Quid adhuc queritur? Voluntati enim ejus quis resistit?* Tremat qui sperat; vbi sic audet, qui desperat. Non querat rationem, sed impleret miserationem: & ex eo qui reprobat, nisi subveniret gratia, discat quid & ipse merebatur. Nam, sicut dicit Apostolus, *Non omnium est fides*. Quorum ergo est? *Fundamentum Dei*, ait, *stat: habens signaculum hoc. Novit Dominus, qui sunt ejus: & discedant ab iniquitate omnes qui invocant nomen Domini*. Quicumque enim ab æterno in præscientia Dei sunt præcogniti: ipsi sunt qui crediderunt, qui credunt, qui sunt credituri. Ipsi sunt, & extra eos nullus: oves Domini, oves pascuæ ejus, quæ vocem ejus audiunt, quas nemo rapit de manu ejus; populus ejus, scientes quoniam Dominus ipse est Deus. Ipsi sunt verè credentes, veri adoratores in spiritu & veritate: ab æter.

*Rom. 7.*

*Galat. 5.*

*Concupiscentia non potest in hac vita penitus extingu.*

*Joann. 8.*

*Rom. 9.*

*2. Thessal. 3.*

*2. Timot. 2.*

*Joann. 10.*

2. Tim. 2.

ab æterno præsciti, cum non essent; prædestinati, ut aliquid essent; vocati, cum auersi essent; iustificati, cum peccatores essent; glorificandi, cum immortales fient. Noti ergo & præcogniti in Dei præscientia, notificantur etiam sibi in conscientia sua, in quantum inuocant nomen Domini; & testimonium reddit Spiritus sanctus conscientiæ eorum, quod sunt filij Dei: noti etiam fiunt hominibus, in quantum discedunt ab iniquitate præ cæteris hominibus. Sed in magna domo non solum sunt vasa aurea & argentea; sed & lignea ac fictilia: & alia quidē sunt in honorem, alia verò in contumeliam. Quod quare sit, vel quomodo sit, arbiter est figulus: qui habet potestatem ex eodem luto facere quod vult; siue in honorem, siue in contumeliam. Nec habet super hoc respondere figmentum figulo, homo Deo, lutū plasmanti, creatura creatori suo: qui cum faciat omnia causa vel ratione, qua ipse nouit; cum sit dominus omnium, liberè de omnibus; quod bonum est in oculis ejus facit; & certè bonus bene omnia facit. In quo sicut humilitas credentis certissimū est signum ovis Domini, quæ ponenda est à dextris: sic superba quæstio non credentis, signum est hædi ponendi à sinistris. Nam apud Deum nullus, nisi humilis spiritu saluatur: in ostium fidei, nisi humiliato capite nullus ingreditur. Foramen acus est fides; non potest per eam intrare camelus enormis & tortuosus; nisi ad humilitatem & simplicitatem Christi attenuatus fuerit & directus. Venit enim ad ostium fidei superbus & elatus: & dum vocatur ad credendum, inuitatur ad ingrediendum, stat & disputat contra ostiarium, cui alio admissio, alius excludatur: donec iusto iudicio ostiarii clauditur ei ostium: & de admissis & exclusis disceptans, ipse inter exclusos inuenitur. Dicit enim ad singula quæ non capit, *durus est hic sermo*; durior ipse: & abiens & conuersus retro, in eis quæ retro sunt ordinatur. Pauper verò spiritu, qualium est regnum Dei, cum timore & tremore salutem suam operans, nec ponens in cælum os suum, venit ac plorat: & ut admittatur, orat; & cum admittitur, adorat: semper pauidus, ubique trepidus ad arbitrium figuli, quodcumque voluerit de luto suo facientis. Ingressus etiam non est securus, quamdiu grauat eum sensus carnis suæ: incedens cum timore, proficiens cum amore; ardens ad intelligenda quæ videt, timens verò scrutari quæ non debet. Non ergo volentis, neque currentis; sed miserentis est Dei, & quod bene vis o homo, & quod credis. Equidem si non vis credere, non credis; credis autem, si vis: sed non vis, nisi à gratia præueniaris: quia nemo venit ad Filium, nisi Pater traxerit eum. Quomodo? Vtique creando in eo, & inspirando ei liberam voluntatem, qua liberè vult id quod vult: hoc est, ut voluntatis ejus sit, quod bene vult. Deo enim inspirante fit in nobis voluntarius mentis assensus in his quæ de ipso sunt: & corde creditur ad iustitiam, ore autem confessio fit ad salutem; & ipsa est fides. Sic ergo dictum est, si vis credis, sed non vis, nisi à Patre traharis: & si vis, ideo utique vis, quia à patre traheris. Ideo vosmetipsos, ait Apostolus, *tentate; si estis in fide, ipsi vos probate. An non cognoscitis vosmetipsos, quia Christus in vobis est? Nisi forte reprobi estis.* Quomodo autem est Christus Iesus in nobis? Vtique per bonam voluntatē, quia pax hominibus bonæ vo-

luntatis: volendo scilicet, ut habiter Christus per fidem in cordibus nostris. Voluntas enim hæc aliquantus jam amor Christi est, sine quo fides in Christum omnino esse non potest. Pia namque fides sine spe & charitate esse non potest. Omnimoda ergo bonæ voluntatis absentia signum est omnimodæ reprobationis, & obduratæ infidelitatis: sicut bona ejus conscientia testimonium est Domini fidele, quod sumus, filij Dei, & gratiæ adoptantis. Cur enim non credis o infidelis? Vtique quia non diligis. Non credis, quia non diligis; non diligis, quia non credis. Neque enim alterum esse potest sine altero: quia alterum pendet ex altero. Incipe diligere; hoc est, age ut velis; & incipies credere: & tantum credes, quantum voles; hoc est, quantum diliges. Voluntas enim initium amoris est. Amor siquidem vehemens voluntas est. Et amor crediti, suggerit facultatem credendi. A carnali affectione accipe similitudinem ad Patrem Deū. Credit se homo majoram authoritati, & quod nullo didicit experimento, patris & matris suæ filium se esse indubitanter tenet: quia crediti patris & matris tanti apud eum est auctoritas, ut eam nec refellere velit, quia diliguntur: nec possit, quia digni habentur in iudicio diligentis, quibus absque dubitatione credendum videatur. Amplectere & tu gratiam diuinæ adoptionis; hæres Dei, & cohæres Christi. Flecte genua tua ad patrem Domini nostri Iesū Christi; à quo omnis paternitas in cælo & in terra nominatur: ut det tibi secundum diuitias gloriæ suæ, virtutem corroborari per spiritum ejus in interiori homine, habitare Christum per fidem in corde tuo: & agnosce generis tui dignitatem; ne degenerem te comprobes per incredulitatem. Nam & secundum generationem carnalem, abnegare parentes grauis naturæ injuria est. Agnosce matrem gratiam; patienter sustine, ut te nutriet in sinu authoritatis lacte simplicis historiæ, & inhiat vberibus, ut citò crescas. Crescere, proficere; decrescere verò, deficere est. Nec nasci, nec crescere secundum carnem, voluntatis est: spiritualis verò nativitas, & incrementa spiritualia; voluntatis sunt. Voluntas verò in hoc filia gratiæ est. Gratia generat, gratia lactat, gratia nutrit ac prouehit, & ad perfectum vsque perducit: hoc est, ut charitas, id est magna & bene affecta voluntas fiat; charitate verò operante multò dulcius omni affectu carnali, & multò certius, præsto fit Spiritus ad testimonium perhibendum filiis gratiæ, quod sint filij Dei; quàm natura filiis hominum, quod sint filij parentū suorum. Qui verò credit, scire debet, quid credat: quo authore, quo docente, quod credit credat. Qui enim verè fidelis est, & bonæ voluntatis circa fidem; nequaquam in eis quæ fidei sunt, quid credat eligit: sed sine omni retractatione & hæsitacione, quidquid credendum indicit diuina authoritas, credit. Nec nouas ipse sibi fides confingendo, sapit ea, quæ quasi carnali ejus sensui magis conueniunt: sed semper ea sapere appetit, quæ vera sunt: ipsis rationem conquirens, & doctrinam coaptans; nec de eis hæsitans humana ea ratione dijudicando: sed certa habens, fide & amore inhærendo. In quo tamen sit aliquando, ut sint qui fidem habeant, qua majorem nemo habere possit; in confessione ejus parati dare animas suas; sicut Domino attestare majorem nemo charitatē habet, quàm

Fide humana credimus nos filios parentum.

Ephes. 3.

Bona voluntas gratia filia.

Ioann. 6.

Rom. 9.

Ioann. 6.

Fides opus est gratia &amp; liberi arbitrij.

Rom. 10.

2. Cor. 13.

Ioann. 15.

ut animam suā ponat quis pro amicis suis: qui in credendo tamen, hoc est in cogitando ea quæ fidei sunt, caligant & laborant. Humani autem hæc animi grauitas, & grauis infirmitas, & mira cœcitas est. Facillimum quippe & optabile etiam sæpe multis est, si necessitas vel occasio ingruerit, mori etiam propter fidē: quibus in credendo; hoc est de cīs quæ fidei sunt cogitando, non facile est ipsius fidei assequi puritatem. Nec mirum, cum sæpe etiam promptissimè moriantur propter fidem; quibus difficile nimis est vivere secundum fidem. Hinc namque est, quod cum ea quæ fidei sunt in Scripturis, seu historialiter audiuntur; seu moraliter à Sanctis Doctoribus traduntur, seu in mysterijs quibusque vel sacramentis tractantur: nonnumquam quidem non consentiente sensu, nonnumquam verò etiam errante consensu; à plerisque etiam fidelib⁹ tam difficulter & tam scrupulosè accipiuntur, ea quæ dicuntur. Infirmi quippe ingenij, sed infirmioris fidei homines animales, non percipientes, aut vix percipientes ea quæ Dei sunt, licet repugnante ratione fidei rationi & consuetudini humanæ: sæpe etiam nolentes, quasi infinitatem diuinæ potentie metiuntur de infirmitate sensus humani, seu fidei suæ, quasi suggerente natura humana & sensu ejus, Deum nil posse, vel esse, vel agere, nisi quod homo de eo videtur sibi posse intelligere: sacramenta fidei, sanctarum mysteria Scripturarū, fragmenta esse humanarum adinventionum. Porro vir fidei & virtutis, quicūque ille fuerit ad vitam prædestinatus, præueniens à gratia, & sicut Paulus misericordiam consecutus, ut sit fidelis; etsi aliquando in eis quæ fidei sunt patitur aliquem carnis suæ sensum, nullum prorsus præbet assensum: sed sicut diuinæ autoritatis fidele mancipium primo omni studio animi subijcit se disciplinæ fidei ej⁹ quæ discitur: deinde omni pietatis affectu ambit ad eā quæ donatur: primò ad eam quæ reuelat caro & sanguis: deinde ad eam quam nō reuelat nisi Pater qui est in cœlis: primò ad scientiam, quam nox nocti indicat; deinde ad verbum quod dies dioi eructat: satagitque discere non solum quod creditur, sed etiam quibus cōtra inimicos fidei fides ipsa muniatur; quod fiat fides ipsa vbi non est, confirmetur vbi est: vitā etiam moresque coaptans; ut quod creditur, nō solum credatur, sed & speretur, & diligatur; & diligendo intelligatur, & intelligendo diligatur. Sic enim creditus cum Deo spiritus mereatur Spiritum sanctum, gratia gratiam, fides intellectum & affectum pietatis, & intellectum amoris, in captiuitatem redigentem omnem intellectum in obsequium Christi: ut secundum quod scriptum est, *nisi credideritis non intelligetis*, qui credit, amando intelligere mereatur quod credit. Sicut enim olim priusquā veniret fides, sub lege custodiebamur conclusi in eam fidem, quæ reuelanda erat, & lux pedagogus noster fuit in Christo Iesu, ut ex fide iustificaremur: at vbi venit fides, jam non sumus sub pedagogo, sed recepta adoptione filiorum inuenti sumus filij Dei, accepto in eordib⁹ nostris Spiritu Dei, in quo clamamus Abba Pater: sic etiam in ipso tempore gratiæ, priusquam splendescere incipiat in cordibus nostris illuminatio Euangelij gloriæ Christi, custodiri & concludi habemus sub authoritate ejusdem Euangelij in gratiam reuelandam nobis tempore illuminantis nos miseri-

cordiæ Dei. Sit ergo interim authoritas pedagogus noster in Christo Iesu: ut per humilitatē credendi à gratia mereamur illuminari. Cum enim venerit illuminans gratia, jam non sumus sub pedagogo: quia vbi fuerit spiritus Domini, ibi libertas. Accepto enim spiritu Filij Dei, effici-mur & ipsi filij Dei: & intelligentes & sentientes nos patrem habere Deum, cum omni jam fiducia renuntiantes authoritati, dicimus ei, quod mulieri Samaritanæ dicebāt conciuēs sui. *Quia jam non propter suam loquelam credimus: ipsi enim audiuimus, & scimus, quia hic est verus saluator mundi.* Interim verò dum præparatur credēdo, id est in his quæ fidei sunt cogitando, intellectui locus suus agatur necesse est: ut in cogitatione detur authoritati magnus locus. In eo, ergo quod nec sensu concipi, nec vlla valet ratione interim inuestigari, obedientissimè cedatur & credatur diuinæ authoritati: sicut est de Salvatore humanæ dispensationis euangelica historia, & gestorum ejus, quæ eis qui tunc fuerunt, tunc facta sunt, ad videndum, & ad credendum quod non videbant; nobis autem credenda indicūtur, quia sic facta sunt, & per ea credendū est, quod & illi credebant. Sed etsi in corde ebullire incipiunt sensuum carnalium tentationes, scandala fidei, tristes hæsitationes, & quæstiones tenebrose, quibus non tam ex placito voluntatis, quàm ex incuria neglectæ mentis, vel leuitate naturalis de rationalitate feruoris, fidelis etiam animus nonnumquam caligare solet; nulli melius animus regendum se credit & committit, quàm diuinæ authoritati: scilicet quam diuinitas in tam eminenti culmine dignitatis constituit; & quam verbo & scripto, & vita & morte sua nobis commendauerunt tot & tanti homines Dei. In qua cum piè & humiliter acquiescitur, bene ibi & quasi in tuto requiescitur; donec per operationem Sancti Spiritus ipsa, sicut dicit Propheta, experientia intellectum incipiat dare auditui: donec obtineat fides, vix res cujus præcessit fides, credentia illucescat affectui; ut de fide Iesu Christi fiat in corde ejus & exemplum humilitatis, & incentiui amoris, & sacramentum redemptionis: ut, sicut dicit Apostolus, fiat ei Iesus Christus à Deo Patre iustitia, sapientia, & sanctificatio & redemptio. Et enim tunc jam bene creditur, tunc de fide dignè fidei cogitatur; quamvis non jā tam cogitatur, quàm agitur: quia quicquid fidei est, Spiritus sanctus in anima illa actualiter quodammodo operatur; cum affectus fidei feruet in conscientia; in intellectu verò fulget illuminans gratia: & affectus boni operis resplendet in vita. Reliqua verò in initio credendi authoritate duce, necesse est perire de via iusta ambulantes in sensu carnis suæ: nonnullos verò etiam de numero fidelium sæpius offendere: qui etsi non sic offendunt ut cadant; non tamen sine aliquo viæ discrimine & sancti in fide profectus detrimēto, inueniuntur pertransire. Dicit enim insipiens in corde suo, *non est Deus.* Ali⁹ verò dicit, *quomodo scit Deus, aut si est scientia in excelsis;* dubitans de providētia Dei. Miratur alius, si pro salute hominis vel debuit Deus homo fieri. Et multa in hunc modum. Nam etiam feruentiores in religione animos, sed teneriores adhuc in fide, attentare sæpe solent huiusmodi de fide tentationes, non occurrendo in faciem venientes, sed latenter quasi à latere insidiantes, & quasi vestem fidei à ter-

2. Cor. 3.

Ioann. 4.

Isaia 28.

1. Corin. 1.

Psalm. 13.  
& 72.

1. Timot. 1.

Fidelis motus infidelitatis sentit, sed non consensit.

2. Cor. 10.

Isaia 6.

Galat. 3.

Rom. 8.



go vellicando; non dicentes *est est, non non*: sed *forſitan & forſitan* ſuſurrantes. Forſitan, inquit, ſic eſt: forſitan non eſt. Forſitan aliter fuit, aliter ſcriptum eſt: propter aliquid quod ſcriptum non eſt. Et reſpiciente rationis iudicio diſparent omnia; & integra quidem licet inueniatur fidei veſtis, vellicata tamen ſentitur & concuſſa. Siquidem & ratio videtur eſſe quæ impugnat, & ratio quæ repugnat; illa animalis & carnaliter ſapiens, hæc autem ſpiritalis & ſpiritaliter diiudicans omnia: illa quaſi de inexpertis hæſitando, hæc verò authoritati omnia ſubdendo: inſuper ægrè ferendo in aliqua ſui parte aliquatenus ſibi rem venire in dubium; cui ex authoritate diuina & fide non ſecta, non dubium tribuit aſſenſum. Sed quid faciat creditus cum Deo ſpiritus? Legit ſibi euangelica tam verba Domini quàm miracula; & in omnibus veneratur & adoratur veritatis ſancta veſtigia. Requiſitus fidem, *Tu*, inquit, *Chriſtus filius Dei*: requiſitus amorem, *Tu ſcis*, inquit, *quia amo te, & animam meam pono pro te*. Et cum cuncta quæ fidei ſunt intrepido corde credat ad juſtitiam, ore autem confeſſetur ad ſalutem, ex regula authoritatis; ab aure tamen cordis excutere non poteſt *forſitan & forſitan*, ſuſurrum tentationis: non illud dicens ſibi, ſed moleſtiſſimè ferens ab aliquo animæ ſuæ ſenſu dici ſibi. Genit ergo ad verba Apoſtoli; & nimium ipſe ſuſpectus eſt ſibi. *Proſmetipſos*, inquit, *tentate ſi eſtis in fide, ipſi vos probate. An non cognoviſtis vos ipſos, quia Chriſtus Ieſus in vobis eſt, niſi forte reprobi eſtis?* Et alibi. *Nemo loquens in Spiritu ſancto, dicit anathema Ieſu*. Cui conſtanuſſimè ipſe ſubjūgit: *Imò ſi quis non diligit Dominum Ieſum Chriſtum, ſit anathema, maran aſa*. Et tamen in omnibus his ab occulto neſcio quo conſcientiæ excutere non poteſt aculeum mortis, non quidem tranſpungentem, ſed tamen pungentem: nonnumquam verò nec pungentem, nec tamen recedentem. Multumque veretur, ne Chriſtus Ieſus in aliqua ſui parte non ſit, ſiquid ſit in aliqua parte conſcientiæ ſuæ, quod contra eū ſit: cum hæc ipſa timoris & doloris anxietas veræ fidei manifeſtum argumentum ſit. Non ſentit hoc, niſi qui pugnat; & qui jam quod credit amat, & timet perdere quod jam tenet; qui ſpiritaliter examinatur: cui non ſufficit communis cū multis conſuetudo aſſentiendi, & profeſſio conſtendi: qui expertus jam aliquid, incipit ſcire quid deſit ſibi. Quid autem timet in huiusmodi; quid anxietur; quid dolet; niſi fides? Statuit ergo ſe contra ſe homo Dei: & ipſe ſemetipſum ſpiritaliter examinans dicit. Quid eſt, & anima, in quo conturbas me? Non fide ſtaſ? Non crediſ? Et duo hæc proponendo ſibi conferens, & agens ſecum; de utroque ſibi reſpondeat cor ſuum. Diſcutit utrumque quid ſit, & inuenit quia fides voluntarius eſt aſſenſus mentis, in eis quæ fidei ſunt; credere verò cum aſſenſu de eis cogitare. Omneſque terminos fidei ſuæ circumſpiciens, & puram ſibi voluntatem in corde, & aſſenſum in oris confeſſione, opera etiam fidei inueniens in propoſito & profeſſione uſq; ad martyrij & mortis neceſſitatem, ſi forte ingrueret; interim de fide bene reſpondet ſibi. Cogitans deinde mentis ſuæ ſtatum; qualis ſit, cum de fide cogitat; inuenit certum quidem in ea liberi arbitrij aſſenſum in fide: aliquid tamen in cogitatione contra aſſenſum. Idipſam verò penes ſe

diſcutiens quid ſit, quid ſibi velit, inuenit rationem ex obedientia fidei ſimpliciter ire in aſſenſum: & omiſſa in dubijs naturali viâ ratiocinandi, per viam gratiæ incedentem omnia ſubdere authoritati. Cumque mens abducta à via naturæ in viam gratiæ per aliam viam miratur ſe reduci in regionem ſuam; aptans tamen ſe ad credendum, hoc eſt de rebus fidei cum ſimplici aſſenſu cogitandum, vim illico patitur recurrentis naturæ: & ſcire volens ubi ſuum commodet aſſenſum, etiam contra voluntatem ratiocinatur contra authoritatem: licet enim ſimpliciter ire quo iubetur aſſentit; tamen rationem reſpicens, quaſi conſuetam ſibi viam requirit. Nam eſſi poſſibile eſt rationi in cogitando de fide libramine iudicij omnia ſubdere authoritati: tamen rationalitati eripi non poteſt vis vel morus naturalis ratiocinandi. Mentij quidem ad inquisitionem veritatis naturaliter ſemper tendenti, ſicut ſinis ſolet eſſe quaerendi, inuentio ipſa veritatis, ad quam tenditur: ſic via ad inueniendum ſolet eſſe ratiocinatio, qua veritas inuenitur. Cum ergo fides ei indicitur per authoritatem, & à ſine ſe diſſerri videt quem ſperabat, & viam intercludi, per quam incedere ſolebat, niſi quod per hanc dilationem promitti ſibi gaudet ſupereminentem ſcientiæ charitatem: ibi ſe certuſſimè inuenturam credens quod perfectu eſt, euacuato quod ex parte eſt: cum tamen ratiocinationi authoritatem, & fidem interim ſcientiæ iubetur antepone, tamquam certitudini opinionem, & ſapientiæ huius mundi ſtultum Dei hæſitat nonnumquam & palpitat, ſed non uſq; ad contradictionem: quia non tam ratio voluntatem, quàm voluntas trahere videtur rationem ad fidem. Sicque agitur, donec illuminante gratiâ incipiat aliquando boni ſui fides capere intellectum, ſpes appetitum, charitas ſenſum. Interim verò ſunt hæc in homine ad manifeſtationem infirmitatis ſuæ, ut oſtendat & ipſe ſe ſibi: ſimul etiam ut peccato violata natura & nimis prona in ſenſum carnis ſuæ à ſeruitute carnis liberetur; & operante Spiritu ſancto per exercitia pietatis paulatim cogitandis ſpiritalibus rebus & diuinis conformetur. Magni quippe exercitij eſt, nec ſine magno auxilio gratiæ Dei effici poteſt, non accepta ratione, abſque hæſitatione, quod credendum in dicitur, credere & amare, & amore crediti ipſum credere amare: intantum ut magnitudo amoris tollat ſcrupulum ſuſpicionis; cum in fide etiâ certa, ſicut certa eſſe poteſt fides, quâdiu fides eſt; nō poſſit eſſe cognitio certa: nec alia, quàm de qua Apoſtolus dicit, *Nunc cognosco ex parte*. In quo qui non recipit diſciplinam, perit cito de via gratiæ, & reducit in viam corruptæ naturæ, & efficitur animalis, qui non percipit ea quæ Dei ſunt: & incipit male credere, id eſt de fide malè cogitare. Cuius cogitationibus cum admittet ſe ſi qui tentat, aufert nonnumquam etiâ fidem de corde ejus, & abit retro: & ſunt nouiſſima hominis illius peiora prioribus. Fidem etenim in ſeruo Dei ad vexandum vel cribrandum, vel etiâ, ſi poteſt, ad perimendum, maximè impetit inimicus: quia non ignotum habet, deuotam Deo conſcientiam in nullo ſe periculoſius deicere, vel grauius contriſtare, quàm in eo quod faciei Dei faciem ejus conciliat: in quo viam ad Deū habet deuotio ſerui ſui, & viam ad cor hominis conſolatio vel gratia Domini Dei ſui; ex quo

Matth. 16.

Ioann. 21.

2. Corin. 13.

1. Corin. 12.  
cap. 16.Quis ſemiat  
ac tentatio-  
nem contra ſi-  
dem.Fide inuo-  
luntaria pul-  
ſant hæſita-  
tiones.

1. Corin. 13.

Incentivum ei sit omnium bonorum suorum; in quo ei est consolatio unica laborum ac dolorum suorum. Primus siquidem accessus ad Deum est fides, dicente Apostolus. *Accedentes ad Deum credere oportet, quia est; & inquirentibus se remunerator sit.* Fides enim radix est omnium virtutum, & fundamentum bonorum operum. Nec virtus est, quæ non est ex fide; nec ædificatio sed ruina, extra fidei fundamentum. Propter quod antiqui serpentis malitia primò hanc radicem inficere; primò hoc fundamentum semper aggredditur labefactare: agens si potest, ut fides vel omnino non sit, vel imperfecta sit: vel ut obscuretur in ea sensus gratiæ illuminantis; vel subducatur ei adeps pinguedinis spiritualis. Ideo blasphemus ille coluber etiam nunc paradiso Dei non timet irrepere, fidelium mentes attentare, insibilare blasphemias: varias in fide suspensiones incantare. Sed qui jam in fide proficit, sciat noxium ejus caput semper melius despiciendo esse conterendum, quàm ad singula ei respondendo ipsa consuetudine colloquij improbe malitiæ robur addendum: quia non effugiet contagium veneni mortiferi, si non venenatoris pestiferum à se penitus removerit afflatum. Sunt etenim duæ in homine tentationes, seu vitia ex pœnâ peccati ipsi contrita natura, concupiscentia, carnis, blasphemia Spiritus, ex quo primo primis parentibus generis humani insibilata est à serpente vetiti cibi concupiscentia, & blasphemia in Deum, dicente illo ad mulierem. *Cur præcepit vobis Deus, ne comederetis de ligno, quod est in medio paradisi? Sciebat enim, quia quæ dicitur comederitis, eritis sicut Deus.* His enim verbis & credenti mulieri Deum in hominem fuisse invidiū facile persuasum est; & mulier per serpentem, & vir per mulierem ad divini præcepti transgressionem per concupiscentiam cibi vetiti impulsus est. In quibus cum tota tunc esset, tota peccavit humana natura. Et idcirco ex tunc concupiscente carne aduersus spiritum, & spiritu aduersus carnem, factus est impotens sui homo venundatus sub peccato: concupiscens sæpe quæ non vult, & cogitans etiam sæpe de Deo, quæ non vult: maxime inceptoribus malorum horum spiritui blasphemias & spiritu fornicationis imminuentibus. Fornicatio, verò & blasphemia inter omnes tentationum pestes hoc insigne mali habere videtur, ut rationis tantum iudicio, & cogitationis exercitio reluctantibus fortius obducantur & immaneant: facilius vel effugentur à fugientibus, vel à contemnentibus superentur. Unde Apostolus. *Fugite, ait, fornicationem.* Fugienda enim est, vel contemnenda omnis omnino ejus memoria: ut ne saltem sub occasione reluctantis polluatur conscientia recordantis: cum ad cogitatus vel lenissimæ contactum statim moveatur naturalis ille carnis pruritus. De blasphemia verò tentanti diabolo, ac dicenti, *Hæc omnia tibi dabo, si prociens adoreris me,* non nisi scutum veritatis vel auctoritatis doctor veritatis opposuit digens. *Scriptum est: Dominum Deum tuum adorabis; & illi soli servies.* Sed & in libro regnorum cum blasphemarent Dominum pueri regis Assyriorum, mandavit suis Ezechias dicens. *Ne responderitis eis.* Non enim respondendum est aliquatenus spiritui blasphemias, vel colloquendum cum eo, sed tantum scutum ei fidei opponendum: cujus virulenta malitia quidquid at-

tuleris, pollvere nititur; nec agit ut respondeat ei satisfiat: ad hoc tantum ambit, ut vel contristet conscientiam credentis, vel corrumpat in aliquo fidei puritatem. Geminorum verò malorum horum alterum stimulus carnis est, alterum animæ; utrumque circa desides quasi naturale commonitorium ab eo, sicut dictum est, trahens originem, qui ex incantatione colubri antiqui esse sicut Deus concupivit, statimque traditus in concupiscentiam carnis sue; semetipsum erubuit; tegens eas corporis partes, quas tegmine non egenes bene creauerat, qui creauit. Vtrique tamen vitio suum adhibendum est antidotum. Non enim omnibus membris una convenit medicina. Non sanat pedem, quod sanat caput; non vitia carnis, quod vitia animæ. Tentatio enim carnis afflictiones carnis requirit, & corporales labores: tentatio verò animæ, orationis, lectionis, meditationis, exposcit auxilium; & si qua sunt alia studij spiritualis. Præcipue autem fidei puritatem non assequitur, nisi vera & profunda humilitas cordis, & devotio pia, & pervigilis instantia orationis. Orandi ergo sæpe est, ac dicendum. *Domine auge nobis fidem.* Nam sæpe etiam qui in ea proficit, si non habeat adjuvantem gratiam, molestem paritur naturam. Rationalitas enim, sicut dictum est, in seipsa inquieta & improba, ubi rationandi habet facultatem, fidem sæpius aggreditur, etsi non studio contradicendi; non ut illi velit occurrere, sed quasi illam sibi occurrere. Nam sicut solet agere in rebus humanis humana ratio, quasi per mediam credendi necessitatem irrumperere nititur in rerum divinarum cognitionem: sed tamquam aliunde ascendens, offendit, impingit, labitur, donec revertatur ad ostium fidei; ad eum qui dixit, *ego sum ostium:* & humiliata sub iugo divinæ auctoritatis, quantum humilior, tantò securius ingreditur. Sed in alijs non sentit tentationem negligentia magnitudo, in alijs rationis hebetudo, in alijs illuminata fidei concepta certitudo. Negligenti enim & hebeti sufficit interim fides à carne & sanguine reuelata; nec tentatur, quia nec spiritualiter examinatur; quando sufficit ei vel consuetudo assentiendi, vel professio consistendi, nescienti vitæ quæ quid sit fides; quod si sciret, daret certe operam, intelligere quod credit. Alena siquidem est fides, quam reuelat caro & sanguis: altera, quam reuelat Pater qui est in coelis. Altera, & non altera. Eadem fides; sed alter affectus. Illa docet quid sit credendum; ista fidei suum suggerit intellectum, & plenam intellectus otimologiam; cum, qui credit, intus in affectu cordis legit quod credit. Illa prædagogus est, tutor vel author humane infirmitatis; ista verò ipsa est hæreditas & perfectio libertatis. Illa verò tolerat negligentes, nec excludit hebetes, formam omnibus præferens veritatis, ista non suscipit nisi spiritu ferventes, Domino servientes, habentes illuminatos oculos cordis. Non auge hebetes hos dicimus, simplices filios Dei, cum quibus crebro ejus sermocinatio fit: quorum proprium est meritum & singularis gratia, qui fidem accipere merentur reuelante Dei: non eam solam quam reuelat caro & sanguis; sed illam etiam quam reuelat Pater qui est in coelis docibiles Dei & absque omni verborum, sine cogitationum disceptantiū strepitu, à Sancto spiritu discantes: ad quod docendum, si non adis-

Stimulus carnis & animæ.

Luc. 17.

Joan. 10.

Fides à carne reuelata: altera à Patre.

Hebr. 11.

Virtus non est sine fide.

Cogitatio-  
na blasphe-  
mia melius  
superantur  
despiciendo,  
quam dispu-  
tando.

Genes. 3.

1. Cor. 6.  
Memoria  
fornicatio-  
nis cursugi-  
enda.

Matth. 4.

4. Reg. 18.

ipse Spiritus & docti & discendi, deficient perstreperes rationum ratiocinationes. Huiusmodi enim non negligentes, sed simpliciter & singulariter strenuunt in fide & prudentes: nec in silentio suo hebetes estimandi sunt; sed in eo quod acceperunt singulariter sapientes: quia sentiunt de Domino in bonitate, & sentiunt sensu amoris quicquid de Deo credunt; & sapit eis quod sentiunt: & ubi lassati sunt & deficient ratiocinationes, ipsi currunt; & quia abulant simpliciter, ambulant confidenter. Non enim in turribus ingeniorum suorum, vel in equis fiducia humanæ, sed in nomine Domini. Non in literaturæ in potentijs Domini, & in iustitia ejus solius. Nihil enim dijudicantes in fide, nihil discernentes, omne rationis suæ iudicium Spiritu sancto jugiter illuminandum offerentes, & dirigentes omnem suum sensum in fidei assensum; spirituales ejus fructus dulciter capiunt & confidenter. Sentiuntque de Domino in bonitate, quia simplicitate cordis querunt illum; & invenitur ab his, quia non tentant illum; apparet autem eis, quoniam fidem habent in illum; impleturque in eis, quod pro discipulis Patrem etans dicit Dominus Iesus Christus. *Et hi cognoverunt verè, quia à se exiit.* Quomodo cognoverunt? Sequitur. *Et crediderunt, quia tu me misisti.* Videtur ideo cognoverunt verè, quia crediderunt verè. Hebetes verò sunt circa fidem alij, qui naturaliter nec intelligunt, nec intelligere possunt alij quos ad intelligendum facilitati comparandæ dignam piget operam dare, cum possint. Nequaquam verò simplicem simpliciter credentem extollimus, quasi ad depressionem spiritualis examinantis: qui si non sit scrutator majestatis, sed æmulator pietatis, & imitator simplicitatis, tentationum laqueos non solum illa sus evadit, sed etiā magnificè in eis eruditus proficit. Quorum alia gratia est. Aliud enim est habere simplicem fidem, & fructus ejus simpliciter in corde capere suavitatē: aliud intelligere quod creditur, & paratum esse semper ad redendum de fide rationem. Simplex fides sapit, sed non lucet; & est à tentationibus remotior. Hæc autem etsi nonnumquam cum labore sapit, lucet tamē, & est contra tentationes tutior. Licet enim pedetentim in fide proficiat, habitantem per fidem gerens in corde Christum, quæcumque fidei sunt, certa tenet scientia acclamante conscientia: & eam fidem firmissimo fovet amplexu, quam ei revelavit caro & sanguis: & ad eam suspirat, & cum ei datur, suaviter in ea respirat, quam revelat Pater, qui est in cælis. Et licet sanctæ simplicitatis cōpendio sæpe à simplici prævenitur: ipse tamen à fonte gratiæ, qui omnibus patet, non repellitur. Aliquando enim de maledictione Adæ in doloribus laborans sibi, in spinis & tribulis terræ suæ, in tentationibus corruptæ naturæ suæ, in sudore vultus sui vescitur pane suo; aliquando dum nescit, sicut Iacob invenit benedictiones Domini in agro cordis sui. Non enim inanis esse potest labor exercitij spiritualis in fide fideliter expensus: nec dolor dilationis suo potest defraudari præmio pietatis impensus. Sæpe enim adest fidei laboranti illuminans gratia; & sic quasi in transpuncto infertur invisibilem cognitionem & spem, & in cognitione & spe amorem: ut sine villo temporis intervallo & sensus distinctione, continuè & amor ex fide, spe mediante, per cognitionem ori-

atur; & fides itidem in amore per cognitionem solidetur: intantum ut, sicut jam supra dictum est, fidei cognitio, & spes, & amor, licet intelligantur tria quædam in ipsa fide divisa; in virtute tamen fidei ipsius quodam cōjunctionis argumento ex tribus una fiat, in sensu credentis, sperandum rerum substantia individua: cum quod creditur, credendo etiam cognoscitur; quod verò cognoscitur, ex cognitione boni sui speratur; & speratum & cognitum amatur. Quod de fide, spe, & charitate, semper debet esse fidei animæ in fide; tametsi non semper esse possit in intellectu. Istæ enim speciales sunt animæ virtutes: in quibus robur ejus omne consistit. Hæc ossa, de quibus trebrius Psalmista commemorat; quæ custodit Dominus in sanctis *Psalm. 93.* suis. Quæ cum ad invicem conjunguntur: fit ex eis *unum os*, quod non conteretur. Hæc est perfectio fidei in hac vita: de quo ahi dicit. *Non Psalm. 138.* *est occultatum os meum a te, quod fecisti in occulto.* Divisa verò ab invicem facile contrahantur, & animæ contrahantur valde; & vel confringantur, & exprobrant nobis inimici nostri: vel dissipantur, & secus infernum nos constituunt. Quibus cum adherent carnes, id est ceteræ animæ affectiones; & ipsæ ab ossibus robur, & ossa ab eis trahunt salubris sacum pinguedinis: & fit eustasiis, id est bona complexio animæ. Si verò solvantur ab invicem, & carnes desucentes in semetipsis tabescunt, & morientia ossa, fides sine operibus, spes sine consolatione dilationis, charitas sine dulcedine pietatis; in semetipsis sicut cremium atrescunt. Cum ergo carnes ossibus adherent, bene & cum ossibus, & cum carnibus agitur: quia & carnes ex ossibus robore solidantur, & ossa à carnibus nutriuntur. Quod si os carni adheret, sicut quodam loco idem Propheta deplorat dicens, *adhæsi os meum carni meæ*, mollescit in carnem, & totum caro fit. Hæc est, si fidei conformantur affectiones animæ; homo ille spiritu vivit, spiritu & ambulat, & quasi totus spiritus est: si verò spirituales illæ virtutes resolvuntur in affectiones carnales, totum caro fit, & dicitur de illo homine, *non permanebit spiritus meus in homine isto, quia caro est.* Nutrienda ergo est suis alimentis fides, spirituali huic examinanti; & ante omnia spiritu humilitatis Deo Nutrienda afficienda, donec pie devotioni apparere incipiat ipsa speratarum substantia rerum: ut fervor naturalis-rationalitatis, sicut jam dictum est, operante gratia vertatur in fervorem amoris: & importuna ratiocinatio efficiatur pia contemplatio, scientiæ inveniendi gaudium fruendi. Interim verò dum exercetur, dum eruditur natura, & docetur quid valeat sine gratia; etsi ratione rationalitatis fervorem naturalem, ne usque ad traditionem ebulliat, cohibemus, ut tamen non serueat quod seruet, vix efficiens; ut scientiæ naturalis appetitus scrupulosè aliquatens non suspiciat ad credendum, quod attingere ei non licet sensu aliquo vel rationis vel corporis ad discutendum. Sed ne timeas ferre Dei; non moveatur pedes tui, non effundantur gressus. In fideles signa petunt; hæc stantes sapientiam requirunt. Tu verò amplectere Christum crucifixum, prædestinatis ad ruinam scandalum, sapientibus in oculis suis stultitiam: sed vocatis omnibus & iustificandis, Dei sapientiā, & Dei virtutem; quia quod stultum est Dei, sapientius, & quod infirmum, fortius est omnibus hominibus.

Sap. 1.

Ierem. 17.

Aliud est  
fidem habere,  
aliud intelligere  
quod creditur.

Non est inanis labor in  
fide expensus.

Psalm. 101.

Genes. 6.

Nutrienda  
fides suis alimentis.

1. Corin. 1.

bus. Si sensum carnis consulas, stultum viderar' & infirmum: sicut cum Apostolo sensum Christi habueris, intelliges Verbum Dei summam esse sapientiam: sed stultitiam hujus sapientie esse carnem Verbi; ut quia carnales quique per carnis prudentiam pertingere non valebant ad sapientiam Dei; per stultitiam predicationis & fidei simplicitatem, id est per carnem Verbi, sanentur. Stultus esto, ut sapiens fias: & illuminabitur tibi dispensatio sacramenti absconditi à seculis in Deo, qui omnia creauit. Infirmare ad infirmum Dei; & discas, quam sit supereminens magnitudo virtutis ejus in nos qui credidimus, secundum operationem potentie virtutis ejus. Nec terreat animum fidelem momentanea & prateruolans trepidatio in credendo; cui de fide non deest bonae conscientie, & in conscientia Spiritus sancti testimonium, si etiam sub examinatione martyrii facta fuerit interrogatio. O fidelis anima non te damnat insons natura, sed stupet ad insolita; non detrectans: aliquid scire apperens. Vide matrem Domini, speciale fidei signum. Accepto bono nuntio salutis nostrae, & conceptionis suae; & pignore Sancti Spiritus, certissime matrem Domini futuram se credens: aliquid tamen, id est mysterii hujus adimplendi modum, scire voluit dicens. *Quomodo fiet istud, quoniam virum non cognosco?* Rem fide tenebat; modum scire desiderabat. Rem amplectebatur anima fidelis, confortante eam ipsa gratia qua erat plena; sed modum quo id fieret, mirabatur stupens natura. Sentiebat siquidem jam in seipsa singulariter operantem Spiritum sanctum: sed mirabilia quae credebat, nesciebat eum in carne sua sine auxilio carnis operaturum. Cui Angelus. *Spiritus*, inquit, *Sanctus superueniet in te: & virtus altissimi obumbrabit tibi.* Ac si diceret. *Digitus Dei est hic.* Sic de spiritali regeneratione baptismi, modum ejus sciscitanti Nicodemus Dominus respondit. *Spiritus ubi vult spirat, & vocem ejus audis: & nescis unde veniat, aut quo vadat.* Sic est omnis qui natus est ex spiritu. De sacramento quoque corporis & sanguinis sui scandalizatis, *Spiritus est*, inquit, *qui vivificat: caro autem non prodest quicquam.* Omnia enim haec operatur vnus atque idem spiritus, sicut vult; constituens sacramenta fidei, alia ut sint sacra rei signa corporalia & visibilia, sicut in baptismo, sicut in sacramento corporis & sanguinis Domini: alia ut sint tantum sacra recondita spiritali intellectu ipso Spiritu sancto praevidere inuestiganda; de quibus dicit Apostolus. *Ut notum faceret nobis sacramentum voluntatis suae.* Occultum enim voluntatis Dei & altissimum est, & omnium sacramentorum sacramentum; quod notum facit secundum bonum placitum suum, quibus vult, & sicut vult: quod sicut divinum est, sic modo quodam diuino revelat ei qui donante ipso dignus est. Quin potius non diuinum, sed Deus est: quia ipse est Spiritus sanctus, qui substantialis Dei voluntas est. Haec enim est voluntas Dei, qua facit omnia quae vult Deus, de quo scriptum est. *Omnia quaecumque voluit Dominus facit.* Ipse ergo spiritus sanctus, ei cui se infundit, ipsa Dei voluntas, ei in quo fit, innoscit: nec innoscit alibi, quam ubi sit. Nam etsi à claritate luminis & veritatis ejus abscondere se non potest oculus humanae rationis: non tamen nisi qui eam facit, & in quo fit, volendo scilicet, quod vult Deus, particeps potest esse ejus

suauitatis. Sicut enim non sentit, nisi qui vivit, quia non nisi viventis vita est, quae sentit: sic illa nemo scit, in quo non fit: quamvis non omnes eam sciant vel sentiant, in quibus fit, sicut in infantibus & idiotis. Sicut enim multi habentes animam, nesciunt quid sit anima; sic multi habentes gratiam, nesciunt eam. Ei vero quem sibi afficit, reuelat exteriora sacramenta: cum omnium res sacramentorum sua in eo operatur significatiua. Ipse enim ea sacrat Spiritus sanctus, ut sint tantae rei sacramenta: ipse ea reuelando fidei conscientiae commendat, in qua rem ipsam operatur occulta gratia. Omnibus enim interioribus nostris interior Deus, in exterioribus nostris, hoc est in sensibus corporis exteriora nobis credidit sacramenta; per quae interiora nostra ad sua introduceret interiora, per corporaliū sacramentorum operationem paulatim suscitans in nobis gratiam spiritualem: qui etiam ad hoc inclinauerat se ad consortium humanitatis nostrae, ut participes nos efficeret diuinitatis suae. Ideo jubente salutis nostrae auctore in aqua baptismi caro lauitur exteriorius, interiorius vero Spiritu sancto operante anima purificatur; & sic in fide filij hominis & filij Dei iustificati homines peccatores efficiuntur filij Dei. Corporalem etiam, sed incorruptibilem cibum corporis & sanguinis Domini manducat homo fidelis corporaliter, sed incorruptibiliter: intantum corporaliter nobis congruentem; quantum incorruptibiliter nos leuauit: intantum intellectualis rationis sensum Deo conformantem; in quantum gustu amoris illuminati Deo vniemur. Temporalibus enim assueti, temporalibus sumus purgandi; nec purgati merebimur aeternorum contemplationem, nisi purgandi temporalibus adhibuerimus fidem. Temporalia vero haec & transitoria sunt, & tamen per primitias Spiritus praefertunt primitias aeternorum: & utrique congruunt, & promittenti fidei, & implenda veritati: & mortalitati nostrae, & aeternitati futurae. Quod potissimum in persona Mediatoris elucet nobis: qui in seipso manens Deus aeternus, in tempore est homo factus; ut per temporale & aeternum à temporalibus ad aeterna transcamus. Ideo, sicut dictum est, corpus Domini manducamus, & sanguinem bibimus corporaliter, sed reficimur spiritualiter: corporaliter in baptismo lauamur, sed spiritualiter purificamur. Sic enim quibusdam Christianae pietatis rudimentis paulatim erudiendus erat fidei nostrae assensus: in quo cum non tentamus Dominum Deum nostrum, sed simpliciter & fideliter credimus cum eo spiritum nostrum, & ipse incipit nobis credere seipsum: ut jam non sumus de illis, de quibus legitur in Evangelio, quia credebant in Iesum, ipse vero non se credebat eis: abusu quippe dictum de illis est, quia credebant in eum, quod non diligebant. Credere enim in eum, amando in eum ire est. Illi vero Christum eum esse credebant, sed non sicut Christum diligebant. Nec ipse eis se credebat; quorum interioribus oculis iudicio quo nouerat ipse, in ea forma, in qua nequaquam potest non diligi à quibus potest videri, non apparebat. Primum ergo in rebus Dei absque omni retractione vel hesitatione, simplicem & purum debemus fidei assensum: deinde ad intelligenda quae credimus cum omni obseruatione & obedientia mandatorum Dei credere debemus spiritui sancto totum spiritum nostrum & intel-

*Multi habentes gratiam nesciunt eam.*

*Baptisma abluunt animam.*

*Quando Christus seipsum nobis credat.*

*Joann. 8.*

*Trepidatio inuoluntaria non imputatur.*

*Luc. 1.*

*Joann. 3.*

*Joann. 6.*

*Ephes. 1.*

*Psal. 134.*

Sacramen-  
ta cur cor-  
poralia.

Sapient. 1.

Ioann. 14.

1. Corin. 2.

lectum non tā ambientis conatu rationis, quam affectu pij ac simplicis amoris. Sicque plus studijs humillimæ pietatis, quam viribus potentis ingenij, promeremur, ut incipiat se credere nobis Iesus; cum illuminante gratia intellectum rationis, fidei assensus efficietur amoris sensus; qui ad sacramentum cognoscendū internæ Dei voluntatis, jam non habeat opus exterioribus sacramentis. Quorum tamen sacrosancta religio ne quādiu hic vivitur, religantur exteriora nostra, & per ea interiora nostra, ne in aliena diffluant: propter quod & religio à religando nomen accepit. Nam in corpore positi corporalibus sacramentorū formis cohibendi eramus & continendi: & corporalium sacramentorū corporalibus formis ex obedientia instituentis sapientia Dei commonendi; & ad interiorē eorū gratiā, & significata interiora, exterioribus eorū significationibus reuocandi. Aegroti quippe sumus, de corruptione naturæ languentes; & sanitatē desiderare debemus. Aegritudo nostrā mutabilitas nostræ mortalitatis est; medicīna qua hinc illuc transitur, Mediatoris est. Fides autem maximē est rerum temporaliter pro nobis gestarum, per quam corda nostra mundantur, ut ad æterna non credenda, sed intelligenda, idonea inveniatur. In qua si fideliter nos agimus, & fides meretur veritatem: & mutabilitas transit ad creditæ rei incomputabilem æternitatem. Hic ergo quamdiu purgamur, suam sacramentis rerum reddamus reuerentiam, ipsis verò rebus fidem: ut his purgati & adiuti proficiamus ad ea, quibus & res gestæ seruiunt, & sacramenta earum seruiunt, & fides ipsa; ad æternorum scilicet contemplationem. Porro immunda anima, impura conscientia, superbus animus, curiosa iactantia, merito ab inquisitione diuinorum sacramentorum vel mysteriorum arceatur; quia Spiritus disciplinæ effugiet fictum, nec habitabit in corpore subdito peccatis: & in maliuolam animā non introibit sapientia. Humilis autem pietas, fidelis amor, & pura conscientia, simplices filij Dei & pauperes spiritu, & cum reuerenter fugiunt, prouocantur à Spiritu sancto; & quodammodo attrahuntur ad hæc requirenda. Amant etenim, & ideo querunt cum querunt; & ut amplius ament, querunt. Tu ergo o fidelis anima, cum in fide tua naturæ trepidanti, ingeruntur occultiora mysteria, aude & dic, non studio occurrendi, sed amore sequendi. Quomodo fiunt ista? Quæstio tua, oratio tua sit, amor sit, pietas sit, & humile desiderium; non in sublimibus scrutans Dei maiestatem, sed in salutaribus Dei salutarium nostrorum querens salutem: & respondebat tibi magni consilij angelus. Cum venerit Paracletus; quem ego misit vobis à patre; ille suggeret vobis omnia; & docebit vos omnē veritatem. Nemo enim scit, quæ sunt hominis, nisi spiritus hominis qui in ipso est: ita & quæ sunt Dei, nemo cognouit, nisi Spiritus Dei. Festina ergo particeps esse Spiritus sancti. Adest cum inuocatur; nec nisi jam adsit, inuocatur. Cumque inuocatus venit; in abundantia venit benedictionis Dei. Fluminis impetus est, laticans ciuitatē Dei. Et cum venerit, si te inuenerit humilem & quietū, & tremantem sermones Dei, requiescet super te; & reuelabit tibi, quod aufert Deus Pater à sapientibus & prudentibus hujus sæculi; & illucescere tibi incipient ea quæ potuit sapientia discipulis

in terra dicere: sed illi non poterant portare, donec veniret Spiritus veritatis, qui doceret eos omnem veritatem. In qua percipienda vel discenda, frustra hoc expectatur ab ore iustus hominis; quod percipi non potuit, vel disci, ex lingua ipsius veritatis. Sicut enim ipsa veritas dicit, *Spiritus est Deus*. Et sicut necesse est, eos qui adorant eum, in spiritu & veritate adorare: sic scire eum vel cognoscere desiderantibus, non nisi in Spiritu sancto intellectum fidei, & puræ ac nudæ illius veritatis sensum expedit querere. In tenebris enim & ignorantia vitæ hujus, pauperibus spiritu ipse est lumen illuminans; ipse trahens charitas; ipse afficiens suauitas; ipse hominis ad Deum accessus; ipse amor amantis; ipse deuotio; ipse pietas. Ipse ex fide in fidem reuelat fidelibus Dei iustitiam: cum pro gratia dat gratiam; pro fide auditis fidem illuminatam. Sunt, ait Apostolus, quidam *formam quidem pietatis habentes: virtutem verò abnegantes*. Forma quidem fidei, quæ verbis & Ecclesiasticæ disciplinæ institutis tradi potest hominibus ab hominibus, in assensu bonæ voluntatis præsto est omnibus hominibus: cum adhuc videt in speculo & in ænigmate, & in imagine pertransit homo; in speculo, à quo erudimur; & in obscuriore ænigmate, in quo exercemur; & in simplici & euidenti imagine, in qua dulcius afficimur: ipsa verò pietas, ipsa veritas, non nisi à Spiritu sancto traditur aut docetur; nec nisi digito Dei menti inscribitur. Credo ergo indubitanter Sanctam Trinitatem, Patrem, & Filium, & Spiritum sanctum, vnius substantiæ, inseparabili æqualitate diuinam habere unitatem: ideoque non tres esse Deos, sed vnum Deum: Deum autem factum hominem pro nobis ad sanandum superbiam nostram, tumorem summum medicamentum; ad redemptionem nostram & soluenda peccata nostra alium sacramentum: fecisse miracula, & à mortuis surrexisse. Si scis quid sit omnipotentia; crede de omnipotentre, quia potuit; si sapias quid sit summum bonum, summa bonitas, ubi tanta fuit necessitas perditorum; crede de summo bono, quia voluit: si potes cogitare, quid in mundo egerit humiliata diuinitas: senti de Domino in bonitate, quomodo Deum suū hoc opus deiecit. Primo cum in causa salutis humanæ Pater Filio, vel ipse sibi Filius non pepercit, in forma sua summum bonum mundo innouit: & Deū diligere sicut diligendus est, hominē perdidit. Diligens enim hominem quodammodo vsque ad contemptum sui, docuit hominem Deum diligere vsque ad contemptum sui: qui nesciebat miser diligere nisi semetipsum etiam vsque ad contemptum Dei. Et hæc est pietas, hic est proprius Dei cultus, quo à creatura sua colendus est Deus. Hæc est sapientia, quam attulit in mundū summa sapientia: creans in ea tot gloriosos martyres, tot sæculi sui; perfectos contemptores. Hæc est enim sapientia Dei, qua sapit Deus sapientia, viuenti de spiritu vitæ ejus vsque ad sensum amoris ejus; amanti vsque ad imitationem similitudinis ejus; in temporalibus, sentienti in seipso, quod & in Christo Iesu domino nostro; in æternis verò & ad Deum, eum habenti sensum, de quo dicit quidam sapiens. *Scire enim te, sensus est consummatus*. Proprie enim in forma Mediatoris respicet antiqua illa sapientia diffinitio, qua determinatur rerum humanarum diuinarumque cognitio; ut intelligatur, vel potius

Ioann. 4.

2. Timot. 3.

Sap. 6.  
Sapientia  
definitio.



*scientia quid  
sit.*

sentiantur, sicut jam supradictum est, usque ad saporem amandi, ad affectum imitandi: cum in forma Dei esset, non rapinam arbitratus æqualem se esse Deo, Dominus noster Iesus Christus; cum humiliavit semetipsum formam serui accipiens, usque ad mortem crucis: quis, quid, pro quibus fecit. In quo summæ sapientiæ commemorando, intelligendo, & amando, conformis factus, & effectus sapiens Dei, ex ea quamdam deducit sapientiam Deum colendi sicut Deum: qua etiam vitam, mores, actusque suos, & omnia sua, diuino quodam sapore condit ad omnes homines, & oleo quodā lætificantis gratiæ adlinnit: ut videntes homines bona opera ejus, glorificent Patrem, qui in cœlis est: habens gratiā ad amicos, patientiam cum benignitate ad inimicos; ad quoscumque potest beneficentiam; ad omnes omnino homines benevolentiam: & legem illam naturalem, qua nemini facere vult, quod sibi fieri noluerit, omnibusque facere vult, in quantum potest, quæcumque ab alijs sibi vult fieri. Rursumque ex hac sapientia scientiam, quæ fecernit in sapiente suo summa sapientia; non eam, quæ vana hujus mûdi sectatur: sed quæ seruit fidei, in qua stamus, & gloriamur in spe gloriæ filiorum Dei. Scientia verò hæc modus quidam est vel habitus mentis, ad suscipienda ea, quæ propriè fidei sunt; eas scilicet res quæ sensibilibus menti inferuntur per sensus suos, siue alienos, vel sui sentientis, vel alterius narrantis siue scribentis; sicut sunt facta Domini temporalia, historica cognitione illata: natiuitas ejus, passio, resurrectio, ascensio ejus; patrata inter homines miracula. Quorum cognitionem non inuenit ratio hominis penes se, sicut inuenit diuina quælibet & æterna: sed quolibet genere discendi suscipit; seu videndo, seu audiendo, seu legendo, quasi aliunde aduentitia. Menti siquidem ad æternitatem creatæ, ut ejus per intelligentiam sit capax, per fructionem particeps, quasi naturali quadam affinitate conjuncta videntur, quæ æterna sunt ac diuina: intantum, ut etsi stolidior facta forte fuerit ex vitio, numquam tamen eorum priueretur appetitu. Nam etsi inuisibilia fortè cogitare non poterit; sic tamen eorū cognitioni humanæ concreta est, ut à boni & pulchri, beatitudinis & immutabilitatis amore seu delectatione, nequaquam aliquando recedat: nisi cum in appetitu, vel amore boni, falso bono decipitur. In quibus tamen habet natura appetitū ex gratia creante; non tamen ea perfectè dignoscit, nisi ex gratia illuminante; nec apprehendit, nisi Deo donante. Cum ergo reminiscitur, qui conuertitur ad Dominum, facile inuenit, quod notum est Dei, insidens naturaliter menti suæ vel rationi. Quæ verò temporalia temporaliter discuntur, & quasi aduentitia aliunde per sensus inferuntur, non ea facilitate adherent menti: donec fide proficiente, & gratia illuminante, scientia temporalium transformetur in sapientiam æternorum; & res temporis induant gratiam æternitatis: cum Christus Iesus incipit jam non secundum carnem agnosci; & secundum ipsum facta ejus intelligi, & opera æstimari. Nam secundum Prophetam qui dicit,

*Psal. 63.*

*Annuntiauerunt opera Dei: & facta ejus intellexerunt;* non est magnum annunciari opera Dei, si facta ejus non intelliguntur. Omnia enim facta Verbi verba nobis sunt, in quibus nobis loquitur, semetipsum indicans nobis in factis suis be-

ne intellectis. Intelliguntur autem non solum per mysticas interpretationes in cogitatione vel sermone scientiæ: sed multò dulcius & efficacius per pij affectiones amoris in meditatione vel sermone sapientiæ. Hinc est, quod dicit Apostolus, alij dari per Spiritum sermonem sapientiæ; alij sermonem scientiæ. Interim verò donec formetur Christus in nobis, fides, quia scientiæ res est, quasi naturaliter scire appetit, quicquid ei credendum indicitur, & cum non potest, turbatur. Scientia verò hæc, siue modus suscipiendi ea quæ fidei sunt, hic est; ordinante eum summa sapientiā in suscipientis conscientia. Primò ex obedientia Domini dicentis, *Qui crediderit, saluus erit; qui verò non crediderit, condemnabitur:* rebus, sicut jam dictum est, extrinsecus venientibus ex præcipientis obedientia per simplicem assensum quasi hospitalis gratia non negatur. Deinde verò per bonæ voluntatis familiaritatē, quasi in jus ciuile & socialis vitæ consortium, in communionē ejusdem panis atque ejusdem calicis suscipiuntur. Postmodum verò quasi per mutua connubia junguntur affectus; cum ex sensibilibus intellectis intelligibilia, & ex intelligibilibus commendantur sensibilia, cum quasi inuicem conferunt sibi; de quib⁹ abundant; temporalibus Deum commendantibus, & intelligibilem facientibus omnipotentem Dei bonitatē: bonitate verò & potentia Domini adstruentibus temporalium fidem: quia bonus & potens voluit, & potens potuit facere pro salute humana, quod vix credere sufficit natura humana. Inuisibilia enim Dei in hoc maximè *per ea quæ facta sunt, intellecta conspiciuntur;* cum bene credita temporalis dispensatio Mediatoris per fidem; vel eam quæ fidei est scientiam, erudit & enutrit ad æterna capienda cor credentis: & bene cogitata æterna faciunt temporalium testimoniis credibilia nimis. Magnitudinē siquidem diuinæ bonitatis in corde diligentis testatur dignitas operis; & intellectum aliquatenus summum bonum in sensu amoris constituit dignum Deo opus suū. In hoc enim, de regno charitatis, quod est in statu æternitatis, illuxit nobis summa sapientia secundū posse doni sui, supra posse caput nostri; cum qui erat in forma Dei factus est in forma serui, docuit intelligentes per ea quæ fecit, quid boni sit, quod nos maneat in illa regione summi boni. Quodquidem temporaliter est factum; sed in eo qui in principio erat apud Deum; vita erat opus suum; & æternaliter erat apud Deum. Ex quo profluxit in mundum noua sapientia, sapientia super omnem sapientiam mundi hujus, & stultam eam faciens, intelligentium & sapientium, stulta & infirma Dei fortiora esse omnibus hominibus; sapientium suauis mentis sapore humilitatem filij usque ad mortem, mortem autem crucis, passionem patientis pro nobis, irrisiones, alapas, spura, flagella, spinas, & clauos, & cætera, quæ anima vulnerata charitate vix aliquando potest recordari præ pondere doloris; numquam verò obliuisci eam patitur affectus amoris. Ex quo fiunt temporalia Domini opera in corde fideli æternitatis mira quædam sacramenta; & ad imitationem earundem passionum incentiua mirifica; ut amans quantum potest, ardeat amare plusquam potest humana infirmitas; & pati pro eo plusquam pati potest infirma humanitas. Hoc autem fit, cum secundum præceptum Apostoli

*sanctificat*

*1. Cor. 12.*

*Marc. 16.*

*Rom. 1*

*Ioan. 1.*

1. Petri 3.  
Ioan. 17.

sanctificat homo fidelis Dominum Iesum Christum in corde suo; & ipse Dominus sanctificat semetipsum in eo. Hanc fidem vniuersam omnes assequerentur, qui profitentur: omnes haberet, qui in numero fidelium se censi gloriantur. Non enim arbitrandum est, quod possit hanc ad Deum habere fidem: quicumque saeculo huic adhuc probatur seruare fidem. Propter quod dicit Apostolus, quia bonam conscientiam quidam repellentes, circa fidem naufragauerunt. Mala enim conscientia facile patitur naufragium; nec probe, nec probabiliter habere se potest circa fidem: qui concupiscentia carnis vel saeculi corruptam habuerit mentem. Vnde item dicit Apostolus de quibusdam. Corrupti mente, reprobi circa fidem.

1. Timotheo. 1.

Si quis vero verè fidelis est, sicut ad leuissimam cordis vel cerebri lationem, vel earum in corpore partium, in quibus vita continetur, tota repente stupefcit natura: sic ad pulsus fidei vel leuissimum, tota in eo contremiscit bonae voluntatis substantia. Et sicut prudentia serpentis totum corpus obijcere solet pro capite tuendo, in quo vita ejus continetur: sic homo fidelis nil agere vel pati recusat, dum fidei suae sua semper maneat sanitas imperturbata. Orandum ergo nobis est assidue Pater noster qui est in caelis, ut fidem nostram etiam probandam aliquando usque ad tentationem patitur perducere, non quasi reprobandam patitur induci; sed praestet cum temptatione prouentum, ut possimus sustinere.

2. Timotheo. 3.

Omnibus etiam studiis pietatis contra sensum carnis & feruorem naturae querendum est auxilium gratiae; ne fides fatiscat, ne deficiat, sed fructum afferat in patientia: donec paulatim gratia Spiritus sancti totam illam naturae trepidantis effigiem mirificet in substantiam quandam perfectae fidei; perficiens in ea, quod David precatur. *Amputa opprobrium meum, quod suspicatus sum.* Adsciscat sibi prudens animus munus mentis fidei, ad confirmandum cor, ad illuminandam fidem conscientiam, magna Ecclesiae luminaria; summos viros spiritualis scientiae, summam sapientiae, sanctitatis probatae; doctrinas & scripta eorum, opera eorum & martyria: dicatque sibi contra motus tentationum suarum. Tunc istis meliores, aut sapientiores, sanctiores, aut perspicaciores; qui hoc in mundo docuerunt, quod à Deo didicerunt; magnifice praedicauerunt, luculenter descripta ad nos transmiserunt; vita & miraculis confirmauerunt; morte & martyrio sacrauerunt. Hujusmodi autem fidei cogitationes, mentiumque nutationes, & haesitationes cogitationum, maxime circa humanitatem Saluatoris agitantur, & ea fidei mysteria, quae nobis in ea reuelantur. Nam de Deo utrum sit, utrum agantur omnia per ejus prouidentiam, quae creata sunt & condita per ejus omnipotentiam; ad omnem conscientiam, quae rationis est capax, sic naturaliter se demonstrat veritas summæ essentiae, & manifestam se facit; ut non sit, qui à Deo se esse non intelligat, qui de seipso scit quod sit; intantum ut nec ipse insipiens audeat dicere nisi in corde suo, non est Deus; in corde scilicet insipienti & fatuo. In nullo enim hominum quicquid sit compos mentis suae, sic inuenitur deprauata humanitas, ut non intelligat omnis creaturae creatorem esse Deum; qui sit super omnem creaturam, inquantum ab ipso omnis creatura est; extra omne tempus, quod apud eum nullum est; extra omnem locum, qui apud eum nullus est, qui im-

Psal. 118.

Efficax consideratio ad fidem retinendam

Psal. 113.

mutabilis mouet omnia: penes quem authorem omnium & motuum & mobilitum, indubitanter estimandum est esse immobilem potestatem, & causalem rationem omnium, & creandorum & mouendorum. Qui cum ab aeterno certis & immobilibus causis omnia quae futura sunt praedestinauit; jam secundum prophetam, omnia quae futura sunt, fecit. Haec omnia liberè de Deo cogitare paucorum est; omnem tamen hominem rationalem penes se habere naturaliter, humanæ rationis est. Propter quod ex imagine summæ veritatis ac summi boni ab omnibus hominibus veritas etiam non cognita diligitur; & non nisi quod creditur vel intelligitur, bonum appetitur, aeternitas & incorruptibilitas amatur. Quapropter si quis sibi in hoc mouerit quaestionem, cito inuenit penes semetipsum quo compescat ratiocinationem tumultuantem, vel se accusans tarditatis, occultam veneretur veritatem. De humanitate vero Saluatoris non aliud docere, non aliud ab homine, neque per hominem possumus discere, quam, *qui crediderit, saluum erit: qui vero non crediderit, condemnabitur.* Deum quippe facere vel potuisse, vel debuisse, quae fecisse eum adstruit Evangelica praedicatio, praesto sunt multae & multiplices, & ipsa causa dignissimae rationes: fecisse vero, extra auctoritatem Evangelicam apud pias quidem aures & mentes grauissimam & reuerendissimam, apud infideles siue haesitantes, quas afferemus rationes? Nec ipsum, sicut dicunt ore, submurmurat corde, nec opera ejus viderunt, qui dixit. *Si mihi non creditis, vel operibus credite.* Non viderunt Apostolos in nomine ejus facientes miracula: non eos, qui per eos crediderunt, signa sequentia; de quibus ipse dixit. *Signa eos qui crediderint, hac sequentur.* Quamvis vique hodie non desint signa & miracula in Ecclesia Dei, & publica & priuata: sed sunt suis locis, suisque temporibus; non ad voluntatem haesitantium, vel ad quaestiones incredulorum; sed in adiutorium fidelium, & consolationem pro fide vel in fide laborantium: quae vel in illis, vel per illos fiunt, non ut credant, sed quia credunt. Sed errare amant increduli, habentes amores quos nolunt vincere: & per illos missi in errores, à quibus non inueniunt quā redire. Sed & sensus in eis carnis, qui etiam de spiritualibus nescit cogitare, nisi corporaliter; multominus de ijs, quae humanæ dispensationis sunt in Domino Iesu Christo, scit vel potest cogitare nisi carnaliter. Nisi enim Spiritus sanctus adjuuet infirmitatem etiam fidelium pie quaerentium, humiliter petentium, religiosè pulsantium: facilius multo est homini de Deo sentire diuina; quam vel diuina in homine, vel humana in Deo cogitare; donec ipso Spiritu adiuuante, & Domino Iesu Christo semetipsum in cordibus credentium sanctificante, illuminatae fidei apparere incipiat in vna eademque persona Mediatoris, & diuinitas, quae sunt humanitatis clarificans in maiestate sua & humanitas, quae diuinitatis sunt clarificans in humilitate sua, fiat in eis, quod ipse Dominus dicebat aliquando orans pro discipulis suis. *Nunc clarificatus est filius hominis, & Deus clarificatus est in eo. Si Deus clarificatus est in eo: & Deus clarificauit eum in semetipso.* Etenim secundum modum vel profectum puritatis interioris in cordibus credentium, & glorificatur Christus in pulchritudine glorificatae humanitatis; & in gloria diuinitatis apparet

Marc. 16.

Ioan. 10.

Marc. 16.

Fiunt hodie quoque miracula.

Ioan. 13.

Mat. 16.

Act. 7.

Ioan. 20.

2. Cor. 3.

*Amantrā  
formatur in  
id quod sentit*

*Summo bono  
omnis et to-  
tus amor do-  
betur.*

piz fidei in affectibus eorum. Non enim omni-  
um est, nec omnibus conceditur in hac vita,  
quod speciali quadam prerogativa gratiae ali-  
quibus in Euangelio Dominus repromittit di-  
cens. *Sunt de his stantibus: qui non gustabunt mor-  
tem, donec videant filium hominis in regno suo.*  
Aliter cum vidit Stephanus in ipso articulo mar-  
tyrij sui, cum intuens in celum vidit celos aper-  
tos, & Iesum stantem à dextris Dei: aliter cum  
videbat, cui ipse post resurrectionem suam di-  
cebat, *Noli me tangere: nondum enim ascendi ad  
Patrem meum.* Quem etiam aliter vident per fi-  
dē cogitando, qui digni sunt, cum soli sibi sunt  
aliter, cum per affectionem gratiam ipse est in  
ipsis per affectum deuotionis. Cum enim specu-  
latur gloriam Domini anima friciens ad Deum  
vivam: ducente gratia offendit in Mediatorem  
Dei & hominum, hominem & Deum, imaginē  
Dei inuisibilis, Dominū Iesum Christum. Quae  
cum ex magnitudine bonitatis qua pro nobis  
homo factus est, & virtute maiestatis qua Deus  
est, sentit in seipsa splendorem gratiae Dei, & fi-  
guram substantiae eius: sic quod dicit Apostolus.  
*Nos, inquit, reuelata facie gloriam Domini specu-  
lantes, in eandem imaginem transformamur à cla-  
ritate in claritatem, tamquam à Domini spiritus.*  
Amat enim, & amor suus sensus suus est, quo  
sentit eum quem sentit; & quodammodo trans-  
formatur in id quod sentit: non enim eum sen-  
tit, nisi in eum transformetur: hoc est nisi ipse in  
ipsa, & ipsa in ipso sit. Et enim sicut se habet  
sensus exterior corporis ad corpora & corpora-  
lia: sic est interior ad similia sibi, id est, rationa-  
bilis ac divina, vel spiritalia. Interior vero ani-  
mae sensus, intellectus eius est. Major tamen &  
dignior sensus eius; & purior intellectus, amor  
est: si fuerit ipse purus. Hoc enim sensu ipse Cre-  
ator à creatura sentitur: intellectu intelligitur:  
quantum sentiri vel intelligi potest à creatura  
Deus. Sensus enim vel anima hominis cum se  
mouet ad sentiendum, sentiendo mutatur in id  
quod sentit: alioqui non est sensus: ut puta, si-  
cut Physici autumant, vis visibilis à cerebro per  
radios oculorum egressa offendit in formā vel  
colores visibilia: quas cum menti renunciat,  
conformatur eis mens ipsa, & fit visus. Non  
enim aliter videns. Quod aequē de ceteris  
sensibus intelligendum est. Sic mens pro sen-  
su habet intellectum, eo sentit quicquid sentit.  
Cum sentit rationalia, ratio in ea progreditur:  
qua renuncians, mens in ea transformatur, &  
fit intellectus. In eis vero quae sunt ad Deum,  
sensus mentis amor est: ipso sentit, quicquid de  
Deo secundum spiritum vitae sentit. Spiritus au-  
tem vitae Spiritus sanctus est: de quo amat qui-  
cumque amat quod verē amandum est. Cum  
enim nihil ametur, nisi quia bonum est, aut bo-  
num putatur: datur intelligi, quoniam soli sum-  
mo bono omnis amor debetur, & totus amor:  
& ad ipsum recurrit semper, si non captivus ac  
vinculus alicubi tenetur, ubi falso bono decipi-  
tur. Amori verō nostro, affectui nostro illi na-  
turali, sic est amor Dei, sicut corpori nostro ani-  
ma sua est. Si in ipso est viuus; si autem, non  
nisi morticinum quoddam est, quod non sentit,  
quod sentiendum est. Cum autem viuus homo,  
& sentiens per eum quod sentiendum est sentit,  
in id quod sentit transformatur: plus in hoc va-  
lente amantis affectu, quam vel sensu in corpo-

ribus, vel in rationalib⁹ intellecta: & vni⁹ spi-  
ritus efficitur homo cum Deo, cui afficitur. Ha-  
bet enim voluntas animae ad copulandas res  
tiam corporeas vim tantā, ut sensibus eas admo-  
venstanta nonnumquam intentione sensus ip-  
sos in eis formatos detineat, ut voluntas ipsa ef-  
ficiatur amor, vel cupiditas, vel libido: feru-  
tior intentionis vehementia intantum rebus  
sensus inhians, ut de eis ipsam corpus inhiantis  
vel amantis sic afficiat vel inficiat: ut aliquando  
illud in familiem vel speciem vel colorem trans-  
fundat. Non hoc latuit Patriarcham Iacob: qui  
colores quos volebat, artificiali & naturali ma-  
chinamento pecudib⁹ nascituris indidit: ne ho-  
minis barbari nequitia laboris sui mercede de-  
fraudaretur. Quod multo potentius digniusque  
agitur, cum ipse, qui est substantialis voluntas  
Patris & Filij, Spiritus sanctus, voluntatem ho-  
minis sic sibi afficit, ut Deum amans anima, &  
amando sentiens, tota repente transmutetur:  
non quidem in naturam diuinitatis, sed tamen  
in quamdam supra humanam, citra diuinā, for-  
mam beatitudinis: in gaudium illuminantis gra-  
tiae, & sensum illuminatae conscientiae: intantē  
ut Spiritus hominis qui paulo ante vix in Spiritu  
sancto poterat dicere, *Dominus Iesus*; jam inter  
filios adoptionis confidenter clamat, *Abba Pa-  
ter*: nec tantum Spiritus, sed & caro ejus pro-  
misit incorruptionis & glorificationis suae jam  
aliquas sentiens primitias, grater abneget se  
sibi, alacriter currens post spiritū suū: sicut ille  
post Deū. Et haec est jubilatio beati populi scitis  
jubilationem, in lumine vult⁹ Dei ambulantis,  
in nomine ejus exultantis: quibus exultationis  
iustitia De⁹ est; & gloria virtutis eorum ipse est.  
Haec enim est assumptio Dñi, & sancti Israel regis  
nostri; cum sentim⁹ de eo in bonitate, qui similis  
factus est nobis; & sentimus in nobis, quod &  
in Christo Iesu Domino nostro: cum similes ef-  
ficimur ei grater compatiēdo nunc, post mo-  
dum similes ei futuri conregnando. Nec enim  
major potest esse suauitas homini in hac vita:  
quam cum in imagine conditoris in similitudi-  
nem bonitatis ejus inuenit se bene affecta con-  
scientia. Hanc quicumque desiderat suauitatē,  
nequaquam onerosam habeat in exercitio fidei la-  
boriosam necessitatem: quoniam *tribulatio pati-  
entiam operatur, patientia probationem, probatio  
verū spem: spes autē non confundit*; quia post pro-  
bationem diffunditur in corde charitas; & mox  
per Spiritum sanctum ordinatur sua pie menti  
suauitas: & fit ei in hoc crebra visitatio Dei, cu-  
stodiens, sicut dicit sanctus Iob, spiritū serui sui.  
Quae enim potest esse visitatio dulcior, consolatio  
major, lumen diuini sperantibus, in tene-  
bris hujus vitae laborantibus filiis lucis: quam  
vel in transcurso fulguris gratiae illuminantis o-  
culis cordis aliquando aliquatenus videre de-  
monstrantem, sentire propitientem, & quid apud  
Dominum misericordiae & copiosae redem-  
ptionis, quid propitiationis sit, intelligere; la-  
borantibus in regione mali quid in regione bo-  
ni promittitur suspicere; ante reuelatam faciem  
gratiae reuelatam offerre faciem bonae conscien-  
tiae? O ergo quicumque desideras & affectas ha-  
bere in fide tua, in vita ista, gaudium hoc diu-  
culū Domini Dei tui: esto non dubius, non ha-  
sitans, sed certissimus arbiter cordis tui. Habe-  
in fide certa gaudium certū in fundamento suō,

Genes. 30.

*Ut transfor-  
metur anima  
Dei amantem*

*1. Corin. 1.  
Rom. 8.*

Rom. 5.

Iob 10.

fundatum cum conscientia bona; & hoc tuum erit, & nemo tollet illud à te. Deinde postquā cōperis videre, satage ut crebrius videas; efficacius sentias: ut incipias cognoscere. Ex hoc enim fideli suo jā illucescere incipiet noua quædā fidei facies in cognitione Dei, promittens se tantum in hac vita, plenissime verò se datura in futura vita: de qua orans Dominus pro discipulis, dicebat ad Patrem. *Hæc est vita æterna, ut cognoscant te verum Deum, & quē misisti Iesum Christum.* Cognitio autem hæc Dei alia fidei est, alia amoris vel charitatis. Quæ fidei est: hujus vitæ est; quæ verò charitatis, vitæ æternæ: vel potius, sicut Dñs dicit, *hæc est vita æterna.* Aliud quippe est cognoscere Deum, sicut cognoscit vir amicum suum: aliud cognoscere eum, sicut ipse cognoscit semetipsum. Cognitio communis est cogniti hominis, seu cognitæ rei, ex aliquanta visione conceptam penes se in memoria habere phantasiam, qua res ipsa vel ab sensu cogitatur, vel præsens cognoscitur. Hæc cognitio in Deo, fidei est; non quodd sit similitudo aliqua phantasmatis, sed aliquis affectus pietatis: qui ex fidei forma conceptus & commendatus memoriæ, quotiens redit ad experientiam recordantis, suauiter afficit conscientiam cogitantis. Ea verò cognitio quæ mutua est Patris & Filij, ipsa est vnitas amborum, qui est Spiritus sanctus; nec aliud eis est cognitio, qua se mutuo cognoscunt; & substantia, qua sunt id quod sunt. Hac verò cognitione *nemo nouit Patrem, nisi Filius; & nemo nouit Filium, nisi Pater: vel cui ipsi voluerint reuelare.* Verba hæc Domini sunt. Aliquibus ergo reuelantur: scilicet quibus volunt, quibus intelcunt; hoc est, quibus largiuntur Spiritu sanctum: qui communis notitia, vel communis voluntas est amborum. Quibus ergo reuelat Pater & Filius, hi cognoscunt, sicut Pater & Filius se cognoscunt; quia habent in semetipsis notitiam mutuam eorum: quia habent in semetipsis vnitatem amborum, & voluntatem vel amorem; quod totum Spiritus sanctus est. Sed aliter hoc est in diuina substantia, in qua cum Patre & Filio consubstantialiter ipse vnus est; aliter in inferiore materia: aliter in creatore, aliter in creatura: aliter in propria natura, aliter in gratia; aliter in donante, aliter in accipiente: aliter in æternitatis incommutabilitate, aliter in temporali permutatione. Ibi enim mutua charitas, vnitas, similitudo, cognitio, & quicquid commune est ambobus, naturaliter & consubstantialiter Spiritus sanctus: hic autem facit illud in eo in quo fit; & faciendo per gratiam in ipso est. Ibi mutua cognitio Patris & Filij vnitas est; hic hominis ad Deū similitudo, de qua dicit Apostolus Ioannes in epistola sua. *Similis ei erimus, quoniam eum videbimus eum sicuti est.* Similem enim ibi esse Deo, videre Deum, siue cognoscere erit: quem intantum videbit siue cognoscet, qui cognoscet vel videbit, inquantum similis ei erit: intantum erit ei similis, inquantum eum cognoscet vel videbit. Videre namque ibi seu cognoscere Deum, similem est esse Deo; & similem ei esse, videre seu cognoscere eum est. Hæc cognitio perfecta vita erit æterna: gaudium quod nemo tollet habenti. Nequaquam enim hic plenum esse potest, quod non nisi in plena Dei cognitione impleri potest: quia quæ de Deo hic sciuntur vel cognoscuntur, nequaquam sciri possunt vel cognosci, sicut in vita illa, vbi videbitur fa-

cie ad faciem, & sicuti est. Qui cognitionis modus non est hic expectandus ab ore alicujus hominis: quia non potuit addisci ex ore ipsius veritatis. Non quodd Dominus non potuerit docere; sed humana infirmitas non posset portare. Nec tamē hic omnino cum aufert à dilectis dilectoribus suis: ut sciant quid desit sibi. Etenim pauperum spiritu amoris indigo & egeno, & ad id quod amant anxio, superfertur Spiritus sanctus amor Dei; hoc est facit opera sua in eis; non per indigentiam necessitatem, sed per abundantiam gratiæ & beneficentiæ suæ. Hoc significabat, cum superferebatur super aquas, quæcumque fuerint aquæ illæ. Sicut enim sol superfertur aquis calefaciens eas & illuminans, & calore suo trahens eas ad se vi quadam naturali, & pluvias inde subministrat terræ sitiēti, in loco & tēpore misericordiæ Dei: sic amor Dei amoris fidelis sui superfertur aspirando & benefaciendo rapiens eum ad se naturali quodam appetitu se sequentem, & instar ignis vim habentem naturalem sursum tendendi; & vnit eum sibi, ut creditus cum Deo vnus cum eo fiat spiritus hominis & credentis. Quodque communiter vocantur Pater & Filius, *Spiritus enim est Deus,* quodque propriè vocari oportuit Spiritum sanctum, qui non tam est vnus eorū, quā in quo apparet communitas amborum, ipsum vocabulum spiritus communicat homini ipse Spiritus sanctus; ut secundum Apostolum sit homo Dei cum Deo vnus spiritus, & gratia nominis, & affectu virtutis: non vnus tantum homo, sed multi homines cor vnū habentes in ipso & animā vnā ex deriuatione illius summæ charitatis, in cuius fonte est, quod est vnitas Trinitatis. Et hæc est mira creatoris ad creaturam dignatio, magna gratia, incogitabilis bonitas; piæ creaturæ ad creatorem fiducia, dulcis accessus, bonæ conscientie suauitas, in amplexu & osculo Patris & Filij, qui Spiritus sanctus est, hominem quodammodo inuenire se medium, & ipsa charitate Deo vniri, qua Pater & Filius vnus sunt: in ipso sanctificari, qui sanctitas est amborum. Hujus boni sensus, & suauitas experientie, quanta potest esse in hac misera vita & falsa, jam quamvis non plena, vera tamen est vita, & verè beata; in futuro futura plena & plenè beata, & incommutabiliter æterna; scilicet cum cognoscet Paulus sicut & cognitus est: cum euacuabitur quod ex parte est, & veniet quod perfectum est: cum videbitur Deus sicuti est. In hac enim vita cognitionis hujus plenitudinē promittere periculosa præsumptio est: & in huiusmodi sicut circa credenda infidelitas, sic circa intelligenda temeritas cauēda est. Sed regat interim autoritas fidem, veritas intelligentiam. Interim etenim etsi non potest Deus videri, vel cognosci sicuti est, non parū proficit proficiens, si nil pro Deo suscipit quod ipse non est: ut quicquid corporeum locale occurrerit, quicquid alicujus prætulerit formam qualitatis vel dimensionē quantitatis, respuat mens fidelis & improbet: ipsamque veritatem sicut potuerit cogitet, & certissime eam cognoscat & amet; quæ quā vera sit, ex hoc euidenter dignoscitur, quia etiā non cognita amatur. Hæc veritas Deus est, qui est quod est; & ex quo, & per quem, & in quo, est omne quod est: hoc ipsum summum bonū est, ex quo, & in quo, & per quem est bonum, bonū quodcumque est. Remove quæcumque ex veritate

Ioan. 17.

Cognitio fidei &amp; carit.

Mat. 11.

1. Ioan. 3. Quid sit similis Deo fore.

Genes. 1.

Amor Dei amoris bonis superfertur.

Ioan. 4.

1. Cor. 1.

Spir. sancti osculum Patris &amp; Filij.

1. Cor. 13.

Nil pro Deo recipiendū quod non est ipse.

vera, quæcumque ex bono bona sunt, ipsamque veritate n. ipsum bonum cogita, si potes. Quis cogitat, & non amat? Nimirum Deus est id ipsum est, quod cogitare & amare id ipsum est. Ipsum dico, non de ipso. De ipso enim multi cogitant, qui non amant. ipsum autem nemo cogitat, & non amat. Semper verò inhiandum est, ut quantum datum fuerit, gustetur quam suavis est Dominus; cum verò mens pia, mens humilis admitti non meretur in illam puritatem, propter suam impuritatem: vel si admittitur ad gustandum, non sufficit stare ad fruendum propter suam imbecillitatem: non sine gemitu amoris & lachrymis doloris inde pellatur, & amplectatur bonitatem Domini ad disciplinam: bonitatem in eo quod indigna admittitur; disciplinam, quod repulsa eruditur; feratque patienter, quamdiu mundatur, & dignam se faciat quæ crebrius admittatur, diutius immoretur: ubi & aliquando in æternū habitare mereatur, ut possit esse in Christo, ubi ipse est; in Patre esse cum illo, in quo ipse est. Quod non est huus vitæ, sed ejus, in qua videbitur sicuti est: videbitur, cognoscetur, non credetur. Utinam intelligeremus quæ dicimus. Videt hæc, intelligit hæc beat<sup>us</sup> populus, qui scit jubilationem: qui ambulat in lumine vultus Dei. Nos verò verba jactamus, verbis involvimur, & impedimur ab eo quod nullis verbis exprimi potest: & tamen non nisi verbis de eo aliquid dici potest. Suas enim formas verba habent in significandis rebus in locutione; & eas imaginant in loquentis vel audientis cogitatione. Et cum significant formas & formata, mentem ab interioribus suis foras trahunt ad res, quarum ipsa signa sunt. Cum verò rerum spiritualium vel diuinorum signa sunt, intus quidem nos mittunt; sed intro non nisi impediunt, & oculis mentis caliginem obducunt. Sic enim mentem admissa inficiunt imaginationibus suis, ut vix sine eis cogitari possint spiritualia vel diuina, quarum nulla penitus formæ vel imagines sunt. Verbi gratia. Deus quid est? Nomen timoris. Dñs quid est? Nomen potestatis. Si rei ipsius nomen requiris. *Ego sum*, inquit, *qui sum*. Hoc nomen, sicut ipse dicit, ei est ab initio: quia ad significandam rem, nullum ei aliquando verbum proprium accessit. Non tamen sicut est exprimit, quia pertransit: quod autem significat, est æternū: nec plenè illud significas, nisi verbum cœternum. De ipso ergo multa multis edicere fas est, ipsum autem cui præter ipsum? Amor tamen, amor illuminat<sup>us</sup>, qui intus Deo loquitur, melius hoc agit: & humilis deuotio, cujus conatus pietas est, accessus oratio, inuentio, vel intellectus, ipsa rei fructio ubi colloquitur affectus & gratia, respondent sibi fides & intellectus: spes & res conueniunt, misericordia & veritas obuiant sibi, iustitia & pax se osculantur. Sed quia fides nutrit amorem, quæ sanat ad hæc oculum mentis: quod intelligimus, sine obscuritate capiamus: quod non intelligimus, sine ambiguitate credamus: nec à verbis omnino recedamus: quamdiu ne scientibus eorum ministerio ingeritur nobis, quod verbis nobis percipiendū est: & tamen sine omni verborum forma credendum est nobis. Nam & ideo Verbum Dei in forma hominis apparuit, ut multiphariam multisque modis olim Deus locutus patribus in Prophetis, nouissimè diebus istis loqueretur nobis in filio: hoc est efficaciter, sicut in ipso Verbo suo: quia quod temporaliter

& corporaliter in eo fiebat, quasi ad suscipiendum manibus fidei porrigebat: ipsum autem Verbum per quod facta sunt omnia, per corporalia & temporalia purgandis promittebat: & purgatis in æterna beatitudine plenius contemplandum & habendum reservabat. Vbi sicut Christus non secundum hominem cognoscetur: sic & hic à desiderantibus aliquatenus cum supra hominem cognoscere, verbis quæ de eo sunt non nimis inhæreatur: sed eis quasi nauigio à fide ad speciem transeat. Cum enim dicitur, quia *Pater in Filio, & Filius in Patre est*: & ipsi in nobis, & nos in ipsis: si verbatenus hæc intelligimus, quid nisi idolum in cordibus nostris fabricamus? Cum enim locus sit unicuique ubi est, si ex his verbis cogitamus locum vel locale quid in Deo, longè à veritate aberramus. Sicut igitur jam dictum est, siue in verbis, siue in verborum formis non parum proficitur: si nil in corde cogitatum pro Deo recipitur, quod ipse non est: quamdiu non potest cogitari Deus, sicuti est. Sed cum alius sit Pater, alius Filius: hoc est esse Patrem in Filio, id esse, quod est Filius: hoc esse Filium in Patre, id esse, quod Pater est. Nos verò sum<sup>us</sup> in eis per piam affectionem: ipsi verò in nobis per misericordissimam pietatis ejus operationem. Sed & illa verba Domini, & hæc nostra illa exponentia vsu vel ratione docuimus dicere os nostrum, & cogitare cor nostrum quoties volumus: quæ tamen non aliquando intelligimus, nisi per affectus experientiam, & interiorem sensum amoris illuminati, etsi multum velimus. Ideo ipse Dominus apparens in carne hominis, sicut de mundo abstulit vanitatem idolorum; sic dum cogitationibus Deum proposuit in Trinitate unitatem, Trinitatem in unitate, fulgurans choruscatione diuinitatis omnē tulit à cogitatione fidei de Deo vanitatem imaginationis. Cum enim diuinitatis intellectum docuit esse supra homines: suo inde modo docuit cogitare homines. Omnia ergo facta vel verba Verbi Dei vnum nobis verbum sunt: omnia quæ de eo legimus, audimus, loquimur, meditatur, siue provocando amorem, siue incutiendo timorem, ad vnum nos vocant, ad vnum nos mittunt, de quo multa dicuntur, & nihil dicitur: quia ad id quod est, non pervenitur, nisi occurrat ipse, qui queritur, & illuminet vultum suum super nos, & illustret faciem suam: ut in lumine vultus ejus sciamus quæ gradiamur. Vultus ej<sup>us</sup> sensui amanti innotescens voluntas ejus est: facies ejus cognitio veritatis ejus. Nec unquā bene de Deo sentitur, nisi cū Deus facie hac formatur, vel faciei huius conformatur sensus de Deo sentientis: nec de sensu bene judicatur, nisi de vultu illo prodeat iudicium judicantis; nec bene quid agitur, nec bene aliquando vivitur, nisi inde formentur actus vel vita, secundū Deū viventes volentes; nec inde queritur, nec inde accipitur nisi ex dono gratiæ omne meritū prævenientis. O ergo, quæ nemo querit verè, & non inuenit, quippe cum ipsa veritas te querendi in conscientia querentis non suspectum jam habeat responsum aliquatenus inuentæ veritatis; inveni nos, ut inueniamus te: veni in nos, ut eamus in te, & vivamus in te: quia verè non est volentis, neque currentis, sed tui miserentis. Tuprior inspira, ut credamus: tu conforta, ut speremus; tu puoca & accède, ut amemus: totumque de nobis tuū sit, ut bene nobis in te sit, in quo vivimus, movemur, & sumus.

10an. 17.

Exod. 3.

Hebr. 1.

Finit Speculi Fidei.



# EIVSDEM B. GUILLELMI

ABBATIS S. THEODORICI.

## ENIGMA FIDEI.

De Deo scilicet  
scimus  
quod est.

Rom. 11.

**I** Vana infirmitatis religiosa confessio est; de Deo hoc solum nosse, quod Deus est. Ceterum esse naturam eius vel naturam, & secreta illa imperscrutabilis iudicii ejus decreta investigare quidem & perscrutari pium est: quæ tamen cum mens terrena non penetrat, inscrutabilia & inuestigabilia esse confitendum est. Quorum alterum religiosæ voluntatis est: alterum imperscrutabilis naturæ. Unde & Apostolus, cujus fidem homo sæculi non capit, & cujus sensus dicta aliis præterquam ipsius verba non explicant: perscrutando & inuestigando astupet, & dicit. *O altitudo divitiarum sapientie & scientie Dei: quæ incomprehensibilia sunt iudicij ejus: & inuestigabiles viæ ejus.* Vbi ergo tanta fortitudo trepidat, humanæ verecundiæ modum religiosa omnipotentis fides concludat: neque se infirmitas intelligentiæ nostræ ad perscrutanda ea quæ perspicendi naturam non habent, extendat. Si enim cernentibus solis claritatem virtus contuentis virtute luminis obstupefecit, intantum, ut si quando causam radiantis lucis sollicitus acies curiosæ contemplationis inquirat, usque ad mortuum videndi sensum o colorum natura revocetur, accidatque magis nitendo videre ne videat: quid nobis in Dei rebus & sole iustitiæ expectandum est? Nonne volenti supersapere incumbet stultitia? Nonne ipsum acie intelligendi lumen stupor hebetis desipientiæ occupabit? Non enim causa inferior causam naturæ potioris intelligit: nec subiacet humane conceptioni ratio cœlestis. Nam intra conditionem infirmitatis erit: quicquid infirmi hominis conscientia subdetur. Sed in quantum ratio cœlestis se permittit intelligi, intantum expectanda est; ne si contenti ejus indulgentiæ moderamine non sumus, amittamus indulta. Estne ergo in Deo, quod percipi possit? Est plane, si modo hoc velis, quod possis. Ceterum si ultra quàm potes, speres id quod potest, non poteris. Visio namque facie ad faciem, & plena cognitio nemini hic datur: sed pro merito fidei, qua credimus hic quod non videmus, in futuro promittitur. Habemus enim interim hic promissorum bonorum lumen in fide: in qua tamquam per speculum, & in enigmate felicius rerum, & futurorum bonorum imaginem intuemur. Si enim quaeritur, utrum in hac vita mortali à mortali homine potest videri Deus: respondemus, potest. Sed non corporeis oculis, sicut videmus hunc solem: vel mentis obtutu, sicut vultusque semetipsum videt aliquis quærentem aut scientem: sed fide, quæ canonicarum Scripturarum auctoritate munatur. Visus est tamè à Patribus, ea specie quæ voluntas elegit, non natura formavit. Deum enim non videri unquam, ait Evangelista Ioannes; utique sicut videtur ista, quæ visibilia dicuntur. Propter quod & conti-

nud subjungit. *Vnigenitus qui est in sinu Patris, ipse narravit.* Deum enim corporeis oculis istis nemo unquàm vidit: sed narrante Vnigenito, qui est in sinu Patris, narratione ineffabili, creatura rationalis munda & sancta impletur de visione ineffabili: quæ sic potest intelligere narrationem, sicut verbum non solum auribus strepens, sed imago mentibus innotescens: ut illud ei interna & manifesta luce clarescat, quod dictum est à Domino. *Philippe, qui videt me, videt & Patrem.* *Joan. 14.* Desiderium enim veraciter piorum, quo videre Deum cupiunt, non, ut opinor, in eâ specie flagrat contuendam, quæ quando vult, sicut vult, apparet quod ipse non est: sed in eam substantiâ, quæ ipse est id quod est. Videri enim hic mundo corde potest: comprehendere non potest. Sed in hac quaestione Deum videndi, plus mihi videtur valere vivendi modus, quàm loquendi. Nam qui didicerit à Domino Iesu Christo veritas esse & humilis corde: plus in hoc cogitando & orando proficiet, quàm legendo vel audiendo: quavis nonnumquam & legendo & audiendo proficiat. Nemo autem se dicat velle Deum videre: qui mundando cordi curam tantæ rei dignâ noluerit impendere. Nemo enim valet Deum videre & vivere: quia necesse est attrahi ab hac vitæ mentem, quæ in illius visionis ineffabilitatem assumitur. Alterius namque & potioris viæ est visio illa, quæ in futuro promittitur: sed jam hic in cunctis filiis gratiæ inchoatur. Vnigenitus ergo filius Deitatis naturam atque substantiam insonabiliter narrans dignis idoneisque oculis tanto conspectui, etiâ in hac vita inuisibiliter monstrat: & qui potest Deum inuisibiliter videre, potest etiâ & inuisibiliter adherere. Deus enim inuisibilis & incorruptibilis, *qui salus habet immortaliæ, & lucem habet inaccessibilem, quæ nemo hominum videt, vel videns potest,* per id quod videt homo corpore corpora, per hoc ab hominibus videri non potest. Qui si & mentibus piorum esset inaccessibleis; non diceretur, *Accedite ad eum, & illuminamini.* *Psalm. 33.* Et si mentibus piorum esset inuisibilis: non diceretur, *quia videbimus eum sicuti est.* Perspiciamus totam ipsam Epistolam Ioannis. *Dilectissimi, inquit, nunc Filij Dei sumus: & non videmus quod erimus.* *1. Joan. 3.* *autem, quoniam cum apparuerit, similes ei erimus, quoniam videbimus eum sicuti est.* Intantum ergo eum videbimus, in quantum similes ei erimus: & inde eum videbimus, unde similes ei erimus, mente scilicet: quia & non intantum non videmus, in quantum dissimiles ab eo sumus. Quis autem vel dissimilissimus deitatis corpore nos similes Deo foret? In interioribus ergo homine similitudo ista est, quæ renouatur homo de die in diem in agitione Dei, secundum imaginem ejus qui creatus est: ubi tantum ei efficiuntur similitudo res, quantum magis in ejus cognitionem charitatemque proficimus: & intantum eum propius

Augustinus  
Epist. 112.  
Joan. 1

quibus, ac familiaribus videmus, inquantum cognoscendo eum ac diligendo efficimur ei similiores. In quo quantumcumque hic profectus fuerit, longè est ab illa perfectione, qua Deus videbitur sicuti est facie ad faciem: ubi tanta erit excellentia, ut multò plus adipiscatur charitas, quàm vel fides credidit, vel spes desideravit: pl<sup>o</sup> inueniat adeptio, quàm formabat cogitatio. Regio namque est illa viuientium ac videntium, intellectualium & intelligibilium: ubi sine vlla corporis similitudine veritas cernitur: nullis opinionum fallarum nebulis offuscatur. Ibi enim sicut in Trinitate quæ Deus est, mutuo se vident Pater & Filius; & mutuo se videre, vnum eos esse est, & hoc alterum esse, quod alter est: sic qui ad hoc prædestinati sunt, & in hoc assumpti fuerint, videbunt Deum sicuti est, & videndo efficiuntur sicut ipse est, similes ei. Vbi etiam sicut in Patre & Filio, quæ visio, ipsa vnitas est: sic in Deo & homine, quæ visio, ipsa similitudo futura est. Spiritus sanctus vnitas Patris & Filij, ipse etiam charitas & similitudo Dei & hominis: sed aliter in summa essentia, aliter in inferiore natura. Ibi enim videbitur claritas Domini, non per visionem significantem, siue corporalem, sicut visa est in monte Sina, siue spirituales sicut vidit Isaias, vel Ioannes in Apocalypsi, sed per speciem; non per speculum & in ænigmate, sicut hic videtur ab hominibus qui digni sunt hac visione, quantum eam capere potest mens humana secundum assumptis gratiam: sed facie ad faciem. Quod quisquis arbitrat<sup>ur</sup> homini vitam istam mortalem adhuc agenti posse contingere; scilicet ut dimoto atque discluso omni nubilo phantasiarum corporalium atque carnalium, serenissima incommutabilis veritatis luce potiar<sup>ur</sup>, & mente penitus à consuetudine vitæ huius alienata, illi constanter & indeclinabiliter hæreat: nequaquã quid querat, intelligit. Alterius enim vitæ hoc est: & quisquis omnia quæ ibi habenda sunt, vult hic habere; ostendit, se fidem non habere. Sed credenti colligitur meritum, videtur redditur præmium. Credat ergo potius sublimi authoritati minimeque fallaci, quamdiu sumus in corpore, peregrinari nos à Domino, & ambulare nos per fidem, non per speciem: ac sic perseveranter retinens atque custodiens fidem spem & charitatem, intendat in speciem, ex pigrore Spiritus sancti, quod accepimus; qui nos docebit omnem veritatem: cum Deus qui suscitauit Dominum Iesum Christum à mortuis, viuificabit & mortalia corpora nostra per inhabitantem Spiritum ejus in nobis. Prius autem quàm vivificetur, hoc quod mortuum est propter peccatum; proculdubio corruptibile est, & aggravat animam. Quæ quando adiuta excedit hanc nebula qua tegitur omnis terra, id est hanc carnalem caliginem qua tegitur omnis vita terrena; tamquam rapida coruscatione perstringitur: & in suam infirmitatem redit, viuentem desiderio quo rursus erigatur, nec sufficiente mundicia, qua figatur. Quod quantum quisque magis potest; tantò major est: quantum autem minus, tantò minor. Si autem nihil adhuc tale mens hominis experta est, in qua tamen habitat Christ<sup>us</sup> per fidem, insistendum est minuendis & mortificandis concupiscentijs carnis & oculorum, & superbiz vitæ huius; & cū moralis actione virtutis omni studio fidei robur addendum, quoadusque perfectè mortificatus ea morte, de qua

dictum est Moyse, *Non enim videbit me homo & viuet*; incipiat viuere ea vita, de qua item Dominus dicit, orans Deum Patrem pro discipulis suis. *Hæc est autem vita æterna, ut cognoscant te Deum verum: & quem misisti Iesum Christum.* In quo qui evigilauit jam in Deum, Spiritus sancti calore excitatus, atque in ejus amore coram se ipse viluit sibi; volensque intrare ad eum nec valens, eoque lucente sibi attendit in se; inuenitque se & suam ægritudinem illius munditiæ temperari non posse: flere dulce habet, & eum precari, ut etiam atque etiam misereatur, donec exuat totam miseriam: & precari cum fiducia jam gratuito pignore salutis accepto per ejus vnicum Saluatorem hominum & illuminatorem. Hunc verò ita egentem & dolentem scientia non inflat: quia charitas ædificat. Præposuit enim scientiam scientiæ; præposuit scire infirmitatem suam, magis quàm scire mundi mœnia, fundamenta terrarum & fastigia cælorum: & hanc apponendo scientiam apposuit dolorē: dolorē peregrinationis suæ ex desiderio patriæ suæ, & conditoris ejus beati Dei sui. In hoc genere hominum, in familia Christi tui, Domine Deus meus, si inter pauperes tuos gemo pauper, da mihi de pane tuo; & quærentem vultum tuum, Domine; requirentem, & esurentem & sitientem justitiam tuam in contemplatione vultus tui; da mihi satiari de veritate tua, non de phantasmate cordis mei: ne repellendo tuam veritatem, resiliam & recidam in vanitatem meam. Ego certè sentio quàm multa signemata pariat cor humanum. Quid enim est cor meum, nisi cor humanum? Sed hoc oro te Deum cordis mei, ut nihil ex his figmentis, mihi pro solido vero inhaereat: sed inde veniat mihi lumen veritatis tuæ, vnde mihi quamvis projecto à facie oculorum tuorum, & de longinquo redire conanti per viam quam stravisti nobis humanitate vnigeniti tui, aura veritatis ejus aspergitur: quam intantum, licet mutabilem, gratanter haurio, inquantum in ea nil mutabile video; nec locis & temporibus sicut corpora; nec solis temporibus & quasi locis, sicut spirituum nostrorum cogitationes, nec solis temporibus, & nulla vel imagine locorum, sicut quædam mentium nostrarum ratiocinationes. Omnino enim essentia tua, qua es quod es, nihil habet mutabile, nec in æternitate, nec in veritate, nec in voluntate: quia æterna ibi est veritas, & vera ibi est charitas, vera æternitas, & chara ibi est æternitas, chara veritas. Idcirco namque, quoniam exulauimus ab incommutabili gaudio, nec tamen inde præcisi sumus vel abrupti, ut non etiam in istis mutabilibus & temporalibus æternitatem, veritatem, beatitudinem, quæramus: nec mori enim, nec falli, nec perturbari volum<sup>us</sup>; missa sunt nobis diuinitus, missa congrua peregrinationi nostræ, quibus admodum neremur, non hic esse, quod quærimus: sed illuc ab ista esse redeundum: vnde nisi penderemus, hic ea non quæreremus. Cum enim venit plenitudo temporis, misit Deus filium suum, factum ex muliere, factum sub lege: usque adeo paruum, ut factum; & eo utique missum, quo factum. Venit mira docens, & mirabiliter ea hominibus persuadens: contemptum eorum quæ videntur, præ amore eorum quæ non videntur: contemptum sui, præ amore Dei. Venit incredibilia faciens, & incredibilius ea hominibus credenda contradens. Humiliatus enim est Dñs Iesus Christus;

Ioan. 17.

Humilitas  
est vilescere  
sibi.Exod. 3.  
Isai. 6  
Apocal. 1.

1. Cor. 5.

Galat. 4.

ut nos humiles esse doceret. Conceptus est concinens omnia, natus est gignens omnia, mortuus est viuificans omnia. Post triduum resurrexit & ascendit in cœlum: & humanam carnem, quam assumpserat, ad Patris dexteram collocavit. Mirabile hoc est: sed multo mirabilius est, totum mundum rem tam incredibile credidisse. Quod etiam ipse modus consideretur à nobis, quo credidit mundus, etiam ipse verè diuinus aduertitur; & valde mirabilis inuenitur. Ineruditos namque liberalibus disciplinis, & omnino quantum ad doctrinas sæculi pertinet, impolitos homines, non peritos græmatica, non armatos dialectica, piscatores Christus cum retibus fidei ad mare sæculi paucissimos misit, duodecim, ex quibus unus abiit retrorsum. Et tamen sic per eos omni genere piscium repleuit Ecclesias, ut plurimi etiam ex ipsis sapientibus sæculi, quibus videbatur ignominiosa crux Christi, eam in fronte signarentur: & de qua erubescendum putabant, eam in arce pudoris constituant. Cum ergo ægotaret totus mundus, hoc modo venit ad eos Verbum Dei carne velatum, ad sanandum eum de interioribus suis, manibus suis medicamenta conficiens, & spargens ea super morbos orbis terrarum, Evangelium regni quod prædicandum erat in vniuerso mundo, & Scripturam veteris & noui Testamenti, quæ de ipso est. Tantamque ei dedit auctoritatem in vniuerso mundo, quantam habere oportebat rem per quam Deus innotescere vellet hominibus, & ab hominibus credi fibi. Cui enim se humiliter credunt homines, & credendo ei subiciuntur: ipsa est fides per quam mundantur beati mundo corde, quibus hoc promittitur videndum, visuri non nisi per fidem mundantur. Quia enim ad æternam capeffenda idonei non eramus, sordesque peccatorum nos prægrauabant temporalium rerum amore contractæ, & de propagine mortalitatis tamquam naturaliter inolitæ, purgandi eramus. Purgati autem ut contemperaremur æternis, non nisi per temporalia poteramus: quamlibet jam contemperati tenebamur. Quia enim in temporalia degenimus, & eorum amore ab æternis impedimur: quædam nos temporalis medicina suscipere currendos; quæ non scientes, sed credentes salutem vocat, non naturæ excellentia, sed temporis ordine prior. Nam in quæ locum quisque ceciderit, ibi debet incumbere & inniti ut resurgat. Formæ carnales amore suo nos detinent, in quæ per consensum peccati cecidimus: ipsis innitendum est, ut surgamus. Idcirco filius Dei qui in forma Dei erat, exinanivit semetipsum formam serui accipiens, ut homines in homine Deum credendo recipientes, accepta potestate efficeretur filij Dei. Non enim ad eum qui ubique præsens est, locis mouemur; sed bono studio bonisque moribus. Quod non possemus, nisi ipsa sapientia tantæ infirmitati nostræ congruere dignaretur, & viuendi nobis præbere exemplum, non aliter quam in homine, quoniam & nos homines sumus. Sed quia nos cum ad illam venimus, sapienter facimus ipsa cum ad nos venit ab hominibus superbis quasi stultè fecisse putatur. Et quoniam nos cum ad illam venimus, conualescimus; ipsa cum ad nos venit, quasi infirmata est. Sed quod stultum est Dei, sapientius est quam homines; & quod infirmum, fortius quam homines. Cum ergo omnibus modis medeatur animis Deus pro temporum oportu-

nitatibus, quæ mira sapientia ab ipso ordinantur, nullo modo beneficentius consuluit generi humano, quam cum ipsa Dei sapientia, id est vnicus filius consubstantialis Patri & coæternus, totum hominem suscipere dignata est, Verbum caro factum est, & habitauit in nobis. Ita enim demonstravit carnalibus, & non valentibus intueri mente, veritatem, corporeisq; sensibus de-  
ditis, quæ excelsum locum inter creaturas habeat humana natura; quod non solum visibiliter, nam id poterat & in aliquo æthereo corpore ad nostrorum aspectuum tolerantiam temperato, sed hominibus in verò homine apparuit. Ipsa enim natura suscipienda erat, quæ liberanda: & ne quis fortè sexus à suo creatore se contemptum putaret, virum suscepit, natus ex femina est. Nihil egit vi, sed omnia suadendo & monendo. Vetere quippe scitute transacta, tempus nouæ libertatis illuxerat: & oportunè jam homini suadebatur atque salubriter, quam libero creatus esset arbitrio. Miraculis conciliauit fidem Deo, qui ipse erat; passione homini, quem gerebat. Satellites voluptatum diuitias perniciosè populi appetebant; pauper esse voluit. Honoribus & imperijs inhiabant: Rex esse noluit. Carnales filios magnum bonum putabant; tale conjugium prolemque contempsit. Contumelias superbissime horrebant; omne genus contumeliarum sustinuit. Injurias intolerabiles esse arbitrabantur: quæ major injuria, quam iustum innocentemque damnari? Dolores corporis execrabantur: flagellatus atque cruciatus est. Mori metuebant: morte mulctatus est. Ignominiosum genus mortis crucem putabant: crucifixus est. Omnia quæ habere cupientes non rectè vivebamus, carendo vilescebat. Omnia quæ vitare cupientes à pietatis studio deuiabamus, perpetiende deiecit. Nullum enim peccatum committi potest, nisi dum appetuntur ea, quæ ille contempsit: aut fugiuntur, quæ ille sustinuit. Totæ igitur vita eius in terris, per hominem quem suscipere dignatus est, disciplina morum fuit. Quæ cum incunctanter creduntur, & cum fide cogitantur ad diligendum quod creditur, & videndum sicut creditur: quid nisi mundatur oculus, ad videndum quod mundicordibus promittitur? Quoniam verò diuina providentia non solum

Quid ex-  
plo suo do-  
cuerit Chri-  
stus.

Providen-  
tia Dei ge-  
neralis &  
particula-  
ris.

Modus quo  
mundus ad  
fidem addu-  
ctus est, di-  
uinus est.

Quæ medi-  
cina nos con-  
ducit sus-  
cipiat.

bilitati obnoxia: id est vnum ipsum Deum, Patrem, & Filium, & Spiritum sanctum. Et visibilia quidem rerum præteritarum, quæ temporaliter transierunt, sola fides est: quoniam non adhuc videnda sperantur, sed facta & transacta creduntur: sicut est illud, quodd Christus semel pro peccatis nostris mortuus est & resurrexit; quod jam non speratur futurum, sed tantum diligitur factum. Ea verò quæ nondum sunt, sed futura sunt, ita creduntur, ut etiam videnda sperentur, & etiam diligantur: sicut est spiritualium corporum nostrorum resurrectio; licet ostendi modò nullo possint modo. Quæ verò ita sunt, ut neque prætereant, neque futura sint, sed æterna permaneant; partim sunt invisibilia, sicut sapientia & iustitia: partim visibilia, sicut Christi jam immortale corpus. Sed invisibilia intellecta conspiciuntur; ac per hoc & ipsa modo quodam sibi congruo videntur: & cum videntur, multò certiora sunt, quàm ea quæ corporis sensus attingit. Sed ideo dicuntur invisibilia, quia oculis istis carnalibus videri omnino non possunt. At illa quæ visibilia sunt permanentia, possunt, si ostendantur, etiam his corporalibus oculis ostendi: sicut Dominus semetipsum discipulis post resurrectionem ostendit: & post ascensionem Paulo Apostolo, & Stephano Diacono. Proinde ista visibilia permanentia ita credimus, ut etiam si non demonstrantur, speremus ea nos quandoque visuros; nec ea conemur ratione intellectuque comprehendere; nisi ut ea quia visibilia sunt, ab invisibilibus quasi distinctius cogitemus: cogitatione ea sicut occurrerint imaginantes, cum sapius aliter sint, quàm quomodo ea imaginamur. Iustitiam verò & sapientiam, & quicquid ejusmodi est, non aliter imaginamur, aliter contuemur: sed hæc invisibilia mentis atque rationis intentione intellecta conspiciamus sine ullis formis vel molibus corporalibus: sine ullis figuris lineamentisque membrorum: sine ullis localibus finibus, siue spatijs infinitis. Similiter contuemur & lumen ipsum, quo cuncta ista discernimus, speciem scilicet æternæ rationis: in qua nobis satis apparet, quid credam⁹ incognitum, quid cognitum teneamus: quam formam sensu corporis recordemur, quam cogitatione fingamus: quid corporis sensus attingat, quid imaginetur animus simile corpori: quid certum & omnium corporum dissimilimum intelligentia contempletur. Hoc enim lumen, ubi hæc cuncta dijudicantur, non utique, sicut hujus solis & cuiusque corporis luminis fulgor, per localia spatia circumquaque diffunditur, mentemque nostram quasi visibili splendore collustrat: sed invisibiliter & ineffabiliter, & tamen intelligibiliter, lucet: tamque nobis certum est, quàm nobis efficit certa, quæ secundum ipsum cuncta conspiciamus. Cum autem tria sint rerum genera quæ videntur; vnum corporeum, sicut hoc cælum & terra ista; & quicquid in eis corpore⁹ sensus cernit & tangit: alterum simile corporalibus, sicut sunt ea quæ spiritu cogitata imaginamur, siue recordata vel oblata quasi corpora contuemur: unde sunt etiam visiones quæ in somnis vel in aliquo mentis excessu his quasi localibus quantitatibus ingeruntur; tertium ab utroque discretum, quod neque sit corpus, neque habeat aliquam similitudinem corporis, sicut est sapientia, quæ mente intellecta conspicitur, & in cui⁹ luce de his omnibus veraciter iudicatur: in quo istorum gene-

rum credenda est, quam nosse volumus, Trinitas Deus? Profecto aut in aliquo, aut in nullo. Si in aliquo, eo utique quod est alijs duobus præstantius, sicut est sapientia. Quod si donum ejus in nobis est, & minus est quàm illa summa & incommutabilis sapientia, quæ Dei sapientia dicitur; puto quod non debemus dono suo inferius cogitare donantem. Si autem aliquis splendor ejus est in nobis, quæ nostra sapientia dicitur, quantumcumque ejus per speculum & in ænigmate capere possumus: oportet ut cum & ab omnibus corporibus, & ab omnibus corporalibus secernamus. Si autem in nullo generum horum pronuntianda est esse ista Trinitas, & sic est invisibilis, ut nec mente videatur; multò minus de illa opinionem hujusmodi habere debemus: ut eam rebus corporalibus, vel corporalium rerum imaginibus similem esse credamus. Non enim corpora pulchritudine aut molis magnitudine superat, sed dissimilitudine ac disparilitate naturæ: etsi discreta est à comparatione bonorum animi nostri, qualia sunt iustitia, sapientia, charitas, & cætera talia; quæ certe non pendimus mole corporis, nec eorum quasi corporeas formas cogitatione figuramus: sed ea, quando rectè ea intelligimus, sine aliqua corpulentia vel similitudine corpulentia in luce mentis aspiciamus; quantum est ab omnium comparatione quantitatum & qualitatum discretior? Nec tamen eam omnino ab intellectu nostro abhorre, Apostolus testis est, ubi ait. *Invisibilia* *Rom. 1.* *ejus per ea quæ facta sunt, intellecta conspiciuntur: sempiterna quoque ejus virtus ac divinitas.* Quapropter licet eam, in his quæ nostris adjacent sensibus corporalibus, vel quod nos ipsi in interiore homine nostro sumus, scientia comprehendere laboremur, nec sufficiamus: non tamen impudenter in ea quæ supra nos sunt, divina & ineffabilia, pietas fidelis inardescit: quam non virtutis suarum arrogantia inflat, sed gratia & desiderium ipsius conditoris ac redemptoris inflammat. Attendat autem homo intellectu suo quo Deum capere desiderat, nil in natura sua esse melius: & videat utrum ibi videat vlla lineamenta formarum, nitores colorum, spatiosam granditatem, partium distantiam, molis distensionem, aliquas per locorum intervalla motiones, vel quid hujusmodi. Nil certe tale invenimus in eo, quo in natura nostra nihil melius invenimus; hoc est in intellectu nostro, quo sapientia ipsam capimus, in quantum eius capaces sumus. Quod ergo non invenimus in meliore nostro, nequaquam admittere debemus in cogitando, id quod tam incomparabiliter melius est omni meliore nostro. Sed tanta vis est amoris, ut ea quæ cum amore diu cogitaverit humanus animus, eisque curæ glutine inhærescit, attrahat secum, etiam cum vel ad seipsum redit, siue ad eam quæ supra ipsum est, naturam divinitatis: & quia illa corpora sunt, quæ foris per sensus corporis adamavit, eorumque diuturna quadam familiaritate implicatus est, nec secum potest introrsum tamquam in regionem corporeæ naturæ ea inferre; imagines eorum secum trahit, vix semetipsum vel naturam, ut dictum est, divinitatis, aliud esse imaginans, quàm id, sine quo eam cogitare non potest. Hæc enim est maledictio, Domine Deus, quam maledixisti terræ in opere Adam & filiorum ejus: quam cum operati fuerint, non reddit fructum suum; sed spinas ac tribulos germinat eis: ut in sudore

*S. Trinitas  
nec mente  
videtur.*

*Mat. 28.  
1. Cor. 15  
Acto. 7*

*Lumen fidei  
videtur, quo  
cætera videntur.*

*Tria rerum  
genera, quæ  
videntur.*

*Divina ad  
instar corpo-  
rum cogitam⁹.*

Genes. 3.

sudore vultus sui comedant panem suum. Et quid facient pusilli tui, filij hominis, non tam de terra terreni, quam de coelo celestis, viri dexteræ tuæ quem confirmasti tibi, jam primitias spiritus habentes: & ex ipsis expectantes redemptionem corporis sui? Nam & ipsi intra se ingemiscunt, jam olim à peccato liberari, sed nondum à pœna peccati: ex pœna primi peccatoris euntes & venientes, & mittentes semina sua; & licet viuentes de mensa tua, vix tamen aliquando nisi post lachrymosos sudores & spissas compunctiones panem suum quotidianum accipientes de manu tua. Panis enim vivus & vivificans eis est memoria abundantiae suavitatis tuæ, gratia visitationis, & alienius visionis tuæ: gaudium in sensu amoris tui, & bonitatis tuæ. Mundo namque gaudente ipsos permittis flere ac lugere; illis desolatione, istis verò promittens consolationem: vis eos esurire ac sitire; sed promittis eis æternam satietatem. Sed facis dilationem ad exercitium amoris: rursumque nonnumquam visitationis ac visionis tuæ aliquam eis copiam facis ad solatium dilationis. Et ubi per prævenientem gratiam puram invenis voluntatem & intentionem; tu in hora illa visitationis tuæ, virtute præsentis & abundantia gratiarum, perficis in mœre fidei puritatem: & puritas pro captu suo meretur visionem, sed sicut Apostolus dicit, *ex parte; per speculum, & in enigmate*. Quamdiu enim peregrinantur in carne à te domino Deo suo, nequaquam videndi te facultatem habent, nisi ex parte: inquantum vivit in eis adhuc ex parte, quod ad videndum te facie ad faciem, & sicuti es, perfecte tendentibus, prius mortificandum esse testatur Dominus loquens ad Moysen. *Non enim, inquit, videbit me homo & viuet*. Quod quid est, nisi corpus in nobis peccati naturaliter concretarum nobis concupiscentiarum carnis? Hinc namque, tam anxie & lachrymabiliter liberari deposcebat, qui dicebat. *Infelix ego homo, quis me liberabit de corpore mortis huius? Gratia Dei per Dominum nostrum Iesum Christum*. Qui enim hoc dicebat, nequaquam per impatientiam huius vite desiderabat corporaliter mori: sed à viventibus adhuc in eo aliquibus concupiscentiis carnis liberari: à quibus nemo liberat, nisi gratia Dei per Dominum nostrum Iesum Christum, charitatem suam diffundendo in cordibus nostris per Spiritum sanctum, quem dat nobis. Ipsa namque est lex, spiritus vite: liberans, sicut dicit idem Apostolus, à lege peccati & mortis; concupiscentiis scilicet carnis, quæ sicut sordes interioris oculi hominis, impediunt eum à videndo eo, quod non nisi mundo corde videtur: & à vita æterna, de qua Dominus dicit; *hac est autem vita æterna, ut cognoscant te Deum verum, & quem misisti Iesum Christum*. Ut enim ibi videat oculus interior ad videndum Deum factus, hic mundatur, ubi inchoatur visio, quæ ibi perficitur. Inchoatur enim hic sanctitate vite, & usu divinæ contemplationis, ubi amor meretur visionem, cum creditur, speratur, ac diligitur, quod non videtur: perficienda ibi, ubi visio pascet amorem; cum omnis virtus erit, diligere quod habebitur: & tota beatitudo, habere quod diligitur. Idcirco dicebat, qui sic erat; & dicunt qui sic sunt. *Cupio dissolvi, & esse cum Christo: multo enim melius*. Sic autem sunt, qui per fidem ambulantes, etsi perfecti sunt viatores, nondum tamen sunt peruenientes: perfecti, inquantum

ea quæ recto sunt obliti, in interiora se extendunt: viatores, inquantum adhuc in via sunt. Domine Deus cordis mei, & pars mea in æternum; finis omnis desiderij mei, & destinatum intentionis; inter hos, quamvis longè infra eos, & dissimiliter ab eis, jam olim aggressus viam ad te per fidem ambulandi ad rectè vivendum, & disciplinam cordis mundandi ad videndum te & contemplandum: in hoc consensui, & nondum cœpi. Sæpius autem cogitanti mihi de communi fide nostra in te, sine qua impossibile est placere tibi Domino Deo nostro, & in qua salutem omnium constituisti; & ideo omnium esse debet, tam pusillorum in Ecclesia Dei, quam magnorum: quomodo, cum quæritur apud Sanctos Doctores scientia ejus, tantis invenitur quæstionum perplexitatibus involuta; tantis disputationum ænigmatibus obscurata, ut vix à paucissimis hominibus puritas ejus queat apprehendi; visum est aliquando ad felicissima illa & aurea Evangelicæ simplicitatis tempora prima recurrere, & ad proprium illud stylium Spiritus sancti tui, quo per ministerium eorum, qui unigenitum tuum Salvatorem nostrum venturum in carne poruerunt prævidere, seu qui venientem meruerunt videre, primo cœpit inscribi lex spiritus vite in tabulis cordis carnalibus credentium. Vbi cum plana omnia invenio, & rem communem tam sapientibus quam simplicibus, & quæ sic fortes exerceat, ut infirmos quosque à se non absterreat; redit ad memoriam exprobratio illa prophetica in populum Iudæorum, quod contempserunt aquas Siloë domesticas, decurrentes cum silentio: ierunt in viam Egypti bibere aquas turbidas fluminis Egypti. Non enim, sicut per alium Prophetam quidam deplorant, cogimur ibi aquas nostras pecunia comparare, nec dare manus Egypto & Assyrijs, ut saturemur pane; sed gratis omnia accipimus. Præsto ibi est omnibus divina autoritas, cui contradicere nefas est, dicens. *Crede tantum, & salus eris; & omnia posibilia credenti*. Audientes ergo ibi, Domine Deus noster, dicentem veritatem, *Ite, baptizate omnes gentes in nomine Patris, & Filij, & Spiritus sancti*: statim credimus in te, Patrem, Filium, & Spiritum sanctum. Neque enim veritas hoc diceret, nisi hoc essetis. Nec baptizari nos juberes, Domine Deus, in ejus nomine, qui non esset Dominus Deus. Nec in nomine, sed in nominibus: nisi vos, Pater, & Filius, & Spiritus sanctus, essetis unus Deus. Non enim diceretur voce divina; *Audi Israël, Dominus Deus tuus, Deus unus est*: nisi unus Deus essetis: qui Pater, & Filius, & Spiritus sanctus estis. Et si tu Deus Pater, ipse es filius tuus, Verbum tuum Christus; & ipse es donum tuum, & donum filij tui Spiritus sanctus, non legeremus in literis veritatis, *Misisti Deus filium suum*: nec tu unigenite, diceret de Spiritu Sancto, qui à Patre & à te procedit, *Quem misisset Pater in nomine meo; & quem ego mittam vobis à Patre*. Non ergo ipse Pater, qui Filius: non ipse Filius, qui Spiritus sanctus. Ad hanc regulam fidei dirigens omnem intentionem meam, quantum posse me facies, quæram Domine vultum tuum: vultum tuum Domine requiram semper. Domine Deus meus, una spes mea, exaudi: ne fatigatus nolim te quærere: sed quæram te semper ardentem. Da quærendi vires, qui voluntatem dedisti; & quantum faceris, adauge voluntatem quam dedisti. Meminerim semper tui, in-

Theologia multis nunc involuta difficultatibus.

Isaia 8.

Ierem. 2.

Thren. 3.

Marc. 5.

& 9.

Matth. 28.

Trinitas personarum, & unitas essentia divina

Deuter. 6.

Galat. 4.

Joann. 14.

1. Cor. 13.

Exod. 33.

Rom. 7.

Rom. 8.

Joann. 17.

2. Cor. 5.



telligam te, diligam te: donec fideliter reminiscerentem tui, & sobriè intelligentem te, & veraciter diligentem te, ò Trinitas Deus, juxta plenitudinem quam tu scis, reformes me ad imaginem tuam, ad quam me creasti. Totum ergo hic habeo de Domino Deo meo, quod interim quærebam, sine tormentis quæstionum, sine sophismatum insidijs, sine strepitu disputationum: scilicet quoddam sit, quoddam Pater, & Filius, & Spiritus sanctus sit. Hæc de Deo est mea fides; quia ipsa est Catholica fides. Credo enim quod lego vel audio: quia ut credere, & hoc ipsum præcepit, qui veritatem se nominavit. Dixit enim. *Qui*

*Marc. 16.*

*Credere Deo & in Deum oportet.*

*1. Cor. 3.*

*crediderit, saluus erit: qui vero non crediderit, condemnabitur.* Et cui creditur, si non creditur veritati? Ipse est Dominus Iesus Christus: cui qui credere, & in eum credere, noluerit, non est Christianus. Ego Christianum me profiteor: credo ei in quem credo: & credo Scripturis, in quibus vitam me habiturum confido. Hoc enim fundamentum est, quod sapientia Dei ordinavit: Verbum Dei dictavit; Apostoli sicut sapientes architecti posuerunt: cui quicumque superædificare voluerit, videat quid superædificet; de fundamento autem securus sit. Fundamentum enim stabit: quod autem superædificabitur ignis probabit. De compositione autem fundamenti viderit ipse, qui composuit. Quid enim mihi quærere: quod in hac viâ sciri non potest? Verbi gratia, quid mihi quærere, quomodo Trinitas ibi unitas sit, vel tres unum; cum Dominus & Apostoli, & ante eos Prophetæ, sic esse de Domino Deo nostro docuerunt: nec amplius aliquid addiderunt? Quod si Verbum & Sapientia Dei in hac vita nos scire voluisset: nemo melius quam ipse per semetipsum, seu per Apostolos suos in mundo hoc docuisset. Nam & Sancti Patres nostri Doctores Ecclesiæ, post Apostolos, confidenter dico, si licuisset, nil amplius dixissent: nec quamdiu potuerunt, super hoc aliquid addere voluerunt. Percurramus omnem seriè canonicarum Scripturarum, tam veteris quam novi testamenti: nusquam quantum ad nomen Trinitatis, Trinitas Deus legitur: nusquam saltem tres esse, Patrem, & Filium, & Spiritum sanctum, inuenitur; nisi in Epistola Ioannis, ubi dicitur.

*1. Ioann. 5.*

*In scripturis non est nomen persone diuina nec hominifera, &c.*

*Tres sunt, qui testimonium perhibent in celo, Pater, Verbum, & Spiritus sanctus: & hi tres unum sunt.* Quod & ipsum in antiqua translatione non habetur. De nomine tamen & numero tantum hoc dico: non de sensu seu intellectu Trinitatis. Sicut enim jam dictum est, Deum Patrem, & Deum Filium, & Deum Spiritum sanctum, omnes illæ Scripturæ clamant unum esse Deum. Nusquam verò ibi prædicantur in diuinitate tres personæ; nusquam relativæ earum prædicatio: nusquam famosum illud homouision nomen consubstantialitatis, vel saltem nomen simplicis substantiæ; nusquam ad aliquid, & si qua sunt his similia. Sed cum cœperunt in Ecclesiâ hæreses oriri, contra nouitatem & verborum & sensuum cœperunt hæc & huiusmodi verba seu nomina in causa fidei inueniri: sine immutatione tamen sensuum antiquorum, & corruptione canonicarum Scripturarum. Propter quod etiâ in idipsum autoritatis ac reuerentiæ nomina ipsa apud omnes fideles assumpta sunt ab antiquo; nomina Patris, & Filij & Spiritus sancti: & cætera antiqua nomina omnia rerum earum, quarum signa & hæc & illa sunt. In nominibus enim diuinis, seu ver-

bis quibuscumque, quibus aliquid dicitur de Deo, non tam signa ipsa nominum vel verborum attendenda sunt, quam id quod per signa ipsa designatur. Instabat enim tempus cribandæ Catholicæ fidei, ut purgaretur, exercendæ, ut probaretur. Et ideo ineffabilis illa natura summi boni paulò indulgentius in verba humana passa est seipsam demittere, in adiutorium humanæ ad Deum pietatis: non tamen usque ad angustias humanæ rationis. Huiusmodi enim cum sint communis rationis instrumenta circa res communes; cum in causa fidei assumuntur, non nisi scandala sunt, si non rationi fidei fideliter consentunt. Nec renuit magnus Dominus, & sapientia ejus cujus non est numerus, numerorum nomen Trinitatis in eo quod simpliciter dicebatur, Deus Pater, Deus Filius, Deus Spiritus sanctus: nec novum nomen homouision in eo quod qui Pater, & Filius, & Spiritus sanctus dicebantur unus Deus, alterum secundum quod ad alterutrum sunt: alterum secundum quod ad se sunt, & unum sunt. Prius enim quam in Ecclesiâ exurgeret Sabellius, ipsum prædicans esse Patrem, qui Filius est; ipsum Spiritum sanctum, qui Pater est vel Filius: prædicatio fidei de Patre & Filio & Spiritu sancto, non indigebat nomine Trinitatis. Quod ubi in causa fidei susceptum est, & tres cœperunt dici, Pater, Filius, & Spiritus sanctus; & quæri cœpit, quid tres: nec tunc, nec usque nunc inuentum est, quid responderetur, sicut oporteret, & secundum quod res se habet. Quod enim dicitur, tres personæ, alia ratio est. De quo postmodum dicitur. Sic & priusquam insurgeret Arrius, qui inæqualitatem ac dissimilitudinem astruendo, conatus est nobis ingerere turbam Deorum, nomen homouision ratio fidei ignorabat: licet sensum nominis non haberet incognitum, quod ab initio prædicabatur. Nunquid enim ignorare poterant fideles temporis illius, quod Dominus dixit. *Ego & Pater unum sumus?* Hoc enim est homouision, nihil aliud. Nomen enim sicut jam diximus, novum est, & in prædicatione fidei pro tempore necessarium; sed res eadem est. Sicut ergo contra Sabellium admissum est in causa fidei nomen Trinitatis, sic contra Arrium homouision oppositum est nomen consubstantialitatis. Sicque numerus, si tamen numerus, inuentus est vel assumptus in illa natura creatrice omnium: quæ pondus etiam, & mensuram, & numerum creauit; in quibus disponit cuncta quæ creauit. Quis autem, vel qualis numerus? Non augens, non minuens, non separans, non coniungens: non diuisus, non confusus. Non enim quomodo in Trinitate trium hominum tres homines sunt: sic tres ibi dii æstimandi vel computandi sunt. Unum enim ibi sunt, qui tres; tres, qui unum. Nec Trinitatis ibi pars tertia est unus; nec major pars duo, quam unus; nec majus aliquid tres simul, quam singuli: quia spiritalis, non corporalis est magnitudo. Tres ergo ibi, sicut propter singulorum perfectionem partes unius Dei non sunt; sic nec tres dii, seu perfecti seu imperfecti æstimandi, seu cogitandi sunt. Vbi ergo numerus? Numerus qui ibi est, & numerus est, & numerus non est. Est enim ibi quoddam ineffabile, quod verbis explicari non potest. Cum enim dicis, Pater, Filius, Spiritus sanctus, tres numerari videntur: sed nullus ibi numerus est. Si eni quæris, quid tres; deficit numerus. Vbi cogitare

*Sabellij hæresis.*

*Arrij hæresis.*

*Ioann. 10.*

*Nomina nara, ead.*

petis, incipis numerare: vbi numeraueris, quid numeraueris non potes respondere. Singulus quisque ibi Deus est. Num tres dii? Absit. Singulus quisque omnipotens. Numquid tres sunt omnipotentes? Minimè. Non sunt tres dii, non tres omnipotentes, non tres sapientia, non tres sapientes: non tres magni, nec tres magnitudines. Substantialiter enim hæc omnia in Deo dicuntur. Et tanta est vis summæ illius substantiæ in Patre, & Filio, & Spiritu sancto, vt quicquid de singulis ad seipsum dicitur, non pluraliter in summa, sed singulariter accipiatur. Dicimus enim, Deus Pater, Deus Filius, Deus Spiritus sanctus: sed in summa non tres dicim<sup>9</sup> Deos, sed vnum. Et hæc generalis est regula omnium, non solum quæ, vt dictum est, substantialiter de Deo dicuntur; sed eorum etiam quæ ad creaturam; sicut cum dicitur Creator, Dominus, & cætera talia. Huiusmodi enim, sicut sunt magnitudo, bonitas, & cætera, prout in rebus sunt, accidentia sunt; non autem in Deo. In Deo enim cum hæc dicuntur, intelligendus est in quantum possumus sine qualitate bonus, sine quantitate magnus, sine indigentia creator, sine situ præsens, sine habitu continens, sine loco vbique totus, sine tempore sempiternus, sine sui mutatione mutabilia faciens, nihilque patiens. Cum ergo quæritur de Patre, & Filio, & Spiritu sancto, quid tres sint, non hoc quæritur, in eo quod ad alterutrum sunt; sed in eo quod sunt; nec magis tres boni, seu tres magni, vel aliquid huiusmodi, quam tres Dii dici possunt, secundum supradictam regulam substantialium nominum in Deo. Sed instar humana infirmitas, numerorum & rerum numerabilium consuetudine infecta: & dicit. Omne quod relatiue ad aliquid dicitur, est etiam aliquid ad se, præter id quod relatiue ad aliquid dicitur. Verbi gratia, tres homines sunt pater & filius, & quilibet amicus eorum. In eo quod ad se sunt, tres homines sunt; in eo quod ad inuicem, pater, & filius, & amicus sunt. Nisi id quod ad se sunt, essent: quod ad inuicem sunt, esse non possent. Tria ergo aliqua, seu tres aliqui ad se sunt; qui Pater, & Filius, & Spiritus sanctus ad inuicem sunt. Quid tres? Quid tria? Hic nisi respondeatur, obtrinit Sabellius id, pro quo hereticus dicitur. Excedit verò supereminentia diuinitatis omnem communis eloquij facultatem. Si enim rem sicut est perpendimus, proculdubio est Pater, est Filius, est Spiritus sanctus: nec ipse est Filius qui Pater, nec ipse est Spiritus sanctus, qui Pater & Filius. Tres ergo sunt. Dices. Numquid tres essentia? Absit. Nam secundum supradictam regulam nominum diuinorum, essentia est Pater, essentia Filius, essentia Spiritus sanctus: sed tamen non tres essentia, sed una essentia. Ergo quid tres? Deficiunt humana verba ad verba Verbi confugiam<sup>9</sup>. Cum enim loqueretur Dominus Iudæis de semetipso, & de Patre suo, dixerunt. *Vbi est Pater tuus?* Ac si dicerent. Duos esse dicis, te & patrem tuum; te videmus, vbi est pater tuus? Respondit Dominus. *Ego & Pater vnum sumus.* Ac si diceret. Vnum, quia vnus sum cum Patre Deus, vnus, quia ego & Pater duo sumus. Sicut ergo requisitus Dominus se & Patrem dicit esse vnum; sic & nos ab eo edocti de Trinitate quæ Deus est, requirenti quid tria, quid tres, respondemus, vnum. Si improbus est, & adhuc pergit quærere, quid vnum, dicimus, Vnus Deus. Nec tamen improbus erit,

si homo fidelis est, vt apponat quærere, quis Deus, cum non sit nisi vnus Deus, Pater, & Filius, & Spiritus sanctus, Pater ergo & Filius, non vnum est, sicut dicit Sabellius: sed vnum sunt, sicut dicit Dominus. Sanctus quoque Spiritus nisi esset Deus Homousios, hoc est, eiusdem substantiæ cum Patre & Filio, nequaquam Dominus diceret. *Spiritus est Deus.* Et alibi. *Si in spiritu Dei* Ioann. 4. *ejicio demonia.* Itē. *Misit me Dominus, & Spiritus eius.* Et omnes in hoc conueniunt Scripturæ, vnum esse Deum cum Patre & Filio Spiritum sanctum. Et hæc est vna, vel hoc est vnū, quod perit à Domino David, ac requirit ad contemplandum dicens. *Vnam petij à Domino, hanc requirā.* Psal. 26. Vnum autem hoc non numero vnū est, sed natura, videlicet solidū idipsum, non habens partes, sed in omni quod est vel habet, habens integrum totum suū; si tamen omne, vel totum, vel integrum dici potest, vbi partes nullæ sunt. Vbi cumque autem in Scripturis plura aliqua vnum dicuntur, & non additur quid vnum, sicut additur vbi dicitur, cor vnum & anima vna: eadē natura in nullo dissimilis vel dissentiens significatur. In quantum ergo tria aliqua sic sunt, intratum vnum sunt. Sed verè sic tria aliqua esse, solius est Trinitatis illius, quæ Deus est. Nam et si sunt aliquando tres homines eiusdem naturæ, eiusdemque voluntatis vel consensus: certè tres homines tres semper homines sunt: & si aliquando in aliquibus consentiunt, in multis dissentiunt. In Trinitate verò quæ Deus est, qui tres sunt verissimè vnum sunt: & non tres dii, sed vnus Deus sunt, vnus naturæ, eiusdem essentia. Vnius enim essentia prædicatio perfectam concludit vnitatem. Cum ergo quæritur de Patre, & Filio, & Spiritu sancto, si tres, quid tres; ex auctoritate Domini, & secundum rationem fidei, nil melius seu conuenientius veritati respondetur, quam vnum, Placuit tamen Patribus propter disputandi necessitatē, seu tractandi vel colloquendi difficultatem, exceptis relatiuis nominibus, pluralem numerum admittere: & vt vno nomine respondeatur, quid tria, dicere tres personas; sic tamen, vt nullæ ibi moles, nulla intervalla cogitentur: nulla distantia cuiuscumque dissimilitudinis: nulla separabilis distinctio, seu personalis confusio. Non pars ibi cogitur vel totum: non majus aliquid Trinitas quam vna persona, non minus persona, quam Trinitas tota. Licet enim à se inuicem determinari videantur, tamen sicut fide intelligi potest, infinita in se intelligenda sunt tria illa, quæ tres personæ dicuntur: & singula esse in singulis, & singula in omnibus; & omnia in omnibus, & omnia vnū. Cum enī ineffabile hoc quod ex sensibus & verbis Sanctorum Patrum penè ineffabiliter fari conati sumus, conareretur humana inopia loquendo proferre ad sensum hominum, in quantum illud in secretario mentis pro captu tenebat, de Domino Deo suo, siue per piam fidem, siue per qualemcumque intelligentiam; timuit catholica pietas dicere tres essentias: ne in illa summa æqualitate vlla intelligeretur diuersitas. Certissimè quippe & de Scripturis cognoscitur, & piè credendum est, & in hoc etiam aspectus mentis perstringitur, esse & eum qui Pater est, & eum qui Filius est, & eum qui Spiritus sanctus est: nec eundem esse Patrem, qui Filius est, neque ipsum esse Spiritum sanctum, qui Filius aut Pater est. Cum tamen non auderet tres essentias dicere,

Quædam  
de Deo sub-  
stantialiter  
dicuntur quæ  
ad crea-  
turas.

Ioann. 8.

Ioann. 10.  
Persona di-  
uina sunt  
tres, nō tria,  
sunt vnum;  
nō vnus: sunt  
tamen vni  
Dei.

Acto. 4.

Duplex per-  
sonæ defini-  
tio.

quæ sunt, quid sint ostendit, ut dicitur: & dixit tres personas. Quibus nominibus non diuersitate intelligi voluit, sed singularitate noluit: ne quasi singul<sup>is</sup> intelligeretur Deus: scilicet ut non solum ibi intelligatur vnitas ex eo quod dicuntur tres personæ: quod etiam res sic est, non diceretur, non omnino tamen taceretur, cum quæreretur, quid tria, vel quid tres: sed communi etiam modo loquendi aliquid responderetur. Non solum autem, sed & per hæc nomina trium personarum facta est omnibus fidelibus fandi de ineffabili copia copiosior, & compendiosior, & ad respondendum cautiùs inimicis, & ad subtilius inquirendum de Deo, & conferendum cum amicis: & confessio fidei formam habet sanctorum verborum; & ad tractandum vel disputandum aptum verbi instrumentum. Diffinitur autem persona à diffiniendis duobus modis: siue, rationalis naturæ indiuidua substantia: siue, cuius pro sui forma cetera sit agnitio. Prima diffinitio nomen substantiæ præferens, quod se offerat, non ambiguus intellectus est: videlicet ad confortium nominum eorum quæ substantialiter ad se de Deo dicuntur: ut sicut dicitur Deus Pater, Deus Filius, Deus Spiritus sanctus; & tamen non tres dii, sed vnus est Deus: sic si de Deo persona prædicetur, dicatur persona Pater, persona Filius, persona Spiritus sanctus: in summa verò vna persona. Et secundam hanc diffinitionem non magis ibi fas est dicere tres personas, quam tres Deos. Poterit iuxta alteram diffinitionem requirere quid tres, responderetur tres personas: cum singulæ eorum ex forma pronuntiationis suæ, quæ dicitur, siue persona Patris, siue persona Filij, siue persona Spiritus sancti, certam sui præferentes agnitionem; ad respondendum quid tres, aliquam habeant facultatē. Responderetur enim & dicitur, tres personæ communi nomine, sicut tres homines siue tres personæ, quasi tria propria relatiua: ut intelligantur persona Patris, persona Filij, persona Spiritus sancti. Et cum proprium sit Patris quod genuit; proprium Filij, quod genitus est; proprium Spiritus sancti, quod ab utroque procedit: in his proprijs nulla intelligitur naturæ separatio: sed quædam personalis agnitio. Hæc de nomine personæ; quod in causa & ratione fidei à Sanctis Patribus appositum est. Non enim iniustum visum est Ecclesiæ Dei, in ordinando dogmate fidei Sanctos Patres magnam habere debere auctoritatem, qui magnum pro fide pertraxerunt laborem, usque ad effusionem sanguinis sui, & mortificationem corporum suorum. Credo ergo & confiteor vnum in tribus personis Deum, tres personas expressas sub proprietate distinctas; non nomina tantummodo, sed & nominum proprietates: id est personas, siue ut Græci dicunt, hypostases, hoc est substantias. Nec Pater Filij aut Spiritus sancti aliquando personam excludit: nec rursus Filius aut Spiritus sanctus Patris nomen personamque recipit: sed Pater semper Pater est, Filius semper Filius, Spiritus sanctus semper Spiritus sanctus. Itaque substantiæ vnæ sunt; personæ ac nominibus distinguuntur. Et hæc est mea fides; quia hæc est Catholica fides de Domino Deo nostro; Patre, Filio, & Spiritu sancto: cuius intellectu, qualis in huiusmodi rebus intellectus esse potest, ad cognitionem diuinitatis, qualis & ibi cognitio esse potest, pertenditur; primò de credendis nulla infidelitate dubitando, deinde de intelligendis nulla infidelitate du-

bitando, deinde de intelligendis nulla remotione diffiniendo; postmodum verò veritati cum apparuerit, fideliter & ardentissime inhaerendo. Tribus enim intelligentiæ gradibus proficienti fidei ascendendum est ad Deum; & ad cognitionem eius. Primus gradus est, diligenter inuestigatum habere, quid sibi de Domino Deo suo sit credendum: secundus, quomodo de eo quod recte creditur, recte nihilominus ei cogitandum sit & loquendum: tertius, ipsa iam rerum experientia est in sentiendo de Domino in bonitate; sicut sentiunt, qui simplicitate cordis querunt illum. Primus tam facilis est ascendenti, quam credere facile est volenti, sed cui datum est. Sicut enim Apostolus dicit, *non omnium est fides*. Secundus est difficilior, quod à natura rerum remotior, eorum est, qui sicut idem dicit Apostolus pro consuetudine exercitatus habent sensum ad differentiationem boni & mali, quauis & à curiosis præsumatur. Tertius perfectiorum est, qui de toto corde suo, de tota anima sua, & ex omni mente sua, affectant diligere Dominum Deum suum: primitias iam & pignus Spiritus habentes, quod sint filij Dei. Item primus gradus in auctoritate fundatus, fidei est, habens formam fidei, probatæ auctoritatis probabilibus testimonijs fundatam. Secundus rationis est, non rationis humanæ, sed eius quæ propria fidei est; habens & ipse formam sanctorum in fide verborum diuinæ auctoritati per omnia concordē. Hæc est scire, non solum cogitare & loqui de Deo rationaliter secundum rationem fidei; sed & quomodo fides eadem fiat vbi non est, nutriatur & adiuuetur vbi est, & qualiter contra inimicos defendatur. Tertius jam gratiæ illuminantis & beatificantis est, finiens fidem, seu potius beatificans in amorem, à fide ad speciem transmittens, inchoando cognitionem: non tam quæ fidei est, & cum fide hic incipit esse in homine fidei, sed de qua Apostolus dicit. *Nunc cognosco ex parte* 1. Cor. 13. *tunc autem cognoscam, sicut & cognitus sum*. Illa enim est, quam perfecta charitas inchoat in hac vita: perficiendam in futura. Hæc verò præsentis temporis fidei res est; seu potius ipsa fides est, per quam Deus cognoscitur, sicut per fidem cognosci potest: & in quantum creditur, intantum cognoscitur. Hæc enim in primo intelligentiæ gradu habet exordium; in secundo incrementum: in tertio quodammodo deficiendo perficitur; & transitur à fide credentis & sperantis in cognitionem & gaudium habentis & fruētis: seu habere & frui incipientis. Dux enim istæ cognitiones tantum ab invicem sunt differentes, quantum differt à Deo in eo quod ipse in semetipso est, quicquid homo secundum hominem de Deo seu cogitando seu loquendo sentire potest. De Deo verò melius posse hominem cogitare quam loqui, ipsum autem longè aliter esse, quam possit homo de eo cogitare siue loqui, omnibus vel renuntiare de Deo sentientibus manifestum est. Et tamen prima hæc ad Deum cognitio est, ratio nabiliter secundum rationem fidei scire de Deo vel cogitare, vel loqui. Quod cum multis non sicut oporteret credentibus sæpe magis in proprium sit, quam pluribus verè fidelibus, recte quidem credentibus, sed id quod credunt discernere non sufficientibus: manifestè datur intelligi, nequaquam hanc esse perfectam cognitionem veritatis, quæ præteritis aliquando veritatis verissimos amatores, non se negat multis

Tres gradus  
ascensus fidei  
ad Deum.

2. Thessal. 3.

Hebr. 5.

1. Cor. 13.

*Psalm. 44.*

amatoribus vanitatis. Multi enim huiusmodi multa sciunt de Deo, vel scire stident, seu ut scire sciant, curiosè agentes: seu ut scire vel videantur vel sciantur, gloriam suam quærentes, & non Dei. Ipsa enim est scitria de Deo, de qua Psalmista dicit, quia nox eam indicat nocti, hoc est homo hominibus, caro & sanguis carni & sanguini; infidelis nonnumquam infideli: longe distans à sapientia illa, & verbo illo, quod dicitur, seu spiritualis homo spirituali homini, seu ipse per se Spiritus sanctus sancti cuiusque hominis spiritui non indicat, sed eructat: hoc est cum sensu quodam diuinitatis, & sapore summæ sapientie, occulta aliqua inspiratione insinuat. Quæ tamen cum ad exercitiū pietatis plurimum necessaria sit, si studiis pietatis delegata pietate tractetur, omnibus omnino hominibus appetenda est, & cum omni studio amplectenda: non inutilis futura in profectu fidei, si sobriè & secunduū rationem fidei dispensetur. Sicut enim in his quæ de Deo sunt, alta sapere periculosum nimis est; sic sapere ad sobrietatem, laudabile. Scilicet si quis non modo eloquio vel scripto, sed vel sola cogitatione aggredendum putauerit omnē de summa & incommutabili & imperscrutabili natura pertractare quæstiones, compescendus omnino ac refrenandus est omnis animus humanus à tam limani & inani præsumptione. Ad perferendam tamen ea dumtaxat, quorum facultas homini non negatur; vel quæ fidelem hominē prorsus ignorare non licet: ad iuuandū potius, & exhortandus est spiritus hominis fidelis, non extinguendus. Et enim sicut nō posse scire de Domino Deo creatore nostro, quod supra hominē est, non reputatur in peccatum: sic & qui cum posset scire aliqua, non studet, vel qui nondum potest, ut possit, dignam datē operam dissimulat, non solum apud Deum ignorantie Dei reus iudicatur: sed etiam in penam meritis suis debitam ordinatur: ut hic qui scire vel agere cum potuit, noluit, eum voluerit, non possit. Sed & in eis quæ neglecto Deo curiosè sectatur, in presenti affligitur: in futuro verò mittitur in tenebras exteriores, quæcumque illæ sint, de quibus in Evangelio legitur. Semel ergo ingressi viam Deum querendi, non lacescamus, non desistamus: fidelis est, qui repromisit dicens. *Quarite & inuenietis.* Et Apostolus. *Sic currite, ut comprehendatis.* Et de semetipso, fratres, inquit, *Ego me non arbitror comprehendisse. Vnum autem, quæ retro sunt oblitus, ad ea verò quæ sunt anteriora extendens meipsum, ad destinatum persequor, ad palmam supernæ vocatōis; in Christo Iesu Domino nostro.* Et addidit. *Quotquot ergo perfecti sumus, hoc sapiamus.* Quid? Scilicet, *quandiu peregrinamur à Domino, per fidem ambulantes viatores nos esse, non peruentores.* Et in via fidei strenuū esse viatorem, perfectio vitæ hujus est. Peruentio autem, alterius vitæ est. Piet ergo & humiliter in via hac qua ambulamus, præcedentium Patrum vestigia venerantes pro cedamus: & primæ interim cognitionis Dei, quæ per fidem est, ænigmata attentantes, ipsam innoceamus, qui posuit tenebras latibulanti suum: non ut non videatur, sed ut diligentius quærat; & quo diligentius fuerit quæsitus, eò dulcius ametur, cum fuerit inuentus. Ambiamus & agamus ipso adiuuante & docente, ut interim quantum ipse dederit, per fidem eum cognoscamus: deinde etiam gratia erit, ut de fide

ad speciem transeamus. Cognitionis ergo diuinitatis quæ per fidem est, quæ per fidem cognoscitur Deus, quasi prima sunt elementa nomina diuina, quibus apud homines nominatur Deus, & congrua eis forma sanctorum in fide verborum. Nam & à notitia nomina dicuntur. Ut enim gradatim, sicut jam supra prælibauimus, secundum rectum ordinem ad Deum proficisci, procedamus, primo cognoscendum est de re cognoscenda, quid sit, quod nō nisi nomine aliquo designatur: deinde de quale vel qualiter sit; ut sicut res est, sic de ipsa fides capretur. Sicut enim secundum rationem literaturæ prima elementa colliguntur in syllabas, syllabæ in dictiones; illæque copulatæ ad arbitrium copulatis sensum aliquem efficiunt in corde legentis; sic nomina diuina, quibus apud homines dicitur Deus, coaptata sibi secundum formam sanctorum in fide verborum, & rationem fidei: circa occultum illud diuinitatis in corde credentis aliquem fidei efficiunt intellectum. Hinc Paulus Apostolus dilectum discipulum in fide, de quibus oportebat, eructans: *formam, inquit, habens sanctorum verborum, quæ à me audisti in fide, & in charitate; in Christo Iesu. Bonum depositum custodi.* Ex quibus discimus, ad custodiendum depositum fidei & formam ejus, formam sanctorum in ea verborum plurimum obseruandam. Est quippe forma fidei, & est forma sanctorum in ea verborum. Forma fidei est, de Patre, & Filio, & Spiritu sancto, sicut jam sæpe dictum est, Deum Patrem esse, Deum Filium, Deum Spiritum sanctum: & tamen non tres Deos esse, sed vnum Deum. Forma verò sanctorum in fide verborum est, proprius quidam modus loquendi de Deo, secundum hæc ipsa quæ præmisimus: quem ex auctoritate Christi Domini, & Apostolorum, & Apostolicorum Doctorum, jam olim vsus Christianæ pietatis obtinuit circa nomina diuina, & ea quæ in confessione fidei dicuntur de Patre, & Filio, & Spiritu sancto. Modus autē hic loquendi de Deo propriam quandam habet disciplinā regulis ac terminis fidei munitam; ad docendum loqui de Deo rationabiliter secundum rationem fidei: & præparandos homines ad cogitandum ac sentiendum ineffabiliter de ineffabili. Idcirco autem dicimus, secundum rationem fidei, quia modus hic loquendi de Deo habet quædam propria verba, rationabilia quidem, sed non intelligibilia; nisi in ratione fidei; non autem in ratione sensus humani. Quod enim paulò antè diximus, quia *Deus est Pater, Deus Filius, Deus Spiritus sanctus, & tamen nō tres dii, sed vnus est Deus,* utcumque capitur, secundum rationem sensus humani. In rebus enim humanis humana ratio parat sibi fidem: in diuinis verò præcedit fides, deinde ipsa sui generis format sibi rationem. Sicut enim res est: sic de ea fidem captare, & locutionis formam fidei coaptandam esse, rectissima ratio est. Amat autem locutio siue inquisitio de Deo, humiles ac simplices in paupertate spiritus Deum quærentes, quos ad inquirendum non curiositas agit, sed pietas trahit. Amat loqui, non verbis præcipationis & alienis; sed ipsis quibus semetipsum & Patrem & Spiritum sanctum manifestauit mundo Verbum Dei ipso locutionis charactere, quo fidei Trinitatis propagauerunt in mundo homines Dei. Odit contentiones, animositates, nouitates, pugnasque verborum & inanium tormenta quæstionum:

2. Timot. 1.

Forma sanctorum verborum in rebus fidei tenenda

Quando ignorantia rerum fidei sit peccatum.

Luc. 11.  
1. Cor. 9.  
Philip. 3.

Patrum doctrinam venerari & sequi debemus.

ipsa magis experientia docens credentes, & informans per meritum & usum fidei peruenire ad premium contemplationis. Nomina autem, quae prima ejus elementa esse diximus, sunt, siue quibus per semetipsum ipsa se diuinitas reuelauit in mundo, scilicet Patris, & Filij, & Spiritus sancti, siue quibus ex diuersa consideratione sui diuerso se modo apud homines nominari fecit. Homini siquidem condito ad imaginem Dei, naturalis inest appetitus cognitionis Dei, & propriae originis. Ex eo enim quod nullus est animus humanus quantumvis rationis capax, quem natura ipsa dubitare permittat, quin Deus sit; quin sit creator omnium, & omnium potestas & prouidentia penes ipsum sit; fatagit etiam & ambit semper quasi naturaliter humana & pietas & curiositas aliquatenus suspicere de eo, quid sit. Qua propter seu inuisibilia Dei per ea quae facta sunt intelligendo, seu per naturalem sensum rationis, seu per donum gratiae reuelantis, quot de Deo homines considerationes habuerunt, tot eum nominibus nuncupauerunt: scilicet potentem, sapientem, sapientiam, potentiam, & alij in hunc modum quam pluribus nominibus. Quibus cum etiam homines plerumque nuncupentur; dicuntur enim & ipsi sapientes, & potentes; nemo tamen dicitur sapientia siue potentia, vel aliquid hujusmodi: quia nemo eo modo sapiens siue potens est, quomodo Deus: cum hoc sit Deo esse, quod sapere, quod posse; & ipse sua sapientia, ipse sua potentia sit. Sic de veritate, de charitate, & alijs hujusmodi nominibus intelligendum est; scilicet quibus substantialiter Deus dici potest. Diuinorum enim nominum non vniformis ratio est. Alia enim de Deo substantialiter dicuntur: alia aliter. Nam in rebus quoque omne quod est, aut subiectum, aut in subiecto est: hoc est, aut substantia, aut accides. Non tamen sic est in Deo. Numquam enim de Deo dicitur aliquid secundum accides; sed neque semper secundum substantiam. Dicitur enim & ad aliquid. Vbi primo sciendum est, quoniam praedicamenta hujusmodi aliena a natura fidei sunt: sicut substantia & accides, & quod dicitur ad aliquid; & genus, & species, & caetera talia. Instrumenta quippe sunt haec communia & vulgaria rationis & artis humanae ad discernendas res communes: rebus autem diuinis prorsus indigna, & a forma sanorum in fide verborum aliena. Ratio tamen fidei quasi morem gerens humanae rationi illata sibi ab hominibus non respuit omnino vel abjicit; sed assumit ea sibi, & conformando singula suis regulis & coaptando, in obsequium fidei ac seruitutem captiuatum quodammodo redigit eorum intellectum. Hinc est, quod tam multa nomina, quae in rebus communibus nomina rerum accidentium sunt, translata ad Deum, vbi secundum rationem fidei non admittitur aliquid secundum accides, praedicari substantialiter inueniuntur. Verbi gratia, cum dicitur Deus sine quantitate magnus, sine qualitate bonus: quid intelligitur, nisi quod ea quae hujusmodi sunt, secundum quod accidentia sunt, non admittuntur, & tamen admittuntur; & secundum hoc quod naturaliter in Deo sunt, quomodo nusquam alibi sunt, substantialiter praedicantur? Sed & vbi accides non est; neque substantia est, nec esse potest; quae nullis accidentibus subest, vel subesse potest. Nullorum verò prorsus accidentium susceprix esse potest

*Deus non solum sapiens & potens, sed & sapientia, & potentia dicitur, &c.*

*Praedicamenta aliena sunt a Deo, ut & genus & species, &c.*

summa illa diuinæ naturae simplicitas: quae si susciperet, simplicitas non esset. Illa nempe natura simplex verè dicenda est, cui non sit aliquid habere, quod possit amittere: quod siue accedendo, siue decedendo, videri possit mutabile, id quod immutabile; siue quae non aliud sit habens, aliudque quod habet. Et secundum hoc summa illa natura verè simplex est: eo quod non aliud est in ea qualitas vel quantitas, aliud substantia: nec aliena participatione est id, quod est; siue potens, siue sapiens, siue beata. Melius ergo essentia dicitur, quam substantia; sicut in sequentibus plenius apparebit. Et tamen ipso usu loquendi, crebrius in Deo nomine substantiae abutimur. Potest tamen forsitan nomen hoc secundum aliam considerationem in Deo dici; ut intelligatur quasi per semetipsum subsistens: siue quoddam quasi subest omnibus quae sunt, sicut principium & causa & ratio subsistendi. Alias autem, improprie omnino dicitur substantia in Deo. Cum ergo de Deo agendum est, non semper secundum substantiam, numquam verò secundum accides, est agendum: nec etiam cum dicitur ad aliquid, sicut cum dicitur Pater ad Filium, Filius ad Patrem, ad vtrumque Spiritus sanctus, nequaquam secundum accides intelligendum est. Numquam enim accessit aeterno ac sempiterno Patri Filius, ut Pater fieret, quod quasi non fuerit prius; cum semper fuerit, vel potius semper sit Pater: semperque de aeterno Patre consubstantialis ei & coaeternus sit Filius: semper de Patre & Filio coeternus eis & consubstantialis Spiritus sanctus. Sed neque secundum genus & speciem intelligenda aliquatenus est Trinitas Deus; licet hoc aliqui constringant peruersè de Deo sentientes: qui tres personas quasi tres esse species vnius essentiae, astruere moliuntur: cum & ratio fidei profiteatur, & veritas clamet, nec refelli omnino possit, essentiam ipsam nihil aliud esse, quam tres personas; & tres personas ipsam esse essentiam. Non ergo secundum genus & speciem cogitari debet Trinitas Deus. Sed neque relatiue omnino, nisi secundum fidei mensuram. Relatio quippe vnius Dei, non magis quam vnius hominis est. Relatio tamen ibi est Patris ad Filium, Filij ad Patrem, Spiritus sancti ad vtrumque, faciens Trinitatem: cum extra omnem regulam relationis vna substantia suam verissimam ac solidissimam teneat unitatem. Seruiant ergo quae hujusmodi sunt in rebus Dei: quoniam non semper inutilia inueniuntur, si rationabiliter secundum rationem fidei adhibita dispensentur. Cum ergo hujusmodi aliquid admittitur, non tam ipsum, quam quid de ipso ratio fidei efficere velit, attendatur: nec rationibus seu ratiocinationibus hominum subijciamus causam fidei nostrae; sed omnia illi. Seruiant vbi oportet; non se ingerant, plusquam oportet. In via enim simplici simpliciter gradiendum est. Secundum Euangelium loquantur; qui secundum Euangelium se viuere profitentur. Ut ergo jam de diuinis nominibus prosequamur, primum de ijs sollicitè obseruandum est, quomodo astringuntur; scilicet communia sicut communia; singularia verò sicut singularia. Communia verò dicuntur, quae secundum substantiam de Deo praedicantur; sicut potentia, sapientia, charitas, Deus: singularia verò, quae dicuntur ad aliquid; sicut Pater, Filius, Spiritus sanctus. De quibus praecipue hoc tenendum est, quod jam supra diximus: quoniam quicquid

*Substantia de Deo potest dici, subsistens, non ut substantia accidentibus.*

*Tres Personae non sunt tres species vnius essentiae.*



ad se dicitur præstantissima illa & diuina sublimitas, substantialiter dicitur: quod autem ad aliquid, non substantialiter, sed relatiue: tantamque vim esse ejusdem substantiæ in Patre & Filio & Spiritu sancto; ut quicquid de singulis ad seipsos dicitur, non pluraliter in summa, sed singulariter accipiatur. Propter quod & nomina omnia quæ hujusmodi sunt, communia dicuntur. Dicitur ergo Deus Pater, Deus Filius, Deus Spiritus sanctus: & tamen non sunt tres dii, sed vnus Deus. Magnus Pater, magnus Filius, magnus Spiritus sanctus; & tamen non tres magni, sed vnus magnus. Sicque de potentia, de sapientia, de charitate, de veritate, & de omnibus nominibus diuinis sentiendum est: quibus sicut dictum est, ad se & substantialiter dicitur diuina maiestas. Quæ cum quodlibet horum dicitur; non qualis sit, sed quid sit, pronuntiat. Propria verò seu singularia quomodo ad inuicem referantur, manifestum est: Pater scilicet ad Filium, Filius ad Patrem. Pater & Filius ad Spiritum sanctum, & ad ipsos ipse. Hoc ergo modo & ea summæ essentia nomina, quæ ad se sunt; & ea Trinitatis, quibus tres ad inuicem sunt; & prædicant vnitatem, & non tacent Trinitatem, suo modo singula. Illa enim in eo quod tribus communia sunt, personale monstrat Trinitatem; in eo quod in summa semper vnus sunt, consubstantialem vnitatem: hæc autem in eo quod singulorum propria sunt singula, Trinitatis veritatem; in eo autem quod ad inuicem sunt, & se alterum ad alterum ipso singularitatis suæ nomine referri ostendunt, substantiæ vnitatem. Nunc de essentia Dei & ejus nominibus prosequamur: scilicet quæ ab ipsa essentia essentialia dicuntur. Quorum principium ex eo est: quod Deus famulo suo Moyse sciscitanti nomen suum, *Ego sum, inquit, qui sum.* Sic, ait, dices filiis Israël. *Qui est, misit me ad vos.* Sicut enim ex eo quod est subsistere, substantia dicitur, sic ab eo quod est esse, essentia. Substantia enim quomodo non conueniat Deo; licet hoc nomine sæpe Scripturæ abutantur: jam supra dictum est. Cui quam verius ac dignius conueniat essentia nomen, palam omnibus est. Solus quippe verè esse dicendus est, qui ab æterno incommutabiliter est, & hoc est ei esse, quod est; & quod est, semper est; & sicut est, sic semper est. Non in se habet, posse non esse, quod est; quia nec in se habet, posse esse, quod non est: & quod sic est, non initio præuenitur, non fine clauditur, non temporibus voluitur, non locis continetur, non ætatibus variatur. Nihil ibi deest, quia totum in eo est; nihil superest, quia nihil extra eum est. Cui ergo naturaliter est, semper posse esse, quod est: ipse solus, aut penè solus esse, dicendus est. Certissime ergo & de Scripturis cognoscitur, & pie credendum est, hunc Patrem esse, hunc Filium esse, hunc esse Spiritum sanctum: nec eundem esse Patrem, qui Filius, nec ipsum Spiritum sanctum esse, qui Pater est vel Filius. Tres tamē ibi essentias dicere non minus deuitam, quam tres Deos; cum non sit ibi aliud, esse, aliud, Deum esse, sed idem æst. Ideo secundum formam sanctorum in fide verborum, & præmissam ex ratione fidei regulam de essentialibus Dei nominibus, dicimus essentiam Patrem, essentiam Filium, essentiam Spiritum sanctum: & tamen non tres essentias, sed vnā essentiam. Hæc autem omnia nomina, quæ ab essentia essentialia dicuntur, originis

suæ, & rei cuius nomina sunt, formam quamdam præferentia, sicut tres ibi sunt, & vnus tres: sic ipsa omnia sunt vnus, & vnus omnia. Sic enim vno nominum horum censetur Deus, sicut omnibus; nec magis omnibus, quam vno eorum. Sic vnus bonorum eorum est, quæ tam multis nominibus significantur, sicut omnia; omnia sicut vnus. Hoc enim ibi est posse, quod velle, quod sapere, quod nosse, & quod cætera omnia; quæ, ut dictum est, essentialiter & ad se de Deo prædicantur. Non enim aliter potest, aliter vult, aliter sapit, aliter novit, qui non aliter & aliter hoc & hoc est; sed simpliciter est, quod est. Non enim cogitandum est aut credendum, quasi compositum ex omnibus bonis his summum bonum; quod non minus est in singulis, quam in omnibus; sed totum in singulis est, & in omnibus vnus. Alioquin non simplex esset Deus noster, sed multiplex. Non solum autem, sed & omnia hæc simul sic sunt singularum in Trinitate personarum; ut sicut in Deo vnus sunt hæc omnia: sic hæc omnia sit quælibet in Trinitate Persona. Dicitur quidem aliquando potentia Pater, Filius sapientia, bonitas Spiritus sanctus: sed vigilanter, cum hoc dicitur, debet sensus catholicus, & prudenter animaduertere, eorum quæ tribus communia sunt, hoc modo quædam nonnumquam singulis ascribi, ad contexendum quodammodo & ordinandum ad humanam intelligentiam diuinæ cooperationis consensum. Sed & sicut Trinitatis trium Personarum vna operatio est, sic & in his omnibus, quantum in Deo est, vna & indissimilis operatio intelligenda est: quamvis non sic eadem operatio ad creaturam perueniat, quæ tamen sic à Deo proficiscitur. Sicut enim non aliter potens est Deus, aliter sapiens, aliter bonus: sic nec, quantum in ipso est, aliter agit quæ sunt potentia, aliter quæ sunt sapientia, aliter quæ bonitatis: licet in creaturis ab inuicem dissimilibus dissimilis pareat indissimilis illius operationis effectus. Sed & cum huiusmodi nominum diuinorum, quæ sicut dictum est, naturali vnitatem Personis æquè tribus in Trinitate conueniunt, quædam familiarius ac frequentiore vsu quibusdam in Trinitate Personis coaptari videntur; sicut ea quæ præmissimus, scilicet potentia Patri, sapientia Filio, bonitas Spiritui sancto: sit hoc ad discretionem Personarum, ut discernantur, non ut separentur. Exceptis enim relatiuis nominibus, quibus licet ad inuicem dicantur Pater & Filius & Spiritus sanctus, tamen propria sunt singula singulorum: quocumque nominis vocabulo vnus eorum nominatur, omnes pariter nominantur: quia vnus omnes inueniuntur esse in eo quo nominantur. Dicitur autem Filius non solum sapientia Dei, sed & sapientia Dei, & Spiritus sanctus bonitas Dei: quod sanè & secundum rationem fidei intelligendum est. Sapientia quippe Patris Filius est; non sapientia, qua sapiens sit Pater, cum sit ipse per se sapientissimus, & summa sapientia: sed in eo sapientia est Patris; quod cum sapientia sit, à Patre hoc ei esse est, à quo est ei omne quod est. Est autem Filius de Patre, sapientia de sapientia, vna cum Patre sapientia: sicut substantia, vel potius essentia de essentia, vna cum Patre essentia. Si enim eo modo Filius sapientia Patris dicitur, quasi Pater per eam sapiens sit: jam Filius non tam Filius, quam qualitas Patris erit. Sed & cum hoc sit Deo sapere, quod esse; & sapientia Patris

*Nomina essentialia appropriantur personis.*

*Nomina essentialia Dei.*  
*Exod. 3.*

vna cum Patre essentia sit : si eo modo Filius sapientia Patris esset, vt non nisi eâ sapientiâ, quæ Filius est, Pater sapiens esset; jam Filius non tam Filius Patris, quâm essentia eius esset : & jam secundum Sabellium ipse Filius qui Pater esset. Eodem modo & de bonitate, quæ Spiritus sanctus dicitur, intelligendum est. Sed ne singularitatis huius pronuntiatione qua Pater dicitur potentia, Filius sapientia, Spiritus sanctus bonitas, personæ ipsæ separabiles quouis modo intelligantur : adest continuè ratio fidei, qua eadem singula singulorum communiter etiam de tribus dicantur : vt non solus Pater dicatur potentia, sed & Filius, & Spiritus sanctus : nec solus Filius sapientia, sed & Pater, & Spiritus sanctus : nec solus Spiritus sanctus bonitas, sed & Pater, & Filius. Cumque circa prouidentiam creaturæ prædicatur potentia Patris, sapientia Filij, bonitas Spiritus sancti; non aliud intelligendum est in his nominibus diuinitatis, quâm quod eo modo prædicatur operatio omnipotentis & sapientis, & benignissimæ diuinitatis: vt in his quæ dicuntur, intelligi etiam queat cooperatio Trinitatis. De qua cum sancta Scriptura sic loquitur, vt aut in factis aut in verbis, aut in huiusmodi nominibus, aliquid singulis assignet, quod singulis videtur conuenire personis, non perturbetur fides catholica, sed doceatur : vt per proprietatem aut vocis aut operis, insinuetur nobis veritas Trinitatis; & tamen non diuidat intellectus, quod distinguit auditus. Ob hoc enim quædam siue sub Patris, siue sub Filij, siue sub Spiritus sancti appellatione promuntur: vt confessio credentium in Trinitate non erret. Quæ cum sit inseparabilis: numquam intelligeretur Trinitas, si semper inseparabilis diceretur. Bene ergo difficultas loquendi cor nostrum ad intelligentiam trahit: & per infirmitatem nostram celestis doctrina nos adiuuat: vt quia in Deitate Patris & Filij & Spiritus sancti, nec singularitas est nec diuersitas cogitanda; vera vnitas & vera Trinitas possit quidem aliquatenus mente sentiri, etsi non possit simul ore proferri. Hæc interim de essentialibus Dei nominibus dicta sint. De quibus nihil est quod dicimus, quia nihil ad eum est, quicquid de eo dici potest: quoniâ non potest explicari verbis, quod ineffabile est. Deficiunt verba, caligat intellectus. Tamen quoniam præcipimur faciem Domini querere semper; & quod diuinitus præcipitur, quodammodo promittitur; nec desperandum est: expediendus est intellectus, & verborum conatus erigendus quousque potest; & vbi defecerit humana possibilitas, res Dei silentio honoranda est. Sciendum autem, quoniâ summa illa maiestas, quæ dicitur Deus, potens, sapiens, & cætera huiusmodi, quibus essentialiter & ad se dicitur: hæc etiam omnia ad creaturam dici potest. Etenim Deus, qui in semetipso est qui est, ipse ad creaturam, omnium quæ sunt Deus est; inquantum omnium quæ non sunt quod ipse, & conditor, & rector, & dominus est. Qui potens est in semetipso esse quod est: ipse per omnia ad omnem creaturam non solum potens, sed & omnipotens est. Cui etiam semetipsum scire vel sapere, esse est: ipsius non alia ad semetipsum de semetipso, alia ad creaturam de creatura, scientia seu sapientia est. Qui in semetipso non tam bonus est, quâm ipsum essentialia bonum, quo bonum est, quicquid quouis modo bonum est: ipse ad om-

*Verba Leonis Pap. ser. 2. in Pentec.*

*Multis nominib. Deus ad se & ad creaturas dicitur.*

nem creaturam suam summum bonum est, & summè bonus; quo nil melius potest cogitari: & de quo bene est, cuiusque quouis modo bene est. Eodem modo & de omnibus pene nominibus diuinis, quibus ad se dicitur Deus, intelligendū est: scilicet, ipsis etiam dici eum ad creaturam nominibus, quibus ad se dicitur: non tamen relatiuè, quasi à creatura habendo esse, quod ad eam dicitur; quâm, si sic dici possit, collatiuè, donando creaturæ, vt sit, ad quam dicatur. Hinc magnus dicitur Deus ad creaturam comparatione ipsius creaturæ; magnus in seipso siue omni comparatione: iustus ad creaturam, iuste cuncta disponendo; in eo autem quod ipse est, sicut eum esse, iustum est, iustissimus in semetipso; & cætera in hunc modum. Quæcumque autem nominibus huiusmodi Dei ad creaturam intelliguntur, sic Deus est, vt sicut de essentialibus eius nominibus dictū est, sit, non quasi habens esse suū ex his partibus suis, qui non est hoc & hoc particulariter; non hoc vel hoc singulariter: non est in parte, quod in parte non est; sed est quod est, qui omnia hæc est, & horum nil ex accidenti est: quia hæc omnia non aliunde mutuās, sed essentialiter habens, nil habet in semetipso, nisi quod ipse est. Et sicut hæc omnia in ipso non aliud & aliud, sed simplex vnū sunt; sic nec aliter & aliter, sed simpliciter & vno modo sine omni modo in ipso sunt. Sanè sunt aliqua nominum horum, quæ cum dicuntur in Deo, speciem videntur præferre accidentium relatiuorum, sicut cū dicitur ad creaturam Creator, Dominus, aut Principium. Sed nequaquam hoc modo accipienda sunt: cū accidentium omnium sit mutare subiectum: quorum nullum accidere potest incommutabili substantiæ. Sempiternū tamen esse Deo creatorē esse, seu dominum, seu principium, cū non semper fuerit creatura, cuius est creator, dominus, ac principium: difficilis intellectus est. Conantes enim homines fari quouis modo de ineffabili, nec valentes nisi verbis, nec ad dicenda ea, quæ hoc modo dicenda sunt, his verbis aptiora verba ibi inuenientes, vbi nulla apta sunt: dixerunt Deum Creatorem, Dominum, Principium. Quæ verba cū in eo quod cuncta creauerit Deus, quodque omnium dominus sit ac principium, manifesta ac verissima sint: temporaliter tamen incidens æternitati temporalis nomē creaturæ, sicut dictum est, difficile intellectu est, quomodo accidens non sit. Omne verò accidens, sicut dictum est, siue accedendo, siue deducendo, necesse est mutare subiectum: quod incommutabili Deo non conuenit. Sed hæc & his similia cū dicuntur in Deo, sic in illa incommutabili substantia accipienda sunt, vt proprio quodam diuinitatis modo ita dicantur relatiuè ad creaturam, vt quamvis temporaliter aliquid horum incipiat aliquando dici Deus, non tamē hoc ipsi substantiæ Dei accidisse intelligatur, quæ sic dicitur; sed illi naturæ ad quam dicitur. Vnde etiam cū ad eū refugimus, in ipso, seu in natura eius nulla fit mutatio; nos autem mutamur, cum meliores ex deterioribus efficiamur. Sic & cū Pater noster esse incipit, non mutatur: nos verò per gratiam eius, qui dedit nobis potestatem filios Dei fieri, regeneramur, & filij Dei efficiamur. Et cum efficiamur filij Dei, nostra quidem substantia in melius transmutatur: ille verò incipit esse pater noster, sine vlla mutatione substantiæ suæ. Et cū iustus aliquis incipit fieri

*Nulla Deo accidentia insunt.*

*Deus noua  
dilectione  
non diligit.*

*Enigma Fidei.*

105

amicus Dei, ipse mutatur: Deus autem absit ut mutetur, qui nullum temporaliter diligit, quatinoua dilectione quæ in ipso arte non fuerit: qui dilexit nos ante mundi constitutionem; & apud quem nec præterita transierunt, & futura jam facta sunt. Quod ergo temporaliter incipit dici Deus, quod antea non dicebatur, manifestum est relatiuè dici: non tamen secundum accidens Dei, quod ei acciderit; sed planè secundum accidens ejus, ad quod incipit relatiuè dici. Res enim diuinæ cum hoc modo dicuntur, nequaquam suo modo dicuntur: sed eo modo quo affectu humano utcumque capi possit, quod dicitur. Idcirco cum de Deo verbis agitur, rationes verborum rebus coaptandæ sunt; non illæ illis. Rationis enim humanæ omnis verbosa ratiocinatio nonnisi veritatis esse debet inuestigatio: quæ ubicumque se obtulerit, jam ratio non est ratio, si non continuo abjectâ curâ verborum, veritati acquiescit. Nihil autem verius ac manifestius, quam nec creaturam aliquam, nec aliquid prorsus à creatura accidere incommutabili Deo. In creatore enim omnium Deo, in quo tempus omne, & quicquid temporis est, æternitas & vita est, & quid quo tempore futurum sit, jam ab æterno præsentissimum est, nullo hoc agit tempore creata in tempore creatura, ut Deus aliquando creator incipiat esse, quod quasi non fuerit prius, licet hoc dici incipiat aliquo tempore. Sed creator creans creaturam, hoc agit de ea sine tempore, ut quæ non erat, sit suo tempore. Neque in hoc tam accidit illi; quàm, si sic fas est dici, ille illi. Non quod accidens villa ratione dici queat illa substantia, in qua subsistunt quæcumque sunt: sed ad dicendum quod de rebus hujusmodi sentiri utcumque potest, verba definiunt. Hoc ergo modo nomina diuina ea quæ ad creaturam sunt, relatiuè intelligenda sunt: quæ licet sint ad temporalem & mutabilem creaturam, æternæ tamen & incommutabilis essentia nomina sunt, & suo modo æstimanda sunt. Cum enim in Deo, in quo quod factum est, vita est, & in quo quicquid est, Deus est, ab æterno sit principalis essentia omnium quæ temporaliter sunt; nonnisi exemplum summi illius exemplaris, & similitudo aliqua interioris veritatis est omnis hæc forensis creatura: non illi accidens, sed inde procedens, & naturali origine, & causali ratione, & ordine prouidentia. Vbi cum omnia scienti Deo hoc sit esse, quod scire; non ideo ibi scitur omnis hæc forensis creatura, quia est; sed quia ibi scitur, ideo est: quæ quomodo cumque in semetipsa mortalis sit, in incommutabili verbo vita est. Cui ergo scire semetipsum est esse quod est: non aliter scit semetipsum, aliter creaturam, qui non aliter & aliter est. Scit enim tempus sine tempore creator, ac dispositio mutabilium omnium sine sui mutatione: quæ quomodo cumque in semetipsis sint; omnia in ipso vita sunt. Nec viuere verò aliquando cepit, nec potest mori, quicquid in æternitate vita est. Quæcumque ergo illa creatura sit, seu viuens seu non viuens, seu intelligens seu non intelligens, quæ in Deo vita est, quod omnis creatura est, quomodo cumque in semetipsa mutetur vel corrumpatur; incipiat & finiat; prima & principalis ejus essentia & veritas existendi, quæ in Deo est, & Deus est, nec mutatur nec corrumpitur; omnia mutabilia ejus summa sapientia immutabiliter ordinauit; sicut ipsa mutabi-

lia immutabiliter creat. Vbi quicquid principio suo similis est, verius est; minus autem est, quod minus est simile est. Hoc ergo modo secundum rationem & formam fidei, & nomen creatoris de creatura essentiale Deo est, in eo quod Deus omnis creaturæ principalis essentia est; & nomen creaturæ ad creatorem relatiuum est, inquantum ab ipso creatura ipsa est. Vnde quicquid diximus eo spectat, ut licet nomina creaturæ ad creatorem relatiuè dicantur; nomina tamen creatoris ad creaturam non relatiuè accidentia, sed principalem in Deo essentiam creaturæ significantia intelligantur: propter quod secundum regulam omnium essentialium in Deo nominum; ipsa etiā pronuntiantur, cum dicitur, creator Pater, creator Filius, creator Spiritus sanctus: & tamen non tres sunt creatores, sed vnus creator. Similiter de nomine Domini siue principij, siue omnibus nominibus, quibus Deus ad creaturam dicitur, intelligendum est. Hac ergo ratione his etiam nominibus quibus ad creaturam dicitur Deus, cum eis nominibus computatis, quibus essentialiter & ad se dicitur, ad relatiua transeant; quibus in Trinitate quæ Deus est, ad inuicem relatiuè dicuntur Pater, Filius, Spiritus sanctus. Prius tamen dicendum est, quia sicut essentia continet vnitatem: sic relatio prædicat Trinitatem. Errare autem in fide vnus illius, de quo Dominus dicit, *Ego & Pater vnum sumus*, nec communem de eo omnium æstimationem habere, scilicet quod Dominus Deus, Deus vnus sit, nemo potest: qui rationis humanæ quantumvis parum sit particeps. Ex quo enim illuxit in mundo Dominus noster Iesus Christus, non solum erubuit mundus vel homo adorare opera manuum suarum: sed fugit pene de toto orbeteratum multorum cultus Deorum & dæmonum; & in cultu vnus Dei consentiunt omnes, non solum Iudeus & Christianus; sed etiam Ethnicus & barbarus: nec communi omnium huic sententiæ de Deo occurrere aliquando ausus est quisquam manifestè, seu hæreticus Christianorum, vel Iudeorum, seu gentium Philosophus. Propter quod etiam fides Trinitatis cum scandalo crucis, quæ jam olim à tempore Patriarcharum & Prophetarum cœperat in mundo manifestari aliquibus hominibus, ex quo temporibus gratia omnibus cœpit prædicari, factum est in signum cui à tam multis contradicitur, quasi cultus trium Deorum, cum improprio crucifixi. Vt enim mittam eos qui foris sunt, sunt aliquando fideles in Ecclesia, qui cum non capiunt quod dicitur, dicunt. Vt quid nobis prædicatio Trinitatis? Vnus tantummodo Deus, quicumque vel quomodo cumque ille est; prædicaretur & coheretur. Erat autem quicumque hoc dicit: & gratia Dei contradicit. *Deum enim nemo vidit unquam: unigenitus qui est in sinu Patris ipse narravit.* Ad hoc enim venit in mundum, hoc effecit, ut Deus Trinitas innotesceret. Nusquam autem in hac vita diuinitas melius humano intellectu comprehenditur, quam in eo quo magis incomprehensibilis esse intelligitur: hoc est in prædicatione Trinitatis. Idcirco enim verbum caro factum est, & habitauit in nobis: ut, sicut ipse Dominus Iesus Christus orans dicit ad Patrem, manifestaret nomen Patris hominibus, & charitatem Dei diffunderet in cordibus nostris per Spiritum sanctum quem dedit nobis. Denique hoc est ænigma fidei, terribile impijs, ad de-

*Nomen Creator quasi  
essentiale.*

*Relatio prædicat Trinitatem.  
Ioann. 10.*

*Deuter. 6.*

*Christi aduenit idololatria abolita.*

*Ioann. 1.*

*Ioann. 17.*

*Futura ab æterno Deo  
presentia.*

*Creatura in Deo vita est*

*Alius est or-  
do discendi  
in humanis,  
alius in di-  
uinis.*

*Nominare  
latina in  
Deo.*

*Trinitas est  
unitas, &  
vicissim.*

terrendos eos & fugandos à facie Domini; blâ-  
dum pijs, ad excitandos eos & prouocandos que-  
rere faciem eius semper: quod sicut jam saepe di-  
ctum est, dicimus Deum Patrem, Deum Filium,  
Deum Spiritum sanctum, non tres Deos, sed v-  
num Deum. In quo quicumq; notitiam aliquā  
Trinitatis, seu rerum diuinarum inuestigans per  
signa verborum, labyrinthum diuinæ reuelatio-  
nis ingreditur, non scrutator maiestatis oppri-  
mendus à gloria; sed pauper spiritu, cui proxi-  
ma semper est misericordia: scire debet, alium  
esse ordinem discendi in rebus humanis, prop-  
ter quas significandas cuncta quæcumque sunt  
verba reperta sunt: alium in diuinis, quibus si-  
gnificandis nulla prorsus verba idonea sunt. In  
illis enim primo studio discendi quærenda est no-  
titia verborum, per quam ad notitiā rerum per-  
ueniatur: in his autem econtrario non tam dis-  
ciplinæ alicujus studio quàm fidei pietate & fer-  
uore amoris ad intellectum & sensum rerū ali-  
quem primo ambiendum est, & continuū ver-  
borum quibus de rebus agitur, notitia offeret  
se proficienti. Verbi gratia inquirenti de relati-  
vis in Deo, primò se offerunt nomina illa seu ver-  
ba propria singula singulis, & ad inuicem rela-  
tiua, *Pater, Filius, Spiritus sanctus; gignens, & pro-  
cedens*. Hæc autē sic suscipienda sunt nobis, sicut  
ad inueniendū Deum diuinā quædā instrumēta  
per homines Dei Deo plenos à Deo nobis trans-  
missa, sed tamen rerum notitiā, quārū signa sunt,  
minimè impleta. Quæ quamdiū ad profectum  
cognitionis Dei nos adiuuant, quantū nos ver-  
ba adiuuare possunt, veneranda & amplectenda  
nobis sunt; ubi verò deficiunt verba sicut verba;  
cum gratia ejus qui nominatur & benedictione,  
pertranscunda sunt. Cum enim dicitur *gignens,  
genitus, & ab utroque procedens; Pater, Filius, Spi-  
ritus sanctus*; verba sunt seu nomina diuinæ ve-  
ritatis plena: sed in eo quod etiam rerum huma-  
narum aliquam prætendunt significationem, à  
terrenis & humanis parum nos subleuantia, nisi  
cū illa dicuntur, quæ fidei sunt intus cogiten-  
tur; scilicet in generatione & natiuitate illa, &  
processione, nihil esse actiuum, nihil passiuum,  
nil temporale, nil locale, nil differens vel sepa-  
rabile; sed id ipsum & vnā Deum. Alterum e-  
nim ibi esse de altero, alij natiuitas, alij processio  
est: æternum esse de æterno, cōternitas trium;  
& alterius ab altero seu æterna natiuitas, seu æ-  
terna processio est. Vbi cū Filius nascendo à  
Patre gignitur, & Spiritus sanctus, à Patre & Fi-  
lio procedit; nequaquam alter ab altero recedit.  
Æternaliter enim & incommutabiliter est Pater  
in Filio, & Filius in Patre, Spiritus sanctus in  
Patre & Filio, & ipsi in ipso, veritate vnus di-  
uinæ essentia: & est Filius de Patre, & de Patre  
& Filio & Spiritus sanctus, veritate Trinitatis &  
personarum singularitate. Ipsa ibi Trinitas est,  
quæ unitas; unitas quæ Trinitas: nec minus ali-  
quid est vna persona summæ illius Trinitatis,  
quàm Trinitas tota: non plus tota Trinitas  
quàm vna in Trinitate persona. Neque Pater vt  
haberet Filium minuis semetipsum; sed ita genu-  
it de se alterum se, vt rotus maneret: & tantus  
esset in Filio, quantus in se. Similiter Filius in-  
teger est de integro, tantus in Patre, quantus de  
Patre: semper in Patre, semper de Patre; non  
minuēs eum nascendo, nec augens hærendo: &  
sicut Filius de Patre & cū Patre; sic Spiritus san-  
ctus de vtroque est, & cum vtroque; nisi quod

Filius nascendo est de Patre, ille procedendo de  
Patre & Filio. Sicut enim Filio à Patre esse, &  
hoc esse quod est ille, natum semper esse est: sic  
Spiritus sancto à Patre esse & à Filio, & hoc esse  
quod illi sunt, æterna processio est. Hoc ergo  
modo prædicandus est Trinitas Deus, si tamen  
modus vllus in illo est, à quo & sub quo modus  
omnis est: & habent se alter ad alterum, si tamen  
habitus ibi vllus est, vbi nihil habet Deus, nisi  
quod est. Et hæc sunt, quæ vt capiantur ab ho-  
minibus, proferenda ad homines vestiuntur no-  
mine Trinitatis seu trium personarum, seu mu-  
tuarum ad inuicem relationum: vt quocumque  
modo ab hominibus capiat, quod de Deo pe-  
ne ineffabiliter prædicatur. Rerum enim diui-  
narum intellectus, quarum hæc signa videntur  
esse, non tam per hæc datur, quàm ad intelligē-  
dum de Deo quod cupimus, formā hac sanorū  
in fide verborum informamur & nutrimur. Vt  
ergo jam de rebus quod cœpimus prosequa-  
mur: dicuntur ad inuicem tres personæ relati-  
uæ, sed extra regulam & ordinem relatiuorum:  
quia non secundum accidens. Dicuntur enim  
ad aliquid: sicut Pater ad Filium, & Filius ad  
Patrem. Quod nequaquam in Deo secundum  
accidens intelligitur. Quod enim Pater dicitur  
Pater, & Filius dicitur filius: æternum eis & in-  
commutabile est. Semper enim Pater pater est;  
& Filius semper filius est. Et nō ita esse semper,  
quasi ex quo natus est Filius, vel ex eo quod Pa-  
ter numquā esse desinat Pater, & Filius nūquam  
desinat esse Filius: sed ex eo quod semper natus  
est Filius, nec Pater aliquando cœpit esse Pater,  
nec Filius cœpit esse filius. Quod si aliquando  
cœpissent esse, aut desinerent, secundū accidens  
diceretur. Et tamen relatiuè dicuntur non solū  
Pater ad Filium, & Filius ad Patrem; sed & Spi-  
ritus sanctus ad Patrem, & Filium, & illi ad ipsum,  
inquantum eorum spiritus est: & ipse procedit  
ab eis, & ipsi eum emittunt. Quod etiam jam su-  
prā breuiter perstrinximus, hic plenius dicen-  
dum est: iudicet omnis qui de huiusmodi iudi-  
care potest, quam sit contra omnem rationem,  
& vnum omnium relatiuorum, quod dicimus,  
Omnis essentia quæ relatiuè dicitur, est etiā ali-  
quid, excepto relatiuo suo: sicut homo dominus,  
& equus iumentum. Homo enim & equus ad se  
dicuntur, & essentia: sunt: dominus & jumen-  
tum ad aliquid relatiuè dicuntur. Si non essent  
homo & equus aliqua substantia: non essent  
qui relatiuè dicerentur dominus & iumentum.  
Quapropter si & pater non est aliquid quod di-  
catur ad semetipsum, & filius similiter: non sunt  
omnino, qui relatiuè ad inuicem dicantur. Sed  
homo Dominus & homo servus cū ad inuicē  
dicuntur: duo homines sunt. Deus autem Pa-  
ter & Deus Filius, non duo dij, sed vnus Deus  
sunt. Tamen reuera cū Pater non sit Filius, &  
filius non sit Pater, & Spiritus sanctus ille qui e-  
tiam donum Dei vocatur, nec Pater sit nec Filius;  
tres vtique sunt. Ideoque pluraliter dictum est,  
*Ego & Pater vnum sumus*. Non enim *vnum* est  
dixit, quod Sabelliani dicunt: sed *vnum sumus*.  
Cū ergo queritur de Patre & Filio & Spiritu  
sancto, quid sint, qui sint, si tres aliqui, si tria a-  
liqua, exceptis relatiuis, quibus ad inuicem sunt,  
quid dicemus? Exceptis enim relatiuis, cū nūlla  
apud homines nomina triū illorum, siue pro-  
pria, siue communia inueniantur: non sine cap-  
sa hoc esse fides pia intelligit: sed ineffabile esse

*Persona nō  
sunt ad inuicē  
secundū acci-  
dens.*

*Semper mu-  
tus est Filius*

*In creatis  
essentia est  
aliquid pro-  
terrelatiuū.*

*Joan. 10.*

id de quo agitur intelligens, ad cognitionem di-  
uinitatis ex cogitatione humane ignorantie ma-  
gis eruditur. Communia verò nomina sunt, cum  
dicitur tres homines, propria, cum dicitur Abra-  
ham, Isaac, & Iacob. Hic autē nil occurrit præ-  
ter naturam vel essentia summi boni, quod pro-  
fecto si summum est, non ita sunt sed vnum est;  
& nomen ejus; *Deus*, quod non nisi vnius nomen  
est, quia non nisi ipse Deus est. Hoc autem illud  
vnum est, de quo Dominus dicit. *Ego & Pater  
vnum sumus*. Vnum verò illud solidum ac diui-  
num nequaquam ex differentibus est; quod ne-  
que ex partibus constat, neque in partes dissol-  
vi potest. Licet enim ipsa ibi sit Trinitas, quæ  
vitas, & veritas quæ Trinitas; nequaquam tamē  
significat ibi nomen unitatis sub nomine Trini-  
tatis: quasi numerosam triplicitatis conjuncti-  
onem; sed inseparabilem diuinæ essentia simpli-  
citatem. Propter quod etiam tres personas, quæ  
in Trinitate inseparabili dicuntur, à se non  
quovismodo separabiles dici, fas omnino non  
est: non magis quam ipsam Trinitatem. Trini-  
tas enim inseparabilis dici non debet, si tres illæ  
personæ aliquatenus valent separari. Tres enim  
Personæ esse non possunt simul dici; non tamen  
nisi simul debent intelligi. Hoc enim verè inse-  
parabile dicitur; quod nullatenus recipit sepa-  
rationem. Quod si quisquam separari posse pu-  
tat tres in Trinitate personas, non Trinitas se-  
parabilis dicenda est, sed veritas. Quippe in per-  
sonis constat Trinitas: in natura veritas. Natu-  
ra enim Trinitatis, quæ sola est ubique tota, sicut  
ubique habet suum esse: & vnum & totum sic se-  
parationem non potest recipere personarū. No-  
minatur quippe ibi personæ ipsæ singulariter;  
sed ita se voluit Trinitas ipsa inseparabiliter osten-  
dere in personis, ut nullum ibi nomen sit, quo  
sic nominetur quælibet persona, ut non aut tri-  
bus naturali veritate conveniat, sicut cum dici-  
tur potens, sapiens, bonus, & cetera hujusmodi;  
aut alteram ad alteram referri, etiam in ipso sin-  
gularitatis nomine demonstret: sicut cum dici-  
tur, *Pater, Filius, Spiritus sanctus*. In relationis enim  
nominibus nequaquam sic vna persona singula-  
riter dicitur: ut non ad alteram ipso suo nomi-  
ne referatur. Relatio quippe vocabulo sic vna  
persona singulariter dicitur in se: ut non dicatur  
ad se. Idcirco relatio ipsa vocabuli personalis  
personas separari vetat: quas cum simul nomi-  
nat, simul etiam insinuat. Cum enim dicitur *Pa-  
ter*, intelligitur pariter & Filius, cujus est Pater,  
cum dicitur *Filius*, intelligitur & Pater, cujus fi-  
lius est. Cum verò Spiritus sanctus *dominus* dici-  
tur: sicut *Verbum* Filius ad dicentem, sic & *do-  
minus* ad donantem inseparabiliter refertur. Sci-  
endum etiā de relatiuis, quia cum nomina Pa-  
tris & Filij & Spiritus sancti, propria eorum sint  
nomina, singulorum singula: & propria etiam  
sint quædam singulorum operationes, sicut Pa-  
tris quod genuit, Filij quod genitus est, Spiritus  
sancti quod ab utroque procedit, & alia his  
similia: in his tamen proprijs nulla est naturæ  
illius separatio, sed personalis agnitio. Dicuntur  
enim singulariter tres personæ, ut cognoscantur,  
non ut separentur: in quibus sic nulla est se-  
paratio, sicut nulla eis inesse potest confusio. Ne-  
que inquam quisquam separabiles in aliquo eas  
audeat dicere: cum nullam ante aliam, nullam  
post aliam, nullam sine alia, vel existentem, vel  
operantem valeat inuenire, vel debeat cogitare.

Vbi sicut nulla potest esse separabilitas operis:  
ita naturaliter marerunt in eandem utabilis. Ver-  
bi gratia, formam quam vigenit? Deus assump-  
sit, tota Trinitas fecit: quam tamen certum est à  
tota Trinitate factam ad solam Filij personam per-  
sonam. Neque enim sicut est totius Trinitatis o-  
peratio; sic illa totius Trinitatis insistentur ac-  
ceptione. Etenim proprietas personalis, quia non  
ipse est Pater, quæ solus; neque Spiritus sanctus  
est, qui Pater aut Filius, ostendit aliquid à Pa-  
tre & Filio factum: quod tamen à solo Filio in-  
uenitur acceptum. Similiter de voce Patris in bap-  
tismo intelligendum est, dicentis: *Hic est Filius*.  
*Matth. 3.*  
*Matth. 3.* similiter de columba & igne, in  
quorum specie super Dominum & super Apo-  
stolos Spiritus sanctus vitas apparuisse. Cupi-  
rei exemplum nullum in creaturis potest inue-  
niri: quia excepta Trinitate, quæ Dominus Deus  
est naturaliter, nulla est natura quæ sit in se  
haberet tres inseparabiles personas. Sic ergo duæ  
illæ prædicationes, essentialis & relatiua, de Deo  
Patre, & Filio, & Spiritu sancto, cum altera se  
habeat circa ea quæ ad se sunt, scilicet ubique  
veritatem; altera circa id quod ad inuicem sunt,  
prædicando Trinitatem; et utriusque sibi esse vi-  
gentur. Sed in hoc magis conueniunt & amica  
charitate in unitate pacis illi quæ exuperat om-  
nem sensum se complacentur: cum & essentialis  
prædicatio vnum Deum dicit, & tres perso-  
nas non contradicit: & relatio tres personas re-  
lati à se habentes ad inuicem dicit, sed tres De-  
os dici omnino contradicit. Sicque semper vna-  
quæque sine injuria alterius prædicat quod factum  
est: ut neque id quod suum est deserat, neque  
interurbet in aliquo quod alterius est; & ex vo-  
ce constet, quod Catholica fides est: scilicet  
ratio fidei, ipsam prædicans unitatem, quam  
Trinitatem; ipsam Trinitatem, quam unitatem;  
vnum Deum. Sunt autem & alia nomina relati-  
ua, quibus relatiue dicitur Deus; sicut cum De-  
us Pater principium diuinitatis relatiue principij  
dicitur ad Filium, qui de ipso est: & simul cum  
Filio ad Spiritum sanctum, qui de ipsis est. Vnus  
enim est principium Spiritus sancti, Pater & Fi-  
lius, sed principaliter Pater; quoniam & hoc Fi-  
lius à Patre nascendo accepit, ut cum Patre vnus  
& ipse principium Spiritus sancti sit. Vbi verò  
principaliter hoc esse dicitur Pater, non ante-  
ritas temporis, non præcessio seu gradus intel-  
ligendus est dignitatis, non majoritas seu mino-  
ritas maiestatis; sed innuitur quis, de quo sit, seu  
quis ad quem, & quid ad quid, in natura illa co-  
substantialis Trinitatis. Pater enim ex nullo ori-  
ginem ducens, origo diuinitatis est. De ipso ve-  
ro habet Filius, quod nascendo ab eo accepit: ut  
naturali essentia vnum cum ipso sit. Ab ipso et-  
iam & à Filio, sed principaliter, ut dictum est,  
ab ipso Patre, est Spiritus sanctus: qui proceden-  
do ab utroque, commune habet cum utroque  
ut sit, quod illi sunt. Dicitur etiam Filius rela-  
tiue *Verbum* Patris dicentis, Sanctus quoque Spi-  
ritus *dominus* Dei donantis. Vbi, sicut cum dicitur  
*Pater & Filius*, nequaquam cogitanda est poste-  
ritas derivatiua gignentis & geniti, sed æternæ  
natiuitatis secretum, sic nec cum dicitur *Verbum*  
Dei, & expandum est verbum prolativum, sed  
confut substantiale dicenti & coeternum: sic nec cum  
dicitur Spiritus sanctus *dominus* Patri & Filij, co-  
gitanda est quasi conditio dati, & dominatio dā-  
tum, sed concordia dati & danij. Singularis

Pater & Fi-  
lius vnum  
principium  
Spiritus sancti.

Summum bonum  
vnum est, non tria.

Joann. 10.

Verbum ad  
dicentem re-  
fertur, domini  
ad donantem.



*Dicitur de  
nominis signifi-  
cat.*

*Ioann. 10.*

*Rom. 11.*

*Omnia esse  
ex Patre per  
Fil. in Spir.  
S. quid sit.*

*Ioann. 5.*

*Ioann. 1.*

enim relationis illius ratio est, ut licet inaequales ibi videantur relationes, sicut Pater ad Filium; dicentis ad Verbum, donat ad donantem: summa tamen ibi aequalitas sit; eum unum sint, alter & qui de altero est, & unus, qui de duobus; & duo, de quibus unus est. Vbi cum à recte de Deo sci-entibus & pie cogitantibus, aliud unum, de quo Dominus dicit, *Ego Pater unum sumus*; nullus inueniatur primus vel medius vel novissimus, oportet tamen ut ibi tres distincte dicantur, quos etiam necesse est pronuntiare suo ordine, ut quis de quo sit, intelligatur. Primoque loco ponitur Pater, qui genuit, secundo Filius qui genitus est, tertio Spiritus sanctus qui ab utroque procedit. Quod etiam in operatione diuinitatis, seu coope-ratione Trinitatis, quae cum relatione trium per-sonarum magnam videntur habere cognationem, prouidentissime animaduertendum est; sicut verbi gratia in eo quod Apostolus dicit, *Ex quo omnia, per quem omnia, in quo omnia, ipsi gloria in saecula saeculorum, amen.* Vbi cum à Patre per Fi-lium in Spiritu sancto condita omnia commo-mentari videmus, tamen in diuersis praepositioni-bus appositionibus nulla intelligenda est diuer-sitas operationis: sed simplex cooperatio. Aequè enim ex Patre & ex Spiritu sancto sunt omnia, sicut ex natura omnium creaturæ: aequè per Pa-trem & per Filium, & per Spiritum sanctum, si-cut per Deum omnium opussum: aequè in Pa-tre & Filio & Spiritu sancto, sicut in Deo om-nia continentur. In huiusmodi verò positionibus triam personarum, vel praepositionem apposi-tionibus tantummodo intelligenda est persona-lis adnotatio Trinitatis: sic tamen ut omnia re-colligantur ad intelligendam in Trinitate veri-tatem diuinæ unitatis, subiungente continendū Apostolo ac dicente, *ipsi, inquit, non, ipsi.* Quae tamen singula singulis distribuuntur, cum ex Pa-tre dicantur esse omnia, ex quo principaliter est omnis creatura: & per Verbum quo ipse dixit, & omnia facta sunt, & in Spiritu sancto, qui Pa-tris & Filij bonitas est, continens omnia. Nam & quod cooperari dicuntur, quorum, sicut una essentia, sic una operatio est, cooperari dicun-tur in eo quod tres sunt: & una eorum operatio est, in quantum unus sunt. Vnde & Dominus in Evan-gelio dicit, *Non potest Filius à se facere quicquid, nisi quod videtis Patrem facientem. Quaecumque enim Pater facit, haec & Filius facit. Pater enim diligit Filium & demonstrat ei omnia quaecumque facit. Vi-detis enim Filio Patrem, hoc est esse, quod ille est, videre operantem, cooperari est. Item. Omnia per ipsum, hoc est, per Verbum, facta sunt.* Vbi sicut cooperatio intelligitur, in eo quod Pater & Verbum duo sunt: sic simplex intelligitur o-peratio, in eo quod dicitur Deus omnia fecisse per Verbum suum, hoc est, per id quod unum sunt, ipse & Verbum suum. Quod tamen intel-ligendum est, de eo quod sit, vel quod factum est, hoc est de creatura, quae vel sit, à eo, ut sit quae non erat; vel aliquid sit circa eam, ut facta subsistat. Quod enim in creatore omnium Deo non sit, sed est: secundam estimationem crea-turæ habendum est. Scilicet genuit Pater, quod Filius non facit: genitus est Filius, quod non fa-cit Pater, qui genuit. Sed hoc non est factura: sed facientis omnia diuinitatis essentia. Nam &, eum Verbum caro factum est, tota Trinitas co-operando fecit, id quod solum Verbum factum est, carnis factum, quae facta, & facta. Verbo in-

uitate personae assumpta est, in quo tempora-liter factum dicitur Verbum, quod Deus apud Deum est. Sed & vocem Patris, quae super Do-minum audita est dicens, *Hic est filius meus dile-ctus*, tota Trinitas fecit, quamvis à solo Patre in-sensit: & columbam, in qua super Dominum Spiritus sanctus apparuit. Haec enim omnia tem-poraliter facta sunt; nec aliter de eis estimandū est, quam sicut sunt. Diximus quae potius, de nominibus diuinis, quae sine secundum substan-tiam, sunt relatiue in Deo dicuntur: & de rela-tione ipsa, quae iuxta nominum ipsorum propri-etatem ad inuicem dicuntur Pater, & Filius, & Spiritus sanctus, haurientes quaecumque dixi-mus, non de fontibus nostris, sed de fontibus Saluatoris, ex Scripturis Sanctis, & certissimis autoritatibus Sanctorum Patrum; investigan-tes aliquam rerum cognitionem ex indicij no-minum suorum. Nomina autē ipsa recentia qui-dem sunt apud homines in praedicatione fidei, nomina inquam, non res nominum. Res enim nominum horū, non tam conternat Deo, quam Deus sunt. Nam & ipsum nomen Dei, quid est, vel unde dictum est? Aut quis hoc nomen im-posuit Deo? Inferiori enim, ab eo qui supra ip-sum est, solet imponi nomen. Quid ergo est, quod summa illa maiestas tam communi vsu & generali omnium sententia ab omnibus prorsus hominibus dicitur Deus? Vox quidam est na-turalis in homine timoris, ad summam essentiam quae utcumque de ea edicit, quod sit, volens nec valens edicere, quid sit. Nam & à graeco quod di-citur Θεός, quod timorē significat, dicitur Deus. Significat autem naturalem, ut dictum est, timo-rem hominis ad summam essentiam, nomen ei imponere non audentis, & tamen rem, cui nul-lum nomen aptum est, potius quodam humane vocis vsu, quam aliqua nominandi proprietate utcumque significantis. Hinc namque est, quod omni de eo fieri volumus, nec valeamus, de com-pendio ineffabile nominamur; & invisibilem, quē non possumus videre: & sic de eo qui supra om-nem sensum & intellectum est, minus dicendo plus dicimus. Porro cum, sicut jam supra dictū est, omnia nomina diuina sint unum, intelligen-dum est nomen Domini Dei nostri esse aliquam ejus noticiam, quae omnibus his nominibus ut-cumque commendatur fidelibus, & quae quan-do vult, innotescit quib⁹ vult, & quomodo vult. Hoc namque nomen est, quod praepceptis saluta-rib⁹ moniti, & diuina institutione formati, quo-tidie à Patre nostro qui est in caelis oramus san-ctificari in nobis. Quod tunc sanctificatur in nobis, cum ex sensu vitæ, qui in nomine ipso est, ipse qui nominatur, sanctificando nos innotescit nobis; cum, seu in loquendo de Deo, seu in o-rando eum, in Spiritu sancto nominatur à no-bis eo nominandi modo, quo dicit Apostolus, *Dominus Iesus, in Spiritu Sancto.* Nam & qui-cumque hoc modo nomen Domini inuocauerit, 1. Cor. 12. *saluus erit*: &, *spesant in eo quicumque nomen eius* Rom. 10. *haec nomen ejus*: & *gloriantur in eo, qui diligunt* Psalm. 9. *nomen ejus*: & *desiderant iudicari secundum iudi-cium diligentium nomen ejus.* Quod sit, cum in-uocantibus eis qui sic sunt, nomen Domini, gra-tia interioris operante res nominis dulcescit in cor-de, & nomen sapit in ore; cum Dominus inuo-catur, qui jam in affectu inuocantis dominatur eum in Spiritu sancto clamarur Deo, *Abba Pa-ter*; & conscientia sua testimonium perhibet cla-

*Matth. 3.*

*Nomen Deum  
timorem si-  
gnificat.*

*Deum cum  
ineffabilis  
dicitur, plus  
dicitur.*

Apoc. 8.

Fides Catho-  
lica calcu-  
lus est.

manet, quod sit filius Dei. Quod & de reliquis Domini nominibus intelligendum est. Nulli enim quippe nomen Dei est, quod non secundum formam sui similem gratiam spiraret in vocanti. Hoc enim est nomen novum, quod in Apocalypsi. vi. Aiori mundi huius promittitur, scriptum in calculo nouo, non stylo ferreo, sed digito Dei. Calculus quippe totus teres & rotundus Catholica fides est; quam qui rodere voluerit, non inuenit ubi dentem figat. Huic inscribitur nomen Domini novum, hoc est, innovans fideliter nominantem, cum formæ fidei spiritualis Dei notitia informatur. Hoc autem fit, cum fides incipiens operari per dilectionem, incipit etiam ipsa formari in dilectionem, & per dilectionem in intellectum, & per intellectum in dilectionem, seu in intellectum simul & dilectionem. Difficile enim est homini sic affecto discernere quid de quo, cum jam in corde credentis & intelligentis & amantis tria hæc vnum sint, ac similitudinem quamdam summæ Trinitatis. Sed exterior nunc fidei rationem de Trinitate, & publicam ejus formam investigare suscepimus, quam formatam in interiore homine nescio postmodum ejus erit viuificare, de quo legitur, quod

Gen. 1. &amp; 2.

formavit Deus hominem primo ad imaginem & similitudinem suam: deinde verò inspiravit in faciem ejus spiraculum vite, & factus est in animam viventem. Attentato ergo & attentato paululum, quantum licuit, quantum Dominus dedit, quod de divinis nominibus attingere potuimus, non nostris, sed Sanctorum Patrum sensibus innitentes, cum timore adhuc & tremore procedimus, ut procidamus & ploremus, Trinitas Sancta, coram te Domino Deo nostro, qui fecisti nos, & in hoc ipsum efficis nos orantes & obsecrantes, ne nos errare permittas aliquatenus in contemplatione vel fide formæ ejus, cui conformari & nos ambimus, & tu præcipis nobis in omnibus Scripturis quæ de te sunt: ut sicut tres vnum estis, ita & nos per virtutem fidei, qua hoc credimus, vnum efficiamur in vobis. Forma ergo fidei cui serviunt omnia, quæcumque supra diximus, hæc est, sicut jam sæpe diximus, Patrem Deum, Deum Filium, Deum Spiritum sanctum: & tamen non tres Deos, sed vnum Deum. Nec lineamentis spatijque membrorum hæc Trinitatis & unitatis forma distenditur; nec Pater Filium localiter in se suscipit manentem, nec Filius Patrem in se habitantem: aut evacuatur Pater & Filius, cum Spiritum sanctum emittunt ad illustrandam omnem creaturam suam. Tres quippe sunt, sed non disjuncti: vnum sunt, sed non confusi: sed cum tres sint, vnum sunt, cum sint vnum, tres sunt: tres propter Sabellianum, vnum propter Arrianum. Nec in vno Deo est Trinitas ipsa, sed Trinitas ipsa Deus est: nec Deus est in Trinitate, sed Deus ipsa Trinitas est. Neque enim Deus amplius aliquid quam Trinitas ipsa est: nec Trinitas aliud quam vnus Deus est. Cum ergo ad confitendum Patrem, & Filium, & Spiritum sanctum aciem mentis intendimus, procul ab animo formas rerum visibilibus, & statates temporalium naturarum: procul loca corporum & corpora locorum repellamus. Discedat ab anima quod spatio distenditur; quod sine clauditur; & quicquid nec semper est ubique, nec ubique totum. Denique cognitio de Trinitatis Deitate concepta, nihil per distans am intelligat, nihil per gradus quaratur si quid

Ioan. 17.

Fideles multi  
in vno sunt.

Deo dignum senserit, nulli hæc ibi ardeat regere persona. Cum enim existentia gradibus exclusis, vna est & incommutabilis in Trinitate, Divinitatis substantia, indivisa in opere, vna in voluntate, par in omnipotentia, æqualis in gloria, simul implens omnia, & continens universa. Quæ sic in tribus censenda est persona, ut & unitatem seruet vnus, essentia inseparabilis æqualitas: & solitudinem non recipiat Pater & Filius & Spiritus sanctus Trinitas. Solus quippe Deus est, Pater, & Filius, & Spiritus sanctus, præter quem alius Deus non est: sed non est solus aliquando Deus Pater, qui semper ad Filium est, quod est: non quam solus Filius, qui semper ad Patrem est: non quam solus Spiritus sanctus, qui semper ad Patrem & ad Filium est. Nec tamen triplex dicendus seu estimandus est Deus, qui cum sit vnus in tribus personis, totus tamen est in singulis. Nihil enim ibi triplicitas involvit, vel unitas confundit: quia divinus quidam numerus ab omni prolixa materiali differentia remota, sic ibi efficitur, quæ ibi est. Trinitatem, ut forma simplicis Deitatis aliter amabilem faciat omnem triplicitatis confusionem. Nec alicubi forma hæc, nisi ibi est, ubi numerus est super numerum, quo tres vnum sunt, & vnus tres. Nec quærat homo mortalis humana ratione investigare modum, quo hæc de Deo supra humanum modum dicitur: cum tu Dominus Deus ceteris nulla ratione nulloque modo cogitandus sine credendus sis subditus esse vili modo: sub quo & a quo potius est omnis modus, quo est quicquid est, seu esse possibile est: in vero & essentia tua, ipsa tibi & causa & modus existendi es. Ideo qui sic es, inuestigabile totus profundus es, & imperitabile: totus autem non ut per hoc diffinitus in modo, sed ut intelligaris, sicut intelligi potes, in immenso. Videbunt hoc in futura vita te fruendo, quos hic digressos feceris credendo; ubi videbunt te facie ad faciem sicuti es, & videndo efficientur sicuti es. Sic enim promittit nobis dilectus Apostolus Petrus Ioannes. Similes, inquit, ei erimus; quoniam

No triplex  
dicitur Deus.

videbimus eum sicuti est. Ibi qui te videbunt, non mentientur ultra, nec fallentur; nec dubie ultra erunt visiones eorum, nec cogitationes ab alijs in alia transientes, & euntes, & redeuntes: sed omnem scientiam suam, quæ non nisi de te erit, & veritas Deus, vno simul cernent intuitu. Non enim visio illius contemplationis, seu contemplatio illius visionis, à Patre transibit ad Filium, à Filio ad Spiritum sanctum; non in tres dividitur, nec colligetur in vnum: sed beata perpetuitate, & perpetua beatitudine non jam quærentes sed fruentes contemplabuntur te vnum & verum Deum, Patrem, & Filium, & Spiritum sanctum viventem in sæcula sæculorum. De Deo Patre proprie dictum videtur, quod Dominus dicit. Nemo novit, nisi solus Deus. Et illud. Ut cognoscant se solum ac verum Deum. Et quod Apostolus dicit. Regi autem sæculorum, immortalis, invisibilis, soli Deo honor & gloria, lucis, & æternæ ac solus potens Rex Regum & Dominus Dominantium; qui solus habet immortalitatem, & inhabitat lucem inaccessibilem: quem nemo hominum vidit, vel videre potest. Sed hæc & huiusmodi sunt, quæ proprie de Deo dicuntur, quæ non ita sunt propria Patris, quæ minus in aliquo propria sint Filij & Spiritus sancti. Etenim consubstantialiter sunt Pater, Filius, & Spiritus sanctus sed

Luc. 18.

Ioan. 17.

1. Tim. 6.

*Pater est  
principaliter  
ratione  
originis.*

116

*B. Guilelmi S. Theodorici Abbatis,*

principaliter Pater, non principaliter quasi principue, vel principalitate aliqua seu temporis seu dignitatis; sed originis. Est enim Deus Pater quasi fons quidam & origo diuinitatis, principium Filij & Spiritus sancti, qui ab ipso sunt, ab ipso habentes esse, quod sunt. Sed cum sit Deus Pater principium Filij, & principium Spiritus sancti, & tres sint principium omnis creaturæ; absit tamen vt tria vel quatuor principia esse credantur Pater, Filius & Spiritus sanctus: qui sic vnum sunt principium, sicut vnus Deus. Neque enim dicendus est Pater principium principij, in eo quod Filius, cuius ipse principium est, principium est cum ipso Spiritus sancti: sed sic ibi intelligendum est esse principium de principio, sicut Deus de Deo, vnus Deus, vnum principium, Pater Filij, & cum filio Spiritus sancti, & cum Filio & Spiritu sancto omnis creaturæ. Oramus etiam Deum Patrem & adoramus, & gratias ei agimus semper non sine Filio & Spiritu sancto; & tamen per filium, sicut per Mediatorem Dei & hominum Dominum nostrum Iesum Christum, in Spiritu sancto paraclito nostro, & aduocato orationum nostrarum apud Deum; sine quo nec quemadmodum nos oporteat orare, scimus, nec orantes exaudimur. Cum autem oramus Patrem per filium in Sancto Spiritu, sicut alium per alium in alio; non nisi vnū Deum oramus in nullo differentem à Deo: sed fiduciam habemus ad Deū quem oramus, non quasi ex nobis, sed ex iustitia quæ est per fidem Domini nostri Iesu Christi, & exaudibiles efficiamur per consolantem ac viuificantem nos interius gratiam Spiritus sancti. De filio dicitur. *In principio erat Verbum, & Verbum erat apud Deum; & Deus erat Verbum.* Vbi cum dicitur, *erat, erat, erat*, de eo quod semper est, hoc primo est intelligendum, quia non refert quomodo in Deo tempora pronuntientur: cum nullum inueniatur tempus, quo congruè significari possit, quod dicitur, id est æternitas. Vbi cum dicitur, *In principio erat Verbum*, signatur Patris & filij coæternitas: in eo quod *Verbum erat apud Deum*, personarum veritas, in eo quod *Deus erat Verbum*, Verbi ad dicentem consubstantialitas. Dicitur quoque Filius esse de Patre, quæ est diuina natiuitas, sempiternumque esse filium de sempiterno Patre, quæ est diuine natiuitatis æternitas. Et natus enim, & semper natus intelligendus est dei filius: natus, ne quolibet modo imperfecta pueretur illa natiuitas: semper, vt natiuitatis ipsius ipsa se prædicet æternitas. Natus enim pertinet ad perfectionem, semper ad æternitatem: vt quocumque modo illa essentia sine tempore temporali valeat designari sermone. Filius est, quia verè nat⁹ est deus de deo, verà sed diuinà & imperferutabili & inenarrabili nativitate. *Generationem enim eius quis enarrabit?* Non tamen refugimus prædicare in Deo verum nomen generationis & natiuitatis, sicut Manichæi, siue quidam Ariani, qui creaturam esse dicunt filium Dei: sed credimus & profiteamur, natū de Deo Deum; vnamque esse eum qui genuit, & eum qui genitus est. Sicut autem filius filius dicitur gignentis, sic & verbum dicentis: vt multis modis vtrumque dicatur, quod nullo edici modo potest. Verbum enim Dei magno occultoque mysterio apud homines humani verbi & nomē gerit, & aliquam similitudinem. Est enim in homine in interiore cordis ejus verbum aliquod

de quacumque re conceptio aliqua veritatis, sine voce, sine syllabis, sine forma aliqua. Sicut autem verbum hominis vt manifestetur sensibus hominum; vox quodammodo fit, assumendo eam: sic Verbum caro factum est, assumendo eam in qua manifestaretur hominibus. Et sicut verbum hominis fit vox, nec mutatur in vocem; ita & Verbum Dei factum est caro: sed ab sit à fide fidelium omnium, vt credatur mutatum in carnē. factumque caro Verbum Dei factum est nobis & verbum doctrinæ, non humanæ, sed diuinæ: docēs nos de compendio implere omnem legē, dicens. *Diliges Dominum Deum tuum in toto corde tuo, & in tota anima tua, & ex tota mente tua: & proximum tuum sicut teipsum.* Deinde, *In his*, inquit, *duobus mandatis tota lex pendet, & Propheta.* Deinde tota vita ejus in terris per hominem quē suscipere dignatus est, doctrina & disciplina morum fuit. Diuitias, honores, voluptates, & omnia quæ habere cupientes non rectē viuebamur, catendo & docendo vile fecit: paupertatem, contumelias, injurias, dolores, mortemque corporis, & omnia quæ vitare cupiendo à studio bene viuendi solent homines deuiare, perpetiundo deiecit. Docuit etiam carnales homines sensibus carnis deditos, nec valentes mente intueri veritatem, quā excelsū locū inter creaturas haberet humana natura, in eo quod hominem assumendo, Verbum Dei ex duab⁹ naturis factū est vna persona. Hinc enim est, quod dicit Propheta. *Misit verbum suum, & sanauit eos; & eripuit eos de interitionibus eorum.* In qua tamen missione duo sunt, quæ subtilius pensanda sunt, scilicet ne missio filij à Patre quasi separabilis intelligatur, aut temporalis. Nam cum hoc à Patre & filio fieret, vt filius in carne appareret: congruēter dictus est missus ille, qui in carne apparuit; misisse autem ille, qui in ea non apparuit: quoniam ea quæ coram corporis oculis geruntur foris, ab interiore apparatu naturæ spiritualis existunt; & propterea conuenienter missa dicuntur; potèd forma illa suscepti hominis filij est, non etiam Patris. Quapropter Pater inuisibilis vna cum filio secū inuisibili eundem filium visibilem faciendo, misisse eum dicitur. Qui si eo modo visibilis fieret, vt cum Patre inuisibilis esse desineret: id est, substantia inuisibilis Verbi in creaturam visibilem transiens mutaretur: ita missus à Patre filius intelligeretur, vt tantum missus & non mittens inueniretur. Cum verò ita accepta est forma serui, vt maneret incommutabilis forma Dei; manifestum est, quod à Patre inuisibili & ab inuisibili filio, & ab inuisibili Spiritu sancto factum sit, quod appareret in filio: id est, quod ab illis inuisibilibus visibilis ipse mitteretur. Seruile enim formam, quā vnigenitus Deus assumpsit, tota Trinitas fecit: sed licet sit in ea totius operatio Trinitatis, acceptio tamen ejus solius filij est, non totius Trinitatis. Quod si in Christo vna fuisset facta natura diuinitatis & carnis: totius ex hoc crederetur incarnatio Trinitatis. Sed natura in Christo est vna, quam inuenitur vnigenitus Dei inseparabilem quidem habere cum Patre & Spiritu sancto; propriam verò habet humanitatem suam, cum qua diuinitas ejus non vnā naturam, sed vnā inuenitur habere personam. Sed neq; temporalis credenda est missio Verbi; cum in ipso Verbo, in ipsa sapientia Dei ab æterno sine tempore fuerit tempus, quo illam in carne

*Verbi Dei  
& nostri ali-  
qua simili-  
tudo.*

*Deuter. 6.  
Matth. 22.*

*Quid Chri-  
stus docue-  
rit.*

*Psal. 106.*

*Missio Filij  
à quo fit.*

*Ioann. 1.*

*Dei Filius  
semper na-  
tus.*

*Isaia. 53.*

apparere oporteret. Quæ plenitudo temporis cum venisset, hac ratione dicitur Deus misisse Filium suum, ut cum esset Deus & homo; sicut in utroque nasceretur, sic non coactus sed sponte moreretur in utroque. Passa enim est diuinitas cuncta quæ carnis erant in carne: quia passibilem carnem cum humanis affectibus Deus suscepit: non tamen compassa est: si carne, quia impassibilis semper in sua natura diuinitas permanet. Idem enim erat Deus, idem homo. Nam & hoc certissima fide discernendum ac tenendum est: quia sicut in Trinitate quæ Deus est, tres confitemur personas, vnâ naturam: sic in Domino Iesu Christo duas debemus naturas intelligere, & vnâ personam. Et sicut inseparabiles in natura diuinitatis necesse est credi tres personas: sic in persona Christi duas naturas. Credimus ergo Dei filium sine aliquo ratiuitatis sue initio de Patris substantia genitum, Deum de Deo; non ex nihilo, quia de Patre; non nuncupatum, sed nomen habentem ex veritate nature. Quid enim prodest nullo, ut nuncietur vnigeniti nomine, si priuatur nominis veritate? Frustra namque vnigenitus dicitur, si in ejus generatione non naturalis de Deo generante veritas, sed ex donâ largitas prædicatur. Et alij enim, quotquot receperunt eum, cedit potestatem filios Dei fieri. Sed in illo sempiternæ natiuitatis arcano sempiternus atque immutabilis Pater alterum genuit, non diuersum: & quantum generando proutit, tantus ipse permanet. Personaliter distinxit à se, quem naturaliter totum habet in se. Ille igitur ineffabilis de Patre sine initio natus, postquam venit plenitudo temporis, ut missus à Patre fieret ex muliere, totus regnans in sinu Patris, totum semetipsum formans in sinu matris, totus venit in vteru virginis. Neque enim pars ejus remansit in Patre, & pars ejus venit in Virginem, cum totus in Patre manserit, quod erat: & totus in Virgine fieret quod non erat. Sic ergo verus Deus ac summus totum hominem in se accepit: & sic plenitudo diuinitatis veritate diuinæ humanæque substantiæ inconfusibiliter permanente semetipsum pleno conjunxit homini: ut vnitate deinceps manente personæ, nec homo Christus à sua diuinitate, nec idem Deus Christus à sua possit humanitate disjungi. Hæc enim personæ inseparabilis vnitas, in qua Deus & homo natus est Christus, fecit, ut & homo Christus per gratiam nasceretur ex Deo, salutem veritate ac plenitudine humanæ nature: & idem Deus Christus voluntariè pateretur in carne, salutem impassibili plenitudine diuinæ substantiæ. Quapropter diuinitatem Christi, quam immutabile sancta Scriptura commendat, sic passam fatemur in carne; ut tamen credamus eam non compassam fuisse cum carne. Ideo enim in carne Deus passus est: quia passibilem carnem accepit. Ideo autem carni compassus non est: quia in carne patiens impassibilis diuina natura permanet. *Spiritus Deus est*, ait Dominus. Spiritus est Pater, Spiritus Filius, Spiritus qui dicitur Spiritus sanctus: & tamen non tres spiritus sunt, sed vnus spiritus, de quo Dominus dicit, quoniam *spiritus est Deus*: sicut non sunt tres dii, sed vnus Deus. Cum autem vnusquisque eorum sit spiritus, & vtique sanctus, Spiritus sanctus qui communis est duorum, & propriè censetur ex nomine, quod communis est amborum, sicut ipse communis est amborum, quicquid commune sit

eorum, diuinitas eorum, charitas, suauitas, beatitudo, & cætera. Sicut enim Filius à Patre est nascendo, sic Spiritus sanctus à Patre & Filio procedendo: sed principaliter à Patre, cum & hoc Filius à Patre nascendo acceperit, ut Spiritus sanctus procedendo de ipso æquè ac de Patre sit. Nascendo quippe Filius de Patre hoc accepit, ut Deus de Deo, vnusque eum Patre Deus sit. Quod tamen reciprocari ad Filium ratio fidei non permittit: scilicet ut cum similiter Pater & Spiritus sanctus vnus sit Deus, similiter etiam de Spiritu sancto æquè ac de Patre Filius esse intelligatur. Fieret enim à duabus patribus vnus filius, naturæ confusio Trinitatis, quod à ratione fidei remouissimum est. Cum ergo sit Spiritus sanctus spiritus Patris & Filij, & ab utroque procedat, sitque charitas & vnitas amborum: manifestum est, quod non sit aliquis duorum, quo vterque coniungitur, quo genitus à gignente diligitur, genitorumque suum diligit, ut sint non participatio aliena, sed propriæ essentia, nec alterius donum, sed suo proprio seruantes vnitatem spiritus in vinculo pacis. In processione verò qua procedere dicitur Spiritus sanctus à Patre & Filio, diuina ejus coessentia ad eos intelligitur: in eo autem quod etiam in creaturam procedit, donum esse Dei declaratur. Donum enim Dei intantum est Spiritus sanctus, ut donorum Dei, quæ nemo omnia habet, nemo vllum habeat, qui Spiritus sanctum non habet, quorum quicumque habet vllum, non nisi in Spiritu sancto habet. Dantur autem dona multa per Spiritum sanctum, præter charitatē, sine qua nihil sunt, nihil profunt. Nam neque propriè dicitur Spiritus sanctus donum, nisi propter charitatem, de qua dicitur. *Charitas Dei diffusa est in cordibus nostris per Spiritum sanctum qui datus est nobis*. Hoc enim dono nihil excellentius, quod solum diuidit inter filios regni & filios perditionis, solumque etiam cætera charismata non habeantur, perducit ad regnum. Nam & fides ipsa præter charitatē vnicuique potest esse, sed non potest prodesse. Sola enim prodest, quæ per dilectionem operatur. Sanctus enim Spiritus charitas est Patris & Filij, quæ se diligunt, & vnitas quæ vnū sunt. Hic cum datus fuerit homini, accendit eum in dilectionē Dei ac proximi. Et ipsa dilectio est, quæ Deus charitas est; nec habet homo vnde diligit Deum, nisi ex Deo. Vnde etiam dicitur, quoniam *Pater Deus dilexit nos*; & quia nos idcirco eum diligimus, quoniam ipse prior dilexit nos. Prior enim Deus dilexit nos, non affectu, sed effectus charitatis; cum ante secula in adoptionem filiorum nos prædestinauit: in tempore verò beneplaciti sui charitatem suam per Spiritum sanctum diffudit in cordibus nostris. Neminem enim temporaliter diligit æterna, nec efficitur, qui incommutabilis est. Ipse est Spiritus Domini replens orbem terrarum omnipotentis suæ bonitatis, ingenti vbertate superabundantis gratiæ perfundens omnia pro capto & modo singulorum, ut ordines suos singula teneant, & sponte locis suis acquiescant; largiens bona, disponens vilia, pijs & fidelibus impertiens diuisiones gratiarum; impijs & infidelibus sæpe pacem tribuens temporum, corporum sanitatem, prosperitatem rerum, de rare cæli & de pinguedine terre abundantiam, & his similia; quæ nonnumquam subtrahit sanctis ad probationem sanctitatis, & sceleratis ea & peccatoribus indulget, ad pœnitentiam

*Dua natura in persona Christi.*

*Galat. 4.*

*Gratia vni-*  
*onis non a-*  
*doptionis hic*  
*intelligenda.*

*1. Ioan. 4.*

*Spiritus sanctus Deus Dei est.*

*Rom. 5.*

*1. Ioan. 4.*

*Sapient. 1.*

tionem & ædificationem charitatis. Ipse filijs gratiæ, pauperibus spiritu, in præsentis vitæ exilio advocatus est & consolator, virtus in adversis, in tribulationibus adjutor. Ipse docens orare, quomodo oportet; hominemque Deo afficiens, & placentem & exaudibilem efficiens,

illuminat intellectum, format affectum; faciens, perficiens, & solus, si solus esse potest, vel dici debet, sufficiens. Sed ideo solus sufficit, quia separari à Patre & Filio non potest, cum quibus inseparabiliter facit cuncta quæ facit.



# EIVSDEM B. GUILLELMI

ABBATIS S. THEODORICI,

*Disputatio Aduersus Petrum Abaelardum. Ad Venerabilem Gaufridum Carnotensem Episcopum, & B. Bernardum Clara-vallis Abbatem.*

**R**EVERENDIS in Christo Dominis & Patribus, Gaufrido Carnotensium Episcopo, & Bernardo Clara-vallis Abbati, vitam & dies bonos. Confundor, Deus scit, apud vos, cum de re communis & gravis necessitatis, silentib<sup>9</sup> vobis, & alijs, quorum erat loqui, cogor vos alloqui; nullus in hominibus, Dñi & Patres. Cum enim fidem communis spei graviter nimis & periculosè corrumpi video, nullo resistente, nullo obloquente; quam Christus suo nobis sanguine sacravit, pro qua Apostoli & Martyres vsque ad mortem pugnaverunt, quam Sancti Doctores duris laboribus suis, & magnis sudoribus defensam, integram & incorruptam vsque ad hæc temporum nostrorum transmiserunt: contabesco in memetipso; & à fritura cordis & dolore spiritus cogor pro ea loqui; pro qua, si necesse esset, & opportunitum; vellem etiam mori. Nec de minimis agitur, sed de fide Sanctæ Trinitatis, de persona Mediatoris, de Spiritu sancto, de Gratia Dei, de Sacramento communis redemptionis. Petrus enim Abaelardus iterum nova docet, nova scribit; & libri ejus transeunt maria, transiliunt Alpes; & novæ ejus sententiæ de fide, & novæ dogmata per provincias & regna deferuntur, celebriter prædicantur, & liberè defenduntur: intantum ut in curia etiam Romana dicantur habere auctoritatem. Dico vobis, periculosè siletis, tam vobis quam Ecclesiæ Dei. Pro nihilo ducimus corruptam fidem, pro qua nosmetipsos nobis abnegavimus: non timemus Deum offendere, ne offendamus. Dico vobis, adhuc parturiens parit malum hoc: sed nisi præventum fuerit, erumpet in regulum, cui vix inveniatur incantator. Quod cur dicam, advertite. Casu nuper incidi in lectionem cujusdam libelli hominis illi<sup>9</sup>, cui titulus erat, *Theologia Petri Abaelardi*. Fateor, curiosum me fecit titulus ad legendum. Duo autem erant libelli idem pene continentes; nisi quoddam altero plus, in altero minus aliquando inveniretur. Vbi cum aliqua invenirem, quæ multum moverent me, notavi; & cur moveret, subnotavi; & cum ipsis libellis misi vobis; utrum rectè me moveriat, judicij vestri sit. Cum enim graviter turbaret ad insolitas in fide vocum novitates, & novas in auditorum sensum adinventiones cum non haberem in quem refunderem; vos in omnibus elegi, ad quos me converterem: & quos in causam Dei, & toti<sup>9</sup> Latine Ecclesiæ

citarem. Vos etiam timet homo ille, & reformidat. Claudite oculos; quem timebit? Et qui jam dicit, quod dicit: quid non dicit, cum nullum timebit? Emortuis quippe ex Ecclesia omnibus penè doctrinæ Ecclesiasticæ magistris, quasi in vacuum Republicam Ecclesiæ domesticus irruens inimicus, singulare sibi in ea magisteriū arripuit: agēs in Scriptura diuina, quod agere solebat in Dialectica, proprias ad inventiones, annuas novitates; censor fidei, non discipulus; emendator, non imitator. Hæc sunt ergo Capitula ex Opusculis ejus collecta, quæ vobis offerenda putavi. 1. Quodd fidem diffinit æstimationem rerum, quæ non videntur. 2. Quodd impropria dicit esse in Deo nomina Patris & Filij & Spiritus sancti: sed descriptionem hanc esse plenitudinis summi boni. 3. Quodd Pater sit plena potentia, Filius quædam potentia, Spiritus sanctus nulla potentia. 4. De Spiritu sancto, quodd non sit ex substantia Patris & Filij, sicut Filius est ex substantia Patris. 5. Quodd Spiritus sanctus sit anima mundi. 6. Quodd libero arbitrio sine adjuvante gratia bene possumus & velle & agere. 7. Quodd Christus non ideo assumpsit carnem, & passus est, ut nos à jugo diaboli liberaret. 8. Quodd Christus Deus & homo non est tertia persona in Trinitate. 9. Quodd in Sacramento altaris in aëre remaneat forma prioris substantiæ. 10. Quodd suggestiones diabolicas per physicam dicit fieri in hominibus. 11. Quodd ab Adâ non trahimus originalis peccati culpâ, sed penam. 12. Quodd nullum sit peccatû, nisi in consensu peccati, & contemptu Dei. 13. Quodd dicit concupiscentiâ & delectatione & ignorantia nullum peccatum committi: & hujusmodi non esse peccatum, sed naturam.

Hæc pauca interim capitula ex opusculis ej<sup>9</sup> cōgesta in vnum primò vobis arbitratus sum offerenda, ad excitandos vos, & excusandos nos; ne frustra commoti videamur. Quæ tamen cum alijs incidentibus, auxiliante eo in cujus manu sumus, & nos & sermones nostri, ex hoc latius diggerere aggrediat; paruipendens, si vobis displiceo in sermone, dum non displiceam in fide: ut si quocumq; modo suggerere potuero vobis me justè commotum, commoveamini & vos; & in causa capitis, siue pes ille sit, siue manus, siue etiam oculus, non parcatis. Dilexi & ego eum, & diligere vellem, Deus testis est: sed in causa hac nemo vnquam proximus mihi erit, vel amicus.

Nec

*Peruersa doctrina mox à multis propugnatur.*

*Capita errorum Abaelardi.*



Nec secreta commonitione seu correptione malum hoc attentandum est, quod, ipso se prodeunte, tam publicum factum est. Sunt autem ut audio, adhuc alia ejus opuscula, quorum nomina sunt, sic & non: scito te ipsum: & alia quædam, de quibus timeo, ne sicut monstrosi sunt nominis, sic etiam sint monstrosi dogmatis: sed sicut dicunt, oderunt lucem, nec etiam quæsitâ inueniuntur. Sed jam veniamus ad rem.

CAPVT I.

Abailardus fidem censet æstimationem.

Aug. lib. 13 de Tri. c. 1.

2. Tim. 1.

Personas diuinas in aliud mutat.

Sabellianismus olet hæc doctrina.

**I**N primo limine Theologiæ suæ fidem diffiniuit, æstimationem rerum non apparentium, nec sensibus corporis subiacentium: æstimans fortasse, vel communem fidem nostram æstimationem esse; vel licitum esse, in ea quodlibet cuiuslibet ad libitum æstimare. Beatus Augustinus. *Fides enim, ait, non coniectando vel opinando habetur in corde in quo est, ab eo cuius est: sed certa scientia acclamante conscientia.* Absit enim, ut hos fines habeat Christiana fides, æstimationes scilicet, siue opinioniones. Academicorum sint æstimationes istæ; quorum sententia est, nihil credere, nihil scire, sed omnia æstimare. Similem quippe fidem similis spes, similis charitas comitatur. Si enim fides hæsitat: palpitat spes, charitas nulla est. Scio enim, ait Apostolus, cui credidi; & certus sum. Ipse verò de omnibus amat putare, qui de omnibus vult disputare, de diuinis æquè ac de sæcularibus.

CAPVT II.

**D**E INDE egregia & laudabili professione præmissa, de fide Trinitatis trium personarum in vnius substantia deitatis: post aliquanta personas ipsas in minus aliquid à subsistentibus personis videtur extenuare velle, cum dicit. *Videtur nobis supra positis trium personarum nominibus summi boni perfectio diligenter esse descripta: ut cum videlicet predicatur Deus esse Pater, & Filius, & Spiritus sanctus, eum summum bonum, atque in omnibus perfectum hac distinctione intelligamus. Patris quippe nomine diuina maiestatis potentia designatur, qua quicquid vult efficere potest: Filij seu Verbi appellatione sapientia Dei significatur, qua scilicet cuncta discernere valet, ne in ullo decipi queat: sancti verò Spiritus vocabulo charitas ejus seu benignitas exprimitur, qua optimè vult cuncta fieri, siue disponi.* Vnde & alibi manifestius dicit. *Notandum, quod ista tria nomina, Pater, & Filius, & Spiritus sanctus, quamuis, sicut & alia nomina, de Deo improprie dicantur; tamen ad commendationem summi boni in descriptione ipsius conuenienter sunt apposita; per qua potentia Dei designatur, & sapientia, & benignitas. Si enim, ait, omnipotens esset, & non omnis sapiens, summè bonus non esset: iterum si benignus non esset, ejus potentia perniciofa & inutilis esset.* O quam longè est hæc sententia ab eo, vbi hoc est posse, quod sapere: sapere, quod benignum esse: & hoc totum, quod esse. Omitto hic friuola de Deo & inepta verba, & insulas de summi boni essentia dictiones vsq; ad impatientiam verberantes aures meas: scilicet ideo habendam esse Deo sapientiam, hoc est filium generandum, ne in aliquo decipi queat: ideo habendam benignitatem, hoc est Spiritum sanctum, ne pernitiola sit potentia ejus siue sapientia: tamquam hoc non esset habendum, si illud non esset cauendum. Omitto etiam, quod ibi dicit, quasi ex autoritate B. Augustini, non esse Deum omnipotentem: scilicet quia non potest, nisi ea tantum quæ vult: quod breuitatis causa prætermisimus. Hæc inquam omnia omitto,

quæ verba sunt, & verbis ad ea occurrere facile est; ad causam veniamus. Dicit nomina Patris & Filij & Spiritus sancti impropria esse in Deo; sed in descriptione summi boni ad commendationem apposita. Poterat autem simpliciter accipi, de qua dicit, summi boni descriptio: nisi in ipso statim exordio narrationis ex descriptione partium in vnitatis diuinæ essentia videremus exoriri scandalum diuisionis. Ipse enim illud summè ac singulariter vnum statim in descriptionis suæ exordio diffecat in tria; in majus, & in minus, & minimum: sicut in sequentibus melius apparebit. Propter quod dicimus, quoniam cum in nomine Patris & Filij & Spiritus sancti à Catholicis Patribus diuinitas prædicatur; fidei est hæc professio, non diuinitatis descriptio. Quæ si posset describi, posset & circumscribi. Sicut enim quod describitur, per partes suas describitur: sic quod circumscribitur, utique per totum suum. Nempe vbi constat esse partes ad describendum: necesse est etiam, esse totum ad circumscribendum. Nam etsi spiritualis substantia sit: pro corporeis partibus & localibus dimensionibus, habet spiritualis naturæ qualitates: quæ certè sicut suo queunt modo discerni ad describendum, sic suo queunt modo comprehendere, ad circumscribendum. Horum verò omnium natura illa expers est, vbi mera simplicitas, & simplex vnitatis est id ipsum: non habens partes per quas describatur: non qualitates quibus discernatur. Tres sunt, sed vnum; vnum in tribus, totum in singulis: si tamen totum ibi est, vbi pars non est: si tantum, vbi neque quantitas neque qualitas est. In tribus nullus alterum includit, nullus alterum excludit: sed, sicut dictum est, tres sunt, & vnum sunt: vnus Deus, vna essentia; vbi, sicut supra dictum est, hoc est posse, quod sapere; sapere, quod velle; & hoc totum, quod esse. Nec, sicut dicit, sunt apposita ab homine, siue per hominem, tria hæc tria nomina distincta personarum in Deo ad commendationem; siue adhibita ad summi boni particularè descriptionem, siue perfectionem: sed sunt in Deo verè, & naturaliter, & æternaliter: annuntiata verò sunt hominibus, ut cum auditum fuerit vnū in tribus, tres in vno, si quis aliquid ibi putauerit describendum, siue circumscribendum; vnitatis non vsque ad solitudinem, Trinitas non vsq; ad diuisionem, omnem compescat & absterreat humanæ rationis conatū. Absit enim à fide Catholica, & prædicatione de Patre, & Filio, & Spiritu sancto, ut, sicut dicit novus hic magister, alter ibi in altero, siue ad alterum, summū bonū ali quatenus vel dicatur vel credatur perficere: cum ad omnem summi boni plenitudinem singulus quisque sibi ibi credendus sit sufficere. Absit, ut superabundet in tribus, quod in singulis plenum est: ut particulariter dispertiat, quod simplex & individuum vnum est: ut in solitudinem redigatur, quod Trinitas est: vbi quod alter est ex altero, vel alter ad alterum, non est dissipatio vnitatis, sed distinctio personarum: quia licet alter ibi verè prædicetur ad alterum, non tamen ibi est alterum & alterum, sed simplex vnū. Hoc de Deo cogitare, in nomine Patris, & Filij, & Spiritus sancti credentibus, sperantibus, amantibus, pium est; audire iucundum, familiare proloqui, ardenti fidei super omne quod desideratur desiderabile ad intelligendum: illuminato verò a-

Dei simplicitas.

Summi boni plenitudo in singulis personis diuinis

Greg. homi.  
27. in Eua.  
Ezech. 1.

Nomina cō  
munia tribu  
untur per  
sonas appro  
priat indita

Psal. 113.  
1. Cor. 1  
Rom. 5.

De nomina  
ad creatu  
ras relativa

Nomina re  
lativa perso  
narum ad  
inuicem.

2. Cor. 10.

ens fuerit aliquanta intelligentiæ experientia compertum. In huiusmodi etenim, sicut dicit B. Gregorius, *amor ipse intellectus est*. Non autē hoc modo nobis repræsentat illum, quem dicit Ezechiel, sonum sublimis Dei, pro nominibus Patris & Filij inducitur potentia, potentia discernēdi, de potentia tam gerendi quā discernendi, quasi quiddam ad totum: sicut noster Theologus dicit. Non quod sapius in Scripturis & in vſu loquendi, & consuetudine tractandi, Patri non adscribatur potentia, sapientia Filio, benignitas seu charitas Spiritui sancto: sed secundum rationem fidei & intellectum pietatis: ut semper & quantum ad omnipotentiam efficiendi, & quantum ad benignitatem miserendi, non tantum potens, sed & omnipotens intelligatur Pater, omnipotens Filius, omnipotens Spiritus sanctus; & tamen non tres omnipotentes, sed vnus omnipotens: sic etiam sapiens, vel, sicut ipse solet dicere, omnisapiens, & omnibeneignus, non solus Pater, sed & Filius, & Spiritus sanctus. Etenim dicitur de Deo Patre, quia *omnia quæcumque voluit fecit*, & dicit Apostolus *Christum Dei virtutem & Dei sapientiam*: & quia *Charitas Dei diffusa est in cordibus nostris, per Spiritum sanctum, qui datus est nobis*. Per quā etenim Trinitatis personam aliquid de Deo, siue in aliquo Deus potissimum hominibus innotuit, ipsam in eo ipso adorandam esse & diuinitas reuelauit; & homo consuevit: non autem solam exceptis alijs; sed sicut in hoc operantem, æquē & indifferenter cooperantibus alijs. Minus autem propriē huiusmodi nomina summæ & supereminētis essentiæ naturam designare videntur; quando cum huiusmodi additamento proferuntur, quibus Deus, non in eo quod ad semetipsum, sed in eo quod ad creaturam est, denominatur: videlicet cum dicitur potentia gerendi quæcūque vult, & discernendi, siue sapientia, hoc est potentia discernendi; quā, saltem cum absolute pronuntiantur; ut dicatur tantūmodo summa potentia diuina essentia, cui hoc est esse; & posse, quod sapere, quod benignum esse: si tamen pronuntiatur cum huiusmodi additamento creaturæ, videntur quasi non esse, nisi quasi respectu creaturæ: vel videntur esse ad creaturam, quasi qualitas quædam relativa. Nomina verò Patris, & Filij, & Spiritus sancti, propria ibi sunt, exprimentia rem, sicut supra dictum est, & vſitato modo cogitandi, & familiari vſu loquēdi: secundum veritatem generationis in veritate gignētis & geniti. Quibus cum adjicitur Deitas, ut dicatur Deus Pater, Deus Filius, Deus Spiritus sanctus: certissima fides naturalis in deitate vnitatis omnem perimit in veritate substantię pro Trinitate personarum suspensionem multitudinis, & multiplicatis, & diuisionis, & diuersitatis. Etenim tamen dicatur ad aliquid Pater, ad aliquid Filius, ad aliquid Spiritus sanctus; & ipse quippe Spiritus sanctus ad aliquid dicitur, in quantum donum Dei est: tamen quantum ad veritatem naturalis coessentiæ, extra naturalis vnitatis metas, nequaquam aliquem eorum aliqua defert relationis necessitas. Semper quippe prædicatur vnum, quamvis non vnus, Pater, & Filius, & Spiritus sanctus: & prædicatio huius veritatis ex ipsius veritatis autoritate, in obsequiū fidei & confessionis suæ captivū redigit omnem intellectum humanæ rationis. Contra hoc verò quod dicit, impropria esse in Deo nomina Pa-

tris, & Filij, & Spiritus sancti, tamquam aliud significantia, quā quod in nominibus ipsis sonat; hoc est contra Arrianos, Beatus Ambrosius in libro de Spiritu sancto dicit. *Audis Filium Dei: aut dele nomen, aut confitere naturam. Quid te questionum tormenta delectant? Mihilicet scire de filio Dei, quod natus est: non licet scire, quomodo natus est*. Item. *Nonsunt nuda hec nomina; sed operatricis virtutis indicia. Non enim ipse Pater qui Filius: sed inter Patrem & Filium generationis est expressa distinctio, ut ex Deo Deus intelligatur*. Virtus ergo operatrix, cuius indicia nomina illa sunt, generatio est incogitabilis: quæ solis ipsis cognita est, quibus eam nosse, hoc ipsum quod sunt, hoc est, generantem & genitum, Patrem & Filium esse, est. Propriū ergo, & propriē proprium Patris illius est paternitatis nomen: ex quo in omnibus, in quibus est, est cognomen: sicut Apostolus dicit. *Flecta genua mea ad Patrem Domini mei Iesu Christi: a quo omnis paternitas in cælo & in terra nominatur*. Ibi quippe nomina hæc nequaquā sicut in hominibus patre & filio sunt ex causa accidente accidentis genituræ: sed qui pater est siue filius, numquā non fuit Pater & Filius; semper Pater, semper Filius; non temporalis sempiternitate, sed sempiterna æternitate; non ex mutatione accidenti, sed ex natura incommutabili. Ne tamen amore veritatis videamur à veritate recedere; si impropria dixisset nomina Patris & Filij, propter mutuam ad alterutrum relationē: videlicet quia nominibus istis non tam quod sunt, quā quod ad inuicē sunt, designari videatur, non nihil dixisset. Ad quod tamen, quid ibidem beatus Ambrosius dicat contra eos, qui in natura diuinitatis Patris & Filij calumniabantur diuersitatem, audiamus. Cum, inquit, dico *genitum*, non proprietatem naturæ, sed significationem generationis expressi: sicut si dixerō *generaliter filium*, nec addam cuius, potest intelligi & filius hominis, & filius iniquitatis, vel fœtus pecudum, vel pulli columbarum: & ideo in appellatione filiorum non est expressio significata naturæ. Si verò naturam voluero designare, aut hominem nuncupabo, aut equum, aut anem: ut natura possit intelligi. Ita ergo, si naturam cupio designare diuinā, Deum verum debeo nominare. Cum autem filium dico, generatum significo: cum verò patrem, generasse declaro. Nomina ergo Patris & Filij impropria quidem sunt naturæ, sed propria genituræ, in veritate gignentis & geniti Patrem & Filium significantia. Quibus remotis nominibus, & abjudicatis, Theologus noster tamquam improprij, & rerum aliarum significatiuis; & sicut ipse dicit, Trinitatis reperta veritate, qua summi boni plenitudo perficitur, potentia scilicet in Deo gerendi, ac discernendi, & genitæ de ipsa sapientiæ, hoc est potentia discernendi, & benignitatis Dei; cum ipsam etiam generationem significativum quid esse velit in Deo, proponit ex potentijs ipsis & benignitate demonstrare, quid sit, quid significet, quod prædicatur in Deo generatio Filij de Patre, & processio Spiritus sancti de utroque. Sed primo de Patre & Filio tractandum est; deinde Spiritui sancto suus locus referuandus. Hoc enim ordine & ipsi incedendū esse videtur.

## CAPUT III.

PROPONIT ergo in vnitatis diuinæ essentiæ non tam distinctionem, sicut ipse promittit, quā destructionem Personarum: demonstrare volens ex his quæ de materia & forma, vel ad

Ephes. 3.

De Person  
Patris & Fi

Verba Abellardi.

similitudinem materię & formę dixerunt consistere Philosophi, seriem diuinę generationis; scilicet quid sit filium esse, vel genitum esse de Patre, dicit. *Sigillum areum est as ita formatum. Idem itaque essentialiter est ipsum as, quod materia arei sigilli, cum tamen in suis proprietatibus ita sint distincta, ut aliud sit proprium arei, aliud arei sigilli. Et quamvis idem sint essentialiter, sigillum tamen areum est ex are, non as ex areo sigillo; & as materia sigilli est, non sigillum arei.* Deinde aliquibus interpolitis subiungit. *Sicut ex are est areum sigillum, & ex ipso quodammodo generatur: ita ex ipsa Patris substantia Filius habet esse, & secundum hoc ex ipso genitus dicitur. Ut enim supra ostendimus, specialiter nomine Patris diuina potentia declaratur; sicut nomine Filij diuina sapientia. Est autem diuina sapientia, quadam, ut ita dicam, ipsius Dei potentia: quia videlicet ab omni fallacia vel errore sibi providere potest. Cum igitur sapientia quadam, ut dictum est, sit potentia, sicut areum sigillum est quoddam as; liquet profecto diuinam sapientiam ex diuina potentia esse suum habere: ad eam videlicet similitudinem, qua sigillum areum ex are dicitur esse, quod est eius materia: vel species ex genere, quod quasi materia speciei dicitur esse, ut animal hominis. Sicut enim ex eo quod est areum sigillum, exigit necessarium, ut as sit; & homo, ut animal sit, sed non e converso: ita diuina sapientia, qua est potentia discernendi, exigit quod sit diuina potentia, sed non e converso. Quippe sicut as tam ad areum sigillum quam ad alia se habet; & animal tam ad hominem quam ad alia; sic & diuina potentia tam ad discernendum quam ad operandum se habet. Et sicut areum sigillum de ipsa arei substantia vel essentia dicitur esse; cum esse videlicet areum sigillum sit esse as quoddam: & esse hominem, hoc est animal rationale mortale, sit esse animal quoddam: ita diuina sapientia de substantia diuina potentia dicitur esse; cum videlicet esse sapientiam, hoc est potentiam discernendi, sit esse potentiam quamdam. Et hoc est Filium de Patre esse; siue genitum esse; videlicet sicut species ex genere Philosophi dicunt gigni siue creari. Hęc est noua noui Theologi Theologia de Patre & Filio, sanctę Christianę fidei simplicitate alienis vestiens exuvijs reluctantē: & obscuriorē efficiens, dum nititur facere clariorē. Cum etenim in fide Trinitatis pro Patre & Filio producuntur nobis potentia gerendi ac discernendi, & de ea potentia gerendi potentia discernendi, tamquam filius de patre, species de genere, materiatur de materia; quasi cacophonon videtur ingerere aurib⁹ fidelium ipsa nouitas tam verborum quam sensuum, & bonorum euphoniā nominū amissā, ipsa quasi resilit ab intellectu: scilicet quia non suis agitur instrumentis, & cōmuni artificio subijci dedignatur diuina materia. Hęc inquam sunt verba, & iste est sensus magistri Petri de generatione Filij Dei: sic enarrat eam, quam inenarrabilem putabat, qui dicebat. *Generationem ejus quis enarrabit? Ex utero, ait Deus Pater, ante luciferum genui te.* Vterum illū homines Dei loquentes in spiritu Dei interpretari solebant imperscrutabile secretū Patris Dei: de quo ab æterno genitus est Filius Dei. Sed secretum illud jam secretum non est; quod humanis rationibus tam peruium factum est. Miror autem vehementer, hominem aliquid scientem, in essentia summę ac simplicissimę vnitatis gen⁹ & species, quę non nisi ex differentibus prædicantur; siue materiam & materiatur, quę suo*

similiter modo à se disparantur, producere: cū natura illa non nisi simplex vnum sit; nec nisi ex semetipsa & propter semetipsam sit; nec vlla ei nisi ipsa sibi, & causa & ratio sit, ut sit: sed quicquid est, ex seipsa, & in seipsa, & per seipsam, ipsa sit sibi. Miror etiam vehementer, cū in hac ipsa Theologia sua bene & catholicē sæpe prædicet homouision Trinitatem; Filium per omnia similem Patri & consubstantialē; quid sibi velit hæc arei & arei sigilli similitudo; quę per omnia ad hoc videtur niti, ut inter Patrem & Filium inæqualitatis appareat dissimilitudo. Quid enim aliud agit, cū dicit, quia sicut ex eo quod areum est sigillum, exigit necessarium ut as sit; & homo, ex eo quod est homo, ut animal sit; sed non e converso: ita diuina sapientia, quę est potentia discernendi, exigit quod sit diuina potentia; sed non e converso? Quid enim, non e converso? Scilicet, sicut omne areum sigillū est as, sed quoddam; sic sapientia, quę est potentia discernendi, est potentia, sed quoddam. Et sicut non convertitur, ut omne as areum sigillum sit, cū sigillum non sit, nisi as quoddam: sic non convertitur, ut omnis potētia sapientia sit, cū sapientia non sit nisi potentia quoddam. Quod est dicere, quia sicut omne as in areo sigillo nō expenditur; sic in sapientia non omnis inesse potētia intelligitur. In promptu ergo est videre in areo sigillo adductę similitudinis dissimilitudinem: in fusili opere multorum inconuenientium confusionem, & sensum alienum, in loco non suo sedem sibi quærentem, nec inuenientē. Si enim ad areū sigillum & as comparamus sapientiam diuinam & potentiam; scilicet ut hoc sit illa sapientia ad illam potentiam, quod est areum sigillum ad as: o Israël, jam Dominus Deus vnus non est, in quo majus & minus est, scilicet ejusmodi potentia ad potentiam, Filius ad Patrem, cuiusmodi est ad totum as; as quoddam, ad genus suum animal quoddam; pars ad totum, materiatur ad materiam. Hoc enim est, quod dicit; quia cū sapientia sit quoddam potentia, sicut areum sigillum est as quoddam; liquet profecto diuinam sapientiam ex diuina potentia esse suum habere; ad eam videlicet similitudinem, qua sigillum areum ex are esse dicitur, quod est ejus materia, vel species ex genere, quod quasi materia speciei dicitur. Quippe, inquit, sicut as tam ad areū sigillum, quam ad alia se habet; & animal tam ad hominem, quam ad alia; sic & diuina potentia tam ad operandum quam ad discernendum se habet: ut subaudiamus, quod nō habet sapientia, quę non est nisi quoddam potētia, videlicet discernendi. Ditiore ergo est Pater potentia, quam Filius sapientia, qui dicit. *Omnia quę habet Pater, mea sunt.* Deinde docens quid sit, quod significet generatio illa filij de Patre, & ipsam quippe significatiuam potius quam realem, astuere nititur; sicut ipsa nomina gignētis & geniti, hoc est Patris & Filij, subsequitur & dicit. *Sicut areum sigillum de ipsa arei substantia vel essentia dicitur esse, cum esse videlicet areum sigillum sit esse as quoddam; & esse hominem, hoc est animal rationale mortale, sit esse animal quoddam: ita diuina sapientia de substantia diuina potentia dicitur esse: cum videlicet esse sapientiam, hoc est, potentiam discernendi, sit esse potentiam quamdam.* Deinde quasi concludit, sed ex in concessis, & dicit. *Et hoc est Filium de substantia Patris esse, siue genitū esse, sicut dicunt Philosophi, species ex genere*

Quid elicimur ex verbis Abellardi.

Ioann. 15.

Isaia 53.  
Psalm. 109.  
Quid sit vterus Dei, secundum Patrem.

Verba Abellardi.

origines

Doctrina  
Aba. partii  
Sabelliana,  
partii Arri-  
ana.

Act. 17.

Ioann. 10.

gigni, sine creati. Ex his omnibus quid iudicent alij, viderint ipsi: sed nobis videtur, quoniam quod substantes & plenas Personas, quas Græci hypostasas vocant, coæquales sibi per omnia, & consimiles, & consubstantiales, in potentiam & semipotentiam extenuare nititur; quantum ad destructionem Personarum Sabellianum est; quantum ad dissimilitudinem & imparitatem, hoc in sententiam Arrij pedibus ire est. Sed hæreses istæ antiquæ & vetustissimæ veterum sunt. Quoddam homo dialecticus sic agit de Deo Patre ac Filio, sicut de materia & materiato; cum huiusmodi omnia longè ab illa substantia sint; & quoddam Filium ex Patre, quasi speciem prædicat ex genere, hæc noua hæresis prorsus & propria ejus est: & in hoc, sicut de paulo dicebant Athenienses, ipse, ut mitius loquamur, nonorum deorum annuntiator apparuit in mundo. Vbi enim jam Trinitas Deus? Vbi personæ gignentis & geniti, & ab utroque procedentis? Vbi vnitas, de qua dicit veritas, *Ego & Pater vnum sumus*? Etenim destructio personatum, destruit in Deo Trinitatem: dissimilitudo majoris & minoris vnitatem. Deus scientiarum, iudex conscientiarum, tu scis, tu vides, quod mallet me in verbis ejus errare, quam ipsum in fide: sed de verbis ejus, nisi alius me doceat, meo sensu saniores intellectum nequeo eliquare.

## CAPVT III.

De Persona  
Spiritus sancti.

Verba Aba.

**I**AM ad Spiritum sanctum veniamus; quin potius ipse veniat in nos, nec de se aliena nos sapere patiatur: sed per omnia nos faciat consentire veritati spiritus veritatis. De quo plurima quæ dicit utinam non diceret: utinam saltem contra semetipsum non scriberet. In eis siquidem quæ præmissa sunt, tametsi dicat sæpe quod offendit: tamen aliud & aliud dicendo, dat quodammodo intelligi, non se ex diffinitio dicere, quod dicit. Hic autem absque omni velamento simulationis tam liberè currit sententia, ut omnino etiã defendere velle videatur, quod dicit. Dicit ergo. *Spiritus quasi à spirando dictus. Vnde & veritas dicit. Spiritus ubi vult spirat. Et Propheta conuenienti metaphora spiritum Domini distinguens, spiritum oris ejus ipsum appellat; ideoque ipso nomine suo procedere ex Deo Patre & Filio, potius quam gigni, declaratur. Benignitas quippe ipsa, quæ hoc nomine declaratur, non est in Deo potentia sine sapientia; cum videlicet ipsum benignum esse, non sit in aliquo potentem esse, siue sapientem: sed hæc ejus bonitas magis secundum ipsum charitatis affectum, siue effectum, accipienda est. Charitas autem, teste beato Gregorio, minus quam inter duos haberi non potest. Nemo enim, ait, ad semetipsum habere charitatem dicitur: sed dilectione se in alterum extendit, ut charitas esse possit. Procedere ergo Dei est, sese in aliquam rem per affectum charitatis quodammodo extendere: ut eam videlicet diligat, ac se ei per amorem conjungat. Cum itaque tam Filius quam Spiritus sanctus ex Patre sit, hic quidem genitus, ille procedens: differt in eo processio à generatione, quod is qui generatur, ex ipsa Patris substantia est: cum ipsa, ut dictum est, sapientia ipsum esse habeat, ut sit quodam potentia: ipse verò charitatis affectus magis ad benignitatem animi, quam ad potentiam attineat. Vnde bene sapientia ex potentia, Filius ex Patre esse dicitur, hoc est, ex ipsa Patris substantia esse: Spiritus verò, quamvis ejusdem sit substantia cum Patre & Filio, etiam Trinitas ipsa homousion, id est unius sub-*

stantia prædicatur, minime tamen est ex substantia Patris & Filij, quod esset ipsum ex Patre Filioque gigni: sed magis ab ipsis habet procedere; quod est Deum se per charitatem ad alterum extendere quodammodo. Nemo enim sibi ipsi benignus esse potest, sed alteri. Tunc verò Deus qui nullius indiget, in se per benignitatem remaneret; si sibi benignus esse posset, aliquod sibi beneficium impendendo. Hæc est Theologia magistri Petri de Spiritu sancto; hoc de eo prædicat, & utinam non contra eum. Ad libitum suum summæ sibi essentia format effigiem: à formâ verò fidei ab Apostolis tradita, à Spiritu sancto per ipsos formatâ, & omnibus commendatâ fidelibus, aufert quæ vult, apponit quæ vult, noua faciens omnia: noua verba, noua dogmata; quorum non nisi ipse sibi author est. Cauendum autem, quod quasi improprijs sublati de fide sacris nominibus Patris & Filij & Spiritus sancti, credentes sibi primò irretire nitentur ratione nominum aliorum: quorum quasi rationabili consequentia inducat eos in nouitatem sensuum suorum. Si enim secundum regulas & formam fidei, & Evangelicam & Apostolicam disciplinam, agatur de Patre, & Filio, & Spiritu sancto, quæ nobis nomina ipsa veritas dictauit cum dixit; *Baptizantes in nomine Patris & Filij, & Spiritus sancti*: repente in diuina essentia fides & intellectus vnitatis vno veritatis radio dissipat omnem hanc vnde cumque collectam caliginem erroris. Sicut enim jam supra dictum est, cum prædicamus Patrem, & Filium, & Spiritum sanctum, exprimimus veritatem Trinitatis: cum verò adjicimus, Deus Pater, Deus Filius, Deus Spiritus sanctus, fides indubitata deitatis format in cordibus nostris veritatem summæ & indiuiduæ vnitatis. Nolo ergo recedere à nomine bono, in quo baptizatus sum, in quo Christianus sum designatus: nec prorsus loqui scio de Deo, siue audire, siue intelligere aliquid, nisi in nomine Patris, & Filij, & Spiritus sancti. De potentia verò in Deo, siue sapientia, siue benignitate, hoc solum credo & certus sum; quod omnipotens Deus Pater, omnipotens Filius, omnipotens Spiritus sanctus: & sicut ipse dicere solet, omnisapiens Pater, omnisapiens Filius, omnisapiens Spiritus sanctus: omnibeneignus Pater, omnibeneignus Filius, omnibeneignus Spiritus sanctus: & hi tres vnum sunt; vnus potens, vnus sapiens, vnus bonus Deus, qui est benedictus in sæcula. De semipotentia verò in Deo, quam ipse dicit esse in Filio; & nulla potentia, quam prædicat in Spiritu sancto; tam procul semper sit, quod dicit, à corde meo, quam procul esse constat ab omnipotente Deo. Ut ergo ad ea quæ dicit de Spiritu sancto respondeamus, quod ipse dederit Spiritus sanctus, primo de ipso ejus nomine dicamus. Spiritus, ait, sanctus à spirando dictus est. Vnde & Dominus dicit. Spiritus ubi vult spirat. Et Propheta congruente metaphora spiritum Domini distinguens, spiritum eum oris Domini appellat dicens. Et spiritu oris ejus omnis virtus eorum. Nos ergo dicimus, quod à Patribus accepimus scilicet quod à subtiliori natura & digniori Deo spiritus dictus est, dicente Domino. Deus spiritus est. Cum ergo Pater etiam sit spiritus, & sanctus; Filius quoque spiritus, & sanctus: oportuit censerī aliquo nomine, quod commune esset amborum, ipsum, qui communis est, & communitas est amborum; & commune amborum, quicquid commune est eorum; charitas, amplexus, & of-

Negat Spiritum esse ex substantia Patris &amp; Filij.

Nomina Patris &amp;c. ciset in Deo esse impropria

Matt. 28.

Verba Aba.

Ioann. 4.

Aug de Fi-  
de & Sym-  
bol. c. 9.

Eccl. 24.  
Ioann. 8.

Verba Aba.

culum, bonitas, suauitas, & gaudium: & ut totum concludam, diuinitas amborum. Quod nō ego ex me; sed beat⁹ Augustinus hoc dicit. *Deus etiam, inquit, Spiritus est. Nondixit, Spiritus Dei est: sed Deus Spiritus: ut ipsa deitas Patris & Filij hoc loco dictus sit Deus, quod est Spiritus sanctus.* Congrua verò illa metaphora oris Domini non tam, sicut dicit, valet ad distinguendum inter natiuitatem illam ac processionem; quam ad declarandam omnimodam earum similitudinem. Cujus enim oris & legitur & intelligitur esse Spiritus Domini, ejusdem & Verbum Dei, ejusdem sapientia Dei, quæ dicit. *Ego ex ore altissimi prodij.* De processione verò, ego, inquit Filius, processit à Patre, & veni. Sequitur Theologus, & dicit. *Benignitas quæ Spiritus sancti nomine declaratur, non est in Deo potentia, siue sapientia, cum videlicet ipsum benignum esse, non sit in aliquo potentem esse siue sapientem.* Vbi miror, quomodo magis sapientia intelligenda sit potentia discernendi; quam benignitas potentia bene volendi. Esto tamen, ipsum ipsius sensum prosequamur, & inueniemus, quoniam sicut satis superius clauit, quemadmodum & dissimilitudine essentia & inæqualitate potentia dissimilem & inæqualem Patri constituit Filium; simili modo, vel potius vastiori dissimilitudinis intervallo diuidit à Patre & Filio Spiritum sanctum. Cum enim dicit, quia benignitas Dei, quæ Sancti Spiritus nomine declaratur, non sit in Deo potentia aliqua, sicut ad plenam potentiam quæ Pater est, Filius quædam potentia est: quid hoc est dicere, nisi quod Filius quidem ejusdem cum Patre substantia sit quodammodo; quod Spiritus sanctus non est vlllo modo; qui non potentia, sed benignitas est? Patris enim substantia potentia tam gerendi, quam discernendi est; cui Filius sapientia, hoc est potentia discernendi, sicut semipotentia ad potentiam, licet manca quadam beatitudine, tamen vtrunque consubstantialis est. Sanctus verò Spiritus cum nulla prorsus potentia sit, à diuinæ gloria consubstantialitatis penitus alienus est. Vnde etiam sequitur & dicit, *Sed hæc ejus bonitas magis secundum ipsum charitatis affectum siue effectum, accipienda est.* Hoc est dicere. Quia processio Spiritus sancti, siue pot⁹ Dei, qua secundum suæ charitatis affectum, qui Spiritus sanctus est, in creaturam suam procedit De⁹, non tam substantialis est, quam affectualis. Inde est quod sequitur. *Charitas autē, teste beato Gregorio, minus quam inter duos haberi nō potest. Nemo enim, inquit, ad semetipsum charitatem habere dicitur: sed dilectione se in alterum extendit; ut charitas esse possit. Procedere ergo Dei est se in aliquam rem per affectu charitatis quodammodo extendere: ut eam diligat, ac se ei per amorem coniungat.* Et post pauca. *Nemo, inquit, sibi ipsi benignus esse potest, sed alteri. Tunc verò Deus, qui nullius indiget, in se per benignitatem remaneret; si sibi benignus esse posset, aliquod sibi beneficium impendendo.* Hic Theologus noster palam omnibus est, quomodo carnem potius sapiat quam spiritum, hominem quam Deum. Moueri enim affectu, siue in aliquid extendi, quam inconueniens sit incommutabili Deo, luce clarius est. Quod verò Spiritum sanctum quasi definiens, benignitas Dei in creaturas, siue affectum, dicit: si Spiritus sanctus affectus seu benignitas Dei in creaturas est; non jam tā tertia in Trinitate persona, quam qualitas quædam Dei est: sicut de Filio Dei sa-

pientia Dei dicit beatus Augustinus. *Si, inquit, Deus Pater ex ea sapientia, quam ipse genuit, sapiens est; filius qualitas ejus est, non proles.* Saper quo, quod beatus Gregorius de charitate videlicet proximi, hominis ad hominem dicit, ipse ad Deum transfert: quasi ex hoc probans, quod charitatem Deus ad semetipsum, siue in semetipso non habeat; nec charitas Dei charitas sit, nisi per eam in aliud aliquid Deus se extendat. Sed inspectum in semetipso summum bonum intelligendum se præbet piè quærentibus, non tam secundum affectum quem ad creaturas habeat, ipsum esse, seu dici, bonum siue benignum, quam secundum semetipsum: cum Deus bonum omnium bonorum, remotis etiam vel non existentibus omnibus bonis, qui ex eo boni, siue quæ ex eo bona sunt, non tamen intelligendum sit in semetipso min⁹ esse bonum, hoc est, min⁹ esse quod est: siue etiam potentiam, siue sapientiam, siue benignitatem. Nam neque in hominibus quemquam arbitror in alterum posse esse bonum siue benignum; quem non primò in semetipso secundum bonæ mentis statum constiterit esse bonum. Maxime verò in Deo charitas siue bonitas, non in eo quod procedit in creaturam, est: sed procedit in creaturam, ex eo, siue in eo, quod est. Quod dicit, Deum ad creaturam se extendere quodammodo, hoc de Deo nullo cogitandum est modo, qui in omni sua creatura est potius suo modo, quo scilicet modo sicut Deus ubique est. Quod dicit, *quia charitas Dei in alium tendit, ut charitas esse possit, nec potest Deus diligere semetipsum:* nos dicimus cum multimoda sanctarum autoritate Scripturarū, & secundum ipsam fidei rationem, quia nusquam Deus diligendo se extendit, qui non diligit nisi semetipsum. Et cum se diligit, hoc est, est quod est: quoniam sicut ipse suum bonum, sic ipse sibi sua dilectio est. Cum autem diligit hominem, hoc est, dignum eum efficit, cui infundat dilectionem suam Spiritum sanctum: ut de ipso & in ipso homine Deus rectissime & misericordissime diligat semetipsum. In quo cum Spiritus hominis Spiritui sancto afficitur; vnus cum eo spiritus efficitur, & in eo ipso quod diligitur, diligit: quia cum Deus in homine diligit se; hoc est quod hominem diligit in se: hoc est quod homo diligit Deum; & quod homo in Deo est, & Deus in homine. In quo nequaquam Deus homini, sed homo Deo afficitur; cum sicut dicit Apostolus, in hoc à Deo efficitur. *Qui enim, ait Apostolus, in hoc ipsum nos efficit Deus.* Non ergo Deus procedendo extenditur ad hominem per benignitatis affectum, id est per Spiritum sanctum: sed bene affectus homo in Spiritu sancto colligitur & assumitur ad Deum: & fit quod legitur. *Quia Domini est assumptio nostra.* Sicut enim Verbum Dei Patris non est prolatum, sed natum, ut sit qui est Filius: sic non recedit, cū procedit, qui est Spiritus sanctus. Semper quippe Filius in Patre est, de quo nascendo est; semper Spiritus sanctus in Patre & Filio, de quibus procedendo est. Sunt in Patre Filius & Spiritus sanctus, in quantum quod ille est, & ipsi sunt: sunt de Patre, alter nascendo, alter procedendo, in quantum à Patre habent esse quod sunt; est Pater in vtroque, in quantum hoc est, quod illi sunt. Hic humiliter ei erat petendum, ut acciperet; quærendum piè, ut inueniret: pulsandum, ut aperiretur ei. Ipse verò transiit; & quasi

Lib. 6. de Trin.  
Greg. hom. 17. in Eua.  
de dilectio-  
ne humana  
loquitur,  
non de diuina.

2. Cor. 5.

Psal. 88.



ex sententia diffinit, ac dicit. *Procedere Dei est sese in aliquam rem per affectum charitatis extendere.* Non ergo est processio Spiritus sancti, sed Dei; qua agit Deus in creaturam per affectum charitatis suæ, hoc est per Spiritum sanctum. Non ergo est, cui de Patre ac Filio procedere, esse est; quia non ipse à Patre & Filio, sed potius per eum ipsi procedunt in creaturam: & sicut jam supra dictum est, Spiritus sanctus non tam tertia jam in Trinitate persona, quam qualitas quædā habitusve Dei ad creaturam est. Amplius. Si processio Dei, siue etiam Spiritus sancti, sicut ab eo diffinitum est, in creaturam tantummodo est; remotā ergo creaturā processio non est: & plurimum bonorum nostrorum eget ut sit, cui procedere esse est. Cogitari autem potest, creaturā non esse, quæ aliquando non fuit; & in arbitrio conditoris est, quamdiu sit: cogitare verò Spiritum sanctum non procedere, hoc est esse; prima fronte blasphemum est. Sed est utique; & hæc processio, qua procedit Deus per Spiritum sanctum in creaturam; est autem in Deo non secundum affectus, sed secundum effectus, quibus fit in creaturam, ut sit scilicet creatura ipsa, siue ut bene sit: quia causali bonitate ab æterno in ea processione vita est, qua Spiritus sanctus à Patre procedit & Filio, & procedendo Spiritus sanctus est. Est autem ibi præscientiæ virtute, & gratiæ prædestinationis: fit autem in tempore in creaturam, cum Spiritus sanctus ubi & quando vult spirat. Est enim processio in Deo altera naturæ, altera gratiæ. Quæ naturæ est, æterna ibi est; & propria eius est, cui semper à Patre & Filio procedere est, etsi nulla sit omnino creatura: quæ verò gratiæ est, & ipsa ibi sicut dictum est, æterna est, & communis totius Trinitatis est: fit autem per Spiritum sanctum, non quasi per affectum, sed cum secundum effectus suos modo quo supra dictum est, bonitas Dei se exhibet in creatura. Illa est Spiritus sancti propria de Patre & Filio: ista fit per Spiritum sanctum cooperante Patre ac Filio. Illa siquidem Deus est: hæc autem mirificū Dei opus est. Deinde in eis quæ sequuntur, quando arguitur, & queritur ab eo, unde hoc habeat, quod cum Spiritum sanctum pariter nobiscū de Patre & Filio procedere, confiteatur; adjicit, *sed non ex ipsa eius substantia*: querit & ipse vicissim, unde habeam? & nos, quod ex ipsa eorum substantia eum procedere prædicamus. Utique ex eo, quod tā nos quā ipse, eum ex Patre & Filio procedere confiteamur. Etenim procedere ex ipsis quid est, nisi procedere ex eo quod sunt? Quid enim sunt? Deus. Procedit ergo Deus de Deo, Spiritus sanctus de Patre & Filio, unus cum eis Deus. Utique, ait, sed non ex ipsa eorum substantia. Et recurrens ad philosophicum præsidium suum, tria, inquit, sunt in æreo sigillo, æs, sigillum, hoc est sigillabile, quasi aptum ad sigillandum, & sigillans. Sigillum autem ex ære est, ex ipsa æris substantia: videlicet quia ut sigillum sit, necesse est in hoc assumi ex ære æris quiddam. Sigillans verò ex ære & æreo sigillo procedit, & ab utroque habere esse, sed non ex ipsa eorum substantia; ex qua scilicet nihil assumitur, ut sigillans sit. Sic, inquit, Spiritus sanctus à Patre & Filio est: verumtamen non ex ipsa eorum substantia est, vel procedit. Scilicet sicut assumitur ex ære, ex ipsa æris substantia, æs quoddā, ut suo modo formatum sigillum sit; sic de potentia Dei est sapientia tam gerendi quā discernē-

*Non esset processio in Deo, si non esset creatura, secundum Abailardū.*

*Verba Abailardi.*

di, ut nativitas in Deo sit, ut Filius sit de Patre, ut genitus sit. Hoc enim, ait, gigni est, esse de ipsa gignentis substantia. Et hoc est, esse de ipsa gignentis substantia; esse de toto quiddam. Sicut ergo æreum sigillū est de toto ære æs quoddam; sic est de potentia sapientia, hoc est potentia quædam. Hoc ergo quia Spiritus sanctus non habet, nec inter potentias Dei meretur adscribi; sicut dicit Theologus noster; quia benignitas Dei, inquit, nulla potentia est. Nec est, ait, de ipsa substantia Patris, quod esset Filium esse, & de Patre gigni: sed secundum propheticam illam metaphoram, de qua supra dictum est, procedit ex ore Dei. Vbi si requisitus, quod sit illud os, quæ sit illa processio, de quo Spiritui sancto procedere, est esse quod est, ignorare se dixerit, facile ei ignoscendum est. Verum, quodcumque sit illud os, quæcumque illa processio, ex quo, vel per quam uterque procedit, & habet uterque, tam Filius quā Spiritus sanctus esse quod est; sicut ex Scripturis jam Prophetis manifestum factum est: certè in utroque; & ore scilicet & processione, identitas nominum omnimodam exprimit similitudinem rerum, natiuitatis scilicet Filij, & processionis Spiritus sancti. Quæ utraq; cum Scriptura ex eodem ore Domini altissimi eodem processionis nomine esse perhibeat; tanta sibi similitudine confœderantur, ut sicut dicit beatus Augustinus, cum uterque à Patre procedat, insolubilis in hac vita quæstio sit, cur non uterque Filius dicatur. Quod autem alter Filius sit, alter Spiritus sanctus: ipse Dominus in mundo manifestavit dicens. *Pater diligit Filium.* Et alibi. *Spiritus qui à Patre procedit.* Uterque etiā, sicut jam sæpe dictum est, & procedere, & ex eodem ore procedere perhibetur. Porro natiuitatem Filij determinans beatus Augustinus, sicut homo potuit, dicit. *Erat filius atque est, quia ab eo est, qui id quod est, semper est. Ab eo autem hoc esse, hoc est à Patre, quod est, natiuitas est. Esse autem semper, ab eo qui est semper, æternitas.* Quod etiam exceptis nominibus natiuitatis & processionis, similiter de Spiritu sancto prædicandum esse, palam est: ut dicamus. Erat Spiritus sanctus atque est, quia ab eo est, qui id quod est semper est. Ab eo autem Spiritui sancto esse, quod est, hoc est à patre: processio est. Esse autem semper, ab eo qui est semper, æternitas est. Unde etiam legimus, quia Arriani, cum olim principibus huius sæculi patrocinantibus siue fauentibus, Orthodoxorum fidei insultarent, de eo quod Filium natum de substantia Patris prædicarent, urgebant dicentes. Si de Deo natus est, de intra Deum. Si de intra Deum non est, de Deo nō est. At contrā Orthodoxi dicebant. Absit. Illa enim natura neque extra neque intra habet: neque fides Catholica hoc habet. Sed credimus, propter quod & loquimur, Filium genitum de patre: hoc est, Filium hoc esse, quod Pater est, & à Patre nascendo habere hoc, quod est. Quod exceptis nominibus, de quibus supra dictum est, Filij scilicet atque natiuitatis, quis etiam in Spiritu sancto dubitet esse prædicandum: ut dicamus similiter Spiritum sanctum procedere à Patre: hoc est, Spiritum sanctum hoc esse, quod Pater est, & procedendo habere à Patre hoc quod est? Et hoc est quod credimus & confitemur: Filium ex patre esse, siue genitum esse ex ipsa eius substantia: anathema etiam dicimus ei, quicumque ille est, qui negauerit Spiritum sanctum

*Ion. 3. & 15*

similiter à patre esse, siue procedere, hoc est ex eius substantia. Vnde etiam beatus Augustinus in libro de Trinitate in toto illo prolixo opere, quod, sicut ipse dicit, iuuenis incœpit, senex edidit, in eo quod novus hic Theologus inuenisse se gloriatur, queritur intellectui suo numquam se sufficiens potuisse inuenire eloquium: ipsumque intellectum suum conatum in hoc semper potius habuisse, quam effectum: scilicet ad discernendum, in quo generatio illa & processio differant: cum vtraque à Patre sit. Nam processio Spiritus sancti, quæ esse prædicatur & à Patre & à Filio, sicut dicit idem Doctor à patre quidè principaliter est, à quo etiam hoc habet Filius nascendo, quod Spiritus ipse Sanctus procedendo ab ipso est: ut sit vtriusque donum Spiritus sanctus, non conditione doni & dominantium, sed cõcordia doni & donantium. Propter quod dicit idem præfatus Doctor, inter illam natiuitatem & illam processionem tantam esse similitudinem, ut à nullo hominum in hac vita æstimet inueniri posse certam earum, siqua est, dissimilitudinem: sed in futuro, ait, *vid. bitur ab eis qui digni erunt: mente contemplante, quod videri hic non potest, ratiocinante.* Dicendum ergo est magistro Petro; quia sicut cum talibus aliqua ignorare valde tutum est: sic in eiusmodi inueniendis tales velle præcedere, vanū nimis & periculosum est. Dicendum ei, quia non frustra tantopere à Sanctis Patribus natiuitas illa & processio similes esse prædicatæ sunt: sed quia secundum modum tam nascendi quā procedendi consimiles sunt. Quod autem videtur esse aliqua in nominibus ipsis dissimilitudo: cum necdum placuerit Deo reuelare in mundo, cur vel quomodo hoc sit: patiatur hoc interim solos eos hoc scire, quib⁹ hoc perfectè scire, esse est. Quod verò, sicut iam supra dictum est, queritur nusquam inueniri Spiritum sanctum procedere à Patre & Filio ex ipsa eorum substantia: nos dicimus, nusquam potius inueniri, non procedere. Procedere enim ex eis, quid est: nisi ex eo quod sunt? Quin potius procedere Spiritum sanctum à Patre & Filio cum dicitur, propria locutio est: cum verò dicitur procedere Spiritum sanctum à Patre & Filio, & additur, ex ipsa eorum substantia, iam figuratiua locutio est. Patiatur ergo, obsecro, Spiritum sanctum suam, id est, plenam & parem cum Filio ad Patrē Deum habere cognitionem: à qua minùs philosophico præiudicio eum proscripsit, dicens & scribens, *Filiū tantā ad Patrē esse cognationis, ut non solum ex eo sit, & ex eo genitus sit: sed etiam ex ipsa eius substantia: Sanctus verò Spiritus ex eo sit, & ex ipso procedat, sed non ex ipsa eius substantia.*

CAPVT V.

**S**PIRITUS sancti non est furor eius auersus; sed adhuc manus eius extenta. Dicit enim animum esse Deum, secundum Catonem: Spiritum sanctum animā esse mundi, secundum Platonem. Quod miror quo spiritu ipse dicat de Spiritu sancto, quā presumptione, quā fiducia, tantā, tam insolitam & inaudita rem de Deo dicere, siue scribere præsumat: cum à nullo hoc penitus authore habeat, nisi à semetipso, nec ab ipso Platone, quem in hoc præcipue se habere authorē gloriatur. Bene, inquit, cum animal esse mundum Plato dixerit, ipsum quoque intelligentem, hoc est rationale animal, esse perhibuit: secundum hoc scilicet,

quod eius anima quanto cæteris præstatiores existit, tanto rationabilius in eo cuncta agit ac disponit: quippe penes quam, sicut penes Deum, sunt causæ omnium quæ proueniunt, & diuina ei omnium naturarum prouidentia assignatur: in qua omnia quæ facta sunt, vita sunt, etiam quæ mala sunt, quæ optimè per bonitatem eius disponuntur. Mundum autem dicit, quidquid intra se prouidentia conditoris includit: hoc est omnem omnino creaturā. De hoc ergo mundo adstruere nititur novus Platonius ex auctoritate Platonis, quoniam præter sensuum instrumenta, quæ cum habere non necesse sit, cum nulla extra remaneant, ad quæ ista habeat oportunitatem aliquam, per Spiritum sanctum vniuersa vis animæ in eo consummetur. Addit adhuc multa: quæ cum ex Scripturis sanctis non habeant auctoritatem, & in regulis fidei nullā possint habere rationem: ex hoc ipso faciliora nobis sunt ad reprobandum. Sed sensum hunc de anima mundi legimus iam olim à Beato Augustino reprobatum: qui forsitan expertus aliquem talia sentientem, dicit, cum de origine animæ tractaret, in libro super Genesin ad literā.

Quod inquit, scriptum est, quia sufflauit Deus in faciem hominis flatum vite: de subiecta sibi creatura fecisse Deus animam intelligendus est, in eo quod sufflasse dictus est. Si ergo diceremus Deum tanquam corporei huius mundi animam, cum ipse mundus esset tanquam corpus vnius animantis, rectè non eum diceremus sufflando fecisse animam hominis nisi corpoream, de isto aëre subjacente sibi ex corpore suo. Nunc verò quia non tantummodo mundi corpus Deo esse subditum dicimus: sed illam solum esse supra omnem creaturam, siue corporalem, siue spirituales: nec de ipso, nec de corporeis elementis credendus est animā fecisse sufflando. Item. Fortasse ex aëre est anima. Huic enim elemento flatus competit. Sed noster non Dei. Vnde supra diximus, hoc potuisse congruenter putari: si animā mundi tanquam vnius maximi animantis Deum crederemus: ut ita eam flauerit de aëre corporis sui, sicut nostra de sui. Cum verò Deum constet esse supra omne mundi corpus, & supra omnem spiritum quem creauit incomparabili distantia, quomodo id rectè dici posset? Item. Manichei, qui se Christianos putant, siue putari volunt, eo sunt Philosophis Gentium in opinione anima detestabiliore: quod anima naturam illi à Dei natura discernunt: isti autem, cum aliud nihil dicant esse animam; quā ipsam Dei substantiā, atque id omnino quod Deus est, non trepidant eam tam turpiter commutabilem dicere: ut nullum sit herba seu vermiculi genus, ubi eam non esse commixtam opinentur. Item ad Eudium de Trinitate & columba, dicit, nullam omnino creaturam in vnitatem personæ Deo aliquādo coaptatam, præter solum, inquit, hominem ex virgine assumptum: qui quia propter ipsam naturam liberandam ipsa omnia fiebat, in vnitatē personæ Verbi Dei mirabili & singulari susceptione coaptatus est: permanente tamen Verbo in sua natura incommutabiliter; in qua nihil compositi cum quo subsistat, vlla phantasia humani animi suffundendum est. Adhuc etiam, si anima mundi Spiritus sanctus est: partem eum esse mundi constat, sicut anima hominis pars hominis est. Sed & hoc modo Spiritus sanctus vna cum mundo isto persona est; & colendus jam à nobis mundus est, & adorandus, sicut in Christo adoramus hominem in vnitatem personæ Deo coniunctū, de quo

Genes. 2.

Refutata est hac hæresis ab Augusti.

Plat. 38.  
Sap. 1.

Gen. 1.

Joan. 6.

Abas. negat  
gratiam nec-  
sariam ad  
bona opera.

Hæresis Pe-  
lagiana.

129

B. Griselmi S. Theodorici Abbatis,

scriptum est. *Adorate scabellum pedum ejus, quoniam sanctum est.* Credimus certe & confitemur, quoniam Spiritus Domini replevit orbem terrarum: & sicut à principio superferri dictus est aquis, sic jugiter superfertur fluitanti creaturæ: vel sicut habet verior scripturæ illius translatio, fovet eam, sicut avis fouet pullos suos: omnia continens ut sint, disponens ut bene sint, ordines suos conservando: dans esse lapidibus, vivere arboribus, sentire pecoribus, discernere hominibus. Sed sicut nusquam deest diuina præsentia, & tamen aliter est in hujusmodi creaturis, aliter in sanctis suis: sic etiam Spiritus sanctus spiritus vitæ aliter eos vivificat, de quibus dictum est. *Spiritus est qui vivificat*, aliter cætera viventia: aliter eos qui vivunt de ipso, & ipse vita eorum est; aliter ea quæ vivunt in semetipsis agente ipso, & qualiscunque anima eorum in eis est. Nam etsi in aliquibus sanctis hominibus, spiritus eorum unus aliquando cum Deo efficitur ex participatione gratiæ: procul tamen omnis omnino creatura tam à naturæ diviniæ consortio, quam ab unitate personæ cum Deo.

#### CAPVT VI.

**Q**UÆRITUR etiam, inquit, *utrum omnia homines ita sola misericordia Dei salventur, ut nullus sit, qui bonam voluntatem habere possit, nisi gratia præveniente Dei, quæ cor moveat, & bonam voluntatem inspiret, & inspiratam multiplicet, multiplicatam conservet.* Quod si ita est, scilicet ut homo nihil ex se boni operari possit; ut aliquomodo ad divinam gratiam suscipiendam per liberum arbitrium sine auxilio gratiæ, prout dictum est, se erigere non possit: non videtur ratio, quare si peccaveris, puniatur. Si enim non potest ex se aliquid facere boni, & talis factus est, ut pronior sit ad malum quam ad bonum; nonne si peccat, immunis est à peccato? Numquid Deus qui talem eum fecit, laudandus est de tali creatione, & non potius culpandus? Et post aliquanta his similia: subjungit & dicit. *Sed quia ita non est, sed longe aliter: dicendum est, prout veritas se habet.* Dicendum est igitur, quod homo per rationem à Deo quidam datæ gratiæ appositæ coherere potest: nec Deus plus facit isti quæ sita naturæ, antequam cohereret gratiæ, quam illi qui non salvatur. Sed sicut qui lapidæ pretiosos exponit venales, & desiderium videntium excitat ad emendum; similiter Deus gratiam suam apponit omnibus, consulit Scripturis, & exemplis pronocat: ut homines per libertatem arbitrii quam habent, gratia cohereant. Qui prudens est, per libertatem arbitrii quam habet, gratia coheret. Qui prudens est, per libertatem arbitrii sui coheret gratiæ: piger & carnalis, quamvis per liberum arbitrium possit, negligit, & ideo negligitur à Deo. Quod autem sicut mortuus Lazarus non potuit reviviscere, nisi Deo suscitante, sic ad bene volendum non posse surgere hominem, nisi gratia vivificante, dicitur aut creditur: ideo vivificatio ista tribuitur gratiæ: quia ratio qua homo discernit & intelligit à malo abstinendum & bene agendum, est à Deo. Et ideo hoc inspirante Deo agere dicitur, quia Deus per rationem, quam dedit homini, facit eum peccatum ipsum agnoscere. Hæc planè Pelagiana hæresis est. Contra quam quantis librorum voluminibus, quantis tractatibus à Sanctis Doctoribus Augustino, Hieronymo, multisque alijs pugnatum est, & quomodo jam olim ab Ecclesiæ luminibus & fidelium cordibus anathematizata est, neminem arbitror ignorare; qui vel leviter

divinorum librorum familiarem habuerit lectionem. Sed qui hoc audet dicere, non ex æquo re cum Deo videtur dividere. Deus enim, sicut ipse dicit, hominem cum facit rationalem: ipse quod longe melius est, semetipsum efficit secundum rationem viventem vel agentem. Contra quod Dominus dicit. *Sine me nihil potestis facere.* Augustinus. *Qui nihil dixit, nihil excepit.* Et Paulus. *Deus est qui operatur in vobis, & velle & perficere, pro bona voluntate.* Cujus enim est ratione dare, ipsius est datæ illuminare. Vanissima mentis est, & nimium elongatæ à Deo tentatio ista; superborum mente cordis sui est ista præsumptio. *Nequaquam*, inquit, *plus facit Deus ei qui salvatur ab eo qui non salvatur ante cohesionem gratiæ.* Quid ergo agit prædestinatio? Quid vocatio? Augustinus. *Non potest homo bene velle, nisi ab eo qui non potest male velle.* Dicit, quia dat Deus tantummodo rationem, & pronocat cupiditatē. Qui verò vivit de spiritu vitæ, certissime scit, quia certissimo experimento sentit in semetipso, sicut idem doctor dicit, nihil posse in homine, seu rationis discretionem, seu etiam docentis commotionem, ubi præveniens gratia ad liberandum arbitrium non sanaverit delectationem: & ubi non dederit non solum volendi, sed & perficiendi virtutem. Nec sicut calumniatur, sic facta est à Deo humana natura; sed in hoc per peccatum est corrupta & dejecta, ut hominis arbitrium ad malum tantummodo liberum sit: ad nullum verò bonum sit, nisi liberante gratia. Ex quo, sicut beatus Augustinus dicit, *multa facit Deus in homine bona, quæ non facit homo: & nulla facit homo, quæ non faciat Deus, ut faciat homo.* Iusto enim iudicio alieno omnes peccato tenemur, à quo aliena in fide in baptismo liberamur per gratiam Salvatoris; quamvis in pœnam peccati maneat concupiscentia carnis, in qua erudiamur. *A qua nemo potest esse liber, nisi ab indebita gratia liberatus: contra quod nemo murmurat, nisi ad mortem prædestinatus.* Hæc omnia quæ præmisimus, beati Augustini verba sunt, ex libro de libero arbitrio ad Bonifacium Papam. Item in libro de Spiritu & litera. Illis, inquit, *acerrimè ac vehementissime resistendum est, qui putant sine adjutorio Dei per seipsam vim voluntatis humane vel iustitiam posse efficere, vel ad eam tenendam posse proficere.* Et cum urgeri cœperint, quomodo id præsumant asserere fieri sine ope divina: reprimunt se, nec hanc vocem audent emittere; quoniam vident, quam sit impia, & non ferenda. Sed aiunt, ideo ista sine ope divina non fieri, quia & hominem creavit Deus cum libero arbitrio voluntatis, & dando præcepta ipse docet, quemadmodum homini sit vivendum: & ideo utique adjuvat, quod docendo aufert ignorantiam, ut sciat homo in operibus suis quid vitare & quid appetere debeat: quo per liberum arbitrium naturaliter insitū viam demonstratam ingrediens, continenter, iuste, & pie vivendo, ad beatam, eandemque eternam vitam, pervenire mereatur. Nos autem dicimus, humanā voluntatem sic divinitus adjuvari ad faciendam iustitiā: ut præter quæ quod creatus est homo cum libero voluntatis arbitrio, & præter doctrinam, qua ei præcipitur quemadmodum vivere debeat, accipiat Spiritum sanctum: quo fiat in eo delectatio dilectioque summi illius atque incommutabilis boni, quod Deus est, etiam nunc, cum per fidem ambulatur, nondum per speciem: ut hac sibi arrha data gratuiti muneris, inardescat inherere creatori, atque inflammetur accedere ad participationem

Joan. 15.  
Vide Aug.  
ibidem.  
Philip. 2-

Aug. lib. de  
arb. ad Bon.

Aug. lib. de  
Spir. & lit.

hominem veri illius luminis, ut ex illa ei bene sit, aqua habet ut sit. Nam neque liberum arbitrium quidquam nisi ad peccandum valet, si lateat via veritatis: & cum id quod agendum est, & quo nitendum est, coeperit non latere, nisi etiam deleat & amittitur, non agitur, non suscipitur, non bene vivitur. Ut enim diligatur, charitas Dei diffunditur in cordibus nostris, per Spiritum sanctum qui datur nobis, non per liberum arbitrium, quod surgit ex nobis. Item in Enchiridio, de libero arbitrio primi hominis. Sic oportebat primis fieri hominem, ut & bene posset velle & male: nec gratis, si bene, nec impune, si male... Quamvis sine gratia nec tunc ultimum meritum esse potuisset: quia eisi peccatum in solo erat libero arbitrio constitutum, non tamen iustitia retinenda sufficiebat liberum arbitrium, nisi participatione incommutabilis boni divinum adiutorium praberetur. Sicut enim mori est in hominis potestate, cum velit, nemo enim est, quin, ut nihil aliud dicam, non vefcendo, non possit seipsum occidere; ad tenendam vero vitam voluntas non satis est, si adiutoria alimentorum de sint: sic homo in paradiso ad se occidendum, iustitiam relinquendo, idoneus erat per voluntatem: ut autem ab eo renetur vita iustitia, parum erat velle, nisi ille qui eum fecerat, adiunxerit... Sic ergo factus est homo rectus, ut & manere in eadem iustitia posset, non sine divino adiutorio; & suo fieri perversus arbitrio: & utrumlibet horum elegisset, Dei voluntas fieret, aut etiam ab illo, aut recte de illo. Proinde voluntas facta est Dei, de eo qui suam maluit facere voluntatem, quam Dei; cum ex eadem massa perditionis, quae de illius stirpe profluxit, facit per gratiam aliud vas in honorem, aliud in contumeliam per iudicium: ut nemo gloriatur in homine, ac per hoc, nec in se.

Aug. Enchirid. c. 105.  
& 106.

Ibid. c. 107.

CAPUT VII.

DEINDE ingreditur causam cum Deo homo ingratus: & adstruere velle videtur, quodd Christus gratis mortuus sit. Quod & scholares ejus quasi ex sententia ejus submurmurant: ex propositis quaestionum calumnijs dicentes, si auderet, non fuisse necessarium in mundo Christi adventum. Sicut enim praemanibus habetis, & legere potestis, invadit Sacramentum communis salutis, de passione & morte Christi: & quantum in ipso est, destruens & exagitans illud, quasi dissipat & discerpit: & mittens illud in vetum, gladium longè nudat post illud. Si durius hic loquor, ignoscite: si durius gemo, vbi gravius doleo. Sciendum, ait, est, quod Doctores nostri post Apostolos in hoc conveniunt, quod diabolus dominum & potestatem habebat super hominem, & iure eum possidebat: ideo scilicet, quod homo ex libertate arbitrii quam habebat, sponte diabolo consensit. Aiunt namque, quod si aliquis aliquem vicerit: victum iure servus victoris constituitur. Ideo sicut dicunt Doctores, hac necessitate incarnatus est Filius Dei: ut homo qui aliter liberari non poterat, per mortem innocentis iure liberaretur à iugo diaboli. Sed ut nobis videtur; nec diabolus unquam in homine habuit ius aliquod, nisi forte Deo permitte, sicut carcerarius: nec Filius Dei, ut hominem liberaret, carnem assumpsit. Ut nobis, inquit, videtur. Melius ergo ipse aliquid asseret nobis, quam in quo omnes Doctores post Apostolos conveniunt & consentiunt? Meliusne aliquid ei revelatum est, vel ipse per se adinvenit; quam quod nos docuerunt, qui à Domino didicerunt? Num sapientia ei profundior? Num sensus acutior?

Negat Abaelard. Christum mortuum fuisse, ut homines redimeret.

Num vita sanctior? Num auctoritas grauior? Nobis, ait, non videtur. Quid si ipsi sapientiae Dei hoc visum est, si Apostolo Paulo & ceteris Apostolis hoc visum est? Nam in ipsum Dominum quasi invehitur, ac dicit. Quae necessitas, quae ratio, quid opus fuit, propter redemptionem nostram Filium Dei carne suscepta tot & tantas inedia, opprobria, flagella, spina, & sicut paulò post dicit, viderit ipse unde acceperit, spineam coronam capiti eius usque ad cerebrum impressam, denique ipsam crucis asperissimam & ignominiosam mortem sustinere, & cum iniquis patibulum sustinere? Et in Apostolum. Quomodo, inquit, Apostolus reconciliari hominem Deo per mortem dicit Filij Dei: qui tantò plus adversus hominem irasci debuit, quanto amplius homines in crucifigendo filium eius deliquerunt, quam in transgrediendo eius praeceptum gustu unius pomi? Et plurima in hunc modum. Et huic homini quid dicemus, qui neque ipsi credit veritati, neque Apostolis, neque Doctoribus Apostolicis? Possunt quidè contra ea quae dicit multa asserri ex Scripturis authenticis, in quibus simplicibus filijs Dei credentibus, sperantibus, amantibus, de sacramentis salutis humanae clucent testimonia Domini fidelia, sapientiam praestantia parvulis: iustitiae Domini rectae recta letificantes corda, & iudicia Domini vera iustificata in semetipsa: sed sicut Apostolus dicit de sapientibus huius mundi, haec omnia stulticia sunt illi. Denique videte ad expugnandam veritatem undecunque congestarum aggerem calumniarum; vim & saporem degustate singularum quaestionum per ordinem subsequenitium: & sentietis de qua radice prodeant. Erubescit Evangelium Dei: viluit apud eum Christianae fidei simplicitas. Qui utinam vel ea benevolentia legeret Evangelium Dei, qua Platonem legit. Platonem cum legit, vbi eum intelligit, sensum in eo philosophicum magnificè praedicat & extollit: vbi verò non intelligit, vel secundum spiritum huius mundi secus eum aliquid dicere deprehendit; in meliorem semper partem interpretari conatur. Utinam & in hoc imitaretur Platonem, quem amat: quod ille cum de Deo agit, cautè & prudenter edicit, quod ipso revelante aestimando de creatura creatorem, de eo sentit vel intelligit: cetera cum philosophica reuerentia patienter ignorans, inquirentes mittit ad ideas, quas esse dicit in mente summi Dei: in quibus omnium rerum originales species & rationales causas dicit contineri: plus illis deferens, quam Petrus deferre velit eis, ad quae Paulus nos mittit, altitudini sapientiae & scientiae Dei, & incomprehensibilibus iudicijs ejus; & investigabilibus vijs ejus; sensui & consilio ejus: quae omnia investigare & dijudicare nititur per vim humanae rationis. Credit Platoni? Scio quia credit. Quae, inquit Plato, fuit causa Dei mundum faciendi? Bonitas sua. Quae, quia bonus, nulli invidit: fecit quam melius fieri potuit. Hoc Seneca de Platone. Quod dicendo Plato rationabili cautela & philosophica prudentia mundum appellans omnem omnino creaturam, omnium quae in mundo facta sunt breuiter reddit rationem: scilicet bona esse, & bene fieri omnia, quaecumque fiunt à tam bono conditore. Dicamus & nos. Quae fuit causa Deo, faciendi novam in Christo creaturam? Bonitas sua. Ideo summè bonus fecit eam, quam melius fieri oportuit. Pro quo si in sapientia Dei oportuit Christum pati & resurge-

Rom. 5.

1. Cor. 2.

Rom. 11.

Verba Platonis apud Senec.

Luc. 14.

Isaia 46.  
Potuit alijs  
modis homo  
redimi, sed  
hic conne-  
ctior fuit.

Ioann. 12.  
& 14.

Vt diabolus  
in hominem  
habuerit po-  
testatem.

Rom. 7.

2. Tim. 2.

Sine gratia  
non resisti-  
tur diabolo.

re, & ita intrare in gloriam suam: quid in hoc calumniari potest humanæ rationis ingratitude? Propter quod dicit in Propheta. *Ego feci, ego feram, dicit Dominus.* Quinimò cum multi præsto essent modi saluationis humanæ, omnipotenti & sapienti Deo; cur sicut dicit beatus Augustinus, hunc recusaret, imò cur non hunc potius præ cæteris omnibus eligeret, vbi de diuinitatis gloria nihil omnino est imminutum, & de humilitate & passione Salvatoris tantum in mûdo bonum est effectum? Amplecteretur certè & hic communis salutis effectum, nec tam temerè vel curiosè scrutaretur saluandi modum: si credendo & amando tantû deferret Christo mundi Salvatori, quantum Plato æstimando detulit Deo mundi creatori. At beatus Augustinus. *Potestatem autem in mundo diabolus nimiam habuisse ante aduentum Christi, in passione ejus amittendam: ipse Dominus instante hora passionis sue testatus est dicens. Nunc iudicium est mundi: nunc princeps hujus mundi eijcietur foras.* Et iterum. *Ecce venit princeps hujus mundi, & in me non inueniet quicquam.* Nisi enim diabolus potestatem exercendo in mundo esset: nequaquam diceretur, eijcietur foras. Et nequaquam in Domino quidquam requireret; si in cæteris hominibus nihil haberet. Potestas autem hæc diaboli in homine ab illo cœpit, quem primò decepit: non quòd Deus diabolo in homine dederit potestatem: sed mox cum peccantē Deus justè deseruit hominem, seductor invasit peccatorem. Primus siquidem homo cum conditus esset liberi arbitrij, hoc est, liberū habens si vellet perpetuam habere cum immortalitate justitiam: sponte consensit inimico suggerenti, cum nondum pateretur, quod patiebatur, qui dicebat. *Condelector enim legi Dei secundum interiorem hominem, carne autem legi peccati: video autem aliam legem repugnantem legi mentis meæ; & captivum me ducentem in legem peccati, quæ est in membris meis.* Sicque potestas à diabolo est in hominem nõ jure acquisita, sed nequiter præsumpta, & à Deo justè permessa, qua homo servus ejus factus est, à quo superatus est, & illaqueatus laqueis diaboli captivatus est, sicut Apostolus dicit, ab eo ab ejus voluntatem, subaudis facientiam. Sic enim ibi scriptum est. *Vt respiscant à laqueis diaboli, à quo captivi tenentur ad ejus voluntatem.* Cum enim æquè omnes persequatur, tam justos quàm injustos: ipsi soli sub potestate ejus sunt, qui secundum voluntatē ejus vivunt. Seruitus autem hæc seruitus est concupiscentiæ, qua vivit homo secundum voluntatē seductoris: cui nemo valet resistere, nisi in regno gratiæ. Non autem est sub ejus voluntate, in quo quod vult, non potest efficere. Huic potestati ante Christi adventum totus pene mundus erat obnoxius: cum seruirent ei omnes injusti, nec omnino immunes ab ea erant pauci, qui tunc erant justi; cum à diabolo immisso peccato originali obnoxij omnes mundum hunc ingrediebantur, qui de carne peccati nascebantur: migrantes autem de sæculo justi, cum non essent in tormentis cum injustis & cum diabolo, non tamen erant cum Deo: inquantum in tenebris Deum non videndi detinebantur. Quæ verò sit justitia in sanguine Christi, qua justificatur homo apud Deum, & quomodo sit hominis reconciliatio ad Deum per mortem filij ejus, difficilis quæstio est; non agitanda in tumultu; sed piè & humili-

ter quærenda in spiritu. Ipsum etenim est sacramentum, de quo Apostolus dicit. *Et certè magnum est pietatis sacramentum; quod manifestatum est in carne, iustificatum est in spiritu.* Hoc est, quod factum est in carne Domini Iesu, siue visu, siue auditu, manifestum factum est omnibus: justitia verò quæ per fidem est in sanguine ejus, non nisi in spiritu apparet quibusdam spiritualibus. In quo tamen qui amat non laborat; quia ipse ei amor intellectus est, qui sensum Christi habet, sicut Apostolus se dicit habere, qui bonum gratiæ iustificantis sentiendo in Christo Iesu, in semetipso etiam hoc ipsum meretur sentire: nequaquam illud valens sentire in semetipso, nisi prius pleno illuminatē fidei sensu sentiat in Christo. Vnde, & scriptum est. *Hoc sentite in vobis; quod & in Christo Iesu.* Ipsa quippe est fides, quæ sicut Dominus dicit Petro, non reuelat caro & sanguis; sed Pater qui est in cœlis. Vnde & alibi dicit ad discipulos. *Sunt de hic stantibus, qui non gustabunt mortem, donec videant filium hominis in regno suo.* Stare quippe in fide multorum est; videre autem in hac vita filiū hominis in regno suo, paucorum: quibus hoc illuminatis oculis fidei revelat, non caro & sanguis, sed Pater, qui est in cœlis. Videt autem etiam in hac vita filiū hominis in regno suo, quicumque regnum Christi effectus, & fidei intellectu & amoris affectu, & vitæ effectum manens in Christo, ipsumque habens in se manentem, secundum Apostoli præceptum, novit eum sanctificare in corde suo. Hæc fides testimonium est illud fidele, sapientiam præstans parvulis: contemplans in sacramentis suis justitias Domini rectas, recta latificantes corda; præceptum Domini lucidum, illuminans oculos; timorem Domini sanctum permanentem in sæculum sæculi; iudicia Domini vera iustificata in semetipsis; super omnia quæ desiderantur desiderabilia, ut intelligantur; super omne quod dulce est dulcia, cum intelliguntur. In hac fide, cum habetur, omni eam habenti, sicut idem dicit Propheta, *rectum est verbum Domini, & omnia opera ejus:* nulla in ea quæstio, nulla hæsitatio; sed fruens tantum affectus. Procul scandalum crucis: sola ei gloria in cruce Domini nostri Iesu Christi, qui factus est nobis, sicut Apostolus dicit, *iustitia à Deo, & sanctificatio, & redemptio: ut quemadmodum scriptum est, qui gloriatur, in Domino gloriatur.* Ipsa intelligit, quæ sit justitia in sanguine Christi, quæ hominis ad Deum reconciliatio; inquantum in charitate crucifixi homo ille vnus efficitur spiritus cum Deo. Hæc sapientiam habens in mysterio absconditam, ut manifestū sit omnibus, quoniam res Dei est, non est in persuasibilibus humanæ sapientiæ verbis, sed in ostensione spiritus & virtutis; ut non sit in sapientia hominum, sed in virtute Dei. Veritas est, lux est; tenebras odit, sponte venit ad lucem. Nil propter eam simulandum, nil in ea dissimulandum est. De prope spectari amat: propius eā spectat, qui purius amat. Res quippe Dei est, cujus proprium esse amari, in hoc maxime dignoscitur, quòd quicquid de eo est, amore maximè intelligitur. Reconciliatio verò magistri Petri quam fingit in Deo, & imponit nobis, procul fiat ab ipso, sicut procul est à nobis; tamquam hominis irati & implacabilis, nisi per mortem innocentis filij; cum, sicut ipse dicit, magis debuerit irasci pro morte injusta innocentis filij sui, quàm pro gustu vnus pomi. Sed Deus, in quo non est, iniquitas, in quo

1. Timot. 3.

1. Cor. 2.

Philip. 2.

Matt. 16.  
Quinam in  
hac vita vi-  
deant Chri-  
stum in re-  
gno suo.

Psal. 18.

Psal. 32.

1. Cor. 1.



non est, est & non, sed est in illo est : qui fecit ab æterno cuncta quæ futura sunt, & quicquid ab eo factum est in ipso vitæ est; bona cuncta per quemcunque fiant, ab seipso facienda prædestinavit : quorum sicut bona omnia concluduntur intra bonitatem prædestinantis, sic mala nulla effugere queunt ordinem providentiæ justæ & rectæ omnia disponentis. Prædestinavit ergo mundum faciendum bonitas conditoris, & hominem in mundo, ut de homine instauraret ruinam angelicæ prævaricationis. Quem cum sponte peccatorum præsciret, cum liberi futurus esset arbitrij; & in peccato ejus periturum genus humanum : rursus prædestinavit faciendum alterum hominem Christum Dominum, qui peccare non posset, cum & Deus futurus esset : & in ipso prædestinavit salvandum & liberandum de genere humano genus Christianum. Ipsi sunt illi duo homines, de quibus Apostolus dicit, alterius debitum in omnes processisse in condemnationem; alterius verò justitiam in omnes homines in justificationem vitæ; ut sicut per unius inobedientiam peccatores constituti sunt multi, ita & per unius obedientiam iusti constituerentur multi. Faciens autem Deus primum hominem, liberi eum constituit arbitrij, ut posset & bene velle & malè : & vel bona ejus voluntas meritum apud Deum haberet gratia misericorditer adjuvante; vel si mala esset, meritum & ipsa haberet malivolum gratia justè deferente; & justitiâ Dei malum ejus in pœnam ejus rectè ordinante. Factus Adam & positus in paradiso peccavit, & iratus est ei Deus : & factæ sunt inimicitie inter Deum & hominem. Ira Dei cum tranquillitate omnia judicatis iusta vindicta fuit peccati immissa peccatori : inimicitie in Deum & hominem non alia, quam quæ esse solent inter justitiam & peccatum. Cum autem venit tempus miserendi : ad salvandum mundum misit Deus filium suum, faciens eum hominem propter salvandum hominem. Quem cum salvatorem mundi prædestinasset, præsciuit etiam quod in mundo occideretur : & prædestinavit, quid de ipsa morte ejus ageretur, scilicet salus mundi. Etenim cum peccati author peccatum ei persuadere non posset, occidit eum quanto potuit crudeliùs : pœnam peccati infligens non peccatori. Et Dominus qui poterat si vellet non mori, quia non homo tantum, sed & Deus erat, & ab omni remotissimus peccato, pœnæ peccati, hoc est, morti nihil debebat, sponte suscepit mortem, quam violenter se intulisse arbitratus est inimicus : & transtulit in se pœnam omnium peccatorum in ipso spiritualiter regenerandorum : sicut Adam peccaverat in pœnam omnium de ipso carnaliter generandorum. Transfuditque in omnē Christianæ fidei posteritatem originalem justitiā per regenerantem gratiam; sicut in omnem posteritatem carnis peccati Adam transfuderat inficientem talem originalem peccati per carnalem generationem : ut viverent aliena justitia filij gratiæ; sicut alieno moriebantur peccato filij iræ. Sicque in regno justitiæ malum non remansit inordinatū : cum in eo qui pro peccatoribus mortuus est, nullum remansit justificati hominis peccatum impunitum. Tantique valuit pretiū sanguinis illius innocentis : ut quicumque etiam interfectorum ejus per fidem Christo adhærent; per indebitam ejus mortem temporalem æternam debitam evaderent. Nec, sicut queri-

tur Petrus, sacer ille sanguis diabolo quasi in pretium redemptionis pro homine datur, sed appetenti malitiæ est permissus : ut cum in gaudium ejus funderetur, per justificationem ejus innumera multitudo prædestinatorum ne in gaudium ejus cum eo perirent, ei tolleretur. Nec à Deo Patre quasi ad satisfaciendum est requisitus, cum tamen ei plenissimè satisfecerit oblatum. Nā in cooperatione humanæ salutis manifestè se declaravit unitas Trinitatis : quando, sicut Apostolus dicit, *Deus erat in Christo mundum reconcilians sibi*, & Christus in sanguine suo reconciliabat nos Deo : cum effunderetur sanguis ejus, qui per Spiritum sanctum semetipsum obtulit immaculatum Deo, ad emundandum conscientiam nostram ab operibus mortuis, ad serviendum Deo viventi. Nam & prædestinatio qua hoc totum ab æterno prædestinatum est, bonitas Dei, hoc est Spiritus sanctus est, charitas communis Patris & Filij, communis suavitatis, communis gratia, communis misericordia : quæ sicut ab antiquo, jugiter superfertur creaturæ fluitanti, non indiga voluntate, sed proflua bonitate. Ipsa est de salute hominis voluntas Patris, & obedientia Filij, dilectio Patris & Filij, & divina bonitas ad creaturam suam. Bonitas quippe Patris ad Filium & ad creaturam, ipsa est imperiū Patris ad Filium de salute humana : eademque bonitas Filij ad Patrem, qui est Spiritus sanctus, ipsa est, in salvando homine, modo quo id fieri oportebat, Christi obedientia. Cui perfectè affectus homo Christus, novam per eam obtinuit justitiam patiendō pœnam peccati sine peccato : quam, cum etiam Deus esset omnipotens & bonus, largitus est Christiano generi, cum humano genere morienti in peccato suo. Erant etenim & ipsi natura filij iræ, sicut & cæteri, naturā corruptā contagione originalis peccati. In quibus postmodum originali justitia per regenerantem gratiam, multo digniùs ac potentiùs obtinuit regnum : quam prius per carnalis concupiscentiæ generationem carnalē regnasset in eis veniens ab Adam originale peccatum : cum, qui filij iræ erant, filij gratiæ effecti in sanguine Christi occultiore mysterij virtute justificati sunt, non solū ab originali peccato, sed ab omni peccato : & insuper accipere merentur Spiritum adoptionis sanctū, testimonium perhibentē conscientijs eorum, quod sunt filij Dei. Sicque sublato, hoc est dimisso peccato, cui justitia inimicabatur; plena facta est Dei & hominum reconciliatio, & finis iræ, hoc est justæ vindictæ in Deo. Fit autem finis victæ, sed æternæ, eis qui ad æternitatem regenerantur : manente sententia pœnæ temporalis ad erudiendam fidem æternitatis. Vnde beatus Augustinus dicit in libro de baptismo parvulorum. *Caro quæ primò facta est, non erat caro peccati, quæ noluit homo inter delicias paradisi servare insitiam. Vnde statim Deus, ut post eius peccatum propagata caro peccati ad recipiendam insitiam laboribus & molestijs remitteretur. Propter hoc etiam de paradiso demissus Adam contra Eden habitavit, hoc est contra sedem deliciarum : ut significaret quod in laboribus, qui sunt delictis contrarij, erudienda esset caro peccati; quæ in delicijs obedientiam non servavit, antequam esset caro peccati. Sicut ergo illi primi homines postea justè vixerunt, unde merito creduntur per Domini sanguinem ab extremo supplicio liberati, nec tamen meruerunt in illa vita ad paradisum revocari : sic*

2. Cor. 5.

Heb. 9.

Rom. 5.

Christus ad salvandum hominum venit.

Christus omnes redemit, sicut Adam omnes peremit.

2. Reg. 12.

et carum peccati; etiam si remissis peccatis homo in ea ipse vixerit, non continuo meretur eam mortem non perpeti, quam traxit de propagine peccati. Tale quid insinuat est de Patriarcha David in libro Regum. Ad quem cum Propheta missus esset, ei que propter peccatum quod admiserat, ventura mala ex iracundia Dei comminaretur; confessione peccati veniam meruit, respondente Propheta, quod ei flagitium facinusque dimissum sit: et tamen confectus fuit, quia Deus fuerat minatus, ut sic humiliaretur a filio. Vnde et si hic dicitur, si Deus propter peccatum illius fuerat comminatus, cur dimisso peccato, quod fuerat minatus implevis; rectissime respondetur, remissionem illam peccati factam, ne homo impediretur a percipienda vita eterna: secundum verum illius comminationis effectum, ut pietas hominis in illa humilitate exerceretur ac probaretur. Sic et mortem corporis et propter peccatum hominibus Deus infligit; et post peccatorum remissionem propter exercendam iustitiam non ademit. Hæc beatus Augustinus. Deinde magister Petrus propositas quaestiones, sicut legere poteritis, scrupulosas et plenas scandalis indiscussas præteriens, et multo studio effosam foveam perditionis simplicioribus apertam relinquens, quasi reddit ad sensum Catholicum: tamquam immunè se faciens, quicumque ceciderit in eam. Cum enim in dispensatione mediatoris tria præcipuè intelligenda sint fidelibus, scilicet sacramentum redemptionis et reconciliationis omnium; et ad eos qui maximè per superbiam peribant, exemplum humilitatis; et ad eos, quorum amor in terrenis computruerat, prouocatio charitatis: primo leviter perstricto, secundo penitus neglecto, tertio totus incumbit; dicens hoc fuisse consilium, et hanc esse causam Incarnationis et passionis Domini, ut luce sapientiae suae mundum illuminaret, et ad amorem suum accenderet: tamquam posset prouocari homo superbus ad amorem Dei, nisi primo humiliaretur ab amore sui, et nisi prius sacramento redemptionis solveretur ligatus à conditione et vinculo peccati. Vbi cum totum legeritis, quod queritur, quod scribit, quod adstruit, quod exaggerat, quod solvit, quod docet, quod emendat: vestri sit iudicii, utrum secundum præceptum legis, foueam quam effodit, sic operuerit, ut si cuius bos aut alius ceciderit in eam, non iure ab eo exigendum sit. In quam certè periculosa nimis ruina jam delapsi sunt, qui ex sententia eius adstruere nituntur, si plenè auderent, Christum Dominum gratis passum, gratis venisse in mundum. Quibus non est dissimulandum, sed ingerendum periculum suum: et ex verbis Apostoli læpius conueniendi sunt dicentis. *vosmetipsos tentate: si estis in fide ipsi vos probate. An non cognoscitis vosmetipsos, quia Iesus Christus est in vobis; nisi forte reprobi estis?* Est autem in eis Christus, quibus placet Christi. Christus illi placet, qui non nisi in fide Christi Iesu sibi placet. Sed non omnium est fides. Vnde idem dicit Apostolus. *Si autem opertum est Evangelium nostrum, in his qui pereunt est opertum: in quibus Deus huius sæculi excecavit mentes infidelium, ut non fulgeat eis illuminatio Evangelii glorie Christi, qui est imago invisibilis Dei.* Necessarius verò in mundo intantum fuit Christi adventus et passio ejus; ut hoc singulariter modo fervendus esset mundus: sed hoc isto potissimum modo faciendum fuit; cum isto potissimum modo congruentius et efficacius faciendum in sa-

piencia sua providentia Dei præordinasset consilio, quod ipse novit.

## CAPUT VIII.

**I**TERUM dicit de persona Mediatoris, Deum ab homine secernens, sicut Nestorius. Sciendū ait, est, quod licet concedamus, quod Christus veritas sit Persona in Trinitate: non tamen concedimus, quod hæc Persona, quæ Christus est, sit tertia Persona in Trinitate. Notanda insipientissima loquentis de Deo protervia. Hoc, inquit, concedimus, illud non concedimus; tamquam de Christo, siue in Christo nil sit, vel esse possit, nisi quod ille concesserit. Deinde contra illud Psalmi, *Israel non erit in te Deus recens*; recentem nos in fide nostra Deum habere causatur, si quid in Deo esse, quod ab æterno non fuerit, profiteamur. Hæc hæresis propriè Agnoitarum est, quæ olim tempore beati Gregorij in Ecclesia apparuit: de qua idem scribens ad Eulogium Patriarcham Alexandrinum, sic inter cetera dicit. *Nemo potest esse Agnoita; qui Nestorianus non sit.* Sicut enim olim Nestorius nifus fuerat astruere, Mariam *Dei matrem*, hoc est matrè Dei, non fuisse: sic et isti, pro eo quod in Evangelio dicitur de die iudicii, quia diem illum et horam neque Angeli, neque Filius novit; et quia Dominus legitur venisse ad ficulneam, quaerens in ea fructum, et non invenit; et quod requisivit de Lazaro, *ubi posuisti eum*, multa dicebant filium hominis ignoravisse. Sed sicut dicit idem doctor, diè iudicii Pater solus dicitur scire: quia consubstantialis ei Filius ejus, ex natura quæ est super Angelos habet ut hoc sciat, quod Angeli ignorant. Incarnatus enim vnigenitas Dei, factusque pro nobis homo perfectus, in natura quidem diuinitatis novit diem et horam iudicii; sed tamen hunc non ex natura humanitatis novit. Quod ergo in ipsa humanitate novit, non ex ipsa novit: quia Deus homo factus diem et horam iudicii non nisi per diuinitatis suæ potestiam novit. Vnde et nos similiter dicimus, Christum filium hominis in ipsa natura humanitatis suæ, sed non ex ipsa, secundum eam quam cum Deo habet unionem, tertiam esse in Trinitate Personam: quia sicut incarnatus Deus factus est filius hominis propter hominem assumptum, sic assumptus homo factus est filius Dei propter assumptum Deum. Vnde dicit idem Doctor in epistola sua. *Diem et horam iudicii scit Deus et homo, sed ideo homo, quia Deus est ipse homo. Scientiam verò, quam ex humanitatis natura non habuit, ex qua cum Angelis creatura fuit: hanc se cum Angelis qui creatura sunt, habere denegavit.* Ad quod et nos dicimus, quoniam si in Trinitate, quæ Deus est, tres sunt personæ quod ipse non contradicit, et Christus Deus et homo una est persona, quod etiam ipsum non contradicit: quam tamen tertiam in Trinitate esse personam nullatenus concedit: jam utique recentem ab eo Deum habemus; quartam scilicet in Deo cum Trinitate personam, et in fide nostra quaternitas potius quam Trinitas nobis proponitur adoranda. Sed sicut dicit beatus Augustinus ad Evodium, *assumpto homine nequaquam personarum numerus auctus est, sed eadem Trinitas mansit.* Nos verò, ipsum quem Deus exaltauit, hoc est, si dici fas est, hominem Dominicum, (et dedit illi nomen quod est super omne nomen, ut in nomine Iesu omne genu flectatur coelestium terrestrium et infernorum, scilicet ut ab omnibus tamquam Deus adoretur;) ipsum inquam et nos, et

Verba Aba  
de Persona  
Christi.

Psalms. 80.

Error Agn.

Marc. 13.  
Matth. 21.

Ioann. 11.

Christus ho-  
mo scit diè  
iudicii.

Sola causa  
Incarnatio-  
nis Abaelar.  
fuit ut ho-  
mo Deum  
amaret.

Exod. 21.

2. Cor. 13.

2. Cor. 4.

Augusti.  
Epi. 102.  
Philip. 2.

omnis lingua confitetur, quia est in gloria Dei Patris: quod non est aliud, quam quia est tertia persona in maiestate summae Trinitatis: sed secundum hoc quod & ipse est Dei filius, hoc est in unitate personarum conjunctus vel potius unitus filio Dei: sicut & Deum Dei filium natum temporaliter credimus, & passum, secundum eandem personarum unitatem, absque omni calumnia recentis in Deo nouitatis. Propter quod etiam B. Augustinus in libro Retractionum pœnitere se dicit, aliquibi se dixisse hoc quod & nos paulo ante manifestanda rei causa diximus, hoc est, *Dominicum hominem*, scilicet inquit, tanquam homo ipse non sit Dñs; qui, sicut ipse alibi dicit, ex quo ipse esse cœpit, Dñs & Deus esse cœpit. Vbi sicut audire refugit fides Christiana in Christo Deo & homine personarum diuisionem: sic etiā abhorret diuinæ substantiæ cū humana substantia confusione, siue cōmixtionē. Vnde dicit B. Augustinus in libro de Trinitate & columba, sicut iam supra posuimus. *Nec sonus ille vocis, quo dictum est, Tu es filius meus dilectus, qui continuo esse destitit, coaptatus est in unitatem persone Patris, nec illa species corporalis columba coaptata est in unitatem persona Spiritus sancti: sicut neque ille ignis qui eundem Spiritum sanctum demonstrauit, & officii significationis impleto mox esse destitit. Sed solus homo, quia propter ipsam naturam liberandam illa omnia fiebant, in unitatem persona Verbi Dei mirabili & singulari susceptione coaptatus est: permanente tamen Verbo in sua natura incommutabiliter, in qua nihil compositi cum quo subsistat vlla phantasia humani animi suspicandum est. Homo enim Verbo accessit; non Verbum in hominem conuertibiliter decessit: atque ita filius Dei simul cum homine suscepto dicitur. Vnde idem filius Dei incommutabilis est, atque conternus Patri; sed in Verbo solo. Et sepultus est filius Dei, sed in carne sola. Item Leo Papa de Christo. Totus, inquit, Deus est, propter assumptum Deum: totusque homo propter hominem assumptum. Nec tamen Verbum in carnem, siue caro in Verbum mutata est: sed utrumque manet in utroque; & unus in utroque Christus, nec diuersitate diuisus, nec cōmixtione confusus. Nec alter est ex Patre, alter est ex matre; licet aliter sit ex Patre, aliter ex matre: ex Patre ante omne principium, ex matre in fine seculorum; ut esset mediator Dei & hominum Iesus Christus, in quo habitares plenitudo diuinitatis corporaliter: quia non assumptis deiectione sed assumpti promectio est: quod Deus illum exaltauit, & dedit illi nomen, quod est super omne nomen, ut in nomine Iesu omne genua flectantur, celestium, terrestrium, & infernorum: & vniuersa lingua confiteatur, quia Dominus Iesus Christus in gloria est Dei Patris. Vbi licet vna persona sit Dei & hominis: aliud tamen est, vnde communis gloria, aliud vnde communis est contumelia. Sicut enim in Trinitate Deus Pater & Deus Filius vnius substantiæ, sed non vnius personæ: sic in forma mediatoris Deus & homo sunt vnius personæ, sed non vnius substantiæ. Nec interest; ait S. Leo ex qua Christus substantia nominatur: cum inseparabiliter manente unitate persone idem sit & totus hominis filius propter carnem, & totus Dei filius propter unam cum Patre substantiam. Dicit ergo magister Petrus. Non concedimus, quod Christus hac persona, hoc est, Deus & homo, tertia sit persona in Trinitate. Nos verò dicimus secundum præmissas sententias Patrum, quia Christus*

Deus & homo hac persona, secundum quod Deus est, tertia est in Trinitate persona. Dicit. Ergo non secundum quod homo est. Vtique, sed est ibi etiam homo, propter inseparabilem unitatē, qua vna est persona cum Deo. Absit autem, ut per hoc recens aliquid asseramus in Deo: cum, sicut Leo papa sentit, & Augustinus consentit, hominem ab æterno ad hoc prædestinatum, & in tempore beneplaciti Dei in hoc glorificatum, simul dicimus cœpisse esse, & Deum esse, cum non sit nisi vnus Deus. Sed permanente diuinitate filij Dei in sua natura; sicut dicit B. Augustinus, incommutabiliter, sine omni composito humani phantasmatis, cum quo subsistat; mirabili & incomparabili susceptione in unitatem personarum homo ei est appositus, siue apratus; non prius creatus & postmodum assumptus: sed simul in ipsa assumptione creatus. Et sicut dictū est, simul cœpit esse, & Deus esse: sed gratiā nō naturā: nomine vel persona, non essentiali substantia. Vnde dicit Apostolus. *Dedit illi nomen, quod est super omne nomen.* Et B. Augustinus in libro contra sermonem Arrianorum. *Hanc unitatem persona Christi Iesu Domini nostri sic ex natura utraque constantem, ut qualibet eorum vocabulum etiam suum impertiat alteri, & diuina humana, & humana diuina, beatus ostendit Apostolus: hoc inquit sentit in vobis, quod & in Christo Iesu; qui cum in forma Dei esset, humiliavit semetipsum, & cetera. Cum ergo Christi nomen sit ex eo quod vnxit eum Deus patris participibus suis oleo exultationis; hoc est, quod homo factus humiliavit semetipsum: de ipso tamen eodemque Christo dictum est, quia in forma Dei esset, antequam ab illo forma terui esset accepta. Nondum quippe erat filius hominis, sed filius Dei; cui patris æqualitas non erat rapina, sed natura. Verum, si queramus, quis est ille, qui cum in forma Dei esset, non rapinam arbitratus est esse se æqualem Deo: responderetur nobis voce apostolica, Christus Iesus. Ergo & illa diuinitas huius humanitatis nomen accepit. Item si queramus, quisnam sit factus obediens vsque ad mortem: rectissime responderetur. Ille, qui cum in forma Dei esset, non rapinam arbitratus est, esse se æqualem Deo. Ergo & ista humanitas illius diuinitatis nomen accepit. Apparet tamen idem ipse Christus geminæ gigas substantiæ, secundum quid obediens, secundum quid æqualis Deo, secundum quid filius hominis, secundum quid filius Dei: secundum quid dicit, *Pater maior me est*: secundum quid, *Ego & pater vnum sumus*. Propter hæc omnia dicimus Mariam theotocōn, hoc est matrem Dei, Christum genuisse Deum & hominem vnā personam; hominem, in quantum ex ea esse cœpit: Deum, in quantum de ea Deus & homo esse cœpit. Sicque ipsam Christi personam tertiam in Trinitate fatemur personam: Deum filium Dei, in quantum vna ipse substantia cum Patre & Spiritu sancto est: hominem filium hominis, in quantum ipse cum Deo Dei filio vna persona est: illum qui ab æterno natura Deus est; istum, qui ex quo cœpit esse, non solum homo, sed etiā ex cōsentientia diuinæ beatitudine gratia Deus est; salvā tamen Christianæ pietatis cautelā, propter vitandam recentis Dei suspensionem, qua supra beatum Augustinum meminimus dixisse, permanere semper Verbum in sua incommutabilitate, in qua nihil esse compositi cum quo*

Christus simul homo creatus est, & simul Deus exiit.

Philip. 2.

Ioann. 14.  
Ioann. 5.

Christi Dei & hominis persona, tertia in Trinitate persona.

subſiſtat, vlla phantaſia humani animi ſuſpican-  
dum eſt.

## CAPVT I X.

*Sententia  
Abalardi  
de accid-  
entibus Encha-  
riſtia.*

**I**Am ad alia tranſeamus. Dicit etiam magi-  
ſter Petrus de Sacramento altaris, ſubſtan-  
tia panis & vini mutata in ſubſtantiam corporis  
& ſanguinis Domini, ad peragendū ſacramenti  
myſterium, accidentia prioris ſubſtantie rema-  
nere in aëre. Obſecro, vt quid in aëre? Quid ibi  
factura ſunt? Nobis verò videtur, ſi vobis etiā  
videtur, quod accidentia illa, ſiue prioris forma  
ſubſtantie, quæ, vt puto, non niſi conſonus in  
vnum accidentium concurſus eſt, ſi ibi eſt, in  
corpore Domini eſt, non formans illud, ſed vir-  
tute operantis in ea ſapientie Dei aptans illud,  
& modificans, vt ſecundum ritum myſterij &  
modum ſacramenti, habile fiat & tractabile, &  
gultabile in forma aliena, quod non poterat eſſe  
in propria: agens exterius vt tractari poſſit, &  
ſumi corporaliter; agente interiore gratia, vt  
ſumatur incorruptibiliter, & credenti ſapiat, &  
amantem viuificet & nutriat ſpiritualiter. Hinc  
etenim dicit B. Auguſtinus. *Quod videtis in al-*

*Tomo pri-  
mo ſupple-  
menti. p. 394.*

*Contra Fan-  
ſum lib. 19.  
cap. 16.*

*tari, panis eſt & calix, quod vobis renuntiāt oculi  
veſtri: quod autem fides poſtulat inſeruenda, panis  
corpus, calix verò ſanguis eſt Chriſti.* De quibus  
etiā alibi dicit, *quia & eadem ſunt, & in aliud  
commutantur: & quia quod in eis exterius ſenſi-  
bus ſubiacet, in percipiendo conſumitur.* Vnde &  
dicit in libro contra Fauſtum. *Quid ſunt aliud,  
quæque corporalia ſacramenta: niſi quadam quaſi  
verba viſibilia, ſacroſancta quidem, ſed tamen mu-  
tabilia, & temporalia?* Item alibi. *Si ad ipſas res  
viſibiles quibus ſacramenta tractantur, animam  
conferamus: quis neſciat eas eſſe corruptibiles? Si  
autem ad id quod per illas agitur: quis non videat  
non poſſe corrupti?* Hæc ergo ſunt, quæ nobis  
videntur de ſacramentis diuinis, diuerſis negli-  
gentie ſiue ignorantie caſibus expoſita: non  
corpus Domini, ſicut dicit magiſter Petrus, quod  
quicquid accidat in huiusmodi, remotiſſimum  
eſſe credendū eſt ab omni dignitatis ſue injuria.

## CAPVT X.

*Verba Aba-  
lar. de ſug-  
geſtione dia-  
boli.*

**D**Einde aliam movet quæſtionem dicens.  
*De ſuggeſtione diaboli ſolet quæri, quomodo  
poſſit ſuggerere hominibus, cum nec verbis, nec ſi-  
gnis hoc faciat. Ad quod dicimus, ait, quia facit  
hæc per phyſicam rem, lapidum, vel herbarum:  
quia ſicut in natura quorundam lapidum eſt fer-  
rum trahere, vel libidinem extinguere: ita quidam  
lapides ſunt, vel herba, quibus libido, ira, & cætera  
vitia excitantur. Quando ergo diabolus vult ſug-  
gerere, alium libidinem, vel iram, vel alia vitia,  
apponit ei lapidem illum, ſiue herbam, quam ſcit  
talem habere virtutem.* Hoc ridiculum eſt, nec  
niſi ad riſum mouendum, dixiſſe eum hoc æſti-  
mo, vel ſcripſiſſe: cum ſancti Doctores mani-  
feſtè dicant, quia agit hoc ſpiritualis potiùs ne-  
quitia ſpirituali potentiâ hominibus incognitâ.  
Nec enim Iudæ Sathanas lapidem aliquem ſiue  
herbam intulit, cum immiſit in cor ejus, vt tra-  
deret Dominum: vel cum in eum introiuit, hoc  
eſt, ſicut dicit B. Auguſtinus, totum eum iuri  
ſuo mancipauit. Vbi etiam miror hominem ali-  
quid ſapientem, ad aſtruendum quod aſſert de  
aërijs corporibus dæmonum, authoritatem aſ-  
ſerre de fabula Salomonis, dæmones intra vi-  
treum vas includentis. Sunt adhuc multa, quæ  
in Theologia vel Philoſophia magiſtri Petri me-  
mouent: ſed plurima prætermiſi, quia niſi vos

hæc mouerint, nec illa mouerent. Nunc precor  
reuerentiam veſtram per eum, qui in Eccleſia ſua  
ſpeculatores & paſtores vos conſtituit, vt de his  
interim ſic agat prudentia veſtra, vt his qui in  
his ſcandalizantur, ſatis fiat; qui læſi ſunt in fide  
curentur: qui in Deo vos diligunt & prædicant,  
non erubeſcant in vobis, ſed de vobis in Domi-  
no glorientur.

## CAPVT XI.

**D**icit etiam, ab Adam originalis peccati tra-  
here nos pœnam, non culpam. Vt quid  
ergo parvuli baptizantur? Sed in baptiſmo, ſi-  
cut dicunt Patres, ſicut ſuprà ſufficienter expo-  
ſuiſſe diximus beatum Auguſtinum, culpa di-  
mittitur: pœna ad exercitium vite huius manet,  
quæ eſt mors corporis, & cæteræ tribulationes  
vite huius.

*Negat ori-  
ginale pec-  
catum.*

## CAPVT XII.

**D**icit, nullum eſſe peccatum, niſi in ſolo  
conſenſu mali, & in contemptu Dei, quem  
habet homo in conſenſu peccati. Etenim nullā  
concupiſcentiam, nullam delectationē malam,  
nullam voluntatem malam dicit eſſe peccatum,  
ſed naturam. Concupiſcere, inquit, alienā vx-  
orem, ſiue concumbere cum alterius vxore, non  
eſt peccatum, ſed ſolus in hoc conſenſus & con-  
temptus Dei peccatum eſt. Et ſicut in concu-  
piſcentia & delectatione nullum peccatum cō-  
mitti: ſic peccatum conſenſus nullo actu peccati  
dicit augmentari.

*In quo con-  
ſiſtat pec-  
catum.*

## CAPVT XIII.

**D**icit per ignorantiam nullū fieri peccatum.  
Dicit, quoniam ſi ideo Gentilis ſiue Iu-  
dæus contemnit fidem Chriſti, quia contrariam  
eam credit Deo, non peccat. Dicit, quia qui  
ideo martyres occiderunt, quia arbitrati ſunt in  
hoc obſequium ſe præſtare Deo, non peccave-  
runt. Propter quod, inquit, *Iudæi qui Stephanum  
lapidauerunt, & Dominum crucifixerunt, non pec-  
caverunt: imò plus peccaviſſent, ſi contra conſcien-  
tiam æſtimationis ſue ei peperciſſent.* Dicit, con-  
cupiſcentiam & delectationem carnis non eſſe  
in nobis occidendam, ſed odiendam: ſicut præ-  
cipit, inquit, Dominus, patrem & matrem o-  
diendos propter Deum, non occidendos, vt ſē-  
per habeamus contra quod pugnemus. *Quod  
enim, ait, cum labore & certamine bene agitur, hoc  
eſt quod coronam & præmiū meretur: quod verò  
cum pace & delectatione, nihil meretur.* Hoc do-  
cet, hoc ſcribit moralis magiſter; parum ſciens  
vt arbitror, & inexpertus, quid ſit libertas ſpiri-  
tus. Qui adhuc alia docet, & ſcribit quam pluri-  
ma, tam in ſpiritualibus, quàm in moralibus,  
non minus reprehendiſſima vel periculosa, quæ  
proſequi longum eſſet. Ad reprobendam verò  
vel deſtruendam eius doctrinam, cui hæc non  
ſufficiunt, nulla ſufficient.

*Negat pec-  
catum ex  
ignorantia.*

*Epistoła B. Bernardi Claravallis Abbatis ad  
Guillelmum.*

**G**uillelmo Cariſſimo ſuo frater Bernardus.  
Motum veſtrum & iuſtum iudico, & ne-  
ceſſarium. Sed & otioſum non eſſe, monſtrat li-  
bellus tundens & obſtruens os loquentium ini-  
qua. Non quòd illum adhuc attentius, vt iube-  
tis, percurrerim: ſed quia, ex eo quod curſim  
potui peruidere, placet fateor, & potentem exi-  
ſtimo, iniquum dogma obruere. Verūm, quoniā  
meo iudicio non ſatis, vt optimè noſtis, fidere  
conſueui, præſertim in tam magnis rebus: opere

pretium puto, considerata oportunitate, me atque vos pariter alicubi convenire, & conferre de omnibus. Idipsum tamen ante pascha fieri posse non arbitror; ne, quod præsens tempus indicit, studium orationis impediatur. Porro silentio ac patientiæ super his meæ patientiâ habere: cum horum plurima, & penè omnia, huc usque nescierim. Iam verò ad quod hortamini, potens est & Deus, dare mihi spiritum bonum, vestris orationibus. Valete.

*Epistola B. Guillelmi ad S. Bernardum, de erroribus Guillelmi de Conchis.*

**D**omino Bernardo Abbati Claravallis, frater Guillelmus claritatem æternæ visionis. Vereor multum molestus esse vobis, & multiplicibus occupationibus vestris; maxime cum toties vobis sim Propheta malus & importunus, annuncians vastitatem. Ecce enim de radice colubri ascendit regulus, obscuri quidem nominis, & nullius auctoritatis: sed tamè veneno pestifero ipsum aërem communem corrumpens. Etenim post Theologiam Petri Abaelardi, Guillelmus de Conchis novam affert Philosophiam, confirmans & multiplicans quæcunque ille dixit: & impudentius addens adhuc de suo plurima, quæ ille non dixit. Cuius novitatu vanitates, licet apud omnes qui eum novierunt, viles faciat & despicabiles in homine illo nota levitatis: quia tamen non omnibus nota est persona, ad quos per ea quæ scribit, pervenit eius doctrina, adducenda in medium est ipsa doctrina eius. Venit enim nuper ad nos frater quidam fugiens de sæculo, & Deum quærens: inter cæteros libros quos habebat unum deferens hominis illius, cuius titulus erat, Summa philosophiæ. Vbi magni promissor hiatus promittens se docturum de omnibus quæ sunt, & non videtur, principium faciens à Deo philosophatur de eo sicut legere potestis. In Trinitate, ait, omnia gubernante dixerunt esse philosophi potentiam gubernandi, sapientiam, & voluntatem. Si enim potuit & nesciuit, quomodo tam pulchra fecit? Si etenim nolens fecit; aut ignorans, aut coactus. Sed quid ignoraret, qui scit etiam cogitationes hominum? Et quis cogeret omnipotentem? Est ergo in divinitate potentia, sapientia, & voluntas. Hæc tres Sancti personas vocant, vocabula illis à vulgari propter affinitatem quandam transferentes, potentiam appellant Patrem, sapientiam Filium, voluntatem Spiritum sanctum. Potentia dicitur Pater, quia cuncta creavit, & paterno regit affectu. Sapientia dicitur Filius ante sæcula genitus; quia sicut filius temporaliter est à patre, ita sapientia coæternaliter & consubstantialiter est à potentia. Voluntas verò divina dicitur Spiritus. Est enim propriè spiritus anhelitus. Sed quia in spiritu vel anhelitu sæpe voluntas hominis deprehenditur; aliter quippe spirat letus, aliter iratus: divinam voluntatem vocaverunt Spiritum, sed antonomastice sanctum. De generatione verò divina quod, inquit, Propheta dicit, generationem eius quis enarrabit: difficultatem ostendit, non impossibilitatem. Deinde quasi eam enarraturus, Pater, inquit, genuit Filium, hoc est divina potentia sapientiam: quando providit quomodo res crearet, & creatas disponeret. Et quia hoc ante sæcula providit, ab æterno sapientiam genuit, & coeterna ei est sua sapientia. Et hoc est, quod ex se & non ex alio potentia sapientiam genuit: quia non alterius doctrina, neque usus ex-

perientia, sed ex propria natura hoc scire habuit. Sanctum verò Spiritum nihil est aliud à Patre Filioque procedere: quam divinam voluntatem se ex potentia sapientiaque usque ad creationem rerum extendere. Ecce excogitatus Deus, sicut ipsi dicunt, Deum excogitasse animam mundi: ecce fides ficta, quam reprobat Apostolus dicens. *Et fide non ficta.* Vera autè reclamationes fides de corde in quo est, ad eum, à quo est, & dicit. *Domine vim patior, responde pro me.* Doce me quid respondeam contradictoribus meis his: da mihi intellectum tuum de te, quem per illuminantem gratiam format veritas tua, & amor tuus in ratione hominis, quam conformat sibi, ut in ipso intelligam, quam nullus sit intellectus omnis humanus, quem de te per se humana ratio format sibi. Ut autem cum de Deo loquimur, formam non solum sanæ fidei, sed & sanorum in fide verborum teneamus, sicut philosophus hic noster loqui amat ex philosophis suis: sic & nos loquamur quicquid loquemur ex Patribus & Doctoribus & ductoribus nostris: ipsis eorum verbis sensus eorum afferentes, vestigijs eorum inherentes, nil de nobis præsumentes. Periculosum enim nimis est, audere in talibus: nisi ubi vel evidens tueretur auctoritas, vel manifesta ducit ratio fidei. Ratio autem fidei est omnem rationem humanam fidei postponere; vel in obsequium fidei captivatam redigere: terminos fidei ipsius, quos posuerunt Patres nostri, non ignorare, nec in aliquo eos præterire. Hic autem homo, cuius sunt quæ præmissa sunt, & Petrus Abaelardus, quantum ex scriptis eorum potest adverteri, & modo loquendi & similitudine errandi unius spiritus sunt, eodem spiritu ambulant, eisdem vestigijs: spiritui gratiæ contumeliam facientes, cum spiritu huius mundi scrutantur altæ Dei. Idem sapiunt, idem dicunt: nisi quod alter alterum, dum nescit, prodit; cum aliquando alter dissimulat, alter præcipitat, quod uterque sentit. Videant enim, qui legunt totum contextum fidei hominis istius, & philosophiâ de Deo, quam assumpsit per os suum, siquid in ea vel omnino sanum, vel non omnino sit insanum atque hæreticum. Insuper orat lectores suos, ut si quid ibi inuenitur, quod alibi scriptum non sit, non continuò hæresis iudicetur. Non enim, inquit, quia alibi scriptum non est, ideo hæresis est, sed si contra fidem est. Paulus verò dicit. *Sed licet nos aut Angelus de cælo evangelizaverit vobis præterquam quod evangelizavimus vobis, anathema sit.* Et iterum, ut iteratio esset & confirmatio: sicut, inquit, prædiximus vobis, & nunc dico: si quis evangelizaverit vobis præterquam quod accepistis, anathema sit. Et quid obsecro magis anathematizandum, quid magis non dicam hæreticum, sed ethnicum, quam publica professione verbo negare & scripto, Patrem, & Filium, & Spiritum sanctum? Numquid enim hoc non est negare Patrem & Filium, & Spir. S. velle asserere, eos non veritate naturæ esse hoc quod dicuntur, sed nuncupatiue hoc dici? Hoc in antiquis Orthodoxorum Patrum Concilijs, in tractatibus eorum, in gestis & scriptis eorum, quantâ auctoritatis censurâ iam olim damnatû sit & anathematizatum, neminem potest laterè, qui ecclesiasticarum scripturarum notitiam aliquatenus affecutus sit. Vbi omitto interim gravem & Sabellianæ hæresis notâ, quam ipse sibi in caput suum contrahit, cum de Deo dicturus

1. Tim. 1.

Isai. 33.

Verba Guil.  
de Conchis.

Isai. 53.



Patre & Filio & Spir. fa. Deum pro eis potentē, sapientem, volentemque constituit: quod Deū qui in semetipso & ex semetipso est, quod est, ad creaturam dicit esse totum, quod est: ad ea quæ proposuit veniamus. Doctus humanū genus, quod hactenus nesciuit, & quasi à fide ad intellectum omnium perducitur, altissimum illud in Deo mysterium Trinitatis; proponit in diuinitate potentiam, sapientiam & voluntatem, ex quibus Trinitatem Deum conficiat. Et hæc quidem tria in diuinitate esse, manifestum est. Sed cum & alia quamplurima his similia constet esse in Deo, quemadmodum tria hæc: tribus his ad conficiendam, vt dictum est, Trinitatem, quæ Deus est, assumptis; miro præiudicio cætera omnia ejusdem in diuinitate conditionis excluduntur à consortio tantæ dignitatis. Sed agamus serid de re tam seria. Queramus quomodo sint in Deo non solum potentia, sapientia, & voluntas; sed & virtus Dei, veritas, charitas, bonitas, iustitia, & cætera his similia. Nempe sicut beatus Augustinus dicit. *Quicquid, inquit, in Deo est, Deus est.* Et adhuc expressius in libro de Trinitate. *Precipue, inquit, tenendum est, quia quicquid ad se dicitur præstantissima illa & diuina sublimitas, substantialiter dicitur: quod autem ad aliquid, relatiue: tantam quo vim esse ejusdem substantia in Patre & Filio & Spiritu sancto, vt quicquid ad seipsum dicitur, non pluraliter in summa, sed singulariter dicatur.* Scilicet Deus Pater, Deus Filius, Deus Spiritus sanctus; & tamen non tres dii, sed vnus Deus. Potens siue potentia Pater, potentia Filius, potentia Spiritus sanctus: & tamen non tres potentes, siue tres potentia, sed vna potentia, & vnus potens. Sic etiam de sapientia, de bonitate, de veritate, de charitate, intelligendum est; & de omnibus, quæ, sicut dictum est, essentialiter de Deo Patre, & Filio, & Spir. fa. & ad se, prædicantur. Essentia ergo in natura diuinitatis, & nomina hæc omnia, quæ, sicut dictum est, de Patre & Filio & Spiritu sancto essentialiter & ad se dicuntur, non nisi simplicissimam præferunt vnitatem: relatio verò Patris ad Filium, Filij ad Patrem, Spiritus sancti ad vtrumque, & vtrumque ad ipsum, ipsaq; nomina relatiua, ipsa sunt quæ multiplicant Trinitatem. Frustra ergo ibi queritur Trinitas, vbi non est, sed simplex ibi vnitatem est. Quapropter nequaquam quasi ad conficiendam Trinitatem in Deo, potentia eius, sapientia &, voluntas, proponenda sunt; quæ secundum præmissam regulam fidei, & rationem, licet pluraliter in tribus personis pronunciari possint, in summa tamen & in illa natura, vbi hoc est posse quod sapere, sapere quod velle, vnum sunt. Quæ autem in diuinitate secundum Catholicā fidem Trinitas prædicanda sit: beatus Hieronymus in hunc modum scribit ad Damasum Papam. *Confundentes, inquit, Arrium, vnā eandemque substantiam Trinitatis dicimus. Impietatemque Sabellij declinantes, tres personas expressas sub proprietate distinguimus. Non enim nomina tantum, sed etiam nominum proprietates, id est personæ, siue, vt Græci expriment, hypostases, hoc est substantias, confitemur.* Et beatus Augustinus ipsas personas suis designans nominibus, *Certissime, inquit, & de Scripturis cognoscitur, & pie credendum est, & aspectu mentis in hoc indubitata perceptione perstringitur, & Patrem esse, & Filium esse, & Spiritum sanctum esse: nec eundem esse Filium, qui Pa-*

ter est; nec Spiritum, qui Pater est, vel Filium: vnā tamen essentia, non triū, Patrem, & Filium & Spiritum sanctum. Et subtilius adhuc de essentia & relatione differens, Nullum, inquit, essentialiter in Deo nomen est, quod sic vnus persona sit, vt non conueniat tribus. Nullum sic tribus conuenit, vt non in summa vnum sit. In eis autem quæ relatiue de Deo dicuntur, nequaquam sic vna persona singulariter dicitur: vt non ad alteram ipso suo nomine referatur. Relatiuo enim vocabulo sic quælibet persona dicitur in se, vt non dicatur ad se. Relatio ergo sicut dictum est, facit Trinitatē; essentia vnitatem. Quod autem in Scripturis aliquando quædam nominum horum propriè assignantur Patri, quædam Filio, quædam Spiritui sancto, sicut idem Doctor dicit, *sciendum est quid, propter quid.* Sic enim totum quod est ipsa natura, commune tribus inuenitur personis, vt aliquid tamen aliquando sit, quo propriè vnaquæque persona cognoscatur. Vbi quamvis Pater aliquando quasi singulariter dicitur potentia, Filius sapientia siue veritas, Spiritus sanctus voluntas siue charitas: ad id tamen semper reditur, vt Pater & Filius & Spiritus sanctus vna sit potentia, vna sapientia, vnum quicquid sunt. Deinde subtextit & dicit. *Hæc tres, id est potentia, sapientia, voluntatem, Sancti tres personas vocant, vocabula illis à vulgari propter affinitatem quandam transferentes: potentiam appellantes Patrem, sapientiam Filium, voluntatem Spiritum sanctum. Potentia dicitur Pater, quia creauit, & creata paterno regit affectu. Sapientia dicitur Filius à Patre ante secula genitus, & tamen illi coæternus: quia sicut filius aliquis temporaliter est à Patre, ita sapientia coæternaliter & consubstantialiter est à potentia. Voluntas verò diuina dicitur Spiritus. Est enim propriè spiritus anhelitus. Sed quia in spiritum & anhelitu sape voluntas hominis perpenditur; aliter quippe spirat letus, aliter iratus: diuinam voluntatem vocauerunt Spiritum, sed antonomastice sanctum.* Ecce quomodo Sabelliano spiritu, quantum in ipso est, destruit in S. Trinitate veritatem personarum. Et de nomine quidem personæ constat, quod ab hominibus repertum est. Etenim, sicut dicit beatus Augustinus, cum op<sup>o</sup> esset copiosa disputatione aduersus hæreticorū insidias & errores, necessitate loquendi de ineffabili, inuentum est hoc nomen: vt cum queritur de Trinitate sancta, quid tres, & congruū eis nomen non inuenitur, necessitate respondendi & vsu loquendi ex multis incongruis hoc proferatur, vt dicatur tres personæ: non vt eorum, sicut, est edicatur, sed ne omnino taceatur. Porro diuinorum ipsorum nominum, Patris scilicet, & Filij, & Spiritus sancti, neminem dicimus autorem vel credimus, nisi ipsam diuinā naturam gignentis & geniti, & ab utroque procedentis. Natura verò ipsa æternitas est, & æternum est, quicquid naturæ illius est. Pater ergo & Filius & Spir. fa. sicut ab æterno hoc sunt, sic ab æterno hoc dicuntur; etsi non verbo hominis, sed verbo Dei, Verbo Deo, quod est apud Deum. Augustinus. *Non possunt per nostras voces, quæ vsique corporales sunt, & corporaliter sonant, Pater & Fil. & Spir. fa. nisi suis proprijs internalis temporum certa separatione distinctis, quæ suæ cuiusque vocabuli syllabe occupant, nominari. In sua verò substantia, vbi tres vnum sunt, nullo temporali motu, super omnem creaturam idipsum sit, sine ullo intervallo temporum vel locorum.* Item.

Verba Guillelmi de Cichis.

Persona nomen ad Deū translatum, res autem significata verè in Deo est

Lib. 5. de Trin. c. 7.

Apud Hieron. tom. 4. & Aug. ser. 191. de Tēp.

Aug. 7. de Trin. c. 5.

Vbi per Verbum, non quod profertur & sonat & transit, sed Verbo quod est apud Deum, & Deus est Verbum, & omnia per ipsum facta sunt, Verbo aequali sibi, semperque incommutabili, semper atque incommutabiliter dicit semetipsum. Etenim nomina qua de Deo dignè dicuntur, aliter dicuntur Verbo Dei, aliter lingua Angelorum, aliter lingua hominum. Verbo enim Dei ea dici, rem nominum esse, quod est: lingua Angelorum, contemplari eam & intelligere sicuti est: lingua hominis interioris, corde credere ad iustitiam; exterioris autem, ore confiteri ad salutem. Quod autem Filium Dei hoc dici nuncupatiue astruere nititur; non sicut dicit, hoc dicunt aliqui Sancti; sed contradicunt omnes Sancti. Augustinus.

Sanctis contradicit de Conchis.

Credimus Dei Filium ante omne prorsus initium, hoc est sine aliquo sua natiuitatis initio de Patris substantia genitum, Deum de Deo, Dominum de Domino: non ex nihilo, quia de Patre; non nuncupatiue, quia nomen habet ex veritate natura: non ex aliqua materia, quia non fuit aliquid coeternum Deo, unde origo prestaretur Filio. Quid autem prodest Filio, ut nuncupetur unigeniti nomine: si prius vocabuli veritate? Item Ambrosius contra Arianos. Quid te, inquit, questionum tormenta delectant? Patrem audis, Filium audis. Aut dele nomen: aut confitere naturam. Item super Lucam. Hic est filius meus dilectus, in quo mihi bene complacuit. Vbi sunt Ariani, quibus displicet Filius, in quo complacuit sibi Pater? Hoc non ego dico, non hominum quisquam dicit: neque per hominem Deus, neque per Angelos, neque per Archangelos: sed ab ipso Patre vox missa signauit. Qui ergo Filium non credit; non credit Patri. Testis enim est ille de Filio. Augustinus de Trinitate. Ridenda est dialectica Eunomy, qui cum non potuisset intelligere, nec credere voluisset, Unigenitum Dei Verbum, per quod facta sunt omnia, Filium Dei esse naturam, hoc est de substantia Patris genitum: non natura siue essentia dixit esse Filium, sed voluntatis: scilicet quia Filium charitatis Dei esse appellat Apostolus. Deinde nomina ipsa Patris & Filij & Spiritus sancti, non in veritate generantis & geniti & ab utroque procedentis, in Deo esse, sed æquiuocali quadam affinitate translata in Deum esse, astruere nititur dicens. Potentia dicitur Pater, quia cuncta creauit, & paterno disponit affectu. Sapientia dicitur Filius à Patre ante secula genitus, & tamen illi coeternus, quia sicut filius temporaliter est à Patre, ita sapientia æternaliter & consubstantialiter est à potentia. Hic palam omnibus est, quomodo occurrit fidei, aduersatur veritati: cum dicit Patrem, hoc quod Pater est, non esse ad Filium, sed ad creaturam, non natura, sed affectu: quin potius Patre non esse: potentiam autem patrem dici, propter affectum creandi, & affectum gubernandi. Augustinus. Quod Pater est, ad Filium: quod Dominus, ad creaturam. Sapientiam verò filium dicit appellari: eo quod sicut filius quilibet temporaliter gignitur de patre suo, sic illa æternaliter de potentia. Videte ebrium offendentem, ruentem. Ponit sapientiam ad potentiam tamquam filiū ad patrem: potentiam verò patrem, non ad sapientiam, sed ad creaturam. Sed & sapientiam de potentia nasci, neque ex autoritate habemus, neque ex ratione colligimus: quin potius ex usu rationis humanæ sæpius & efficacius generatur potentia de sapientia, quam sapientia de potentia. De Sancto verò Spiritu quod dicit,

scilicet qua affinitate à vulgari nostro in illam naturam nomen ipsum Spiritus sancti translatus sit, nisi quod de Spiritu sancto agimus, tam frivolum ac ridiculum est, ut non nisi ridendo aut irridendo, de Spiritu sancto hoc eum dixisse putauerim. Et credo quia qui habitat in cælis, irridebit eum; & Dominus subsannabit eum.

Datus enim in reprobum sensum homo philosophus & philosophus, physice de Deo philosophatur: & sicut supra Patrem ab affectu, sic Spiritum sanctum ab anhelitu dictum jocat. Sed super hoc, Petro Abaelardo idem garrieti, sufficienter, ut æstimo, supra responsum est. De eo verò quod dicit, nihil aliud esse, Spiritum sanctum à Patre Filioque procedere, quam voluntatem Dei ex potentia & sapientia in opus creaturæ procedere; beatus Augustinus dicit. Si Spiritus sanctus non procedit, nisi cum datur; nec procederet utique, priusquam esset, cui daretur; & jam non est ipse substantia, si non est, nisi quia datur. Sed procedit semper, ut sit, etiam cum non datur: sicut Filius non tantum ut sit filius, quod relatiue dicitur, sed omnino ut sit ipsa substantia, nascendo habet. Sed & quia ab æterno sic procedit Spiritus sanctus ut esset donabile: jam donum erat & antequam daretur. De generatione verò diuina enarranda, quod dicit Prophetam non impossibilitatem denūciasse, sed difficultatem: cui magis credendum sit, ipsi an Sanctis Doctoribus, facile iudicium est. Augustinus. Generatio Christi ex matre, supra rationem est: qua verò ex Patre, supra intellectum. Item. Sic non est aliud Filio videre Patrem, quam nasci de Patre: sicut non aliud est, videre Patrem operantem, & pariter cum eo operari. Ambrosius. Vis nosse generationem diuinam? In principio erat Verbum, & Verbum erat apud Deum, & Deus erat Verbum. Hoc erat in principio apud Deum. Item. Quomodo Filius à Patre sit genitus, impossibile est scire. Mens deficit, vox silet: non hominis tantum, sed & Angelorum. Super Angelos est, super Cherubim, super Seraphim, super omnem sensum. Credere iubemur; discutere non permittimur. Aufer argumenta, ubi fides queritur. Licet scire, quod natus sit: quomodo autem natus sit, scire non licet. Fateatur ergo philosophus noster ignorantiam suam: ubi tanti viri solam profitentur admirationem. Intelligat autem, quoniam si præscientia creaturæ generatio Filij Dei, siue sapientiæ Dei est: jam id quod est temporale, causa æternitatis est. Intelligat in simplicitate summæ essentiae non esse Trinitatis numerositatem, & ideo non substantiæ consubstantialitatem, non æternitatis coæternitatem. Deinde creationem primi hominis philosophice, seu magis physice describens, primò dicit corpus ejus non à Deo factum, sed à natura, & animam ei datam à Deo; postmodum verò ipsum corpus factum à Spiritibus, quos Dæmones appellat, & à stellis. Vbi in altero quidem stultorum quorundam philosophorum videtur sententiam sequi, dicentium nihil prorsus esse præter corpora & corporea; non aliud esse Deum in mundo quam concursum elementorum, & temperaturam naturæ; & hoc ipsum esse animam in corpore: in altero manifestus Manichæus est, dicens animam hominis à bono Deo creatam, corpus verò à principe tenebrarum. In creatione verò mulieris palam omnibus legentibus est, quam stultè, quam superbè irridet historiam diuinæ autoritatis,

Error de Spiritus processionem.

Error de primi hominis productione

Error de Eue productione.

Error de generatione Filij.

Genes. 2.  
Ephes. 5.

scilicet excoctasse Deum primum hominem, ad faciendam de costa ejus mulierem. Et physico illud sensu interpretans, nimis arroganter veritati historię suum præfert inuentum; paruipendens magnum illud sacramentum, de quo Apostolus dicit. *Hoc nunc os ex ossibus meis, & caro de carne mea. Ego autem dico in Christo & in Ecclesia.* Augustinus. *Adam qui erat forma futuri, rerum imaginem & magnum iudicium sacramenti nobis præbuit, imò Deus in illo. Nam & dormiens meruit accipere uxorem, qua de costa ejus facta est: quoniam de Christo in cruce dormiente futura erat Ecclesia de latere ejus dormientis: quia de latere in cruce pendens lancea perfollo sacramenta Ecclesia profluxerunt. Magnum sacramentum. Poinit Deum carnem detrahente homini, unde faceret femina: & magis videtur quasi congruere potuisse. Fiebat enim sexus infirmior; & magis de carne infirmitas fieri debuit, quàm de osse. Sed de osse, hoc est de costa viri formata est mulier: & in loco ossis caro adimpleta est. Poterat pro osse os facere: poterat ad faciendam mulierem non costam, sed carnem*

*detrahente. Quid igitur hac significant? Facta est mulier in costa tamquam fortis: factus est Adam in carne tamquam infirmus, Christus in Ecclesia. Illius enim infirmitas nostra fortitudo fuit. Hoc si crederet, non irrideret. Sed quid agimus? Qui enim arguit derisorem; ipse sibi injuriam facit. Deinde gloriabundus, quasi cui mysteria à sæculis abscondita reuelata sint, totus tacito nomine in viros religiosos inuehitur: satis tamen subauditur in quom, vel in quos: scilicet qui agentes Pascha, hoc est tractantes de diuinis, cum ipsi pro paupertate sensus sui ad esum agni non sufficiant, ipsum tamquam vicinum, hoc est in eadem fide cōmanentem ex præcepto legis non dignentur aduocare. Sed sicut audio ab eis qui eum nouerunt, vicinus quidem olim fuit, sed ab eis de quibus dicit, tam longè recessit, ut nisi redeat in domum, de qua præuaricatus est, nec paschalis sacramenti particeps ulterius debeat fieri; nec ad esum agni dignus sit, siue aduocari, siue admitti.*



## LIBER BEATI GVILLELMI QVONDAM ABBATIS SANCTI THEODORICI.

### De Sacramento Altaris

Falsò, ut in Præfatione ostendimus S. Anselmo à quibusdam ascriptus.

EPISTOLA D. GVILLELMI ABBATIS S. THEODORICI, AD  
quédam Monachum, qui de Corpore & Sanguine Domini scripserat.

*Hic monachus ad quem scribit, est Rupertus; qui postea Tuitiensis factus est Abbas.*

**R**ATRI in Christo Carissimo, illuminatos oculos cordis. Lego & relego, Carissime, opus vestrum De Officijs: multūque me delectat ejus lectio, tum pro sui utilitate, tum pro authoris dulcissima mihi charitate. Sed quoniam veritas charitatis, & charitas veritatis adulationis odit fucum, videor mihi videre in facie pulchri operis nævum vnum: qui etsi inter nos interim beneuola quadam dissimulatione tegatur vel coloretur, si opus hoc exierit in manus eorum, qui carpere amant aliorum etiam bene dicta, futurum est in signum, cui à multis contradicetur. Cum enim in ordine diuini sacrificij illa tria digesturus, materiam, intentionem, finalem causam, de materia ageretur: dixistis post multa. *Sed dicit mihi aduersarius. Vinens & sensibilis in corpore suo, mobilisque est Deus & homo Christus. Corpus autem sacrificij vitam non habet, sensum non habet, mobile non est: corpus ergo Domini non est.* Ad hæc vos contra aduersarium. Obsecro te, quam in corpore Domini vitam requiris? Est enim vita animalis: est & spiritalis. Animalis vita quinque sensibus fungitur; visu, odoratu, auditu, gustu & tactu. Hæc vita animalis est; carnalis est;

caro est. Dominus autem dicit, quia caro non predest quicquam. Et post aliquanta. *Sola ergo spiritalis vita in sacrificio nobis administrare sapientiam ejus decebat: qua est sanctificatio, benedictio, misericordia & veritas, iustitia & pax. Hæc autem vita spiritalis sic est in corpore sacrificij absque ejus vita animali; quomodo lux solis absque calore ejus in corpore luna.* Primum, quid hic corpus sacrificij appelleris, penitus nō aduerto. Cum enim ad benedictiones mysticas operante inuisibiliter verbo Dei corpus in corpus, substantia mutata sit in substantiam; sicut in mensa nuptiali aqua in vinum mutatā, solum adfuit vinum, in quod aqua mutata erat; sic in mensa altaris solū adest corpus Domini, in quod verè mutata est vera panis substantia: nisi quod de aqua nihil remansit in mutatione illa: de pane verò mutato ad peragendum sacri institutum mysterij sola remanet species visibilis. Vnde B. Ambrosius. *Ne, inquit, horror cruoris fieret: ideo in similitudine accipis sacramentum.* Nam panis substantiam post Domini corporis consecrationem in altari superesse, semper abhorruit pietas Christiana: nuperque damnauit in Berengario Turonensi, ejusque sequacibus. Nam si hoc

Ruperti verba  
liber 2.  
de Offic.

Ambro. lib.  
de Sacram.

admitteretur; jam Verbum non incarnatum tantum; sed etiam, si dici posset, diceretur impanatum: si sicut ille dicebat, panis sic in corpus Domini transiret, ut tamen panis esse non desineret.

Corpus sacrificij est corpus Christi.

Ioan. 6.

Psal. 13.

Species qua videtur non est corpus Domini.

Iob 26.

Psal. 23.

Ioan. 20.

2. Cor. 8. Christus eodem momento in celo & in altari.

Corpus igitur sacrificij non aliud intelligo, quam quod mortuum est, & resurrexit: quod non corpus sacrificij, sed sicut verè est, appellamus corpus Domini. Quod idipsum esse, quod in altari sacrificatur, qui non credit: in eorum numero se constituit, qui abierunt retro, dicentes, *Durus est hic sermo*. Sed & vos corpus illud sacrificij aliquando appellatis corpus Domini. Sed pace vestra dictum sit, infertis, quod nescio an corpori sacrificij; sed corpori Domini non conuenit. Nam corpus Domini, imò Dominum Iesum in corpore suo, ipso inquam corpore, in quo nobis preesto est in altari; quod non est aliud, quam quod sedet ad dexteram Patris, motum & sensum habere, & per omnia nostræ esse naturæ, licet alterius gloriæ, contradicet nullus, nisi insipiens ille, qui dicit in corde suo. *Non est Deus*. Quod si corpus sacrificij visibilem illam speciem appellatis, quæ apparet in altari, videlicet propter similitudinem panis corporalis: stultus & ineptus erit ille aduersarius, qui eam requirit in specie panis, quæ propria sunt viuientis corporis, id est vitam, sensum, & motum: & non potius ea quæ propria sunt illius speciei; ut est rotunditas, albedo, & cætera huiusmodi. Nam similitudo illa panis, quæ in altari carnis oculis se ingerit, per se inspecta, non est corpus Domini. Sed cum esset quiddam priori substantiæ, id est pani inhærens, vel accidens; migrante in Dominicum corpus substantia cui inhærebat, remansit, ad peragendum sacri institutum mysterij. Quod quidem contra usum & rationem est mundanæ sapientiæ, ut sublata substantiâ, substantiæ accidens subsistat. Sed legi naturæ non subjacet Deus; imò ipsius legis lex est creator suus. Potestque accidentia subducto substantiæ fundamento, vel continere, vel in aliam transferre substantiam: qui terram, vel secundum unum Prophetam *appendit in nihilum*; vel secundum alium, *super maria fundauit, & super flumina præparauit eam*. Qui etiam de hoc ipso corpore suo de quo agimus, hoc mirabiliter operatur, quod etiam de diuina ejus substantia vix capere potest humanæ animæ infirmitas, ut clausis januis illud introducat, & palpabile præbeat: & cum in sacramento distribuitur fidelibus, faciat de eo, quod scriptum est: *Qui multum, non abundauit; & qui modicum, non minorauit*: vnoque horæ momento & in dextera Patris sedeat in cælis, & sacrificetur in mensa altaris: itemque vno horæ momento à solis ortu vsque ad occasum, & ab aquilone ad austrum, præsto sit omnibus fidelibus, hoc quod tradidit ipse, in sui memoriam fideliter celebrantibus. Quod de corpore cogitare non potest aliquis, qui sit in corpore. Est igitur in mysterijs vera dominici corporis substantia, sed absque visibili specie sua: & est vera species visibilis panis, sed absque substantia sua. Vnde beatus Augustinus. *Quod, inquit, videtis in altari, panis est & calix, quod oculi renunciant vobis: quod autem fides postulat instruenda, panis corpus est Christi; & calix sanguis est Christi*. Et B. Ambrosius *Vt sint que erant, & in aliud commutentur*. Nihil enim falsum putandum est in sacrificio veritatis, vel sicut fit in magorum præstigijs, ubi delusione quadam fallu-

tur oculi, ut videatur illud esse quod non est omnino: sed vera species visibilis panis, quæ fuit in pane, ipsa facta præter substantiâ suam, quodammodo in aliena peregrinatur, continente eam qui fecit eam, & ad suum transferente corpus.

Quæ tamen translata ad corpus Domini, non eodem modo est ad illud, quomodo accidens ad substantiam: quia corpus Domini, quantum in sua substantia, nec album efficit albedo illa, nec rotundum rotunditas illa; sicque de reliquis. Sed quia, sicut dicit B. Augustinus visibiliter necesse est celebrari, quod tamen necesse est inuisibiliter intelligi: ad quod necessaria est species illa ad mysterij ritum, ad gustus suffragium, necessario & pio consilio quasi perfunctorie admittitur: quo peracto, in percipiendo sacramento consumitur. Consumptibilis enim erat; & obnoxia corruptioni: quod esse non potest sanctum illud, de quo Propheta, *Non dabis, inquit, sanctum tuum videre corruptionem*. Deinde cum corpus illud sacrificij viuere negatis vita animali; vellem diceretis apertius, quam ibi vitam animalem dicatis. Dicit enim Apostolus. *Vt spiritus vester & anima & corpus conseruetur in diem Domini*. Secundum hanc distinctionem, quam in omni homine possibile est inueniri, duæ vitæ discernuntur, quæ inuicem sibi aduersantur; spiritualis & animalis. Horum enim trium, spiritus videlicet, animæ, & corporis, cum duo vltima primo seruiunt, vita est spiritualis: cum duæ

Accidentia panis & vini non inharerent corp. Christi

Psal. 15.

1. Thessal. 5.

Vita animalis, aut spiritualis, quæ.

prima vltimo, vita est animalis. Hanc vitam appellare animalem consuetudo est Scripturarum. Talis quippe est homo, qui non percipit ea, quæ Dei sunt. Hac autem vita animali, qui viuere dicit corpus Christi, non viuunt ipse, peiorque est omni animali. Quod si nomen animalitatis in hoc coarctemus, ut animalem vitam dicamus, qua viuificatur tantum corpus & sensificatur; quicumque corpori Christi post resurrectionem ex mortuis derogat vitam, & sensus nostræ naturæ, licet alterius gloriæ; videat unde adstruat, quod dicit: maxime cum membris auferat resurrectionis spem, quam in capite videtur perimere. Ecce hoc est, quod in opere vestro me offendit, & nonnullos fratrum nostrorum. In quem sensum etiam illud concurrere videtur, quod paulò superius dixeratis. Sic enim ibi legitur. *Quapropter qui visibilem panem sacrificij comedit, & inuisibilem à corde suo non credendo repellit: Christum occidit, qui vitam à viuificato se jungit, & dentibus suis mortuum laniat corpus sacrificij; ac per hoc rem est corporis & sanguinis Domini*. Et in hunc sensum consonare videtur, quicquid propositum vel assumptum est in sententia illa de materia sacrificij sancti. Quod vtriusque correctione indigeat, vestro legentiumque iudicio derelinquo. Nunc vnum est, quod precor charitatem vestram, per ipsum qui est charitas: ne me quasi de integritate fidei vestræ dubitantem, quod longè sit à corde meo & conscientia mea, estimetis in opus studij vestri quasi censoriam tulisse sententiam jactabundâ quadam temeritate: sed fraterna charitate & sollicitudine amica, teste Deo, loquor pro vobis sollicitus, sic vellem & hoc & omne opus studij vestri & laboris exquisitum esse & circumspexitum, priusquam exiret in manus eorum, qui foris sunt ut qui rodere illud vellet, non inueniret, ubi dentem posset infigere; & ut sincerum vas nullus posset in crustare. Valere.

Verba Rapti.

In utroque codice manuscripto, qui pra manibus est, haec verba praedictam Epistolam sequuntur. FINIT Epistola Domni GVILLELMI, quondam ABBATIS S. THEODORICI: sed pra nimio desiderio perfectionis, & exoptatae paupertatis, ad ultimum MONACHI SIGNIACENSIS.

Incipit Prologus D. GVILLELMI ad Abbatem Clairavallis S. Bernardum.

Sic habet  
codex ma-  
nuscriptus  
uterque.

CARISSIMO suo electo ex millibus, sum ille scripsit. Cum nuper re ipsa exigente, cuidam fratri breuiter de sacramentis scripsissem: sumpto inde cogitandi exordio, rationes quasdam ex Patrum sententijs sumptas cepi inuicem conferre; & quaedam quae in libris eorum, & maxime B. Augustini, super hac re nonnullos turbare solent, in unum colligens, tentare cepi, utrum aliquid inde possem conficere. Cumque ex confusione illa opusculum hoc nescio quomodo exisset: vobis pra omnibus putavi destinandum, mihi & vobis solummodo habendum: ut cum in eo correxeritis quae corrigenda sunt, & meum opus, & vestrum sit; cum ego fecerim vos correxeritis: nisi quod magis erit vestrum quam meum: si non bene factum a me, bene fuerit a vobis correctum. Post finem vero opusculi per se sententias ipsas Patrum congeffi, pro quibus explanandis, & sibi inuicem conciliandis, opus ipsum aggressus sum: licet per ipsum opusculum passim eas disseperim: & ubi opportunum fuerat, ipsa verba eorum ponere maluerim, quam mea. Explicit Prologus.

Codex ma-  
nuscriptus.  
uterque.



INCIPIT LIBER D. GVILLELMI,  
de Corpore & Sanguine DOMINI.

**C**UM Christianae fidei veritas hoc quasi speciali praeemineat jure, ut non ipsa per intellectum, sed per eam ejus querendus sit intellectus: omnem a se compescit superbum vel curiosum inquisitorem, vel eum, qui multis & varijs questionibus in fide non quaerit nisi gloriam suam: vel eum, qui quasi ratiocinando & retractando dubijs quibusdam deliberationibus explorat, utrum credendum sit, quod credendum indicit diuina auctoritas. Beati pauperes spiritu, qui parvulos se cognoscentes & lacte nutriendos, donec apti sint ad solidum cibum, accedunt simpliciter ad fidem: quos suscipit & exercet; & eorum est, quae non omnium est, fides. Aliud enim est fides, aliud scientia. Scientia ratione & intellectu colligitur: fides vero sola auctoritate indicitur. Qui ergo nil credere vult, nisi ratione vel intellectu praecedente; hic rem confundit. Et scire omnia volens, nil credere: fide quantum in ipso est, videtur annulare. Sed credere oportet accedentem ad Deum, quia est. Et iustus ex fide vivit. Vnde & ego de sacramentis Sancti Sanctorum corporis Domini nostri Iesu Christi, quod dedit ipse scripturus, non abs re puto de hoc & de huiusmodi cogitantes vel loquentes mecum pariter commonere, non nimis inniti sensui suo, sed prudentiae suae ponere modum: intendere vero aciem mentis in rem de qua agitur: & secundum Boetij viri prudentissimi sententiam, sicut res est, sic de ea fidem capere tentare. Non enim est hominis rationem

habentis, cum tractat diuina, pensare ea ex his rebus quae infra Deum sunt, & omnipotentiae immensitatem intra terminos nostrae possibilitatis angustare: eandemque naturam quodammodo disputando velle informare ad exemplum naturae mutabilis: in qua stant aeternaliter omnes causales formae rerum labentium temporaliter. In huiusmodi enim de sursum, non de deorsum, trahenda sunt rationum exempla, vel probationum argumenta. Alioqui, qui hoc non facit, similis ei aestimandus est, qui fontem riuo, & non fonti riuum attribuit.

Diuina non  
sunt ex cre-  
atis aestima-  
da.



## CAPVT PRIMVM.

Quomodo aestimandum sit de corpore Domini: & quod in diuersis locis sit uno eodemque tempore, non tamen ubique.

**H**AC igitur consideratione in mysterijs Christi carnem sapere non debemus secundum carnem. Nam etsi Christum secundum carnem nouimus: sed nunc jam non nouimus. Rursumque carnis veritatem non sic debemus quasi spiritualiter rimando attenuare, ut naturam ejus Verbo Dei unitam, non tamen in Verbum mutatam, quasi ratiocinando videamur destruere. Nam Iesus Christus heri & hodie, ipse est & in saecula. Qui naturam illam, in qua carni communicauit & sanguini, ut fratribus per omnia assimilaretur misericors Pontifex, sic glorificauit, ut non destrueret: sic prouexit, ut non exinaniret. Sic enim est cogitandum corpus Domini, sicut est: nostrae scilicet naturae, sed alterius gloriae. Si enim nostrae humilitatis corpus resurrectione glorificatum spirituale erit, in quantum spirituali potentia & incorruptione & gloria praeminebit: quantomagis illud in quo habitat omnis plenitudo diuinitatis corporaliter, ejus qui resurrexit a mortuis primitiae Christus? Si in nobis fiet tunc, ut quicquid mortale fuerit absorbeat a vita, quicquid hominis est, in melius suum commutabitur: ut quod nunc est spiritus, anima, & corpus, tunc sit totum spirituale vel spiritus: quantomagis qui ex unitis naturalis in idipsum naturae utriusque res est, neutro carens, in utroque Deus & homo Christus, cum in virtute resurrectionis suae ea quae erat passibilis & mortalis hominis, finem fecit habere, formam illam quae ditanda erat tantae glorificationis augmento, eodem in semetipso prouexit; ut sicut dicit Apostolus, exaltaret illam, & donaret illi nomen, quod est super omne nomen? Et si natura carnis, ex quo illi naturae summam unita est, in tanta unitate ei ab ipso conceptu Virginis est conferta, ut nec sine homine diuina, nec sine Deo agerentur humana, & per hanc unitatem etiam in diebus carnis suae homo Christus potuit diuina: quantomagis cum exaltatione quam illum exaltauit Deus, humilitas ejus mutata est in gloriam, infirmitas in virtutem, mors in vitam? Nam quod de humanitate ejus per resurrectionem glorificatam secularis philosophiae ratiocinationibus videtur insusceptibile, ut clausis ad discipulos januis palpabilis intraret, & passibilis & mortalis exercuit; dum de thalamo suo vteri vaginalis ad currendam viam dispensationis humanae clausis naturae januis processit.

2. Cor. 5.

Hebr. 13.

Philip. 2.

Quantitas  
unitas ver-  
bi & natura  
humana.

Ioan. 2.

Hebr. 11.



Corpus  
Christi  
clausape-  
netramis.

Quod si corpus illud intrare & exire per clausa potuisse virtus authoris & pietas fidei fecit esse credibile: alia etiam quæ præter naturam corporum sunt, posse corpus illud vel potuisse, non video quid facere possit incredibile. Nam & spiritus noster, in quo ad imaginem Dei conditi sumus, cum secundum imaginem ejus qui creavit eum in regno machinæ corporalis, cui præest, sic quodammodo se habeat, quomodo creator in regno creaturæ suæ, ut sicut ille ubique locorum est, & totus est, sic iste in toto corpore suo sit, & ubique totus sit; licet ratio humana non comprehendat modum quo id fiat: cur difficile videbitur naturam carnis illi summæ naturæ sic unitam, ut ejus facta sint omnia, quæ illius sunt, maxime post resurrectionis glorificationem in diuina potentia posse, ut in diuersis locis sit, non diuerso tempore? Nam, ut ait

2. Cori. 13. Apostolus, *etsi crucifixus est ex infirmitate: uiuit tamen ex uirtute Dei.* Licet enim dignioris & subtilioris naturæ spiritum rationalem constet esse, quam quodlibet corpus: illud tamen corpus quod super omnes cælos in eo, qui supra omnia est, meruit exaltari; dignius, & ad omnia quæ uoluerit, subtilius & efficacius puto esse, quàm sint aliqui, non solum inferiores spiritus; sed etiam omnes illi, qui cælorum nomine meruerunt appellari. Nam quamuis etiã corporalis ejus eleuatio, qua super cælos eleuata est illa natura, proculdubio sit credenda: tamen exaltatio, qua exaltata creditur super cælos cælorum sic uerissimè intelligenda est, ut dignitate, & gloria, & potestate, super omnia cælestia credatur glorificata. Consedit enim, ut Apostolus ait, *ad dexteram maiestatis in excelsis: tanto melior Angelis effectus, quanto differentius præ illis nomen hereditauit.* Quia profectò dextera non aliud intelligenda est, quàm ea, quæ illa maiestas habet potiora. Nec tamen naturam illam corporis Dñici ubique esse dico: quia nec opus est, nisi ubi uult, & ubi certo fidei sacramento hoc operatur, ad quod assumpta est & glorificata, mysterium scilicet saluationis humanæ. Am-

Hebr. 1.

Dextera  
Dei quid.

Ambr. lib.  
1. Incarn.  
cap. 4.

Creatura  
Creatoris  
legibus obe-  
dit.

Ioann. 1.

Athanas. in  
Symbol.

Ioann. 3.

1. Cor. 2.

brosius. *Non enim secundum naturam diuinitatis interpretandum est, quod præter naturam illam est.* Nam & si credamus à Christo carnem susceptam, non tamen discernamus naturam Verbi & carnis, nobis docetur. Si rectè offeras, & non rectè diuidas: peccasti. Deus enim solus necessariò ubique est: quia cum omnia in ipso consent, nihil posset esse, ubi illum contingeret deesse: ideoque substantiæ ejus & potentiæ præsentiam ubique adesse, inuitabile exigit necessarium. Sic ergo constat in diuersis locis vno horæ momento esse posse corpus Christi: sed lege creatricis naturæ, non creatæ. Cum autem naturæ creatæ natura sit, creatricis naturæ legibus in omnibus obedire: si hæc aliquando pacta sua resoluenda illi permittit, qui eam instituit, & ordinat, non debet uideri errare vel deuiare ab ordine suo, maxime in illa natura, quæ in uirtute personæ conjuncta est illi Verbo, per quod facta est omnis facta natura: & præter quod non posset aliquo modo esse; nisi, sicut dicit Euāgelista, in ipso uita esset. Si tamen cogitemus illam personæ unitatem, qua licet Deus sit & homo; non duo tamen, sed unus est Christus: secundum quam ipse Dominus, Nemo, inquit, *ascendit in cælum, nisi qui descendit de cælo, filius hominis, qui est in cælo:* & de qua Apostolus, Si, inquit, *cognouissent, numquid*

*Dominum gloria crucifixissent: cum homo Christus, quantum in suæ proprietate naturæ Dominum gloriæ crucifigi possibile fuerit: si inquam hanc personæ cogitemus unitatem secundum participationem humanæ cum Deo naturæ: & in cælo & in terra & ubique, etiam ante conceptum Virginis & fuisse & esse credendus est homo Christus; quemadmodum secundum participationem diuinæ cum homine naturæ, proculdubio Deus credendus est & crucifixus. Secundum hanc enim unitatem vno momento Christus Dominus cum in sepulchro quieuit, & in cælo & in terra, & ubique fuit, sed secundum diuinitatem solam: eodem temporis momento in sepulchro quieuit, sed in carne sola: eodem tempore erat in inferno suos liberans, sed in anima sola: eodem tempore in cælo ad dexteram Patris sedebat, sed in deitate sola: & si de quolibet horum requiramus, Christus Dominus planè respondendus est fecisse; sed secundum proprietatem cuiusque substantiæ. Sed de hac corporis ejus præsentia non modò agitur, Secundum uero illam, de qua agere cõperamus, adest Corp. Christi in diuersis locis Dominus in corpore suo, incõprehensibili & inenarrabili modo; certa tamen fide, ubique exigit res factus humanæ. Qui tamen in manifestatione illa corporis sui, in qua post resurrectionem suã ascendit in cælum in jubilatione Apostolicæ congratulationis, & voce tubæ Angelicæ testificationis, vno aliquo loco continetur, quicunque ille locus sit: quem nemo uelit inuestigando quærere, qui non uult errare: futurus ibi usque ad tempora restitutionis omnium: & tunc demum uenturus, quemadmodum uisus est ascendere in cælum.*

Corp. Christi  
in multis  
simul lo-  
cis est.

## CAPVT II.

*Quomodo necessaria nobis sit modò corporis  
Domini præsentia.*

Sic ut enim exigit necessitas salutis humanæ, ut adsit ubi opus est: sic etiam exigit, ut sic adsit corpus ejus, sicut opus est. Iam enim nõ est necessaria nobis illa ejus manifesta præsentia, qua cum hominibus conuersatus est Christus, cum natura nostra ejus morte redimenda fuit, in qua solus innocentem se inuenit: & cum aliter crucifigi non potuit, nisi ex infirmitate: & nisi in manifestatione carnis & distinctione membrorum exhiberet se talem, qui crucifigi posset. Necessaria tamen nobis est præsentia ejus, eo modo quo eam necessariam ipsa ueritas testata est dicens. *Nisi manducaueritis carnem meam, & biberitis sanguinem meum: non habebitis uitam in uobis* manentem. Oportet igitur nos carnem Christi manducare: si uitam in nobis manentem volumus habere. Nam caro ejus uerè est cibus: sanguis ejus uerè est potus. Quod enim cibo & potu appetitur, in hoc solo cibo præstatur; scilicet, ut ultra non esuriatur. Et sicut communi cibo id appetitur, ut uiuatur: sic ad eam uitam qua uerè uiuitur, solummodo per hunc cibum peruenitur. Cibus enim hic ad uitam æternam animæ conferendam collatus est: non ad ruinas sustentandas hujus miseræ uitæ, quæ vapor est ad modicum parens. Hic ergo modus est, quo necessaria nobis est ad salutem & uitam præsentia corporis ejus: uidelicet ut manduceretur à nobis factus panis noster quotidianus. Oportebat autem, ut sicut cum necessaria nobis fuit uisibilis ejus præsentia, inuisibile in suis, uisibile factum

Præsentia  
Christi in  
sua uisibili  
specie non  
est nunc nobis  
necessaria.

Ioann. 6.

Iac. 4.

*Caro Christi in sua specie non est manducabilis, sed in aliena.*

est in nostris Verbum caro factum: sic cum res exigit salutis nostræ, ut manducetur caro ejus, quod non est ipsa caro in natura sua, fiat in aliena, manducabilis scilicet. Quod in nullis rebus aptius fieri potuit, quam in eis, quæ inter omnia humani corporis victualia quodammodo tenent principatum: quæ sunt panis & vinum. Nam etiam ad literam præ cunctis cibis panis cor hominis confirmat: & vinum lætificat. Quia igitur dignatione & pietate dignatus est in humeros suos levare ovem perditam; id est in unitatem personæ suæ assumere corruptam naturam nostram: eadem nunc terrenam substantiam panis suscipiens, in virtute diuinæ potentie, cui in omnibus, & per omnia subest cum voluerit posse, transmutat in veritatem carnis suæ.

## CAPVT III.

*De Visibili specie in Sacramento Corporis Christi.*

*Accidentia panis & vini sine horum substantia manent in Euchar.*

**C**UM verò mutat naturam in naturam, substantiam in substantiam, corpus in corpus; hoc solum de eo quod mutatum est facit superesse, quod res exigebat: scilicet ut cum panis substantia in illam transierit substantiam, quæ sedet in dextera Patris, de qualitate prioris substantiæ hoc sibi vindicet, ut secundum mysterij ritum tractabile fiat & gustabile ex illa natura, quod non erat ex sua. Sed contra omnem sæcularis philosophiæ rationem & intellectum mutarâ panis substantiâ in aliam substantiam, ad quoddam mysterij obsequium quædam accidentia quæ illi inherebant, sic transtulit non mutata; ut corpus Domini, licet ad sit albedo, non fiat album; nec rotunditas rotundum: sed huiusmodi omnia sic reseruat, ut licet vero humanitatis ejus corpori adsint, non tamen insint: non tamen illud inficiant vel afficiant, sicut accidentia substantiam cui accidunt: sed exterius seruientia ad corpus Domini quodam modo obtegendum, quod in forma & natura sua verè persistit, vnum quiddam quod panis inerat naturaliter, & non inerat corpori Domini, & inesse illi exigebat res sacramenti, tegminis sui obsequio in illud faciant transire: ut verè fiat secundum ritum mysterij tractabile & gustabile, quod non erat in qualitate naturæ suæ. Et hæc mihi videtur illa species panis visibilis in sacramento altaris. Nec magis hoc est mirandum, quod præter substantiâ facit Deus subsistere accidentia; quàm hoc quod ipse est substantia, nulla recipiens accidentia; quicquid est, substantialiter existens: sine qualitate bonus, sine quantitate magnus, sine loco vbique præsens, nihilque patiens, & sic de reliquis.

## CAPVT IV.

*Quid in sacrificio secundum naturam, quid supra naturam sit.*

*Quæ ad inuicem possunt transmutari.*

**S**E D libet de communi & naturali, & secundum naturam possibili, naturarum vel formatum transmutatione, subtilius aliquid indagare: ut videamus & intelligamus, quid in sacrificio sancto secundum naturam, quid supra naturam faciat naturarum omnium creator Deus. Boëtius. *Sola quippe mutari transformarique in se possunt, quæ habent unius materiae commune subiectum.* Nec hæc omnia: sed ea quæ in se & facere & pati possunt. Id verò probatur hoc modo. Neque enim potest æs in lapidem permutari; nec verò idem in herbam: nec quodlibet aliud corpus in quodlibet aliud transfigurari po-

test: nisi & eadem sit materia rerum in se transmutantium; & à se facere & pati possint: ut cum vinum & aqua miscentur, utraque sunt talia, quæ actum passionemque sibi communicent. Potest enim aquæ qualitas à vini qualitate aliquid pati: potest item vini ab aquæ qualitate aliquid pati. Atque idcirco si multum fuerit aquæ, vini verò paululum, non dicuntur immixta: sed alterum alterius qualitate corrumpitur. Si quis enim vinum fundat in mare, non mixtum est mari vinum, sed in mare corruptum: idcirco quoniam qualitas aquæ multitudine sui corporis nihil passa est à qualitate vini: sed potius in se ipsam vini qualitatem propria multitudine commutauit. Si verò sint mediocres, sibi quæ æquales, vel paulò inæquales naturæ, quæ à se facere aliquid aut pati possunt: illæ miscentur, & mediocribus inter se qualitibus temperantur. Atque hæc quidem in corporibus: neque his omnibus; sed tantum quæ à se, ut dictum est, & facere & pati possunt, communi atque eadē materiâ subiectâ. Omne enim corpus, quod in generatione & corruptione subsistit, communem videtur habere materiam: sed non omne ab omni vel in omni, vel facere aliquid vel pati potest. Corpora verò in incorporea nulla ratione poterunt permutari: quoniam nullâ communi materiâ subiectâ participant, quæ susceptis qualitibus in alterutram permutetur. Corpus autem Domini cum pane vnus habet commune materiæ subiectum. Inquantum enim corpus Domini & generari potuit & mori; commune cum pane isto terreno videtur sortiri materiam. Inquantum verò panis cum corpore Christi communem habet materiam, possibile habet in illud transmutari: nec cum hoc sit, à naturâ vsquequaque receditur. Si enim multitudini maris modicam vini guttam in suam transmutare naturam, intantum ut de ea nihil penitus videatur residuum, est possibile: multitudini vel magnitudini virtutis Christi, quæ cū Deo Patre vnum est homo Christus Iesus, omnipotenti creatoris actione, & obedientissima creaturæ passionem panem in suum transmutare corpus erit impossibile? Et cui creare de nihilo & formatum & formam fuit facile: mutare formatum, & cōseruare formam, quomodo erit difficile? Sic itaque, ut dictum est, ad mysterij ritum, ad gustus suffragium, quibusdā mutatis, quibusdā minime: à pio Redemptore nostro possibile factum est nobis, piè & sanctè & verè corpus ejus manducare, quoties nobis benedicit panem istum, hoc est transmutat in corpus suum.

*Corpora non possunt in incorporea transmutari.*

*Ut mare aqua guttam in se transmutat, sic Christus panem in corpus suum.*

## CAPVT V.

*De Spirituali manducatione Corporis Christi.*

**S**E D cum homini animali, qui non percipit ea quæ Dei sunt, absurdum & plenum horrores videatur, ut seruus manducet Dominum suum: omni diligentia considerandum nobis est, quomodo ad veram vitam talis cibus sic nobis necessarius sit: ut sine hoc ad illam peruenire impossibile sit. Modus etiam manducandi subtilius discutiendus videtur: ne omnis qui corporaliter videtur manducare, confidat se vitam in semetipso manentem habere. Sed jam dictum est, quæ sit ipsa vita: ad quam nos viuificet iste cibus. Quod enim per hunc vitam potius animæ queratur quàm corporis, nulli est dubium. Li-

*Vita anime per hunc cibum queritur.*

*Omnia  
Christus e-  
git, ut ama-  
retur a nobis*

est anima: ita animæ Deus. Deus autem est charitas. Vita ergo animæ rationalis est charitas Dei. Ut igitur ille ametur, qui est ipse amor suus, & qui habetur ubi amatur; ad hoc enutrire nos debet cibis iste. Quicquid enim Redemptor noster in carne fecit; ob hoc utique fecit, ut amaretur à nobis; non quoddam egeret ipse nostro amore, qui bonorum nostrorum non indiget, per omnia sufficiens ipse sibi: sed quia quos beatos ipse facere susceperat, nisi cum amando non poterant esse beati. Ideoque non solummodo amore, quo nos prior dilexit, sed omnimodis amoris obsequijs, ut amaretur à nobis quodammodo elaborabat mereri: infirma nostra curando, mortua suscitando, ignobilia mundi eligendo, fortia ejus confundendo; terrenorum odium, cœlestium amorem commendando. Ideo quippe descenderat ad nos, ut amorem nostrum in terrenis dispersum & putrefactum beneficia pietatis exhibendo in se recolligeret, & in novitatem vitæ reformaret: & abstractum & emundatum à facie carum rerum, quæ cum ipso pariter amari non possunt, secum leuaret sursum. Augustinus in libro Confessionum. Sic enim illa summa majestatis superioribus creatura sua partibus supereminens, subditis erexit ad seipsam. In inferioribus enim edificavit sibi humilem domum de limbo nostro: per quam subdendos deprimeret à seipsis, & ad se traiceret, finiens timorem, & nutriendum amorem: ne fiducia sui progredirentur longius; sed potius infirmarentur, videntes ante pedes suos infirmitatem diminitatem ex participatione tunice pellicæ nostræ, & lassæ prosternebantur in ea; illa autem surgens leuaret eos. Quid enim faceret miser homo: quis eum liberaret de corpore mortis hujus, nisi gratia Dei per Iesum Christum Dominum nostrum? In quo cum princeps mundi hujus non inueniret quidquam morte dignum, occidit eum: & sic euacuatum est chirographum, quod erat contrarium nobis. Ille vero libens pro omnibus gustavit mortem: & liberavit eos, qui per totam vitam timore mortis obnoxii erant seruituti. Sicque in mortis consortio filius Dei nobis fieri dignatus est amicus: ut Deum agnosceremus similem quodammodo nobis factum: eiusque fiducia relinqueremus hostem nostrum; & fugeremus ad Redemptorem nostrum. Qui intantum descendit ad subleuandum nos: ut neque hoc abhorreret à nobis pro nobis suscipere, in quo majorem & digniorem nostram naturam inimicus se gloriabatur existere. Cedendo enim illi in passionibus, & moriendo, paulominus minorari visus ab ipsis apostaticis Angelis, quia mori potuit: illi qui mori non poterat impotens apparuit, & non formidabilis. Sic enim, ut ait Propheta Osee, attrahendi eramus in vinculis charitatis. Sic curandi erant, qui se amabant usque ad contemptum Dei: ut discerent Deum amare usque ad contemptum sui. Hoc enim non propter se, sed propter nos prouocabat in nobis, quod propter ipsos nos in seipso exhibebat nobis: videlicet ut disceremus eum amare usque ad contemptum nostri: qui nos prior amauit usque ad contemptum quodammodo sui. Salvo enim alio redemptionis nostræ sacramento, hujus rei gratiam carnem suscepit, susceptamque necessitatibus naturæ injurijsque & passionibus exposuit: fecitque vel dixit, quicquid per carnem vel in carne fecit vel dixit. Cum ergo de carne sua amandi se tantam ingerit materiam: magnā

& mirificam animabus nostris vitæ allmoniam ministrat. Quam tunc audis faucibus sumimus: cum dulciter recolligimus, & in ventre memoriz recondimus, quæcumque pro nobis fecit vel passus est Christus. Et hoc est conuiuium de carne Iesu & sanguine: cui qui communicat, habet vitam in se manentem. Tunc autem comunicamus: cum fide ardente quæ per dilectionem operatur, reponimus in mensa Domini qualia inde sumpsimus: videlicet ut sicut ille se præbuit pro salute nostra, nulla sua necessitate: sic nos totos fidei ejus & charitati exhibeamus necessitate salutis nostræ. In hoc enim conuiuio quicumque saginatur, nescit panem suum otiosus comedere: sed sollicitè cum muliere forti de nocte hujus sæculi confurgit ad lucernam verbi Dei, ut labores manuum suarum manducet, ut beatus sit, & bene ei sit. Sicque in Christo manet bonus conuiua Christi per piæ dilectionis affectum: habetque Christum in se manentem per sanctæ operationis effectum. Quod cum vtrūque donum Dei sit: totum accrescit magis ac magis ad cumulum amoris amplioris in illum, quem perfectè amare hoc est perfectè beatum esse. Hunc autem cibum plus manducat, qui plus amat: & plus amando rursum plus & plus manducat, & plus & plus amat: licet hujus amoris in hac vita non nisi pignus quoddam accipiamus, plenitudinem ejus in præmium ejus in futuro sæculo expectantes. Ecce, hoc est manducare illam carnem, de qua dicit Iesus. Qui manducat meam carnem, in me manet, & ego in eo.

CAPVT VI.

De duplici corpore Christi.

Hieronymus in epistolam ad Ephesios. Sed dupliciter intelligitur caro Christi: vel spiritualis illa atque diuina, de qua ipse dicit, Caro mea verè est cibus: vel caro illa que crucifixa est & sepulta. De carne enim illa priori, quæ crucifixa est, hæc altera procedit. Et secundum Psalmistam educit Deus panem de terra: cum à terreni corporis agro quem à nobis assumpsit, mysterium profert cœlestis panis ac poculi salutaris, quo reficitur Ecclesia. Et sicut corpus Domini quod mortuū est, in Evangelio granum frumenti vocatur cadens in terram: sic in Psalmo adeps frumenti vocatur illa mystica caro, ad quam Dominus hortans discipulos dicebat. Nisi manducaueritis carnem meam, & biberitis meum sanguinem: non habebitis vitam in vobis manentem. Et in sacramentis corpus Domini facit sanctæ Ecclesiæ fides, cujus generaliter est ipsum sacrificium, cuiuscumque sit meriti per quem fit: spirituale verò illam carnem per gratiam Dei vitæ meritum efficit & affectus mentium in cordibus ministrantium vel percipientium. Vnde illud. Ut nobis fiat corpus & sanguis filij tui. Nobis, inquit, fiat. Fit enim proculdubio corpus Domini in mensa altaris semper, cum solemne illud celebratur mysterium ritu quo debet: sed non semper eis fit, per quos fit.

CAPVT VII.

Quod vnum corpus Domini sumatur sepe sine altero.

Cumque hac ratione dupliciter hæc caro intelligatur: sicut altera intelligi potest sine altera, sic etiam manducatur altera sine altera. Vnde illud item in Canone. Ut quotquot ex hac altaris participatione sacrosanctum filij tui corpus & sanguinem sumpserimus: omni benedictione co-

*Communio  
spiritualis  
per fidem &  
charitatem.*

*Ioan. 6.*

*Ioan. 6.*

*In Canone  
Missa.*

*Osee 11.*

*Causa una  
Incarnatio-  
nis.*

In oratione  
Missa.

lesti, & gratia repleamur. Non enim omnes qui corporaliter manducant, spiritualiter illâ benedictione cœlesti, & gratia replentur. Vnde est illud. *Vt quod temporaliter gerimus; æternis gaudijs consequamur.* Item. *Vt quæ visibilibus mysterijs sumenda percipimus, inuisibili consequamur effectu.* Et multa in hunc modum. Nam secundû Ilaïam, omnes voluptatum amatores magis quàm Dei, sanctificantur in hostijs & liminibus; quia mysteria veritatis non valent introire: & comedunt cibos impietatis, dum non sunt sancti corpore & spiritu: nec comedunt carnem Iesu, neque bibunt sanguinem, de quo ipse loquitur.

Ioann. 6.  
Quinam in  
liminibus  
sanctificentur

*Qui manducat carnem meam, & reliqua.* Sanctificantur quippe in liminibus, qui in sacramento hoc solum attendunt, quod corporaliter accipiunt; & ut sanctum quoquomodo venerantur, sicque comedunt cibos pietatis: sed pietatem ipsam repellentes à corde, sanctificationem gratiæ cœlestis intra domus suæ limina nolunt recipere. Non enim efficiuntur corpus Christi, sumendo corpus Christi. Ideoque carnem illam Iesu, de qua suprà diximus, non manducant, neque sanguinem bibunt: quod autem manducant & bibunt, ad iudiciû sibi manducant & bibunt. Nam sicut sol vno radij sui calore hinc ceram soluit, inde lutum stringit, & non diuersus in se diuersè operatur in rebus, rerum vtens materijs sicut eas inuenit: sic Christi gratia quantum in ipso est, vno modo se in omnes infundit: sed diuersos inueniens animos diuersè in eis operatur, hunc in amorem sui misericorditer emolliens, illum iustè non miserando indurans. Nam *cui vult miseretur: & quem vult obdurat.* Augustinus. *Talis fuit Iudas in conuiuio Saluatoris, cui fuit venenum buccella dominica, quam de manu ejus suscepit: quam cum accepit, inimicus in eum intravit: non quia malum, sed quia bonum malè malum accepit.* De vno pane & Iudas accepit & Petrus: sed tamen quæ pars fidei cum infidelis Petrus enim accepit ad vitam: Iudas ad mortem. Itaque secundum diuersum intellectum, & diuersum effectum, cum vnus sit panis Christi, alter tamen quodammodo quem sumpsit Petrus, alter ille quem sumpsit Iudas: alterque potest sumi sine altero.

## CAPVT VIII.

De Corporali manducatione Corporis Domini.

Sed jam de spiritali manducatione spiritualis carnis Christi satis, vt puto, dictum est: quæ vt multa breuiter concludâ, non est aliud, quàm ponere corda in virtute ejus, & rem ducere in opus & effectum: jamque ipse rei ordo videtur exigere, vt etiam de corporali aliqua differamus. Corporalis autem manducatio est corpus Dñi corporaliter percipere, siue dignè, siue indignè; siue ad vitâ, siue ad mortem. Licet enim illa sufficiat, si sic inuitabile cogat necessarium: tamen & hæc non est omittenda. Sufficit enim illa per se: quia nulli est aliquatenus ambigendum, tunc vnumquemque fidelium corporis sanguinisque Dominici participem fieri, quando in baptismo mebrum corporis Christi efficitur: nec alienari ab illius panis calicisque consortio, etiamsi antequam comedat panem illum, & calicem bibat, de hoc sæculo in vnitatem corporis Christi constitutus abscedat. Sacramenti quippe illius participatione ac beneficio non priuatur: quando ipse, hoc quod illud sacramentum significat, inuenitur. Non est tamen

In necessitate  
sufficit baptis-  
mus sine  
hoc sacram.

negligenda sacramenti perceptio: quia vterque domus nostræ postis, id est corpus & anima, ligandus est agni sanguine, ne ab exterminatore vastetur: & ne flagellum appropinquet tabernaculo nostro. Sed & natura nostræ carnis quæ in primo parente suo cibo vitata illicito, originali propagine, peccato & pœna peccati tota erat infecta, & morti æternæ & corruptioni contradita; alterius cibi curâda erat antidoto, sicut pulcherrimè Christianus Poëta dicit Sedulius.

Eucharistia  
antidotum  
est cibi vitii

*Qui pereuntem hominem veriti dulcedine pomi  
Instauras meliore cibo, potiusque sacri  
Sanguinis infusum depellis ab angue venenum.*

Sumpta ore carnis nostræ caro Christi nequaquam æstimanda est lege communium ciborum. Hic enim cibus non est ventris, sed mentis. Dissimilis omnino ab illis cibis, de quibus dicitur. *Omne quod in os intrat, in ventrem vadit, & in secessum emittitur.* Hic est cibus, qui non vadit in corpus: quia nequaquam, sicut alij cibi, in naturam vertitur corporis; sed corpus nostrum in suam vertit naturam: & futuræ resurrectioni & perpetuæ incorruptioni illud præparans & coaprans, & in nobis est, & vbi erat, scilicet in dextera Patris. Sic enim naturalis per sacramentum proprietates perfectæ Sacramentum fit vnitatis: cum hæc accepta atque hausta id efficiant, vt & nos in Christo, & Christus in nobis sit. Est ergo in nobis ipse per carnem: & sumus in eo, secundum hoc quod nos sumus, in Deo est. Hæc ergo vitæ nostræ causa est, quod in nobis carnalibus per carnem Christum manentem habemus: victuris nobis per eum ea conditione, qua vivit ille per Patrem.

Matt. 15.

## CAPVT IX.

De diuersis Corporis Domini Sacramentis, & ipso nomine Sacramenti.

Sciendum autem, quod carnis illius vel corporis spiritualis, de quo jam suprà multa diximus, sacramentum est caro vel corpus Christi, quod in ara crucis & in altari sacrificatur, & corporaliter manducatur. Nemo autem nouitatis me arguat præsumptorem: quod corpus Christi sacramentum appellem corporis Christi. Nam & Paulus ad Timotheum *magnum* dicit esse pietatis sacramentum, quod manifestatum est in carne. Sed & beatus Ambrosius in libro ad Gratianum dicit, apparuisse hominibus vnigenitum Patris per sacramentum assumpti hominis. Cæterique Ecclesiæ Doctores sacramentotenus eos dicunt corpus Christi manducare, qui manducant indignè. Quos tamen manducare corpus Christi, jam suprà præstructum est: licet non manducant carnem illam, quæ viuificat per Spiritum viuificantem. Permittuntur siquidem sicut Iudas ad iudicium suum in carnem illam, vt ita dicam, incurrere, de qua dicit Apostolus; & reconciliauit nos in corpore carnis suæ per mortem; quæ illius alterius carnis est sacramentum. Permittuntur mira Dei patientia Christi corpus indignè manducando, ipsum Christum rursum sibi met, vt ait Apostolus, crucifigere, & ostentui habere: & quasi inuitum indignis & pollutis manibus quodammodo sibi alligare: dum sacramentotenus manducant corpus ejus, quod ipse parauerat in cibum vitæ æternæ. Qui nisi pollutum ducerent sanguinem testamenti, considerarent horrendum esse incidere in manus Dei viuentis: in quem cruentas manus ipsi injiciunt, dum

1. Tim. 3.

Etiam corpus  
Christi  
malis sumi-  
tur.

Coloss. 1.

dum manducant, non dijudicantes corpus Domini. Mitis tamen Iesus, dum tempus patientiæ est, qua pietate ludæos tolerauit irridentes, conspuentes, crucifigentes: eadem & istos tolerat, quales illi fuerunt, tales propriè circa eum existentes. Sicut igitur dicere cœperamus, altera Christi caro alterius est sacramentum. Sacramentum enim est sacræ rei signum. Signum autem est, quod præter speciem quam ingerit, facit aliquid in mentem venire. Caro autem illa, quæ ideo dicitur esse cibus, quia veram efficit vitam, sacramentum habet item carnem Christi, quæ crucifixa est, & resurrexit: quia consideratio hujus, cur fuerit assumpta, cur sic dispensata, illam facit in mentem venire: & fideliter sumpta ore corporis facit illam venire in refectionem mentis. Rursamque caro quæ crucifixa est, in panis visibilis forma suum habet sacramentum: quia cum in mysterijs consideratur fractio, depositio, & eleuatio ejus, & cætera, quæ licet visibiliter ibi celebrentur, inuisibiliter tamen intelliguntur: facit venire in mentem fidelium mortem vel sepulturam, vel ad cœlos ascensionem, totumque ordinem rei, cujus est sacramentum. Licet etiam in eo quod panis inter omnes cibos tenet principatum, visibilis illa species ejus carnis possit esse sacramentum: quæ ideo dicitur verè cibus, quia nutrit ad veram vitam. Sed materialis caro Christi, cum sit sacramentum illius spiritualis carnis, tamen verè est caro Christi: illa verò species panis non est caro vel corpus Christi per se considerata: nisi quod hoc nuncupatur ea cōsuetudine Scripturarum, quæ plerumque sacramenta sortiuntur nomina earum rerum, quarum similitudinem aliquam gerunt: ideoque earum sacramenta sunt. Si enim sacramenta quandam similitudinem earum rerum, quarum sacramenta sunt, non haberent: omnino sacramenta non essent. Propter quam similitudinem sicut petradictus est Christus, Petra, inquit, erat Christus: sic corpus Domini potest nuncupari etiam manna illud, quod Patres incredulorum Iudæorum in sacramentum corporis Domini manducauerunt, & mortui sunt: non quia malum erat manna, sed quia malè manducauerunt. Et hac ratione corpus Domini quod de nobis sumptum est, & manna illud, non quidè in eo quod sunt, sed in eo quod significant, comparantur, & paria sunt. Corpus enim Domini cujus rei sacramentum sit, jam suprà satis expositum est. Ejusdem etiam rei manna typum gessit, & similitudinem expressit; non in vna re, sed in multis, quas modo longum est exequi: ideoque ejus sacramentum jure appellatur. Itaque licet non sint vnum, vnum tamen significant manna & corpus Domini: panem scilicet, qui de cœlo descendit. Augustinus. *Hunc panem significauit manna: hunc panem significat altare Dei.* Sacramenta illa fuerunt: sacramenta & ista sunt. In signis diuersa sunt: in re quam significant, paria. Omnes eandem escam spirituales manducauerunt: spirituales utique eandem, nam corporalem aliam: quia illi manna, nos aliud. Spirituales verò eadem, quam nos. Et omnes eundem potum spirituales biberunt; aliud illi, aliud nos; sed specie visibili: quod tamen hoc idem esset virtute spirituali. Quomodo enim eundem potum? Bibebant, inquit, de spiritali consequente eos petra. Petra enim erat Christus. Idem panis, idem potus. Petra Christus in signo: verus

Christus in carne & Verbo. *Hic est ergo panis de cœlo descendens, ut si quis ex hoc manducauerit, non moriatur: sed quod pertinet ad virtutem sacramenti, non quod pertinet ad visibile sacramentum. Qui manducat intus non foris: qui manducat corde, non qui premit dente. Panis, inquit, quem ego dabo, caro mea est promundi vite.* Ibidem. Hoc quando caperet caro, quod dixit panem carnem? Vocatur caro quod non capit caro: & ideo magis non capit caro, quia vocatur caro. Eadem etiam similitudinis ratione idem corpus Christi, quod de terra sumptum est, & sacramentum ejus visibilis illa species, sacramenta sunt alterius corporis Christi, quod est Ecclesia; cuius caput est Christus. Quod enim est in corpore diuersitas membrorum, hoc in Ecclesia diuersitas gratiarum: illamque & istam diuersitatem charitas redigit in vnitatem. Sicut enim diuersa in corpore membra subserviando, & subministrando, & cohærendo sibi inuicem, vnitatem corporis efficiunt: sic & Ecclesiæ membra capiti suo & sub ipso inuicem sibi cohærentia, pulcherrimam sui corporis efficiunt vnitatem. Rursusque; considera species illas: in quibus voluit Dominus cōmendare corpus & sanguinem suum. In eis enim rebus, quæ ad vnum aliquid ex multis rediguntur. Namque panis ex multis granis vnus efficitur: vinum autem ex multis acinis in vnum confluit. Quod ejusdem rei est sacramentum. Et cum hoc similitudinis sacramento in illo sancto mysterio simus, magis tamen per illam recipiam naturarum communionem: quia factus hoc quod eramus nos, fecit nos quod erat ipse, caput nostrum Christus Iesus. Sic enim per vnitatem naturæ, per amorem spiritus, vbicumque ille est, & nos sumus; & corpus ejus & plenitudo ejus effecti, hoc quod sumus ab eo accipimus, dum corpus ejus manducamus.

CAPVT X.

Recapitulatio, quomodo cogitandum sit de Sacramentis.

CVM ergo sic se habeat res sacramenti: res sicut sunt debemus æstimare, spiritualia spiritualiter pensare. Et cum de altari sumimus carnem Iesu, curemus sollicitè, ne cogitatione remaneamus in carne, & à spiritu non viuificemur: ne si non viuificamur à spiritu, caro nobis non profit quidquam. Nam si cogitatione remaneamus in carne Salvatoris, non solum non viuificamur à spiritu: sed nec intelligere possumus, quomodo caro hominis Christi ab homine possit manducari: nisi sicut intellexerunt illi duri corde, quibus durus visus est sermo Christi, & abierunt retrò. Acceperunt enim illud stultè, carnaliter illud cogitauerunt, quod præcisurus esset particulas de corpore suo, & daturus illis ad manducandum. Debemus ergo illud corpus Domini spiritualiter & diuino quodam modo cogitare, humiliterque dijudicare, id est ab alijs omnibus cibis diuersum cogitare: & spirituales carnem Iesu spiritualiter manducare, in sacramento veræ ejus carnis, quæ in mensa altaris percipitur. Rursusque credere debemus, ipsam carnem crucifixam & sepultam sub suo item sacramento non occidi à nobis, non discerpi, non deuorari more communis carnis: sed sub specie panis incorruptibiliter tractari, incorruptibiliter frangi & immolari, & numquam consumi. Non enim à nobis impiè occiditur, sed piè sacrificatur: & hoc modo mortem Domini annu-

Ioann. 6.

Ibidem.

Eucharistia est sacramentum in Ecclesia.

Quid sit sacramentum, quid signum.

Species panis non est corpus Christi.

Aug. ep. 23.

1. Cor. 10. Exod. 16.

Num. 11.

Ioann. 6. Error & sensus Carnaliter.

1. Cor. 10.



*Hoc fit in  
terris, quod  
Christus a-  
git in cœlis.*

*Hebr. 2.*

*1. Cor. 11.*

ciamus donec veniat. Hoc enim hic per eum humiliter agimus in terris, quod pro nobis ipse potenter, sicut Filius pro sua reuerentia exaudiendus, agit in cœlis: ubi apud Patrem pro nobis quasi aduocatus interuenit. Cui est pro nobis interuenire: carnem quam pro nobis & de nobis sumpsit, Deo Patri quodammodo pro nobis ingerere. Sacrificamus ergo corpus Christi, dum certa fidei pietate sanctum illud credimus & sanctificans: & hanc fidem offerimus ad honorem ejus, ex quo *qui sanctificat & qui sanctificatur, ex uno omnis*. Mortem enim Christi non opus est iterari: quia semel facta potens est ad salutem sempiternam. Christus enim semel mortuus est, & factus est oblatio pro peccatis nostris. Quid ergo nos? Nonne per singulos dies offerimus? Offerimus utique, sed ad recordationem mortis ejus: & una est hostia, non multæ. Quomodo una, & non multæ? Quia semel oblatus est Christus. Hoc autem sacrificium exemplum illius est. Idipsum semper, idipsum proinde hoc est sacrificium. Alioqui quoniam in multis locis offertur, multi Christi sunt? Nequaquam, sed vnus ubique Christus: & hic plenus existens, & illic plenus. Sicut enim quod ubique offertur, vnum corpus est, & non multa corpora: ita & vnum sacrificium. Pontifex autem ille est, qui hostiam mundantem nos obtulit. Ipsam offerimus etiam nunc: quæ tunc oblata quidem consumi non potest. Quod nos facimus, in commemorationem fit ejus quod factum est. *Hoc facite*, inquit, *in meam commemorationem*. Non aliud sacrificium: sed ipsum semper offerimus. Magis autem sacrificij recordatione operamur: eique dona ejus in nobis, nosque ipsos vouemus & reddimus: & beneficiorum ejus solemnibus festis & diebus statutis dicamus sacramusque memoriam: ne volumine temporum ingrata sur-repat obliuio.

#### CAPVT XL

*Curtam obscura sententia inuoniantur in libris  
Patrum de Sacramentis.*

**I**AM postquam ex confragolis locis utcumque leuauimus; considerare libet attentius, cur super hac re in Sanctorum Patrum tractatibus reperiuntur tam dubie sententiæ, & tam scrupulosæ, & quæ etiam sibi inuicem nonnumquam contrariæ videantur: ut non solum qui contendendi intentione illas congregant, materiam in eis inueniant errandi: sed & qui eis astruere velint fidem Catholicam, non facile se queant expedire. *Operter*, inquit Apostolus, *heresa esse, ut probati manifesti fiant*. Quod in hoc euidentissime comprobatur. Iam enim obscurissimam de Trinitate sententiam claram omnibus effecerunt Arianorum contentiones, & disputationes subtilissimæ: jam de Incarnatione Domini graues & perplexas quæstiones, Apollinaris, Nestorij, & Eutichetis, multorumque aliorum hæreticorum errores claras & euidentes fecerunt in Ecclesia Dei: quod nisi coegisset necessitas de re de qua quærebatur, viros sanctos & eruditos altius aliquid sentire & proferre: semper timidæ hominum mentes habuissent obscurum. Vnde quia ab initio sanctæ Ecclesiæ vsque ad nostra pene tempora hæc ab omnibus quæstio intacta relicta est, sancti Patres quod non impugnabatur non defendebant: nisi quod aliquando in tractatibus suis hoc inde proferebant, quod res postulabat, quæ in manibus habebatur. Quod

quia quæstionibus non respondebat, quæ nondum erant: parum modò sufficere videtur ad eas cum exurgunt compescendas. Contra quas quia tunc non vigilabat intentio eorum; plurima de sacramentis sanctis in scriptis suis reliquerunt; quæ suo loco, suo sensu bene dicta, ab eis qui contendere vel errare amant, eruta de locis suis aliud per se videntur sonare, quam ibi sonent, vnde sumpta sunt: & quàm senserit, qui scripsit. Sed & multa de eadem re ab eis relicta sunt: quæ bene dicta, sed obscurius, utpote ab eis, qui ut homines venturas omnes errorum calumnias non poterant prævidere: malè intellecta materiam errandi vel contendendi perdis videntur præstare. Quod Beato Augustino in multis accidisse non ignorat, qui librorum ejus lectione familiarem habet. Antequam enim Pelagiana hæresis exurgeret, in libris quos jam ediderat non pauca posuerat, quæ exurgens illa hæresis sic sumpsit ad patrociniū sui erroris, ut etiam secū paria sentire jactaret virum per omnia Catholicum. Vnde illi necessitas importata est, plures postea libros contra pestem illam edere: & confiteri crebrò, bene dicta sua, ad deuitandū tamen prauum legentium intellectum, aliter quàm dixerat, se dixisse debuisse. Quod scire potest, qui libros Retractionum ejus legerit: aliosque, quos ille scripserit. Quinetiam super hac re, de sacramentis scilicet, prædicto viro simile quid videtur accidisse. Sed qui errare vult, vel errorem docere; nihil est tam bene dictum, quod non possit malo intellectu deprauare. Nā ut alia nunc omittā: quis credere possit, virū eruditissimum edidisse in scriptis suis, quod ignauus quilibet si scripsisset, prima se facie respuendū & conspuendum non dubitaret? Quid enim magis ignauum; quàm vno in loco contraria sibi edere? Nam cum psalmum tractaret nonagesimum octauum; *De carne*, inquit, *Maria carnem accepit, & in ipsa carne hic ambulauit: & ipsam carnem nobis manducandam ad salutem dedit*. Statimque post pauca. *Non*, inquit, *hoc corpus, quod videtis manducaturi estis: nec bibaturi illum sanguinem, quem effusuri sunt, qui me crucifixerunt*. Quid magis contrarium? Sed prudens lector, & qui eā beneuolentiā ecclesiastica legit, quā à secularibus secularia leguntur: inter quos plurimum laudatur ille, qui quemlibet authorem docere potuerit, melius dixisse; non ambigens, quod ipse potius errare dicetur, si persuadere voluerit, illum in aliquo errare: qui sic inquam legit ecclesiastici Doctoris librum; si quid in eo quasi dubium & scrupulosum inuenit, non statim illud execrando inuadit: sed inspicit & discutit & retractat ex lectionis circumstantia, & ex alijs scriptis ejusdem authoris: & ad vltimum prius eligit confiteri se ignorare, vel non intelligere, quàm illi notam erroris impingere. Sic autem illud B. Augustini intelligendum est: quia & ipsum est corpus, & non ipsum. Ipsum quidē est materiali essentia: non ipsum autem visibili forma. Quod autem B. Augustino accidisse diximus: hoc etiam sancto Hieronymo de Origenistis & eisdem Pelagianis; & alijs Doctoribus de alijs accidisse hæresibus, non potest ignorare, quicumque Ecclesiasticæ bibliothecæ laribus familiaris fuerit obuersatus. Porro sicuti jam dictum est, inter omnes hæresum diuersitates, quæ singulæ suo tempore impugnauerunt petram super petram ædificatam, & quæ in soliditate

*Qui errare  
amant per-  
uerunt re-  
de dicta &  
scripta.*

*Qua bene-  
uolentia la-  
gendi libri  
Ecclesiasti-  
corum.*

*Cur Patrum  
de Enchar.  
verba non  
sint tam a-  
perta.*

*1. Cor. 11.*

*Ob heresem  
discusse sunt  
difficiles quæ-  
stiones.*

Nestorius  
Christum  
negabat esse  
Deum.

Ioann. 6.

Conc. Ephe-  
sin. epistol.  
ad Nestor.

sua permanente petrâ, collisæ in illam, vt lutea  
vasa sunt contractæ, huius quæstionis nec men-  
tio facta est: nisi in Nestoriana hæresi sola. In  
qua assertores ejus in persona Christi diuina ab  
humanis penitus separantes, Mariâ *Θειοτόκον*, idest  
Dei genitricem penitus negantes, sed solius ho-  
minis matrem esse affirmantes, cum requireretur  
corpus quod de mensa Christi sumimus, cu-  
jus esse profiteretur; hæretica temeritate ad suū  
errorem detorquebant verba Domini dicentis,  
*Nisi manducaueritis carnem filij hominis, & reli-  
qua.* Ex his verbis astruere conabantur, quod  
ibi sumimus, carnem esse tantum filij hominis:  
scilicet ne si illud Domini corpus confiterentur  
esse, contra se loquerentur, consentientes in  
Christo Deo & homine vnitatem esse personæ.  
Dicebant ergo carnem illam esse viri sanctifica-  
ti, & Verbo conjuncti secundum dignitatis vni-  
tatem: aut sicut diuinam possidentis habitatio-  
nem. Contra quos Celestino Papa & Cyrillo  
Alexandrino annitentibus celebrata est Ephesi-  
na Synodus, vna de quatuor, quas B. Gregorius  
in summo culmine authoritatis instituit. In qua  
contra pestiferum errorem delirantium Epi-  
scopi inibi congregati, Nestorio huius mali re-  
pertori sic inueniuntur scribere. *Ad benedictio-  
nes mysticas accedimus & sanctificamur, participes  
sancti corporis & pretiosi sanguinis effecti: non ve-  
communem carnem percipientes, quod absit; nec ut  
viri sanctificati & Verbo conjuncti secundum di-  
gnitatis vnitatem, aut sicut diuinam possidentis ha-  
bitationem: sed verè viuificatricem, & ipsius Verbi  
propriam factam. Vita enim naturaliter ut Deus  
existens, qui propria carni unitus est; viuificatri-  
cem eam professus est esse. Et ideo quamvis dicat  
ad nos, Amen amen dico vobis, nisi manducaueri-  
tis carnem filij hominis, & biberitis ejus sangui-  
nem: non tamen eam carnem hominis unius ex  
nobis estimare debemus. Quomodo enim hominis  
caro iuxta naturam suam viuificatrix esse poterit?  
Sed ut verè propriam ejus factam, qui propter nos  
filius hominis & factus est & vocatus. Et circa fi-  
nem Concilij. Si quis non confitetur carnem Do-  
mini viuificatricem esse, & propriam ipsius Verbi  
Dei Patris, sed velut alterius per ipsum con-  
juncti eidem per dignitatem, aut quasi diuinam ha-  
bentis habitationem, & non potius viuificatricem  
esse, quia facta est propria Verbi viuificari valen-  
tis, anathema sit.*

### CAPVT XII.

#### De Trino corpore Domini.

**Q**VISQVE ergo in sanctorum Patrum tra-  
ctatibus se exercens, in his & similibus in-  
offenso vult pede incedere; primas sibi intelle-  
ctus lineas de hujusmodi, fidei ponat simplici-  
tatem: quam cum Catholicos Patres modo ob-  
scurius, modo apertius in omnibus constet præ-  
dicare: cum in fidei conuenientiam eorum vi-  
derit concurrere sententias, gaudeat de inven-  
tione veritatis: cum minimè id ei claruerit, illo-  
rum veneretur sensum, suum verò accusat tar-  
ditatis. Porro opinionum suarum ratione, qua-  
lemcumque speciem prima fronte præferant, si  
exitus earum præscriptas fidei lineas inueniun-  
tur vel non implere, vel excedere, plenas esse nō  
dubitet erroris, quas veritati constat non con-  
uenire. Cum enim per Apostolos & Apostoli-  
cos viros omnem veritatem jam olim nos do-  
cuerit Spiritus veritatis, non jam ad examen ra-  
tionum fides, sed ad examen fidei corrigendæ

Patrum au-  
thoritas quæ-  
ritur.

rationes sunt, & secundum Apostolicū præce-  
ptum destruenda est omnis altitudo extollens se  
aduersus scientiam Dei; & in captiuitatem re-  
digendus omnis intellectus in obsequiū Christi.

Vbi cumque ergo prudens lector in libris ali-  
quid inuenierit de carne vel corpore Dei Iesu,  
recurrat ad illā triplicem definitionē carnis vel  
corporis ejus, quam suprà, non præsumptione  
mea adinueni, nec meo sensu formaui, sed pro-  
tuli ex Patrum sententijs: vt videat & discernat,  
scilicet quemadmodum illic agatur de corpore  
seu de carne Iesu: sicque ad scriptoris sensum suū  
formet intellectum. Aliter enim cogitanda est  
caro illa, vel corpus, quod pependit in ligno, &  
sacrificatur in altari: aliter caro ejus, vel corpus,  
quod qui manducauerit, habet in se vitam man-  
nentem, aliter caro vel corpus ejus, quod est Ec-  
clesia. Nam & Ecclesia caro Christi dicitur, vt  
ibi, *Hoc nunc os ex ossibus meis: & caro de carne* Genes. 2.  
*mea. Sacramentum hoc,* inquit Apostolus, *magnum est.* Ego autem dico in Christo & in Ecclesia. Ephes. 5.  
Non quoddam tricorpor à nobis Christus describa-  
tur, sicut de Geryone illo ferunt fabulæ, cum  
vnum esse corpus Christi testetur Apostolus: sed  
quodam fidei respectu intellectus vel affectus  
facit diuersitatem hanc. Res verò ipsa simplici-  
tatis suæ puram obtinet veritatem. Hæc enim  
trinitas corporis Domini non est aliud intelli-  
genda, quàm ipsum Domini corpus, cogitandū  
secundum essentiam, secundum vnitatem, secū-  
dum effectum. Nam corpus Christi, quantum  
in se est, omnibus se præbet cibum vitæ æternæ,  
& fideliter se sumentes vnum viuere secum effi-  
cit: & amore spiritus, & ipsius consortio naturæ,  
caput existens corporis Ecclesiæ. Præterea cum  
in Scripturis, sicut suprà ex verbis B. Augustini  
diximus, sæpe sacramentum earum rerum no-  
mina sortiatur, quarum sacramentum est: visibi-  
le istud, quod oculis præsto est, in sacramento  
corporis Domini, nonnumquam in Scripturis  
appellatur corpus Christi; & in alijs hujusmodi,  
hoc prudens lector, & qui rudis non erit in le-  
ctione diuina horum librorum, prudenter dis-  
cernat, quem singula requirant intellectum: in  
quo quid agendum putauerit, indifferenter vi-  
deat, quomodo se expediat de sententijs Patrū  
quas subiecimus: multisque alijs, quæ in hunc  
modum passim per omnes earum tractatus in-  
ueniuntur.

Genes. 2.

Ephes. 5.

Idem corpus  
Christi tri-  
plex: tri-  
plex spe-  
cies sa-  
cramentalis  
aliquando  
dicuntur cor-  
pus Christi,

Species sa-  
cramentalis  
aliquando  
dicuntur cor-  
pus Christi,

#### Diuersa Sententia Sanctorum Patrum de Corpore Domini.

**A**VGUSTINVS. *Donc saculum finiat, sur-  
sum est Dominus: sed tamen & hic nobiscum  
est veritas Dominus. Corpus enim Domini in quo  
resurrexit, in vno loco esse oportebat, veritas autem  
ejus ubique est diffusa.* Ambrosius in epistolâ ad  
Hebræos. *Vnus ubique est Christus, & hic plenus  
existens, & illic plenus: sicut enim quod ubique of-  
fertur vnum corpus est, & non multa corpora, ita  
& vnum sacrificium.* August. de Doctrina Chri-  
stiana. *Nisi manducaueritis carnem filij hominis, &c.*  
*Figura est, præcipiens passioni Domini esse commu-  
nicandum, & suauiter atque vtiliter recondendum  
in memoria, quod pro nobis caro ejus crucifixa sit  
& sepulta: Item de Civitate Dei. Non sunt dicen-  
di manducare corpus Christi, qui non in membris  
computantur Christi. Denique ipse dicit. Qui mā-  
ducat carnem meam, &c. Tamquam diceret. Qui  
non in me manet, non se dicat aut existimet man-*

ducare corpus meum. Hieronymus in epistol. ad Ephesios. Dupliciter intelligitur caro Christi; vel spiritualis illa atque diuina, de qua ipse dixit, Caro mea verè est cibus: vel caro illa, qua crucifixus est & sepulta. Item super Isaiam. Secundum tropologiam possumus dicere, omnes amatores voluptatum magis quam Dei, sanctificari in hortis & in liminibus; quia mysteria veritatis non valent introire, & comedere cibos pietatis, dum non sunt sancti corpore & spiritu: nec comedunt carnem Iesu, nec bibunt sanguinem, de quo ipse loquitur. Qui manducat carnem meam, & bibit sanguinem, &c. Item in Aggæum. Sanctum quidem est, quod offertur in altari: sed non tam sanctificaris ex hostijs, quam ex eo quod in conuallibus habitas, & interis mortuis operibus, pollueris. Item in Psal. 103. Vt educa panem de terra, & vinum latifcet cor hominis. A terreni corporis agro, quem à nobis assumpsit, proferens mysterium celestis panis ac peculi Saluatoris, quo reficitur, Ecclesia. Item in Isaiam. Cibauit ex adipe frumenti: qui adipem non aliud intelligendi sunt, quam mystica caro, ad quam Dominus inuitat discipulos suos dicens: nisi manducaueritis carnem meam, &c. Vnde & in valle Gethsemani traditus est, quod significat vallem aromatum adipeam. Augustinus super Ioannem. Spiritualis virtus sacramenti ita est ut lux, & ab illuminandis pura excipitur: & si per immundos transeat, non inquinatur. Etiam qui fuerit superbus minister cum zabulo computatur, sed non contaminatur. Hieronymus in Sophon. Sacerdotes quoque qui Eucharistia seruiunt, & sanguinem Domini populi eius diuidunt, impiè agunt in legem Christi, putantes Eucharistià imprecantis facere verba, non vitam: & necessarià esse tantum solemnem orationem, & non sacerdotum meritum. Augustinus super Ioannem. Iudas cum sanctis discipulis suis intrabat & exibat, ad ipsam cenam Dominicam pariter accessit: de uno pane & Iudas accepit & Petrus; sed Petrus ad vitam, & Iudas ad mortem. Item de Pœnitentia. Buccella Dominica fuit Iuda venenum; quam cum accepit, inimicus in eum intravit. Non quia malum, sed quia malè bonum malus accepit. Item. Videntur corda eorum in saculum seculi. Nam cibus ille cordis est, non ventris. Ambrosius. Non est ista esca corporalis. Item. Non est iste panis, qui in corpus vadit. Augustinus de Ciuitate Dei. Qui manducat carnem meam, &c. Ostendit quid sit, non sacramentotenus, sed reuera corpus Christi manducare. Hoc enim in Christo manere est; ut in illo maneat & Christus. Item contra Faustum. Quid sunt aliud corporalia sacramenta, nisi quedam quasi verba visibilia sacrificij, sed tamen mutabilia & temporalia? Item de vno baptismo. Si ad ipsas res visibiliter, quibus sacramenta tractantur, animum cōferamus, quis nesciat, eas esse corruptibiles? Si autem ad id quod per illas agitur, quis non iudicat, non posse corrumpi? Item de fide ad Petrum. Sacrificium panis & vini in fide & charitate sancta Ecclesia per vniuersum orbem terra offerre non cessat. Item in sermo. de Sacram. Commendauit nobis in isto sacramento corpus & sanguinem suum, quod etiam fecit & nos ipsos. Nam & nos corpus ejus sumus, & per misericordiam ejus, quod accipimus nos ipsi sumus. Recordamini, & vos non fuistis, & creati estis: ad aream Dominicam comparati estis: laboribus bonum, id est, annuntiantium Euangelium, trituri estis, quando Cathecumeni differabamini, in horrea seruabamini: munera vestra dedistis, cepistis maiora, & ex particinis postea

ad aquam conuenistis, & cum spiritu ejus estis, & panis Dominicus facti estis. Ecce quod accepistis. Quomodo ergo unum videtis esse, quod factum sit, unum estote vos diligendo, & tenendo unam fidem, unam spem, indiuiduam charitatem: sicut unum in multis racemis fuit, & modo vinum est. Vnus est in suauitate calix post pressuram torcularis. Et vos post illa jejunia in vase Christi tamquam ad calicem venistis; & ibi vos estis, & nos vobiscum: simul enim nos sumus, hoc simul bibimus, quia simul nos vinimus. Item ad Bonifacium. Sepe ita loquimur, ut Pascha appropinquante, dicamus crastinam vel perendinam esse Domini passionem, cum ille ante tam multos annos passus sit, nec omnino nisi semel passio illa facta sit. Nempe ipso die Dominico dicimus, hodie Dominus resurrexit, cum ex quo resurrexit, tot anni transierint: tamen nemo tam ineptus est, ut nos ita loquentes arguat esse mētitos: videlicet quia istos dies, secundum illorum quibus hac gesta sunt similitudinem nuncupamus: ut dicatur ipse est dies, qui non est ipse; sed resolutione temporis similis est ejus: & dicantur illo die fieri, propter sacramenti celebrationem, qua non illo die, sed jam olim facta sunt. Nonne semel immolatus est Christus in seipso, & tamen in Sacramento non solum per omnes Pascha dies, sed omni die populus immolatur? nec utique mentitur, qui interrogatus, eum responderit immolari. Si enim sacramenta quandam similitudinem rerum earum, quarum sacramenta sunt, non haberent, omnino sacramenta non essent. Ex hac similitudine plerumque etiam ipsarum rerum nomina accipiuntur. Sicut ergo secundum quendam modum sacramentum corporis Christi corpus Christi est; sacramentum sanguinis Christi, sanguis Christi est: ita & sacramentum fidei, fides est. Item super Ioannem. Caro vas fuit. Quod habebat, attende; non quod erat. Accedat spiritus ad carnem, sicut charitas ad scientiam, & prodest plurimum. Hieronymus in epistol. ad Ephes. Quomodo enim caput in animalibus habet membra sibi subiecta, ex quibus nonnulla visiosa & debilia: ita & Dominus noster Iesus Christus cum sit Ecclesia caput, habet membra subiecta eam omnes qui in Ecclesia congregantur, tam sanctos videlicet, quam peccatores: sed sanctos voluntate, peccatores verò sibi necessitate subiectos. Atque ita fit, ut inimici etiam subiecti sint pedibus ejus. Item in Osee. Super tritico & vino falsis mysterijs corporis & sanguinis Christi heretici conciduntur, & diuersa sibi constituunt tabernacula, & euerfi sunt in nihilum: si enim veritas Deus est, quidquid est contrarium veritati, mendacium est, & nihil nominatur. Item in Psal. 145. Dat escam esurientibus. Putat quis, quod panem celestem de mysterijs dicat. Et de hoc quidem accipimus; quia verè caro Christi est. Ceterum dicamus aliter, panis Christi, caro ejus sermo diuinus est, & doctrina celestis, qua animam nostram reficit.

EXPLICIT LIBER DOMNI  
GUILLELMI de Corpore &  
Sanguine Domini.



Codicem a  
m. f. m. p.



# BEATI GVILLELMI

## QVONDAM ABBATIS SANCTI THEODORICI.

*Expositio super Cantica Canticorum.*

### PRÆFATIO AVCTORIS.

**D**OMINE Deus noster, qui ad imaginem & similitudinem tuam creasti nos, scilicet ad te contemplandum, teque fruendum: quem nemo vsque ad fruendum contemplatur, nisi in quantum similis tibi efficitur: summi boni species, quæ rapis omnem animam rationalem desiderio tui, tantò ad te ardentior, quantò in se mundior; tantò autem mundior, quantò à corporalibus ad spiritualia liberior: libera à seruitute corruptionis, id quod tibi soli deseruire debet in nobis, amorem nostrum. Amor enim est, qui cum liber est, similes nos tibi efficit, intantum, in quantum nos tibi afficit: sensus vitæ, quo te sentit, quicumque viuit de spiritu vitæ: qui sicut dicit Apostolus, *reuelata facie speculans gloriam tuam, in eandem imaginem transformatur à claritate in claritatem, sicut à Domini spiritum*. Cum enim amamus quamcumque creaturam, non ad vtendum ad te, sed ad fruendum in se; fit amor jam non amor, sed cupiditas vel libido, siue aliquid huiusmodi, cum damno libertatis perdens etiam gratiam nominis: & comparatur miser homo iumentis insipientibus, & similis eis efficitur. Hoc autem est omne peccatum ejus, male frui, & male vti: cum amat vel rem quamcumque, vel proximum, vel seipsum, non ad vtendum, vt dictum est, ad te, sed ad fruendum in se. Quamvis & proximo & seipso fruendum sit, sed non nisi in te: te verò, ô vitam vitam, & bonum omnium bonorum, & in te, & in se. Et hic est viuens & luminosus amor, liber & liberans à corruptione, quantò purior, tantò dulcior: quantò fortior in affectu, tantò constantior in effectu: dum per pietatem dulcescit in conscientia, per iustitiam verò viget in operis materia. Libera eum Domine in nobis; vt castè amet sponsa tua, anima Christiana, donata sanguine tuo, pignerata spiritu tuo: vt inter vitæ hujus ærumnosas pressuras in tædio peregrinationis suæ à te, & prolongati incolatus in terra aliena, canter tibi amatoria sua: & respiret, & leuior ei fiat dolor suus: afficiatur tibi, & interim obliuiscatur vbi est: accipiat aliquid, per quod intelligat, quod ei deest. Iam tempus miserendi, jam venit tempus, cum lactasti eam, & eduxisti in solitudinem, vt ibi loqueris ad cor ejus. Loquere ergo, & dic ad eam, & ad cor ejus, *salus tua ego sum*: dic vt audiat, inspira vt sentiat, da vt habeat: vt benedicant tibi omnia interiora ejus; & dicant tibi omnia ossa ejus, *Domine quis similis tibi*: ô adiutor ejus & susceptor: & in alloquio tui solius confusione confundantur multi, qui dicunt ei, *non est salus illi in Deo ejus*. Colloquio tuo amor, si non est, fiat; si est, crescat, & inualecat: donec captiua ancilla tua jure belli & sorte victoriæ conqui-

ta, inueniens gratiam in oculis tuis per fructus dignos penitentiae, secundum legem, amputatis à te omnibus ejus superfluis, perpetua caritate & insolubili conjunctione transeat in amplexum victoris. Ob hoc epithalamium canticum nuptiale, canticum sponsi & sponsæ aggredientes reuoluendum & inspiciendum, opus tuum, sancte Spiritus, te inuocamus; vt amore tuo repleamur, ô amor, ad intelligendum canticum amoris: vt & nos colloquij sponsi & sponsæ aliquatenus efficiamur participes: vt agatur in nobis, quod legitur à nobis. Vbi enim de affectibus agitur: non facile nisi à similiter affectis, capitur quod dicitur. Affice ergo nos tibi, sancte Spiritus, sancte Paraclite, sancte consolator, consolare paupertatem solitudinis nostræ, nullum extra te solatium requirentis: illumina & viuifica desiderium tendentis, vt efficiatur amor fruentis. Adesto, vt verè amemus: vt de fonte amoris tui prodeat, quicquid sentiemus vel dicemus. Canticum amoris tui sic à nobis legatur, vt amorem ipsum in nobis accedat: ipse verò amor Canticum suum per se nobis aperiat. Non autem profundiora illa mysteria, quæ in eo continentur, attentamus de Christo & Ecclesia: sed cohibentes nos intra nos, & in nobismetipsis nosmetipsos metientes, de sponso ac sponsa, de Christo & de Christiana anima, sensum tantummodo moralem aliquem, in quo omnibus audere licet, pro sensu nostri paupertate perstringimus: laboris nostri non alium requirentes fructum, quam similem materiae, idest amorem ipsum.

*Inuocatio  
S. Spiritus.*

*Sensum morale auctor  
inuestigaturus est.*

### EXPOSITIO.

**L**IBER ergo hic Salomonis Canticum Canticorum inscribitur: vel quia sensum dignitate & materiae prærogatiua super omnia antiqua Patriarcharum seu Prophetarum cantica excellere videtur, agens de sponso ac sponsa, Christo & rationali anima: vel quia Sanctorum potius affectuum conuenientiam iubilatur à beato populo, qui scit iubilationem, in lumine vultus Dei ambulans; quam diuersorum sonorum vocali concordia decanteretur. Agit enim de amore Dei, vel quo Deus amatur, vel quo ipse Deus amor dicitur: qui vtrum amor dicatur, an charitas, an dilectio, non refert: nisi quod in amoris nomine tener quidam amantis indicari videtur affectus, tendentis vel ambientis: in nomine verò charitatis spiritualis quædam affectio, vel gaudium fruentis: in dilectione autem rei delectantis appetitus naturalis: quæ tamen omnia in amore sponsi & sponsæ vnus atque idem Spiritus operatur. Amori verò sponsi & sponsæ ad cantandum Canticum novum sic seruiunt omnium sanctarum virtutum affectus, vt si bene & suo

*Cui liber  
hic Canticum  
Canticorum  
dictus.*

*Subiectum  
ejus.*

ordine processerint eardm profectus, omnes transeant & terminentur in ejus effectus. Cætera quidem euacuantur: charitas numquam excidit. Vel Canticum Canticorum dicitur: quia quatuor in se videtur cantica continere. Quatuor siquidem diuisionibus distinguitur, quæ singulæ suo accubitu, id est sponsi ac sponsæ conjunctione, terminantur. Quam conjunctionem, ob reuerentiam sacramenti magni in Christo & Ecclesia, placuit Spiritui sancto honestiore nomine honorare, & accubitu potius appellare, quàm concubitu: dicente sponsa. *Dum esset rex in accubitu suo, nardus mea dedit odorem suum.* Vnusquisque verò accubitus præmissum habet epithalamium suum, id est Canticum nuptiale: quo sponsus & sponsa quasi deducuntur ad thalamum; & in hoc concluditur, vt sponsæ in amplexu sponsi quiescenti, agente ipso sponso, pax ordinetur, & quietis securitas: adjurante eo ac dicente. *Adjuro vos filie Ierusalem: vt non suscitatis, neque enigilare faciatis amicam, donec ipsa velit.* Quartus tamen, qui & vltimus, altiore mysterio aliter videtur concludi: quia cum alij de conjunctione sponsi & sponsæ, quasi festiuitate videantur gaudium præcinere: ille sic terminatur, vt magnopere fuga sponso indicatur à sponsa precante ac dicente. *Fuge dilecte mi; & assimulare caprea hinnuloque cernorum.* Quod quale sit; si sponsus ipse dignabitur reuelare, suo loco dicetur. Scribitur autem Canticum hoc in modum dramatis & stilo comico, tamquam per personas & actus recitandum: vt sicut in comædijs recitandis personæ diuersæ, & diuersi actus; sic & in hoc Cantico cōcurrere sibi videantur personæ & affectus, ad peragendum susceptum negotium amoris, & mysticum contractum diuinæ & humanæ conjunctionis. Personæ verò quatuor sunt; sponsus, & sodales ejus, sponsa, & adolescentularū chorus. Sodales sponsi Angeli sunt, bonis nostris congaudentes: & congruis in hoc ministerijs deferuire amâtes. Porro adolescentulæ sunt teneræ ac nouellæ animæ, quæ in disciplinam ac professionem spiritualis amoris datis nominibus, humilitatis obsequijs & imitationis studio, sponsæ, id est perfectioribus, gaudent adhærere. Sic tamen amantibus rota amoris actio relinquitur; vt silentibus coamantibus, & stantibus, & audientibus, & gaudio gaudentibus ad vocem sponsi & sponsæ, in toto hoc Cantico vix audiat vox, vel locutio interferatur, nisi sponsi ac sponsæ.

Persona hic  
quatuor.

Argumentum  
parabolicum.

Sensus spiri-  
tualis totius  
Cantici.

Propositi verò dramatis historialis, fabulæ, seu parabolæ, hoc potest esse argumentum. Rex Salomon filiam Pharaonis Egyptij duxit uxorem. Cui primò sponsalis & amoris & osculi aliquantam gratiam indulgit: deinde verò post ostensas ei ex parte diuitias & partem gloriæ suæ, & à mutua conjunctione, & ab osculi gratia eam amouit: donec Egyptia nigredine deposita, barbaræ nationis exuta cōsuetudine, digna fieret quæ ad thalamum regium admitteretur. Sensus autem spiritualis hic est. Conuersa ad Deum anima, & verbo Dei maritanda, primo præuenientis gratiæ diuitias intelligere perdocetur: & permittitur gustare, quoniam suauis est Dominus: postmodum verò in domum conscientiæ suæ remittitur erudienda, castificanda in obedientia charitatis, & perfectè mundanda à vitijs, & perornanda virtutibus: vt ad spirituales gratias pietatis admitti, & affectum virtutū, qui sponsi

thalamus est, digna habeatur.

Hæc in principio præmitti oportuit, vt deinceps itinere expedito curramus in odorē sponsi: præfixâ tamen conditione, vt si alicubi interdum pulchritudo viæ paulò curiosiores nos habuerit inspectores, non offendant conuiantem. Sed & priusquam propositū aggrediamur iter, cum omnes cantici hujus partes non nisi diuersi sint status orantium, vel formæ, vel causæ, vel materiæ orationum; de varijs orationum modis aliqua differenda esse videntur: vt studiosus ac pius lector cantici ipsius lectionem percurrans, semper recurrat ad semetipsum; & cum inuenierit eos in cantico sancto, recognoscat eos in corde suo. Tres ergo status esse orantium vel orationum, manifestum est: animalem, rationalem, spirituales. Vnusquisque secundum modum suum format sibi, vel proponit Dominum Deum suum: quia qualis est ipse qui orat, talis ei apparet Deus, quem orat. Etenim qui fideliter orat, sicut solidum quid dignumque Deo afferre se per nititur in oratione, quod offerat: sic anxiū habet cor ac suspectum; donec aliquatenus videat, coram quo illud deponat, vel cui committat. Homo verò animalis orans Deum, sed nesciens orare, quæadmodum oportet, petens aliquid à Deo, præter ipsum, vel ad ipsum: & vt multum proficiat in ordine suo, & prudentior inueniatur in generatione sua, non vt mundâ sit conscientia à malis operibus, & corde à prauis cogitationibus, talem se Deo offert, qualis est: aliud quid scilicet per ipsum desiderantem ac petentem: nec alterius formæ requirit Deum, quàm cuius ipse est, id est, præter semetipsum, alia quæ petitur, præstantem. Quod & si aliquando intendere videtur in eum quem orat: sufficit ei, quasi oculis cordis proponere sibi vel cogitare incogitabilem, inuisibilem, incomprehensibilem: nec cogitare, nec suspicere sufficit Deum, in eo quod est: sed in eo solo, quod potes est postulata præstare. Homo hic aliquando orat spiritu, non mente: & spiritus ejus, id est voluntas, orat; mens autem ejus sine fructu est. Numquam enim sine mentis fructu in Deum intenditur, cum intenditur: etiam cum aliud quid, quàm quod ipse est, rationabiliter postulat. Homo hic oratione sua verba multiplicans, aliquando etiam sine sensu, cogitationes sine intellectu, sensum vel affectum ad Deum non requirit: quem, etiam si quasi vltro ei ingeritur, in aliud conuertit: & ideo sicut carnali olim Israël semper ei Deus in caligine est, quem orat. Hunc autem orationis modum Canticum amoris non recipit: in quo non nisi vnum petit, vnum orat, quæ vnum desiderat, vnum amat. Est etiam animalis quædam sanctorum oratio, quæ etsi aliquando est etiam in beneplacitis hominū orantium iniquitatem; sicut pro temporali pace, pro fertilitate terræ, pro sanitate corporum: nō tamen in hoc communicant cum electis eorum: quia etsi petunt aliud, non tamen propter aliud vel ad aliud, quàm ad vnum. Petunt autem piæ, sanctæ, committentes totum, ac dimittentes voluntati ejus quem orant, vtrum dandum sit, vel non dandum, quod postulant. Et aliquando quidem qui sic est, proponit mentis suæ oculis, Dominum Salvatorem secundum formam humanam, & sicut homo ad hominem humanam quandam & quasi corpoream induit orationis affectionem, constituens sibi eum quem orat,

Tres status  
orantium.

Animalis  
Deum oris  
vt se habeat

Quædam  
sanctorum  
oratio est a-  
nimalis.



Modus qui-  
dam orandi  
simplicitatis  
religiosa.

rem quasi in medio, pro qua orat: & secundum  
formam constitutionis suæ format etiam modum  
orationis suæ. Modus tamen hic orandi plus  
solet esse simplicitatis religiosæ, non percipien-  
tis adhuc quæ Dei sunt, quam vel animalitatis  
ignauæ, vel prudentiæ humanæ: quæ cum coram  
Iesu pio iudice fideliter hoc quod habet expo-  
nit, & ad pedes ejus se componit, lacrymis pe-  
des ejus lauans, & vngens vnguento piæ deu-  
otionis spiritualiter: hoc ipsum tamen plus ipsa  
sibi imaginans corporaliter, ex dulcedine ipsius  
animalis imaginationis sæpe illuminari mere-  
tur, & incalescere in affectum spiritualis oratio-  
nis vel contemplationis; modo quodam sibi in-  
incognito, de imaginationibus ipsis corporeis  
quædam sibi concipiens sacramenta pietatis: plus  
hoc agente in corde simplici præstantis gratiæ,  
quàm studio precantis. Diligit enim multum,  
& ideo præstat vel dimittitur ei multum: &  
in eis etiam quæ foris sunt, sæpe meretur impe-  
trare multum. Nempe pium est, etiam sic ad  
Deum accedere: & sicut dicit Iob, etiam sic visi-  
tans homo speciem suam in Deo, hoc est, simili-  
tudinem suam cogitans, non peccat: & adorân-  
dus & colendus est Dominus Deus omnium ex  
multarum personis facierum. Sed tamen vsque  
hodie dicit Iesus discipulis suis, *Expedis vobis  
ut ego vadam*, hoc est, subtraham aspectibus ve-  
stris humanitatis meæ personam: *nisi enim abie-  
ro, paracletus non veniet ad vos*: quia quamdiu ab  
orante, in eo quem orat corporeum quid cogi-  
tatur, piæ quidem, sed non omnino spirituali-  
ter oratur. Deus enim *spiritus est*, & necesse est,  
qui eum adoratur, *in spiritu & veritate adorare*.  
Modus autem hic orandi formari solet ex for-  
ma fidei, vel symbolo; cum de Christianæ fidei  
pietate quod fideliter creditur, veraciter ac sim-  
pliciter amatur: & transit in affectum imagina-  
tio corporearum in Domino Iesu Christo dis-  
pensationum. Ideo qui rationalis est, & ratione  
agitur, hoc ipsum ratione suggerente in labori-  
bus laborans sibi agit satagitque, donec victor  
sui hæc omnia supergrediatur, & in ea quæ spi-  
ritus sunt euadat: voluntas bona transeat in  
mentem bonam; desiderium tendentis in intel-  
lectum videntis, vel amorem fruentis. Cumque  
adiuuante Spiritu sancto infirmitatem hominis,  
imagini Dei sua incipit species renouari, super-  
ueniens gratia ratione, mentem, vitam, mores,  
ipsum etiam corporis temperamentum, efficit  
& conformat in vnum affectum pietatis, in vnâ  
effigiem charitatis, in vnâ faciem Deum ex-  
quirentis: cum affectat homo cognoscere Deum,  
in quantum fas est, & cognosci ab eo: reuelari  
sibi faciem ejus gratiæ, ipsum verò conscientiæ  
suæ; vt cognoscens eum, & cognitus ab eo, oret  
eum, & adoret, sicut oportet, in spiritu & veri-  
tate. Et ipse est Sponsus, & ipsa est Sponsa: & ip-  
sum est mutuum eorum colloquium. Cum enim  
juxta promissum Domini ad diligentem se veni-  
re incipit, & mansionem facere dignatio diui-  
nitatis, aliquatenus innotescit ei; & quoniam non  
potest homo faciem ejus videre & viuere, hoc  
est plenam ejus cognitionem in hac vita appre-  
hendere, collocat in sensu amantis & commen-  
dat aliquam cognitionis suæ effigiem, non præ-  
sumpti phantasmatis, sed piæ cujusdam affectio-  
nis: quam viuens adhuc in carne capere possit  
homo vel sustinere. Ipse sunt primitiæ spiritus,  
arrha, siue dos sponsalis thalami: tantò dignior

& largior, quantò thalamo Sponsi sit Sponsa ap-  
rior, siue propinquior. Hanc vir desideriorum  
acceptam à Deo commendat, non tam arbitrio  
suo in memoria, quàm gratiæ Dei in conscien-  
tia sua: unde rediturus ad orationem eam repe-  
rat, & auctori suo rem suam, & gratiæ suæ pi-  
gnus ingerens, fiducialius coram eo appareat.  
Quæ quòd sæpius redditur principio suo, & de-  
uotius ac fidelius reassignatur: eò dignior Deo  
fit, & efficacior ac dulcior possessori suo; nam  
& vulgaris solet esse ista rerum quæcumlibet  
cognitio, imaginem cogniti rei, menti seu me-  
morie impressam habere: & tantò habere rem  
cognitam notioem, quantò penes se imaginem  
ejus habet expressiorem. Quod cum de Deo fit  
in homine, licet menti vtrumque cogniti diui-  
nitatis magna quædam nonnunquam informetur  
similitudo, hoc in ea absque omni phantastica  
imaginatione agente puritate simplicis affectus,  
& illuminati sensus amoris, quod circa commu-  
nem rerum cognitionem agere videtur imagi-  
natio earum in memoria cognoscentis: magnâ  
tamen in hoc facit dissimilitudinem naturæ il-  
lius celsitudo: quia fit similitudo illa tantò in-  
ferior, quantò in inferiore natura: tantò dissi-  
milior, quantò in dissimiliore materia, creatoris  
scilicet in creatura, Dei in anima. Sed rursus  
diuinæ gratia illa cognitionis, quæ, sicut dictum  
est, non fit nisi in sensu vel intellectu illuminati  
amoris, super omnes cogitationes rerum dirat  
de se & beatificat cognitorem suum, condescen-  
dens ei ac subleuans eum ad se, tantoque dulci-  
us ei celsitudinis suæ majestates in familiares qual-  
dam & amicas conuertens affectiones & experi-  
entias diuinæ cujusdam suauitatis & bonitatis,  
quantò beatus pauper spiritu & humilis & quie-  
tus, & tremens sermones Domini, & simplex  
animus, cum quo solet esse sermocinatio Spiri-  
tus sancti, ante cognitionis vel intellectus ipsius  
reuerentiam, paupertatis & humilitatis & sim-  
plicitatis suæ veriùs & deuotius recognouerit  
infirmitates: & sensus ad hoc attulerit, tantò  
subtiliores quantò simpliciore; non tam in lit-  
teratura, quam in potentijs Domini, & in iusti-  
tia ejus solius.  
Hic est calculus candidus de Apocalypsi, habens  
nomen in se scriptum, quod nemo scit, nisi qui ac-  
cipit. Hæc est suauitas, de qua scriptum est in lau-  
de sapientiæ: quia non inuenitur in terra suauiter  
viventium. Habet ergo orator iste rationalis vel  
spiritualis, (quamdiu quippe ratione agente ni-  
tatur ad hoc rationalis est: postquam verò fuerit  
adeptus, in quantum fuerit adeptus, jam spiritu-  
alis est,) habet inquam similitudinem & imagi-  
nem Dei in mente sua ex gratia creante, tantò si-  
milior, & cognitioni Dei propinquiorem,  
quantò æternorum capaciorem: tantoque ca-  
paciorem æternorum, quantò à transitorijs mû-  
di hujus mundior ex gratia illuminante. Quâ-  
diu enim non videtur Deus nisi per speculum &  
in ænigmate: tamdiu ad contemplandum Deum  
non nisi in imagine pertransit homo. Siue illud  
speculum sit, siue ænigma, id est manifestior vel  
obscurior imago: omnino quamdiu hic viuatur,  
illuc non nisi in imagine pertransit homo. Quâ-  
tò tamen mens in se ipsa imaginis Dei fidelius  
obtinuerit dignitatem & veritatē, tantò fide-  
lioribus & veritati propinquantioribus imagini-  
bus nititur ad Deum: non phantastica, non su-  
perstitiosa præsumptione fingens in Deo, vel de

Vulgaris co-  
gnitio fit per  
imaginem  
menti im-  
pressam.

Humilitas  
orantis quid  
mereatur.

Apocal. 3.

Iob 5.

Joann. 16.

Spiritualis  
oratio quo-  
modo fiat.

Joann. 14.

Effigies Dei  
in sensu a-  
mantis.

*Perfectio co-  
gnitionis  
Dei non est  
huius vite.*

Deo, in se ipsa quod non est: sed qua potest, qua ei datur, ea affectionis formam accedens ad eum qui est. Visionis enim vel cognitionis Dei perfectionem promittere vel sperare in hac vita, vanissimæ præsumptionis est. Huiusmodi hominem Deum orare sicut Deum, monet ratio, docet profectus, format affectus: qui se conformans Deo, non Deum sibi, nihil petit ab eo, nisi ipsum, & ad ipsum: nullo frui acquiescens nisi ipso, vel in ipso: nullo saltem vti, nisi ad ipsum. Hic, ut dictum est, quamdiu purgatur, rationalis est: purgatus autem jam spiritualis est. Sed sicut expedit rationalem statum semper in spirituales proficere: sic necesse est, spirituales nonnumquam in rationalem redire. Semper quidē spirituales spiritualiter agi, non huius vitæ est: semper tamen debet esse homo Dei vel rationalis in appetitu, vel spiritualis in affectu. Hic aliquando in oratione non sine labore ac certamine obluendo omnem incurfantis imaginationis caliginem superare sibi videtur, & transcendere: nonnumquam verò sola operante gratia pium bonæ voluntatis conatum nec imaginatio impedit, nec caligo inuoluit: sed repente ubi non separabat, inuenit se orantis affectus: & si occurrunt imaginationes, seruiunt & adjuvant potius quam impediunt. Non enim infirmioribus oculis semper inutilis est vel noxius omnis intercurrentium imaginationum usus. Quarum quasi corporali vehiculo, ipso usu videndi & cogitandi corpora & corporalia assuefactus spiritus orantis vel contemplantis, defertur ubi est veritas: & licet in imagine, tamen per ipsum cogitatæ imaginis pertransit homo in id ipsum afficientis veritatis. Ideo Spiritus sanctus Canticum amoris spiritualis traditur hominibus, totum spirituale vel diuinum ejus interius negotium exterius vestiuit carnalis amoris imaginibus: ut cum non nisi amor plenè capiat quæ sunt diuina, adducendus & migraturus amor carnis in amorem spiritus citò apprehenderet sibi similia: & cum impossibile esset verum amorem cupidū veritatis diu herere vel quiescere in imaginibus, citius pertransiret viā sibi notā in id quod imaginaretur: & quamvis spiritualis homo, tamen carnalis amoris naturales suas pro participatione carnis delicias captiuatas à Sancto Spiritu in obsequium spiritualis amoris amplecteretur. Vnde hic quædam quasi ex occulto aliquo inuerecundiū proficiens, nec quæ, nec vnde sit, nec quid loquatur, edicens. *Osculetur, inquit, me osculo oris sui.* O amor, à quo omnis amor cognominatur, etiam carnalis ac degener, amor sancte & sanctificans, caste & castificans, & vita viuificans, aperi nobis sanctum Canticum tuū, reuela osculi tui mysterium, venasque susurrij tui: quibus virtutem tuam & suauitatis tuæ delicias incantas cordibus filiorum tuorum. Doce nos occultos nutus tuos, quibus te participibus tuis insinuas; quos, ut tui mereantur esse capaces, primò emundas à sordibus earum rerū, cum quarum concupiscentia vel delectatione tu habitare non dignaris, nec debes: cum tu desursum sis, & sursum trahas, illa verò omnia deorsum. Doce nos ingredi in locum illum tabernaculi admirabilis usque ad domum Dei, in voce exultationis & confessionis soni epulantis: in eum mentis statum, de quo processit hic sonus epulantis, vel potius epulas vehementius esurientis; osculetur me osculo oris sui. Conjicere

*Amor spiri-  
tualis ima-  
ginibus ve-  
stitur car-  
nalis.*

*Cantic. 1.  
Inuocatio  
amoris di-  
uini.*

enim licet ex ordine gestorum sequentium & forma verborum, sicut Ægyptia illa venit aliquando ad Salomonem, sic animam peccatricē conuersam venisse ad Christum: & in sponsam, solemniter exceptam, liberaliter dotatam, & in cellaria introductam, ubi Regiæ diuitiæ continebantur: ibique vberibus sponsi lactatam, & perfusam odore vnguentorū, reuelatum ei nomen sponsi & mysterium nominis: deinde sponsum quasi amoris igne in corde sponsæ succenso repente exisse & abisse; & cum eo omnem gratiam & gloriam cellariorum: & sicut dicitur de Iudæis, subtrahendo ei præsentiam gratiæ suæ, vultusque lætitiæ, abiisse & abscondisse se ab ea. Non autem prætereundum, regiarum diuitiarum vel deliciarum regis nostri apothecas in cellarijs contineri: quarum vix solidus est & efficax, & vitalis fruitio. Comeduntur & viuificant, bibuntur & lætificant, nutriunt & confirmant: intra ventris vel fruentis substantiam omnis earum usus & fruitio est. Non sunt sicut aurum & argentum, & res huiusmodi: quarum hoc solum quod videntur, quod habentur, omnis usus est. Quædam verò earum reponuntur in cellarijs; quarundam non nisi in cella vinaria locus est. Cellaria verò & cella vinaria plurimo à se disparantur intervallo, non loci, sed meriti, & gratiæ, & dignitatis. Hæc enim sunt de quibus dicit Propheta. *Diuitia salutis sapientia & scientia.* In cellarijs scientiæ abundantia designatur: quæ etiam ideo plurali nomine censentur: quia sicut dicit alius Propheta; pertransunt tempora & multiplex fit scientia. Sapientiæ enim, quæ per cellam vinariam designatur, non nisi vnum necessarium est. Scientia autem hæc Christianæ pietatis est, non inflans, sed in charitate ædificans: in intellectu Scripturarum, & circa fidem moresque ac vitam, docta prudentia. Hæc est in anima humana portio rationalis, fidei ac spei propria officina, nec charitatis omnino expers: quamvis cella vinaria propria ejus habitatio sit. Sicut enim impossibile est, amare Deum, si non creditur: sic omnino non potest non amari, si verè creditur, vel speratur, vel scitur. Cella verò vinaria sapientia est; ipsa est & pietas, qua cultus Dei designatur: & animi erectio ab imis ad superiora, non alta sapiendo, sed piè amando: id est, cum spiritus hominis in ea, quæ in spiritualibus excelsiora sunt, se erigit, ut æternam Dei incommutabilitatem, in quantum mutabili homini fas est, incommutabiliter sapiat; & incommutabiles ejus rationes ad dijudicanda mutabilia apprehendat: quæ quamvis supra hominem sint, tamen ab humanæ rationis natura non omnino eas esse alienas ex hoc dignoscitur, quia non nisi de illis vera & iusta nonnumquam discernunt & judicant, etiā qui prauè viuendo contra eas ire moliantur. Quicquid enim ratio humana rectè agit vel sentit, non nisi de illis formam vel scientiam ducit, ex quibus constant omnia; & in quibus consistunt: & omnium quæ sunt, ad illas conuersio est. Sicut etiam scientiæ est & fidei, agere vel sentire de Christo, secundum ea quæ sunt humanæ dispensationis: sic sapientiæ & amoris est sapere & contemplari gloriam in ipso diuinæ maiestatis: vel etiam in humanis rebus diuinæ ejus operationis virtutem. Quantum verò ad mores, quod scientiæ vel rationi est in actu: hoc sapientiæ est etiam in affectu. Congregat scientia, sed

*Vte xcipia-  
tur anima  
ad Christū  
conuersa.*

*Ioann. 8.*

*Quid sint  
cellaria,  
quid cella  
vinaria.  
Isaia 33.*

*Daniel. 12.*

*Deum ama-  
tur, si verè  
creditur.*

Perfectio sapientia secreta requirit.

tia, sed non sibi; mellificat ut apes, sed alij: quia rerum congregatarum quidam exterior ei vsus permittitur; sapor vero earum interior alij & alibi reseruatur. Scientia hujus studium socialis vite disciplinam desiderat: perfectio vero sapientie solitarium secretum, vel cor etiam in multitudine solitarium. In cellaria vero introducta sponsa, multa de sponso, multa didicit de seipsa. Vbi quaecumque ei collata sunt primo accessu ad sponsum, irritamen amoris, & gratia fuit trahentis: lac verum, fragrantia vnguentorum, nominis sponsi cognitio, & effusio vnguenti ejus. Deinde vero actus eam excipit purgatorius, exercendam, purgandam, non vsquequaque deferendam. Egresso enim & abeunte sponso vulnerata charitate desiderio absentis aestuans, sanctae nouitatis suauitate affecta, gustu bono innouata, & repente destituta ac derelicta sibi, jam cellaria ipsa quasi inania ac deserta fastidians, scientiam scilicet absente sponso non nisi dolorem apponentem, sicut enim scriptum est, *qui apponit scientiam apponit dolorem*: comitantibus adolescentulis, quas in gratia cellariorum aliquatenus consortes habuerat, in odore fugientis excurrit. Et ab aestu desiderij sui sancto Cantico principium imponens clamat & dicit.

Eccle. I.

CAPVT PRIMVM.

Cant. I. I.

**O**SCULETUR me osculo oris sui. Vidi, inquit, super me faciem ejus illuminatam: concepi vultus ejus lætitiā: sensi diffusam gratiam in labijs ejus. Nemo interueniat, nihil intercurrat, ipse me osculetur osculo oris sui: quia jam ultra non sustineo, non suscipio spiritum osculi alieni. Cætera mihi omnia prauum quid olent, sponsi vero osculum diuinum quid redolet. Osculum amica quædam & exterior conjunctio corporum est, interioris conjunctionis signum & incentiuum. Quod oris ministerio exhibetur: ut non tantum corporum, sed ex mutuo contactu etiam spirituum conjunctio fiat. Sponsus vero Christus sponsæ suæ Ecclesiæ, quasi osculum de cælo porrexit, cum Verbum caro factum in tantum ei appropinquauit, ut se ei conjungeret: intantum conjunxit, ut vniret, ut Deus homo, homo Deus fieret. Ipsum etiam osculum fidei animæ sponsæ suæ porrigit & imprimit, cum de memoria communium bonorum priuatum ei & proprium commendans gaudium, gratiam ei sui amoris infundit: spiritum ejus sibi attrahens, & suum infundens ei, ut inuicē vnus spiritus sint. Hoc osculo abeuntis sponsi sponsa ex parte in cellarijs accepto ad perfectionem ejus & plenā exarserat suauitatem: de qua Dominus ad Patrē orans pro discipulis, *volo*, inquit, *pater, ut sicut ego & tu unum sumus, ita & ipsi in nobis unum sint*: ut dilectio qua dilexisti me in eis sit, & ego in eis. Quid, nisi quæ de plenitudine ejus acceperat, & gratiam pro gratia, hoc est gratiā amoris pro gratia fidei, ipsam jam plenitudinem desiderabat: plenitudinem Spiritus sancti, qui vnitas est & dilectio Patris & Filij, plenumque in eo gaudium, quod nemo tollat ab ea? Dissolui volebat, & esse cum Christo, post summi boni gustum permanere sibi in carne non arbitrans esse necessarium. Discant qui non didicerunt: conuertantur ad videndum, fiant curiosi ad experiendum, quomodo actitentur hæc in conuersatione vel conscientia eorum, qui conuersi

Osculum Christi & Ecclesia quid sit.

Ioann. 17.

Philip. I.

ad Dominum in nouitate vitæ ambulant. Quorum affectum vitamque totam sibi diuidunt dolor ipse, & hoc gaudium; dolor de sponsi absentia, gaudium de præsentia: & perpetuum de visione hujus gaudium vnica eorū expectatio est. Hoc enim apud eos non semel, vel vno modo; sed sæpe, multisque ac varijs modis fit. Omnisque hic sancti exercitij labor in corde amantis, vel vitæ proficientis, non vnus diei est; sed multi temporis; multiplex, varius, secundum pietatē diuersorum affectuū, & prouentum profectuū. Quandiu enim dicis ad sponsam, *vado & venio*, nec manes cum ea in æternum, o castarum sponse animarum: tandiu exultantibus in terra non tua filijs tuis, o pater orphanorum, prouido consilio sapientie tuæ sinis eos nonnunquam in desiderij sui dolore, quasi foris exclusos a te affligi, & tabescere amore amoris tui, mundans eos in camino paupertatis suæ, ipsa difficultate suscipiendi fortius eos trahens ad te. Nonnumquam verò ex dulcedine gratiæ tuæ sponte aperis puillis tuis, nec repellis peruenientes vsque ad te; & cubare eos sinis, & plorare in sinu tuo: ubi plorantes nolunt consolari, ut non plorent tibi, a quo hoc ipsum pro summo dono habent, ut plorēt tibi: quia optimum ac dulce habent plorare coram te Domino Deo suo, qui fecisti eos: & ut plorent tibi in hoc ipsum efficis eos. Cumque tu dignaris tergere lacrymas fluentes, ipsæ magis fluunt: & quia manus ipsa tergentis causa eis efficitur suauis cuiusdam doloris afficientis, blandientis, & in eo quod vehementius dolent, vehementius ex bonæ spei conscientia se consolantis. Etenim & fluminis ille impetus lætificans manifestè denunciat adesse præsentiam tuā: & incolatus filiorum tuorum in terra aliena nō potest obliuisci peregrinationem suam: & dum simul se inueniunt illud gaudium & ille dolor, suauis illas ac dulces lacrymas faciunt effluere. Lacrymas, quia doloris; suauis, quia amoris & amoris tui, o amor; cui dolere magnum gaudium est, cui flere magna consolatio est: in quo gaudere summa beatitudo est. Hanc suauitatem consolantis ac dolentis, trahentis & currentis, alloquentis & respondentis, blandientis & amantis, continet tota Cantici hujus tam verborum, quā gestorum prosecutio. Fit autem jugiter in conscientia & corde sponsæ, quaecumque illa est, effundentis coram Domino Deo suo animam suam, & cum gaudio audientis, quid loquatur in ea Dominus Deus. Collocutio autem sponsi & sponsæ testimoniū est, ac deuotio cōscientiæ bene affectæ; cum testificatum sponsæ sponsus in conscientia sua meritum suum, & sponsæ deuotio non ingrata reddit sponso debitum pietatis affectum. Egressa ergo sponsa a cellarijs Regis, quod fuerat introducta ad contēplanda sponsi amabilia, & a bonorum eorum gustu & jocunda experientia, jam non nisi ipsum desiderans amabilem, quem sua commendant amabilia, accepto pignore spiritus deficiens in salutare Dei; tædet, inquit, inanium, absente sponso, cellariorum horum, quotidianarum promissionum harum, Sacramentorum inuolutorum horum, Parabolarum ac Prouerbiorum horum, speculi & ænigmati. Mysterium regni Dei desidero: palam mihi annuntiari de patre de posco: faciem ad faciem, oculum ad oculū, osculum ad osculum; *osculetur me osculo oris sui*. Quare autem *osculetur*, tamquam de absente: & non potius

Dolor & gaudium sanctorum vitæ partiuntur.

Sancti exercitij labor multi temporis est. Ioan. 14.

Lacryma a mors Dei suauis.

Summa hujus Cantici.

\*id est, quia  
si satisfactum  
esset ei,

Sponsa quæ  
rimatur.

Cantic. 1. 1.

Consolatio-  
nes Dei vbe-  
ra ejus sunt.

Cantic. 1.

*osculare?* Videtur in cellarijs multum eam adni-  
sam facie ad faciem, & sicuti est, eum videre ac  
cognoscere, sicut ipsa est cognita ab eo: quod  
est osculū perfectionis. Sponsū verò per Pro-  
phetarum, siue Apostolorum, cæterorumve Do-  
ctorum ministeria, per scientiam scripturarum,  
varia ei quasi oscula gratiæ suæ porrexisset, sicque  
quasi \*satisfactio ei recessisset, & abiisset: illam vero  
jam quasi de absente conqueri, impatienter-  
que post eum clamare ac dicere, *osculatur me os-  
culo oris sui*. Ac si dicat. Quovisq; mihi aliena  
oscula scientiæ apponentis dolorem? Et si non  
mereor osculum illud perfectionis: vel aliquod  
mihi, priusquam à me recedat, indulgeat osculū  
oris sui. Bonum quidem est osculum transmissū:  
sed gratiæ suæ non plenam retinere videtur vir-  
tutem, de vase in vas transfusum. Innotescit,  
quod infert minister ejus: sed sapit, quod inspi-  
rat spiritus oris vel osculi ejus, quod tunc sapiet  
ad plenum: cum in ipso erit gaudium plenum.  
Deinde intuitu quo potest prosequens abeuntē,  
& dulce habens alloqui, etiam jam non exau-  
dientē: *quia*, inquit, *meliora sunt vbera tua vino*.  
Quasi enim interrogata, unde tam festina præ-  
sumptio, tam fidens osculi exactio: ab vberibus,  
inquit, Domine consolationis tuæ. *Quia me-  
liora sunt vbera tua vino*. Dulciora ad sugendū,  
potentiora ad lætificandum, faciliora ad ineb-  
riandum; ijs enutrita sum ad osculum deside-  
randum: inebriata ad præsumendum. Quamdiu  
enim hic vivitur, quamdiu hic laboratur: quæ-  
cumque charismatum dona, quæcumque con-  
solationum genera filiis gratiæ donantur, in gra-  
tiarum distributione, in profectuum proventus,  
vel virtutum successu, in splendoribus divini  
illuminationis, in affectibus piæ compunctio-  
nis, in excessibus divini contemplationis, ô æ-  
terna sapiētia, vbera tua sunt: nutriticia sanctæ  
parvulorum tuorum infantiam, & testantia, usq;  
ad consummationem sæculi tuam eis non desess  
præsentiam. Absit autem, ut in tempore suo, in  
tempore beneplaciti tui, ora eorum indigna re-  
putentur ad osculandum os tuum in plenitudi-  
nem perfectæ cognitionis tuæ: quibus in tem-  
pore patientiæ ac sustinentiæ suæ per media v-  
bera hæc lactandum præbes pectus tuum in nu-  
trimentum spiritualis scientiæ, & profectū per-  
fectionis tuæ. Nam & si virulentum aliquid ali-  
quando aliunde suxerunt: necesse est sanari ea  
ac mundari ad contactum sacrorum vberū ho-  
rum, & virtutem & odorem salubrium vngu-  
torum tuorum. Cum ergo à perenni illa ac beata  
coniunctione & æternitatis osculo pro infirmi-  
tatis humanæ conditione Sponsa deficit, circa  
hæc se afficit: & ad os illud tuum non pertin-  
gens, os suum reflectit ad vbera tua, & in eis re-  
quiescit dicens. *Quia meliora sunt vbera tua  
vino*. Simul etiam nota, in petitione osculi su-  
premi in oratione humanæ possibilitatis affe-  
ctum in lumen illud vultus Dei suum direxisse  
aspectum: sed reuerberante charitatis illius cla-  
ritate, mox ad ea quæ cōmuniora sunt reflexū,  
& in eis semetipsum exercentē, cum dicit. *Quia  
meliora sunt vbera tua vino: fragrantia vnguen-  
tis optimis*. Oleum effusum nomen tuum. Mox,  
inquit, ut veni ad te, nudasti mihi vbera dulce-  
dinis tuæ, prima nutrimenta gratiæ tuæ: & ex  
dulcedine suavitatis tuæ & conscientiæ bono,  
meliora super omne vinum sapientiæ secularis,  
vel lætitiæ carnalis voluptatis: fragrantia vn-

guentis optimis, donis septiformis Spiritus. Do-  
na enim ipsa, cum te operante, ordine suo ve-  
nient in me, primò timor tuus apprehendit me,  
seuerius yrgens ad te. Secundo loco occurrit  
pietas, suauiter excipiens me in te. Quæ cum, si-  
cut scriptum est, cultus tuus sit, pietas enim ait  
Iob, cultus Dei est: cum doceret me colere te,  
docuit me dicere in Spiritu sancto, *Domine  
Iesus*. Et mox in odorem suavitatis & virtutem  
sapientis, effusum est à te, & infusum est in me,  
oleum ipsius nominis tui emolliens omnia dura  
mea, leniens aspera, sanans infirma. Cōputruit  
jugum antiquæ captiuitatis meæ, à facie olei no-  
minis huius: jugum autem tuum Domine, factū  
est mihi suauis, & onus leue. Audito enim no-  
mine tuo, siue Domini, siue Iesu, siue Christi,  
continud auditui meo datum est gaudium & læ-  
titia. Quia mox ut nomen sonuerit in auditu,  
mysteriū etiam nominis effulget in corde, amor  
in affectu, suggerens ad Dominum deuorā ser-  
uitutem, ad Salvatorem, quod sonat Iesus, pie-  
tatem & amorem; ad Christum Regē, obediē-  
tiam ac timorem. Meritò enim, Domine Iesu, in  
omni nomine tuo omne genu flectitur, cœle-  
stium, terrestrium, & infernorum: quia nullo  
nomine nominaris, nisi aliqua ad nos relatione;  
nec vlla est alicujus nominis tui relatio, quæ nō  
sit aliqua alicujus boni tui ad nos relatio: quia  
Dominus dominaris benefaciendo, Iesus salvas,  
Christus, id est, vnctus Rex vel Sacerdos, regis  
vel propitiaris. Nam & illa relatio Filij ad Pa-  
trem, qua prædestinatus & factus es filius Dei  
in virtute, nouerunt qui in Spiritu sancto cla-  
mare didicerunt, *abba pater*, quique per hoc ip-  
sum filios Dei fratresque tuos se factos intelli-  
gunt, cujus & quanta nobis facta sit olei effu-  
sio: qui in hoc ipsum nos redemisti, ô frater bo-  
ne: qui nisi redimeres, non redimeret homo, nō  
Angelus, non creatura aliqua. Veniens quippe  
filius vnicus noluit esse vnus: sed multos filios  
adduxisti in gloriam, quos non cōfunderis fra-  
tres vocare dicens. *Nunciabo nomen tuum fra-  
tribus meis*.

Ideo, ait Sponsa, propter vberum tuorū suauitatem, propter nominis & olei tui sanitatem, mecum etiam *adolescentula dilexerunt te*, nouellæ in seruitute tua plantationes, nouellæ animæ, innouatæ spiritu mentis suæ, in nouitate spiritus ambulantes, ascensiones in corde suo disponen-  
tes, & de virtute in virtutem euntes; proficien-  
tes à claritate in claritatem sicut à Domini spiri-  
tu; dicentes singulæ, *trahite me post te*: dicentes  
pariter, *in odorem vnguentorum tuorum curremus*.  
Odor vnguentorum ad proficientes adolescen-  
tulas est fragrans in Sponso virtutum opinio;  
tractus, charitatis provocatio. Vnctio vero do-  
cens de omnibus Sponsam manet. Et inter illū  
odorem, & inter istam vnctionem, magna distā-  
tia est. Exclusa tamen à cellarijs, & deserta à  
Sponso, jam pene cum adolescentulis paris cō-  
ditionis est, cum non nisi odore Sponsi pascitur.  
Vnde cum illis & ipsa dicere videtur, *in odorem  
vnguentorum tuorum curremus*. Trahitur autē  
currens, quæ provocatur volens: & dum ei gra-  
tia odoris virtutem aspirat vnctionis, nulla in  
spiritualium cursu profectuum mora vel diffi-  
cultas est. Prosequiturque fugientem cōfessio-  
ne & commemoratione beneficiorum suorum,  
vberum scilicet & vnguentorum, odoris & olei  
effusi: quia optimum & rationabile est orandi

Quo ordi-  
ne dona Dei  
in animam  
veniant.  
Iob 28.

Philip. 2.

Omnia  
Christi nomi-  
na sunt ad  
nos relatiua

Hebr. 2.

Cantic. 1. 2.

Odor vn-  
guentorum  
est virtutis  
opinio.

Recordatio  
beneficiorum  
optimum o-  
randi genus.

Sponsi pre-  
sentia est me-  
moriam de eo  
bene effecta.

Cantic. 1.

1. Cor. 12.

Tria de cel-  
larijs Regis  
proferuntur.

Duo testa-  
menta sunt  
duo Sponsi  
ubera.

genus, gratumque Deo, & efficax ad obtinenda futura beneficia, non ingrata recordatio prætorum. Deinde, *traho me post te*, ait Sponsa: in odorem unguentorum tuorum curremus. Vide jam lassam & deficientem, & egentem trahi: nisi quod odor eius, quem jam non videt, adhuc eam trahit, & currere facit. Vnde & dicit. *In odorem unguentorum tuorum curremus*. Ac si dicat. Etsi interim non mereor gaudium vultus tui, vel osculi oris tui: saltem odorem mihi ne subtrahas unguentorum tuorum. Sponsi enim præsentia, bene affecta de ipso memoria est, & mens in lumine vultus ejus illuminata, & unctio Spiritus sancti docens de omnibus: odor unguentorum cum eo abeuntium, sensus quidam est adhuc memoriam inhærens abeuntis suauitatis: & in reliquijs cogitationis festiua memoria de recordatione habitæ consolationis. In odorem ergo, ait unguentorum tuorum curremus: quo perseuerante & trahente nos, perseueramus currere: & ipso deficiente, nos etiam deficere necesse est.

Propter quod subjungit, beneficia accepta commemorans, & dicit. *Introduxit me Rex in cellaria sua*. Primò delectat Regem appellare, à quo regi desiderat: sicut dicit in Spiritu Sancto, *Dominus Iesus*, quem seruire delectat, qui mentem & voluntatem suam sono vocis enun- tiat. Deinde ex hoc ipso spem concipiens largiorem, & ex spe ipsa in amorem abeuntis, & a- les- cens majorē, & quasi post abeuntem furtim oculos conuertens: *exultabimus*, inquit, & *latabimur in te, memora ubi tuorum*, quorum la- ste nutrita sum, delinita unguentis, odore cō- fortata. Vide conantem, vide anxiantem; mo- do illi, modo de illo loquitur. Non sufficit amā ti vna via ad id quod amat: vnde propensius ad- huc in contemplationem jam absentis suspirans, *Reſti*, inquit, *diligunt te*, Omnia animalia natu- raliter in ventrem, & in terram curuantur. So- lus homo rectitudine corporis in cælum erigi- tur, monstrante in hoc natura, aliquid eum cō- mune habere cum cœlestibus, *Reſti*, ergo inquit, *diligunt te*, id est homines: quia qui diligendo te rectus non est, non homo, sed pecus est. Pen- sanda sunt tria hæc, & suis distinctionibus di- gerenda, prolata de cellarijs Regis, nec digna celari, memoria acceptorum bonorum, spes fu- tursorum, & pro utroque in gratiarum actione rectitudo dilectionis. *Exultabimus*, inquit, & *latabimur in te*. Hoc de futuro. De præterito verò, *memora*, ait, *uberum tuorum*. Tertium est, *reſti diligunt te*. Memoriam præteritorum ad here- mus Domino Deo nostro: spes de futuro con- tinet nos, ne ab eo recidere velimus: recta dile- ctio confirmat, ne possimus. Quod autem ab- eunte Sponso recordatur cellariorum: admo- net filios Sponsi subtracta sibi gratiâ spiritualis consolationis refugiendum esse ad consolatio- nem Scripturarum. Sicut enim quæ Sponsa est, cum mente excedit Deo; agnumque sequens quocumque ierit, totam se exhibet in affectu; sic cum sobria sit sibi, totam se colligere debet in intellectu, & spiritualis scientiæ fructu mentem pascere feriata: & redeundum ei est ad memo- riam cellariorum & vberum: hoc est, sicut di- ctum est, refugiendum ad consolationem scri- pturarum: vbi duo testamenta duo ei sunt Sponsi vbera, ex quibus lac sugitur omnium sacramen- torum pro salute nostra æterna temporaliter ge- storum, ut perueniatur ad cibum quod est ver-

bum Dei, Deus apud Deum. Humilis enim Chri- stus lac nostrum est: equalis Deo Deus cibus noster est. Lac nutrit, cibus pascit. Suguntur autem vbera hæc in cellarijs; quia intelliguntur mysteria ista in scripturis. Vbera suxit Sponsa, cum primò intellexit: sit memor vberum, cum meditatur de intellectis. Vbi sua corpori exul- tatio, sua menti lætitia comparatur: cum cor- pori incorruptio de incorruptione, menti verò visio Dei promittitur, & in dilectione Dei sua reſtitutio ordinatur. Sed sicut sole abeunte no- ctē subsequi necesse est: sic abeunte ac moram faciente Sponso, incipit Sponsa pristinum amittere decorem, & in se ipsa denigrari, priuarique gratia sua omnia opera ejus: ut jam nec pristinus calor sit in corde, nec color in opere. Sicut enim lux ista exterior regina quædam est colorum omnium, sine qua nihil decoris, nihil habent virtutis: sic gratia illuminans virtus est omnium virtutum, & lux bonorum operum: sine qua nec virtutes suos effectus, nec opera bona suos pos- sunt habere prouentus. Vel si utcumque videntur habere: non vigent, non lætificant, non ha- bent oleum lætitiæ, non unctionem docentem, non gustum diuinæ suauitatis, non odorē æter- nitatis, non efficacem spiritualium sensuum ex- perientiam. Vnde erubescens sibi, metuens au- tem eis, quibus imitationi esse solebat & admi- rationi, *Nigra sum*, inquit, *sed formosa, filia Ie- rusalem; sicut tabernacula Cedar, sicut pelles Salo- monis*: quæ plus videtur habere vtilitatis, quàm decoris. Ac si dicat. Forma quidem mihi integra est, quamvis color immutatus: quia Spiritus quidem promptus est, caro autem infirma: sta- bilis fides, sed obscuratus intellectus: eadem voluntas, sed debilitatus affectus. Confiteretur se nigram ob caliginem turbatæ conscientiæ; licet formosam non diffiteatur per fidei reſtitutionē: sciens sicut in cellarijs regis enutrita, non humi- litatis esse, sed impietatis, fidem negare. Non solum enim fidem, sed etiam spem, & bonam voluntatem, sicut non habere, mortiferum est: sic habitam negare, criminofum. Formosam quippe secundum rectam fidei formam, & puri- tatem intentionis, & deuotionem voluntatis, Sponsa semper se inuenit, quamdiu Sponsa esse non desinit, nec vnumquam diffitetur; licet non- numquam ex conscientia peccatorum præterito- rum vel impugnatione vitiorum, vel humanæ ignorantie cæcitate, nigredinem suam humili- ter confiteatur.

*Sicut tabernacula Cedar, sicut pelles Salomonis*. Per Cedar, quod tenebræ interpretatur, vult in- telligi tenebras conscientiæ, vel rationis cali- gantis: per tabernacula verò vel pelles taberna- culorum, quæ circumferuntur, instabilitatem mentis: quæ quantum interno lumini contem- plando officiunt, manifestum est. Quæ tamen tunc Salomonis, id est veri pacifici sunt: cum fraternæ militiæ, vel Ecclesiasticæ paci deser- uiunt. Semper tamen cauere studet pia charitas, ne quemquam lædat incauta ejus humilitas: ne confessio reatus vel infirmitatis suæ fiat exem- plum, vel occasio fraternæ ruinæ. Ideo subjun- git & dicit. *Nolite considerare me, quoniam fusca sum: quia decolorauit me sol*. Non sic sum fusca, ut sim cæca, tamquam non habeam oculos ra- tionis: sed sol iustitiæ sub traxit mihi lumen gra- tiæ suæ, sine quo omnis oculus frustra patet, nullus color viget, omnis calor frigit. Carbo

Christus lac  
& cibus est.

Gratia ad  
bona est sicut  
lux ad  
colores.

Cantic. 1.

Quid sit  
Sponsa ni-  
gredo.

Canta esse  
debet infir-  
mitatis con-  
fessio.

Necessitas  
gratiæ.



inquit, fui desolatorius: nunc autem desolatus. Candui quamdiu in igne fui, calefaciens & illuminans: recedente igne denigrata sum. Tamen integram semper ad imitandum propono vobis formam meam, licet decoloratam: quia etsi amoris à me decor recessit, sed substantia remansit. Vnde ne miremini: quia in absentia Sponsi etiā publica praeda facta sum. Nam & filij matris meae pugnaverunt contra me. Quomodo? Posuerunt me custodem in vineis: vineam meā non custodui. Vsitatū in Scripturis est, gaudiū per vinū intelligi: quod cor hominis lætificat. Sicut enim vini mater vinea est: sic pax sæculi, sæcularis gaudij: pax vero spiritualis, spiritualis gaudij mater est. Siue ergo filij matris meae, naturæ videlicet humanæ originales concupiscentiæ, pugnantes contra me, egerunt in me, ut vellem hominibus præesse: siue filij matris meae Ecclesiæ, tulerunt me mihi, & posuerunt præesse sibi, & pro nutriendis gaudijs carnis suæ custodē me posuerunt exterioris pacis suæ: cui cum attentius inuigilo, negligens facta sum interiorum gaudiorū meorum in neglectu interioris pacis meæ. Sic decolorauit me sol: dum sollicitudo mihi fraternæ charitatis occupationū suarum caligine obscurauit interioris speciem puritatis. Intelligendū est, Sponsam, dum circumducitur & docetur, & varijs tentationibus eruditur, necessitatem etiā incutisse prælationis: in qua cum diuiditur ad multa, non sufficit ad singula: & cum circa alienos profectus sollicitius inuigilat, deficit in suis: & circa priuata damna sua turbatur in conscientia sua. Vide sibi derelictā, nutantem, fluctuantē. Vult orare, nec sufficit, meditari secū, & deficit: loquitur ad præsentem quasi ad absentē: ad absentē, quasi ad præsentē. Et tamen sicut regionū cellariorum alumna, non negligit Apostoli cōsiliū dicentis, *Confitemini alterutrum peccata vestra*: in tribulationibus tentationum suarum non erubescens virtutem confessionis, dum sodalibus reuelare non hæsitat conscientiæ damna latentia, cum dicit. *Nigra sum, sed formosa, filia Ierusalem*. Vnde & post confessionem ardētor redijt ad orationem dicens.

*Custas in vinea est pastor in Ecclesia.*

*Iac. 5.*

*Cant. 1. 6.*

*Oratio sequens Confessionem sponsam inuenit.*

*Indica mihi, o quem diligit anima mea: ubi pascis; ubi cubas in meridie.* Et vide euidentissimam gratiam. Cum post confessionem venit ad orationē, repente Sponsam, quem quærit, meretur inuenire: quem toto charitatis amplexu attrahens in cor suum, & quasi os ad osculum ei porrigens, o, inquit, *quem diligit anima mea*. Nam juxta sensum historicum, amanti & quærenti se obrulit Sponsus: sed adhuc quasi auertens & excutiens se ab ea, & probans eam in abscondito tempestatis, in osculo contradictionis. Quem illa ardenti amore aggrediens, o, inquit, *quem diligit anima mea*. In quo primò manifestum est, Spiritum sanctum jam infirmitatem orantis adiuuare: quia Spiritus sanctus ipsa dilectio est, de qua dicit Sponsa, o quem diligit anima mea. *Quem*, inquit, *diligit anima mea*. Totus quippe pene homo anima est: minima ejus portio corpus est. Ideo cum diligit te, Domine Iesu, anima Sponsæ tuæ, neglecto & quasi jam abjecto corpore, tota sequitur te; desiderans propter te mortificari tota die, & amans perdere semetipsā in hoc mundo, ut in vita æterna possideat se in te. Et certè nequaquam dubitandum est, ipsam pulchritudinis tuę faciem aliquando ei illuxisse, quæ sic diligit te: spiritu oris tui aliquatenus af-

flaram, quæ sic suspirat ad te: expertam suauitatem amplexuum tuorum, quæ tam familiariter resoluitur in te. Diligit enim te, non nisi de te, qui es ipsa dilectio, qua diligit te: & intantum diligit te in se, ut se ipsam in nullo diligit nisi in te. Si enim pulchrum diligitur, tu pulchritudo es omnis pulchri: si bonum, tu es bonum omnis boni, si vtile, te vtitur omnis homo, etiam qui odit: fruitur verò omnis qui diligit. *Indica* ergo, ait, *mihi, o quem diligit anima mea: ubi pascis, ubi cubas in meridie*. Notandum, quod Sponsam prouehat virtus & humilitas confessionis, quod, cum superius osculum peteret, & osculo Sponsi se compararet, nec aspirare potuit sublimitas contemplationis: ad cubandum scilicet in sinu Iesu, sicut aliquando cubabat dilectus ille discipulus, concipiens inde summum Principium, & in Principio Verbum, & Verbum apud Deum. *Indica*, ait *mihi*. Intus, ait, in corde, dic mihi, ut sentiam in memetipsa per sensum certissimæ experientię: inspira mihi, ut sciam per experimentum fruētis conscientię: quo viuendi genere, quo statu animæ, quo mentis habitu, quo dono gratiæ, in affectu ejus, quem dignum facis, tu qui misereris, cujus misereris: (neque enim hoc volentis est, vel currentis, sed tui miserentis,) pascis amantis intellectum de cognitione veritatis tuæ, de multitudine dulcedinis tuæ; ejusque tibi ~~coram~~ memoriā, in qua cubes jugiter ac delectabiliter: ipse ei existens amoris ardentis & cauma meridianum, & refrigerium; splendor luminis meridiani, & umbraculum. Vel notum sibi postulat fieri finem suum in tribulatione exercitij sui, ut sciat quid desit sibi. Et in consolationem mutabilitatis suæ reuelari sibi orat diē æternitatis: non qui incipit à mane & desinit in vespertam, sed semper manet in meridiano caloris & luminis, sapientiæ & intellectus, amoris & beatæ fruitionis: ubi sabbatismus datur populo Dei, ut cubet & requiescat ab operibus suis, sicut à suis Deus: ubi in æterna beatitudine pascit de se ipso tam Angelorum quam sanctorum hominum societatem, semper plenam ob perfectionem beatitudinis: semperque in eam respicere desiderantem, ob pietatem & dulcedinē amoris. Vel, o quem diligit anima mea, dic diligenti te animæ meæ per inspirantem gratiam & inspirantem experientiam, quis ille sit status mentis, quæ suauitas sentientis, quod gaudium fruētis, cum diligenti te fidei, quantum potest diligere fides, insinuat ipse, quanta in hac vita mortali insinuari potest, species; & fit in diligente, quod de ipso aliquando dixisti. *Qui diligit me, diligitur à Patre meo: & ego diligam eum, & manifestabo ei Ioann. 14. me ipsum*. Cum enim aliquando sic diligendo collegerit sibi meritū dignioris aliquantū gratiæ, incipit diligens etiam diligi. Hinc dilectionis diligentis se Sponsi amicas suauitates per illuminati sensum amoris largiūs ac dulciūs Spōsa incipit experiri, & fit in ea quod Apostolus dicit. *Charitas Dei diffusa est in cordibus nostris, per Spiritum sanctū, qui datus est nobis. Rom. 5.* Iam enim incipit cognoscere, sicut prior cognita est; & inquantū cognoscit diligere, sicut prior dilecta est. Prior enim Sponsi ad Sponsā cognitio diuinæ fuit sapiētiæ donatio: prior dilectio Sancti Spiritus gratuita infusio: cognitio verò Sponsæ ad Sponsū & amor idem est: quoniam in hac re amor ipse intellectus est. Hoc cum abundantiore gratia in corde Sponsæ agitur ad horam, ad tempus, ipse

*Virtus humilis confessionis quod peringat.*

Sponsus pascit & pascitur.

est, quem in hac vita tantopere anxia requirit Sponsa, Sponsi meridianus accubitus meridiani luminis in cognitione, meridiani fervoris in amore: in quo cum amor vnde venit, eò regreditur, Sponsus & pascit & pascitur. Vtrumque enim sonat hoc verbum pascit. Vel si, inquit, indignam me reputas osculo seu verbo tuo, seu Spiritu oris tui; ostende mihi saltem aliquem hominem tuum, in quo inueniam, non matutinum ac nouitium, non respertinum ac remissum; sed meridianum ac stabilem, & luminosum fervorem amoris tui: in cuius corde cubes & requiescas; de quo pascas me, cum docebit me, quod à te didicerit. Vel desiderat affici Sponso Sponsa, & deficit; vult exhilarare cor in lumen vultus ejus, & in semetipsa tenebescit. Et cum non praeualeat interiùs se ipsam componere ad desideratam affectionem, non habens pacem in semetipsa, gestit exire à semetipsa in aliquam affectionis ipsius exteriorem actionem: in qua bona conscientia amantis Sponsum inueniat vel pascentem eam, vel cum ea accubantem. Horum ergo aliquid, siue hæc omnia scire desiderabat, qui dicebat. *Indica mihi, o quem diligit anima mea, ubi cubas, ubi pascis in meridie.*

*Ne vagari incipiam post gregem sodalium tuorum.* Nondum vagatur, sed vagari timet. Nul- lum adhuc amat, præter Sponsum: si enim alium amaret, Sponsa non esset. Quantum enim ad animû, amore mouemur quocumq; mouemur: ideo qui vnum amat, non mouetur non vagatur. Sed & qui vna & recta via graditur quod peruenire desiderat, non vagatur, non errat: sed aliquando peruenit ad finem: exeunti verò de via campus erroris patet, qui non habet finem. Error autè est falsa pro veris approbare. Agitur quidem adhuc in cogitationibus suis, sicut tabernacula Cedar, sicut pelles Salomonis, quæ circumferri solent: & impugnatur à concupiscentijs suis, sicut dicit, *Filiæ matris meæ pugnant contra me*: Sed stans adhuc in loco suo iudicium amoris non movetur, sed illuminari deponit, & confortari desiderat. Amo, inquit, vel potius desidero: quia turbato oculo mentis ex instantia concupiscentiæ, de variarum phantasmate cogitationum, non video quem amo: ratione sopita non intelligo, quod desidero. Et ideo etiam nuto, & instabilis fio in amore meo, non eum deferendo, sed ipso ad finem suum per diuersa abiendo; sicque etiam in hoc instabilis efficior, nò nolendo & volendo: sed ad id quod stabiliter & singulariter volo, viam compendiosionem & aptiorè mihi quærendo. Eiusdè enim semper sum voluntaris; sed donec bona voluntas, bona mens fiat, semper desidero: non autem semper amare mihi videor, in quantum, sicut dictum est, in affectu non semper mihi præsto est, quod desidero. Nam alius est amor desiderantis, alius fruuentis. Amor quippe desiderij etiam in tenebris ardet, sed non lucet: amor vero fruuentis totus in luce est, quia fruitio ipsa lux amantis est. Quid multa? Sponsa, quæ ad videndum Deum anhelat, mundum cor, mundâ conscientiam desiderat; mundû sensum, mundû intellectû, mûda omnia. Virtutè quippe amoris perturbare non potest ignis aut gladius, aut vllû periculum: sed deliciarum ejus fruitio pacè cordis desiderat, & serenum mentis. Ne, inquit, *vagari incipiam post greges sodalium tuorum.* Sciunt qui non errant, quantos sibi greges in mundo error

fecerit, mortem sibi pro vita eligentium, miseriam pro beatitudine amplectentium, Deû negligentium, se ipsos amantiû, tritas hujus sæculi vias gradientium, & gregatim euntium in infernum, & sua post se vestigia relinquentium multorum hominum, multorum populorum. Trahit enim eos post se princeps spiritualis nequitie, qui operatur in filiis dissidentie: qui sodalem se faciens Sponso dixit, *Ero similis altissimo.* Ipse est princeps mundi hujus, & qui mundum vel sæculum quasi ex æquo cum Sponso partiri videtur: sed multò plures ac densiores sibi errantium greges facere inuenitur. Sed & in corde etiam ejus, quæ Sponsa jam esse meruit, nonnumquam intuitum mentis ab vnus veritatis inquisitione deficiente, statim excipit cogitationum multiplex diuersitas: in quam diuisus animus, euagari incipiens per tot errorum vias, à se ipso abducitur, per quot cogitationum phantasmata ab intentione boni rectitudine dissipatur. Ipsæ nempe cogitationes variæ magnos & varios de se greges faciētes, quasi Sponsi se sodales faciunt: cum Sponsæ mentem cum eo sibi diuidentes, suis vicibus, suis temporibus, sibi eam deservire compellunt.

Sequitur. *Si ignoras te, o pulchra inter mulieres: egredere & abi; post vestigia gregum.* Ac si dicat, Quæ indicari tibi petis à me, non ignoras, sed te ignoras: idcirco enim videris tibi ignorare me: quia ignoras te. Ideo ignoras te, quia egressa es à te. Sed primò notanda sunt vtriusque amatoria blandimenta. O, ait Sponsa, *quem diligit anima mea*; Sponsus vero. *O pulchra inter mulieres: o amica mea.* Cuicumque intentionis fervore, in veritate conscientie suæ sonare videntur reciproca hæc nomina amoris & laudis, non sunt signa deserti, vel deserentis. Beata conscientia, quæ quicquid incurrerit, quidquid ingruerit, semper eodem spiritu dicit, *Domine Iesu*; eadem pietate profiterur: *O quem diligit anima mea*; & cujus fides, quicquid accidat, sub testimonio veritatis nullum patitur damnum pulchritudinis suæ vel laudis. *Pulchra*, inquit, *inter mulieres*: fortis inter molles: à mollitie quippe mulier dicitur: virgo inter prægnantes, quibus à Domino vix denuntiatur, cum dicit. *Va*

Quanti greges errantium & perennium.

Isaia 14.

Cant. 2. 7.

Ignorantia sui causa est ignorantia Dei.

Marc. 13. Luc. 21.

*Pulchra*, ait, quia formosa; formosa verò, in quantum gratia te in hoc formante, diligit me anima tua: quamvis subnigra: in quantum destituta ab illuminante gratia. Si, inquit, *ignoras te, o pulchra inter mulieres, egredere.* Potest etiam videri pulchritudinis ista commemoratio, neglectæ pulchritudinis exprobratio: sicut cum dicit, *egredere*, non est consilium amici, sed quasi permissio irati. Si, inquit, *ignoras te, egredere*, sed permissio hoc est ideo à temetipsa egredieris, quia ignoras te. Sed cognosce te, quia imago mea es: & sic poteris nosce me, cujus imago es, & penes te inuenies me. In mente tua, si fueris mecum, ibi cubabo tecum, & inde pascam te. Quæ ergo Deum in simplicitate: senti de eo in bonitate: satage eum jugiter habere in memoria: & amando intelligere, & intelligendo amare: & in sensu bonitatis ejus percipies sensum æternitatis ejus, vitæ modum, statum mentis bonæ. Si ignoras te, egredere. Quod egrediar Domine? Egrediam vel ejectionem à facie tua sicut Cain quicumque prior inuenerit me, occidet me. *Egredere & abi.* Ac si dicat. Abi à me, à similitudine mea, in lo-

Egredere, non consilium, sed permissio.

Alius amor desiderij alius fruitionis

cum dissimilitudinis; à te verò in deuia concupiscentiæ vel curiositatis. Abi ergo, ait, & *pasce hœdos tuos*, qui ad sinistram deputantur, lasciuos scilicet motus tuos, in eis quæ sunt extra te. Abi, post vestigia gregum pereuntis multitudinis: in pascuis semetipsum pascentium, semetipsum amantium; circa tabernacula eorum, quorum tabernacula in progenie & progenie: qui *vocauerunt nomina sua*, sicut dicit Psalmista, *in terris suis*, nec habent ea scripta in cœlis. Sed non sic, ô Sponsa Christi: quin potiùs cognosce temetipsam: præsto tibi esto ad discernendam temetipsam. Si vis, vt concupiscat Rex Dominus Deus tuus decorem tuum, accedens ad eum obliuiscere populum tuum, & domum patris tui: corpora quibus per sensus corporis assuefacta es, & delectationes eorum quibus per amorem adhæristi: imagines eorum, quas fruendi cupiditate memoriæ altius impressisti. Per hæc enim à temetipsa egrediens abiisti à te, per affectum in vestigia intentionum tuarum; sic ea impressa habens memoriæ, vt etiam cum absunt corpora, non absint eorum imagines: cum cessant actus, non cessent eorum affectus: cum voces silent, perstreperant earum significationes. Munda te, exerce temetipsam ad pietatem, & intra te inuenies Regnum Dei. O imago Dei recognosce dignitatem tuam; resurgat in te authoris effigies. Tu tibi vilis es, sed pretiosa res es. Quantum ab eo defecisti, cuius imago es: tantum alienis imaginibus infecta es. Sed cum in id quod creata es, respirare cœperis: si fortiter apprehenderis disciplinam, superducos adulterarum imaginum fucos, nec satis inhaerentes, citò excuties, citò effugies. Adesto ergo tota tibi, & tota te vttere ad cognoscendum te, & cuius imago sis, ad discernendum & intelligendum quid sis, quid possis in eo, cuius imago es. Sta in gradu tuo, ne succumbas, ne degeneres. Virtus autem est stationis tuæ cognitio gratiæ: si ingrata non es, quoddam præscita es, quoddam prædestinata, quoddam præelecta, quoddam cognita. Præscientia enim Dei de te, ejus circa te bonitas est: prædestinatio jam operans bonitas: electio opus ipsum: cognitio signaculum gratiæ, de quo Apostolus dicit.

2. *Tim. 2. Fundamentum Dei stat: habens signaculum hoc, Nouit Dominus qui sunt ejus.* Si cognoscis, scito, quia præcognita es: si eligis, citò quia electa es; si credis, in hoc es creata; si amas, in hoc es formata. Cumque in hoc te Sponsus efficit, cubat in te: cum in hoc te afficit, accumbis cum eo, & ipse pascit te. Ibi te docet experientia luminis & fervoris meridiani, cum in lumine Dei videtur lumen; cum de magnitudine ac puritate amoris testimonium perhibet conscientia hominis Spiritu sanctus, quoddam sit filius Dei. *Nemo enim nouit Patrem, nisi Filius, & cui ipse voluerit reuelare.* Solum etenim lumen vultus Dei docet hoc; sensus vitæ, de spiritu vitæ indicat hoc; gratia pro gratia: magna fruitio summi boni, pro præmio magni desiderij. Nec vnumquā anima se cognoscit, quid sit, quid possit, nisi cum in his se inuenit: nec libet eam aliquod egredi à se, quamdiu in his datur frui se. Beatus vir & iucundus homo, qui gloriam hanc & diuitias hujus gratiæ habet in domo cordis sui: in thesauro conscientia suæ. Confirmatū est cor ejus; non commouebitur, hoc est non egredietur ad aliena, concupiscendo, seu curiosa agendo, domi diues, & pacem habens, & pietatem cum

sufficiencia in conscientia bona. Diuitiæ istæ pauperum spiritu sunt, in simplicitate cordis Deum quærentium, constanter agentium quod præcipitur, forti fide expectantium quod promittitur; certitudine spei jam prælibantiū quod expectatur, & ideo sentientium de eo in bonitate; non alta sapientium, sed humilibus consentientium, jugum Domini non recusantium, nec contra stimulum disciplinae ejus calcitrantium. Procul hinc spiritus hujus mundi, & nugigera ejus sapientia, sensus magnus Assyriorum, phalerata eloquentia.

Ipsi sunt equitatus tuus, ô qui regis Israël, nō equis superbiz & curribus vanitatis, sed in nomine Domini velocitate currentis Spiritus & fortitudine amoris tui. Scientes enim ereptos se per te ab exterminatore, quod sonat nomē Pharaonis, à regione tenebrarum, quod est Ægyptus, in effusione sanguinis & sacramento agni paschalis, Hebræi, idest transeuntes, phasce, quod est transitus Domini, peragunt festinantes: transeuntes ad virtutes à vitijs, à temporalibus ad æterna, à terra ad cœlum, à semetipsis ad Deum, in aquis rubentibus de sanguine agni; submersis persequentibus peccatis ac vitijs; in aduersis quasi in timore nocturno lumen habentes, ignem & fortitudinem Spiritus sancti quasi columnam ignis: in prosperis verò tamquam in luce diei, obumbrantem eos quasi nubem virtutem altissimi. Ideo sequitur ac dicit. *Equitanti meo incurribus Pharaonis assimilanti te, o amica mea.* Nec prætereundum, quod primò pulchram vocat inter mulictes, postmodum verò amicam suam: in hoc videlicet omnia concludens, vt intelligatur secundum pulchritudinis quantitatem futurum esse amicitia modum. In eo etiam quod dicit, *equitanti meo assimilanti te, o amica mea*, addit adhuc pia Sponsi sapientia egredientem à se Sponsam ad se reuocare: & in quo plurimum sapere sibi videtur, amplioris eam redarguit, insipientia: periculum ei vitæ denuntians, & amoris detrimentum; cuius diuitias solummodo requirit, & refugit exercitium. Soler quippe hæc mentis incuria tenetos & incautos incipientium animos inuoluere, & à fine perfectionis præpedire; quia cum vel leuiter degustare cœperint nouas contemplationis suauitates, & dulciores experientias, continuò decertandi cum vitijs carnis & animæ omnes se existimant euassisse necessitates. Cumque virtutum naturaliter per se ipsas delectantium sola somniant oblectamenta, firmam & certam negligunt earum possessionem, dum refugiunt necessaria earum exercitia; & fiducia degustatæ dulcedinis, quæ misereantis potius Dei est, quàm volentis & currentis, negligunt. pericula graua, militancia in se ipsos de se ipsis. Ideo post manifestatā puritatis viam, post apertam januam contemplatiuæ libertatis, subjungit & dicit. *Equitanti meo incurribus Pharaonis assimilanti te, o amica mea.* Et si sis amica, & quantumvis amica, tamen scias adhuc, & equitandum tibi & currendum esse: laborandumque ac pugnandum; ideo tamen non minùs amica. Cauendum quidem tibi est vitiū curiositatis, & semper comitantis eam concupiscentia secularis vel carnalis; non tamen seu pro temetipsa, seu pro fratribus est recusandus actus necessitatis, vel necessitas charitatis. Sequitur. *Pulchra sunt gena tua sicut turturis.* Genæ Sponsæ, & ad Sponsum semper nuda facies,

*Diuitia gratia sunt pauperum spiritu.*

*Cantic. 1.*

*Incipientiū quorundam deceptio.*

*Sponsæ genæ conscientia.*

*Psal. 43.*

*Monetur anima nosse suam excellentiam.*

*Præscientia, prædestinatio, & electio*

*2. Tim. 2.*

*Matth. 11.*

sancta conscientia est: verecundia in facie, affectuosa poenitentia est, & pia reuerentia ad arguentem. Fidelis quippe anima, quamdiu vel in tentationibus laborat, quid in se ipsa agatur, ignorat: saepe & cum nescit, proficit; & approbatur, cum se reprobari aestimat. Afflicta etenim humiliatur, humiliata purgatur; & dum infra semetipsam deponit eam assumpta humilitas, in multiplicitate dolorum, non ab ipsa, sed tamen in ipsa formatur sancta illa simplicitas, de qua scriptum est. *In simplicitate cordis querite illum.* Et cum semetipsam dignam habet, quae argui meruerit & affligi, ad arguentem se induit pia conscientia sanctam quandam & beneplacentem faciem verecundiae, per quam veteris fiducia procacitate emendata audire meretur.

Sapient. 1.

In tentatione ad est consolationis.

Facies solet esse testis conscientiae.

*Pulchra sunt genera tua sicut turturis.* Et vide, quomodo in ipsa quasi critica accessione tentationis, repente adest remedium diuinæ consolationis; & secundum multitudinē dolorum in corde ejus, adsunt consolationes Domini lætificantes animam ipsius. Sicut enim in tempore auersionis mens affecta carni, caro peccato, faciem in ea formauerunt vulturis; sic in hora visitantis gratiae mens affecta Deo, caro menti, faciem in ea formauerunt turturis preferentem humilitatem, castitatem, & sanctae gratiam simplicitatis. Nam quemadmodum conscientia ipsa sibi verissima interpretis est afficientis gratiae; sic facies exterior testis esse solet ad homines bene affectae conscientiae; quin etiam pudor in facie apparēs, indicium esse solet boni alicujus latentis in corde. Nam cum, quod videre cogitur anima, vel indignum reputat ut videat, vel indignam se, quae videat, sicut aiunt Physici, refugit intro, obducto sibi naturali velamine sanguinis, qui in ipsa hora verecundiae in facie rubere videtur, contestans interiorem pudicitiam suam, vel odium habere oblatis dedecoris, vel humilitatem seu reuerentiam oblatis honoris. Et apte satis Sponsa turturi comparatur, quae a dolore amissi comparis alium non requirens, solo se gemitu consolatur. Iamque probata & digna reperta illuminante gratia, laudibus Sponsi propensius attollitur; hoc est, Sponsi laude, dignis muneribus accumulari. Vnde subiungit & dicit. *Collum tuum sicut monilia.* Collum Sponsae sancta intentio est, qua capiti suo, quod est Christus, totum operis corpus conjungitur; de quo idem caput nostrum dicit. *Si oculus tuus, id est operis intentio, simplex fuerit; totum corpus tuum lucidum erit.* Sicut verò monilia ornamenta collis sunt; sic bonae intentionis sanctarum insignia virtutum. Collum verò Sponsae sicut monilia est: quoniam cum monilium sit collum ornare, e contrario collum Sponsae omnes ornat virtutes suas; quae nisi ex recta intentione dependeat, nec decus suum, nec decorem, sed neque ipsum comprobantur habere nomen virtutum. Vel colli Sponsae ornamentum, amor Sponsi est, absque quo omnis intentio foeda ac peruersa est. Cum verò intentio transit in affectum, efficitur collum Sponsae sicut monile suum.

Cantic. 1. Collum Sponsae sancta intentio est.

Matth. 6.

Virtutes non sunt, ubi non est recta intentio.

Cantic. 1. 10.

1. Cor. 1. Quid sint munera aurea.

Deinde quasi sua ei imponens ornamenta; *Murenulus, inquit, aureus faciemus tibi, vermiculatus argento.* In autem sapientia intelligitur: quia sicut Apostolus dicit, *Christus factus est nobis sapientia*, vel eo tempore, quo in similitudinem hominum factus, habitu inuentus est ut homo, & infirmum ejus fortius, & stultum ejus sa-

pientius apparuit omnibus hominibus: vel ex quo ei haerere incepimus, ut in illo sapiamus. Ipse ergo collo Sponsae aurea ornamenta imponit, dum sanctae intentioni suae gratiam sapientiae adjicit: ut tendat non solum ardentem, sed & sapientem. Quae vermiculatae sunt argento; cum ad praedicandam gloriam Sponsi accepta gratia luculenter & sonora praedicationis, disponit sermones suos in iudicio. Murenulus autem, sicut per argentum, ut dictum est, nitorem eloquentiae, sic in opere bono perseverantiae longanimitatem designat: perfectionem verò in rotunditate. Sed quare vermiculatae? Ut per figuram vermium admonita eloquentia, caueat vitium jactantiae. Sicut enim vel lignorum vel fructuum quaelibet materia proprium vnaquaqueque habet vermem, quasi naturalem inimicum sospitatis suae, sic omnis virtus, seu bona mentis compositio, proprium habet aliquem in vitiis inimicum. Vnde scriptum est. *Vermis diuitiarum superbia.* Sicut autem proprius diuitiarum vermis superbia est; sic eloquentiae jactantia, a quo nisi caueatur, quidquid virtutis vel utilitatis habere videtur, corrumpi necesse est. Siue autem longitudo, siue rotunditas, omnia in auri substantia fundantur: quia nulla boni perseverantia, nulla perfectio, nulla pulchritudo vel utilitas, nisi in sapientia, id est in amore Dei & spiritali sensu solidatur. Sed faciemus, inquit. Quis, vel qui? Vtique qui dixit de dilectore suo; *ad eum veniemus, & mansionem apud eum faciemus*; Dominus scilicet Iesus Christus, & Deus Pater, & Spiritus Sanctus. Vel ego inquit faciam: Angelico mihi in hoc ministerio deserviente. Congaudet etenim angelica pietas bonis hominum, & in salutis eorum ministerijs deservire amat: quorum sanctis in religione studiis semper praesto sunt, licet non semper appareant. Vnde etiam cum repente ab aliquibus aliquando videntur, apparere dicuntur, quod proprie dicitur de re praesente, sed latente, & repente semetipsam visibilem exhibente. Habet enim facultatem quandam naturalem, sicut sibi invicem, sic etiam spiritalibus hominum quaelibet suggerendi vel insinuandi, Angelorum spiritalis potentia, de quo per Prophetam dicitur. *Egressus est Angelus, qui loquatur in me.* Et, *Dixit unus Angelus ad alterum Angelum. Curres & annuncia puero huic.* Quorum oscultos nutus, quibus suggerenda insinuant, siue boni Angeli in bonum, Deo volente; siue mali Angeli in malum, Deo permittente; Apostolas linguas Angelorum appellare videtur, ubi dicit. *Si loquar linguis Angelorum, charitatem autem non habeam, nihil sum.* Sanctis ergo proficientium studiis, & cohortando & cooperando semper adsunt Angeli Dei: tanto devotius congaudentes spiritalibus Sponsae ornamentis, quanto verius in eis recognoscunt opera digitorum Dei, & artificium Spiritus Sancti. Non solum autem, sed & Doctores sancti in Ecclesia Dei in sponsalibus ornamentis Sponsae intelligendi sunt cooperari. Sequitur.

Virtutum vermis.

Joann. 14.

Zachar. 2.

1. Cor. 13.

Angeli congaudent bonis nostris.

*Dum esset rex in accubitu suo, nardus meus dedit odorem suum.* Aiunt, qui sagittandi habent peritiam, sensum quemdam inesse manui sagittantis: per quem saepe non later etiam non videntem, cum non in vanum abiit sagitta de manu mittentis. Eodem modo, quemdam pietatis sensum nonnumquam constat inesse fidei fideliter oranti, per quem non eum later, cum sua ad Deum

peruenit oratio: & ex responso illuminantis gratiæ, & sensu bonæ conscientiæ, nulla remanet dubitatio exauditionis. Hunc ergo Sponsa disciplinæ corripientis magisterio erudita, ac sapientiæ dote glorificata, induens affectum: incipit jam perfectiùs semetipsam cognoscere, & intelligere, ac discernere; quid intra semetipsam agatur. Iamque indicante Sponso, hoc est illuminatè gratia, incipiens penes se inuenire, quod quasi alibi quærebat cum dicebat. *Indica mihi, o quem diligit anima mea, ubi pascis, ubi cubas in meridie*, scilicet regnum Dei intra se, locum Domino, tabernaculum Deo Iacob: incipit contemplari, non eo contemplationis modo, quem primò vel nouitij feruoris præsumptione inuaserat, vel acceptum ab gratuita gratia ardentèr potius quam sapienter expenderat: sed ea contemplandi pietate, quæ animæ tentationibus probatæ, & corripiente disciplinâ eruditæ, & purioris conscientiæ merito illuminatæ, vltro se incipit aperire. Vnde subiungit & dicit.

Cantic. 1. 6.

Cant. 1. 11. *DVM ESSET Rex in accubitu suo, nardus mea dedit odorem suum.* Duobus modis accumbitur,

Quis accubitus Sponsi & Sponsæ.

vel ad consortium carnalis voluptatis; vel ad perceptionem cibi. Vtrumque, sed spiritualiter requirebat: quæ suprà interrogando dixerat. Indica mihi, ubi pascis, ubi cubas in meridie. Locus verò cubitus vel accubitus Sponsi ac Sponsæ; memoria est, intellectus, & amor. In his autem accumbunt Sponsus & Sponsa: ille gratiam infundendo, illa piè memorando, humiliter intelligendo, ardentèr amando. Hunc locum Deo anxia pietate quærebat, qui dicebat.

Psal. 131.

*Si dederò somnum oculis meis, & palpebris meis dormitationem: donec inueniam locum Domino, tabernaculum Deo Iacob.* Cujus cor, in quantum in hoc sancto desiderio æstuabat, intantum jam profecto locus Dei erat: sed stare ad fruendum, seu stabiliter frui desiderabat. Memoriam jam implebat, & plenissimè possidebat crucians voluntas, vel desiderium, hoc est vehemens voluntas. Sed quia intellectui deerat lumen suū; amor in fruendo nequaquam poterat inuenire gaudiū suum, de quo postmodum dicit. *Adorabimus in loco ubi steterunt pedes ejus.* Qui enim Deum quærat, præsentem non sentit, sicut sentiendus est; anxie orat: qui verò præsentem tenet, præsentem fruitur, gratanter adorat. Ideo Sponsa cum Sponsi reminisceretur, vel cum cogitaret ad intelligendum, absentem arbitrabatur, quamdiu non intelligebat ad amandum. Sed bona voluntas jam initium amoris est. Vehemens autè voluntas, vel quasi ad absentem, desiderium est: vel affecta circa præsentem, amor est: cum amanti id quod amat in intellectu præsto est. Amor quippe Dei ipse intellectus ejus est: qui non nisi amatus intelligitur, nec nisi intellectus amatur; & utique tantum intelligitur, quantum amatur: tantumque amatur, quantum intelligitur. Accubitus ergo Sponsus Sponsæ, cum primò in ea gratuita gratiâ liberi arbitrij sibi sanctificat assensu: non autem ei accumbere sibi videtur Sponsa; quamdiu intellectus ejus in amore, amorque fruendi in affectu non inuenit gaudium suum: quamdiu psallit spiritu, sed non psallit mente: & spiritus ejus psallit vel orat, mens verò psallentis vel orantis sine fructu est. Et jam potenter in ea operatur occulta gratia: sed illa donec facienti perfecte afficiatur, cubanti nequaquam sibi accubare videtur. Ideo dicit. *Dum esset Rex*

1. Cor. 4.

*in accubitu suo, nardus mea dedit odorem suum.* In accubitu, inquit, suo, non nostro, hoc est in quo Sponsa à Sponso efficitur, sed nondum sicut vult, ei afficitur: sicut postmodum de lecto dicit, lectus noster floridus. *Nardus mea dedit odorem suum.* Nardus humilis herba est; comas vel spicas habens vberes: per quam significatur humilitas fecunda virtutibus. Calida est, æstum sancti desiderij designans. Apra est vnguentis: quia sine humilitatis virtute nulla est apud Deū cuiuslibet affectio deuotionis. Odorem habet præcipuum: per quem signatur in humilitate confessio peccatorum. Hinc est enim, de quò suprà dicebat. *Nigra sum, sed formosa.* Inde est alabastrū vnguenti nardi pistici vel spicati pretiosi, quod misit in corpus Iesu humilis deuotio mulieris, præueniens illud vngere in sepulturā. Vnde & de odore humilis nardi, hoc est piæ confessionis, illic subditur. *Et domus repleta est ex odore vnguenti.* Quærebat ego, ait Sponsa, extra me, quasi absentem, quem intra me jam habebam accubantem ac pascentem: cuius accubitus in corde meo manifestabat pietas bonæ voluntatis: pastum verò interiùs operantis gratiæ eructatio placitæ Deo confessionis. Sed ubi pasceret, ubi cubaret, nesciebam; quia licet hæc omnia in me agerentur bono assensu voluntatis, ac iudicio rationis: sensum tamen spiritualis affectus, quo præsentis ejus suauitas sentitur, non habebam.

Sine humilitate nulla est deuotio.

Matt. 26.

Marc. 14.

Ioan. 12.

DEINDE spiritualis accubitus gratiam subtiliùs describens, primoque adjiciens in gratiarū actione delicias suas accumulare memoriæ, *FASCICVLVS*, inquit, *myrrha dilectus meus mihi; in medio vberum meorum commorabitur.* Oculumque spiritualis intellectus lumini gratiæ aperiens, *Boirus* ait, *Cypri, dilectus meus mihi.* Et sensui amoris suam contrahens suauitatem: *In vineis*, inquit, *Engaddi.* Beneficijs etenim Dei non ingrata memoria citò spiritualis intellectus gaudium meretur: qui etiam continuè in suauis quasdam amoris experientias delectabiliter potius quàm sciētèr resoluitur. Intellectus etenim spiritualis, cum illuminari cœperit abundantior gratia Spiritus sancti, tantò differentiùs operatur in anima humana ab intellectu humano, quantum sublimiùs à natura ipsius animæ differt natura luminis incircumscripti. Quod enim naturali intellectu intelligit anima, capit: illo autem intellectu non tam capit, quàm capitur. Quod enim naturaliter intelligendo capit, rationabiliter discernit: quod verò non sufficit percernere, non præualerit discernere. Sanctus etenim Spiritus sicut ubi vult spirat, sic quando vult, & quomodo vult, & in quantum vult: homo verò vocem ejus audit, hoc est gratiam sentit operantis: sed nescit vnde veniat aut quo vadat, cuius potestati vel arbitrio non subiacet, seu principium, seu finis, seu modus ipsius operationis. Nescit vnde veniat, aut quò vadat: cui sensibile quiddam sit diuini cuiusdam gaudij, & illuminantis ac beatificantis gratiæ, quod solus amor illuminatus sentire permittitur: suauitas quædam, quam meretur amor, & ipse eam operatur; quam nescit vñtatur intellectus, sed sentit affectus: substantia solidissima rerum sperandarum, argumentū non apparentium: fidei Christianæ testimonium Domini fidele sapientiam præstans parvulis. Sapit enim gustanti gustat a Dei suauitas, intantum, ut quæcūque sunt animæ, quæ

Cant. 1. 12.

Memoria beneficiorū quid mereatur.

Ioann. 3.



quæ carnis, quæ sæculi, vel creaturæ omnis, cuncta ei desipiant: ut libeat immori, dum liceat immorari. Cumque sentit quod nescit, orat quod ignorat: quia Spiritus est qui pro eo postulat secundum Deum, non secundum hominem: qui sentire cum ac postulare & desiderare facit, idiplum quod sentiendo nescit, ac nesciendo sentit. Solus enim qui scrutatur cor, scit quid desiderat Spiritus, hoc est quod desiderare facit desiderantem. Agitur autem hoc cum ea, vel in ea anima, quæ Sponsa esse meruit: cum ex eis,

Luc. 22.

*Et quidem ea qua de me sunt, finem habent*, scilicet de dispensatione Dominicæ humanitatis: & ex multiplicibus beneficijs, quæ exinde nobis profluxerunt, symbolum fidei quasi quendam colligens fasciculū myrrhæ, locum ei præbet in medio vberum suorum, in corde, in fide, certa memoriæ, & teneritudine bene affectæ conscientiæ: quod nec facile accessum habeat inimica tentatio, nec læsionem vel minimam fidei pati possit ipsa amoris teneritudo. Myrrhā quippe mortuorum corpora condiuntur, & amari saporis est, secundū amaritudinem passionis quam passus est Dominus propter nos; & odoris est boni secundum suauitatem, amoris quo dilexit nos. Et vide spiritalis amoris jucundas delicias. Post monilia & murenulas, post donum sapientiæ, post gratiam eloquentiæ, additur quasi olfactoriolum pectori affigendum, ad afficiendam jugis suauitate odoris deuotam Sponsæ memoriam, passionum Domini ac mortis jugiter spirans charitatem. Nam etiam secundum physicam myrrhæ virtutem, gustus ejus vim memoriæ confortare dicitur. Fasciculus autem, non fascis, quia totū Dominicæ passionis fascem nulla posset humana virtus sufferre. Fasciculus quippe, deliciarū est: nec deprimit, sed subleuat portantem, pie commemorari & recogitare dulciter bonitatem & causam patientis, & amoris ejus suauitatem; sacramentum redemptionis, exemplum humilitatis, prouocationē charitatis, ac resurrectionis virtutem. Si verò sicut dicit Apostolus, *tantam neglexerimus salutem*, & in iudicio crucifixi, crucis, & passionis, & conculcati ejus sanguinis, exigimur rationem, Domine, Domine, quis sustinebit? *Terribilis illa est expectatio iudicii, qua consumptura est aduersarios*. Sed & qui geminæ in Christo naturæ altissimum mysterium per vim naturalis ingenij penetrare se confidens altiora se requisierit, vel promiserit; grauem super se tulit fascem, & cui eum succumbere necesse sit.

Delicia spiritalis amoris.

Myrrham memoriam confortat.

Hebr. 7.

Hebr. 10.

1. Timo. 3.

Non est labor, ubi est amor.

1. Cor. 12.

*Magnum etenim illud in Christo pieratis sacramentum, sicut Apostolus dicit, et si manifestatū est in carne, non justificatur nisi in spiritu; hoc est, iustitiæ, quæ per fidem est, nulla homini seu per hominē ratio reddi potest dignitati rei sufficiens; nisi cui Spiritus sanctus dignatus fuerit reuclare. Sponsa verò sub fasciculo suo non laborat, quia amat. Nam qui amat, non laborat. Sed & ideo in medio vberum Sponsæ memoria Sponsi collocari & commorari dicitur: ut à filiis Sponsi lac inde sacrorum nutrimentorum sugatur. Duo enim hæc vbera Sponsæ, sapientia & scientia sunt, de quibus Apostolus dicit. *Alij datur per spiritum sermo sapientiæ, alij sermo scientiæ*. Ex his etenim trahunt filij Sponsi veræ vitæ subsidium; hoc est amorem Dei. Conditī sanè ad imaginem & similitudinem creatoris cecideramus à Deo in nos per peccatum, & à nobis infra*

nos: in tantum profundum dissimilitudinis, ut nulla esset spes. Sed venit filius Dei æterna sapientia, & inclinauit cœlos suos & descendit; & fecit de semetipso quiddam in nobis, quod simile esset nobis, quod apprehenderemus: & simile sibi, per quod leuaremur; cuius mysterij continua memoria continua esset medicina. Et fasciculus myrrhæ est quod apprehendimus: botrus verò Cypri per quod leuamur. De quo subdit & dicit.

**BOTRVS CYPRI dilectus meus mihi, in vineis** Cant. 1. 13. Engaddi. Quos enī amaritudo myrrhæ cōtristat; *Amaritudo vini lætificat*. In myrrha enim intelligitur amaritudo passionis; in vino botri lætitia resurrectionis. In fasciculo myrrhæ per fidelem memoriam, quæcumque fuerunt in Christo humanæ passibilitatis & mortalitatis; in vino botri per spem & intellectum gaudium de virtute resurrectionis: in vineis Engaddi & balsamo per amorem Spiritus vnctio à sancto, & gaudium in Spiritu sancto. Cyprus autem insula maris, & Engaddi locus Iudeæ, longè ab inuicem disparantur, tam locorum diuersitate, quam generosæ fertilitatis dissimilitudine. Cyprū etenim insignem reddit fertilitas vinearū: Engaddi verò balsami nobilitas. Sed coniunguntur in vnū pietatis sacramentum: ut amaritudinem myrrhæ de dolore passionis temperet botrus cypri, & vinum lætificans, ob virtutem & lætitiā resurrectionis: balsamumque ei coniungitur Engaddi, ad omnis consummationis perfectionisque finem per infusionem Spiritus sancti. Fasciculus ergo myrrhæ & botrus cypri in medio vberum Sponsæ commoratur, cum de Sponso affecta memoria, de altero, hoc est de myrrha humiliatur; de altero, hoc est de botro subleuatur: neutrum tamen nisi in balsamo Engaddi, hoc est, nisi visitante Spiritus sancti gratia & memoria afficiatur, & intellectus illuminetur, & amor accendatur. Botrus etiam in memoria Sponsi ob multitudinem acinorum multiplicē, cyprus verò insignem designat materiam gaudiorum; balsamum autem Engaddi majus aliquid digniusque omni vino, hoc est omni vitæ huius gaudio, oleum scilicet lætitiæ, & vnctionem Spiritus sancti, quo ipsum etiam Sponsum Deum vnxit Pater Deus præ participibus suis. Quæ enim ex fide & spe, ex memoria & intellectu sunt; aliquem amoris & gaudij videntur habere affectum: gaudium verò in Spiritu sancto, in plenitudine amoris, in supereminente omni gaudio quædam beatitudinis proficit effectum; qui in eo perficitur, quod oculus non vidit, nec auris audiuit, nec in cor hominis ascendit, in ciuitate illa Dei, de qua in Psalmo legitur. *Sicut latantium omnium habitatio est in te*. Sicut letantium, ait, quia non solum latantiū, sed & plusquam latantium. Non habet nomen illa lætitia; nisi sicut lætitia, vel plusquam lætitia. Ad quod etiam hoc adstipulari videtur, quod vineæ Cypri & vineæ Engaddi nonnullam videntur habere similitudinem: sed longè eas disparat, ut dictum est, fertilitatis dispar nobilitas. Arbuta quippe balsami similia esse videntur arbutis vinearum, in eo quod ad vinearum quidem similitudinem se aliquando in altitudinem duorum cubitorum extollere videntur: sed sine alienis adminiculis, quod vineæ non possunt. Sed & semen eorum gustu vel sapore vinum imitari videtur. Perpetuā verò comæ gloriā vineas su-

Arbuta balsami qualia & quantia.

perant, præferentia vel designantia gaudium æternæ beatitudinis: quod etiam subsistendi nullo egeret auxilio, quia nullam sui habet materiam, nisi ex semetipso. Adhuc etiam Engaddi fons hœdi interpretatur, id est fons gratiæ, in quo hœdus à sinistra transiens ad dextrā agnus efficitur. A dextris quippe agni; à sinistris verò hœdi constituuntur. Pungitur autem virgultū, & profert balsamum: significans de punctiōe lateris Domini profluens sacramentum; vel de compunctiōe cordis procedentem remissionē peccatorū: vel illud quod Salomon dicit. *Punge oculum, & profert lacrymam: punge cor, & profert sensum.*

Matt. 25.

Eccli 22.

Cant. 1.14.

Eccli. 12.  
Imago & similitudo  
Dei in homine.

Sequitur. ECCE TU PULCHRA es, amica mea; ecce tu pulchra. Ecce, hoc est, in hoc affectu pietatis, in hac forma confessionis: in hac specie perfectionis, in imagine Dei. In hoc etenim homo ad imaginem Dei conditus est, ut piæ Dei reminiscens, hoc est ad intelligendum; humiliter intelligens, hoc est ad amandum; ardentem ac sapienter amans, usque ad fruendi affectum, animal rationale existeret. Hoc est enim Deum timere, & mandata ejus observare: quod est omnis homo. Et hæc est imago & similitudo Dei in homine; talis vel tanta, qualis vel quanta esse potest in tam dissimili materia. Similitudo quippe ista ratio est, qua distat homo à pecore. Dei enim non reminisci, pecoris est: reminisci, non ad intelligendū, plus aliquid pecore, sed minus homine est: reminisci ad intelligendum, hominis est: intelligere usque ad amandum, vel amando fruendum, jam hominis perfectæ rationis est. Siquidem pia memoria citò clarescit in quendam intellectum de Deo, vel rationalem cogitationē: purus intellectus, seu cogitatio rationabilis, statim calefcit in amorem: amor verò per affectum boni continuū summi boni induit imaginem, talem vel tantam, qualis vel quantus ipse est. Hæc bonæ memoriæ per assensum præsto est: puro intellectui per cogitationem, affecto amori per fruitionem: amori, hoc est Sponsæ amanti, per habitum mentis; alijs verò per appetitum bonæ voluntatis. Sponsæ namque memoria de Sponso est in simplicitate cordis Sponsum querere: intellectus, sentire de eo in bonitate; amor, ipsi affici, ipso frui, esse sicut ipse est. In hoc ergo statu seu habitu mentis Sponsus Sponsam inueniens; Ecce, inquit, tu pulchra es, amica mea, ecce tu pulchra. Recoloratum namque erat in pulchritudine Sponsæ à sole justitiæ quicquid fuerat decoloratum: recoloratum ejus præsentia, quod decoloratum fuerat in ejus absentia. Etenim substantia Sponsæ, de qua dicit Apostolus, *Est enim fides sperandarum substantia rerum*, suos habet colores egregios, sanctas videlicet virtutes: quæ, sicut jam supra dictum est, decolorantur in ea, siue recolorantur, cum ab illuminante gratia destituuntur, siue illuminantur. Recoloratam ergo Sponsæ faciem Sponsus suspiciens, in laudem ejus attollitur, ac dicit. *Ecce tu pulchra es, amica mea: ecce tu pulchra.* Iteratio confirmationem significat: seu proficientis pulchritudinis argumentum. Vel pulchra es, inquit, in opere; pulchra in affectione. Pulchra, quia formosa; pulchra, quia colorata. Ecce ergo, ait, dū mundas mihi memoriam, humilias intellectū, afficis amorem; tu pulchra es amica mea, ecce tu pulchra; intantum amica mea, inquantum pulchra. In quibus quoniam cōtemplatiua per-

fectio consistit, subjungit de ea, & dicit. *Oculi tui columbarum.* Duo sunt oculi contemplationis; ratio, & amor. Et secundū quod dicit Propheta, *Dinitia salutis sapientia & scientia*: alter secundū scientiam, quæ sunt humana; alter verò diuina scrutatur, secundū sapientiā. Cū verò illustrantur à gratia, multum se adjuvant adinuicem: quia & amor viuificat rationem, & ratio clarificat amorem: sitque columbinus intuitus, simplex ad contemplandum, prudens ad cauendum: fiuntque sæpe duo isti oculi vnus oculus, cū fideliter sibi cooperantur: cū in contemplatione Dei, in qua maximè amor operatur, ratio transit in amorem, & in quendam spirituales vel diuinum formatur intellectum; qui omnem superat & absorbet rationem. Ipse est, de quo in posterioribus dicit Sponsa ad Spōsum. *Vulnerasti cor meum in uno oculorum tuorum, & in uno crine colli tui.* Deinde Sponsa acceptā à Sponso pulchritudinis laude; parē reddit gratiam dicens.

Duo oculi  
contempla-  
tionis.  
Isaia. 33.

Cant. 4.

Cant. 1.15.

ECCE TU PULCHER es, dilectissime, & decorus. Par quidem pari redditur, cum Sponsa pulchra, & pulchra & amica; Sponsus verò pulcher, & decorus, & dilectus appellatur. Ex quo enim erudita tentationibus, mundata per penitentiam, diuinitus illuminata, semetipsam cœpit cognoscere, & in semetipsa quem quærebat inuenire: jam Sponsus & Sponsa amico consortio, familiari colloquio, inuicem se sibi insinuant, inuicem placentes, inuicem laudantes: prælibant gaudium mutue conjunctionis. Sicque dum negotium amoris agitur, dum ad mensuram donandæ à Deo perfectionis passim vel gradatim proficitur, Sponsus & Sponsa adinuicem loquuntur; Sponsa deuotionis affectu, Sponsus verò gratiæ operantis effectū. Vel Sponsi alloquium, opus est afficientis gratiæ: Sponsæ responsum, ipsum gaudium bene affectæ conscientiæ. Siue Sponsam Sponsum alloqui, est ipsam, qualis est, in oculis ejus apparere: Sponsum verò ipsam alloqui, est ipsam, vel de ipsa in ipsius intellectu ordinare vel disponere. Quicquid etiam hic Sponsus dicit in laudem Sponsæ, sanctæ conscientiæ testimonium est: quod verò Sponsa in Sponsum, deuotionis affectus, seu contemplationis pietas est. Nullus etenim est sic in semetipso peruersus, vel à Deo auersus, qui rationis aliquatenus capax sit: in quo aliquando non loquatur Deus. Quantomagis in Sponsa; quæ sicut mulier cum viro vna caro, sic ipsa cum Deo vnus spiritus est. Pulchra ergo, & pulchra amica appellata, reciproca laude, non ingrata pietate, pulchrum ac decorum, dilectumque Sponsum appellat: hoc est intelligit ac certum tenet, quicquid habet laude dignum, ab eo se habere, qui omnis boni bonum, omnis pulchri pulchritudo est: cui laudare, est laudanda tribuere. Hanc autem reciprocā ad alterutrum gratiam, ipsa de qua agimus, facit mutua pulchritudinis similitudo: mutua adinuicem Sponsi sponsæque fruitio. Non solum etenim nos fruimur Deo, sed & Deus fruitur bono nostro: inquantum delectatur, & gratum illud habere dignatur. Et pro mensura profectus seu similitudinis, fit mensura fruitionis: quia nec similitudo esse potest nisi in fruitione eam afficiente; nec fruitio nisi in similitudine eam afficiente. Quæcumque enim anima ad vtilitatem suam aliquam donante Deo accipit gratiam, cum dono ipso donantis etiam

Quid sit  
Sponsum &  
Sponsam se  
mutuo allo-  
qui.

Nullus est,  
cui non lo-  
quatur  
Deus.

Deus frui-  
tur bono no-  
stro.

Hebr. 11.  
Virtutes sūt  
colores spon-  
se.

accipit intelligentiam : vt non sit homo Deo ingratuſ, ſed ad donantē ſemper ſit conuerſio ejuſ. Cui cū ardentius intendit humilis amor, ipſi cui intendit, conformatur: quia intendendo in hoc ipſum ab ipſo efficitur. Cumque efficitur ad ſimilitudinem facientis, ſit homo Deo affectuſ, hoc eſt cū Deo vnus ſpirituſ; pulcher in pulchro, bonuſ in bono: idque ſuo modo ſecundū virtutem fidei, & lumen intellectuſ, & meſuram amoris, exiſtens in Deo per gratiam, quod ille eſt per naturam. Nam & cū nonnumquam ſuperabundat gratia vſque ad certam de Deo, & manifeſtam experientiam rei; ſit repente ſenſui illuminati amoris modo quodam nouo ſenſibile, quod nulli ſenſui corporiſ ſperabile, nulli rationi cogitabile, nulli intellectu extra intellectum illuminati amoris ſit capabile. Vbi homini illi Dei non eſt aliud de Deo ſentire, quā per bonæ experientiæ affectum ſimilitudinem ejuſ contrahere, ſecundum qualitatem & ſenſū ſpeciei, & ſentientis amoris. Sicut enim in rebus per corpus ſenſibilibus, ſenſuſ eſt ſentiendo per quandam mentis phantaſiam in ipſam mentem contracta quædam ſenſū rei ſimilitudo, ſecundum qualitatem ſenſuſ ſentientis, & rei ſenſibilis: vt verbi gratia, ſi ad ſenſum pertinet videndi quod ſentitur, videri omnino non poſſit à vidēte, ſi non priuſ viſibile ejuſ per ſimilitudinem cuiuſdam phantaſmatis formetur in anima videntiſ, per quam transformetur ſentientiſ in id quod ſentitur: ſic & multo magis idem operatur viſio Dei in ſenſu amoris, quo videtur Deus. Si quidem & in illo corporearum ſenſu rerum, niſi cum ſenſu pariter etiam amor operetur, ſenſuſ ipſe vix ad aliquem peruenit effectum: quia refugit continuo ſentientiſ, ſi non aliquo amoris appetitu adhæreat rei quæ ſentitur. In viſione verò Dei, vbi ſolus amor operatur, nullo alio ſenſu cooperante, incomparabiliter digniſ ac ſubtiliſ omni ſenſuum imaginatione, idem agit puritas amoris, ac diuiniſ affectuſ; ſuauiſ afficiens, fortiuſque attrahens, & dulciſ continēſ ſentientiſ, totumque & mente & actu in Deū transfundens fideliter amantiſ, & confortantiſ & conformantiſ, & viuificantiſ ad fruendum. Idcirco de fruitione ſtatim ſubjungit, ac dicit.

Cant. 1. 15.

**LECTVLVS noſter floriduſ.** Lectuluſ floriduſ eſt amœna conſcientia, & gaudiuſ in ea ſpirituſſantiſ: & in ipſo fonte ſuo jugiſ fruitio veritatiſ. Hic eſt, de quo idem Sponſuſ dicit. *Super quem requieſcet ſpirituſ meus; niſi ſuper humilem & quietum, & trementem ſermones meoſ?* Libet ad lecti floridi conſiſtere decorem, & ad iunctas ejuſ ambire delicias, caſtitatiſ arque charitatiſ decore vernanteſ, ſpirituſſimū gratiā ſenſuum, ſeu intellectuū fragrantēſ; odoremque diuinitatiſ, & æternitatiſ virtutem ſpiranteſ. In hoc ſiquidē ſit conjunctio illa mirabilis, & mutua fruitio ſuauiſ, gaudiique incomprehenſibilis, incogitabilis illiſ etiam in quibuſ ſit: hominiſ ad Deū, creati ſpirituſ ad increatū: qui Sponſa dicuntur ac Sponſuſ: dum verba quæruntur, quibuſ linguā hominiſ vtrūque expri-mi poſſit dulcedo & ſuauiſ conjunctioſ illiſ: quæ non eſt alia quā vnitas Patriſ & Filij Dei, ipſum eorum oſculum, ipſe amplexuſ, ipſe amor, ipſa bonitas, & quicquid in vnitate illa ſimpliciſſima commune eſt amborum: quod totum eſt ſpirituſſantiſ, Deus, charitas, idē donantiſ, idē & donum. Ibi etenim comparat ſe

ſibi ille amplexuſ, & illud oſculū, quo cognoscere incipit Sponſa, ſicut & cognita eſt: & ſicut ſolet in amantiū oſculiſ, ſuaui quodam tactu mutuo ſibi ſpirituſ ſuoſ transfundentiū, creatuſ ſpirituſ in hoc ipſum creati eum ſpirituſ totum ſe effundit; ipſi verò creator ſpirituſ ſe infundit prout vult: & vnus ſpirituſ homo cum Deo efficitur. Hic filiorum Sponſi à perſecutionibuſ & preſſuriſ vniciū eſt refugiuſ in ærumniſ vitæ huiuſ, requieſ vnica laborum, & conſolatio dolorum, ſpeculuſ vitæ, robuſ fidei, pignuſ ſpei, amoris ſeu charitatiſ in Deū proficiendiſ dulce nutrimentuſ. Vnde & vaſ electioſ, cū, ſicut ipſe dicit, exhibuerat aliquando ſemetipſum ſicut Dei miniſtruſ in multa patientia, in tribulationibuſ, in neceſſitatiſ & 2. Cor. 6. in anguſtiſ, in plagis, in carceribuſ, in ſeditionibuſ, in laboribuſ, in vigiliſ, in ieieiuniſ, in caſtitate, in ſcientia, in longanimitate: quaſi poſt tantorum defatigationem laborum, ad lectuſ floriduſ, & quietem ejuſ refugiebat, in eo quod ſubjungiſ addit; in ſuauiſ, in ſpiritu ſancto. Beata conſcientia, quæ faciē Domini quærenſ ſemper, poſt laborum corporalium preſſuraſ, poſt ſpirituſſimū exercitiū tribulationeſ, paratuſ ſemper penes ſemetipſam habet domiciliū quietiſ, lectuluſ inquam floriduſ, proprii ſci- ſcientia gaudiū. licet teſtimoniij priuati gaudiū: de quo idē ipſe doctoſ gentiuſ, ait. *Gloria noſtra hæc eſt, ſe-* 2. Cor. 1. *ſtimoniū conſcientia noſtra.* Beata nihilominuſ conſcientia, quæ à gaudiū interioriſ huiuſ ſuauiſ, quodcumque ad opuſ neceſſitatiſ, ad imperiuſ charitatiſ fecerit egreſſuſ; paratuſ ſemper illuc habet regreſſuſ. Quod non ſemper illi in pròptu eſt; qui totuſ egreditur, quotiē egredienduſ eſt. Cū enim egredienduſ eſt aliquando lecti floridi delicato alumno in aliena, nequaquam vnquam totuſ inde alienandū eſt: ſed aliquid ſemper ſui intuſ relinquenduſ eſt, quod ſibi ſuum locuſ fideliter cuſtodiat: cui id quod exire compellitur, forti ſemper vinculo amoris cohæreat, ne longiūſ recedat. Maneat ſemper intuſ charitaſ veritatiſ, etiam cum exire cogitur in aliena neceſſitaſ charitatiſ: nec tantuſ aliquando præualeat viſ exterioriſ neceſſitatiſ, vt totam obrumpat Sponſæ mentem, à virtute interioriſ ſuauiſ. Cū autem cum figura mundi huiuſ pertranſierit omniſ iniquitaſ; tunc etiam pertranſierit omniſ iſta neceſſitaſ: & tunc conjunctio Sponſi ac Sponſæ plena & perpetua fiet in plenitudine ſimilitudiniſ, cū non ſolum videbitur Sponſuſ ſicuti eſt, ſed & quæcumque Sponſa eſſe meruerit, erit ſicut & ipſe eſt: fietque oſculuſ plenuſ, cum oculo ad oculuſ, amplexuſ ad amplexuſ plena fiet & perpetua fruitio. Tunc jam ultra nemo Sponſam ſuſcitabit, vel euigilare faciet, donec ipſa velit; ipſa verò nequaquam volet ultra. Interim in preſſuriſ huiuſ vitæ in adiutoriuſ laboriſ, ad ſolatiū dilationiſ, bonæ mentiſ ſua paradyſuſ, & bonæ conſcientiæ lectuluſ ordinatur floriduſ; & in eo non oſculuſ illud æternuſ, & perfectæ conjunctio, ſed oſculi ipſiuſ & perfectioſ niſ affectata imitatio, & conjunctioſ ac ſimilitudiniſ illiſ aliqua ſimilitudo. Nam per ſpirituſ ſanctuſ ſpirituſ hominiſ, & ſenſui amoris illuminati raptim aliquando illuc attingentiſ, dulceſcit illud quicquid eſt, & rapit amantiſ, paradyſuſ; amatuſ potiūſ quā cogitatuſ, gatuſ quā intellectuſ: ſicque ad tempuſ, ad horam affi-

Bona conſcientia gaudiū.

2. Cor. 1.

Anima Deo vnita non debet ſe totam effundere extra.

Lectuluſ bona conſcientiæ eſt paradyſuſ.



luntatis, sed affectus animi, habitusque bonæ inentis: sic ad ipsum verus ac viuens amor est; cum qui amatur, amanti per intellectum seu sensum amoris ipsius præsto est: & tunc lectulus & noster, & floridus est. Sic ergo quæcumque hic de lectulo florido & domibus contignatis ac laqueatis ad Sponsam dicuntur ab Sponsa, non sunt aliud, quam in cor suum conscius Deum inuitans pia conscientia. Vel sub tignis fidei & spei, hoc est in communi fidelium vita, requirit Sponsa lectum floridum; & sub laqueatibus vitæ socialis, fixæ stationis certam mansionem: cui mutæ cum Sponsio fruitionis & amoris secretius negotium committatur. Sed aptiorem hæc locum desiderant, & iucundiorē ad accumbendum; secretiorem ad fruendum, securiorem ad manendum. Ipsa est charitas, de corde

1. Timot. 1.

Cant. 2. 1. Humilitatis commendatio.

Eccli. 3.

Matt. 3.

Cant. 2. 2.

1. Cor. 12.

Psal. 103.

Psal. 64.

Sequitur. EGO FLOS campi, & lilium conuallium. Solet spiritus sapientiæ ditandum suum prius in suo spiritu pauperare, sublimandum humiliare: vt veræ altitudinem perfectionis consolidet in fundamento veræ humilitatis. Cellæ verò vinariæ altitudo, ad quam Sponsus Sponsam parat introducere, alienas non recipit altitudines, nisi eam, de qua dicitur. *Quanto maior es, humilia te in omnibus.* Etenim sicut omnis virtus in infirmitate: sic omnis iustitia in humilitate perficitur. Vnde baptizandus Dominus in Iordane dicebat ad Ioannē. *Sine modo: sic enim decet nos implere omnem iustitiam.* Adimpletionem ergo iustitiæ Sponsus in Sponsa non tam probans, quam approbans humilitatis virtutē: Ego, inquit, flos campi, & lilium conuallium. Sicut lilium inter spinas: sic amica mea inter filias. Ac si dicat. Si tendas ad plenitudinem fruitionis; age, satage, vt habeas similitudinis meæ plenitudinem; hoc est, in omni perfectione virtutem perfectæ humilitatis: cujus exemplar tibi sum, flos campi & lilium conuallium. Inter florem campi & lilium conuallium, non minima distantia est. Est quippe humilitas quædam, quasi campestris ac plana, à qua nemo Christiani nominis particeps facere se potest excusatum, communis omnibus hominibus etiam naturali iudicio rationis: scilicet majori subesse, & pari se non præferre. Est & alia sublimior perfectionis præmium expectans; scilicet in Deo minori se subdere, & parem sibi præferre: non tantum iudicio rationis, sed etiam ipso affectu conscientiæ. Hæc est lilium conuallium aliorum cordium, sanctarum mentium, hominum perfectorum honore se inuicem præuenientium: superiores sibi inuicem arbitrantium. Vicos enim montes conuallis diuidit altitudo, vnit profundum. Ipsi quippe sunt, de quibus Apostolus dicit. *Diuisio- nes donationum, siue gratiarum sunt: idem autē spiritus.* Ipsi sunt de quibus Psalmista dicit. *Qui emittis fontes in conuallibus.* Et alibi. *Valles abundabunt frumento.* Hos in altitudine diuersorum meritorum separat diuersæ sanctitatis celsitudo: in inferioribus verò conscientia se humiliantis, consociat eos sibi pia æstimatio charitatis. In quibus quanto sublimior est altitudo sanctitatis: tantò profundior inuenitur conuallis humilitatis. Et ibi est lilium sicut lilium; hoc est ad dei- ficæ in Christo humilitatis exemplar conformatum & coaptatum exemplum. Alia siquidem est humilitas simplicis hominis; cum ex condi-

tionē & cognitione sui, coram Deo vel proximo ipse vilescit sibi: alia Dei & hominis ad subleuandum hominem in vltima conditionis humanæ semetipsum sponte deponentis. In mediatore etenim Dei & hominis, ex solo bonitatis fonte prodiens Dei ad homines condescensio, humiliatio potius quam humilitas est: vnde dicit Apostolus, *Humiliauit semetipsum*: in homine verò cognitio sui humilitas est semper: & est seu in nolente confusio necessitatis, seu in volente affectus virtutis. Flos ergo campi, hoc est communis exemplum humilitatis homo Christus apparuit: de quo scriptum est, quia *subditus erat* parentibus suis. In sorte etiam tributarie conditionis, & in redditione, & in quantitate tributi, parem Petrum non reuinit: cui, tributū exigentibus terreni imperij ministris, dixit. *Vade ad mare, & mitte hamum, & primum piscem qui occurrerit, aperi os eius, & inuenies statorem, da eis pro me, & pro te.* Lilium etiam fuit conuallium, vel cum homo homines sibi præferens, pro impijs vt illi viuerent, volens ipse mortuus est: vel cum Deus homo ab hominibus peruersis sponte eis subditus, & ab eis injustè iudicatus est. Ergo habet, inquit, in me & communis vitæ planities, & altioris vitæ professio, quod imitetur de virtute humilitatis. Alijs etenim flos campi; alijs lilium, quod cæteris floribus præeminet, in exemplum perfectionis apparui: qui cum in forma Dei essem, non rapinam arbitratus æqualem me esse Deo, ex inaniui memetipsum; in similitudinem hominum factus, & habitu inuentus vt homo. Tu verò pulchro intendens, vt pulchra de pulchro fieres, hoc sensisti sensu amoris in te, quod sensu fidei sensisti in me: & complantata lilio facta es sicut lilium; non deflexa à rectitudine imitationis meæ, vel mollitiæ scemineæ, quod sonat nomen filiarum: vel pungentis aculeo spinarum, hoc est, malitiæ cohabitantium. Inter malos etenim bene viuere, iam perfectionis alicujus culmen est. Sciendum autem, quoniam licet à Christo summum homini semper humilitatis prodeat exemplum: alia tamen humilitas in Christo, alia in Christiano. Siquidem in puro quolibet homine vera est humilitas estimare de semetipso id quod est: & ex cognitione sui seipsum vilescere sibi. Veritas verò Iesus Christus, quamvis præ cæteris hominibus humilia faciebat, vel docebat: de semetipso non nisi quod erat, æstimare poterat. Licet enim ipse Deus & homo esset; sic tamen Deo dignus erat homo ille: vt non esset in eo aliquid, vnde ipse sibi vilesceret. Non ergo in æstimatione humilitas ei erat, sed in opere: qui in hoc semetipsum humiliabat, quod non solum docebat humilia; sed & præ cunctis hominibus humillima, & maiestati ejus indignissima, vel faciebat, vel tolerabat. Sponsus ergo flos campi & lilium conuallium; Sponsa verò, sicut lilium. Sed Sponsa humilitatem amplectens imitationis, & deuotæ similitudinis, sed altitudinem expauescens paritatis, humilis quidem lilij, sed infœcundi non abnuat similitudinem: Sponsam verò celsæ ac fructiferæ malo, sub cuius vmbra lateret, & de fructu viueret, comparat, dicens.

SICUT MALVS inter ligna filiarum: sic dilectus meus inter filios. Sub vmbra illius quam desideraueram sedli; & fructus ejus dulcis gustari meo. Nusquam enim hominis ad Deum comparatio, nec in ipsa similitudine humilitatis. Sicut enim

In quo sita humilitas nostra.

Philip. 2.

Christus exemplum humilitatis Luc. 2.

Matt. 17.

Alia puri hominis, alia Christi humilitas.

Cant. 2. 3.



omnipotentis diuinitatis incomparabilis est potestas, inscrutabilis maiestas, virtus inæstimabilis, sapientia incogitabilis: sic cum ad nostra vētum est; infirmum fortius, stultum sapientius, & humile ejus sublimius repertum est omnib<sup>9</sup> hominibus. Vnde ipse Dominus cum de Ioanne loqueretur, *Inter natos*, ait, *mulierum non surrexit major Ioanne Baptista*, scilicet in humilitate. *Qui autem minor*, hoc est, humilior est in regno celorum, *major est illo*. In quo? In humilitate.

*Matt. 11.*  
*Christus minor Ioanne dictus ob humilitatem.*

Magna quippe in regno celorum, hoc est in Ecclesia, effulsit Ioannis humilitas; in qua tamē major eo apparuit, qui maior omnibus se minimum exhibuit. Qui quanto de altiori ad nostra infima descendit, tanto omnibus humilibus humilior in mundo apparuit. Ideo Sponsa à Sponso edocta, tentationibus erudita, deuota ad imitationem, pauida ad paritatem, sub figura cellæ mali commemorans Domini discipulorumque ejus accubitus in domo Pharisei, seipsam verò quasi peccatricem venientem, & Dominum iustificantem; totam illam euangelicæ pietatis historiam in semetipsam transfiguratur, dicens. *Sicut malus fructifera inter stabilia ligna siluæ suæ* suo ea decore venustans, lætificans odore, fructu honorans; *sic dilectus meus inter filios dulcis affectionis, & masculæ virtutis*; Apostolos scilicet, accumbens: quos virtutibus illustrat, confortat exemplis, confirmat operibus, & doctrina lætificat. *Sub umbra* verò defensionis ejus condemnante Phariseo, protegi & abscondi desideravi anxia: audiens verò iudicium diligentium nomen Domini ex ore ejus, *sedis* secuta. Dixit enim. *Dimissa sunt ei peccata multa; quoniam dilexit multum.*

*Christus inter homines arbor fructifera.*

*Luc. 7.*

*Cant. 2. 3.*

*Luc. 7.*

Et FRUCTVS ejus dulcis gutturi meo; scilicet sapor amoris ejus replens in bonis desiderium meum: cum lætificat conscientiam meam plenitudo indulgentiæ ejus, ipso dicente. *Vade in pace, fides tua te saluam fecit*. Desideravi autem, cum per fidem & spem ambiui: sedi, cum per amorē spiritus in ipsum acquieui: & fructus ej<sup>9</sup> dulcis gutturi meo, cum per illuminati virtutem amoris suauitatis ejus experientias degustare cœpi. Sequitur.

*Cant. 2. 4.*

*Cap. 1.*

*Isai. 33.*

INTRODVXIT ME Rex in cellam vinariæ. Iam enim quæsuperius in natiua pietate egressa à cellarijs anxiabatur ad contemplantum, in omnibus probata, & ad purū mundata, congruē humiliata, ingredi incipit in locū tabernaculi admirabilis vsque ad domum Dei, vt accumbat jam ad fruendum: quod suprà tam impatienter desiderabat, cum dicebat. *Indica mihi, à quem diligit anima mea, ubi pascis, ubi cubas in meridie*. Sicut enim jam suprà dictū est, ipsæ sunt de quibus Propheta loquitur: *Diuitia salutis sapientia & scientia*. In scientia, hoc est in cellarijs, pascitur ratio & intellectus; in sapientia, quæ est cella vinaria, amor & affectus. Sciuntur illa, sapiunt ista. Ibi laborat diligentia discernentis: hic non nisi gaudet experientia fruētis. Quæ enim scientiæ sunt, non omnium sunt: sed cum labore à discipulis quasi deforis inferuntur: quæ verò sunt sapientiæ, à simplicibus etiam filijs Dei sentientibus de Domino in bonitate, & in simplicitate cordis Deum quærentibus, quasi concreta naturæ, intus & absque labore gratis parta inveniuntur. Cella quippe vinaria est secretū quoddam sapientiæ Dei, status mentis Deo plenius affectæ, qui solo mortalitatis hujus interposito

*Cella vinaria quid sit.*

velo, sicut Dei templum separatur à cœlestibus; hoc est à sancto sanctorum; certam quamdam ac familiarem communionem cum cœlestibus habens, secundum proficientis mensurā, & donum gratiæ illuminantis. Ibi quæ est lectus floridus, lectus deliciarum: quem paulò antè Spōsa requirebat, non cum acceptura sub tignis fidei vel spei: sed in plenitudine charitatis, quæ est cella vinaria. Charitas etenim, seu perfectio- nis ejus bona conscientia, cella vinaria est: vinum verò cellæ hujus vinariæ gaudium in Spiritu sancto est. In cella ergo vinaria nihil est, nisi vinum. Quicquid illud ingreditur, quicquid ingeritur, vinum vel est, vel fit: quia ignis amoris Dei totum sibi sumit & absumit, & sicut ignis iste communis, in suam conuertit substantiam: cum diligenti Deum omnia operantur in bonum. Vbi, à vini copia & vbertate domus Dei, & torrente voluptatis, intantum feruet charitas, & exundat in excessus suos, & in id quod tendit exhilaratur, vt sapius videatur exordinari, nisi à rege reordinetur: vt optet Paulus anathema esse à Christo pro fratribus suis: & Moyses deleri se expostulet de libro vitæ, nisi populo Dei peccatum mortiferum dimittatur. Sed & si conscientia bona secundum Deum in hujusmodi quæ charitatis sunt, aliquando contristatur, si compatitur, si condolet: hoc gaudium ejus non minuit, sed augeat. Gaudium etenim Domini in conscientia bona, (in qua suam posuit stationem,) nulla sæculari tristitia incurrite interscinditur, vel vana lætitia obscuratur: sed fideliter ac firmiter in continuum tenorem suum contextitur, semper & vbique tranquillū: nec mutatur, licet ad multa se mutuet. Nihil ibi agunt conturbationes hominum, seu contradictiones linguarum. Procul hinc vana lætitia, omnis tristitia: vbi mortificato penitus homine veteri, sol<sup>9</sup> viuunt de gustu summi boni sensus suauitatis & affectus pietatis. Procul, quæ deforis ingerere se solent, vanæ ac nugatoriæ hilaritates, frontem depingentes, pectus non implentes: cutem perfundentes, interiora non penetrantes. Hæc etenim sunt gaudia sæculi vana, vanas oblectamentorum imaginationes afferentia: quicquid vigoris vel virtutis erat in animo auferentia, abeuntia, & transeuntia: & perniciosiora omni tristitia. Gaudium verò Domini res seuera est, opus ejus omne serium est, gaudium & exultantium, non solum cum audiunt nomina sua scripta esse in cœlis, & mercedem copiosam: sed & cum, qui ejusmodi sunt, incidunt in tentationes varias: & cum propter Deum quem amant, mundus eos odit, & ejiciunt eos homines, & exprobrant nomen eorum tanquam malum. Gaudium quippe deforis veniens facile reexit: sancta verò conscientia quæ non de alieno gaudet, semper gaudet: quia intus habet, vnde gaudet. Domestica enim possessio & certa felicitas est bonæ conscientiæ; de qua Propheta dicit, beatum virum prædicans, qui timet Dominum. *Gloria & diuitia in domo ejus*. Et Apostolus. *Gloria nostra hac est, testimonium conscientiæ nostræ*. Quæ autem est conscientia bona: nisi in amore Dei placens sibi, & in amoris ipsius fideli seruitute bene respondens sibi? Gaudium hoc non est in risu oris, sed in júbilo cordis: cum qui sic gaudet, quicquid ingruat, quicquid irruat, ex bono conscientiæ semper est alacret & securus: & semper omne quod occurrir

*Vinum cellæ vinariæ est gaudium in Spiritu sancto.*

*Rom. 9.*  
*Exod. 32.*

*Gaudium bonæ conscientie non mutatur.*

*Psal. 111.*  
*2. Cor. 1.*

*Conscientia bona quæ sit*

in Deum erectus. Gaudium quippe est bona amata rei fructio. Quapropter secundum modum siue qualitatem amoris, modus etiam vel qualitas gaudij comitatur: solidius gaudium efficere solet solidior amoris materia. Ideo amor Dei proprium habet gaudium suum, gaudium in Spiritu sancto: quod nemo tollet ab amante, quia suum est: quia illius conscientia certa illa possessio est. Et hoc est vinum cellæ vinariæ. Hoc inebriatus erat, qui dicebat. *Quis nos separabit à charitate Dei? Tribulatio, an angustia, an persecutio, an fames, an nuditas, an periculum, an gladius? Certus sum enim, quia neque mors, neque vita, neque Angeli, neque Principatus, neque Potestates, neque Virtutes, neque instantia, neque futura, neque fortitudo, neque altitudo, neque profundum, neque creatura aliqua, poterit nos separare à charitate Dei: quæ est in Christo Iesu domino nostro.* Et Psalmista. *Calix meus inebrians, quam præclarus est.* Hoc nempe vinum est, noui illius jam spirans virtutem, quod bibit Iesus cū discipulis suis in regno Patris sui: vinum, sicut dicit Propheta, *creans virgines*; vinum, sicut dicit Psalmista, *compunctionis*; siue *latificans cor hominis*. Et quidem contraria quodammodo sibi videntur compunctio desiderantis, & lætitia fruētis: sed vtrumque tamen cellæ vinariæ & bonæ conscientia res est, prodiens de vno fonte amoris. Inducitur ergo Sponsa in domū vini, in gaudium domini & Sponsi sui: sed ad primas boni illius experientias modi vel rationis impatiens à vini copia exordinatur vsque ad ebrietatem nimij feruoris, vsque ad languorem infirmitatis humanæ deficientis in salutare Dei. Amans nempe & multum amans, nisi in ipso amore inordinata esset: si prudenter, si temperanter, si fortiter, si iuste amaret; non langueret. Quid enim etiam in corporibus languorem facit, nisi inordinati humores? Naturalis siquidē est ordo sancti amoris per prudentiam intelligere seu sapere, sed ad sobrietatem, id est ad temperantiam; per fortitudinem agere intellecta, sed secundum iustitiam. Cū verò prudentia sapit non ad sobrietatem; fortitudo verò nititur vltra iustitiam; omnia exordinantur, & languor fit. Amor quippe exordinatus exordinat omnia: & dum inordinatē sequitur, non assequitur: sed deficit & languet. Nititur etenim aliquando vehementius iusto, & in quantum suæ sibi conscius est puritatis, ipse sibi lex, ipse sibi ordo esse præsumit, impatiens ordinantis. Ordinate tamen & regente Rege sic languor ipse in languente ordinatur; vt quomodocumque agitur aut cribretur qui languet, tota languoris ipsius & exercitij salutaris pia disciplina plus gaudij sit quam mæoris. Multum namque se amant, & quasi concordissimis quibusdam sibi respondēt antithetis, gaudium illud & iste dolor: fruētis pius affectus, & desiderantis anxius appetitus. Ideo qui languet, non vult curari; qui dolet, non consolari. Gaudet quippe se in amore deficere; cū amorem ipsum in ipso defectu suo sentit proficere. Gustatoque ad aliquid quoniam suavis est Dominus, incipiens sentire de Domino in bonitate, sentire aliquatenus summum bonum, intueri vel contemplari summum pulchrum, intelligere intellectu jam ex parte fruētis beatitudinem & gaudium incorruptibilitatis & immutabilitatis; & torus eō nitens homo corruptibilis & mutabilis euadere, cū non potest, fit

ei graui tadio corruptio mortalitatis suæ: & cū ei dicitur, *non videbit me homo & viuet*, vitam suam, quæcumque illa est, quæ tardat vel impedit vitam videndi Deum, vehementer incipit odisse. Mori ergo liber, sed non licet: mori pro Christo, nec ei datur; mori in Christo, sed differtur. Ordinatur in Christo viuere, & caligat intellectus: vacare Deo, nec permittit eum suis æstus: operari, nec locus est operi ejus. Vult impendere, nec habet de quo: impendi & superimpendi, nec inuenit in quo. Dicit, clamat, *Domine quid me vis facere*, nec responderetur ei: *quid me vis fieri*, & dimittitur ipse sibi. Vult etenim ex ratione facere iusta, & deficit in discernendo: fieri iustus ex affectu, nec potest nisi à Deo. Legitur languenti medicina sua, nec attēdit: amoris lex sua, nec capit: exordinato ordo suus, nec aduertit. Iubetur quippe diligere Dominum Deum suum in toto corde suo, & in tota anima sua, & in tota mente sua, & in omnibus viribus suis: & proximū suum tæquam seipsum: sed vbique impetu amoris prævalente aliquando nescit amare vel seipsum, vel proximum, præ amore Dei: aliquando vel Deum vel proximum præ amore sui: aliquando Deum vel semetipsum præ amore proximi: cū si ordine suo & modo suo procedat, verus amor vel sui vel proximi, non sit nisi amor Dei. Hic est languor Sponsæ amore languentis: hæc fortis vt mors dilectio: hæc dura velut infernus æmulatio: hæc ebrietas ab vbertate domus, & torrente voluptatis Dei. Est & alius languor Sponsæ in cogitando de Sponso: cum ex vitio aliquando neglectæ conscientia, aliunde sordepte memoria, hebet intellectus, & languet amor. Hæc enim tria sunt, memoria, intellectus, & amor, quæ secundum qualitatem suam vel quantitatem formant de Deo cogitationem. Vbi si incidens aliunde, vel aliorum fuerit spectans de Deo memoria: si remissa, si negligens, seu infidelis: nullus, aut rarus, aut tenuis, & pronus in errorem sequitur intellectus: amor nullus vel corruptus: scilicet cū cogitatur propter aliud quàm vt ametur: vel amatur propter aliud, quàm propter semetipsum Deus. Si verò in cogitatione fidei feruet memoria ad intelligendum, nequaquam ibi finem constituens, sed nitens ad amorem per intellectum: amanti, tendenti, beatā quadam experientiā sæpe præsto fit quod quæritur: cū transit intellectus in amorem, seu amor in intellectum secundum gratiam donantis, & studium seu pietatem accipientis. Vbi cū videt, aliquid sed non peruidet intellectus: sicut appositā sciētiā apponit dolorem, sic appositā sapientia apponit amorem: gaudens ad videndum, languēs ad peruidendum: non satis requiescens in eo quod accepit, quod ex parte est: dum anxie anhelat ad id quod nondum accepit, quod perfectum est. Quod enim amandum est, intelligendum est. Quod intelligendum est, cogitandum est. Quod enim amandum est, nisi præsto fiat amanti per memoriam, innotescat per intellectum, amor ipse obsolescit & languet: maximeque in eis rebus, in quibus amor per memoriā solummodo & intellectum sua paratur fructio: sicut in rationabilibus, magis autem in spiritalibus, præcipue verò in diuinis. Mens ergo, cui amor patriæ patrique Dei insedit: odit vehementer peregrinantē in alienis memoriam suā, & intentum occupationibus alienis intellectu.

Exod. 33.

Act. 9.

Alius languor sponsæ.

Mens Deū & calum amans non occupatur alijs.

Rom. 8.

Psalm. 22.

Zachar. 9.

Psalm. 59.

& 103.

Ebrietas spiritualis languoris sponsæ causa.

*Amor languet, non valens ab alienis se excutere.*  
Isai. 31.

*Cant. 2. 5.*

*Sæpe plus placet amor Dei in alijs, quam in nobis.*

*Florus sunt spes incipientium, poma fructus perfectorum.*

A quibus cum perfecte se excutere amor non præualer; voluntate quadam carnis non voluntariâ irretitus languet in semetipso: patiturque, quod dicitur per Prophetam. *Vinit Dominus, cuius ignis est in Sion, & caminus in Ierusalem.* Ignis etenim naturaliter semper sursum imperum habens, camino inclusus eo magis æstuat in semetipso, quod fortius alienis obicibus detineretur. Deinde torrens detentus vehementius exundat; ignis inclusus fortius æstuat: amor Sponsæ cohibitus non se capit: legisque impatiens, cum carnis vinculo detinente totus eundem non potest, quod totus fertur, proxima quæque quasi ignis corripit: totumque se spiritus amantis refundit in proximum; si forte vel hac via compendiosius mereatur ascendere purior ad Deum. Propter quod conuersa Sponsa ad adolescentulas, ad filias Ierusalê, filias supernæ pacis, compares desiderij, sociasque amoris sui.

FVLGITE ME, inquit, *floribus; stipate me malis: quia amore langueo.* Non enim potest in alijs non amare, unde ipsa in seipsa singulariter consolatur dolorem suum: animusque verè Deum amans, amorem ejus vbicumque inuenit, amat & amplectitur. Cujus formam cum attendit in proximo, sæpe plus placet, quam in semetipso: quia conscientiam non videns nisi suam, in se videt, & quod patet hominibus, & quod latet, in proximo, non nisi quod patet; fructus scilicet aliquos spiritus vel amoris quos videt, per quos interiorum in eo conjicit & amat amorem, quæ non videt. In seipso videt & quid desit, & quid adsit sibi: in proximo verò non nisi de eo quod videt, potest iudicare. Insuper quæ sua sunt, districte justitiâ insequitur: quæ verò proximi, beneuola charitate omnia iam bonum interpretatur. Ideo plus ei sæpe placet modicum quid boni in proximo, cuius non videt interiorum mixturam, quam multum in semetipso, cuius mixturæ solus ipse patitur fixuram: plus placet alter cum incipit, quam ipse sibi, qui proficit; plus alterius profectus, quam sua sibi perfectio. Fruitur ergo ex fraternæ charitatis beneuolentia in proximo, quo frui non potest in semetipso, etiâ cum adest, & plusquam in proximo: quia, sicut dictum est, in illo latente conscientia sola patet facies boni, quod sicut in semetipso amplectitur in congratulatione fraternæ charitatis: in seipso verò intantum conscientia incumbit quod offendit, ut etsi in ea fortè fuerit, quod placere possit, nec apparere audeat ante faciem semetipsam districte iudicantis. Ordinante ergo in hoc ipsum charitatem Sponsæ auctore ipso charitatis, pertæsa suorum defectuum tota egreditur & resoluitur in congratulationem aliorum profectuum; approbans, ut dictum est, magis alterius principium, quam suum finem: plus alterius profectum, quam suam perfectionem. In floribus quippe, in quibus spes fructus est, bona spes designatur incipientium; in malis verò, fructus perfectorum. In illis fulcitur ad delicias, in istis ad virtutem stipatur. Et suauius ei in incipientibus redolent flores nouæ in Christo creaturæ, quam in seipsa fructus perfectionis suæ: fructus alienæ justitiæ, quam conscientia cuiuslibet sanctitatis suæ. In illis ergo virtutis accipit incitamentum: in istis firmamentum. Sed & secundum exteriora, habet sanctæ iuuentutis in dolores in disciplina pietatis quandam gratiæ prærogatiuam: & sancta canities ob certioris fiduciæ robur, reueren-

tiam suam. Tenera quippe ætas hilarem habet & aptam ad cuncta materiam; & instar ceræ mollis facile recipit quicquid ei imprimitur, & decentius retinet: maxime cum, quod naturale, hoc est quod virtutis est, committitur. Et sicut ætati virtus addit decorem: sic virtuti flos ipse ætatis gratiam apponit potiorum. Ætas etiam in bonum prouecta ad omnem se conscientiam commendat, in qua boni aliquis amor est: quæ & de præterito antea vita facit laudabilem: & de futuro ab omni mutabilitatis suspitione reddit immunem probata virtus: & ipso jure naturæ reuerentiam consciscit sibi emerita senectus. Et sicut in iuuetute virtus apparet gratior: sic tutior in senectute, & quasi in sede propria formosior. Iuniorum ergo floribus Sponsa fulcitur, seniorum autem malis stipatur; cum illis delectatur, in istis confirmatur; & de singulorum profectibus defectus suos consolatur. Et cum meliorem æstimat homo Dei proximum quam seipsum: non solum diligit eum sicut seipsum, sed & obseruat eum plusquam semetipsum. Hic enim est ordo charitatis; & languentis legitimus terminus amoris. Primum siquidem diligitur Dominus Deus in toto corde, ut pia jugiter memoria cogitetur: in tota anima, ut in ipso semper, & ad ipsum viuatur: in omnibus viribus humanis, ut in opus seruitutis ejus fideliter expendantur: in omni mente, ut perfecte & intelligibiliter ametur. Deinde cum omni homine secundum Deum fœdus habendum naturæ & bonæ voluntatis, ad semetipsum verò, & ad proximum sicut ad seipsum, affectus religiosi amoris: ut proximus sit, quicumque domesticus est fidei; & in proximis plus ille diligatur ut propinquior, qui Deo, in quo proximus est, & diligitur, vitæ merito & pietatis affectu conjunctior inuenitur. Sic autem dilectus Dei ac dilector bene & secundum ordinem diligit seipsum, si suam carni curam fecerit, non in desiderijs, sed propter spiritum: suam spiritui suo in Spiritu sancto habuerit charitatem propter Deum. Nō enim propter corpus viuimus; sed sine corpore viuere nequimus. Viuimus autem, ut Spiritu Deo adhæreamus, & piè & sinceriter eum amando, sobriè in nobis, justè ad proximum, & piè ad Deum viuamus: sicque viuendo beatè & æternaliter in Deo aliquando viuere mereamur. Ergo juxta Apostolum, qui dixit, *nemo umquam carnem suam odio habuit*, sufficit non odisse corpus, cui tamen cura habenda est, sed citra seruitutem: spiritui verò sua habenda est charitas, cultus suus exhibendus, usque ad omnem corporis seruitutem. Debetur enim corpori cura aliqua spiritus, ut corpus viuatur; spiritui verò seruitus omnimoda corporis, ut spiritus vigeat: Deo utrimque; ut totus homo Deo seruiat. Sic qui ordinatæ charitatis est, diligit Dominum Deum suum, & in ipso seipsum, & proximum suum sicut seipsum: ipsa qualitate, ipsa quantitate. Nam etsi major forsitan est perfectio charitatis in ipso quam in proximo; tantam utique in eo fore desiderat, quantam amplectitur in semetipso. Si verò majorem eam deprehendit, vel æstimat apud proximum, dulcius eo in Deo fruatur; & plus eum, ut dictum est, obseruat, quam semetipsum. Hoc est ergo homini diligere Deum, sicut Dominum Deum suum; & rectè diligere seipsum; & proximum sicut seipsum. Hic est ordo charitatis à lege spiritus vitæ ordinatus, à verbo Dei in Spiritu

*Ordo charitatis.*

*Sanctiora plus diligendi.*

*Titul. 2.*

*Ephes. 5.*

Ordo cha-  
ritatis à Spi-  
ritu sancto  
est.

ritu sancto editus; digito Dei in corde ordinatè  
amantis descriptus: & in ipsa hominis ratione  
naturali quodam schemate à Deo deformatus.  
Hinc est, quod discernit eum iudicium rationis,  
& approbat sensus bonæ voluntatis: sed non  
habet, nisi Spiritus sancti aspirante gratia, affectus  
bonæ mentis. Primo ergo in cellam vinariam  
Sponsa introducit, deinde charitas in ea ordi-  
natur. Primo siquidem ingressum inordinata  
adhuc & ebria, nititur facere plusquam potest;  
& complere aggreditur quasi vno impetu amo-  
ris, quæcumque vult Deus: sed deficiens in sa-  
lutare Dei languet, donec vltiore progressu,  
& beato profectu, ordinante in ea Rege chari-  
tatem, incipiat etiam velle, quod vult Deus. Et  
tunc per similitudinē voluntatis vnus cum Deo  
spiritus fit: ebriusque fit sobrius, languens fit sa-  
nus, & vehemens ordinatus: ebrius festinat ad  
somnum, languens ad lectum floridum, vehe-  
mens ad amplexum: sicque Sponsi ac Sponsæ  
jocundissima conjunctio fit. O charitas Deus,  
Sancte Spiritus, amor Patris ac Filij, & substan-  
tialis voluntas, habita in nobis, & ordina nos:  
vt fiat voluntas tua in nobis. Voluntas tua fiat  
voluntas nostra: vt facturi voluntatem Domini  
Dei nostri, legem ordinemque ejus inueniamus  
in medio cordis nostri. Da illuminatos oculos  
cordis, quibus inspiciamus in lumen incommu-  
tabilis veritatis tuæ, vt exinde formetur ordo  
mutabilitatis nostræ, & mutabilis ac mutabundæ  
voluntatis nostræ. Sponsa tua anima nostra  
amans te, in ipso amore tuo intelligat, quid fa-  
ciendum sibi sit de se. Quinpotius tu habitans  
in ea Deus, qui es ipse in ea amor tuus, fac in ea,  
amet te de te; & amor ejus; & tu ipse in ipsa de  
ipsa ames te: & de ipsa in ipsa facias & ordines  
omnia secundum te. Ideo olim dicebas famulo  
tuo Moyfi. *Vide, vt omnia facias secundum exem-  
plar, quod tibi ostensum est in monte.* In monte si-  
quidem Moyfi exemplar vitæ sanctitatisque mō-  
stratum est: cum in altitudine contemplationis  
summæ ei incommutabilitatis ordo reuelatus est:  
vt de omnibus secundum interiorem visionem  
exteriorem ordinaret actionem. Sic & Sponsam  
tuam animam tibi deuotam, quæcūque illa est,  
cum introducit in secretum Sponsi, ancilla in  
gaudium domini sui, sentiendo de te in bonita-  
te, secundum exemplar tuæ bonitatis totam eā  
ordinat, sibi que cōformat gaudium ipsum cha-  
ritatis tuæ. Non quod ibi aliud præcipiatur,  
aliud vetetur: sed in affectu amoris illuminari  
nihil licet, nihil libet, quod ad modicum offen-  
dar seu conuenientiam ordinis, seu conscientiam  
illius gaudij. Beata conscientia, quæ siue pro-  
pera, siue aduersa habeat in mundo, exemplar  
vtendi & vitæ modum trahit è cælo; & quo-  
cumque se vertit, de vultu tuo Deus iudicium  
ejus procedit: vt semper tibi jungatur similitu-  
dine idem volendi, à quo non receditur, nisi dis-  
similitudine volendi. Ideo quæcumque Sponsa  
est, hoc solum desiderat, hoc affectat; vt facies  
ejus faciei tuæ jungatur iugiter in osculo chari-  
tatis; hoc est, vnus tecum spiritus fiat per vnita-  
tem ejusdem voluntatis: forma vitæ ejus formæ  
amoris tui imprimatur vehementer vehementia  
magni amoris: vel etiam, si durior fuerit mate-  
ria, infringatur virtute disciplinæ ordinantis.  
Hoc autem cum consummatum fuerit super Spō-  
sam tuam, amicam tuam, formosam tuam; si-  
gnatur Domine lumen vultus tui, & læticia sua

in anima pia ordinatur, cum omnia secundum  
ordinem charitatis rite procedentibus, in pace  
inidipsum dormiens ac requiescens, gaudet in  
amplexu Sponsi, & dicit.

*LEUA EIVS sub capite meo: & dextera ejus am-  
plexabitur me.* Amplexus iste circa hominem a-  
gitur; sed supra hominem est. Amplexus etenim  
hic Spiritus sanctus est. Qui enim Patris & Filij  
Dei communio, qui charitas, qui amicitia, qui  
amplexus est; ipse in amore Sponsi ac Sponsæ  
ipsa omnia est. Sed ibi maiestas est consubstan-  
tialis naturæ, hic autem donum gratiæ; ibi di-  
gnitas, hic autem dignatio; idem tamen, idem  
planè spiritus. Amplexus autè iste hic inicitur,  
alibi perficiendus. Abyssus hæc alterā abyssum  
inuocat: extasis ista longè aliud quàm quod vi-  
det somniat: secretum hoc aliud secretum suspi-  
rat: gaudium hoc aliud gaudium imaginatur:  
suauitas ista aliam suauitatem præorditur. Et  
boni quidem hujus & illius eadem materia, sed  
facies dissimilis: eadem natura, sed alia dignitas:  
sensus similis, sed diuersa maiestas. Hoc siquidē  
mortalitatis est, illud æternitatis: hoc viæ, illud  
stationis; hoc sancti profectus, illud consum-  
matæ perfectionis, & pfectæ beatitudinis. Cum  
enim plenè reuelabitur facies ad faciem, & per-  
ficietur mutua cognitio, & cognoscet Sponsa,  
sicut & cognita est: tunc erit plenum osculum,  
plenusque amplexus: cum non indigebitur læ-  
ua fulcimente, sed totam amplexabuntur Spon-  
sam delectationes dexteræ Sponsi vsque in finē  
æternitatis infinitæ. Tunc inquam plenum erit  
osculum, plenusque amplexus: cujus virtus sa-  
pientia Dei, suauitas Spiritus sanctus, perfectio  
plena fruitio diuinitatis, & Deus omnia in om-  
nibus. Non ibi palpitabit fides, non spes pau-  
bit; quia plena charitas in plena visione Dei  
omnes affectus in vnum gaudendi atque fruendi  
mirificabit effectum: omni eo quod corruptio-  
nis vel mortalitatis erat, vel emortuo vel resu-  
scitato in vitam æternam. Interim verò, *læua*,  
inquit, *ejus sub capite meo: & dextera ejus am-  
plexabitur me.* Post exercitium quippe ordinan-  
dæ charitatis, subordinatur fomentum & con-  
solatio necessariæ ac desideratæ suauitatis: om-  
nes exercitij illius molestias suas quidem, mo-  
lestias tamen, in qualdam nouæ gratiæ conuer-  
tens experientias & primitias, vel gustum futu-  
ræ illius beatitudinis. Vt enim in pace in idipsum  
dormire jam incipiat Sponsa, ac requiescere, sus-  
cipitur aliquando, non semel, sed quoties pla-  
cuerit ordinati gratiæ: sicut dilectus ille disci-  
pulus in sinu Iesu supra pectus ejus: & admitti-  
tur in occulta filij, vbi sunt absconditi omnes  
thesauri sapientiæ ac scientiæ Dei. Vbi beata  
Sponsæ conscientia suauiter quiescens, Sponsi  
læuā fulcitur; dextera verò ejus totam eam am-  
plexatur: cum ordinatur in ea pietas cum suffi-  
cientia, vt totam eam obtineat spiritualium gra-  
tia consolationum: nec pro aliqua corporalium  
rerum indigentia, caput ejus, quod est principale  
mentis, Sponsi pietas terræ inhærere patiatur.  
Nam etsi aliquibus aliquando opus habet: sed  
nullo indigere permittitur. Necesse quippe est,  
habitis eum rebus succumbere: quem constite-  
rit non habitis indiguissè. Vnde & Apostolus,  
*nullius*, inquit, *egentes, multos autem locupletantes.*  
Indiget, qui desiderat. Qui verò non desiderat,  
vel non amat: siue habeat siue non habeat, secu-  
rus cum Apostolo dicit. *Ego enim didici, in qui-*

Cant. 2. 6.

Spiritus san-  
ctus Patris  
& Filij cha-  
ritas.

Inuocatio  
Spiritus san-  
cti.

Exod. 25.

Vt læua  
Sponsi ful-  
ciatur Spon-  
sa, & dexte-  
ra amplexetur.

2. Cor. 6;

Philip. 4-

Philip. 4.

*bus sum sufficiens esse. Scio humiliari, scio & abundare. Ubique & in omnibus institutus sum, & satiari, & esurire; & abundare, & penuriam pati.*

Psalm. 36.

Hoc de sinistra, quam sicut dicit Psalmus, Dominus supponit iusto, ne interim collidatur. De dextera verò amplexante, statim subjungit. *Omnia enim possum, in eo qui me confortat.*

Philip. 4.

Amplexus etenim dexterae, hoc est spiritualis gratiae, animam confortat, ne exterioribus vel non habitis indigeat, vel habitis succumbat. Quibus sicut succumbit qui eget; sic ea subigit, qui vti novit: cum ea si non habet, non curat; si verò habet, non servat serviliter, sed liberaliter dispensat. Lævam ergo Sponsa sub capite habet: cum dedit Deo menti temporalium consolationum sufficientia subministratur, vel rerum non habitarum contemptus. Dextera verò, id est spirituales eam consolationes amplexantur: cū eis & fouetur in presenti, & de æternorum certitudine promissorum in futuro confirmatur. Lævaque ac dextera adstringitur ad cor Sponsi: cum & bonus temporalium usus, & æternorum pia fructio, & omnia ei cooperantur in amorem Dei: & inter medios hos cleros dormit, cū moram faciente Sponso patienter agit. Aliter etiam charitas ordinata lævam habet ac sinistram. Amplexus siquidem hic charitatis est. Habet dexteram laboriosam, lævam verò amicā quietis; hoc est actiue exercitium vite, satagens circa frequens ministerium; studiumque contemplationis, capiti Sponsæ lene præbens fulcrum. Sicque quasi duobus brachijs seu duabus manibus, Sponsa dilecta ad cor, ut dictum est, Sponsi adstringitur; id est actionis bonæ, & sanctæ contemplationis: rationis & amoris: vel rationabilis scientiæ, & efficacis sapientiæ. Bene etenim per lævam, quæ minùs actiuosa est, amor contemplatiuus, seu sapientia designatur: cui vnū sufficit, & quæ vnum tantummodo habet necessarium. Vnde dicitur de sapientia in libro nominis ejus. *Qui minorantur actum, apprehendent illam.* Bene etiam per dexteram sagacitas exprimitur rationis, vel scientiæ rationalis: de qua item legitur. *Pertransibunt tempora: & multiplex eris scientia.* Ratio ergo attrahit, & amor amplectitur; dum quod rationabiliter eligitur, amatur. Caput verò Sponsæ, hoc est principale cordis, in læva fouetur; cū meas bene affecta, eo quod amat, per intellectum amoris ipsius fruitur. Sicque alterum alteri cooperatur in bonum: dum amor rationem confortat ad attrahendum, ratio amorem ad amplectendum: amor ratione munitur, ratio verò ab amore illuminatur. Quin potius præueniente gratia prædestinantis & eligentis & vocantis ratio afficit amorem, amor autem afficit rationem: ut spiritualis effectus animus dijudicet omnia, ipse verò à nemine iudicetur. Dextera etiam laborat contra tribulationes, angustias, persecutiones, famem, nuditatē, periculum ac gladios: & exercetur in labore & ærumna, & vigilijs multis: læva verò patiens est, benigna est; non querit quæ sua sunt; non irritatur; non cogitat malum; non gaudet super iniquitate; congaudet autē veritati: omnia suffert; omnia credit; omnia sustinet. Quæ dexterae sunt, non sine multis ac grauibz exercitijs laboribus tam mentis quàm corporis actiatur: quæ autem læva sunt, in quiete & silentio obseruari possunt: nec magnum requirunt corporis exercitium. Vtræque tamen, ut jam sæpe dictum est;

Læva ad temporalia, dextera ad spiritualia refertur.

Aliter læva & dextera exponuntur

Eccli. 38.

*Qui minorantur actum, apprehendent illam.* Bene etiam per dexteram sagacitas exprimitur rationis, vel scientiæ rationalis: de qua item legitur. *Pertransibunt tempora: & multiplex eris scientia.* Ratio ergo attrahit, & amor amplectitur; dum quod rationabiliter eligitur, amatur. Caput verò Sponsæ, hoc est principale cordis, in læva fouetur; cū meas bene affecta, eo quod amat, per intellectum amoris ipsius fruitur. Sicque alterum alteri cooperatur in bonum: dum amor rationem confortat ad attrahendum, ratio amorem ad amplectendum: amor ratione munitur, ratio verò ab amore illuminatur. Quin potius præueniente gratia prædestinantis & eligentis & vocantis ratio afficit amorem, amor autem afficit rationem: ut spiritualis effectus animus dijudicet omnia, ipse verò à nemine iudicetur. Dextera etiam laborat contra tribulationes, angustias, persecutiones, famem, nuditatē, periculum ac gladios: & exercetur in labore & ærumna, & vigilijs multis: læva verò patiens est, benigna est; non querit quæ sua sunt; non irritatur; non cogitat malum; non gaudet super iniquitate; congaudet autē veritati: omnia suffert; omnia credit; omnia sustinet. Quæ dexterae sunt, non sine multis ac grauibz exercitijs laboribus tam mentis quàm corporis actiatur: quæ autem læva sunt, in quiete & silentio obseruari possunt: nec magnum requirunt corporis exercitium. Vtræque tamen, ut jam sæpe dictum est;

Daniel. 12.

*Pertransibunt tempora: & multiplex eris scientia.* Ratio ergo attrahit, & amor amplectitur; dum quod rationabiliter eligitur, amatur. Caput verò Sponsæ, hoc est principale cordis, in læva fouetur; cū meas bene affecta, eo quod amat, per intellectum amoris ipsius fruitur. Sicque alterum alteri cooperatur in bonum: dum amor rationem confortat ad attrahendum, ratio amorem ad amplectendum: amor ratione munitur, ratio verò ab amore illuminatur. Quin potius præueniente gratia prædestinantis & eligentis & vocantis ratio afficit amorem, amor autem afficit rationem: ut spiritualis effectus animus dijudicet omnia, ipse verò à nemine iudicetur. Dextera etiam laborat contra tribulationes, angustias, persecutiones, famem, nuditatē, periculum ac gladios: & exercetur in labore & ærumna, & vigilijs multis: læva verò patiens est, benigna est; non querit quæ sua sunt; non irritatur; non cogitat malum; non gaudet super iniquitate; congaudet autē veritati: omnia suffert; omnia credit; omnia sustinet. Quæ dexterae sunt, non sine multis ac grauibz exercitijs laboribus tam mentis quàm corporis actiatur: quæ autem læva sunt, in quiete & silentio obseruari possunt: nec magnum requirunt corporis exercitium. Vtræque tamen, ut jam sæpe dictum est;

Laborat dextera, sustinet læva.

tam læuā quàm dexterā, Sponsa Sponso adstringitur: quia & dextera patientia, & læva bona conscientia ad amorem ejus eruditur: pacemque ac jugem bene affectæ mentis tranquillitatem, dextera facit ac tuetur; læva fruitur. Siue ergo hoc, siue illo modo, siue & hoc & illo, Sponsa in amplexu Sponsi soparata absconditur nonnumquam in abscondito faciei ejus à contradictione hominū: protegitur in tabernaculo ejus à contradictione linguarum: & mente modo excedens Deo, modo sobria proximo, semper parata est & latere & prodire, ad arbitrium abscondentis & protegentis. Denique audi abscondentem & protegentem.

ADIVRO vos, filie Ierusalem, per capreas hinnulosque ceruorum: ut non suscitatis, neque euigilare faciatis amicam, donec ipsa velit. Adjuratio hæc necessitatis est indictio; hoc est virtutis Dei efficax operatio. Adjurantur autem filie Ierusalē, recentiores ac teneriores in religione animæ, singulæ per virtutes quas acceperunt: cum inspiratur eis timor perdendæ gratiæ, quæ in exercendis virtutibus vtuntur: si sponsalis secreto thalami negligant exhibere reuerentiam suam, & debitum congratulationis affectū. Adjurantur autem per capreas, quæ acutioris visus esse perhibentur, & amice montiū; & per hinnulos ceruorum serpentium inimicos, & agiles ad currendum: cū oculum purioris contemplationis, & celestium amorem, odiumque vitiorum, & in virtutum profectibus perdere verentur properum & prosperum, quem habere videntur, successum; si minore necessitate, si majore importunitate, temerare vel inquietare præsumpserint Sponsi & Sponsæ mutuz conjunctionis & fructuionis gaudium. *Ut non suscitatis, ait, neque euigilare faciatis amicam, donec ipsa velit.* Cogitur Sponsa euigilare, cū à somno contemplationis inquietatur: suscitatur, cū vocatur ad laborem. Vult autem à somni sui quiete aliquādo euigilare, aliquando non vult: quia in somno cōtemplationis sola ei sapit charitas veritatis: vnde suscitari & auocari nō vult, nisi cū eam à contemplatione caræ veritatis auocat ipsa veritas charitatis: & tunc nequaquā recusat opus vel officium necessitatis. Deinde in excessu suo seu extasi, in somno quietis, audiens Sponsa vocem adjurantis; hoc est sentiens gratiā inspirantis, & virtutem videns operantis, illasque sibi deferentes, nec tamen minus proficientes: *Vox, inquit, dilecti mei.* Hæc, inquit, adjuratio, hæc inspiratio, hæc gratia, vox dilecti mei est: qui sic diligens, plurimum diligendus est. Hæc, ait, pax, hæc suauitas, hic somnus quietis, à Domino est; vox Domini est, præparantis ceruorū hinnulos in profectibus filiarum: mihi verò dilectæ suæ in extasi mentis, reuelantis condensæ mysteriorum & sacramentorum suorum. *Vox, dilecti mei,* Pauca verba, sed opulenta gratia. In hoc siquidem statu mentis nequaquam verbis res agitur; sed spiritualis virtute intellectus & affectuum pietate vnum ibi verbum fit: Verbū quod est apud Deum, Deus Verbum quod fit in Sponsa, in eo quod operatur in ea. Vox tamen potius dicitur quàm verbum; quia non distinguitur syllabis, non lingua formatur, sed puro fit affectu in illuminato intellectu, sopito vel feriato omni sensu corporis vel rationis; & totū rei negotium Sancto Spiritu operante in sensu amoris. Vox verbi hujus virtus est efficax diuini-

Cant. 3.5.

Filie Ierusalem sunt animæ recens conuersa.

Quid sit spiritus euigilare, seu suscitari.

Cant. 2.8.

Vox verbi est virtus diuinitatis.



nitatis cōfringens cedros Libani, fastus humanæ sapientiæ, & altitudinis mundanæ. Vox ista non nisi in silentij secreto auditur, non nisi in mūdo corde operatur. Vbi verò sonat vel operatur, non aliter quàm sicut ipsa est operatur. Verbum nostrum quasi in literis creatum, in syllabis distinctum, in verbum formatum cum profertur à loquente, simile quid & similiter operatur in audiente; easdem literas, easdem syllabas, idem verbum. Sic & Verbum Dei in forma Dei natū de Deo inseparabiliter, sit in Sponsa, in eo quod facit in Sponsa: & sit indissimiliter, quia quæcumq; facit Deus pater, hæc & Filius facit similiter. Et ideo cum Sponsa vel in Sponsa loquitur, non aliud vel aliter, quàm quod ipsū est, & sicut ipsum est, loquitur vel operatur: nō loquens vel operans seipsum vt sit; sed de seipso operans in ea, vt ipsa in ipso sit. Cumq; loquitur ei, seipsum ei loquitur; sicque in seipso quicquid vult vt sciat, innoscere facit ei cui loquitur: factus ei sapientia, quodcumque vult facit in ea, vel per eam, ipse virtus ejus, ipse iustitia iustificans ei existens, & sanctificatio sanctificans. Loquiturque ei, quæ Sponsa est, Verbum Dei, seipsum & Patrem suum, in Spiritu oris ejus; intantum vt de plenitudine gratiæ illustrantis tota affecta amanti conscientia, flammam cordis sui vix in pauca hæc verba evaporet, cum dicit, *Vox dilecti mei*. Fitque vox ipsa & Sponsi ad Sponsam, & Sponsæ ad Sponsum, in gaudio mutæ conjunctionis & fruitionis; in quo iugiter sibi loquuntur & respondent, & bonitas dantis, & amor accipientis. Sicque in cella vinaria, in feruore & gaudio consummatæ charitatis, in lecto conscientiæ florentis, cōponitur Sponsi & Spōsæ, & coaptatur beatus ille accubitus: de quo idem Sponsus promittit dicens. *Si quis diligit me, diligetur à Patre meo: & ego diligam eum, & manifestabo ei meipsum: & ad eum veniemus & mansionem apud eum faciemus*. Amor amorum cui seruit Canticum Canticorum, quod assumere per os suum quicumque vtrumque potest nō amans: nemo tamen potest cantare nisi amans & verè amans: tu scis quo ambiat cor meū, tractando canticum tuum. Numquid ō Spiritus scrutans omnia, & scientiam habens omnis vocis, aliud in hoc quærit cor serui tui, aliud pauperis tui parturit intentio, quàm vt videndo claritatem tuam, sentiendo charitatem tuam, illuminetur in te conscientia mea; castificetur de te anima mea, tractādo quæ propriè tua sunt, dulcius te sapiunt, suavius redolent; sapiat mihi gustus tuus, spiret odor, & tota in te & de te formetur vita mea? Veni veni in abundantia benedictionum tuarum in me servum tuum, in cor meum, locum tuum: quem nisi tu prior inuenis mihi, non possum invenire tibi, locū Domino, tabernaculum Deo Iacob. Quem donec inueniam tibi, non ascendam in lectum strati mei: nō dabo somnum oculis meis, & palpebris dormitationē. Gratias tibi, quoniā per primitias Spiritus tui amores mei antiqui odibiles, qui alieni à te alienabant me à te, jã non sunt: cum teste scientia tua in conscientia mea, vnum vnice te amē, semper certè libero iudicio rationis: & quando liber & compos fui esse potest animus meus integro affectu mentis. Sed scaturiunt adhuc in memoria mea antiquorum amorum reliquiæ quædam, quasi vmōra sine corpore, forma sine substantia: sensus quidam in cogitatio-

ne inanis & vacuæ delectationis absque nutu voluntatis: quibus conscientia infecta vix aliquando in te ad purum meretur esse affecta: à quibus donec ex integro conuerteris capriuitatem meam, nequaquam plenè respirare possum in libertatem tuam, siue puritatem, siue stabilitatem. Sed cum veneris in diuitijs plenitudinis tuæ, & delicijs bonitatis tuæ in pauperem tuū, & ostendere cœperis ei certā experiētiā in cōscientia sua, quàm verè Deus charitas es, quamq; sit vnū Deus & amor suus, gaudium in Spiritu sancto, & Spiritus sanctus; suauitas amandi & initium fruendi; amor ipse & intellectus ejus: tunc à charitate orante & interpellante pro nobis de nobis gemitibus inenarrabilibus, & illuminatis affectibus, non tam ratione cogente ad desiderium, quàm te, ō amor contemplante ad fruendum: à puero tuo in cantico tuo sacrificium laudis honorificabit te; & illic iter, quo ostendas ei salutare Dei. Interim egenus & pauper amor meus nitendo & palpando sequatur quā ducitur; suspiret quò vocatur, per figuras amatorias, & imperfectum suum, ad perfectum tuum: & quamdiu per fidem ambulat & non per speciem, piè & sapienter suis vtatur rudimentis, donec exterior hæc parabola dramatis, fiat in eo historia veritatis. Tunc parebit in lumine tuo, quantum in intellectu tuo præcedit pieras simplicissimi amanti prudentiam eruditissimi ratiocinantis: cum retroacta ratione amor pius ipse efficietur intellectus suus. Iam ergo in gaudio festi nuptialis primo accubitu vtrumque digesto, & suo ei cantico prout potuimus assignato, qui noitij feruoris rudimentis videtur deservire, secundi anvilante Deo aggrediamur exordium: in quo prudentiore patientia & doctiore prudentia ad secundos se reparat Sponsi Spōsa amplexus. Sed primo sequētis cantici sensus historicus succinctè prælibandus est: & spiritualis ei comparandus. Sicut habemus ex libro Paralipomenon, Rex Salomon Rex pacis, pacem habens in regno suo, subactis circumquaque inimicis, & ædificata in Ierusalem domo Domini, & domo regia, non, inquit, habitabit vxor mea in domo David patris mei regis Israël, eo quod sanctificata sit, quia ingressa est in eam arca Domini. Idcirco vxori suæ Egyptiæ filiæ Pharaonis extructa domo in Libano, extra Ierusalē, & procul à domo regia eam habitare præcepit, donec ad plenum deposuisset barbaram naturam, & totam Egyptiam conspersionem: vbi tamen aliquādo visitaretur à Rege; aliquando etiā ipsa vocaretur in ciuitatem & domum regiam, & regis thalamum, non ad habitandum, sed quasi visura gloriam regis, & thalami regij gratia aliquatenus fruitura: & sic reuersura in locum suū. Sic etiam Rex pacis æternæ Christus, Sponsus Ecclesiæ ex Gentibus congregatæ, Sponsus animæ fidelis de tenebris peccatorum, quod interpretatur Egyptus, liberatæ, post resurrectionē carnis suæ absorpta morte in victoria, accepto sibi regno in Ierusalem superna, Sponsam suam quandiu in carne viuit, à supercœlestis cohabitationis suæ gloria pro conditione mortalitatis sequestratam, in prouiso ei loco quiescere præcepit: cum ascendēs in cœlum dixit ad discipulos suos. *Sedete in ciuitate, quoadusque induamini virtute ex alto*. Quod tunc dicebat discipulis suis, propter promissum eis aduentum Spiritus sancti: & omnibus filijs Sponsi vsque hodie di-

*Sed sine consensu voluntatis.*

*Sensus parabolice huius secundi Cantici.*

*Lnc. 24.*

Matt. 28.

Ecclesia ci-  
uitas est in  
Libano ex-  
tructa.

cit, propter perpetuæ cohabitationis cum eis promissionem usque in finem sæculi, & gratiam præsentioris aliquando, & manifestioris visitationis. Ciuitas hæc Ecclesia est, in peregrinatione huj' vitæ: ædificata in Libano, hoc est in edito & amœno loco gratiæ candidantis. Libanus enim candidatio interpretatur. Ibi habitans Sponsa Christi Ægyptia, fidelis anima per gratiam Dei in fide Ecclesiæ in purum candidanda, anxia pierate assidue eò cor dirigit suum, quò præmisit thesaurum suum: expectans & accipiens quotidie induentem eam ex alto quotidianam virtutis diuinæ visitationem: donec soluta aliquando à vinculo carnis, recipi mereatur ad æternam Sponsi cohabitationem. Ibi ergo in Ecclesia, in vnitæ fidei, quæ Sponsa est, sæpe per internæ visitationis gratiam illustratur: sæpe per contemplationis virtutem usque ad visionem superne pacis, & regij thalami dignitatem, Sponsum Sponsa pio amore prosequitur. Sed terrena conuersatione aggrauante nequaquam diu ibi commorari permittitur: acceptoq; pignore spiritus Sponsi, & relicto apud eum pignore spiritus sui, citius remittitur in domum paupertatis suæ à contemplatione diuitiarum Sponsi, sciens aliquatenus quid desit sibi. Hinc ergo deinceps usque in finem totum hoc sanctum amoris canticum contexitur; hoc totum opus ejus atque negotium est: hinc discernuntur ejus partes, & partium sibi conciliantur diuisiones: spe festinante, cruciante desiderio, sapientia ordinante, amore currente, gratia occurrente; quoad usque in fine Cantici ipsius dolor desiderantis à tædio dilationis, mutua tandem conjunctione vertatur in gaudium fruētis. Reddita ergo sibi Spōsa post primum primi accubitus excessum, quomente exceſſerat Deo, & sobria facta sibi, & gustatæ suauitatis memoriā ruminans, post sacrorum affectuum digestionem secretum appetens, fugitans publicum, in abdito cellæ, in solitudine cordis, in recessu conscientiæ sedere amat ad studium cordis mundandi: in speculo & ænigmate sollicita emundare faciem, ad videndum faciem ad faciem. Ibi enim quæ Sponsa est, quæ sicut Apostolus dicit, vni adhærens, *dimisa non est, sed sollicita est eorum tantum quæ Domini sunt, quomodo placeat Domino, cui se probauit*, studet fieri sancta corpore & spiritu: sine macula criminis, sine duplicitate simulationis; studet ad id quod honestum est, & quod facultatem præbeat Dominum obsecrandi. Suspenſaque ad reditum Sponsi, ad vocem ejus, ad faciem ejus, repente quasi à longè venientis & colloquentis cum sodalibus tenue quoddā murmur exaudiens: *vox*, inquit, *dilecti mei*. Quod enim dicit, *vox dilecti mei*, & superius & inferius aptari potest: & finis primi accubitus, & secundi potest esse principium. Quod etiam rei quæ agitur, aptè cōgruere videtur; quoniam sicut ex vespertino præteritæ diei sequentis lucis matutinum suum constat principium ordiri: sic interioris diei cōsummatio principium sæpe & causa alterius diei inuenitur. *Vox*, ergo inquit, *dilecti mei*. Et exiliēs in occursum venientis: *ecce*, inquit, *iste*. Vox Sponsi ad Sponsam est repentina gratia bene afficiens memoriā amantis: verbum ejus, in intellectum suum formatus affectus. Ad vocem ergo Sponsi venientis dicit Sponsa, *ecce*; ad verbum jam præsentis & colloquentis, quasi digito præsentem ostendens, *iste*, inquit. Exit autem

Sponsa pu-  
blicum fu-  
giens vacat  
mundando  
cordis.

1. Cor. 7.

Cant. 2. 8.

Vox & ver-  
bum sponsi  
ad sponsam  
quid sit.

Sponsa in occursum Verbi Dei: cum pia affectio gestit ad intellectum. Videtque venientem; cum in semetipsa misericorditer sentit operantem. Quid enim est misericordia ejus super nos, quā bonitas ejus in omnibus præueniens nos? Propiore autē & proprio amoris intellectu Spōsa sponsi ad se aduentum contemplatur: cum ejus omnem ad se veniendi modum in semetipsa tam effectualiter quā affectaliter experitur. Contemplatur enim, quomodo Deus montium venit in colles: & quod in illis contemplatur, hoc sicut dictum est, in semetipsa experitur. Videt autem venientē ad montes, in montibus saliendo; ad colles, transiliendo eos. Mons est terra super terram exaltata: scilicet cum intellectu quolibet, per amorē cœlestiū in contēplatione diuinitatis, quod hominis est, supergreditur humana natura. Hoc autem inter fideles qui potentiū agit, mons est; qui verò remissiū, collis est. Mons etiam est, de humilitate cordis in altitudinem spei exurgens conscientia justitiæ: collis & ipse pro modo suo in eadem spei gratia cōstitutus, ex gratia Dei & conscientia fructuosæ poenitentiae. Ille quippe in altitudine justitiæ excreuit, sed in humilitate fundatur: hunc autem cum sua etiam justitia exaltet apud Deum, ex timore tamen humilis conscientiae ipse intra semetipsum à semetipso cohibetur ac deprimatur. Saltus verò Sponsi sunt, de quibus Prophetia dicit. *Exaltauit ut gigas ad currendam viam. A summo caelo egressio ejus; & occursum ejus usque ad summum ejus*. Cum ergo contemplatur Spōsa à summo caelo egressum Sponsi, & occursum ejus usque ad summum ejus: inter hæc autem à caelo cum venientem in vterū, ab vtero in præsepe, à præsepi ad cruceem, à cruce in sepulchrū, à sepulchro in cœlum: quid nisi quosdam saltus ejus mirabiles per tantorum altitudines operū, quasi per summorum juga montium miretur? Cum autem magnorum aliquorum hominum intellectibus per aspirationem sui amoris saltuū horum fidem infundit, quid nisi in montibus salit? Saliens autem in montibus, transilit colles: cum plures fideles, quos fides continet, præterit iste intellectus. Veniens ergo Sponsus ad Sponsam, in montibus salit & colles transilit: cum alios per contemplationis gratiam in altiora sustollens, alios circa inferiora necessariæ actionis ordinator disponit. Saltus autem isti siue transsaltus sunt, quibus in cœlestia se subrigunt homines terreni: cum ex consideratione operum Dei, & magnæ circa nos bonitatis ejus, charitas Dei diffunditur in cordibus nostris per Spiritum sanctum qui datur nobis. Et de imis quidem in alta per amorem spiritus se vibrant humanorum conatuum saltus: sed de sursum à Patre luminum virtutem effectus sui accipiūt. Ex quo cum fiunt in salientibus sanctæ quædā exultationes, ipsæ sunt humani sensus extra humanum vsum & modum quasi saltationes, tantò alacriores & altiores, quantò salientem trahunt experientiæ suauiores. Sed saltus isti montium sunt, in quibus salit Sponsus, non collium quos transilit: qui licet stent in fide radicati & fundati; non tamen sentiunt pedes transilientis, hoc est non habent sensum gratiæ afficientis. Sed sicut saliens de terra citius in terram relabatur: sic aduentus Sponsi ad Sponsam quamdiu adhuc procul est. Amodo verò propior factus saltus istos mutabit in illuminatos accessus, de

Quid sit  
mons, quid  
collis.

Psalm. 18.

Saltus sponsi  
è caelo in v-  
terum Vir-  
ginis, in præ-  
sepe, &c.

Rom. 5.

*Psal. 33.* quibus dicitur, *Accedite ad eum, & illuminamini:* in dispositos ascensus, de quibus idem Propheta dicit. *Beatus vir cuius est auxilium abs te: ascensiones in corde disponit in valle lachrymarum, in locum quem posuit. Etenim benedictionem dabit legislator, ibunt de virtute in virtutem: videbitur Deus Deorum in Sion.* Interim autem venit, sicut dictum est, Sponsus, saliendo scilicet & transiliendo. Quamvis & aliter possint intelligi saltus *Aliter item* isti & transsaltus, in montibus scilicet, hoc est in saltus sponsi sanctis, saltus liberi sine obstaculo peccati; in *intelligi pos-* collibus verò, hoc est minus perfectis, transsaltus, non sine offendiculo: ubi tamen non offendat saliens, sed transiliat, omnia peccata dimittendo, & impendendo gratiā. Sed & qui iustus & perfectus est, in via Dei salit, hoc est liberè, incedit: qui verò adhuc minus perfectus est, habet quidem in quo offendat, sed tamen fortiter transilit, quicquid ei siue de suo, siue de alieno contradicit. Sequitur.

*Cant. 2. 9.* SIMILIS EST dilectus meus caprea hinnuloque ceruorum. Iam Sponsus veniens Sponsæ propior efficitur: jam etiam nondum facie ad faciem, propioribus tamen figuris ei insinuat. Et aliquando quidem se ei exhibet per affectus quosdam participes diuinæ virtutis & bonitatis: aliquando per effectus humanæ suæ dispensationis. De ergo hoc nomen, quod quasi propriè proprium summæ illius naturæ, à græco sumptum esse, nemo est qui ambigat. Est autem siue à verbo

*Nomen* quod est *ῥωπα*, siue ab eo quod est *ῥω*, seu magis *Deus unde* ab utroque: *ῥωπα*, quippe video interpretatur *sumptum.* *ῥω* curro. Quid enim velocius currit stabili illa motu, qui stabilis in seipso manens mouet omnia: quid tam velociter cuncta percurrit, quam qui dixit, & facta sunt omnia? Facile etiam omnia & simul videt, in quo sunt omnia, & in semetipso videt omnia. Diuina ergo natura in Sponso per capream designatur: tum propter velocitatem cursus, tum propter acumen visus. Per hinnulum quoque ceruorum, aptè satis humana natura in Sponso exprimitur. Apparuit nempe in mundo homo Christus, quasi hinnulus ceruorum: hoc est filius Iudæorum. Ipse quippe filius dilectus vnicornium: ipse etiam filius ceruorum multicornium. Cervus enim in vno cornu plura videtur cornua habere. Sunt autem Iudæi vnicornes, hoc est de singulari legis iustitia præsumentes: sunt etiam multicornes in mandatis & cæremonijs, & multiplicibus observationibus legis gloriantes. Apparuit ergo in mundo Christus filius Iudæorum, tamquam hinnulus ceruorum: qui novus homo sine peccato venit in mundum, & sine peccato vixit in mundo.

*Prover. 5.* Et sicut legitur, *cerua gratissima, & gratissimum hinnulus,* de gratissima matre virgine gratissimus apparuit filius: vnctus oleo lætitiæ præ participibus suis. Ipse etiam quotidie venit ad Sponsam suam fidem animam, sicut caprea visus acuti, & velocis cursus: cum efficit & mundat in ea oculum contemplationis, & veloces perficit effectus in ministerio bonæ actionis. Mirabili enim condescensione gratiæ sapientia Dei adueniens, intellectum hominis sibi subjungit & cõformat: sicque ex illuminante gratia & illuminata intelligentia modo quodam ineffabili fit quasi quædam composita sapientia complectens omnes virtutes; ut & feratur in Deum homo Dei per illuminatū intellectum, nec tamen animus virtutum in exteriora & inferiora sanctitatis suæ

deneget effectus. Ibi ergo videt, hic currit: cum nequaquam posset impleri in vno homine vni-formitas tam diuersa, nisi fieret ex Verbi Dei & intelligentiæ humanæ, ex gratiæ Dei & humanæ pietatis, amica quadam & efficaci conformitate. Venit etiam ad eam quasi hinnulus ceruorum; hoc est sicut filius hominis: cum sicut aliquando Sponsæ Ecclesiæ, veniens in mundum, sacramentum susceptæ humanitatis attulit in pignus amoris: sic ejusdem gratiæ fidem memoriam fideli animæ efficacius inspirat in prouocatione charitatis. Sic ergo Sponsus apud Sponsam similis habetur capree hinnuloque ceruorum: cum de huiusmodi quibusdam theorijs siue theophanijs esurientem pascit, reficit afflictam; quæ non nisi cum vultu ejus lætitia adimpleretur. Et veniens non semper salit aut transilit, sed aliquando etiā appropinquat & stat: cum plusculo quodā gaudio semetipsum ei indulgens, tedium desiderantis, & lassitudinem tendentis, & amantis pietatem, abundantiore gratia consolatur. Vnde & subditur. *En ipse stat post parietem nostrum.* Vbi notandum, quod cum videret venientem, ecce, inquit, *ipse*, & cum videt appropinquantem, *en*, inquit, *ipse*; hoc est iste ipse est; quia est qui est, non in Propheta, non in Angelo, non in Apostolo, sed supra speculum & ænigma se mihi exhibens aliquatenus in semetipso. Quem enim dicit istum ipsum, appropinquasse sibi fateretur, non solum sensu gratiæ, sed & suauitate experientiæ: intantum ut in hora illa, seu in tempore illo diuinæ visitationis, à pleno osculo mutue conjunctionis, à pleno amplexu mutue fructuonis, Sponsum & Sponsam solus diuidat paries huius mortalitatis. Et iste ipse est, cui dicebat Moyses, *ostende mihi teipsum*; & item Dominus ad Moysen. *Non enim videbit me homo & viuet.* Inuisibilem ergo post parietem videre, est tantum eum videre, quantum eum videre in vita ista possibile est. *En*, inquit, *ipse stat post parietem nostrum.* *En*, sensum sonat præsentis; *ipse*, gaudiū experientiæ; statio suauitatis fructuonis. Vel paries est dirimens Sponsum & Sponsam: de quo Propheta dicit. *Et in Deo meo transgrediar murum.* Quod quid aliud est, quam mens & memoria & conscientia per concupiscentiam carnis & oculorum & ambitionem vitæ exterioribus infecta: quæ quamdiu sic est, non potest esse Deo affecta? Hinc est quod Propheta de huiusmodi dicit. *Vsq̃quoquo aggrauant contra se densum lutū?* Et alibi. *Peccata vestra separant inter vos & Deū.* Sed cum per densum hunc parietem luti nulla Sponsæ ad Sponsum pateat via cõtemplationis: tu tamen o desiderium animæ ejus, tu tibi facis in eo fenestras rectas, per quas in directum eam aspicias; & cancellos obliquos, per quos quasi ex obliquo ei prospicias. Fenestræ autem rectæ ipsæ sunt iustitiæ tuæ rectæ, recta corda lætificantes: cancelli obliqui, adinventiones bonitatis & misericordiæ tuæ, ex immerito & insperato quasi ex obliquo venientes. Per fenestras bona Sponsæ approbandō aspicias; per cancellos ei, in quibus misericordia indiget, miserandō prospicias. Sicque tu prior videns eam facis videntē te: & stans illi stabilem facis tibi: donec miseratis & amatis mutua appropinquatio soluat omnino inimicitias peccati, medium maceræ diuidentis: & fiat mutua visio, mutuus amplexus, mutuum gaudium, vnus spiritus. Interim etiam aliquando non in se, sed in te Domino Deo tuo

*Cant. 2. 9.*

*Exod. 33.*

*Psal. 17.*

*Abac. 2.*

*Per fenestras & cancellos prospicere quid sit.*

transgrediens murum, admittitur ad lucidius aliquid intelligendum, ad perfectius cognoscendum, ad dulcius amandum: non solum ut experiatur apud te fontem vitæ, & in lumine tuo lumen: sed ut etiam permittatur aliquantisper stare ad fruendum, tam efficaci sensu, tam valido affectu, tam manifesto intellectu, ut, sicut jam supra dictum est, à perfectione plenæ visionis, solo sibi distare videatur interstitio humanæ mortalitatis. Hoc est, quod dicit. *En ipse stat post parietem nostrum.* Ipse, inquit, ipse est: cui

*Exod. 33.* Moyses dicebat. *Ostende mihi teipsum.* Et

*Psal. 101.* Psalmista. *Tu autem idem ipse es.* Primò nempe visus est ei, non ipse, sed iste saliens in montibus, transiliens colles: nunc autem ipse stans. Magna distantia inter istum & ipsum. Iste exterius quasi digito demonstratur: ipso in semetipsa Sponsa gloriatur ac fruitur. Iste, in saltuum siue transaltuum nutu: ipse in bonæ mētis statu. *En* etiam conjunctio propinquius aliquid designat, quàm, *ecce.* Ecce enim demonstrat quicquid sensibus præsto est, quantumvis longè sit: *en* verò, quod præ manibus, siue in manibus habetur. *Post parietem nostrum.* Meus, ait Sponsa, fuerat paries iste mortalitatis, communis conditione peccati, & corruptione & passione naturæ: sed appropinquans mihi Sponsus suum etiam cum effecit, dignatione gratiæ, & compassione bonitatis suæ. Nostrum ergo, ait, parietem, in quo misericordia & veritas obuiauerunt sibi: cum post primi hominis peccatum veritas & veritatis seueritas parietem ipsum communis mortalitatis contexuerit mihi: tempore autem miserendi misericordia ipsum contexuerit sibi. In quo, sicut supra dictum est, fenestræ sunt & cancelli: fenestræ directæ justi Domini & iustitias diligentis; cancelli obliqui peccatori multum diligenti multum dimittentis. Appropinquans etiam Sponsus Sponsæ per fenestras respicit, & prospicit per cancellos: cum prope factus inuocanti se in veritate, & in eis quæ diuinitatis suæ sunt, & in eis quæ humanitatis, eā sibi afficit: cum in semetipso suo singula modo contemplanda ei exhibens, de utroque solemniter pascit affectum amantis. Sed & animæ Deum quærenti fenestra est, qua Deum contempletur oculus rationis, per quem illuminante gratiā spiritualia siue diuina speculatur: ad hoc principaliter factus in homine, ut per eum Deus videatur ab homine. Et sicut illuminante lumine solis hujus oculus corporis ubi liberum habet ab omni obstaculo intuitum, & puri transitum aëris, quocumque intendit, tandiu videndo procedit, donec ipse in semetipso visus ex propria infirmitate deficiat: sic agente & illuminante gratia in directum diuinæ contemplationis tendens ratio, nisi aliunde contrahat nebras erroris, in simplicitate & puritate diuinæ substantiæ nil aliquando patitur contradictionis: donec oppressa à seipsa in semetipsa lassescat & succumbat. Fenestræ autem sunt, per quas Sponsa Sponsum speculatur, pietas, charitas, sapientia, quæ cultus Dei dicuntur: per quas cum contemplando de gaudio Sponsi, spirituale siue diuinum aliquid concipit, tunc eam videt Sponsus, hoc est videntem facit. In temporali verò dispensatione Mediatoris: cancellus est, quo Sponsa contemplatur, fides temporalium, qua in æterna erigitur: in qua obliquari necesse est intuitu Deum contemplantis, cum in vna Chri-

*Paries Christo & Sponsa communis.*

*Fenestra animæ Deum quærentis.*

*Fenestra per quas Sponsa Sponsum in tuetur, quæ.*

sti persona & sacramentum indubitanter miratur geminæ naturæ: & vtramque in Mediatore adorat in vnitatem personæ. In quo in partem quidem assumptæ humilitatis ad Deum tendens plurimum sibi videtur obliquari ratio humana, donec fidem illuminante gratiā, incipit non tantum credi, sed & intelligi Deus, qui homo est; & homo, qui Deus; & tunc in vno jucundissime pasci incipit mens contemplatiua. Tunc intelligenti spiritus loquitur mysteria, & verbum Dei loquitur semetipsum, & velociter sermo ejus currit in affectum: cum in eo cui loquitur, sunt efficaciter, quæ intelligibiliter audiuntur. Surgitur enim & properatur: & fit quicquid sermo sequens, ut fiat, siue præcipere, siue docere videtur. Sequitur enim.

*EN DILECTVS meus loquitur mihi? Surge pro-* *Cant. 2. 10.*  
*pera amica mea: columba mea formosa mea & ve-*

*ni.* Vocat amicam, cum amicam eam sibi facit: omnia ei nota faciens quæcumque audiuit à Patre suo. Columbam dicit, cum suam eam efficit, hoc est capacem Spiritus sancti, qualis apparuit in baptismo super Dominum: quam hortatur assumere sibi pennas spiritualium intellectuum, & fugere in solitudinem cordis, & simplicis conscientie secretum. Formosam suam denominat: quam secundum antiquæ conditionis dignitatem imagini & similitudini suæ reformat. Iubet eam non solum surgere & venire, sed & properare: hoc est, non solum amare, sed & vehementer amare. Iubet eam surgere à terrenis, cum terrenorum ei omnium fastidium inspirat: jubet venire, quam trahit; properare, quam compellit. Sic ergo, inquit Sponsa, *dilectus meus loquitur mihi*, hoc est verbum Dei fit in corde audientis & amantis: cum, sicut dictum est, auditus omnipotentis verbi jam affectus est in id quod auditur. Auditur autem per sensus corporis, sicut ex intuitu lectionis, & auditu doctrinæ: aliquando per gratiam aspirationis internæ, euocans audientem à carne ad spiritum, à sensibus ad interiorum intellectum, ut non sit in carne, sed in spiritu. Hoc agit, cum dicit, *surge*: excutit torporem, cum dicit, *propera*: allicit amorem, cum dicit, *amica mea*: ponit gratiam, cum dicit, *columba mea*: componit vitā & mores, cum dicit, *formosa mea*. Deinde, *hiems*, inquit, *transiit, imber abiit & recessit*: cum pertransire facit hiemem perturbationum, & vitiorum dissipat procellas, in hoc ipsum nos efficiens Deus. Primò siquidem hortatur ut surgat; deinde obediens, ne deficiat metu tentationum, abiisse dicit hiemem & pluvias; cum mitigato turbine vitiorum, quasi sponte se offert sanctarum virtutum grata temperies. Et cui latenti & pauidæ hætenus in hieme tentationum & procellis vitiorum, sufficiebat tutam ipsam in semetipsa comorari, nulla ei cura, nulla ei sollicitudo, nisi in semetipsa; nullus extra se processus, nulli in diuinis literis flores, nusquam spiritualium gratia gaudiorum, siue fructus spiritus, quod significatur in odore & floribus vinearum, & grossis ficuū: recessus nullus in profundiora secretioris sapientiæ, quod significatur in turture, quæ in remotis à multitudine locis, hoc est inter perfectos loquitur mysteria; jam audit.

*Quot modis audiat dilectus, seu Verbum Dei.*

*Surge propera amica mea, columba mea, formosa mea, & veni. Jam enim hiems transiit, imber abiit & recessit: flores apparuerunt, in terra nostra, tempus putationis adest: vox turturis audita est in* *Cant. 2. 12.*  
*12. 13.*

terra nostra; sicut protulit grossos suos, vinea florentes odorem dederunt. Deinde iteratis familiaris gratiae nominibus, iteratò surgere iubetur, & properare, & venire: cum primò præueniente gratia, deinde etiam rationis & liberi arbitrij subsequente iudicio suscitatur, & testimonium perhibente sibi conscientia, quod sumus filij Dei, dulcius ac familiarius se commendat bonitas suscitantis. Hoc est quod sequitur.

Sponsa per gratiam, subsequente libero arbitrio, suscitatur.

Cant. 2. 13.  
14.

SYRGE PROPERA amica mea, speciosa mea, & veni; columba mea, in foraminibus petrae; in cavernis maceriae. Fitque quod dicitur: exquiratur Sponsa, quod Sponsus hortatur. Recedente hieme datur tranquillitas, apparente Sponso exultat Sponsa. Libet progredi, & lationa promittentis quocumque ierit sequi vestigia: extra domum, extra civitatem, hoc est extra naturam humanæ conditionis, extra communis consuetudinem conversationis: in occultis filij, quæ sunt foramina petrae; in secretis legis, quæ sunt cavernæ maceriae. Non enim vndiq; clausa est petra Christus, sed habet foramina quibus reuelatur Deus: & maceria legis, qua duo à se populi disparantur, penetrabiles habet cavernas in verbo Dei, quod penetrabilius est omni gladio ancipiti, quibus diversa sibi & adversa conciliantur. Vbi etiam tempus probationis est; quia nascentibus ijs quæ vtilia sunt, solent plerumque internalci inutelia & noxia, nisi cautius præcitantur. Sequitur. OSTENDE MIHI FACIEM TUAM: sicut vox tua in auribus meis. Vox enim tua dulcis, & faciem tuam decora. Solet in foraminibus petrae nidificare columba, & in cavernis maceriae; & inde ostendere faciem suam; & auditam facere vocem suam: faciem gratam & vocem gemebundam. Quidnam hoc est, nisi solidata in Christo & in fide ejus, fructus spiritus faciens conscientia, gratam ad Deum habens vocem confessionis, & in spe futurorum gemitum dilationis? Hanc faciem Sponsa ostendit Sponso desideranti; cum in lumine vultus ejus sancta conscientia amat apparere suo creatori. Hæc vox Sponsæ in auribus Sponsi dulcis est: cum sic ad eam peruenit, quomodo ab ea proficiatur, videlicet sicut eam amor exprimit.

Ibid. v. 14.

Quid significet vox intus.

REDEAMVS paululum ad superiora; & seriem rei secundum ordinem gestorum, & rationem verborum recensamus. Sedebat Sponsa penes semetipsam, expectans reditum Sponsi, pignus habens spiritus maturè eum rediturum, orans, plorans, desiderans ut rediret. Et subito videtur sibi primò audire, quod non videt, & sentire sensu interiore, quod non intelligit, præsentiam divinitatis, & dicit. Vox dilecti mei. Hilarescunt sensus omnes animæ fidelis, & gestit in occursum: cum paululum progressa videt eum venientem ad se saliendo, idest properando; transilientem autem eos, qui modicæ fidei sunt, nec sufficiunt suscipere aduentum properantis, vel superficientem omnem intellectum, & transilientem omnem rationem. Et videns eum venientem ad se, ad suscipiendum eum recolligit semetipsam in se: sentiens appropinquantem & stantem post parietem. Vidensque eum aspicientem per fenestras, prospicientem per cancellos, & semetipsam offerentem desideranti, incipit ipsa experientiâ intelligere mysteria divini amoris, scilicet idcirco sapiens eum à se recedere, ut ardentius quæzatur; idcirco reddere se aliquando amanti, ne vehementiore tristitia absorbeat.

Cumque ad vocem vobantis & hortantis surgit ad videndum, properat ad tenendum, repente disparet qui apparuit: & cum eo omnis illa spiritalis ac divina amicitia vinearum & florum. Recedentem quippe authorem suavitatis sequitur omnis suavitas sua, omnesque deliciae suæ; lætitia florum, odor vinearum, opulentia fructuum. Recedit ab amicâ fiducia amicitia; à columba decor faciei, & dulcedo vocis: à formosa gratia conformitatis diuinæ. Relinquitur amicæ solitudo sua, columbæ gemitus suus; formosæ habitus priuatus; clauduntur foramina petrae, & obstruuntur cavernæ maceriae, non recipientes columbam non habentem cor. Insuper irruunt in vineas florentes vulpes parvulæ; hoc est, lædunt mentes bene affectas suggestiunculae inimici subtiliores: siue parvas demoluntur vineas fraudulentæ scandalorum immisiones. Vtrūque enim habet quod sequitur: vel, CAPITE NOBIS vulpes parvas, quæ demoluntur vineas; vel, capite nobis vulpes, parvas quæ demoluntur vinem. Parvas quippe vineas vulpes demoluntur, quas vineæ profectiones non timent. Non enim scandalizantur nisi pusilli, de quibus Dominus dicit.

Qui scandalizaverit unum de pusillis istis. Capite, Matth. 18.

inquit, nobis vulpes. Vulpes has sibi capit, quicunque discretionem spirituum habens, peccati subrepentis fraudulentiam citò deprehendit, & subijcit sibi appetitum ejus. Sapiens tamen sponsa rogat eas capi sibi, hoc est ad utilitatem suam à Doctoribus sanctis, siue à sanctis Angelis custodibus suis: nequaquam à proprio sensu, siue à propria virtute, semetipsam satis in hoc credens sibi, ut sufficiat eas capere sibi. In hoc enim qui tentantur manifesti sunt, quis ad probandum, quis ad reprobandum tentetur: quod alter eorum in tentationibus suis semetipsum nulli minus credit, quam sibi: alter vero nulli credit semetipsum, nisi sibi. Ipsi autem Sponsæ vulpes capiuntur: quia ipsius maxime proficit saluti, quod intemerata Sponso vinea sua conservatur. Nam, inquit, vinea nostra floruit. Non penitus deserta est, cuius adhuc vinea in flore, hoc est mens in spe est. Non enim evulsæ quæ Sponsa est, aliquando deseritur à Sponso, ut deserat deserentem: præsentem fruens humiliter, & absentem sustinens patienter. Ipsa enim est vinea Domini sabaoth: de qua dicit Dominus ad Prophetam. Fodi eam mihi, & dixi ei. Dies multos expectabis me; non fornicaberis, & non eris viro; sed & ego expectabo te. Propter quod ipsa sponsa, quæ & vinea, sequitur & dicit.

Ose. 3.

DILEXIT ME mihi, & ego illi: qui pascitur inter lilia, donec aspiet dies, & inclinentur umbra. Felix mens, & beata conscientia, & verè sponsa sponsi, cuius desertæ vox hæc est, cuius delictum inferiorum est iustitia: cuius defectus filiarum sponsæ perfectio est. Beatus, enim, cuius Dominus Deus ejus est, & ipse totus ejus, in quo gratia Dei, quomodocumque aliquando afficiat conscientiam; jam instauravit naturam. Aliud namque est bonæ mentis status: aliud affectus. Aliud est, operante gratia stabiliter innouatæ in Deo naturæ bona compositio: aliud, eadem gratia afficiente bonæ ipsius compositionis ad tempus, ad horam, in Deum assumptio. Illud est sponsæ factæ; hoc autem est perfectæ. Dilectus meus, ait, mihi, & ego illi. Alij, inquit, alijs; dilectus meus mihi. Aliæ alijs; ego soli. Non est prostituta alienis amoribus conscientia vox hæc: nō

Cant. 2. 16.

Psal. 123.

Bona mentis status & affectus.



est fidei trepidantis, & dubij amoris ista professio; turbata conscientia, intentionis hesitantis. Semper inquam felix mens, & beata conscientia, cui in expectatione tardantis Sponsi, & prolongatione incolatus vite hujus, hæc consolatio est: in æstu malitiæ sæcularis, hujus conscientia spei est, umbra refugij, solamen doloris, leuamen laboris, incentivum amoris, dilatatio cordis in pressuris vite hujus: & de futuro certitudo fidei & expectationis. Ipse est qui dicit. *In omni-*

1. Cor. 4. *bus tribulationem patimur, sed non angustiamur.*

*Aporiamur, sed non destituimur; persecutionem*

*Status bonæ* *patimur: sed non derelinquimur. Deijcitur, sed*

*mentis pie-* *non perimus, & cætera. Status iste bonæ mentis*

*est est.* *pietas est, quæ secundum Iob cultus Dei est: se-*

*Iob 28.* *condum Apostolum, utilis ad omnia, & promif-*

1. Tim. 4. *sionem habens vite, quæ nunc est, & futura: forma*

*fidei & virtutis, spiritualium capax gratiarum:*

*idonea sacris affectionibus, proxima semper di-*

*uinis intellectibus. In hoc statu constitutis dicit*

Philip. 4. *Apostolus. Sic state in Domino, Carissimi. Et ite-*

*Ibid. c. 3.* *rum. Verumtamen ad quod pervenimus, ut in eo*

*permaneamus. Hic tamen flores adhuc sunt vine-*

*arum florentis; spes fructus, non fructus ipse. Sed*

*hic jam ascendentes à conualle lacrymarum,*

*à regione cælestis beatitudinis, spirare incipit*

*aura veritatis, & odor suavior vnguentorum*

*Sponsi, proficienti animæ, Sponsæ amanti, de*

*diuini mysterio amoris primitias spiritus affe-*

*rens largiores, dulciores affectus, experientias*

*certiores: quæ quò crebriores fiunt & dulciores,*

*ed purioris vite mirificant charitatem ipsa jam*

*præmia puritatis. Compositæ siquidem vite ha-*

*bitus & status bonæ mentis sic inest animæ, sicut*

*sano corpori sanitas sua: hæc autem omnia sic*

*sunt bonæ menti, sicut sano corpori actus sani-*

*tatis ad vsum necessitatis, siue ad libitum volu-*

*ntatis. Sicut enim sanitas corporis quodammodo*

*semetipsam nescit, nec magni sibi est ante ne-*

*cessitatis vsum seu voluntatis: sic sanitas illa ani-*

*mæ semetipsam nescit, nec magni sibi est in flo-*

*re spei, ante fructus spiritus. Habitatio ergo pa-*

*rata requirit habitorem: lectus vacuus com-*

*parem amoris, fides sustinens gaudium fruents.*

Cantic. 2. *Hoc est quod dicit. Dilectus meus mihi, & ego*

*illi. Ipse, ait, mihi, in hoc ipsum me efficiens*

*Deus; ego illi, in hoc ipsum effecta. Ipse mihi,*

*gratiâ prærogando: ego largitori, non ingrata.*

*Ipse mihi fidem dando: ego illi seruando. Et*

*Sponsus quidem in Sponsa etiam nesciente, eo*

*pascitur, quo illa cruciatur: cum illa citra am-*

*plexum & osculum, citra mutæ conjunctionis*

*suauitatem, non recipiat consolationem. Vnde*

*sequitur & dicit. Qui pascit inter lilia. Lili-*

*um flos est inter flores pulcherrimus, sed sterilis.*

*Recto autem ac virente calamo à terra in altio-*

*ra se subrigens, candidi exterius, interius verò*

*ignei coloris est: gratum admodum ad vsum,*

*suave ad odoratum, naturalem habens virtutem*

*dura emolliendi. Videas autem lili-um ante solis*

*ortum à facie frigoris nocturni & tenebrarum*

*noctis, quasi refugiens & delitescens intra se-*

*metipsum, teneras delicias suas clausas penes se*

*continere: mox autem ut solis orientis serenior*

*ei facies illuxerit, quasi arridendo totum ei se-*

*metipsum aperire, & omnem gloriam suam suo*

*reconferre auctori. Ipse est bonæ mentis sta-*

*tus ex gratia creante sterilis adhuc ab intelligē-*

*tia & sapientiæ fructibus: quos expectat ex gra-*

*tia illuminante. Ipsa est directæ in Deum volu-*

tatis & intentionis conscientia, apud homines castitatis & exteriorum fidei operum præferens candorem, ad Deum jugis desiderij interiorum fragrantiam, Christi bonum odorem circumferens in omni loco, in tribulationibus & pressuris, virtutem habens patientiæ ad emolliendam omnem duritiam humanæ malitiæ, cuncta bona sua habens in occulto gratiæ creantis & donantis; donec educatur quasi lumen iustitiæ ejus, & iudicium ejus tamquam merities in manifestatione gratiæ illuminantis. In verbo autem quod est, *pascit*, duo intelliguntur: & qui pascit alterum, & ipse qui pascitur. Inter huiusmodi ergo lilia pascit, hoc est pascitur Sponsus, cum in mœsta sterilis lilij conscientia solemniter eum delectat Sponsæ voluntas fecunda; pascit etiam Sponsam ignorantem, cum in ea dilatione ipsa sui suum nutrit amorem. Quamvis scit quidem Sponsa, quid in ea agatur, quid in ea agat Sponsus, quamdiu inuicem sunt sibi: sed non sentit, quamdiu inuicem non adsunt sibi. Sunt enim sibi fide, adsunt amore; vel amore sibi sunt, affectu adsunt. Et bene quidem se res habet, quâdiu sunt sibi: optimè verò, cum adsunt sibi. Hoc est, quod sequitur. *Donec aspiret dies, & inclin-*

*tur umbra. Cum enim aspirabit dies, & inclina-*

*buntur umbræ, tunc jam Sponsus & Sponsa nō*

*tam erunt sibi mutuo ad consentiendum, quàm*

*aderunt ad fruendum: nec in sterili amœnitate*

*liliorum pascet Sponsus, sed in plena vbertate*

*fructuum spiritus. Cum enim per aspirationem*

*sancti Spiritus etiam in hac vita nox nostra sicut*

*dies illuminabitur ad horam, ad tempus; & sæ-*

*cularium umbræ vanitatis inclinabuntur, ce-*

*dentibus lumini veritatis: seu magis in occasu vite*

*hujus, quæ nox est, & non lux, & susceptione*

*matutina alterius vite, seu potissimum in matu-*

*tino æternitatis, in die generalis resurrectionis:*

*tunc Sponsus & Sponsa incipient sibi non esse*

*per fidem, sed adesse per speciem, facie ad faciē:*

*nec pascet Sponsus Sponsam instar sterilium li-*

*liorum in flore spei, sed in fructu rei. Et tunc*

*omnes omnino umbræ vanitatis sæculi hujus*

*inclinabuntur: hoc est ab æstimationis suæ ita-*

*tu deicientur. Tunc, sicut olim noua gratiæ sa-*

*cramenta finem imposuerunt veteribus sacramē-*

*tis: res ipsa sacramentorum omnium finem im-*

*ponet omnibus omnino sacramentis. In sacra-*

*mentis quippe noui testamenti cœpit aspirare*

*nouæ gratiæ dies: in illo verò omnis consump-*

*tionis fine erit merities; ubi non erit speculum*

*& ænigma, & ex parte, sed visio faciei ad faciē,*

*& summi boni plenitudo: cum quò solebat am-*

*bire ratio, figetur intellectus: quò amor estuare,*

*fruetur affectus; non intellectus rationis, sed*

*illuminati amoris; non affectus ab affecto vt-*

*cumque confectus, sed diuino modo à Deo ef-*

*fectus, sicut Apostolus dicit. Qui nos efficit in*

*hoc ipsum Deum. Homini enim conglorificati*

*Deo omnes animæ vires, virtutes, voluntates,*

*intentiones, affectiones, per virtutem resurre-*

*ctionis liberatæ à seruitute corruptionis, & sub-*

*jectione vanitatis, incommutabiliter stabilien-*

*tur ad plenè videndum quod sensim credebatur;*

*ad certissimè habendum quod trepidè speraba-*

*rur: ad solidè fruendum, quod fide amabatur.*

*Hæc enim dies vite hujus aspirans mutabilis est,*

*nec continuum habet gaudium luminis sui: sed*

*horas habet suas, vicissitudines gratiæ illuces-*

*centis accedendi ad Deum, ad illuminandum.*

Dies

*Pascit & pascitur spō su.*

*Post hanc vitam pascitur sponsa, non in flora spei, sed in fructu rei*

*Sponsus in Sponsa etiam nesciente pascitur.*

*Cantic. 2. Lily descriptio spiritualiter adaptata.*

*Dies celi  
qualis.*

*Rom. 8.*

*Ioann. 8.*

*Filij lucis  
Deo gratias  
agunt.*

*Lux Dei  
Seculi gene-  
rat amari-  
tudinem.*

Dies autem cœli, dies æternitatis, dies super dies, ab omnibus omnino umbris sæculi huius feriat: totus vacat lumini suo, gaudio suo, sine desiderio plus volendi, sine metu perdendi, sine dolore perdit. Interim verò expectatio creaturæ reuelationem filiorum Dei expectans, ingemiscit & parturit vsque adhuc: & ipsi primitias spiritus habentes intra semetipsos gemunt, adoptionem filiorum Dei expectantes, redemptionem corporis sui. Conserua eas habentibus, largire non habentibus, ô Sponse charitatis & castitatis: vt Sponsa tua, quæcumque illa est, fidelis anima languens post te, & deficiens in se, deficiens in salutare tuum, sed non à salutare tuo, prælibet hic interim horas aliquas diei tuæ: donec accipiat diem plenum, quæ in hoc sæculo exultat sicut fidelis Abraham, vt videat diem tuum: videat & gaudeat, & gaudium ejus nemo tollat ab ea. De profundis noctis caliginis vitæ huius sperantibus in te, suspirantibus & aspirantibus ad te, aspira, ô dies dierum, dies virtutis, dies super dies, dies qui es, & non deficiis; & mutans intra te omnia, non mutaris. Iam ab aliquanto lumine tuo quod aspirasti nobis, ô sol justitiæ, radijs tuis manifestissimæ veritatis tuæ, aliquatenus umbræ istæ mortis, umbræ vanitatis sæculi huius inclinantur nobis, & manifesta fit nobis vanitas vanitatum, & vanitatem esse omnia, manifestum & luce clarius fit nobis: & vtinam in semetipsa sic eluceret nobis tua veritas, sicut in lumine ejus apparet nobis ista vanitas. Prudenter enim aduertentibus, & de lumine veritatis tuæ ista æstimantibus, ipsa ex inseparabili indigentia sua, & insita miseria, & indeficiente defectu, vana se produnt esse & contemptibilia. Propter quod gratias tibi agunt omnes filij lucis tuæ, & quicumque non sunt rebelles luminis tui, quibus jam catenus illuxisti, vt in te jam hæc omnia eis innotescant, nec decipiant, licet illiciant eos aliquando adhuc & impediant: cum jam non ex affectu amentur, licet aliquando ex necessitate curentur. Nam & si memoria sæculi nonnumquam subrepat in mentem, seu venit in cogitationem cum aliqua delectatione, statim obuiat voluntas, cui vigilante in memoria ratione, & adiuuante sancto Spiritu humanam infirmitatem, continuò aspirante lumine tuo inclinantur umbræ illæ: ex contemplatione illius vanitatis, & conceptione tuæ veritatis voluntate conuersa in amorem tuum, intantum, vt jam extra te non recipiat aliquam delectationem. Statimque lux tua, ô dies dierum, memoriæ sæculi incurrit horrorem sui: & pro secularis delectationis vana dulcedine, veram & amarissimam aspergit amaritudinem. Ex quo, ô charitas castæ generationis, & sanctorum sponse animarum, Sponsa tua ad te semper deuotam habens voluntatem, aliquando quidem in desiderio cruciante, aliquando verò in amore fruente, jugis gaudij stabilitatem in te de te obtinere non potest in tempore vicissitudinis huius, quæ etsi ex responso bonæ conscientie desiderij tui jugiter habet in bonæ voluntatis statu, non tamen in affectu. Cum enim secundum sapientiæ tuæ rationem, & libitum beneplaciti tui, & iudicium justitiæ tuæ, vadis & venis: nonnumquam sicut cerua gratissima & gratissimus hinnulus permittis te fide apprehendi; sæpe etiam dignaris meditatione teneri: aliquando etiam amore demulceri. Sed cum vehementius teneris, & de-

lectabilius haberis, repente elaberis: & currentis post te amoris anxia lassitudine & fatigatione delectaris, dum plorat & clamat post te, dicens.

REVERTERE, *similis esto caprea hinnuloque; ceruorum super montes Bethel.* Quasi dicat. Si quādiu tempus & tempus est, non mihi concedis, vt habeam te jugiter ad fruendum, saltem esto velocior ad redeundum: sicut velox es ad abeundum & me deferendum. Sit vicissitudo frequentior, fuga tardior, celerior reditus, presentia familiarior ac diuturnior. Magni mihi est vel momentanea presentia, vel modica copia tui, in visu tui, intellectus mei quantulacūque licentia; susurrium aliquod vocis tuæ, gustus vel inodius suauitatis tuæ, odor vnguentorum tuorum, aliqua dignatio osculi tui, & amplexuum tuorum. Hæc enim mihi sunt pignus spiritus, arrha beatitudinis æternæ, firmamentum fidei, spei robor, incentivum amoris. *Reuertere* ergo, inquit, reuertere. Reuertere, quamvis statim reiturus: il-lapsus lætifica, elapsus mœstifica. Bonum mihi est, quicquid abs te mihi est, quoniam bonus bene omnia facis: & siue abeas, siue redeas, jugiter me consolatur iste affectus, quoscumque à te patiar defectus. Etenim, sicut jam supra diximus, vt ex vsu carnalis amoris circa spirituale amorem, & affectum Sponsi & Sponsæ, aliquē sentiamus experientiæ sensum, videtur sæpe Sponsus Sponsæ quasi lasciuiente amore illudere, & crebro subducere se vehementer amanti, rursusque reddere desideranti; egredi aliquando & abire tamquam non rediturus, vt ardentius requiratur: regredi aliquando & intrare ad illam quasi perpetuò mansurus, quo dulcius ad oscula inuitetur: aliquando stare post parietem, & aspicere per fenestras, vt ad excitandum desiderium amanti videatur blandiens, sed non totus: audiatur vocans seu inuitans, sed remotus. Deinde verò quasi igne succenso in corde amantis, abit prorsus ac recedit: vt nec videatur, nec audiatur, nec sentiat. Sponsa verò cum tenere non potest abeuntem: saltem aliquando eum redire postulat ac dicit. *Reuertere dilecte mi, similis esto caprea hinnuloque ceruorum super montes Bethel.* Beata Sponsæ conscientia hoc nomine crebrius Sponsum inuocantis, *Dilecte mi.* Hoc enim est, quod ille dicebat. *Tu scis Domine, Ioann. 21: quia amo te.* Cum enim dilecti nomine vocat dilecta dilectum, nomen dilecti amorem vocatis & ostendit & excitat, commendatque vocatē, & attrahit, quem vocat conscientia, & pietas diligentis. Fœlix & beneauspicata oratio ad Deum, quæ in Spiritu sancto hoc nomine inuocat quem orat: beata anima cujus orationem fiducia conscientie huius comendat. Quid enim non speret, qui sic orat? Orat reuertere, quæ habet: quæ, quem amat, habet. Hinc scriptum est. *Prope est Dominus, omnibus inuocantibus eum in veritate. Psal. 144.* Veritas enim inuocandi in affectu amantis: certum fit argumentum in conscientia inuocantis, presentissimæ presentie ejus qui dixit. *Ego sum veritas.* Reuertere ergo, ait, *dilecte mi.* Siquidē abeunte te, omnia turbantur: auertente te faciem tuam, sanctæ affectiones ruunt in defectus: fit amaritudo in conscientia, & irrationabilis tristitia; in conuersatione fratrum plena omnia scandalis; in solitudine tumultus mentis: fugit lux interior; inuoluunt tenebræ conculcantes: languet fides, spes palpitat, charitas lassescit; fit

*Cant. 4. . . .*

*Bonum est  
sponse, quid  
quid à spon-  
so est.*

*Ioann. 21.*

*Psal. 144.*

*Ioann. 14.*

*Abeunte  
sponso om-  
nia turbantur.*

animus ebrius, nec compos sui; corpus oneri mē-  
ti, mens corpori; nutat oratio, sordet lectio,  
squallet meditatio: fit omnimoda sterilitas men-  
tis à duritia cordis: & pugnat contra miserum  
& insensatum orbis terrarum. Reuertente autē  
te, seu conuertente te faciem tuam ad me, à læ-  
titia vultus tui, à suauitate sensus tui, serenā om-  
nia fiunt & tranquilla: fit sancta lætitia de san-  
cta conscientia, viger intellectus, feruet studiū,  
illuminatur affectus; mens in Deo hilarescit, sæ-  
culum vilescit, corpus seruit, accrescunt vires,  
roborantur virtutes, illuminatur fides, spes con-  
fortatur, charitas ordinatur. Fit frequens gau-  
dium in Spiritu sancto; cum fratribus conuersa-  
tio dulcis, dulcior cum Deo solitudo; mens sta-  
bilis, & sensuum spiritualium fœcunda; alacris  
oratio, utilis lectio, rationabilis meditatio: &  
studium spirituale ad omnia prosperatur. Fit  
seria actio, otiumque sanctificatur; nusquam  
scandalum, nusquam contradictio: humilitas in  
prosperis, fortitudo in aduersis: & quamdiu cu-  
stodis atrium tuum fortis armatus, in pace sunt  
omnia quæ possides. *Rememere ergo dilecte mi;  
similis esto caprea hinnuloq; cernuorum.* De caprea  
quid dicemus? Acutioris visus est. Nolo ergo,  
ait, abscondere me sicut Adam à facie omnia viden-  
tis, siue approbantis, siue arguentis: sed  
vultum tuum Domine requiro; faciem tuam ex-  
quirat facies mea. Dabis etiam mihi aciem oculo-  
rum interiorum meorum: ad intendendum  
tibi, & prouidendum mihi. Et sicut velox est ca-  
prea: dabis etiam mihi velocitatem spiritus ad  
intelligendum de te, sicut velociter currit sermo  
tuus. Quid de hinnulo ceruorum? Vis ei inest  
paternæ naturæ: vt fugiant eum serpentes, ve-  
nena non lædant. Sic filium Dei, quocumque se  
vertit, serpens ille antiquus fugit: & ad virtutē  
ejus omnem perdit vim suam, omne venenum.  
*Super montes Bethel, siue Bether.* Bethel interpre-  
tatur domus Dei: Bether domus confurgens, siue  
domus vigiliarum. Bethel ergo sunt, in qui-  
bus Deus familiariter inhabitat, simplices filij  
Dei, humiles & quieti, & tremantes sermones  
ejus: super quos Spiritus sanctus requiescit. Ipsa  
est domus confurgens, quæ semper nititur ad  
altiora: domus vigiliarum, in qua jugiter vigi-  
lant, qui pia ac sollicita expectatione expectant  
Sponsum Dominum, quando reuertatur à nu-  
ptijs. Orat ergo Sponsa Sponsum, vt sapius cō-  
uerfetur super domum Bethel, siue Bether: siue  
illuminando eam in contemplatione sui; siue  
subleuando eam in cōtemptu mundi, præ amo-  
re Dei: siue peruigiles ad eum mentes ad inte-  
riora & silentia bonæ conscientie gaudia, intro-  
ducendo in fruitione sui. Orat eum etiam cre-  
brius venire super montes, hoc est super altitu-  
dinem humanæ perfectionis: scilicet vt fluant  
montes à facie Domini, cum nihil se esse æstima-  
uerint quilibet magni homines in comparatio-  
ne Dei, & sine gratia ipsius. Cum ergo Sponsa  
Christi, fidelis anima aliquatenus aliquando  
admittitur ad contemplandum gaudium suum,  
sed stare non præualeat diutius ad fruendum; sed  
illud quicquid est, sicut illabatur nonnumquam  
inopinanti, sic repente elabatur tenenti; fit quod  
sequitur. *Similis esto caprea hinnuloque cernuorum.*  
Vbi quod dicit, *esto*, consensus est voluntatis  
humanæ bene affectæ cum voluntate Dei, cer-  
tissime credentis, quia siue dignatur desideran-  
tem inuisere, siue quasi recedendo videtur de-

serere; bonum est ipsi, cui hoc fit, quicquid ab  
optimo Deo fit. Et cum, quem delectabiliter te-  
nebat illapsum, continuò anxie requirit elapsū,  
fit quod sequitur.

**I**N LECTULO meo per noctem quasiui, quem dili- *Cant. 3. 1.*  
*git anima mea.* Vbi primò intuendum, quia

sicut recedente die nox est; & absente luce fru-  
stra oculi corporis in tenebris patent: sic Sponsæ  
ad contemplandū quod desiderat, sine adjuto-  
rio gratiæ illuminantis, frustra nititur intentio  
per vim rationis. Ideo dicit. *In lectulo meo per  
noctem quasiui, quem diligit anima mea.* Sed pri-  
mò videndum est, quid in hoc nobis, etiam jux-  
ta literam innuatur. Sponsa Sponsum requirēs,  
neque diem neque noctem potest habere feria-  
tam. Etenim etiam ad literam, ad spiritualis  
exercitij studia vigiliæ nocturnæ quantam ha-  
beant oportunitatem, quos fructus spiritus affe-  
rant vigilantibus ad reditum Sponsi, norūt ipsi  
vigilantes. Propriū quippe tempus hoc mentis  
est; & eorum quæ mentis sunt. Vacant sensus;  
nec per eos aliquid obstreperit. Fit primò secretū  
cubilis, deinde per somnum corporis quies: cum  
post diurnos labores & ærumnas vitæ hujus, si-  
cut sanctum Iob, meditantem de Deo consolatur  
lectus suus: cujus non est lectus sepultura  
mortui, vel diuersorium ebrietatis, sed spiritua-  
lium studiorum officina, & sacrarum locus vi-  
sionum: vbi libet somnare, quod libuit cogi-  
tare: & sæpe reuelatur dormienti, quod non  
potuit vigilianti. Deinde post ciborum & curarū  
& cogitationum hesternarum digestionem, red-  
dit sobrietas tam mentis quàm corporis. Tunc  
sicut jejunos stomachus cibos quos primò su-  
scipit, efficacius decoquit, suauius digerit, &  
vtilius coaptat naturæ: sic jejuna mens euigila-  
tis tenacius insidet & inhæret ei, quæ primò oc-  
currit, cogitationi; maxime in qua consentit.  
Propter quod euigilanti ei, quæ Sponsa est, post  
somnum sobrium, & qui tantummodo sufficiat  
naturæ, curandum summopere est, vt continuò  
quasi impolluta adhuc & virgo copuletur Spō-  
so, adhæreat Deo, & tota in quantum præualeat  
afficiatur: vt deinceps tota nocte, tota die sancta  
& immaculata permanens & corpore & spiritu  
diuidatur, sed tota sit ei cui se probauit; nec de-  
generis alicujus alterius affectionis recipiat cō-  
mixture. Altiori verò sensu Sponsa Sponsum,  
quem foris amisit, intus quærit: in cubili cordis,  
in secreto mentis, in conscientia. Foris enim  
quod ad rem attinet, actitur; Sponsus præci-  
pit, Sponsa obsequitur; intus autem quæ amo-  
ris sunt, secreta colloquia, occulta mysteria, tra-  
ctantur; sed quamdiu Sponsus adest. Absente  
enim Sponso perpetua ibi nox est, formidolosa  
solitudo; tædiolosa habitatio, quies nulla. Vbi  
cum semper sit indeficiente potentia: secreto ta-  
men consilio sapientiæ suæ non ibi jugiter est  
præsidente gratia. Etenim sicut Salomon dicit.  
*Tempus est amplectendi; & tempus longè fieri ab  
amplexu.* Propter quod subjungit dicens. *Quæ-  
siui illum, & non inueni.* Quem cum nō inuenit,  
tanto eum clamore vocat, quanto ad eum desi-  
derio anhelat: sed non respondet ille vocanti,  
quamdiu ad votum sui copiam non facit deside-  
ranti. Hoc autem agit in nocte, quam non piget  
in hoc crebrius pernoctare: quam à studio quæ-  
rendi tenebræ vitæ hujus & densa sæculi caligo,  
nox tentationum siue tribulationum, etsi ali-  
quando præpediūt, non possunt detertere. Bea-

Nox spiri-  
tualibus  
exercitijs  
apta.

Iob 7.

Euigilans  
homo mentē  
statim Deo  
copulet.

Absente  
Sponso per-  
petua nox  
est.

Eccle. 3.  
Cant. 3.

Luc. 11.

Genes. 3.

Psalms. 26.

Cernuum ser-  
pentes fugi-  
unt, & Chri-  
stum damo-  
na.

Precaetur  
sponsa, vt  
magni viri  
à facie Dei  
se annihilent.

*Iob 9.* atus homo qui veretur omnia opera sua, & semper est panidus: non sicut timida semper solet esse nequitia, sed sicut cæcitas & infirmitas humana semper sibi debet esse suspecta. Has enim amoris ærumnas circa Sponsum, tribulationes tardatis spei, gaudium habiti, timorem perdendi, dolorem perditionis, sola nouit quæ amat, & quæ Spôsa est. Optimè autem quærit eum in cubili, quæ semper ad hoc satagit, vt semper eum secum habeat in cubili, cubile cordis ei præparando: vt habeat eum in conscientia & meditatione; in intellectu & affectu, in obsequio pietatis cū testimonio deuotæ operationis. *Quasi* ergo, inquit, illum in lectulo meo, vbi familiarius & frequentius eum inuenire consueui: quæsiui vtrū ibi esset in veritate quærendi: vt proficiente ordine charitatis ipsa quoque cum illo adessem, in videndi gaudio & fruendi suauitate, qui semper prope esse solet omnibus inuocantibus se in veritate. *Quasi* illum, & non inueni. Quare? Forte quia nox erat, & intentione lassata paululum imminuta erat & quærenti lux, & feruor seu calor desideranti. Si enim quæsisset ex affectu, inuenisset eum in intellectu: & optimè illi fuisset in eius amplexu. Videtur autem magis congruere: vt sicut pro consolando tædio Sponsæ Spôsi fit ad eam accessio; sic & comprobando, siue ipsius desiderio etiam accedendo, eiusdem nonnumquam fiat abcessio. Desideria enim non sunt, quæ dilatione deficiunt. Vnde Spôsa quid in Sponsi egerit absentia, subdendo manifestat.

*Cant. 3. 2.* SVRGAM & circuibō civitatē: per vicos & plateas quæram quem diligit anima mea. Quænam est ista ciuitas, qui vici, quæ plateæ; in quibus Spôsus quærendus esse videtur, nec inuenitur? Nèpe ipsa est ciuitas, de qua psalmus dicit; *vidi iniquitatem & contradictionem in ciuitate: die ac nocte circumdabit eam super muros eius iniquitas; & labor in medio eius & iniustitia: & non defecit de plateis usura & dolus*: vbi homo vnanimis, qui simul cum ipso Sponso dulces capit cibos, ampliat super eum supplantationem: vbi caro concupiscit aduersus spiritum: siue proximus aduersus proximum. Quæ est hæc ciuitas? Sæculum. Quæ est hæc ciuitas? Vt cum dolore dicam, sæculum sæculare, Ecclesia in sæculo. Plus dicam, & dolens dicam: omnis Ordo, omnis habitus Religionis. Sæculum quidem quod sæculi est, si quæ sæculi sunt agit: vt patientius feramus, vt minùs de eo doleamus, vsus ac desperatio facit. Verùm in Ecclesia Dei viui, quæ, sicut Apostolus dicit, *columna est & firmamentum veritatis*, maximè in Ordinibus Religionum, quæ ætioris vitæ studia profitentur; quis non defleat vsque ad lacrymas sanguinis & cordis, periculosa illa tempora deuenisse, quæ in nouissimis diebus futura Apostolus præuidit, scilicet, *homines seipsos amantes, habentes quidem formam pietatis, virtutem autem eius abnegantes*? Hæc ciuitas jam totus mundus est: & sicubi videtur esse Ierusalem, licitè sibi eam, & absque vlla contradictione, & præsidia facit, & in plateas redigit Syria & Damascus. Quis enim hodie profitemis paupertatem Christi, non conetur, non satagit, opibus distento sinu, atq; refertis marisupijs, supergredi etiam diuites mundi? Maxima pars mundi possessio Religiosorum est. In eremis palatia extruuntur: in solitudinibus & speluncis aromaticæ cellæ fabricantur. Nemo veniens ad Religionem vlterius dignatur proprijs pedibus

*Cubile cordis conscientia & meditatio.*

*Cant. 3. 1.*

*Cur Sponsus interdum abscedat.*

*Galat. 5.*  
*Quanam sit ciuitas in qua Sponsus quæritur, nec inuenitur.*

*1. Timo. 3.*

*2. Timo. 3.*

*Aduersus opes & sumptuosam Religionis edificia, &c.*

vel parvissimum iter conficere: & cūm Christianos vel discipulos Christi se gaudeant nuncupari, non in hoc, vt aliquantulum mitius dicā, sufficienter imitantur exemplum, vel Christi, vel discipulorum Christi. Discit equitare, qui non nouit: qui nouit, erubescit dediscere. Quis etiā hodie angulus inuenitur, in quo non abundet delictum illud tam signanter notatum ab Apostolo, scilicet quod iudicia habemus inter nos? Et vtinam ipsa iudicia secundum nomen suum essent: vt videlicet iniusta non essent. Esto, non rapimus, non fraudamus: sed nec raptiores nec fraudantes pati possumus: non tempus redimere, vt quicquam perdamus; vt nostrum negotiū agentes, panem nostrum cum silentio manducemus. In concupiscentia sæculi obnoxij sumus hominibus sæculi: peccantibus adulantes, non ipsos, sed quæ ipsorum sunt, quæ rentes. Nonne istæ sunt latæ plateæ sæculi, quibus itur in mortem? Nonne isti sunt vici sæculi, varij quidem, sed tamen secundum sæculum modi viuendi? Si sanè saperemus, timeremus illud, quod dicit vn⁹ de nihil habentibus, & omnia possidentibus, vas electionis Apostolus Paulus. *Qui volunt, diuites fieri, incidunt in tentationes & laqueos diaboli, & desideria multa & nocua; quæ mergunt homines in interitum damnationis*. Etenim quacumq; occasione, sub quacumque specie subrepat avaritia; radix semper est omnium malorum: & quicumque appetunt eam, inferunt se doloribus multis. Sed tamen in tanta multitudine diuitum periclitantium & ridentium, inuenitur nonnumquam pauper spiritu homo Dei; cui quasi de tumultuantis perturbatione maris erepto, secumque in portu placidissimæ atque pacatissimæ charitatis seorsum constituto, dicat idem Apostolus. *Certa bonum certamen fidei; apprehende vitam æternam*. Quæcumque enim supradicta sunt, homo Dei quicumque ille est, fugit & effugit; laborem fortiter exercens, omnē verò sollicitudinem suam in Deum projiciens: cauens negligentiam, in Deo habens fiduciam, eique placendi firmam semper retinens concupiscentiam: bonam habens voluntatem omnibus concurrenti, sine vitio concupiscendi: cum labore siquid potest parando; siquid parauerit prudenter ac benignè dispensando: vbique affectum diligendi prouocans & appetens, appetitum placendi execrans & fugiens. Religio enim in qua avaritia dominatur, plateæ sunt in Ierusalem Syriæ & Damascus: & vici in quibus Sponsus non inuenitur.

PER VICOS & plateas quasi, (aliàs quæram) quem diligit anima mea. Quidnam hoc est? Nūquid Sponsus in publico est? Numquid in plateis & vicis? Sed amor impatiens vbique putat esse quærendum: nusquam cūm inueniri voluerit, non inueniendum. *Quem*, inquit, diligit anima mea. Cur non magis spiritus? Quia non prius quod spirituale, sed quod animale est: deinde quod spirituale. Per animam quæ viuificat, vita intelligitur: eo loquendi genere, quo per efficiens effectum intelligitur. Ejus ergo anima diligit & quærit Sponsum, cui viuere Christus est: in cuius vita Christus glorificatur; cui seruit quicquid in ipso est ac viuut: cui adhuc tantum viuere liber, vt ipsi seruiat totum quod viuut. *Quasi*, (aliàs quæram) ergo, ait, quæ diligit anima mea. Elapsum dolens quem tenebat, circuit omnia; omnē locum, omnē studiū, omnē hominum

1. Corin. 6.

Improbantur lites &amp; iudicia.

1. Timo. 6.

Ibidem

Ibidem

3. Reg. 20.

Amor ubique quærit dilectum,

*Ubi nam ve-  
stigium spō-  
si reperitur*

*Cant. 3. 3. 4.*

*Historicus  
sensus, & or-  
do dramatis  
præsentis.*

*Cant. 3. 2.*

genus, omnem viuendi modum. Nauseat ad omne pulchrum visu, saporum gustu, sonorum auditu, fragrans odoratu, blandiens tactu, concupiscibile ad habendū, delectabile ad fruendum. Facit instabilem amor stabilis, mobilem intentio immobilis, mutabilem affectus immutabilis. Libet quærere vbicumque inueniendus speratur: qui nonnumquam inueniri solet, etiā ubi non speratur. Inuenit autem aliquod Sponsi vestigium, vbicumque & in quocumque inuenit aliquod virtutis indicium, exēplum pietatis, speculum integritatis, religionis ardorem, & amorem puritatis. *Quem diligit anima mea.* Iterum & iterum, ac jugiter beata anima: cui ad Dominum Deum suum jugiter in conscientia, crebro est in lingua, *quem diligit anima mea.* Quæsiui illum & non inueni. Inuenerunt me vigilantes, qui custodiunt civitatem. Num quem diligit anima mea vidisti? Paululum cum pertransissem eos: inueni quem diligit anima mea. Paululum ad superiora redeamus; vt historicum sensum, & ordinem dramatis inspicimus. Iam quidem Sponsus ad Sponsam veniens, saliens in montibus & transiliens colles, aspiciens per fenestras, prospiciens per cancellos, ipsam in lectuli otioso negotio, siue negotioso otio feriantem, nec nisi quæ lectuli sunt agentem vel cogitantem, excitauerat semel & iterum, ac tertio, ad surgendum, ad properandum, ad veniendum: inuitauerat ad amoris sui occulciora mysteria, ad faciē plenioris visionis suæ, ad studium manifestioris cognitionis suæ, ad altiora præmia beatitudinis æternæ: deinde verò abiens, & in secretum se diuinitatis suæ recipiens, abscondensque ab ea desiderabilem illum vultum suum, in quem non solum Angeli in cœlis, sed & Angelicæ æmuli perfectionis homines in terris prospicere concupiscunt: posuerat tenebras latibulum suum. Delicatiùs quippe habitam, & in delicijs gratiæ enutritam, gratiæ Sponsi visitationes pigriorem effecerant, & remissam à spiritualibus exercitijs; solis orationibus deditam, & spiritualibus orijs ac meditationibus, nec alia curantem: propter quod nec vocata surrexit, nec properauit, nec venit: sed ipsum ad se crebriùs reuerti deprecatur, dicens. *Reuertere, similis esto capræ hinnuloque cernorum.* Et cum non reuertitur ad votum deprecantis, quasi à delicijs, à calore lectuli pedem tendere non valens, versat se à latere in latus, sine labore spiritualis exercitij cōfucta oscula & consuetos requirens amplexus; sine grauedine exterioris laboris jugiter inuenturam se ibi confidens gratiam consuetæ delectationis. Tardante verò Sponso sensit tandem surgendi sibi esse, commodiùs fore iudicans egredi ad imperium Sponsi, quàm solam in lectulo otij sui, non tam absente Sponso paulare, quàm pigritari. Denique otium sine ipso, magis sepulturam viuientis arbitratur, quàm requiem. Surgam ergo, inquit, & circuibo civitatem: per vicos & per plateas quæram, quem dilexit anima mea. Quod est dicere. Quæram oportunitatem exterius bonæ actionis, in auxilium internæ cōtemplationis. Quæram, inquit, quem dilexit anima mea. Veriora enim sic habent exēplaria. Quem, inquit, dilexit. Videtur enim sibi Sponsa jam quasi non diligere Sponsum: quamdiu diuinæ ejus bonitatis flamma ipsius non inflamat affectum: quamdiu memoriæ abundantie suauitatis illius nec sua afficitur memoria, nec

conformatur intellectus. Absente quippe ipso, repente disparent & fugiunt omnes consolationes Sponsæ: mens sterilis à pristinis fructibus redditur; amor sine affectu efficitur; cogitatio sine intellectu, & sine deuotionis est fructu. Surgam ergo, inquit, & ibo, quocumque me amoris, vel potiùs desiderij mei æstus rapuerit: sequar quocumque traxerit. Et cum interim indigna sim, quam solita gratia visitet Sponsus, quæram aliquos, quos in hoc ipsum efficit Deus: vt fruendo in Deo illis, vel sic fruatur Deo in illis. Ipsi enim aliquando inueniuntur in plateis, cum pro dolor non inueniuntur in cœnobijs: inueniuntur in vicis, cum non inueniuntur in eremis. Non quod non sint in cœnobijs frequentius, & familiarius in eremis; sed cum quæritur Deus, sicut nusquam inuenitur, nisi prior ipse inueniat se quærentem: sic nusquam non inuenitur, cum præuenerit quærentem.

INVENERUNT ME VIGILES, qui custodiunt civitatem. Vigiles intelliguntur siue administratorij spiritus missi propter eos qui hæreditatem capiunt salutis: siue Doctores sancti & prædicatores ad civitatem Ecclesiæ custodiendā ordinati singuli in custodijs suis. Sunt enim Angeli pauperum & pusillorum Dei, semper faciem Domini videntes; & ex judicio vultus illius tam quæ Sponsa est adjuvantes & protegentes: & secretis quibusdam suggerendi modis monita ei vtilia, & consilia salubria subministrantes. Hos ergo Sponso Sponsa se dicit interrogasse, sed non respondisse eos dicit: quoniam non semper ad omnia interrogata nostra præsto sunt responsa diuina; siue per occultas inspirationes, siue per Angelicam subministrationem, siue per hominem docentem: & maximè in tempore tentationis. Sunt enim etiam sancti Doctores Ecclesiæ, pastores vigilantes & custodientes vigilias noctis super gregem suum: per quos, siue per verba hic viuientium, siue per scripta jam cum Deo regnantium, sæpe de occultis nostris, de necessitatibus nostris, in tēpore prosperitatis & gratiæ illuminantis semper præsto nobis est responsum diuinum. Porro in tempore tribulationis, in diebus abductionis, fit cœlum æneum, & terra ferrea; non est Propheta vel Prophetia: nō est visio à Domino: periit sermo à Doctore, & consilium à sapiente. Isti siue verbo, siue scripto, siue exemplo, Sponsam quærentem inueniunt, sed non subueniunt: & sicut miseris accidere solet, & consiliatores ei fiunt multi, adjutor nullus: quia auertente Deo faciem suam omnia turbantur: verba non nisi verba, scripturæ non nisi literæ sunt. Nullus est, qui loquatur ad cor dolentis, cum multi ad aures strepant: nullus responderet interroganti, nullus manum dat erantanti. Inuenerunt me vigilantes qui custodiunt civitatem. Inuenerunt quærentem; quam gratia fecerat amantem. Sed neque hic eā inuenire potuissent: nisi à gratia præuenta fuisset. Sicut enim nullus potest sensus insinuari nisi sentienti, vt puta visus ei qui numquam vidit, auditus ei qui non audiuit, sicque de reliquis: sic etiam, imò multominus sensus interior gratiæ nisi ab ipsa gratia potest vel dari non habitus, vel restitui amissus. Prædicari potest ab habentibus non habentibus gaudium Domini, & commendari; consilium dari in quærendo; modus aliquis insinuari in recuperando: & etiam nonnumquam, si gratia comes fuerit, moueri voluntas, incuti deside-

*Quid sit spō-  
sum quære-  
re per vicos  
& plateas.*

*Cant. 3. 3.*

*Vigiles sunt  
Angeli, Do-  
ctores & Pa-  
stora.*


*Sensus gra-  
tia ab ipsa  
sola gratia  
datur.*



rum: illud verò gaudium nullius est, nisi cui ipsum se infundit: ad sublime illud nemo ascendit, nisi cui ipsum condescendit: bonum illud nemo sentit, nisi quem ipsum sibi conformat: vitā illā nemo viuit, nisi quem ipsa viuificat. Pertranseuntur ergo vigiles: qui sicut non potuerunt facere quarentem, sic nec perficere potuerunt inuenientem. Denique *charitas* diffunditur in cordibus nostris; non per hominem doctentem, sed per *Spiritum sanctum, qui datur nobis*. Et nullus est sermonis effectus vnde cumque venientis: vbi non operatur virtus gratiæ præuenientis. Ideo dicit eis. *Num quem dilexit anima mea vidistis?* Aliter, inquit, mihi sonat, aliter loquitur interioris son' dulcedinis animæ meæ: aliter exterior sermo prædicationis vestræ. Habet ejus quemquæro sensum quemdam dilectio mea, quem tametsi vos quoque habetis, non tamen exprimunt vel vestra, vel cuiuslibet alterius verba. Quamvis longè melius & dignius me scitis: per verba tamen vestra neque nos quod querimus inuenimus: neque vos quod desideratis attingitis. Denique multa nobis dicitis, & non perducitis: quia rem, sicut est, non innotescitis.

Multum quidem conferunt ex studiis ministratæ nobis lectionum consolationes, spiritualiūque meditationum occasiones: & etiam ex imitatione sancti desiderij vestri assidue orationes, cæteraque exercitia, *sive* spiritualia, *sive* corporalia: sed tamen pertranseundi estis in omnibus his, perueniendumque, vbi non legitur nisi in libro veritatis; vbi æterna sapientia datur pro meditatione, visio pro consolatione, facies ad faciem pro speculo & enigmate. Sed hoc longè ultra vos est: quoniam futuræ vitæ & æternæ beatitudinis status iste est, omnem excedens & transcendens infirmitatem. Paululum verò ultra vos est status quidem pietatis, in quo ad hæc degustanda Sponsus nonnumquam adiuuat Sponsæ suæ, quæcumque illa est, infirmitatem: vt, sicut aer ultra lunam, infra cælum, dicitur non habere pluias, grandines, & cætarum spiritus procellarum, sed serenum ibi perpetuum est: sic ex profectu bonæ voluntatis effectus status bonæ mentis, & ab inferioribus tenebris liberetur; & à superiori lumine vicinius illustratur.

Huc usque suam in Cantica expositionem perduxit B. Guillelmus, & imperfectā dimisit, vt Petro Abaelardo de fide malè sentienti & scribenti bellum indiceret, vt ipsemet in Epistola ad PP. Carthusienses, libro De vita solitaria, præfixa, monet: hanc autem postea non resumpsit, sed vitam S. Bernardi adhuc viuientis scribere adorsus, nec eam quidem potuit absoluerè, morte præuentus. Scripsit & in Cantica alterum opus, quod ex operibus B. Ambrosij contexit, vt idem ipse in prædicta ad PP. Carthusienses Epistola asserit. Illud autem inter opera B. Ambrosij nouissima editionis Antonio Demochari perperam ascriptum reperitur.





# EXPOSITIO

## DOMNI GUILLELMI,

### OLIM SANCTI THEODORICI ABBATIS,

#### postmodum Monachi Signiacensis.

#### IN EPISTOLAM AD ROMANOS.

#### PRAEFATIO.

*Expositio  
hac ex scrip-  
tis Augusti-  
ni & alio-  
rum Patrum  
contexta.*

**E**PISTOLAM Pauli ad Romanos multis & varijs & difficillimis quaestionibus inuolutam suscepimus, non ut exponamus, quod supra nos est: sed ut aliqua Sanctorum Patrum, & maxime B. Augustini, sensa in eam, vel scripta ex libris eorum & opusculis hinc inde collecta in vnum hoc opusculum compingentes, suppressis, quae in ea sunt quaestionum molestijs, vnam continuam, non nostram, sed ipsorum texamus explanationem: quae tanto debet gratior esse lectoribus, quanto ea non nouitatis, seu vanitatis praesumptio adinuenit; sed magnorum Doctorum magna commendat autoritas: praecipue, sicut dictum est, Beati Augustini, deinde verò Ambrosij, Origenis, & nonnullorum aliorum Doctorum: aliorum etiam magistrorum nostri temporis, de quibus certum habemus, non praeteriisse eos in aliquo terminos, quos posuerunt Patres nostri. Nemo ergo furti nos arguat, ipsi nos praedimus. Secundum Poeticam fabulam, auiculam nostram diuersarum plumis auium, & coloribus solemniter vestiuius: quae si venerint, & abstulerint singulae, quae recognouerint sua; nuda vel nulla remanebit nostra cornicula. Me autem ad hoc compulit contemplandae gratiae Dei iucunditas, & gloria ejus omnibus praedicanda: quam in tota Epistola hac constantissimus propugnator ejus Apostolus Apostolica autoritate & prudentia defendit contra Iudaeos: Sancti Patres ubique contra hereticos: nos autem ad plenae humilitatis affectum, & purae deuotionis effectum, nostrorum cordibus desideramus inscribi. Qui cum totos cultui se diuino deuouerint, scire debent, quia sicut Scriptura dicit, *pietas cultus Dei est*; pietas autem nulla est sine gratiarum actione; gratiarum actio nulla est sine gratiae agnitione. Hoc enim crebro meditantes, efficiuntur, *beati pauperes spiritu*, quorum est regnum Dei: quorum cum Deo totus spiritus creditus est. Gratia enim priusquam essemus, cum nihil essemus, nos praedestinauit, auersos vocauit, conuersos iustificauit; iustificatos, si ingrati non fuerimus, glorificabit. Ipsa bonum operatur in nobis, ut velimus; cooperatur cum volumus: sine qua nihil boni vel velle vel perficere valeamus. Sicut enim ex nullis subsistentibus à Deo creati sumus, ut aliquid simus in ejus creaturis: sic à gratia ex nullis meritis creati sumus

*Causa huius  
expositionis.*

*Iob 28.*

*Matt. 5.*

*Gratia com-  
mendatio.*

in operibus bonis. Et exinde si quid meremur gratia est: quod autem meremur, gratia pro gratia est. Acceptae quippe gratiae reddere fructus, gratiae augmentatio est; sicut accepisse primum gratiam, gratia est. Gratia praue nit nos ut oremus; adiuuat cum oramus: exaudit quod oramus. Hac, virgo ut mater Dei fieret, plena facta est: hac de virgine natus plenus inuentus est. Hanc Noë, Abraham, Moyses, caeterique Patres Sancti, apud Deum perhibentur inuenisse: hac ipsi Paulo Apostolo, alia quaerenti iubetur sufficere. Nam & cum speciosus forma praefilijs hominum venisti, Domine Iesu, speciali praerogatiua diffusa est gratia in labijs tuis: quia hoc ipsum fuit oleum laetitiae quo vinctus apparuisti praefarticipibus tuis: propter quod adolescentulæ dilexerunt te, currentes in odorem vnguentorum tuorum. Hanc enim in hoc ipsum ab ipsa praefuenti viderunt in facie tua thelonearius publicanus, & relicto theloneo abiit post te: Petrus & Andreas, Iacobus & Ioannes, & relictis retibus & patre secuti sunt te. Hac usque hodie quiddam sonans in verbis tuis ad aures eorum quos praefuenit, quod ad aures aliorum non peruenit, vocat ea quae non sunt, tamquam ea quae sunt: & humilibus facit consentire, quia fratres sunt: & amputare opprobrium, quod de te suspicati sunt, humiliu ex hilarans corda, & facies gratificans: quia sic sunt, sicut creati sunt; & sic in aliena abducti sunt. In hac gratis praestas, quicquid praestas nobis, nihil quod non dederis tu accipiens à nobis: in qua etiam cum gratis à nobis vis amari, hoc nobis pro gratuito computas, quod amamus te, propter te: cum majus quid dare nobis non possis, o omnipotens, pro merito amoris tui, quam ipsum amare te. Insuper ex vsuris & iniquitate flagitiorum & facinorum nostrorum redimens animas nostras, honorabile facis coram te nomen nostrum, ut filij gratiae tuae nominemur & simus, tamquam gratis te amantes; quibus, ut dignos nos facias ipso amore tuo, primum praerogas remissionem tot ac tantorum peccatorum. Sed tua est, & à te nobis est gratia: ideo Domine Deus noster tibi soli sit gloria. Si quis autem gloriatur, non nisi in te gloriatur. Neque enim vel ipsa fides in nobis esse potest, si non à te sit: sine qua in homine nullum opus bonum fit: quia quicquid non est ex fide, peccatum est.

*Luc. 1.*

*2. Cor. 12.  
Gratia Christi  
est hominis.  
Psalm. 44.*

*Math. 9.*

*Filiij gratiae  
sumus & di-  
cimus.*

*Rom. 11.*

INCIPIT EXPOSITIO BEATI GVILLELMI,  
super Epistola ad Romanos.

LIBER PRIMVS.

Vers. 1.



AVLVVS *seruus Christi Iesu*. Magnus es Domine, & excelsus, & humilia respicis: & alta à longè cognoscis. Tu cognouisti Saulum à superbo Rege & persecutore formam trahentem, tam persecutionis quàm nominis: sed non à longè cognouisti eum. Tu enim humiliasti eum sicut vulneratum superbum: & in brachio virtutis tuæ, & spiritu gratiæ tuæ de Saulo fecisti Paulum: Benjamin adolescentulum in mentis excessu cœlos penetrantem; & in paradiso Dei audientem verba arcana, quæ non licet homini loqui: lupum olim rapacem, sed ad vesperum prædam diuidentem. Retulit tamen inde nobis aliqua, quæ licuit quidem homini loqui: sed nulli ad purum licet intelligere, qui nō aliquid plus homine habuerit. Hebraicè dicebatur Saül, latinè Saulus, quasi Saülus; sicut Iacob Iacobus, Ioseph Iosephus, & his similia. Assumptus autem à te in vas electionis ad prædicandam gentibus gratiam tuam, de Saulo maluit vocari Paulus, quasi Paululus, humilis ac quietus, super quem Spiritus sanctus requiescit: ut ipso nomine superbiam eorum confunderet, qui gratiam tuam suis applicare meritis præsumebant. Hoc ad humilitatem suam. Ad gloriam verò tuam cum Paulum proconsulem Asiæ sub leue jugum tuum misisset, regni tui provinciale effectum, ipse quoque ex Saulo Paulus vocari maluit, ob insignem tam magnæ victoriæ. Plus enim hostis vincitur in eo, quem plus tenet. Plus autem hostis antiquus tenet superbos nomine nobilitatis: & de his plures nomine autoritatis. *Seruus Christi Iesu*. Seruientis hujus professio & humilitatis est, & gloriæ, & autoritatis eximix: cum se seruum ejus quasi gloriabundus profitetur, qui dicit, *magnum est tibi vocari seruum meum*: cui sicut ipse dicit, seruiebat in Euangelio filij ejus. *Christi Iesu*. Iesus proprium nomen, Christus verò nomen sacramenti est. Id ipsum etenim est quod Messias. In nomine ergo Christi Iesu intelligitur virtus Regis Salvatoris; quia non nisi à Rege Salvatore salus speranda est. *Vocatus Apostolus*. Vocatus per gratiam, quia nemo sumere sibi debet honorem: nisi qui vocatur à Deo tamquam Aaron. *Apostolus*. Apostolus dicitur missus, vel potius retro missus: id est, missus ad eos vocandos, qui hætenus retro fuerant, de quibus Propheta dicit. *Pones eos dorsum*. Retro quippe & post dorsum sunt, qui sæculo huic, quod posthabendum est, dediti sunt. *Segregatus in Euangelium Dei*. Notandum, quod segregatum ipso verbo designare maluit, quo segregauit eum, qui dixit. *Segregate mihi Paulum & Barnabam in opus, ad quod assumpsi eos*. Opus autem in quod assumptus est, Euangelium est. *Quod ante promiserat per Prophetas suos*. Incepit enim à Prophetis: consummatum est per Apostolos. *In Scripturis sanctis*: hoc est ad fixam & stabilem omnium memoriam editis, à Spiritu sancto ha-

bitis. *De filio suo*; hoc est ante luciferum & omne tempus æternaliter de ipso genito. Qui vnus semper existens Deus de Deo genitus, ei, hoc est ipso volente ac disponente, & honore ac bonitate ejus hoc exigente, temporaliter est homo factus. Factus est autem homo Dei filius: quia qui factus est, sic à Dei filio, qui non factus, sed natus est, in vnitatem personæ est assumptus, ut idem sit filius Dei, qui filius hominis: natus à Patre Deo secundum diuinitatem, factus ex semine David secundum carnem. Ex semine David. Scilicet ad quem facta est repromissio: euidentius quàm ad Abraham. *Qui prædestinatus est filius Dei in virtute*. Præclarissimum ad homines lumen prædestinationis & gratiæ ipse Salvator apparuit: cum eadem gratia operante sit ab initio fidei suæ homo quicumque Christianus, quæ gratia ab initio suo homo ille factus est Christus. Prædestinatus est ergo Iesus, & futurus secundum carnem filius David: & tamen in virtute filius Dei. Prædestinata est autem in eo naturæ humanæ tam summa & alta subuectio, ut quod attolleretur altius non haberet; sicut pro nobis ipsa diuinitas humilior non habuit, quousque se deponeret. Ex quo enim homo ille cœpit: etiam filius Dei esse cœpit. Vel secundum græcæ translationis veritatem, non prædestinatus, sed destinatus est, qui semper Deus erat: & venit in virtute, hoc est in eo quod erat. Christus enim virtus Dei est, & Dei sapientia. Prædestinatus etiam est Christus seu destinatus in virtutem, id est sine omni obligatione peccati, quod vel origine traheret, vel voluntate perpetraret. Hæc autem ejus prædestinatio, ipsa est ipsius claritas: quam qui in mundo natus est homo, habuit apud Patrem, *priusquam mundus fieret*. Vbi sicut ipse prædestinatus est, ut esset caput nostrum: sic & in ipso prædestinati sumus, ut membra ejus essemus. *Secundum spiritum sanctificationis*. Prædestinatus quippe est nasci secundum spiritum sanctificationis, de cujus matre dictum est ad Ioseph. *Quod enim in ea natum est: de Spiritu sancto est*. Et ad matrem ipsam. *Spiritus sanctus superueniet in te, & virtus Altissimi obumbrabit tibi* Licet enim caro de carne verè nasceretur, conceptio tamen carnis ipsius spiritualis omnino fuit: hoc agente in ea amore Dei, & Spiritu sanctificationis, quod in cæteris hominibus agere solet peccati originalis tæbe omnes inficiens fomes peccati, & amor carnis. Vbi tamen Christianæ pietati de Christo scandalum fidei cauendum est: ne dicat vel credat filium esse Spiritus sancti de Spiritu sancto conceptum. Concepit enim Maria de Spiritu sancto, non quoddam substantia Spiritus sancti semen partus acceperit: sed quia per operationem Spiritus sancti diuino partui natura substantiam ministravit. Nam quia in sancta ejus anima amor Spiritus sancti singulariter ardebat: ideo in carne ejus virtus ejusdem Spiritus mirabilia faciebat. Sequitur. *Ex resur-*

*Homo in vnitatem personæ à Deo assumptus.*

Vers. 4.

*Prædestinatio Christi hominis.*

Ioan. 17.

Matth. 12.

*Quomodo Christus de Spiritu sancto sit conceptus.*

Acto. 9.

Acto. 13.  
Vnde Paulus dicitur qui prius Saulus.

Isai. 49.

Christus græcè Messias hebraicè

Psal. 20.

Acto. 13.

Vers. 2.

Vers. 3.

*rectione mortuorum Iesu Christi Domini nostri.* Potest intelligi, quodd ex resurrectione mortuorum, quos resuscitauit Christus, vel quos in resurrectione sua resurrectionis ejusdem habere voluit testes & consortes, manifestum fecit & euidens, esse se filium Dei. Sed etsi rursus referatur hoc quod dicit, ex resurrectione mortuorum Iesu Christi Domini nostri, hoc modo, vt dicatur Paulus vnus ex resurrectione mortuorum Iesu Christi Domini nostri; scilicet pro quorū vita Iesus Christus Dominus noster mortuus est, vt eos à morte animæ suscitaret, non debet videri absurdum: quia nec in Scripturis est insolitum. Sic enim & illud est. *Daniel ex filijs captiuitatis Iuda* Sed cum paulò superius præmiserit, *Paulus seruus Christi Iesu*, vt quid hic iterum, *Iesu Christi Domini nostri*? Vñtutus inuenitur modus hic locutionis in Scripturis, maximè veteribus: sicut ibi. *Et fecit Moyses, sicut præceperat Dominus Moysi.* Vel quod credibile magis videtur, dulce quiddam Paulo nomen ejus sapiebat in ore, cuius ei amor ardebat in corde: & suaue ei erat dicta seu scripta sua, quæ de illo erant, crebra nominis ipsius commemoratione respergere. Sed & pronomibus nominis ipsius, sicut est, *in quo, per quem, in ipso, per ipsum*, tam crebrò vbique & importunè vti videtur; vt nonnumquam tædium legenti facere videatur, si nō cogitetur scribentis affectus. *Per quem accepimus gratiam & Apostolatam.* Per quem, sicut reconciliatorem pro peccatis nostris, accepimus gratiam, id est ipsorum remissionem peccatorū: per quem, sicut per sapientiam in contemptum præsentium, sapit nobis gratia futurorum. *Per quem, inquit, accepimus gratiam & Apostolatam:* gratiam ad laborum patientiam, Apostolatam ad prædicationis auctoritatem: gratiam in persuadendo ea quæ persuadenda sunt, Apostolatū in coercendo eos qui coercendi sunt. *Ad obediendum fidei in omnibus gentibus.* Tantam etenim gratiam in huiusmodi Apostoli adepti sunt: vt gentes quæ erant alienæ à testamento Dei & conuersatione Israël, non solum in suscipiendo fidem prædicatoribus crederent: sed etiam novum vitæ modum & religiosæ conuersationis ordinem pro nominis Christi reuerentia suscipere obedirent. *Omnibus qui sunt Romæ, dilectis Dei, vocatis sanctis.* Nō primū vocatis sanctis, & postmodum quasi pro sanctitate dilectis; sed primū gratuito dilectis, & postmodum vocatis sanctis, id est vocatis, vt sancti sint, vt gratia sit gratia. *Vocatis, inquit, sanctis.* Vñ communis locutionis fabri discipulus quantumvis recens, jam faber dicitur, similiterque in cæteris artium disciplinis. Sic quicumque vocatus jam nomen dedit in professione sanctitatis: jure jam sanctus vocari potest. Vnde & Propheta confidenter; *quoniam, inquit, sanctus sum.* Scribit autem Paulus vocatus Apostolus discipulis vocatis sanctis: quoniam sicut vocatus est per gratiam Paulus, vt esset Christi Apostolus; sic quilibet eorum vocatus est per eandem gratiam, vt esset Christianus, & dilectus sanctus. *Gratia vobis & pax à Deo Patre nostro, & Domino Iesu Christo.* Gratia Dei est, qua nobis peccata dimittuntur, vt reconciliemur Deo; pax, qua reconciliamur; sicut dictum est, *lex & Propheta*, cum cōstet, quia in lege & Propheta contineantur. Vtrumque enim & remissio & pax, ad generalem Dei gratiam spectat. Benedictio autem hæc Apostolica

gratiæ & pacis, in omnem Ecclesiam data intelligenda est: nec minoris æstimanda virtutis à benedictionibus illis Abraham, Isaac, & Iacob, super liberos suos: cum confidenter de semetipso idem Apostolus prædicet dicens. *An exp-* *rimetum queritis ejus, qui in me loquitur Christus?* Et iterum, *puto, ait, quod & ego spiritum Dei habeam.* Ex Apostolica hac benedictione vsque hodie credendæ sunt florere Ecclesiæ. In quibus autem inuenitur pax Dei; proculdubio est & gratia. Sin autem, longè fit à peccatoribus salus gratiæ, ad prædicantem verò reuertitur pax sua: sicut Dominus in Euangelio dicit ad discipulos. *In quacumque, inquit, domum intraveritis, dicite.* *Pax huic domui. Et si fuerit in ea filius pacis, requiescet super eum pax vestra. Sin autem ad vos reuerteretur.* Primū quidem *gratias ago Deo meo.* Optimum gratiæ prædicator à gratia sumpsit exordium: vt sicut primò Deus adorandus, postmodum verò orandus, vnde Psalmista, *Laudans,* *inquit, innocabo Dominum:* sic à prædicatore gratiæ, primò gratiæ ei agantur, à quo gratia omnis speratur & accipitur: deinde verò suo ordine gratia ipsa prædicetur. Placet enim summo & bono Deo in bonum nostrum in donis suis sensus accipientis non ingratus: & humilis ac pius intellectus diuinæ bonitatis: placet ei multum de profectu fraterno ad Deum in affectu congratulantis fraternæ sacrificium charitatis. Et sicut apud eum nullum peccatum majus deputatur, quam gratiæ ejus esse ingratum: sic animo fidei, & diuinarum fideliter afflueto gratiarum, nil dulcius, nil jucundius est, in profectu sui, siue proximi, ipsarum actione gratiarū. Agimus autem gratias pro nobis, cum gratiam ipsam quam accipimus, quam gratis accipiamus à Deo fideliter cogitamus: & cogitando in amorem largientis deuotius nos & humiliter excitamus: siue cum boni operis facultatē, quam gratis accipimus in affectu, grater Deo reddimus in effectu, ipsa gratia etiam hoc operante in nobis. Pro proximo verò gratias agimus; cum in eo quem in Deo diligimus, gratiam nos accipere gratulamur. Qui ergo gratus semper in his coram Domino studet apparere, & in semetipso semper poriora dona accipere meretur, & dignus est & aptus etiam pro alijs interuenire. *Primum, ergo ait, gratias ago Deo meo.* Magna hominis fiducia, magnus affectus pietatis: suum dicere, Dominum Deum omnium. Sic tamen est. Qui enim dulci & pio affectu, & securo & præfidenti charitate dicit, *Deum meum*, securus dicit, quia suum sibi fecit eum cujus ipse est: & secure coram eo cui offert, deponit quicquid offert, cui tam præfenti semper sibi præfentissimus semper & ipse est. Non potest hoc dicere, cujus Deus venter est, siue aliud quid, quod pro Deo amat, vel cum Deo; non autem propter Deum. Solus quippe amandus est Deus: nec aliquatenus coinquinari patitur amoribus alienis amor ejus: qui solus sufficit amanti. Dominus etiam Deus omnium, hominis illius propriè Deus est cui placet in semetipso, & propter semetipsum Deus: & in omnibus judicijs suis fixa in hoc statione voluntatis perseverat animus ejus. Placitū etenim animi, quiesca voluntas est. Quod propriè singulariter in amando Deo intelligendum est: citra quem, & ultra quem, & extra quem, nihil quod propter eum & in ipso non ametur, amandum est. Qui enim labi cum labente non vult:

Daniel 5.

Rom. 1.

Exod. 40.

Paulo dulcissime sapiebat nomen Iesu.

Rom. 1. 5.

Rom. 1. 7.

Iesu Christi-ani vocantur sancti.

Psalm. 85.

2. Cor. 1. 1.

Luc. 10.

Vers. 8.

Psalm. 17.

Gratitudo Deo grata, ingratitude odiosa.

Rom. 1. 8.

Quis secure possit dicere Deus meus.

vult: in stabili figat gressum necesse est. Sed & beatus homo, cuius est Dominus Deus ejus, fit vicissim homo Dei, cum, sicut Apostolus seruebat Deo in euangelio filij ejus in spiritu suo, sic quilibet in spiritu suo, de Spiritu sancto seruit in rebus Dei. Hoc est quod in Cantico Canticorum dicit Sponsa de Sponso. *Dilectus meus mihi, & ego illi: in medio uberum meorum commorabitur.* Gratias ergo, ait, ago Deo meo, per Iesum Christum, pro omnibus vobis. Sic enim Apostolus summus prædicator gratiæ, ad Dominum Deum cordis sui redeundum semper esse sentiebat de omnibus, cum gratiarum actione: nec nisi per Pontificem Iesum, & Mediatorem Dei & hominum; ut per quem à Deo deferuntur nobis gratiarum donationes, per ipsum ei semper referantur ipsarum gratiarum actiones. Vbi etiã obseruandum, quia ad diuersos scribens Apostolus: in alijs gratias agit pro omnibus; in alijs gratias agit, sed non pro omnibus; in alijs nec gratias agit. Vbi pro omnibus gratias agit, culpas in eis nullas vel probra exaggerat: vbi gratias agit, sed non pro omnibus, sicut ad Corinthios & Collocenses, innuit in eis aliquid esse reprehendendum: vbi verò omnino super sedet gratias agere, graue aliquid in eis esse denotat, quod gratiarum actioni iudicet esse contrariũ.

*Quia fides vestra annuntiatur in vniuerso mundo.* Ipsa est, inquit, vestra fides, quæ omnium in vniuerso mundo Catholica est fides: quia forma & exemplum vestræ fidei institutio est vniuersi mundi. Forsitan jam præuidebat Apostolus in spiritu, Romæ, vbi sedes erat terreni imperij, futuram fore primam sedem Christiani sacerdotij, vnde velut à fonte deriuaretur, quod in toto mudo salubriter prædicaretur & crederetur. Vnde nõ solũ gratias agit: sed & de futuro orat, sicut dicit. *Testis enim mihi est Deus, cui seruo in Spiritu meo in euangelio filij ejus: quod sine intermissione memoriam vestri facio semper in orationibus meis.* Nec malum faciebat, qui iuratione bene utebatur: quæ etsi bona non est, dicente Domino, *sit sermo vester est est, non non; quod autem amplius est à malo est: necessaria tamen est, ut alteri suadeatur, quod vtiliter suaderetur: licet sit à malo ejus, cui juratur. Fit enim ab infirmitate ejus, quæ vtiq; mala est: cui aliter persuaderi vel non potest, vel non speratur. Nullum autem majus hoc iuramentum esse, æstimandũ est: quàm ad ea quæ dicuntur, testem inuocare Deum. In quo summopere cauendum est omni juranti: ne contra præceptum legis assumat aliquando in vanum nomen Dei sui. Testis ergo, ait, mihi est Deus: cui seruo in spiritu meo. Seruitus hæc libera est: quia amoris & pietatis est. Seruo, inquit, in spiritu meo, quoniam volens id ago; non impulsu timoris, non spe mercedis: sed conscientia iustitiæ, & amore veritatis. In euangelio enim ait, filij ejus. Et quid poterat esse gratius, quid seruo fideli assumpto in hoc vaselectionis delectabilius ac iucundius: quàm seruire Deo in euangelio filij ejus? Sequitur. *Quod sine intermissione memoriam vestri facio in orationibus meis.* Memoriam, inquit, vestri facio in orationibus meis semper & sine intermissione: hoc est, in orationibus meis, quas facio semper, & sine intermissione. Certum enim est, ipsum impleuisse, quod discipulis præcipiebat dicens. *Sine intermissione orate.* Obsecrans, si quomodo tandem aliquando prosperum iter habeam in*

voluntate Dei veniendi ad vos. Considerandum, quod ad opus euangelij proficiscens, opus sanctum: expectat donec obsecrationibus imploret, non solum prosperum iter sibi fieri; sed & in voluntate Dei prosperum: quia semper iter itinerantis in voluntate Dei prosperatur. Tunc autem in voluntate Dei itineris prosperitas est: cum similis est causa causæ, quam subdit dicens. *Desidero enim videre vos; ut aliquid impertiar vobis gratia spiritualis, ad confirmandos vos: id est simul consolari in vobis, per eam quæ inuicem est, fidem vestram atque meam.* Primò siquidem omnium scire debemus, opus esse Apostolicum, fratres desiderare, siue visitare: sed non ob aliud, nisi ut aliquid gratiæ spiritualis vel eis impertiamur: vel ab eis accipiamus. Aliàs autem, probabile non est, circuire fratres. Gratia autem, alia spiritualis, alia non. Verbi gratia spiritualis, virginitas, non spiritualis, nuptiæ: cum tamen vtrumque donum Dei sit. Maximè autem spiritualis gratia sunt, siue in moralibus, siue in mysticis, spiritualis intelligentiæ charismata: quæ spiritualiter spiritualibus cõparanda sunt. Quos ergo Apostolus ad perfectionis robur incitat: eis quæ spiritus sunt, impertiri præoptat. Quod cum sit, & ipse accipit consolationem, opus suum in discipulorum profectu, firmum videns & stabile: & illi consolantur, qui participes sunt apostolicæ gratiæ. Nec enim deesse potest mutua ad alterutrum fidei ædificatio: cum & discipuli vident in magistro, quod imitentur: & magister ex discipulorum profectu ad majores pro euangelio labores animatur. Nec suam circa fratres sollicitudinem vult eos ignorare: ut in cordibus eorum rebus docendis locum præparet cognita benevolentia doctoris. *Exprohibitus sum usque adhuc.* A quo prohibitus? Si dicimus à Deo, non est certè indignum Deo, disponere actus seruorum suorum, qui nouit super quam ciuitatẽ plueret debet pluuiam verbi Dei, & super quam non. Vnde est & in Actibus Apostolorum. *Voluminus ire in Bithiniam: sed prohibuit nos Spiritus Iesu.* Si autem, sicut alibi dicit manifestius, prohibutum eum dicimus à Satana; patitur & hoc nonnumquam Deus, ad probationem persecrantia seruorum suorum. Verumtamen sciendum est, quia intentionem sanctam, & quod in proposito cordis sanctum molitur consilium, nullo modo scire, siue interturbare potest Satanas: nisi signis illud exterioribus aliquibus deprehendat. Quod verò per exteriorem exhibetur actionem, impedire potest: si tamen permiserit Deus. *Ut aliquem fructum habeam in vobis, sicut & in cæteris gentibus.* Vbiq; Apostolus talenta Domini dispensabat: vndique ei lucra cõtrahebat. Vbiq; seminabat, vndique metebat. Ut aliquem, inquit, fructum habeam in vobis. Non enim prætereundum est, quod bonorum aliquem fructum singulariter sæpius pronunciare videtur: opera verò carnis quæ exprobrat, pluraliter. Hinc enim alibi dicit. *Fructus enim spiritus est, charitas, gaudium, pax, &c.* De fructibus verò carnis, manifesta, inquit, sunt, quæ sunt fornicatio, immunditia, &c. Hoc ideo, quoniam sicut etiam Gentium philosophis placet, virtutes omnes vna virtus sunt: quarum aliquam qui perfectè habet, omnes habet: vitia verò etiam compugnantia sibi adinuicem sunt. Sequitur. *Grecis ac barbaris, sapientibus & insipientibus debitor sum.* Nescit cogi charitas, nescit coarctari.

V. II. &amp; 12.

Visitare fratres, quandam sit opus Apostolicum.

Vers. 13.

A quo sit prohibitus Apostolus.

Act. 16.

1. Thessal. 2.

Galat. 5.

Ibidem

Virtutes inter se connexæ.

Vers. 14.



- Omnibus se debet, omnibus exhibet. Non refugit græcam sapientiam: non barbarorum insipientiam. Neminem æstimat deferendum: dū alijs tamquam sapientibus sapientiam loquitur: alijs tamquam insipientibus nihil se scire protestatur, nisi Christum Iesum, & hunc crucifixum: alios ex lege docet & Prophetis, alios verò signis suadet & virtutibus. Hinc est, quod ad Timotheum ægrotantem non virtute curationis, sed consilio vitæ medicinæ: Trophimum etiā reliquit infirmum Mileti: patrem verò Publij dissenteria & febribus laborantem solo verbo & oratione curauit: & lapsum de cœnaculo Eutyrium vitæ & sanitati restituit. Signa quippe non fidelibus, sed infidelibus; non sapientibus, sed insipientibus debentur. Gratissimè verò subdit. *Ita, quod in me promptum est, & vobis qui Romæ estis euangelizare.* Hoc est, vobis, qui Romæ estis, debitor sum euangelizare, quod in me promptum est: siue quod, id est, quantum in me est. Ac si dicat. Vos qui Romæ estis, de insipientibus non estis. Promptum enim erat sapienti sapientibus loqui: cū & de insipientibus hoc sentiendum sit, quod alibi dicit. *Si enim, inquit, inuitus hoc egero, dispensatio mihi credita est; & vae mihi, si non euangelizauero.* Omnibus enim sapientibus & insipientibus loqui, necesse est euangelizanti: sed illis euangelizare promptus est, de quibus scriptum est. Beatus qui loquitur in aure audientis. Iam ergo vt breuiter quæ dicta sunt recapitulentur, postquam Apostolus non in humanæ sapientiæ doctis & persuasibilibus verbis, sed in simplicitate, sicut ex Deo susceptum ad Romanos euangelij negotium satis commendauit, ex persona euangelizantis, ex autoritate mittentis, ex causa ipsa: postquam quasi ingrediens per epistolam urbem Romam in abundantia benedictionis Christi, sicut ipse Dominus instituit, in pace eam salutauit, & pie sollicitudinis affectu & orationum officio auditorum sibi beneuolentiam præparauit; ipsum eis euangelium predicare aggreditur: vidensque quasi ad adiutorium suum tam ex Iudæis quam ex Gentibus Romanis mundanam confluere sapientiam, & requieuisse super eos pacem suam, in qua eos salutauerat: exorsus est dicens. *Non enim erubesco euangelium Dei.* Prima siquidem fronte obijciendum sibi sciebat impropriū crucifixi: Iudæis quidem scandalum, Gentibus autem stultitiam. Ipsi verò nec confusio poterat esse in conscientia jam sanata: nec verecundia in fronte tam libera. *Virtus enim Dei est, inquit, in salutem omni credenti.* Vnde & ad Corinthios dicit. *Nos autem predicamus Christum crucifixum, Iudæis quidem scandalum, Gentibus autem stultitiam: ipsis autem vocatis Iudæis atque Græcis Christum Dei virtutem, & Dei sapientiam.* Non ergo erubescere, quasi impropriū crucis Christi non sustinens; non quasi aliter docens, & aliter viuens: aut quasi in virtute miraculorum deficiens. *Virtus autem Dei est, inquit, in salutem omni credenti: vt intelligatur virtus etiam esse Dei in perditionem non credendi.* Est enim virtus Dei etiam in perditionem: de qua scriptum est. *Disperde illos in virtute tua.* Nam & propter has virtutum differentias, dextra & sinistra in Deo nominantur. *Iudæo, primum & Græco.* Primum Iudæo, deinde Græco, hoc est Gentili; quia salus ex Iudæis est. Græci etiam primum omne hominum genus duabus ap-
- pellationibus censuerunt, omnem hominem dicentes esse Græcum vel barbarum: barbarus esset, quicumque Græcus non esset. Sed multò veriore distinctione vitur Paulus, Iudæos primum ponens, deinde Græcos: & postmodum barbaros. Cū enim Græci ideo se cæteris præferrent, quia legibus vtebantur: merito ab Apostolo ipsis etiam Græcis Iudæi prælati sunt: qui ante omnes leges à Deo perceperunt. Nunc de ea primum virtute, quæ in salutem est, exequitur, dicens. *Iustitia enim Dei in eo reuelatur ex fide in fidem: sicut scriptum est. Iustus enim ex fide viuit.* Iustitia hæc quæ credentes iustificat, fides est: quæ in veteri testamento velata, in evangelio est reuelata. Quæ ideo iustitia dicitur; quia quos continet, iustos efficit. Ideo autem Dei, quia & ipsa fides ex gratia est. Proficit verò vel tendit fides hæc; iustitia hæc, ex fide annuntiantium, in fidem obedientium: ex fide veteris testamenti, in fidem noui: ex fide in qua ministratur Deo, in fidem qua fruatur Deo: ex fide hic imaginis, in fidem præsentissimæ illic veritatis: ex fide verborum quibus hic credidimus, in fidem rei, quam in æternum obtinebimus. Reuelatur autem in euangelio iustitia Dei: quia non jam barbarus, non Scythæ, nec omnino aliquis excluditur à regno Dei: sed omnib' æquè patet porta gratiæ. *Sicut scriptum est, ait, Iustus ex fide viuit.* Bene hoc in Propheta Habacuc scriptum est, *Iustus ex fide viuit:* quia credendo intelligere nos facit fides ipsa, quia non ex nobis, sed ex Deo nobis est; non solum quod bene credimus, sed etiā quod bene viuimus. Neque enim ipsum rectè viuere nobis ex nobis est: nisi credentes adiuuet & orantes, qui & ipsam fidem dedit, qua nos ab ipso adiuuandos esse credamus. Erubescat hic hæretica superbia, quæ boni sibi operis primas partes vindicat; dum bonæ sibi voluntatis initium homo usurpat, quasi à seipso sibi sit. *Reuelatur enim ira Dei de cælo.* Commendatā in reuelatione euangelij pietate fidei, qua iustificati Deo grati esse debemus; commendatā etiam virtute Dei in salutem omni credenti, ex hoc articulo ad contrarium conuersus, hoc est ad virtutem ejus in condemnationem non credentium, videtur dicere. Non solum in euangelio reuelatur credentium iustitia & glorificatio: sed & non credentium iniustitia & ira, quæ est iusta in eos damnatio. Ira enim in homine motus animi ad vindictam: in Deo verò iusta vindictæ executio est. *Quis autem nouit præ timore Dei iram ejus dinumerare?* Ira siquidē Dei, vana est & seductoria felicitas impiorum; tribulationis corporalis afflictio, interior obsecratio mentis, in peccato aculeus conscientiæ, & censura ultionis æternæ: & interdum in eis qui abutuntur, sicut philosophi Gentium & sapientes hujus mundi, ipsa illuminatio mentis. De quibus subdit. *Super omnem impiet. & in iust. ho. qui ver. Dei in iniust. det.* Hujusmodi enim hominibus multò melius erat, veritatē Dei ignorasse, quàm in iniustitia eā detinuisse. *Super omnem autē, ait, impietatem, & iniustitiā, scilicet tā Iudæi quàm Græci, legem habentis & non habentis.* Qui enim peccat in cultum Dei, impius est; quia sicut in Iob legitur, *pietas cultus Dei est.* Ex impietate verò iniustitia procedit; cū defertur creaturæ, quod debetur Deo. Ipsi etiam sunt iniusti: qui peccant in fidem, qua iustus viuit. Quos etiam vigilanter Apostolus homines appellat:

Cur Græci  
cæteris se  
præferrent.

Vers. 17.

Omnibus  
patet porta  
gratiæ.  
Habac. 2.

Error semi-  
pelagianorū  
arguitur.  
Vers. 18.

Psal. 89.  
Ira Dei est  
seductoria  
felicitas &c.

Vers. 18.

Iob 28.

1. Cor. 3.

Vers. 19.

Vers. 20.

Vers. 22.

Vers. 23.

Omnis superbus stultus.

Superbia & pœna & causa peccati.

Vers. 23.

Vers. 24.

Psal. 80. Tradit deus dimittendo, & non corripiendo, &c.

Psal. 13.

Vers. 18.

De Philosophis loquitur Paulus.

sicut alijs quibusdā, alibi quasi approbando loquitur, dicens. *Nonne homines estis?* Sed vnde notitia veritatis eis, quibus Deus legem non dedit? *Quia quod notum est Dei, manifestum est in illis.* Non solum illis, sed & in illis manifestum est: hoc est per naturalem intelligentiam quę in illis est, manifestum est illis. Hoc est quod sequitur. *Deus enim illis manifestavit.* Quomodo verò manifestavit? *Inuisibilia enim Dei à creatura mundi per ea quę facta sunt intellecta conspiciuntur: sempiterna quoque virtus ejus & divinitas.* Quare manifestavit? *Vt sint inexcusabiles.* Vnde ergo culpabiles? *Quia cum cognovissent Deum, non sicut Deum glorificaverunt, aut gratias egerunt.* Sed quid? *Evanerunt in cogitationibus suis.* Nec impunè. *Obscuratum enim est insipiens cor eorum:* & superbiā perdidērunt, quod curiositate perciperunt. Hęc verò cordis obcæcatio vel obscuritas, & peccatum est, & pœna peccati præcedentis, & causa subsequētis. Cujus? Superbiā. Superbi enim facti sunt: *dicentes se esse sapientes.* Familiare quippe solet esse superbis, proximos esse stultitiā. Licet enim non omnis stultus superbus sit: omnis superbus stultus esse cōvincitur. Superbia verò rursus & pœna est præcedentis peccati, & causa subsequētis. Cujus? Stultitiā. *Dicentes enim se esse sapientes, stulti facti sunt.* Et stultitia pœna est præcedentis peccati, & causa subsequētis. Cujus? Idolatriā. Vnde sequitur. *Et mutaverunt gloriam incorruptibilis Dei, in similitudinem imaginis corruptibilis, primum hominis, deinde volucrum, postea quadrupedum, novissimè etiam serpentium.* Rursus idolatria facta est causa sequētis immunditiæ. Propter quod, sicut sequitur, & dicit: *tradidit eos Deus in desideria cordis eorum, in immunditiam.* Sicut ergo in euangelio profectus iustitiæ Dei multiplici gratia reuelatur ex fide in fidem; sic impietatis & iniustitiæ defectus in damnationē & mortem. *Tradidit autem, ait, eos Deus in desideria cordis eorum.* Quomodo tradidit? *Dimisit eos, sicut Psalmus dicit, secundum desideria cordis eorum, ut irent in adinventionibus suis.* Tradere quippe dimittere est; hoc est cæcos non illuminare; errantes non corrigere: infirmos nō adjuvare. *Tradidit eos in desideria cordis eorum.* Hoc Apostolus, hoc Psalmista. Cor eorum erat cor sibi derelictum, per se obcæcatum, à gratia non illuminatum: in quo ad ultimum dicit insipiens, *Non est Deus.* Adinventiones autem eorum factæ sunt secundum desideria cordis eorum: quæ nollent vincere, sed adimplere. Ideo traditi dicti sunt in desideria cordis eorum. Quæ autē fuerunt desideria cordis eorum? Immunditiæ affectu excedendi humanum modum, actu humanum vsum: intantum ut corpora sua ipsā inconuenientiā naturali repugnantia contumelijs naturæ afficerent in semetipsis, & quadam vi applicarent: ut vitio facerent aptiora. Sed quia hæc ad declarandam rei seriē per transcursum dicta sunt: paululum ad superiora redeundum est. *Reuelatur, inquit, ira Dei super omnem impietatem & iniustitiā hominum eorum, qui veritatem Dei in iniustitia detinent; quia quod notum est Dei, manifestum est in illis.* Deus enim illis manifestavit. Agit hic de philosophis hujus mundi, magnis siquidē viris, magni studij, præclari ingenij; qui potuerunt æstimare creaturam, & de creatura creatorem: digni utique laude, si nō eos justè percuteret sermo ille propheticus.

*Accinxi te; & non cognovisti me.* Potuerunt enim videre, Deum esse quamdam vitam æternam, immutabilem, intelligibilem, intelligentem, sapientem, & sapientes facientem, veritatem fixam, stantem, indeclinabilem, vbi quod factum est vita est: vbi omnes rationes rerum & creaturarum sunt æternaliter dispositarum, vel euntium temporaliter. Viderunt enim isti philosophi, quos cæteris non immeritò fama prætulit, nullum corpus esse Deum: & ideo cuncta corpora transcenderunt, quærentes Deum. Viderunt, quicquid mutabile est, non esse summū Deum: & ideo animam omnem, omnesque mutabiles spiritus transcenderunt, quærentes summum Deum. Deinde viderunt omnē speciem in re quacumque mutabili, qua est quicquid illud est, quomodocumque, & qualiscumque natura est, nō esse posse, nisi ab illo qui verè est, quia incommutabiliter est: ac per hoc siue vniuersi mundi corpus à cælo vsque ad terram, & quacumque in eis corpora sunt, siue omnē vitam, non nisi ab illo esse posse, qui simpliciter est: cui id quod est esse, hoc est illi viuere, hoc est illi intelligere, hoc beatum esse. Et propter hanc incommutabilitatem & simplicitatem, intellexerunt eum & omnia hæc mutabilia fecisse; & ipsum à nullo fieri potuisse. Considerauerunt enim quicquid est, vel corp⁹ esse, vel vitam, meliusque aliquid vitam esse quàm corpus, speciē corporis esse sensibilem, intelligibilē vitæ. Proinde intelligibilem speciem sensibili prætulerūt. Sensibilia dicimus, quæ visu, tactu, seu quolibet corporis sensu sentiri; intelligibilia, quæ conspectu mentis intelligi queunt. Nulla enim est pulchritudo corporalis, siue in statu corporis, sicut est figura; siue in motu, sicut est cantilena; de qua non animus iudicat: quod profecto non posset, nisi melior illo esset. Animus autem species est sine tumore mōlis, sine strepitu vocis: sine spatio loci vel temporis. Sed & ipse quoque nisi mutabilis esset: non alius alio melius, nec ipse modo melius, modo minus, de specie sensibili iudicaret. Vnde ingeniosi & docti homines facillè collegere, non esse in eis rebus primam speciē, vbi mutabilitas esse conuincitur. Cū igitur in eorum conspectu & corpus & animus magis minusque speciosa essent, si autem omni specie carere possent, omnino nulla essent; viderunt esse aliquid, vbi esset species prima & incommutabilis, & ideo his nec comparabilis: atque aliud esse rerum principium rectissimè crediderunt, quod factum non esset, & ex quo cuncta quæ facta sunt, essent. Ita quod notum est Dei manifestavit eis ipse; cum ab eis inuisibilia ejus per ea quę facta sunt, intellecta conspiciuntur: sempiterna quoque virtus ejus: quæ regit & continet omnia: & divinitas, quæ implet omnia. Hęc de Deo philosophi gentium & sapientes hujus sæculi viderūt, sed de longinquo viderunt. Quæsierunt viam, sed eam perdidērunt; quia humiles esse noluerunt. Quæsierunt Deum superba curiositate, quem quærere debuērunt humili pietate: inueniendum atbitrantes in regione rationis, & recessu occultioris scientiæ; qui non inuenitur nisi in regno charitatis & lucidissima sede sapientiæ: sapientiæ autem, non in loquacitate ventosa, sed in charitate perfecta, de corde puro & conscientia bona, & fide non ficta. Quamvis fuerunt inter eos qui vitam ipsam ratione dūce aliquatenus inuenerunt; sed præs-

Quomodo Philosophi non viderunt Deum.

Vers. 20.

Philosophi à via errauerunt, propter superbiā suam.

1. Tim. 2.

mentes de semetipsis, in ea defecerunt. Vnde egregius eorum Plato? *Fugiendum*, inquit, *est ad clarissimam patriam, ubi Deus pater est, & lucida veritas*. Quæ est hæc classis? Quæ fuga? Similitudo. Intantum enim à Deo longè effici-mur, inquantum dissimiles. Inquantū ei similes effici-mur: intantum propinquamus. Super hos

Sapient. 13.

Rom. 1. 18.

Ierem. 2.

Naturalis  
cognitio  
Dei.

Quid sit  
philosophia.

Verf. 19.

1. Cor. 1.

V. 20. & 21

igitur reuelatur ira Dei: quia sicut in Sapientia legitur, non debet ignosci, quia si tantum potuerunt scire, ut possent æstimare sæculum: quomodo non facilius hujus dominum ad glorificandum inuenerunt? *Reuelatur ergo ira Dei de celo super omnem impietatem & injustitiam eorum*, cum in prædicatione euangelij annuntiatur eis iudex venturus de celo, iudex impiorum atque inistorum: qui sicut propheta dicit, gloriam Dei conuerterunt in idolum, similitudinem adorantes hominum, & volucrum; & quadrupedum; & serpentium. Qui hæc saltem viuientia melius adoraret; nisi dicentes se esse sapientes, nimium stulti facti fuissent. *Qui veritatem Dei in injustitia detinent*. Veritas Dei apud homines, vera & naturalis diuinitatis cognitio est: scilicet verè Deum esse, & curare res humanas, regere ac disponere quæcumque creauit, ipsum qui creauit: quod nulli homini dubium esse potest, penes quem ratio humana est: maximeque illis hominibus, quorum professio erat philosophia, quæ rerum humanarum ac diuinarum scientia est. Veritatem autem hanc detinent in injustitia, quicumque eam detinent in idolatria. Idolatria quippe injustitia est, quæ iustitiæ fidei omnino contraria est. Homines ergo idola colentes veritatē Dei in injustitia detinent, quasi reluctantem & inuitam: ipsā humanā naturā in humanæ rationis conscientia reclamante ac contradicente, ac redarguente religionis falsitatem. *Etenim quod notum est Dei, manifestum est in illis. Deus enim illis manifestauit*. Quod notum est Dei, quod de Deo humana potest ratio attingere per naturam, non ad quod peruenire charitati datur per gratiam, Deus illis manifestauit: rationem sublimioris intelligentiæ capacem donando eis ex natura, intelligentiam verò ipsam ex gratia. Etenim per creaturæ visibilis visibilia manifestauit eis invisibilia sua; per visibilem creaturam inuisibilē Creatoris potentiam; per visibilem ordinem rerum inuisibilem sapientiā: per visibilia beneficia gratiæ bonitatem siue charitatem inuisibilem: siue quod Apostolus dicit, sempiternam virtutem ac diuinitatem. Sempiterna autem Dei virtus & sapientia, ipse est, de quo ipse Apostolus alibi dicit. *Nos autem prædicamus Christum crucifixum, Iudeis quidem scandalum, Gentibus autem stultitiā: ipsis autem vocatis Iudeis atque Grecis, Christum Dei virtutem & Dei sapientiam*. Diuinitas verò est Spiritus sanctus, diuinitas Patris & Filij: qui sicut intelligitur charitas eorum, & bonitas eorum; sicut etiam diuinitas est communis amborum, & est commune prorsus amborum, quicquid commune est eorum. Hoc est quod sequitur. *Inuisibilia enim ejus à creatura mundi per ea que facta sunt intellecta conspiciuntur, sempiterna quoque virtus ejus ac diuinitas, ita ut sint inexcusabiles: quia cum cognouissent Deum, non sicut Deum glorificauerunt, aut gratias egerunt: sed euauerunt in cogitationibus suis, & obscuratum est insipiens cor eorum*. Est quippe Deus substantia inuisibilis, siue essentia intelligibilis, lux illuminans & per-

fundens conuersos, feriens & confundens auersos: splendor præsto ei qui se quærit, calor à quo nemo se abscondit: species omnem animam ratione vtentem rapiens ad contemplandum amorem veritatis, socordem & vanum redarguens conscientiam vanitatis. Cujus cum legibus æternis & immobilibus motus instabilis rerum mutabilium perturbatus esse non finitur, frangiturque; circumeuntium sæculorum semper ad similitudinem stabilitatis reuocatur: indicat se à statu immobilis & immutabilis æternitatis, quantum ad conditionem creaturæ, trahere naturale genus originis. Vbi quæ conditione tantum naturæ aguntur, sicut quælibet insensibilia siue irrationabilia, in ordine suo disponuntur potentiæ, sapientiæ, & bonitate conditoris; rationalis autem homo dimittitur arbitrio propriæ voluntatis, & iudicio acceptæ rationis: ut si præueniente gratiā voluerit, quod rationis virtute perducitur, ibi inhæreat amoris affectu, & profectu pietatis conformetur, & pulchritudine iustitiæ, & beatitudinis perennitate, ipsius plenitudine iustitiæ ad plenitudinem perennis beatitudinis suæ, gratus existens gratuito illuminatori, & adiutori suo Deo, & glorificans eum in semetipso. Et ipsi sunt, qui cum cognouerint Deum, gratias agunt ei, & glorificant eum. Quod quia non fecerunt sapientes hujus sæculi, de quibus ait Apostolus, *sed euauerunt in cogitationibus suis, dicentes se à se sapientes esse*, à gratia deserti; & à facie cognitionis Dei projecti sunt, & obscuratum est insipiens cor eorum: & sicut jam dictum est, perdidērunt id ipsum quod curiositate didicerunt. Intantum quippe stulti facti sunt, & insipientes, ut dicerent in corde suo, in corde fatuo, & penitus à gratia derelicto; *Non est Deus*; & sicut jam supra dictum est, mutarent gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium. *Propter quod tradidit illos Deus in desideria cordis eorum*. Augustinus in libro de gratia & libero arbitrio. *In quo manifestum est, operari Deum in cordibus hominum ad inclinandas eorum voluntates quocumque voluerit, siue ad bonum pro sua misericordia, siue ad malum promeritis eorum; iudicio suo utique aliquando aperto, aliquando occulto, semper autem iusto, eos deserendo*. Quæritur autem, ei qui traditur, quamvis pro peccatis suis tradatur in concupiscências, utrum iustè sit imputandum, esse eum in concupiscências: sicut ei qui pro criminibus suis carceri deputatur, aptè nullus imputare debeat, quod licet iustè, inuitus tamen sit in tenebris. Sed sicut idem dicit Apostolus; homo spiritus & anima & corpus esse dicitur. Inter spiritum verò & carnem familiaris illa rixa nimis omnibus nota est. Quem non trahit gratia, carni sociatur, & efficitur vna caro, & dicitur de homine illo. *Non permanebit spiritus meus in eo, quia caro est*. Quem verò trahit gratia, sociatur spiritui, & vnus cum eo spiritus efficitur, & dicitur ei. *Vos autem non estis in carne: sed in spiritu*. Trahi ego vel non trahi, hoc est tradi vel non tradi. Cur autem trahitur ille, ille non trahitur, hæc occulta filij sunt: nolli velle quærere, si non vis errare. Si non traheris, ora ut traharis: & si jam fideliter oras, jam traheris, nec traderis. In illis qui trahuntur nec traduntur, sola gratia Dei est: in eis verò qui traduntur, nec trahuntur, irreprehensibilis ejus iustitia est. Quibus verò tra-

Homo arbitrio voluntatis relinquitur, etiā præueniendus à gratia.

Psalms. 11.

Capite est.

Genes. 6.

Rom. 8.

Quibus tradantur impij.

ditur, Qui traditur? Immundis dæmonibus immunda desideria suggerentibus, ut in eorum impletione & implentium perditione, sicut in materia sui operis gloriantur. Manifestum enim est huiusmodi homines ipso Dei iudicio Satanz penitus contraditos in interitum carnis ac spiritus; nisi celerim misericordia Dei præueniantur. Vnde & antiqui Canones computandos censent huiusmodi inter energumenos; & sic pro eis sicut pro dæmoniis orandum. Totus iste locus vitiorum sordibus scatens, & immunditiæ *κακωπατορ* præferens, negligendus potius videtur, quam legendus. Quod tamen Apostolum scribere prudentissimè nec puduit nec piguit, ut superbos humiliaret, & commoneret eos, quos exitus habeat contemptus Dei. Ad quem etiam finem cultores suos perducit avaritia; quæ seruit potius creaturæ quam creatori, dum plus diligit nummum, quam Deum. Hi ergo quali iudicio vsi sunt circa diuinitatis venerationem, fœdas ei præferentes animalium imagines, tali etiã vice erga semetipsos vtuntur, viuentes irrationalium more bestiarum; & abjecta Dei imagine, eorum imagines adorantes. Et hæc est merces, quam ut oportuit, iusto iudicio Dei in semet ipsis receperunt. Quare? *Quia commutauerunt veritatem creaturæ Dei in mendacium*, Deum appellantes opus manuum suarum. Et sicut probabiliter monstrauerunt Deum non habere in notitia, tradidit illos Deus in reprobum sensum: ut qui sensum abjecerant Dei, in suo sensu probarentur reprobi. Ipsi enim credendi sunt Deum habere in notitia, ubique scientes ejus esse præsentiam, qui coram eo vel nolunt, vel non audent peccare. Vnde propheta pœnitens deplorat dicens. *Coram te peccaui. Repletos omni iniquitate*, id est omnibus his iniquitatis partibus. *Malitiâ*. Malitia fons est & sentina, & quasi matrix quædam malorum omnium. Scriptum est. *Sapientia odit malitiam*. Sapientia quippe contraria est malitiæ, quia sicut bonum huic, sic malum illi sapit in cogitatione. *Nequitia*. Nequam est, qui tantum facere nequit, quantum malitia cordis ejus suggerit. *Inuidia*, odium est fœlicitatis alienæ, cum nocere non possit. Prætereunda sunt, quæ sunt manifesta; nisi quod hoc prætereundum non est, quod susurriones conjunxit & detractores; quos pariter pronunciauit Deo esse odibiles. Ad vltimum verò insipientes posuit & incompósitos: quia hæc omnia quæ cœperint, ad quamdam cordis perducunt insipientiam, & fatuam incompositionem morum: intantum ut in quemdam naturæ stuporē incidentes, nullam ad proximum vllum habeant affectionem, vel ad quemlibet habiti cuiuslibet fœderis fidem: nullum in necessitate alicujus misericordiam. Quod quam sit legi naturæ contrariū, ipsi etiã naturæ euidens documentum est. Tres enim in corpore inueniuntur affectiones, sanitas, stupor, immortalitas. Sanitas ægritudinem non habet, cum tamen molestat, dolet. Stupor non dolet, amisit sensum doloris, tantò peior, quantò insensibilior. Rursum immortalitas absumpta omni corruptione non dolet. Nullus ergo dolor in corpore immortalis, nullus in stupido; & tamen vicinior est immortalitati sanitas dolentis, quam stupor non sentientis. Sic non sine affectu existens anima sapientis, dicit de sensu sanitatis. *Quis infirmatur, & ego non infirmor? Quis scandalizatur & ego non vror?* Ex

cætera. Ex fonte ergo superbiæ, in quo dicentes se esse sapientes stulti facti sunt, omnis malorum horum quæ dinumerata sunt, pestifer fluuius emanauit; cuius formidolosus auertendus est excursus & cauendus. Per hunc enim omnes reprobi suauiter in infernum nauigantes, tres voluptatum suarum portus attentant, & in singulis singulas patiuntur traditiones. Verbum autem hic traditionis quantum ad Deum qui tradit, sententia est iustè judicantis; quantum ad eum qui traditur, deceptio est peccati fallentis. Primò ergo superbiam amplectentes & idolatriam, traduntur in desideria cordis in immunditiam; secundò quasi sapientiores & proficientes in pejus, nec tantum idolis, quantum rerum naturæ sacrificandū esse judicantes, traditi passionibus ignominie grauioribus accumuluntur flagitijs; tertio abjecta jam Dei notitia traditi in reprobum sensum, in puteum omnis nequitie, & desperati interitus demerguntur: & iudicio mortis æternæ os suum puteus vrget super eos; iudicante Apostolo & dicente, *quia qui talia aguntur digni sunt morte*. Agunt, inquit, non egerunt. Nam qui egerunt, & jam non agunt, sed pœnitentiam agunt, vita digni sunt. Et notandum, primo & secundo loco superbiam plecti talibus pœnis: ut siquid scirent, jam eis vltius superbiendum non esset. In tertio verò jam plenariè totam induunt insipientiam: ut tantò plus superbire libeat, quantò minor sit superbiendi materia. Sorores quippe sunt individua stultitia & superbia: nisi quod tantò tolerabilior est stultitia, quantò nonnumquam sine sorores. superbia inuenitur: superbia verò numquam est sine stultitia. Cum iustitiam Dei cognouissent: non intellexerunt, quia qui talia agunt, digni sunt morte. Oculus quippe sibi erant, ideo cognoscebant: lumen verò esse sibi ipsi non poterant: ideo nō intelligebant. Habebant quippe à Deo rationem naturæ, quam sibi proteruè arrogantes non curabant querere auxilium gratiæ: ideo intelligere non potuerunt, quod plurimum eis expediret intelligere. *Non solum qui faciunt ea, sed etiam qui consentiunt facientibus*. Consentire est, cum peccante, quantum ad peccati affectum, idem sentire. Vel consentire, est fouere errorem, & tacere, cum possit arguere.

**P**ROPTER quod inexcusabilis est dñs homo omnis qui iudicas. Doctor egregius & miræ in euangelio prudentiæ, qui omnibus omnia fieri nouerat, Gentium Apostolus ministerium suum semper sollicitus & ædificare, & honorificare, postquam satis partem gentium secundum priorem statum depreffit & humiliavit, quia sic expediebat; jã ne cornua adderet insultationi Iudæorum, flagellum correptionis in eos conuertit: ut quos pares censura disciplinæ faceret; par etiam consolatio in pace Christi dulcius vniret. Et cum eadem quæ Gentibus, quantum ad idolatriæ & immunditiæ sordes grauissimè eis imputare posset, quippe quibus libri Prophetarū pleni sunt: prudenter tamen parcat, ne cum ventum fuerit ad legis quæstiones, quas molestissimas eis futuras non dubitabat; patientia lassescens caderet sub pondere, si nimis onerata esset. Quin etiã de specie conuersa ad genus, publicam hic facit esse omnium eorum correptionem corripientis modestia: ut & alij in correptione eorum proficerent, & ipsi, ut dictum est, in patientia non deficerent. Quia ergo, inquit,

*Reprobi tres voluptatum portus attentant.*

*Vers. 32.*

*Superbia & stultitia sunt sorores.*

*Qui consentiunt facientibus mala.*  
*Caput 2.*

*Vers. 1.*

*Corripit hic Iudæos, ut cap. 1. Gentiles.*

*2. Cor. 11.*

Quando  
ignorantia  
sit peccatū,  
& quando  
non.

Vers. 1.

Vers. 2.

Vers. 3.

Vers. 4.

Bonitas  
Dei in om-  
nes, patien-  
tia in malos

omnes, & qui faciunt, & qui consentiunt, digni sunt morte; *inexcusabilis es, ô homo*. Inexcusabilis est, quem non latet veritas: & perseuerat in eo iniquitas. *O homo*. Homo qui in honore positus legem Dei habes, & secundum legem Dei iudicas: & cum eo homo omnis peccator, vel ex reatu originis, vel ex additamento propriæ voluntatis, siue qui nouit, siue qui non nouit; quia & ipsa ignorantia in eis qui intelligere noluerunt, sine dubio peccatum est: in eis autem qui non potuerunt, pœna peccati: propterea, ô homo, quæ lege iudicas, inexcusabilis es: sed & tu omnis homo, qui nec legem nosti, nec iudicas, nihilominus inexcusabilis es. Non enim admittit excusationem, qui scit se hominem rectum fecisse, & insuper obedientiæ dedisse præceptum: testimonium conscientiæ in lege naturæ. In neutro ergo iusta est excusatio; sed in vtrumque iusta damnatio. Si enim inexcusabiles illi, qui inuisibilia Dei à creatura mûdi per ea quæ facta sunt intelligere nō potuerunt: quanto magis qui ex lege ejus instructi, confidunt se esse duces cæcorum, & lumen eorum qui in tenebris sunt? Ad eos quippe hic sermo dirigitur. *O homo*, non spiritus: humana quippe superbia excusare te niteris, humana sapiens: & secundū hominem iudicans. *In quo enim iudicas alterum, te ipsum damnas. Eadem enim agis, quæ iudicas*. Hominibus in hominibus iudicantibus, vel etiā punientibus quæ ipsi agunt, mundus plenus est: qui cū alios iudicant, in seipsos sententiam dicant. *Scimus enim quoniam iudicium Dei est secundum veritatem in eos qui talia agunt*. Cum aliquando quædam, quæ mala videntur, bono animo fiant, & bona malo; alia verò sint, in quibus siue in bono siue in malo operantis animus concordat: ejus solius est in veritate iudicium, qui corda nouit diiudicare. *Existimas autem hoc, ô homo, qui iudicas eos qui talia agunt, & facis ea, quia tu effugies iudicium Dei?* Fugiant qui oderunt eum à facie ejus. Qui enim Deum diligunt; iudicia ejus non fugiunt, sed appetunt: quia in eis justificandos se esse confidunt. Porro qui fugiunt, effugere non possunt. Sequitur. *An diuitias bonitatis ejus & patientia & longanimitatis contemnis?* Iam contemptorem reddidit sollicitum: ideo causam patientiæ subnectit dicens. *Ignoras quoniam benignitas Dei ad penitentiam te adducit?* Bonitas Dei inæstimabiles diuitiæ sunt: quia sicut solem suum oriri facit, sic etiam cætera bona sua diffundere non cessat super bonos & malos. Patientia verò Dei est in eos qui contemnūt: longanimitas in eos qui infirmitate potius quam proposito delinquant. Perseuerantibus quippe peccatoribus in nequitia, perseuerat Deus in patientia, per pauca in hoc sæculo puniens, ne diuina prouidentia non esse credatur: multa extremo examini reseruans, ut futurum iudicium commendetur. Animus verò malè sibi conscius jam totus datus in pœnam, cū nullam sibi pœnam videtur pati: credit, quia non iudicet Deus. Ipse est sensus reprobus, ipsa est cæcitas & obduratio cordis; ipse sunt interiores tenebræ, quibus ab interiori luce Dei peccator secludatur: non autem penitus quamdiu in hac vita est. Sunt enim tenebræ exteriores, quæ magis ad diem iudicii pertinere intelliguntur: ut penitus extra Deum sit, qui corrigi non vult, dum tempus habet. Penitus autem esse extra Deum, quid est, nisi esse in sum-

ma cæcitate? Siquidem Deus habitat lucem inaccessibilem: quod ingrediuntur, quibus dicitur. *Intra in gaudium Domini tui*. Ignoras, inquit, quoniam benignitas Dei ad penitentiam te adducit? Hoc, quamdiu tempus est misericordiæ. Vis audire tempus iudicii? *Secundum diuitiam tuā & cor impenitens, thesaurizas tibi iram in die iræ & reuelationis iusti iudicii Dei*. Duo sunt genera pertinaciter peccantium; alterum misericordiam Dei sibi promittentium: alterum ob scelerum suorum enormitatem desperantium. Propter illos, qui ex spe misericordiæ dilationibus illuduntur, extremum diem fecit Deus incertum: propter eos, qui desperando periclitantur, indulgentiæ portum. Et siue hic, siue ille, nisi citò se corrigat, in die iræ iram sibi thesaurizat. Thesaurus est, vbi diuersarum opum diuitiæ quasi minutatim reconduntur, ut quasi simul in vnū ibi cumulum inueniantur. Tres ergo thesauri inueniuntur in scripturis: thesaurus in terra, thesaurus in cælo, & hic qui thesaurus iræ appellatur. Qui corde impenitenti in thesauro iræ actus suos recondit, durus dicitur, qui thesaurizat in terra, stultus nominatur. *Stulte*, inquit, *hac nocte animam tuam repetunt à te*. Sapiens autem & in Deum diues, quæcumque agit, digna facit regno cælorum. Thesaurizat ergo carnalis in terra, animalis in ira, spiritualis in cælo. Dies iræ dies iudicii, vbi vnicuique fideliter proferetur, quis, quid, vel vbi thesaurizauerit. Vbi iudex non tam adnotabit facultatem: quam coronabit voluntatem. Voluisti, nec forsitan potuisti; sic te adnotabit, quasi feceris quod voluisti; & de te quoque diceretur, *unicuique secundum opera ejus*. Quanta verò hic diuersitas meritorum; tanta ibi erit vel gloriæ vel suppliciorum. Vbi tamen absit, ut impediatur iustum à vita æterna quædam peccata venialia, sine quibus hæc vita vix, aut numquā transigitur: sicut nec proderunt impio quædam bona opera, sine quibus difficillimè vita cuiuslibet pessimi hominis inuenitur. Sed miseri homines cū audiant hic ignem æternum, promittunt sibi ibi purgatorium. Multi, inquit, saluabuntur ibi; sic quasi per ignem. O spem desperatorum! Primò sciendum est, quia nihil in hac vita illo igne durius cogitari potest. Tamen, testante Apostolo, utique per ignem ibi saluabitur: qui super fundamentum Christum, non aurum, argentum, lapides pretiosos; sed ligna, fœnum, stipulam ædificat: non tamen respuit ne recipiat, nec receptū respuit fundamentum; idque omnibus carnalibus suis, quibus capitur vel succumbit, delectationibus anteposit, cū ad hunc articulum vētum fuerit, ut aut illa deserantur, aut Christus. Vbi si non antepositur Christus: nō illi est fundamentum. Omnibus quippe structuræ posterioribus partibus, antepositur fundamentum. Nec etiam quemquam ibi Christi vel boni quæcumque ignorantia sic aliquem excusat, ut sempiterno igne non ardeat: nisi quod si ideo non credidit, quia non audiuit, forsitan minus ardebit. Hæc interim dicta sint pro die iræ, in qua reddet Deus unicuique secundum opera ejus: his qui secundum patientiam boni operis, gloriam & honorem & incorruptionem querentibus, vitam æternam. Hoc est quod dicit, & hic ordo sensus subsequentis. Querentibus, inquit, gloriam, & honorem & incorruptionem, pro boni operis patientia, vita æterna dabitur à Deo, non solum

Esse extra Deum, esse in summa cæcitate. Matth. 25. Vers. 5.

Duo genera pertinaciter peccantium.

Tres thesauros scriptura commemorat. Luc. 11.

peccata venialia, & purgatorium ignis.

1. Cor. 3.

Quibus Christus sit fundamentum.

Vers. 6. & 7.



Iudæis, quibus credita videntur eloquia Dei, sed etiam Græcis: quia iustum est iudicium Dei: non tantum Deus Iudæorum est, sed & Gentium: his verò qui per contentione mentis & animi prauitatem veritati non credunt, sed iniquitatem sequuntur, reddetur ira & indignatio, tribulatio & angustia, non solum Gentili, sed & Iudæo: quia non est personarum acceptio apud Deum. Hæc quidem quantum ad sermonum ordinem spectat: sed nunc quæ ad interiorē sensum pertinent, requiramus. *His, inquit, qui secundum patientiam boni operis*, id est qui fructum afferunt

nuntur tibi: & vide quod bene operantibus reddere dicitur Deus gloriam & honorem, & vitam æternam; reprobos autem ira expectat & indignatio, angustia & tribulatio: quæ tamen à Deo non reddenda dicuntur. Nam quæ bona sunt à Deo accipimus; mala verò ipsi nobis consciscimus. *His, inquit, qui sunt ex contentione*. Contentio est, quæ hereses facit, & schismata & scâdala suscitât: ex quo fit ut non obediatur veritati; credatur autem iniquitati. His ergo ira, & indignatio; angustia & tribulatio. Ira est ex peccati conscientia incussus animæ cruciatus. Indignatio verò, ipsius iræ, & quasi vulneris, tumor quidam intelligitur, & per singula quæque commotio: ut si verbi gratia vulnus aliquod pessimum irâ ponamus, cujus tumor & distentio indignatio vulneris appelletur. Tribulatio verò est, non quæ latitudinem faciat, de qua dicitur, in tribulatione dilatasti mihi: sed eam potius faciat angustiam, quæ dilatationi illi contraria est; id est, in bene agendo ex gratia Dei ex hilaratæ voluntati. *Iudeo primum*, qui sciuit voluntatem Domini, & non fecit digna; & ideo vapulabit multis. *Deinde Græco*, qui quia non cognouit, forsitan vapulabit paucis. Interest enim cognovisse Deum, & cognovisse voluntatem ejus. Potuit quippe Gentilis cognoscere Deum à creatura mundi: voluntas autem Dei cognoscitur à lege & Prophetis.

*Contentio hereses & schismatum genera.*

*Psam. 4.*

*Nosse Deū, & eius voluntatem, non idem est*

*Quam gloriam & honorem hic Apostolus prædicet.*

*Joann. 17.*

*Vers. 8.*

in patientia; gloriam & honorem. Gloria hæc, in corruptionis & immortalitatis erit in resurrectione, tam in corpore quàm in anima beata felicitas. Honor autem ipse erit, quem habuit homo, priusquam compararetur iumentis insipientibus, & similis eis efficeretur: cum scilicet delicijs paradisi Dei affluens, visione Dei & colloctione assidue fruebatur. Redduntur autem hæc in vita æterna, quærentibus vitam æternam; de qua ipsa vita dicit. *Hæc est autem vita æterna, ut cognoscant te solum verum Deum; & quem misisti Iesum Christum*. Deum ergo propter Deum quærentibus ipse erit vita æterna, ipse honor, ipse gloria; ipse erit omnia in omnibus. *His autem qui ex contentione, & non acquiescunt veritati, credunt autem iniquitati: ira & indignatio, & cætera*. Intellige prudens lector, quæ appo-



## LIBER SECVNDVS.

*Rom. 2. v. II.*



ON enim est personarum acceptio apud Deum. Omnis anima rationalis, etiam cupiditate cæcata, tamen cum cogitat & ratiocinatur, quicquid in ipsa ratiocinatione ei verum elucet, non ei tribuendum est, sed ipsi lumini veritatis: quo vel tenuiter illustrata, verum aliquid sentit ratiocinando. Nulla est enim anima quamvis perversa, quæ tamen ratiocinari possit, in cujus conscientia non loquatur Deus. Manus enim formatoris nostri in ipsis cordibus nostris scripsit.

*Deus loquitur cuilibet anima per legem naturalem.*

*Matth. 7.*

*Quod tibi non vis fieri, alij ne feceris: & quodcumque vultis, ut faciant vobis homines: & vos facite eis similiter*. Hoc etiam antequam daretur lex, nullus ignorare permissus est; ut esset unde judicarentur, etiam qui legem scriptam non accepissent, sed ne sibi aliquid homines deesse quererentur, scriptum est, & oppositum oculis eorum: quod in conscientia videre cogerentur. Sed legem scriptam soli acceperunt Iudæi: legem verò naturalem, tam Gentiles quam Iudæi. Opera verò legis scriptæ bipertita sunt: & partim in sacramentis, partim in moribus accipiuntur.

*Opera legis quedam sacramenta, quedam moralia.*

Ad sacramenta pertinet Circumcisio, Sabbatū, & alia huiusmodi. Ad mores verò, *Non occidas, Non mœchaberis*, & his similia. In observationibus, si non intelliguntur & observantur, sola servitus est. Si intelliguntur & observantur, profunt, sed in suo tempore: sicut à Moysè & Prophetis observata sunt, cum adhuc talis servitus utilis esset, ut sub tutore & timore custodirentur. Nihil autem tam pie terret animam: quàm sacramentum non intellectum. Intellectum verò, gaudium parit: & celebratur liberè, si opus

est congruum tempori. Sin autem, cum suavitate spiritali legitur tantum, & tractatur. Omne autem sacramentum cum intelligitur, aut refertur ad contemplationem veritatis; aut ad bonos mores. Contemplatio veritatis in solius Dei dilectione fundatur: boni verò mores in dilectione Dei & proximi: in quib⁹ tota lex pendet & Propheta. Quantum spectat ad mores, lex scripta & lex naturalis penè eadem est, æquè communis tam Iudæis quàm Gentibus: nisi quod alter scriptam eam habet in tabulis & in ratione; alter in sola ratione. Vis quippe illa naturalis inest utrisque: qua rationale animal legitimum aliquid & sentit & facit. Ideo sicut hic dicitur, *nō est personarum acceptio: sed qui peccavit in lege*, id est in observatione legis scriptæ positus, secundum legem judicabitur, quæ peccata prohibet, & suam singulis peccatis pœnā inscribit: *qui verò sine lege scripta peccavit*, judicabitur *sine lege*, id est non per legem quam non accepit: sufficiente ei ad iudicium eā quam accepit. *Non enim auditor legis, sed factores* siue scriptæ, siue naturalis, *justificabuntur apud Deum*. Quod dicit factorem legis tantum iustificari apud Deū: sanum intellectum desiderat, videlicet ne contrarium videatur ad id, quod alibi dicitur. *Si ex operibus, jam non ex gratia & Gratia nō est gratia*. Absit enim, ut quasi facienti legem ex operibus ipsius legis accedat iustitia: sed ad hoc ut faciat legem, in eo ipso quod eam facit, justificatur à gratia: non prius factor legis, ut quasi profecta lege iustus fiat: sed sicut creatur homo, ut sit homo: sic faciens legem iustificatur, ut sit iustus; vel esse appareat, quod in faciendo est: id est

*Matth. 22. Lex scripta & naturalis quo ad mores penè eadem.*

*Vers. 12.*

*Vers. 13.*

*Rom. 11.*

De conuer-  
fis ad fidem  
hic agit  
Paulus.

Vers. 14.  
15. 16.

Cogitationū  
accusāt pro,  
cogitationi-  
bus accusan-  
tibus.

Vers. 17.

Quatuor  
differentia  
legis, vel pro  
fectus in lege

Rom. 5.

justus. Sciendum autem, quia de Iudæis hic lo-  
quitur conuersis ad Dominum, legem spiritua-  
liter implentibus. Gentilis etiam conuersus na-  
turaliter quæ legis sunt facit, & faciens iustifi-  
catur: quia legem naturalem cordi ejus natura-  
liter inscriptam à Deo, sed deletam ex vitio, in-  
staurat in eo spiritus gratiæ. Cui conuerso ad  
Dominum, hoc est legem Dei habere scriptam,  
non in tabulis sed in corde, intimo cordis affe-  
ctui iustitiam legis amplecti; vbi fides per dile-  
ctionem operatur. Vnde & sequitur. *Cum enim  
gentes quæ legem non habent, naturaliter ea quæ  
legis sunt faciunt: ejusmodi legem non habentes,  
ipsi sibi sunt lex: qui ostendunt opus legis scri-  
ptum in cordibus suis, testimonium reddente illis  
conscientia ipsorum: & inter se inuicem cogitatio-  
num accusantium aut etiam defendentium, in die  
cum judicabit Deus occulta hominum, secundum  
euangelium meum, per Jesum Christum.* Cogita-  
tionum, inquit accusantium. Græcam consue-  
tudinem sequi videtur Latinus interpretes: qui cū  
casum ablativum non habeant, genitiuo vtun-  
tur pro ablatiuo. Cogitationum autem dixit:  
quia ex cogitatione opera dijudicantur, & in-  
nocens quis vel reus dijudicatur. Cogitationū  
verò dixit, non earum quæ tunc erunt, sed quæ  
modò sunt: quia & facta nostra omnia; & co-  
gitata, licet pereant à memoria, non pereunt à  
conscientia: quæ coram iudice Deo omnia pro-  
ferentur in lucem. Tremendum sane iudicium,  
vbi extrinsecus nihil adducitur, sed de consci-  
entia totum producit, & accusator, & testis, &  
iudex, & causa. *Si autem tu Iudæus cognominaris,  
& requiescis in lege.* Ingreditur hic Apostolus  
validam & necessariam disputationem de lege,  
non tantum aduersus Iudæos, sed & contra ini-  
micos gratiæ: & eos quos paulò suprà ex con-  
tentione denotauit. In qua plurimum adjuua-  
bile lectoris studium, si quatuor differentias vel  
legis, vel profectus in lege, memoriæ commen-  
datas habuerit. Cū enim in altissimis igno-  
rantia tenebris nulla resistente ratione secundū  
carnem viuitur, hæc sunt prima hominis. Dein-  
de cū per legem cognitio fuerit facta peccati,  
si nondum diuinus adiuuat spiritus, secundum  
legem volens viuere, vincitur, & sciens peccat;  
id agente scientia peccati, vt peccatum operetur  
in homine omnem concupiscentiam: & cumu-  
lo præuaricationis adjecto impleatur quod scri-  
ptum est, *Lex subintravit, vt abundaret delictum.*  
Hæc sunt secunda hominis. Si autem respexerit  
Deus, vt ad implenda quæ mandat ipse adjuua-  
re credatur; & homo cœperit Dei spiritu, cū  
concupiscitur aduersus carnem, fortiore robo-  
re charitatis, vt quamvis adhuc sit quod homi-  
ni repugnet ex homine, nondum totā infirmi-  
tate sanatā, ex fide tamen iustus uiuat, iustēque  
uiuat, in quantum non cedit male concupiscen-  
tiæ, vincente delectatione iustitiæ: hæc sunt ter-  
tia bonæ spei hominis. In quibus si pia perfe-  
uerantia quisquā, proficiat, postrema pax restat;  
quæ post hanc vitam in requie spiritus, deinde  
in resurrectione etiam carnis implebitur. Harū  
quatuor differentiarum prima & ante legem, se-  
cunda sub lege, tertia sub gratia: quarta in pa-  
ce plena atque perfecta. Gratia tamen nec ante  
defuit, quibus eam oportuit impertiri: quam-  
vis pro temporis dispensatione velata & occul-  
ta. Secundum has quatuor differentias, per to-  
tum corpus hujus epistolæ agitur: modo de ho-

mine Dei singulariter, modo de populo Dei ge-  
neraliter. *Si, inquit, tu Iudæus cognominaris.* Pe-  
ritus animarum medicus, de duobus ægrotis al-  
terum, id est genus suum, periculosius videns æ-  
grotare, infirmatur cum infirmis, Gentiles du-  
rius redarguens, nec parcens: eadem verò in  
Iudæis crimina denotans, & leniter perstringēs,  
vt per Gentium obedientiam istos prouocet ad  
patientiam: donec more medicorū causam mor-  
bi mitiget, id est superbiam: vt, sicut medici so-  
lent dicere, causā mitigatā, securius curam ad-  
hibeat circa causatiuum. Vnde & ad solatium  
infirmi nequaquam singulariter adhuc eos  
coarguit: sed pariter cum alijs. Nunc verò post  
communem admonitionem, jam liberiores si-  
bi accessum ad ægrum suum aucupans, validis  
rationum vinculis primum aggreditur ligare  
phrenetici: vt quia gentes facile sequaces ha-  
bebat, etiam Iudeorum duritiā gratiæ coapta-  
ret. Vterque enim secundum prædictas diffe-  
rentias sub lege, seu scripta, seu naturali, re-  
pertus est.

*Si autem tu Iudæus cognominaris, & requies-  
cis in lege, & gloriaris in Deo, & nosti volun-  
tatem ejus, & probas utiliora, instructus per le-  
gem, confidis teipsum esse ducem cæcorum, lumen  
eorum qui in tenebris sunt; eruditorem insipientiū,  
magistrum infantium, habentem formam scientiæ  
& veritatis in lege.* Sciendum est, omnia quæ hic  
quasi in laudē falsi Iudæi proferuntur, per iro-  
niam prolata. Quicquid enim hic dicit, quasi  
emplastrum est; quo tumorem superbiæ facit, vt  
comprimatur vanitas, & detumeat inanitas.  
Quid enim tam inane, quàm jactare, quod non  
habet; quod non facit, prædicare? Languet  
quippe populus ille circa secunda populi Dei,  
id est circa legem, de qua accepta superbiebat:  
nec tamen eam implebat vel carnaliter; & quasi  
præsumens de se, ad gratiam tardius accedebat.  
Si enim verè requiesceret in lege, & gloriaretur  
in Deo: non faceret, quod non faciendum præ-  
dicaret. *Si, inquit, tu Iudæus cognominaris,* quod  
non es: vera quippe Iudæa Ecclesia est, cujus cō-  
fessionis decorem Dominus Deus induit: & co-  
gnomen ducere videris à Patribus, à quibus de-  
generas, qui circumcisionem carnis habebant  
ob signaculum fidei, circumcisionē verò cordis  
ob ipsam fidem. Reges etiam soliti eratis habere  
de tribu Iuda, propter quod etiam omnes Iudæi  
appellabamini. Sed cū Christum regem de  
tribu Iuda negastis: & regnum & nomen pari-  
ter perdidistis. *Requiescis verò in lege,* condem-  
nans & irridens varios errores gentilium: vel  
requiescens in carnali legis intellectu, nil am-  
plius iudicas quærendum. *Et gloriaris in Deo;*  
quasi peculiaris Dei populus, & quia quasi no-  
tus in Iudæa tantum Deus. *Et nosti voluntatem  
eius:* quia non fecit taliter omni nationi: & ju-  
dicia sua non manifestauit eis. *Et probas de uti-  
libus utiliora,* instructus per legem, confidis præ-  
sumendo, teipsum sine duce Spiritu sancto, esse  
ducem cæcorum, vt vtrique cadatis in foueam:  
*lumen eorum qui in tenebris sunt,* quasi per te illu-  
minandorum: *eruditorem gentium,* quasi in lege  
insipientium: *magistrum infantium,* vt quasi fari  
dilectant de lege nœnias fabularum vestrarum:  
*habentem formam scientiæ & veritatis in lege,* id  
est formatam & veram legis scientiam, cui su-  
peradijcere quicquam audeat nemo. *Qui ergo* *Vers. 21.*  
*alium doces: teipsum non doces? Qui prædicas nō*  
*furandum,*

Paulus me-  
dicum sapi-  
entem agit.

Vers. 17 &  
18. 19. & 20.

Ironia.

Emplastrū  
superbiæ tu-  
mori.

*Iudaei fures & mæchi spiritualiter* fures suarum, & quod petus est, furari volebant de lege sanum intellectum: de Ecclesia gratiam, de mundo Christi aduertum. Sic etiam carnaliter, plus autem spiritualiter mæchabantur, post concupiscentias suas eundo. Sequebantur etiam idola gentium, plus autem idola cordium suorum; in utroque sacrilegi, non sacra collocantes in sacro. Inhonorabant etiam Deum legis per prauaricationem ipsius legis, in qua sibi aestimabant gloriandum. Inhonorabant verò, quia nomen ejus inter gentes blasphemari faciebant. Nomen Christi Christianus: quod cum blasphematur, in authorē nominis blasphemia reuertitur. Hoc autem de Ezechiële Propheta assumptum est. Qui enim hic arguuntur Iudæi, jam Christiani nominis erant participes: sed quia de priori statu suo stultè gloriabantur, gentibus se præferebāt: de ipso priori statu prudenter ab Apostolo humiliantur. Propter quod etiam vnde se magis conspicabiles arbitrabantur, & gloriosos, id inutile jam comprobatur esse, & superuacuum, legem scilicet & Circumcisionem: quæ potius ad confusionē eis erant, quàm ad gloriam. De lege jam dixit, de circumcisione verò, *Circumcisio*, inquit, *prodest, si legem obserues*; legem utique circumcisionis. Circumcisio enim est, mala à se amputare; lex circumcisionis bonis operibus insistere; ut fiat quod scriptum est. *Declina à malo, & fac bonum*. Circumcisio etiam vera est, circumcisio cordis, id est pura ab omni concupiscentia voluntas: quod non sit litera docente & minante; sed spiritu adjuuante & sanante. *Circumcisio ergo prodest, si legem obserues*. Si autē prauaricator es legis, ut carnalem potius oblerues Circumcisionem: *circumcisio tua præputium facta est*, id est ad infidelitatē deputabitur. Sequitur. *Si ergo præputium iustitiae legis custodias, nonne præputium illius in circumcissione reputabitur: & iudicabit quod ex natura est præputium legem consummans, te qui per literam & circumcissionem prauaricator legis es?* Si præputium, inquit, id est, qui ex præputio venerūt. Hos enim iustitias legis custodientes componit & comparat Iudæis, qui per literam & circumcissionem carnis legem prauaricantur. Non autem ait, ipsam legem, id est, legem operum custodiant, vel sacramentorum, sed iustitias legis; id est moralem ejus disciplinam, quam custodiendo præputium intantum præfertur circumcissioni prauaricanti legem, ut iudicet eam. Et bene addidit, *legem consummans*. Ille enim qui secundum literam viuit, legem observat; qui secundum spiritum, consummat; perfectio verò in eo est, qui dicit. *Non veni legem soluere, sed adimplere*. Ideo notat qui in manifesto Iudæus est, neque quæ in manifesto est in carne Circumcisio: sed qui in abscondito Iudæus est, & circumcisio cordis in spiritu non litera; cuius laus non ex hominibus, sed ex Deo est. Obseruandus est cautiùs sensus apostolicæ disputationis: ne, dum ex varietate personarum modo hos modo illos alloqui videtur, quasi viā perditā ordo sensus in directum procedentis turbetur; & ad eum finem peruenire non possit legentis intellectus, quod eum ducit disputantis intentio. Qui finis, ut breuiter dicatur, gratia est, vel gratiæ commendatio. Ut ergo paulò superiùs recurramus, Paulus utroque & Iudæos & Gentiles paterno fonens affectu; Iudæos amplectens & in carne & in spiritu, Gē-

tes verò ob Euangelij gratiam & ministerij sui honorificentiam, his qui erant ex contentione, siue his, siue illis, iram & quæ sunt iræ interminatus; bene operantibus verò, siue his, siue illis, repromisit quæ gloriæ sunt & honoris: deinde verò, modo hos, modo illos, alternatim deprensus vel subleuans, vel coarctans, sic omnia ternatim depere nititur & dirigere, ut neutro maiore gloriam faciat vel inuidiam. Mox enim de Gentilibus subnectens, *Quicumque*, inquit, *sine lege peccauerunt, sine lege peribunt*. Statimque de Circumcisione. *Et quicumque*, inquit, *in lege peccauerunt, per legem iudicabuntur*. Rursumque gentes subleuans dicit. *Cum enim gentes, quæ legem non habent*, &c. Iterumque ad Iudæos sermonē conuertens. *Si*, inquit, *tu Iudæus cognominaris*; & ea quæ sequuntur. Et ne nimius videretur in increpatione Iudeorum, subiungit dicens. *Circumcisio prodest, si legem obserues*. Sed mox in partem Gentium limites gloriandi præfigens circumcisioni. *Si autem*, inquit, *prauaricator es legis: circumcisio tua præputium facta est*. Et paululum gentes subleuans, *Si*, inquit, *præputium iustitias legis custodias*; &c. Et validius adhuc animos eorum erigens; iudicabit, ait, *quod ex natura est præputium, legem consummans, te, qui per literam & circumcissionem prauaricator legis es*. Quia verò certū erat in lege & Prophetis multas esse promissiones, quæ ad circumcissionem spectare videbantur: ut etiam ad ipsas sperandas viam gentibus aperiret; *Non*, inquit, *qui in manifesto Iudæus est, neque quæ in manifesto in carne est circumcisio; sed qui in abscondito est Iudæus*, &c. Deinde sequitur, quod modò habemus in manibus.

**Q**UID ergo amplius est Iudæo? Sed procedamus viam nobis sternendo, ut post leuius incedamus usque ad conclusionem gratiæ. *Multum*, inquit, *per omnem modum*. Iudæo enim præparationes multæ fuerunt, & instructiones ad fidem Christi; Gentili nihil horum fuit, præter solam naturalem intelligentiam. *Præcellimus ergo eos? Nequaquam*; quia fidei maior præparatio, si non credis, non tibi est, nisi maior damnatio. Si verò tu credis, & ille credit: tua fides fidem eorum nequaquam merito antecedit. Quorum verò ad merita, certis causarum rationibus monstratum est, omnes sub peccato fuisse ante gratiam. Peccati verò per legem cognitio tantum sit, non remissio. *Nunc autem*, id est tempore gratiæ, *manifestata est iustitia*, non legis, non meritorum, sed Dei in sanguinem Christi. Hæc est gratia. Vnde & post paululū quasi concludendo infert. *Arbitramur hominem per fidem iustificari sine operibus legis*. Adhuc paululum ad superiora redeamus. *Non est*, inquit, *personarū acceptio apud Deum*. Quid ergo acceptum est apud Deum? Patientia boni operis. Hæc autem vnde est? Aut ex gratia, aut ex lege. Si ex lege, non ergo præter legem. Sed inuenitur præter legem: quia Gentes quæ legem non habent, naturaliter quæ legis sunt faciunt; id est fructū afferunt in patientia. Deinde sequitur. *Situ Iudæus cognominaris*. &c. Ac si dicat. O tu qui Iudæus cognominaris, iustificatio legis vnde est: ex lege, an aliunde? Ex lege non est: quia tu qui in lege gloriaris, per prauaricationem legis Deū inhonoras. Aliunde ergo. Ex spiritu scilicet, in quo iustificatur verus & occultus Iudæus: cuius laus non ex hominibus, sed ex Deo est. *Quid*

*Iudæos & Gentiles alternatim depere nititur & dirigere, ut neutro maiore gloriam faciat vel inuidiam.*

*V. 28. & 29.*

*Cap. 8. v. 3.*

*Iudæis plurimè res ad fidem fuerunt præparationes.*

*Vers. 21.*

*Vers. 23.*

*Cap. 2. v. 13.*

*Cap. 2. v. 17.*

Cap. 3. v. 1.

ergo, inquit, amplius Iudeo, aut qua utilitas circumcissionis? *Multum per omnem modum*: quia ad justificationem fidei siue spiritualiter, siue carnaliter, plures acceperunt preparationes. Gentem verò, plus acceperunt fidei, dicente Domino.

Mamb. 8.

Iudeo & Gentili pariter facultas ad fidem.

*Non inuenit tantam fidem in Israël.* Cur Iudæi minus fidei? Hoc altitudo sapientiae Dei est. Si ergo opus bonum ex gratia, si justificatio ex spiritu; utrique & Iudæo & Gentili facultas ad hæc patet & accessus. Sed cum ad hoc Iudæus ante gratiam plures accepit preparationes, quæ etiā ei fuerunt temporales consolationes: plus accepit per omnem modum. Tempore autē gratiæ Iudæus Gentilem non præcellit: quia quantum de præsentī Gentilis plus fidei accepit: quantum de præteritis utrumque æquē sub peccato gratia inuenit. Utrique ergo æquē necessaria est gratia. Ut verò jam ad seriē lectionis redeamus:

Vers. 2.

*Primū, inquit, quia credita sunt illis eloquia Dei, in lege scilicet & Prophetis, ad formam sacramentorum, ad eruditionem morum, ad preparationes ob suscipiendum Christi aduentum.* In quibus fuerunt quidem pauci qui crediderunt; sed multitudo quæ non credit, *fidem Dei non euacuabit*; id est, gentem illam à fide Christi nequaquam penitus alienauit. In quam cum promissiones Dei bonæ sint, falli non possunt; quia

Vers. 3.

*Deus est verax, omnis autem homo mendax*: in quo etiam homo ille mendax, quicumque vel non credit, vel non dicit, sine pœnitentia esse dona & vocationes Dei. *Quid enim, inquit, si quidam illorum non crediderunt? Numquid, inquit, infidelitas eorum fidem Dei euacuabit?* Fides

Vers. 4.

hic accipienda est, vel quam habet Deus ad eos quibus credit eloquia sua; vel quam habent ad Deum, qui meruerunt, ut credantur eis eloquia Dei. *Absit.* Absit, inquit, ut bonū vniuersitatis destruat malum quantumcumque singularitatis: absit, ut veritas promittentis Dei in irritum eat pro peccato hominis increduli: quia *omnis homo mendax, Deus autem verax; sicut scriptum est.*

Vers. 5.

Fides hic vel fidelitas Dei est, vel nostra credulitas.

*Ut iustificeris in sermonibus tuis & vincas cum iudicaris.* Omnis homo mendax; sed non tamen mendaces illi, ad quos sermo Dei factus est: quos non homines, sed Deos esse, Scriptura pronuntiat; & Dominus in euangelio confirmat. Deus autem verax, qui iustificatur in sermonibus suis. Horum autem verborum sensus de Psalmo, à superioribus expetendus est. *Tibi, inquit, soli peccavi*: quia Rex sum, & nullius hominis subditus iudicio. Tibi soli peccavi; quia coram te peccare non timui, qui vbique præsens es. Misere mei secundum magnam misericordiam tuam, in hoc scilicet ut iustificeris, id est iustus appareas in sermonibus tuis: quibus promissisti domum mihi ædificandam, & semen in eum post me futurum, cuius regnum stabiliendum sit in æternum. In quibus iustus & verax apparebis, cum eos mihi adimplebis, iudicans me secundum veritatem misericordiæ, quam dilexisti: & reddens mihi spiritum prophetiæ, in quo incerta & occulta sapientiæ tuæ manifestasti mihi: vincens iudicia hominum temerè & secundum faciem iudicantium, & te indulgentem & me pœnitentem, & promissionum tuarum bona mihi abiudicantium. Et totā sensus huius prolixitate Apostolus vsurpans, quod spectat ad comprobandā Dei veritatem; *ut iustificeris, inquit, in sermonibus tuis, & vincas cum iudicaris.* In quo notanda introducti exempli similitudo: quia sicut Da-

Vers. 4. Psalm. 50

vid post peccatum, sic omni Iudæorum genti post passionem Domini omnem indulgentiæ & promissionum gratiam abiudicabant temeraria iudicia hominum. Quæ iniuste iudicata misericordia vicit: dum de iniusta morte sua in magna misericordia etiam interfectores suis iustitiā ad vitam efficit. Audiat ergo quasi in Deum falsitatis blasphemiam Apostolus, & in genus suum calumniam generalis perditionis, quasi impatienter exclamans, *Absit, inquit. Est autem omnis homo mendax, Deus autem verax.* Et ex occasione huius blasphemie quasi collecto spiritu in blasphemos: sic, inquit, ex hac ipsa sententia dicunt.

*Si autem iniquitas nostra iustitiam Dei commendat, quid dicemus? Numquid iniquum Deum, qui infert iram?* Quod ut sub voce blasphemantiū se dicere demonstraret; *absit, inquit. Secundum hominem hoc dico.* Verè secundum hominem: sed nec quæ sunt hominis satis sapientem. Quod enim iustitia Dei ex nostra iniquitate commendatur, nequaquam hoc fit peccatorum nostrorum beneficio; sed ipsa rationis consequentia: ut contraria ex contrariis approbentur. Cū omni enim consequentia dignè meritoque inimica est & aduersatrix iustitiæ iniustitiæ, sicut lux tenebris, & vita morti: & iustum est, Deum, in quo est summa iustitia, inferre iram hominibus, in quibus est iniustitia. Et idcirco fortasse Apostolus, non homines iniustos ait commendare iustitiam Dei, sed iniustitiam nostram: ut ostenderet, non Deum hominibus, sed iustitiam iniustitiæ esse contrariam. *Alioqui quomodo, inquit, indicabit Deus hunc mundum?* Qui enim mundum iuste iudicaturus est: iniustus esse non potest. Aliud hoc est iustitiæ Dei argumentum. Deinde calumniam exaggerat, ut repellat. Dicit enim. *Si, inquit, veritas Dei in meo mendacio abundauit in gloriam ipsius: quid adhuc & ego tamquam peccator iudicor?* Sed hoc, ait Apostolus, nos non dicimus. Sed neque illud quod inde consequi arbitrantur, & aiunt nos dicere; *faciamus mala, ut veniant bona*: cum potius prædicemus, fieri bona, ne veniant mala. Hoc autem dicunt scienter peccantes: & ideo damnatio eorum iusta est.

Vers. 5.

*Quid ergo? Præcellimus eos? Nequaquam.* Repulsā calumniā ad seriē causæ reuertitur. Quid, inquit, tenemus amplius? Cū utramque partem sub peccato esse constet ante gratiam, gratia autem veniens, quantum in ipsa est, utrumque coæquet: iam nulla in alterutrum contritionis vel elationis causa relinquitur. *Causati enim sumus, Iudeos & Græcos sub peccato esse.* Quod etiam more suo Scripturis confirmat: ut & in hoc det exemplum Ecclesiæ Doctoribus, ut de Scripturarū testimonijs adstruāt quæ dicunt, & muniant. *Non est iustus quisquā, non est intelligens; non est requirens Deum.* Non est iustus, quia non est intelligens; non est intelligens, quia non est requirens Deum. Si enim requireret, intelligeret: si intelligeret, amando quē intelligeret, utique iustus esset. *Omnes declinauerunt.* Merito, ait quidam sapiens, aues capiuntur. Quibus cælum permissum est, quid quærūt in terram, ad laqueos? Nos quoque cælo relicto, ad quos natura etiam secundum ipsam corporis staturam erexit, terrenis omnes incubamus. Inutiles, mali prouocatione exempli alter alterum corrumpentes. *Non est qui faciat bonum.* Aliud est bonum facere, abiudic bene facere. Bene facere est per euentum, vel quasi in

Vers. 6.

Vers. 7.

Vers. 8.

Vers. 9. Iudæi Gentiles non præcellunt, sine ante, siue post gratiam.

Vers. 10.

Vers. 12.

transitu: bonum facere est studio & affectu: sicut econtrario de malo, ut puta de superbia, aliud superbire, aliud facere superbiam. Quidam enim in seipsis patiuntur: quidam faciunt & edificant superbiam. De quibus Propheta dicit.

*Psal. 100. Non habitabit in medio domus mea, qui facit superbiam. Non est usque ad unum.* Numera vnum & vnum, perfecte bonum non inuenies vnum: donec peruenias ad summè bonū, qui dicit. *Nemo bonus, nisi solus Deus. Sepulchrum patens est guttur eorum,* scilicet dū loquuntur. Quia enim secundum Prophetam mortui sunt à corde: per immunda exhalant verba fœtores putentis intus cadaueris. *Venenum aspidum sub labijs eorum,* qui nequiter loquuntur, nequius silent; cū insanabilis nequitia nequit quod vult: & tabescit in cordibus eorum. *Quorum os maledictione & amaritudine plenum est:* quia pleno ore maledicunt ubi audent: pleno corde amaricantur ubi non audent. *Veloces pedes eorum ad effundendum sanguinem.* Veloces ad omne peccatum in executione operis: quia nullo tenentur vel reguntur iudicio rationis. *Contritio & infelicitas in vis eorum:* quia laboris & afflictionis corporalis dura necessitas, & conscientie cruciantis infelicitas in omnibus actibus eorum. *Et viam pacis nō cognouerunt:* quia timor Dei non est ante oculos eorum, qui principium est sapientie, & eundi ad pacem illam, de qua dicitur, *pax multa diligentibus legem tuam.* Hæc quæ hic in vnum Apostolus mala congeffit, videtur pro Iudæis maximè intulisse: cū in principio psalmi de Gentibus dictum esse videatur. *Dixit insipiens in corde suo, non est Deus.* Sed confringenda maximè erat superbia Iudæorum, commemorando eis transgressiones legis, de qua gloriabantur: qui etiam de Patre Abraham cæterisque Patribus gloriantes, quasi naturalem se iactabant habere iustitiā. Vnde & subdit *Scimus, quoniam quacumque lex loquitur, is qui in lege sunt loquitur: ut omne os obstruatur;* & non aperiatur nisi in laude Dei: Gentibus ad humilitatem promptissimis ex conscientia præteriti erroris, Iudæis verò ex præuaricatione legis, ut dictum est, humiliatis, de qua se iactare videbantur. Quibus legis quantum prior acceptio, & major cognitio, tantò minor excusatio, tãto manifestior præuaricatio, & certior damnatio: quia etiam si fiant opera legis, *ex operibus legis non iustificabitur omnis,* carnaliter eam obseruans, coram Deo, qui cordis & intimæ voluntatis assector est, ubi videt, quia qui legem timet, mallet aliud facere, si liceret. *Ut subditus fiat omnis mundus Deo,* intelligens quid cui debeat: quid à quo accipiat. A lege quippe habet peccati cognitionem, à gratia verò iustitiæ manifestationem, pariterque ipsam iustificationem. *Per legem enim cognitio peccati:* non quodd peccatum non sciretur, sed quodd impune fieri putabatur. Sed si gratia non adiuuet, ut cognitum peccatum vincatur; lex iram potius operatur. *Nunc autem,* id est sub gratia, *iustitia Dei manifestata est:* quæ quamvis iustificet sine adiutorio legis, *testificata tamen est à lege & Prophetis;* ut cum lex annuntiaret, fides impleret, fieret perfectio. Nam neque fides testimonio legis carere debuit: nec iustitia legis nisi in fide adimpleri potuit. Sic ergo sine lege iustitia Dei manifestata est: testificata à lege & prophetis. Obseruatum est hic, ab his qui græcæ linguæ vel scripturæ habuere notitiam, apud Græcos, ob mul-

tarum legum differentiam, legem Moysi in scripturis eorum proprii cuiusdam articuli appositione denotari. Cū autem bis in hoc versu positum sit nomen legis, in primo loco, non in secundo appositum dicunt articulum illum: per quod datur intelligi, legem esse Moysi, à qua iustitia Dei testificatur: à nulla verò lege, quæ vel in paradiso data, vel naturaliter indita, vel scripto promulgata fuerit, adiuuatur. Notandum etiam, quodd peccatum dicit cognosci, iustitiam verò manifestari: quia omne quod manifestatur, lux est: peccatum verò cognoscitur potius quam manifestatur, quia de parte tenebrarum est. Quæ autem est hæc iustitia? *Iustitia,* inquit, *Dei,* cū fides impetrat, quod lex imperat: iustitia Dei, non hominum, non operū, non propriæ voluntatis. Non quod sine voluntate nostra fiat: sed quia voluntas nostra infirma per legem ostensa, per gratiā quæ est ex fide sanata, legem impleuit. Nam & in hoc lex utilis inuenitur: quia cū sanare non potest, sanandos mittit ad gratiam: liberā testificatione, & experientia infirmitatis suæ: mittitur autem ad gratiam & viuificantem spiritum: ubi & peccata omnia delentur, & bene agēdi charitas inspiratur. Hæc est iustitia Dei per fidem Iesu Christi pertransiens in omnes, & super omnes, qui credunt in eū: in omnes quantum ad vniuersitatem credentiū: super omnes, inquantū omnia merita supergreditur suscipientiū. Non enim est distinctio, vel Iudæi, vel iusti, ut minus indigeat; vel Gentilis, siue peccatoris pœnitentis, ut minùs accipiat. *Omnes enim peccauerunt, & egent gloria Dei.* Nō enim eget Deus, ut glorificetur ab aliquo: omnes verò omnino egent, ut glorificetur Dens in eis. Cujus gloria est, iustificari gratis per gratiā ipsius. Cujus verò est gratia, ipsius est & gloria. *Per redemptionē, quæ est in Christo Iesu Domino nostro.* Redimēdi quippe erant; qui seipsos venderant. Vādit se homo in consensu peccati, quod est mors animæ; cū accipiens peccati ipsius delectationem, dat quodammodo spem vitæ suæ, & vitæ æternæ. Venit homo, qui solus iustus natus est: & qui delectationem peccati non suscepit, peccati pœnam non renuit: & hanc iustitiā dedit homini vendito, & non habenti in substantia naturæ suæ vnde se redimeret: ut de pœna ejus solueret chirographum debiti sui. Et hæc est iustitia Dei, ut per fidem inhaerentes ei qui pro nobis mortuus est; ex ipso habeamus, quod non possumus ex nobis. Quod quia gratis nobis collatū est; gratia est. Quem, ut omnia gratiæ responderent, ante sæcula prædestinavit, in hoc verò tempore palam posuit propitiatorē in sanguine ipsius, cū in conspectu Gentium reuelauit iustitiam suam: quæ & iustus apparet peccata non relinquendo impunita; & iniustum iustè iustificaret, ea remittens, spontanea propitiatoris sanguinis effusione expiata. Cui cū per fidem peccator adhæret: in ejus iustitia in gloriam iustificantis iustificatus euaderet: sanguine, ut dictum est, propitiatoris expiante, charitate sanante, iustitia iustificante. Ad ostensionem ergo iustitiæ suæ peccantes diu sustinuit, vel sustentauit: tempore verò gratiæ iniustus iustitiam ipse præparauit, & fecit. Sicque iustitiam suam ostendit quantū ad præterita, peccatores misericorditer sustentando: quantum verò ad tempus præsens, gratiæ largiendo indulgentiam, & gratis iustificando. Hoc semel

*Peccatum cognoscitur, iustitia manifestatur.*

*Non fit iustitia sine nostra voluntate.*

*Vers. 23.*

*Vers. 24.*

*Christum prædestinatum.*  
*Vers. 25.*



fecit omnibus: hoc assidue facit singulariter singulis. Sustinet & sustentat peccantem, inspirat & præparat conuersionem, infert etiam nonnullam necessitatem, sanat voluntatem, adiuuat infirmitatem: & cum totum fecerit, ei cui fit, totum facti meritum adscribit. Hæc est gratia, hæc est Dei iustitia: de qua propheta dicit. *In tua iustitia libera me.* Vniuersa massa pœnas debebat: & si omnibus debitum damnationis supplicium redderetur, non iniuste proculdubio redderetur. Quis igitur usque adeo demeritissime insanit: ut non agat ineffabiles gratias misericordiae quos voluit liberantis, qui recte nullo modo posset culpae iustitiam vniuersos omnino damnantis? Quod cum iustissime sit conclusum: evidentissime est exclusum, ut nemo in se, nemo in lege, nemo nisi in Domino gloriatur.

Psal. 30.

Vers. 27.

Excludi dupliciter dicitur aliquid.

Psal. 67.

Job 28.

Omnia præcedit omne meritum.

1. Cor. 4.

1 Timot. 1.

Rom. 14.

*Vbi est ergo gloriatio tua? Exclusa est. Per quam legem? Factorum? Non Sed per legem fidei.* Siue gloriationem dixerit laudabilem, quæ in Domino est; eamque exclusam, id est, non ut abscederet, pulsam, sed ut emineret, expressam: unde & excludores dicuntur quidam artifices argentarij: unde est & illud in Psalmo, *ut excludantur, qui probati sunt, argento*; id est emineant, qui probati sunt eloquio Domini: siue gloriationem vitiosam de superbia venientem commemorare voluerit, eorum scilicet, qui cum sibi iuste videntur viuere, ita gloriantur, quasi non acceperint: eam non per legem factorum, sed per legem fidei dicit exclusam, id est eiectam & abjectam. Per legem enim fidei quisque cognoscit ex gratia Dei se habere, si bene viuit: & ut perficiatur in dilectione iustitiæ, non se aliunde cōsecuturum. Quæ cognitio pium facit, quia pietas est vera sapientia. Pietatem dico, quam Greci *φιλία* vocant. Ipsa quippe commendata est in libro Job, cum dicitur. *Ecce pietas est sapientia.* *φιλία* enim Dei cultus est. Qui in hoc maxime constitutus est, ut anima ei non sit ingrata. Superba enim & quasi non vulgaris, sicut de eloquentia, vel de diuitijs, est ista gloriatio; de his scilicet quæ propriè propria sunt bona bonorum, id est de iustitia; cum eam sibi arrogare præsumit, vel pro operibus legis Iudæus, vel pro meritis operum quilibet homo superbus. Quæ cum nulli constet nisi ex fide: cauendum tamen est, ne quasi merces pro merito fidei credatur aut dicatur ab his, qui quasi sapienter de iustitia instantur. Nam cum fides impetrat iustificationem, sicut unicuique partitur Deus mensuram fidei, non gratiam Dei aliquid meriti præcedit humani; sed per hoc ipsum gratia meretur augeri, ut etiam mereatur perfici. Nam & de ipsa fide, *quid habes, quod non accepisti?* Unde & alibi ipse Apostolus, *Misericordiam, inquit, consecutus sum, ut sim fidelis.* Non ait, quia sum fidelis; sed *ut sim fidelis.* Fides quippe non est res meritum, vel proprij arbitrij. Gratuitum Dei donum est: & inde bona omnia incipiunt. Opera quippe bona fiunt ab homine, fides verò fit in homine, sine qua bona opera à nullo fiunt homine. *Omne enim quod non est ex fide, peccatum est.* Nec ipsius orationis meritum se extollat: etiam si non nisi Deum, vel quæ Dei sunt, postulat. Cum adiutorium datur oranti, fides orat, quæ data est non oranti: quæ si non data esset, orare non posset. In omnibus his, ô Iudæe, ô superbe, *exclusa est gloriatio tua. Per quam legem? Factorum? Non, sed per legem fidei.* Sciendum est, in quo dif-

ferant lex factorum & lex fidei, cum æquè vtræque dicat, *Non concupiscas*: in qua prohibitionem omnia continentur peccata, quæ per concupiscentiam fiunt; & sua vtræque habeat sacramenta operum, licet dissimilia. Scilicet in lege factorum est Dei iubentis iustitia; in lege verò fidei, subuenientis misericordia. Quod enim lex factorum minando imperat, hoc lex fidei credendo impetrat. Lege factorum dicit Deus, fac quod iubeo: lege fidei dicitur Deo, da quod iubes. Ideo enim iubet lex, ut admoneat quid faciat fides: id est, ut cui iubetur, si adhuc non potest, sciat quid petat: si autem continuò potest, & obedienter facit, sciat quo donante possit. Ipsa est illa sapientia, quæ pietas vocatur, quæ colitur pater luminum, à quo est omne datum optimum, & omne donum perfectum. Colitur autem sacrificio laudis, & actionibus gratiarum, ut cultor ejus non in seipso, sed in illo gloriatur: & bonus fidei filius nouerit à quo speret, quod nondum habet: & à quo habeat, quod jam habet. Lex verò factorum, est lex sancta, & mandatum sanctum, & iustum, & bonum; sed per cuius bonum peccatum operatur mortem, prohibens & faciens omnem concupiscentiam: imperans & non adiuuans, puniens nec liberans. Habet autem lex fidei instituta quædam in sacramentis Ecclesiæ, legis factorum sacramentis actu faciliora, vtilitate meliora, virtute maiora, numero pauciora: tamquam iustitiæ fidei reuelatæ, & in libertatem vocatis filijs Dei, & iugo seruitutis ablato, quod duro & carni dedito populo congruebat. Quæ tamen & ipsa suo tempore cessabunt: quia sicut illis primus, sic & istis finem imponet secundus Christi aduentus: scilicet cum regnum manifestæ veritatis illuxerit. Sequitur. *Arbitramur enim iustificari hominem per fidem, sine operibus legis.* Quid ergo? Fides per dilectionem non operatur? Vtique. Sed cum essent aliqui ex Iudæis, qui de operibus legis gloriabantur, quæ non per dilectionem, sed ex timore facerent, & iustos se vellent videri, & præponendos Gentibus, quasi qui opus legis non fecerint; exclamauit Apostolus securus, quia potest homo iustificari sine operibus legis per fidem: ut illi magis non fuerint iusti, qui & faciebant, timore faciebant; quàm quorū fides per dilectionem operetur in corde, etiam si foras non exeat in opere. Absit autem, ut sic credatur Apostolus dixisse, posse hominem iustificari sine operibus, ut credens quis si tempus habuerit operandi, non ad eum pertineat bene operari: sed hoc potius, ut nemo arbitretur meritis priorum operum se venisse ad iustificationem, quæ ex fide est. Dicit ergo, posse hominem iustificari sine operibus, sed præcedentibus: iustificari autem per fidem & gratiam, quæ vacare in eo non potest, si tempus habuerit operandi. Sin autem, iustitia fidei manet cum eo. Contrà, illam sterilem fidem, cum tempus habeat operandi, ita nihil prodesse asseuerat, ut dicat. *Si habeam omnem fidem, ita ut montes transferam, charitatem autem non habeam, nihil sum.* Fidelis enim charitas semper operatur, in qua sine dubio bene viuitur; quia plenitudo legis est charitas. Sed esto, ait Iudæus, non nisi per fidem iustificari hominem, sed solum Iudæum: quia cuius fuit lex, ipsius est & fides. Ad hæc Paulus. *An, inquit, Iudeorum Deus tantum, qui legem factorum acceperunt? Nonne & Gentium, quibus tradita est lex fidei tantum? Imò &*

Iac. 1.

Sacramenta nostra antiquius præstantiora.

Vers. 28.

Non excludit Apostolus bona opera.

Sterilis est fides, si non operetur, quando potest.

1. Cor. 13.

Vers. 29.

*Justificari ex fide & per fidem, idem est.*

*Vers. 31.*

*Cap. 4. v. 1.*

*Vers. 2.*

*Vers. 3.*

*Vers. 4.*

*Vers. 5.*

*Ioann. 14.*

*Credere Deo, & in Deum, ut differant. Psalm. 77.*

*Gen. 12 & 22.*

*Ioann. 8. Vers. 5.*

Gentium, quia qui verumque creauit, vtrumque saluabit. Quoniam quidem unus Deus est, qui iustificat circumcisionem ex fide; & praputium per fidem. Quod dicit ex fide, & per fidem, non sensus, sed verborum tantum videtur esse varietas: cum alibi praputium dicat iustificari ex fide, & circumcisionem per fidem. Quod tamen nonnulli literæ inhærentes, sic arbitrantur esse intelligendum; ut in eo quod dicit circumcisionem iustificari ex fide, fidei principium circumcisioni attribuant: praputium verò quasi secundo loco iustificari per fidem, velint adstruere. Quod vtrum satis literæ conueniat, lectoris arbitrio relinquamus. Hoc interim stes, sine legis operibus hominem iustificari per fidem. Legem ergo destruimus per fidem? Absit: sed legem statnimus. Per legem quippe cognitio peccati; per fidem impetratio gratiæ contra peccatum; per gratiæ sanatio animæ à vitio peccati; per animæ sanationem libertas arbitrij: per libertatem arbitrij iustitiæ dilectio: per iustitiæ dilectionem legis impletio. Ac per hoc lex non destruitur per fidem, sed statuitur: quia fides impetrat gratiam, qua lex impleatur. Quid ergo dicemus inuenisse Abraham secundum carnem? Apostolus commendans iustitiam quæ ex fide est, adversus eos, qui gloriantur de iustitia, quæ est ex operibus, adducit Abraham in exemplum; quem Deo placuisse, dubium non est. Hæc autem sententia Scripturæ ad hoc vult intentionem nostram dirigere. Credimus nos, & Apostolus dicit, quia Abraham ad Deum habet gloriam. At si ex operibus iustificatus est; habet gloriam, sed non ad Deum. Ad Deum autem habet gloriam. Non ergo ex operibus iustificatus est. Vnde ergo? Sequitur. Quid enim Scriptura dicit? Id est, vnde dicit Scriptura, iustificatum Abraham? In eo quod sequitur. Credidit Abraham Deo, & reputatum est ei ad iustitiam. Ergo ex fide iustificatus est Abraham. Ei verò qui operatur, id est de operibus præsumit, & eorum merito datam sibi jactat gratiam Dei, merces est: quia non reputatur ei secundum gratiam, sed secundum meritum. Sed vix quantæcumque iustitiæ hominis, si remotâ misericordiâ iudicetur. Ei verò, qui non operatur, credenti fidem Deus autem in eum qui iustificat impium, reputatur fides ejus ad iustitiâ. Ipsum autem credere, opus est gratiæ. Hoc enim Christus operatur in nobis: non utique sine nobis. Opera enim, inquit, quæ ego facio, & ipse faciet: quia facio ut faciat, ut iustus ex impio fiat. Deinde verò fidelis charitas operatur: & tunc proculdubio bene viuitur. Refert autem, quomodo quis credat Deo, ut credat in Deum. Credit Deo, qui credit loquenti vel promittenti: vel credit Deo, qui credit ei seipsum. Vnde de quodam populo dicit Propheta. Non est credens cum Deo spiritus eius. Credere verò in Deum est credendo & amando ire in Deum, & membrum effici corporis ejus; vel in obedientiam beneplaciti ejus semetipsum offerre, quicquid est ipse, sicut fecit Abraham; cui, quia perfecte credidit, ideo reputata est fides ejus ad iustitiam. Credidit quippe Deo promittenti sibi semen, credidit in Deum, cum egrediens de terra & de cognatione sua, obediuit ire in terram quâ nesciebat: vel cum offerebat filium, in quo susceperat repromissiones: vel cum exultauit ut videret diem Domini, & vidit, & gaudius est. Secundum propositum gratiæ ejus. Sic enim Deus decreuit & disposuit, ut cessante lege fides iusti-

ficeret. Sicut & David dicit beatitudinem hominis, *Vers. 6.*  
cui Deus accepto, id est gratis factio acceptabili, fert iustitiam sine operibus. Beati quorum remissa sunt iniquitates. Cum enim in omnibus peccata inueniantur: restat, ut non sint beati, nisi quorum remissa sunt iniquitates. Et hæc est gratia, ubi nihil est meritorum tuorum: gratis datur tibi remissio peccatorum tuorum. Ideo non dixit, quibus non sunt: sed quibus remissa sunt iniquitates: vel testata sunt peccata; vel non imputatur peccatum, cum sit. Non autem testata sunt peccata, ut sint & viuant: sed ne videantur, ne aduertantur, ne animaduertantur. Sed inspicienda est ordinis ipsius differentia; qua dixit primum remissas iniquitates, deinde testata peccata; postmodum verò non imputandum peccatum. Initium enim est conuersionis mala relinquere, quod malorum præteritorum meretur remissionem: deinde singula mala singulis vel amplioribus bonis obtegere; ubi verò ad perfectionem res venerit, gratiâ Dei & studio bonæ conuersationis per virtutis affectum ipsum peccati affectum à cordis intimo radicatus extirpare. Iam enim peccatum coram Deo nec imputatur factum, quod ab anima iustificatione Dei innouata, sic fuerit amputatum. Iniquitas verò quæ græce dicitur, & peccatum, in hoc videntur habere differentiam, quodd iniquitas est, quod contra legem fit: peccatum verò, vel quod contra naturam committitur, vel contra redarguentem conscientiam. In his ergo quæ dicta sunt, inuentum est, patrem nostrum Abraham ex fide, non ex operibus inuenisse iustitiam, ex iustitia verò beatitudinem: nisi quod in eo adhuc hæsitare videtur intellectus, quod dicitur; *Ei qui operatur, merces non imputatur secundum gratiam, sed secundum debitum: credenti autem in eum qui iustificat impium, reputatur fides ejus ad iustitiam.* Videtur enim ostendere, quasi in fide quidem gratia sit iustificantis; in opere verò sonare videtur iustitia retribuentis. Sed qui bene consideraerit verborum eminentiam, quod dicit, operanti imputari mercedem secundum debitum, mirum, si persuadere sibi poterit, quod possit vllum opus esse, quod ex debito remunerationem Dei deposcat: cum, si quid boni possumus, agimus, cogitamus, donum Dei sit: nihilque ei possit offerri, quod ipsi patris luminum donum datum fuerit. Vide ergo, ne non sinistri potius operis intelligendum sit debitum. Debita etenim peccati in diuinis voluminibus sæpe inuenies sicut illud, *dimitte nobis debita nostra*, & de seruo rationem reddente, *Redde quod debes*. Vide ergo, ne forte & in hoc loco mercedem operis quæ secundum debitum redditur, ad hunc sensum Apostolus traxerit, de his qui ita operantur, sicut Cain operatus est terram; vel ad quos dicitur, *Discedite à me operarii iniquitatis*. Cum ergo cõstet, quod beatitudo ex gratia sit per fidem: *Beatitudo hæc in circumcisione tantum manet, an etiam in praputio?* Iam enim dixerat superius, quodd credidit Abraham Deo, & reputatum est ei ad iustitiam: & huiusmodi fides quid haberet beatitudinis ostenderat. Nunc verò proponit interrogationem: ex cuius responsione doceat, & ex ipsa temporum ratione, quod contra ludæos pro gratia victoriosissimum est, beatitudinem scilicet iustificationis non in circumcisione, sed adhuc in praputio posito Abraham per fidem collatâ, dicente Scriptura. *Credidit Abra-*

*Quid differant iniquitas & peccatum.*

*Vers. 4.*

*An opera ex debito deposcant remunerationem.*

*Matth. 6. Matth. 18.*

*Luc. 13.*

*Vers. 19.*

*Genes. 15.*

ham Deo; & reputata est ei ad iustitiam. Quod si Abraham cum adhuc esset in præputio, ex fide iustificatus est: potest & omnis qui credit Deo, iustificari per fidem, etiam si sit in præputio: pertinetque & ad eum de Psalmo prædicta beatorum; cum etiam ipsi reputetur fides ad iustitiā. Potius enim de nō iustis, quā de iustis dicitur, quoniam fides eis reputatur ad iustitiā: eis scilicet, qui antequam haberent hanc fidem, iustitiam non habebant. Vnde dicit. *Quomodo reputata est? In circumcissione, an in præputio?* Et ipse sibi responderet, quia *non in circumcissione, sed in præputio*. Si enim per id temporis in circumcissione inuentus fuisset: videtur utique à fide & gratia exclusum esse præputium. Nunc verò ostenditur, quod in præputio adhuc posito reputata est fides ejus ad iustitiam; & ideo pronuntiatur, quia cum Abraham in præputio positus per fidem iustificatus sit: sine dubio princeps & pater meritis dicitur omnium credentium per præputium: id est cum adhuc sint in præputio. Quod verò post fidei professionem, quæ in præputio facta est, accepit circumcissionem: consequenter exponit causam acceptæ circumcissionis. Ut esset, inquit, *signaculum eius fidei, quam habuit in præputio* positus: ut per hanc pater fieret etiam eorum qui in circumcissione nascuntur: si tamen pertineant ad illam fidem, quæ Abraham in præputio iustificavit. Efficitur ergo utriusque generis pater, his qui sunt in præputio per fidem: his verò qui sunt ex circumcissione, & per fidem, & per carnem. Exinde enim incipit posteritas Abraham duplici sacramento. Fides enim Abraham, ipsum est semen Abraham. Qui pertinent ad credulitatis similitudinem: ipsi pertinent ad hæredum repromissionem. Iam priusquam hinc transeat, subtilius indagandum est, quomodo reputata est fides Abraham ad iustitiam: & utrum quicumque Deo credit, statim etiam iustus sit, & reputetur ei fides ejus ad iustitiam: cum iustitia non vni sed omnium virtutum videatur plenitudinem complecti. Iniustus enim quisque in eo esse convincitur; in quo de iustitia aliquid ei deesse comprobatur. Sed antiquorum philosophorum de virtutibus est sententia: omnes habere, qui aliquam habuerit. Sed & Christianæ religionis de eis virtutibus, quæ propriæ christianæ pietatis sunt, eadem sententia est. Quicumque enim credit, quantum credit, tantum sperat, tantum amat, tantum operatur. Qui sperat, tantum sperat quantum credit, quantum amat, quantum operatur. Sic & qui amat: sic etiam qui operatur. Et hæc est plena & perfecta, & cōquadrata sibi Dei iustitia. Vnde cum Abraham tentaretur perfectio, perfectum fidei opus ei iniunctum est; ut per affectum patris fides probaretur credentis, & perfectus inventus est. Perfectionem verò operis ejus non intelligit, qui magnitudinem tentationis non aduertit. Filium quem offerre iuebatur, in senectute de sterili vxore genuerat: vnicus erat ei, in quo & repromissiones acceperat, alterum sperare non poterat. Tolle, inquit Dominus, *filium tuum quem diligis Isaac, & offer mihi illum in holocaustum*. Quid Pater Abraham? Non fleuit, non hæsitavit, nō excusavit; sed palam ostendit, quæ plus amaret, Deū aut filium: & cum perfectè credidit, & perfectè amavit, perfectum etiā opus aggressus est: ideoque & filium meruit recipere, & fides ei ad iustitiam reputata est. Audierat verba exquisita ad

dirumpenda & discerpenda paterna viscera: sed lorica fidei indutus, securus tentationem percurrit: & paterni affectus dulcedinem non turbavit, sed adauxit. Merito ergo, ut sæpe dicatur, fides ei reputata est ad iustitiam. Sed & quicumque fidem Abraham habuerit, risumque cordis sui, id est, carnis voluptates, & animæ voluntates in ara sanctæ professionis Deo optulerit, audiet à Domino: per memetipsum iuravi, quia fecisti rem hanc & non peperisti animæ tuæ propter me; benedicens benedicam tibi; & reputabitur & ipsi fides ejus ad iustitiā. Coguntur ergo Iudæi fateri Abraham iustificatum per fidem: nos quoque cogimur intelligere, omnes antiquos, qui iustificati sunt, ex hac ipsa fide iustificatos. Quod enim credimus nos ex parte præteritum, ex parte futurum: hoc totum illi credebant futurum, reuelante sibi Spiritu sancto, ut salvi fierent. Sciendum autem de circumcissione Abraham, & baptismo nostro, quorum vnumquodque in tempore suo signaculum fidei fuit; signans scilicet cordis circumcissionem, vel conscientie munditiam; quoniam circumcissus gignit præputiatum; sicut baptizatus non baptizatum: transfundens uterque vitium originis, quo ipse iam caruit. Sicut ergo tunc circumcidendus: sic omnis qui saluari vult, modò est baptizandus. Transibit autem vnumquodque hoc sacramentum: quod autem signant signa hæc vel signacula, manebit in æternum. Vtrumque enim posuit, & signum & signaculum: & nonnulla videntur habere differentiam. Signum est, quod visum, vel cogitatum in mentem venire facit rem, cuius est signum. Ionas in ventre ceti tribus diebus & tribus noctibus, signum fuit Domini Iesu Christi, futuri in corde terræ tribus diebus & tribus noctibus. Carnalis quoque circumcisio signum est circumcissionis spiritualis. Signaculum verò est, cum alicui rei seruandæ pro tempore custodia imponitur, quod nemo alius, nisi qui impressit debeat resignare. Hæc est iustitia fidei, per quam indicatur Abraham pater futurus multarum gentium: quod tunc credimus resignandum, cum ingressa Gentium plenitudine, & omni qui tunc erit Israël saluato, in vnum apparebit sancta Abraham posteritas. Potest etiam intelligi, quod mysteria quæ in lege & Prophetis vel Patriarchis adumbrabantur, huiusmodi erant, quæ & signis indicanda essent; & signaculis obseranda. In his ergo, quæ signis indicanda erant his qui credebant & Gentibus, signum accepisse dicitur pater Abraham: in eis verò, quæ his qui ex circumcissione crediderant, obseranda erant & obregenda, signaculum dicitur accepisse: quod tunc resignabitur, cum, sicut dictum est, plenitudine ingressa, omnis Israël saluabitur. Pater est ergo Abraham & circumcissionis & præputij; & in præputio non in circumcissione reputata est ei fides ad iustitiam: & signum accepit circumcissionis signaculum iustitiæ fidei, quæ est in præputio; id est, quam habuit priusquam circumcideretur: ut sit pater omnium credentium per præputium, id est in præputio; ut sicut reputata est illi fides, sic reputetur & illis ad iustitiam: & sit pater circumcissionis, non his tantum qui sunt ex circumcissione; sed & his qui sectantur vestigia fidei, quæ est in præputio patris nostri Abraham. Non enim per legem promissio: quod si esset, ad eos tantum esset, qui legi deseruiunt. Nunc autem non per legem promissio Abraham, aut semini eius, ut heres

*Quinam imitentur Abraham.*

*Eadem fides nostra & antiquorum.*

*Signi & signaculi differentia. Matth. 12.*

*Rom. 11.*

*Vers. 11.*

*Vers. 12.*

*Vers. 13.*

*Vers. 9.*

*Abraham quomodo pater creditum per præputium.*

*Vers. 11.*

*An qui unā virtutē habet, omnes habeat.*

*Magna ratio Abraham.*

*Genes. 22.*

effect mundi: ut in toto ei mundo dilaretur hæreditas: ut in semine ejus benedicerentur omnes gentes. Non per legem, sed per iustitiam fidei: quia legis observatio vix pœnam effugit: fidei verò meritum spem promissionis expectat. Et præceptum servis ponitur: fides verò ab amicis exigitur. *Si enim qui ex lege, hi tantum hæredes sunt; exinanita est fides Abraham, qua justificari meruit, & nullius meriti effecta: abolita est promissio, ut jã nulli sint hæredes.* Si enim ita esset, oportuerat primum Abraham legem implere: cui implenda frustra insisteret; quia *lex iram potius operatur.* Vbi verò ira est; hæreditas non est. Ira autem in lege est, nam prævaricatio. *Vbi verò non est lex, nec prævaricatio.* Prævaricatio autem duplex peccatum est. Quod sine lege simpliciter est peccatum: in lege & peccatum & mandati prævaricatio est. Vbi enim prævaricatio est contemnentis; quid restat nisi ira iubentis? Nō ergo ex lege hæreditas: quia lex iram operatur. Ideo ex repromissione: quia Deus quod promissit, ipse facit. Qui enim præcepta legis implere se putat per arbitrium propriæ voluntatis sine spiritu gratiæ, suam iustitiam vult constituere; non iustitiam Dei sumere. Non hoc promissit Deus Abraham. Non enim de nostræ voluntatis potestate, sed de gratia prædestinationis suæ promissit, quod promissit Deus Abraham. Promissit enim, quod ipse facturum fuerat, non quod homines: quia etiam cum ipsi homines faciunt bona, quæ pertinent ad colendum Deum; ipse facit, ut illi faciant quæ præcepit: non illi faciunt, ut ipse faciat quod promissit. Alioqui ut Dei promissa impleantur, non in Dei, sed in hominis potestate est: & quod à Domino promissum est, ab homine redditur Abraham. Non autem sic credidit Abraham: *sed credidit dans gloriā Deo; quoniam quæ promissit potens est & facere.* Facere, inquit; non prædicere, vel præscire. Sua ergo & non aliena facta promissit: cum in fide gentium promissit filios Abraham. Quod esse non possunt, si non habeant fidem. Ergo donat & ipsam fidem. Sed cum dicitur, inquit, *qui crediderit salvum erit;* vnum horum exigitur, alterum offertur. Quod exigitur ab homine, in hominis potestate est: quod offertur, potestatis Dei est. Et cur vtrumque non erit potestatis Dei; & quod iubet, & quod offert? Imò rogetur quod iubet, quem rogant discipuli credentes, ut eis augeatur fides. *Ex fide ergo omnia, ut secundum gratiam firma sit promissio omni semini, non ei tantum qui ex lege est,* id est qui ex veteri testamento venit ad novum; *sed & ei, qui ex fide est Abraham,* id est imitator fidei Abraham; nil arrogans sibi de promissa lege, sed simplex ejus filius est: qui quantum ad fidem, *pater est omnium nostrum,* tam Iudeorum quam Gentilium: *sicut scriptum est; quia patrem multarum gentium posui te ante Deum, cui credidisti: qui vivificat mortuos, & vocat ea quæ non sunt, tamquam ea quæ sunt.* Vocat; quia ipse fecit, quæ futura sunt. Et naturam & gratiam in nobis ipse prædestinavit: & facit Deus, & quod homines sumus, & quod fideles sumus: ipsamque facit iustitiam, si iusti sumus. Et quoscumque ad hoc elegit, habet apud se, non in natura sua, sed in præscientia sua. Et hoc est, quod dicit *ante Deum.* Ante Deum quippe jam factum est, quod in ejus dispositione futurum est. Et *vocat ea quæ non sunt, tamquam ea quæ sunt.* Non vocat ut sint; sed vocat tamquam ea quæ sunt.

Nondum erant, qui promitterentur: ne quisquā de meritis gloriaretur. Et quibus promissum est, & ipsi promissi sunt: ut totum corpus Christi dicat, gratia Dei sum id quod sum. Hæc est gratia, quam sicut thesaurum magnū Noë, Moyses, cæteri; sancti dicuntur inuenisse: dicente Scriptura. *Inuenit gratiam in conspectu Dei.* Sed adhuc notandum quod dicit, *Ideo ex fide, ut secundum gratiam firma sit promissio:* quasi ostendere volens, quia si ex lege promissio esset, firma nō esset. Vtique, quia quæ ex lege sunt, in tabulis scribuntur, vel chartulis: quæ verò sunt gratiæ, digito Dei, id est Spiritu sancto mentibus nostris inscribuntur. Fidelis quippe anima fidem à Deo datam ipsi resignans, fideliter eam offert Sancto Spiritui, tamquam ceras præparatas, ut quod ei placuerit inscribat: & quod ab ipso inscriptum fuerit per amorem Spiritus, interior affectus in æternum inviolabiliter teneat. Et hæc est fides, quæ reputatur ad iustitiam: quæ capax gratiæ efficitur. Hoc autem contingit semini Abraham: non ei tantum qui ex lege est, id est ex observatione legis venit ad gratiam: sed & ei qui ex fide, id est ex sola imitatione fidei reputatur filius Abraham, in eo in quo positus est Pater omnium credentium, tam ex gentibus quàm ex Iudeis. *Qui vivificat mortuos,* vel mortuos in anima morte peccati: vel qui colebant idola, secundum Prophetam simulachris suis similes effecti. *Et qui vocat ea quæ non sunt, tamquam ea quæ sunt,* Exor. 3. Qui cum eo participium non habet, qui dicit, *Ego sum qui sum:* nec esso dicendus est. *Qui contra spem in spem credidit.* Contra spem ipse sibi erat, cui spem generandi tam sua senectus, quàm conjugis & senectus & sterilitas denegabat. Contra quæ omnia credidit in spem; quia credidit Deo, qui dabat spem, cui facile esse sciebat, implere quod promittebat. Bene autem dicit, credidit in spem: quia ex fide profecit in spem. Profectus enim fidei spes est, perfectio autem charitas. *Non infirmatus est fide;* cum multa essent, ut dictum est, quæ ipsam ei fidem infirmare posse videbantur. Credendo autem *dedis gloriā Deo: plenissime sciens,* quia nec falleret in promittendo, nec deficeret in implendo, qui promiserat. *Nec consideravit corpus suum mortuum, cum ferè centum annorum esset; & mortuam vulvam Sara.* Non enim jam semen Abraham incontinentiæ agebat dissolutio; non sanctam ejus conjugem lascivia muliebris: in quibus jã plus ex religione quàm ex natura vigeat membrorum mortificatio. Sed vbi audierunt tantā sobolis & posteritatis spem, ut gloriā ejus cælo & sideribus Deus promitteret ex æquandam: non jam aspexerunt ad propria bona, & continentiæ gratiam: sed omnia arbitrati sunt detrimenta, ut Christum ex semine suo lucri facerēt. Sic enim dictum est ei. *Sic eris semen tuum, sicut stella cæli: & sicut arena maris.* Vbi per stellas spirituales filij Abraham intelligendi sunt, luce virtutum conspicui: per arenam verò maris carnalis & infructuosæ generationis infinita multitudo. *In repromissione etiam Dei non hesitavit ut diffideret: sed confortatus est fide, dans gloriā Deo.* Ideo reputatum est ei ad iustitiam. Non est autem scriptum tantum propter ipsum, quia reputatum est illi ad iustitiam: sed & propter nos, quibus reputabitur, credentibus in eum, qui suscitavit Dominum nostrum Jesum Christum à mortuis: qui traditus est propter delicta nostra; & resurrexit propter iusti-

Genes. 6.

Fidelis anima ut se habeat ad Deum.

Exor. 3. Vers. 18.


Profectus fidei spes est, perfectio charitas.

v. 20. 21 & c.

*ficationem nostram.* Inquirendum sollicitè est, quid est, quod Apostolus in hoc loco Deū nominans cui credimus, & cui Abraham credidit, non dixit, credentibus in Deum excelsū, vel in Deum qui fecit cælum & terram: sed tantum, qui suscitauit Dominum Iesum à mortuis. Nimirum quia multum magnificentius est in laudem Dei Dominum Iesum Christum suscitare à mortuis: quàm creare cælum & terram. Illud enim fuit, facere quæ non erant: hoc autem est reparare quæ perierant. Illud fuit, noua instituere: istud fuit, perdita restituere. Cujus rei mysterium jam in fide Abraham præcesserat: cum iussus filium immolare, credidit, sicut dicit Scriptura, quia & à mortuis potes est suscitare Deū. Propter hoc gaudens vnicum offerebat; quia in eo non interitum posteritatis, sed reparationem mundi, & innouationem totius creaturæ cogi-

*Credidit Abraham filium suum suscitandū.*

tabat: quæ per resurrectionem Domini futura erat. Hoc ergo modo competenter videbitur habita comparatio fidei Abraham, & eorum qui credunt in Deum, qui suscitauit Dominum Iesum Christum: quia quod ille credidit futurū, nos credimus factū. *Qui traditus est propter peccata nostra; & resurrexit propter justificationem nostram.* Mors Christi & significat, & exigit mortificationem veteris hominis nostri, & resurrectionem ad iustitiā. Propter quod implacabiliter exosum habere debet homo peccatum suum: propter quod scit traditum esse Dominum suū. Nemo ergo fidem quam habet in eum, arbitretur sibi reputandam ad iustitiam: nisi deposito veteri homine cum actibus suis, & nouo induto, conformem & comparticipē se fecerit mortis ejus & resurrectionis. Alioqui nulla conuentio iniustitiæ ad iustitiam. *Verf. 25.*



## LIBER TERTIVS.

**I**AM postquam suprā scriptos differentiarum status circa ea quæ prima vel secūda sunt hominis Dei vel populi Dei, duos utcumque libellos digessimus: ad ea quæ tertia ejus sunt ingredienti, gratiam Dei lumenque ejus mirificum salutamus & adoram⁹ in ipso lumine, vnde nobis oriri incipit: non quod omnino quasi per ordinem lectionis differentiarum harum fiat processus; sed sic designantur in ordine scribentis diuersis modis & locis: sicut diuersis temporibus fieri solent in corde hominis proficientis. Ibi enim inuenit quisque differentiarum harum status, secundum interioris status sui defectus vel successus: cum aliquando homo tentandus & ostendendus ipse sibi, sibi à Deo relinquitur: sicque totus inuenitur exlex & excors, ut nesciat sicut dicitur discernere inter dextram & sinistram suam: quæ sunt prima hominis. Aliquando cæco datur oculus, ut videat quæ videnda sunt: sed non prodest, non delectat miserum videre: cum, quod proprium est naturalis visus, nihil eorum quæ videt, menti renunciat sensus suus: quæ sunt secunda hominis. Aliquando oculis rationis infundit se quædam visus non tã natura quam gratia: ut non tam videns rem sibi visam, quàm visa res attrahat sibi & conformet, & coarctet videntem. Quod cum sit absque contradictione, pignus est vel arrha vicinæ sanitatis: cum verò sit, sed sine contradictionis lucta non sit, commonitio est nondum consumptæ infirmitatis. Hæc sunt tertia hominis Dei. Populus verò Dei in naturali lege primum relictus est sibi, ut intelligeret quid per se ipse sibi esset: deinde aliquibus eorum addita est etiam lex scripta, nequid esset vnde se apud Deum homo excusaret: postremò verò omnib⁹ missa gratia, ut intelligeret homo quid ipse sibi, quid ipse Deo, quid sibi Deus esset: & laudaret Deum, seipsum verò accusaret. Ad hoc videtur peruenisse Apostolicæ disputationis sensus, tã de homine Dei, quàm de populo Dei: & ex hoc jam regnum gratiæ disputando ingreditur: licet sapius adhuc ad commendationem gratiæ legis oculis referat & depingat statum illum hominis vel hominum, qui ante legem & sub le-

*Tres status hominis.*

*Tres leges ad quid datus.*

ge sunt, vel fuerunt. *Iustificati igitur ex fide, pacem habeamus ad Deum; per Dominum nostrum Iesum Christum.* Hacten⁹ de ratione fidei, quæ ad iustitiā reputata est; & de circumcisionis & præputij diuersitate disputatum sit: nunc jam qualiter, qui ex fide & non ex operibus iustificati sunt, ab Apostolo informetur ad gratiam, videamus. Cum manifestè, inquit, jam pateat, quia nec lex Moyse Gentili, nec Iudæo præiudicet lex fidei; omnes tã ex Iudæis quàm ex Gentibus pacem habeamus ad Deum. Primò ergo quicumque intelligit & gaudet se iustificatum per fidem: caueat ne gratiæ ingratus sit, id est ne habeat superbam fidem, & dicat sibi. Si ex fide, quomodo gratis? Scilicet quasi ipse det fidem, & accipiat iustificationem. Non hoc dicat homo fidelis; quia dicetur ei, *Quid habes, quod non accepisti?* *1. Corin. 4.*

**I**USTIFICATI per fidem. Iusti, quia iusti facti. *IA* quo iusti facti? Ab ipso, qui fidē dedit, quæ nos iustos fecit. *Pacem habeamus ad Deum.* In mundo, inquit Dominus, *pressuram habebitis; in me autem pacem habete.* Sicut enim in mari fluctus, sic in mundo deesse non possunt, vel in nobis quicumque morus. Sunt autem qui pacē quæ est ad Deum negligunt, ut pacē habebant cum sæculo: cum omnis pax postponenda sit, ut pacem habeamus cum Deo. *Veritatem, ait Propheta, & pacem diligite.* Primum veritatem deinde pacem: id est pacem secundum veritatē. Pax ista veritatis patiens est, benigna est. Non æmulatur; non agit perperam; non inflatur; nō est ambitiosa; non querit quæ sua sunt; non irritatur: non cogitat malum; non gaudet super iniquitate; congaudet autem veritati. Hæc est pax ad Deum. Pacis verò hujus præmium est pax in Deo; id est bene velle omnia, & quæ vult, habere omnia, quæ est veræ beatitudinis definitio: cujus primitias accipiunt filij Dei in hoc sæculo, plenitudinem in futuro. Et hæc sunt quarta hominis vel populi Dei. Hæc autem pax ad Deum per Dominum nostrum Iesum Christum, qui est pax nostra, qui facit vtraque vnum, siue vtrumque parietem circumcisionis & præputij; siue terrestria & cælestia; siue hominē & Deum. *Per quem & accessum habemus per fidem, fidem.* *Cap. 5.*

*Cap. 5.*

*Verf. 1. Ioann. 15.*

*Zachar. 8.*

*1. Cro. 13.*

*Pacis ad Deum præmium est pax in Deo.*



Vers. 2.

qua ei inhærem<sup>9</sup>, in gratiam istam in qua stamus: & gloriamur in spe gloria filiorum Dei. Viâ quippe accessus hujus ad Deum doctrina Christi demonstravit, exemplū ejus fecit, passio munivit, trahit gratia, veritas suscipit; & hæc omnia per fidem. Stamus autem in gratia, cum pro ea constanter laboramus: stam<sup>9</sup> in ea, cum, quod credimus, speramus, & amamus. In spe gloria filiorum Dei. O stare, quàm dulce est in te laborare.

Dante. 5.

Psalm. 5.

Tu verò *sta hic mecum*, dixit Dominus ad Moysen, & docebo te. Populus verò ludebat, & caput vituli adorabat. Et David, *Mane*, inquit, *astabo tibi & videbo*. Qui adstat, & videt & videri amat. Vnde & ante facies regum dicuntur stare: qui fideliter probantur ministrare. Sta & obsequere mihi, dicit tibi regulus aliquis hujus mundi, & adopto te in filium: & in gloria regni mei. Quæ probra, quas laborum molestias, quas temporis dilationes non sustinebis? Sta mecum, dicit tibi Deus, & adopto te in filium;

Obsequi Deo quàm utilis.

omnia mea tua sunt; tu eris regnum meum, & ego bonum tuum. Habes obsidem, pro te, cum adhuc impius esses, morientem filium meum: iustificatus autem pignus tenes spiritum meum. Da Domine, da, ô pater luminum, quod jubes; da quod promittis, scilicet servis tuis spem gloriæ filiorum tuorum: non solum autem, sed & gloriamur in tribulationibus pro te: exprimant illæ in nobis patientiæ affectū, usque ad probationis effectum, & sanctæ spei profectum. Spes autem non confundit: quia & ubi est fidelis ad te spes, statim est & res; quia charitas Dei diffunditur in cordibus nostris per Spiritum sanctum quem tu das nobis. Qui veniens in nos donante te, docet nos omnem veritatem, insinuans nobis in te, ô pater, summæ diuinitatis authorem: in te, ô fili, æternam æternæ consubstantialitatis natiuitatē: in te, ô sancte Spiritus, Patris Filijque sanctam communitatem: in tribus sanctæ consubstantialitatis vnam & simplicem æqualitatē. Et quæ est hæc gloria Domine filiorum tuorum; quæ peregrinationis eorum spes; quod exilij quantumvis protracti solatium: cum, quod commune vobis est, Sancte Patet, Sancte Fili, per hoc nos vultis habere communionem inter nos & vobiscum: cum per illud donum nos colligitis in vnum, quod ambo habetis vnum? In hoc enim diuinitati reconciliamur; in hoc in abscondito faciei tuæ abscondimur: in hoc in delectationibus quæ sunt in dextera tua usque in finem, iucundamur. Nam quid nobis prodesset, quicquid homines essemus; nisi diligendo etiam in te, ô Deus, proficeremus? Nempe sicut veritate discimus, ita charitate diligimus: ut & plenius discendo cognoscamus, & beati cognito dulcius perfruamur. Ipsa est oratio tua Domine, quam habuisti pro nobis ad patrem. *Volo, ut sicut ego*

Vers. 9.

Vers. 5.

*& tu unum sumus; ita & ipsi in nobis unum sint*. Vis enim hoc, & vehementer vis, ut per Spiritum tuum, amorem tuum, ames nos in te: & ames te de nobis, & in nobis. Non enim est nobis à nobis tam pretiosa hæc substantia, qua te diligimus; sed à Spiritu sancto tuo quem das nobis. Da ergo cum nobis, & in nobis habitans ô De<sup>9</sup>, ama te de nobis, mouendo nos & accedendo ad amorē tuū, illuminando & excitando. Et quia in peccatis nostris alienabamur à possessione verorum bonorum: charitas tua cooperiat multitudinem peccatorum nostrorum. Cum hoc agis ô suavis & dulcis, filij tui de servis effecti, dulce

Ioann. 17.

A Deo est, quod cum diligimus.

*& tu unum sumus; ita & ipsi in nobis unum sint*. Vis enim hoc, & vehementer vis, ut per Spiritum tuum, amorem tuum, ames nos in te: & ames te de nobis, & in nobis. Non enim est nobis à nobis tam pretiosa hæc substantia, qua te diligimus; sed à Spiritu sancto tuo quem das nobis. Da ergo cum nobis, & in nobis habitans ô De<sup>9</sup>, ama te de nobis, mouendo nos & accedendo ad amorē tuū, illuminando & excitando. Et quia in peccatis nostris alienabamur à possessione verorum bonorum: charitas tua cooperiat multitudinem peccatorum nostrorum. Cum hoc agis ô suavis & dulcis, filij tui de servis effecti, dulce

& suaue habent meditari vel loqui de te, & in loquendo vel meditando efficitur cor eorū ardens in te: multò autem, veriùs cum sensu illuminati amoris te videntes alloquuntur te: abundantissimè verò cum tu loqui dignaris ad cor amantis te. Dicis enim ei, qui ali oleum camino addens, ut qui amat, plus amet; qui ardet, plus ardeat: dicis autem ei intus in conscientia, ex illuminatione Sancti Spiritus tui, intelligenti sicut in Iob dicit, venam susurrij tui. *Ut quid enim Iob 4.*

*Christus cum essemus infirmi, secundum tempus pro impijs mortuus est? Ut quid Domine? Vix enim* *Vers. 6.*

*pro iusto quis moritur. Nam pro bono forsitan quis* *& seq.*

*audet mori*. Commendat autem Deus charitatem suam in nobis: quoniam si cum adhuc peccatores essemus, secundum tempus Christus pro nobis mortuus est: multo magis iustificati nunc in sanguine ipsius, salui erimus ab ira per ipsum, Si enim cum inimici essetis, reconciliati estis Deo per mortem filij ejus, multo magis reconciliati salui eritis in vita ipsius.] Quid? Nullusne

Nullus à peccato exitus nisi per mortē Christi.

alius à peccato mihi exitus, nisi per mortē Christi filij tui? Nullus. Nam magno odio opponendus erat magnus amor: amor filij odio inimici: amor tui usque ad contemptum sui, peccato amoris tui, quo te ipsum amabas usque ad contemptum Dei. Et his rebus & sacramentis rerū, mysterijs & mysteriorū affectibus purgandus erat amor quo ad Deum reditur, Deoque inhæretur. Sine quo omnino mundato & puro nec ad Deum reditur: nec Deo adhæretur. Mundatus autem & videns & fruens, quid dicit? *Non solum* *Vers. 5.*

*autem, sed & gloriamur in Deo per Dominum nostrum Iesum Christum*, non jam in sacramentis, sed in ipsa re omnium sacramentorum: non in mysterijs, sed in ipsa re omnium sacramentorum: non in mysterijs, sed in ipsa luce manifestæ veritatis: quia etsi nouit Iesum secundum carnem, sed nunc jam non nouit. Per carnem tamen transit in Deum, per Dominum nostrum Iesum Christum: per quem nunc interim accipimus reconciliationem, ibi cum eo habituri beatitudinis vnitatem. Hoc in corde & conscientia filij gratiæ assidue commemorat Deus: commendans charitatem suam in nobis. Saluis enim cæteris salutis & fidei nostræ sacramentis, propter hoc & natus & passus est, & fecit quicquid fecit in terris factus homo Deus; ut in provocationem nostræ in se charitatis, charitatem suam commendaret in nobis: fortius enim amor amore trahitur. Ipse verò nullum volebat amari ab eis quos saluandos susceperat: quos nisi amantes se saluare non poterat: quorum mensura salutis in mensura est amoris. Ideo pro impijs, pro infirmis, pro peccatoribus mortuus est. Hæc enim tria prudenter posuit Apostolus, per hæc omnia peccantium genera designans: impios appellans in cultu Dei; infirmos infirmitate vel ignorantia delinquentes; peccatores quos non excusat infirmitas siue ignorantia; sed agit in peccatum libens malitia. *Ut quid enim Christus, cum adhuc infirmi essemus, secundum tempus pro impijs mortuus est?* Secundum tempus, inquit, vel secundum tempus trium dierum, quibus requieuit in monumento; vel secundum hoc quod ex tempore habuit, id est secundum carnem. *Quia, inquit, commendat charitatem suam in nobis, &c.*

Finis vnius Incarnationis commendatio charitatis Dei.

Pone enim medicum ægrum suscepisse curandū: quem nisi morte vniçi filij curare non possit. Numquid non odibilis potius medico, &

Vers. 6.

*Ut quid enim Christus, cum adhuc infirmi essemus, secundum tempus pro impijs mortuus est?* Secundum tempus, inquit, vel secundum tempus trium dierum, quibus requieuit in monumento; vel secundum hoc quod ex tempore habuit, id est secundum carnem. *Quia, inquit, commendat charitatem suam in nobis, &c.* Pone enim medicum ægrum suscepisse curandū: quem nisi morte vniçi filij curare non possit. Numquid non odibilis potius medico, &

Bb

Rom. 8.

Ephes. 3.

Quid sit ira  
Dei & a-  
mor &c.

Primus &  
secundus A-  
dam quàm  
diuersi.

Diuerse ex-  
positiones.  
Vers. 18.

detestandus & ger ille? *Proprio verò filio suo non pepercit Deus, sed pro nobis omnibus tradidit illum.* Ipse quoque Filius dilexit nos; & tradidit semetipsum pro nobis. Vbi quantò amari in saluando fuit mortis necessitas: tantò dulciore in saluato per vitam resurgentis in resurrectione ipsius effulsit iucunditas. Considerandum autè, quomodo reddat singula singulis. Peccatores iustificantur; inimici reconciliantur, reconciliantur per mortem, per vitam saluantur. Ira verò Dei qui omnia cū tranquillitate iudicat, non aliud est, quam iusta vindicta. Nec inimici eramus Deo, nisi quemadmodum iustitiæ inimica sunt peccata; quibus remissis tales inimicitia finiantur. Si autem iusta vindicta Dei iræ nomen accepit: reconciliatio Dei quæ rectius intelligitur, quàm cum talis irafinitur? Sic neque etià affectu mouetur, cū amat nos, qui semper idem ipse est: sed amor ejus ad nos est bonitas: amor noster ad ipsum Spiritu sanctus quem dat nobis: per quē charitas Dei diffunditur in cordibus nostris. Cōmendauit ergo charitatem suam in nobis, prius amando. Amati quippe sumus prius: ut digni fieremus, qui amaremur & amaremur amplius. Non cœpit nos diligere, ex quo per mortem filij ejus reconciliati sumus; sed ante mundi constitutionem dilexit nos: ut cum ejus vnigenito etiam nos filij ejus essemus. Sic sic ostendendum nobis erat, quantum nos amaret, ne desperaremus: & quales, ne superbi remus. Præcedens autem sententia ubi dicit, *Cum adhuc infirmi essemus iuxta tempus, Christus pro impijs mortuus est*, cohæret duabus sequentibus: quarū in vna nos dicit peccatores, in alia inimicos Dei; tamquam singulis reddēs singula; peccatores ad infirmos, inimicos Dei referens ad impios. *Propterea sicut per vnum hominem in hunc mundum peccatum intravit, & per peccatum mors: & ita in omnes homines mors pertransiit; in quo omnes peccauerunt.* Prolixius hic Apostolus de duobus hominibus disputat; vno eoq; primo Adam, per cujus peccatum & mortem tamquam hæreditarijs malis posterij ejus obligati sumus: altero autem secundo Adam, qui non homo tantum, sed etià Deus est: quo pro nobis soluente quod non debebat, à debitis & paternis & proprijs liberati sumus. Proinde quoniam propter vnum illum tenebat diabolus omnes per ejus vitiatam carnem concupiscentialiter generatos: iustum est, ut propter hunc vnum dimittat omnes per ipsi<sup>9</sup> immaculatam gratiam spiritualiter regeneratos. Porro in loco isto diuersi diuersa sentiunt: quia videtur inesse quædam obscuritas, sed non tam sensus, quàm literæ, quæ forsità ex incuria processit interpretis: de qua sine omni sensus dispēdio facilis iste videtur exitus. Accepimus reconciliationem per vnum Dominum Iesum Christum; sicut peccatum intrauit in mundum per hominem vnum: quod propterea videtur conueniens, ut sicut illud per vnum, sic & istud fiat per vnum. Vnde & in consequentib<sup>9</sup> duos istos in multis parificat & coæquat, quasi per contrarium: licet alter præcellat. Sed sunt, qui versum illum longè inferius positum, *Igitur sicut per vni<sup>9</sup> delictum*, & c. ad istum velint respondere; ut omnia quæ intersunt, quasi ad supplementum sensus interposita sint: sed dum vitant obscuritatem perplexitatis interpositarum rationū, maiorem sensus incurrunt inuolutionem. Sunt etià qui dicant, posteaquàm edocuit differentiam fi-

dei & legis, & aperuit arcana secreti mysterij, quod cum inimici essemus, Deo per mortem filij eius reconciliati sumus: nunc causas inimicitiarum & reconciliationis consequenter exponit; propter quod & alterius secreti rationē intulit dicens. *Propterea sicut per vnum hominē, &c.* Vbi autem dicit, sicut per vnum hominem peccatum introiit in hunc mundum, & per peccatum mors, & ita in omnes pertransiit; restabat ut diceret, sic per vnum hominem iustitia intrauit in hunc mundum, & per iustitiam vita: & sic in omnes homines pertransiit, in quo omnes viuificati sunt. Sed non hoc Paulo contigit ex defectu eloquij: sed aliquid in hoc prospexit utilitatis. Prudens enim dispensator verbi, cū venit ad ea loca, quæ de bonitate Dei eximium aliquid videntur proferre, aut obscurius & breui<sup>9</sup> ea solet proferre, aut silentio omnino subtere, propter tepidiores: ne ex remissione spei faciat segniores. Vnde & hic cū dixisset, *Sicut per vnum hominem in hunc mundum peccatum intravit, & siluit*, quæ inferenda erant, prudentibus palā reliquit subintelligēda; & imprudentibus prudenter subticuit: simul & illud ostēdens, quod etià si per vnum hominē iustitia & vita in omnes homines pertransiit: tamē non hoc otiosis statim accidere, sed his qui multo labore & sudore potuerint quæ occulta sūt querere; pulsare quæ clausa; quæ abscondita sunt desiderare. *Per vnum hominem.* Aliud est imitari Adam in peccato: aliud nasci de Adā originaliter cū peccato. Nam Adā etiam præter imitationis exemplum; parificauit in se omnes de sua stirpe venturos. Econtrā quisquis adhæret Domino, vnus spiritus est, etiam præter imitationis exemplum, per occultā communicationem, & inspirationem gratiæ spiritualis. *Per vnum hominem.* Non per serpentem decipientem; non per mulierē seductam in prauaricationem, de qua etiam legitur, quia à muliere initium peccati est; sed per vnum hominem: quia per semen generationis quod à viro accipiens cōcipit fœmina. A viro enim initium generationis est. Quo more nasci noluit; qui natus ex fœmina sine peccato solus in mundo apparuit. Animaduersum est autem ab eis, qui ne vnam quidem syllabam in literis Pauli à mysterijs vacare diffiniunt, quod peccatum quidem non dixit in omnes homines, sed in mundū introiisse: mortem verò non in mundū, sed in omnes homines; & non introiisse, sed pertransisse. Possunt per mundum hic terreni quique, & in terrena conuersatione permanentes designari: homines verò dici possunt, qui jam se incipiunt cognoscere, quia ad imaginem Dei facti sunt. In illos ergo, qui mundus appellantur, id est terrenos, introiisse peccatum dicit, & nusquam ejus exitum ponit: in eos verò, quos homines vult intelligi, dicit pertransisse peccatum, id est fuisse quidem, sed per pœnitentiæ conuersionem depulsum esse & pertransisse; nec vltra in eis stetit. *Et per peccatum mors.* Opus castum in coniuge non habet culpam; sed origo peccati trahit secum debitā pœnam. Non enim maritus, quia maritus est, ideo mortalis non est: aut aliunde nisi à peccato mortalis est. Erat enim & Dominus mortalis, sed non de peccato. Sed suscepit pœnam nostram; ut solveret culpam nostrā. Solus quippe infans innocens esse potuit; qui de peccato Adā, id est de concupiscentia natus nō fuit. Concupiscentia enim in Adam post pecca-

Vers. 12.

Cur paulus  
hic aliqua  
subticuit.

Peccatum  
originale.

Eccli. 25.

Vers. 12.

tum inobedientiæ, & peccatum & pœna peccati statim apparuit: dum primorum hominum illorum oculi in mutuam concupiscentiam aperti sunt: per quam in omnes, & peccatum originale, & ipsa quæ lex peccati in membris nostris dicitur, pertransit. *Et per peccatum mors.* Illa sine dubio mors, de qua propheta dicit: quia anima qua peccaueris, ipsa morietur. Cujus mortis umbram hanc corporalem mortem, meritis quis dixerit: quia quocumque illa inceserit, hanc necesse est sequi, velut umbram corpus. Solus Saluator sine peccato apparuit: quem etiam ideo mors subsecuta est, quia pro peccatis nostris peccatum ipse factus est; & sponte mortem suscepit, qui dixit. *Potestatem habeo ponendi animam meam, & iterum sumendi eam.* Gratiâ autem Dei per baptismum eius, qui venit in similitudinem carnis peccati, id agitur: ut euacuatur caro peccati. Euacuatur autem, non ut in ipsa vivente carne concupiscentia conspersa & innata repente absumatur, & non sit: sed ne obsit mortuo, quæ inerat nato. Nam si post baptismum vixerit, ibi habet, cum qua pugnet, eamque adjuvante Domino superet; si non in vacuum gratiam ejus suscepit; si reprobus esse noluerit. Non itaque hoc præstatur in baptismo; nisi forte miraculo ineffabili omnipotentissimi creatoris, ut lex peccati que in membris repugnans legi mentis, prorsus penitus extinguatur, & non sit: sed ut quicquid mali ab homine factum, dictum, cogitatum est, cum eidem concupiscentiæ subiecta mente seruiret, totum aboleatur; ac velut factum non fuerit, habeatur: ipsa verò soluto reatus vinculo, quo per illum diabolus animam retinebat, & interclusione destructa, qua hominē à suo creatore separabat, maneat in certamine, quo corpus nostrum castigamus, & servituti subicimus. Temporalis autē mors etiam in ijs, qui Christi morte redimuntur, relinquitur interim ad exercitationem fidei, & agonem præsentis luctaminis, in quo & martyres certaverunt: absumetur verò & ipsa in renovatione corporis, quam resurrectio pollicetur. Vtrumque autem, & mors, & peccatum, in homines pertransit. Nam si peccatum non pertransisset, non omnis homo cum lege peccati quæ in membris est, nasceretur. Si mors non pertransisset; non omnes homines morte corporis morentur. *In quo omnes peccaverunt.* Vel in eo peccato, de quo dicit, peccatum introiit in hunc mundum, in quo omnes peccaverunt: vel in quo; id est in homine illo. Ideo etiam & in ipso omnes moriuntur: quia cum crimine iustum erat transire in eos & supplicium. Si ergo Leui qui generatione quarta post Abraham nascitur, in lumbis Abraham fuisse perhibetur; multo magis omnes homines erant in lumbis Adæ, cum peccaret; & in ipso peccaverunt, & cum ipso à paradiso expulsi sunt: & per ipsum mors in omnes pertransiit, qui in lumbis ejus habebatur. *Vsq̃ue ad legem peccatum erat in mundo;* quod per primum hominem intrauit in mundum; non solum originale peccatum, sed & quodcumque aliud contrahi potuit ex vitio corrupte originis, usque ad legem fuit in mundo: hoc est quia neque lex potuit auferre peccatum; quæ subintrauit, ut magis abundaret: siue lex naturalis, in qua quisque ratione utens incipit peccato originali addere & propria: siue ipsa, quæ scripta per Moysen populo data est. *Sed non imputabatur: quia lex non erat,* qua arguente mon-

straretur: cum à Dño Deo non tãquam nõ esset haberetur. Sic autem dictum est usque ad legem, ut etiã legem sententia ista concluderet: ut non sit lex extra per mansionē peccati, quod fuisse dictum est usque ad ipsam, lex autem usque ad Ioannem; & peccatum usque ad aduentum Christi, à quo sola liberat gratia Salvatoris. *Sed non imputabatur,* sicut dictum est; cum lex non esset. Qui rationi huic acquiescunt: silent hic & quiescunt. Sũt autem qui quærendum hic arbitrantur, de qua lege hic agitur. Sine lege enim naturali natura hominis rationē habentis numquã fuit: quæ etiã ante legem scriptã peccata originalis concupiscentiæ non solum aduertit, sed etiã distinctissimè nonnumquã animaduertit. Vnde Cain in semetipsũ, *Major est iniquitas mea, quã ut veniã merear.* Et Noë in filium, *Maledictus,* inquit, *Chanã puer.* A maledictione ergo terræ in opere primi hominis sicut peccatũ semper in mundofuit: sic lex imputans nũquam defuit. Peccatũ etiã originale nec omnibus patuit, nec omnes latuit quia nec latuit Iob nec Ahrahã & domũ ejus: propter quod etiã circucisionē accepit, hoc in fide seminis ejus qui est Christus, operante in eis circuncisione, quod in nobis operatur baptismus. Vnde & David ingemiscens dicit. *Ecce in iniquitatibus conceptus sum: & in peccatis concepit me mater mea.* Non defuerunt, qui præcipitandæ cursum sententiæ tenendum hic esse arbitantes, totum lectionis hujus sensum perscrutandum putarent: ut sensum in his Apostoli non tam ex suo sensu, quàm ex verbis ipsius colligerent. Et post aliquanta inuenientes eum dixisse, *sine lege enim peccatum mortuum erat; ego autem vivebam sine lege aliquando:* inuenerunt eum hoc dicere de lege naturali, ut sit sensus, usque ad legem naturalem, quæ certo ætatis tempore rationis capax esse incipit, quando iusti injustique incipit habere discrimen: peccatum in me mortuum intrinsecus erat: cum nõ esset lex quæ vetaret nõ faciendã, vel ratio quæ faciendã monstraret. Quod aliter de Apostolo, secundum illos, nulla ratione potest intelligi: cum hoc se dixisse de seipso non videatur ambiguum. Secundum hunc sensum non usquequaque absurdum videtur, si & hic dicatur, quia usque ad legis naturalis intelligentiam peccatum ex corruptione veniens originis erat in mundo; ut subintelligatur, sed mortuum: quia non imputabatur, excusante naturali infirmitate vel ignorantia. Quod verò dicit in mundo, & non hominibus, dicunt hujus assertores sententiæ, homines appellandos eos qui jam rationis capaces, & naturalem legem habent; illam verò ætatem quæ nondum ad capacitatem naturalis legis accessit, non tam homines, quam mundam appellandã: pro eo quod pars quædam mundi videntur; sed nondum sicut homines, qui induere mercantur creatoris imaginem. Sed quia etiam hæc de lege sententia legi Moysi ab alijs potiùs applicanda videtur: quid magis eligendum sit, lectoris relinquatur arbitrio. Vtrique autem satis conuenit, quod sequitur. *Sed regnavit mors ab Adam usque ad Moysen,* id est à primo homine usque ad ipsam legem, quæ diuinitus promulgata est: quia nec ipsa potuit regnum mortis auferre. Regnum enim mortis vult intelligi, quando ita dominatur in hominibus reatus peccati, ut eos ad vitam æternam, quæ vera vita est, venire nõ sinat: sed ad secundam etiam quæ pœnaliter

Luc. 16.

Gen. 4. &amp; 5.

Peccatum orig. non omnes veteres lasmit.

Psalm 51.

Vers. 14.

Bb ij

eterna est, mortem trahat. Hoc regnum mortis sola in quolibet homine gratia destruit Saluatoris. Quæ operata est etiam in antiquis sanctis: quicumque, antequam in carne Christus veniret, ad ejus tamen adjuvantem gratiam, non ad legis literam, quæ jubere tantum, non adjuvare poterat, pertinebant. Hoc namque occultabatur in veteri testamento pro temporum dispensatione iustissima; quod nunc reuelatur in nouo. Ergo in omnibus regnavit mors ab Adâ usque ad Moysen, qui Christi gratia non adjuvi sunt, ut eis regnum mortis destrueretur. In quos autem regnaverit, vide. *Et in eos, inquit, qui non peccaverunt in similitudinem prævaricationis Adæ.* Iste enim melior intellectus horum verborum; ut cum dixisset; regnavit mors, & in eos qui non peccaverunt; quasi nos moueret, quare in eos regnaverit qui non peccaverunt, adderet, in similitudinem prævaricationis Adæ: id est, quia inerat in horum membris similitudo prævaricationis Adæ. Potest & sic intelligi, *regnavit mors ab Adam usque ad Moysen, & in eos, qui non in similitudinem prævaricationis Adæ peccaverunt:* quia in seipsis, cum jam nati essent, nec ratione adhuc uterentur, quæ ille utebatur, quando peccavit; nec præceptum acceperant, quod ille transgressus est: sed solo originali vitio tenerentur obstricti, per quod eos regnum mortis traheret ad condemnationem; quod regnum mortis in eis tantum non est, qui Christi gratia renati ad ejus pertinent regnum: quoniam mors temporalis quamvis & ipsa de originali peccato propagata sit, corpus in eis interimit, animam verò ad pœnas non trahit: ubi voluit regnum mortis intelligi, ut anima renouata per gratiam iam non moriatur in gehenna, id est à vita Dei non alienetur, non separetur. Quod verò adjunxit de Adam, *qui est forma futuri*, neque hoc vno modo intelligitur. Aut enim forma Christi è contrario est, ut quemadmodum in illo omnes moriuntur, sic & in Christo omnes viuificentur; & quomodo per ipsius inobedientiam peccatores constituti sunt multi, sic per Christi obedientiam iusti constituantur multi: aut formam futuri eum dixit, quod ipse inflixerit formam mortis posteris suis. Ille tamen est melior intellectus: ut e contrario forma esse credatur, quam multum commendat Apostolus. Denique ne omnino ex æquo in hac forma eadem contraria pensaretur: adiunxit & dixit. *Sed non sicut delictum: ita & donatio.* Si enim multi ob unius delictum mortui sunt: multo magis gratia Dei & donum, in gratia unius hominis Iesu Christi in multos abundavit. Non magis multos, id est multo plures homines; neque enim plures iustificantur, quam condemnantur: sed multo magis abundavit. Adam quippe ex vno suo delicto reos genuit: Christus autem etiam quæ homines delicta propriæ voluntatis ad originale in quo nati sunt, addiderunt, gratia sua soluit atque deleuit. Quod evidentius in consequentibus dicit. Verum illud diligentius intueri, quod ait, ob unius delictum multos mortuos. Cur enim ob illius unius, & non potius ob delicta sua propria, si hoc loco intelligenda est imitatio, non propagatio? Sed attende quod sequitur. *Et non sicut per unum peccatum: ita & donum.* Nam iudicium quidem ex vno in condemnationem: gratia autem ex multis delictis in iustificationem. Ex vno, inquit, in condemnationem. Quò vno, nisi delicto? Hoc enim explanat, cum

adjungit. *Gratia autem ex multis delictis in iustificationem.* Cur ergo iudicium ex vno in condemnationem: gratia verò ex multis delictis in iustificationem? Nonne etsi nullum est originale delictum, non solum ad iustificationem gratia, sed etiam iudicium ad condemnationem ex multis delictis homines ducit? Neque enim gratia multa delicta donat: & non etiam iudicium multa delicta condemnat. Imò verò nos Apostolum intelligamus: & videamus ideo dictum iudicium ex vno delicto in condemnationem: quia sufficeret ad condemnationem, etiam si non esset in hominibus nisi originale peccatum. Quamvis enim condemnatio gravior sit, eorum qui originali delicto etiam propria conjunxerunt; & tantò singulis gravior, quantò gravius quis peccavit: tamen etiam illud solum quod originaliter tractum est, non tantum à regno Dei separatur, quò parvulos sine accepta Christi gratia defunctos intrare non posse ipsi etià hæretici confitentur: verum & à salute ac vita æterna facit alienos: quæ nulla esse alia potest, præter regnum Dei, quò sola Christi societas introducit. Ac per hoc ab Adam in quo omnes peccavimus, non omnia nostra peccata, sed tantum originale traduximus: à Christo verò, in quo omnes iustificamur, non illius tantum originalis, sed etiam cæterorum, quæ ipsi addimus, peccatorum remissionem consequimur. *Ideo non sicut per unum peccatum, ita & donum.* Nam iudicium quidem ex vno delicto, si non remittitur, id est originali in condemnationem jam potest ducere: gratia verò ex multis remissis, hoc est, non solum originali, verum etiam omnibus cæteris, ad iustificationem perducit. Si enim ob unius delictum mors regnavit per unum: multo magis qui abundantiam gratia & iustitia accipiunt in vita regnabunt per unum Iesum Christum. Cur ob unius delictum mors regnavit per unum: nisi quia mortis vinculo tenebantur in illo vno, in quo omnes peccaverunt, etiam si non adderent propria peccata? Alioqui non ob unius delictum mors per unum regnavit, sed ob delicta multorum per unum quemque peccantem. Quid autem abundantiam gratia & iustitia accipiunt: nisi quod non eis tantum peccatum in quo omnes peccaverunt, dimittitur; sed etiam in eis quæ addiderunt, gratia remissionis datur: eisque hominibus tanta iustitia donatur, ut cum Adam consenserit ad peccatum suadenti, non cedant isti etiam cogenti? Et quid est, multo magis in vita regnabunt, cum mortis regnum multo plures in æternam pœnam trahat; nisi intelligamus, eos ipsos in utroque dici, qui transeunt ab Adam, id est à morte ad vitam, quia in vita æterna sine fine regnabunt, magis quam in eis mors temporaliter & cum fine regnavit? Itaque sicut per unius delictum in omnes homines ad condemnationem: ita per unius iustificationem in omnes homines ad iustificationem vita. Hoc vni<sup>9</sup> dilectum, si imitationem attendamus, non erit nisi diaboli. Sed quia manifestum est de Adam, non de diabolo dici: restat intelligenda, non imitatio, sed propagatio peccati. Nam & quod ait de Christo, *per unius iustificationem*: magis hoc expressit, quam si per unius iustitiam diceret. Eam quippe iustificationem dicit, quæ Christus iustificat impium: quam non imitanda proposuit, sed solus hoc potest. Nam potuit Apostolus rectè dicere, *Imitatores mei estote, sicut & ego Christi*: numquam autem diceret, iustifica-

Vers. 14.

Varia expositiones verborum Apostoli.

Vers. 15.

Christus orig. & actus ali pecc. nos redemis.

Vers. 16.

Vers. 17.

Vers. 18.

Non agitur hic de pecc. imitationis, sed originis.

mini à me, sicut & ego sum iustificatus à Christo: quomodo possunt esse, & sunt, & fuerunt multi iusti homines, & imitandi: iustus autem & iustificans nemo, nisi Christus. Vnde dicitur, *Rom. 14. Credenti in eum qui iustificat impium, deputatur fides ejus.* Quisquis ergo ausus fuerit dicere, iustifico te, consequens est, ut dicas etiam, crede in me: quod nemo sanctorum rectè dicere potuit, nisi sanctus sanctorum, qui dixit, *Iohann. 14. Credite in Deum, & in me credite:* ut quia ipse iustificat impium, deputetur fides ejus ad iustitiam. Nam si sola imitatio fecit peccatores per Adam: cur non etiam per Christum sola imitatio iustos facit? Porro, si propterea Christus vnus est, in quo omnes iustificentur, quia non solum ejus imitatio iustos facit, sed per spiritum regenerans gratia: propterea & Adam vnus est, in quo omnes peccauerunt; quia non sola ejus imitatio peccatores facit; sed per carnem generans poena. Ob hoc etiam dictum est, *omnes & omnes:* neque enim qui generantur per Adam iidem ipsi omnes per Christum regenerantur: sed hoc rectè dictum est, quia sicut nullius carnalis generatio nisi per Adam, sic spiritualis nullius, nisi per Christum. Nam si aliqui possent carne generari, non per Adam; & aliqui generari spiritu, non per Christum: non liquet omnes, siue hic siue ibi dicerentur. Eisdem autem omnes postea multos dicit. Possunt quippe in aliqua re omnes esse, qui pauci sunt. Sed multos habet generatio carnalis, multos & spiritualis: quamvis non tam multos hæc spiritualis, quam illa carnalis. Verumtamen quemadmodum illa omnes habet homines; sic ista omnes iustos homines: quia sicut nemo præter illam homo; sic nemo præter istam iustus homo; & in vtraque multi.

*V. 19. & 20. Sicut enim per inobedientiam vnus hominis peccatores consensu sunt multi: ita per obedientiam vnus hominis iusti consensuentur multi. Lex autem subintravit, ut abundaret delictum.* Iam non pertinet hoc ad illud delictum, quod trahitur ex Adā, de quo superius dicebat, *mors regnavit per vnū.* Legem quippe, siue naturalem intelligamus, quæ in eorum apparet ætatibus, qui jam ratione uti possunt; siue conscriptam, quæ data est per Moysen; nec ipsa potuit viuificare, & liberare à lege peccati & mortis, quæ tracta est ab Adam: sed magis addidit præuaricationis augmentum. *Vbi enim non est lex, nec præuaricatio.* Præuaricata ergo lege, quæ in paradiso data est, nascitur homo ex Adam cum lege peccati & mortis, de qua dicitur: *Video aliam legem in membris meis repugnare legi mentis meæ, &c.* Quæ tamen nisi mala postea consuetudine roboretur, facilius vincitur, non tamen sine gratia Dei. Lege autem alia præuaricata, quæ est in vsu rationis animæ rationalis, in ætate hominis iam ratione utentis: præuaricatores fiunt omnes peccatores terræ. Præuaricata ergo lege etiam illa quæ data est per Moysen, multò amplius abundat delictum. *Lex ergo subintravit, ut abundaret delictum:* siue cum homines negligunt quod Deus iubet: siue cum de viribus suis præsumentes adiutorium gratiæ non implorant, & addunt infirmitati superbiam. Cum autem vocatione diuina intelligunt cui sit ingemiscendum, & inuocant eum in quæ credunt, rectè dicentes, *Miserere mei Deus, secundum magnam misericordiam tuam:* & *Ego dixi, Domine miserere mei, sana animam meam quia peccavi tibi:* cum ergo se homo ad illū extendit,

rit, & sic ingemuerit, fiet quod subditur, *Vbi iam abundauit delictum, superabundauit gratia;* & dimittuntur peccata multa, quoniam dilexit multum: & diffunditur in cordibus ejus charitas Dei, vnde fiat legis plenitudo; non per vires arbitrij quod est in nobis, sed per Spiritum sanctum qui datur nobis: ut quemadmodum regnavit peccatum in mortem, sic & gratia regnet per iustitiam in vitam æternam; per Iesum Christum Dominum nostrum. Modò autem, cum dixisset, ut quemadmodum regnavit peccatum in mortem, non ait, per vnum hominem, aut primum hominem, aut per Adam, quia iam dixerat, *Lex subintravit, ut abundaret delictum;* quæ abundantia non pertinet ad primi hominis præuaricationem, sed ad conuersationis humanæ præuaricationem: quæ vni illi delicto, quo solo obstricti tenentur infantes, jam in maioribus ætatibus ex abundantia iniquitatis adjecta est. Sed quoniam hoc totum etiam, quod non pertinet ad vnus illius delicti originem, tamen idonea est soluere gratia Saluatoris: ideo cum dixisset, sic & gratia regnet per iustitiam in vitam æternam: addidit, per Iesum Christum Dominum nostrum. Deinde opponens sibi ipse quæstionem, *quid ergo dicemus,* inquit. *Permanebimus in peccato, ut gratia abundet? Absit.* Vidit enim à peruersis peruersè posse accipi, quod dixerat, ubi autem abundauit delictum superabundauit gratia: tamquam dixerit propter abundantiam gratiæ prodesse peccatum. Hoc diluens respondit, *absit, atque subiecit. Qui mortui sumus peccato, quomodo viuemus in eo?* Hoc est, cum id præstiterit gratia, ut moreremur peccato; quid aliud facimus, si viuimus in eo, nisi ut gratiæ sumus ingrati? Neque enim qui laudat beneficium medicinæ, morbos docet ac vulnera, à quibus illa hominem sanat. Sed quanto maioribus medicina laudibus prædicatur: tantomagis vituperantur & horrentur vulnera & morbi, à quibus liberat, quæ ita laudatur. Sic laus & prædicatio gratiæ vituperatio & damnatio est delictorum. Demonstrata enim fuerat homini sceleris languoris ejus, cui contra iniquitatem suam nec præceptum sanctum & bonum profuit: quo magis aucta est iniquitas, quam minuta; quandoquidem lex subintravit, ut abundaret delictum; ut eo modo conuictus atque confusus videret non tantum doctorem sibi esse necessarium, verum etiam adiutorem Deum; à quo ejus itinera dirigantur, ne dominetur eis omnis iniquitas; & confugiendo ad opem diuinæ misericordiæ sanetur; auque ita ubi abundauit delictum, superabundet gratia; non peccantis merito, sed subuenientis auxilio. Consequenter eandem medicinam in passione & resurrectione Christi mysticè demonstratam ostendit Apostolus dicens. *An ignoratis, quoniam quicumque baptizati sumus in Christo Iesu, in morte ipsius baptizati sumus? Consepulti ergo sumus illi per baptismum in mortem: ut quemadmodum resurrexit Christus à mortuis per gloriam Patris; ita & nos in nouitate vitæ ambulemus.* Nempe satis elucet, mysterio dominicæ mortis & resurrectionis figuratum vitæ nostræ veteris occasum, & exortum nouæ; demonstratamque iniquitatis abolitionem, renouationemque iustitiæ. Vnde igitur hoc tantum beneficium hominum, nisi per fidem Iesu Christi? Hæc cogitatio sancta seruat filios hominum in protectione alarum Dei sperantes: ut inebrientur

Gratiadelet  
etiā peccatū  
actūali.

Caput 6.  
Vers. 1.

Vers. 2.

Christus non  
solū doctor,  
sed adiutor  
necessarius.  
Hoc aduer-  
sus Abailan

V. 3. & 4.

Psal. 50.  
& 40.



Verba An-  
gust. ep. 23.  
ad Bonifac.

Baptismus  
est fidei sa-  
cramentum.  
Vers. 4.

Christus  
mortuus est  
peccato, id-  
est carni, cui  
inerat simi-  
litudo pec-  
cati.

ab vbertate domus, & torrentem voluptatis po-  
tent: quoniam apud ipsum est fons vitæ, & in  
lumine ejus videbimus lumen. Semel enim im-  
molatus est Christus in seipso: & tamen in sa-  
cramento non solum per omnes paschæ solem-  
nitates, sed omni die populis immolatur. Nec  
utique mentitur: qui interrogat<sup>9</sup>, eum responde-  
rit immolari. Si enim sacramenta quamdam si-  
militudinem rerum earum, quarum sacramen-  
ta sunt, non haberent: sacramenta non essent.  
Ex hac autem similitudine, plerumque jam ip-  
sarum rerum nomina accipiunt. Sicut ergo se-  
cundum quemdam modum sacramentum cor-  
poris Christi, corpus Christi est, & sacramentū  
sanguinis Christi sanguis Christi est: ita & sa-  
cramentum fidei fides est. Nihil est autem aliud  
credere, quam fidem habere. Ac per hoc cum  
respondetur parvulus credere, qui fidei nondū  
habet affectum: respondetur fidem habere, pro-  
pter fidei sacramentum, & conuertere se ad Deū,  
propter conuersionis sacramentum; quam & ip-  
sa responsio ad celebrationē pertinet sacramē-  
ti: sicut de ipso baptismo Apostolus, *consepulti*,  
inquit, *sumus cum Christo per baptismum in mor-  
tem*. Non ait, sepulturam significauimus: sed  
prorsus ait, *consepulti sumus*. Sacramentum ergo  
tantæ rei, non nisi ejusdem rei vocabulo nuncu-  
pauit. Itaque parvulum, etsi nondum fides illa  
quæ in credentium voluntate consistit, jam ta-  
men ipsius fidei sacramentum fidelem facit. Nā  
sicut credere respondentur, ita etiam fideles vo-  
cantur: non rem ipsam mente annuendo, sed ip-  
sius rei sacramentum percipiendo. Cum autem  
sapere homo cœperit, non illud sacramentum  
reperit, sed intelligit: ejusque veritati consona  
etiam voluntate coaptabitur. Hoc quamdiu nō  
poteat, valebit sacramentum ad eius tutelam ad-  
uersus contrarias potestates: & tantum valebit,  
vt si ante majoris vsum ætatis ex hac vita emigra-  
uerit, per ipsum sacramentū commendante Ec-  
clesiæ charitate, ab illa condemnatio ne quæ per  
vnum hominem intrauit in mundum, Christia-  
no adiutorio liberetur. Hoc qui non credit, &  
fieri non posse arbitratur, profectō infidelis est,  
etsi habeat fidei sacramentum: longeque melior  
est illo parvulus, qui etiam si fidem nondum ha-  
bet in cogitatione, non tamen obicem contra-  
riæ cogitationis opponit. Peccatum ergo Dño  
non inerat; & tamen quodāmodo peccato mor-  
tuus est, dū moritur carni in qua erat similitudo  
peccati: vt cum secundū vetustatē peccati num-  
quā ipse vixisset, nostram ex morte veteri, qua in  
peccato mortui fueramus reuiuiscētē vitā noua  
sua resurrectione signaret. Ipsum est, q̄ in nobis  
celebratur magnum baptismatis sacramentum:  
vt quicumque ad istā pertinent gratiam morian-  
tur peccato, sicut ipse mortuus dicitur peccato,  
quia mortu<sup>9</sup> est carni, hoc est peccati similitudi-  
ni: & viuunt à lauacro renascendo, sicut ipse à  
sepulchro resurgendo; quamlibet ætatem cor-  
poris gerant. A parvulo enim recens nato vsque  
ad decrepitum senem, sicut nullus est prohibē-  
dus à baptismo, ita nullus est, qui non peccato  
moriatur in baptismo: sed paruuli tantum ori-  
ginali, majores autem his omnibus moriun-  
tur peccatis, quæcumque malè viuendo addide-  
rant, ad illud quod nascendo traxerunt. Sic  
itaque locum istum clausit, vt cœpit: mortem  
quippe Christi insinuauit sic, vt etiā ipsum mor-  
tuum diceret esse peccato. Cui peccato; nisi car-

ni, in qua erat non peccatū, sed similitudo pec-  
cati, & ideo nomine est appellata peccati? Bap-  
tizatis itaque in mortem Christi, in qua non so-  
lum maiores, verum etiam & paruuli baptizan-  
tur, ait. *Sic & vos*, id est quemadmodum Chri-  
stus, *sic & vos existimate vos mortuos esse peccato;*  
*vinere autem Deo, in Christo Iesu*. Quicquid igitur  
gestum est in cruce Christi, in sepultura, in  
resurrectione tertia die, in ascensione in cœ-  
lum, & sessione ad dexteram Patris, ita gestum  
est: vt his rebus non mysticè tantum dictis, sed  
etiam gestis, configuraretur vita Christiana, quæ  
hic geritur. Nam propter ejus crucem dictum  
est. *Qui autem Christi sunt, carnem suam crucifi-  
xerunt cum passionibus & concupiscentiis*. Propter  
resurrectionem: *vt quemadmodum Christus re-  
surrexit à mortuis per gloriam Patris, ita & nos in  
novitate vitæ ambulemus*. Propter ascensionem  
in cœlum, sedemque ad dexteram Patris: *si au-  
tem resurrexistis cum Christo, quæ sursum sunt  
querite, ubi Christus est in dextera Dei sedens; quæ  
sursum sunt sapite, non quæ super terram*. Mortui  
enim estis; & vita vestra abscondita est cum Chri-  
sto in Deo. Interioris enim hominis nostri sacra-  
mento data est vox illa, pertinens ad mortem a-  
nimæ nostræ significandam: non solum in psal-  
mo, verum etiā in cruce. *Deus meus, Deus meus,*  
*vt quid dereliquisti me?* Cui voci congruit Apo-  
stolus dicens. *Scientes, quia vetus homo noster cru-  
cifixus est, vt enachetur corpus peccati: vt ultra  
non seruiamus peccato*. Crucifixione quippe in-  
terioris hominis pœnitentiæ dolores intelligū-  
tur, & continentia quidam salubris cruciatus;  
per quam mortem mors impietatis perimitur: in  
qua nos non reliquit Deus. Et ideo per talē cru-  
cem euacuatur corpus peccati; vt iam nō exhibe-  
amus membra nostra arma iniquitatis peccato:  
quia & interior homo si utique renouatur de  
die in diem, profectō vetus est, antequam reno-  
uetur. Intus namque agitur, quod item Aposto-  
lus dicit: *exuite vos veterem hominem cum acti-  
bus suis*. Quod ita consequenter exponit. *Quæ  
propter deponentes mendacium, loquimini verita-  
tem*. Vbi autem deponitur mendacium, nisi in-  
tus: vt habitet in monte sancto Dei, qui loqui-  
tur veritatē in corde suo? Iam ergo formā Adæ  
præteriti & futuri descriptā, formā non omni-  
no vniformi: simili quidem per genus, per spe-  
ciem verò contrariā: per genus namque similis  
est in eo, quod sicut ab vno Adam in plures dif-  
funditur, ita & ab vno Christo in plures homi-  
nes infunditur: species verò contraria, quod ex  
Adam præuaricatione peccatores constituti sunt  
multi; ex Christi verò obedientia iusti cōstituti  
sunt multi: sic formā, vt dictum est, primi Adæ  
& secundi, & à similibus & à dissimilibus com-  
paratā sibi, quia diffusius lectionis huius seriem  
prosecuti sumus, jam & ordo & sensus verborū  
contrahendus videtur: & subtilius discutiend<sup>9</sup>.  
Comparat enim mortem, quæ per Adam, vitæ,  
quæ per Christum est, & dicit, *non sicut delictū,  
ita & donum*. Et item post hæc ait, legem subin-  
troisse, vt abundaret peccatum: abundante ve-  
rò peccato superabundasse gratiam. Et in his sol-  
uit quod videbatur esse contrarium, & dicit.  
*Qui enim mortui sumus peccato, quomodo adhuc  
vivemus in eo?* Et volens rebus ipsis ostendere,  
quid est mortuum esse peccato: dicit. *An igno-  
ratis, quia quicumque baptizati sumus in Christo  
Iesu; &c.* Per quæ docet, quia si quis pri<sup>9</sup> mor-

Vers. 11.

Gestis Chri-  
sti configura-  
ri debet vita  
Christiani.  
Galas. 5.

Vers. 4.

Coloss. 3.

Psalm. 21.

Vers. 6.

Crucifixio  
hominis sic  
per pœniten-  
tiam.

Coloss. 3.

Vers. 2.

Vers. 3.

**Vers. 1.** *nus est peccatis: hic necessariò in baptismo cõsepultus est Christo. Si verò non ante quis moritur peccato: non poterit sepeliri cum Christo. Nemo enim viuus aliquando sepelitur. Quod si non cõsepelitur Christo, non legitimè baptizatur. Deinde sequitur. Quid ergo? Permanebimus in peccato, ut gratia abundet?* Primùm vide, quàm librato sermone vsus sit. Ait enim. Permanebimus in peccato? Permanere est à cõcepto non desinere. Quod vtique qui de peccato facit, certum est, quòd necdum initium conuersionis accepit. Et cùm pœnitentia peccati proprium opus sit gratiæ; vbi inuenit impœnitentiæ obstinationem, non ibi abundat nisi in iudicium & condemnationem. *Si enim mortui sumus peccato, quomodo viuemus in eo?* Iutuere diligentius mystici ordinis consequentiam. Mori prius oportet peccato: vt possis sepeliri cum Christo. Mortuo enim sepultura debetur. Sepultus verò peccato, nequaquam vltèrius viuere debet in eo. Quin etiam in sepulchro nouo sepultus, & sindone munda obvolurus Dominus noster Iesus Christus, in cõsepulto suo designat nouitatē vitæ, & munditiā conscientiæ. *An ignoratis, quoniam quicumque baptizati sumus in Christo Iesu; in morte ipsius baptizati sumus?* Hoc enim etiam significat vas baptismi, nullis alijs vsibus deputatum; & alba vestis. Scire etiam debemus, quia nullum baptizatum rationis capace ignorare licet fidem & mysterium baptismi sui. Vnde non sine quodā animi motu dicere videtur. *An ignoratis, &c.* Quicumque ergo in Christo Iesu baptizatur, in morte eius baptizatur, commortu<sup>9</sup> ei abrenuntiatione peccati, cõsepultus professione propositi sancti. Quod autem hic in Christo tantum baptizati dicimur, cùm dixerit ipse qui baptizat, *Baptizantes eos in nomine Patris, & Filij, & Spiritus sancti*, non hic discutienda erat baptismi ratio; sed mortis Christi, ad cuius similitudinem nos suaderet mori peccato, & cõsepeliri Christo. Nec videbatur congruū, vt vbi de memoria mortis agebatur; Pater nominaretur, aut Spiritus sanctus. Agitque hic more suo Apostolus; vt cùm ex Scripturis aliquid assumit, ea tantum assumat, quæ præsentis causæ requirit assertio. *Vt quomodo surrexit Christus à mortuis per gloriam Patris: ita & nos in nouitate vitæ ambulemus.* Surrexit Christus, & Pater glorificatus est: cui si nos cõresurgentes in nouitate vitæ ambulemus, videbūt homines opera nostra bona, & glorificabunt patrem nostrum qui in cœlis est. Ambulandum autem nobis est, nec desistendum; vt vltima dies nos proficientes inueniat. *Si enim complantati facti sumus similitudini mortis eius: simul & resurrectionis erimus.* Omnia hæc ad illam respiciunt quæstionem, ne videatur locum peccati dedisse, in eo quod dixit. *Vbi abundauit peccatum, superabundauit gratia.* Ideo in Christi morte nos dicit baptizatos, & commortuos, & cõsepultos, & complantatos: addens insuper spem simul resurrectionis. Mors enim Christi in Ecclesia lignum vitæ est plantatum in medio paradisi. Cui complantatur, qui ei commoritur: vt mortificando membra sua quæ sunt super terrā, mittat, sicut dicit Propheta, radices deorsum, vt faciat fructum sursum: fructum reflorentis carnis, & innouationis spiritus, in resurrectionis gloria, & germine, & fecunditate sanctarum virtutum. *Hoc scientes, quia vetus homo noster simul crucifixus est,*

*ut destruat corpus peccati: ut ultra nō seruiamus peccato.* Hoc enim est cõmori & cõsepeliri, & cõresurgere, si vetus homo noster, id est vita prior quàm duximus in peccatis, finem & interitum accipiat in fide crucis Christi: & membra nostra quæ seruiebant peccato destruantur, vt vltèrius nō seruiant nisi Deo. Sic enim radici ligni vitæ radix nostra cõplantatur, id est amoris Christi amor noster cõformatur: vt de succo radicis ejus producat ramos iustitiæ, & fructus vitæ. *Vt destruat corpus peccati.* Corp<sup>9</sup> hoc peccati, aut vniuersitas peccati est, cuius membra sunt fornicatio, immunditia, auaritia, &c. Vel ipsum corpus nostrum veneno antiqui serpentis ab ipsa sui origine infectum. Quod tunc destruitur, cùm moritur homo peccato, & incipit viuere Deo; non jam suus, non peccati; sed ejus qui magno cum pretio redemit ad seruendum sibi. Qui enim mortuus est peccato, justificatus est: dum non seruit peccato, sed Domino Deo suo, cui seruire iustū est. Quo fructu, qua mercede, quo præmio? *Si autem mortui sumus cum Christo: credimus, quia simul etiam viuemus cum eo.* Qua vita, temporali, an æterna? *Scientes, quòd Christus resurgens ex mortuis jam nō moritur; mors illi ultra nō dominabitur.* Si enim ei vltra esset moriendum: nobis quoque ei iterū esset commoriendum. Quod verò interposuit, *credimus, quia simul viuemus cum eo*, ostendit, quia licet certitudo resurrectionis sequatur: non tamen eam nisi fide mediāte sumus adepturi. Qui cumq; autem commoritur Christo, si resurrectionis expectat gloriam, trium se dierum sciat debere sepulturam, credulitatem cordis, & confessionem oris in salutem: deinde mortificationem membrorum: postmodum verò nouæ vitæ resurrectionem. Vel renuntiare sæculo, renuntiare vitij; deinde in luce sapientiæ perfectionē. *Scientes quòd Christus resurgens ex mortuis jam nō moritur; mors illi ultra nō dominabitur.* Quòd enim mortuus est peccato, mortuus est semel: quòd autem viuit, viuit Deo. Qui pro nobis assumens similitudinē carnis peccati, peccatū factus est, peccato & legi carnis quod suum erat reddendo, semel mortuus est: quod autem viuit, Dei est: quia incorruptibilitati Dei conforme est. *Ita & vos existimate vos quidem mortuos esse peccato; viuentes autem Deo.* Græcushabet *λογίζομαι* id est, non existimate, sed cogitate, quod sensui & fidei certitudini magis congruere videtur. Semper quippe cogitare, & præ oculis habere debemus, quid in baptismo iurauimus & statuimus; mortem scilicet peccato, vitam autē Deo. Nam & quod addidit, *In Christo Iesu Domino nostro: reddendi voti modus est.* Vnum enim est, ac si dicat. Viuentes Deo in sapientia, in pace, in iustitia, in sanctificatione; quæ omnia Christus est. In his ergo viuere: hoc est viuere in Christo Iesu Domino nostro. *Non ergo regnet peccatum in vestro mortali corpore.* Si enim regnat peccatum, rex est. Vtique rex est peccatum; & suum habet exercitum sibi militantem, & parentem suis legibus, quæ carni inscriptæ sunt, & membris corporis, in quo jus regni obtinuit. Exercitus enim ejus est, quæ Apostolus opera carnis commemorat, fornicatio, immunditia, &c. Quæ quia de regno peccati sunt: quicquid operatur, regnum Dei non consequuntur. Nam & hæreses in exercitu illo adnumerantur; de inflato sensu carnis venientes. Regnum autem hoc pru-

Corpus peccati dupliciter intelligi potest.

Vers. 9.

Vers. 8.

Vers. 9. 10.

Vers. 11.

Vers. 12.

Rex est peccatum exercitus ejus opera carnis.

Galas. 5.

*In nobis est,  
ut peccatū  
non praeua-  
leat nobis.*

*Vers. 12.*

*Coloss. 3.  
2. Cor. 4.*

*Cur Aposto-  
lus corpus  
mortale vo-  
cet.*

*Eccli. 7.*

*Vers. 13.*

*In regno  
peccati ar-  
ma sunt  
membra.*

*Vers. 14.*

*Possumus  
vitare pec-  
catum.*

dentia carnis est, quā idem Apostolus mor-  
tem pronunciat & inimicā Deo. Semper autē  
peccatū hic exercitus in procinctu est: castra  
virtutum impugnans, quamdiu caro concupis-  
cit aduersus spiritum. Nisi verò potestatem pec-  
cati in corpore nostro non esse, potestatis nostrę  
esset, præceptum Apostolus non dedisset dicens,  
*Non regnet peccatū in vestro mortali corpore.* Sed  
qui præceptum dedit, non sine consilio nos re-  
liquit, dicens alibi. *Mortificate membra vestra,  
quæ sunt super terram: & semper mortificatio-  
nem Iesu in corpore nostro circumferentia.* Odit  
enim peccatū crucis Christi memoriam, & imi-  
tationis ejus affectum refugit. Vexillo crucis ap-  
parente, totus ille malitię spiritualis exercitus  
continud dispareret; peccatum non subsistit. Nec  
impossibile est, quod præcepit Apostolus. Non  
enim ait, non sit; sed, non regnet in corpore ve-  
stro peccatum. Inest peccatum dum delectaris;  
regnat cum consentis. Non delectari aliquan-  
do, omnino impossibile est. Numquam verò  
consentire, adiuvante gratia impossibile nō est.  
Ex quadam parte heres Deo; ex quadam sæculo.  
Pars tua, caro tua: concupiscentiæ suæ languo-  
re rebellat aduersum te. Languor iste tyrannus  
est. Mens cohærens Deo non deficiat: non se  
dimittat. Magnum adiutorium habet: vincet,  
si in pugnando perseveret. Sæpe cohibita con-  
cupiscentia deficiet: & non esse incipiet. *In cor-  
pore,* inquit, *mortali.* Non sine causa addidit  
mortali; sed vel, ut suggerat corpus esse morta-  
le, id est habile mortificationi: vel mortale, ut  
meminerit, quod scriptum est. *In omnibus me-  
morare nonissimā tua: & numquam peccabis.* Re-  
gni verò peccati sedes est corpus: lex regni lex  
membrorum eius: exercitus, suprā scriptus, po-  
testas, concupiscentia: regnum, desideriorum  
obedientia: firmamentum regni, quod sequitur.  
*Sed neque exhibeatis membra vestra arma iniqui-  
tati peccato.* Quod facere, hoc est pro regno pec-  
cati pugnare. Et iniquissimum est, membra à  
Deo creata, & dicata Deo, arma exhibere pecca-  
to. *Sed exhibete vos Deo, tamquam ex mortuis  
vuentes: & membra vestra arma iustitiæ Deo.* In-  
tuere per singula sapientiam Pauli. Vbi dicit, ar-  
ma non esse præbenda peccato vel iniquitati; nō  
nos, sed membra nostra ponit. Vbi verò suadet,  
ut nos Deo exhibeamus, non tam membra no-  
stra, quā nos ipsos exhiberi vult Deo, hoc est  
animam vel propositum cordis: ut cū primū  
nosmetipsos exhibuerimus, & erimus adhæren-  
tes Deo, tunc demum etiam membra nostra effi-  
ciamus arma iustitiæ. Rursus si peccati concu-  
piscentiā mortificemus in corpore nostro mor-  
tali, efficiemur tamquam ex mortuis vuentes;  
mortui peccato, & vuentes Deo: & membra  
nostra arma iustitiæ militantiæ ei, cui ea deserui-  
re, iustissimum est. Bene autem metaphoram su-  
perius propositam exequitur, ut in regno pec-  
cati membra nostra arma nominaret iniquitatis:  
rursusq; arma iustitiæ nominaret in regno Dei.  
Sequitur. *Peccatum enim vobis non dominabitur.*  
Etiam hic intueri miram Apostoli cautelam.  
Cum de nobis dicit, *peccatum,* inquit, *vobis nō  
dominabitur,* cū de Salvatore loquitur, dicit,  
*mors ei non dominabitur.* Mortis enim in eo fuit  
locus, peccati nullus. Nobis verò dici non de-  
buit, mors vobis non dominabitur, quam caue-  
re non possumus; sed peccatum vobis non do-  
minabitur, quod sine dubio vitare possumus.

*Non enim estis sub lege, sed sub gratia.* Lex data  
est, ut gratia quæreretur. Gratia data est, ut lex  
impleretur. Neq; enim suo vitio nō implebatur,  
sed vitio prudeutiæ carnis. Quod vitium per le-  
gem demonstrandum, per gratiam sanandum  
fuit. Sub lege positus non sub gratia, dominaba-  
tur peccatum: à quo non fit homo liber per le-  
gem, sed per gratiam. Non quia lex mala est: sed  
quia eos qui sub ipsa sunt, reos facit, iubendo,  
non adiuvando. Gratia quippe adiuvat, ut sit  
quisque legis factor: sine qua sub lege quis po-  
situs, legis tantum erit auditor. Quid ergo? *Pec-  
cabimus, quia non sumus sub lege, sed sub gratia?*  
Idem videtur esse sensus, qui suprā expositus est:  
vbi dicit. *Quid ergo? Permanebimus in peccato,  
ut gratia abundet.* Hoc solum est, quod videtur  
habere differentiam, quod ibi quasi his qui non-  
dum discesserunt à peccato dici videtur, ne per-  
maneant in eo: hic verò tamquam ab his qui jā  
discesserint à peccato, fieri videtur interrogatio.  
Et ibi, ut quasi gratia quæ nondum erat, abun-  
daret: hic autem tamquam præsentem jam gratia  
dicit, quoniam non sumus sub lege, sed sub gra-  
tia. *Abst.* *An nescitis, quoniam cui exhibetis vos  
serui ad obediendum, serui estis ejus cui obedistis:  
sive peccati ad mortem, sive obediētiæ ad iustitiā?*  
videtur forte minus integra locutio, siue pecca-  
ti siue obediētiæ ad iustitiā: cū potius di-  
cendum videretur, siue peccati siue iustitiæ per  
obediētiā. Sed cū sensus evidens sit, verbis  
inhærere superuacuum est. Hoc ergo est, quod  
docet: quod vnusquisque ad quam partem in-  
clinauerit obediētiā suam, siue iustitiæ, siue  
peccati, ei se seruum addicit. Cauenda quippe  
spontanea in peccato ruina, vel saltus temera-  
rius, quod semel patratum maiorem facit volup-  
tatem; voluptas requirit iterationem; iteratio  
facit voluntariam consuetudinem; consuetudo  
seruitutis necessitatem. Nostri ergo iuris est, si  
volumus iugum seruitutis suscipere: non autem  
susceptum cum volumus, abicere. *Gratia autē  
Deo, quod fuistis serui peccati: obedistis autem ex  
corde in eam formam doctrinæ, in qua traditi estis.*  
Perfectis hic loquitur, pro quibus etiam in ca-  
pite hujus epistolæ gratias egit Deo suo: quia fi-  
des eorum nunciabatur in vniuerso mundo. A-  
git autem gratias, non quia serui fuerunt pecca-  
ti, sed quia serui facti iustitiæ, consuetudinis ne-  
cessitatem, & indignam peccati abiecerunt ser-  
uitutem; quia insolitū & difficile est mutare af-  
fectum: & sicut sæcularis sapientia dicit, mem-  
bra cohærentia absque sanguinis damno sepa-  
rari, impossibile est. *Obedistis autem in eam for-  
mam, in quam traditi estis.* Ecce mutatus affectus:  
& pro quo verè debetur gratiarum actio. Vide-  
tur hic aliquibus Apostolum non sentire vnum  
esse, doctrinam, & formam doctrinæ; sed mi-  
nus aliquid significare formam doctrinæ, quam  
ipsam doctrinam: ut forma doctrinæ sit, quod  
hic videmus per speculum & in ænigmate; do-  
ctrina verò, videre faciem ad faciem. Vel forma  
doctrinæ est consummata & bene formata doctri-  
na iustitiæ. Alij aliter; proponunt enim tres for-  
mas in doctrina fidei; rationalem, spirituales,  
intellectuales. Rationalis est in sacramentis &  
moribus, apta illis hominibus, quibus Dominus  
dicit in parabolis annunciandum regnum Dei.  
Spiritualis est in lectionis studio & meditatio-  
nis, & majorum doctrina, conueniens eis, qui-  
bus Dominus dicit. *Vobis datum est nosse myste-  
rium*

*Vers. 15.*

*Vers. 16.*

*Vers. 17.*

*Vers. 17.*

*Luc. 8.*

Tres forma  
in doctrina  
fidei.

v. 18.

vers. 19.

riam regni Dei. Intellectualis est in amoris illu-  
minati affectu: quæ propria est mundorum cor-  
dium, quæ Deum videre merentur. Rationalis  
exigit voluntariam obedientiam, & actiua per-  
fectionem: spiritualis sobrium sensum, & humi-  
lem contemplationem: intellectualis pacificam  
& familiarem experientiam. De sursum enim  
veniens hic intellectus non formatur à ratione,  
sed ipse sibi conformatur rationem: non ut eum  
capiat, sed ut illuminata ab eo, aliquando in eum  
consentiat. De prima ergo doctrinæ forma di-  
cit hic Apostolus, in quam illi traditi sunt, qui  
obedienter semetipsos in eam tradiderunt. *Li-  
berati autem à peccato, serui facti estis iustitiæ.* Si-  
ue enim in peccato siue in iustitiâ, ubi fuerit ad-  
dita voluntas; ibi seruitutis necessitas. Sequitur.  
*Humanum dico, propter infirmitatem vestrâ.* Pru-  
dens verbi dispensator in prima eos forma do-  
ctrinæ videns profecisse, humana sicut homini-  
bus censet esse cõmittenda: cum diuinâ mallet, si  
supra hominem aliquantulû eos profecisse ad-  
uerteret. *Humanum*, inquit, quod potestis por-  
tare, *dico*. Quando exhibuistis membra vestra  
iniquitati ad flagitia perpetranda, timor vos du-  
cebat ad peccatum, an suauitas peccati? Respon-  
debitis, suauitas. Ad peccatum ergo suauitas  
ducit; ad iustitiâ verò timor impingit. Hoc in-  
humanum est. Potius humanû est, ut sicut hoc,  
sic & illud. Sicut in vobis fuit hætenus libido  
voluptasque peccati; sic amodo delectatio sit, cha-  
ritasque iustitiæ. Et hæc quidem nondum vide-  
tur perfecta: sed quodammodo adulta iustitiâ.  
Plus quippe seruitutis debetur iustitiæ: quàm  
peccato solent homines exhibere. Nam pœna  
corporis et si non à voluntate, tamen reuocat ab  
opere peccati: iustitiâ verò sic amanda est, ut  
ab ejus operibus etiam pœna corporis cohibere  
non debeat. Sicut ergo ille est iniquissimus,  
quem nec pœnæ corporales deterrent ab im-  
mundis operibus sordidæ voluptatis: ita ille iu-  
stissimus, qui nec pœnarum corporalium ter-  
rore reuocatur à sanctis operibus luminosæ cha-  
ritatis. Sed humanum tibi dico, ô homo. Amâ  
iustitiâ, sicut amasti iniquitatem. In iniquita-  
te secutus es voluptatem: pro iustitiâ tolera per-  
secutionem. Ventum est ad aspera, horrenda,  
truculenta, minantia: calca, frange, & transi. O  
amare, ô ire, ô sibi perire, ô ad Deum peruenire.  
*Qui amat animam suam perdet eam: & qui per-  
diderit animam suam propter me, in vitam æter-  
nam inueniet eam.* Sic armandus est amator iusti-  
tiæ: sic armandus est amator invisibilis pulchri-  
tudinis. *Cum enim serui essetis peccati: liberi fui-  
stis iustitiæ.* Qualis quæso potest serui additi esse  
libertas: nisi quando eum peccare delectat? Li-  
beraliter enim seruit, qui sui domini voluntatē  
libenter facit: ac per hoc ad peccandum liber  
est, qui peccati servus est. Vnde ad iustē facien-  
dum liber non erit: nisi à peccato liberatus, esse

iustitiæ cõperit servus. Ipsa verò est vera libe-  
tas, habere rectè facti lætitiâ: simul & pia ser-  
uitus, amplecti præcepti obedientiam. Sed ad  
bene faciendum ista liberras vnde erit hominē  
addito & vendito: nisi redimat eum, cujus illa  
vox est, *Si vos filius liberauerit, tunc verè liberi*  
*eritis?* Liberi enim à iustitiâ non sunt, nisi arbi-  
trio libertatis: liberi autem à peccato non sunt,  
nisi gratiâ Salvatoris. Propter quod admi-  
rabilis doctor etiam verba ipsa discreuit. *Cum v. 20. & 21.*  
*enim, inquit, serui essetis peccati, liberi fuistis iusti-  
tiæ. Quem ergo tunc fructum habuistis in his, in*  
*quibus nunc erubescitis?* Est enim quædam con-  
fusio temporalis utilis, perturbatio animi respi-  
cientis peccata sua; respiciendo horrentis; hor-  
rendo erubescens; erubescendo corrigētis. Qui  
hanc confusionem non habebit, æternam habe-  
bit. Vnde & sequitur. *Nam finis illorum mors*  
*est. Nunc ergo liberati à peccato, serui autem facti*  
*Deo; habetis fructum vestrum in sanctificationem:*  
*finem verò vitam æternam.* Hic attende ver-  
borum discretionem. Liberos dixit iustitiæ,  
non liberatos, ne sibi hoc tribuerent: sed vigi-  
lantissimè maluit dicere liberatos, referens hoc  
ad illam Domini sententiam. *Si vos filius libe-*  
*rauerit; tunc verè liberi eritis.* Sed hæc volun-  
tas quæ libera est in malis, quia delectatur malis,  
ideo libera bonis non est; quia liberata non est.  
Nec potest homo boni aliquid velle, nisi adiu-  
uerur ab eo, qui malum non potest velle. Libe-  
ros autem dicimus ad facienda opera pietatis,  
eos quibus dicit Apostolus. *Nunc autem liberati*  
*à peccato, serui autem facti Deo, habetis fructum*  
*vestrum in sanctificationem: finem verò vitam æ-*  
*ternam.* Hunc in sanctificationem fructum,  
qui fructus proculdubio charitas est, atque ope-  
ra eius, nullo modo habere possemus à nobis;  
sed habemus per Spiritum sanctum, qui datus  
est nobis. De ipso quippe fructu loquebatur  
magister Deus: quando palmitibus in se manē-  
tibus dicebat. *Sine me nihil potestis facere.* Vnde  
& ipsam vitam æternam, quæ certè merces est  
bonorum operum, gratiam Dei appellat Apo-  
stolus, subjiciens ac dicens. *Stipendium peccati*  
*mors; gratia autem Dei vita æterna, in Christo Ie-*  
*su Domino nostro.* Stipendium pro opere mili-  
tiæ redditur, non donatur. Bene ergo hic sti-  
pendium dicitur, quasi militiæ diabolicæ: vbi  
mors æterna tamquam debitum redditur. Vbi  
cùm posset dicere, & rectè dicere, stipendium  
autem iustitiæ vita æterna; maluit dicere, *gratiâ*  
*autem Dei; vita æterna:* ut hinc intelligeremus  
non pro meritis nostris Deum nos ad æternam  
vitam perducere; sed pro sua gratia. Nam vita  
quidem æterna stipendium iustitiæ est, sed tibi  
ô homo, gratia est: sicut etiam ipsa iustitiâ gra-  
tia est. Vnde ne & hæc præter Mediatorem ali-  
quâ aliâ viâ quæreretur, adjecit. *In Christo Iesu*  
*Domino nostro.*

Joan. 8.

Quædā con-  
fusio utilis.

v. 22.

Joan. 8.

Voluntas nō  
est in bono li-  
bera, nisi li-  
berata.

Joan. 15.

v. 23.

Joan. 12.  
Mat. 10.

v. 20.

## LIBER QVARTVS.



ARTVS jam in superioribus de ju-  
stitijs legis & fidei disputans Apo-  
stolus pro Iudæis & Gentibus, tan-  
dem iustificatos ex fide pacē veros-  
que ad Deum habere docuit: deinde ex colla-  
tione veteris Adæ & novi, supereminentiā eis

gratiæ, in qua eos reconciliauerat, ostendens: in  
ea positos, ad eam quam dicunt impeccantiā,  
& ad fidei opera plurimum ex suscepti baptis-  
mi mysterio animavit: & ad transcendendū à serui-  
tute literæ ad libertatem spiritus, quæ sunt tē-  
tia hominis vel populi Dei. Nunc jam imitans  
Cc

eum cui seruiebat in evangelio filij ejus, cujus misericordia plena est terra, & tamen sigillatim singit corda singulorum, & intelligit omnia opera eorum: formam moralis doctrinæ euidentiùs assumit, imperitus noster sermone, etsi non scientiâ: in qua singulorum conscientias conueniat; & quid in eis lex quælibet, quid gratia operetur, quid fides, quid litera: quid ea quæ dicitur arbitrij libertas, rationabiliter ostendat: sed & contentionem legis mentis & legis membrorum describit, nullamque de corpore mortis liberationem, nisi à gratia Dei per dominum nostrum Iesum Christum. Primum ergo ex legis similitudine legi finē imponit, ut omne os obstruatur: ut destructa de lege Iudæorum gloriâ, tã in Iudæis quàm in Gentibus, par deinceps causa currat, & similis doctrinæ gratia. Dicit ergo.

Cap. 7.

*An ignoratis fratres, scientibus enim legem loquor, quia lex in homine dominatur, quanto tempore vivit? Nā quæ sub viro est mulier, vivente viro alligata est legi. Si autem mortuus fuerit vir ejus: soluta est à lege viri. Igitur vivente viro vocabitur adultera: si fuerit cum alio viro. Si autem mortuus fuerit vir ejus, liberata est à lege viri: ut non sit adultera, si fuerit cum alio viro.* Quod diversè à diversis intelligitur. Alij mulierem sub viro hominem interpretantur sub lege: quia sicut mulier si vivente viro alteri adhæserit, adultera iudicabitur; mortuo verò viro soluta est à lege viri, & cui vult nubere habet potestatem: sic vivente, id est statum suum lege habente, homo legi subditus fas non habet legis iugo collū subducere: si autem decidendo à statu suo lex mortua fuerit; liberum habet alij se legi adaptare. Hoc de lege Moyſi & populo circumcisionis facillimum intellectu est: & nihil omnino habens quæstionis. Propheta enim appropinquante, de quo dixit Moyſes. *Prophetam vobis suscitabit Deus de fratribus vestris; ipsum audietis tamquam me;* antiquata lex & senescens venit ad interitū: & cantari cœpit canticum novum, & prædicari mandatum novum, & nova fieri omnia. Statimque electio ex Iudæis Ecclesia facta est, sponsa noua agni sine macula & ruga; & nouo sponso adhæsit, relicto mortuo viro priore, sine vlla nota adulterij. Sed ut & Iudæos & Gentes complectatur hæc similitudo, subtiliùs alij eā discutientes, aduerterunt tria in hac similitudine; tria in re similitudinis, quæ per similitudinem quæritur: quæ ad explanandam ipsam similitudinem non inconuenienter aptantur. Tria enim sunt in similitudine, mulier, vir, & lex; cum mulier viri subijgitur per vinculum legis. Sic se habet similitudo. In re similitudinis similiter tria sunt, homo, peccatum, & lex: quia tandiū sub lege est homo, quamdiū vivit peccato: quemadmodum mulier tandiū est sub lege viri, quamdiū vivit vir. Cū autem in hac similitudine tria quædam inueniamus, mulierem, virum, & legem; in re verò similitudinis tria, animam, peccatū, & legem peccati: hoc solum hic diversum est, quod in similitudine vir moritur, ut mulier soluatur à lege viri; porro in re similitudinis ipsa anima moritur peccato, ut nubat Christo. Cū autem moritur peccato, moritur etiam legi peccati. Peccatum autem hic intelligendum est, quod accessit per legem: quod peccatum supra modum dicitur esse: quoniam cū jam appareat esse peccatū, etiam adiecta præuaricatione cumulatur. *Vbi enim non*

*est lex; nec præuaricatio.* Et hic est qui dicitur supra modum peccator: aut peccatum per mandatum. Iste erant passionibus, non passionibus tunc, sed delectationibus: quæ per legem auctæ operabantur in membris, ut fructum ferrent morti: sub quibus tamquam sub viro dominante tenebatur anima, antequam veniret gratia per fidē. His autem passionibus moritur, qui jam seruit mente legi Dei: quamvis ipsæ passionibus nondū mortuæ sint, quamdiū carne seruitur legi peccati. Restat enim adhuc aliquid ei qui est sub gratia, quod eum non vincat, sed erudiat: non captivum ducat, sed exerceat, donec mortificetur totum, quod consuetudine prava roboratum est. Vera sponsa Christi intelligit quid distinet inter literam ac spiritum; quæ duo dicuntur alio modo lex & gratia: & non jam in vetustate literæ, sed in novitate spiritus Deo serviens, non est sub lege, sed sub gratia. Ita litera cum spiritu, & lex cum gratia, jã non eo modo litera & lex appellatur, sicut per seipsam: cum occidit abundante delicto. Ita enim lex & virtus peccati dicta est, cū auget ejus noxiam delectationem per severam prohibitionem: nec tamen etiam sic mala est, sed peccatum, ut appareat peccatū, per bonum operatū est mortem. Ita multa quibusdā sunt noxia; quamvis non sint mala. Hæc igitur sponsa Christi jam mortua legi, id est peccato, quod legis prohibitionem fit abundantius, cū lex sine gratia iubet, non iuvat: tali ergo lege mortua, ut sit alterius qui ex mortuis resurrexit, discernit ista sine legis iniuria, ne sacrilegiū committat in ejus authorē. Eadē quippe lex quæ per

*Litera & spiritus, aliis lex & gratia*

*Similitudo subjectionis sub lege, & mulieris sub viro.*

Dante. 18.

*Deus de fratribus vestris; ipsum audietis tamquam me;* antiquata lex & senescens venit ad interitū: & cantari cœpit canticum novum, & prædicari mandatum novum, & nova fieri omnia. Statimque electio ex Iudæis Ecclesia facta est, sponsa noua agni sine macula & ruga; & nouo sponso adhæsit, relicto mortuo viro priore, sine vlla nota adulterij. Sed ut & Iudæos & Gentes complectatur hæc similitudo, subtiliùs alij eā discutientes, aduerterunt tria in hac similitudine; tria in re similitudinis, quæ per similitudinem quæritur: quæ ad explanandam ipsam similitudinem non inconuenienter aptantur. Tria enim sunt in similitudine, mulier, vir, & lex; cum mulier viri subijgitur per vinculum legis. Sic se habet similitudo. In re similitudinis similiter tria sunt, homo, peccatum, & lex: quia tandiū sub lege est homo, quamdiū vivit peccato: quemadmodum mulier tandiū est sub lege viri, quamdiū vivit vir. Cū autem in hac similitudine tria quædam inueniamus, mulierem, virum, & legem; in re verò similitudinis tria, animam, peccatū, & legem peccati: hoc solum hic diversum est, quod in similitudine vir moritur, ut mulier soluatur à lege viri; porro in re similitudinis ipsa anima moritur peccato, ut nubat Christo. Cū autem moritur peccato, moritur etiam legi peccati. Peccatum autem hic intelligendum est, quod accessit per legem: quod peccatum supra modum dicitur esse: quoniam cū jam appareat esse peccatū, etiam adiecta præuaricatione cumulatur. *Vbi enim non*

*Moyſen data est, gratia & veritas per Iesum Christum facta est, cū accessit literæ spiritus, ut inciperet impleri iustitia legis, quæ nō impleta, reos etiam præuaricatione faciebat. Neque enim alia lex est sancta & bona & iusta; & alia per quā peccatum mortē operatur, cui mori nos oportet, ut simus alterius qui ex mortuis resurrexit: sed eadem ipsa est. Vnde & sequitur. Itaque fratres mei, & vos mortificati estis legi per corpus Christi: id est umbræ per rem, literæ per spiritū, legi per gratiam: ut jam non sitis vxor vel sponsa ejus qui mortuus est, sed ejus qui ex mortuis resurrexit: ut jam non fructificetis in operibus mortuis mortuo; sed in fructibus vitæ Deo. Nam & lex tale quid adumbrabat, præcipiēs ut mulier primo viro mortuo, de quo semen non suscepit, trāseat in thorū ejus, qui frater fuerit defuncti: & suscitaret semē fratri suo, quod ille suscitare nō potuit. Frater enim videtur literæ fecundior spiritualis intellectus. Sequitur. Cū enim essemus in carne, passionibus peccatorum quæ per legem sunt, operabantur in membris nostris, ut fructificarent morti. Cū essemus in carne, id est in concupiscentiis carnis versaremur, & ibi totam spem nostram poneremus: passionibus peccatorum quæ per legem erant auctæ, non sublata, lex enim præsumptentem de se peccatorem fecit prævaricatorem, quia Deum non habuit adiutorē, operabantur in membris nostris, ut fructificarent morti. Vicit enim te, o homo, concupiscentia tua; quia in malo loco; hoc est in carne te inuenit. Migra de carne, in carne viuens noli esse in carne: in spiritu esto. Quid est in spiritu esto? In Deo spem pone. Nam si spem posueris in eo spiritu, quo homo es, iterum spiritus tuus in terrā relabitur, quia non eum dedisti illi, à quo suspendatur, qui non se continet nisi continueatur.*

Ioann. 1.

*Rom. 7. Vers. 4.*

*Quid sit esse in carne.*

*Rom. 4. Vers. 15.*



Vers. 6.

Noli spem ponere in te, sed in eo qui fecit te. Ipse vita tua est: vitæ tuæ fructificas, quicquid illi fructificas. Sequitur. *Nunc autem soluti sumus à lege mortis, in qua detinebamur; ita ut serviamus in novitate spiritus, & non in vetustate literæ.* Lex mortis est litera occidens: à qua liberatur, qui peccato moriuntur. Lex litera tantum est legentibus, quod testamenti veteris est: non per charitatem implentibus, quod testamenti novi est. Nec est adiutrix legem, sed testis peccantium; à cuius damnatione liberantur, qui per spiritum innouantur: quia litera occidit, spiritus autem vivificat. In vetustate literæ per timorem servitur: in novitate spiritus per amorem; ubi servi filij efficiuntur. Ut autem tales servi jam servi non sumus, qui filij sumus gratiæ; Dominum hoc facere scimus. Quod servus ille nescit, qui nescit quid faciat dominus ejus: qui in seipso, non in Domino gloriatur. Quid ergo dicemus? Lex peccatum est? Absit. *Sed peccatum non cognovi, nisi per legem. Nam concupiscentiam nesciebam; nisi lex diceret. Non concupisces.* Si lex non est peccatum, sed insinuatric tantum peccati: nihilominus in his verbis reprehenditur. Animam quippe humanam quasi de ignorantia securam, ipsa demonstratione peccati facit ream. Itaque peccatum, inquit, non cognovi, nisi per legem. Non dixit, non feci, nisi per legem: sed non cognovi, nisi per legem. Sed data est lex utilis, in eo quod peccatum demonstraret: quia cum peccatum vinci non posset, sine gratia Dei, peccatorem ipsa reatus sollicitudo ad percipiendam gratiam converteret. Non ergo per legem culpa est insita, sed cognita; nec eam lex tulit, sed tamen à quo tolleretur, ostendit. Consequens autem erat, ut quoniam nondum accepta gratia concupiscentiæ resisti non poterat, augetur etiam: quia maiores habet vires concupiscentia, crimine prævaricationis adiuncto, cum etiam contra legem facit, quam si nulla lege prohiberetur. Ideo concupiscentiam, quiddam, quod cuncta complexus est, elegit Apostolus: tamquam hæc esset vox legis ab omni peccato prohibentis, *Non concupisces.* Quod quicumque implet mandatum; nullum omnino facit peccatum. Neque enim ullum peccatum, nisi concupiscendo committitur. Accidit tamen homini aliquando peccatum: quod quasi nec facit, nec committit: quia in peccato nil concupiscitur; sed per impotentiam, vel ignorantiam inciditur. Vbi tamen si peccatum non esset, propheta non oraret. *Ignorantias meas ne memineris.* Bona ergo lex quæ præcipit, *Non concupisces;* sed ubi Spiritus non adjuvat, inspirans pro concupiscentia mala concupiscentiam bonam, hoc est, diffundens charitatem in cordibus nostris: profecto lex quamvis bona, auget prohibendo desiderium malum. Nescio enim quomodo quod concupiscitur dulcius sit cum vetatur: & hoc est quod in posterioribus dicit, quia fallit peccatum per mandatum, & per illud occidit. Vnde & sequitur.

Vers. 7.

Nullum peccatum nisi concupiscendo committitur.

Psalm. 24.

Vers. 8.

*Occasione autem accepta peccatum per mandatum operatum est in me omnem concupiscentiam.* Erat enim & ante peccatum concupiscentia, sed non omnis erat. Fluuius per legem frænatus est; non siccatus. Quæ te ducebat obicibus nullis; obruit te obicibus ruptis. Minor erat, quando tuam movebat libidinem: omnis est, quando transcedit legem. Vis nosse, quam magnus sit? Attende quid rapit. Præceptum Dei dicentis, *Non concupisces.* Sine lege enim peccatum mortuum erat, id est latebat, non apparebat: omnino tamquam sepultum erat in quibusdam ignorantia suæ tenebris. Ego autem vivebam sine lege aliquando: id est nulla ex peccato morte terrebar: quia non apparebat, cum lex non esset. Vivebam, id est vivere mihi videbar. Sed cum venisset mandatum, peccatum reuixit. Eminuit, apparuit, non tamen vixit, sed reuixit. Vixerat enim aliquando in paradiso, quando contra datum præceptum, satis apparebat admissum. Cum autem à nascentibus trahitur, tamquam mortuum sit, later: donec repugnans iustitiæ malum eius prohibitione sentiat. Cum enim aliud iubetur atque probatur, aliud delectat, atque dominatur: peccatum quodammodo in notitia nati hominis reuixit, quod in notitia primi facti hominis aliquando vixerat. Revixit, hoc est sentiri cœpit: cœpit rebellare, cœpit apparere. Ego autem mortuus sum, id est prævaricator factus sum: vel quia mortuum me cognovi, vel quia reatus prævaricationis certum mortis supplicium comminabatur: quæ ignorabam, cum concupiscentias meas sequeretur sine cognitione, quia sine cohibitione. Et inuentum est mihi mandatum quod erat ad vitam, si obediretur, esse ad mortem, dum fit contra mandatum: & non solum peccatum fit sicut prius: sed etiam à sciente & prævaricante peccatur. Bene autem mandatum est ad vitam, non concupiscere. Sola enim vera vita est, non concupiscere. O vita dulcis, & dulcior quam voluptas concupiscentiæ. Felix anima, quæ huiusmodi delectationibus oblectatur, ubi turpitudine nulla inquinetur, & veritatis serenitate purgetur: scilicet quando delectat lex Dei, & sic delectat, ut omnes lasciviæ delectationes vincantur. Hoc autem non fit statim cum venit homo ad gratiam: sed concupiscentia tantum fit in proficiente lentior, quanto iustitiæ fit proficiente propinquior. Nam peccatum occasione accepta per mandatum seduxit me: & per illud occidit. Peccatum non legitime utens lege, ex prohibitione aucto desiderio dulcius factum est: & ideo fefellit me. Fallax enim dulcedo est, quam plures, atque maiores poenarum amaritudines sequuntur. Quia ergo ab hominibus nondum spiritualibus quod vetatur suavius admittitur, fallit peccatum falsa dulcedine: quia verò accedit etiam reatus prævaricationis, occidit. Itaque lex quidem sancta, & mandatum sanctum & iustum & bonum. Iubenda enim lex iubet: & prohibenda prohibet. Et in malè utente vitium est, non in mandato, quod bonum est: quia lex bona est, si quis ea legitime utatur. Malè autem utitur lege, qui non se subdit Deo pia humilitate; ut per gratiam lex possit impleri. Paulò antè Apostolus legem defenderat à crimine: nunc verò debito eam præconio attollit. Ibi enim, *Lex, inquit, peccatum est? Absit.* Vno ibi verbo defenditur veritas: quia magna est defendentis auctoritas. Hic verò, *lex, inquit, sancta, & mandatum sanctum, & iustum, & bonum.* Recipe ergo mandatum: scito esse arma tua; non quibus te occidat, sed quibus à te occidatur inimicus, si humilis fueris, sicut parvus David. Si autem magnus Goliath & superbus fueris: armis tuis occideris. Goliath in scuto & lancea; Pharaon in curribus & in equis: tu autem in nomine Domini. Lex ergo siue obicit inanibus gratiâ, siue profit plenam gratiâ, semper bona est: sicut sol

Cc ij

Vers. 9.

Vers. 10.

Vers. 11.

Fallax peccati dulcedo.

Vers. 12.

Vers. 7.

Vers. 12.

Utilitas humilitatis.

semper est bonus, siue dolentibus oculis noceat, siue sanos demulceat. Proinde quod est sanitas oculis ad videndum solem : hoc est gratia mentibus ad implendum legem. Et sicut oculi sani non solis delectatione moriuntur, sed inluminantur : qui verò sani non sunt, iustis asperis radiorum reuerberati in densiores tenebras pelluntur : sic anima quæ per charitatē spiritus salua facta est, non iustitiæ mortua dicitur : sed illa quæ reatui & præuaricationi subiacet, quam lex per literā faciebat, quādiu gratia defuit. *Quod ergo bonū est, mihi factū est mors ? Absit. Sed peccatū ut appareat peccatū per bonū operatum est mihi mortē.* Mors nō est lex : sed peccatū est mors. Iā dudum autem dixerat, *sine lege peccatum mortuū est* : vbi dixeramus, quia mortuum dixit, absconditum, est ; latet, non apparet. Modo videte, quā verē ita dictum sit. *Peccatum*, inquit, *ut appareat peccatum.* Non dixit, ut sit ; quia erat, & quando non apparebat peccatum. Quid est, ut appareat peccatum ? *Quia concupiscentiam nesciebam, nisi lex diceret, non concupisces.* Non ait, concupiscentiam non habebam : sed, concupiscentiam nesciebam. Sic etiam hic non ait, ut sit peccatum, sed *ut appareat peccatum : per bonum mihi operatum est mortem.* Quam mortem ? *Ut fiat supra modum peccans peccatum per mandatū.* Quare supra modum ? Quia iam & præuaricatio. Vbi enim lex non est, nec præuaricatio. *Et inuentum est mihi mandatum quod erat ad vitam :* quid enim tam pertinens ad vitam, quā non concupisces ? *hoc esse in mortem.* Peccatum enim occasione accepta per mandatū fefellit me : & per illud occidit. Concupiscentiam terruit, non extinxit : fecit timorem pænæ, non amorem iustitiæ. Quid ergo ? Quid dubitamus ad hoc datam esse legem, ut inueniret se homo ? Quando enim Deus non prohibebat à malo : latebat se homo. Vires suas languidas non inuenit ; nisi quando legem prohibitionis accepit. *Scimus*, inquit, *quia lex spiritualis est ; ego autē carnalis sum venundatus sub peccato.* Quod enim operor ignoro. *Non enim quod volo, hoc ago : sed quod odi, illud facio.* Saris ostenditur in his verbis, non posse impleri legem, nisi in spiritualibus : qui non sunt, nisi per gratiam Dei. Spirituali enim legi quantū sit quisque similior, id est, quanto magis in spirituale surgit affectum, tantū magis eam implet : quia tantomagis ea delectatur gratia donante peccata, & infundente spiritum charitatis, quo non sit molesta, imò suavis & iucunda iustitia. Omni autem circumstantiā lectionis huius diligenter inspectā, rectē quidem intelligitur Apostolus, hæc & ea quæ sequuntur, dixisse & in sua propria persona, & in persona aliorum sub gratia fideliter constitutorum : sed nondum in pacem illam assumptorum, à qua absorbebitur mors in victoria, de qua dicit Apostolus. *Si spiritus ejus, qui suscitauit Iesū à mortuis, habitat in vobis : uiuificabit & mortalia corpora vestra, propter inhabitantem Spiritum ejus in vobis.* Tunc enim viuificatis mortalibus corporibus nostris, non solū ad peccandum consensio nulla erit : sed nec ipsa cui consentiatur, carnis concupiscentia remanebit : quam spiritui resistentem non habere in carne mortali ille tantum homo potuit, qui sol⁹ non per ipsam ad homines venit. Erit enim corp⁹ spirituale, & quisquis ibi erit, ex toto se, id est, ex vtraque parte qua constat, spiritualis homo erit : quando spi-

rituale etiam corpus erit, Neque enim absurdū est, ut sit in illa vita etiam caro spiritualis : si potuit esse in hac vita in his qui adhuc carnalia sapiunt, ipse etiam spiritus carnalis. Hæc sunt quarta hominis Dei, quæ hic sanctificatione spiritus inchoatur, & in illa beata æternæ beatitudinis parte perficiuntur. Sic ergo dicit hic Apostolus, & quilibet cum eo spiritualis ; *Ego autem carnalis sum*, quasi nondum spirituale corpus habebat : sicut posset dicere, mortalis sum, qui utique adhuc in mortali corpore degebat. Sic & de alijs quæ hic dicuntur, intelligendum est : quæ cū in persona, ut dictū est, spiritualiū dicatur, spiritualib⁹ videntur non conuenire ; quæ in locis suis melius differuntur. *Scimus*, inquit, *quia lex spiritualis est.* Vtiq ; lex spiritualis est : quia sicut jam diximus, *lex per Moysen data est, gratia & veritas per Iesum Christū facta est* ; cū accessit literæ spirit⁹, mandato charitas ; seruo peccati libertas vera, liberto iustitiæ seruit⁹ libera, quia voluntaria. *Lex ergo spiritualis est : ego autem*, ait Apostol⁹, *carnalis sum.* In carne adhuc sum : quotidie moriens carnē exuo : sed nondū, ut nō concupiscam, perfecte obtinui. Quod perfecte obtinebo, cū totus de carne exiero ; cū spirit⁹ spirituale corp⁹ induero : & jam nulla parte mei ero carnalis ; sed ex vtraque mei parte spiritualis ero. *Venundatus sub peccato.* Quis te, o Paule, vendidit ? O homo inquit, homo sum. Homo seipsum vendidit, ut sub peccato seruus sit, ille ipsum vendidit ; qui consensi seductori. Vendere me potui ; redimere non possum. Vendidi me, cum dedi peccato consensionem, & accepi mortem. Sed iterum do fidem, & accipio iustitiam ab eo qui dedit & fidem, fidē sanguinis sui, quē diabol⁹ injustē fudit : in quo me iustificauit, qui solus iustus non iustificatus est : quia solus iust⁹ natus est : propter hoc ait, *qui primitias spiritus habemus, & ipsi in nobis ipsis ingemiscimus : adoptionem filiorum expectantes, redemptionem corporis nostri.* Scio me pretio magno redemptum, sed corpus meum nondum à corruptione sua est exemptum : & ideo corruptibile adhuc & mortale, spem redemptionis suæ nondum est adeptum. Vnde & nos omnes, qui qualescūque primitias spiritus accepimus, in nobis ipsis quotidie ingemiscimus ; sciētes nos redemptos, sed à seruilis cōditione nondum exemptos. Propter quod ad Redemptorem nostrum anxij quotidie precibus clamamus. *Redime me, Domine, & miserere mei.* Redimis enim nos, Domine : cum imple in nobis opus redemptionis tuæ. Dederas enim hominī dilectionē & gaudere de te, quæ dedit miser, ut haberet ea de se : & morti traditus & corruptioni neutrum obtinuit, nec de te, nec de se. Tu verò dedisti te in seruitutem : ut redimeres ei libertatem. Dedisti te in contumeliam : ut redimeres ei gloriam. Omnium bonorum horum pretium sanguis tuus est. Ipse est fons David patens in ablutionem mensiuatæ. Patientiam habe in nobis, Domine Iesu, quos tanti facere dignatus es, ut nos redempturus, nō nisi te ipsum velles esse pretium nostrum, nos verò vili addictos rursus nos ipsos distraximus pro delectationibus sordidis, verē vilissimum carnis mancipium : deinde verò sordium ipsarū factores afferimus tibi abluendos in fonte sanguinis tui pretiosi. Qui tamen lauans omnia nō inquinatur ; imò quantū plura abluit, tantū efficitur salubrior : dum plus diligit, cui plus di-

Vers. 14.

Vers. 19.

Ioann. 1.

Homo seipsum vendidit.

Cap. 8. Vers. 23.

Psalm. 25.

Sanguis Christi pretium bonorum.

mittitur. Parce Domine, & vtinam homines si-  
bi parcant, ne nimis sordida huc deferant: id est,  
ne sordidi nimis huc veniant. Sufficiens tamen  
est pretium tuum omnes redimere: sufficiens  
fons tuus omnia ablueret. Nam & reis sanguinis  
tui pretii sui in gratiam tuam peccantibus, & re-  
uertentibus, & plorantibus corā te, benignissi-  
mè indulgere nosti: reddens tamen gratiæ reum  
legi puniendum: vt sicut solet oculum pro oculo,  
dentem pro dente, sic ab eo exigit sanguinē  
pro sanguine: vt delectationes prauas peccati  
sanguineo pœnitentiæ sudore exluent: sanguineis  
cordis lachrymis explorent. Quas tamen  
cū non habeat, nisi gratia tua subministrante:  
accepto à te pretio suo, gratiæ tuę se redimit miser  
homo venundatus sub peccato. Redditusq;  
gratiæ statim pugnam inuenit patiturque, quod  
pugnā intrātibus periculosū esse solet, tenebras  
ignorantiæ. *Quod enim*, inquit, *operor, non intelligo.*  
*Non enim quod volo hoc ago; sed quod odi, illud facio.*  
Non quod non intelligeret peccatū, cū appareat  
peccatum per mandatū: sed ignoro, id est nescio,  
non approbo; sicut dicitur, *nō noui vos.* Vel bonum  
puto quod ago, ad explēdam libidinis satietatē:  
vel malum esse non dubito, & tamen ago per cœcam  
libidinē: vel volentis & nolētis in meipso non  
satis aduerto cōtrarietatem. Absit autē, vt  
intelligatur in his verbis de Apostolo, quod quasi  
voluerit esse castus, & fuerit incestuosus; misericors,  
& fuerit crudelis; pius, & fuerit impius; cū dicit,  
*non quod volo ago.* Sed volo, inquit, non concupiscere,  
& concupisco. Lex enim dixit, *Non concupisces.*  
Homo legem audiuit, vitium agnouit: bellum  
indixit, captiuitatem inuenit. Non omnes homines  
præter Apostolum: sed Apostolus cum omnibus,  
quia homo. Constituit enim tibi ante oculos  
pugnam suam: vt tu timeres tuā. Si enim hoc  
non dixisset beatus Apostolus; quādo videres  
commoueri concupiscentiam in mēbris tuis,  
cui tamen tu non consentire; forsitan desperares  
de te, & diceres. Si ad Deum pertinerem,  
non sic mouerer. Vide Apostolū pugnare, &  
noli desperare. *Non inquit, quod volo, ago,*  
quia nolo concupiscere, & concupisco. Hęc  
enim est pestis illa generalis ab Adam, &  
ineuitabile contagium. Fecit enim in paradiso  
cōtra interdictum factum puniendum, & inuenit  
in seipso motum pudendum: quia aperti sunt  
oculi eorum ad aliquid quod numquam senserant,  
quod numquam in motu corporis sui expauerant.  
Aperti sunt oculi eorum, non ad videndum,  
sed ad intuendum: vnde & curauerūt regendum.  
Inde trahitur originale peccatum, quod nemo  
effugit: inde caro concupiscit aduersus spiritum,  
quod nemo non sentit. Hoc est peccatum, quasi  
naturaliter habitans in corpore omnis hominis  
de ipso peccato nati: peccatum quod facit omne  
peccatum. Odit ergo concupiscentiam ratio,  
non vult eam filius gratiæ: delectatur concupiscere  
caro, vult etiam implere quod delectatur filius  
Adæ. Non ergo agit Apostolus quod vult, id est,  
non concupiscere, quia agit in eo homo, quod  
odit Apostolus, id est cōcupiscere. *Si autem quod  
nolo; illud facio, consensio legi, quoniam bona est.*  
Non esset legis præuaricatio mala; nisi ipsa  
lex esset bona. Si enim nō bona esset, non  
esset malum præuaricari malā. Quia verò  
malum est eam præuaricari: ergo bona est.  
Quid tam bonum, quā non concupi-

scis? Dicit ergo Apostolus. Non implet legē  
infirmas mea: sed laudat legem voluntas mea.  
Nolo enim quod ago; & in eo quod nolo, legi  
consentio: etsi contra legem sum, in eo quod  
ago. Voluntas enim mea est, quæ & legis, non  
concupiscere: quod cū non agam, approbē  
tamen, & in me & in lege, si agere possem: cō-  
sentio legi quia bona est. *Nunc autem iam non  
ego operor illud: sed quod habitat in me peccatum.*  
Vbi in te? Sequitur. *Scio enim, quia non habitat*  
*in me, hoc est in carne mea bonum.* Hoc est semē  
Adæ in corpore nostro, cui contrarium est semē  
illud Dei in spiritu nostro, de quo dicit Ioannes  
in epistola sua, quia *si quis ex Deo natus est, non*  
*peccat: sed semen eius quod in ipso est, conseruat eū.*  
In corpore enim habitat peccatum: sed non ei  
consentiendo viuit ex fide, qui inuocat Deum,  
pugnans contra peccatum. Nam vt non sit, ad-  
est velle, sed jaceret, id est impotens est sine auxi-  
lio gratiæ: cū & ipsum velle sit opus gratiæ.  
Idcirco addit. *Perficere autē bonum non inuenio.*  
In eo enim quod non consentit, bonum facit:  
in eo quod odit concupiscentiam suam bonum  
facit: perficere tamen bonū non inuenit. Quod  
tunc inueniet: quando concupiscentia quæ nūc  
habitat in mēbris nostris, nulla erit. Nunc au-  
tem vitium carnis in re bona non est bonum:  
quod cū esse destiterit, caro erit: sed jam vi-  
tiata vel vitiosa non erit. Quā tamen ad no-  
stram pertinere naturam, idem Doctor ostendit  
dicens. *Scio, quia non habitat in me:* quod vt ex-  
poneret, addidit; *hoc est in carne mea, bonum.* Se  
itaque dicit carnem suam: non ergo ipsa est ini-  
mica. Nam & quando ejus vitio resistitur, ipsa  
amatur: quia ipsa curatur. Nemo enim vnquā  
carnem suam odio habuit. *Nam velle adjacet mihi:*  
*perficere autem bonum non inuenio.* Vtrique  
velle adiacet, & à carne, & à mente: sed neutrum  
perficere inuenit, quādiu voluntatem mentis  
ad consensum mali trahere non potest carnis  
cōcupiscentia: nec potest efficere voluntas mē-  
tis, vt omnino concupiscentia non sit. Vnde se-  
quitur. *Non enim quod volo bonum, hoc facio: sed*  
*quod nolo malū, hoc ago.* Si autem quod nolo, illud  
facio: non ego operor illud, sed quod habitat in me  
peccatū. Quia enim cū bene volo, quod vult  
lex & ego volo: inuenio igitur mihi bene volē-  
ti facere, legem esse bonam: quia præcipiendo  
mittit me ad bonum: sed perficere non inuenio,  
quia velle mihi adjacet, prope mihi est, in cor-  
pore meo habitat peccatum, domestic⁹ inimic⁹.  
Omnis qui proficit recta intentione, proficiens  
recedit ab omni peccato: & tantò fit inde lon-  
ginquior, quāto iustitiæ & perfectioni fit pro-  
pinquior: quia & ipsa concupiscentia quæ est  
peccatum habitans in carne nostra, etsi manet  
adhuc in membris mortalibus, minui tamen nō  
desinit in proficientibus. Aliud est enī recede-  
re ab omni peccato, quod nunc in opere est:  
aliud recessisse, quod in illa perfectione est. Re-  
atus quippe originalis concupiscentiæ in bap-  
tismo dimittitur: sed vsque ad futuram vitam  
infirmas permanet; ibi verò bene pugnantes  
pax perpetua manet, cui donec sanetur, omnis  
qui bene proficit, studiosissimè reluctatur. Hoc  
est enim peccatum latens, & malum adjacens;  
de quo suprā dictum est; *Non enim ego operor il-  
lud, sed quod habitat in me peccatum:* & rursus  
hic, quoniam mihi malum adjacet, quasi calca-  
neo insidians coluber. Hoc sicut dicit *non ego,*  
Cc ij

Remissioea-  
tu originali  
adhuc ma-  
net infirmi-  
tas.

operor illud, sed quod in me habitat peccatum, tunc in nobis operatur, & nos non operamur, quando nequaquam ei voluntas nostra consentit: & tenet etiam membra, ne obediant desiderijs ejus. Quid enim operatur peccatum in nolentibus nobis, nisi illicita desideria? Quibus si voluntatis non tribuitur assensus: mouetur quidem, sed nullus ei relaxatur effectus. Operatur igitur peccatum desideria; quibus si obedimus, & nos operamur: si autem non obedimus, non nos operamur illud, sed quod habitat in nobis peccatum. Si autem nulla desideria illicita haberemus: nec nos, nec peccatum, aliquid mali operaretur in nobis. Motum verò illiciti desiderij, cui non obediendo non id nos operamur, ideo & nos agere dicimur: quoniam non est naturæ vigor alienæ, sed languor nostræ. A quo languore salui erimus: cum & anima & corpore immortales facti fuerim. Cujus, ut jam dictum est, reatus in baptismo dimissus est, cum omnibus quæ obediendo illi fecimus: nec ulterius nobis obesset, si nullis ejus desiderijs obedientiâ ulterius præberemus. *Inuenio igitur legem volenti mihi facere bonum*: hoc est bonum aliquod inuenio esse legem. Sed cum facere volo bonum, pugnam in memetipso inuenio; quoniam malum adjacet mihi: ubi addit. *Condeletor enim legi Dei secundum interiorem hominem. Video autem aliam legem in membris meis repugnantem legi mentis meæ; & captiuantem me in legem peccati, quæ est in membris meis*. Numquid enim quia deleta est in baptismo tota iniquitas; nulla remansit infirmitas? Si nulla remansisset: sine peccato hic viveremus. Sed ex qua parte liberati sumus, liberi sumus, & Deo seruimus: ex qua parte adhuc serui sumus, seruimus legi peccati. *Condeletor*, inquit, *legi Dei secundum interiorem hominem*. Ecce unde liberi, inde delectamur lege Dei. Libertas enim delectat. Nam quamdiu timore facis quod iustum est: non te Deus delectat. Quamdiu te non delectat; adhuc seruus facis: delectet, & liber es. Noli timere penam, sed ama iustitiâ. Nondum potes amare iustitiâ: vel time penam, ut peruenias ad amandam iustitiâ. Ergo ille jam ex parte superiore liberum se sentiebat, unde dicebat. *Condeletor legi Dei secundum interiorem hominem*. Delectat me lex: delectat quod iubet ipsa lex: delectat ipsa iustitiâ. *Video autem aliam legem in membris meis repugnantem legi mentis meæ: & captiuantem me in legem peccati, quæ est in membris meis*. Hæc est quæ remansit infirmitas. Ex hac parte sentit captiuitatem: ubi non est impleta iustitiâ. Nam ubi condeletatur legi Dei, non captivus, sed legis amicus est: & ideo liber, quia amicus. Quid ergo ex eo quod restat? *Si vos filius liberauerit; tunc verè liberi eritis*. Hæc autem lex est repugnans legi mentis, quam primi homines in membris conceptæ mortis habere meruerunt, postquam præceptum transgressi sunt: quem usque nunc in filiis Adam nuptiæ ordinant, continentia cohibet & refrænât: ut quemadmodum de peccato factum est supplicium; sic de supplicio fiat meritum. Hæc lex est, quæ captivum me ducit: captivum, sed ex parte; captivum, sed ex carne. Nam mens repugnat, & condeletatur legi Dei, nec consentit peccato titillanti, suggerenti, blandienti: quoniam habet alias interius delectationes suas; delectationibus carnis nulla ex parte conferendas. Est ergo in me quiddam mortuum. Mens non consentit, sed mors

contendit. Sed sicut quod vivit in me est: sic est in me etiam quod mortuum est. *Infelix ego homo: quis me liberabit de corpore mortis huius?* Quid est, quod postulat? Si resolutionem corporis; non longe est. Propter hoc tam profundus gemitus Apostoli? Absit. De corpore enim mortis huius non omnis liberatur, qui finit hanc vitam: sed qui dignus est accipere illam vitam. Non postulat liberari de substantia corporis, quæ bona est: sed de vitijs carnalibus, unde non liberatur homo etiam moriens, nisi per gratiam Salvatoris. Nam à corpore mors separat: sed contracta ex illo vitia coherant, quibus iusta pœna debetur, quæ etiam in inferno diues ille inuenit. Non enim petit tantum, ut per indulgentiâ, sit de præteritis impunitus: sed ut etiâ de cætero sit ad non peccandum fortis & validus. Condeletatur enim legi Dei: sed videt aliam legem in membris suis. Videt esse, non recolit fuisse: præsentibus vrgetur, non præterita reminiscitur: nec tantum videt repugnantem, sed etiam captiuantem se in legem peccati; quæ est, non quæ fuit, in membris ejus. Potuisset etiâ dicere de corpore mortali. Quid sibi vult corpus mortis huius? Primorum enim hominum corpora ante peccatum licet animalia, nondum spiritualia; non tamen talia erant, quæ necesse esset mori: quod ea die factum est, quia lignum contra vetitum tetigerunt. Ita illi homines animalia quidem corpora gerentes, sed non moritura nisi peccassent, acceptura autem angelicam formam cœlestemque qualitatem: mox ut præceptum transgressi sunt, eorum membris velut aliqua ægritudo lethalis mors ipsa concepta est: mutauitque illam qualitatem, qua corpori sic dominabantur, ut non dicerent, video aliam legem in membris meis repugnantem legi mentis meæ: quia etsi nondum spirituale sed animale corpus, nondum tamen erat mortis huius, de qua & cum qua nati sumus. Quid enim non dicam nati, sed omnino concepti, nisi ægritudinem quandam inchoauimus; qua post morbos & multas mortes corporis, captiuitates animæ & afflictiones, insuper nouissimè necessarii morituri sumus? Neque enim tam necesse est, eum ipso morbo mori, qui hydropicus, vel synthecticus, vel elephantiosus factus fuerit, quam eum qui hoc corpus mortis habere cœperit, in quo omnes homines natura sunt filij iræ, quia hoc non fecit, nisi pœna peccati. Concupiscentia etiam cum qua nati sumus, finiri non potest, quandiu viuimus. Quotidie minui potest, finiri non potest: propter quod corpus nostrum corpus mortis appellatur. *Quis ergo liberabit me de corpore mortis huius?* Gratia Dei. Gratia, quia gratis data: gratia, quia præuenit omnia bona merita nostra. Liberabit autem nos de corpore mortis; cum corruptibile hoc induet incorruptionem. Per quem? *Per Dominum nostrum Iesum Christum*. Sicut enim in Adam omnes moriuntur: ita & in Christo omnes viuificabuntur. Nec tamen usquequaque Paulo non ignoscendum: qui securus de reposita sibi corona iustitiæ dicebat. *Scio cui credidi, & certus sum; quia potens est depositum meum seruare in illud diem*. Difficile est laborantem finem laboris non requirere. Et bonum quidem ei erat permanere adhuc in carne propter fratres, sed esse cum Christo multò melius. O Domine, cuius gratia nos liberat, Propheta qui dicit, *in es spes mea*; non sine causa dicit, quia *in ea etiam pa-*

Vers. 24.

Optat liberari a vitijs carnalibus.

Ante peccatum corpus non erat mortis obnoxium.

V. 24. &amp; 25.

1. Cor. 15.

2. Tim. 1.

Psalm. 70.

Non operamur motum turpem, nisi consentiamus.

Vers. 21.

Vers. 22.

Libertas à peccato.

Ioann. 8.

scientia sua. Nos autem & corpus mortis, & captiuitas animæ in legem peccati, & mundus in maligno positus, & omnia vitæ huius mala urgent ad te summum bonum; vbi nullum malum. Tu quoque temetipsum promittis nobis: sed quando te habituri sumus, non indicas nobis. Creas malum, quod nos hinc urgeat, spem prologas, ut miseros torqueat. Et in his omnibus si dicimus, *Infelix ego homo, quis me liberabit de corpore mortis huius*, Ego, dicit nobis gratia tua: si querimus, quando arguimur de impatientia: si amplius aliquid præsumimus, obruimur de iudiciorum tuorum ignorantia. Ideo gratiæ tuæ terminos inhabitantes turbantur à signis tuis; multumque eos delectat exitus matutini huius & vespere, vbi de eo quod de gratia tua futuri sunt, nequaquam vltiùs imeant defectum: vltra quod vltiùs non desideret profectum; tenentes illud perfectum, quo tu eris eis omnia in omnibus. Domine dabis pacem eis; interim patientiam da eis. *Igitur ego ipse mente serui legi Dei, carne autem legi peccati.* Ordo sensus præcedentis hic est. Quia gratia liberat, igitur ego ipse mente serui legi Dei, carne autem legi peccati. Quod si mente serui legi Dei: & si carne etiam serui nolens legi peccati, jam tamen in Christo sum. Si in Christo sum, nulla mihi damnatio: quia *nihil damnationis est his qui sunt in Christo Iesu.* Nam quicquid damnationis est effugimus, qui ad Christum confugimus: quia liberatorem inuenimus. *Lex enim spiritus vitæ in Christo Iesu liberauit me à lege peccati & mortis.* In lege verò spiritus impletur iustitia, quæ in lege literæ impleri non poterit: quia *in quo lex infirmabatur, misit Deus filium suum.* Igitur, inquit, ego ipse mente serui legi Dei. Hactenus homo Dei non discernens seipsum, non intelligens quod operatur: incipit discernere seipsum, & intelligere, quis in eo operatur. Igitur, inquit, non ali<sup>9</sup> in carne, alius in mente; sed ego in carne, ego in mente: non duæ contrariæ naturæ, sed in utroque vnus homo, sicut vnus Deus, à quo factus est homo: ipse ego mente serui legi Dei, non consentiendo; carne autem legi peccati, concupiscendo: tamen hic delector, & ibi non vincor. Indicitur enim tibi hic noua vita, & vetus homo. Nouitatis gaudio suspenderis: sed vetustatis onere prægrauaris. Incipit tibi bellum esse aduersum te: si ex qua parte displices tibi iungeris Deo, ex qua parte jam Deo iungeris, idoneus eris ad vincendum te; quia ille tecum est, qui vincit omnia. Sed tædet nos quotidiani certaminis; nollemus semper vincere: vellemus aliquando pacem inuenire. Quantum enim est in votis nostris, in voluntate nostra, in oratione nostra, qua dicimus, *ne nos inducas in tentationem, sed libera nos à malo*; hoc utique cupimus, ut nec ipsa mala desideria existant de carne nostra: sed quamdiu hic viuimus efficere non valeamus. Meruit hoc humana natura in semetipsa: de peccato languor est; sanatur, & non est. Discordia ista pro pace laborat. Agit caro desideria sua, age & tu tua. Non opprimuntur, non extinguuntur à te desideria carnis: non extinguat tua, ne in certamine succumbas. Mente non consentiente malis concupiscentijs, serui legi Dei: carne autem concupiscente, sed te non seruiente; serui legi peccati. Quamdiu sic es in Christo Iesu es: & nihil damnationis est his qui sunt in Christo Iesu; qui etsi sunt in carne, carne seruendo

legi peccati; tamen secundum carnem non ambulant, mente seruendo legi Dei. *Nunc, id est in hoc statu, nihil damnationis est his qui sunt in Christo Iesu.* Vel nunc, id est in tempore certaminis, quamdiu adhuc pugnamus, tamen periculum damnationis iam euasimus: veniet pax, quando nec ipsa concupiscentia erit, contra quam pugnamus. *Lex enim spiritus vitæ in Christo Iesu liberauit me à lege peccati & mortis.* Tres hic leges proposuisse videtur Apostolus; quarum discretio legentibus necessaria est. Lex spiritus vitæ prima, lex peccati & mortis secunda; lex cui impossibile erat iustificare, tertia. Lex spiritus vitæ ipsa est lex fidei, lex misericordiæ, de qua dicitur, *de lege tua miserere mei.* Ipsa enim est, quæ tribuit remissionem peccatorum: gratia Dei potens ad adoptandum. Lex secunda, concupiscentia est. Quæ rectè omnino lex dicitur: quia legitime factum est, ut homini, qui noluit obedire Domino Deo suo, non obediat sua caro. Ipsa est lex peccati, & lex mortis. Peccatū enim mors est; de quo dicitur. *Qua die manducaueritis: morte moriemini.* Tertia lex literæ est, impotens implere, quod lex spiritus vitæ impleuit liberare scilicet à lege peccati & mortis. Ipsa est lex factorum, quæ minari nouit, non subvenire: iubere, non iuuare. Altera enim lex ostendit, altera tollit peccatum. Tollere peccatum impossibile erat legi literæ: in quo infirmabatur per carnem. Rebellante enim carne & vincente audiebat homo legem: & plus incitabatur ad concupiscentiā suam. Quod ergo per eam non poruit, per legem gratiæ impletum est: *cum Deus filium suum mittens in similitudinē carnis peccati, de peccato damnauit peccatum in carne: ut iustificatio legis impleveretur in nobis, qui non secundum carnem ambulamus, sed secundum spiritum.* Aperi Domine Scripturas, quæ de te sunt, non nisi te querentibus in eis: & hanc maxime, quam per Apostolum tuum dictasti nobis, quæ propria est digiti tui, & stylus spiritus tui: & in ea huius maxime sacramenti signaculum resolue nobis, quod qui resolveret nemo dignus inuentus est in cælo, neque in terra, neque sub terra, præter te, qui habes clauem David. Aperi ergo nobis, quid illud est, quod impossibile erat legi, in quo infirmabatur per carnem: quod exhiberi non potuit sæculo, nisi vnigenitus tuus veniret, & appareret in mundo in similitudinem carnis peccati. Quid, nisi quod sequitur, destructio vel damnatio peccati, & impleta in nobis legis iustificatio? Vnde etiam dicit ad Hebræos. *Si enim sanguis hircorum aut vitulorum, aut cinis vitula aspersus in quinquatos sanctificat ad emundationē carnis: quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis ad seruendum Deo viuenti?* Quod enim hic peccati damnatio, hoc ibi dicitur mortuorum operum facta emundatio: & seruitus mundæ ad Deū conscientia perfectæ iustitiæ impletio est. Nam in lege literæ homo peccabat, & hircus luebat: in quo nō spiritus, sed caro mundari vel sanctificari videbatur, in eo quod ad eius emundationem lex propter infirmitatis suæ conscientiam nil amplius à forensi illo emundationis ritu exigebat. Vsq̃ue ad carnem enim tantum lex posse videbatur: ad conscientiam verò emundandam ingredi infirmabatur per carnem. Hoc post peccatum non facientem lapidandum vel exterminandum mi-

Vers. 1.

Vers. 2.

Tres leges  
hic distinguit  
Apostolus.

Psalm. 118.

Genes. 2.

P. 3. &amp; 4.

Apoca. 5.

Vers. 8.

Hebr. 9.

Lex carnis  
mundabat,  
non conscientiam.



nabatur de populo suo: de conscientia nihil agens quomodo emundaretur à Domino Deo suo: quod non fit, nisi in consummatione iustitiæ legis. Quærendum ergo est, quæ sit ipsa legis iustitia. Scilicet ipsa est, quæ ideo iustitia legis dicitur: quia ad hoc data est, vt lex impleatur. Quæ, nisi satisfactio de præterito; cautio de futuro? Sed nulla poterat esse satisfactio à natura vitata de peccato concreto naturæ: nec cautio de futuro ab eo qui exors esset gratiæ. Ecce infirmitas legis per carnem. Venit ergo vnigenitus à Patre plenus gratiæ & veritatis: plenus tantum gratiæ, vt non solum in ipso abundaret, sed etiam ab ipso in nos exundaret: quia de plenitudine eius omnes accepimus, & gratiam pro gratia. Primum enim nobis prærogat fidem, deinde quasi pro merito fidei spem; spes autem non confundit; quia mox etiam charitas Dei diffunditur in cordibus nostris per Spiritum sanctum; qui quando datur nobis, necesse est vt tantum speremus, quantum credimus; tantum amemus, quantum speramus & credimus; & hæc est, legis & iustificationis impletio. Venienti enim in mundum vnigenito Dei occurrit princeps huius mundi, à quo pro iustitia se permisit occidi; cum non haberet in eo quicquam. Ipse verò innocentis mortis suæ iustitiā dans peccatori penitenti, fidem suam & charitatem posuit ei in corde, confessionem ad salutem: in ore corpus, & sanguinem in manu: sicque reum & redemptum suum Deo Patri repræsentans, de peccato præsumptoris damnato & destructo peccato penitentis, placitum & acceptum eum reddidit in sacrificium iustitiæ suæ. Hæc est redemptio, quā misisti Domine populo tuo; hæc est iustitia tua, de qua à finibus terræ quotidie ad te clamat pauper tuus; in tua iustitia libera me. Hoc est opus tuum, de quo postulat Propheta dicens. *Domine opus tuum verum fiat.* Verum quippe nobis sit opus tuum, cum sacrificamus tibi hoc sacrificium tuum: cum certo fidei sacramento & pio cordis affectu recolentibus nobis quid pro nobis fecisti, fides quasi ore suscipit, spes ruminat, charitas excoquit in salutem & vitam beatam & beatificum gratiæ tuæ cibum. Ibi enim te exhibes animæ desideranti, acceptans amplexum amoris sui, & osculans eam osculo oris tui: vbi sicut in osculo amoris solet, ipsa tibi effundit spiritum suum, & tu ei infundis tuum: vt efficiamini vnū corpus & vnus spiritus, cum hoc modo sumit corpus & sanguinem tuum. Ibi conscientia non solum ab operibus mortuis emundatur, sed & ad seruendum Deo viuenti repleta fructibus vitæ & spiritus confortatur: cum plenè in ea ad-

impletur legis iustitia; vt sicut te nobis exhibuisti quodammodo vsq; ad contemptum tui; sic & filij tui voueant tibi semetipsos vsque ad contemptum sui. Misit autem Deus filium suum in similitudine carnis peccati: in carne vera, sed non in carne peccati. Primus homo nullius parentis præcedente peccato creatus est, non in carne peccati: nos illius præcedente peccato nati sumus in carne peccati: Christus, vt de peccato damnaret peccatum, talis apparuit, id est, in similitudine carnis peccati. Similitudo autem carnis peccati fuit in eo; quia mors non est nisi de peccato: & vtrique corpus illud mortale fuit. Nam nisi mortale esset, non moreretur. Sic ergo dicitur mors peccatum, quia peccato facta est: quomodo dicitur lingua græca, vel lingua latina, non ipsum carnis membrum, sed quod sit per membrum carnis. Sic ergo peccatum mors Domini, quod factum est de peccato: quia inde carnem assumpsit de massa ipsa, quæ in mortem meruerat ex peccato. Etenim Maria ex eadem mortua propter peccatum: & caro Domini ex Maria mortua propter delenda peccata. Maria virgo sine virili amplexu, sine concupiscentiæ estu, quoniam ne pateretur hunc æstus, ideo ei dictum est. *Spiritus sanctus superveniet in te: & virtus altissimi obumbrabit tibi.* Virgo ergo Maria non concubuit & concepit, sed credidit & concepit: natusque est Dñs mortalis mortalibus. Quare mortalis? Quia in similitudine carnis peccati, non in carne peccati. Quid habet caro peccati? Mortem & peccatum. Quid habuit similitudo carnis peccati? Mortem sine peccato. Si enim haberet peccatum: caro esset peccati. Si mortem non haberet: non esset similitudo carnis peccati. Talis venit Salvator. Mortalis autem mortuus est, sed mortem occidit: & de peccato damnauit peccatum. De peccato ergo præsumptoris, vt dictum est, damnauit peccatum penitentis peccatoris: & de morte carnis suæ mortem animæ occidit in nobis. Sed & hostia pro peccato peccatum in lege dicebatur. Ideo factus ipse hostia pro peccato, damnauit & destruxit omne peccatum in nobis. Hæc est iustitia legis: non impleta per legem; sed per eum, qui venit legem non soluere, sed adimplere, Iesum Christum Dominum nostrum. Sic ergo *iustificatio legis impleta est in nobis; qui non secundum carnem ambulamus, sed secundum spiritum.* Secundum carnem non ambulare, est operante gratia concupiscentijs non obedire. Restat enim post acceptam gratiam cum carne conflictus: quia deleta est iniquitas sed manet infirmitas.

Natura vitata non poterat satisfacere pro suo peccato. Ioann. 1.

Rpm. 5.

Per peccatum diaboli destructum est peccatum hominis.

Psal. 70.

Habac. 3.

Luc. 1.

vers. 4.

## LIBER QUINTVS.

Cap. 8. v. 5.



**Q**ui enim secundum carnem sunt: quæ carnis sunt sapiunt. Qui verò secundum spiritum, quæ sunt spiritus sentiunt, Sapiencia odit malitiam. Quid est sapientia, nisi sapor boni? Quid malitia, nisi sapor mali? Quibus ergo sapit & dulce est in corde, siue bonum, siue malum, ipsi sunt qui sapiunt vel sentiunt, quæ sunt spiritus, vel quæ sunt carnis: ipsi sunt & qui ambulant vel secundum spiritum, vel secundum carnem. Sequitur. *Nam Pruden-*

*tia carnis morsest.* Bene post saporem ponitur prudentia: quia sicut gustus est discernere cibos, quisquid sapiat: sic prudentiæ est, perpendere quid expediat. In quo si quis hoc tantum querit quod sapit carni, prudentia carnis est: quæ mors animæ est. Sicut enim anima vita est corporis, sic vita animæ Deus est; & quicquid infra Deum appetit, mors illi est. Prudentia verò spiritus, est querere vitam suam, quæ Deus est; & pacem quæ est in Deo; quæ pax ei esse non potest, qui sapit quæ.

Prudentia officium.

Sapiencia sapor boni est, malitia sapor mali.

Potest ho-  
mo, quod  
non potest vi-  
tium.

Vers. 7.

Vitium or-  
dinationem  
Dei non  
effugit.

Vers. 8.

Quinam  
sunt in carne

Liberum  
arb sine an-  
xilio Dei ad  
bonum non  
sufficit.

Vers. 10.

quæ carnis sunt; quia sicut dictum est, sapientia odit malitiam: & sapientia carnis inimica est Deo, Legi enim Dei non est subiecta, nec enim potest. Quid est, neque enim potest? Non homo, non caro, non spiritus, non vlla natura, non potest: sed prudentia carnis non potest. Vitium non potest, sed natura: quomodo si diceret, claudicatio rectæ ambulationi non est subiecta, nec enim potest. Pes potest, sed claudicatio non potest. Tolle claudicationem: & videbis rectam ambulationem. Quamdiu claudicatio est, non potest: sic quamdiu prudentia carnis est, non potest. Non sit prudentia carnis: & homo potest. Quod verò ait, prudentia carnis inimica est Deo: non sic accipiendum, quasi inimica ista possit lædere Deum. Resistendo inimica est, non nocendo. Illi autē nocet, in quo est prudentia carnis: quia vitium est, & naturæ nocet, cui inest. Sic neque legi Dei subiecta esse potest, in quantum vitium est; tamen legis Dei ordinationem non effugit, in quantum naturæ inest: quæ in creatura sua bene nouit ordinare, etiam quæ extra ejus ordinem sunt mala. Ordinatur enim non vitium, sed naturam vitiatam. Vnde & sequitur.

Qui enim in carne sunt; Deo placere non possunt. Qui in carne confidunt, qui concupiscentias suas sequuntur, qui in eis habitant, qui earum voluptatibus oblectantur: qui in earum delectationibus beatam felicemque vitam constituunt, (ipsi enim in carne sunt:) Deo placere non possunt. Non enim intelligendum est, qui sunt in carne, quasi qui in ista carne vivunt: in qua multi viventes Deo placere meruerunt, qui in carne non fuerunt, quamvis in carne vixerint. Portabant carnem; non portabantur à carne. Vnde & subditur. Vos autem in carne non estis. Populo Dei dicit: Ecclesie Dei dicit: Romanis scripsit, sed vniuersæ Ecclesie dixit. Tristis dicit, non pater: massæ latenti, non stipulæ apparēti. Vnusquisque in corde suo cognoscat: si ad eum pertineat. Vos autem in carne non estis, sed in spiritu; si tamen spiritus Dei habitat in vobis; si secundum interiorem hominem condelectamini legi Dei. Hoc enim est, si spiritus Dei habitat in vobis. Nam si de vestro spiritu præsumitis, adhuc in carne estis. Sic enim non estis in carne: si in spiritu Dei sitis. Nā si recedit spiritus Dei, pondere suo spiritus hominis reuoluitur in carnem: redit ad facta carnalia, redit ad concupiscentias carnales: & fiunt hominis illius nouissima peiora prioribus. Sic ergo habete liberum arbitrium: ut imploretis auxilium. Non estis in carne. Et hoc ex viribus vestris? Absit. Vnde ergo? Si tamen spiritus Dei habitat in vobis. Si quis autem spiritum Christi non habet: hic non est ejus: Non ergo se jactet, non se extendat, non sibi arroget virtutem propriam: egena & vitiosa natura: quia si quis spiritum Christi non habet, hic non est ejus. Ipse est spiritus Dei, qui spiritus Christi: ipse Patris, qui filij. Sed ecce adjuuante ipsius misericordia spiritum Christi habemus: & ipsa delectatione justitiæ, & integra fide & catholica, spiritum Dei nobis inesse cognoscimus. Sed quid de carne illa mortali? Quid de lege repugnante legi mentis? Quid de illo gemitu, miser ego homo? Audi. Si autem

Christus in vobis est, corpus quidem mortuum est propter peccatum: spiritus autē vita est propter justitiā. Corpus, inquit, mortuum est: non propter fragilitatem terrenam, sed propter peccatum. Vigilantissime non ait, mortale est, sed mortuum.

Namque antequam immutaretur in illam corruptionem, quæ in Sanctorum incorruptione promittitur, poterat esse mortale, quamvis non moriturum: sicut hoc nostrum potest, ut ita dictam, esse ægrotabile, quamvis non ægrotaturum. Cujus enim caro ægrotare non potest: etiam si aliquo casu priusquam ægrotet, occumbat? Sic & illud corpus jam erat mortale: quæ mortalitatem fuerat absumptura mutatio in æternam incorruptionem, si in homine justitia, id est, obedientia permaneret. Sed ipsum mortale non est factum mortuum, nisi propter peccatum. Quæ verò in illa resurrectione futura est mutatio: non solum nullam mortem, quæ facta est propter peccatum, sed nec mortalitatem habitura est, quam corpus animale habuit ante peccatum. Non ait, viuificabit & mortua corpora vestra, cum suprā dixisset non mortuum; sed viuificabit, inquit, mortalia corpora vestra: ut scilicet jam non solum non sint mortua, sed nec mortalia, cum animale resurget in spirituale, & mortale hoc induet immortalitatem, & absorbebitur mortale hoc à vita. Cum enim præsentis temporis gratiam determinans diceret, mortuum quidem corpus esse propter peccatum, quia in eo nondum per resurrectionē renouato peccati meritum manet, hoc est necessitas mortis; spiritum autem vitam esse propter justitiā, quia licet adhuc corpore mortis hujus oneremur, jam secundum interiorem hominem cæpta renouatione in fidei justitiam respiramus: tamen ne humana ignorantia de resurrectione corporis nil speraret: etiam ipsum quod propter meritum peccati in præsentis sæculo dixerat mortuum, in futuro propter justitiæ meritum dicit viuificandū: nec sic, ut tantum ex mortuo vivum fiat, sed etiam ex mortali immortale permaneat. Apostolicæ lumē scientiæ attende. Quicquid hic dicit, ideo dicit: ne putarent homines, nullū vel parvum se habere beneficiū de gratia Christi: quia nece sariō morituri sunt corpore. Attendere quippe debent, corpus quidē adhuc peccati meritum gerere, quod conditione mortis contractum est: sed jam cæpisse vivere propter justitiā fidei, quod & ipsum in homine fuerat quadam morte infidelitatis extinctum. Non igitur, inquit, parum muneris putetis esse collatum per id quod Christus in vobis est, quod in corpore propter peccatum mortuo jam propter justitiā spiritus vester viuit: nec ideo de vita quoque ipsius corporis desperetis. Si enim spiritus ejus qui suscitauit Iesum à mortuis habitat in vobis: viuificabit & mortalia corpora vestra propter inhabitantem spiritum ejus in vobis. Dicit etiam quomodo fiat: ut vita in se mortē mortificando conuertat. Ergo, inquit, fratres debitorum sumus non carni, ut secundum carnem viuamus. Si enim secundum carnem vixeritis moriemini. Si autem spiritum facta carnis mortificaueritis, viuetis. Quod quid est aliud, quam si secundum mortem vixeritis, totum morietur: si autem secundum vitam vivendo mortem viuificaueritis, totum viuet? Ergo fratres accepto auxilio, porrecto nobis desuper auxilio, brachio Domini accepto Spiritu sancto, debitorum sumus non carni, ut secundum carnem viuamus: ut habeamus dilectionem, & ex illa habere possimus bonam operationem. Fides enim non potest operari, nisi per dilectionē. Si enim secundum carnem vixeritis, moriemini. Hoc jam suprā dixit, prudentia carnis mors est:

Vers. 11.

V. 12. & 13.

*Non caro, sed secundum carnem* non quia cato malum est; sed quia viuere secundum carnem malum est. Si autem Spiritu facta carnem viuere malum est.

*Vers. 13.*

*Vers. 14.*  
*Agitur Spiritu Dei plus est, quam regi.*

*Vers. 15.*

*Filij serui, & liberi sūt.*

*Timor non prodest sine charitate.*  
*Vers. 15.*

*Ioann. 1.*

*Vers. 16.*  
*Loquitur Deus in corde cuiuslibet hominis.*

*carnis mortificaueritis, uiuetis.* Hoc est opus nostrum in hac vita, actiones carnis spiritu mortificare, quotidie affligere, minuere, frænare, interimere. Actiones carnis concupiscentiæ carnis sunt: quib⁹ non consentire magna laus est: quas non habere, perfectio est. Ad quod ne quis de spirit⁹ sui virtute præsumeret, subjunxit. *Quotquot enim spiritu Dei aguntur, hi filij sunt Dei.* Plus est agi, quam regi. Qui enim regitur, aliquid agit: & ideo regitur, vt rectè agat. Qui autem agitur: agere ipse aliquid vix intelligitur. Et tamen tantum præstat voluntatibus nostris gratia Saluatoris: vt non dubitet Apostolus dicere. *Quotquot spiritu Dei aguntur, hi filij sunt Dei.* Aguntur quippe filij Dei, vt quod agendū est agant: & cum egerint, illi à quo agūt, gratias agant: quia sicut agendum est illud agant, id est, cum delectatione & dilectione iustitiæ: & suauitatem quam dedit Dominus, vt terra ejus daret fructum suum, ab eo se accepisse gaudeant. Nomen enim adiutoris præscribit agenti; quia & ipse aliquid agit. Filij ergo Dei sunt, quicumque aguntur spiritu, non litera: non lege præcipiente, minante, promittente: sed spiritu excitante, illuminante, adiuvante. *Non enim accepistis spiritum seruitutis iterum in timore*, sicut in monte Sina; *sed accepistis spiritum adoptionis filiorum*: vt miro & vero tamen modo serui non serui esse possimus; serui scilicet timore casto, ad quem pertinet seruus intrans in gaudium Domini sui: non autem serui timore foras mittendo, ad quem pertinet seruus non manens in domo in æternum. Filij quippe seruiunt, & liberi sunt: propter quod etiam liberorum nomine cēsētur. Idem autem spiritu seruitutis, qui libertatis: sed & ille in tabulis lapideis, id est, duris cordibus in timorem, hic autem in tabulis cordis in charitatem. Seruitus verò in timore quid est? Nemo inuitus bene facit, etiam si bonum est quod facit: quia nihil prodest spiritus timoris, vbi non est spiritus charitatis. Mandatum enim Dei si fit timore pœnæ, non amore iustitiæ, seruiliter fit: & ideo nec fit. *Sed accepistis spiritum adoptionis.* Soler gaudere pater ad vnicum filium, tamquā qui solus totum possessurus sit, nec habeat cum quo diuidat hereditatem. Non sic Deus Pater. Habuit vnicum, sed noluit habere vnum: quem in mundum misit, vt fratres haberet adoptatos. Venit vnigenitus, suscepit in seipso peccata quibus implicabamur: ne per ea gratia adoptionis impediretur. *In quo clamamus Abba Pater.* Harū duarū vocū, altera ex lege est, altera ex præputio. Qui autē clamāt, aliquid petūt. Quid petūt, nisi quod esuriūt, id est, iustitiā? Dedit enim seruis suis potestatem filios Dei fieri, vnic⁹ Dei, eosq; admonuit perere, quætere, & pulsare: vt accipiant, inueniant, & aperiantur eis. In eo autem clamamus: id est ipso diffundente charitatem in cordibus nostris, sine qua frustra clamat, quicumque clamat. *Ipsē enim spiritus testimonium reddit spiritui nostro; quod sumus filij Dei.* Nulla anima tam perversa est, in cuius corde non loquatur Deus: quæ tamen vtcumque ratiocinari potest. Interroga ergo viscera tua, si plena sūt charitate: interroga animā tuam, vtrum timore agatur, an amore. Ipsē qui diffundit charitatem in corde tuo, testimonium perhibet spiritui tuo, quid in eo agatur: ipse etiam Spiritus

de seipso testificatur. Quomodo? Vis audire quomodo? Audi ipsum, quo donante si habes, accipis spiritum ipsum. *Si quis, inquit, diligit me, & mandata mea seruabit.* Si dilectio & delectatio iustitiæ te agit ad obseruationem mandatorum Dei: hoc est testimoniu habitantis in te Spiritus Dei. Si sic es, liber es, filius es, tua sunt omnia quæ Patris sunt. Inspirat tibi amorem Patris Spiritus adoptionis, in quo intantum clamas, inquantum amas: quia ipse amor est & clamor, in quo clamas, *Abba Pater.* Si patrem inuocas filij affectu: ipse author gratiæ Spiritus sanctus ipsum sibi insinuans spiritum tuum, filiū te esse Dei contestatur ipso effectu. *Quod si filij, & heredes. Heredes quidem Dei; coheredes autem Christi.* Mortuo in cruce Domito Iesu Christo: nos heredes ejus facti sumus, qui sumus filij ej⁹, ipso dicente. *Non possunt ieiunare filij sponsi, quādiū cum illis est sponsus.* Heredes ergo dicimur: quia reliquit nobis pacis ecclesiasticæ possessionem per fidem temporalis dispensationis, quam in hac vita possidemus, ipso dicente. *Pacem meā do vobis, pacem relinquo vobis.* Cohæredes autem ejus efficiemur: cum in fine sæculi absorbebitur mors in victoria. Tunc enim *similes ei erimus: quia videbimus eum sicuti est.* Quam hereditatē non patris ejus morte adipiscimur, qui mori nō potest, cum ipse sit hereditas nostra, dicente Scriptura, *Dominus pars hereditatis meæ:* sed quoniam cum vocati sumus adhuc parvuli, & ad contemplanda spiritualia minus idonei, vsque ad humillimas nostras cogitationes se diuina misericordia porrexit; vt quomodocumque cernere niteremur, quod non euidenter atque perspicuè cernebamus, id ipsum moreretur, quod in ænigmate cernebamus, cum facie ad faciem cernere cœperim⁹. Conuenienter ergo dicitur, moriturum esse, quod aufertur. *Cum enim venerit quod perfectum est: euacuabitur quod ex parte est.* Ita nobis quodammodo moritur Pater in ænigmate: & idē ipse fit hereditas, cū facie ad faciem possidetur. Non quia ipse moritur: sed imperfecta in eum nostra visio perfecta visione perimitur. Et tamen nisi illa prior nos nutrebat: ad aliam plenissimam & euidentissimam non efficeremur idonei. Quod si etiam de dōmino nostro Iesu Christo intellectus admittat: non enim cohæredes ejus esse possumus, nisi & ipse hæres sit: in corpore suo intelligatur hæres, id est in Ecclesia. Cujus cohæredes sumus, quamvis ex nobis constet: quemadmodum filij ejus matris dicimur, quamvis ex nobis constet. Simpliciter autem potest intelligi, hæredes nos esse Dei, inquantū gloriæ ejus constituimur firmissimi possessores: cohæredes Christi, inquantum glorificatus homo Christus, gloriæ suæ nos dignatur habere conformes & participes. Totus enī Christ⁹ accept⁹ est hereditatē. Hereditas ab inhærendo dicta est. Nos enim qui membra corporis ejus sumus, hereditatem talem sperare debemus; in qua adepturi sumus bonum quod non transibit: & euasuri malum, quod finem non habebit. *Si tamen compatimur: vt & congloriamur.* Nam cum sanguine proprio & passionē mortis hereditatem sibi Christus parauerit: necesse est, vt qui volunt esse consortes hereditatis, sint & passionis: ipse verò in eo in quo passus est ipse & tenatus, potens est & eis qui tentatur auxiliari: cuius passionis sola memoria confirmare nos poterit ad omnia pro ipso tole-

*Vers. 17.*

*Quid sit esse heredes Dei & coheredes Christi.*

Memoria  
passionis  
Christi, &  
spes premij  
valēt ad ro-  
leranda ma-  
la.

Vers. 18.

Vers. 19.

Vnigenitus  
Dei an pos-  
sit creatura  
dici.

1. Ioann. 3.

Quid sit: ex-  
pectare re-  
velationem  
filiorum dei.

Vers. 20.  
Eccl. 1.

creatura. Illæ enim insultationes & flagella, illa ignominiosa vestis, & cæsa & consputa facies, & spinea coronæ, & ut multa prætereamus, crux ejus & mors cogitata, quid in nobis non efficiant? Quid denique promissorum magnitudo præmiorum? Vnde & sequitur. *Existimo enim, quod non sunt condigna*, non sunt comparabiles *passiones huius temporis*; istæ enim cum fine, dona promissa sine fine, istæ æstimationem habent, illa non habet: *ad futuram gloriam*, ad magnam multitudinem dulcedinis Dei, quam abscondit nunc timentibus, se, perficiet autem sperantibus in se: & sic reuelabit nobis, ut impleatur in nobis. In hac quidem vita secundum multitudinem dolorum, est æstimatio consolationis: ibi verò æstimatio nulla est. Quæ est enim gloria quam expectamus: nisi videre Deum, & sanctis eius Angelis sociari? *Nam expectatio creaturæ revelationem filiorum Dei expectat*. Quod in nobis dolet, quod facta carnis mortificamus, tum esurimus aut sitimus per abstinenciam, dum frenamus delectationem concupiscentiæ per charitatem, dum injuriarum lacerationes, contumeliarum aculeos per patientiam sustinemus: dum neglectis atque reiectis voluptatibus nostris pro fructu matris Ecclesiæ laboramus: quicquid in nobis in hac atque in huiusmodi attritione dolet, creatura est. Dolet enim corpus & anima, quæ utique creatura est: & expectat reuelationem filiorum Dei; id est expectat, quomodo appareat quod vocatum est, in ea gloria, ad quam vocatum est. Quia enim filius Dei vnigenitus non potest appellari creatura, quandoquidem per ipsum facta sunt omnia, quæcumque Deus fecit: distinctè etiam nos vocamur creatura ante illam evidentiā gloriæ; & distinctè vocamur filij Dei, quamvis hoc per adoptionem mereamur. Nam ille vnigenitus naturā filius. Ergo *expectatio creaturæ*, id est expectatio nostra, *revelationem filiorum Dei expectat*: id est quando appareat quod promissum est: quando re ipsa manifestam sit, quod nunc spe sumus. *Filij enim Dei sumus; & nondum apparuit quod erimus*. Scimus, quia cum apparuerit, similes ei erimus: quoniam iam videbimus eum sicuti est. Ipsa est reuelatio filiorum Dei, quam nunc expectat expectatio creaturæ: non quod creatura reuelationem expectet alterius naturæ, quæ non sit creatura; sed ipsa qualis nunc est, expectat quando sit; qualis futura est: tamquam si diceretur, operante pietate, subjectis sibi coloribus & ad opus eius paratis, expectatio colorum manifestationem imaginis expectat: non quia tunc alij erunt, aut non colores erunt: sed tantum quod aliam dignitatem habebunt. *Vanitati enim creatura, inquit, subjecta est*. Hoc est illud. *Vanitas vanitatum, & omnia vanitas*. Quæ abundantia est homini in omni labore suo, quem ipse laborat sub sole: cui dictum est, in labore manducabis panem? *Vanitati ergo creatura subjecta est, non sponte*. Bene additum est, *non sponte*. Homo quippe sponte peccauit: sed non sponte damnatus est. Peccatum itaque fuit spontaneum contra præceptum facere veritatis: peccati autem pœna subijci fallaciæ. Non enim sponte creatura vanitati subjecta est; sed propter eum, qui subiecit eā in spe: id est propter ejus iustitiam atque clemenciam, qui neque impunitum peccatum reliquit: neque insanabilem voluit esse peccantem. Altiori verò sensu intelligere possumus, quia & ipsa

creatura, id est ipse homo, cum iam signaculo imaginis propter peccatum amisso, remansit tantummodo creatura: & ipsa utique creatura, id est, & ipsa quæ nondum vocatur filiorum forma perfecta, sed tantum vocatur creatura, liberabitur à servitute interitus. Quod itaque ait, & ipsa liberabitur, facit intelligi, & ipsa quemadmodum nos; id est, & de ipsis non est desperandum, qui nondum vocantur filij Dei, quia nondum crediderunt, sed tantum sunt creatura: quia & ipsi credituri sunt, & liberabuntur à servitute interitus, quemadmodum nos qui iam filij Dei sumus, quamvis nondum apparuit quod erimus. *Liberabitur ergo à servitute interitus in libertatem gloria filiorum Dei*: id est erunt & ipsi ex seruis liberi, & ex mortuis gloriosi in vita perfecta, quam habebunt filij Dei. Potest adhuc & aliud accipi in nomine creaturæ. Omnis enim creatura in homine numeratur: non quia in eo sunt omnes Angeli & supereminentes virtutes ac potestates; aut cælum & terra & mare, & omnia quæ in eis sunt: sed quia omnis creatura partim spiritualis est, partim animalis, partim corporalis. Quod ut ab inferioribus consideremus, corporalis creatura per loca tenditur: animalis autem viuificat corporalem: spiritualis animalem regit; & tunc bene regit, cum ipsa regendum subijcit Deo. Cum autem transgreditur præcepta eius: laboribus & ærumnis per eadem ipsa quæ regere poterat, implicatur. Ita omnis creatura in homine est; quia & intelligit spiritu, & sentit anima, & localiter corpore mouetur. *Omnis itaque creatura in homine congemiscit & dolet*. Non enim tota, sed omnis dixit: tamquam si quis dicat, quoniam solem homines vident qui sunt incolumes, sed non toti vident. Ita in homine omnis creatura est, quia intelligit, & viuut, & corpus habet: sed non tota creatura in ipso est, quia sunt præter ipsum & Angeli qui intelligant & viuant, sunt & corpora quæ viuant & sint; & corpora quæ tantummodo sint: cum ipsum viuere magis sit quam non viuere, & ipsum intelligere magis quam sine intellectu viuere. *Et parturit*. Vnde dicitur *mulier cum parit tristitiam habet: cum autem pepererit, iam non meminit pressuræ, propter gaudium*. Cū ergo miser homo congemiscit & dolet, omnis creatura congemiscit & dolet usque adhuc. *Usque adhuc autem rectè dixit*: quia etiā sunt aliqui jam in sinu Abraham, & latro ille cum Domino in paradiso constitutus illo die quo credidit dolere destiterit: & tamen usque adhuc omnis creatura congemiscit & dolet; quia in his qui nondum liberati sunt, omnis est; propter spiritum & animam & corpus. *Non solum autem inquit, omnis creatura congemiscit & dolet, sed nos ipsi*; id est non solum in homine corpus & anima & spiritus simul dolent ex difficultatibus corporis, sed & nos ipsi exceptis corporibus in nobis ipsis congemiscimus. Et bene dixit, *primitias spiritus habentis*: id est quorum iam spiritus tamquam sacrificium oblatus sunt Deo, & diuino charitatis igne comprehensi. Hæ sunt primitiæ hominis: quia veritas primum spiritum obtinet, ut per hunc cætera comprehendantur. Iam ergo habet primitias oblatas Deo qui dicit, *mente seruo legi Dei carne autem legi peccati*: & qui dicit de Deo, *Cui seruo in spiritu meo*: & de quo dicitur; *Spiritus quidem promptus, caro autem infirma*. Sed quia adhuc dicit, *Infelix ego homo*.

Dd ij

Vers. 21.

Omnis creatura in homine.

Ioann. 16.

Sinus  
Abraham.

Vers. 23.

vers. 14.  
Et v. n.

1. Cor. 15.

Vers. 13.

V. 24. & 25.

Prolixior est  
pœna, quam  
culpa.

Vers. 24.

Deo sumus  
partim simi-  
les, partim  
dissimiles.

quibus me liberabit de corpore mortis huius; & adhuc talibus dicitur, vivificabit & mortalia corpora vestra, propter spiritum manentem in vobis: nondum est holocaustum. Erit autem cum absorbebitur mors in victoriam: cum ei dicitur. *Vbi est mors contentio tua? Vbi est mors aculeus tuus? Nunc autem* inquit, non solum omnis creatura, id est anima cum corpore, sed etiam nos ipsi primitias habentes spiritus, id est nos animæ, quæ jam primitias mentes nostras obtulimus Deo, in nobis ipsis congregavimus, id est præter corpus: adoptionem expectantes redemptionem corporis nostri: id est, ut & ipsum corpus accipiens beneficium adoptionis filiorum Dei, totos nos liberatos, transfactis omnibus molestiis ex omni parte Dei filios manifestet. *Spe enim salvi facti sumus. Spes autem quæ videtur, non est spes. Nam quod videt quis, quid sperat? Si autem quod non videmus, speramus: per patientiam expectamus.* Quid expectat per patientiam? Salutem, id est redemptionem corporis sui. Gaudet se redemptum, sed nondum re. Spe securus est, sed gemit in spe, ut perveniat ad rem. Salutem ergo corporis expectabat, quia non erat illa salus quam habebat: quam esuries vel sitis interficit, si non eis subventum fuerit. Iam quidem redempti sumus, sed spe salvi facti sumus: quia quod speramus, iam quidem expectamus, sed nondum tenemus. Iam caro nostra non spe, sed re salva facta est in capite nostro: quod in nobis nondum factum gemimus: quod tamquam promissum speramus; cum differtur, per patientiam expectamus. Ideo excusabilis est gemitus iste: quem fides excusat, spes facit, & charitas confortat. Quamvis enim quisque sanctior, & desiderij sancti plenior: tantum super hoc ejus est in oratione fletus vberior. Faciunt hoc primitiæ spiritus & divinæ adoptionis expectatio. Nam quod in hanc venimus miseriam, pœna peccati est: & productior est pœna quam culpæ parva putaretur culpa, si cum illa pariter finiretur & pœna. Ac per hoc vel ad demonstrationem debitæ miseræ, vel ad emendationem labilis vitæ, vel ad exercitationem necessariæ patientiæ, temporaliter hominem detinet pœna: etiam quem iam ad damnationem sempiternam reum non tenet culpa. Flenda quidem, sed non reprehendenda conditio. *Spe tamen salvi facti sumus:* quia adoptio quidem plena filiorum in redemptionem fiet etiam corporis nostri; jam tamen primitias spiritus habemus: unde jam filij Dei re ipsa facti sumus. In cæteris vero spe sicut salvi, sicut innovati, sic etiam filij Dei: re autem ipsa quia nondum salvi, ideo plenè nondum innovati, nondum etiam filij Dei, sed filij sæculi. Iam ergo & similes Deo esse cœpimus, primitias spiritus habentes; & adhuc sumus dissimiles per reliquias verustatis. Transibit totus peccator in adoptionem: ut si quæras locum ejus, non inuenias. Interim quod non videmus, speremus. Lucerna nostra spes nostra est; quamdiu non videmus, & speramus, nox est, sed lucerna lucet: si nec videmus nec speramus, & nox est, & lucerna non lucet. Et talibus tenebris quid infelicius? Sed verbum Dei quod quotidie nobis loquitur, iugis est infusio olei, ne lucerna extinguatur. *Similiter autem & spiritus adjuvat infirmitatem nostram. Nam quid oremus, sicut oportet, nescimus.* Oratio quicquid impetrat vel impetrare nititur, evidenter ostendit donum Dei esse: quod si haberetur in pote-

state, vtiq; non posceretur. Verumtamen ne saltem orationis putaretur præcedere merita, quibus non gratuita daretur gratia, sed jam non gratia esset, quia debita redderetur: etiam ipsa oratio inter dona gratiæ reperitur, dicente Apostolo, quia *quid oremus, nescimus*; nisi à spiritu adjuvemur. *Interpellat autem spiritus pro nobis & gemit:* quia interpellandi & gemendi nobis inspirat affectum. Sed adiutorium ejus sic expressum est: ut ipse facere dicatur, quod facit ut nos faciamus. Sicut enim sine spiritu fidei non creditur, sicut sine spiritu spei non speratur, sine spiritu amoris non amatur: sic nec sine spiritu orationis, sicut oportet, oratur. Omnia enim *hac operatur unus atque idem spiritus:* qui nondum inhabitans anjuvat ut sint fideles: jam per fidem inhabitans, adjuvat ut fideles. Ipse ergo spiritus interpellans pro nobis, ipsa est charitas, quæ inspirat nobis. Contra quam aures claudere non novit: qui illam dedit. Securus esto, charitas roget; ibi sunt aures Dei. *Quid, inquit, oremus sicut oportet, nescimus.* Quid, nisi ut beati simus? Beatitudo verò cum à diversis diverse diffiniatur: ipsa nostra sit beatitudo, de qua dicitur, *Beatus populus, cuius Dominus Deus ejus.* Hoc ergo securi petamus, ut in ipso populo simus: atque ad eum contemplandum, & cum eo sine fine viuendum, pervenire possimus. In tribulationibus verò nostris, quæ possunt & prodesse & nocere, quia contra sensum nostræ infirmitatis molesta sunt, oramus Deum ut à nobis tollantur: sed hoc devotionis debemus Domino Deo nostro, ut si ea à nobis non abstulit, non ideo nos ab eo negligi æstimemus: sed potius pro malorum pia patientia bona speremus ampliora. Pro alijs verò cum oramus, quia eos sicut nos diligimus, sicut pro nobis, sic pro eis rogamus: & sciente domino Deo quid faciendum sit, dat nobis patienter & libenter sequi in eo quod facere ipse voluerit. Sed & in omnibus quæ oramus, firmissimè credere debemus, siquid aliter acciderit, quam nos oramus, hoc potius accidere debuisse, quod Deus voluit, quam quod nos volumus. Sic ergo *postulat pro sanctis*, id est, postulare eos docet Spiritus sanctus. Sūt autem & aliæ species spirituales familiarium orationum, quibus Deo fruuntur, de quibus ipse dicit, *pueri mei mecum sunt in cubili;* nobis inco-

Oratio donum Dei est  
Vers. 26.

1. Cor. 12.

Vers. 26.

Psal. 143.

Non eodem modo petenda eterna & temporalia.

Si alii ad se quam petimus, id potius fieri debuit.

Luc. 11.

Gradus ascensionis animæ ad Deum.



auditu, quicquid de odoratu, quicquid de tactu & gustu corporeo, cogitationi ejus occurrerit, respicere atque calcare: quatenus se talem quærat intus, qualis sine illis est. Nam hæc quando cogitat: quasi quasdam umbras corporum introrsus versat. Abijcienda ergo sunt omnia manu discretionis ab oculis mentis: quatenus talē se anima consideret, qualis sub Deo, super corpus creata est. Postquam verò jam non ad seipsā anima turbata, sed ad seipsam collecta & sublevata modulum suum intelligit, & quia omnia corporalia transcendat, cognoscit, atque ab intellectu suo ad authoris intellectum tendit: tantò differentius in ea operari incipit intellectus Dei ab intellectu suo; quantò à natura animæ differt natura luminis incircumscripti. Quod enim intelligit anima, capit: illo autē intellectu modo quodam inusitato non capit, sed capitur, fitque ei quiddam sensibile; quod solus amor illuminatus sentire permittitur: suavisitas quædā, non quam amor meruit, sed quæ gustata, amorē facit: quiddā quod non scitur & sentitur: quædam sperandarū rerum substantia solidissima; argumentum certissimum non apparentium, h. lei Christianæ testimonium Domini fidele, sapientiam præstans parvulis. Parvulus enim & quietus, super quem spiritus Dei requiescit, hoc sentit, hoc ei sapit, intantum ut quæ sunt carnis, quæ sunt mundi, vel creaturæ alicujus, omnia ei desipiant: ut libeat immori, dum liceat immorari. Orat quod nescit, quia quod sentit, nescit. Spiritus enim est, qui pro eo desiderat & postulat: & quamvis nescientem interim, sentientem tamen facit, & postulantem, & desiderantem id ipsum, quod sentiēdo nescit. *Qui autem scrutatur corda, scit quid desiderat Spiritus, id est quid desiderari facit: impleturus ei, cum complendum erit, quod promissit dicens; Tunc scietis, quia ego sum.* Vnam ergo petens à Domino, vnam requirens, quærens vultum ejus, vultum ejus requirēs, quicquid cogitationi occurrat, abijcit, respuit, improbat; non hoc esse quod quærit, novit: quamvis illud quale sit, nōdum noverit. Estque in eo quædā docta ignorātia, docta à spiritu Dei, qui adjuvat infirmitatem nostrā, exercēdo humiliās, & humiliādo formās & conformans hominē vultui quē requirit: donec renouatus ad imaginem ejus qui creavit eum, per unitatē similitudinis incipiat esse filius, qui semper sit cum patre, cujus sint omnia quæ patris sunt: cui euntibus alijs & redeuntibus, dicatur; *Tu verò sta hic mecum.* Interim qui quærit quærat: ambulet in lumine vultus Dei, & de vultu Dei iudicium ejus prodeat: ut interim impleatur ei, quod sequitur. *Scimus quoniam diligentibus Deum omnia cooperantur in bonum: his qui secundum propositum vocati sunt.* Apostolus enim cum dixisset, *scimus quoniam diligentibus Deum omnia cooperantur in bonum*, sciens nōnullos diligere Deum, & in eo bono non vsque in finem permanere: mox addidit, *his qui secundum propositum vocati sunt.* Hi enim in eo quod diligunt Deum, permanent vsque in finem. Et si ad tempus inde declinant, reuertuntur: ut vsque in finem, perducant quod in bono esse cœperunt. Ostendens autem quid sit, secundum propositū vocari, mox addidit: *quoniam quos autē præscivit & prædestinavit, conformes fieri imaginis filij ejus, ut sit ipso primo: genitus in multis fratribus quos autem prædestinavit, illos & vocavit, scilicet*

secundum propositum: quos autem vocavit, ipsos & iustificavit: quos autem iustificavit, ipsos & glorificavit. Illa omnia jam facta sunt, præscivit, prædestinavit, vocavit, iustificavit: quoniam & omnes jã præsciti ac prædestinati sunt: & multi jam vocati atque iustificati. Quod autem posuit in fine, illos & glorificavit, siquidem illa gloria est hic intelligenda, de qua idem dicit, *Cum Christus apparuerit vita vestra, tunc & vos apparebitis cum illo in gloria*, nondum factum est: quamvis & illa duo, id est, *vocavit, & iustificavit*, nō in omnibus facta sunt, de quibus dicta sunt. Adhuc enim vsque in finem sæculi multi vocandi & iustificandi sunt. Et tamen verba præteriti temporis posuit de rebus etiam futuris: tanquā jam fecerit Deus, quæ jam ut fierent, ex æternitate disposuit: ideo dicit & Propheta Isaias; *Qui fecit, quæ futura sunt.* Quicūque ergo in Dei providentissima dispositione præsciti, prædestinati, vocati, iustificati, glorificati sunt: non dico etiā nondum renati, sed etiam nondum nati, jam filij Dei sunt: & omnino perire non possunt. Talibus enim diligentibus Deum omnia cooperantur in bonum; vsque adeo prorsus omnia, ut etiam si qui eorum deviant & exorbitant, etiam hoc ipsum eis faciat proficere in bonum: quia humiliores redeunt atque doctiores. Discunt enim ipsā vitā iustā cum timore se exultare debere: non sibi arrogando tanquam de sua virtute fiduciam permanendi, nec dicendo in abundātia sua, *non movebor in æternum*: sed exultare Deo cum timore, ne pereant de via iusta, in qua jã ambulare cœperunt, dum sibi hoc ipsum affligant, quod in ea sunt. His verbis vsus est Apostolus: ubi ait, *cum timore & tremore vestram ipsorum salutem operamini*; & ostendens quare cū timore & tremore; *Deus est enim, inquit, qui operatur in vobis & velle & operari pro bona voluntate.* Quamvis enim & ipsa mors, carnis de peccato primi hominis originaliter venerit, tamen bonus ejus vsus gloriosissimos martyres fecit: & ideo non solum ipsa, sed omnia sæculi hujus mala labores doloresque hominum, quanquam de peccatorum, & maxime de peccati originalis meritis veniant, vnde facta est & ipsa vita vinculo mortis obstricta; tamen & remissis peccatis remanere debuerunt, cum quibus homo pro veritate certaret, & vnde exerceretur fidelium virtus: ut novus homo per testamentum novum inter mala hujus sæculi novo sæculo præpararetur, miseriam quam meruit vita ista damnata sapienter tolerans, & quia finietur prudenter gratulans: beatitudinem verò vitæ futuræ fideliter & patienter expectans. Quod autem cooperari nobis dicitur Deus; intelligendum est, quia sine Deo vel operante ut velimus, vel cooperante cum volumus, ad bona pietatis opera nil valeamus. De operante illo ut velimus, dictū est. *Deus est qui operatur in nobis velle*: de cooperante verò, *scimus quia diligentibus Deum omnia cooperantur in bonum.* Omnia autem quomodo? Quia etiā quæ putantur adversa. Inimici enim Ecclesiæ etiam si accipiant potestatem corporaliter eam affligendi, exercent ejus patientiam: si tantum malè sentiēdo adversantur, exercent ejus sapientiam: ut inimici diligantur, exercent ejus benevolentiam. Nam quos præscivit & prædestinavit conformes fieri imaginis filij sui, ut sit ipso primogenitus in multis fratribus. Prædestinatio est gratiæ præparatio, quæ sine præscientia non

V. 29 & 30.  
Quid sit secundum propositum vocari.

Coloss. 8.

Electis peccata ad salutem cooperantur.

Philipp. 2.

Ibidem.

Vers. 28.

Vers. 29.

*Quædā pec-  
ta sunt pœna  
peccatorū.*

*Quid sit præ-  
destinatio.*

*Rom. 12.*

*Vers. 30.*

*Vocatio non  
fit ex meri-  
tis.*

*Psalms. 5.*

*Vers. 33.*

*V. 31. & 32.*

*Prædestina-  
tio est in Deo  
aliqñ actus in  
nobis.*

*Matth. 3.*

*Psalms. 53.*

potest esse: potest autem esse sine prædestinatio-  
ne præscientia. Prædestinatione quippe Deus ea  
præsciuit, quæ fuerat ipse facturus: vnde dictū  
est, *fecit quæ futura sunt*. Præscire autem potens  
est etiam quæ ipse non facit, sicut sunt quæcum-  
que peccata sunt: quia et si sunt quædam quæ  
ita peccata sunt, ut pœna sint etiam peccatorū,  
vnde dictū est, *Tradidit illos in reprobū sensum,  
ut faciant ea quæ non conveniunt*; non ibi pecca-  
tū Dei est, sed iudicium: quocirca prædestina-  
tio Dei, quæ in bono est, ut dixi, præparatio:  
gratia verò est ipsius prædestinationis effectus.  
Hæc est prædestinatio sanctorum, nihil aliud:  
præscientia scilicet & præparatio beneficiorum  
Dei, quibus certissimè liberantur, quicumque  
liberantur. Cæteri autē ubi, nisi in massa perdi-  
tionis iusto diuino iudicio relinquuntur? Quod  
ergo ait, prædestinatos conformes fieri imaginis  
filij Dei, potest secundum interiorem hominem  
intelligi: vnde nobis alio loco dicit. *Nolite con-  
formari huic sæculo: sed reformamini in nouitate  
mentis vestre*. Vbi ergo reformamur, ne confor-  
memur huic sæculo: ibi conformamur Dei filio.  
Potest & sic accipi: ut quemadmodum nobis il-  
le mortalitate, ita nos illi efficiamur immortalitate  
conformes: quod quidem & ad ipsam resur-  
rectionem pertinet. *Quos* ante inquit, *præsciuit,  
& prædestinavit conformes fieri imaginis filij sui: ut  
sit ipse primogenitus in multis fratribus*: primoge-  
nitus vtique à mortuis secundum eundem Apo-  
stolū: quia morte seminata est caro eius in co-  
tumelia; sed resurrexit in gloria. *Quos autem  
prædestinavit, hos & vocavit: & quos vocavit,  
hos & iustificauit*. Ista sanctificatio conceditur  
iustis: sed ut iustificentur, præcedit vocatio, quæ  
non est meritum, sed gratiæ Dei. *Omnes e-  
nim peccauerunt, & egent gloria Dei*. Quos e-  
nim vocavit, *hos & iustificauit: quos autem iu-  
stificauit, hos & glorificauit*. Quia ergo vocatio  
non meritum nostrorū, sed benevolentia Dei  
est, testis est, qui dicit. *Domine ut scuto bona vo-  
luntatis tue coronasti nos*. Bona etenim voluntas  
Dei præcedit bonam voluntatem nostram, ut  
peccatores vocet in pœnitentiam: & ipsa sunt  
arma quibus expugnatur inimicus, contra quem  
dicitur. *Quis accusabit aduersus electos Dei?* Et  
*Si Deus pro nobis, quis contra nos? Qui unige-  
nito filio suo nō pepercit: sed pro nobis omnibus tra-  
didit illum*. Si enim cum adhuc inimici essemus,  
Christus pro nobis mortuus est: multo magis recon-  
ciliati, salui erimus ab ira per ipsum. Hoc est in-  
uictissimum scutum, quo repellitur inimicus, de-  
spirationem salutis suggerens in multitudine  
tribulationum, & tentationum. Sic enim ad æ-  
ternam beatamque tendimus vitam: primū  
nostra peccata damnando, deinde bene viuen-  
do: ut post vitam condemnatam malam, & ge-  
stam bonam, mereamur æternam. Secundū  
propositum enim occultissimæ iustitiæ bonita-  
tisque suæ Deus quos prædestinavit, illos & vo-  
cavit, ipsos & iustificauit: quos autem iustifica-  
uit, ipsos & glorificauit. Prædestinatio nostra  
non in nobis facta est, sed in occulto apud ipsum  
in ejus præscientia: tria verò reliqua in nobis fi-  
unt, vocatio, iustificatio, glorificatio. Vocamur  
prædestinatione pœnitentiæ, sic enim cœpit Do-  
minus euangelizare, *agite pœnitentiam, appropin-  
quabitis enim regnum cælorum*, iustificamur inno-  
uatione misericordiæ, & timore iudicij. Hinc  
est, quod dicitur. *Deus in nomine tuo saluum me*

*fac: & in virtute tua iudica me*. Non enim timet  
iudicari: qui impetraverit ante saluari. Vocati  
renuntiamus diabolo per pœnitentiam: iustifi-  
cati sanamur per misericordiam, ne iudicium ti-  
meamus: glorificati transimus in vitam æternā.  
Ad hoc pertinere arbitror, quod Dominus ait.  
*Ecce eicio demonia hodie & cras, & tertiadie* *Luc. 13.*  
*consummor*. Quod etiam in triduo suæ passionis  
& euigilationis ostendit. Crucifixus est enim, &  
sepultus, & resurrexit. In cruce de principibus  
& potestatibus triumphauit: in sepulchro re-  
quieuit: in resurrectione exaltauit. Sic & pœni-  
tentia cruciat, iustitia tranquillat, vita æterna  
glorificat. *Quid ergo dicemus ad hæc? Si Deus pro* *Vers. 32.*  
*nobis, quis contra nos?* Ac si diceret. Deus pro no-  
bis, ut prædestinaret nos; De<sup>o</sup> pro nobis, ut voca-  
ret nos; Deus pro nobis, ut iustificaret nos: Deus  
pro nobis, ut glorificaret nos. Si ergo Deus pro  
nobis: quis contra nos? Prædestinavit nos ante-  
quam essemus; vocavit, cum auersi essemus; iu-  
stificauit, cum peccatores essemus; glorificauit,  
cum mortales essemus. A Deo ergo prædestina-  
tis, vocatis, iustificatis, qui vult aduersari; bel-  
lum paret aduersus omnipotentem. Vnde pro-  
bas, quod Deus pro te: Optimè, inquit, quia etiā  
*filio suo proprio non pepercit; sed pro nobis omnibus* *Vers. 32.*  
*tradidit eum*. Non ergo terreat eum fremitus  
mundi: pro quo traditus est artifex mūdi. *Quo-  
modo, inquit, non cum illo omnia nobis donauit?*  
Quæ omnia & scietur, cum hæc promissio imple-  
bitur, cuius moriente Christo pro nobis, tale jā  
pignus accepimus. Vistamen scire, quæ omnia? *Quanam*  
Erit spiritus hominis nullum omnino habēs vi- *daturus sit*  
tiū, nec sub quo jaceat, nec cui cadat, nec cōtra *nobis Deus.*  
quod vel laudabiliter dimicet; pacatissima vir-  
tute perfectus; rerum ibi omnium spatiosa cer-  
taque notitia sine errore aliquo vel labore; ubi  
de ipso fonte sapientiæ potabitur summa felici-  
tate sine difficultate. Erit corpus quod omnino  
spiritui sit subditum: & eo sufficienter viuifica-  
tum, quo nullis alimonijs indigebit. Non enim  
animale erit, sed spirituale; habens quidem sine  
corruptione carnis, carnis substantiā. Ibi sic ha-  
bebuntur omnia; ut sint & singula omnium, &  
singulorum omnia. Sicut enim cupiditas nil si-  
ne angustia; sic charitas nil tenet cum angustia.  
Nostra ergo erunt omnia; quia nostra erunt ad  
viuendum superiora, ad conuiuendum æqualia;  
ad dominandum inferiora. *Quis accusabit ad-  
uersus electos Dei? Deus qui iustificat, quis est qui* *Vers. 33.*  
*condemnet?* Et cætera. Quæ obseruantur de am-  
biguis distinctionibus; eadem obseruanda sunt  
& in ambiguis pronuntiationibus. Nam & ipse,  
nisi lectoris nimia vitientur incuria, aut regulis  
fidei corriguntur; aut præcedentis vel consequē-  
tis connexionem sermonis. Aut si neutrum eorum  
adhibetur ad correctionem, nihilominus dubiæ  
remanebunt; ut quolibet modo lector pronun-  
tiaverit, non sit in culpa. Nisi enim fides reuo-  
cet, qua credimus Deum non accusaturum ad-  
uers<sup>o</sup> electos suos; nec Christum condemnaturū  
electos suos; potest illud sic pronuntiari, quis  
accusabit aduersus electos Dei; ut hanc interro-  
pationem quasi responsio consequatur, *Deus*  
*qui iustificat*. Et item interrogati *quis est qui con-*  
*demnet? Christus Iesus, qui mortuus est*. Quod cre-  
dere quia dementissimum est; ita pronuntiabi-  
tur, ut præcedat percunctatio, sequatur inter-  
rogatio. Inter percunctationem autem & inter-  
rogationē, hoc veteres interesse dixerunt, quod

ad percuntationem multa responderi possunt, ad interrogationem verò aut non, aut etiam. Pronuntiabitur ergo ita, ut post percuntationem qua dicim<sup>9</sup>, quis accusabit aduersus electos Dei, illud quod sequitur sono interrogantis enuntietur, *Deus qui iustificat*; ut tacite respondeatur, *non*. Et item percuntemur, *quis est qui condemnet*: rursusque interrogemus, *Christus qui mortuus est, magis autem qui resurrexit, qui est in dextera Dei, qui & interpellat pro nobis*: ut ubique respondeatur, *non*. Quod autem dicitur Christus sedere in dextera Dei, per humanam similitudinem Dei potentia demonstratur; non quod solum ponatur, & Deus Pater in eo sedeat, secumque filium habeat residentem; sed quod nos aliter iudicantem & regnantem, nisi per nostra verba, nequimus intelligere. Interpellat autem pro nobis, apparendo Deo Patri in homine, quem assumpsit pro nobis. Sequitur in exultatione spiritus hilaris quædam magni amoris professio; quam exprimit commemoratorum beneficiorum magnitudo. *Quis, inquit, nos separabit à charitate Dei: quæ est in Christo Iesu Domino nostro?* In filio quippe amatur Pater: in cuius opere charitas ejus commendatur. Vnde & alibi *filii charitatis* ejus appellatur. Qui ergo habet sensum amoris, intelligat verba amantis. Quis, inquit, ejus potentia, ejus scientia, & astutia, nos prædestinatos, vocatos, iustificatos, glorificatos, separabit consilio, separabit exemplo, à charitate Dei, à fide amati, ab amore crediti? *Quæ est in Christo Iesu Domino nostro*: à quo regi amamus, saluari gaudemus: cui in spiritu nostro seruimus. Non inuentus est, quis: queritur, quid. *Tribulatio, an angustia in anima: fames an nuditas in corpore: periculum mortis, an occidens gladius? Sicut scriptum est: quia propter te mortificamur tota die: asstimati sumus ut oves occisionis.* Non semel occidimur & morimur; sed tota die; id est, absque intermissione afflictionibus & tormentis mortificamur: parati dare pro lege non nostra tantum, sed & nos ipsos ipsos, sicut ovis occisionis, ejus non lac vel lana, sed vita requiritur. Quid autem mirum, si patitur martyr pro Deo suo; quod patitur avarus pro auro suo? Exhibet enim se avarus maris periculo, & dicit auro suo; propter te mortificor tota die: exhibet se martyr tormentis & gladio, & dicit Deo suo; propter te mortificor tota die. Vox similis, sed causa dissimilis. Iste Christo, ille auro. Respondeat martyri suo Christus. Si moreris propter me, inuenies me. Respondeat auro avaro. Si moreris pro me, & te perdis, & me. *Sed in his omnibus superamus: propter eum qui dilexit nos.* Cur non, quæ dileximus nos? Quia sicut nullus eligit, nisi elect<sup>9</sup>: sic null<sup>9</sup> diligit, nisi dilect<sup>9</sup>. Amor noster metis humanæ affect<sup>9</sup> est: amor Dei gratiæ affect<sup>9</sup> est. Afficimur nos, cum Deum amamus; non autem afficitur De<sup>9</sup>, cum ab eo amamur: sed amor ei<sup>9</sup> spiritus sanctus est, quæ cum dignatur dare nobis, per ipsum diffundit charitatem in cordibus nostris, qua illum amamus. Amat ergo nos, cum dono amoris sui dirat nos: amamus eum, cum toto pondere animæ ferimur in eum: hoc est quod soli Deo debemus. Quod cum à Deo auertere, & ad se conuertere nititur caro, & concupiscentia vitæ hujus, patitur servus Dei, quæ supra scripta sunt, tentationes humanas: cum verò in eo amorem Dei impugnat malitia spiritualis nequitia, patitur quæ sequuntur, tērationes humanas. Se-

quitur enim. *Certus sum, quia neque mors, neque vita, neque Angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura aliqua, poterit nos separare à charitate Dei: quæ est in Christo Iesu domino nostro.* Nemo ergo nos separaret à Deo, minando mortem: quia idipsum quod diligimus Deum, mori non potest, nisi dum non diligit Deum, cui mors ipsa est non diligere Deum: quod nihil est aliud, quam aliquid ei in diligendo & sequendo præponere. Nemo inde nos separaret pollicendo vitam; quia nemo à fonte separat pollicendo aquam. Non separaret Angelus, quia cum inhaeremus Deo, non est Angelus mente nostra potentior. Non separaret virtus: quia si virtus hic dicta est, quæ aliquam potestatem in mundo tenet, toto mundo omnino superior est mens inhaerens Deo. Si verò illa virtus dicta est, quæ ipsius animi nostri rectissima affectio est, si in aliquo est, fauet, ut coniungat nos Deo; si in nobis est ipsa, coniungit. Non separant instantes molestiæ, quia hoc leuiiores eas sentimus, quod ei à quo nos separare nituntur, arctius inhaeremus. Non separaret promissio futurorum, quia & quicquid boni futurum est, promittit Deus: & nihil est ipso Deo melius, qui jam profectò sibi inhaerentibus præsens est. *Neque fortitudo, neque altitudo, neque profundum.* Sunt & in philosophis hujus mundi fortiter disputantes, alta sapientes, profunda rimantes, simplices quosque sæpe attentantes separare à charitate Dei, quæ est in Christo Domino nostro. *Veritatem dico in Christo, non mentior, testimoniū mihi perhibente conscientia mea in Spiritu sancto, quoniam tristitia est mihi magna, & continuus dolor cordi meo.* Optabam enim ego ipse anathema esse à Christo pro fratribus meis, qui sunt cognati mei secundum carnem, qui sunt Israelitæ; quorum adoptio est filiorum, & gloria, & testamentum, & legislatio, & obsequium, & promissa, quorum Patres, ex quibus Christus secundum carnem, qui est super omnia, Deus benedictus in sæcula. Vide magnam bene affectæ mentis dulcedinem, præ gaudio magnitudine quasi usque ad cælos ascendentem in exultatione spiritus pro gentium profectu; & repente quasi ad abyssos descendentem à dolore cordis, pro gentis suæ miserabili defectu. Vnde illis quasi in cælo cum Deo relictis, videtur in terram redire, mori pro fratribus suis. Et sicut de Moyse legitur, quia videbatur ei<sup>9</sup> facies cornuta, cum exiret à facie Domini, nec poterant claritatem vultus sustinere carnales populi: sic & ipse quasi charitate insaniens, & totus Spiritu sancto debriatus, nescit habere sobrietatis verba; sed loquitur sicut in mentis excessu dicens velle se anathema esse à Christo pro Christo: id est, pro fratribus, ut essent in Christo. Optabat anathema esse à beatitudine Christi, amplectendo iustitiam Christi; iustus arbitrans apud Deum esse, optare salutem gentis vniuersæ, quam suæ vniuersæ animæ. Sed cum ipsam excedentis charitatis hic esset mirabilis affectus, longè aliter in iudicio iustitiæ Dei ejus formabatur effectus: quia cum in gloriam Dei & salutem fratrum, non charitatis sed salutis suæ offerret defectum; apud iustum iudicem & charitatis summum adeptus est profectum: quia & donata est Paulo salus electionis de gente illa, nec defraudatus est præmio vniuersalis eorum salutis, qui pro omnium eorum salute, tam constanti chari-

Quid sit  
Christum se-  
dere in dex-  
tera Dei.

Quomodo  
Christus pro  
nobis inter-  
pellet.  
Vers. 35.

Coloss. 1.

Vers. 35.

Vers. 36.

Avarus pro  
auro facit,  
quod sancti  
pro Deo.

Cap. 9.  
V. 1. & seq.

Excessus  
charitatis  
Apostoli.

Exod. 34.

tare semetipsum obrulit. Habet enim charitas  
 affectus, habet & effectus: & licet non ita ho-  
 minibus videatur, omnes ejus affectus suos in-  
 noniunt effectus apud eum, qui multò verius  
 discernit affectum mentis, quàm homines effe-  
 ctum operis. Verba ergo hæc Apostoli affe-  
 ctus sunt; quia non optat à Christo anathema  
 esse prævaricatione: sed amoris deuotione. Lā-  
 guor est animæ amantis, nec valentis implere  
 quod vult. Vnde illa in Canticis dicit. *Amore*  
*languet.* Veritatem, inquit, *Dico in Christo, te-*  
*stimonium perhibente mihi conscientia mea in Spi-*  
*ritu sancto.* Beata anima, cujus veritas fundatur  
 in Christo, conscientia solidatur in Spiritu san-  
 cto: cui in conscientia ardet veritas charitatis,  
 in confessione verò sic elucet charitas veritatis.  
*Tristitia magna, & dolor continuus.* Vbi illa ma-  
 gna, illeque continuus, qui esse potest locus læti-  
 tiz? *Cordi meo.* Sicut enim cui seruit, seruit in  
 Spiritu sancto; sic cui dolet, dolet in corde suo.  
*Pro fratribus meis, qui sunt cognati mei secundum*  
*carnem.* Nomina hæc sunt necessitudinis, primùm  
 enim quod animale est: deinde quod spirituale.  
 Sequitur enim. *Qui sunt Israëlita:* facti ad vi-  
 dendum Deum. *Quorum est adoptio;* quia ad ip-  
 sos propriè missus est filius Dei. *Et gloria:* quia  
 credita sunt eis eloquia Dei. *Et testamentum;*  
 quia & verus eis est datum, & novum in vetere  
 præfiguratum. *Et legislatio,* quam ipsi speciali-  
 ter accipere meruerunt. *Et obsequium:* quorum  
 salutis lex & Prophetæ specialiter obsequuntur:  
 & promissiones de Christo. *Quorum patres, ex*  
*quibus Christus natus est.* Hæc enim est præcipua  
 causa tristitiz & doloris; patres tanti fuisse apud  
 Christum, ut nasci de eis eligeret: filios tales esse,  
 quibus relicta, ad Gentes transiret. *Non autem*  
*quod exciderit verbum Dei.* *Tribulatione,* inquit  
 Prophetæ, & dolorem inueni. Prudentis est &  
 dolorem inuenire, vbi opus est: & dolori po-  
 nere modum, cum tempus est. Sufficit ergo A-  
 postolo, dolorem cordis aperuisse de reproba-  
 tione Gentis suæ: statimque ipse sibi consola-  
 tionem inueniens, *Non inquit, quod exciderit*  
*verbum Dei:* id est promissio, quæ eis facta est,  
 non evanuit. Qui enim verus fuerit Israël, ipse  
 Dei promissa consequetur. Qui autem per fidem  
 non videt Deum, qui dixit, *Qui me videt, videt*  
*& Patrem,* Israël non potest dici. Ideo dicit. *Non*  
*omnes qui ex Israël sunt: hi sunt Israëlita.* Neque  
 qui semen sunt Abrahæ: omnes filij. Sed qui filij  
 sunt promissionis, estimantur in semine: hoc est,  
 qui filij sunt fidei illius, per quæ meruit Abrahæ  
 repromissionem accipere futuræ hæreditatis. Quod  
 videlicet jam tunc designabatur in Abraham, cum  
 ei multos filios habenti, quos Apostolus filios  
 æternis appellat, in solo Isaac, qui erat repromis-  
 sionis filius, seminis eius posteritas poneretur,  
 dicente Domino. *In Isaac vocabitur tibi semen.*  
*Promissionis enim verbum hoc est. Secundum hoc*  
*tempus veniam, & erit Sara filius.* Non ergo, in-  
 quit, per ordinem natiuitatis carnalis Isaac na-  
 scitur; quippe cum jam Abraham emortui esset  
 corporis, & emortua: vulua Saræ: sed per vir-  
 tutem promittentis. Merito ergo non carnis,  
 sed Dei filius dicitur: qui ex aduentu & sermone  
 Dei nascitur. *Non solum autem illa.* Hæc inquit  
 ratio; non solum de Isaac, sed & de Iacob reci-  
 pienda est. Nam & Rebecca non secundum or-  
 dinem carnalis natiuitatis protulit partum. Cum  
 enim ex vno concubitu Isaac geminos concepif-

set post longum tædium diutius sterilitatis, non  
 dum partu edito, neque vllis puerorum actibus  
 bonis malisue inter homines habitis, erga Iacob  
 diuina habetur electio, & dicitur, *quia major*  
*seruiet minori: & Iacob dilexi, Esau autem odio*  
*habui.* Cum autem hæc ita dicta sint, docemur,  
 inquit, quod secundum electionem propositum  
 Dei maneat: nec ex operibus, sed ex vocantis sit  
 gratia, quod dicitur, *major seruiet minori; &*  
*Iacob dilexi, Esau autem odio habui:* docemur,  
 quia non qui filij carnis, sed qui filij Dei sunt, ipsi  
 deputentur in semine; cum ibi Isaac ex multis,  
 ex duobus minor eligitur, ut adoptetur in filium  
 Dei; & sic verum sit, quod promissiones Dei non  
 in filijs carnis, sed in filijs Dei constant; & non  
 ex operibus, sed ex vocantis gratia secundum e-  
 lectionem propositum Dei maneat, non in filijs  
 carnis, sed in filijs Dei. Vnde & in hanc senten-  
 tiam testimonium Prophetæ assumpsit, longè  
 posterioris, *Iacob dilexi Esau autem odio habui:*  
 ut intelligeretur hoc apertum postea per Pro-  
 phetam, quod antequam illi nascerentur, erat  
 in prædestinatione Dei. Quid enim diligebat  
 in Iacob, antequam fecisset aliquid boni; nisi gra-  
 tuitum misericordiz suæ donum? Et quid ode-  
 rat in Esau, antequam natus fecisset aliquid ma-  
 li, nisi originale peccatum? Nam nec in illo di-  
 ligeret iustitiam, quam nullam ille fecerat; ne-  
 que in isto odisset naturam, quam bonam ipse fe-  
 cerat. Cum enim rem stupendam proposuisset,  
 quomodo de nondum natis, nec aliquid agentibus  
 boni vel mali, rectè dici potuerit, quod vnus  
 Deus dilexerit, alterum odio habuerit: ipse sibi ob-  
 jecta quæstione motum exprimens auditoris, ait.  
*Quid ergo dicemus? Numquid iniquitas apud*  
*Deum? Absit.* Hic erat locus, ut diceretur, futu-  
 ra eorum opera præuidebat Deus, quando mi-  
 nori maiorem seruiturum prædicebat. Non autem  
 hoc Apostolus dicit; sed potius, ne quisquam de  
 suorum operum meritis audeat gloriari: ad Dei  
 gratiam & gloriam commendandam, voluit va-  
 lere quod dicit. Cum enim dixisset, *absit,* ut sit  
 iniquitas apud Deum; tamquam ei diceremus,  
 vnde hoc ostendis, cum asseras non ex operibus,  
 sed ex vocante esse dictum, *major seruiet mino-*  
*ri,* ait. *Moses enim dicit. Miserebor cuius mise-*  
*rebor; & misericordiam prestabo; cuius misertus*  
*ero. Igitur non volentis, neque currentis; sed mise-*  
*rentis est Dei.* Vbi nunc merita; vbi nunc opera,  
 vel præterita, vel futura, tamquam viribus arbi-  
 trij adimpleta, siue adimplenda? Apertam Apo-  
 stolus præposuit de gratuitæ, hoc est, veræ gra-  
 tiæ commendatione sententiam. De ipsa enim  
 gratia satis agebat Apostolus; & ideo promissi-  
 onis filios commemorabat. Quod enim promit-  
 tit Deus, non facit nisi Deus. Commendans er-  
 go filios promissionis, hoc primum ostendit si-  
 gnificatum per Isaac filium Abrahæ. Evidentiùs  
 quippe apparet opus Dei in eo quæ non genuit  
 vltatus ordo naturæ de sterilibus visceribus &  
 senectute confectis: ut in filijs Dei, qui futuri  
 prænuntiabantur, quod filij Dei essent, non hu-  
 mani operis, sed diuini esse monstraretur: atque  
 ut in vasis aptis in interitum, qui damnatæ mas-  
 sæ debitus est, agnoscant vasa ex eadem massa in  
 honorem facta, quid eis misericordia diuina lar-  
 gita sit. *Dicit enim, inquit, Scriptura Pharaoni.*  
*Quia in hoc ipsum excisavi te, ut ostendam in ge-*  
*neratorem meam, & annuntietur nomen meum in*  
*universa terra.* Nullum enim Deus Angelorum  
 vel

Malac. 1.

Deus in E-  
sau oderat  
originale  
peccatum.

Vers. 14.

Exod. 33.  
V. 15. & 16.Vers. 17.  
Exod. 9.


vel hominum crearet, quem malum futurum esse præsciret, nisi pariter nosset, quibus eos bonorum utilitatibus commodaret: atque ita ordinem sæculorum quasi pulcherimum carmen, etiã ex quibusdã anticitatis honestaret. Vt enim annuntiaretur nomen Dei in vniuersa terra, vasis vtiq; misericordiæ proderat. Ad eorum ergo utilitatem Pharaon seruatus est; sicut rei exitus docuit. Denique ad vtrumque concludit: & cui vult miseretur, & quem vult indurat. Hoc facit apud quem non est iniquitas. Miseretur vtiq; gratuito dono; obdurat autẽ iustissimo merito. Sed dicat adhuc superba & infidelis elatio: vel puniti damnabilis excusatio. *Quid adhuc queritur? Nam voluntati eius quis resistit?* Dicat hoc, & audiat quod conuenit homini. *O homo, tu quis es, ut respondeas Deo?* Audi hoc, & nõ contemnat. Quod si contempserit, etiam in hoc vt contemneret, se sciat obduratum: si autem nõ contempserit, etiam vt non contemneret, se cre-

dat adiutum: sed debito obduratum, gratis adiutum. Quoniam se isti excusabunt modo? Nẽpe illo, quem breviter tamquam ex eorum voce sibi obiecit Apostolus, vt dicant. *Quid adhuc queritur? Voluntati enim eius quis resistit?* Et si illos non pudet hac excusatione non nobis, sed Apostolo contradicere: cur nos pigeat, quod dicit Apostolus, hoc idem atque identidem dicere? *O homo, tu quis es, ut respondeas Deo? Nũquid dicit figmentum ei qui se finxit, quid me fecisti sic? An non habet potestatem figulus luti ex eadem massa, vtiq; meritò rectèque damnata, facere aliud vas in honorem indebitum, propter misericordiæ gratiam: aliud in contumeliã, debitum propter iræ iusticiam?* Quantũ ad iustitiã spectat & gratiam: potest rectè dici, & de reo qui liberatur, & de reo qui damnatur. *Tolle quod tuum est & vade.* Et huic volo quod debetur, donare. An nõ mihi licet facere quod volo?

Vers. 19.

v. 20. &amp; 21.

Matth. 20.



## LIBER SEXTVS.

Ex cap. 9.  
v. 22. & seq.

**Q**UOD si volens Deus ostendere irã suã, & notam facere potentiam suam, sustinuit in multa patientia vasa iræ apta in interitum, vt ostenderet diuitias gloriæ suæ in vasa misericordiæ; quæ preparauit in gloriam, quos & vocauit, non solum ex Iudæis, sed etiam ex Gentibus: subauditur, tu quis es, qui respondeas Deo; vt recurrente sententia ad verba superiora iste sit sensus. Si volens Deus ostendere iram, sustinuit vasa iræ, tu quis es, qui respondeas Deo? Non autem solum volens ostendere potentiam suam: sed etiã quod sequitur, vt notas faciat diuitias gloriæ suæ in vasa misericordiæ, quæ præparauit in gloriam. Quid enim prodest, vasis aptis in interitum, quod eã patienter Deus sustinet, vt ordinatè disperdat, vtraturque eis ad instrumentum salutis eorum, quorum miseretur? Sed illis vtiq; prodest, ad quorum salutem sic illis vtitur. Ecce & ratio reddita est homini, quanta debuit homini: ac si diceret. Tu quis es, qui respondeas Deo: si volens Deus ostendere iram, & demonstrare potentiã suam, quodd & malis bene optimũ possit vti, malis dumtaxat non conditione diuina, sed vitiatã voluntatis iniquitate naturã, quæ à Deo conditore condita est bona, sustinuit in multa patientia vasa iræ apta in interitum: non quodd illi essent necessaria, siue angelica, siue humana peccata, cui nec iustitia cuiusquam est necessaria: sed vt notas faceret diuitias gloriæ suæ in vasa misericordiæ; ne se in bonis operibus tamquã de proprijs extollerent viribus; sed humiliter inteligerent, nisi illis Dei gratia non debita, sed gratuita subveniret, id fuisse reddendum meritis suis, quod alijs in eadem massa redditum cerneant: ceteri autem homines ad istam societatem non pertinentes, quorum tamen & animam & corpus Dei bonitas operata est: & quicquid habet ipsa natura præter vitium, quod eidem inflixit superbientis voluntatis audacia, propter hoc à Deo præsciente creati sunt, vt in his ostenderet liberum desertoris arbitrium sine gratia quid valeret; & in eorum iustis & debitis pœnis,

Deus malis  
bene vtitur  
ad aliorum  
salutem.

vasa misericordiæ, quæ non suorum operũ meritis, sed gratuita Dei gratia sunt ab illa concretionem discreti, quid sibi collatum esset addiscerent; vt omne os obstruatur; & qui gloriatur in Domino gloriatur. Cur etiam aliquos voluit creator ad damnationem pertinere, non ad gratiam, beatus Apostolus tantò succinctor breuitate, quantò maiore autoritate commemorat. Deum enim dicit volentem ostendere iram, & demonstrare potentiam suam, sustinuisse in multa patientia vasa iræ apta in perditionem, & vt notas faceret diuitias gloriæ suæ, in vasa misericordiæ: quem superius dixerat tamquam figulum luti ex eadem massa facere aliud vas in honorem, aliud in contumeliã. Meritò autem videretur iniustum, quod sunt vasa iræ ad perditionem: si non esset ipsa vniuersa ex Adam massa damnata. Quodd ergo fiant inde nascendo vasa iræ: pertinet ad debitã pœnã. Quodd autem sunt renascendo vasa misericordiæ: pertinet ad indebitam gratiam. Ostendit ergo Deus irã: non vtiq; animi perturbatione, sicut est, quæ circa homines nuncupatur, sed iustam fixamq; vindictam, quod de stirpe inobedientiæ ducitur propago peccati atque supplicij. Et homo natus ex muliere, sicut scriptum est in libro Iob, brevis est vitæ: & plenus iracundiæ. Eius enim rei vas est: qua plenus est. Vnde iræ vasa dicuntur. Ostendit & potentiam suam, qua bene vtitur etiam malis, multa illis naturalia & temporalia, bona largiens, eorumque malitiam ad exercendos, & comparatione eorum admonendos bonos accommodans: vt in eis discant gratias agere Deo, quod ab eis non suis meritis, quæ in eadem massa paria fuerunt, sed illius miseratione discreti sunt. Quod maximè apparet in parvulis; de quibus, cum per Christi gratiam renascuntur, & istam vitam in illa tenera ætate finientes, in æternam transeunt & beatam, dici non potest, quodd libero discernantur arbitrio ab alijs infantibus, qui sine hac gratia in ipsius massæ damnatione moriuntur. Si autem hi soli crearentur ex Adam, qui essent per gratiam recreandi, &

Vniuersa  
massa per  
Adam dā-  
nata.

Iob 14.



præter illos, qui in Dei filios adoptantur, nulli alij homines nascerentur, lateret beneficiū quod donaretur indignis: quia nullis ex eadem stirpe venientibus damnabili, debitum supplicij redderetur. Cum verò sustinuit in multa patientia vasa iræ apta in interitum, non solum ostendit iram, & demonstravit potentiam suam, reddendo vindictam, & bene utendo malis: sed etiam notascit diuitias gloriæ suæ in vasa misericordiæ. Ita enim quid sibi præstetur, discit gratis iustificatus: dum non suo merito, sed gloria largissimæ Dei misericordiæ discernitur à dānato, cum quo eadem iustitia fuerat & ipse damnandus. Tam multos autem creandos nasci voluit, quos ad suam gratiam nō pertinere præsciuit, ut multitudine incōparabili plures sint, quā quos in sui regni gloriam filios promissionis prædestinare dignatus est: ut etiam ipsa rectorum multitudine ostenderetur, quā nullius momenti sit apud Deum iustum quantalibet numerositas iustissimè damnatorum: atque ut hinc quoque intelligant, qui ex ipsa damnatione redimuntur, hoc fuisse debitū massæ illi vniuersæ, quod tam magnæ parti eius redditum cernerent: non solum in eis qui originali peccato multa addūt malæ voluntatis arbitrio: verum etiam in tam multis parvulis, qui tantummodo vinculo peccati originalis obstricti sine gratia mediatoris ex hac luce rapiuntur. Tota quippe massa ista iustæ damnationis reciperet debitum: nisi ex ea faceret non solum iustus, sed etiam misericors figulus, aliqua vasa in honorem, secundum gratiā, non secundum debitum: dum & parvulis subvenit, quorū nulla merita dici possunt, & maiores præuenit, ut aliqua merita habere possint. Relictis ergo se comparet collectus, & repulsis electus: comparent se vasis iræ vasa misericordiæ: & videant ex eadem massa alia vasa facta esse in honorem; alia in contumeliam: & discat liberatus de non liberato, quid etiam sibi conueniret, nisi gratia subueniret. Nisi enim debitor suspendatur, minus agit gratias cui debitum relaxatur. Profunda quæstio in profundum nos abduxit, non tamen vsque ad fundum sui nos perduxit: quia licet arguatur homo respondens Deo, vel lutum figulo; non tamen prohibet Apostolus sanctus à quærendo, eos de quibus alibi dicit, *Spiritualis omnia diiudicat*. Et illud maximè. *Nos non spiritum huius mundi accepimus, sed spiritum qui ex Deo est: ut sciamus quæ à Deo donata sunt nobis*. Prohibet autem ab huiusmodi luteos & terrenos, qui nondū intrinsecus regenerati aut nutriti, imaginem illius portant, qui primus factus est de terra terrenus: & quia ei à quo factus est, noluit obtemperare, in id relapsus est, vnde est factus, meruitque audire. *Terra, es & in terrā ibis*. Et meritò prohibentur tales. Nam si posset loqui pecus, & diceret Deo, quare hunc hominem fecisti, me autem pecudem: non iustè succenseret & diceret, o pecus, tu quis es qui respondēas Deo? Præparauit ergo Deus vasa misericordiæ, & vocauit tam ex Iudæis, quam ex Gentibus: quia vna est ex Adam massa peccatorum & impiorum, in qua & Iudæi & Gentes remotā gratiā ad vnam pertinent conspersionem: sicut Osee dicit. *Vocabo non plebem meam plebem meā: & non misericordiam consecutam, misericordiam consecutam*. Et erit in loco ubi dictum est eis, *non plebs mea vos: vocabuntur filij Dei*. Hoc testamentum propheticum de vocatione Gentium,

qui populus prius non pertinebat ad Deum, Apostoli intellexerunt, & quia ipse quoque populus Gentium spiritualiter in filiis Abrahæ, ac per hoc rectè dicitur & Israël: recolentes etiam lapidem angularem, & duos parietes, alterum ex Iudæis, alterum ex Gentibus, in illo conuenientes. Videturque redire Apostolus ad doloris sui solatium: quia sicut tam in Iudæis quam in Gentibus vna est massa perditorum, sic ex utroque populo vna fiat Ecclesia electorum. Vnde ad Gentes pertinet exemplum, quod præmisit de Osee; ad Iudæos verò, quod de Isaiā subnequit. Gentes enim fuerūt plebs non Dei, & plebs Dei factæ sunt: misericordiā non consequutæ & misericordiam consecutæ sunt. *Sederit*, inquit, *in loco*. Quis iste locus est? Nūquid Iudæa? Nūquid Roma? Absit. Iudæa dignior, Romā sublimior locus est: ubi Deū loqui decet, vel possibile est. Loc⁹ enim hic mēs hominis est, sensus rationis; principale cordis. Ibi agēte Deo peccatori populo dānabilis dicit consciētia. *Non plebs mea vos*; quib⁹ verò charitas diffunditur in cordib⁹ suis, per Spiritū sanctū qui datus est eis, testimonium perhibet ipse Spiritus, *quod sunt filij Dei*. *Isaias autem clamat*, id est manifestè annuntiat & prædicat, quod facit pro Israël, & dicit. *Si fuerit numerus filiorum Israël tanquam arena maris, reliquia salua fient*. Prouidens enim propheta de futuris, videbat quod plurimi ex Israël arenæ maris comparandi, ob iustitiæ sterilitatem, & duritiam cordis, & multitudinem inordinatam & confusam, futuri erant vasa iræ apta in interitum, non credentes vitæ suæ, sed dominū maiestatis crucifigentes: reliquiæ verò stellis cœli comparandi, cœlestis gloriæ participes futuri essent. Vtrumque enim Abrahæ pronuntiatum est. *Sic*, inquit, *eris semen tuum*, sicut arena maris, & sicut stellæ cœli. *Verbum enim cōsummans, & abbrevians in æquitate; quia verbum breuiatum faciet Dominus super terram*. Verbū cōsummans est, & abbrevians in æquitate, de quo dicit Dominus in Evangelio: *Diliges Dominum Deum tuum ex toto corde tuo; & pro ximum tuum sicut te ipsum: in his duobus mandatis tota lex pendet & Propheta*: vel compendium fidei, quæ salui fiunt credētes, ommissis innumerabilib⁹ obseruationibus, quibus illa multitudo seruiliter premebatur. Quod autem reliquiarum salus gratiæ deputanda sit, subsequenti testimonio edocet dicens, ex persona eorum, qui gratiæ crediderunt, *Nisi Dominus Sabaoth reliquisset nobis semen, sicut Sodoma facti essemus; & sicut Gomorra; similes fuissetis*. Ip̄i enim tamquam semen multiplicati sunt, aspersi super terram. Vel semen intelligitur granum illud frumenti: quod per passionem mortis cecidit in terram, & mortificatum fecit fructum plurimum. Facti autem, inquit, fuissetis sicut Sodoma, (cujus populus incest⁹ in hospites perire meruit: ) dum in fratrem nostrum dominum maiestatis sacrilegi, euadere nō potuissetis periculum perditionis, nisi in benedictione seminis sancti in terram missi. Deinde ostendens Gentes ex fide apprehendisse iustitiā: subiungit dicens. *Quid ergo dicemus? Quod gentes quæ non sectabantur iustitiam, apprehenderunt iustitiam; iustitiam autem quæ ex fide est: Israël verò sectando legem iustitiā, in legem iustitiæ non peruenit. Quare? Quia non ex fide, sed quasi ex operibus. Offenderunt enim in lapidem offensionis, sicut scriptum est. Ecce pono in Sion lapidem*

Vers. 26.

Locus, ubi Deus loquitur, mens hominis est.

Vers. 27.

Genes. 22.  
Vers. 28.

Matth. 22.

Compendium fidei.

Vers. 29.

Isai. 1.

v. 30 &amp; seq.

Cur Deus nasci voluerit reprobos.

1. Corin. 2.  
Ibidem.

Quos arceat Apostolus à quærendo,

Genes. 3.

Vers. 25.  
Ose. 2.

*Quenā sit fides Christi.*  
*Ioann. 15.* *offensionis & petram scandali; & omnis qui credit in eum non confundetur.* Fides Christi est credere in eum qui iustificat impiū: credere in mediatorem, sine quo nullus reconciliatur Deo: credere in eum qui dicit, *sine me nihil potestis facere.* Sed hanc fidē non apprehendit, qui ignorans Dei iustitiā, id est, quam dat Deus, qui iustificat impiū, & suam volens statuere, tamquam suæ voluntatis viribus factam, cui Deus secundum merita retribuatur gratiam, non vult ut gratia Dei præcedat, quæ eum faciat habere, quā se ipse sibi credit facere iustitiam. Vnde & sectari huiusmodi homines dicuntur iustitiam: quam quasi fugientē viribus suis apprehendere se arbitrantur. Hoc autem proprium Iudæorum est, sectantium legem iustitiæ quasi per opera iustificantem. Gentes verò non sectantur iustitiam, sed apprehendunt eam, proximam sibi eam inuenientes: prærogante eam sibi gratia fidei, naturali lege eam inuenientes inlicitam cordi suo. *Gentes verò quæ non sectantur iustitiam, quæ propria legis est, quæ fit de timore pœna, non de amore iustitiæ, quam homo facit non Deus, apprehenderunt iustitiam Dei, iustitiam fidei: Israhel verò sectando legem literæ, quam sibi putabat vel præsumebat esse iustitiā, in legem spiritus non pervenit, quæ verè est lex iustitiæ. Quia ergo non ex fide, sed quasi ex operibus, quali ipsi suā iustitiā, offenderunt in lapidem offensionis: in quem qui crediderit, non habebit suā iustitiā, quæ ex lege est, quāvis bona sit lex: sed implebit ipsam legem, non suā iustitiā, sed datā à Deo: ita enim non confundetur. Charitas enim legis plenitudo est. Et vnde ista charitas diffusa in cordibus nostris? Non vtrique à nobis, sed per Spiritum sanctum, qui datus est nobis. Sciendū autem, quod in Isaiā propheta hoc testimoniū ita scriptum est. Ecce ego pono in Sion fundamentum lapidem pretiosum, electum, angularem: & qui crediderit in eum non confundetur.* Apostolus autem lapidem offensionis & petram scandali, de alio loco ipsius Prophetæ huic testimonio inseruit: in quo ita scriptum est. *Et non tamquam lapidi offensionis occurretis ei: neque vi lapidi ruina.* Ex utroque ergo loco excerpēs quod assertioni suæ commodum videbatur: in vnum sibi coaptavit. Cur autem via & veritas & vita Christus dominus lapis hic offensionis; & petra scandali nominetur: nulli debet esse offensio vel scandalum. Quia enim hi qui erant in Sion vias non bonas incedentes iter perditionis concito pede currebant, malis suis inuicem fauentes: quia, sicut dicit Propheta, *laudatur peccator in desideriis animæ suæ, & iniquus benedicitur:* veniens Dominus arguere cœpit vias eorū pravas dicens; *Va vobis Pharisei,* & his similia: & factus est eis lapis offensionis & petra scandali, dū sua eis mala non tacēs, vias perditionis eorum redarguendo cœpit impedire. Non solum autē, sed & omnibus malis lapis offensionis est Christus. Quicquid enim dicit Christus, amarum est illis: sed quicumque crediderit in illum, non confundetur: confundetur autem qui in se gloriatur, quia non sine peccatis inuenietur; nec ad diem, nec ad horam, sed in æternum confundetur. Quicumque ergo non vis offendere, tolle te, impedis te; tolle iustitiā tuā, apprehēde eam quæ ex Deo est. Quamvis Christianus vocaris: si gratiam ejus denegas, in eum offendis. Minus autē est, offendere in Christum pendentem; quā in

eum in cælo sedentem. Iustitia sit; sed ex gratia sit. A Deo tibi sit; tua non sit. *Sacerdotes tui, inquit, induantur iustitiam.* Vestis accipitur, non cū capillis nascitur. Hanc tibi prædicat Apostolus, hanc tibi dat Deus. Gemen, plora, crede, ut impetres. *Fratres, voluntas quidem cordis mei, & obsecratio ad Deum sit pro illis in salutem.* Voluntas ut ad vera credenda moueatur, non sibi sufficit, nisi à gratia Dei adiuuetur. Propterea Apostolus licet instanter eis euangeliū prædicaret; non ei sufficit, nisi etiam pro eis oraret, ut crederent. Non enim aliter consequerentur salutē. Orat ergo pro nolentibus credere; ut Deus operetur in eis & velle. *Testimonium enim perhibeo illis, quoniam emulationē Dei habent; sed non secundum scientiam.* Noui, inquit, scio, apud illos fui, talis & ipse fui. Quid autem sit zelus, sine emulatione, non secundum scientiam, exponēs subdit. *Ignorantes enim Dei iustitiam, & suam querentes statuere: iustitia Dei non sunt subiecti.* De Iudæis enim hæc dicit, qui de se præsumentes, gratiam repellebant: & propterea in Christū non credebant. Suam verò iustitiam dicit eos velle constituere: quæ iustitia est ex lege: non quia lex ab ipsis est constituta, sed in lege quæ ex Deo est, suam iustitiam constituerant, quando eandem legem suis se viribus implere posse credebant: ignorantes Dei iustitiam, non quia Deus iustus est, sed quæ homini est ex Deo. Hæc autem est tota scientia magna hominis, scire quia per seipsum nihil est: & quoniam quicquid est, ex Deo est, & per Deum est. *Finis enim legis Christus ad iustitiam omni credenti.* Discernitur quippe ab operibus fides: sicut alibi dicitur, iustificari posse hominem per fidem, sine operibus legis. Et sunt opera quæ videntur bona sine fide Christi, & non sunt bona: quia non referuntur ad eum finem, ex quo sint bona. *Finis enim legis Christus.* Ideo Dominus in Euangelio noluit discernere ab opere fidem; sed ipsam fidem dixit esse opus, Ipsa est enim fides, quæ per dilectionem operatur. Nec dixit, hoc est opus vestrum, sed, hoc est opus Dei, ut credatis in eum, quem ille misit. Fides ergo hominis, Christi est, quia ab ipso est: & opus omne fidei ad ipsum referendum est, quia ab ipso est: quia finis legis & omnis iustitiæ ipse est. Omnis enim perfectio in ipso est, ultra quem non est quo se spes charitatis & fidei extendat. *Moses enim dicit, quoniam iustitiam quæ ex lege est, qui fecerit homo, uiuet in ea.* Nō ait, qui fecerit eam, uiuet in illa, ut intelligas legem hoc loco pro ipsis operibus positam, quæ operantes uiuebant in illis, alioquin pascere in cruce coruos. Qui ergo inquit fecerit eā: non lapidabitur, non occidetur; præmium ei erit nō mori. *Qua autem ex fide est iustitia, sic dicit. Ne dixeris in corde tuo, quis ascendit in cælum, id est Christum deducere, aut quis descendet in abyssum, hoc est Christum à mortuis revocare.* Iustitia quæ ex lege factorum est, ipsa sunt facta: præmium ejus vel merces, non mori, non puniri. De iustitia verò quæ ex fide est, longè aliter est. Ipsa enim tantum veram cordis exigit fidem, & liberam oris confessionem, non ratione humana exquisitam, sed simplici & voluntario mentis assensu susceptam. Fides enim est, in his quæ in religione credenda sunt, voluntarius mentis assensus, in qua qui fidelem & sobrium habet sensum, nullius sapientiæ sensibus diuina, nullis humanæ scientiæ rationibus, quæ in Christo hu-

Psalm. 131.

Caput 10.  
Voluntas nō  
sibi sufficit  
ad verum  
credendum.

Vers. 2.

Vers. 3.

Magna ho-  
minis scien-  
tia quam  
sit.

Vers. 4.

Supra cap. 3.  
Vers. 28.

Ioann. 6.

Vers. 5.

V. 6. &amp; 7.

Fidei definitio.

Quid sit  
Christum de  
cælo deduce-  
re, &c.

*Deuter. 30.*

*Vers. 8. & 9.*

*Iustitia fidei  
duplex pra-  
mium.*

*Vers. 10.*

*Confessio fi-  
dei ad salutē  
necessaria.*

mana sunt, scrutata, si de cœlo illo, quæ  
diminitatis sunt Christi, sibi expostulet deduci  
ad intelligendum: vel de abyſſo illa, Christum  
sibi revocari de communi sorte morientium: sed  
simpliciter credens, quod credendum indicit di-  
vina autoritas; & liberè confitens, quod con-  
fitendum suggerit veritas; credendi humilitate  
proficit ad intellectu susceptæ fidei, & ad opera  
quæ per dilectionem fiunt. Sic enim in Deute-  
ronomio scriptum est: vnde exemplum hoc as-  
sumptum est. *Mandatum hoc, quod ego tibi præ-  
cipio hodie, non est superexaltatum à te, neque lon-  
ge à te.* Non est in cœlo, ut dicas, quis ascendet  
nobis in cœlum, & accipiet illud nobis, ut au-  
dientes faciamus illud: neque trans mare, ut di-  
cas, quis transibit, & accipiet illud nobis. *Sed  
prope est verbum in ore tuo & in corde tuo. Hoc est  
enim verbum quod predicamus, quia si confitearis  
in ore tuo Dominum Iesum, & in corde tuo credi-  
deris, quod Deus suscitavit illum à mortuis, saluus  
eris.* Licet enim in te inultata, & miraculi inso-  
liti, quædam apparere videatur difficultas cre-  
dendi: fideliter tamen confitenti Dominum esse  
Iesum, & credenti non eum esse de cœmuni sorte  
morientium, Deus qui superbis resistit, humili-  
bus autem dat gratiam, per amorem spiritus, fi-  
dei illustrat affectum, & suggerit intellectu: ut  
& dulce ei efficiatur in corde quod credit, &  
gloriosum cōfiteri, quod saluberrimè credere se  
intelligit. Credendo autem saluus efficitur: nō  
ut viuat interim, sicut vivit in iustitia sua vel o-  
perum suorum operarius ille legis: sed viuat hic  
in iustitia Dei, in æternum cum eo victurus: vi-  
uat hic vita Dei operando per dilectionem, in  
futuro autem accepturus perpetuam glorificati-  
onē. Habet enim fidei vera iustitia duplex bea-  
titudinis præmium: dum & hic degustat certissi-  
mo experientiæ argumento sperandarum sub-  
stantiam rerum; & ibi accipit quod credidit, æ-  
ternæ felicitatis manifestissimā veritatē. Propter  
hoc gloriatur hic in tribulationibus, in quibus  
conscientia sanctæ patientiæ iam arrha quædam  
& pignus est beatitudinis futuræ. Comparanda  
est ergo causa causæ, iustitia iustitiæ, vita vitæ:  
servi, qui quasi reclusi in pistrino duræ necessi-  
tatis, tandiu vivit, quandiu serviliter operatur;  
& filij gratiæ, cui servire vivere est, & gratè ser-  
uire magna gratia, & gratis servire, magna glo-  
ria, merces verò vita æterna. *Corde enim creditur  
ad iustitiam, ore autem confessio fit ad salutē.* Cum  
constet de iustitia fidei, qua corde creditur ad  
iustitiam, non incassum additum est; *ore autem  
confessio fit in salutem.* Nonne penè omnes qui  
coram persecutoribus Christū negaverūt, quod  
de illo credebant, corde tenuerunt: & tamen o-  
re ad salutem non confitendo perierunt, nisi qui  
penitentia revixerunt? Quis ita evanescat, ut  
existimet Apostolum Petrum sic habuisse in cor-  
de, cum Dominum negavit ore? Cur loquens  
in corde suo veritatem, tam amaro fletu puniuit  
mendacium, quod ore deprōpsit: nisi quia ma-  
gnam vidit esse perniciem, quod corde quidem  
credidit ad iustitiam, ore autem non est cōfessus  
ad salutem? Sicut enim non proficit veritas in  
ore, si non sit etiam in corde: sic nec in corde  
proficit, si tempore necessariæ confessionis in o-  
re deficit. *Dicit enim Scriptura. Omnis qui credit  
in eum, non confundetur.* Sunt, qui Christum  
verbum Dei, virtutem Dei, sapientiam Dei, non  
erubescunt confiteri: nam verò, mortuumq;

& sepultum, contenti erubescunt. Et quomodo  
curabitur ægrotus, qui de medicamēto erubef-  
cit? Sed eligat tempus, quia nunc est eligendū  
tempus. Cum enim admirandus ille venerit, qui  
pro nobis est contemptus; iudicabit, qui pro  
nobis est iudicatus; excitabit occisus, honorabit  
exhonoratus: tunc siue Iudæus, siue Græcus,  
(non enim est distinctio,) omnis qui credit in  
illum, non confundetur. *Nam idem Dominus* *Vers. 12.*  
*omnium; quia non Iudæorum Deus tantum, imo*  
*& Gentium: diuina ad implenda desideria omnium* *Isa. 2.*  
*qui innocant eum. Omnis enim quicumque inno-*  
*caverit nomen Domini, saluus erit.* Nomen Do-  
mini inuocat, qui servus Domini esse desiderat.  
desiderat esse servus ejus, quicumque intelligit  
nomen eius. Nomen ejus intelligunt, qui in se-  
metipsis experiuntur dominatum eius. Ipsi sunt  
qui cognoscunt in semetipsis gratiam Dei, & in-  
grati non sunt: & ideo inuocantes nomen Do-  
mini salvi sunt. Sic ergo fides Iesu Christi Do-  
mini, impetrat nobis salutem: & quanta nobis  
hic inchoatur in spe, & quanta dabitur in re.  
Quod autem dicit, saluus erit: utique sicut à fe-  
bre, sicut à peste: quia non est sanis opus medi-  
cus, sed male habentibus. Si ergo omni inuo-  
canti salus promittitur, nec est distinctio Iudæi  
& Græci: omnibus inuocandum est. *Sed quo-* *Vers. 14.*  
*modo inuocabunt, in quem non crediderunt? De*  
*Gentibus hic dicere videtur Doctor Gentium:*  
*repellens eos qui putabant genti tantum Iudæo-*  
*rum, non etiam Gentibus euangelium prædi-*  
*candum. Quod volens ostendere, non ad Iu-*  
*dæos tantum sed & ad Gentes pertinere, propo-*  
*suit quod de Propheta præmissum. Omnis qui-* *Isa. 2.*  
*cumque inuocaverit nomen Domini, saluus erit:*  
*ac deinde, quomodo, inquit, inuocabunt, in quem*  
*non crediderunt? Aut quomodo credent ei, quem*  
*non audierunt? Quomodo autem audient sine præ-*  
*dicante? Quomodo verò predicabunt, nisi mittan-*  
*tur? Sed missi sunt & prædicaverunt: sicut scri-*  
*ptum est. Quam speciosi pedes evangelizantium bo-* *Isa. 52.*  
*na.* Neque enim, quia Deus dat incrementū, ideo  
non est plantandū atque rigandū: hoc autē tra-  
mite reditur ad gratiā. Nisi enim gratia pvideas,  
prædicatores verò faciant credentes: non erunt  
qui salvi fiāt inuocantes. Ideo speciosi pedes evā-  
gelizantium pacē, evangelizantium bona: pacem,  
qua percepta remissione peccatorum Deo recō-  
ciliamur: bona, quæ filiis gratiæ promittuntur.  
Vel speciosi pedes, speciosa nobis vestigia relin-  
quentes: de cultu animi, de amore Dei, de con-  
temptu sæculi. Sed missi sunt evangelizantes;  
pauci verò inuenti sunt obedientes. Vnde sub  
verbis Prophetæ vox sequitur conuerentium di- *Vers. 16.*  
cens. *Domine, quis credidit auditui nostro? Quæ,* *Isa. 53,*  
*enim audjuimus à te, annuntiavimus eis; sed pau-*  
*ci sunt, qui obediunt nobis.* In hoc procedit om-  
nis verborum horum prolixitas, quia prosequi-  
tur Apostolus tristitiam suam magnam, & dolo-  
rem continuum cordis sui de Gentis suæ obca-  
catione, quam dissimulare non potest, agens pro  
illis, in quantum veritas & iustitia Dei conatib⁹  
ejus inuenitur non obistere: cui & ipse resistere  
non potest, resistente sibi obduratione perti-  
nacis malitiæ. Vnde & Deo coniunctus condō-  
nat quidem cæcam in illis multitudinem obdu-  
ratorum: sed in remedium doloris, sanctam ex  
eis electionis amplectitur raritatem. Ergo, in-  
quit, in eis, id est, paucis eorum, *fides ex auditu:*  
*auditus autem per verbum Dei.* Gloriatur autem

Vers. 18.

vel in paucis eorum profecisse studium prædicationum. Deinde cæteris omnem tollens excusationem, *Nunquid*, inquit, *non audierunt? Et quidem in omnem terram exiit sonus eorum: & in fines orbis terra verba eorum.* Si ergo omnes, & ipsi. Si gentes fines terræ inhabitantes audierunt: Iudæi habitantes in medio terræ, ubi salus facta est, quomodo se excusare possunt? *Sed dico. Nāquid Israël non cognovit?* Ac si dicat. Sed dicam, cur Israël non cognovit. Non autem ego, sed

Denter. 32.

*primus ante me Moyses, & in ipso Deus, dicit. Ego ad emulationem vos adducā in non gentem: in gentem insipientem in iram vos mittam.* Ac si dicat. Subtrahendo vobis, quam & vos abijcitis, gratiam meam, adduci vos permittam in emulationem & invidiam, quam habituri estis; in gentem, quam nec gentis nomine hætemus dignabimini: iam autem verè non gentem, id est, gentem esse desistentem, & quasi naturalem genituram erroris sui in nouam fidei genituram transmutantem. Mittamque vos in iram, quamquam caret invidia, in gentem hætenus insipientem, nilque de Deo sapientem; nunc autem in cognitione Dei vos præcedentem. Invidia ergo causa est maxima, cur Israël non cognouit. Epulante enim & gaudente cum patre iunior filio, senior intrare noluit. Isaias etiam licet pro confessione Dei & verbi Dei veritate moriturum se sciret: audet tamen in reprobationem Iudæorum vocationem gentium prædicare dicens.

Vers. 20.

Isa. 65.

*Inuentus sum à non quærentibus me; palam apparui his qui me non interrogabant.* Ecce manifestissima gratia. Dominum autem Deum præscium fuisse futurorum, & prædixisse credimus infidelitatem Iudæorum; non fecisse: quod sonare videtur verbum adductionis in emulationem. Sed non Deus propterea ad peccandum cogit: quia futura hominum peccata iam nouit. Ipsorum enim præsciuit peccata, non sua; non cuiusquam alterius, sed ipsorum. Quapropter, si ea quæ ille præsciuit ipsorum, non sunt ipsorum, non vera ille præsciuit. Sed quia fallitius præscientia non potest, sine dubio non alias, sed ipsi peccant, quos Deus peccaturos esse præsciuit. Fecerunt ergo peccatum Iudæi, quod eos facere non compulit, cui peccatum non placeret: sed facturos esse prædixit, quem nihil lateret. Et ideo si non malum, sed bonum facere voluissent, non prohiberentur: & hoc facturi præuiderentur, ab eo qui novit, quid quisque futurus, & quid ei sit præeius opere redditurus. Hoc interim de reprobatione Iudæorum.

Psalm. 58.

Porro de eis à quibus inuentus est non quæsitus, quid dicemus? Quid, nisi quod dicit, qui spiritum Dei habuit, *Misericordia ejus præueniet me?* Si tu ó quisquis ille es, qui de illis es, aliquid totum primū attulisti, & ex tuo aliquo bono primo misericordiam Dei promeruisti; non te præuenit. Sed ut esses, quid fecisti? Ut esses qui Deum inuocares, quid egisti? Si enim egisti aliquid ut esses, eras ergo priusquam esses. Porro si nihil omnino eras, priusquam esses: non promeruisti, ut esses. Fecit autem Deus ut esses; & tu fecisti, ut bonus esses? Si Deus dedit ut esses, & alius dedit ut bonus esses; melior utique qui dedit ut bonus esses, quam qui dedit ut tantum esses. Sed ipse à non quærentibus est inuentus, quia gratia ejus præueniens sensum aperuit, & non quærentibus palam apparuit. Quid ergo? Datur hominibus potestas filios Dei fieri: gra-

Gratia commendatio.

tias agant, quia data est potestas; orent, ne succumbat infirmitas. Nullum extollat nimia suæ voluntaris fiducia in superbiam, ut dicat; ut quid rogabo Deum, ne vincat à tentatione, cum hoc in mea positum sit potestate: nullum nimia sui diffidentia deiiciat in negligentiam, ut dicat, ut quid conamur bene viuere, quod in Dei positum est potestate: sed subditus fiat omnis mundus Deo. Qui trahitur, sequatur: qui non trahitur, oret, ut trahatur. Sequitur. *Ad Israël autem dicit.* Illud ad Gentes: hoc autem ad Israël. Illud quidem ad assumptionem Gentium: hoc autem ad reprobationem Iudæorum. *Tota die expandi manus meas ad populum non credentem, sed contradicentem mihi.* Sine, inquit Dominus, saturari filios. Non enim missus sum, nisi ad oves quæ perierunt domus Israël. Tota ergo die, id est, toto cum hominibus conuersationis suæ tempore expandit Dominus manus suas, quasi ad amplectendum populum Iudæorum; illis præcipue deputans & miraculorum suorum opera, quæ per manus designantur; & doctrinæ studiū, qua non credentes, sed contradicentes quasi vtraque sibi manu attrahere conatur. Et tanquam responderetur, ubi ergo sunt promissiones factæ ad Israël; continuò subjunxit. *Disco ergo. Numquid repulit Deus populum suum? Absit. Nā & ego Israelita sum, ex semine Abraham, de tribu Benjamin. Non repulit Deus plebem suam, quam præsciuit.* Atque ut ostēderet gratia Dei relictas esse reliquias, non meritis operum eorum, secutus adiunxit. *An nescitis in Elia, quid dicat Scriptura, quemadmodum interpollat Deum aduersum Israël? Domine Prophetas in nos occiderant, altaria tua suffoderunt: & ego relictus sum solus, & quærans animam meam. Sed quid illi dicit responsum dominum? Reliqui mihi septem millia virorum, qui non curauerunt genua sua ante Baal. Sic & in hoc tempore reliquia secundum electionem gratiæ salua facta sunt. Si autem gratia, jam non ex operibus: alioqui gratia jam non est gratia. Quid ergo? Quod quærebas Israël non est consecutus, electio autem consecuta est: ceteri verò excommunicati sunt.* Plebs Dei gens fuit Iudæorum, quorum adoptio, & gloria, & testamentū, & legislatio: plebs inquam, in qua præcesserunt omnia sacramenta Salvatore promittentia. Quid ergo? Totum illud damnatum est? Absit. Sed arcā ventilatā massa interposita est; palea foris jaceret. Quicquid vides Iudæorum reproborum, palea est. Qui præsciti & prædestinati sunt: repulsi non sunt. *Reliqui, inquit, mihi.* Quid est, reliqui mihi? Ego eos elegi; quia vidi mentes eorum non præsumentes de se: non de Baal. Non sunt mutati; sic sunt, ut à me facti sunt. Sic & nunc reliquæ secundum electionem gratiæ saluæ factæ sunt. Cave, Christiane, superbiam: licet enim sanctorum imitatoris, totum semper gratiæ deputa: quia ut aliquid reliquū esset in te, gratia fecit, non meritum tuum. De ipsis enim reliquijs loquitur Propheta. Si de tuis meritis præsumis, vel operibus: non jam tibi gratia redditur, sed merces debetur. Si autem gratia, jam non ex operibus: alioqui gratia jam non est, gratia. Quid autem est, secundum electionem gratiæ? Mali etiamus, & electi sumus: ut boni per gratiam eligenti simus. Gratia enim non inuenit, sed efficit meritum. *Quid ergo? Quod quærebas Israël, non est consecutus? Quid est, quod quærebat Israël, quod non est consecutus? Iam*

Vers. 21.

Matth. 15.

Caput 11.

V. 1. &amp; 2.

V. 3. &amp; seq.

3. Reg. 19.

Electio ad gloriam ex merito.

Vers. 7.

Ee 11j

Potuerunt  
Iudaei crede-  
re, sed nolun-  
runt.

Vers. 8.

Isa. 6.

Psalm. 63.

Mensa In-  
deorum ve-  
tus testamē-  
tum est.

Vers. 12.

superius dixerat: quia sciendo legem iustitiae, in legem iustitiae non peruenit. Quare? Quia non ex fide, sed ex operibus. Scetabatur enim legem operum: & in ea quaerendo iustitiam, non eam est consecutus: electio autem tam ex Iudaeis quam ex Gentibus in lege gratiae, in lege fidei, in lege spiritus vitae consecuta est. Ceteri autem quia credere noluerunt, cum possent, excæcati sunt: id est, facti qui non possent. Quia enim voluntate peccauerunt, etiam in voluntate puniti sunt: ut quia scienter verum dixerunt falsum, postea nec veritatem ipsam possent intelligere. Hoc enim non simplicitatis ignorantia: sed pravae voluntatis meretur inuidia. Ideo dedit illis Deum spiritum compunctionis. Ista compunctio, damnata est conscientiae poenalis afflictio: de qua supra dixit. His autem qui sunt ex contentione, ira, & indignatio, &c. Dammati enim ad infernum gehennae, primum hic cruciantur in inferno conscientiae, non habentes iustitiam quae secundum Deum est, poenitentiam in salutem stabilem operantem: sed desperationem diabolicam mortem aeternam operantem. Hoc autem testimonium unde assumptum sit, non satis apparet: nisi forte de Isaia, ubi dicit. Vade, & dic populo huic. Aure audietis, & non intelligetis: & videntes videbitis, & non videbitis. Incurassum est enim cor eorum, usque ad conclusionem oculorum interiorum, & obturationem aurium: ut jam nec videre possint, nec audire; quia cum potuerunt, noluerunt. Et David dicit. Fiat mensa eorum coram ipsis in laqueum, & in captionem, & in scandalum: & in retributionem eorum ipsis. Mensa Iudaeorum, Scriptura est veteris testamenti, in qua de Moyse & Prophetis diuersa fercula apponuntur. Quae illis sit in laqueum: cum spiritualia nulla curantes, carnalia sibi tantum in Scripturis repromitti arbitrantur. Quare verò coram ipsis? Iniquitatem enim suam nouerunt: & tamen in ea pertinacissime perseverant: tantumque valet animi praesumptio, ut coram ipsis sit laqueus, & tamen incidant in eum. Vnde & sequitur. Obscurentur oculi eorum ne videant: ut quoniam sine causa viderunt, fiat in eis, ut nec videant. Quod autem dicit, Prophetantis est, non operantis: non ut fiat; sed quia fiet. Fiat eis in scandalum: quia videntes Dominum passibilem, scandalizati sunt. Et dorsum eorum incurua: ut qui noluerunt caelestia cognoscere, jam non nisi terrena cogitare. Vnde & a loco, quem ne perderent, Christum occiderunt, infelicitate turbati & dispersi per terras, ubique quaquà Ecclesia dilatata est, non desunt: & de Scripturis suis testimonio nobis sunt, quia quae de Christo praedicantur, nos non confinximus: sed in eorum libris inveniuntur. Cum ergo obsecrati nostris Scripturis non credunt: complentur in eis suae, quas caeci legunt, Dico ergo. Numquid sic offenderunt, ut caderent? Absit. Est casus, quo iustus septies cadit, & resurgit: & est casus, de quo qui cadit, non adicit ut resurgat: sicut cecidit Lucifer de caelo casu aeternae desperationis: hoc casu absit, inquit, ut ceciderit Israël: cum adhuc apud eos meditatio legis permaneat: & zelus Dei, licet non secundum scientiam. Casus enim Iudaeorum habet resurrectionem: & auersio conversionem. Quomodo? Sequitur & dicit. Sed illorum delicto salus Gentibus facta est, ut illos amularentur. Non enim casus eorum usquequaque inutilis inventus est: quia unde ipsi ceciderunt,

inde alij surrexerunt. Vnde & casum eorum delicti nomine quasi clementius voluit appellare. Delictum ergo eorum salus est Gentibus, ut illos amularentur: id est, ut sicut nunc Gentes apud Iudaeos invenerunt, in quo saluentur: sic & Iudaei aliquando agnita veritate, in salutem suam Gentes amularentur. Quod si delictum eorum diuitia sunt mundi, & diminutio eorum diuitiae Gentium: quanto magis plenitudo eorum? Delictum Iudaeorum diuitiae mundi sunt: quia in eorum delicto pars Domini factus totus mundus: cum primum in constitutione terminorum mundi solus Iacob constitutus fuerit funiculus hereditatis ejus. Quod si diminutio eorum diuitiae sunt Gentium: quanto magis plenitudo eorum? Quod enim Iudaeis diminutum est, & ablatum: hoc Gentibus additum est & collatum. Et bene ad diminutionem plenitudo reddita est: quia quamdiu Israël in incredulitate permanet, nondum plenitudo portionis Dei potest dici completa; quam conuersione sua ipse complebit. Vobis enim dico Gentibus. Quamdiu quidem ego sum Gentium Apostolus, ministerium meum honorificabo: si quomodo ad amulandum provocem carnem meam, & saluos facia aliquos ex illis. Cum enim per uigilem curam & iugem sollicitudinem erga doctrinam Gentium Apostolus gerebat, & conuersionem earum probabilem exhibebat: videntes hoc Israelitas ad emulationem proficientium prouocabat. Et haec erat magna ministerij eius glorificatio: alterum per profectum alterius suscitare ad profectum. Si enim amissio eorum reconciliatio est mundi: quae assumptio, nisi vita ex mortuis? Si abiectio gentis illius reconciliationem mundo praestitit: si tanta in eis fuit gratia, quae ablata ab eis, & data Gentibus, totum mundum impleuit: aestimari non potest, quid sit illud, quod ex reconciliatione eius mundus accepturus sit. Quae erit assumptio eorum: nisi vita ex mortuis? Nunc enim interim ad vitam ex mortuis proficientibus, varij annuntiantur profectus: tunc autem ipsa perfectio. Tunc enim, in fine scilicet mundi, generalis eorum futura est assumptio: cum in omnibus fidelibus celebris illa resurrectio fiet, qua mortale induet immortalitatem: & corruptio incorruptionem. Quod archa.

Vers. 12.

Vers. 13.

Vers. 14.

Vers. 16.

Bona oliua

sancti Patri

archa.

Vers. 17.



inferit in oliuam oleastrum: Oliua potius inferi solet in oleastro, oleastrum in oliua numquam vidimus. Nam quisquis fecerit, non inueniet baccas oliuæ, sed oleastri. Quod enim inferis, hoc crescit: & ejus fructus est. Non enim crescit radicis fructus, sed surculi. Hoc ostendens Apostolus, omnipotentia sua Deū fecisse, ut oleaster in radice oliuæ infereretur, ut non baccas siluestres, sed oliuam redderet: ad omnipotentiam Dei reuocans ait. *Quod si aliqui ex ramis fracti sunt; tu autem cum oleaster es, insertus es in illis, & socius radicis & pinguedinis oliuæ factus es; noli gloriari aduersus ramum.* Noli gloriari quia insertus es: sed time, ne per infidelitatem frangaris, sicut illi fracti sunt. Oliua superba digna frangi, fuit, quæ dixit. *Nos de seruitute non sumus nati: unum patrem habemus Abraham.* Audi & oleastrum dignum inferi. *Non sum dignus,* ait, *ut intres sub testum meum.* Centurio alienigena fuit, qui hoc dixit: de quo & Dominus dixit. *Non inueni tantam fidem in Israel.* In oliua non inueni; quod inueni in oleastro. Ergo oliua superba succidatur: & oleastrum humile inseratur. Deinde vide præcedentem & inferentem. *Multi veniunt ab Oriente & Occidente: & reuerbentur cum Abraham Isaac & Jacob, in regno celorum.* Nō ergo superbè gloriemur aduersus fractos ramos; sed poti⁹ cogitem⁹, cui⁹ gratia & quāra misericordia, & in qua radice inserti sumus: ut nō alta sapiamus, sed humilibus consentientes sim⁹. *Quod si gloriaris, non tu radicem portas, sed radix te.* Nihil enim habes, quod non accepisti. Et si insultas fractioni ramorum: non tu radicem portas, sed radicem te, cui insultas. Talibus enim insultantibus dicit. *Dicis ergo, Fracti sunt rami, ut ego inserar. Bene, propter incredulitatem fracti sunt: tu autem fide sta.* Amputatis propter infidelitatis superbiam naturalibus ramis, tu fide sta; ut deputeretur tibi fides ad iustitiam: & impleatur in te, non quod postulat meritum tuum; sed quod à Domino promissum est beneficium. *Noli altum sapere; sed time.* Inest enim gratiæ timor suus. Timor iste præcipitur, etiam ijs qui ex fide viuentes hæredes sunt noui testamenti: atque in libertatem vocati. Alium enim sapere superbire est. Timorem hunc non delectat iniquitas: etiam si proponatur impunitas. Hoc enim tantū timet, ne amittat ipsam gratiam: per quam in ea factum est, ut eam non delectet peccare. Qui enim altum sapit, & ideo non timet: utique pernitiosè non timet. Quid enim boni amat: qui forte hoc ipsū, ppter hoc ipsū amat, nō timere? Potest enī hoc persuadere sibi aliquis nō sanitate, sed immanitate. Nam propter hoc ipsū quia amat non timere: ut quod amat exerceat, ingentia facinora molitur. Non ergo hoc pro magno bono habendum est, quod in homine pessimo inueniri possibile est. Quapropter timeat Christianus, antequam perfecta charitas foras mittat timorem. Deinde proficiendo tādō minor efficiatur timor, quāto patriæ quod rēditur, propinquior. Maior enim timor debet esse peregrinantium, minor propinquantium, nullus peruenientium. Sed & timor perducit ad charitatem: perfecta verò charitas foras mittit timorē. *Noli ergo altum sapere, sed time.* Si enim Deus naturalibus ramis non pepercit: ne forte nec tibi parcat. Superbis enim resistit: humilibus autē dat gratiam. *Vide ergo bonitatem & senioritatem Dei: in eos quidem qui ceciderunt senioritatem: in te au-*

*tem bonitatem Dei, si permanseris in bonitate.* Salubriter scriptura non solum bonitatem Dei, sed & seueritatem commendat: quoniam & amatur Deus utiliter, & timetur. Itaque sanctis Patriarchis in radice sua viuentibus, infidelis superbia naturalium ramorum iustā Dei seueritate confringitur: & fidelis humilitas oleastri gratia diuinæ bonitatis inferitur. Quicumque ergo insereris; vide, ut dictum est, bonitatem & seueritatem Dei. Sicut enim omnis materia corporalis, cū sine dubio vni⁹ naturæ sit, per accidētes sibi qualitates diuersas species profert corporū, siue in hominibus, siue in animalibus, siue in arboribus, siue in herbis: ita & cum omnium rationalium vna natura sit, arbitrij proprii libertate æqualiter donata, vniuscuiusque motus proprii ex arbitrij libertate probati, vel ad virtutem vel ad libidinem subiectam sibi animam perducētes, vel præeunte gratia Dei in bonæ eam arboris speciem formant: vel proprio vitio in malam arborem deformant. Vnde & dominus, ut ostenderetur bonæ fieri, nō nasci; aut facite, inquit, *arborem bonam, & fructus ejus bonos: aut facite arborem malam, & fructus ejus malos.* Alioquin & tu excideris, sed & illi si non permanserint in incredulitate inserentur. Potest enim Deus inserere illos. Nam si tu ex naturali excisus es oleastro, & contra naturam insertus es in bonam oliuam: quanto magis i qui secundum naturam inserentur sua oliua? Sicut enim, ut dictum est, corporale naturam causæ exterioris accidentes in diuersas formant effigies: sic rationale animam vel gratia Dei quasi originaliter format in oliuam, vel oleastrum facit in eam transire: vel econtrario agit liberi arbitrij abusio. Equè enim potens est Deus operari & in Iudzorum oliua, & in gentium oleastro. *Nolo enim vos ignorare fratres mysterium hoc, ut non sitis vobis ipsis sapientes.* Quia cecitas ex parte contigit in Israel, donec plenitudo gentiū intraret; & sic omnis Israel saluus fieret. De ruina alterius gaudere periculosum est; insultare verò, imminētis ruinæ suæ indicium est. Propter quod timens Apostolus infirmioribus discipulis ex gentibus, occultum hoc mysterium de salute Iudzorum eis reuelat: ne scilicet omnino eos alienatos esse à Deo arbitrentur: tum quia in eis non nisi ex parte cecitas contigerat: tum quia ipsa gentium plenitudo sine generali eorū conuersione compleri non poterat. Porro in semetipsis sapientes sunt: quibus, cū alios iudicant, occultorum iudiciorum Dei neglecta formidine, in quamdam quasi certitudinem salutis suæ sapiunt rationes meritorum suorum. Cæcitas enim facta est in Israël, facientibus peccatis eorum, ut plenitudo gentium intraret: quæ ingressa cecitatem in eis cessare necesse est. Quod quomodo fiat, subdit dicens. *Veniet ex Sion qui eripiat & auertat impietatem ab Iacob, & hoc illis à me testamentum, cum abstulero peccata eorum.* Veniet ex Sion de quo scriptum est; *ex Sion species decoris ejus:* qui eripiat à possessione inimici plenitudinem gentium, & auertat impietatem ab Iacob; ut iam non inuideat gentibus, sed æmulentur eas in bonum. *Et hoc illis à me testamentum.* Additque Apostolus de suo, quod in Propheta non habetur, *cum abstulero peccata eorum:* quia sicut dicitur de gentibus illis, nondum completærat iniquitas Amorrhæorū & Gomerorū: sic usque ad tempus illud non complebuntur vel auferentur iniquitates Iudzorum. Quæ autem

*Deus utilis:  
ter amatur  
& timetur.*

*Libertas  
arbitrij ad bonum  
& ad malum.*

*Matth. 22.*

*4. 22. & seq.*

*Vers. 29.*

*Quinam in  
se ipsis sapit-  
tes.*

*Vers. 26.*

*Psalm. 49.*

*Vers. 27.*

*Genes. 15.*

*Elias ante  
Iudiciū vlti-  
mum ven-  
turus.*

*Malac. 4.*

*Vers. 28.*

*Libertas ad  
malum.*

*Act. 4.*

*Vers. 28.*

*Vers. 7.*

*Duplex vo-  
catio Dei.*

*Matth. 20.*

sic, plenitudinis gentium quantitas, antequam non auferatur Iudæorum iniquitas: quis etiam sit iste omnis Israël qui saluus fiet, occulta sunt mysterij, quod Apostolus ex parte vult sciri, & ex parte permittit nesciri. Nam ex primo aduentu Domini humili cæcitas facta est in Israël. Ex secundo omnis Israël saluus fiet. Per Eliam namque magnum mirabilemque Prophetam, exposita sibi lege ante iudicium in vltimo tempore Iudæos in Dominum Iesum esse credituros, celeberrimum est in sermonibus cordibusque fidelium. Ipse quippe ante aduentum iudicis speratur esse venturus, usque ad tempus illud viuens in carne referuatur. Exponet autem legem spiritualiter: quam nunc Iudæi; obseruāt carnaliter. & conuertet corda patrum ad filios: id est, ut filij sic intelligant legem, sicut eam intellexerunt patres eorum Prophetæ, in quibus & Moyses fuit. Sic enim cor patrum conuertitur ad filios, cum intelligentia patrum perducitur ad intelligentiam filiorum, & cor filiorum ad patres eorum: dum quod senserunt illi, sentiunt & isti. Secundum euangelium quidem inimici propter vos: secundum electionē autem carissimi propter patres. Quid est, secundum euangelium inimici propter vos: nisi quod eorum inimicitia, qua occiderūt Christum, in Evangelio, sicut videmus, profecit? Et hoc ostendit ex Dei dispositione venire, qui bene novit uti etiam malis: non quodd illi profint vasa iræ, sed ipso eis bene vtente profint vasis misericordiz. Est enim in malorum potestate peccare: ut autem peccando hoc vel hoc illa malitia faciant, non est in eorum potestate, sed Dei diuidentis tenebras & ordinātis eas: ut hinc etiam quod faciunt contra voluntatē Dei, non impleatur nisi voluntas Dei. Legimus in Actibus Apostolorum eos in persecutione orantes & dicentes post aliquanta. *Conueniunt enim in civitate ista aduersus sanctum puerum tuum Iesum quem unxisti, Herodes & Pilatus & populus Israël, facere quanta manu tua & consiliū prædestinasti fieri.* Ecce quod dictum est, secundum euangelium quidem inimici propter eos. Tanta quippe ab inimicis Iudæis manus Dei & consiliū prædestinasti fieri: quanta necessaria fuerunt Evangelio propter nos. Sed quid est, quod sequitur, secundum electionem vero carissimi propter patres? Numquid iidem inimici, iidemque carissimi? Absit. Sed vtrumque licet inter se contrariū, id est & inimici & carissimi, quamvis non in eosdem homines, tamen in eandem conuenit gētem Iudæorum, & ad idem carnale semen Israël: alijs eorum ad claudicationem Iacob, alijs ad benedictionē Israël pertinentibus. Hunc sensum apertius superius explicauit, vbi ait. *Quod quarebat Israël non est consecutus, electio autem consecuta est: ceteri vero excacati sunt.* Vbi audimus, electio consecuta est, ibi intelligendi sunt carissimi propter patres, quibus ista promissa sunt. Ij enim non illa vocatione vocati sunt, qua dictum est; *multi vocati, pauci vero electi*: sed illa, qua vocantur electi. Vnde & hic subditur: *sine penitentia enim sunt dona & vocatio Dei*: id est sine mutatione stabiliter fixa sunt. Quicumque ad hanc vocationem pertinent omnes sunt docibiles Dei: nec potest quisquam eorum dicere; credidi, ut sic vocarer; sed præuenit omnes gratia Dei; quia sic sunt vocati, ut crederent. Omnes enim docibiles Dei veniunt ad filium, quoniam audierunt & didicerunt à patre per filiū,

qui euidentissimè dicit. *Omnis qui audit à patre & didicit, venit ad me.* Istorum nemo perit, quia omne quod dedit ei Pater, non perdit ex eo quicquam: *sine penitentia enim sunt dona & vocatio Dei.* Ij sunt, quibus dicitur, *ut eatis & fructum, afferatis & fructus vester maneat.* Quibus verbis non solum iustitiam, sed etiam in ea perseuerantiam se ijs dedisse ostendit. *Sicut enim aliquando & vos non credidistis, nunc autem misericordiam consecuti estis propter illorum incredulitatem: ita & isti nunc non crediderunt in vestram misericordiam, ut & ipsi misericordiam consequantur.* Profundiores iam hic causas exponit incredulitatis non credentium. Scilicet quia sicut gentes olim non credentes, non tamen penitus derelictæ sunt, sed occasione accepta ex naturalium fractione ramorum, ipsi oliuæ ex oleastro contra naturam inserti sunt: sic postquam plenitudine gentium impleta fuerit dispensatio, & ipsi misericordiam consequentur. In quo volens Apostolus bonitatem Dei ostendere, quæ ex incredulitate aliquorum, aliorum salutem facit: *conclusit, inquit, Deus omnia in incredulitate, ut omnium misereatur.* Vnde sibi quidam male intelligentes blandiuntur: sed quos omnes dicat, circumstantia lectionis demonstrat. De Iudæis enim agit & gentibus, ex quibus quos præciuit & prædestinasti conformes fieri imaginis filij sui, in infidelitate conclusit, ut de amaritudine infidelitatis suæ penitendo confusi & ad dulcedinem misericordiz Dei credendo conuersi clamarent illud de psalmo. *Quam magna multi-  
tudo dulcedinis tua Domine, quam abscondisti timentibus te.* Perfecisti eis qui sperant in te non in se. Omnium itaque misereretur vasorum misericordiz, quorum omnium? & eorū scilicet quos ex gentibus, & eorum quos ex Iudæis prædestinasti, vocauit, iustificauit, glorificauit. Non omnium hominum, sed istorum omnium neminem reliquit. *O altitudo dimittiarum sapientia & scientia Dei: quam incomprehensibilia sunt iudicia ejus, & inuestigabiles via ejus. Quis enim cognouit sensū Domini, aut quis consiliarius ejus fuit? Aut quis prior dedit illi & retribuetur ei? Quoniā ex ipso & per ipsum & in ipso sunt omnia: ipsi gloria in secula seculorum amen.* Præmissa profundissimā sententiā de gratuita gratia Dei nullis præcedentibus meritis non iniquā, quæ non tā mouet cum præstatur indignis, quā cum æquē alijs indignis denegatur: cur hunc, cur non illum electio vocet, quasi altissimi cuiusdam secreti adytum pulsans: quia per cognitionem ad interiora admitti non valuit, per humilem confessionem ante ianuam humilis stetit: & quod intus intelligendo comprehendere non valuit, foris timendo laudauit. Et nos ergo, in quantū iudicia sua nobis manifestare dignatus est, gratias agamus: in quantum abscondere, non aduersus eius consiliū murmuremus, sed hoc quoque saluberrimum nobis esse credamus. Neque enim frustra dictū est, *iudicia tua abyssus multa.* Cujus abyssi altitudinem expauescens iste Apostolus sic exclamauit. Inde sunt diuitiæ gloriæ eius in vasa misericordiz, quæ vocat in adoptionē: quas notas vult facere etiā per vasa iræ, quæ apta sunt in interitum. Viæ vero inuestigabiles, ipsæ sunt de quibus in psalmo canitur: *uniuersa via Domini misericordia & veritas*: misericordia, quoniā cuius vult misereretur, non in iustitia, sed in misericordiz gratia: & quæ vult indurat, non

*Ioann. 6.*

*Vers. 29.*

*Ioann. 15.*

*Vers. 30.*

*Vers. 32.*

*Psal. 30.*

*v. 33. & seq.*

*Abyssus præ-  
destinationis*

*Psal. 35.*

*Psal. 24.*

non in iniquitate, sed in veritate vindictæ. Quæ tamen misericordia & veritas sic sibi occurrunt, vt nec misericordia impediatur veritatē, qua plebitur dignus; nec veritas misericordiam, qua liberatur indignus. Nulla ergo sunt merita iustorum: Sunt plane, quia iusti sunt: sed vt iusti fieret, merita non fuerunt. Iusti enim facti sunt, cum iustificati sunt. Valde ergo paruum sensum habemus ad discutienda iudicia Dei, & iustitiam eorum: apud quem sicut non est impossibilitas, sic nec iniquitas esse credenda est: cum superbis resistit, humilibus autem dat gratiam. *O altitudo.* Altitudo hæc non est quantum distat cælum à terra; quia & cælum & terra temporalia & localia sunt: sed quantum distat Deus ab omni temporali & locali creatura: quod omnes creaturæ sunt. Nullius igitur creaturæ attingitur sensu, comprehenditur intellectu, altitudo sapientiæ Dei, in qua facta sunt omnia: in qua cum omnia fiant, non tamen eam inquinant peccantia; in quam nihil incurrit inquinatum, cum ipsa attingat omnia propter suam munditiam. cum autem ipse sit sapiens, & generans de se sapientiam: quæritur vtrum per se ipse sibi sit sapiens, an per eam quam de se gignit sapientiam: an ita sit sapiens, quemadmodum dicens. Verbo enim quod genuit, dicens est. Sed si pater qui genuit sapientiam, ex ea est sapiens, neque hoc illi est esse, quod sapere: qualitas ejus est, non proles filius. Etiam non ibi est summa simplicitas. Sed absit vt ita sit, quia ibi verè est summè simplex essentia. Hoc ergo ibi est esse, quod sapere. Quod si hoc est ibi esse, quod sapere; non per illam sapientiam quam genuit, sapiens est pater. alioqui non ipse illā, sed illa eum genuit. Quid enim aliud dicimus, cum dicimus, hoc illis est esse quod sapere: nisi eo est sapiens, quo est? Quapropter quæ causa illi est, vt sapiens sit; ipsa illi causa est, vt sit. Ergo & pater ipsa sapientia est; & ita dicitur filius sapientia patris, quomodo dicitur lumen patris: id est, vt quemadmodum lumen de lumine, & vtrumque vnum lumen: sic intelligatur sapientia de sapientia, & vtraque vna sapientia. Ergo & vna essentia, quia hoc est ibi esse, quod sapere. Quod enim sapientiæ sapere, & potentia posse & æternitati æternam esse: hoc est essentia ipsum esse. Et quia in illa simplicitate nō est aliud sapere quàm esse: eadem sapientia est quæ essentia. Pater igitur & filius simul vna essentia, & vna magnitudo, & vna veritas, & vna sapientia. Hoc autem, & hujusmodi quæ Dei sunt, nemo cognouit nisi spiritus Dei; qui sic in Deo est per vnitatem naturæ, vt non sit aliquid in Deo, quod non possit spiritus eius naturali vnitatem cognoscere. Istā quippe plenitudinem cognitionis sola possidet vnitatis naturalis; per quam sic est in Deo spiritus eius, vt vnus cum eo sit naturaliter Deus. Qui tamen sic in Deo est, & vnus cum illo Deus est, vt non cum eo vnā personam habeat: sicut habet cum homine spiritus hominis, qui in ipso est: & vna sit in trinitate persona. Trinitas enim Deus vnus eiusdemque naturæ atque substantiæ: non minor in singulis, quàm in omnibus. Nec maior in omnibus, quàm in singulis: sed tanta in solo Patre, vel in solo Filio, quanta in Patre simul & Filio: & tanta in solo Spiritu sancto, quanta simul in Patre & Filio & Spiritu sancto. Neque enim pater vt habeat Filium de seipso, minuit seipsum: sed ita

genuit de se alterum se: vt totus maneret in se, *Pater genuit & esset in Filio tantus, quantus in se.* Similiter Spiritus sanctus integer de integro, non præcedit vnde procedit: sed tantus cum illo, quantus ex illo: nec minuit eum procedendo, nec auget hærendo. Et hæc omnia nec confusè vnū sunt, nec distinctè tria sunt: sed cum sint tria, vnum sunt; cum sint vnum, tria sunt. *Ea sunt diuitiæ sapientiæ Dei: quia scire Deum Patrem, & quem misit Iesum Christum, ipsa vita æterna est.* Nemo autem nouit Patrem nisi Filius: & nemo nouit Filium, nisi Pater; & cui voluerit ipse revelare. Voluerit vtiq; per Spiritū sanctū. Volūtas Patris & Filij Spiritus sanctus est Sapientiæ huius providentia vel scientia vel iudicia sic sunt super vnā animā, sicut super vnā vrbē: sic super vnā gentē sicut super vniuersam humani generis multitudinē: quia sic intendit Dñs singulis, ac si vacet à cunctis: & sic simul intendit omnibus ac si vacet à singulis. Hic est sensus, de quo dicit. *Quis enim cognouit sensum Domini?* Qui enim omnia administrando implet, regit implendo: nec cum vnū disponit, deest vniuersis: nec deest vni, cum disponit vniuersos. Cuncta scilicet naturæ suæ potentiā quietus operatur. Est enim Filius de Patre vt sit, atque vt illi coæternus sit. Imago quippe si perfectè impleat illud cuius imago est, ipsa coæquatur ei non illud imagini suæ. Vbi iā est tanta congruentia, & prima æqualitas, prima similitudine, nulla in re dissidens, & nullo modo inæqualis & nulla ex parte dissimilis: sed ad identitatem respondens ei, cuius imago est. Vbi est prima & summa vita, cuius non est aliud intelligere, & aliud viuere: sed id quod est intelligere, hoc est & viuere, hoc & esse est. Vnū omnia tamquam verbum perfectū, cui non desit aliquid, & ars quædā omnipotentis ac sapientis Dei plena omnium rationum viuientium incommutabilium: & omnes vnum in ea, sicut ipsa vnum de vno, cum quo vnum. Vbi nouit Deus omnia quæ fecit per ipsam, ideo cum decedant & succedant tempora, non decedit aut succedit aliquid scientiæ Dei. Non enim hæc quæ creata sunt, ideo sciuntur à Deo, quia facta sunt: ac nō potius ideo facta sunt mutabilia, quia immutabiliter à Deo sciuntur. Hæc est inastimabilis illa altitudo diuitiarum sapientiæ & scientiæ Dei: ille verò ineffabilis complexus quidam Patris & imaginis non est sine perfruitione, sine charitate, sine gaudio. Illa ergo dilectio, delectatio, felicitas vel beatitudo, si tamen aliqua humana voce dignè dicitur, est in Trinitate Spiritu sanctus, non genitus, sed genitoris, genitique suauitas, ingenti largitate atque vbertate perfundens omnes creaturas pro capite earum; vt ordinem suum teneant, locis suis acquiescant. Qui videt hoc vel ex parte, vel per speculum & in ænigmate, gaudeat, in quantum videt hoc, intantum cognoscens sensum Domini, & gratias agat: qui autem non videt, tendat per pietatem ad videndum, ad amandum; non per cæcitatem ad calumniandum; prauus consiliarius summæ æquitatis ordinem corrigere volens ad arbitriū suæ voluntatis: quem omnes creaturæ vel tenet, vel non effugiunt, si locis à Deo positis non acquiescunt. Sequitur. *Quis prior dedit illi, & retribuetur ei?* Aliter dicitur homini, debes mihi quia promisti mihi: aliter debes mihi, quia dedi tibi. Quando dicis debes mihi quia dedi tibi, à te processit beneficium, sed mutuatum, non

Merita iustorum.

Pater non est sapientiæ genitrix sapientis.

Deus nō est maior in omnibus personis, quàm in singulis.

Ioann. 17.

Matth. 11.

Vers. 34.

Idem sum in Deo intelligere, viuere, & esse.

Vers. 35.

bet Deus  
ia pro-  
misit.

donatum: quando autē dicis, debes mihi, quia promissisti mihi; tu nihil dedisti, & tamen exis. Bonitas enim eius qui promissit dabit: ne in malitiam fides convertatur. Qui autē fallit, malus est. Deo autem nunquid dicimus, redde mihi, quia dedit tibi? Quid dedimus Deo, quando totum quod sumus, & quod habemus boni, ab ipso habemus? nihil ergo ei dedimus. Hoc ergo modo possumus exigere Dominū Deum nostrum, ut dicamus. Redde quod promissisti, quia fecimus quod iussisti: & hoc tu fecisti, qui laborantes iuvisti. Vide enim quā tibi prior dederit Deus, quid tibi fecit, cum prædestinavit te, qui nondum eras. Nempe quod dicit Apostolus, *qui vocat ea quæ non sunt, tamquam ea quæ sunt*. Si iam esses, non prædestinaretis: nisi auersus esses, non voceris; nisi impius esses, non iustificaretis: nisi terrenus esses & abjectus, nō glorificaretis. Quid ergo reddimus? *Ipsi gloria*, quia non eramus, quando sumus prædestinati: quia auersi eramus quando sumus vocati: quia peccatores eramus, quando sumus iustificati. Pro ijs omnibus agam⁹ Deo gratias, ne simus ingrati. *Quoniam ex ipso, & per ipsum, & in ipso sunt omnia: ipsi gloria in sacula sæculorū Amen*. Religiet nos religio vni ōnipotēti Deo. Quia inter mentē nostrā, quā illum intelligim⁹ Patrem, & veritatem, id est lucem interiorem, per quam cum intelligimus, nulla interposita creatura est. Quare ipsam quoque veritatem nulla ex parte dissimilem in ipso & cum ipso veneremur, quæ forma est omnium quæ ab vno facta sunt, & ad vnum nituntur. Vnde apparet spiritualibus animis, per hanc formam facta esse omnia: quæ sola implet, quod appetunt omnia. Quæ tamen omnia neque fierent à Patre per Filium, neque

luis finibus salua essent, nisi Deus sumē esset, qui & nulli naturæ, quæ ab ipso bona esse possent, invidit: & in bono ipso alia quantum vellent, alia quantum possent, ut manerent, dedit. Quare ipsum donum Dei cum Patre & Filio æquē incommutabile colere & tenere nos conuenit, vniūque substantiæ Trinitatem vnum Deum à quo sumus, per quem sumus, in quo sumus: à quo discessimus, cui dissimiles facti sumus, à quo perire non permisi sumus: principium ad quod recurrimus, formam quam sequimur, gratiam qua reconciliamur: vnum quo auctore cōditi sumus, & similitudinem eius, per quam ad vnitatem reformamur, & pacem qua vnitati ad hæremus. Hæc est res, qua sola frui debemus, Trinitas sancta: si tamen res, & non rerum omnium causa: si tamen & causa. Non enim facile nomen, quod tantæ excellentiæ conueniat, inueniri potest: nisi quod melius ita dicitur Trinitas hæc vnus Deus, ex quo omnia, per quem omnia, in quo omnia. Ita Pater, & Filius, & Spiritus sanctus, & singulus quisque horū Deus, & simul omnes vnus Deus: & singulus quisque horum plena substantia & simul omnes vna substantia. Pater tamen nec Filius est, nec Spiritus sanctus: Fili⁹, nec Pater est, nec Spiritus sanctus: Spiritus sanctus nec Pater est, nec Filius. Eadē tribus æternitas, eadem incommutabilitas, maiestas, potestas. In Patre vnitatis, in filio æqualitas, in Spiritu sancto vnitatis æqualitatisque connexio. Et tria hæc vnum omnia propter Patrem, æqualia propter Filium, connexa per Spiritum sanctum. Non ergo confusē accipiendum est, *ex quo omnia, per quem omnia, in quo omnia*: nec dijs multus, sed *ipsi gloria in sacula sæculorū amen*.

Rom. 4.

v. 36.



## LIBER SEPTIMVS

Capit. 12.



**S**ECRO i taque vos fratres, per misericordiam Dei, ut exhibeatis corpora vestra hostiam viventem, sanctam Deo placentem, rationabile obsequium vestrum. Verum sacrificium est omne opus bonū quod agitur, ut sancta societate inhæream⁹ Deo: relatum scilicet ad illum finem boni quo veraciter beati esse possimus. Vnde & ipsa misericordia, si non propter Deum sit, non est sacrificiū. Sacrificium enim res diuina est. Vnde ipse homo Dei nomine consecratus & Deo votus, in quantum mundo moritur, ut Deo viuat, sacrificium est. Corpus etiam nostrum, cum illud temperantia castigamus, quemadmodū debemus, & propter Deum id facimus, sacrificium est, ad quod hic nos Apostolus hortatur. Si ergo corpus quo inferiore tāquā famulo, vel tāquā instrumēto vititur anima, cum ejus rectus & bonus vsus refertur ad Deum, sacrificium est: quanto magis ipsa anima cum se refert ad Deum, ut amoris ejus igne succensa formam concupiscentiæ secularis amittat, eique tamquam incommutabili formæ subdita reformetur, hinc ei placens, quod ex pulchritudine ej⁹ acceperit: sit sacrificiū. Quod ipse Apostolus consequenter adiungens, & nolite, inquit, conformari huic sæculo: sed reforma-

mini in nouitate sensus vestri; ut probetis quæ sit voluntas Dei bona, & beneplacens, & perfecta. Cum igitur vera sacrificia opera sint misericordiæ, siue in nos ipsos, nam, *miserere*, inquit, *anima tua placens Deo*; siue in proximos, quæ referuntur ad Deum: opera verō misericordiæ nō ob aliud fiant, nisi ut à miseria liberemur, ac per hoc ut beati simus: quod non fit nisi bono illo, de quo dictū est, *Mihi autē adharere Deo bonū est*: profectō efficitur, ut tota congregatio societasque sanctorum, vniuersale sacrificium offeratur Deo per sacerdotem magnum, qui etiam semetipsum obtulit in passione p nobis, (ut tati capitis corpus essemus,) secundū formam serui: hanc enim obtulit, in hac oblatas est, quia in hac mediator est, in hac sacerdos, in hac sacrificium. *Ut probetis, quæ sit voluntas Dei bona, beneplacens, & perfecta*. Tribus modis voluntatem Dei meremur cognoscere, vacando scilicet, & videndo, quoniam ipse est Deus: & firmissime credendo, quia omne verbū Dei verum est, (nisi enim credideritis non intelligetis:) & ipsum verbum Dei que voluntatem pro viribus implendo. Est autem voluntas Dei alia bona, alia beneplacens, alia perfecta. Voluntas Dei bona est, cum impletur quod dicitur, *misericiordiam volo & non sacrifici-*

Eccli. 30.

Psal. 72.

Quibus modis mereamur voluntatem Dei nosse.

Os. 6.

Sacrificij ex  
Augustino  
latior notio.

vers. 2.

*Luc. 16. Prophetia dupliciter sumitur.* tur. Sine prophetiam secundum rationē fidei. Prophetia hæc, ipsa est, quam docet Paulus Apostolus: non illa, quæ dicit, *Hæc dicit Dominus*. Nam *Lex & Propheta usque ad Ioannem*. Non quod Prophetæ & post non fuerint, futura prænuntiantes, secretā propalantes, absentia denūtiantes, ubi & quando placuit ei, cuius sunt ipsæ donationes: sed tempore gratiæ, postquā totum quod à Prophetis prophetatum est, effulsit, jam prophetia illa in ordine miraculorum est: cum iusticiam: scilicet cum in operibus misericordiæ hilares nos exhibemus, & promptos in corporalibus exercitijs, ijs, quæ ad Deum sunt: bene placent, cordis munditia: perfecta, cum & actu & affectu deformamur sæculo, & conformamur Deo. Porro in corporalibus exercitijs rationale exigitur obsequium: in puritate cordis nouitas spiritualis sensus, in nullo seruiēs vetustati carnis vel literæ. Rationabile verò obsequium est, sicut exhibuim⁹ membra nostra seruire immunditiæ & iniquitati ad iniquitatem: ita nunc exhibere membra nostra seruire iustitiæ in sanctificationem. Per hoc enim meremur sensus nouitatem, & spiritus intelligentiæ gratiam percipimus: per quod ad similitudinem Dei proficimus, & ejus recuperamus imaginem, quam contraria agendo ex parte amisimus: non enim totā; quia si totam amissemus, nihil maneret, vnde diceretur, *quamquam in imagine pertransit homo, verumtamen vanè conturbatur*. Si autem nihil omnino de ea amissemus, non esset vnde diceretur, *reformamini in nouitate sensus vestri*. Non autem reformare se ipsam potest anima, sicut potuit deformare. Nemo enim potest esse continens, nisi Deus det. Reformatio autem hæc in duobus constat, in prohibitione & iussione. Generalis prohibitio est, *non concupiscas*: generalis iussio est, *diliges*: hoc ipsum est non conformari sæculo, & conformari Deo. Illud enim pertinet ad non concupiscendum, hoc ad diligendū. Illud ad continentiam: hoc ad iustitiam. Illud ad declinandum à malo, hoc ad faciendum bonum. Non concupiscendo vetustate expoliāmur: diligendo nouitate induimur. Quod implebit in nos charitas Dei, quæ diffundetur in cordibus nostris: non per nos, sed per Spiritū sanctum qui datur nobis. Cum ergo cohibiti fuerint affectiones ab amore sæculi, completumque fuerit in nobis, non conformari sæculo, statim sequetur innouatio in nouitate sēsus nostri: nec iam erimus secundum genus tamquam imitantes proximum, & ex hominis melioris auctoritate viuentes: neque enim dixit Deus de homine, fiat homo secundum genus: sed *faciamus hominem ad imaginem & similitudinem nostram*: sed ut nos ipsi incipiamus aliquando probare, *quæ sit voluntas Dei bona, & beneplacens, & perfecta*. Mente quippe renovatus & conspiciens intellectam voluntatem Dei, homine demonstrante nō indiget, ut suum genus imitetur: sed ipso Deo demonstrante probat ipse, quæ sit voluntas Dei, bonum beneplacitum eius. *Dico enim per gratiā quæ data est mihi*. Quod, inquit, vobis dico; non per humanam dico sapientiam: sed per gratiam quæ data est mihi. Alij enim datur sermo sapientiæ; alij sermo scientiæ. Sermo scientiæ, ut quod dicitur pateat, ut placeat: sermo sapientiæ, ut sapiat, ut moueat: et si inquit, imperitus sermone, sed non scientia. Constat ergo, Apostolum sermonis sapientiæ & scientiæ accepisse gratiam:

*Luc. 12. Vers. 3. Humilitatis præceptum, Rom. 11.*

*Image m Dei ex parte amisimus. Psal. 38.*

*Sap. 8.*

*Reformatio est, non concupiscere & diligere.*

*Gen. 1.*

*ver. 3.*

*2. Cor. 11.*

in ornatu verò verborum imperitum se confiteatur. Prædicatio enim veritatis, ubi in veritate & gratia agit, habitum omnem loquentis, vultum vocem, verba, in propria & manifesta quadam format instrumenta: ut palam fiat quod Dominus dicit; *non enim vos estis qui loquimini, sed spiritus patris vestri qui loquitur in vobis*. Magna enim distantia est loquentis per sapientiam verbi, & loquentis per gratiam: & longe impar efficacia. Vnde & hic auditores à vanitate sapientiæ secularis cohibens: *non, inquit, plus sapere, quā oportet sapere: sed sapere ad sobrietatem*. Loquitur enim superbis ramis oleastri, quibus supra dixerat. *Noli altum sapere, sed time*. De verbo quippe doctrinæ, de profundiori scientiæ ratione, qui non accepit gratiam, & quærit iactantiā, cum minus sapiat, plus vult sapere, quā oportet. *Sed sapere ad sobrietatem*. Virtus peccato contraria est: & quicquid virtus non est, peccatum est. Sed & si quid virtuti vel additur vel minuitur: iam & illud secundum antiquorum philosophorum sententiam, peccatum est. Graecus non *sobrietatem* hic habet, sed *temperantiam*; ut in omnibus quæ agimus, vel dicimus, vel sentimus, temperantiam teneamus. *Et unicuique sicut Deus diuisit mensuram fidei*. Ecce aperta confessio illius gratiæ, quam vehementer commendat Apostolus: qui etiam mensuram fidei, sine qua impossibile est Deo placere; ex qua iustus viuit; quæ per dilectionem operatur; ante quam & sine qua nulla omnino cuiusquam operabona sunt existimanda, (quoniam cūne quod non est ex fide peccatum est:) Deum dicit unicuique partitum. Nam *diuisiones gratiarum sunt: idem autem spiritus*. Constat ei, nō line Spiritu sancto Christum nos diligere, & e us mandata seruare non posse: & id nos posse vel agere tantò minus, quantò illum percepimus minùs: tantò autem ampliùs, quantò eum accepimus ampliùs: proinde non solum non habenti, sed & habenti promittitur. Solus vnigenitus non eum accepit ad mensuram: in quo inhabitat omnis plenitudo diuinitatis. Quod vnigenitus filius est equalis patri, non est gratiæ sed naturæ: quod autem in vnitatem personæ vnigeniti assumptus est homo, gratiæ est, non naturæ. Cæteris autem ad mensuram datur: unicuique sicut partitur Deus mensuram fidei. Neque enim ipse diuiditur Spiritus, sed dona per Spiritum. Vnde & subditur. *Sicut enim in vno corpore multa membra habemus, omnia autem membra non eundē actum habent: ita multi vnu corpus sumus in Christo, singuli autē alter alterius membra*. Mensuras sibi positas egredi nititur, qui posse plusquam acceperit conatur. Sed in præcipiti pedem porrigit: qui mensurarum suarum limitem non attendit. In ipsa enim corporis positione instruimur, & nimis turpe est non imitari quod sumus. Pes quippe videt per oculū: & oculi per pedem gradiuntur: sicq; omnia mēbra sibi mutuo suffragantur, & eo quo sibi inuicem cōgruunt, vnum fiunt. Vnde & sequitur. *Singuli autem alter alterius membra*. Quod ut fiat, habentur ad hoc dona differentia. *Habentes donationes secundum gratiam quæ data est nobis, differentes*. Donationes istæ doni sunt, id est Sācti Spiritus, à quo dantur, & datæ adduntur: donec unicuiq; pro modo suæ perfectionis propria mensura cōpleatur. Differentes autem sunt differentibus: ut ex diuersitate membrorum vnitas corporis diffice-

*ver. 4. & 5.*

*ver. 6.*

ff ij



1. Cor. 14.

eam causa non exigit, non appetenda; donanda tamen à donatore donationum, quando & ubi iudicauerit ipse necessariā. Hęc autem prophetia est, de qua idem Apostolus dicit. *Qui prophetat, hominibus loquitur ad edificationē, ad exhortationem, & consolationem.* Et certē numquid non prophetia est, ubi prædicatur contemptus præsentium, appetitus futurorum? Vnde & apud Eliam & Eliseum filij prophetarum propheticam vitam ducere dicebantur: quam nunc eremiticam appellamus. Hęc siue in Ecclesia, siue in æremo, si rectē agatur, seu in docendo, seu in modo viuendi, in capite donationum est: si verē secundum Analogiam fidei, hoc enim græca habet interpretatio, exerceatur. Sed sæpe inuentæ sunt & pestilentiæ in chætedris Ecclesiarum, & in æremo cauernæ aspidum; dum apperunt sapere aliquid, plusquam oportet sapere: nec incedunt secundum analogiam, id est, rectam fidei regulā, & piam Ecclesiæ sobrietatē. Est etiam prophetia discretio spirituum, & in scripturis sensuum cognitio occultorum: & ut habeat vnde proferat de bono thesauro cordis in tempore noua & vetera. In doctrina verò, quæ sequitur, simplex ædificatio intelligenda est: in exhortatione autē, moralis & benigna iustitutio.

3 &amp; 4. Reg.

Post prophetiam ponitur *ministerium*: quia sicutilla in spiritualibus, sic & illud necessarium in temporalibus est. *Qui tribuit, in simplicitate*; id est in simplici tribuat caritate, nihil extra requirens. *Qui præest, præsit in sollicitudine*, non sæculari, sed de qua item dicit Apostolus, *mea quotidiana sollicitudo omnium Ecclesiarum.* Et exponens quæ illa sit, quis, inquit, *infirmatur & ego non infirmor? quis scandalizatur & ego non uror? Qui miseretur*: opus misericordiæ suæ venustet hilaritatis gratia. Docere & exhortari ad prophetiam videtur pertinere: administratum verò, tribuere in simplicitate, præesse in sollicitudine, misereri in hilaritate. Quæ sequuntur cōmunia sunt. *Dilectio sine simulatione.* Odientes malum, adhaerentes bono. Notanda tamen est in his sãctæ puritas institutionis. In dilectione simplex requiritur affectus: nec sufficit diuertere à malo & facere bonum; nisi & odium sit mali, & amor boni. In eo verò quod sequitur, *charitatem fraternitatis inuicem diligentes*, attende sensum Apostoli de suo sensu ceteros instituentis. Quid enim est charitas fraternitatis, nisi charitas charitatis? Quid est diligere charitatem fraternitatis, nisi diligere dilectionem dilectionis? Sic omnino est. Si fratres verē diligimus: & fratres, & ipsam fraternam dilectionē in nobis diligim⁹. Duo quæ sequuntur, ad eius dilectionis spectāt disciplinam: ut honor altervtrum præueniens prouocet mutuam charitatem: & solliciti sint in corde, nec pigri in opere. In obsequijs eiusdē

2. Cor. 11.

charitatis, *spiritus feruentes, domino seruientes.* Id est cum feruore spiritus Domino seruientes. *Spe gaudentes, & ideo, in tribulatione patientes*: & propter hoc ipsum *orationi instantes.* Instandum enim est orationi, ne eā vel inimicus præripiat, vel negligentia amittat. *Necessitatibus omnium subuenientes, sed sanctorum etiam communicantes*: ut si necesse fuerit, necessitatem etiam cum ipsis patiamini. *Hospitalitatem* non solum exhibentes, sed & *sectantes*: quia etiam cogendi & trahendi sunt hospites. *Benedicite persequentibus vos: benedicite ore, & nolite maledicere corde.* *Gaudere cum gaudentibus*, de bono profectu be-

ne gaudentium:  *flere cum flentibus*, ex compassione charitatis fraternæ in pœnitentiam peccatorum. *Id ipsum inuicem sentientes, & propter hoc ipsum humilibus consentientes.* Non colloquentes, sed consentientes: quia sensus ipse humilitatis induendus est: hoc autem fieri non potest, si fueritis *alta sapientes.* Notandum, quia in ijs quæ communia sunt, dixit sentientes, in eis verò quæ alta & super ceteros sunt, sapientes: quia suauiter sapere solet in corde superbientis, quicquid adinuenire potest ad ostensionem singularis altitudinis. Quod eis accidere solet, qui magni sunt in oculis suis, de quibus & subditur.

Vanitas &amp; Superbia.

*Nolite prudentes esse apud vosmetipsos.* In ijs omnibus, vel pro ijs, si quis mali aliquid vobis intrulerit, nulli sitis *malum pro malo reddentes.* *Providentes bona non tantum coram Deo: sed etiam coram omnibus hominibus.* Conscientiam quippe debemus Deo: famam proximo. Quod autē dicit *omnibus*: significat, quia & eis qui foris sunt, exemplum bonum debemus. *Si fieri potest, quod ex vobis est, cum omnibus hominibus pacem habentes.* Difficile enim erat, ut si corrigerent omnia, quæ corrigenda essent: cum omnibus hominibus pacem haberent. Sed aliquando dissimulando quædam, sic quærenda est pax exterior ut à pace Dei nō recedatur interior. *Non vos metipsos defendentes carissimi.* Carissimos quasi blandiendo appellat, ubi ad humilitatem & patientiā propensius eos invitat. Deo enim reservare vindictā suā dulce habet sanctæ animæ simplicitas: ne si defendere semetipsā molietur, & exercitiū paciētiae amittat; & contra flagellū Dei aliquando agere inueniatur. *Sed date locum ira.* *Dare locū*

Vers. 16.

Vers. 18.

Vers. 19.

*Ira locum dare est irato nō resistere: sed se suæque omnia furenti exponere. Scriptum est enim. Mihi vindictam, ego retribuam dicit Dominus.* Persecutores nostros optare debem⁹ corrigi potius quā puniri: in quos si in hoc seculo iudicatur, non debemus delectari pœnā inimici quē non odimus: sed iustitiā Dei quem amamus. *Si esurierit inimicus tuus, ciba illum: & si sitis, potum da illi. Hoc enim faciens; carbonem ignis congeres super caput ejus.* De inimicis dicunt aliqui, quia sufficit non odisse: sed debitores sumus & diligere, quia præstant, dicente Domino. *Beati qui persecutionem patiuntur.* Qui verò ideo bene facit inimico, ut carbonem ignis congerat super caput ejus; id est ut confundat tantum, & ipse inimicus est. Sed simpliciter & bono animo faciamus quod nostrum est: & sequetur, ut erubescant, forsitan & conuertantur. Quod etsi non fit in corde ejus, cui fit: debet tamen esse in intentione ejus qui facit. Quod faciendo si perseverauerit, non vincetur à malo ut ipse mala intentione fiat malus, & duo sint mali: sed vincet in bono malum, & erunt duo boni.

Ira est irato nō resistere.

Vers. 2.

Matth. 5.

Quid sit carbonem congerere super caput inimici.

*Omnis anima potest atillius sublimioribus subdita sit.* *Caput 13.*

Qui in potestatibus sunt, si boni sunt, nutritores

Vers. 1.

nostri sunt: si mali tentatores nostri sunt. Sed & nutriti amemus, & tentari nō refugiamus. Vtrique enim à Deo sunt. Sicut ergo Deo subditissimus: Non sicut hominibus. Subjectio ista dilectione est: sed sicut dilectionem debet de potestate terrentibus qui timent: sic & timentibus debitores se esse sciant dilectionis, qui terrent.

*Quæcumque ergo potestates sunt à Deo ordinatae sunt.* Malitia hominum propriam cupiditatem nocendi habere potest: potestatem autem nocendi, nisi desuper data fuerit habere non potest. Datur

tur

vers. 2.

Non est pa-  
rendum ho-  
mini mali  
precipienti.  
vers. 3.

vers. 4.

vers. 5.

vers. 6.

vers. 7.

\* forse hu-  
manitati.  
vers. 8.

tura autem nonnunquam potestas iniquis, sed Deo ordinante: ut & iustorum patientia probe-  
tur, & malorum iniquitas puniatur. *Qui ergo resistit potestati, Dei ordinationi resistit. Qui autem resistunt, ipsi sibi damnationem acquirunt.* Si tamen potestas iubet quod Deus prohibet: ibi Christianæ sperne potestatem. Ista enim minatur poenam, illa gehennam. *Nam principes non sunt timori boni operis, sed mali. Vis non timere potestatem? Boni fac, & habebis laudem ex illa. Dei enim minister est tibi in bonum.* Si bonū feceris, & bona fuerit potestas, habebis laudem ex illa, ipsa indicante: si mala fuerit, etiam afflicti, etiā peremptus, habebis laudem ex illa sentiente. Si autem mali enim, time. Non autem sine causa gladium portas. Aliquando enim timendum est: scilicet cum poenā meretur mala conscientia. Malum enim est peccare: sed pessimum est, in peccato nec poenam timere. Iudex enim mundi maximam partem implet legis Dei, minister in hoc existens, ut crimina, quæ vindicari non vult per Antistites & principes Ecclesiæ, per illius ministerium vindicentur. Vnde & dicit. *Dei enim minister est. Ideo necessitate subditi estote*, quia sic vult, qui sic ordinat. *Non solum propter iram: sed & propter conscientiam.* Non tantum, ut offensionem hominum deuitemus: sed ut etiam ad Deum qui sic ordinauit, bonam conscientiam habeamus. Sicut enim irasci non sine peccato est: sic nec iram prouocare. *Ideo* auctore ipso Domino, cum sis filij & liberi, etiā tributa, soluitis: sed prastatis, recepturi ab eo, cuius præceptum & exemplum in hoc tenetis. *Ministri enim Dei sunt, in hoc ipsum seruientes*: & seruientibus sua stipendia debentur. Vnde & ministros euangelij præcepit Dominus de euangelio viuere. *Reddite ergo omnibus debita.* Quibus hoc dicit Apostolus? Vtique eis, qui quasi fiducia christianæ sanctitatis & libertatis euasisse se putabant seruitutem publicæ vanitatis: cui seruit creatura & volens & non volens. Non volens, quia suspirans ad gloriam filiorum Dei, ad expectationem beatæ libertatis suæ: volens autem, propter eum, qui subiecit eam in spe: vnde etiam secundum consiliū Apostoli, & si potest liber fieri, magis vitur. *Reddite ergo, inquit, debita, sicut debita prastatis, si fideliter redditis; quia ipsum debitorem facitis vobis, pro cuius obedientia debitores esse non renuitis. Cui tributum, tributum: cui vectigal, vectigal.* Quicumque filius regni est, quamdiu in mundo est, incola est super terram, incolens terram alienam. Hospitalis verò terræ leges velle violare; hoc est hospitij iura velle temerare. *Cui honorem, honorem, cui timorem, timorem.* Stupidæ dementiæ est, quasi pro sanctitatis arrogantiā nullum velle timere: vanitatis verò superbiæ est, nullum velle honorare. Sublimitati potestatis debetur timor, utilitati honor, humilitati\* benevolentie amor. *Nemini quicquam debeatis; nisi ut inimicem diligatis.* A sublimioribus potestatibus ad socialis vitæ gratiam transiens, sicut in lege mundi quodcumque debetur, iubet reddi: sic in lege charitatis legis peritus Dei decernit nihil deberi, præter solum debitum charitatis: quod quāto plus redditur, tantò plus debetur; & reddendo plus habetur. Nam qui diligit, debitorem eum facit, quem diligit. Ipsa etiam dilectio exigit debitum: ut fraternali charitati seruientes, eam qui se adiuuari recte velit, in quo possumus, adiuuamus, semper

existentes debitores charitatis. Debetur enim, etiam si reddita fuerit: quia nullum tempus est, quando inpendenda non sit. Ipsaque efficit fideliter reddita, ut præter eam nihil debeamus. Vide, quomodo per charitatem omnia redigit in unitatem. In fide quippe Christi non est distantia Iudæ, non Græci, non serui, non liberi, non principis vel subiecti: in quantum omnes fideles, omnes vnum sunt in Christo Iesu. Et si hoc facit fide, per quam in hac vita iuste ambulatur: quāto perfectius atque cumulatiùs id species ipsa factura est; cum videbimus faciem ad faciem? Nam nunc quamvis primitias habentes spiritus, qui vita est propter iustitiam fidei, tamen quia adhuc corpus mortuum est propter peccatum, differentia ista vel gentium, vel conditionis, vel sexus, tam quidem ablata ab unitate fidei; sed manens in conuersatione mortali: eiusque ordinem in huius vitæ itinere seruandum esse, & Apostoli præcipiunt. Qui etiam regulas saluberrimas tradunt, quemadmodum secum viuunt, pro differentia, vel gentium vel conditionum: & ipse Dominus prior præcepit. *Reddite qua sunt Cesaris, Cesari.* *Matth. 22.* Deinde verò ad socialis vitæ communē & mutuum venit dilectionem: quam intantum laudat & approbat, ut in sola dilectione proximi totam legem dicat impleri, sic enim dicit. *Nemini quicquam debeatis; nisi ut inimicem diligatis. Qui enim diligit proximum: legem impleuit. Nam non adulterabis, non occides, non furaberis, non falsum testimonium dices, non concupisces, & si quod est aliud mandatum, in hoc verbo insinuat; diliges proximum tuum, sicut te ipsum.* Quæri autem potest, cur Apostolus solam commemorauerit dilectionem proximi, qua legem dixit impleri. Cur, nisi quia dilectionem Dei possunt homines mentiri, quia rariores tentationes eam probant: in dilectione autem proximi facilius eam conuincuntur non habere, cum iniquè cum hominibus agunt? Consequens autem est, ut qui ex toto corde, ex tota anima, ex tota mente Deum diligit, diligat & proximum, tamquam seipsum: quia hoc iubet ille, quem sic diligit. Si autem se propter se diligit, non se refert ad Deum ad seipsum conuersus, ne ad incommutabile aliquid conuertatur: & propterea jam cum defectu aliquo se fruitur: quia melior est, cum totus hæret atque constringitur incommutabili bono; quàm cum inde vel ad seipsum relaxatur. Si ergo te ipsum non propter te debes diligere, sed propter illum, ubi dilectionis tuæ rectissima finis est: non succenseat alius homo, si etiam ipsum propter Deum diligis; hæc enim regula dilectionis diuinitus constituta est. *Diliges, inquit, proximum tuum, tamquam te ipsum.* Deum verò ex toto corde, & ex tota anima, & ex tota mente, diligere debemus: ut omnes cogitationes nostras, & omnem vitam, & omnem intellectum, in illum conferamus; à quo habem⁹ ea ipsa, quæ conferimus. Cum autem ait, toto corde, tota anima, tota mente: nullam vitæ nostræ partem relinquit, quæ vacare debeat, & quasi locum dare, ut et alia velit frui. Sed quicquid aliud diligendum occurrerit, toto illuc animo rapiatur; quo totus dilectionis imperius currat. Quisquis ergo rectè diligit proximum: hoc cum eo debet agere, ut etiam ipse hoc modo diligat Deum. Si enim eum diligens, tamquam seipsum, totam dilectionem suam & illius referat illam dilectionem

Matth. 22.

vers. 8. &amp; 9.

Cur solam  
dilectionem,  
proximi hic  
mentio fiat.Deutero. 6.  
Quid sit  
Deum dili-  
gere ex toto  
corde, &c.

Vers. 10.  
Proximus  
est omnis  
homo.

Matth. 22.

Ioann. 15.

Quinam  
vigilent vel  
dormiant  
spirituali-  
ter.

Vers. 11.

Hora sur-  
gendi est tē-  
pus gratia.

Luc. 22.

Vers. 12.

Dei, quæ nullam à se rivulam extraduci pati-  
tur, cuius derivatione minuat. *Dilectio proxi-  
mi malum non operatur. Plenitudo ergo legis est di-  
lectio.* Proximum omnem hominem oportet in-  
telligi. Quia nemo est, cum quo operandum sit  
malum. Quis autem malum facit ei, quem dili-  
git? Dilige, nec potest fieri, quin bene facias ei  
quem diligis. Fortè corripis, amor hoc facit, nō  
sæuitia. Fortè cædis, ad disciplinam hoc facis;  
quia amor ipsi<sup>9</sup> dilectionis non te permittit ne-  
gligere indisciplinatum: & sit quodam modo di-  
perius fructus, & contrarius; vt aliquando odiū  
blandiatur, & amor sæuiat. Nullum ergo cha-  
ritas operatur malum; operatur autē omne bo-  
num. Quia plenitudo legis est charitas, qua Deus  
proximusque diligitur. In quibus duobus præ-  
ceptis tota lex pendet & Prophetæ. Meritoque  
sit omnium reus, qui contra illam facit, in qua  
pendent omnia: nemo autem peccat, nisi contra  
illam faciendo. *Plenitudo ergo legis est dilectio;* nō  
illa, qua se diligunt homines: sed illa quam Do-  
minus ab alijs dilectionib<sup>9</sup> discreuit dicēs. *Sicut  
dilexi vos.* Vt quid enim Christus Dominus nos  
dilexit: nisi vt, possimus cum ipso regnare? Ad  
hoc ergo vt legem impleamus, dilectionē nostrā  
discernamus à cæteris, qui non ad hoc se diligūt,  
quia nec diligunt. Qui autem se propter haben-  
dum Deum diligunt; ipsi se diligunt. Ergo vt  
se diligant, Deum diligant. Non est hæc dilectio  
omnium: pauci sunt, qui ideo se diligant, vt sit  
Deus omnia in omnibus. *Et hoc scientes, quia  
hora est iam nos de somno surgere. Nunc enim pro-  
piore est nostra salus, quam cum credidimus.* Ha-  
ctenus in mortali institutione versatus, nunc jam  
rem accelerat; vtgetque negotium: arguēs defi-  
des, & quasi dormitantes excitans, & ingerens  
temporis rationē, quod in rebus omnibus sum-  
mum est. Nemo enim somnolentus ac piger est,  
quem aduenientis diei claritas non excitet, &  
cuius desidiū orientis solis splendor non arguat,  
si dormitatem inuenit. Intelligentia & amor,  
sensu animæ rationalis sunt. Vigilant, in quo-  
rum cordibus sensus isti Domino Deo suo va-  
cant. Dormiunt vel dormitant, cum in appe-  
titum vel delectationem temporalium pigres-  
cunt & languent. Quia ergo qui dormiunt, nō  
dormiunt: die jam apparente dormitantes  
pulsat, vt euigilent, & dicit. *Hora est iam nos de  
somo surgere.* Quæ hora? Mane scilicet gratiæ,  
quando nox & tenebræ infidelitatis transferūt:  
& expectatur illa clarificatio, vbi manifestabū-  
tur cogitationes cordium: & tunc laus erit vni-  
cuique à Deo. In ista ergo peregrinatione po-  
siti, in hac luce fidei, quæ in comparatione te-  
nebrarum infidelium dies est; sed in compara-  
tione lucis, in qua videbimus facie ad faciem,  
nox est, à somno nobis surgendum est: futuræ  
vitæ vita nostra adaptanda, quæ nunc propior  
est, quam cum credidimus: sicut & Dominus  
dicit. *Cum hac videritis fieri, scitote quia prope  
est regnum Dei.* Quia ergo amatores æternitatis  
& vnitatis ess; debemus, qui vni Domino Deo  
nostro cupimus inhzere, à multitudine rerum  
nascentium, & morientium debemus animum  
conuertere. *Abijciamus ergo opera tenebrarum, &  
induamur arma lucis: vt ambulemus honestè sicut  
in die ambulandum est.* Honestè enim ambulan-  
tes, in comparatione infidelium in die sumus.  
Quæ sint autem opera tenebrarum, quæ abijci-  
enda sunt, quæ in luce fidei fieri non conueniunt,

quæ manifestata lux veritatis redarguit, conse-  
quenter exponit dicens. *Non in comessationi-  
bus & ebrietatibus: non in cubilibus & impudicijs.* *Opera tene-  
brarum.* Vers. 13.  
Luxuriosa enim conuiuia comitati tolet tur-  
pissima temulentia. Quæ quid consequenter a-  
liud requirunt, quam impudica & fæda cubi-  
lia? Quid nisi contēiones & emulationes? Qui  
autē honestè sicut in die ambulant, faciunt quæ  
sequuntur. Cauent curam carnis facere in desi-  
derijs; nihilque gerentes per contentionem &  
emulationem, inducere festinant Dominum le-  
sum Christum; sapientiam scilicet & iustitiam  
& sanctificationem, cæteraque virtutes: quas  
qui duxerit in affectu, Dominum Iesum credi-  
tur induisse. Hoc enim sequitur. *Et carnis cu-  
ram nefeceritis in desiderijs.* Agenda autem est cu-  
ra carnis, sed nō in desiderijs: fames & sitis mor-  
bi quidam sunt; & sicut febres necant, nisi ali-  
mentorum medicina succurrat. Quæ cum præ-  
sto est, ex consolatione munerum Dei, infirmi-  
tati nostræ calum & aqua & terra feruiunt: ca-  
lamitas delitæ vocantur. Docet autem tempe-  
rantia, vt quemadmodum medicamenta, sic ali-  
menta sumpturi accedamus. Sed dum ad quietē  
satiæ ex indigentia molestia transimus; in  
ipso transitu insidiatur nobis laqueus concupi-  
scentiæ. Ipse enim transitus voluptas est; & non  
est alius, qua transeat, quod transire cogit ne-  
cessitas. Et cum salus sit causa edendi, adiungit  
se tamquā pedissequa periculosa iucunditas, &  
plerumque præire conatur: vt eius causa fiat, quod  
salutis causa fieri putabatur. Nec idem modus  
vtrique est. Nam quod salutis sat est, voluptati  
parum est. Et sæpe incertum sit, vtum necessa-  
ria adhuc cura corporis subsidium petat: an vo-  
luntaria cupiditas fallaciæ ministerium subpo-  
tat. Et ad hoc incertum hilarescit infelix animus:  
& in eo parat excusationis patrocinium, gaudēs  
nō apparere, quod satis sit moderationi valen-  
dinis; & obtentu salutis obumbrat negotium  
voluptatis. Non enim prohibemur carnis curā  
gerere: exceptis eius desiderijs, quibus qui in-  
cumbunt, miserè viuunt. Qui autem contra ea  
bellum susceperunt; non habituri sunt pacem,  
quamdiu caro concupiscit aduersus spiritum.  
Sequitur. *Infirmum autem in fide assumite.* Post-  
quam in curam carnis desideriorum petulantia  
compescuit, etiam continentia necessaria præ-  
scribit modum, eis qui ex Iudæis & Gentibus in  
ynam congregati Ecclesiam, diuisionem facere  
videbantur, propter ciborum diuersitatem. Pro-  
pter quod etiam orientia inter eos scandala, &  
temeraria in altervtrum cohibens iudicia, in pa-  
cis eos reformat vnitatem. Iudæi enim, quia jē  
coruscante evangelio cibus in lege prohibitis  
abstinebant, nec à prisca legis consuetudine tam-  
cito poterant auelli, iudaizare credebantur à  
Gentibus: Gentes vero liberiore fidei fiducia  
omnia cum gratiarū actione percipientes, nec  
etiā idolothytis pro conscientia fidei temperā-  
tes; in conscientia idoli edere ea ab infirmiori-  
bus, & maxime Iudæis, æstimabantur: & hoc  
modo scissuras facientes, & inuicem iudicantes,  
vnitatem diuidere videbantur: docet pro pacis  
studio vnumquemque adhuc suo sensui reliquē-  
dum: quia tolerandum nonnumquam est, in  
quo conscientia aut nihil aut parum lēditur, ne  
incidatur in illud, in quo salus periclitetur. Ideo  
infirmum in fide, & circa discretionem cibo-  
rum languentem, assumendum esse mandat, non

Vers. 14.

Caput 14.  
Vers. 1.

Dimissio fide-  
lium ob  
cibos idolis  
immolatos.

abijciendum: id est, verbo & exemplo & patientia ad meliora pronocandum. Vetat etiam disceptari de alienis cogitationibus; quoad quod fit, quo animo fiat, pro mortalis hujus vitæ cæcitate manet occultum. *Alius enim*, id est firmior in fide, *licitum sibi esse credit comedere omnia*: alius mensuram hanc fidei necdum attingens, non hoc sibi licitum arbitratur. Relinquatur ergo sibi interim: *manducet olus*, communes cibos percipiat: donec vsu & profectu fidei ad meliora conualecat. *Et qui manducat, non manducantem*, quasi Iudaizantem, *non spernat*: & *qui non manducat, manducantem non iudicat*, quasi qui in conscientia Idoli manducet idolothyta, vel ex vitio incôrinentiæ, lege prohibita. Siue enim manducantem siue non manducantem, *Deus illum assumpsit*: cui ipse, siue manducandi siue non manducandi in causa est. Sciendum autem de vsu ciborum nec in abstinendo, nec in manducando, esse iustitiam: sed in æquanimitate tolerandi inopiam, & temperantiâ per abundantiam non se corrumpendi, atque oportune sumendi vel non sumendi ea, quorum non vsus, sed cõcupiscentia refrenanda est. Non enim interest omnino, quid alimentorû sumas, vt succurras necessitati corporis: dummodo cõgruas in generibus alimétorum ijs, cum quibus tibi viuendum est. Neque quantum sumas interest, cum videam<sup>r</sup> aliorum stomachum citius satiari, & eos tamen ipsi paruo quo satiantur, ardentem & intolerabiliter, & omnino turpiter inhiare. Alios autem plusculo quidem satiari, sed tolerabilius inopiâ perpeti; & vel ante ora positas epulas, si in tempore aut opus sit, aut necesse, cum tranquillitate aspicere, nec tangere. Magis ergo interest, non quid, vel quantum alimentorum pro cõgruentia personæ suæ, & pro suæ valetudinis necessitate quis capiat: sed quanta facilitate & serenitate animi careat his, cum oportet, vel etiam necesse est, carere: vt illud in animo Christiano compleatur, quod dicit Apostolus. *Scio abundare, scio & penuriâ pati*. Non sic illi, qui concupierant carnibus vesci; quibus pluebat manna de cælo. Fastidiebât quippe & habebant, & quod non habebant impudenter petebant: quasi non melius peterent, non, vt cibis qui deerat indecenti desiderio præstaretur, sed ille qui aderat sanato fastidio sanaretur. Quando enim nos delectant mala, & non delectant bona: rogare potius debemus Deum, vt delectent bona, quàm vt concedantur mala. Non quia malum est carne vesci: cum omnis creatura Dei sit bona. Sed quia non parua erat offensio, repudiare quod dabat sapientia, & petere in quod inhiabat concupiscentia: quamvis illi nec peterent, sed quia deerat, murmurarent. Sed vt sciremus, non Dei creaturam esse culpabilem, sed inobedientiam contumacem, & inordinatam cupiditatem: non propter porcum, sed propter pomum mortæ primus homo inuenit. Nec propter gallinam, sed propter lenticulâ, Esau primogenita sua perdidit. Cavendum ergo in huiusmodi temerarium iudicium. Vnde & subditur. *Tu quis es, qui iudicas alienum seruum?* Iudicare enim ponitur hic pro damnare, vel malè æstimare. Non quod omnia iudicia fidelibus Apostolus interdicit, cum per illos alibi dicat mundum & etiam Angelos iudicandos: sed de occultis iudicare periculosum esse denunciat. Duo enim debet cavere omnis, qui in huiusmodi

iudicat: cum vel causa latet, vel nescitur qualis futurus sit, qui iudicatur; & in præsentem forsità iustè videtur iudicandus. Hoc autem non attendunt, qui fratrem suum non corrigere amant, sed carpere. *Suo inquit, Domino stat, aut cadit*. *Stabit autem, potens enim Deus est statuere illum*. Ne sibi arrogaret perseuerantiam, qui stat; ideo additum est, *potens est Deus statuere illum*. Qui ergo dat perseuerantiam, potens est statuere eos qui stant, vt perseuerantissimè stent: vel etiam restituere eos qui ceciderunt. *Nam alius iudicat diem inter diem: alius iudicat omnem diem*. Tu, inquit, quis es, qui iudicas alienû seruum? Homo an Deus? Alius enim est, id est, homo qui iudicat diem positum inter diem præteritum & diem futurum; hoc est de præsentem tantum iudicare habet facultatem. Alius est, Deus scilicet, qui iudicat omnem diem: qui scit de eo qui peccat, ære peccati casum qualis fuerit studij & voluntatis; in peccato cuius intentionis, post peccatum cuius futurus sit conversionis. Cui autem de peccato peccantis hæc est sciëntia, ipsi de peccante iudicandi relinquenda est sententiâ. Sciendum tamen, quia de eis, quæ vni<sup>q</sup> cuiusque subdita debent esse arbitrio, & de eis quæ nesciuntur, timendum est præcipitare iudicium: in illis verò actibus, in quibus manifeste Deus offenditur, periculosum est iudicium differre: nisi forte quis eadem faciens, fiduciam amiserit arguendi, & dicatur ei, *eijce primum trabem de oculo tuo: & tunc valebis eijcere festucam de oculo fratris*. Neuter ergo iudicetur ab altero: sed qui Deum sentit in opere suo, in sensu suo abundet, id est, in Deo. *Qui enim sapit diem*, id est qui sapit opus diurnæ conscientie, *Domino sapit*: id est, dulce quid ei sapit in Domino sua continentia: & *qui manducat, Domino manducat*, dum manducans ex fide authorem fidei suæ Deum glorificat. *Ergo & qui manducat, & qui non manducat, uterq; Domino vel manducat vel non manducat*: quia vterque gratias agit Deo. Vterque Domino agit, quod agit, quia in laudem ejus agit. Tunc enim piè, tunc rectè, tunc iustè fit opus bonum: cum in ejus laudem fit, à quo donatur vt fiat: in quo affectu quisque proficiens, quicquid facit, Domino facit: hoc est in laudem ejus facit, à quo accepit vt faceret. Vnde est gratiarum actio, quæ intimo fidelium ministerio celebratur. *Nemo enim sibi vivit, & nemo sibi moritur*. *Sine enim vivimus, sine morimur, Domini sumus*. Siue enim vivimus, siue morimur; nemo sibi vivere debet vel mori: sed ad ejus gloriam, cuius sumus; cui & viuentes seruimus, & morientes non erimus. Si enim nunquam ipsius non eris, qui nunquam à laude ejus cessabis: timere poteris, ne dum hic viuis, ipsius eris: cum verò fueris mortuus, ipsius non eris? Sed Apostolus dicit, quia *sine vivimus, sine morimur, Domini sumus*: quia pretio sanguinis sui nos redemit. Et mortuus quomodo perdit seruum mortuum, cuius mors est pretiû tuum? Ideo cum dixisset, siue vivimus, siue morimur, Domini sumus; vt ostenderet ipsum pretium, *ad hoc enim inquit, Christus mortuus est & resurrexit: ut & vivorum & mortuorum dominetur*. Non ergo tenere cum poterit regnum mortis, pro quo mortuus est in mortuis liber. *Tu autem quid iudicas fratrem tuum, aut quare spernis fratrem tuum?* Ac si dicat, qui iudicantem nos Dominum habemus; cur invicem iudicamus? Ea enim facta, quæ dubium

Vers. 4.

Vers. 5.

Vbi Deus manifestè offenditur, non est iudicium differendum.

Luc. 16.

In Dei gloriam omnes actiones nostrare referenda.

Vers. 7.

Vers. 8.

Vers. 9.

Vers. 10.

est, quo animo fiant in meliorem partem interpretari debemus. Quod enim scriptum est, *ex fructibus eorum cognoscetis eos*; de manifestis dictum est, quæ non possunt bono animo fieri: sicut sunt stupra, blasphemiae, furta, ebrietates, & his similia: de quibus iudicare nobis permittitur, dicente Apostolo. *Quid enim mihi de iis, qui foris sunt, iudicare? Nam de iis qui intus sunt nos iudicamus.* De genere autem ciborum, quia possunt bono animo, & simplici corde sine vitio concupiscentiae quicumque humani cibi indifferenter sumi: prohibet idem Apostolus iudicare eos, qui carnibus vescantur, & vinum bibebant, ab eis qui se ab huiusmodi alimentis temperabant. De talibus enim rebus, quæ possunt & bono animo & simplici fieri, quamvis possint etiam non bono, volebant illi, cum homines essent, in occulta cordis ferre sententiam: de quibus solus Deus iudicat. De eis ergo factis, quæ ignoramus quo animo fiant, quia & possunt & bono & malo animo fieri, temerarium est iudicare; maxime ut condemnemus. Horum autem tempus veniet ut iudicentur; cum Dominus illuminabit abscondita tenebrarum, & manifestabit cogitationes cordium. Vnde & sequitur. *Omnes enim stabimus ante tribunal Christi. Scriptum est enim. Vino ego, dicit Dominus, quia mihi flectetur omne genu: & omnis lingua confitebitur Domino.* Tribunal Christi ipsa sapientiae eius divina potentia est; qua in se ipso sedens disponit omnia, & iudicat. Cui assistere, est subtili examinis ejus iudicio nihil posse latere. *Vino ego, dicit Dominus.* Non est hæc iuratio, sed veritatis testificatio, ac si dicat. Sicut verè viuo, cui hoc vivere quod esse est, & à quo omnis vita est: sic verè dico: cui verè dicere, verè esse est, & à quo omnis veritas est. Hæc autem testificatio vitæ vel veritatis nulli convenit, nisi ei, qui sic ex se ipso vivit, ut omnis etiam vita ex ipso sit: & qui sic est, ut quicquid verè est, ex ipso sit. In eo enim quod dicit, *ego*, intelligitur proprietates divinæ essentialis: in eo quod dicit, *vino*, veritas essentialis vitæ. Flectitur autem ei omne genu; quia omnibus adoranda apparebit virtus potentiae ejus, cum non erit qui se abscondat à calore ejus: cum omnibus erit manifestum, manifestos se esse, nec posse latere quemquam ad penetrantis omnia veritatis conspectum. Nam coram eo, qui solus verè est, hoc erit confiteri, apparere: quia non est, qui in tantum esse desiit, in quantum delinquendo gravius ab eo defecit, à quo est, quicquid est. Qui ergo, ait, tam tremendo iudici presentandis sumus; non temerè ulterius invicem iudicemus. *Sed hoc potius iudicate*, id est iudiciali ratione discernite, & observate, *ne fratri*, siue ille Iudæus sit, siue Gentilis, pravi exempli offendiculum, vel tristitiae ponatis scandalum. Scandalon græcè, vel scandalum latinè pedis impactio est. Via nostra evangelica doctrina est, cuius finis Christus est: pes in hac via nos ferens affectio mentis est: qui naturaliter in anteriora tendit: sed cum vitio prævaricatur, citò offendit. Sunt autem in hac via viatores, cæca superbia, videns invidia, non videns humilitas, videns charitas. Malos enim & bonos via habet, sed finis discernit. Cæca superbia non videt quod eat, & duci dedignatur; invidia sibi se videre existimans, omnes quos ipsa non duxerit, cum nullum velit ducere, errare arbitrat. Ij in invicem sæpe scandalizant & scandalizantur. Et sæpe sic offendunt, ut cadant:

& cum ceciderint, raro & difficile adficiant, ut resurgant. Non videns humilitas manum porrigit, ut ducatur; de qua & dicitur. *Maledictus qui coram ceco scandalum posuerit.* Videns charitas in proficiendo quasi minus ire eligit, ut illa non deficiatur. Tales Apostolus esse volebat: quibus iustitiam, pacem, & gaudium in Spiritu sancto prædicabat. Ij enim omnimodis scandalizare cauent, nec facile scandalizantur. Scio & confido in Domino Iesu, quia nihil commune per ipsam, nisi ei qui existimat quid commune esse, illi commune est. Nihil commune per ipsum, id est, per fidem ejus; nisi ei, qui fidem non habens, existimat quid commune esse, illi commune est: non quantum in natura, quam utique Deus bonam creavit; sed in quantum commune, id est, immundum efficitur, non cum fide manducanti. Sicut enim idolothyta, quæ immunda erant, munda efficiebat fideliter sumentium conscientia: sic quæ munda erant infideliter sumentium æstimatio faciebat immunda. Hoc propter Iudæos, qui cibos per legem vetitos tangere recusantes, peccabant in non comedendo. Sequitur de Gentibus, quæ nihil interrogantes, & omnia etiam cum scandalo etiam infirmorum percipientes, peccabant in comedendo. Debebant enim Iudæi peccata vel vitia vitare, quæ per legem significatiue in generibus ciborum vitare iuebantur: cibos autem gratia & fide discente percipere, quos Deus creavit ad percipiendum cum gratiarum actione: gentes autem temperare à cibis per fidem quidem licitis, sed scandalum facientibus fratribus infirmioribus in fide. In spe enim correctionis tolerandum interim in Iudæiserat, quod longa legis consuetudine concretum non facile tam citò ab eis poterat avelli. A Gentibus verò intermittendum erat interim, quod quidem ex fidei libertate licebat, nulla, vel non magna utilitate; non autem expediebat pro periculo perditionis fraternæ. Vnde & sequitur. *Si enim propter cibum tuum frater tuus contristatur: iam non secundum charitatem ambulas.* Noli cibo tuo illum perdere: pro quo Christus mortuus est. Debemus siquidē pro necessitate congruā nonnumquam licita intermittere: illicita verò, nulla necessitate præcipimur committere. Non ergo blasphemetur bonum nostrum. Quod hoc est, bonum nostrum? Donum, quod proprium est discipulorum Christi; de quo ipse dicit. *In hoc cognoscet omnes, quia mei estis discipuli: si dilectionem habueritis ad invicem.* Sicut enim mutue charitatis signo discipuli Christi dignoscuntur: sic in neglectu charitatis, prima facie tota Christianæ religionis claritas offuscatur. Deinde Doctor mirabilis presentis temporis culpas futuri sacramenti auctoritate compescens, & ut Ecclesiæ formam statuat, regni cælorum mysterium prodens, ait. *Non est regnum Dei escæ & potus.* Ac si dicat. Quid tantopere de cibis agimus: qui ad regnum cælorum festinamus? Vbi sicut non nubunt, nec traduntur ad nuptias, sic nec manducant nec bibunt: sed sunt similes Angelis Dei. Igitur absolutissimo dogmate, & evidenti, ab Apostolo sententia terminata est, in regno cælorum neque escarum, neque potus ullā esse necessitatem; sed iustitiam & pacem. Et quia escas & potum gaudium comitari solet carnis, addit hic gaudium, sed in Spiritu sancto. Hæc in nobis hic regnum cælorum operantur: in futuro verò eò nos perducunt, ubi hæc eadem eor-

Deute. 27.

Comune bono loco est immundum &amp; prophandum. Vers. 14.

Vers. 15.

Christus mortuus est. Debetur siquidē pro necessitate congruā nonnumquam licita intermittere: illicita verò, nulla necessitate præcipimur committere. Non ergo blasphemetur bonum nostrum. Quod hoc est, bonum nostrum? Donum, quod proprium est discipulorum Christi; de quo ipse dicit. In hoc cognoscet omnes, quia mei estis discipuli: si dilectionem habueritis ad invicem. Sicut enim mutue charitatis signo discipuli Christi dignoscuntur: sic in neglectu charitatis, prima facie tota Christianæ religionis claritas offuscatur. Deinde Doctor mirabilis presentis temporis culpas futuri sacramenti auctoritate compescens, &amp; ut Ecclesiæ formam statuat, regni cælorum mysterium prodens, ait. Non est regnum Dei escæ &amp; potus. Ac si dicat. Quid tantopere de cibis agimus: qui ad regnum cælorum festinamus? Vbi sicut non nubunt, nec traduntur ad nuptias, sic nec manducant nec bibunt: sed sunt similes Angelis Dei. Igitur absolutissimo dogmate, &amp; evidenti, ab Apostolo sententia terminata est, in regno cælorum neque escarum, neque potus ullā esse necessitatem; sed iustitiam &amp; pacem. Et quia escas &amp; potum gaudium comitari solet carnis, addit hic gaudium, sed in Spiritu sancto. Hæc in nobis hic regnum cælorum operantur: in futuro verò eò nos perducunt, ubi hæc eadem eor-

Ioann. 13.

Vers. 17.



Vers. 18. cius & firmitus possidentur. Est autem iustitia in opere; pax in corde vel conscientia; gaudium in Domino. Hæc quicumque habet, iam regnum Dei intra ipsum est. *Qui enim in hoc servit Christo, placet Deo: probatus hominibus in iustitia, in pace verò bene habitans secum. Ex affectu ergo pacis, qua intus fruimur, foris qua pacis sunt sectemur: & ex affectu iustitiæ, qua adificationis sunt, custodiamus.* Quid autem evidentius exigit iustitia: quam ut propter escam non destruiam<sup>9</sup> in fratribus opus redemptionis Christi? *Omnia quippe munda sunt: sed malum est homini, qui per offendiculum manducat: quia interioris iustitiæ conscientiam fauciatur; dum unde ipse reficitur, anima fratris periclitatur. Bonum ergo est homini non manducare carnem; neque bibere vinum: neque in quo frater tuus offenditur, scandalizatur, aut infirmatur.* Carnem & vinum alterum Deus concupiscentiæ humanæ permittit: alterum concupiscentiæ ipsius curiositas adinvenit. Neutrū quippe naturale est. Unde cum Dominus homines illos sariaret in deserto; de potu nec sermo habitus est: cum præsto esset, quod naturale est, iuxta mare Tiberiadis. Bonum ergo est temperare, maximè ab his, quæ non tam vitæ necessitas, quam carnalis requirit concupiscentia; & in quibus frater offenditur, perturbatur. quasi à fide volens recedere, nesciēs quid teneat, aut scandalizatus contristatur, aut infirmatus in fide, nō quidem recedit, sed dubitare incipit. *Tu fidem habes, habes penam temetipsum, ubi à nemine tibi tollatur: habes etiam Deo, qui eam approbat; nō coram infirmo, qui scandalizatur.* Hoc enim modo quæ pacis sunt sectamur. Filij enim sæculi, dum singuli, quæ sua sunt querunt, pacem insectantur: filij verò regni cælorum etiam fugientem cum periculo, cum labore, cum damno rerum, & nonnumquam etiam famæ, sectantur. Fide quippe vera & cæta ubi omnes gentes per agnitionem fidei à contaminatione mundantur; ibi & omnis cibus verbo & oratione purgatur: sed quia quod bonum est, malum fit per offendiculum manducanti; ab eo quod licet, sed non expedit, temperetur. Sequitur. *Beatus qui non iudicat semetipsum, in eo quod probat.* Quod unum est, ac si dicat. Beatus qui sic agit bonum suum: ut ex eo alij non fiat scandalum. Semetipsum enim in eo quod probat iudicat, & iudicabilem & damnabilem constituit: qui cum, quod approbat amplectitur; infirmi fratris salutem negligit. Quod hic evitari non potest. Si enim firmus in fide credit manducare omnia; infirmus autem exemplo firmi manducat omnia; nec tamen fidem eius capit, cuius actum imitatur, qui comedit non ex fide, damnatus est: qui suo ad hoc exemplo eum compulit, in facto suo iudicatus est. *Omne enim quod non est ex fide, peccatum est.* Non enim omnis actus tantum: sed omnis infidelium vita peccatum est. Vbi enim deest agnitio incommutabilis veritatis: falsa virtus est etiam in optimis moribus. Nam, sicut iam dictū est, & sæpe dicendum est, & firmiter credendū est, optima opera fiunt ab homine; fides autem fit in homine, sine qua nulla bona opera fiunt ab ullo homine: quia peccatum est, quicquid ex fide non est. Peccat ergo, qui non cū fide manducat: semetipsum verò ille iudicat, cuius exemplo infirmus peccat. In suo enim genere curandū est; quod ad melius interim perducere non potest. *Debemus enim nos firmiores imbecillitates infir-*

morum sustinere; non ut semper sint, sed ut suo ordine curetur. Melius enim est vltus pernitiosum prius vngendo & palpano, lenire, quam temerario impetu exulcerare: donec sapientis patientia medici ad hoc perducatur, ut sine periculo exulceretur. *Et non nobis placere.* Merces placentium sibi, ait quidam homo Dei, est ipsū placere sibi: cum neglecta fratrum charitate, nō eis placere appetunt in bonum, sed sibi ad propriæ voluntatis arbitriū. Unde sequitur. *Unusquisque nostrum placeat proximo suo in bonum, ad adificationem.* Etenim Christus cum tempus videtur vniuersalis salutis ædificandæ, ppter bonū publicū priuato sibi amore placere noluit, dicens. *Pater si possibile est: trāseat a me calix iste.* Verūtamē *non sicut ego volo, sed sicut tu vis.* Deinde etiā ipso peria ipso peria Deo Patri de passione ejus, cū dicerent, *liberet eū nunc si vult, dixit enim, quia filius Dei sum, ceciderūt super eum; cū fecerunt in eū quæcumque; voluerunt.* Quæcumque enim scripta sunt, ad nostram doctrinam scripta sunt: ut per patientiā & consolationem Scripturarum spem habeamus. Ideo enim ad commemorationem fidei nostræ, ad consolationem spei, ad exhortationem charitatis, libros Propheticos & Apostolicos legimus, alterutris sensibus sibi concinentes, & hac concinentia tanquam cælesti tuba à torpore mortalis vitæ nos excitantes; & ad palmas supernæ vocationis prouocantes. Denique attendens omnia bona quæ habere possumus, siue in natura, siue in institutis, siue in moribus, vel virtutibus, ex dono Dei esse, & non ex nobis; sic conclusit orans. *Deus autem patientia & solatijs det vobis id ipsum sapere in alterutrum secundum Iesum Christum: ut unanimi uno ore honorificetis Deum & Patrem Domini nostri Iesum Christi.* Sicut enim ipse salus nostra est, quia dat salutem; refugium, quia ad eum refugimus: sic & Deus patientiæ est, & solatijs, quia ex ipso patientes sumus, & non nisi ad ipso consolatione expectamus. Non enim ex Scripturis patientia vel consolatio: licet aliquando per Scripturas. Non enim ex ipso tantum patientia; sed sicut dicit Propheta, ipse est patientia nostra, ipse consolatio; qui amantem se consolatur, non nisi de semetipso. Quando enim consolatur ipsum; nisi quando dat ei sapere ad ipsum? Cū autem inuicem sapimus id ipsum: quid tam bonū, quid tam iucundum? Nonne hoc est habitare fratres in vnum? Hoc autem secundum Iesum Christū, qui dixit. *Hoc est præceptum meum, ut diligatis inuicem.* Qui etiam bonæ radicis succum ramis insertis infundens: sicut, inquit, dilexi vos, Absit enim à discipulis Christi carnalis affectio, & amor omnis, qui non tendit in id ipsum. Hæc autem omnia, ut unanimi corde credentes ad iustitiam uno ore confitentes ad salutem, honoretis Deum omnia creatorem, & inveterata per Filium innoyantem, & instaurantem. *Luceant, inquit, opera vestra bona coram hominibus: ut videant & honorificent patrem vestrum qui in celis est.* Hic est honor, quo honorandus est à nobis Deus. Ipse verò honor noster est, cui dicit Propheta. *Nimis honorati sunt amici tui, Deus. Propter quod suscipit inuicem; sicut & Christus suscepit vos in honorem Dei.* Non enim diligemus inuicem: nisi suscipiamus inuicem. Suscipimus enim inuicem: cū videmus fratrem nostrum necessitatem pati, & non claudimus viscera nostra ab eo: sed suscipimus eum in sinum charita-

- tis. Suscipimus inuicem; cum non iudicat Iu-  
 dex Gentilem, vel Gentilis Iudæum: sed vnū  
 corpus & vnus spiritus efficimur in honorem  
 Dei: sicut & Christus suscepit nos, neutrum re-  
 pellens, neutrum reprobans ob notam generis  
 sui. Vtrumque Christum suscepisse ostendit di-  
 cens. *Dico enim Christum Iesum ministrum fuisse*  
*circumcisionis, propter veritatem Dei, ad confirman-*  
*das promissiones Patrum: Gentes autem super mi-*  
*sericordia honorare Deum.* Venit enim vnus pa-  
 rietes ex circūcisione, applicans se ad lapidem an-  
 gularē: sed ille lapis angulum non faceret, ni-  
 si alium parietem ex Gentibus susciperet. Parietes  
 ex Iudæis propriè pertinet ad veritatem: vnde  
 & dicit, propter veritatem Dei ad confirmandas  
 promissiones Patrum: iste autem ex Gentibus  
 pertinet ad misericordiam; de quo item dicit,  
*Gentes super misericordia honorare Deum.* Sic er-  
 go in Christo misericordia & veritas obuia-  
 verunt sibi. Non autē debitū erat panem filiorū  
 tollere, & mittere canibus: nisi canes humiliati  
 ad tollendas micās, quæ de mensa Dñi cade-  
 rent, per ipsam humilitatē exaltati, atq; homines  
 facti, ad ipsam mensā mererentur accedere. Por-  
 rō gēti Iudæorum tantū prærogauit honorem:  
 ut inhabitaret in terra eorū præsentie ei⁹ gloria.  
 Ibi natus, ibi conversatus est; & inde cœpit præ-  
 dicare: quia ex Sion species decoris ejus. Inde  
 & Apostoli ad illos primū missi. Ibi Patriar-  
 chæ; inde Prophetæ. Ibi veniens de semine A-  
 brahæ manifestatus est: illis missus, illorum A-  
 postolus, sicut ipse dixit. *Non sum missus, nisi*  
*ad omnes domus Israël:* propter quod & Apostolus  
 dicit eum *ministrum circumcisionis*, id est Iudæo-  
 rum: *Gentes autem super misericordia honorare*  
*Deum, sicut scriptum est. Propter hoc cōfitebor tibi*  
*in Gentibus, & nomini tuo cantabo.* Per me, in-  
 quit Filius ad Patrem, confitebuntur tibi Gen-  
 tes: & bonis eorum moribus latius innotescēs.  
 Confessio hæc laudis est: quod autem ait, *can-*  
*tabo*, canticum novum est: quod ipse cantat in  
 nobis, cuius gratia nos cantamus. Vnde & ali-  
 bi, *cantantes*, ait, *in cordibus vestris Domino.* In-  
 tus enim est hoc gaudium: vbi vox amoris &  
 cantat & auditur ab eo, qui ab ipsa voce lauda-  
 tur. Canticum enim hoc est; gratis amare, toto  
 corde, tota anima, tota virtute. Et iterum dicit  
 Spiritus sanctus in cantico Deuteronomij. *La-*  
*tamini Gentes cum plebe ejus. Et iterum. Laudate*  
*omnes Gentes Dominum: & magnificate eum om-*  
*nes populi.* Et rursus *Isaiæ* ait. *Erit radix Jesse,*  
*& qui exurgat regere Gentes, in eum Gentes spera-*  
*bunt.* Jesse interpretatur, est mihi. In adventu  
 enim Christi dicit qui credit, est mihi: quia qui  
 dicit ad Moysen. *Ego sum qui sum*, credenti ad-  
 est in Deum. Exurgit autem, ut & homo sit &  
 supra hominem: non habens peccatum, nec ve-  
 niens per peccatum communi lege nascendi, &  
 tollens peccatum mundi. Vnde quia meritō  
 Gentes in eum sperabunt: subjungit orando.  
*Deus autem spei repleat vos omni gaudio & pace in*  
*credendo; ut abundetis in spe, & virtute Spiritus*  
*sancti.* Fidei, spei, & charitatis virtutem conti-  
 nere videtur hæc oratio; dum credenti impre-  
 catur gaudium bene pacatæ conscientie, gaudiū  
 plenum, & abundantiam in spe, & in charitate,  
 quæ propria est virtus Spiritus sancti. Deus au-  
 tem noster, propriè Deus spei est: in quem cre-  
 dentes spes sua non confundit: omnes verō Dij  
 Gentium dæmonia, & opera sunt manuum eo-  
 rum. *Certus sum autē fratres mei, & ego ipse de vo-*  
*bis, quoniam & ipsi pleni estis dilectione, repleti om-*  
*ni scientia: ita ut possitis alterutrum monere.* Hic  
 iam quasi in portu silentij vela laxantur; post tā-  
 tum profundorum sensuum pelagus: & pere-  
 grinæ mercis conuectio commendatur: primū-  
 que suam eis commendat benevolentiam, qua  
 apud eos inferebat, quibus eos abundare sciebat:  
 deinde etiam prædicat scientiæ apud eos & di-  
 lectionis plenitudinem, quæ admonere potius  
 sufficiat, quàm indigeat admoneri. *Audaciū*  
*autem, inquit, scripsi vobis, fratres, ex parte, ita quā*  
*in memoriam vos reducens, propter gratiam, quæ*  
*data est mihi à Deo, ut sim minister Christi Iesu in*  
*Gentibus: sanctificans Evangelium Dei: ut fiat*  
*oblatio Gentium accepta, & sanctificata in Spiritu*  
*sancto.* Audaciū omnino. Nisi enim ex inha-  
 bitantis in eo Spiritus sancti fiducia procederet;  
 magna hominis erat audacia, tenebris caligino-  
 sæ hujus ignorantie commanentis, tam altos &  
 profundos sapientiæ Dei sinus, quasi discutiē-  
 do voluisse attentare, de lege & gratia, de re-  
 probatione Iudæorum, & vocatione Gentium,  
 alijsque quampluribus, quæ scripsisse se dicit ex  
 parte: quia quādiu sic sum⁹, vbi ex parte scim⁹,  
 & ex parte prophetamus, taliū sensuū nulli plen⁹  
 conceditur intellect⁹. Sed sic sanctificabat, vel po-  
 tius, sicut meli⁹ græcus habet, *sacrificabat* evange-  
 liū Dei: in quo etiā pontificale quoddā ministe-  
 riū ostenditur: ut fieret *oblatio Gentium accepta,*  
*& sanctificata in Spiritu sancto.* Plurimū enim cō-  
 fert auditoribus intellecta doctoris beneuolētia  
 & doctrina, tempore & modo suo dispensata.  
 Vnde & adhuc addit, quasi ad commendandas  
 merces, quas conuehit, *habet, inquit, gloriam ad*  
*Deum.* Et temperans quod dixit: *in Christo, ait,*  
*Domino nostro.* Nam licet bonum omne nostrū  
 illius sit gloria, cuius est gratia: gloriatur tamē,  
 qui in Domino gloriatur. Vnde autem gloriatur?  
*Non enim audeo aliquid loqui eorum, quæ*  
*per me non efficit Christus.* Iterum gratiæ commē-  
 datio. Non quæ ego nō facio; sed quæ per me  
 efficit Christus. Christus enim facit, sed per me  
 facit. Christus in me facit: sed per me exterius  
 apparere facit, hoc enim sonare videtur verbum  
 efficit. Simul etiam intelligendum est: quia ad  
 prædicandum plus conscientia sancti amoris æ-  
 dificat, quàm exercitium sermonis: cum, qui do-  
 cet, intus legit quod dicit. *In obedientiam Gen-*  
*tium verbo & factis; in virtute signorum & prodigi-*  
*orum, in virtute Spiritus sancti.* Dicturus facta  
 & virtutes signorum & prodigiorum, omnibus  
 etiam verbo prædicationis lux, præposuit obe-  
 dientiam Gentium: plus eius merito, quàm suo  
 labori adscribens omnia, quæ sequuntur: in fine  
 verò ipsam Gentium obedientiam, & quicquid  
 ejus merito suoque labore confectum est, virtu-  
 ti Sancti Spiritus religiosa pietate assignans. Ad  
 locum vnde exeunt, cuncta facit reuerti circū-  
 spectus gratiæ prædicator. Deinde etiam stre-  
 nuitatem suam in Evāgelio cōmendans, subdit.  
*Itant ab Ierusalē per circūitum usque ad Illiricum*  
*repleverim quicquid interjacet, Evangelio Dei. Sic*  
*autem predicanī illud, non ubi nominatus est Chri-*  
*stus, ne super alienum fundamentum adificarem:*  
*sed sicut scriptum est, quibus non est annunciatum,*  
*de eo videbunt; & qui non audierunt, intelligent.*  
 Non enim alienos labores inuadere volebam;  
 quin potius iactō ubique verbi semine secutus  
 messoribus terras præparabam. *Propter quod li-*

Vers. 14.

v. 15. &amp; 16.

Vers. 17.

Vers. 18.

Christus per  
sanctos facit  
bona, quæ  
ipsi faciunt.

V. 18. &amp; 19.

Vers. 19.

20. &amp; 21.

v. 23. &amp; 24.

gus me circuitus impediēbat plurimum venire ad vos: cum non deesset voluntas. Nunc verò ulterius locum non habens in his regionibus, cupiditatem autem habens veniendi ad vos ex multis jam precedentibus annis: cum in Hispaniam proficisci cōperō, spero quod prateriens videam vos, ut à vobis deducar illic: si vobis primum ex parte fructus fuero. Miranda doctoris Gentium providentia: quicum in Romanis laborare desideraret, & promptum haberet; non promittebat, non ingerebat; offerebat tamen eis præsentiā suā, dicens se Romam venturum, non propter Romam, sed propter Hispaniam: ne scilicet verbū Evangelij in ore eius esset minus pretiosum; si quasi improbus & importunus nolentibus superveniret. Ex parte tamen, & quasi in transitu primum eis se fructurum denuntiāns, suum eis affectum commendat: deinde verò ab eis deducendum se dicens, ipsorum etiam sibi amorem conciliat. Doctori enim Ecclesiæ, sicut omni modis cauendum est, ne qua superbiæ similitudine auditores à se deterreat: sic etiam ne nimia humilitatis remissione verbum Dei in ore ejus vilescat. Vnde de Samuele dicitur, cum ab omnibus requireretur; quia erat sermo Domini pretiosus. Nunc igitur proficiscar Ierusalem ministerare sanctis. Probauerunt enim Macedonia & Achaia, collationem aliquā facere in pauperes sanctorum qui sunt Ierusalem. Placuit enim eis, & debitorum sunt eorum. Nam si spiritualium eorum participes facti sunt Gentiles: debent & in carnalibus ministrare eis. Hoc igitur cum consummauerō, & assignauiero eis fructum hunc, proficiscar per vos in Hispaniam. Fideles quippe ex Iudæis agnita veritate, & conuersi ad eum quem crucifixerant partim per inuidiam, partim per errorē: & veteris hominis desideria mortificantes, & spiritualis vitæ novitate flagrantēs, sicut præceperat in Evangelio Dominus, vendebant omnia quæ habebant, & pretia rerum suarum ante pedes Apostolorum ponebant: ut ipsi distribuerent unicuique prout opus erat: viuentēque in Christiana dilectione concorditer, non dicebāt aliquid suum: sed erant illis omnia communia, & anima vna, & cor vnum in Domino. Deinde etiam ipsi à Iudæis carnalibus ciuibz suis persecutionem passi sunt: ut latius Christus eorum dispersione prædicaretur. Apostolus ergo Ecclesias constituens per omnes gentes, quā Evangelij seminabat, impensē præcipiebat, ut quoniam ipsi ex idolorum cultura venientes, & ad vnum Deum colendum rudes, non facile poterant perfectionis huius culmen attingere; oblationes facerent in pauperes sanctorum, qui erāt in Iudæa: illos constituens tanquā milites, istos verò tanquam stipendiarios provinciales. Sequitur. Scio autem, quoniam veniens ad vos, in abundantia benedictionis Christi veniam. Abundantiæ benedictionis Christi, quam veniens Apostolus Romanis intulit, totus mundus participes est. Obsecro igitur vos fratres per Dominum nostrum Iesum Christum, & per charitatem Spiritus sancti, ut adiuuetis me in orationibus vestris ad Deum; ut liberer ab iniquis libus qui sunt in Iudæa: & obsequij mei oblatio accepta fiat in Ierosolima sanctis, ut veniam ad vos in gaudio per voluntatem Dei, & refrigerer vobiscum. Quid dicit in orationibus, Græcus magis agonem orationis habere videtur: ut & vitiorum nostrorum & spiritualium etiam nequitiarum impugnationes o-

rationibus nostris nunquā deesse sciamus. Quis autē de se securus esse poterit? Apetulo à discipulis orationum petente suffragia? Simul etiam aduerte, quanta ei de sanctis sit cura, quanta reverentia: qui securus fuit, & salutus tua, de obsequij sui oblatione tantummodo edo est sollicitus: ut eo perferatur, ut accepta sit sanctis. Sic enim & factum est. Consummato quippe in Ierusalem oblationis suæ obsequio, comprehensus à Iudæis, vinctusque Gentibus traditus est. Vnde & necessitate appellandi Cæsaris facta Romam perductus est. Deum autē pacis sit cum omnibus vobis, Amen. In pace consummat, qui à pace incepit, dicens. Gratia vobis & pax. Commendo autem vobis Phœben sororem nostram, quæ est in ministerio Ecclesiæ quæ est Cenchre, ut eam suscipiat in Domino digni sanctis, & assistatis ei, in quocumque negotio vestri indigerit. Etenim & ipsa quoque assistit multis, & mihi ipsi. Salutate Priscā & Aquilam adiutores meos in Christo Iesu, qui pro anima mea cernices suas supposuerunt: quibus non solus ego gratias ago, sed & cunctæ Ecclesiæ Gentium: & domesticam eorum Ecclesiā. Salutate Ephremum dilectum mihi, qui est primitivus Asia in Christo Iesu. Salutate Mariam, quæ multum laboravit in vobis Salutate Andronicam & Iuliam cognatos & concaptivos meos, qui sunt nobiles in Apostolis; qui & ante me fuerunt in Christo Iesu. Forsitan arctiori vinculo spiritualis amoris cōiuncti erant Apostolo isti; propter quod appellat eos cognatos: & altioris meriti, propter quod eos appellat concaptivos: quos huius vitæ exilium & ærumnas moleste ferre sciebat amore celestis patriæ; ideoque ad consolationem eorum, se eorum dicit cōcaptivum. Salutate Ampliatum dilectissimum mihi in Domino. Salutate Urbanum adiutorem nostrum: & Stachin dilectum meum. Salutate Apellen probum in Christo Salutate eos, qui sunt ex Aristoboli domo. Salutate Herodionem cognatum meum. Salutate eos, qui sunt ex Narcissi domo, qui sunt in Domino. Salutate Triphenam & Triphosam, quæ laboraverunt in Domino. Salutate Perjulam carissimam, quæ multum laboravit in Domino. Salutate Rufum electum in Domino, & matrem ejus in carne, meam autem in spiritu. Salutate Asincritum, Phlegontiam, Hermem, Patroclum, Hermā, & qui sunt cum eis. Salutate Philologum & Iuliam, Nereum & sororē ejus, & Olympiadem, & omnes qui cum eis sunt, sanctos. Salutate invicem in osculo sancto. Salutant vos omnes Ecclesiæ Christi. Acti dicat. Quid sigillatim diuido salutantes & salutandos? Omnem, qui est in Ecclesiā Christi, salutant omnes Ecclesiæ Christi. Rogo autem vos fratres, ut observetis eos, qui dissensiones & offendicula, præter doctrinam, quam vos didicistis, faciunt; & declinate ab eis. Manifestum est ex offendiculis fieri dissensiones: ex dissensionibus divisiones; ex quibus hæreses fiunt & schismata. Si autem præcipit Apostolus declinandū ab eis, qui offendicula faciunt: quanto magis qui dissensionibus Ecclesiam dividunt? Huiusmodi enim Christo Domino non serviunt, sed suo ventri: non curantes cuius cor possint exinanire, dum suum ventrem possint implere. Videtur hic tangere aliquas hæresum pestes jam in Ecclesia pullulantes: per dulces, sicut ipse dicit, sermones & benedictiones innocentium corda seducentes: ponentes secundū Prophetam tenebras lucem & lucē tenebras; amarū dulce, & dulce amarū: ad dulce

Vers. 33.

Capit. 16. v. 1. &amp; seq.

v. 8. &amp; seq.

Vers. 17.

Vers. 18.

Isai. 5.

Doctori superbia fugienda, &amp; nimia dejectio

A. Reg. 3. Vers. 25. &amp; seq.

Vita primum Christianorum. Actor. 4.

Vers. 29.

vers. 30. &amp; seq.

Orationes à damone impugnantur.

Verf. 19.  
Cavendum,  
ne malitiam  
sua sim-  
plices decipi-  
ant.

Verf. 19.

Verf. 20.

Genes. 3.

2. 20. & seq.

Verf. 25.

Pater nō est  
sapiens sapi-  
entia genita

placitum loquentes, vixis adulantes: & ita his omnibus, non nisi quæ ventris sunt, quærentes. *Vestra enim obedientia in omni loco divulgata est.* Hoc est, quod doctoribus Ecclesiæ vehementissimè formidandum est & cavendum: ne simplicium bonis malorū astutia abutatur in malum. Ecce enim Romanorum laudabilis obedientia, si in huiusmodi incideret prædicatores, occultos ad decipiendum, astutos ad suadendū, blandos ad suggerenda quæ carnis sunt, quid periculosius? Propter quod subdit. *Gaudeo igitur in vobis.* Gaudeo in vobis, pro vestra obedientia: sed timeo vobis, pro astutia inimici. *Sed volo vos sapientes esse in bono, & simplices in malo.* Sapiens est in bono, qui bonum propositum statim quasi naturaliter sapit: simplex in malo, quæ ipsam boni formam animo tenentem malorum duplicitas non decipit: quia forma mali quomodo-cumque aptata, formæ quam animo gerit, non potest coaptari. *Dem autem pacis conterat Satanam sub pedibus vestris velociter.* Dictum est mulieri, vel potius serpenti, cum puniret Deus peccatum primi hominis. *Ipsa enim observabit caput: tu autem observabis ejus calcaneum.* Observat ergo colubet tortuosus & Satanæ calcaneum tuum, quando labaris à via Domini, ut cadas, & cadentem possideat: observa tu primā ejus suggestionem, id est caput ejus. Si contempnisti promissum lucrum, propter animæ detrimentum: calcasti caput serpentis. Si sic sæpè egeris, aderit tibi pacem faciens Deus pacis; & incipiet serpens noxius sæpè calcatum caput nō posse erigere: tu verò totum Satanam conteres sub pedibus tuis, cum plenam de concupiscentia victoriam obtinebis: ut mandatum legis ad plenum impleas, quod dicit, *Non concupisces.* Felix, sed rara conscientia: quæ ad plenum hoc in præsentī vita meretur accipere. Hoc autem unde fiat, subjungens dicit. *Gratia Domini nostri Jesu Christi vobiscum.* *Salutat vos Timotheus adjutor meus, & Lucius, & Iason, & Sosipater cognati mei.* *Saluto vos ego Tertius, qui scripsi epistolam, in Domino.* *Salutat vos Caius hospes meus, & universa Ecclesia salutat vos Erastus arcarius civitatis, & Quartus frater.* *Gratia Dei cū omnibus vobis, Amen.* Ei autem qui potens est vos confirmare iuxta Evangelium meum & prædicationem Jesu Christi, secundum revelationem mysterij temporibus æternis taciti, quod nunc patefactum est per Scripturas Prophetarum, secundum præceptum æterni Dei ad obediendum fidei in cunctis Gentibus cogniti, soli sapienti Deo per Iesum Christum: cui honor & gloria per omnia sæcula sæculorum, Amen. Hoc est. Ei qui potens est vos confirmare, soli sapienti Deo, gloria in sæcula sæculorum. Quod autem interpositum est, per Iesum Christum, utrum soli sapienti Deo per Iesum Christum accipi debeat, ut scilicet solus Deus paret sapiens per Iesum Christum sapiens esse intelligatur, non participando, sed gignendo sapientiam, quod est Christus Iesus; an verò non per Iesum Christum sapienti, sed per Iesum Christum gloria soli Deo sapienti, videtur ambiguum. Sed quis audeat dicere, per Iesum Christum fieri, ut sit sapiens Deus Pater; cum secundum substantiam suam non dubitandum sit esse sapientem, potiusque sit substantia Filij per gignentem Patrem, quam substantia Patris per genitum Filium? Restat ergo, ut soli sapienti gloria sit per Iesum Christum, hoc est clara cū

laude & notitia, quæ innouit Gentibus Trinitas Deus. Ideo autem per Iesum Christum: quia ut alia taceam, ipse præcepit baptizari omnes Gentes in nomine Patris & Filij & Spiritus sancti: ubi præcipue commendata est huius gloria individue Trinitatis. Deus itaque quod est ipsa Trinitas, propter ea solus sapiens rectè dicitur: quia solus secundum substantiam suam sapiens est, non secundum accidentem vel accedentem participationem sapientiæ; sicut sapiens est quæcumque rationalis creatura. Quod verò additū est, *cui*, ut diceretur, cui gloria, cum sufficeret, si sic dictum esset, *ei autem gloria*, inusitatam nostræ linguæ designat locutionē: non sensum quem requiramus, vel de quo ambigamus, insinuat. Quid enī in sensu deperit: si dicatur, *ei gloria*, cui per Iesum Christum gloria? Hoc est namque, ei per Iesum Christum, cui gloria, quod, cui per Iesum Christum gloria. Sed horum alter inusitatus, alter vñtatas est ordo verborum. *Qui potens est*, inquit, *vos confirmare, iuxta Evangelium meum, & prædicationem Jesu Christi.* Evangelij Pauli & prædicatio Christi nihil dissonum, nihil habent diversum: cum alterum ex altero procedat. *Secundum revelationem mysterij temporibus æternis taciti.* Quod hoc est mysterium; nisi quod verbum caro factum est, & habitavit in nobis? Siquidem ejus humiliatio nostra exaltatio facta est: illius infirmitate nos fortes facti sumus. Sed quæ sic tempora dixerit æterna, perquirendum est. Si enim æternitatem intelligi voluit, æternitatem vñque mysterium Christi nō latuit: cujus ratio & modus in æternitate quæ Deus est, semper fuit, etiam priusquā tempus aliquod fuit. Tempus enim ante creaturam nō fuit; quia nec unquam essent tempora, nisi creatura esset, quam aliquid aliqua mutatione mutaret: cujus motionis aut mutationis, cū aliud atque aliud, quæ simul esse non possunt, cedit atque succedit, in brevioribus vel in productioribus morarum intervallis tempus sequeretur. Alijs verò tacitum, sed soli sapienti Deo dicit cognitū mysterium temporibus illis æternis, nunc autem patefactū per Scripturas Prophetarum secundum præceptum æterni Dei, ad obeditionem fidei in omnibus Gentibus. Sed & ad nomen hic Dei quid sibi vult æterni appositio? Forte præcepit æternus Deus, id est, ab æterno præcepit Deus, ut quod cæteris sæculorū generationibus fuerat occultum tantum, nunc, id est, tempore gratiæ esset patefactum per Prophetarū Scripturas: cum Dominus aperuit sensum discipulis, ut eas intelligerent. Tempora autem æterna, quibus tacitum hominibus mysterium Christi fuerit, non erit absurdum, si tota illa temporis dicatur prolixitas ante Christi adventum: in quo et si aliquibus Patriarchis & Prophetis manifestatum est ex parte, & quasi in ænigmatibus & figuris: nulli tamen, sicut nunc patefactum est: maxime cum in agnitione veritatis dicat alibi Apostolus, & Angelos per Evangelij profecisse: & principibus & potestatibus in cælestibus per Ecclesiam multiformem Dei sapientiam innouisse. Quod autem soli sapienti Deo erat cognitum, tempore gratiæ per prædicationē Apostolorum est patefactum; ut prædicantibus illis in cunctis gentibus fidei obediretur.

Matth. 28.  
Gloria SS.  
Trinitatis  
in baptismo  
commenda-  
tur.

Verf. 25.

Mysterium  
olim tacitū  
est Incarna-  
tio verbi.

Luc. 24.

Que sunt  
pura æterna  
hoc loco.

Ephes. 3.

FINIS.

DISPUTATIO



# DISPUTATIO

## ANONYMI ABBATIS,

### DISPUTATIO CATHOLICORVM PATRV AB

#### R AVTHORE INSCRIPTA.

### ADVERSVS DOGMATA PETRI ABAELARDI.

**H**ANC Disputationem Andreas à Quercu, noster Manrique, & alij, Guillelmo à S. Theodoro tribuunt Verum, supra Guillelmi legitimum partum unico libro contentum protulimus, Gaufrido Carnotensi & S. Bernardo scriptum, quo errores Abaelardi nondum eis cogniti declarantur. Hoc autem alterum opus tribus libris distinctum & Prasuli Rothomagensi nuncupatum, editum est, postquam S. Bernardus Petri Abaelardi errores insectatus est; & hic se inique à sancto Patre impetum in Apologia adversus eundem scripta mendaciter calumniatus est. Hic ergo noster Abbas Anonymus beatum Bernardum tuetur, & demonstrat verbis Abaelardi adductis errores ei à sanctissimo Patre imputatos, verè ab ipso traditos & evulgatos. Horum autem Abbatum, Guillelmi scilicet & Anonymi huius testimonijs, imò verbis Abaelardi, quæ ipsi referunt, refutabitur calumnia eorum, quæ B. Bernardum contra Petrum Abaelardum disputantem, larvas dumtaxat & chymaras dicunt insectari, non doctrinam, quam ille tueretur. Quæ injuria in sedem Apostolicam, & in Concilium Senonense, coram quibus capitula librorum Abaelardi lecta sunt, & ab eis damnata, redundat. Qui tanta facilitate S. Patrem ignorantia damnant, & Abaelardum absolunt, in tam prævium iudicium forsan inducti sunt ex lectione Responsionis ejusdem Abaelardi, ante 30. annos cum alijs quibusdam ejus operibus edita, in qua errores sibi ascriptos damnat, & suos esse inficiatur. Verum Responsio illa potius inscribenda erat, Retractatio errorum Petri Abaelardi, quam Responsio contra calumnias objectorum: cum Guillelmus, & Anonymus Abbas sententias ejusdem Abaelardi fuisse referant, errores de quibus accusabatur apertissime continentes. Nec quemquam moneat, quòd in operibus Abaelardi nuper editis non reperiatur illi errores, nam libri illi, qui hos continebant, non sunt typis excusi. Illi enim ceteris operibus, quibus admixti fuissent, perniciem certam attulissent. Porro initium illius disputationis non edidimus. Primus enim quaternio deest exemplari, quod unicum reperitur, & illud fuit olim Bibliotheca Clara-vallis, atque in ejus initio hæc verba jam olim scripta sunt, Deest vnus quaternus, qui habuerit obedientiam librorum requirat. At non solum non repertus est ille quaternus, sed etiam codex ille è bibliotheca illa sulatus: quem Andreas à Quercu vivens possedit, & ego illum ipsam exscripsi. Averte, hanc Anonymum in tertio huius operis libro illam Abaelardi sententiam refellere, qua statuebat, omnibus gratiam Dei offerri. Verum hæc non Abaelardi propria est, sed Scholasticorum Doctorum communis, imò & Patrum; quam inter ceteros egregie tuetur Prosper Augustini discipulus in libris de vocatione Gentium: qui etià illam ad parvulos sine baptismo decedentes extendit. Sanè nec Guillelmus, nec S. Bernardus hanc sententiam in Abaelardo damnarunt; imò ipsi eam passim docent. Pelagianismi quidè Abaelardum infimularunt; quòd diceret nos viribus liberi arbitri posse bona agere, &c. Sed hæc de re iterum in annotationibus nostris infra.



## LIBER PRIMVS

Deest principium, ut jam monuimus: in eo autem quod superest, refutatur dogma Abaelardi, potentiam soli Patri, sapientiam Filio; benignitatem Spiritui sancto heretico sensu tribuentis.

Verba A-  
baelardi.

Acto 1.

Rom. 6.

Joann. 4.

**S**i tam Evangelica quàm Apostolica dicta discutiamus; iuxta ipsius locutionis proprietatem intelligimus, ea quæ ad potentiam pertinent, Patri specialiter adscribi: ut hinc quoque apertè colligi possit, vocabulo Patris omnipotentia ipsa specialiter designari. Aut quippe Filius; quæ Pater posuit in sua potestate, non quæ Filius & Spiritus sanctus. Et infra de eodem. Cum ait Apostolus, ipsum à mortuis resurrexisse per gloriam Patris, innuitur, magis ad personam Patris pertinere, iuxta ejus, ut dictum est, proprietatem, ea quæ potentia sunt, ascribenda esse: sicut Filio, ea quæ ad animi rationem vel sapientiam pertinent, sicut judicare est, quod discretionis est. Unde scriptum est. Pater omne iudicium dedit Filio: quia sapientia cedit potentia in discussione iudicij, ubi æquitas magis examinanda est, quàm vis potentia exercenda. Et infra. Et

ex supra positis jamdudum specialiter nomine Patris diuina potentia declaratur; sic nomine Filij diuina sapientia significatur. Est autem diuina sapientia quadam, ut ita dicam, potentia ipsius Dei. Et infra de Spiritu sancto. Benignitas ipsa, quæ nomine Spiritus sancti demonstratur, non est aliqua in Deo potentia, sine sapientia, ut videlicet ipsum benignum esse, sit esse potentem, vel sapientem: sed hæc ejus bonitas magis secundum ipsum charitatis affectum vel effectum accipienda est. Hæc autem eodem ordine verbis eisdem, licet locis diuersis, sicut hic posita sunt, ab antiquo serpente per eum in diabolologia illa euomitæ sunt. Quis vnquam Arrius, quis Eunomius, quis alius Hæresiarcha de Deo tam malè sensir, tam malè scripsit? Quid agitis, ô nostrates Philosophi? Cur oculos auertitis? O nobilissimi iuuenes, ô mundi flores,

Hh

Arrio &  
Eunomio  
consentit A-  
baelardus.



Rom. 14.

ô aurea scientiæ secularis vasa; cur talia discitis cur dicitis, cur scribitis? Utinam magistri vestri scripta vana tantummodò essent, non tam pernitiola. Apostolica sanctio est, *omne quod non est ex fide, peccatum est*. Quid est ergo, quod destruit fidem? Sed ne diutius olidum cœnum remouentes nausæa incurramus, releamus superiora. Dicit, quòd Pater est omnipotentia. Verum est, hic nulla quæstio est. At quòd *specialiter* adiungit, suspectus mihi factus est, venenum portat. Vult enim, quòd Pater habeat omnipotentiam quandam, quam Filius non habeat; id est, quòd Pater potest esse seipso, Filius non potest esse à seipso. Ad hanc fallaciam veridica responsione denodandam postea reuertemur. Dicit, quòd sapientia Patris, quæ est Filius, nō est omnipotentia, sed aliquid de Patre; id est, quædam potentia de omnipotentia Patris. Id pluries replicat. Dicit, quòd benignitas ipsa, quæ est Spiritus sanctus, non est aliqua in Deo potentia vel sapientia; quia aliud est, benignum esse; aliud, sapientem vel potentem esse. Dicit, quia sapientia cedit potentia in discussione iudicij, vbi æquitas magis examinanda est, quàm vis potentia exercenda. Dicit, quòd Pater quædam posuit in sua potestate, quæ non posuit Filius, vel Spiritus sanctus. His non tam argutijs, quàm mendacijs, sicut ordo propositionis requirit, & Deus, pro quo & de quo loquimur administraverit; respondendum est. Ac primum requiro, cur sanctæ religionis & magni nominis Abbate insimulet falsa finxisse; quia in Theologia sua scripserit, Filium esse quandam potentiam, Spiritum sanctum nullam. Id enim in Apologia sua, quam contra Abbatem Petrus ipse dirigit, se dixisse denegat; scilicet, quòd diuina sapietia quædam sit potentia Patris, non Filius; & quòd amor Patris & Filij, sit nulla potentia, non Spiritus sanctus, se dixisse proficitur, & verum esse pertinaciter contendit. Sed vix contentionibus hominum. Verè iuxta Ieremiam stultus est factus omnis homo ab scientia. Miror ego homullulus quidam famæ tenuis, & scientiæ nullius, tam eruditum, tam celebrem magistrum, talibus nanijs tam turpiter innolutum fuisse. Non debuisset vel idiora quilibet ætiarum aranearum tam floccidis casibus irretiri. Si enim sapientia Dei est filius Dei, & è conuerso; & amor Patris & Filij est Spiritus sanctus, & è conuerso; sapientiam Patris quandam potentiam esse, & Filium non esse, & amorem Patris & Filij nullam potentiam esse, & Spiritum sanctum non esse, per me videre non possum. Licet enim non Patet per Filium, sed Filius per Patrem sapiens sit; Pater enim à nullo, Filius à Patre est, quidquid est: ipse Petrus tamen qualiter de sapientia Patris agat, maximè in Apologia sua manifestat, vbi super hoc capitulum ita dicit. *Sicut ergo sapientia, quam filium ejus intelligimus, quædam potentia est, vel facultas omnia discernendi siue cognoscendi, ne per ignorantiam errare possit; sic amor ipsius, siue benignitas, quam Spiritum Sanctum dicimus, optima est ejus voluntas, potius quam potestas*. Expergiscimini, qui dormitis in lectis eburneis, & lasciuitis in stratis vestris, sapientiæ secularis amatores; & videte, quàm cæca sit præsumptionis audacia. Hic apertè dicit, sapientiam Dei, id est, Filium Dei, quandam Dei potentiam esse vel facultatem, omnia scilicet discernendi vel cognoscendi; tacet, (facien-

di, ne omnipotentiam adscribat Filio, cum scriptum sit, *Omnia per ipsum facta sunt*: & amorē Dei, siue benignitatem Dei, id est Spiritum sanctum, optimam esse voluntatem, non potestatem. Quid amplius quæritis? Planum est. Dicit quidem, *Pater est omnipotentia, Filius quædam potentia, Spiritus sanctus nulla potentia*. Cur igitur inuehitur pro capitulis his, velut ab eo factis, quæ criminatorem suum appellat, in Abbatem? Nunc ergo, non voce Iudæorum, sed Orthodoxorum iudicio simul omnes exclamemus, *Reus est mortis*. At coluber ille tortuosus modò reflexus in gyros, modò secundum sententiā iudicis, gradiens supra pectus, quantum potest erectus, latebrosissimæ ac obscurissimæ disputationis antrū ingreditur, & velut in altissima rupe Parmenidis sibilat inaudita; per Apologiam suam Theologiam impeiorat, novos veterib⁹ errores adjungit, & eos pertinaciter & contentiosè, quod hæreticum hominem facit, defendere contēdit: novitatum amatores, ac simplices auditores, sophisticis importunitatibus eludit; Abbatem literatissimum, & quod majus est, religiosissimū, vocat inexpertum artis illius, quæ magistra est differendi: quasi non legisset in Apostolo, quòd *sapientia mundi stultitia est apud Deum*. Sed & illud maximè de Apostolo, & in eodē Apostolo. *Videte, ne quis vos spoliēt per Philosophiam & inanem deceptionem, secundum traditionem hominum, & secundum elementa mundi, & non secundum Christum: in quo inhabitat omnis plenitudo diuinitatis corporaliter*. His itaque, pro eo quòd capitula illa Abbatem finxisse commemorat, excursis, jã nunc ratio nos cogit, vt ad præsentia mendacia redeamus; & ea non viribus nostris, sed sanctorum Patrum patrocinij discutiamus. Cunctis vera scientib⁹ liquet, quòd la ter falsitas sub veritate; & quia per se turpis est, semper cōtegi nititur sub illius vmbraculo. Verum est enim, omnipotentia pertinet ad Patrē, quia pater omnipotens est, & à nullo est: & vt B. Dionysius Areopagita in Hierarchia sua dicit, *fons deitatis est Pater*: Filius verò naturaliter est de Patre suo, & Spiritus sanctus de Patre & Filio: sed quòd omnipotentia sic propriè assignat Patri, vt eam vitet assignare Filio vel Spiritui sancto, vt per id scilicet distinctionem personarum faciat, Patris per omnipotentiam, Filij per sapientiam, id est, secundum se quandam potentiam, Spiritus sancti per nullam vel potentiam, vel sapientiam, quia per benignitatem solam, venenum est, error est, hæresis est; & vt verbis magistri sui, de quo plusiusto gloriatur, vtar, fallacia est. Neque enim habet aliquam omnipotentia Pater, quā nō habeat Fili⁹: quia quidquid habet Pater, habet & Filius: quia de omnipotente est Filius omnipotens. Alioquin verū non est illud Evangelicum, vbi Filius dicit ad Patrem. *Omnia mea tua sunt*; & *omnia tua mea sunt*. Æqualis enim est Patri per omnia Filius secundum diuinitatem; licet quòd est, de eo sit; quia de Deo Deus natus est, & ipse, non ipse: & vbi est naturalis æqualitas, ibi æqualis & naturalis est potestas. Videamus si assertioni huic Sanctorum Patrū concinat authoritas. Hilarius ille splēdidissimus Galliarū sol, & hæreseos Arrianæ præcipuus & validissimus oppressor, in 7. libro de Trinitate dicit. [Non ambigitur, quin æqualitas nihil differat. Æqualitas verò numquam ibi esse contradicatur, vbi vn̄ io est, nec tamen

Ioann. 1.

Abaelardus

1. Corin. 3.

Coloss. 2.

Ioann. 17.

Laudes Hilary.

Apologia  
Abaelardi  
aduersus S.  
Bernardum  
mendacijs  
& erroribus  
referta.

Verba Abaelardi.

illic reperitur, ut differat. Ita similitudinis æqualitas nec solitudinem habet, nec diuersitatē: quia omnis æqualitas nec diuersa, nec sola est.] Et in eodem paulo post. [Itaque filius in natura Patris eadem est, cui omnia posse naturæ est.] Et noster Aristoteles B. Augustinus, similiter in 7. libro de Trinitate. [Ergo & pater ipse sapientia est, & ita dicitur filius sapientia Patris; id est, ut quemadmodum lumen de lumine, & utrumque verum lumen, sic intelligatur sapientia de sapientia, & utraque vna sapientia. Ergo & vna essentia, quia hoc est ibi esse, quod sapere. Quod enim est sapientia sapere, & potētia posse, æternitati æternū esse, iustitiæ iustū esse. Pater igitur & fili⁹ simul vna essentia, & vna magnitudo, & vna veritas, & vna sapientia, & vna omnipotentia.] Videtisne, o Parisienses Academici, q̄ propriè, id est, ad distinctionem personarum, omnipotentia soli Patri non debeat adscribi? Sed ne aliqua, vel paruissima dubitationis nebula remaneat, videte, quid in octauo ejusdem operis libro magister idem de re eadē prosequatur. [Ea, inquit, dicuntur propriè in illa Trinitate distinctæ ad singulas personas pertinentia, quæ relatiuè dicuntur ad inuicem, sicut Pater & Filius, & utriusq; donum Spiritus sanctus. Non enim Pater Trinitas, aut Filius Trinitas, aut Trinitas donum. Quod verò ad se dicuntur singuli, non debet dici pluraliter, tres, sed vna ipsa Trinitas: sicut Deus Pater, Deus Filius, Deus Spiritus sanctus: Deus bonus Pater, bonus Filius, bonus Spiritus sanctus: & omnipotens Pater, omnipotens Filius omnipotens Spiritus: nec tamen tres Dij, aut tres boni, aut tres omnipotentes: sed vnus Deus, bonus, omnipotens; quod est ipsa Trinitas.] His attestationibus sufficienter, quantum arbutor, ostensum est, quod omnipotentia propriè Patri soli non debet adscribi. Sed video quid Petrus hic velit, & in quibus dumetis opinionis nouæ se inferat, quantum Deus dat, intelligo. Profitens in superioribus quod verum est, quia æqualiter Patri Filius omnipotens est, quantum ad operationis effectum; idcirco tamen specialiter omnipotentia Patri attribuitur, quia non est æqualiter ei Filius omnipotens modo quodam, id est, quantum ad subsistendi modum. Id trahere videtur à quodam Maximo, quem puto Græcum fuisse, quem & Ioannes Scotus vsque ad hæresin imitatus est. Talibus hoc in loco Petrus verbis utitur. *Quidquid ad omnipotentiam attinet, non solum quantum ad operationis effectum, verum etiā quantum ad subsistendi modum, Patri tanquam proprium debet attribui, ut tale sit scilicet, quod Maximus dixerit, quod Pater per ingentiam Deitatem omnipotens sit.* Acti apertè dicat. Per hoc quod Deus est, & ingentis, cum utroque modo omnipotentem esse. Ergo & omnipotens est, quantum ad operationis effectum, sicut & Filius, & Spiritus sanctus; & omnipotens est quantum ad subsistendi modum; quod non possunt esse Filius, nec Spiritus sanctus: quia Pater potest esse à seipso, quod Filius non potest, nec Spiritus sanctus. Diuersus ergo est, secundum te, in illa simplici essentia subsistendi modus. Subsistit enim Pater eo modo, ut habeat propriè hanc omnipotentiam, quam non habeat Filius, vel Spiritus sanctus. Huic falso loquio Senecæ scitum aptari potest. *Quidquid ad inuentum est, fundamento caret.* Si enim ita est, fallit vel

fallit, qui dicit in Evangelio. *Ego & Pater Ioann. 10. vnum sumus.* Ego, & Pater, & sumus, ad personarum proprietatem, *vnum* ad essentia pertinet unitatem. Sed non fallit, quia veritas est; nec fallitur, quia sapientia est, & omnipotentia: non qui Pater, sed quod Pater. Non est igitur in illa simplici essentia diuersus subsistendi modus, ubi ejusdem naturæ est, quidquid ibi est; & tantus Deus est solus Pater, quantus Pater & Filius & Spiritus sanctus: quia vnaquæque persona sigillatim perfectus Deus, & tota simul Trinitas non nisi vnus Deus. Augustinus in lib. 6. de Trinitate. [In rebus] inquit, [corporeis non tantum res vna, quantum tres simul; & plus aliquid sunt duæ, quam vna res. Caterum in summa Trinitate, quæ Deus est, tantū est vna, quantum tres simul; tantum est vna, quantum duæ, & in se infinita sunt. Ita & singula sunt in singulis, & singula in omnibus; & omnia in omnibus, & vnum in omnibus. Qui videt hoc vel ex parte; vel per speculum & in ænigmate, gaudeat cognoscens Deum, & sic Deum honorēt, & gratias agat. Qui autem non videt, tendat ad videndum per pietatem, non per cæcitatem ad calūniandum etiam, quia vnus est Deus, sed tamen Trinitas.] Hæc Augustinus ad conterendos nos, vos fidei inimicos; & ad ostendendam indiuiduæ unitatis incomprehensibilem sublimitatem, fortiter atque fideliter disseruit. Claret igitur, nisi his, qui superbix & contentionis spiritu insipientes & impoenitens cor habent, thesaurizantes sibi iram in die iræ & reuelationis iusti iudicii Dei; claret, inquam, diuersum subsistendi modum ibi non esse, ubi principaliter & ineffabiliter vnum & verum est esse. Denique nihil aliud est rei essentia, quam res ipsa: & teste Augustino, Deus relatiuè non subsistit, sicut relatiuè dominatur. Vt enim in 7. lib. de Trinitate dicit, [omnis res ad seipsam subsistit, quanto magis Deus, si dignum est, ut dicatur Deus subsistere.] Et quoniam in Deo nihil aliud est, sapientem esse, vel potentem esse, quam esse, sicut in superioribus & ratione, & tanti Doctoris eruditione potenter & patenter declaratum est, inconueniens dictū est de Deo, & Pater potest esse à seipso: nā est à seipso, quod Filius non est, quia Filius à Patre est. Videte, quod turbatus, vel turbare volens sit, qui de re etiam non simplici dicit. Res ista potest esse res ista. Sed ne verbos⁹ sim, & per me, præsertim talis in talibus, deficiam in me, ad præcellentissimū Doctorem, Augustinum dico, reuortor. Homo ille Dei scribit ad Sanctum Euodium, qui eum de quibusdam rebus obscurissimis epistolis interrogauerat; in quibus, ut sibi videbatur, probauerat ratione, cogi Deum esse; & velut flumen repletum aquis in secunda epistola adeundem Euodium prorupit in hæc verba. [Habes,] inquit, [in libro de vera Religione quem si recoleris atque prospiceres, nunquam tibi videretur ratione cogi Deum esse, vel ratiocinando effici, Deum esse debere: quando quidem in ratione numerorum, quam certè in usu quotidiano habemus, si dicimus, septem & tria debent esse decem, min⁹ consideratè loquimur. Non enim decem debent esse, sed decem sunt. De quibus itaque rebus rectè dicatur, quod esse debeant, siue iam sint; siue iam non sint, satis, quantum æstimo, disputauimus in eis libris, quos commemoravi. Homo enim sapiens esse debet: si est, ut maneat; si non est, ut fiat.

Hh ij

Verba Abaelardi.

Non est in Deo diuersus subsistendi modus.

Aug. ep. 101.

*Deus non debet esse sapiens, sed est.*

141

*Disputatio Abbatis Anonymi.*

Deus autem sapiens non esse debet, sed est. Similiter potens non esse debet, sed est: sicque de omnibus. Omnia enim quæ in eo sunt, nihil aliud quam ipse sunt: sed hac modis loquendi nostra congruit infirmitati. Hinc Hilarius de Trinitate. [ Per id quod habet Deus, ipsum illud significat habendo; quia non humano modo ex compositis Deus est, ut in eo aliud sit, quod ab eo habetur, & aliud sit ipse qui habeat: sed totum quod est, una est natura, perfecta scilicet & absoluta & infinita, & non ex disparibus constituta, sed vivens ipsa per totum. ] Hæc Petrus non vidit, qui confidens in viribus ingenij, & in adinventionibus suis sibi placens, (valde verò stulto homini placet, qui sibi placet,) Sanctorum Patrum per humilitatis ac fidei semitam graditum elimatam doctrinam contempsit: & ob id iusto iudicio Dei in huius obscurissimæ caliginis ex cam foveam projectus est; ut sentiret, doceret; scriberet, quatinus quoniam Pater à seipso esse potest, quod Filius non potest, ideo omnipotentiam debere Patri specialiter ascribi; Filio non ascribi; sed quandam potentiam; Spiritui sancto nullam, quia benignitatem solam. Strapedo, dum hæc scribo, & omnia viscera mea contremiscunt. Deum testor, & Angelos eius, quoniam qui mendacia hæc ob eruditionem legunt, nisi resipiscant, filij perditionis sunt: & eorum qui fabricatores mendacij, & cultores perversorum dogmatum fuerant, sortem maledictionis elegerunt, & æternæ damnationis sibi acquirunt. Sed quoniam de falso loquio hoc, quo suo supra dicto modo Petrus omnipotentiam Patri specialiter ascribit, pijs lectoribus, ut arbitror, satisfactum est: fidei & auctoritatis lumine præeunte inspicimus & reliqua. Sequitur non minor perversitas, nec minoris pestilentie morbus, cum velut ex sæculari fornace scholasticis suis futuream scortiam ministrat, & vanitates euomit, imò insanias mendaces; mentiens de filio Dei, in quo est salus mundi. Dicit enim quod sapientia Patris, quæ est filius Dei, non est omnipotentia, sed aliquid de Patre, id est quædam potentia de omnipotentia. Sed ut luce clariùs inueamur, quodd pessima, quodd detestanda doctrina hæc, imò fallacia, non doctrina sit, superiore disputatione debemus adiuvari, & luminosis auctoritatibus eorum, qui Deum videt, & cum eo regnantes in perpetuas æternitates luceant, ad depellendas has tenebras adiuvari. Est etenim indissimilis & consubstantialis Patri Filius secundum diuinitatem per omnia; licet ex eo sit, quod est: quod nihil aliud est, quam natum esse unum de uno, verum de vero, totum de toto, coæternum de æterno; & sic de ipso, quod sit in ipso; ubi non est essentia diversitas, sed personæ proprietates. Non est igitur Filius quædam potentia de omnipotentia; imò est omnipotentia de omnipotentia. Non est inquam aliquid de Patre, quia licet sit alius quam Pater, non tamen est aliud, quam Pater. Hinc Hilarius in 7. lib. de Trinitate. [ Deus, ] inquit, [ Filius qui est, non est aliud quam Deus. Nam cum audio, & Deus erat verbum, non dictum solum audio verbum, sed demonstratum intelligo esse, quod Deus est: & res significata à substantia est, cum dicitur, Deus erat. Esse enim non est accedens nomen, sed subsistens veritas, & manens causa, & naturalis generis proprietates. ] Idem in libro ejusdem operis tertio. [ Patrem autem in Filio,

& Filium in Patre esse, plenitudo diuinitatis in utroque perfecta est. Non enim diminutio Patris est Filius, nec Filius imperfectus à Patre est. ] Idem de eodē in 4. libro. Unus est ergo ab uno, neque præter innascibilem Deum innascibilis Deus alius est: neque præter unigenitum Deum unigenitus Deus quisquam est: ac sic uterque Deus: cum inter unum & unum, id est ex uno unum, diuinitatis æternæ non sit secunda natura. ] Et in septimo. [ Tener itaque natiuitas eæ, ex qua subsistit, natura: & filius Dei non aliud quam quod Deus est, subsistit. ] Sed & hoc apertius in octauo. [ Hoc, ] inquit, [ Ecclesia intelligit, hoc Synagoga non credit, hoc philosophia non sapit, unum ex uno, & totum ex toto Deum & Filium; neque per natiuitatem deesse, quod totus est, neque hoc ipsum totum non secum nascendo tenuisse. ] Et in duodecimo. [ Tu res est, filius tuus, & unigenitus tuus est, non portio, non protentio, non secundum efficientiarum opinionem nomen aliquod inane: sed Filius ex te vero Deo Patre Deus verus, & à te in natura tuæ ingentis genitus potestate. ] Videri ergo, & purpurati iuvenes, vel vos saltem, & cucullati amici, qui thalami Salomonis secreta rimamini, videtis inquam, quam deuotius sit à vero, qui sapientiam Patris, id est filium Dei, dicit, non omnipotentia, sed quandam potentiam de omnipotentia; vel aliquid ex Patre, cum totus totum idem sit quod Pater naturaliter & æternaliter cum Patre; licet Deus filius natus sit ex Patre: Fides quæ supra firmam petram fundata est, inuadi quidem, sed moueri non potest. Sed ne tantorum multiplicitate verborum sermo noster silvescat, & seueris vilescat iudiciis, jam & nunc quod exultant perditionis præruptum teneat iter, de Spiritu sancto loquens, inexploratum non relinquam. Benignitas, inquit, ipsa. Verba A.: *qua est Spiritus sanctus, non est in Deo aliqua potentia, vel sapientia: quia aliud est, benignum esse; aliud est, potentem esse; aliud sapientem esse.* Cui legitis hoc, & infanti? Quis nisi delirus hæreticus & à Deo traditus in reprobum sensum, audet talia dicere, præsertim defendere? Quis de consolatore orphanorum Christi, quis de vero Doctore Apostolorum Christi, quis de illuminatore sanctarum animarum, quas introducit in omnem veritatem, tam impiè mentitus est? *Qui dixerit blasphemiam in Patrem aut Filium, remittetur ei: qui autem dixerit in Spiritum sanctum, non remittetur ei, neque in hoc sæculo, neque in futuro.* Ad Spiritum namque Sanctum, quia donum est, pertinet propriè peccatorum remissio. At istud propriè non est Petri, sed Augustini: quia non est ad personæ distinctionem, sed ad ostensionem: quia quod Pater & Filius peccata dimittunt, per suam bonitatem, hoc est, per Spiritum sanctum dimittunt; id est non ex debito, sed gratuito dono. Apostoli vox est. Ex ipso, & per ipsum, & in ipso sunt omnia. Quali diceret. Ex Patre, per filium, in Spiritu sancto. Eorum enim & natura eadem est, & operatio. Ex ipso, namque & per ipsum, & in ipso, voces sunt unæ eandemque substantiam significantes, quod Apostolus clausula subsequenti parentissimè declarauit. *Ipsi*, inquit, non ipsis, *gloria in sæcula sæculorum Amen.* Emergit ab inferis nuper alter Macedonius, qui callidis disputationibus incertus prædicaret, Spiritum sanctum non esse Deum. Si enim omnipotens non est, Deus non est: quia

*Ioann. 1.*

*Matth. 12.*

*Rom. 11.*

si Deus est, omnipotens est: quippe qui ubi vult spirat, qui scrutatur arcana Dei, qui replet orbem terrarum, qui Apostolos inebriat, qui Ecclesiam fecundat, qui peccata relaxat, qui vnus atque idem spiritus, diuidens singulis prout vult, charismata dispensat. Hæc non creaturæ, sed creatoris opera sunt. Igitur Spiritus sanctus non creatura, sed creator est: quia quidquid est, aut creator, aut creatura est. Si igitur creator est, omnipotens est, omni-sapiens est, si ita dici potest: & quidquid in illa ineffabili simplici que natura intelligendum est; æternus, immortalis, incorruptibilis, immutabilis, viuus, sapiens, potens, sanctus, iustus, bonus, beatus, creator. Augustinus in lib. de Trinitate 5. [Si], inquit, [quidquid in se manet, & gignit & operatur aliquid, principium est ejus rei quam gignit, vel ejus, quam operatur, non possumus negare Spiritum sanctum rectè dici principium: quia non eum separamus ab appellatione creatoris: & scriptum est de illo, quod operatur, & vtrique in se manens operatur. Non enim in aliquid eorum quæ operatur, ipse mutatur & vertitur.] Et expositis his, quæ iuxta Apostolum operatur, idem Augustinus concludit sic [Quis tanta potest operari, nisi Deus? Sicut igitur filius Dei semper de Deo natus, semper est Deus: sic & Spiritus sanctus de Patre & Filio semper procedens, semper est Deus. Idem Augustinus in libro eodem de Trinitate. Semper procedit Spiritus sanctus, & non ex tempore, sed ex æternitate procedit: sed quia sic procedebat, ut esset donabile, jam donum erat, & antequam esset, cui donaretur. Aliter enim intelligitur, cum dicitur donum, aliter cum dicitur donatum. Nam donum potest esse & antequam detur: donatum autè, nisi datum fuerit, nullomodo esse potest.] Et in libro contra assertiones Arianorum. [Inde Spiritus sanctus audit, vnde procedit. Scit enim Dei verbum procedendo inde, vnde nascitur verbum, ita ut sit communiter spiritus & Patris & Verbi.] Et in lib. 6. de Trinitate. [Quapropter etiam Spiritus sanctus in eadem vnitatem & æqualitate substantiæ consistit. Siue enim sit vnitatem amborum, siue sanctitas, siue charitas; siue ideo vnitatem, quia charitas; & ideo charitas, quia sanctitas: manifestum est, quia aliquis duorum non est, quo vterque jungatur, quo genitus à gignente diligatur, genitoremque suum diligat; sintque non participatione, sed essentia sua, neque dono superioris alienius, sed suo proprio, seruantes vnitatem spiritus in vinculo pacis. Ita sunt illa tria, Deus vnus, solus, magnus, sapiens, sanctus, beatus, omnipotens, benignus.] Et infra. [Spiritus sanctus commune est aliquid Patris, & Filij, quidquid illud est. At ipsa communio consubstantialis & cœterna est. Quæ si amicitia conuenienter dici possit, dicatur: sed aptius dicatur charitas.] Et S. Hilarius in libro 12. de Trinitate. [Creaturæ nomen ne in Sancto spiritu quidem tuo patiar, ex te profecto, & per Filium misso.] Sanè sana doctrina præcurre satis in omnium in fide S. Trinitatis regeneratorum communi confessione, rationisque simul & authoritatis attestatione, liquidè propalatum atque confirmatum est, Spiritum sanctum Deum esse. At Deum esse, hoc est, vnum esse, simplex esse, verum esse, imò esse. Sic enim Moysi jubetur. *Hoc dicit filijs Israël. Qui est, misit me ad vos.* Mentitur ergo in caput iuui, & iustæ

sibi damnationis parit interitum, qui in illo æternaliter, veraciter, simpliciter ineffabiliter vno esse, dicit aliud benignum esse, aliud sapientem esse, aliud potentem esse. Augustinus in lib. 5. de Trinitate. [Hoc est Deo esse, quod est, magnum esse.] Eadem causa nec tres magnos dicimus, sed vnum magnum: quia nec participatione magnitudinis, sed seipso magnus est: quia ipse est sua magnitudo. Hoc & de bonitate, & de æternitate, & de omnipotentia, & de sapientia Dei dictum sit. Et in 6. [In Deo eadè bonitas quæ sapientia, & omnipotentia, & magnitudo, & eadè veritas est illa omnia: & non est ibi aliud, beatum esse, aliud omnipotentem esse, aut magnum esse, aut sapientem esse, aut verum aut bonum esse, aut omnino esse. Nec quoniam Trinitas, ideo triplex putandus est.] Hæc ille cœlestis seminivestitus in libris illis; & in alijs operibus suis multifariè profectus est, quæ nos breuiter feruientes præteritis ex-industria. Verum tamen ne videar inuehi vehemens in Petrum, cui strictissima familiaritate cō-lim Abaelardo fami-liarum. Hæc ille cœlestis seminivestitus in libris illis; & in alijs operibus suis multifariè profectus est, quæ nos breuiter feruientes præteritis ex-industria. Verum tamen ne videar inuehi vehemens in Petrum, cui strictissima familiaritate cō-lim Abaelardo fami-liarum. *Amor itaque Dei, inquit, sine banitas, est optima Verba Abaelardi. ejus voluntas facienda optime, vel disponendi, ut elardis. diximus, omnia, non potentia facienda vel disponendi illa. Nusquam enim, siue in nobis, siue in Deo, amor vel benignitas debet dici potentia: cum nequaquam amare vel benignum esse, sit potentia esse: cum sape hi qui magis diligunt, vel benigniores sunt, minus possint implere quod volunt; & minus sunt potentia, qui plus sunt benivolentia: diuites affectum, pauperes effectum.* Arripitque verba sunt hæc. Quid enim de nobis ad illam eminentiam? An diuinitatis incomprehensibilis immensitas comprehensibili creaturæ parvitate poterit includi? Sed bene, quod me non latet, quod se non contegit. Dicit aperte. *Nusquam enim, siue in nobis, siue in Deo, amor vel benignitas debet dici potentia.* Quam absurdissimè sit id de Deo sentire, superiora proclamant, & alia quàm plurima, quæ nunc huc inducerem, nisi tedium lectoribus ingerere pertimescerem. Nullus antecessorum suorum tam miserabilis pestilentia morbo laborauit. Nec hoc solum contentus est, ut de diuina mentiatur essentia, nisi & de operatione Trinitatis ejusdem noxijs inuoluatur erroribus. Versatur circa idem, & sapius ebullit, ut omnipotentia specialiter ascribatur Patri, quia quidam Pater posuit in sua potestate, quæ non ipse Filius, vel Spiritus sanctus. Hoc trahere videtur à libro actuum Apostolorum, ubi interrogantibus discipulis, quando Dei filius restitueret regnum Israël, respondit: *Non est vestrum, nosse tempora vel momenta, quæ Pater posuit in sua potestate:* quasi diuinæ Scripturæ non sit consuetudo notissima his qui Deum diligunt, & pane hyperousio, id est supersubstantiali, cibo videlicet Evangelico, qui non perit, animas suas pascunt, ut quod facere dicitur vna persona, faciat simul tota Trinitas sancta. Apostolus dicit, quod Pater proprio filio non pepercis, sed pro nobis omnibus tradidit illum. Numquid & filius non tradidit seipsum? Tradidit planè. Nam idem Apostolus de filio dicit. *Qui diligit me, & tradidit semetipsum pro me.* Rursus

Spiritus sanctus est omnipotens.

Amor itaque Dei, inquit, sine banitas, est optima Verba Abaelardi. ejus voluntas facienda optime, vel disponendi, ut elardis. diximus, omnia, non potentia facienda vel disponendi illa. Nusquam enim, siue in nobis, siue in Deo, amor vel benignitas debet dici potentia: cum nequaquam amare vel benignum esse, sit potentia esse: cum sape hi qui magis diligunt, vel benigniores sunt, minus possint implere quod volunt; & minus sunt potentia, qui plus sunt benivolentia: diuites affectum, pauperes effectum.

Act. 1.

Rom. 8.

Galat. 2.

Exod. 3.

Ioann. 2.

Acto. 2.

Genes. 16.

filius dicit ad Iudæos. *Soluite templum hoc, & in triduo suscitabo illud.* Numquid non Pater suscitauit filium? Sed Apostolus testatur, quod Pater suscitauit filium. Et Petrus in Actibus Apostolorum dicit. Quomodo enim Deus suscitauit mortuis, solus doloribus inferni. Et quod Spiritus sanctus ubi vult spirat, non est extraneus à Patre & filio; quia quicquid Spiritus sanctus potest, à Patre & filio potest: à quibus esse habet, quod est. Quorum igitur una essentia est, eorum una potestas est, una voluntas & operatio. Augustinus in lib. 13. de Trinit. [Omnia ergo,] inquit, [simul & Pater & Filius & amorum spiritus pariter concorditer operantur. Hoc fide, hoc orthodoxorum autoritate proclamatum est.] Sed dicet, quia Christus dicit in Euangelio, quod diem iudicii neque Angeli, neque filius hominis scit, sed Pater solus. In maxima fuit Arianorum hæreticorum calumnia, ne Filius haberet cum Patre æqualitatem, cum quo non haberet æqualem scientiam. Quorum Dominici gregis pastores optimi, qui circa causas ouium suarum sagaciter ac fortiter excubabant, omnia cornua confregerunt, & vespertinorum luporum ora viriliter obturauerunt. Sanctus Hilarius multo subtilior & acutior cæteris disputatoribus Ecclesiasticis in lib. 9. de Trinit. hujus occasione quæstionis multa prolixius exequitur, de quibus hic pauca supposita sufficiunt. [Loquitur,] inquit, [Deus ad Abraham dicens. Clamor Sodomæ & Gomorrhæ impletus est, & peccata eorum magna valde. Descendam ergo & videbo, si secundum clamorem eorum venientem ad me consummabuntur; sin autem, ut sciam. Habes ergo nescientem Deum, quod tamen non nesciebat. Nam cum peccata magna valde sciat esse, & rursum descendit, an consummata sint, & si nondum consummata sint, ut sciat, intelligimus eum scire quæ nesciuit; sed tamen scire, cum tempus sit ad agendum. Scire ergo Domini, non est ignorantie demutatio, sed temporis plenitudo. Expectatur enim adhuc, ut sciat. Et cum non possumus id de eo intelligere, ut nesciat, cum tamē adhuc expectetur ut sciat, necesse est, ut quod sciens nescit, & nesciens scit, nihil aliud quam vel loquendi dispensatio sit, vel agendi.] Et de eodem in fine libri ejusdem. [Non ergo quia nescire se diem & momentum Filius dicit, nescire credendus est; sicut neque cum secundum hominem flet aut dormit, aut tristis est, Deus obnoxius esse aut lachrymis, aut timori, aut somno, confitendus est. Sed sicut salva vnigeniti in se veritate secundum carnis infirmitatem, fletu, somnum, inedia, sitim, lassitudinem, metum, pati, necesse est; sic secundum hominis naturam, dici atque horæ professus esse intelligatur inscientiam.] Et Ambrosius in lib. de fide, ad Gratian. Imperatorem. Ergo, inquit, [qui fecit omnia quæ futura sunt, eo genere quo futura sunt, cognoscit: si hoc de sæculis, multo magis de iudicii credendum est die: eo quod cognitionem ejus habeat Dei filius, tamquam à se jam factæ. Sed si quærimus, qua ratione momenta designare noluerit, inueniemus non ignoratæ esse, sed sapientiæ. Nobis enim scire non proderat, ut dum certa in Deo momenta futura nescimus, tamquam in excubijs constituti, & in quadam specula collocari peccandi consuetudinem declinamus, ne nos inter vitia dies Domini com-

prehendat.] August. in lib. de Trinit. 1. [Secundum formam serui non est doctrina ejus, sed ejus qui misit illum; & de die & hora nemo scit; neque Angeli in cælo, nec Filius, nisi Pater. Hoc enim nescit, quia nescientes fecit, id est, quod non ita sciebat, ut tunc discipulis indicaret, sicut dictum est ad Abraham, nunc cognoui, quoniam tu times Deum: id est, nunc feci, ut cognosceres; quia ipse scilicet Abraham in illa tentatione probatus innouit.] Hieronymus super Matthæum, de eodem capitulo. [De die autem illa & hora nemo scit, neque Angeli cælorum, nisi Pater solus. In quibusdam latinis codicibus additum est, neque Filius, cum in Græcis, & maxime in Adamantij & Hierij exemplaribus hoc non habeatur ascriptum. Sed quia in nonnullis legitur, videtur differendum. Gaudet enim Arius & Eunomius, quasi ignorantia magistri gloria discipulorum sit: & dicunt, non potest esse æqualis, qui nouit, & qui ignorat. Sed cum omnia tempora fecerit Iesus; hoc est Verbum Dei, Omnia enim per ipsum facta sunt, & sine ipso factum est nihil: in omnibus autem temporibus etiam dies iudicii sit, qua consequentia potest ejus partem ignorare, cujus totum nouerit? Denique major notitia Patris, quam diei iudicii, & ipse filius dicit. Omnia quæ Patris sunt, mihi tradita sunt. Si igitur omnia quæ Patris sunt, Filij sunt, qua ratione vnus sibi diei Pater notitiam reseruauit, & noluit eam communicare Filio? Igitur quia probauimus, Filium non ignorare consummationis diem, causa reddenda est, cur ignorare dicatur. Apostolus super Salvatore scribit. In quo omnes sunt sapientiæ & scientiæ thesauri absconditi. Sunt ergo omnes thesauri in Christo sapientiæ & scientiæ, sed absconditi sunt. Quare absconditi? Post resurrectionem interrogatus ab Apostolis de die, manifestius respondit. Non est vestrum, nosse tempora vel momenta, quæ Pater posuit in sua potestate. Quando dicit, Non est vestrum scire, ostendit quod ipse sciat, sed quod non expediret nosse Apostolis: ut semper multi de aduentu Iudicis, sic quotidie viuant, quasi die alia iudicandi sint. Denique & consequens Euangelij sermo id ipsum cogit intelligi. Dicens quoque solum Patrem id nosse, in Patre comprehendit & Filium. Omnis enim Pater Filij nomen est.] Harum ergo, post primitias, secundarum columnarum doctrinis & præsidij, pura puerorum Christi fides suffulta constanter asserit, non ex ignorantia, sed ex prouidentia & dispensatione salutis humanæ Dominum Iesum dixisse, quod diem iudicii nesciret. Cum igitur essentia ejusdem, potentia ejusdem, sapientiæ ejusdem, sint Pater & Filius & Spiritus sanctus, non Pater posuit quædam in sua potestate, quæ Filius & Spiritus sanctus non posuerit: quia non est vera aliqua diuersitas, ubi est & in voluntate & in potestate & in operatione vera vnitas. Vitandus ergo, & à societate fidelium segregandus, qui tot & tanta fidei nostræ contraria dogmatizat. De propositis autem superioribus vanitatibus & insanijs falsis restat extremum peruerſitatis incommodum, quo dicit, quia sapientiæ cedat potentia in discussione iudicii, ubi æquitas magis examinanda est, quam vis potentiæ exercenda. Hac in disputatione tam profundo somno soporatus, ac veluti lethargico morbo sepultus stertit: vel ego sic nescio cuius imprecatio-

Genes. 22.

Hieron. in  
Matth. 12.Adamantij  
est origenes.

Ioann. 1.

Matth. 11.

Coloss. 2.

Acto. 1.



nis infortunio fasciatus & infatuatus sum, ut quæ sentit, plenè inuestigare non possim. Sic enim recens adinuentio & prophana vocū nouitas est, ut huic calumniæ nemo Sanctorum Doctorum respondisse per me valeat reperiri. Nec mirum. Non enim præcauerunt, quod vnam exoriri posset, qui diceret in discussione extremi iudicii, in Domino Iesu Christo, qui est sapientia, & ipsa potentia, & æquitas, & veritas, quodd sapientiæ potentia cederet; quasi illa recederet, & ista succederet; & quod in illo iudicio magis æquitas examinaretur, quam vis potentia exerceretur. Vtrumque namque in iudicio illius erit, id est æquitas examinabitur, vel ut magis catholicè dicam, manifestabitur, & vis potentia exercebitur, de quo scriptum est. *Parauit in iudicio thronum suum, & ipse iudicabit orbem terra in æquitate, iudicabit populos in iustitia. Et, Iudicabit orbem terra in æquitate; & populos in veritate sua.* Non enim in iudicio sapientia Dei, vel scientia proficiet, cum libris conscientiarum vnusquisque apertis liber vitæ apertus fuerit, id est diuina præscientia, quæ nouit omnia simul ante constitutionem mundi. Ibi Deus homo, Deus virtus & sapientia, mundum iudicabit: iustos coronans, reprobos condemnabit. An non erit ibi potentia, quando qui venit agnus in primo, leo veniet in aduentu secundo? Leo rugiet, quis non expauescet? Leo rugiet in peccatorum discussione, qui tacuit agnus in sua passione. *Tacui*, inquit per Isaiam, *semper filii, quasi parturiens loquar.* Et per Dauid. *Ignis in conspectu eius exardescet; & in circuitu eius tempestas valida.* Et per Moysen. *Ignis succensus est in furore meo, & ardebit usque ad inferni nouissima.* Pro furore isto clamabat tremebundus ille in Psalmo, qui inscribitur, *Pro octaua.* Domine, ne in furore tuo arguas me. Sicut ergo per humilem sapientiam, & sapientem humilitatem facta fuit humana redemptio; sic per

sapientem potentiam, & potentem sapientiam fiet extrema discussio. Non enim in Christo Iesu sapientia vel potentia accidentia sunt, cum ipse Christus sit ipsa sapientia, ipsa potentia, ipsa veritas, ipsa æquitas, vita viuorum, & resurrectio mortuorum. Potentia igitur Christi, quam Petrus remouet à discussione iudicii, maxima tunc erit, cum venerit Christus in maiestate sua, & Patris, & Sanctorum Angelorum; cum virtutes cælorum commouebuntur; cum elementa calore soluentur: cum omnes astabunt ante tribunal iudicis, reddituri rationem de eo quod vnusquisque gessit per corpus, siue bonum, siue malum: cum videbunt in quem pupugerunt: cum tolletur impius, ne videat gloriam Dei: cum plangent super se omnes tribus terræ; cum dicent montibus, *cadite super nos: & collibus, operite nos:* cum audient hæc, *Ite maledicti in ignem æternum, qui parati estis diabolo & Angelis eius:* cum potentes potenter tormenta patientur: cum vermiceorum non morietur, & ignis eorum non extinguetur: cum caput iniquorum potestate seducendi penitus euerfa suis tormentis subiectus perenniter incarcerabitur: cum de damnatione impiorum electi purgabuntur. Claret igitur, quod in iudicio potentia vis exercebitur. Veraciter ergo potest concludi, quoniam qui hoc contradicit, mentitur. At quoniam diu est, quodd harum blasphemiarum contradictionibus inhaerimus, relinquamus arbitrio legentium, quæ non per nostram scientiolam, sed per Sanctorum Patrum doctrinam disputata sunt: siquid verum diximus, de Deo; si non secus, de nostro est. De erratis ergo non timeamus reprehendi. Nullus enim reprehensor metuendus est veritatis amator. Etenim aut amic⁹ aut inimic⁹ reprehensus est. Si ergo inimicus insultat ferendus est. Amicus autem si errat, docendus: si docet, audiendus est. Sed quæ sequuntur, alterius tomi summantur exordio.

*Psal. 96 & 95.*

*Isaia 42.*

*Psal. 49.*

*Deuter. 32.*

*Psal. 6.*

*Luc. 23.*

*Matth. 23.*

## LIBER SECVNDVS

**S**CIO, Pater optime, quàm immane, quàm profundū, & quàm proximum sit præcipationi præcipientium: & quod nullatenus euadere possit impunita stultæ præsumptionis audacia. Hoc & sapientium doctrinis, & antiquorum exemplis, & præsentium, satis exclamatum est. Cumque sit semper & vbique noxia; illa tamen longè præ cæteris infestior habetur atque detestabilior, quæ suis viribus nitens, de rebus diuinis abdita præsumit inquirere; & sæcularis scientiæ fastu non plena, sed tumida, lumen fidei sequi, & Sanctorum Patrum vestigia contemnit imitari. Non enim per inanē philosophiam, quæ de terra est, ut testatur Apostolus, sed per eam sapientiam, quæ iuxta Iacobum desursum est, primum quidem pudica deinde pacifica, Christianæ religionis, id est, veritatis, referantur arcana. Cuius sapientiæ per Spiritum sermo datus velociter currit, vivus & efficax, penetrabilior omni gladio, & simplicis credulitatis corusco vibramine terrenam tenebrosamque spissitudinē difsecat errorum; non artificio humano, sed po-

tentatu diuino. Deus enim *superbis resistit, humilibus autem dat gratiam.* Ad aperiendam regiā paradisi, non auream, non argenteam, sed lignæ clauem summi fabri filius malleis passionum in crucis incude fabricauit. Viam, quæ sola est itinerantibus in Ierusalem cœlestē, quæ sursum est, quæ est mater nostra; quæ ædificatur in idipsum; in qua non auditur malleus vel securis; in quam non ingreditur hostis; de qua non peregrinatur ciuis; in qua neque sol, neque luna, sed Christus lucerna est: pretiosissimis virtutum lapidibus Saluatoris humilitas strauit. Hæc idcirco dixerim, quoniam dum Ecclesiastica sacramenta tractantur, dum de eis tractatur, scientia Platonis, & Aristotelis fariscit argutia, infatuatur ominum pericia prudentium ad illā Scripturam, cuius altitudine superbi irridentur, profunditate attentī terrentur, veritate magni pascuntur, affabilitate parui nutriuntur. Hac duce vera de Deo novit, qui verè credit. Argumentum mihi est, quod impulsione nulla nutare potest, quidquid veritas dicit in Propheta, in Evangelio, in Apostolo. Vitans igitur præsum-

*1. Petri 5.  
& Iac. 4.*

*Colos. 2.  
Iac. 3.*

Psalm. 118.

prionis periculum, non in humanis adinuentio-  
nibus, non in ineis viribus fiduciam habeo; sed  
lucis illius ducatu regi volo, de quo dicitur,  
*Lucerna pedibus meis verbum tuum Domine: dā-  
te Deo, cuius spiritu & fundata & illuminata est.*  
Concipiens ergo ex suprà dictorum Catholica  
prosecutione bonam spē, in Domino Deo meo  
fiduciam habeo, quia quod cōepit in nobis, per-  
ficiet, solidabitque. Exhibitio enim praterito-  
rum, futurorum est certitudo. Securius ergo &  
alacrior errorum latebras inuadam: & eos non  
meo sensu, sed diuinis oraculis, id est ortho-  
dorū verbis *refellam*. Vox enim hominis, quod  
Seneca dicit, de Deo vera loquentis diuinum o-  
raculum est; ac per hoc pestiferos errores & im-  
probandos fideliter expediā, si dederit effectū,  
quidedit affectū. Nec id faciā eo ordine quo po-  
siti sunt; sed eo quem mihi suggerere dignabitur  
diuina propitiatio. Post tractatum igitur San-  
ctæ & indiuiduæ Trinitatis, in qua summa no-  
stra beatitudo est, qualiter de Incarnatione Di-  
uini Verbi Petrus sentiat, ipsius verbis aperiam:  
per quam solam, Incarnationem Christi dico,  
reconciliati in sanguine filij Dei accessum habe-  
mus ad Patrem suū, & Patrem nostrum, & Pa-  
trem luminum. De ea in Theologia sua sic agit,  
per hæc eadem verba. *Homo*, inquit, *res corpo-*

Verba Abae-  
lardi.Abaelcum  
Nestorio  
sensu.

*rea, & membris composita est & dissolubilis est. Deus*  
*verò nec corporea res est, nec membris constat, ut*  
*dissolui possit. Deus ergo nec homo, nec caro propriè*  
*dicendus est. Alioquin & homo è conuerso propriè*  
*Deus esset dicendus. Vnde aliquid creatum, vel*  
*quod non semper fuit, concedi oporteret; Deum esse,*  
*cūm videlicet constet, hominem creaturam esse, at-*  
*que habere initium. Profitetur hic ore prophano*  
Nestorianæ hæreseos inuolutus errore, quod  
Iesus Christus, secundum quod homo est, non  
est in Trinitate persona; quia jam aliquid crea-  
tum, vel quod non semper fuit, concedi oport-  
eret esse Deum; cūm constet hominem creatu-  
ram esse, & habere initium. Abhorret ergo, ho-  
minem illū Deum esse, quia creatura est, & ha-  
bet initium. Nam si in Trinitate non est, Deus  
non est. Sicut enim quidquid est in Trinitate,  
Deus est, quod nihil est aliud dicere, quā Deū  
Trinitatem esse, vel Trinītatem Deum esse; sic  
quidquid in trinitate non est, Deus nō est. *Vnus*  
*autem*, ut Apostolus prædicat, *Deus Pater, ex*  
*quo omnia; & vnus Dominus Iesus Christus, per*  
*quem omnia; & vnus Spiritus sanctus diuidens*  
*singulis prout vult, spirans vbi vult, introducens*  
*Sanctos in omnem veritatem, quomodo vult.*  
Hic est Rex sæculorum, immortalis, invisibilis,  
solus, Deus vita æterna. Quisquis aliquid præter  
hūc colit vel adorat, eo cultu, qui apud Græcos  
latria dicitur, idolatra est, set viens creaturæ po-  
tius quā creatori, qui est benedictus in sæcula.  
Si igitur Petrus totum Christum adorat, id est,  
& secundum quod homo est, & secundum quod  
Deus est, quia Christus, quem Petr⁹ sibi fingit,  
secundum quod homo est, in Trinitate non est:  
qui talem adorat, quoniam creaturam adorat,  
Petrus idolatra est. Si totū Christum non ado-  
rat, id est, & secundum quod homo est, & secū-  
dum quod Deus est, Petrus Christianus non est.  
Christus enim diuinus non est, & scriptum est.

Psalm. 98.

*Adorate scabellum pedum eius, quoniam sanctum*  
*est, id est terram, id est carnem eius. Sed immo-*  
*derato feror impetu, & nimis præceps sum. Hæc*  
*enim paulò post inuestigatione diligentiori per-*

scrutabimur. Oportet enim prius impietatis hu-  
jus virus curiosius exprimere, & post, ex gazo-  
phylacijs eorum qui expectant mortem, quali  
effodientes thesaurum, gaudentque vehemēter,  
cū sepulchrum inuenerint, antidorū appone-  
re. Sed antequam veniam ad expressionem illā,  
pedicam, quam more suo præterdit, si potero  
relaxabo. Præter enim amicitia familiaris suæ, ar-  
tis differēdi, quæ iuxta Marcianum sub hamata  
chlamyde colubrum portat, suum quo superiūs  
vltus est, *propriè* non obliuiscitur: per quod ci-  
sternas has, in quibus non aquam, sed solum lu-  
tum est, aperiat; & in quas stulta ac devia cadāt  
animalia, & moriantur. Hæc siquidem illi con-  
suetudo est, ut in propositione aliquid quod no-  
vum & velut acutū sit, apponat; quo concessio,  
velut admirabilis & incomparabilis artifex Ec-  
clesiasticæ locutionis vsum destruat. Sicut enim  
superiori disputatione per hoc *propriè* omni-  
potentiam Patri, sapientiam Filio, benignitatem  
Spiritu sancto adscribit, ut per hæc vocabula,  
quæ ibi substantialia sunt, personarum faciat di-  
stinctionem, quod minimè fieri potest: sic & hic,  
cū dicit, homo non est *propriè* Deus dicend⁹,  
quia jam è conuerso *propriè* diceretur Deus ho-  
mo, laqueum parat, quem fraude contegit. Vi-  
detur namque seruare naturarum proprietatē,  
quod bonum est; quia nec diuinitas in humani-  
tatem, nec humanitas versa est in diuinitatē. Sed  
eos, qui illuminatos cordis oculos habent lumi-  
ne, in quo videtur lumen; (quienim Filium vi-  
det, videt & Patrē,) nō fallit. Nititur enī ad hoc,  
ut per suum *propriè* concludat, quia Christus Ie-  
sus secundum quod homo est, in Trinitate non  
sit: quod esse falsissimum sequens sermo decla-  
rabit. Non nescius sum, quantum aliter, quia  
sapienter, hoc vocabulo *propriè* beatus vtatur Au-  
gustinus in Tractatu de Trinitate. Duodeci-  
mo enim libro sic dicit, [Sicut ergo vnicū Dei  
verbum *propriè* vocamus nomine sapientiz, cū  
sit vniuersaliter & Spiritus sanctus & Pater ipse  
sapientia: ita spiritus *propriè* nuncupatur voca-  
bulo charitatis, cū sit Pater & Filius vniuer-  
saliter charitas.] Quā circumspēctē ista Augu-  
stinus dicit. Veraciter dicere potest cū Apo-  
stolo. *Nam arma militia nostra non carnalia, sed*

Rursus par-  
ticulā pro-  
priè abuti-  
tur Abae-  
lardi.

2. Cor. 10.

*potentia Deo, ad destructionem munitionum, &*  
*omnem altitudinem extollem se aduersus scien-*  
*tiam Dei.* Cū enim dixisset sapientiz nomine  
Filium, charitatis verò *propriè* Spiritum sanctū  
nuncupari: ne per id distinctionem personarum  
fecisse videretur, solerter adiūgit, quod vniuer-  
saliter dicatur sapientia & charitas, Pater & Fi-  
lius & Spiritus sanctus: hoc est ipsa sancta & vna  
Trinitas, & trina vnitas. His itaque dictis, ne  
suum *propriè* relinqueremus indiscussum: jam  
nunc ad perforandam latentem putredinem &  
virus exprimendum, vulnere stylus, animus, ma-  
nus apponenda sunt. In apologetico suo respō-  
sione sua super hoc capitulum furijs exagita-  
tus Petrus insanit; & sic nimis intemperanter  
inuehitur in hominem Dei, ut non eum loqui  
quæ loquitur, sed per eum Satanam, qui trans-  
format se in Angelum lucis, assueret. Ibi post  
venerabilis Abbatis exprobrationem; per hæc  
eadem verba, quod gestabat in pectore venenū,  
effudit. *Cū me arguis, inquit, quod non dico, Verba Abae-*  
*lardi. quia Deus & homo vna sunt in Trinitate persona,*  
*patet te id sentire profiteris. Quod quantum sana*  
*fidei contrarium sit, volo suum errorē recognoscere.*

Non

Non enim Deus & homo dua ista natura, sine singula, siue simul accipiuntur, una dici possunt in Trinitate persona. Et intra. Non igitur homo ille à Verbo assumptus aliqua de tribus illis in illa aeternitate personis dicendus est; sed verbum ipsum, cui est vnus. Si autem de Deo & homine singulis non est dicendum, quod sint ibi aliqua persona, multominus de illis duabus simul naturis dici conuenit. Non enim illa dua natura aliquid aeternum possunt esse, cum una earum careat aeternitate. Et intra. Id solū, quod semel fuit in illa Trinitate, semper in eadem permanet persona, & nihil novum in eadem Trinitatem incidit: quia nec recentem Deum fas est existimari. Hæc pluries replicat, & verba multiplicat vsque ad tædium. Et se iudice superior, dū pueriliter insultat, non cauet præcipitium. Denique dum epilogat, non celat timorem, propter quem irreligiosè pavidus incidit in errorem. Sic enim dicit. *Modis omnibus cauendum est, ne tale quid ibi astruamus esse, quod semper ibi non fuerit, nec aliquid temporale in illa constitutum esse, quod semper ibi non fuerit, nec aliquid temporale in illa constituamus aeternitate: nec aliquid compositum in illa simplicitate: nec aliquid corporeum in illa incorporeitate, nec aliquid novum in illa antiquitate.* Ecce in quantam perfidia voraginem ductu suæ familiaris in præceps abiit: qui sic in Christo videt naturarum proprietatem, vt non attendat personæ vnitatem; & Nestorianam hæc sequens, sic diuidit Christum, vt secundum id solum quod Verbum est, in Trinitate sit: secundum id quod homo, nullo modo sit. Hæc est illa scientiæ secularis altitudo, extollens se aduersus humilem scientiam Dei: quæ armis non carnalibus, sed potentibus Deo destruetur, & præcipitabitur in profundū inferni. De talibus scriptum est. *Et dimisit eos secundum desideria cordis eorum. ibunt in adinventionibus suis.* Est enim non solum vana, sed etiam prophana noua hæc adinuentio: ac fundatissimam Catholicam fidem pro posse suo penitus euertit, qui dicit: *Christus, secundum quod homo, non est in Trinitate;* quod nō est aliud, nisi, secundum quod homo est, non est in Deitate. Nihil est enim illa summa Trinitas, nisi vera deitas: & illa vera Deitas, nisi illa summa Trinitas. Totus ergo Christus, quia diuidi non potest, in illa Trinitate, quæ Deus est, vna persona est: sed modus considerandus est; id est, non mutatione naturæ, sed vnione personæ. Nec aliquid noui accidit Deo Christo: quod in seipso æternaliter habuit, in seipso temporaliter exhibuit, & quando voluit, & quomodo voluit. Deus enim semper fuit, nec quod erat minuit, dum quod non erat, se fecit. Neque est alius Dei filius, & alius hominis filius: licet aliud sit, secundum id quod filius Dei est; & aliud secundum id, quod filius hominis est. Hinc Leo Papa magnus ad Iulianum Episcopum contra Eutychen. [Nec Verbum igitur in carnem, nec in Verbum caro mutata est; sed vtrumque in vno, & Deus in vtroque est; non diueritate diuisus, non permixtione confusus, nec alter ex Patre, alter ex matre; idem ante principium, idem in fine sæculorum.] Sic fuit ab æterno in Dei præscientiæ antequam mundum faceret, quando faceret, & qualiter faceret; & quando per mortem vnigeniti filij sui eum reficeret: hoc est in æterno Verbo suo erat æternaliter, quando & qualiter Verbum homini, & homo Verbo vniatur tempo-

raliter, ita vt Deus veraciter & Catholicè dici posset homo, & homo Deus: non humanitate in diuinitatem conlumpta, sed à diuinitate personaliter assumpta: propriè, id est propria locutione dici posset, quia non phantastica opinione, sed veraci confessione, Ecclesia sancta corde crederet ad iustitiam, ore autem confiteretur ad salutem, & prædicaret ad prædestinatorum vtilitatem, quia Christus & Deus & homo est, & homo & Deus est: & totus quia diuidi non potest, vna in Trinitate persona est. Verum est enim, quod ille homo fecit cælum & terram, qui pendit in ligno, & mortu<sup>9</sup> est in ligno: & verum est, quia Dei filius, de Deo Deus, & Patri coæternus pendit in ligno, & mortu<sup>9</sup> est in ligno. Hæc est firma, & ab ipso Christo laudata Petri confessio. *Tu es, inquit, Christus filius Dei viui.* Et Centurio clamat ante crucem. *Vere filius Dei erat iste.* Augustinus de hoc in 1. Lib. de Trinit. [Apostolus Paulus dicit. Si cognouissent, nunquam dñm gloriæ crucifixissent. Ergo secundū formā serui crucifixus est; & tamen Dñs gloriæ crucifixus est. Talis enim erat illa susceptio, quæ Deū faceret hominē, & hominem Deum.] Quid tamen, propter quid, & secundum quid dicatur, Deo iuvante prudens & diligens & pius lector intelligat. Homo igitur De<sup>9</sup>, & Deus homo est dicendus, quod Petrus dicere reformidat. Ad hoc enim De<sup>9</sup> homo factus est; vt homo Deus fieret. Sic enim noster magister dicit, quod talis illa susceptio fuit, quæ Deum hominem faceret, & hominem Deum. Verbum enim caro factum est, vt qui erat in veritate diuinitatis sine tempore, idem esset in veritate humanitatis in tempore; id est, vna in Trinitate persona, quia totus ex duabus & in duabus naturis vna substantia. Non enim propter scandalum infirmorum, & minus locutionis Ecclesiasticæ modos intelligentium audeo dicere, quod hic Hieronimus dicit, \* substantia, sed oculos habens in thesauris domus Domini, vbi iuxta Prophetam, salus nostra est, doctrinis dico Sanctorum Patrum, qualiter ipsi sequentes intelligibilem David, hostes fidei fundæ lapidibus obruāt, diligentius explorabo. Hilari<sup>9</sup> illo mirabilis, qui ob constantiam Catholicæ fidei à Constantio Augusto magni Constantini filio Arrianissimo Imperatore apud Phrygiam exilio relegat<sup>9</sup> fuit, sublimitatis immensæ, & post Canonicam Scripturam vtilitatis incomparabilis libros duodecim de Trinitate composuit: in quibus velut nostra periculosa tempora prospiciens, multa de causa hac, quā tenemus in manibus, copiosissime disseruit, sed vt de abundantia diuini fontis illius nostra refocilleretur inopia, pauca hic excipienda sunt. In lib. 9. operis illius sic dicit. [Verbum caro factum Deus & homo Iesus Christus Dominus maiestatis, mediator ipse in se ad salutem Ecclesiæ constitutus, illo ipso inter Deum & homines mediatoris sacramento, vtrumque vnus existens est: dum ipse ex vnitis in idipsum naturis naturæ vtriūque res eadem est.] Idem de eodem in lib. eodem. [Non assumptio nostra Deo profectus est, sed contumeliæ suæ voluntas nostra prouentio est, dum nec amittit ille quod Deus est, & homini acquirit, vt quod De<sup>9</sup> est, sit homo. Natus est igitur vnigenitus Deus ex Virgine, homo secundum plenitudinem temporum in semetipso prouecturus in Deum hominem, locutus & gerens homo vniuersa quæ

Verba Ab.

Psalm. 80.

Matth. 16.  
& 27.

1. Cor. 2.

Petrus Abaelardus non audeat Deum dicere hominē

\* Deest aliqua particula.

Dei sunt; loquens deinde & gerens Deus vniversa quæ hominis sunt. Hæc autem iam ante constitutionem mundi sacramenta sunt celestium mysteriorum constituta; vt vnigenitus Deus homo nasci vellet, mansuro Deo in homine in æternum. ] Item. [ Confessio itaque hæc erit, Iesum in gloria Patris, & natum hominem jam non in infirmitate nostri corporis manere, sed in Dei gloria: & hoc omnis lingua confitebitur. ] Horum verborum attestationibus planum est, quodd Dominus Iesus, secundum etiam quod homo est vnitus Verbo, in Trinitate est: non absumptus, sicut superius dictum est, naturam in naturam, sed assumpta per vnitatem personæ in Dei gloriam. Audite, quomodo id ipsum sermo sequens explicet. Idem in eodem. [ Deo naturale est, quod viuit: & per id nos corpori nostro mori oportet, vt Deo viuamus in Christo Iesu, qui peccati nostri corpus assumptus jam Deo viuit, naturæ nostræ societate in communione diuinæ immortalitatis vnita. ] Et infra in eodem [ Summa disputationis hæc erat, vt totus nunc filius, homo scilicet & Deus, per indulgentiam paternæ voluntatis vnitati paternæ naturæ inesset; & qui manebat in virtute naturæ, maneret quoque in genere naturæ. Id enim homini acquirebatur, vt Deus esset, sed manere in Dei vnitatem assumptus homo nullo modo poterat, nisi per vnitatem Verbi in vnitatem Dei naturalis evaderet: vt per hoc quod in natura erat Deus Verbū, Verbum quoque caro factum rursum in Dei natura inesset. ] Sic ille. Sufficenter inueni, quod quærebam: hominem nostrum in Christo Deum esse, & vnitum Dei Verbo vnā Trinitatis in Trinitate personam esse. Sed quoniam legis & Evangelij testimonijs sancitum est, quodd in ore duorum vel trium testium stat omne verbum, quid eodem spiritu repleti sentiant alij, inquirendum est. Augustinus ille Domini gallus succinctus, alis contemplationis & actionis corpusculum percutiens, optime canorus ad effugandos nocturnos lemures, sicut jam superius prælibatum est, dicit, quod illa susceptio talis fuit, quæ Deum hominem, & hominem faceret Deum. Dicitur igitur, quodd & Deus homo est, & homo Deus. Vnde idē in lib. 4. de Trinit. [ Ita sanè factum est, vt ibi sit non tantum Verbum Dei hominis caro, sed etiam rationalis hominis anima; atque hoc totum & Deus dicatur propter Deum, & homo propter hominem. ] Idem in Enchir. [ Gratia, inquit, Dei nobis sine vllis præcedentibus meritis in homine Christo commendatur: quia nec ipse vt tanta vnitatem Deo vero coniunctus vna cum illo persona filius Dei fieret, vllis meritis est assecutus: sed ex quo homo esse cœpit, ex illo est etiam Deus. ] Idem in lib. contra Assertionem Ariatorum. [ Vnam quippe ostendit esse personam in vtraque natura: nesci duas faciat, quaternitas incipiat esse, non Trinitas. ] Hæc ille. Igitur cur sophisticè loqueris hic, ô belle magister? Si igitur, non quaternitas, sed Trinitas in Deo est, quia Deus & homo vna persona in Christo est: ergo Pater & Filius totus, id est Deus & homo, & Spiritus sanctus, vna Trinitas est. Idem in lib. eodem. [ Si quæramus, inquit, quis est ille, qui cum in forma Dei esset, non rapinam arbitratus est, esse se æqualem Deo, responderetur voce Apostolica, Christus Iesus. Ergo & illa diuinitas huius humanitatis nomen accepit. Item

si quæramus. quisnam sit factus obediens Patri vsque ad mortem, mortem autem crucis, rectissime responderetur, ille, qui cum in forma Dei esset, non rapinam arbitrat<sup>9</sup> est, esse se æqualem Deo. Ergo & ista humanitas illius diuinitatis nomen accepit. ] Sic affectus, sic accerrimè talibus intentus est, vt Nestorianam iugulans perfidiam, Eutychetis videatur iuvare improvidis lectoribus insaniam. Nestorius enim duas in Christo personas, Eutyches autem vnā prædicabat naturam: diuersis hæresibus inconfutilem vestem Christi, prout in ipsis erat, diuidentes, In 5. libro de Trinit. quod opus, vt ipse testatur, iuuenis incœpit, & senex edidit, ad expressionem ex duabus naturis vniōis in Christo, verbo cōmixtionis etiam vtitur hoc modo. [ Spiritus mediatoris nulla pœna peccati vsque ad mortē carnis accessit; quia non eam deseruit inuidus, sed quia voluit, quando voluit, quomodo voluit: quippe Dei Verbo ad vnitatem commixtus. Hinc ait. Potestatem habeo ponēdi animam meam, & iterum sumendi eam. ] Et in Epist. ad Volusian. [ Sicut in vnitatem personæ anima vtitur corpore vt homo sit, ita in vnitatem personæ Deus vtitur homine, vt Christus sit. In illa verò persona mixtura est animæ & corporis: in hac persona mixtura est Dei & hominis. ] Sed vide, quā media & trita via gradiatur, & catholicæ provideat doctrinæ. Subiungit. [ Si tamen, ] inquit, [ recedat auditor à consuetudine corporum, quō solent duo liquores ita misceri, vt neuter seruet integritatē suā: quāquam & in ipsis corporibus aëri lux incorrupta miscetur. ] Et Hilarius in lib. 2. de Trinit. [ Deus homo factus ex Virgine naturā in se carnis accepit, vt per huius admixtionis societatem sanctificatum vniuersi generis humani corpus existeret. Ast hæc, vt ex his ipsis verbis pijs lectoribus elucet, admixtio, vel commixtio, non est naturarum confusio: sed ex ipsis naturis vera in Christo personalis vnitio, vel etiam vniō. Inde canit Ecclesia. *Deus homo factus est, non cōmixtionem passus, neque diuisionem.* Commixtionē contra Eutychen, diuisionem cōtra Nestorium. Iam verò nunc alius id est tertius testis, intro-mittendus est. Sanctus Hieronymus veluti nostri temporis prævidens argutias, nescio si dicā, vel ineptias, cæteris omnibus authoribus audacior in hac causa, & commixtionem nominat, & hominem illum in Christo Deo cœternum in vnitatem personæ cōfirmat. Verba illius in Ser-mone de Assumptione B. Mariæ, qui est, *Cogitatio mea, ô Paula & Eustochium*, hæc eadem sunt. Hoc, inquit, Verbum, quod erat in principio, & apud Deum erat, & Deus erat verbum, ipsum verbū genuit nobis beata & gloriosa Virgo Maria, ex se carnē factū. Et paulò post. Scit enim omnia Deus, & potest. Propterea quia ita est, sciuit se, ac potuit in vtero virginis sine sui corruptione misceri atque vniri: vt vnus esset Christ<sup>9</sup> Deus & homo, vna persona, vnaque substantia. Et infra Beata & gloriosa virgo semp Maria incōparabilis vniuersis virginibus decēter potuit in se suscipere diuinitatis admixtionē, salua vtraque natura. ] Et adhuc. [ Constat tēpus non præiudicasse sacramentū vnitati Dei & hominis: ita vt jã esset in illo pērvnitatē personæ ab initio sæculi, qui necdum erat natus ex Mariæ virgine: quod multis Scripturæ declaratur locis. ] Id dū diutius testimonijs Scripturarū approbavit, sic concludit.

*Nestorij & Eutychis hæreses.*

*Ioann. 10.*

*Deus & homo vna est in Trinitate persona.*

*Gratia Christi hominis ex nullis meritis.*

*Sermo Hieronymo olim scriptus.*

[Et ideo Christus jam erat in Filio, qui populum educebat, & Christus in eo tentabatur; quoniam semper per sacramenti unitatē in Deo fuisse non dubitatur. Alioquin nisi ita credideris, aut Christus Deus non erit omnino, aut contra Prophetam, Deus recens esse videbitur.] Idem post pauca. [Vnus siquidem Christus in carne sua, vnus in spiritu, vnus in sacramento est: nec admittit omnino, vt alius filius hominis, alius filius Dei intelligatur, qui nec tempore præscribitur, nec passione separatur: sed totus in Christum, & Christus in Deum transit, vt quidquid Dei filius est, Christus dicatur; & quidquid in carne Christus pertulit, id Deus pertulisse credatur. Quapropter nec nos hominem seorsum colimus, quod fas non est, nec adoramus: quia nihil in se pro assumpto homine est adauctus; nihilque quod Verbum caro factum est, immixtus vel immutatus.] Amplius idem de eodē. [Gratia Dei est in Christo Iesu, in quo est Deus & homo sic vnitus in vna eademque persona, vt legatur quā sæpe in diuinis literis homo Deo coæternus propter vnionem substantiæ, ac deinde Deus videatur homini compassus: cum nec ininitabilis sit homo, nec passibilis Deus.] Quid dicitis hic, viri cordati? Miraculum mihi est, quod animus hominis huius sic diuinitus inspiratus est, vt itinere directo securus velificet inter Syrtis atque Charibdin; vt nec Nestorianæ hæreseos nauē impingat in periculum, nec Eutychianæ perfidiæ incurrat naufragiū: ex verisque & in vtrisque naturis unitate personæ commendata, & in ipsa vnione personæ vtriusque substantiæ veritate confirmata. Miraculum mihi est, quod à tam longo tempore, & à tantis viris, quorum doctrina fulget Ecclesia, vt sole luna, nostro Abaelardo responsum non est, qui criminatur Abbatem, quod dicat, Deum & assumptum à Deo hominem vnā esse in Trinitate personam: cum homo res corporea, & membris composita, & dissolubilis sit: Deus verò nec corporea res sit, nec membris constans, vt dissolui possit. Vnde nec Deus homo, nec homo Deus dicendus est: ne aliquid secundum se creatum vel quod non semper fuit concedi oporteret Deum esse. Vnde infert, illas duas naturas nec singulas, nec simul iunctas, vnā esse in Trinitate personam. Quænam mens vnquam meditari, quæ lingua loqui, quæ manus scribere tantum nefas potuit: quæ terra veneficii huius mortifera pondera sustinere præualuit? Schismatici veteres Dathā & Abiron non tantum deliquerunt, quos telluris hiatus viuos absorbit. Cur enim Christiani sumus, si ita est, vt Petrus asserit? Quomodo iuxta Apostolū, *Corpus Christi*, quod est Ecclesia, *crescit in augmentum Dei*? Si Christus Deus & homo non est vna in Trinitate persona, Christus non est vna persona: quia si Christus est vna persona, Christus est vna in Trinitate persona. Sed Christus Deus & homo vna persona est. Licet ex duabus vel in duabus naturis sit, vna tamen res est, ita vt iuxta Hieronymum, vna substantia sit, id est vnum quid indiuiduale per se subsistens, propter vnionem, quæ ibi & non alibi talis est. Quid enim est persona, nisi rationalis & indiuidualis substantia? Vbi illa est, nō deest; & vbi est, tota est. Si enim diuisa est, illa non est. Sicut autem Deus de Deo Christus cum eo, & non vnus, sed vnum est: sic è conuerso Deus vnitus homini, vnus quidem,

sed non vnū est, quia Deus & homo est: & quia vnus est, nulla potest diuisione seungi. Dic ergo, dum Christus moreretur in cruce, erat cum eo Deus, aut non erat. Si non erat, cur ergo dicitur, Dominus gloriæ crucifixus ab Apostolo? Sed erat. Si ergo Deus erat in homine moriente, morte crucis reconcilians sibi mundum, & prauaricationis chirographum affigens cruci, potestates aërias amplificans, quia non potest diuidi, cur non idem ipse homo qui mortuus fuerat ex infirmitate nostra, & resurrexerat ex virtute Dei vnitus Verbo Dei, non erit in gloria Dei, propter eandem causam, quia non potest diuidi? Quis enim alius est fructus passionis, nisi per gloriam resurrectionis & ascensionis, beata & immortalis excellentia deificationis? Alioquin abolita est promissio, exinanita est fides nostra; fallax est Apostolica doctrina, quæ dicit. *Qui descendit ipse est, & qui ascendit super omnes caelos, vt adimpleret omnia.* Sed quis est, qui implet omnia, nisi qui fecit omnia? Et quomodo ascendit & descendit, qui verè est, nisi in homine assumpto, vnito, clarificato, Deificato? Et manifestè, vt ipse dicit ad Timotheum, *magnum est pietatis sacramentum, quod manifestatum est in carne, viuificatum in spiritu: apparuit Angelis, prædicatum est Gentibus, creditum est mundo, assumptum est in gloria.* Dicat & ipse, qua gloria. Christus, inquit, *factus est pro nobis obediens vsque ad mortem, mortem autem crucis?* Propter quod & Deus exaltauit illum, & donauit illi nomen, quod est super omne nomen, vt in nomine Iesu omne genu flectatur caelestium terrestrium & infernorum. Et omnis lingua confiteatur, quia Dominus Iesus Christus in gloria est Dei Patris. Id dici de Domino Iesu, secundum hoc quod homo est, Apostolica probat hæc assertio. Nam secundū quod Deus est, erat in gloria Dei Patris ante mundi constitutionē. Vnde & in Epistola ad Hebræos. *Enim, inquit, qui modico quā Angeli minoratus est, videmus Iesum propter passionem crucis gloria & honore coronatum: ita vt gratia Dei pro omnibus gustaret mortem.* Et infra. *Hic autem vnus pro peccatis offerens hostiam, in sempiternū sedet in dextera Dei.* De qua gloria sermo sit, ipse Christus protestatur in Evangelio loquens ad Patrē sic. *Clarificame Pater, claritate quam habui, antequam mundus esset, apud te.* Sed melius id Sanctorum Patrum verbis, quā meis, explanabo. Hilarius in lib. 9. de Trin. [Filius hominis glorificatur, & glorificatur in eo Deus, & Deus glorificatū Deum in homine glorificauit in se.] Item in eodem. [Christum natum hominē Deus, glorificauit in se. Numquid extra se est, quod glorificat in se?] Idem in 11. [Quia glorificatus in Christo Deus est, ideo glorificauit eum in se Deus, vt quia jam regnat in gloria, quæ Dei gloria est, ipse exinde in gloriam Dei transeat. In se enim eum Deus glorificauit, id est, in ea natura, qua Deus est id quod est, vt sit Deus omnia in omnibus, & toto jam Christo in Deo ex ea dispensatione qua homo est, mansuro.] Dormis, an vigilas hic, optime ô Petre? Si dormis, euigila, quia hora est jā nos de somno surgere. Iam tertiani nostri vino deificationis inebriantur ab vbertate domus Dei, & torrente voluptatis eius potati rerum nouitate stupido mundo, magnalia Dei loquuntur. Si vigilas, intentis auribus quid cæleste sonet oraculū, ausculta. [Ipse Christus homo ex ea dispensa-

Ephes. 4.

1. Timo. 3.

Philip. 2.

Hebr. 2.

Hebr. 10.

Ioann. 17.

Theologos  
sui aut hic  
intelligit an-  
thor.

Error Aba-  
elardi.



S. Hilarij  
encomium.

Zachar. 4.

Ioann. 20.

tione qua homo est, totus in Deo manet. ] Non ego, sed Hilarius est, cuius hæc verba sunt, Ecclesie firmissima columna, doctor insignis, hæresen oppressor, verborum contumelias, inimicitias Regum, exilij squallores & vincula pro Christo passus, fidei sanctitatis, doctrinæ prærogatiua præcipuus. Hoc solo molari lapide tota tuæ artis machina subvertitur. Christus igitur totus, id est, etiam secundum quod homo est, glorificatus in Deum, vna est in Trinitate persona. Sed & Leo Papa stannei lapidis ictu, de quo legitur in Zacharia Propheta, idolum huius tuæ superioris adinventionis confregit & comminuit: contra Eutychem scribens in hunc modum. [ Quævis vnus sit Dominus Iesus Christus; & veræ diuinitatis, & veræ humanitatis in ipso vna eademque persona sit, neque huius vniouis soliditas vlla possit diuisione seungi: exaltatione tamen qua illū exaltauit Deus, & donauit illi nomen, quod est super omne nomen; ad eam intelligimus pertinere formam, quæ ditanda erat glorificationis augmento. Forma namque serui, per quam impassibilis Deitas sacramentum magnæ pietatis impleuit, humana humilitas est, & in gloriâ diuinæ pietatis inucta est, in tâta vnitæ ab ipso cōceptu Virginis deitate & humanitate connexa, vt nec sine homine diuina, nec sine Deo ageretur humana. Propter quod sicut Dñs maiestatis dicitur crucifixus: ita qui ex cōternitate æqualis est Deo, dicitur exaltatus. Nec interest, ex qua substantia nominetur Christus, cum inseparabiliter manente vnitæ personæ idem sit & totus hominis fili⁹, propter carnem; & totus sit Dei filius, propter vnā cum Patre deitatē. ] Idem in sermone de jejunijs septimi mensis. [ Veri Dei filius Deus verus, vnitæ & æqualitatem habens cum Patre & cū Spiritu sancto, idem verus homo esse dignatus est, sic humanitatē sibi vniens, vt Deus incommutabiliter permaneret: sic deitatem homini impartiens, vt eum glorificatione non cōsumeret, sed augeret. ] Idem in sermone de Ascensione Domini, [ Ad sananda infidelium cordium vulnera, clauorum & lanceæ erant seruata vestigia, vt non dubia fide, sed constantissima scientia teneretur, eam naturam in Dei Patris confessorâ throno, quæ jacuerat in sepulchro. ] Et infra. [ Humani generis natura, in Christo vltra Archangelorum altitudinem eleuata est, nullis sublimitatibus modum suæ prouectionis habitura, nisi æterni Patris recepta confessu, illius gloriæ sociaretur in throno, cuius naturæ copulabatur in filio. ] Et in alio sermone. [ Naturæ nostræ humilitas in Christo super omnem cœli militiam, supra omnes ordines Angelorū, & vltra omnium altitudinē potestatum ad Dei Patris est prouecta confessum. ] Idem in ser. de Pentecoste. [ Dominus supra omnem cœlorum altitudinem ad dexteram Dei Patris confessorus ascendit. ] Hieron. ad Hedibiam. [ Noli me tangere, nondum enim ascendi ad Patrem meū: & est sensus. Quem mortuum quæris, viuentem tangere non mereris. Si necdum me putas ascendisse ad Patrem, sed hominum fraude sublatū, meo tactu indigna es. Hoc autem dicebat, non vt studium quærentis obtunderet: sed vt dispensationem carnis assumptæ in diuinitatis gloriā sciret esse mutatam ] Et Augustinus contra assertiones Arrianorum. Ipse, inquit, [ vnus est Christus & Dei filius natura, & hominis filius

ex tempore assumptus gratia. Repulsis igitur filijs diffidentia superiorum errorum defensoribus, Ecclesia sancta spem Christi, quæ est sine macula & ruga, quia lavit eam Christus sanguine suo, ne haberet maculam; & extendit eam agnus fullo in cruce ne haberet rugam, Ecclesia inquam fideliter firmiterque, quod credit, prædicat, adhortatur. Adorate scabellum pedum eius, quoniam sanctum est. Adoramus quippe scabellum pedum eius, sed quia sanctum est: id est carnem eius, non quia creatura est, sed quia Verbo Dei personaliter vnita est, id est cum mente & diuinitate vna persona est, id est vnus Christus Dei filius & hominis filius; faciens diuina, patiens humana. Ambrosius in lib. de Fide ad Gratianum Imperatorem. f Et adorent eū omnes Angeli ejus. Adorant autem non solum diuinitatem, verumetiam scabellum pedum ejus, quoniam sanctum est: quia in Christo Incarnationis etiam adoranda mysteria sunt; in quibus velut vestigia quædā diuinitatis sunt impressa. ] Et paulo post. [ Per scabellū terra intelligitur, per terra autem caro Christi, quam hodie in mysterijs adoramus, & quam Apostoli adorauerunt. Neque enim diuinitus est Christus, sed vnus: neque dum adoratur tamquam filius Dei, natus de Virgine negatur. ] Augustinus in expositione Psalmi 98. Adorate scabellum pedum ejus, quoniam sanctum est. Anceps factus sum. Timeo adorare terram: ne damnet me, qui fecit cœlum & terram. Rursus timeo non adorare scabellum pedum Domini mei, quia Psalmus mihi dicit: Adorate scabellum pedū ejus; & dicit mihi Scriptura. Terra scabellum pedum meorum. Fluquans conuerto me ad Christum, quia ipsum quæro hic, & inuenio, quomodo sine impietate adoretur scabellum pedum ejus. Suscepit enim de terra terram, quia caro terra est, & de carne Mariæ carnem assumpsit. Et quia in ipsa carne hic ambulauit, & ipsam carnem nobis manducandam ad salutem dedit: nemo autem illā carnem manducat, nisi prius adorauerit, inuentum est, quemadmodum adoretur tale scabellum pedum Domini; & non solum non peccemus adorando, sed peccemus non adorando. Et de eodem Cassiodorus Senator in expositione Psalmorum. [ A Verbo Dei corpus assumptum quāvis gloriosum, quamvis magnū, quamvis adorabile sit, tamen propter humilitatem humanitatis scabellum pedum Dei competenter accipimus. Nam cum ipse dicat, Cœlum mihi sedes est, terra autem autem scabellum pedum meorum, corpus terrenum quod de Maria Virgine sumpsit, bene dicitur, opinor, scabellum pedū ejus, & eadē similitudine probatur intelligi, vt scilicet corpus ejus à Deitate mentis contemplatione nō discerneres, sed ad vnā personā referres, id est ad Verbum quod caro factum est, & habitauit in nobis. ] Non igitur recentem Deū colimus, qui carnem Christi adoramus, qui credimus Christum in carne venisse ex semine David secundū Evangelium Pauli; nec introduci m⁹ in illā simplicitatē verā aliquid cōpositū, nec in illam antiquitatē aliquid temporaneum; qui non dicimus naturam in naturam mutatam, sed exaltatam in Dei gloria humanitatem, per mirabilem & ineffabilem personæ vnitatem: per quā & Deus homo, & homo Deus est, quod qui negat hæreticus est. Euectiam nunc per Sancti spiritus gratiam contra spem & meritum de

Psal. 98.

Heb. 2.

Psal. 98.

Isa. 66.


Isa. 66.

Rom. 1.

fragorissimis locis tempestuosorum ac periculissimarum questionum, cursum sistimus pau-

lisper ad quietem; alia quæ sequuntur, alie pro-

secuturi rursus exordio.



## LIBER TERTIVS

**I**N AM libri tertij labor occurrit mihi, Sanctæ Trinitatis tractatores, & cultores solis iustitiæ tertia die resurgē-  
 tis, imitanti; qui diuinitus impleuerunt cum Abraham Dei præceptum, quo iussum est ei, *Exi de terra tua, & de cognatione tua, & de domo patris tui*; & cum Moysē duce gentis Hebrææ sublati vasis aureis & argenteis cum omni familia sua triduo recesserunt ab Ægypto, ut liberè sacrificare Domino possent Ægyptiorum abominaciones in deserto. Diuinæ siquidem dignationis ex indulgentia processit, non ex merito, quodd acutissimo viro, sapientissimo, famosissimo, hebes, insipiens, ignotusque, superioribus veridicis prosecutionibus potui respondere: & pertractata perspicuens, meque per semitas Orthodoxorum incedere non ambigens, sub Patre orphanorum, & iudice viduarum securus sum, quia catholici brauij non priuabor donatio. Illius igitur ipsius ope, cui<sup>9</sup> supra dicta explanata sunt, sequentium quædā perscrutabor, non omnia: ne tibi Domino meo, cui talia præcipuè scribo, alijsque seueris viris, tædio sim: ô clarissima Rothomagensium lucerna, & nostri temporis stella matutina, qui catholico pectore de Deo tuo sentis, catholico ore loqueris, & catholica manu cæteris excellentius scribis. De multis ergo prophanis & mortiferis nouitatib<sup>9</sup>, quæ adhuc restant; quas stultè Petrus in Theologia sua, stultius in apologia sua delirans profudit, tria tantum sequestravi, quæ & rempublicam nostram grauiter infestant, atque bonis æmulatoribus excitant maiorem zeli, qui candet in domo Dei, fervorem. Vnum est, quodd filius Dei semper de Deo nascitur. Secundum est, quodd Deus facere nō potest, nisi quod facit, nec alio modo, nec alio tēpore; nec dimittere, quin faciat, quod facit. Tertium, quodd gratia illa quæ saluantur electi, communis est omnibus hominibus. His ex ordine respondendū est, sed prius verba illius, sicut superius feci; ipsa quidem, sed quā breuius potero, ponam: atque quod auctoritas & ratio suggererit, Domino iuuante supponam. Non enim apud nos ratio præcedit, sed subsequitur auctoritatem, sicut in Sententijs Prosperi legimus, quas ex verbis B. Augustini diligenter excerpfit, & quasdam earum decenter metressi eavit. Petri verò deproposita sententia in Theologia sua verba sunt hæc, brevia quidem, sed magnum pondus habentia. In hoc, inquit, *quod per Prophetam dicitur, ego hodie genui te, ostenditur, filium Dei semper de Patre nasci, & semper natum esse.* Ac primū quidd conuenientia possit esse verborum horū, semper nasci, & eandē rem semper, id est, ab æterno, natam esse, non video. Non enim idē est, nasci, & natū esse, q̄ beati Augustini attestacione melius in consequentibus ostendetur. Nec tamen nescius sum, plerosq; viros magni nominis & esse, & fuisse, qui quod Dei filius semper nasceretur, senserunt, & suis scriptis reliquerunt. Sed quia simpliciter grædiebantur, & non ingrediebantur

tut pompaticè domum Domini, nō sunt excusati à gremio matris Ecclesiæ, quia filij & heredes Sanctorum erant pro Christo grauiter excussorum. Et vt Augustinus in libro de hæresibus ad Quod vult Deum Diaconum Carthaginensem dicit, *error non facit hominem hæreticum, sed erroris defensio.* Quodd autem ita de filio Dei senserunt vel sentiunt, reor ex hoc accidisse, quia vera fidei confessio profiteretur, quod illa iuxta Istaam inenarrabilis filij Dei de Patre generatio nec cœpit esse, nec desijt; quia nec habuit initium, nec finem habebit. Hujus occasione sententiæ Ariani spiritu superbæ damnabiliter excæcati Catholicos infestabant: & quasi eos cornibus ventilantes, impingebant in eos: his vtentes argutijs. Si Dei Filij de Deo Patre generatio, secundum vos, nec initium habuit, nec finem habebit: ergo Pater semper gignit Filium: si semper Filium gignit, semper à Patre Filius gignitur. Si semper à Patre Filius gignitur, adhuc à Patre Filius gignitur. Si semper à Patre Filius gignitur, imperfectus est Filius, qui adhuc à Patre gignitur. Quodd enim adhuc gignitur, imperfectum esse non dubitatur. Ad hoc namq; omnis eorum error intendebat, vt Filius Patri non esset cœternus, sed perfectissima omnium creaturam creatura, de non extantibus factus, non de Deo genitus. Indissolubilis certè p̄torfus hæc eorum esset argumentatio, si Christi generatio aliqua foret actio. Nam actio respicit ad creaturam, quam Deus, quando voluit, & quomodo voluit, egit, id est fecit: & antequam eam faceret, nihil egit. At Filij generatio non est actio, quia omnem excedit actionem, omnem supergreditur creationem: quia ipse semper, id est ab æterno à Patre genitus est, totus de toto, verus de vero, æternus de æterno, perfect<sup>9</sup> de perfecto, Deus de Deo. Omnia enim per ipsum facta sunt: quod verum non esset, si factura Christus esset, non enim per se factus esset. Nihil enim creatum per se factum est. Cum ergo dicitur, Christi generatio nec cœpit esse, nec desijt; nec initium habuit, nec finem habebit: non ad hoc dicitur, vt filius Dei semper gigni dicat ur; sed vt illius generatio sempiterna monstretur. Et ideo semper genitus dicitur, vt per semper æternitas, per *genitum* perfectio designetur. In generatione namque illa nihil tēporale est; quia nihil prius, aut posterius, nihil maius aut minus, nihil diuersum. Prius ac posterius excludit æternitas; diuersum identitas, id est consubstantialitas; quod est græcè *ὁμοούσιον*. Non igitur semper gignitur Filius, quia si semper gignitur Filius, modo gignitur Filius. Si modo gignitur Filius, ergo tēporalitatē & imperfectiōnis non eradit angustias. Sed intemporalis & perfectus sicut Pater, de quo est, Filius est. Semper ergo, id est ab æterno, hoc est sine principio, sine fine est, quia semper genitus est. Hoc est enim genitum esse, quod Filium esse, quod Deum esse, quod semper de Patre esse. Sed vt sermonis hujus ratio firmior sit, jam nunc audiam

Sent. 12.

Augustinus verba.

Isa. 53.

Arrianorum in Catholicos argutiæ.

Tres Abailardi sententia hic impugnanda.

Verba Abailardi.

amus, quid hinc diuina prædicent oracula. Hilarius cæteris excellentior in talibus, in lib. 11. de Trin. Deus, inquit, [Dñs noster Iesus Christus, non ab aliquo, neque per aliquid Deus est, sed Deus nat⁹ est: & qui ex perfecta generatione perfectus Deus est, non post natiuitatem in Deū per causam proficit: sed in eo quod natus est, nihil aliud nascendo, quàm Deus.] Idem in ejusdem operis lib. 12. [Ab æterno Patre æterna natiuitas est. Deus autem quod semper est, etiam æternus: sed tamen non omne quod æternus est, innatum est: quia quod ab æterno natū est, habet æternum esse, quod natum est. Quod enim ex æterno natum est, id si non æternum natum est, jam non erit & Pater æternus. Item si semper Patri proprium est, quod semper est Pater, necesse semper est Filio proprium esse, quod semper est Filius.] Hinc securus infero. Ergo proprium est Filio, quod semper est natus. Hoc etiam in eodem libro explanat. [Qui inquit, ab æterno & semper fuit, necesse est, sine natiuitate non fuisse: dū & semper fuisse supra tempus est, & natum semper esse, natiuitatem est sempiternam esse. Natum itaque vnigenitum Deum, sed natum ante æterna tempora confitemur.] Et ego. Ergo & tu, & socij tui, in quibus est Christus vnus, nec recens, nec confusus, nec diuisus, quibus est cor vnum & anima vna in Domino, qui habitatis vnanimis in domo Domini, filium Dei semper natum confitemini. Si enim ante tempora æterna natum, ergo semper natum. Et ille quasi cuncum figens, pijs adhuc cœpris instat. [Quod, inquit, ante tempus natum est, semper natum est: quia id quod est ante æternū tempus, semper est. Item ante omnia sæcula & tempora æterna, & ante sensum omnium natus confitendus est esse; quia per id quod ita natus est, semper est. Natus itaque semper est, quia nihil aliud de se patitur intelligi, & dici posse, nisi natū esse.] Et ego. Non igitur adhuc nascitur filius Dei. Nam qui semper nascitur, numquam natus erit; semper ergo imperfectus erit. At imperfectus non est. Natura enim Filij, natura Patris est. Hinc Leo Papa dicit. [Natura vnigeniti natura est Patris, natura est Spiritus sancti.] Et Hilarius in 11. de Trinitate libro. [Vnigenitus Deus habet in se naturam Dei omnipotentis, dum natus ex Deo est, & perfecti hominis absolutionē, dum ei est partus ex virgine, & cū veritate corporis subsistens in natura Dei; & cum Dei natura manens in corporis veritate.] Habes igitur hic, quodd natura Dei naturam hominis accepit: quia perfectam hominis absolutionem, id est totam absolutam hominis naturam. Vbi sunt ergo, qui magistrum erroris sequentes, perstreperunt in scholis dicentes: non natura personā, quod verum est, nec persona personam, quod item verum est, nec natura naturam, quod falsum est, suscepit? Tota enim natura diuinitatis in Filio Dei est; & totus Dei filius totum hominem suscepit. Tota igitur natura diuinitatis totam suscepit naturam humanitatis. Solus tamē Filius incarnatus est: & in solo Filio tota plenitudo diuinitatis habitat corporaliter. Ad hujus rei manifestationem haberemus etiam alios testes, nisi vitaremus fastidium. Igitur vt redeamus ad rem, qui de Deo toto totus Deus alioquin non esset Deus, natus est ab æterno, semper est natus. Ad hujus assertionis confirmationem S. Hilarius concludit sic. [Vt igitur Patri

proprium est, sine natiuitate esse, ita Filio proprium est, per natiuitatem esse: hoc est propriū, quod facit distinctionem personarum.] Hæc Hilarius, & Beatus Augustinus Catholicæ fidei loro deducitur in hunc sensum. Sic enim dicit in lib. de Trinitate nono. [In Deo nihil quidē secundum accidens dicitur: quia nihil in eo mutabile; nec tamē omne quod dicitur, secundum substantiam dicitur. Dicitur enim ad aliquid, sicut Pater ad Filium, & Filius ad Patrem. Quod non est accidens: quia & ille semper Pater, & ille semper Filius: & non ita semper, quasi ex quo natus est Filius, aut ex eo quod nunquam desinat esse Filius, Pater non desinat esse Pater: sed ex eo quod semper est, natus est Filius.] Graui siquidem somno temporanei nostri premuntur, si verbis his excitati non evigilauerint, in quibus B. Augustinus paternitatis & filiationis omnem excludit corporalitatem, & dicit, quia ideo semper natus est Filius, quia sicut semper, id est ab æterno Pater est; ita & Filius semper, id est ab æterno est Filius. Igitur aut perfectum genuit Pater Filium, aut imperfectum. Si imperfectum, ergo aut noluit, aut non potuit generare perfectum. Si noluit, inuidus est: si nō potuit, omnipotens non est. Perfectum ergo genuit. Semper ergo perfectus est, & semper natus est. Qui semper natus est, non fuit Filius ante vel natus. Igitur non semper nascitur, quia imperfectus esse videretur, si semper nasceretur. Non mihi tamen ambiguum est, quodd sint quidam diuinę lectionis etiam amatores, qui putent B. Augustinū huic sententiæ concessisse, quodd Filius Dei semper nascatur de Patre. Scribens enim ad Pascentium Comitem Arianum, sic dicit. [Quid ergo dicimus? Si natus est Filius Dei de Patre; jam Pater destitit gignere. Et si destitit, cœpit. Si autem cœpit gignere, fuit aliquando sine filio. Sed numquam fuit sine filio; quia Filius sapientia eius est, quæ candor est lucis æternæ. Ergo semper gignit Pater, & semper nascitur Filius.] Audis, inquiunt, quia concludit & dicit. Ergo semper gignit Pater, & semper nascitur Filius. Quid igitur habes remedium, qui filium Dei negas semper nasci? Ast aliter est. Qui taliter namque sentiunt, non subtiliter intuentes quod dicitur, qualiter dicitur, obscura verborum complexione falluntur. Et primum quidem oportuisset homines eductos de fornace ferrea Egypti, & euntes ad ciuitatem habitationis absque dubitatione sentire, virum hunc tam acris ac præclari ingenij, tam eruditi ac spiritualis animi, tam catholici pectoris, præsertim de causa Dei, nūquam posse sibi dissentire. Deinde Arrianæ perfidie fallaciam, & sapientiam rescribentis animadverte. Non enim illatio hæc. Ergo semper gignit Pater, & semper gignitur Filius à concessis oboritur, sed ab aduersario, quasi malo verborum aucupatore jaculatur. Nullus enim Catholicus & eruditus scriba in Regno Dei primæ consequentiæ consensit. Falsissima enim est, quæ dicit. Si natus est filius Dei de Patre, jã Pater destitit gignere. Scientibus loquor, & callentibus artem disserendi. Clamauimus in scholis, adhuc etiam pueri; clamant & alij, vt arbitror, nunc quoque, verum est antecedens, & falsum consequens. Verum est enim, quod natus est filius Dei de Patre: & falsum est, quod Pater destitit gignere. Non enim vmquam destitit, qui nūquam cœpit, sicut

*In Deo nihil secundū accidens dicitur.*

*Augustinus an dixerit Filium semper generari*

in superioribus dilucidè fuit ratiocinatum. Quæ ergo sequuntur, si destitit, cœpit; & si cœpit, fuit aliquando Pater sine Filio, telæ araneæ hæc præuirtutis fallacijs intexuntur. Assumptio verò quæ sequitur, sed numquam fuit Pater sine filio, quia filius eius sapientia eius est, quæ candor est lucis æternæ, verissima est. Sed enim id imponitur, ut falsitas hæc inferatur. Semper ergo gignit Pater, & semper gignitur Filius, quod minimè procedit: quia illa generatio non fuit nec est actio. Ad hoc enim nitebantur Arriani, ut probarent Dominum Iesum, vel non semper natum, & ideo Patri non coæternum, qui aliquando nasci cœpisset & desisset: vel si natus semper esset, semper nasceretur, & ideo imperfectus videretur. Per semper enim, quasi cuiusdam actionis intelligebant continuationem. Sed semper hic non nominat continuationem temporalem, sed intemporalem sempiternitatem, id est æternitatem, quæ nec habuit initium, nec habebit finem. Falluntur ergo, qui B. Augustini putant hanc esse conclusionem: hoc ipse declarat versu siue interpretatione sequenti, sic inquit. *Hoc rursus timendum est, ne putetur imperfecta generatio, si nō dicamus, natum esse, sed nasci.* Sed quare nō vibramus pilum, quod radiu teneamus manu, quod magister hic fabricauit & eliminavit, & ora contradicendum opilaui: iste namque sanctus vir incomparabilis prudentiæ, & egregiæ simplicitatis, jâ senio fractus, & sua Sunamitide calefactus, libros suos retractauit: & tractauit ibi diligentissimè sententiam istam his verbis [Est & inter illa quæ scripsimus, quoddam prolixum opus, qui tamen vnus deputatur liber, cuius est titulus. De diuersis quæstionibus octoginta quinque.] Et paulò post. [Has jam Episcopus collegi, & vnum ex eis librum feci. Harum verò trigesima septima est, cui titulus est, de semper nato.] Sententia verò, quam pilum superius appellaui, & quæ subsequitur, his eisdem verbis exprimitur. [Melior est sepe natus, quam qui semper nascitur. Quia qui semper nascitur, nondum est natus, & numquam natus est, aut numquam erit, si semper nascitur. Aliud enim nasci, aliud natum esse: ac per hoc numquam filius, si numquam natus. Filius autem quia natus, semper filius, semper igitur natus.] Huic igitur assertioni obniti, hominis est sui iuris, & cui dicitur. *Si quis contentiosus est, nos talem consuetudinem non habemus, neque Ecclesia Dei.* Addatur etiam tertius testis, qui tam veris & manifestis vtitur verbis, ut ei debeat omni subiectione consentiri. Gregorius ille magnus, qui iuxta nominis sui proprietatem vigilavit in Christo, & nobilitate, scientia, fide, sanctitate, sede, alijs eminuit, vicesimum nonum librum de Moralibus, sic incipit. [Dominus noster Iesus Christus, in eo quod sapientia & virtus est, de Patre antea tempora natus est. Vel potius, quia nec cœpit esse, nec desit, dicamus verius, semper natus. Non enim possemus dicere, semper nascitur, ne imperfectus esse videatur. At verò ut æternus designari valeat & perfectus, & natus, & semper, dicamus: quatenus & natus ad perfectionem pertineat, & semper ad æternitatem: ut quoquomodo illa essentia sine tempore temporali valeat designari sermone: quamvis hoc ipsum quod perfectum dicimus, multum ab illius veritatis perfectione deviamus: quia quod factum non est, non potest dici perfectum.] Tan-

torum virorum talibus assertionibus obniti, nō est eorum, quibus Deus dexteram suam notā fecit, & per eum eruditum cor habent in sapientia. Et quoniam satis ostensum est, quod filius Dei semper natus sit, nec semper nascatur de Patre, imminet ut discutiamus, quidnam sit, quod Petrus dicit, quod Deus non potest facere, nisi quod facit, nec alio tempore. Sed prius sicut consueuimus, ipsius verba ponenda sunt, ac post falsitati veritas opponenda. His verbis in Theologia sua, veræ simplicitatis ac simplicis veritatis oppressor insanit. *Si quod facit, inquit, Deus Verba Abaelardi dicitur, facere oportet; insensum est utique; ut faciat quidquid facit, aut sine dubio, quidquid facere debet. ita, Deum quod si debet, non potest profecto dimittere, quin non posse faciat. Omne quippe quod insensum est, iniensum est cere, nisi ea dimitti. Et quisquis hoc non facit, quod ratio exigit, æquè delinquit, ac si id faciat, quod rationi minimè concordat. Et paulò post. Si illud solum quod facit Deus, fieri ab eo bonum est: profecto illud solum quod facit, facere potest, qui facere nihil potest, nisi quod ab eo fieri bonum est. Hac itaque ratione id solum posse facere videtur Deus, quod facit; vel dimittere, quod dimittit: cum videlicet in singulis faciendis vel dimittendis rationabilem habeat causam, cur ab eo fiant vel dimittantur: ne ipse quidquam, qui summa ratio est, contra id quod rationi congruit, aut velle, aut agere debeat. Ac deinde. Ex his, inquit, tam de ratione quam de scripto collatis, constat, id solum posse facere Deum, quod aliquando faciat. Dein ingenij sui, non Ezechielis sartagine positus opponit, & quæ fabricauerat, quasi nititur & videtur obruere: ea calliditate, ut rursus ea melius confirmet, omnibus annullatis, quæ prioribus videbantur obuiare. Sic enim concludit. *Predictis rationibus vel obiectorum solutionibus liquere omnibus reor, ea solummodo Deum posse facere, vel dimittere, quacumque facit vel dimittit, & eo modo quo facit vel dimittit, & illo tempore, quo facit tantum, non alio.* At in apologia sua multò vehementius spiritu vertiginis abducitur, ac infelicius ægotat. Diligentiore siquidem tractatu, & quasi viribus in vnum collectis hoc capitulum cæteris diffusius exequitur: & ad hujus nouæ adinventionis, imò noxij erroris confirmationem totus incumbit. Ponit enim in cælum os suum, & ad diuinæ incommutabilitatis altitudinem transcendit, & voluntatem Dei ac potestatem idem esse ostendit, dicens. *Generaliter, inquit, & indubitanter tenendum est, quod quidquid boni Deus in se habeat, nullatenus in ipso vel crescere vel minui potest. Cui profecto sicut potentia ejus vel sapientia coæterna est, ita voluntas quam habet in quibuscumque faciendis vel disponendis, ipsi coæterna est. Verum dicit: sed & laqueum more suo præterdit. Non est enim in Deo aliud potentem esse, aliud bene volentem esse, cui est id ipsum esse, & Deum esse, quod superiora declarant; & voluntas ejus & potentia ejus nihil aliud est, quam ipso. Augustinus in septimo libro Confessionum. [Non cogitis,] inquit, [inuitus ad aliquid, quia voluntas tua non est major quam potentia tua. Esset autem major, si teipso tu ipse major esses. Voluntas enim & potentia Dei Deus ipse est.] Ecce quam vera Petrus proponit: sed in hoc vitandus est, quod ex veris falsa concludit. *Conclusio Sic enim dicit. Si ergo id solum facere potest, quod falsa Abaelardi, omne facere seu velle conuenit, profecto id solum facere, atque velle facere potest, quod quandoque facit; & eo modo tantum, & eo tempore similiter, quo***

Filius semper natus.

Liber quæstionum 85. Augustini.

I. Cor. II.

Verba Abaelardi.

Verba Abaelardi.

Conclusio

facit: quia videlicet nec alio modo nec alio tempore conuenit, vel hoc eum facere, vel velle etiam facere. Hoc inculcat, hoc longa verborum profecutione, imò curiositate, multiplicat. Sed quid agis, ô infelix anima mea? Ergo sic intemperanter exæstuas? Cur lectionis & orationis tempora perdis? Cur talia meditando tabescis? Cur quantumcumque acumen ingenij velut ad saxum elidens grossescere facis? Quis Augustinus, quis Gregorius, vel aliquis talium in horum rudem horrendam spissitudinem te proijcit? Nullus eorū hoc dicere ausus fuit; Deus nō potest facere, nisi quod facit. Si hoc etiam verum esset, melius erat ut taceret, quā diceretur, nedū scriberetur. Sed jam, quē dante Deo video, nodus enodand⁹ est. Diuerso modo agit de voluntate Dei: modò secundum id, q̄ est, modò secundū id quo se ad res conditas habet: id est aliquando secundū essentiam, aliquando secundum actionem, id est, rerum conditionem. A conditione enim rerum cœperant & spatia locorum, & cursus temporum. Mansit igitur incommutabilis in se dum commutabilia faceret, manet semper incommutabilis, regens & faciens vniuersa. Non ei aliquid noui accidit: quoniam non ea quia sunt, nouit; sed ideo sunt, quia nouit: nec se, quia lumen in-circumscriptum est, in creatura sua conclusit. In filio quippe suo totus naturaliter inest; quia nō eum fecit, sed ex se genuit æternaliter. *Ex viro*, inquit, *ante Luciferum genui te*, id est, ex mea substantia ante initium, hoc est sine initio. In creatura verò sua non inest: quia non eam de se genuit, sed eam de nihilo fecit. Extra eum igitur sunt omnia quæ fecit; quia licet ex ipso, & per ipsum, & in ipso sint; ipse tamen est super omnia, & non includitur in aliqua creatura: licet inhabitet in sanctis Angelis, & in electis suis, nō per naturam sed per gratiam. Augustinus ad Dardanum. [Deus ergo vbique præsens, & vbique totus præsens est, nec tamen vbique habitans, sed in templo suo, cui per gratiā benignus ac propitius est.] Et infra. [Ideo enim vbique esse dicitur: quia nulli parti rerum absēs est. Ideo totus, quia non parti rerum partem suam præsentem præbet, & alteri parti alteram partem, quales æqualibus, minori verò minorem, maiori maiorem. Sed non solum vniuersitati creaturarum, verum etiam cuilibet parti ej⁹ totus adest.] Ut igitur magni doctoris huius probat assertio, Deus præsens est vniuersitati rerum, nec concluditur vel in parte vniuersitatis rerum, vel in vniuersitate. Major ergo non mole, sed potentia, sed sapientia, sed bonitate, sed æternitate, Deus vniuersitate rerum. Excedit igitur & voluntas eius & potentia eius, quæ nihil aliud sunt, quā essentia eius, vniuersitatem rerum. Mendax est igitur, & fallax, qui voluntatem Dei, vel potestatem eius, id est Deum, intra creaturam includit: sicut ille facit, qui dicit, Deū de creatura sua non posse facere, nisi quod facit; cum voluntas Dei sit ante vniuersitatem rerum, & causa sit vniuersitatis rerum. Hinc idē Doctor super Genesim contra Manichæos. [Voluntas, inquit, Dei causa est omniū quæ sunt. Si enim habet causam voluntas Dei, est aliquid quod antecedit voluntatem Dei, quod nefas est credere. Quisquis ergo dicit, quare fecit De⁹ cœlū & terram, respondendū est illi, quia voluit. Voluntas enim Dei causa est cœli & terræ; & ideo maior est voluntas Dei, quā cœlum &

terra. Qui autem dicit, Quare voluit Deus facere cœlum & terram: maius aliquid quærit, quā est voluntas Dei. Nihil autem maius inueniri potest. Compescat ergo se humana temeritas, & id quod non est, non quærat; ne id quod est, non inueniat. Qui ergo voluntatem Dei nosse desiderat, amicus Deo fiat.] Hæc, ut arbitror, mirabilis ille philosophus non legerat. Si enim hæc legisset, sentire non audeo, quod postea talia, tam noua, tam noxia docuisset. Dicit enim quoddam in faciendis vel dimittendis rationabilem habeat Deus causam, cur ab eo fiant, vel dimittantur. Sed, Augustino teste, ratio contradicit, & dicit, quia in rebus agendis vel dimittendis voluntate Dei nulla causa superior sit; & errat, qui superiorem quærit. Potens igitur est Deus de rebus multa facere, quæ non facit. Nec accipit, nec accipit Deus à rebus causam, quando, vel quomodo faceret, vel disponderet, vel eas gubernaret: quia ipse est causa omnium, ut sint; & in se habet scientiam & potentiam, qualiter omnia ordinata sint. Ipse namque est & creator, & gubernator, & ordinator omnium, non solum bonorum, quæ omnia ab illo sunt, sed & malorum, quæ omnino ab illo non sunt, & ideo nec verè sunt; quia non res, sed rerum priuationes; vel si melius dicitur, corruptiones sunt; & sunt in natura ex natura. Nulla enim mala sunt, nisi in bonis, quamvis multa bona sint sine malis. De talibus non dubitant, qui summi nostri disputatoris, Augustini dico, verbis exercitati sint. Quæ quia multa sunt huic assertioni fidem facientia, gratia breuitatis prætereo. Ad hoc autem hoc toto labore desudatur, ut veraciter ostendatur, quoddam voluntas Dei, vel eius potentia, legi creaturæ supposita, vel in ea inclusa non sit: & ideo Deus de ea multa potest facere, quæ non facit. Mentitur igitur, qui hæc dicit, quod non possit. Cum ergo dicitur, Dei voluntas vel potestas augeri vel minui non potest; verum dicit, quia secundum essentiam dicitur, quæ Deus est, quæ augeri vel mutari non potest. Et cum dicitur: Deus malum facere non potest, verum dicitur, quia malū nihil est: non enim res, sed rei corruptio est; & Deus qui incommutabilis est, non bonus esse nō potest. Et hæc ejus impotētia omnipotentia est. At cum dicitur, Deus non potest pluere, nisi quando pluit; vel de creatura sua facere, nisi quod facit, fallacia est. Non enim jam de voluntate aut potestate Dei, eo modo quo superius agitur, id est simpliciter, id est secundū essentiam, quod est secundum id quod est, sed etiam secundum actionem, id est secundum effectum rerum: quod est secundum id quod se habet ad aliquid: hoc est creator ad creaturam. Creator enim creaturæ creator est: & creaturæ creatoris creatura est. Et aliter intelligim⁹ & loquimur de re, secundum id quod est: aliter intelligimus ac loquimur de re, secundū id quod se ad aliud habet: licet res eadem sit. Hoc ille Aristoteles acutissimus prædicamentorum inuētor, dispositor, ac disputator, diligenter legentibus & sapienter intelligentibus ostendit; qui de singulis prædicamentis agens, eorum proprietates subtiliter ac sigillatim exposuit. Quia igitur vniuersitas rerum subdita est creatori, & ejus voluntati vel potestati resistere non potest, potest Deus de ea multa facere, quæ non facit, qui nihil contra voluntatem suam facit. *Omnia enim quacumque voluit, in cælo & in terra facit.* Augustinus

*Voluntate Dei nulla causa prior est.*

*Nulla mala sunt, nisi in bonis.*

*Psalms. 109.*

*Aug. ep. 57. ad Dardan.*

*Psalms. 134.*



Augustinus in Eucherio. Et ubi est potentia, quæ in cælo & in terra omnia quæcunque voluit, fecit, si colligere filios Ierusalem voluit, & non fecit? An potius, & illa quidem ab illo filios suos colligi noluit: sed ea quoque nolente filios eius collegit ipse, quos voluit? Quia in cælo & in terra non quædam voluit & fecit; quædam verò voluit & non fecit: sed omnia quæcumque voluit fecit.] Cum ergo & voluntas & potestas Dei idem sint in eo, diuerso tamen modo se habet rerum effectus: quia multa potest facere, quæ facere nō vult, qui facit in cælo & in terra, quæcumque facere vult. Potens est enim de lapidibus istis suscitare filios Abraham: id est, de vasis iræ facere vasa misericordiarum: & tamen de omnibus non facit. Sed cur de illis faciat, de illis non faciat, secretum est, penes ipsum est, abyssus est.

Psal. 35.

*Iudicia enim Dei abyssus multa.* Et quoniam, ut Augustinus in lib. super Genesi ad litteram longiusculè disserit, bipertitū est opus diuinæ providentiæ; quædam namque causæ sunt in Deo æternales & incommutabiles, quædam verò rebus insitæ sunt originaliter, primordialiter, causaliter, ab eo qui vivit in æternum: & iuxta

Ecclesi. 18.

Prophetam, creauit omnia simul: secundum superiores inconvulsum est, quidquid statutū est; secundum inferiores multa possunt fieri & non fieri, quæ contingit fieri vel non fieri. Secundū inferiores de vua vinum exprimitur, & de farina panis efficitur: secundum superiores aqua in vinum mutatur, & nunc quinque millia hominū quinque panibus saturantur hordeaceis, nunc quatuor milia septem panibus triticeis, per eum, qui veteris ac noui testamenti pabulo reficit esurientes ac sitientes iustitiam. Sed melius eruditissimi ac dulcissimi Doctoris B. Gregorij verbis hujus profunditatis sinus explicabo. Sic enim dicit in lib. 9. Moralium, dum capitulum illud exponit. *Deus, cuius ira nemo potest resistere.* Mirum, inquit, [valde est, quod iræ Dei nemo resistere dicitur, cum multos indignationi superbiæ animaduersionis obuiasse eloquia diuina testentur.] Et facta mentione de Moyse & Aaron, & Phinees, David, & Elia, post aliquanta sic concludit. [Iræ igitur Dei resisti potest, quando ipse qui irascitur opitulatur; & resisti omnino non potest, quando se & ad ultionē excitat, & ipse prece, quæ ei funditur, non aspirat. Quod ergo iræ Dei resisti potest, secundum inferiorem causam dictum est, sicut sermo diuinus dicit ad Ieremiam. *Si autem mutaveris gens illa aut regnum illud malitiam suam: & ego non inducā super eam malum, quod locutus sum, dicit Dominus.* Non enim à Chaldæis destrueretur Ierusalem, si mutasset bonitatem malitiam. Nam Deus manens incommutabilis in se, mutasset etiam ipse damnationis illius sententiam. Non fecit igitur Deus, quod facere potuit: quia nec se creaturæ angustijs, nec liberum arbitrium lege necessitatis astrinxit. Quod verò iræ ejus resisti non potest, secundum superiorem causam est, sicut rursum ad ipsum Ieremiam dictum est. *Tu ergo noli orare pro populo hoc, & noli assumere pro eo laudem & orationem, quia non exaudiam te.* Et rursum. *Si steterint Moyses & Samuel coram me, non est anima mea ad populum istum.* Defixum ergo erat apud ipsum ut Ierusalem & populus eius destrueretur. Et quod apud eum defixum erat, ut fieret, secundum superiorem causam necesse erat ut fieret: quia præscientia eius falli nō

Iob 9.

Ierem. 18.

Ierem. 7.

Ierem. 15.

poterat. Et quid faceret de Ierusalem, ipse ante sæcula nouerat. Secundum inferiorē verò causam necesse non erat; quia si illa mutasset malitiam, & ille sententiam. Habebat enim illa in se, ut hoc facere posset, si vellet. Sed & ipse nouerat ante constitutionē mundi, quod illa nollit.] Idem doctor in eodem opere lib. 12. in expositione sententiæ illius, *Constituisi terminos ejus, qui præteriri non poterunt.* Statutum est quoque, inquit, [homini, quantum in ipsa vita mortali viuat. Nam etsi annos 15. Ezechia Regi ad vitam addidit omnipotens Deus, tunc cum mori permisit, cum eum præscivit esse moriturum. Nec Propheta igitur mēdax, quia tempus mortis innotuit, quo vir ille mori merebatur: nec dominica statuta convulsa sunt: quia ut ex largitate Dei anni vitæ crescerent, hoc quoque quod ante sæcula præfixum fuit, atque spatium vitæ, & inopinatē foris additum est, sine augmento præscientiæ fuit intus statutum.] Sic ille. Patet igitur his, qui contentionis spiritum non habent, quod secundū inferiorē causam dictū est, *Dispone domui tue, quia morietur in, & non viues,* quia sic meruerat: & anni additi sunt secundum superiorem causam: secundū quā verū erat, necesse est Ierusalem à Chaldæis destrui: secundum inferiorē non erat verum, necesse est Ierusalē à Chaldæis destrui. Vera est enim hæc hypothetica. Si præscitum est à Deo Ierusalem à Chaldæis destrui, tunc necesse est Ierusalem à Chaldæis destrui. Omne enim quod à Deo præscitum est, ut fiat, necesse est fieri; alioqui præscientia eius falleretur, quod abhorreret à vero. Nec tamen ideo vera est hæc categorica per se. Necesse est Ierusalem à Chaldæis destrui. Posset enim Ierusalē mutare malitiam, si vellet: & illam, quæ sub conditione posita erat, mutaret sententiam. De natura igitur Dei loquor secundum superiorem causam; de natura verò rerum secundum inferiorē: veluti cum dico. Si David & Petrus prædestinati sunt ad vitam æternam, David & Petrus damnari non possunt: sed hoc non ab ipsis, sed ab ipso Deo est, cuius prædestinatio falli non potest. Item verum est, si David in adulterio, Petrus in negatione morerentur, quod bene secundum inferiorem causam contingere posset, David & Petrus damnarentur; sed hoc non à Deo, sed ab ipsis est. Rebus igitur non incumbit necessitas, sed relatio de rebus ad providentiam facit conditionalem necessitatem. Et de hoc luculentissimus ac acutissimus Doctor Boetius in 6. de Consolatione Philosophiæ; & nos quamvis maxime ad hoc nihili sumus, in tractatu de rebus vniuersalibus ad Magistrum Theodoricum, pro modulo nostro diffusius egimus. Vniuersitas igitur rerum, ut ratio probat, & auctoritas approbat, voluntati creatoris subdita est, à quo de nihilo facta est. Et ideo ipse de illa secundum inferiorem causam multa facere potest, quæ non facit, qui tamen contra id quod apud ipsum præfixum est nihil facit. Et hic est diuersus intelligendi respectus, & diuersus loquendi modus: id est, secundum Dei voluntatem, potestatem, providentiam, hoc est, eius essentiam. (non enim aliud est eius essentia, aliud in eo illa:) & secundum id quod se, nescio si dicam, habet vel habent, ad naturam rerum, vel effectus earum. De quo conjunctim agens nouitatem amator, ac subtilissimus temporis Academicus, pedicam tendit ad capiendas animulas vanitati deditas, minus le-

Gregorius  
12. Moral.  
Iob 14.

Isai. 38.

Necessitas  
hypothetica

Boetius.

gentes. & minùs quæ Dei sunt intelligentes. At contra hanc adinventionem quæ de Deo malè loquebatur, hæc dicta sint. De propositis igitur restat extremum, quod videndum est, & tali fine finietur hoc opus. Petrus hic Abaelardus, contra cujus commentitia figmenta scribimus, vestris orationibus & præcepto sanctitatis vestræ roborati, Pater optime Hugo: quibusdam viris nobilitate, studio, scientia fulgentibus, & inter illos alijs magis curiosis quàm studiosis, per vanam & inanem philosophiâ placens, de his quæ ad Deum pertinent, non tam catholicè quàm philosophicè tractavit; ac per hoc longe factus à populo, de quo legitur, *In populo gravis landa-* *bo re*, vento subtilitatis erravit, nostræ fidei simplicitati turpiter obuius, & veritati damnabiliter contrarius. In fornace namq; Egyptia operum suorum vascula fabricavit, ac philosophos Platonem, Virgilium, Macrobius, inontos & illotos ad conuiuium summi Regis introduxit. Sic enim Platonem maximè sequens in Theologia sua dicit. *Nunc verba Platonis de anima mundi diligenteter excutiamus, ut in eis integerrimè Spiritum sanctum designatum esse agnoscamus.* Et infra. *Illud quoque, quod ait Plato animam locatam esse à Deo in medietate mundi, eamque per omnem globum totius orbis aqualiter porrigi, pulchrè designat gratiam Dei omnibus communiter oblatam, iuxta illud. Spiritus Domini replenit orbem terrarum. Huic etiam involucro, de positione scilicet animæ in medio mundi locata, hoc est de gratia Dei omnibus cõmuniter oblata divina facta concordant: quia Dominus noster Iesu Christus Rex operatus est salutem in medio terra.* Quod autem temporalitatis huius cursum vocat involucrum, Iohannē Scorum sequitur, qui frequentius hoc inusitato vocabulo usus, & ipse pro sua subtilitate de hæresi notatus est. Cunctis autem hæc legentibus & vera scientibus liquet, quod ex philosophica disciplina animam mundi Spiritum sanctum dicit; cùm secundum ipsos Philosophos anima mundi multū differat à creatore & mente divina, quam vñ appellant: & secundum veram fidem & Ecclesiasticam doctrinā idem Spiritus sanctus Patri & Filio consubstantialis sit, & in nullo differat, & coæternus sit ambobus. Dicit itaque, gratiam Dei, quam Spiritum sanctū vocat, omnibus esse communiter oblatam. In apologia verò sua primū quidē se strenuè defendit, & Pelagianam anathematizans hæresin, de gratia Dei catholicè sentit & scribit: sed postea more suo subtilis, ac velut alter Protheus, lubricus elabitur, & reuertitur in idipsum. Verba illius hoc melius probabunt. Hæc prima sunt, *Ego, inquit, gratiam Dei voco, quidquid ad salutem hominis de ipso Deo disponit, vel ei confert, quod ipse non meruerit. Ait quippe Apostolus. Reliquia secundum electionem gratia salua facta sunt. Si autem ex gratia, jam non ex operibus, alioqui gratia jam non est gratia. Gratia igitur Dei est in electis suis, quod eos ab æterno prædestinaverit, quod & fidem eis inspiraverit, quæ utique nostra præcedunt merita, & sine quibus eum diligere non valeamus, ut saluari mereamur. Ipsa enim dilectio, quam ipse per ea, quæ dicta sunt, primò in nobis efficit, effectus ipsius Dei, siue donum eius est: & opus inopitanda est gratia, ante quam etiam nihil salutis offussum promereri. Vnde & Apostolus. Quid, inquit, habes, quod non accepisti? Hæc à Paulo dicta de Dei gratia, magis veritatis quàm Petri verba*

sunt. Quid enim verius, quid elimati, quid salubrius dici potest? Sed sta hic quæso mecū. Familiaris tibi fui, quantum potui. Ut fraternæ dilectionis norma iubet, hominem nō persequor, sed errorem. Nisi me fallas, istius ipsius assertio, nis tuæ funibus alligatus es. Dicis enim, quod gratia Dei est, quidquid ad salutē hominis Deus disponit, quod secundum Apostolum electio ex gratia est, alioqui gratia jã non est gratia: quod per eam electos suos ab æterno prædestinaverit; quod per eam fidem eis inspiraverit: quod ipsa dilectio, quam ipse in nobis efficit, & sine qua nemo potest salvari, gratiæ Dei imputanda est. Secundum igitur hanc ipsam tuam definitionem loquor tecum de gratia Dei. Dic, oro te, gratia sic accepta, estne communis omnibus hominibus? Prædestinat Deus omnes homines ad salutem, inspirat in omnibus fidem, & eam, per quā salventur, dilectionem? Subtilissime, famosissime, lepidissime magister, erudi me; si non insanis, respondebis, non est. Non est igitur hæc gratia communis omnibus. Nam si esset, omnes salventur, quod minimè concedes: alioqui Dei dispositio, prædestinatio, fidei, & ipsius dilectionis inspiratio, falleretur, Dei donum frustraretur; quod de Deo sentire, sacrilegum est. Si autem, (quod minimè credo,) respondebis, est; arguit te ratio, catholica prædicatio, auctoritas Patrum, effectus rerum. Hæc enim gratia numquam inanis esse potest. quæ de corde lapidei cor carneum facit, de animali spirituale, de cæco illuminatum, de infirmo sanum. Per hanc Spiritus sanctus non omnes, sed quas vult, animas inarrhat. Hanc solam prædicator egregius gratiā appellat: hanc in epistolis suis, & maximè in ea quæ est ad Romanos, defendit & prædicat. Per hanc de blaspheмо & persecutore & iniurioso, benignus, mitis, discipulus effectus est, de lupo agnus, de Saulo Paulus. Per hanc Deus vocat quosdam electos ante constitutionem mundi, quorum certus est numerus, qui petire non possunt, quod non ex ipsis, sed ex Deo est: quia præsciuit illos, & prædestinavit conformes hieri imaginis filij sui, ut sit ipse primogenitus in multis fratribus. Alteram non novit Paulus, de alia non disputat Augustinus. Licet ex dono Dei sit, quod sumus, quod vivimus, imò quidquid in nobis, & in òni creatura est. Quod enim omnis creatura est, & quidquid boni in ea est, ex dono Dei, id est ex bonitate eius est. Sed quia Pelagianistæ heretici oppugnatores diuinæ gratiæ ad hæc confugiebant, & quod modo supra dicto verum est, dona naturæ Dei gratiam vocabant, bene, subtiliter, vtiliter, à catholicis tractatoribus distinctum est inter dona naturæ & dona gratiæ: quia dona naturæ communia sunt & electis & reprobis: dona verò gratiæ omnibus electis, reprobis nullis. Sicque gratiam Ecclesiasticæ consuetudinis vsu vocauerunt illius electionis effectum, per quæ ille qui habet ventilabrum in manu sua, & purgat aream suam, separat grana à paleis, & ea mittit in horreū suū. At Petrus breui mutat vult⁹ suos, & ad solita rediens, nobis efficitur alienus. Adjuvate nunc, quæso, fratres, fortis est, vincula dirumpit, magisterio fulget, eum retinere non possum. Dicit nullis interpositis, quod mihi magni miraculi res est. Ergo, inquit, & ipsum liberum arbitrium quia bonum est, divina gratia est donum: & ipsa ratio, in qua ipsum consistit. Verum est, sed aliter

*Psalm. 34.*

*Verba Abaelardi.*

*Invalida est hæc argumentatio, ut in Notis ostendamus.*

*Verba Abaelardi.*

*Dona naturæ diversa à donis gratiæ*

*Verba Abaelardi.*

Verba  
Abaelardi.

apis. Nam & liberum arbitrium, & ratio in qua illud consistit, communia sunt & electis & reprobis. Obloqueris, & sophisticus es, non sic agebamus de gratia. Sed vehementior efficitur insequentibus. Nam dicit. *Cum igitur Dominus tam electis quam reprobis rationem tribuat, & viam ostendat, qua perveniendum sit ad beatitudinem: & ad hanc percipiendum, quam omnibus offert, praeceptis & exhortationibus suis nos iugiter inuitet; alij super hac eum audiunt, & praeceptis obtemperant, bene vivendo, ut oblata percipiant pramia: alij contemnunt, & in sua remanentes ignorantia, obedientiam laborem refugiant.* Miror, si vigilabat, qui talia scribebat, tam sibi dissentiens de re eadem penè loco eodem. En quò validus concionator, & diuinæ gratiæ defensor, citius quàm sperabam, evanuit, & contempto disputationis ordine legitimo, tritas familiaris suæ semitas deseruit. Ponit namque rete mendacij, dum asserit, quòd ad percipiendam beatitudinem, quam secundum se offert omnibus Deus, praeceptis & exhortationibus, omnes inuitet. Transeo de pueris recens natis, tã de Gentibus quàm de Christianis parentibus procreatis, non baptizatis, & morte prævætitis: transeo de pluribus in pluribus locis nunc degentibus; qui prædicationem Christi non audierunt, sine qua nemo potest pervenire ad veram beatitudinem. Respondeat si potest de Gentibus innumeris ante Salvatoris adventum penè toto orbe cultui idolatriæ deditis: notus enim tantum erat in Iudæa Deus. Cur, sicut legitur in Actis Apostolorum, permisit illas Deus ingredi vias suas; quasi diceret, vias eorum, non vias mandatorum Dei, ne pervenirent ad salutem, nisi occulto, sed numquam iniusto iudicio? Quærit ita nunc, quia sic placet ei, qui philosophiæ abyssum puteos ex hausit, & modò non audiens, *Altiora te ne quaesieris, & maiora te ne scrutatus fueris*; in-scrutabilia Dei iudicia temerarius inuestigator & Iulianus scri- cum Porphyrio philosopho: quærit inquam cum pserunt ad- Iuliano Augusto Apostata, (qui in expeditione versus Eu- contra Evangelia Christi libros scripsit octo,) gelinum. eut Deus Christianorum, qui secundum eos morti saluator erat, in novissimis temporibus ortus est, & innumerabilibus iam damnatis in inferno tam tardè salutem operatus est. Audiat à Pro- pheta. *Iudicia Dei abyssus multa.* Audiat ab Apostolo. *O altitudo divitiarum sapientiæ & scientiæ Dei, quam inscrutabilia sunt iudicia ejus, & in-vestigabiles viæ ejus!* Quid ergo restat, nisi, ut aut tot tantisque; testibus decrebat, & Christianus non sit; aut si credit, scrutari desinat inscrutabilia, & quietus sit. De hac tamen profunditate, qui fideliter inquirere voluerit, legat secundum capitulum, quod est de tempore Christianæ religionis, libelli illius, què composuit B. Augustinus ad Presbyterum, qui vocabatur, Deo gratias. At Petrus domi cum Iacob habitare simplex dedignatur: sed fortis venator ut Esau silvas ingreditur umbrosas; & ex arcu perverso quem diutius extenderat, conditionis huius toxicatam sagittam emittit. Sic enim, inquit. *Ad bene vivendum reprobos præparari, sicut electos, id videlicet dicendo & admonendo, & facultatem præbendo, ut nulla iam supersit excusatio.* Et loquens cum adversariis, adiungit dicens. *Sed dicis, quia Deus bonam voluntatem in reprobis non facit, sicut in electis.* Et qui catholicæ firmitudinis fundamentum modis omnibus destruit, & more suo de suo loquens sic destruit. *Culpandi, inquit, reprobis non*

*sunt, si rectè non vivunt, sicut electi; cum ad rectitudinem vitæ illis sit illa negata gratia, sine qua rectè vivere nullatenus possunt.* Hæc est vetustissima Pelagianorum hæreticorum argutio: hac machina gratiæ singularis excellentiam oppugnabant, sed non expugnabant. Et ad hoc usque hæc falsa benevolentia eos trahebat, quatenus infantes sine originali peccato nasci perhiberetur; & sine baptismo in regno cælorum eos ingredi prædicarent. Sed quantum ista falsa sint, latet neminem, qui catholica doctrina, & maxime beati verbis Augustini eruditus sit. Petrus ergo, qui superius Pelagianam hæresin anathematizaverat, & contra eam fortiter, veraciter, catholicè, disputaverat, nunc talibus obligationibus erroris inuoluitur, ut patenter asserat, ad illam suam communiter omnibus, id est, & electis & reprobis, oblata gratiam, nullam cordis à Deo præparationem fore necessariam: sed hanc ex libero arbitrio omnibus inesse, quod eam quisque potest recipere; & quòd Deus bonam voluntatem non faciat in electis suis, sicut nec in reprobis; qui tamen si id faceret in electis, & non similiter faceret in reprobis, bene de rectitudine vitæ reprobi se possent excusare. Ecce ad quantas facies liberi defensor arbitrij delapsus est, cum Apostolus dicat, *Deus est qui operatur in vobis & velle & perficere*: quia illa gratia, quam prædicamus; talis est, ut faciat hominem, quod nollebat, bene velle: & quòd non poterat, posse. Nō enim sic collata est, ut vacas sit: quia diuinæ propitiationis inspiratio est, & erigit iacētes, & cæcos illuminat, & infirmos fortes facit, & mortuos suscitatur, & quoscumque prædestinavit, ad vitam æternam perducit. Non est impotens, nō fallit, non est omnibus communis. Eorum præcordijs à Deo infunditur, quorum certus est numerus, quorum nemo perit, quia nemo potest rapere oves Christi de manu Patris Christi. Hoc assertionis nostræ munimentum Sanctorum Patrum testimonijs firmandum est, ut sic liberum prædicetur arbitrium, ne gratia negetur: & sic gratia confirmetur, ne liberum destruat arbitrium. Augustinus in epist. 1. ad Valentinum Abbatem. [Dominus Iesus,] inquit, [non prius venit, ut judicaret mundum, sed ut salvaretur mundus per ipsum: postea judicabit ipse mundum, quando venturus est judicare vivos & mortuos. Si ergo non est Dei gratia, quomodo salvat mundum? Et si non est liberum arbitrium, quomodo judicat mundum?] Et infra in eadem. [Cauete ergo, quod tantus Apostolus tam terribiliter dicit, & ubi sentitis non vos intelligere, interim diuinis eloquijs credite, quia & liberum arbitriū nec converti potest ad Deum, nec proficere in Deo.] Idem in 2. epist. ad eundem. [Fides Catholica liberum arbitrium nō negat, siue in malum, siue in bonum: neque tantum ei tribuit, ut sine Dei gratia valeat aliquid, siue ut ex malo convertatur ad bonum, siue ut in bono perseveranter proficiat, siue ut ad bonum sempiternum perveniat.] Idem ad Iulianam. [Liberum arbitrium, nisi gratia Dei iuuetur, nec ipsa bona voluntas in homine esse potest.] Et in lib. de verbis Domini. [O malum liberum arbitrium, nisi Dei gratia iuuetur.] Et ad Optatum. [Merito videretur injustum, quòd sunt vasa iræ ad perditionem, si non esset ipsa massa universa ex Adam damnata. Quod ego si nunc nascendo vasa iræ, pertinet ad debitam poenam, quòd autem

Philip. 2.

Nec gratia,  
nec liberum  
arb. destrui-  
endum.

Psal. 75.  
Acto. 14.

Eccli. 3.

Porphyrius  
& Iulianus scri-  
pserunt ad-  
versus Euge-  
linum.

Psal. 35.  
Rom. 11.

Aug. epist.  
49. quæst. 2.

Abaelardi  
verba.

fiunt renascendo vasa misericordiae, pertinet ad indebitam gratiam.] Item ad eundem. [Non solum iustus, sed & misericors figulus alia vasa in honorem, secundum gratiam, non secundum debitum, facit, dum & parvulis subvenit, quorum nulla merita dici possunt: & maiores praeuenit, ut habere aliqua merita possint.] Idem in libro de Civitate Dei. [Dicitur etiam voluntas Dei, quam facit in cordibus obedientium mandatis ejus: de qua dicit Apostolus. *Deus est enim, qui operatur in vobis velle.*] Vbi est ergo Petrus & sequentes ejus, qui confidentes in virtute sua, & in simulachris mendaciorum suorum, dicebant, non est hominibus necessaria cordis preparatio à Deo: non facit Deus bonam voluntatem in electis suis? Resistitisne adhuc? Audite, quid gratia faciat in homine. Augustinus in Enchiridio. [Sola gratia secernit à perditis, quos concreauerat in eadem massa perditionis ducta ab origine causa communis.] Et in lib. de perfectione justitiae hominis. [Si per seipsum potest esse homo sine peccato, ergo Christus gratis mortuus est. Non autem gratis Christus mortuus est. Non igitur potest homo sine peccato esse, etiamsi velit, nisi adjuvetur gratia Dei per Iesum Christum Dominum nostrum.] Et in lib. de natura & gratia. [Sicut oculus corporis etiam plenissime sanus, nisi candore lucis adjuvetur, non potest cerne- re; sic & homo etiam perfectissime justificatus, nisi aeterna luce justitiae diuinitus adjuvetur, recte non potest viuere.] Idem in eodem. [Charitas Dei diffusa est in cordibus nostris, non naturae possibilitate, nec libero arbitrio, quod est nobis; sed per Spiritum sanctum, qui datus est nobis.] Audite, quod etiam volūtas à Domino preparatur. Augustinus in lib. de Corrept. & gratia. [Nam quis ignorat, tunc fuisse perituram fidem Petri, si ea, quae fidelis erat, voluntas deficeret: & perman- suram, si eadem voluntas maneret? Sed quia sicut scriptum est, *preparatur voluntas à Domino Deo*; ideo pro illo Christi non potuit esse inanis oratio.] Item audite, quod gratia bonam voluntatem faciat in homine. August. in lib. de grat. & libero arbitrio. [Semper est in nobis voluntas libera, sed non semper est bona. Aut enim à iustitia libera, quando seruit peccato, & tunc est mala; aut à peccato libera est, quando seruit iustitiae, & tunc est bona. Gratia verò Dei semper est bona: & per hanc fit, ut sit homo voluntatis bonae, qui prius fuit voluntatis malae.] Audite, quod gratia inanis non sit. Praedestinatio enim, ut Augustinus definit, *est gratiae preparatio*, gratia verò est *praedestinationis effectus*. Praedestina- tio verò falli non potest, nec gratia frustrari, quae non solum bonum infundit, sed etiam pri- mitus malum expellit. Augustinus ad Prosperum, & Hilarium, qui eum suis epistolis de talibus interrogauerāt, in lib. de Praedestinatione San- ctorum. [Hae gratia, quae occulte humanis cor- dibus diuina largitate tribuitur, à nullo duro corde respuitur. Ideo quippe tribuitur, ut cor- dis duritia primitus auferatur. Quando ergo Pa- ter intus auditur & docet, ut veniatur ad Filium, auferit cor lapideum, & dat cor carneum.] Au- dite, quod gratia communis non sit. Augustin⁹ ad eundem in eodem libro. [Non omnium est fides, cum fidem posse habere sit omnium. Non autem ait Apostolus, quid autem potes habere, quod non accepisti, ut possis habere: sed ait,

Philip. 2.

*Justificatus  
indiget gra-  
tia ad bene  
vivendum.*

*Praedestina-  
tionis defi-  
nitio.*

1. Corin. 4.

*Quid autem habes, quod non accepisti?* Proinde

posse habere fidem, sicut posse habere charitatem, naturae est omnium hominum; habere autem fi- dem, quemadmodum habere charitatem, gra- tiae est fidelium.] Idem ad Valentinum libro de gratia & libero arbitrio. [Hoc etiam Pelagiani *Pelagiani* ausi sunt dicere, gratiam esse ipsam naturam in *per gratiam* qua creati sumus; ut habeamus mentem ratio- *intelligebat naturam.* nalem, qua intelligere possimus, facti ad imagi- nem Dei. Sed non est haec gratia, quam com- mendat Apostolus per fidem Iesu Christi. Hanc enim naturam etiam cum impijs & infidelibus certum est nobis esse communem. Gratia verò Iesu Christi eorum tantummodo est, quorum est ipsa fides, id est, electorum: non enim omniū est fides. [Idem de eodem super psalmū 77. [Cum essent, inquit, antiquis Patribus communia om- nia sacramenta; non communis erat omnibus gratia, quae sacramentorum virtus est; sicut & nūc jam reuelata fide, quae tunc velabatur, omnibus in nomine Patris & Filij & Spiritus sancti bap- tizatis comune est lauacrum regenerationis: sed ipsa gratia, cujus ipsa sunt sacramenta, qua mē- bra corporis Christi cum suo capite regnatura sunt, non communis est omnibus.] Sentit idem Sanctus Innocentius Papa, & Petri cathedram defendens ab errore, ad eundem & ceteros Afros Episcopos, qui de Concilio Mileuitano scripse- rant, eis loquitur in hunc modum. [O prauissi- marum mentium peruersa doctrina, Adverte tā- dem, quod primum hominem libertas ipsa ita decepit, ut dum indulgentius fratris ejus vitur, in prauaricationem praesumptione conciderit: nec ex hac possit erui, nisi ei per prouidentiam re- generationis statum pristinae libertatis Christi Domini reformaret aduentus.] Videte, qui le- gitis, & intelligitis, si distictius dictum est ali- cubi à B. Augustino, sicut hic ab Innocentio, ad quid valeat libertas arbitrij, si non adjuvetur gratia Dei. Cum enim, ut Augustinus dicit in Enchiridio, [primus homo peccauit, & se, & li- berum perdidit arbitrium. Aliter enim habuit li- berum arbitrium ante peccatum, aliter post pec- catum; aliter per gratiam, aliter habebit, cum *Libertatem* habebit vitam aeternam. Ante peccatum sic libe- *arb. quale* rum habuit, ut in bono stare posset, si veller: *ante & post* post peccatum sic debilitatum, ut de malo per se *peccatum* nunquam surgere possit; sed per gratiam non com- munitur omnibus oblatam, sed tantummodo in cordibus electorum per Spiritum sanctum dif- fusam sic melioratum, ut bonum agere & velit & possit.] Sed alterius temporis haec disputatio est. Beatus denique Gregorius haec eadem con- firmat, dicens, ita libro 27. Moralium. [Dum ergo praedicatores sancti & vocantur ad Mace- *Acto. 16.* doniam, & ab Asia prohibentur; istinc occul- tarum mensurarum linea ducta est, hinc reducta. Illinc tenditur, ut Macedonia intra Sanctae Ec- clesiae spatia colligatur: hinc attrahitur, ut ad fines fidei Asia relinquatur.] Et infra in eodem. [Ista mensura & linea occultorum iudiciorum Dei tendebantur, cum sicut legimus in Euange- lio alius secuturum se promittit & repellitur: a- lius relaxandum se postulat, & retinetur.] Et in 29. ejusdem operis. [Quia omnipotens Deus sanctos suos de impijs elegit, & quam multos e- lectos adhuc intra prauorum vitam repositos habeat, nouit, apte in niue vel grandine thesau- ros habere se perhibet. Thesauri quippe *in* *fructu* id est à positione nominatur, & plerosque in vite frigida diu latentes respicit, quos ad me-

dium et m juber producit: justitiæ nitorem candidius per supernam gratiam facit.] Et hæc Catholicorum disputatorum de gratia testimonia sufficiant. Scripsit autem idem Petrus aliud opusculum, quod. *Scito te ipsum*, intitulavit; & suam, ni fallor, Ethicam appellavit. In eo, sicut & in supradictis sua vocum acceptione novitatis incude vana & animarum saluti noxia cudēs, plurima de moribus contra morem Ecclesiasticum disputavit. At ut ei contradicant, alijs relinquimus, qui dignitate loci, & acrimonia in-

genij & labore studij, & fervore belli mihi abjecto in domo Dei mei, meique similibus, incomparabiliter præferuntur. Caterum, quoniam propitia diuinitate profundissimum qua stionum naufragia incolumi naue, non ingeniolo meo, sed Sanctorum Patrum remis euali: stylo theca reposito quieto lectionis & orationis portu lætus ac securus excipior, Christo Deo meo, vestræque Excellentie grates accumulatissimas agens; quorū, illius scilicet inspiratione, vestraque iussione, præfens opus expleui.

# RESPONSIO,

Petri Abaelardi contra calumnias objectorum.

**H**ÆC responsio potius inscribenda fuit, Retractatio calumniosa errorum Petri Abaelardi. *Consistat enim ex disputationibus supra relatis Guillelmi Abbatis S. Theodoric, & alterius Abbatibus anonymi, erroris, qui in hac responsio ne damnatur, à Petro Abaelardo fuisse propugnatos & scriptos; ut ex ipsiusmet verbis, quæ illi auctoritate retulerunt, manifestum est. Quod si nihil horum docuisset, quid ex ejus libris in Consilio Senonensi lectis, ut in vita S. Bernardi habetur, decerpi potuisset: quod autem Prælatorum laderet? Cur ibi non probavit, se nihil eorum, quæ obijciebantur, docuisse, aut in scriptis suis reperiri posse? Calumniosa ergo est hac responsio, & verè docuit errores Abaelardas, qui hic, sine ab ipso, sine ab alio, ejus nomine damnatur.*



**V**IVERSIS sanctæ Ecclesiæ filijs, Petrus ex eis vnus, sed in eis minimus. Notum proverbium est, *nihil tam bene dictum, quod non possit depravari*: & ut meminit beatus Hieronymus, *qui multos scribit liberos, multos sumit Indices*. Ego quoque cum scripserim pauca vel ad comparisonem aliorum nulla; reprehensionis notam effugere non potui: cum tamen in ijs, de quibus grauer ac-cusor, nullam, sciat Deus, meam recognoscere culpam: nec si qua fuit, procaciter defendam. Scripsi fortassis aliqua per errorem, quæ non oportuit: sed Deum testem atque Iudicem in animam meam inuoco; quia de ijs, de quibus accusor, nihil per superbiam, aut per malitiam præsumpsi. Multa in scholis multis locutus sum; nec aquam furtiuam, vel panem absconditum habuit doctrina mea. Palam locutus sum ad ædificationem fidei infirmorum, quod mihi salubrius visum est. Et quæcumque scripsi, omnibus libenter exposui: ut eos iudices, non discipulos, haberem. Quod si vsipiam per multiloquium excessi, ut scriptum est, *In multiloquio non effugies peccatum*, nunquam importuna defensio me fecit hæreticum; paratum semper de malè dictis meis corrigendis, siue delendis. In quo certè proposito vsque in finem perseuerabo. Sed sicut malè dicta mea, si qua sunt, vellem corrigere: sic crimina non rectè mihi obiecta propulsare me conuenit. Cum enim dicat beatus Augustinus, *Cruelis est, qui famam suam negligit*: ac iuxta Tullium, *acciturnitas confessionem imitatur*; cōscriptis contra me capitulis æquum duxi respondere: ea videlicet ratione seruata, quam circa detrahentium linguas beatus Gregorius fideles his instruit verbis. *Sciendum est, quia linguas detrahentium sicut nostro studio non debemus excitare; ne ipsi pereant, ita per malitiam suam excitatas debemus æquanimiter tolerare, ut nobis meritorium cruciat: aliquando autem compescere, ne dum mala de nobis disseminant, eorum qui audire nos ad bona poterant, corda innocentium corrumpani*. Agnoscat ergo fraterna charitas, me qualemcumque filium Ecclesiæ, cum ipsa me recipere integrè cuncta quæ recipit, respuere, quæ respuat: nec me vnquam

veritatem fidei scidisse, cum impar sim cæteris morum qualitate. Quod mihi igitur per malitiam aut per errorem impositum est; quod de Deo scripserim, quia Pater est plena potentia, Filius quædam potentia, Spiritus sanctus nulla potentia: hæc ego verba, non tam humana, quàm diabolica, sicut iustissimum est, abhorreo, detestor, & ea cum auctore suo pariter damno: quæ si quis in meis reperiat scriptis, non solum me hæreticum, sed etiam Hæresarcham profiteor. Tam Filium, quàm Spiritum sanctum, ex Patre profiteor esse; ut ejusdem sint cum Patre substantiæ, ejusdem voluntatis penitus atque potentie: quia quorum est eadem essentia, nulla potest vel voluntatis diuersitas esse, vel potentie inæqualitas. Quisquis autem me scripisse asserit, quod de substantia Patris & Filij Spiritus etiam sanctus non sit; malitiæ id vel ignorantie maxime fuit. Solum Filium Dei Incarnatum profiteor, ut à seruitute peccati, & à iugo diaboli nos liberaret, & supernæ aditum vitæ morte sua nobis refereret. Ipsum Christum sicut verum & vnicum Dei Filium ex substantia Patris ante sæcula genitum, ita in Trinitate tertiā personam Spiritum quoque sanctum tã ab ipso Filio, quàm à Patre, procedentem, & credens assero, & asserens credo. Gratiam Dei ita omnibus necessariā dico, ut nec naturæ facultas, nec arbitrij libertas, sine illa sufficere possit ad salutem. Ipsa quippe gratia nos præuenit, ut velim: ipsa subsequitur, ut possimus: ipsa nos conseruat, ut perseueremus. Deum ea solummodo facere credo, quæ ipsum facere conuenit: & quod multa facere posset, quæ non facit. Multa quoque per ignorantiam facta culpæ sunt ascribenda: maxime cum negligentia nostra contingit nos ignorare, quod nobis necessarium erat nosse: qualis ille fuit, de quo Psalmista, *Noluit intelligere, ut bene ageret*. Mala Deum frequenter impedire fateor; quia non solum effectum malignantium præuenit, ne quod volunt, possint; verum etiam voluntatem eorum immutat, ut à malo, quod cogitauerunt, penitus desistant. Ex Adam, in quo omnes peccauimus, tam culpam quàm pœnam nos contraxisse assero: quia illius peccatum no-



strorum omnium peccatorum origo extitit atque causa. Crucifixoress Christi in ejus crucifixione grauissimum peccatum fateor commississe. Multa de Christo dicuntur, quæ non tam secundum ipsum caput, quam secundum corpus ipsius, quod est Ecclesia, sunt accipienda: ut ille spiritus timoris, qui est initium sapientiæ, quem videlicet timorem perfecta charitas foras mittit. Hujus spiritum timoris in anima Christi, quæ perfectissimam habuit charitatem, nunquam fuisse, credendum est: qui tamen inferioribus ejus membris non deest. Tantæ quippe perfectionis & tantæ securitatis anima illa extitit per ipsam verbi unionem; ut sciret, nihil omnino posse committere, unde poenas incurreret, vel Deum offenderet. Castum ergo timorem in sæculum sæculi permanerem, qui propriè reuerentia charitatis dicitur, tam ipsi quidem animæ Christi, quam electis Angelis ejus semper recognosco. Unde de supernis spiritibus scriptum est. *Tremunt potestates*. Potestatem ligandi atque soluendi omnibus successoribus Apostolorum, æquè ut ipsis Apostolis, concessam esse profiteor: & tam dignis quam indignis Episcopis, quamdiu eos Ecclesia recipit. Omnes in dilectione Dei & proximi æquales, æqualiter bonos profiteor, & merito pares: nec quidquam apud Deum meriti perit, si bonæ voluntatis affectus in suo præpeditur effectu. Non enim Angelus, cum à Deo missus, quod facere vult, impleuerit, aut ipsa anima Christi melior efficitur, cum suæ voluntati effectum addidit: sed æquè quilibet bonus permanet, siue tempus operandi habeat, siue non: dummodo bene operandi æqualem volu-

tatem habeat. Deum Patrem æquè sapientem, & Filium æquè benignum, ut Spiritum sanctum, confiteor: quia in nulla boni plenitudine, in nulla dignitatis gloria differre vna persona potest ab alia. Adventum Filij in finem sæculi posse attribui Patri, numquam, sciat Deus, in mentem meam venit, nec se verbis meis inseruit. Sic animam Christi non per se ad inferos descendisse, sed per potentiam, omnino à meis verbis & sensu remotum est. Nouissimum capitulum scripsisse criminor; quod neque opus, neque voluntas, neque concupiscentia, neque delectatio, quæ mouet eam, peccatum sit: nec debemus eam velle extinguere; nec minùs à meis dictis quam scriptis alienum est. Quod autem capitula contra me scripta tali fine amicus noster concluderit, ut dicet, *Hæc capitula partim in libro Theologia, partim in libro sententiarum ejusdem, partim in libro, cui titulus, Scito te ipsum, reperta sunt*, non sine admiratione maxima suscepi: cum nunquam aliquis liber, qui sententiarum dicatur, à me scriptus reperitur. Sed sicut cætera contra me Capitula, ita & hoc quoque per malitiam & ignorantiam prolatum. Siquid igitur consolationis in Christo Iesu, si qua viscera pietatis, fraternæ charitatem vestram exoro, ut innocentiam, quæ à culpa veritas liberat, infamiæ veneno respergendo, non delinquat, Charitatis quippe est, opprobrium non accipere aduersus proximum: & quæ dubia sunt, in meliorem partem interpretari: & illam semper Dominicæ pietatis sententiam attendere. *Nolite judicare, & non judicabimini. Nolite condemnare, & non condemnabimini.*

Luc. 6.

**P**RÆCLARA est hæc fidei professio, hoc excepto, quod Abaelardus oppositos errores se docuisse aut scripsisse inficiatur, & S. Bernardum, aliosque, qui prædictos errores ei obiecerunt, ignorantia aut malitia infimulat. Ut autem magis conuincantur, qui hoc mendacio Abaelardi persuasi sunt, ut dicerent Sanctum Patrem & alios sapientissimos viros contra larvam pugnas, Abaelardum impugnantes, disputatione Abbatis anonymi aduersus eundem Abaelardum attexere visum est testimonium unius ex discipulis eiusdem. Hic est Gaufridus olim S. Bernardi notarius, & qui tres ultimos vitæ ejus libros scripsit, eique in regimine successit, quarto loco Clara-vallensis Abbas creatus, qui prius discipulus & auditor Petri Abaelardi fuerat. Is unum ejus errorem occasione materia quam tractabat, verbis sequentibus refellit.

Gaufridus Sermonem 8. de Resurrectione Domini, in illud,  
Expurgate verus fermentum, &c.

**A**M verò in his Paschalibus epulis non nobis est prætereundum, quod ejusdem agni caput cum pedibus & intestinis vorare præcipimur: nec rite Pascha celebrat, qui ista omnia non vorat. Pedes ejus non inconuenienter accipimus operum exempla: quos fideliter vorat, qui efficaciter eadem imitatur. Intestina ejus affectio intimæ charitatis, quæ nobis tantam exhibuit, ut animam ponet pro amicis. Infelix nimium, qui illa non vorat, cui illa non sapiunt: qui non reficitur, non satiatur, non saginatur, ruminando & redamando. Cæterum, ego mihi aliquando magistrum fuisse recordor; qui cum pedibus & intestinis nil amplius de agno Paschali aut ipse vorans, aut discipulis exhibens, & se pariter & suos non modica ejus parte fraudabat. Siquidem pretium redemptionis evacuans, nil aliud nobis in sacrificio Dominicæ passionis commendabat, nisi virtutis exemplum, & incentiui amoris. Quod enim Scripturæ perhibent de potestate diaboli pretioso sanguine humanum genus esse redemptum; in eo solo constare dicebat, quod exemplum nobis exhibitum est usque ad mortem pro iustitia & veritate certandi: & adhibuit velut quoddam incentiui amoris; cum pro impenso amore occasio data est redamandi. Et quidem magna hæc & vera, sed non sola. Benedictus Dominus, qui mihi simul & vobis magistrum postea dedit meliorem, per quem prioris redarguit ignorantiam; insolentiam confutauit. Ille enim tamquam verus Hebræus auidè prorsus vorabat, & vorandum nobis sollicitè commendabat caput cum pedibus & intestinis: sic imitandum prædicans Dominum patientem, sic redamandum amantem; ut principalem hujus sacrificij causam velut Agni caput redemptionem in eo profiteretur & adoraret humanam. *Hæc Gaufridus in prædicto Sermone, propter quæ aliqui existimauerunt eum scripsisse librum aduersus Petrum Abaelardum; ex quo sumpta sunt prædicta ejus verba. Sed nihil aliud scripsit in eum, nisi verba relata in sermone prædicto.*



# TRACTATVS DOMINI

IACOBI DE THERMIS ABBATIS CAROLI LOCI, CISTER.

Ordinis: contra Impugnatores Exemptionum & Privilegiorum,  
Editus Viennæ tempore Concilij Generalis.

*Respondet potissimum libro Egidij Romani, contra exemptiones Religiosorum scripto.*

*Exech. 34.*



**S**ALVABO gregem meum, & non erit ultra in rapinam; & iudicabo inter pecus & pecus: & suscitabo super ea pastorem unum, qui pascat ea, servum meum David. Rectè principans in qualibet ordinata politia sic perfectus existens, ut eius comparatione multitudo sibi subdita grex dicatur, sicut debet finale bonum communitatis intendere, in quod subditi ad suam politiam pertinentes principaliter ordinantur; sic debet contraria removere, per quæ possent sui ciues ab affectione finis intenti damnabiliter impediri; & providere media, per quæ possint finem huiusmodi perfectius & commodius, & efficacius adipisci: & quando est politia nobilior, & ad finem altiore ex intentione principantis immediatius & principalius ordinata, tanto debet in talibus cura sollicitior adhiberi. Per hunc modum summus princeps & pastor, unigenitus Dei filius, Mediator Dei & hominum homo Christus Iesus, fundator & rector, caput & principium ac finis totius politie Christianæ, tamquam princeps excellentissimus, inflammatus ardentissima charitate, ciues huiusmodi politie Ecclesie militantis, in finem supremum & altissimum æternæ beatitudinis, quæ in Christo una cum Patre & Spiritu sancto objectivè consistit, ipso dicente in Ioanne, *Hæc est vita æterna, ut cognoscant te verum Deum*, &c. voluit ordinare, secundum exigentiam dicti finis; & impedimenta removet, & media convenientissima providit, ad eius affectionem facilius & efficacius obtinendam. Unde & ut Ecclesiam, cui comparatur, non solum sicut sponsus ad sponsam, verum etiam sicut pastor ad gregem, in vberissimis pascuis felicitatis æternæ collocaret, tamquam bonus pastor animam suam pro ouibus suis posuit: ipsas redimens suo sanguine pretioso, ipso dicente. *Ego sum pastor bonus, & animam meam pono pro ouibus meis*. Et infra quantum ad mediorum provisionem, impedimentorum remotionem, & finis affectionem, subiungit. *Oves meæ vocem meam audiunt; & ego cognosco eas, & sequuntur me: & vitam æternam do eis, & non peribunt in æternum: & non rapiet eas quisquam de manu mea*. Verum, quia præsciuit, quod oves sine pastore faciliter disperguntur, peracto nostræ redemptionis mysterio, post suam resurrectionem tamquam homo peregre proficiscens, ascendens in altum, suas oves tam carè & pretiosè redemptas adhuc peregrinantes in hoc mundo, sine pastoris convenienti regimine relinquere nolens, primum ministerialem vicarium, hierarchum & monarcham super omnem Ecclesiam Petrum constituit, dicens ei per se & suis successoribus. *Pasce oves meas*. In quo verbo absque determinatione horum vel illorum, sed absolute dicendo, *Pasce oves meas*, sibi suisque

successoribus omnium ouium ad gregem Christi pertinentium curam commisit, eique duas claves sub typo duorum gladiatorum tradidit: ut sic daret intelligi, quod ad ipsum, suorumque successorum regimen vniuersalis Ecclesie, tam in spiritualibus quam in temporalibus pertineret, in his potissimè quæ pertinent ad salutem animarum, ut sic potissimè per connexionem ciuium Ecclesie ad vnum finem, fieret vnum olus, & vnus pastor: quod clarè quantum ad omnia prædicta datur intelligi in verbis præ assumptis, cum dicitur. *Salvabo gregem meum*, &c. Salvabo gregem meum, inquam, quantum ad præstitutionem & largitionem supernaturalium pramiorum. 2. ad Timot. 4. *Liberavit me Dominus ab omni malo, & saluum faciet in regnum suum celeste. Et non erit ultra in rapinam*, quantum ad remotionem impedimentorum. *Et iudicabo inter pecus & pecus*, quantum ad discretionem meritum. *Et suscitabo super ea pastorem unum*, quantum ad regimen convenientem subditorum. Per istum pastorem summus Pontifex congruè designatur. Nam cum omnis multitudo participet aliquantulum vno, si esse debeat ordinata, secundum Proclum, sequitur secundum Philosophum illum, quod ubicumque aliqua plura vnum commune constituent, sic inuenire principans & subiectum: sicut in mixto est vnum elementum prædominans, & in homine anima cordi, & intellectus appetitui sensitivo, & in exercitu dux militibus, & in domo vir uxori; & vniuersaliter masculus feminæ, & homo bestiis dominatur: ut exemplificatur ibidem, iuxta illud 7. q. 1. *In apibus princeps vnus; grænes vnæ sequuntur ordine literato*. Cum igitur vna sit Ecclesia, vna sponsa, vnus grex ouium Christi, vnus fidelium populus, vna fides, vnum baptisma, vnum corpus Christi mysticum; necesse est, ad hoc quod per debitam connexionem in Ecclesiastica hierarchia fiat ordinata reductio, quod ibi sit vnus monarcha, vnum caput, habens super omnes & singulos ad hierarchiam Ecclesiasticam pertinentes, clauem non errante, plenitudinem potestatis: à quo dependeat non solum omnis spiritualis potestas in alijs, sed & temporalis, quantum ad ea, quæ pertinent ad salutem: sicut quantum ad mores, in quantum est ibi ratio virtutis vel vitij, quantum ad articulos fidei, & quantum ad Ecclesie sacramenta. Ista enim sunt media perueniendi ad salutem felicitatis æternæ: ad cuius felicem affectionem, pro se & pro grege sibi commissio Papalis potestas, ut Papalis, patet & principaliter ordinatur. Et secundum hoc debet intelligi illud, quod dicitur 22. d. c. *Omnes*. Romanam Ecclesiam solus ipse fundavit, & supra petram fidei mox nascentis crexit, qui beato Petro æternæ vitæ clauigero tenent

Pontifex  
per Pastorem  
vnum designatur.

*Joan. 17.*

*Joan. 10.*

*Papa est monarcha Ecclesie.*

Ezechi. 37.

simul & cælestis Imperij iura commisit: ut de isto vno pastore possit exponi illud [ . Pastor vnus erit omnium eorum, qui in iudicijs meis ambulabunt, & mandata mea custodient, & facient ea, & habitabunt super terrâ, quam dedi seruo meo Iacob. ] Ex quibus omnibus euidenter colligitur, quodd summus Pontifex immediatus pastor est, & prælatus ordinarius cuiuslibet Christiani: ut sic modi diuini, ratione plenitudinis potestatis sibi traditæ, aliquantulum imitator in regiminæ vniuersalis Ecclesiæ, non solum sit ordinarius generalis, sed etiam specialis cuiuslibet Christiani. Sicut Deus non solum est causa vniuersalis, sed etiam propria cuiuslibet entis creati, quod aliquam participat entitatem. Alij autem Pastores & Prælati specialium Ecclesiarum in partem sollicitudinis sunt vocati. Ex quo sequitur, quodd nullus Christianus potest eximi ab ejus ordinaria potestate; licet per Papam ipsum, cui cura & ordinatio regiminis Ecclesiastici principaliter est commissæ, certis ex causis à iurisdictione aliorum propriorum Prælatorum aliqui, ut in prosequendo patebit, rationabiliter eximantur. Et hoc primò propter boni Religionis maiorem promotionem, quantum ad Ordines generales vbique terrarum diffusos, habentes in suis statutis connexionem ad inuicem, quantum ad obseruantias regulares, quibus competit exemptio: dato quodd Prælati vel diocesani in nullo excederent contra ipsos. Secundò propter impedimentorum & grauaminum amotionem; quæ à diocesanis Religiosis plerisque multipliciter inferuntur. Decet enim summum Pontificem Christi vicariū, illos specialiori fauore prosequi, immediatius & sollicitius protegere, & præ alijs non orare; qui Christi vestigia non solum quantum ad præcepta, verum etiam quantum ad consilia perfectius imitantur: præsertim cum Christus suis præcipuis sectatoribus relinquentibus pro ipso temporalia & caduca, ac per hoc dicentibus cum Petro, cuius est Papa successor, *Ecce reliquimus omnia, & secuti sumus te*, promisit in futurum super duodecim tribus Israël iudiciariâ potestatem. Licet enim Christus ad regimen Ecclesiæ in partem sollicitudinis vocauerit Apostolos & Pastores, quibus succedunt Episcopi, habentes in determinatis partibus ordinariam potestatem: quia tamen præuidit quamplurimos ipsorum à regimine pastoralis officij multipliciter deuiare, pascetes semetipsos, & gregem dominicum relinquentes, ac per hoc regimen politicæ Ecclesiasticæ peruerentes, iuxta illud 3. Politicorum. Quæcumque politicæ intendunt, quod communiter conferens, ipsæ quidem rectæ, secundum id quodd simpliciter iustum: quæcumque autem ... & omnes sunt transgressiones rectarum politicarum. Huic morbo salubriter prouidendo per Ezechielem Prophetam iamdiu antè dixit, quodd quantum ad Religiosos suos præcipuos sectatores, regimen ab eis, demeritis eorum exigentibus, auferetur, & deuoluetur ad immediatum regimen summi Pontificis vicarij Iesu Christi, iuxta illud Ezechielis 32. *Ecce ego super pastores requiram gregem meum: de manu eorum, & c. scire faciam eos, ut ultra non pascant gregem meum: nec pascant amplius pastores semetipsos: & liberabo gregem meum de ore eorum; & non erit ultra eis in escam.* Ex quibus patet ratio eorum, quæ prius tangebantur in themate præassumpto, ut dicat

Mat. 19.

mediator Dei & hominum, qui vult omnes homines salvos fieri 1. ad Timor. 2. *Saluabo gregem meum*, sibi finem supernaturalem præstituendo & largiendo, & non erit ultra in rapinam, ipsum à iurisdictione diocesanorum, propter eorum rapinam, per exemptionem vel priuilegia liberando. Quia tamen inter Religiosos est gradus, ideo *Iudicabo inter pecus & pecus*, eorum merita discernendo. In hoc enim patiuntur ciuitates multæ, quodd vir bonus & promptus .....

....., ut dicit Eustatius super prologo Ethicor.; per quod datur intelligi, quodd illi qui magis vigent in actibus contemplatiuis, diuino seruitio, ac regularibus obseruantijs feruentius & perfectius insistendo, tales debent præ alijs contra infestationes Prælatorum, ne ipsos contingat in prædictis actibus contemplatiuis impediri; & ut possint de bono in melius promoueri: exemptionum & priuilegiorum libertatibus præmuniri. Sequitur. *Et suscitabo super eam pastorem, qui pascat ea*, dictos Religiosos immediatè subiectioni summi Pontificis supponendo, qui pascat ea, vel per se immediatè, vel de alijs Pastoribus Ordinis eorum; sicut Abbatibus & alijs, eorum magis expertis & sollicitis, prouidendo. Caueant ergo, qui super Religiosos tyrannizare cupientes, exemptiones & priuilegia extinguere moliantur: ne cum sederit filius hominis in sede maiestatis suæ, contra se habeant tam Iudicem, quam Iudicis Assessores. Quia tamen contra prædicta quidam modum exemptionum & priuilegiorum libertates deliberatione prouida datas & confirmatas à sanctis Patribus summis Pontificibus, qui sedi Apostolicæ præfuerunt, nituntur quibusdam subtilibus philosophiæ verbis & argumentis superficialiter apparentibus impugnare, ideo est primò rationibus ostendendum, exemptiones huiusmodi & priuilegia statui Religionis, ac statui & authoritati summi Pontificis ac vniuersalis Ecclesiæ multipliciter expedire. Secundò erit ad rationes, quæ in contrarium inducuntur, per ordinem respondendum.

Ezechi. 34.

Ad declarationem igitur dictorum & dicendorum circa exemptionum & priuilegiorum naturam, tria sunt per modum præambuli præmittenda. Primò est de Ordinibus & Religionibus distinguendum. Secundò ostendetur, qualiter, & quibus de causis exemptiones & priuilegia expediunt: & quodd rationabiliter à summis Pontificibus conceduntur. Tertiò respondebitur ad rationes, quæ ab alijs in contrarium inducuntur. Quantum ad primum, intelligendum est, quodd sunt quidam Ordines vbique terrarum diffusi in omni natione, vbi colitur & creditur Deus: habentes connexionem ad inuicem secundum subiectionem & superioritatem, quantum ad sanctas obseruantias regulares; habentes vnum caput in illo Ordine, quo mediante in summum Pontificem reducuntur. Summus enim Pontifex mediatè & immediatè se habet diuersis respectibus ad subditos Religionis Christianæ, quantum ad iurisdictionis ordinariam potestatem. Nec ista duo repugnant, imò de necessitate ad connexionem & convenientiam debitam, & ad salutem Christiani populi in regimine Ecclesiastico requiruntur. Exemplum autem huiusmodi Ordinum poni potest de Ordine Cisterciensi, Cluniacensi, Præmonstratensi, Prædicatorum,

catorum, Minorum, Augustiniensium, Carmelitarum, & sic de alijs: & ad hos Ordines generales, quantum ad rationem generalitatis & diffusionis, reduci possunt aliquæ Abbatiz singulares: quæ licet non habeant matrem Abbatiam, seu patrem Abbatem in eodem ordine, à quo correctionem & confirmationem recipiant: habent tamen Prioratus Conventuales in diuersis regnis & prouincijs constitutos: quorum Priores huiusmodi Prioratus tenentes, vel in ipsis commorantes, habent à dictis Abbatibus visitari & corrigi; constitui & destitui: secundum ordinis instituta, quantum ad observationes regulares. Secundo sunt alij Ordines, siue sub alia, siue sub eadem regula cum prædictis, Domino militantes: quorum Abbatiz vel Abbates nullam connexionem habent ad inuicem, quantum ad aliquam iurisdictionem, secundum obseruantias regulares: & cum hoc tales singulæ Abbatiz seu collegia quantum ad corpus principale; & quantum ad membra secundum sui totalitatem, sub vna diocesi vel provincia continentur: licet habeant singulis annis Capitula prouincialia, prout in Constitutione Innocentij tertij continetur. Secundo est intelligendum per modum præambuli, quod exemptiones & priuilegia ad duo principaliter ordinantur. Primum scilicet ad maioris boni spiritualis, tam Religionis, quam vniuersalis Ecclesiæ promotionem, vt in prosequendo patebit: & hæc est causa positiua, quare priuilegia & exemptiones huiusmodi conceduntur: ita vt licet per comparationem ad remotionem subiectionis à iurisdictione Episcoporum exemptio dicat aliquid priuativum: per comparationem tamen ad finem ad quem ordinantur, & ad motivum concedentis, dicunt aliquid positivum; vt videlicet actibus cõtemplatiuis, ac diuino seruitio, quietius & liberius insistatur; vt in prosequendo patebit. Secundo ordinantur exemptiones & priuilegia ad remouendum prohibens, scilicet multa grauamina Prælatorum; quæ Regiosis ante eorum exemptionem seu priuilegia multipliciter inferebant. Tertio est intelligendum per modum præambuli, quod Episcopi prælati per comparationem ad Religionem seu Religiosos considerari possunt, vt rationabiliter & secundum diuinas Regulas se habentes ad dictos Religiosos; vel vt oppositum facientes, quod etiam de facto frequenter contingit, prout rei euidentia manifestat. Quarto per modum præambuli præmitto, quod de exemptionibus loquor & intelligo, prout se extendunt ad literatas personas, & ad literata collegia, & specialiter ad Religionem vbiq; terrarum diffusas: in quibus præficiuntur & homines literati, & spirituales; qui possunt iudicare de alijs; & de ijs quæ ad salutem pertinent animarum, salubriter ordinare. Secundo principaliter est videndum, qualiter, & quibus de causis, & quibus personis priuilegia & exemptiones expediant: & per consequens per quem modum à summis Pontificibus rationabiliter concedantur. Circa quæ quinque sũt per ordinem declaranda. Primum est, quod dato, quod Episcopi erga Religiosos non excederent, nec ipsos aliquialiter infestarent; quod loquendo de Religiosis & Ordinibus communibus vel generalibus primò dictis, & vbiq; terrarum, vbi creditur & colitur Deus, diffusis, ipsi, & statui summi Pontificis, ac vniuersalis Ec-

clesiæ, expedit dari exemptiones & priuilegia: & datas seu data à summo Pontifice conseruari; prout ordinantur libertates huiusmodi ad maioris boni spiritualis, tam Religionis, quam vniuersalis Ecclesiæ, promotionem. Secundo declarandum erit, quod supposito malo regimine, & defectu experientiz, non solum prædictis ordinibus sic cõmunibus, sed etiã Abbatij & Collegijs particularibus, dari & concedi expedit libertates prædictas, & datas confirmari. Tertio ostēdetur, quod prædictas libertates dari & cõcedi præfatis Religiosis, & datas confirmari, expedit, summi Pontificis, item Collegij Cardinalium, authoritati, statui, & honori. Quarto ostendetur, quod huiusmodi libertates modo dicto datæ & confirmatæ expediūt statui & cõnexioni vniuersalis Ecclesiæ ac exaltationi & promotioni rotius fidei Christianæ. Quinto ostendetur, quod supposito bono regimine Prælatorum, non expedit particulares Abbatias seu collegia, potissimè distantes vel distantia à Sede Apostolica, ita passim & regulariter esse exemptas vel exemptas; sicut Ordines sic communes vbiq; terrarum diffusos; qui in proprijs ordinibus sufficientes habent intrinsecos correctores: nisi Capitulis prouincialibus vel diffinitorijs corũdē, de quibus aliquialiter prouisum fuit per Innocentium 3. daretur maior authoritas puniendi delinquentes, tam monachos, quam Abbates. Nec tamen dico, quod summus Pontifex nõ possit aliquas particulares Abbatias seu Collegia Canonicorum secularium eximere, ex aliqua rationabili causa, & prærogatiua & gratia speciali. Sed hoc dico, quod non expedit, nisi conditione prædicta apposita: quod dictæ exemptiones seu priuilegia talibus particularibus Abbatij seu Collegijs ita passim & regulariter, sicut alijs prædictis communibus Ordinibus, concedantur. Nunc supponendum est, quod S. & summi Pontifices sanctè & rationabiliter moti fuerint, huiusmodi exemptiones & priuilegia conferendo. Primum, scilicet, quod tales Ordines sic generales & connexiones habentes, deceat & congruat per priuilegia & exemptiones eximi à iurisdictione Episcoporum, & immediatè sub summo Põtifice contineri, declaratur ex tribus principaliter. Primum ex prædictorum Ordinum maiori & perfectiori connexione. Secundo ex eorumdem in summum Pontificem conuenientiori & possibiliori, seu faciliiori reductione. Tertio ex multiplici fructus consecutione. Prima ratio talis est. Quia id decet Ordines sic cõmunes, & sic congruit, per quod perfectius & fortius, illi qui sunt vnus multitudinis, inter se & in ordine ad vnum caput ejusdem ordinis, quantum ad perfecta opera, & statuta sancta & regularia, cõnectantur. Sed per priuilegia & exemptiones perfectius & melius habetur huiusmodi connexio, quàm si carentes huiusmodi essent immediatè sub iurisdictione Episcoporum. Ergo, &c. Maior patet, quia virtus vnita fortior & infinitior est seipsa dispersa, sicut dicit Author de causis; & operatur operationes excellentiores & mirabiliores. Si autem sit dispersa, operatur operationes viles, vt dicitur in Commento ejusdem propositionis. Et potest poni exemplum de exercitu: qui si sit bene vnitus, ordinatus, & connexus, habet virtutem defensiuam, expugnatiuam, seu debellatiuam; si autem sit dispersus, sequitur è contra,

Exemptio-  
no ad duo  
ordinantur.

Quibus, &  
quas ab cau-  
sas, exemp-  
tiones sint cõ-  
cedenda.

1. Ratio, cur  
expediat e-  
xemptiones  
concedi.

Exemplum tertij Regum 22. vbi Michas Prophetas vidit Israël dispersum in montibus, &c. Minor declaratur. Quia non potest esse perfecta connexio alicuius multitudinis seu principatus, nisi per reductionem ad vnum: quia tantò debet esse media pauciora, quantò sunt propinquiora illi vni. Isto modo probat Philosophus 12. Metaphysicæ connexionem vniuersi; reducendo corpora inferiora in corpora cœlestia & superiora, & illa in intelligentias motrices; & illas in vnam intelligentiam primam, à qua dependet cœlum & natura. Et in fine, ex eo quod entia non volunt malè disponi, sed bene, concludit vnum principium, dicens. Vnus ergo princeps. Nec propter hoc intendo arctare numerum Angelorum; sed solum modum connexionis eorum inter se, & in ordine ad primum motorem, qui est Deus; cuius virtute mouent, & cui assimilari intendunt in mouendo; & in quem tendunt, sicut in finem: cum moueat in ratione amati & desiderati, vt habetur ibidem. Modò certum est, quòd quilibet Ordo sic generalis habet vnum caput illius multitudinis, cui omnes vnus eiusdem Ordinis subsunt, vel mediata, vel immediata: sicut est in Ordine Cisterciensi, Cluniacensi, &c. Nec potest poni aliquis Episcopus, vel Archiepiscopus, vel Primas, citra summum Pontificem, ad quem talem connexionem habere possent; sed oporteret talem connexionem ad multa capita terminari; quod vnitati & connexioni repugnat: maximè cum dicti Episcopi & Archiepiscopi frequenter habeant contrarias & dispares voluntates: & statuta contraria in diuersis prouincijs præcipiant obseruari. Quare &c.

*Secundaria  
ratio pro ex-  
ceptionibus.*

Secunda ratio ad probandum primum principale; quæ sumitur ex possibili & faciliiori reductione dictorum Ordinum ad summum Pontificem, talis est. Quia quodcumque infima per media reducuntur in suprema, & hoc naturali seu regulari & conuenienti reductione, semper illud medium debet illud inferius, quod per ipsum reducitur, quantum ad eius totam latitudinem, virtualiter, & per modum eminentiæ continere. Sed nullus est Episcopus, vel Archiepiscopus, & Primas, vel Patriarcha, in tota vniuersali Ecclesia, citra summum Pontificem, cuius autoritas vel iurisdictio ad vnum totum talem Ordinem, secundum eius totalem latitudinem se extendat: sed per viam priuilegiationis & exemptionis in quolibet tali Ordine ponitur vnum caput, cuius iurisdictio ad omnes qui sunt illius, quodam ordine mediata vel immediata se extendit. Ergo sequitur, quòd mediante tali vno medio possibilis & facilius possunt omnes vnus talis Ordinis, reduci ad summum Pontificem, quam mediantibus Episcopis: quia facilius, ordinatio, & possibilior est reductio, mediante vno medio, quam mediantibus multis & diuersis. Major patet ex naturali reductione entium vniuersi in ipsum Deum: Quia vnum elementum superius continet totum elementum inferius, excepta terra, quæ secundum se totam non continetur ab aqua, propter necessitatem humani generis. Infima sphaera cœlestis continet omnia elementa: sic sphaera sphaeram, ascendendo: & intelligentia continet virtualiter orbem, quem mouet: & continet vnà virtualiter, quidquid est perfectionis in inferiori. Et eodè modo videmus in homine, quòd sensus communis continet virtualiter omnes

sensus particulares, & adhuc amplius: quia cognoscit differentias sensibilibus: & æstimatoria continet alias virtutes sensitiuas apprehensiuas, & multò eminentiori modo omnes virtutes apprehensiuas inferiores continet: & isto modo fit ordinata reductio per talia media in supremum. Et confirmatur ratio: quia quando infima reducuntur in supremum per media; illa inferiora non possunt habere maiorem vnitatem inter se, quam habeant illa media, quibus mediantibus reducuntur in illud supremum. Sed illi qui sunt vniustalis Ordinis, habent maiorem vnitatem inter se: cum per debitam connexionem habeant vnum caput sui Ordinis, quam habeant omnes Episcopi & Archiepiscopi inter se: quia non possunt reduci in caput vnum, citra summum Pontificem. Quare, &c. Nec valet, si dicatur, quòd eodem modo sequeretur, quòd alij seculares fideles Christi, incedentes per viam mandatorum, non possunt reduci in summum Pontificem per suos Episcopos & Prælatos. Dicendum, quòd non est simile: quia tales fideles vnus Diœcesis non habent aliquem specialem modum viuendi, ratione cuius connexionem habeant ad alios alterius Diœcesis, præter communem obseruantiam mandatorum, ad quæ etià obseruanda Prælati & Episcopi obligantur: quia secundum Fulgentium loquentem in persona Prælatorum, nobis & vobis salutaris indicitur obseruantia mandatorum: & ideo tales non habent aliquam connexionem specialem ad alios alterius Diœcesis, ratione cuius magis possint eis vniri & connecti, quam proprijs Diœcesis. Secus autem est de Religiosis præfatis, vt visum est: quare instantia non valet.

Tertia ratio, quæ sumitur ex multiplici fructus consecutione, talis est. Quia id expedit prædictis Ordinibus sic generalibus, ex quo multiplicior fructus, & euidentior vtilitas consequitur. Sed priuilegia & exemptiones sunt huiusmodi. Ergo, &c. Major patet; quia expedientia ex vtilitate consequentis finis potissimè declaratur. Minor probatur per multa. Primò, quia per huiusmodi exemptiones dicti Religiosi perfectius connectuntur, vt in prima ratione declaratur. Secundò, quia bona plura spiritualia injunguntur; cuiusmodi sunt disciplinæ Regulares, orationes, & Missæ; quæ frequenter in Capitulis generalibus dictorum Ordinum injunguntur; vt patet in Capitulo generali Cisterciensi: & sic suppono de alijs. Tertio, quia Religionès sic exemptæ, virtute dictarum exemptionum, propter connexionem ordinis & iurisditionis, ordinare possunt, & iam de facto ordinauerunt, quomodo habeant solemnia studia in Theologica facultate, ad exaltationem fidei Christianæ, & instructionem & illuminationem vniuersalis Ecclesiæ; quantum præcipue pertinet ad salutem animarum, sicut liquide patet Parisius: & quantum ad non medicantes, cuiusmodi sunt Cistercienses, qui habent in studio solempne collegiū in sancto Bernatdo Parisius, & notabiles Baccalaureos ac Magistros; & Cluniacenses; & illide S. Dionysio: & etiam quantum ad medicantes, sicut sunt Prædicatores, & Minores, & Augustiniani, & Carmelitæ. Adhuc autè nō vidimus; quòd non exempti, qui sunt sub Episcopis, nec ipsimet Episcopi, tale studium vel Collegium ordinarint. Imò magis impediunt, quam promoucant. Non enim nutriunt clericos, eis in te-

*Tertiaria  
ratio pro ex-  
ceptionibus.*



poralibus prouidendo; nec prouident Ecclesijs meliores promouendo: sed nepotes & cognatos nescios & idiotas & dissolutos; ponentes seruos in equis, & permittentes Principes ambulare super terram: facientes monstrum in Ecclesia: ponentes pedes sursum, & caput deorsum, ordinem Ecclesiasticum peruertendo. Vnde et si sint Parisijs aliqua collegia clericorum secularium; talia non sunt ordinata per Episcopos, sed magis per Cardinales, & per alias deuotas personas; sicut per Reginam Ioannam bonæ memoriæ, & per magistrū Robertum de Sorbona. Plures enim Prælati, (vnde dolendū est,) auitiæ student à minimo vsque ad maximum, vt dicitur in Isaiâ, & querunt quæ suauis sunt, non quæ Iesu Christi, secundum Apostolum: licet aliqui magna polleant virtute ac sanctitate; & illi sunt, qui exemptos approbant, non impugnant. Item in Religionibus priuilegiatis vel exemptis virtute priuilegiorum & exemptionum ordinantur multa ad opera misericordiæ pertinentia; sicut eleemosynæ ad sustentationem pauperum, ad hospitalitatem pauperum, mediocrium, & magnarum personarum, cuiuscumque status existant: sicut liquidè patet in Ordine Cisterciensi, qui in hospitalitate & eleemosynarum largitione præcipuè floret; intantum, quod bona Cisterciensis Ordinis magis dicenda sunt, quantum ad vsum, bona totius communitalis, quam propria bona Cisterciensis Ordinis. Non enim buccellam panis comedunt sibi, nec despiciunt prætereuntem, & absque operimento pauperè: sed benedicunt eis latera pauperum, & de velleribus eorum calefiunt. Vnde vigent, Domino cōcedente, & in vita actiua, & in vita contemplatiua: nec ibi Martha habet conqueri de silentio Mariæ: sed Maria sedens ad pedes Domini Martham solam ministrare relinquit. Sub istis etiam tribus rationibus includi possunt Abbatiæ, quarum Abbates licet non habeant superiores in eodem Ordine, habent tamen Priores Conuentuales in diuersis Diocæsis & regnis: quia etiam quantum ad omnia membra reduci per vnum prouincialem ad summum Pontificem possent, sicut est Abbatia maioris Monasterij, S. Dionysij, & multæ aliæ, quæ habent membra in diuersis & regnis prouincijs sic diffusa.

Secundò, quantum ad secundam partem huius articuli, ostendo, quod supposito malo regimine, & inexperientia plurium Prælatorum & multiplicibus infestationibus eorundem, non solum prædictis ordinibus, sed etiam Abbatibus alijs & Collegijs particularibus, prædictæ libertates exemptionum & priuilegiorum expediunt. Quod declaratur duplici ratione. Prima ratio sumitur, inquantum Religiosi ad contemplationem diuinorum, & ad vacandum diuino seruitio principaliter ordinantur. Secundo, prout ad obseruantiam triplicis voti Religionis specialiter obligantur; à quibus non exemptos per suos prælatos contingit multipliciter impediri. Prima ratio talis est. Quia illud expedit statui perfectionis Religiosorum, per quod deuotius, quietius, & perfectius possunt vacare operibus contemplatiuæ vitæ, orationibus deuotis, & diuino seruitio perfectius & deuotius persolvendo. Sed priuilegia & exemptiones quantum ad ordines prædictos sunt huiusmodi. Ergo, &c. Maior patet, quia a contemplari diuina, orare pro se, & pro viuis ac defunctis, laudes diuinas cantare,

missas celebrare, sunt illa quæ ad statum Religionis principaliter ordinantur. Minor declaratur per oppositum de non exemptis, qui per citationes forèses, sententias indebitas, fulminationes, pecuniarum extorsiones indebitas, & importabiles procuraciones, ab huiusmodi actibus frequentius impediuntur, & impediabantur exempti antequam eximerentur: & hæc fuit præcipua causa quare summi Pontifices priuilegia & exemptiones huiusmodi prædictis Ordinibus & alijs monasterijs ordinatione prouida cōcesserint. Propter enim prædicta beatus Gregorius summus Pontifex & Doctor egregius, qui etiam monachus & Religiosus fuit, & multa monasteria de suo patrimonio construxit, ac per hoc statum Religiosorum bene cognouit, exemptiones & priuilegia legitur Regularibus cōcessisse; scribens Castorio Ariminensi Episcopo, vt habetur 18. q. 2. c. Luminoso, sic. *Luminoso Abbate referente, plurimis in monasterijs multa à præfatis præiudicia atque grauamina monachos pertulisse cognouimus. Oportet ergo vt tua fraternitatis promissio de futura quiete salubri disponat ordinatione: quatenus conuersantes in illis, in Deseratio, gratia illis suffragante, mente libera persenerent.* Vnde sequitur in illo Capitulo, quod Episcopus non potest ibidem aliquam potestatem exercere imperandi, nec aliquam ordinationem quamvis leuissimam faciendi. Et sequitur in fine, vt *semitis vexationibus ac cunctis grauaminibus diuinum opus cum summa deuotione perficiat.* Secunda ratio, quæ sumitur, inquantum ad obseruantiam triplicis voti Religiosi specialiter obligatur, talis est. Nam illud expedit Religiosis, per quod remouentur illa, quæ ipsos impediunt ab obseruantia trium votorum regularium. Sed priuilegia & exemptiones sunt huiusmodi. Ergo, &c. Minor patet, quia vniuscuiusque rei ordinatæ ad aliquem finem, seu ad aliqua opera exercenda, expedit, vt remoueantur impedimenta per quæ posset à consecutione finis huius impediri, & à proprijs & debitis operationibus exercendis. Minor declaratur, quia per frequentes & forèses citationes, grauamina, oppressiones, bonorum impeditiões, compellerentur Monachi frequenter exire claustrum, sequi oppida, frequentare consortia mulierum, habere proprium pro expensis, inobedire proprijs Abbatibus, & eos non habere in reuerentia, per hoc quod frequenter per interpellationem interpositam, & nimium fauorem Episcoporum & assistentium eis, excuterent se ab obedientia & iugo Abbatum suorum & ordinis: quæ omnia sunt impedimenta regularis obseruantia; & vitæ contemplatiuæ. Quare, &c. Et si dicatur, quod aliqui vadunt & frequentant ciuitates & oppida, licet exempti, dicendū quod non tot, nec ita frequenter: & supponi debet, quod honestiores imitantur, & si aliqui deuiant, puniri debent; nec debet excessus vnius in vnam totam multitudinem redundare. Impossibile est enim, vel difficile, quin in vna magna congregatione sint aliqui mali. Nam secundum Hieronymum in omni congregatione & gradu semper optimis mixta sunt pessima, sicut patuit in societate Christi; sed quia plures sunt boni quam mali, propter vnum malum vel duos non debet vna congregatio diffamari. Remotio ergo impedimentorum obseruantia; regularis, & elongatio à strepitu secularium, est vna causa, quare exemptiones expediant statui Religiosis.

Incommoda  
secutura, si  
non essent e-  
xemptiones.

ram; & hanc causam assignat beatus Landericus Parisiensis Episcopus super exemptione Abbatis sancti Dionysii, allegans beatum Augustinum, dicens sic. *Libri Augustini de Ecclesiasticis gradibus docent Monachos sub quiete regulariter videntes sua singulari lege debere quiescere, & ab omni infestatione clericorum intrepidos remanere; ne secularis strepitus eos ledant, quos districta regula seruitutis Domini moderatur. Praesertim cum Episcopi non possint esse ita solliciti de obseruantia regularium statutorum, sicut ipsi Abbates & Priores, qui ad huiusmodi obseruantias sunt consimiliter obligati. Vnusquisque enim magis afficitur ad obseruantiam sui status quam alterius. Prælati etiam Episcopi non habent experientiam regularis obseruantia, sicut Abbates & Priores; cum tamen experientia facti sit necessaria in statu Religioso. Unde propter defectum experientia seculares clerici prohibentur esse Abbates: non autem Abbates vel Monachi prohibentur esse Episcopi: quia Abbates & Monachi bene possunt scire de statu Episcopali, magis quam contrario. Quod etiam subiectio Episcopalis impedit Religiosos à quiete vitæ contemplatiuæ, patet ex dictis aduersariorum, qui innuunt, exemptiones magis debere dari Mendicantibus propter studium. Ex quo sequitur secundum eos, quod esse subiectum Episcopis impedit ab actu studendi. Ergo multo fortius ab actu contemplandi & orandi; cum oratio secundum Damascenum sit deuotus ascensus mentis in Deum, qui de facili impeditur.*

*Exemptiones dare expedit auctoritati Papæ.*

Tertio declaro principaliter, quod dari exemptiones, & datas firmari, expedit celsitudini & auctoritati summi Pontificis, quia cum in Ecclesiastico principatu deceat esse unum monarcham principalem Christi vicarium, in ijs quæ sunt iurisdictionis Ecclesiasticæ, & specialiter in ijs quæ ad salutem pertinent animarum, (cujusmodi est summus Pontifex,) qui habeat super alios clauem non errante plenitudinem potestatis: liquet patet, quod est immediatus curatus cuiuslibet Christiani, & quod potest Episcopatus trāsferre, & in eadem diœcesi aliquos à iurisdictione Episcopi eximere, & curæ alterius supponere. Per hoc autem quod in qualibet prouincia sunt aliqui exempti & priuilegiati immediate sub summo Pontifice, huiusmodi potestas & auctoritas evidentiùs declaratur. Multum autem expedit, quod auctoritas summi Pontificis à fidebus cognoscatur. Errare enim circa eius potestatem citò vergeret in hæresim, & posset pernitiosum esse, & scandalum animarum generare. Secundo expedit celsitudini status summi Pontificis, quia cum sit vniuersalis prouisor omnium Christi, cur Christus peregrè proficiscens in cælum, vtriusque imperij, terreni simul & cœlestis iura commisit: quantum ad illa specialiter, quæ ad salutem pertinent animarum: expedit, quod ad honorem sedis Apostolicæ, & etiam quantum ad extirpationem schismaticorum & rebellium, ratione Ecclesiæ habeat ad manum aliquod subsidium temporale, quod virtute exemptionum prædictarum habere potest proprius & facilius, quam si essent exemptiones huiusmodi annullatæ, vt aliqui Prælati nituntur cancellosè per aliquas rationes sophisticas procurare. Nam seipsum per amorem seu reuocationem exemptionum huiusmodi exaltare cupientes, celsitudinē & amplitudinem auctoritatis summi Pontificis coarctare & deprimere impli-

cite moluntur.

Quarto principaliter ostendi potest, quod huiusmodi exemptiones expediunt statui & connexioni vniuersalis Ecclesiæ. Statui quidē, quia per hoc multa bona specialia & spiritualia proueniunt vniuersali Ecclesiæ quantum ad studia communia in Theologica facultate, & quantum ad participationes & eleemosynarum largitiones, sicut in tertia ratione primi articuli visum fuit. Connexioni autem expediunt, quia huiusmodi exemptiones seu personæ exemptæ & priuilegiatæ sunt sicut nervi connectentes corpus Ecclesiæ in ordine ad summum Pontificem. Nam per huiusmodi exemptiones statim habetur præ oculis reductio cuiuslibet Christiani in summum Pontificem: & quod est immediatus ordinarius & curatus cuiuslibet Christiani absque præiudicio alicujus alterius cuiuscunque. Ex hoc autem præseruatur specialiter vnitas Ecclesiæ contra schismaticam prauitatem. Nam si nulli Religiosi essent exempti, citius & facilius possent Prælati discedere & se subtrahere de facto à iurisdictione summi Pontificis: quæ tamen discessio futura est, antequam reuelaretur ille filius perditionis scilicet Antichristus, 2. Thess. 2. secundum Apostolum ad Thessaloniam. & quia vnitas obedientiæ & connexionis consistit in ordine ad summum Pontificem successorem Petri, in persona Petri, cui dictum est singulariter à Christo, *Pasce oves meas, & in aliquando conuersus confirma fratres tuos*: & ad hoc multum fiunt exemptiones, vt dictum est: sequitur ergo, quod expediunt statui & connexioni vniuersalis Ecclesiæ, vt est per habita manifestatum.

*Exemptiones expediunt Ecclesiæ*

Quinto dico, quantum ad quintam partem secundi articuli, quod supposito bono regimine Prælatorum, non expedit particulares Abbacias seu particularia Collegia, potissime distantes vel distantia à sede Apostolica, ita passim & regulariter esse exemptas vel exempta, sicut Ordines sic communes ubique terrarum diffusos, qui in proprijs Ordinibus sufficientes habent correctores intrinsecos: nisi Capitulis prouincialibus & Diffinitoribus & Visitatoribus eorundem, de quibus aliquo modo prouisum fuit per Innocentium tertium, daretur maior auctoritas puniendi delinquentes, tam Monachos quam Abbates. Quod potest ostendi specialiter ex duobus. Primo, quia propter nimis longam distantiam sedis Apostolicæ, & per consequens propter absentiam correctoris possent Abbates seu Præsidentes in huiusmodi collegijs, & aliqui nobiles & potentes subditi, propter potentiam amicorum, multa mala perpetrare, & à regularibus obseruarijs multipliciter deuiare. Unde si Abbatem vel præsentem alicujus talis collegij, vel aliqua persona potente deuiantē à reuerentia vitæ vel regiminis, ad eius correctionem vel punitionem debitam semper adire sedem Apostolicam oporteret, quantum ad Abbacias sic distantes, propter tarditatem & prorogationem remedij, possent mala quamplurima personis & locis prædictis interim euenire; & propter impunitatem malorum, Præsidentes & potentes prædicti perpetrare mala & peruersa scelera nullatenus formidarent. Nam vt dicit Sapiens in Ecclesiaste; *quia non cito fertur contra malos sententia, ideo filij hominum absque ullo timore perpetrant mala*. Poenæ enim sunt quedam medicinæ, vt dicitur 2. Ethic. posset enim falsitas, quantum

*Ioann. 21. Luc. 22.*

*Quibus non expedit, exemptiones habere.*

*E. la. 8.*

August.

Daniel. 3.

ad illos, qui conversationem sic delinquentium non viderent, multipliciter palliari. In correctionibus enim & punctionibus peruersorum mora periculum ad se trahit. Vnde in talibus principiis est obstandum, iuxta illud Poeticū. *Principijs obsta, sero medicina paratur, cum mala per longas inualuere moras.* Licet enim Innoc. 3. ordinauerit, quod Abbates vnius provincie singulis annis habeant provinciale Capitulum vnum, non tamen per illam constitutionem, datur sufficiens autoritas illis Abbatibus congregatis in prædictis Capitulis, seu Diffinitoribus vel Visitatoribus deputatis ab eisdem, & specialiter quoad Abbates puniendos, in excessibus corrigendis: cum nullam auctoritatem habeant pro excessu quocumque deponendi aliquē Abbatem, seu ipsum alias grauius puniendi, sed solum monendi & fauendi parti, quæ eis videbitur sanior, scribendo summo Pontifici: nisi ad Collegia, in quibus sunt homines literati & spirituales, in quibus homines edocti in sacra pagina, quæ est propriè de pertinentibus ad salutem, principaliter & cõmuniter præferuntur & dominantur. Nam cum spiritualis homo iudicet omnia, & ipse à nemine iudicetur, ut dicitur 1. ad Cor. 2. sapientis etiā sit ordinare, ut dicitur primo Metaphysicæ, tales possunt secundum diuinas regulas de alijs iudicare, & statuta, quæ ad perfectionem vitæ proficiunt & inducunt, salubriter ordinare. Ex quo sequitur, quod non expedit, aliquam Religionē esse exemptā personarum Laicarum, & specialiter vbi Laici principaliter & cõmuniter dominantur. Nam animalis homo non percipiat ea quæ Dei sunt. Non enim potest intelligere, quia spiritualiter examinantur, ut dicitur 1. ad Cor. 2. imò tales laici sic exempti, quantumcumque sint de ordine militari, nisi habeant superiores clericos, per quos habeant in obseruationis regularibus erudiri, prout ordinantur finaliter ad salutem, non sicut in statu perfectio, nec tuto. Vnde & Moyses qui fuit dux populi Israëliti, fuit legis promulgator; & David Rex bellator strenuus, fuit eximius Prophetarum; & Iudas Machabæus armavit suos sermonibus optimis & munivit. Propter quod illa quæ de Templarijs, quidquid sit de illis, ab exemptionibus impugnantibus inducuntur, nullā habent roboris firmitatem, & hoc magis parebit suo loco, in solutionibus rationum.

1. Cor. 2.

1. Mac. 12.

Authoris protestatio.

Prima ratio aduersus exemptiones.

Quantum ad tertium articulum, in quo rationes aduersariorum sunt solvenda, protestor, quod Episcopos sanctos & bonos volo sicut patres honorare: sed quia iste doctor, cuius rationes immediatè tanguntur & solvuntur, nimis diffamatoriè & sophisticè contra exemptiones & Privilegiatos procedit: ideo repellendo, dicta sua, tamquam sophistica & falsa, oportet contra ipsum in aliquibus impingere, & contra malum regimen & intrusiones indebitas aliquorum; quod & attendentes aliqui sancti prædecessores Episcopi, & defectus illorum, qui habebant succedere, præidentes, exemptiones & privilegia non solum dabant Religiosis, sed etiā procurabant, sicut de beato Landrico Parisiensi Episcopo, quantum ad exemptionem Abbatum sancti Dionysij, fuit dictum. His visis, ad rationes, quæ contra hæc in tractatu fratris Egidij continentur, per ordinem est dicendum. Prima ratio nititur ostendere, quod repugnat cursui naturæ. Quod probat primò per August.

qui dicit 7. de Ciuit. Dei c. 3. quod sic Deus res administrat, ut eas proprios motus agere sinat. Proprium autem Episcoporum est, præesse in diocesi sua, & iurisdictionē circa omnes illius diocesis exercere: quod totum tollit exemptio. Vnde sicut agente naturali approximato passo disposito, sub illa dispositione in qua illud natum est agere, & istud pati, miraculum esset, si non ageret; sicut fuit in camino puerorū, ut legitur in Daniele: sic Prælati approximato passo disposito, cum sit suæ diocesis, si non agit, si velit, miraculum est in moralibus. Vnde proximitas in agente naturali facit necessitatem, sed in agente à proposito facit vel dat facultatem agendi, & sequitur actio, si adsit voluntas: miracula autem in naturalibus ratio, & pro euidenti utilitate fiunt. Ergo eodem modo Papa rarò debet facere miracula in moralibus de iure positio: miraculum autem in moralibus est exemptio. Ergo rarò debet concedi, sicut pro euidenti utilitate Ecclesiæ; sicut causa studij rationabiliter concedi potest Mendicantibus totaliter deditis studio; non autem non mendicantibus, qui parum vel nil student; & multominus canonicis secularibus, & cetera. Tanguntur autem in ista prima ratione quatuor. Primò quod imitandū Deum debet Prælati circa suos subditos proprios motus, siue proprias operationes exercere: secundo quod Diocesis tota est approximatio, secundū quod natus est agere Prælati, & subditū esse suæ Diocesis est passum esse approximatum agenti. Tertium est, quod Episcopus agit in talē, & agere potest si velit, nisi impediatur per miraculū in iure positio. Papa enim nō facit miracula in naturalibus nec in moralibus, de iure naturali vel diuino; sed bene agit miraculum in moralibus de iure positio, aliquos eximendo: sed hoc raro agere debet. Quartū est, quod causa studij solum, sicut mendicantibus, & non alijs. Ad primum ergo dictū huius rationis scilicet ad dictum Augustini dicendum, quod non est simile de rebus vel agentibus naturalibus, & de agentibus à proposito: quia res naturales agunt ex instinctu naturali eis indito à Deo, & impresso mediantibus causis secundis determinatè mouentibus & dirigentibus huiusmodi res naturales in ordine ad suos fines naturales: ratione cuius dicitur, quod opus naturæ est opus intelligentiæ, & quod natura agitur mota ab intelligentiis & superioribus causis, ut dicit cõmentator super duodecimo Metaphysicæ. Omnes autem operationes in causis secundis dependent ab una arte primæ causæ, ut dicitur ibidē: & ratione huius determinationis & directionis per causas superiores natura ut in pluribus plurimum non abundat superfluis, nec deficit in necessariis, ut dicitur tertio de anima. Sed si causæ superiores malè & difformiter dirigerent entia naturalia, ita quod ex defectu directionis causarum superiorum natura ut in pluribus produceret monstrum, generando superfluum, cum sex digitis, vel diminutum cum tribus digitis, Deus res huiusmodi non sineret, ut in pluribus, cursus suos inordinatos agere: cum sic ut in pluribus res naturales deficerent ab affectione sui finis, sed provideret de alio principio directiuo, vel immediatè dirigeret huiusmodi res naturales. Sed quia causæ superiores secundariæ uniformiter & sine errore mouent & dirigunt ut in pluribus, sicut patet in motibus cœlestibus, & in-

Responsio ad dictum Augustini.

telligentijs mouentibus; ratione cuius res naturales vt in pluribus, non deficiunt, sed vt in pluribus assequitur finem suum: ideo congruum est, vt Deus secundum generale influxum sic tales res administret, vt eas proprios motus & cursus agere sinat; & sic intelligit Augustin<sup>9</sup>. Sed se-  
 tus est in proposito: quia Episcopi ipsi, qui sunt causæ superiores secundariæ, agunt à proposito, & vt in pluribus deficiunt in mouendo: aliqui propter defectum scientiæ & rationis, quæ debent esse in eis intrinsecum directivum; alij propter malitiam vertibilis voluntatis; alij propter utrumque, ratione cuius conformiter non mouent cum eausa prima, quæ Deus est; siue cum Christo, qui est primus motor, & finis vltim<sup>9</sup> in Ecclesia militante; sed ab ea vel ab ipso multipliciter & in pluribus deuiant & delinquant; ratione cuius summus Pontifex generalis Christi vicarius debet & potest tales immediate regere, vel prouidere de alijs directiuis, cuiusmodi sunt Abbates, Priores, & Capitula generalia; & sibi debet tales non mediantibus Episcopis referuare. Non quia intendat impedire illuminationem Prælatorum in illos Religiosos, qui sunt suæ Diocesis, sed vt impedimenta remoueat, quibus multipliciter impediabant dictos Religiosos ab actu vitæ contemplatiuæ, & ab obseruantia regulari, vt est per habita manifestum: licet multi sint alij Episcopi scientia & virtutibus multipliciter insigniti & illustrati, qui ab omnibus & specialiter à Religiosis haberi debent in magna reuerentia & honore: & isti sunt, quibus exemptiones Religiosorum sanctæ & regulariter viuentium non displicent, præsertim cum de suorum successorum meritis non sint certi. Ad secundum dictum dictæ rationis, quod agens est approximatum passo, dicendum quod approximatio in proposito non attenditur secundum situm localem, sed secundum iurisdictionem Prælati in subditum. Modò sicut ad Papam, qui est caput Ecclesiæ, pertinet determinare Dioceses; sic & illas mutare, & diuidere, & stante eadē locali distantia facere de subdito non subditum; & ita non est aptum recipere actionem talis agentis. Et ista solutio procedit, & quantum ad Ordines communes, & quantum ad Abbatis particulares, supposito malo regimine Prælatorum. Potest etiam dari alia solutio, quantum ad Ordines communes vbique terrarum diffusos; dato qd Prælati in regimine Ecclesiastico huiusmodi Religiosos minimè molestant: quia tū dicti Religiosi Ordinum sic comunium sunt per omnia regna & omnes prouincias Christianitatis diffusi; nullus est Episcopus vel Archiepiscopus citra summum Pontificem, cuius iurisdic-  
 tio ad singulos illorum se extendat: & per consequens nullus talis Episcopus vel Archiepiscopus potest esse sufficiens medium omnium illorum contentivum, nec per consequens potest in omnes illos iurisdictionis officium exercere. Præterea dici potest tertio, qd iste Doctor salua sui reuerentia ex falsa imaginatione procedit: quia supponit qd potestas iurisdictionis sit de essentia, vel necessaria ex concomitantia ordinis Episcopalis, quod non est e virum, imò istæ potestates possunt ab inuicem separari, & frequenter separantur de facto, vt in solutione decimarum quartæ rationis vbragitur de triplici potestate; plenius ostendetur. Item propriæ operationes ordinis Episcopalis sunt, ordines celebrare, christiana

conficere, virgines & altaria consecrare, Ecclesias dedicare: à quibus operationibus non impediuntur, saltē in ordine Cisterciensium. nec credo quod in alijs exemptis impediuntur à talibus operationibus, nisi quia per hoc volunt sibi iurisdictionem indebitè usurpare, & quandoque extorsiones aliquas, & prauitates simoniacas immiscere. Per hoc patet ad tertium dictū, quod bi non est miraculum, imò miraculum esset, si ageret: cum passum sic quantum ad iurisdictionem ab huiusmodi agente non solum elongatū, sed etiam suæ actioni minime sit subiectum, nisi quantum ad ea quæ sunt fidei dumtaxat: sicut miraculum esset si ignis cōbureret combustibile distans, & suæ actioni non subiectum. Item nō est miraculū si Papa sit immediatus ordinarius curatus cuiuslibet Christiani, vel quod habeat immediatam iurisdictionem in quemlibet Christianum, quia hoc sibi competit de iure diuino, cui jus positivum consonat; imò dicere vel statuere contrariū esset erroneū. Potest etiam auctoritatem exercendi iurisdictionem, & absoluendi, alijs cōmittere, quam Episcopis. Auctoritas enim seu potestas absoluendi fundatur immediate super characterem sacerdotalem; sed vsus clauium quandoque ligatur & restringitur propter defectum materiæ, vel quia subditus nō habetur, vel quia casus à superiore retinentur, secundum Ecclesiæ ordinationem. Imò vltimū conueniens est, quod Abbates possint subditos professos absolvere de istis, de quibus Episcopi subditos suos absolvere nō possunt, vt Religiosis euagandi materia subtrahatur. Præterea, nō dicitur esse miraculum, nisi excedat facultatem naturæ vel agentis secundum cursum communem, vel quantum ad substantiam facti, vel quantum ad modum faciendi. Sed in exēptione neutrum concurrat, vt patet per habita, & de facili patere potest. Quare, &c. Item, vt patet per habita, si esset frequenter error in naturalibus, oporteret frequenter fieri miracula: dimitterent tamē vel desisterent habere rationem miraculi, quia non haberent rationem insoliti. Et quia Episcopi circa regimen Religiosorum vt in pluribus deuiant, ideo oportet per priuilegia & exemptiones eis vt in pluribus subuenire; & ratione soliti iam non mereretur rationem miraculi, dato etiam quod alias essent miracula in iure positio. Item illud quod tanquam species cōdiuidit aliquod commune, non dicitur miraculose contineri sub illo. Sed priuilegia & exemptiones cōdiuidunt ius positivum ex opposito ad ius commune positivum, quantum ad generales regulas iuris positivi. Ergo, &c. Major patet quia species non miraculose, sed de necessitate rei ex cursu communi sub genere continentur. Minor probatur per illud quod habetur 3. d. c. Porro, vbi dicitur, quod Canones alij sunt decreta Pontificum; alij sunt statuta Conciliorū: & subditur, quod hæc de generalioribus regulis intelligenda sunt; & sequitur ibidem. Sunt autē quædam priuata leges, tam Ecclesiasticæ quam seculares, quæ priuilegia appellantur, de quibus 6. Etimolog. Iisd. ait. Priuilegia sunt leges priuatorū quasi priuata leges, nam priuilegium inde dictū est, quod in priuato feratur. Ex quibus verbis colligitur, quod ius positivum seu lex positua, sicut quoddam commune diuiditur in ius commune, siue legem communem, & ius priuatum, siue legem priuatam; quæ quidem lex priuat,

Papa cuiuslibet Christiani pastor.

Agentis & passi approximatio hic in quo sita sit.

Ibid. lib. 3. cap. 18.

privilegium appellatur. Ad quartum dictum prædictæ rationis, seu prædicti Capituli, ubi ponitur, quia rationabiliter & laudabiliter debet & possunt concedi præcise causa studij, & quantum ad Religiosos solos mendicantes, qui sunt ex toto dediti studio, &c. Dicendum, quod studium in sacra pagina ad proficiendum sibi & alijs ad salutem, bene est causa congrua, quare aliqui eximi debeant, & privilegijs dotari. Sed ex hoc directe concluditur contra ponentem; quia ex hoc euidenter supponit, quod prælati impetunt subditos indebitè, & impediunt ab actu contemplatiue & actiue vitæ, ad quam duplicem vitam studium Theologicum præcipue ordinatur; & sic contra seipsum arguit, propriam vocem ignorando. Sed quod ulterius dicitur, quod est præcisa causa, falsum est: imò causa præcipua in exemptionibus Religiosorum est, ut deuotius & quietius insistant diuino seruitio persolvendo; offerre etiam sanctum sacrificium in celebratione missarum pro viuis & defunctis, non minus facit ad profectum Ecclesiæ militantis & purgantis, nec non & gaudium & repletionem triumphantis Ecclesiæ, cum alijs deuotis orationibus & obseruantijs, quæ in Religionibus obseruantur, supposita sufficienti scientia, quam ipsum studium absolutè. Quod autem ulterius dicit, quod non mendicant in modico vel nihil dediti sunt studio, si intelligit de omnibus falsum est; imò Cistercienses, Cluniac. & alij. habent studia in Claustris suis: & solemne studium habent Cisterci. in ciuitate Parisiensi, & Baccalaureos, & Doctores. Præterea plures fuerunt Doctores excellentes in Theologia non mendicantes, quæ mendicantes, sicut August. Greg. Hieron. Bernardus & Anselmus. Præterea ex quo secundum istum Doctorem, qui loquitur, esse exemptum ab Episcopis facit ad profectum studij, per aliam viam essent reducendi ad amorem studij ipsi Religiosi, quam per amorem exemptionum. Præterea in eo quod dicit, quod magis sunt concedendæ mendicantibus quam alijs, non est sibi credendum; quia ibi loquitur in causa propria, cum ipse fuerit de ordine Mendicantium: licet non reprobem, sed approbem; quod exemptiones mendicantibus studio deditis concedantur: quod tamen eis magis concedendæ sint quam alijs, falsum est; ut est per habitum manifestum, & adhuc inferius videbitur in suo loco.

Ergo, &c. Major patet, quia ars imitatur naturam, in quantum potest, secundum Philosophum. Vnde artificialia, & illa quæ sunt de iure positio, quæ sunt ab intellectu & sapientia humana, debent imitari naturalia, quæ sunt ab intellectu diuino, & sapientia diuina. Vnde & cum summus Pontifex non possit facere miracula in naturalibus, nec in moralibus quæ sunt de iure naturali, sed solum in ijs quæ sunt de iure positio: debet tamen, in quantum potest, illa quæ sunt de iure positio, facere conformia ijs, quæ videmus in naturalibus, & ijs quæ sunt de iure naturali; & per consequens raro & pro euidenti utilitate Ecclesiæ, quod est facere miraculum in iure positio. Minor probatur ex duobus. Primo quia ad destructionem propriarum operationum sequitur destitutio substantiarum & virtutum, à quibus ipsæ operationes originem sumunt. Secundo probatur per hoc, quia aliter sequeretur, quod entia naturalia essent superuacua & otiosa, quod est inconueniens, & adhuc confirmandum adducitur illud Sapientie 14. ubi dicitur. [Tu Pater omnia gubernas sapientia, quoniam, dedisti in mari viam, & inter fluctus semitam firmissimam: ostendens, quoniam potens es ex omnibus saluare, etiam si sine rate quis adeat mare: sed ut non essent superuacua sapientiarum opera, propter hoc exiguo ligno credunt homines animas suas, & transeuntes mare per ratem liberati sunt.] Et applicando ad propositum quantum ad regimen Ecclesiæ, dicit, quod sicut transeuntes mare, quod est congregatio aquarum, saluantur per nauem: sic transeuntes mare procellosum huius mundi, saluantur & liberantur per bonum Prælatus. Dicitur enim Prælatus nauta, in quantum gubernat Ecclesiā; dicitur nauis, in quantum verbo & exemplo portat subditos ad portum salutis: dicitur anchora in quantum facit nauem, id est Ecclesiā, firmam stare. Nec est inconueniens quod secundum mysticam Theologiam diuersis nominibus designetur: sicut Christus assimilatus est pastori, in quantum gubernat oues; assimilatus est oui, in quantum pro nobis factus est victima: assimilatus est agno, propter eandem causam, & mansuetudinem, & innocentiam. Est ergo Prælatus nauis animata, sicut seruus dicitur organum animatum, & Rex dicitur lex animata. Ex his ergo concluditur, quod exemptio amouenda est: ex eo quod tollit à Prælati proprias operationes, & per consequens substantiam, & virtutem, &c.

*Ars imitatur naturam.*

*Sap 14.*

Ad dissolutionem istius rationis præintelligendum est, quod exemptionum & privilegiorum rationabilis & expediens congruitas duobus innititur, primo scilicet defectiuo & oppressiuo regimini Prælatorum Pontificum, secundo promotioni obseruantiarum Regularium. Ratione primi est intelligendum, quod nunc de facto, licet de iure positio & diuino esset sepe aliter faciendum, plures sunt Prælati, qui non intrant per ostium in ouile, (vnde dolendum est,) sed vel per violentiam Principum, vel per procuracionem fraudulentam, vel per simoniacam prauitatem, vel per indiscretam prouisionem, tantæ veritate, & suggesta forsitan falsitate. Et ratione mali ingressus sequitur malus & peruersus progressus; & non solum peccatum est in forma, sed quandoque in materia: ita quod interdum promouetur aliquis in Prælatus, qui non posset nec sciret, aliquem actum hierarchicum,

*Exemptionum congruitas quibus innitatur.*

*Causa præcisa exemptionum non est studium.*

*Secunda ratio aduersarij.*

Secunda ratio, de qua sicut & de alijs, facit vnum Capitulum magnum, ducit ad hoc inconueniens, quod exemptio tollit à Prælati proprias operationes, & per consequens substantiam & virtutem. Et hoc probat sic. Supponit enim ex dictis in 1. Capitulo per Philosophum & Damasc. quod in omnibus rebus naturalibus reperitur substantia, virtus, & operatio; & qui tollit à rebus proprias operationes, tollit substantias & virtutes. Formatur ergo sic ratio. Quia sicut est in regimine vniuersi respectu rerum naturalium, sic debet esse in regimine Ecclesiæ, etiam quantum ad illa, quæ sunt de iure positio. Sed in regimine rerum naturalium res naturales non destituuntur proprijs operationibus, sed solum raro per viam miraculi. Ergo eodem modo in regimine Ecclesiæ, quantum ad illa quæ sunt de iure positio, Episcopi, qui sunt præcipua opera Dei, & aliquo modo summi Pontificis, non debent destitui proprijs operationibus, nec esse otiosi. Sed totum oppositum facit exemptio.



S. Bernard.  
Serm. 33.  
in Cantica.

Responsio  
ad 2. ratio-  
nem aduer-  
sarij.

seu ad Prælatum pertinentem exercere. Accidit etiam plerumque, quod licet aliqui sint literati & magni clerici, & habeant legitimum ingressum: per vertibilitatem tamen voluntatis in malitiam & per malum & peruersum consilium, opprimunt subditos per auaritiam, super eos nimis tyrannicè dominando, quærentes magis quæstum temporalem, quam animarum salutem: intendentes marsupijs euacuandis, quam vitij extirpandis; sicut dicit B. Bernardus super Cantica & fit quandoque, & vtinam non frequenter, tale monstrum in corpore mystico, quod est Ecclesia, ac si in corpore naturali poneretur oculus in pede, & pes in capite; & quantum ad custodiam & nutritionem ouium Christi, ac si lupus acciperetur pro pastore; licet hoc non veritetur de omnibus: imò sunt aliqui boni, & sancti, & literati, & fuerunt; & illi sunt qui talia prævidentes, exemptiones & priuilegia approbant, & approbarunt. Promotioni etiam obseruantia Regularis innititur exemptio; quia quantum ad Ordines communes, vbique terrarum diffusos, non posset vita perfectè regularis sine exemptionibus vel priuilegijs obseruari: tum quia Episcopi diuersarum Prouinciarum & regnorum non essent vt in pluribus vnanimis voluntatis: tum quia nulla Diocesis vel determinata Prouincia ad tantam latitudinē & amplitudinem se extendit. His ergo prælibatis, ad rationem, & ad ea quæ sibi implicantur, per ordinem est dicendum. Primo concedo in entibus naturalibus quæ sunt substantia substantiam, virtutem, & operationem; & quod dicta entia non sunt à suis proprijs operationibus destituenda, nisi in certis articulis per viam miraculi, & ad bonorum liberationem, & ad diuinæ potentia manifestationem, & ad fidei & salutis promotionem: sicut patuit de tribus pueris in camino ignis, & de educatione populi Israelitici de Aegypto, in diuisione maris rubri. Sed hoc vltèrius considerandum est, quod entibus naturalibus ab ipso Deo qui est natura naturans, quodam ordine prouisum est de substantia, virtute, & operatione: ita quod primo dedit substantiam, secundo proportionabiliter virtutem, tertio secundum eandem proportionem operationem consequentem. Non enim dedit terræ leuitatem, vt moueretur vel situaretur sursum; nec igni grauitatem, vt naturaliter descenderet deorsum; vel igni naturam vel virtutem infringendi, nec aquæ virtutē calefaciendi; sed ista tria prædicta, substantiam, virtutem, & operationem, in entibus secundum proportionem debitas ordinauit: ita quod entia naturalia per suam substantiam mediante virtute in suas proprias operationes naturaliter inclinantur, & assequuntur vt in pluribus suos fines, secundum intentionem primi motoris qui est Deus. Verum quia sancti summi Pontifices præviduerunt horum contraria in regimine Ecclesiæ obseruari, ita videlicet, quod illi qui habent statum prælationis interdum carent substantia & virtute, quæ ad statum huiusmodi requiruntur, quantum ad scientiam & virtutes: quia etiam præviduerunt, quod licet multi habeant sufficientiam scientiæ, habuerunt tamen malum regimen & ingressum; quia quæ malo sunt initiata principio, impossibile est, vt ad bonum finem pertrahantur; præviduerunt etiam, quod dato quod non habeant defectum in scientia vel

ingressu, tamen per malitiam suæ voluntatis perturbarent, vt in pluribus, Religiosorum contemplationis quietem: quia etiā non sunt ita solliciti; nec habent iurisdictionem se ad omnes partes Ecclesiæ extendentem: ideo religiosos exemptionibus & priuilegijs munierunt. Quia ergo substantia & virtus sunt operationis principium, & illa quæ sunt de iure positio debent naturalia imitari, cauendum esset primò, ne promouerentur indigni, & ne promoti super subditos importabiles tyrannides exercerent: quia si modicus error in principis, magnus est in effectibus, vt dicitur in principio *Celi & mundi*; sequitur quod magnus error in principijs sit causa maximi erroris in ijs quæ sequuntur. Dicendum ergo ad formam rationis quod Pōtifex in eximendo & priuilegiando imitatur naturā, errori multiplici qui est principijs, salubriter succurrendo, & de præsidentibus, Abbatibus, & Prioribus, & Capitulis generalibus magis sollicitis & exemptis, prouidendo, & obseruantijs regularibus subueniendo; quia vbi sunt defectus, vt in pluribus, ibi sunt remedia, vt in pluribus, apponenda. Ad illud autem, quod vltèrius additur, quod essent superuacui & otiosi, dicendum quod ideo non sequitur; quia multos alios habent subditos, circa quos possunt prælationis officium exercere; & vtinam hoc bene facerent, & seipsos sollicitè custodirent. Sed de talibus mirum est, quod de talibus exemptionibus & priuilegijs conquerruntur, cum de seipsis & de alijs subditis, qui suæ iurisdictioni relinquuntur, aliqui eorum tam negligentes existant; sicut illi specialiter, qui vt in pluribus, in Domibus & Palatijs regum sunt, & in vanitatibus occupantur; & vbi visitant, non ædificant, sed diripiunt & rapiunt: nec de spiritualibus, sed solum de carnalibus & spolijs curam habent. Vltèrius est dicendum, quod quantum ad priuilegiatos, qui sunt Cisterciensis Ordinis, non sunt otiosi, nec proprijs operationibus spoliati; quia recipiuntur in prædicationibus: offeruntur eis Abbates benedicendi, & Monachi ordinandi: nec subterfugiuntur, nisi ex culpa sua. Vnde priuilegia Cisterciensium non sunt eis quoad talia, quantum ad bene vtentes, in præiudicium, sed sunt in remedium contra indebitè denegantes. Quod autem Cistercienses non visitant, non est mirum; cum per seipsos tam per patres Abbates, quam generale Capitulum, quod anno quolibet in Cistercio celebratur, longè diligentius, districtius, & solertius, visitentur, etiam præcipuè cum iurisdictione capituli generalis auctoritate summi Pontificis; & concessione Ordinis, ad omnes Christianitatis prouincias, & præcipuè quoad personas dicti Ordinis se extendat; quod de nullo Pōtifice citra primum dici potest. Quod autem vltèrius additur, quod Episcopus est nauis, & cætera: concedo totam illam metaphoram de bono Prælatro: tamen in pluribus, quantumcumque sit bonus, non ducit, nec etiam subditos per mare huius mundi, nisi mediantribus fluctibus procellosis, per quos subditi frequenter naufragium patiuntur. Si igitur summus Pontifex, qui multò fortius & efficacius nauis, nauta, & anchora generaliter dici potest, eligat quantum ad suum familiarem populum ipsos religiosos, per populum Israël designatos, nautas certiores & experiores quantum ad religionem, qui ducant Religiosos huiusmodi per mare magis quietum, minusque procel-

Non sunt  
otiosi Epi-  
scopi, etiam  
circa exem-  
ptos.

procellosum, & per consequens minus periculofum: cuiusmodi sunt illi, qui religionibus prædictis inmediate præfunt, in hoc non facit contra rationem navis vel nautæ spiritualis; sed magis naucm spiritualementem, & nautam approbat & eligit tutiorem. Quidquid enim de statum Religioforum & Prælatorum præminentia fit, de qua me non intromitto ad præfens, tamen omnes concedunt, quod status Religioforū est tutior, eo quod ipsum pauciora pericula & cautela plura præfidia confequuntur: & ita Religiofus naucm conseruantem & ad portum deducentem non exit, se periclitando in mare, ut fupponit iste Doctōr: sed non dimittendo naucm principalem, quæ est Ecclesia, siue summus Pontifex, adhuc de superabundanti nauculam Religionis ingreditur tutiorem. Si autem vellemus loqui de Prælati infufficientibus & intrufis; dicendum, quod tales funt naues de materia infufficienti, & debili, & malè compaginata; & nautæ idiotæ, nescij plerumque, & interdum malenoli erga fubditos: nec quærentes folicitè portum falutis animarum, in profundū maris, quantum in fe est, fe & fubditos demergentes. Et ut fit ad vnum dicere, valde paucos videmus, qui faluti inuigilent animarum: fed vanitatibus, poffeffionibus defendēdis, & yfurpationibus indebitis acquirendis.

*Solutio rationis prædictæ.*

Ex dictis ergo per modum epilogi patet folutio ad rationem. Primò quia non priuatur operationibus proprijs, cum multi fubditi eis adhuc remaneant; ad quorum regimen adhuc fufficere poffunt. Secundo quia Cifterciēfes quantum ad fpiritualia, quæ funt illuminare, perficere, & ordinare, eorum influentiam non renunt. Tertio, quia aliqui funt, qui non habent fufficientiam fcientiæ & virtutis: imò quafi totaliter eis carent: & ideo non eft mirum, fi à talibus operatio fubtrahatur. Quarto, quia certius & tutius regimen eligitur. Quintò, quia etià naturalia, ut in pluribus, non agunt operationes contrarias eorum fubftantiæ & virtuti. Sed hoc faciunt Prælati, ut in pluribus, his diebus; quia loco ædificationis & vifitationis, diffipat & euellunt. Sexto, quia loco ighis charitatis, qui deberet in ipsis regnare, abūdat in eis ignis cupiditatis & auaritiæ: & ideo ne talis ignis, qui non eft perficiens, fed cōfūmens & confumens, totum destruat, quantum ad fpiritualia & temporalia: per viam exemptionum & privilegiorum eft fibi materia rationabiliter fubtrahenda: licet nullus, quantum ad illa quæ funt fidei, fit exemptus, & fic cum ad illos pertinēat fidem defendere, non debent dicere, & refpectu cuiuscūque exempti fuz Diœceſis, proprijs operationibus vniuerfaliter fe priuari, niſi quia temporalia fpiritualibus anteponunt: nec poffunt temporalia rapere ſicut vellent: licet iſta non verificentur de omnibus; imò funt multi valentes clerici & boni, & ſancti, ut ſuperius dicebatur.

*Tertia ratio aduersary.*

Tertia ratio, de qua Capitulum vnum facit, talis eft. Quia contra naturam Eccleſiaſtici regiminis eft, quod fiat idolum de paſtore, ſine culpa Prælati vel Paſtoris. Sed exemptio facit idolum de paſtore Eccleſiaſtico, ſine culpa ſua. Ergo eft contra naturam regiminis Eccleſiaſtici. Major de ſe manifeſta eft ſecundum eum. Ad probationem minoris, ſic diſtinguit triplex lignum, ſcilicet lignum ſaluans, ut ſi de ligno fiat nauis; lignum crucians, ut ſi de ligno fiat pati-

bulum; lignum idolum, ut ſi de ligno fiat ſimulacrum. Huic autem triplici ligno poteſt aſſimilari prælati. Nam ut cōparatur ad bonos, debet eſſe lignum ſaluans; quia debet eſſe quafi nauis portans ſuos ſubditos per procellas huius ſæculi ad portum falutis: & de hoc poteſt exponi, quod dictum eſt Sapientiæ 14. *Exiguo ligno, &c. etiam tranſeuntes per mare liberati ſunt.* Secundo ut punit malos iuſtè comparatur ligno crucianti, admodum patibuli, de quo Sap. 14. *Benedictum eſt lignum, per quod fit iuſtitia.* Tercio modo accipitur lignum pro ligno idolo, Sap. 14. *Maledictum ſit idolum;* per quod poteſt intelligi prælati ſi ſit paſtor, & ex culpa ſua eſt idolum, de quo Zach. 11. *O Paſtor, & idolum, acceſſitque gregem;* quando ſcilicet ex culpa prælati accreſcitur grex. Sed tunc eſt paſtor & idolum, quando ſcilicet non ex culpa ſua, ſed per exemptionem ſubtrahitur ſibi grex. Hoc enim intelligimus nomine idoli, quod manus habet & non palpat; oculos, & non videt. Prælati enim quantum ad exemptos manus habet & non palpat; quia non poteſt corrigere eorum delicta vel peccata. Quare, &c.

Ad iſtam rationem breuiter eſt dicendum, *Reſponſo ad tertiam rationem.* quod nomine idoli, quoad Prælatos, non libenter vterer, niſi ipſimet vterentur, ſed vellem eos

curialiùs nominare. Ad maiorem tamen propoſitionē dicendum, quod bene poſſunt per ſummum Chriſti Vicarium à iuriſdictione Prælati aliqui ſubditi eximi, propter maioris boni & perfectionis regularis promotionem, ut vult eſt ſupra, etiam abſque culpa Prælati ſui vel alterius. Secundo etiam, licet non ex culpa ſua, tamen ex culpa aliorum malè regentium, & impedientium ſeu moleſtantium quietem & contemplationem obſeruantiz Regularis. Legimus enim plures fuiſſe punitos à ſua cammi temporalis ſeu iuriſdictionis temporalis propter peccata aliorum. Iſta autem duo, quantum ad cauſas exemptionum concurrunt, ut patet in iſtumentis Papalibus ſuper hoc conſectis: quare debent tanquam iuſtæ & rationabiles ſi ſueneri. Secundo reſpondendo ad minorem dico, quod quantum ad Cifterciēſes ſpecialiter ſpectat, non habent rationem idoli; cum habeant ipſos benedicere & ordinare: nec oportet, ut habeant eos viſitare, ut dictum eſt ſupra, quia habent multum populum reſiduū & multos alios, ad quorum regimen non ſufficiunt ſine adiutorio. Vnde non debent de exemptionibus ſeu privilegiationibus conqueri; imò propter oneris alleviationem deberēt ad actiones aſurgere gratiarū. Item non dicunt ſe eſſe idolum, quando derelicto totali grege curias Regū ſequuntur, ibi impertinentia pertractando. Quod etià dicitur, quod manus habent & non palpat, vult eſt, quod apud exemptos non palpat, i. e. ſpoliant bona temporalia, prout vellent; oculos habent corporales, & ſpiritualiter non vident: quia de multis Eccleſiæ paſtoribus, non tamen de omnibus, (& vtiſſimè de nullo,) verificatur illud Iſaiæ 56. *Speculatores equi cæci, cæcos, neſcierunt, uniuerſi canes muti, non valentes, latrare. Videntes vana, dormientes & amantes ſomnia, & canes impudentiſſimi, neſcierunt ſaturitatem. Ipſi paſtores ignorauerunt intelligentiam, in viam ſuā declinauerunt, unusquisque ad auaritiā ſuā, à ſummo uſque ad miſſimum. Venite ſumamus vinum, & impleamur ebrietate: & erunt ſicut homines.*

*Man*

die, sic & cras, & multo amplius.

Et ad-  
notatio  
sary.

Quarta ratio sumitur ex animalibus reseruat-  
tis in arca Noë. Nam Deus ex illis animalibus non aquaticis, nec ex putrefactione generatis, voluit seruare opera sua, & naturalem ordinem in operibus suis, relinquendo sibi semen ad conseruationem & continuationem illorum, quæ non possunt, nisi per naturalem generationem ex decissione seminis in conjunctione maris & femine continuari in esse: & ideo bina & bina vtriusque sexus introducta sunt in arcam. Ex hoc sic arguitur. Quia licet Deus per diluuiū vel alias, non aquatica destruxisset, potuisset tamen alia earundem specierum ex nihilo produxisse, sicut fecit à principio mundi, vel ex alia materia præjacente, si voluisset, per miraculū. Sed ut conseruaret naturalem ordinem in rebus naturalibus, & ut opera sua frustra non essent, voluit talia continuari in esse, non solum per se immediatè, sed mediātibz generantibus naturalibus. Cū ergo Prælati sint præcipua opera Christi & summi Pontificis, debet in eis summus Pontifex ordinem seruare, ad similitudinem ordinis naturalis, quem Deus in huiusmodi reseruatis animalibus obseruauit; ut scilicet conseruentur subditi in esse spiritali, & continuentur in esse, mediātibz Prælati, & non ab ipso immediatè. Sed totum istum ordinem tollit exemptio. Ergo &c. Iste enim est ordo gubernandi Ecclesiam, ut quilibet subditus subiciatur suo superiori modo debito. Et si dicatur, quod nullus est exemptus simpliciter, quia quilibet exemptus subditus est Papæ: Respondet, quod sicut Deus non potest aliquam creaturam eximere à seipso, quin sibi subiciatur, potest tamen eximere aliquam creaturam à causa secunda per miraculū, sicut potest facere, quod stans in igne non conburatur: sic Papa in iure positio, quantum ad iurisdictionem Ecclesiæ, propter generalem ejus iurisdictionem, non potest aliquem eximere à sua iurisdictione; potest tamen de plenitudine potestatis aliquem eximere à Prælati medio, & hoc ratiō, & propter euidētē utilitatem; faciendū scilicet quod aliquis existens in aliqua Diocesi, Episcopo illius nō subdatur, quod est facere miraculū in iure positio; sicut est miraculū in naturalibus, quod stans in igne non cōburatur. Et addit vltterius, quod duplex est exemptio, vna naturalis, qua quis injustè grauatus à suo superiore, per interpositā appellationem se eximit à iurisdictione ejus: alia non naturalis, quando quis eximitur absque culpa Prælati à iurisdictione ejus. Prima est fouenda, secunda est tollenda.

Responsio ad  
quartā  
rationem.

Ad istam rationem, & ad ea quæ tanguntur in ea, per ordinem est dicendū. Et primo quod summus Pontifex quosdam in esse spiritali cōseruat mediātibz Episcopis, & quosdam immediatè per seipsum, sicut Abbates exemptos, & quosdam Religiosos etiam specialiter exemptos; partim per se, & immediatè, & partim mediātibz proprijs superioribus suis ejusdē Ordinis; sicut Abbatibus & prioribus ejusdē Ordinis; qui quantum ad victum & vestitum, cultum diuinum, & obseruantias regulares, sunt ejusdē speciei cum eis, in esse moris, & obseruantie regularis; & per consequens per tales magis possunt spiritaliter generari in esse Religionis, conseruari & continuari, quam per alios, qui non sunt in esse tali; quasi alterius speciei & dissimiles in

prædictis: quia non quodlibet fit ex quolibet, sed determinatū ex determinato, a. Phyls. Vnde & quodlibet animal reseruatum in arca Noë nō generabat quodlibet indifferenter, sed solum aliud in eadem specie, propter quod exemptiones non adhuc repugnant illi ordini, quē Deus in illis reseruatis animalibus conseruabat, sed magis eis cōsonant, ut paret ex prædictis. Quod autē vltterius dicitur, quod esset miraculū in iure positio, si Papa talia immediatè conseruaret: sicut fuisset miraculū, si Deus per creationem, vel de alia materia talia produxisset; dicendum quod falsum est; quia productio talium per creationem, vel productionem de alia materia non disposita, nec determinata, differētiam habuisset in specie & genere à productione talium per viam generationis, & ex parte potētiz productiuz, quæ est infinita, & idem quod essentia diuina, & quantum ad modum, quia sine motu; & quantum ad subiectum, quia vel de nihilo, vel de materia non disposita. Sed potestas iurisdictionis summi Pontificis, licet sit generalior & efficacior iurisdictionibus aliorum Prælatorum; non tamen tantum differt reuelatione ab illis, sicut potētia Dei prædicta à potētia creaturæ naturaliter generantis: & ideo absque miraculo in iure positio potest immediatè in quemlibet Christianū suæ iurisdictionis potestatem exercere: cum quilibet Christianus sit materia determinata & disposita, secundum quod huiusmodi, ad recipiendum immediatè suæ iurisdictionis influentiam vel effectū; cū sit, ut prius dictum est, immediatus ordinarius cuiuslibet Christiani. Potestas etiam absoluenti peccatorem pœnitentē in summo Pontifice innititur characteri Sacerdotali ejusdē speciei cum characteribus aliorum Sacerdotum: & potestas ordinandi cum potestatibus aliorum; & eisdem verbis vtitur quantum ad modum agendi: & ideo dicere, quod subditum quemcumque inferiorem absolui immediatè à summo Pontifice Sacramentaliter, sit miraculū in iure positio, falsum est, & incōuenienter dictum: quia omnes Christiani, secundum ius diuinum & positivum, sunt sibi immediatè subiecti. Alij autem sunt vocati in partem sollicitudinis. Propter quod illud dictum de animalibus in arca reseruatis, peccabat in duobus, ut est per habitam manifestum. Quod autem tertio dicebatur, quod aliquem in Diocesi non esse subditū Episcopo illius Diocesis, est miraculū in iure positio, sicut in naturalibus, quod stans in igne non cōburatur; Dico quod falsum est: quia ignis est agens naturale determinatum ad vnum, & agio ex necessitate naturæ in passum dispositum & approximatum: nec secundum cursum naturæ ejus virtus vel inclinatio ex diuersitate corporū variatur. Sed ius positivum innititur rationi humanæ, quod non solum considerat finem, sed etiam rationem finis, & circumstantias, ratione cuius diuersa potest constituere, & facere, secundum diuersitatem temporum vel factorum. Vnde & in veteri testamento serpens æneus fuit ad honorem Dei longo tempore conseruatus: & tamen ipsum confregit Ezechias ad reprimendā idolatriam Iudæorum, qui ipsum quasi quiddā diuinum adorabant. Sic eodem modo summus Pontifex stante ratione iuris positui potest facere absque miraculo in illo iure; quod illi qui quandoque fuerunt Episcopis subiecti, à iuris-

Potestas  
Papæ  
genera-  
lior est po-  
tate aliorū.

Ius positivū  
innititur ra-  
tioni.

4. Reg. 18.

dictione eorum eximantur, vel propter mala & pericula euitanda, vel propter maiorem boni promotionem: nec ex hoc sequitur aliquod miraculum in iure positum, imò hoc est de ratione eius: cum circa humana facta variabilia versetur, quæ dependent ex libero arbitrio vertibilis voluntatis. Exemplum huius habemus in Esther de epulis & literis Assueri. Imò stante eadem ratione & voluntate finis intenti, possunt actus diuersi & varij secundum diuersitatem temporum & subditorum in ordine ad eundem finem intentum rationabiliter imperari: sicut licet reseruare & confringere serpentem illum fuerint actus diuersi & varij, secundum diuersitatem temporum; erat tamen eadem ratio finis intenti: quia vterque actus ordinabatur ad Dei reuerentiam & honorem. Quod autem inferius dicitur de exemptione naturali, & non naturali; dicendum, quod illa exemptio quam facit & concedit summus Pontifex, ob causas prædictas, est ita bene naturalis, sicut illa quæ fit per interpositam appellationem: tum quia minus violenta, & ex maiori deliberatione procedens: appellatio enim quandoque fit minus iuste & minus temperatè, & quandoque plus fit motu pœnæ, vel arbitratione temporalis commodi consequendi: sed exemptio Religiosorum, fit principaliter ad vacandum diuino seruitio liberius, & ad diuina perfectius contemplanda. Et ideo ratione finis principaliter intenti debet Religiosorum exemptio nobilior & rationabilior iudicari, quàm illa, quæ fit præcisè propter violentiam amouendam.

Quinta ratio sumitur ex eo quod exemptio repugnat naturali ordini & connexioni elementorum. Boëtius enim libro de consolatione, in illa prosa, *O qui perpetua mundum ratione gubernas*, loquens Deo de ordine & connexioni elementorum ait. *Tu numeris elementa ligas, ut frigora flammis, arida conueniant liquidis. Numeris*, id est proportionibus, quæ faciunt quasi quamdam melodiam & harmoniam. *Ligas* id est connectis, *frigora*, id est elementa frigida, *flammis*, id est elementis calidis. Et *arida* id est, sicca, *conueniant*, cum elementis humidis. Ista autem coniunctio & communicatio non est, nisi per qualitatem communem. Conuenit enim terra cū aqua in communi qualitate, quæ est frigiditas: & aqua cum aëre in humiditate: & aër cum igne in caliditate, sicut habetur 2. de generatione. Et ista proportio dicitur harmonia, iuxta illud Iob 34. *Quis enarrabit celorum rationem: & concentum cali quis dormire*, id est quiescere, *faciet*: ut, supple, non dissoluatur? Fit autem ista harmonia & melodia à superioribus in infimis per medium corpus. Sed exemptio tollit hunc modum, coniungendo inferiora supremo sine medio. Ergo tollit proportionem & melodiam istam: cui se debet Ecclesiastica hierarchia conformare. Positiua enim quantum magis sunt conformia motui & cursui naturali: tanto magis stabilia & perpetua certantur esse. Ad istam rationem quintam breuiter est dicendum, quod exemptiones & privilegia esse in Ordinibus communibus antedictis, magis consonat ordini & connexioni elementorum, quàm si per Episcopos regerentur: quia constat quod connexio & harmonia in elementis, habet fieri, ut in arguendo rangebatur, ratione qualitatis conuenientis: & quia aqua con-

uenit cum terra in frigiditate, & cum aëre in humiditate, ideo est medium conueniens, & connectens; & ex hoc sequitur quod ubi est maior conuenientia inter superiorem & inferiorem, ibi est maior connexio, & harmonia maior. Ergo. Minor constat: quia superiores eiusdem Ordinis cum inferioribus in eodem Ordine magis conueniunt, quàm Episcopi; & per consequens conuenientioribus medijs reducuntur per ipsos in propriam harmoniam quam per Episcopos: cum Abbates & Priores prædentes religiosi exēptis, melius eos regere sciant, & secundum statum religionis, quàm Episcopi. Et propter hoc seculares clerici prohibentur esse Abbates, & non monachi vel Abbates Episcopi: quia Abbates bene possunt scire de statu Episcopali, & non e contrario, cum experientia facti sit necessaria in statu religionis, ut dicit Innoc. 3. *Extra de electi. & offic.* Item falsum supponit, sc. quod omnes exempti coniungantur Papæ sine medio; quia coniunguntur mediantibus Abbatibus, Prioribus, Capitulis generalibus, quæ sunt media conuenientiora, & magis proportionata, ut dictum est. Item in connexioni perfecta Ecclesiæ militantis non debet contrarietas reperiri, sed pax & concordia charitatis, quæ tamen contrarietas in elementis reperitur. Vnde connexio elementorum deficit à sufficenti representatione connexionis Ecclesiæ militantis. Item non sequitur illud incōueniens, si subdit<sup>o</sup> immediate coniugatur Papæ, sicut si terra immediate coniungeretur igni; quia ignis magis activus est ad destructionem terræ, quæ nimis est passiva: quia Dominus Papa non est agens destruens, sed magis perficiens: imò oportet ponere, quod ex institutione Christi sit immediatus Prælati cuiuslibet Christiani. Nec etiam Prælati medijs respectu etiam non exemptorum impediuntur, quin immediate per viam iurisdictionis & administrationis sacramentorum possint spiritualiter influere in quælibet Christianum, & quin habeant virtute determinatam ad determinatè influendum. Virtus siue iuridictio spiritualis in Papa non impeditur per Prælatos medios, quin immediate influat in subditos, quādo decreuerit expedire. Itē falsum supponitur, quantum est ad Cistercienses; quia saltem Episcopi, nisi renuant, in Abbatibus benedicendis, & monachis ordinandis, habent rationem mediorum, ut dictum est supra. Aliæ etiā Abbatie particulares sunt exēptæ, non ad tollendam debitam connexionem, sed quia Episcopi diocesis eorum, qui eos conuerrere debebant, eos infestando, connexionem & harmoniam debitam dissoluebant. Item non est simile de immediata connexioni elementorum superiorum & inferiorum, quæ in vtraque qualitate conuenientiā habent, & de immediata coniunctione inferiorum personarum Ecclesiæ ad summum Pontificem, quantum ad iurisdictionem & subiectionem; cum hoc nullā contrarietatem nec repugnātiā habeat; præsertim cum summus Pontifex magis habeat virtutem subiectiuam & conseruatiuam; potissimè cum sit immediatus ordinarius cuiuslibet Christiani, ut patet ex dictis & magis prosequendo patebit.

Sexta ratio ostendit, quod exemptio se non debet extendere ad omnes personas inferiores Ecclesiasticas, per simile in elementis. Quia nullū elementū secundum se totū coniungitur elemento superiori mediato sine medio: sed si coniunga-

Exempti  
non coniunguntur  
Papæ sine medio.

Ratio sexta  
adversarij

tur, hoc est secundum minorem eius partem, & hoc ob aliquā evidentē vtilitatē: sicut patet de terra, quæ si immediate coniungatur aëri, hoc tamen non est secundū se totam, sed solū secundū partē minorē; ut quantū ad partē habitabilem, quæ est longē minor, quā quarta pars terræ; & hæc etiā est pro vtilitate publica inde pueniente: quia tota terra si esset cooperta aquis, homines & iumenta, & alia animalia viuere non valerent. Ergo eodē modo in Ecclesia personæ Ecclesiasticæ inferiores, siue religiosæ, siue seculares, nō debent secundū totū immediatē coniungi summo Pontifici sine medio: ex quo sequitur, quod paucæ debent fieri exemptiones, & in paucis institui debet, quod inferius iungatur superiori: multum actiuo sine medio; & specialiter multum passivum multum actiuo: (exemplum de aqua & igne;) & etiam pro vtilitate publica inde proueniente, sicut ratione studij & scientiæ, ex quo prouenit vtilitas Ecclesiæ; quia ex eo nutritur fides & roboratur. Vnde si priuilegia & exemptiones concedantur alicui vniuersitati, vel alicui religioni totaliter deditæ studio, potest inde sumus Pontifex meritō commendari. Quæ sunt in elementis applicatio ad propositum, potest esse coniunctio inferioris ad superius secundum aliquam sui partem sine medio; sicut inter aliquam partem terræ & aërē; in aliquibus tamen est impossibile, sicut inter aquam & ignē. Illa autem quæ videmus in ordine elementorū secundū possibile & impossibile, possumus adaptare ad status Ecclesiasticos secundum decentiā & indecentiā, & secundum vtilitatem & nocuum. Ex hoc autem arguit, vltius procedendo: quod exemptio maiorem habet decentiam & conuenientiam cum paupertate, quam cum diuitijs; & quod conuenientius & decentius est, & magis vtile Ecclesiæ, quod Religiosi pauperes sint exempti, quam Religiosi diuites. Et hoc specialiter propter tria. Primo quidem propter otiositatem. Nam diuites, communiter loquendo, sunt magis otiosi, quam pauperes: quia magis habent sufficientiā vitæ, quā pauperes; & propter otium incidunt in cogitationes vanas & prauas, iuxta illud Ezech. 16. *Hæc fuit iniquitas Sodome sororis tue, superbia, saturitas panis & abundantia otiositas.* Secunda ratio est propter prosperitatē, quod in eadē authoritate exprimitur, cum dicitur, *saturitas & abundantia panis.* Ad quod etiam adducitur illud Psalmi. *Cadent à latere tuo mille & decem millia à dextris tuis.* Per latus enim, siue per sinistram, aduersitas, & per dexteram, prosperitas designatur. Tertio hoc idem patet ex securitate, quia habent quādam securitatem in diuitijs suis, & non ponunt Deum adiutorem suum; & confidentes in diuitijs suis, dormierunt somnum suum, & nihil inuenerunt, &c. Quod dictum est de diuitibus Religiosis, communiter de Capitulis Canonicorum secularium, quorum fundamentū sunt diuitiæ, veritatem habet: quia vacantes otio, de diuitijs suis confidentes, nec cogitant quod proficuum, seu quod damnosum: nec in cordibus suis luminant, quomodo Ecclesiæ suæ proficiat, sed quomodo Prælatum suum impediunt; & impinguat recalcitrant: qui si exemptione carent, humiliter obedirent. Totum autem est contrarium, quantum ad tria prædicta, quantū ad Religiosos Mendicantes deditos studio. Quare tales exemptionibus gaudere debent, & non

alij non Mendicantes, &c.

Ad istam rationem, & ad ea, quæ implicantur in ea, per ordinē dicendum. Et primō, quod non omnes inferiores Ecclesiasticæ personæ, Religiosæ vel seculares, sunt exemptæ, sed aliquæ; ex certis causis prædictis, & propter vtilitatem publicam, & maiorem honorē Christi, & ejus vicarij, & specialiter propter maiorem connexionem Ecclesiæ conseruandam, & prauitatem schismaticā efficacius extirpandam & euitandam. Nam si Papa non posset immediatē regere inferiores subditos, nisi Mediantibus Episcopis, (ut iste Doctor prædicit, ordinem Ecclesiasticum secundum naturalia penitus metiendo seu limitando,) multi errores & prauitates schismaticæ sequerentur: & quilibet Episcopus se vellet per hoc eximere à summo Pontifice, & dicere, quod mandata sua fieri non liceret. Item comparare summum Pontificem elemento summē actiuo, & habenti contrarietatem actiuam & corruptivā respectu inferiorum, quos comparat aquæ, vel elementis passivis; mala est comparatio, & magnum improprium dicit Papæ: qui magis habet virtutem conseruatiuam subditorum, & nullomodo destructiuam, inquantū talis. Vnde virtus ejus ad corruptionem, vel destructionem, ut sic, minimē se extendit, nisi respectu vitiorum. Quod autem vltius additur, quod causa studij, ex quo consurgit vtilitas publica, possunt aliqui eximi, concedo; sed adhuc habet duo contra ipsum. Primō cum multa collegia Regulariter studeant, quod exemptio de necessitate consequentiæ non est contra ius positivum, nec miraculum in ipso iure positivo, ut ipse frequenter fingit. Sicut etiam non dicitur esse miraculum, si terra immediatē coniungatur aëri in aliqua sui parte. Secundō sequitur, contra ipsum, quod Episcopi ut in pluribus impediunt per inordinatam executionem iurisdictionis suæ actus scholasticos, qui ad vitam contemplatiuam & actiuam pertinent: quia huiusmodi duplex vita in sacra scientia queritur & docetur. Nisi enim actus scholasticos impedirent, exemptio causa studij nullatenus expediret. Et cerrū est, quod non minus per ipsos in personis Religiosis potest diuinum seruitium & regularis obseruantia multipliciū impediri; ex quo patet, quod sibi ipsi contradicit manifestē. Sed ad illud quod vltius subjungit, detrahendo, & bona in mala conuertendo, & diuisionē inter mendicantes & non mendicantes seminando, quod tales exemptiones magis decent mendicantes, quā non mendicantes, seu diuites: dicendum, quod in illo dicto est multipliciter refellendus. Primo, quia illud dictum, quantum in se est, seminarium est discordiæ inter Religiosos; qui deberent mutuo se fouere. Secundo quia ipse fuit de ordine Mendicantium; & ideo non est sibi credendum in causa sua. Tertio quia ex dicto suo manifestē se constituit de numero peruersorum Pastorum, de quibus dicitur Ezech. 34. *Va Pastoribus Israël, qui pascebant semetipsos. Nonne greges à Pastoribus pascuntur? Lac comedatis, & lanis operiebamini: & quod crassum est, occidebatis; gregem autem meum non pascebatis: quod infirmum fuit, non consolidastis. & quod agrotum, non sanastis; & quod confractum est, non alligastis, &c.* Sequitur. *Sed cum austeritate imperabatis eis, & cum potentia.* Et sequitur ibidem liberatio gregis de manu Pastorum huiusmodi per-

Responsio ad  
6. rationē,

Mala comparatio aduersarij.

Psalm 90.



*Excessus ad uerforum.* Et patuit hoc manifestè per illa, quæ uersarij in ipse, & sui, contra Abbates Cisterc. Ordinis in Cœnobium Loco-regio, quæ est Abbatia Cisterc. Ordinis perperrarunt. Vult enim quod non mendicantes Religiosi suæ jurisdictioni subdantur, & non alij, qui nihil habent in communi; ut ibi capiat

*Responsio ad tria motiua aduersarij.* pinguedinem temporalem, de infirmis & pauperibus non curando. Ad tria sua motiua per ordinem est dicendum; & ideo ad illud de otiositate, dicendum, quod non sunt otiosi; sed sèper occupati, vel in diuino seruitio, vel in lectionibus, vel quandoque in labore manuali, & per Missas quas celebrant, & laudes diuinas, & disciplinas regulares, quibus continè occupantur, succurrunt uiuis & defunctis, & aliquomodo illam futuram gloriam per modum cuiusdam prælibationis representant: nec sunt exclusi à studio; imò omnes certis temporibus insudant sacro studio, licet non inanibus philosophiæ uerbis, quæ quandoque malè intelligentes, & nimis eis inhærentes demergunt cum suis erroribus & sophisticationibus in infernum. Et item habent multos studentes excellentes clericos, & multa excellentia studia; & adhuc possunt habere plura melius per viam exemptionum, quam si exemptionibus carerent; & plures fuerunt excellentes clerici de habentibus in communi, quam de alijs; sicut pater de August. Greg. Hieron. Ambros. Bern. Anselmo, &c. Ad illud, quod additur secundo de prosperitate, &c. Dicendum 1.

*Matth. 19.*

*Act. 5.*

*Habere bona in communi non aduersatur paupertati.*

quod Religiosi habentes in communi, non sunt diuites, quantascumque possessiones habeant; sed sunt veri pauperes, & votum paupertatis emiserunt: nec habere in communi diminuit de perfectione regularis professionis seu paupertatis. Apostoli enim Christi reliquerunt omnia, & secuti sunt Christum, & ob hoc promissionem de sedendo super sedes duodecim, iudicantes duodecim tribus, acceperunt à Christo; & tamen aliqua habuerunt in communi, diuidendo singulis, prout unicuique opus erat; & uenientes ad conversionem ponebant bona, quæ habebant, ad pedes Apostolorum & erant illis omnia communia, ut habetur in actibus Apostolorum. Nec propter hoc erant imperfecti, si non exponebant se fortunæ, & uoluntatibus varijs aliorum, Habere enim aliqua in communi pro sustentatione uitæ, & ad tenendum hospitalitatem, & ad vacandum operibus misericordiæ, sicut potissimè fit in Ord. Cisterc. cuius Ordinis bona, quantum ad usum quem uidemus, non tamen dicenda sunt bona Cisterc. Ordinis, quam totius communitatis, non facit diuitem diuitijs repugnantibus paupertati regulari, imò arguit ueram paupertatem regularem; & uerè illa est felix & beata paupertas, quæ nec mendicare cõpellit, nec diuitibus adulari; imò sine cuius beneficio & influentia non possunt uiuere mendicantes. Et quod allegatur de Ezechie. 16. quod *hæc fuit iniquitas Sodoma superbia, &c.* Dico, quod superbia in ueris Religiosis non Mendicantibus eleuatis in altum non regnat, sed potius in Mendicantibus. Nam secundum Poëtã, *Asperius nihil est humili, cū scandit in altum.* Et quod additur, *abundantia panis*, dico, quod accipitur panis pro abundantia in cibo & potu. Certum est autem de facto, quod Religiosi non Mendicantes in claustris suis asperius & rigidius & parcius uiuunt, ut in pluribus, quam Mendicantes hinc inde discurrentes; & parcius bonis temporalibus utuntur.

Item Religiosi claustrales & etiam alij non Mendicantes de Ord. Cisterc. abstinent ab elu carapium, nisi in loco determinato infirmis & debilitati; & hoc de licentia superiorum, secundum regulam sancti Benedicti, quod non faciunt alij, saltem de Ordine huiusmodi Doctoris. Constat autem, quod prosperitas humana & superabundantia in victu, magis consistit in usu, quam in possessionibus tenendis propter bonum commune, cum paritate victus. Talia enim sunt propter usum; & ita illi qui talibus utuntur pinguius, diutius quoad talia dici debent. Vnde etiam Religiosus Mendicans plus habet de prosperitate humana, & de solatio, discurrendo, loquendo, aërem hauriendo, & de alijs pro libito uoluntatis, quam Monachus claustralis. Si dicatur, quod Abbates & Officiales laurè uiuunt, & habent tractare possessiones, Respondendum est multo fortius pro ipsis, quam ipse respondeat pro Prelatis, quod mores diuitum peiores sunt, quam potentum; & specialiter, quod isti laborant pro communitate pascenda & defendenda. Vnde nec isti nec illi, scilicet Officiales & Claustrales sunt otiosi, nec habent panem ad superabundantiam, sed ad sufficientiam & moderantiam, sine superabundantia & defectu. Quod tertio arguit de securitate victus, magis est ad oppositum, quam ad propositum; quia ex huiusmodi securitate non cõpelluntur per diuersa loca discurrere, & inhonesta mendacia diuitibus adulari; nec habere proprium, contra votum paupertatis, & salutem animarum: magis etiam quietè vacare possunt diuinis. Econtrario autem est de Mendicantibus. Vnde propter defectum securitatis victus, ne penuriam & inopiam patiantur, frequenter habere proprium aliqui non formidant. Item prosperitas quoad bona temporalia non est per se causa mali; imò quoad bene utentes, talia bona sunt instrumeta & organa ad felicitatem, ut habetur 1.<sup>o</sup> & 10. Ethicorum. Superabundantia autem quæ felicitatem impedit, locum non habet in Religiosis, qui illa non habent in proprio, licet in communi; & eisdem parè utentes quoad seipsos, ipsa liberaliter & misericorditer distribuunt secundum exigentiam personarum. Securitas etiam victus perfectionem spirituales non impedit. Aliter enim sapiens Salomon mendicantem & superabundantiam diuitiarum respuens, victui suo necessaria nulla petiisset. Ex quibus patet, quod illud Ps. *Cadent à latere tuo*, &c. Religiosos non Mendicantes non tangit; quia mendicantem & superabundantiam diuitiarum tamquam extrema periculosa fugiunt, victui necessaria pro se & alijs tamquam medium duarum malitiarum, quantum ad sufficientiam, iuxta Salomonis consiliu retinentes. Virtus est medium duarum malitiarum, cum sit *habitus electivus in mediocritate consistens, determinata ratione, prout uir sapiens determinabit*, ut habetur 2. Ethic. Præterea temporales diuitiæ superabundantes non solum sunt causa vel occasio deuiandi à rectitudine uirtutis, sed etiam ipsa mendicitas & inopia temporalium & necessariorum ad uitam facit mendicantes, quantum in se est, frequentius denarios dicente sapiente Eccli. 27. *Propter inopiam multi deliquerunt.* Et Prouerbiorum 30. Salomon mendicantem & diuitias superabundantes respuens, subdit causam dicens, *ne egestate compulsum fuer, & periret nomen Dei mei.* Et Glossa su-

*Parcius uiuunt non mendicantes, quam mendicantes.*

*Prouer. 30.*

*Psalm 90.*

*Prouer. 30.*

In omni sta-  
tu est occa-  
sio deuiandi

per illud 1. ad Thessalio. 5. *Rogamus vos fra-  
tres, ut noueritis eos, qui laborant inter vos.*  
Dicit ergo. Sicut diuitiæ negligentiam salutis  
pariunt, ita egestas, dum saturari querit, à ius-  
titia declinat. Ex quibus liquide patet, quod  
ex mendicitate & egestate possunt periuria, men-  
dacia, adulationes, furta, euagationes per mun-  
dum, deceptiones multorum, & alia multa ma-  
la prouenire: licet veri Religiosi mendicantes  
omnia relinquentes propter Christum, sciant &  
velint sibi à talibus precauere. Sed hoc dico pro  
tanto, quia non est status in mundo, quantum-  
cumque ad perfectionem spirituales fuerit or-  
dinatus, quin etiam in ipso, in quantum ad ma-  
le vtentes, possit inueniri, & fortè de facto in-  
ueniatur, occasio deuiandi. Ex quibus omnibus  
epilogando concludo, quod licet expediat da-  
ri exemptiones mendicantibus; magis tamen nõ  
mendicantibus decet & expedit eas dari. Et pri-  
mo ad obuiandum cupiditati Prælatorum, quæ  
magis haberet materiã, circa quã ageret, in nõ  
mendicantibus. Et hæc forte est causa, quare ali-  
qui Prælati exemptiones impugnant: & hæc  
etiam fuit causa econtrario, quare Prælati super  
religiosos exemptos iurisdictionem ordinariam  
amiserunt; iuxta illud Ezech. 34. Vbi loquens Do-  
minus per Ezechiel de malis pastoribus, dicit.  
*Pro eo quod facti sunt greges mei in rapinam, & o-  
ves mee in deuoracionem omnium bestiarum agri;  
eo quod non essis pastor: (neque enim quaesierunt pa-  
stores gregem meum, sed pascebant pastores semetip-  
sos, & greges meos non pascebant:) propterea pasto-  
res audite verbum Domini. Hæc dicit Dominus  
Deus. Ecco ego ipse super pastores, requiram gregem  
meum de manu eorum, & cessare faciam eos ut ul-  
trà non pascant gregem meum, nec pascant amplius  
pastores semetipsos: & liberabo gregem meum de  
ore eorum, & non erit ultra eis in escam; sicut cir-  
ca principium huius operis fuit dictum: & hæc  
etiam fuit vna causa, quæ ad exemplum domi-  
ni mouit summos Pontifices, Christi vicarios  
& imitatores, ad exemptiones concedendum.  
Fuit etiam alia causa, non solum ratione studij,  
vt iste doctor supponit, sed vt liberiùs diuino  
seruitio insisterent & vacarent: vt patet per be-  
atum Gregorium in capitulo præallegato 18. q.  
2. c. *Luminoso.* Vnde cum religiosi non mendi-  
cantes magis continuè insistant diuino seruitio,  
& diuinis laudibus decantandis, quàm alij, ma-  
gis debent exemptionibus gaudere, & eis sunt  
rationabilius concedendæ. Non etiã carent stu-  
dio, vt dictum est supra. Et ad hoc, quod ampliùs  
vacarent studio, posset per aliam viam, quàm  
per reuocationem exemptionum melius & effi-  
caciter prouideri; cum ipsemet supponat ex di-  
ctis suis, per Episcopos studium impediri. Istam  
autem solutionem diutius pertractaui; quia iste  
Doctor cautelosè contra Religiosos non mendi-  
cantes, magis ex animo detrahendi, quàm ex  
zelo veritatè dicendi, procedere videbatur: nec  
fortè excepit mendicantes ab alijs amore ipso-  
rum, licet fuerit de ordine eorundem; sed at-  
tendens quod virtus vnita fortior est seipsa dis-  
persa, vt dicit author de causis, vt & religiosi de-  
bilis se defendat; voluit, quantum ad exèptiones,  
mendicantes à non mendicantibus separare: in-  
ter istos & illos cautelosè, quantum in se est, di-  
uisionem & discordiam seminando. Sed sicut dicitur  
Prou. 1. *Frustra iacitur rete ante oculos pennatorum.**

Septima ratio probare nititur, quod exemp-

ratio repugnat ordini vniuersi, & hoc probat ex  
duobus. Primo quia sicut dicebatur in secundo  
capitulo, Deus non vult destituere res proprijs  
operationibus; nec agere omnia immediate, nisi  
mediantibus causis medijs, licet nõ ex indigentia  
hoc faciat, sed ex decencia, volens eas non esse  
otiosas sed per hoc seruare ordinem vniuersi.  
Et ad hoc allegant Commètatorem super nonũ  
Metaphisicæ. Ergo multo fortius summus Pon-  
tifex non debet immediatè agere opera Præla-  
torum sine Prælatis medijs; & hoc non solum  
ex decencia, sicut Deus, sed etiam ex indigentia:  
quia cum sit homo, non potest omnia agere sine  
adiutoribus medijs. Sed eximendo Religiosos à  
iurisdictione Prælatorum, facit opera Prælatorum  
sine medio, & per cõsequens Prælatos facit nõ Præ-  
latos, quoad exèptos: quia tollit à rebus proprias  
operationes, tollit etiã proprias existentias. Ex  
quo sequitur quod exemptio repugnat ordini  
vniuersi. Secundo probat hoc, quia vniuersum  
habet tres partes principales, scilicet corpora infe-  
riora, vt elementa, quæ reguntur per superiora;  
item substantias separatas spirituales regentes  
omnia corpora: Deus autè sic regit vniuersum,  
quod reducit inferiora corpora, vt elementa, in  
superiores substantias, idest in spiritus, per cor-  
pora cœlestia, & per illas in seipsum. Ergo eod-  
em modo summus Pontifex debet personas in-  
feriores reducere in seipsum per Prælatos medi-  
os. Decet ergo, quod influenza summi Pontifi-  
cis pertingat ad omnes; non tamen immediatè,  
sed mediantibus Prælatis medijs, sicut influenza  
corporum cœlestium pertingit ad elementa in-  
feriora, mediantibus superioribus elementis: &  
sicut in operibus inuenitur talis ratio, ita in spi-  
ritibus; & adhuc allegat Aug. 3. de Trinit. c. 4.  
Et quia per exemptionem iste ordinatissimus or-  
do interciditur & interrumpitur, patet quod  
exemptio repugnat ordini vniuersi; quare tol-  
lenda est. Ad istam septimam rationem, quantum  
ad primum motivum, est dicendum, sicut dictum  
fuit ad rationem primam & secundam: quia nul-  
la noua ibi tangitur difficultas: quia summus  
Pontifex nõ priuat totaliter Prælatos suis acti-  
onibus: quia adhuc eis multi subditi relinquun-  
tur. Item, quia aliquam mediationem habent  
respectu Cisterciensium, vt dictum est. Item, quia  
non est simile de agentibus medijs naturalibus  
respectu Dei, & Prælatis medijs respectu Papæ,  
quantum ad regimen subditorum; quia agentia  
naturalia habent naturas & essentias proportio-  
natas proprijs actionibus suis, ad quas ex vi na-  
turæ propriæ naturaliter & vniiformiter incli-  
nantur: & ideo fines intentos secundum diui-  
nam ordinationem, vt in pluribus, assequuntur.  
Sed Prælati medij plerumque carent scientia &  
virtutibus, quibus mediantibus deberent qui-  
busdam actionibus hierarchicis subditos per-  
ficere, illuminare, & informare. Frequenter etiã  
carent legitimo ingressu, & conuertibilitate vo-  
luntatis querunt finem contrariũ fini intento à  
summo Pontifice, & à Christo, cuius vicarium  
gerit, magis quærentes quæ sua sunt, quàm quæ  
Christi Iesu; bona temporalia spiritualibus præ-  
ferentes, plus de præda temporali, quàm de sa-  
lute animarum, curantes: vnde non est mirum,  
si quantum ad Religiosos exemptos, qui in bonis  
spiritualibus vigent, eorum iurdictio subtra-  
hatur. Quod etiam additur, quod Papa cum sit  
homo, indiget medijs adiutoribus, dicendum,

Resp. ad 7.  
Rationem.

Responsio  
ad 2. moti-  
vum.

ut prius; quod sibi quoad hæc de competentio-  
ribus medijs prouidit; qui magis sollicitè volunt  
& sciunt regere subditos, quantum ad obserua-  
tias regulares. Ad secundum motivum, cum di-  
citur, quod Deus sic regit vniuersum, quod  
reducit inferiora corpora in spiritus per corpora  
cœlestia media; dicendum, quod Papa Religio-  
sos reducit in seipsum per Superiores medios  
eiusdem Ordinis, qui sunt viri cœlestes per san-  
ctam conuersionem. Prælati etiam medijs, quã-  
tum ad illa quæ sunt fidei, bene habent rationem  
medijs, cum quantum ad illa quæ sunt fidei, ex-  
emptio nullatenus concedatur. Et quod vltèrius  
dicitur, quod influentia summi Pontificis non  
debet pertingere ad inferiores immediatè, nisi  
mediantibus prælatis medijs; sicut nec influentia  
cœli in elementa seu corpora inferiora, nisi  
mediantibus superioribus elementis, dicendum  
quod istud argumentum à simili procedit ex falsa  
imaginatione. Non enim est imaginandum, quod  
Papa in personas Ecclesiasticas ad modum cœli  
præcisè habeat influentiam generalem: habent  
enim magnam diuersitatem istæ influentiæ ge-  
nerales. Nam cœlus sic generaliter influit, quod  
ad hoc quod producat determinatum effectum,  
oportet quod eius influentia determinetur per  
agens 2. cum sit agens æquinoctiu alterius ratio-  
nis. Vnde producit oliuam mediante semine o-  
liuæ, & equum mediante semine equi, & homi-  
nem mediante semine hominis. Vnde secundo  
Physic. homo generat hominem, & sol. Sic ergo  
cœlum est causa generalis & mediata respectu  
inferiorum effectuum; quod non potest esse  
immediata, nec propria & determinata. Sed se-  
cus est de generalitate influentiæ potestatis &  
iurisdictionis summi Pontificis. Sic enim est ge-  
neralis eius influentia & potestas, quod tamen  
est immediata & propria; cum sit immediatus  
ordinarius cuiuslibet Christiani; & habeat in  
actione & virtute magis vniueksam rationem,  
quàm cœlum respectu agentium inferiorum:  
sed alios instituit Episcopos, eos vocando in  
partem sollicitudinis. Potestatem enim sibi datam  
à Deo non sic alij potest dare, quin retineat eam  
sibi. Cum enim sit ordinarius in omnibus, Diœ-  
ceses ipsas pro se non contra se limitauit, sed ne  
esset confusio in regimine subditorum. Quod  
enim Papa sit ordinarius in qualibet Diœc. re-  
spectu cuiuslibet Christiani, patet per Nicolaum  
Papam scribentem Michaëli Imperatori, dicentem:  
*Per principalem igitur beatorum Petri & Pauli  
potestatem ius habemus in quolibet clericis & mo-  
nachos cuiuscumque Diœces. ut habetur 9. q. 3.  
Cuncta per mundum nominat Ecclesia, quod sacro-  
sancta Romana Ecclesia semper de omnibus habet iudi-  
candi.* Ita autem immediata iurisdicção per ex-  
ptos filios potissimè declaratur. Et timendum,  
ne iste prælatus per rationes sumptas ex natura-  
libus rebus & exemplis exemptiones impugnans,  
volens per naturalia & inania philosophiæ ver-  
ba potestatem summi Pontificis limitare, per co-  
sequens istam iurisdictionem immediatam summi  
Pontificis extinguere, vel saltem diminuerè, mo-  
liatur. Ex prædictis patet solutio ad singula, quæ  
in dicta ratione tangebantur.

Influentia  
cœli & Pon-  
tificis non  
sunt similes.

Octava ra-  
tio aduer-  
sarij.

Octava ratio probare nititur, quod exemptio  
contradicit ijs, quæ videmus in istis corporibus  
inferioribus, prout in ipsis repertiuntur diuersi  
gradus in nobilitate naturæ. Nam volens æqui-  
parare inanimata animatis, & animata vitæ vo-

getatiua animatis vita sensitiua præcisè, sicut  
conchæ; & hæc animatis vita sensitiua & secun-  
dum locum motiua; & ista animatis vita intel-  
lectiua; facit contra naturam & ordinem huius-  
modi corporum, & tollit gradus in entibus:  
ita volens æquiparare inferiores personas Præ-  
latis, ut scilicet immediatè sint subditi summo  
Pontifici per exemptionem, facit contra naturam  
subjectionis & prælationis, & contra ordinem  
Ecclesiæ: & quod grauius est, exemptio facit eos  
super Prælatos: quia Prælati Episcopi in Archie-  
piscopos, Archiepiscopi in Primates, & Prima-  
tes in Patriarchas, & Patriarchæ in summum Pon-  
tificem reducuntur. Sicut tamen terra non solū  
conjungitur cœlis, sed etiam super cœlos eleua-  
tur, licet sit infimum elementum, inquantum cor-  
pus Christi ex 4. elementis cõpositum est super  
omnes cœlos; & non solum terra, sed etiam alia  
elementa, inquantum virtute continentur in cor-  
pore humano: & hoc etiam erit suo modo in  
alijs corporib' gloriosis: & hoc pro euidenti vir-  
tute vniuersalis Ecclesiæ, & pro eminenti ex-  
cellentia gloriæ electorum: sic pro euidenti vir-  
tute Ecclesiæ, & pro defensione fidei, quam  
maximè defendunt studiosi & sapientes, possunt  
infimæ personæ exemptione gaudere, & imme-  
diatè collocari sub summo cœlo, & summo Pont.

Ad istam rationem breuiter dici potest, quod  
licet Religiosi sint inferiores, quantum ad statum, sunt tamen aliqui & fortè multi, vel esse possunt, superiores & perfectiores quantum ad meritum.

potissimè cum Prælationes his diebus minimè  
vel rarò distribuuntur secundum merita perso-  
narum. Et cum dicitur vltèrius, quod per exem-  
ptiones inferiores personæ æquiparantur Præ-  
latis, & aliquomodo eis præferuntur, dicendum quod  
non est verum. Esse enim immediatè sub iuri-  
dictione summi Pontificis, non facit subditum  
æquiparare Prælato Episcopo; sicut esse imme-  
diatè sub dominio & iurisdictione Regis, cuius-  
modi sūt multi pauperes homines & populares,  
non est esse æqualem, vel æquiparatum, Comi-  
tibus, Ducibus, Paribus, & alijs Baronib'. Vnde  
& Romani sunt immediati Parochiani summi  
Pontificis, cum sit propriè Romanus Pontifex:  
nec propter hoc sunt æquales Cardinalibus, vel  
alijs Prælatibus Ecclesiæ. Vnde est ibi fallacia con-  
sequentiæ à superiori ad inferius affirmando; &  
à pluribus causis veritatis ad vnam; & secundum  
quid ad simpliciter. Licet enim esse immediatè  
sub iurisdictione summi Pontificis per exclusio-  
nem iurisdictione aliorum Prælatorum, dicat  
aliquam dignitatem libertatis & nobilitatis: nõ  
tamen dicit aliquam dignitatē per se loquēdo,  
quantum ad gradum superioris, quem de ipso  
habeant dicti subditi in Ecclesiastico principatu,  
per quem præferantur Episcopis vel equen-  
ter; sicut exemplificatum est in regali principatu.  
Et cum dicitur vltèrius, quod sunt superiores;  
dicendum, quod non sequitur, ut patet ex dictis;  
& item reducuntur per Prælatos Ordinis sui rati-  
onem per competentiora media, ut est per habi-  
ta manifestum. Vnde non obstante immediata  
iurisdictione summi Pontificis super huiusmodi  
Religiosos exemptos & privilegiatos, adhuc re-  
manet Episcopis prærogatiua multiplicis digni-  
tatis; sicut in factis Ordinibus conferendis, Ab-  
batibus benedicendis, Episcopis cõsecrandis, qui-  
bus prærogatiuis carent Religiosi subditi, & in-  
feriores Prælati. Dicendum ergo per interm-

Responsio ad  
Octavam  
rationem.

Fallaciam  
admissit hic  
aduersarius

prionē minoris, quod scilicet per hoc non equi-  
parantur Prælati; & ad probationem ejus patet  
ex dictis, quod peccat per fallaciā cōsequentis.  
Et quod ulterius dicitur, quod viri sapientes &  
studiosi hujusmodi exemptionibus & libertati-  
bus gaudere debent, concedo; & dico ulterius,  
quod similiter eisdem gaudere debent viri cō-  
lestes, contemplativi, diuino seruitio totaliter  
dediti: inter quos etiam multi sapientes & stu-  
diosi: sicut rei euentia in pluribus Ordinibus  
manifestat.

*Non ratio  
aduersarij.*

Nona ratio nititur ostendere, quod exemptio  
repugnat ijs, quæ videmus in homine; & specia-  
liter formationi hominis in vtero. Et formatur  
ratio sic ex dictis suis: quia illum ordinē debet  
tenere summus Pontifex in formatione & regi-  
mine Ecclesiæ, quem videt teneri in formatione  
fœtus siue hominis in vtero. Sed in formatione  
hominis in vtero non fit transitus ab inferiori  
ad superius sine medio; sicut à vegetatiuo in in-  
tellectiuo sine sensitiuo medio. Ergo eodem-  
modo summus Pontifex vicarius Dei, videns or-  
dinem, quem voluit tenere Deus in formatione  
sui & aliorum, secundum regulam communem,  
debet illum ordinem tenere in regimine Eccle-  
siæ; vt scilicet inferiores, qui per gradum vege-  
tatiuum designantur, reducantur in seipsum, mediā-  
tibus medijs per sensitivum medium designatis.  
Ergo, &c. Major patet, quia formatio corporis  
humani designat formationem Ecclesiæ, quæ est  
ex pluribus hominibus, sicut ex pluribus mem-  
bris mysticis instituta. Minor patet per philoso-  
phum in libro de animalibus: quia embryo siue  
fœtus humanus, prius viuit vita plantæ, per hoc  
quod nutritur primò & augetur, sed non sentit si  
pungatur; quia nondum habet neruos, qui sunt  
organum tactus. Postea cum fit caro, & forma-  
tur, & apparent nervi, sentit & viuit vita anima-  
lis: & postmodum membris figuratis & linea-  
tis, & aliquantulum consolidatis, infunditur anima  
rationalis, quæ est forma specifica hominis. De  
alijs autem, quæ pertinent ad formationem ho-  
minis, de quibus facit magnam digressionem,  
quia non sunt ad propositum, supersedeo causa  
breuitatis. Ab isto autem modo communi for-  
mationis hominis in vtero excipiuntur à Deo pau-  
ci, scilicet Adam, qui fuit formatus de terra sine  
viro præcedente, & Eva de costa sine fœmina,  
& Christus de fœmina sine viro, virtute Sancti  
Spiritus appropriatè: & isti tres modi sunt pos-  
sibiles soli Deo: alij autem formantur per com-  
munem generationem maris & fœminæ modo  
dicto: sic etiam summus Pontifex paucos potest  
eximere, propter causas prædictas; non tamen  
ita communiter, sed debet modum communem  
prædictum, vt in pluribus, obseruare.

*Responsio ad  
nonam ra-  
tionem.*

Ad istam rationem est dicendum, quod quid-  
quid sit de vnitatem formæ, vel pluralitate for-  
marum in homine, nullus tamen sanè sentiens  
ponit in homine plures animas: imò est articulus  
Parisijs condemnatus. Quod ergo dicitur in  
formatione hominis, de vegetatiuo, sensitiuo, &  
intellectiuo, quod scilicet prius viuit embryo  
vita vegetatiua, &c. duobus modis potest intel-  
ligi. Vno modo secundum apparentiam opera-  
tionum, non secundum diuersitatem, vel quali-  
tatem animarum seu formarum, ita quod licet  
sit vnica forma, scilicet anima intellectiua, qua  
primò viuimus, sentimus, & intelligimus, prius  
tamen apparèt opera vegetationis, quam sensus

vel intellectus, vna tamen anima existente. Et  
si anima intellectiua in gradu Ecclesiæ summum  
Pontificem repræsentaret, sequeretur secundū  
istam viam, quod solus in Ecclesiâ iurisdictionē  
haberet, & quod nulla iurisdictio Episcopis de-  
beretur. Sed potest intelligi secundum diuersi-  
tatem animarum, & hoc dupliciter. Vno modo  
quod vna, scilicet vegetatiua, remaneat veniēte  
sensitiua, & sensitiua adueniente intellectiua. Et  
hoc est impossibile, & publicè condemnatum  
Parisijs: & specialiter, quia sequeretur, quod  
anima intellectiua non est actus prim⁹ corporis  
physici organici potentia vitam habentis, quod  
est contra philosophum. 2. de anima: & per cō-  
sequēs etiam sequeretur, quod non esset forma  
substantialis, sed vel accidentalis, vel quod solū  
vniueretur corpori, sicut motor mobili, quod est  
falsum, & hæreticum. Quare, &c. Vel potest  
intelligi ista diuersitas formarum siue animarū,  
ita videlicet, quod adueniente sensitiuo tāquam  
forma perfectiori corrumpitur vegetatiuum, &  
adueniente intellectiuo corrumpitur sensitivum,  
quod intellectiuum cōtinet omnes gradus præ-  
cedentes, sicut pentagonum, tetragonū, & tri-  
gonum, vt habetur 2. de anima; & sic ille pro-  
cessus posset habere veritatē. Sed tūc, vt apparet  
manifestè, ille ordo graduum vel animarum lo-  
cum nō habet, nisi secundū quod illa formatio  
hominis est in fieri, & non in facto esse: quia ad  
infusionē animæ rationalis omnes alie corrū-  
puntur; & in generato esse hominis remanet tan-  
tum anima intellectiua; quæ immediatè in-  
format corpus siue materiam primā, quæ tenet  
infimum gradum in ordine omnium entium,  
& per consequens sequitur, secundū viam huius  
doctoris, & suam similitudinē, in ijs quæ vide-  
mus in homine, quod saltē in facto esse formare  
Ecclesiæ omnes sint immediatè sub iurisdictione  
summi Pontificis, quod quidem verum est, &  
contra ipsum. Sequitur etiam, quod ad eius iurisdictionem  
cesset & deficiat omnis iurisdictio  
mediatorum Prælatorum, quod tamen falsum  
est, & manifestè cōtra ipsum. Vnde patet, quod  
suum simile sibi ipsi contradicit. Quia tamen de  
ordine & perfectione graduum, tam in formis  
quam in personis Ecclesiasticis fit mentio in ar-  
gumento prædicto, ad eius solutionem plenio-  
rem, & ad declarationem propositi, est intelli-  
gendum, quod triplicem præminentiam per-  
fectionis graduum, in personis Ecclesiæ reperi-  
mus. Vnam quidem secundum gradum habitua-  
lis & gratuitæ perfectionis; & loquendo de ista  
præminentia, licet ad statū Prælationis requi-  
ratur, qui est status exercendæ perfectionis; ta-  
men quantum ad factū, possunt esse aliqui reli-  
giosi, & seculares subditi, quantum ad habitualē  
acquisitam, & quantum ad perfectionem gra-  
tuitā & infusam, &c. excellentiores, quàm Præ-  
lati, etiam quantumcūque sit Prælatus summus;  
imò multi Prælati ab ista perfectione deficiunt;  
sicut, (vnde dolendum est,) rei euentia ma-  
nifestat: & sic patet, quod gradus huius perfe-  
ctionis non sic se habet secundum præminen-  
tiam respectu subditorum, & Prælatorum, etiā  
respectu summi Prælati, sicut se habet respectu  
naturalium ad inuicem ordinatorum: imò fre-  
quenter talis gradus inuenitur maior & perfe-  
ctor in subditis quam in Prælati, cuius semper  
cōtrariū in formis naturalibus reperitur. Secūdo  
in personis Ecclesiasticis inuenitur præminentia  
perfe-

*Articulus  
Parisijs dē-  
natus.*

*Triplex præ-  
minentia  
hic potest  
spectari.*

*Ordines sa-  
cri & non  
sacri.*

*Ordinatus  
per saltum  
non est reor-  
dinandus.*

perfectiōnis graduū, quantū ad sacramentū Or-  
dinis, sicut inter ordines inferiores & superio-  
res, inter ordines sacros & non sacros, sicut in-  
ter subdiaconatum & diaconatum, & inter dia-  
conatum & Presbyteratum : & sic semper in ta-  
libus promotus ad ordinem superiorem, quantū  
ad gradum ordinis, perfectior est quā ordinat-  
us ad ordinem inferiorē. In talibus etiam bene  
verum est, quod secundum ordinationem Eccle-  
siaz, non debet aliquis ordinari per saltum; sed  
ordinate, gradatim ascendendo, secundū quod  
huiusmodi ordines gradatim se habent in ordi-  
ne ad consecrationē corporis Christi: & in hoc  
est simile cum ordine graduū in formis. Tamen  
in hoc est dissimile, quia si de facto aliquis per  
saltum ordinatus esset, & verum characterem  
illius ordinis reciperet, nec esset reordinandus,  
secundum illum ordinem; licet ordinatus esset  
ob ordinem intermissum de transgressione pu-  
niendus. Est etiam in alio dissimile; quia adue-  
niente ordine superiore, non cedit inferior,  
sed stat cum illo; cuius contrarium est in formis,  
saltem quantū ad illas, quæ sunt principii vitæ.  
Loquendo etiam de gradibus ordinis, secundū  
quod ordo est sacramentum verum, sic bene est,  
quod saltem quantum ad ordines sacros subditi  
per Prælatos in summū Pontificem reducuntur,  
& hoc vel p. proprios diœcesanos, sicut non ex-  
cepti & Cist. privilegiati, nisi eis indebitē denege-  
tur; vel per alios Episcopos non diœcesanos, &  
hoc vel de licentia diœcesanorum, vel quia diœ-  
cesani indebitē denegant, sicut Cister. vel sine  
licentia, sicut in exemptis, qui diœcesanos quan-  
doque in suscipiendis ordinibus refugiunt; &  
hoc vel propter libertates suarum exemptionū  
conseruandas, vel quia Prælati diœces. in tali-  
bus ordinibus conferendis exigunt ab eis aliqua,  
quæ redolere videntur simoniacam prauitatem.  
Nec tamen per hoc excluditur, quin Papa ha-  
beat immediatē potestatem quemlibet ordinem  
conferendi: sed quia non potest ubique præ-  
sentialiter interesse, indiget talibus Episcopis  
medijs, quibus potestas conferendi ordines re-  
seruatur. Tertio in personis Ecclesiasticis repe-  
rimus præminentiam graduū, quantū ad præ-  
minentiam iurisdictionis; & sic summus Pon-  
tifex obinet suum gradum, & dicitur habere  
quoad hoc plenitudinem potestatis; & habent  
super omnes alios ordinare de rebus Ecclesiaz,  
diœceses diuidere & limitare; & oportet ipsum  
recognoscere immediatum curatum & ordina-  
rium cuiuslibet Christiani: & sic aliquos siue re-  
ligiosos siue seculares, quap̄m ad iurisdic-  
tionē eximi à iurisdictione Prælatorū, & immedi-  
atē sub iurisdictione summi Pontifici esse, nullū  
est inconueniens; nec ordini graduum in formis  
repugnat: ut est per habita manifestum: nec o-  
portet, quod quantum ad iurisdictionem om-  
nes subditi in summum Pont. per Episcopos re-  
ducantur. Et sic patet per prædicta, quod ista  
ratio contra exemptos vel privilegiatos nihil  
concludit.

*Ratio 10.  
adversarij.*

Decima ratio probare nititur, quod exemp-  
tio est contra naturam: per ea quæ videmus in  
anima humana, saltem in homine, quantum ad  
consecutionem salutis; nam cum anima humana  
sit creata in horizonte æternitatis, ut dicitur in  
libro de causis, & per consequens teneat gra-  
dum medium inter corporalia & spiritualia, si-  
cut horizon qui est circuli imaginatus termina-

tor visus, tenet gradum mediū inter hemisphæ-  
rium superius & hemisphæriū inferius, sequitur  
q̄ oēs substantiæ spirituales sint supra animā in-  
tellectiuā & per consequens mediatæ inter ipsum  
& Deum: ex quo sequitur, quod reducitur per  
ipsas sicut per medium in ipsum Deum. Angeli  
autem sunt huius substantiæ, propter q̄ homines  
quantum ad consecutionem salutis, in Deum per  
Angelo reducuntur. Vnde Angeli sunt homini-  
bus ad custodiam deputati, secundum Grego-  
rium. Sed sicut Angeli sunt medium inter Deū  
& homines, sic Prælati Episcopi sunt medium  
inter alios homines & summum Pont. in ijs quæ  
sunt ad Deum, juxta illud ad Hebr. 5. Omnis  
Pont. ex hominibus assumptus pro hominibus  
constituitur in ijs quæ sunt ad Deum. Ergo  
sequitur, quod eximere homines à custodia Præ-  
latorum, est eximere ipsos à custodia Angelor-  
um. Cum enim homo compositus sit ex anima  
& corpore, oportet quod habeat duo genera  
custodum, spirituales vt Angelos, corporales  
vt homines. Prælati autem dicuntur Angeli, quia  
tam Angeli quam Prælati Episcopi per eandem  
rem corporalē, sicut per stellam vel stellas, de-  
signantur, juxta illud Apocal. 1. Septem stellæ  
Ang. sunt septem Ecclesiarum. Et ibidem dicit  
Glossa, quod stellæ sunt Episcopi, qui debent  
alijs lucere verbo & exemplo. Quia ergo tam  
Angeli quā Episcopi signantur per stellas, & quæ  
vni & eidem sunt eadem, inter se sunt eadem,  
sequitur quod Episcopi conuenienter Angeli  
possint dici. Sicut ergo multum subtraheretur  
bono Ecclesiaz ad salutem electorum, si Angeli  
spiritus remouerentur à custodia hominum: sic  
multum subtrahitur bono Ecclesiaz ad salutem  
electorum, si Angeli homines, id est Episcopi,  
subtrahantur custodia hominū aliorum. Et quia  
hoc facit exemptio, ideo non solum non est fa-  
cienda, sed facta remouenda.

*Apocal. 1.*

Ad istam rationem est dicendum, quod mul-  
tipliciter deficit. Primo, quia ad hoc non est data  
exemptio, vt subtraherentur homines à custodia  
Prælatorum: sed quia Prælati Episcopi in mul-  
tis non custodiebant religiosos subditos, sed ip-  
sos multipliciter impediabant à diuino seruitio,  
& ab obseruantia regulari, rapiendo bona ipsorū,  
pascendo semetipsos, & nō diuersos religiosos; &  
per consequens facientes opera contraria ope-  
ribus Angelorum. Ideo data fuit exemptio ad  
impedimenta huiusmodi remouenda; & pro-  
uidendum fuit per sedem Apostolicam, à qua si-  
cut à fonte influente & conseruante omnis, vera  
religio trahit ortum, de alijs ejusdem religio-  
nis, qui Angelorum opera verius sectarentur,  
verbo & exemplo lucendo, cuiusmodi sunt Ab-  
bates & Piores qui per scientiam legis diuinæ,  
& verbum sanctæ prædicationis per Angelos  
congruē designantur. *Labia enim sacerdotis custo-  
diunt scientiā, & legem ex ore ejus requirunt: quia  
Angelus Domini exercituum est.* Malac. 2. Vnde  
non solum Episcopi, verum etiam alij inferiores  
Prælati, & generaliter sacerdotes sacra docētes,  
& legem diuinam scientes, longē plusquā multi  
Episcopi, per Angelos congruē designantur: &  
specialiter cum per castitatis & voluntariæ pau-  
pertatis obseruantiam se à carnis illecebris, &  
ab inordinato amore temporalium elongantes,  
& vitam angelicā & cœlestē ducant, potius quā  
humanam. Ex quo patet, quod non sequitur,  
quod si religiosi subditi eximantur à custodia

*Respons. ad  
prædictam  
rationem.*

*Malac. 2.*

Na



vel iurisdictione Episcoporum, quod propter hoc eximatur à custodia angelorum hominum. Imò est ibi fallacia consequentis à destructione antecedentis: quia non sequitur, non est homo, ergo non est animal: quia non solum homo est animal: ita non sequitur, non sunt sub custodia Episcoporum, ergo non sunt sub custodia Angelorum: quia ut patet ex dictis, non solum Episcopi, sed etiam alij Prælati scientes legem Dei per Angelos congruè designantur. Item etiam in alio deficit: quia nullus quantum ad ea quæ sunt fidei, eximitur à custodia Prælatorum. Item videtur iste, quò illi sint Angeli, qui còtinuè in curijs Regum sunt, qui numquam subditis verbù Dei proponunt, nec proponere faciunt; absentes procuraciones pecuniarias capiunt, & præsentes omnia rapiunt, inhonestè etiam vivunt: multa alia possent dici; sed causa breuitatis dimitto.

*Ratio 12. ad-  
versarij.*

*Ratio 12.*

Vndecimum & duodecimum capitulum probantur exemptione esse malam, ex comparatione Ecclesiæ ad arcam Noè, quæ Ecclesiam figurabat. Nam secundum Aug. 5 de Civit. c. 26. arca illa Noè figurabat Ecclesiam tribus modis, primo ratione peregrinationis, secundo ratione suæ proportionis, tertio ratione distinctionis. Et item addit quartum modum, sc. ratione suæ consummationis. Et ex his quatuor modis accipit quatuor rationes, probantes quod exemptio his quatuor modis repugnat. Primæ duæ rationes tanguntur vndecimo capite, & aliæ duæ duodecimo. Prima ergo ratio probat, quod exemptio repugnat formæ & dispositioni arcæ, in quantum figurabat Ecclesiam ratione peregrinationis; quia sicut arca illa de ligno facta saluabat Noè, & omnes qui cum ipso erant, à procellis diluvij, sic Ecclesia virtute ligni crucis in quo pependit Christus, saluat illos qui in ea sunt, à procellis maris huius mundi: sed illa arca non saluabat habitantes in ea, nisi quia erat debito modo formata & ordinata, prout Deus mādavit & ordinavit. Navis enim non saluat à procellis, nisi sit debito modo formata & ordinata. Ergo eodem modo Ecclesia saluare non potest existentes in ea, nisi sit ordinata secundum ordinem à Deo datum & propositum. Sed secundum Apostolum, Deus sic formavit Ecclesiam suam, quod primo posuit Apostolos gubernatores Ecclesiæ, per quos Episcopi designantur, qui debent gubernare Ecclesias sibi commissas, & omnes personas in suis diocesis existentis. Quod probatur ex hoc, quia naturale est, ut frequenter dictum est, quod reducuntur infima & inferiora per media in suprema, primum autem & supremum officium in Ecclesia est gubernatio Ecclesiæ, quod officium exercebant Apostoli, quibus succedunt Episcopi. Ergo per hostiam quam per summos omnes alij debent reduci ad Deum. Inter Apostolos erat vnus supremus, sc. Petrus; cui succedit summus Pontifex, Christi vicarius, & Petri successor. Alij autem Episcopi gerunt vices aliorum Apostolorum, ut fuerunt sparsi per mundum, & cuilibet aliqua pars mundi collata est ad convertendum. Cardinales, autem qui sunt collaterales Papæ, designantur per Apostolos, ut erant cum Christo, & ei assistebant. Vnde & summus Pontifex utrosque, sc. Episcopos & Cardinales, non irrationabiliter vocat fratres. Exemptio autem huius ordinationi Ecclesiæ contradicit, quæ tollenda est. Secunda ratio ex parte huius arcæ

sumitur ratione suæ proportionis. Nam Ecclesia componitur ex hominibus: arca autem illa fuit figurata & proportionata secundum figuram & proportionem corporis humani. Fuit enim illa arca sexies longa quam lata, & decies longa quam alta; quia Genes. 6. legitur quod longitudo arcæ erat trecentorum cubitorum, latitudo quinquaginta, altitudo triginta: qui numeri si multiplicentur per sexies & decies, reddunt numerum trecentenarium modo prædicto. Talis autem est figura corporis humani proportionaliter, ut in pluribus, & secundum communem modum; quod facile videri potest, si corpus humanum iaceat in terra expansum, accipiendo longitudinem à capite vsque ad pedes, latitudinem à dextra vsque ad sinistram, plicatis brachijs, & digitis vnus manus digitis manus alterius applicatis; altitudinem autem accipiendo à dorso vsque ad pectus. Sicut ergo hominem naturaliter sic proportionato, si aliquis accipiens de vna parte corporis coniungeret alteri, huius proportio tolleretur, & eodem modo fuisset de arca Noè: sic exemptio quia tollit aliquas personas Ecclesiasticas de vno loco, vbi sunt naturaliter situate, & ponit eas in alio loco, vbi sunt positæ & pro voluntate participantis collocatæ, clarè patet, quod exemptio contradicit proportioni arcæ Noè Ecclesiam figurantis.

Tertia ratio quæ ad 12. capitulum pertinet, sumitur ex distinctione locorum, quæ erat in illa arca tricamerata, quia ex tribus filijs Noè sumit originem, & bitrminata, quia ex Iudæis & Gentibus coniuncta; & licet in ea essent tres stationes, erant tamen in ea quinque loca: ita quod secundum assignationem minoris erant duo loca inferiora, duo superiora, & vnus supremus; in primo loco inferiori erat sentina, quæ immunditias recipit, in secunda apothecaria in quo cibaria reponebantur. In primo loco medio erant animalia immunda, in secundo mitia & munda, in supremo, qui erat quintus locus, erant homines & aues. Et licet in huius arca ad litteram essent animalia munda & immunda, aues & homines, tamen prout arca ista figurat Ecclesiam, per omnia huius animalia possent homines designari: quia quod per animalia immunda signatur homines non conuersi ad fidem, quorum tota vita est immunda; quia *omne quod non est ex fide, peccatum est*. Per animalia munda simplices laici conuersi ad fidem: per homines literati clerici, quorum Deus est pars hereditatis eorum: per aues Prælati Episcopi, quorum est volitare super alios, designantur. Et specialiter summus Pontifex per aquilam super alias aues congrue designatur, ut de illo possit dici illud Ezechiel. 16. *Aquila grandis, magnarum alarum, magno membrorum ductu, plena plumis & varietate, venit ad libanum, & tulit medullam cedri*. Aquila grandis est summus Pontifex, qui præficitur toti Ecclesiæ; quæ est magnarum alarum, qui assumptus est, non in partem solitudinis, sed in plenitudinem potestatis; sub alis protegens totam Ecclesiam, ad totam se extendens, ut non sit qui se abscondat à calore eius. Item habet magnum membrorum ductum, quia Christianissimi Reges propter deuotionem, quam habet ad Ecclesiam, sustentant eam. Item plena plumis & varietate, propter copiam virtutum; quia sicut ille status est supremus in dignitate, sic debet esse sanctissimus & altissimus in sanctitate. Item varietate, propter varios gra-

*Genes. 6.*

*Figura corporis humani.*

*Ecclesia ar-  
ca Noè com-  
paratur.*

*Ephes. 4.*

*Rom. II.*

*Ezech. 17.*

dus Ecclesie. Item venit ad Libanum, idest ad  
 candorem puritatis, & tulit medullam cedri, id-  
 est altissimam iurisdictionem in tota Ecclesia.  
 Applicando ergo prædicta ad propositum, sicut  
 in arca Noë illa quæ erant in inferiori loco, non  
 coniungebatur illis, quæ in supremo nisi per mediū,  
 sed omnia tenebatur loca eis competentia; sic in-  
 feriores personæ Ecclesiasticæ non debent in  
 Ecclesia coniungi summo Pontifici nisi per Præ-  
 latis medios; & quia contrariū facit exemptio,  
 coniungens inferius supremo sine medio, pa-  
 tet, quod repugnat distinctioni locorum illius  
 arcæ; & per consequens tollenda est. Quar-  
 ta ratio sumitur ex eo quod repugnat consum-  
 mationi arcæ Noë, quia arca in parte inferiori  
 erat multum ampla & lata, & quanto plus re-  
 debatur ad superius; tanto plus stringebatur, &  
 adeo fuit restricta, quod fuit in vno cubito ge-  
 ometrico consummata. Inferiora autem non  
 coniungebatur supremo nisi per media. Sic Ec-  
 clesia in parte inferiori quantum ad simplices  
 parochianos, qui cunctis subduntur, est multum  
 ampla; & procedendo ad superius restringitur;  
 quia Curati subduntur Archidiaconis; qui sunt  
 pauciores, & illi Episcopis, qui adhuc paucio-  
 res; & tandem in vno cubito, idest summo Pon-  
 tifice consummatur. Ex quo patet, quod inferiores  
 in Ecclesia ad similitudinem consummati-  
 onis arcæ Noë non debent coniungi summo  
 Pontifici immediatè, sed Prælatis medijs ordi-  
 nariis. Et quia contrariū facit exemptio, ideo a-  
 bolenda est. Ad istas quatuor rationes per or-  
 dinem est dicendum. Ad primam cum dicit, quod  
 exemptio repugnat dispositioni arcæ Noë, pro-  
 pter rationem peregrinationis designat Ecclesiam,  
 dico per interemptionem; & ad probationem, cum  
 arguitur, quod ista sicut nec illa saluare non po-  
 test, nisi in quantum sic ordinata, secundum or-  
 dinem, quem Deus in Ecclesia instituit; dico quod  
 verū est. Dicitur tamen Deus instituisse, non so-  
 lum illud quod immediatè instituit; sed etiam  
 quod eius supremus vicarius, cui relinquit or-  
 dinationem Ecclesie; ad eius & electorum sa-  
 lutem, voluntate eius & autoritate huius insti-  
 tuit. Huiusmodi autem est exemptio propter di-  
 vinitum seruitium, & propter contemplationem, &  
 observantias regulares, instituta & concessa, ut  
 est per habita manifestum; quare ratio non va-  
 let. Et quod vterius dicit, quod primò posuit  
 Apostolos, & cetera, dico, quod adhuc Episco-  
 pi tenent primum gradum post summum Pon-  
 tificem ordine dignitatis, potissimè quantum ad  
 dignitatem ordinis; in quantum habent po-  
 testatem Ordines conferendi. Possunt etiam  
 omnibus personis suæ diocesis, quantum ad ea  
 quæ sunt fidei præesse; quia hoc exemptio non  
 tollit; sed quod habeant potestatem super om-  
 nes religiosos suæ diocesis, maxime super litera-  
 tos, non expedit, nec oportet. Imò propter mul-  
 tiplicem defectum & excessum eorum, & quia  
 religiosos multipliciter infestabant, quærentes  
 quæ sua sunt, non quæ Iesu Christi, in hoc con-  
 tra Apostolorum officium multipliciter fac-  
 entes; decuit & oportuit, ut summus Pontifex  
 qui totius Ecclesie, sicut Noë ipse arce, curam  
 habet, sibi de alijs prælatis magis sollicitus & ex-  
 pertis prouideret; & ipsos à iurisdictione Epi-  
 scoporum eximeret; & hoc etiam ordinavit De-  
 us & mandauit per Prophetam Ezech. 30. ut prius  
 fuit allegatum. Arca etiam sic quantum ad reli-

giosos disposita, magis potest saluare à procellis  
 maris huius mundi, quam per alium modum,  
 ut in solutione ad secundam rationem fuit supe-  
 rius declaratum. Ex quibus patet, quod ratio,  
 non concludit. Ad secundam rationem est dicen-  
 dum, primò, quod mystica Theologia non est ar-  
 gumentatiua, secundum Aug. Quia autem ad-  
 dit de proportionem quantitatis ad proportionem  
 cordis humani, dicendum quod non est simile.  
 Sicut enim augmentato numero fidelium per  
 conuersionem infidelium ad fidem, & diminu-  
 to per conuersionem fidelium, non mutatur  
 nec variatur proportio caritatis & comensu-  
 rationis Ecclesie, quin saluari possint quotquot  
 sunt in ea, siue pauci, siue multi: quia nauicula  
 Petri etsi fluctuare potest, nunquam tamen sub-  
 mergi, dicente Christo, *Ego pro te rogavi Petre,*  
*ut non deficiat fides tua:* sic per hoc, quod aliqui  
 immediatè subiunt iurisdictioni summi Pontifi-  
 cis, per exemptionem, huiusmodi proportio nul-  
 latenus variatur: cum sedes huius sit omnium  
 aliorum Ecclesiarum domina & magistra. Ter-  
 tio dicendum, quod illi, qui sunt de vna diocesi,  
 non ita sunt de essentia iurisdictionis diocesis,  
 sicut sunt membra de essentia corporis humani,  
 dimensiones de essentia quantitatis corporalis;  
 quia membra corporis saluari non possunt, nisi  
 corpori coniungantur: illi tamen qui sunt de  
 vna diocesi, saluari possunt, absque hoc, quod  
 sint sub iurisdictione illius diocesis: alias non  
 possent se transferre ad alias dioceses: sicut nec  
 membra corporis possunt ad aliud corpus trans-  
 ferri, salva consentientia eorum. Sed bene verum  
 est, quod membra Ecclesie saluari non possunt,  
 nisi corpori Christi, quod est vniuersalis Ec-  
 clesia, vniatur: sicut nullus tempore Noë seruatus  
 fuit, qui esset extra arcam. Ex hoc autem, quod  
 aliquis est sub iurisdictione diocesis, vel ex eo  
 quod à iurisdictione eius eximitur, non dimittit  
 iurisdictionem Ecclesie vniuersalis; quare  
 ratio non valet. Item si ratio valeret, sequeretur,  
 quod omnes dioceses essent æquales, secundum  
 huius propositionem; & quod summus Pon-  
 tifex non posset dioceses diuidere, nec vniere; quod  
 falsum est, & summi Pontificis derogat potesta-  
 ti. Quare, &c. Vnde non oportet figuratum seu  
 rem figuratam, figuræ seu rei figuratæ per omnia  
 respondere. Aliter enim vna res nunquam con-  
 traria figuraret. Et tamen videmus in Scriptura  
 sacra, quod Christus & diabolus, qui tantā ha-  
 bent distantiam, per res easdem, sicut per serpē-  
 tem & leonem, designantur: & hoc propter di-  
 uersas proprietates repositas in eisdem. Dicitur  
 enim leo diabolus, ratione rugitus & deuoratio-  
 nis. Vnde in Canonica Petri dicitur. *Aduersus*  
*vinū vester diabolus, tamquam leo rugiens circum-*  
*quærit, quem deuoret.* Dicitur autem Christus  
 leo ratione victoria in Apocal. *Vici leo de tri-*  
*bu Iuda.* Similiter serpens ratione malitiæ & a-  
 stutiæ, & venenit, ligatur diabolus. Vnde in  
 Apocal. dicitur *Serpens antiquus.* Ratione autē  
 prudentiæ & virtutis medicinalis, in quantum  
 thiraca fit de serpente, vnde à tiro serpens de-  
 nominatur, significat Christum, ipso dicente in  
 Ioann. 3. *Sicut Moyses exaltauit serpentem in deserto,*  
*&c.* Ex quo patet, quod non oportet quod res  
 figuratæ secundum quamlibet eius proprietatem  
 contrahant figuratam. Vnde Ecclesia per arcam  
 Noë figurata quantum ad supremum gradum  
 iurisdictionis crescere non potest in alium, quia

Luc. 22.

Christus &  
 diabolus per  
 easdem res  
 figurantur  
 in Script. di-  
 uersimodè.

1. Petri 5.

Apocal. 5.

Ioann. 3.

Respons. ad  
 rationes ad-  
 versarij  
 sumptas ex  
 arca.

Episcopi sunt  
 in primo  
 gradu.

*Ecclesia cres-  
cere potest  
& minui.*

quem non est dare superiorem in Ecclesia mili-  
tante: & ita altitudo Ecclesie siue quantum ad  
Papam, qui tenet supremum gradum in Ecclesia, supra  
gradum ordinis, siue quantum ad gradum iuris-  
dictionis, crescere non potest. In latitudine &  
longitudine jurisdictionis crescere potest & di-  
minui, secundum quod aliqui auertuntur a fide,  
vel conuertuntur ad fidem. Vnde in primitiua  
Ecclesia fuerunt pauciores fideles, quam modò,  
& in aliquibus partibus mundi fuerunt Christi-  
ani, ubi modo non sunt: sicut in Africa. Istud ta-  
men augmentum vel detrimentum longitudinis  
vel latitudinis non impedit huiusmodi arcam,  
quin inter fluctus maris huius mundi possint sal-  
uari existentes in ea. Potest etiam dici mysticè,  
quod Ecclesia habet trecentos cubitos in longi-  
tudine, prout continet perfectionem regulare,  
cui deberetur fructus centesimus, dum in fide Tri-  
nitatis obseruatur; ita quod numerus centena-  
rius referatur ad fructum, & ternarius ad obser-  
uantiam triplicis voti, vel ad fidem Trinitatis.  
Item habet triginta cubitos in latitudine, quã-  
tum ad obseruantiam decem preceptorum de-  
calogi in fide Trinitatis: nam ter decem faciunt  
triginta: sed dicitur habere quinquaginta cubi-  
tos in latitudine, quantum ad latitudinem cha-  
ritatis, cui deberetur jubilus & gaudium æternæ  
felicitatis, quæ per quinquagenarium numerum  
congrue designatur. Vnde & in veteri testame-  
to annus quinquagenarius, quo hæreditas red-  
debatur, & serui liberabatur, annus jubilæus di-  
cebatur. Ad tertiam rationem, quæ in duodeci-  
mo capitulo sumitur ex distinctione locorum ipsi-  
us arce, dicendum, concedendo, quæ ibi ad literam  
dicuntur; sed quædò vltius figuratiue prædici-  
tur dicendo, quod per animalia immunda & immu-  
nda figurantur infideles nondum conuersi ad fi-  
dem; dico, (licet hoc non sit ad suum propositum,) quod falsum est: quia ex quo illa arca designabat  
Ecclesiam, animalia quæcumque existentia in  
ea non poterant homines designare, nisi ut sunt  
in Ecclesia & de Ecclesia, & corpori Ecclesie  
coniuncti. Infideles autem ut tales, sunt actu ex-  
tra Ecclesiam, nec per eam ut sic, saluantur; quia  
qui non credit, iam iudicatus est. Animalia au-  
tem etiam immunda existentia in arca saluata fu-  
erunt per eam esse naturali. Ex quo patet quod  
illud signum falsò assumitur: sed possent illa a-  
nimalia licet immunda, peccatores designare,  
qui cum baptisma receperint, qui est omnium a-  
liorum sacramentorum janua, possunt recipere per-  
tinentiæ sacramentum, & per consequens saluari. &  
de numero membrorum Ecclesie possunt dici.  
Quod autem vltius dicitur de distinctione lo-  
corum, & quod inferiora non coniungebantur  
supremo, nisi per media, dicendum, quod non  
obstante distinctione mansionum, Noë tamen  
dominabatur omnibus animalibus quæ erant in  
arca; & de illis in arcam reponendis & seruan-  
dis habuit immediatè præceptum. Vnde imme-  
diatè dominabatur uxori & liberis, hominibus  
& alijs animalibus, existentibus in arca, & imme-  
diatè habuit regimen & gubernationem omnium  
predictorum. Sed eodem modo per eandem figu-  
ram concluditur, quod non obstante varietate  
graduum in Ecclesia, summus Pontifex vicarius  
per illum Noë designatus, habet immediatam iur-  
isdictionem super universalem Ecclesiam, & super  
omnes personas in ea contentas. Vnde & à Chri-  
stoscepit iurisdictionem huiusmodi, cum sibi di-

*Annus In-  
bilans.*

*Animalia  
arca non de-  
signant, nisi  
homines in  
Ecclesia ex-  
istentes.*

xistens aliqua determinatione comprehente. *Paste-  
ora mea* & sic argumētum magis concludit oppo-  
situm, quam propositum. Quod etiam vltius  
adducitur de distinctione locorum, & quod aues  
& homines erant in quinto loco immediatè  
cum Noë, magis arguit, quod religiosi, qui  
sunt clerici & literati, qui etiam tamquam viri  
contemplatiui duabus alis, scilicet cognitione &  
amore, præ alijs volant in altum, & specialiter  
in ipsum Deum, per aues congrue designantur,  
debeant immediatè esse sub jurisdictione summi  
Pontificis per prædictum Noë designati, quam  
sub jurisdictione Episcoporum: præsertim cum  
summus Pontifex se habeat ad Ecclesiam sicut  
Noë ad arcam illam se habebat. Quod autem vlti-  
terius dicitur aquila grandis, concedatur; iste  
tamen doctor qui exemptiones nititur tollere,  
contendendo quod sint contra naturam & or-  
dinationem Ecclesie, multum nititur, si intrin-  
secus inspiciantur dicta sua, alas istas diminueret,  
& magnum membrorum ductum & longum de-  
currere & abbreviare, & aquilam istam tempo-  
raliter & spiritualiter deplumare: cum sedes A-  
postolica multa bona temporalia recipiat ab ex-  
emptis & privilegiatis: & exempti multis virtu-  
tibus polleant, alij quibus carere, & carerent ipsi, si  
exemptiones eorum & priuilegia tollerentur;  
præsertim cum Episcopi magis eligat à suis sub-  
ditis temporalia & carnalia merere, quam eos in-  
ducere ad virtutes. Multum etiam nititur depri-  
mere istam altissimam jurisdictionem, quia ex-  
emptionibus per suas rationes sublatis, alij Epis-  
copi se vellent processu temporis summo Pon-  
tifici conquare. Ad quartam rationem, quæ sumitur  
ex ipsius arce consummatione, patet ex dictis,  
quia non obstante maiori vel minori latitudine  
locorum superiorum & inferiorum, Noë tamē  
omnibus dominabatur. Sic non obstante ma-  
iori vel minori latitudine seu numerositate gra-  
duum Ecclesie Papa omnibus dominatur im-  
mediatè. Sed quia cum homo sit, non potest om-  
nibus actu & in proprijs personis intendere, vo-  
cat alios in partem sollicitudinis. Item exempti  
reducuntur per hunc modum in summum Pontifi-  
cem: quia monachi qui sunt multi, per Abbates,  
Abbates per Patres Abbates, & per capitula ge-  
neralia, & tandem reducuntur in vnum, quo  
mediante possunt in spiritali cubito, id est sum-  
mo Pontifice consummari, & ei vniri, ut est  
per habita manifestum.

*Papa se ha-  
bet ad Ec-  
clesiam, ut  
Noë ad ar-  
cam.*

*Papa omni-  
bus imme-  
diatè domi-  
natur.*

Tertia decima ratio sumitur ex his quæ habet-  
ur in actibus Apostolorum. Tres enim sunt gradus  
prælationis in Ecclesia: supremus in quo est Pe-  
trus & summus Pontifex eius successor, vicarius  
Christi; & in isto non possunt esse plures: quia quod  
per superabundantiam dicitur, vni soli con-  
uenit. Post istum gradum sunt Apostoli & suc-  
cessores eorum, scilicet Episcopi. Præter hunc est  
tertius gradus habentium jurisdictionem post  
Episcopos, scilicet isti, qui constituti sunt per Apo-  
stolos, cuiusmodi fuerunt diacones, qui fuerunt  
per Apostolos ordinati, inter quos fuit Stepha-  
nus primus, Philippus secundus, per quos dia-  
cones conuenienter possunt designari omnes alij  
minores Prælati, habentes iurisdictionem infra  
Episcopos, sicut Archidiaconi & Abbates. Cu-  
ra autem existens in maiori numero, conueni-  
ter repræsentantur per 70, discipulos à Christo  
electos. Ex quolibet autem istorum graduum,  
per ea quæ habentur in actibus Apostolorum, pro-

*Ratio 13.  
Adversary.*

bati potest, & exemptio sit tollenda, & Deo odio-  
sa; quia secundum quemlibet gradum istorum Deus  
vitur medio in reductione aliorum in seipsum.  
Sed exemptio non vitur medio, sed tollit ipsum.  
Ergo. Majorem declarat per inductionem, &  
de gradu supremo quantum ad Petrum; quia edu-  
xit Petrum de carcere mediante Angelo, quia  
Angeli sunt medij inter nos & Deum: & ita licet  
Petrus fuerit supremus in hierarchia Ecclesiae;  
non tamen in hierarchia simpliciter: quia habet  
Angelum custodem, Angelica autem hierar-  
chia est supra Ecclesiam. De illa educatione habetur  
Act. 10. Licet ergo Deus potuisset immediate li-  
berasse Petrum, noluit tamen ipsum eximere ab  
officio Angeli. Similiter licet potuisset imme-  
diate vel per Angelum convertere Cornelium;  
voluit tamen ipsum convertere mediante Petro,  
nec ipsum voluit eximere a jurisdictione Petri.  
Et de hoc habetur Act. 16. Item quantum ad se-  
cundum gradum Ecclesiae, qui est Apostolorum,  
quibus succedunt Episcopi, habetur Act. 5. quod  
Apostolis exstitibus in carcere, aperuit Angelus  
carcerem, eis dicens: *Ite, stantes in templo loqui-  
mini populo omnia verba vitae hujus.* Sic ergo re-  
duxit Apostolos ad se per Angelum, & plebem  
per Apostolos: nolens plebem eximere a jurisdic-  
tione Episcoporum. Sic etiam summus Pon-  
tifex Dei imitator, debet, ut dicitur, reducere ple-  
bem: id est omnes infra Episcopos reducere in se-  
ipsum per Episcopos, qui tenent locum Aposto-  
lorum. Item quantum ad tertium gradum noluit Eu-  
nuchum eximere a jurisdictione Philippi, ubi  
legitur locutus spiritus Philippo, dicens. *Surg  
& vade &c. accede, adjuvante te ad currum,* &c.  
& sequitur quod *Philippus baptizavit Eunu-  
chum.* Ex quibus omnibus inducendo per gra-  
dus Ecclesiae, patet, exemptionem esse exosam:  
addit tamen iste Doctor in fine sui capituli, quod  
quotquot convertebantur, sive per Petrum, sive  
per alios, erant de jurisdictione Petri habentis  
jurisdictionis totalitatem. Sed quantum ad ju-  
risdictiones alias concessas in primitiva Ecclesia  
erant de jurisdictione saltem voluntaria conver-  
tentium, quia parati erant eorum facere volun-  
tatem.

cho est contra ipsum; quia ille Eunuchus fuit re-  
ductus mediante Philippo in jurisdictionem Pe-  
tri; (qui Philippus inferiores Praelatos designat,) non  
mediantibus alijs Apostolis. Ergo eodem  
modo Abbates & alij inferiores praelati possunt  
esse etiam media reductionis suorum subdi-  
torum in summum Pontificem, non mediantibus  
Episcopis. Praeterea si verum esset, quod iste  
doctor dicit, sequeretur: quod Cardinales  
Presbyteri & diaconi non possunt immediate sub-  
jici summo Pontifici, nisi mediantibus Episco-  
pis. Praeterea sequeretur, quod non esset imme-  
diate Pontifex Romanus, & multa alia incon-  
venientia sequerentur. Haec ergo quae sunt in  
Actibus Apostolorum scripta, quae ipsemet alle-  
gat, magis sunt contra ipsum, quam contra ex-  
emptos. Quod etiam in fine dicit, quod omnes  
acquirebantur jurisdictioni Petri, erant autem  
sub illis qui ipsos convertebant voluntarie, ma-  
gis derogat jurisdictioni Episcoporum, quam  
illam augeat. Et ideo in hoc dicto non est bon-  
advocatus pro Episcopis. Non enim negarem E-  
piscopos habere jurisdictionem ordinariam in  
suis diocesi. exceptis illis, de quibus Dominus  
Papa facit sibi reservationem specialem, sicut fa-  
cit de exemptis; licet jurisdictione eorum, sic de ju-  
re positum, & ordinatione Ecclesiae; jurisdic-  
tione autem Papae est de iure divino. Vnde ex dictis  
hujus doctoris, hic & in alijs dictis suis, reperit-  
tur multa falsa, & ad propositum impertinentia,  
& contradictoria sibi ipsi. Mediator enim Dei &  
hominum homo Christus Iesus omnem gradum  
nobilitare voluit in conversione in fidelium perti-  
nentem ad numerum electorum, ad insinuandum,  
quod sit commune gaudium electorum, & om-  
nium civium superiorum. Vnde & in reparati-  
one ruinae Angelicae voluit Angelos ministeria-  
liter operari. Ipsemet autem factus homo ad-  
huc genus humanum magis nobilitare voluit.  
Vnde nullum praetermisit, quin ei daret gratiam  
alios convertendi. Imò de quo minus videtur,  
nec sexum nec gradum foemineum praetermisit;  
licet mulieri secundum legem communem non  
permittatur docere: tamen voluit per mulierem,  
sicut per Magdalenam resurrectionis mysterium  
suis fratribus & Apostolis nuntiari. Legitur eti-  
am quod beata Catharina quinquaginta Rhetores  
immediate convertit ad fidem: nec illi fuerunt  
reducti in Deum, vel in summum Pontificem  
immediate per Episcopos, sed foemina median-  
te. Multas enim vias habet Christus converten-  
di homines ad fidem, & reducendi in seipsum  
& fatua praesumptio est, ipsum vel ejus supre-  
mum vicarium in talibus limitare.

*Reducuntur  
exempti ad  
Papam me-  
diantibus  
Abbatibus  
suis, &c.*

*Adversa-  
rius advo-  
catum malum  
Episcoporum.*

*Omnigra-  
dus & exmi-  
data est  
gratia a-  
lios ad Deum  
reducendi.*

*Ratio 14.  
Adversary.*

Act. 5.

Act. 8.

*Responsio ad  
13. rationem  
adversary.*

Act. 10.

Ad istam rationem dicendum, quod ista ratio  
aliqua falsa assumit, & cum hoc non contra ex-  
emptos concludit, imò contradictorie intentioni po-  
nendis. Falsum enim supponit in hoc, quod di-  
cit, Religiosos exemptos reduci ad Papam sive  
medio: imò reducuntur mediantibus Praelatis  
suis ejusdem ordinis, ut dictum est supra, qui  
sunt media superiora & magis ordinata. Ex alia  
parte in hoc quod dicit, quod Papa debet redu-  
cere ad exemplum Dei, omnes intra Episcopos per  
Episcopos in seipsum, dicit falsum; quia nec Chri-  
stus id fecit universaliter, nec Petrus: imò Chri-  
stus per seipsum multos immediate convertit,  
& etiam Petrus, sicut ipsemet ponit exemplum  
de Cornelio Act. 10. qui non fuit reductus me-  
diantibus alijs Apostolis. Et multi alij fuerunt  
immediate conversi per Petrum, ut habetur in  
Actibus, quod loquens Petrus ecclesiae spiritus sanctus  
super omnes, qui audiebant verbum, &c. & sequitur  
ibi, quod convertit multa millia hominum. Ergo  
non oportet istam cautionem ponere, quia nul-  
lam, quod de necessitate pertransiuntur omnia  
media inter inferiorem & superiorem in hierar-  
chia Ecclesiae, ad hoc quod fiat reductio in su-  
premum. Item exemplum de Philippo & Eunu-

Quarta decima ratio innuitur triplici gradui  
sacerdotii, quod in Ecclesia reperitur: & licet ibi  
defendendo se, multadicat impertinentia ad pro-  
positum de characteribus: scilicet quod sit spiri-  
tus potestas & distinctiva, discurrendo per septem  
Ordines, quantum ad sacramentum Ordinis, & in  
quolibet eorum character imprimitur, quae  
omnia magis habet tractari super quantum sen-  
tentiarii. Accipiendo tamen quod est ad propo-  
situm, dicit, quod in Ecclesia distinguitur triplex  
sacerdos, sc. simplex & parvus; qui non potest  
aliud facere sacerdotem: Sacerdos magnus, qui  
potest alium sacerdotem facere, sc. Episcopus;  
& sacerdos summus & totalis, scilicet Papa, qui  
habet totalitatem jurisdictionis: & sicut est tri-  
plex sacerdos, ita est triplex sacerdotium; sum-  
mum, medium, & parvum.

Na ij

*Magnus  
Sacerdotium.*

*Summum  
Sacerdotium.*

plex, in quo constitutus est quilibet sacerdos non Episcopus: & hoc sacerdotium immititur simplici characteri sacerdotali, qui est potestas conferendi Eucharistiam, sed non conferendi Ordines: magnum autem sacerdotium, in quo gradu sunt omnes Episcopi, immititur characteri & perfectioni characteris, qui est potestas non solum conferendi Eucharistiam, sed etiam conferendi Ordines. Sed summum sacerdotium, in quo est solus Papa, immititur characteri & perfectioni characteris & totalitatis jurisdictionis. Qualiter autem hoc habeat esse, declarat; quia licet characteri sacerdotalis sit supremus, qui in ordinibus imprimatur, nec sit dare alium characterem super ipsum; est tamen dare perfectionem characteris: sicut licet non sit dare in naturalibus vitam supra vitam humanam, quia anima humana est ultimum & supremum, ad quod potest natura attingere, etiam dispositivè, ut patet 2. Physicorum: est tamen dare perfectionem in hujus vitam quia est dare hominem parvum & imperfectum sicut puerum, qui licet possit cibum convertere, sicut nutrimentum in substantiam nutriti, non tamen propter suam imperfectionem potest alium hominem generare: & est etiam dare hominem, siue virum perfectum, qui non solum potest cibum corporalem in seipsum convertere, sed etiam potest alium hominem generare. Vnumquodque autem tunc perfectum est, quando potest generare sibi simile, secundo de anima: sic licet non sit character super characterem sacerdotalem, est tamen dare perfectionem characteris; ita quod simplex sacerdos qui recipit characterem simpliciter & absolute est parvus & imperfectus sacerdos, quia non potest facere alium sacerdotem, licet possit convertere cibum corporalem in cibum spirituales, siue convertere substantiam panis in substantiam corporis Christi, qui est cibum spiritualis, & est cibum & animam, non ventris. Sed Episcopus est sacerdos magnus & perfectus, qui non solum potest substantiam panis convertere in corpus Christi, sed etiam facere alium sacerdotem, ordinem sacerdotij conferendo. Ex quo patet, quod Episcopatus non est alius Ordo ab Ordine sacerdotali, qui alium characterem à characterem sacerdotali recipiat; licet sit alius, in quantum ultra characterem sacerdotalem recipit perfectionem illius characteris. Ex quibus omnibus patet, quod ultra Episcopatum non est dare aliquid ordinis, nec quantum ad characterem, nec quantum ad characteris perfectionem; licet sit aliquid dare ultra, quod est jurisdictionis, sicut Archiepiscopatus, Patriarchatus, Papatus. Et ad hoc insinuandum Papa scribendo, non scribit se Archiepiscopum, nec Patriarcham, sed solum Episcopum, dicens. *Clemens Episcopus*, &c. ut deus intelligere; quod quidquid habet ultra Episcopum, non est ordinis, sed jurisdictionis. Propter quod dicitur assumptus solus; non in plenitudine ordinis, quia ad hoc sunt assumpti omnes alij Episcopi, sed dicitur assumptus in plenitudine potestatis, id est jurisdictionis. Dicitur ergo simplex sacerdos sacerdos parvus, quia potest in corporis Christi consecratione, sed non potest Ordines conferre, sed dicitur Episcopus sacerdos magnus, ratione perfectionis characteris, quantum ad Ordinem celebrationem: dicitur autem summus Pontifex sacerdos summus, supposito predictis, propter totalem & summam jurisdictionem. Ex his autem formatur ratio, quia jurisdictionem reduci debet in supremum per me-

dium. Sed Episcopi qui sunt sacerdotes magni, sunt medij inter sacerdotes parvos & imperfectos, & etiam inter alios non sacerdotes, & inter sacerdotem summum & totalem, qui est summum Pontifex. Ergo per ipsos debent reduci in Papam. Sed exemptio tollit istam mediationem quia ponit sacerdotes parvos, & etiam non sacerdotes, immediate sub summo Pontifice. Irgo exemptio tollenda est, & nullo modo concedenda, nisi fiat pro evidenti utilitate Ecclesie, quæ consistit in studio; quia indubitanter credimus, quod si periret studium, periret fides, & si periret fides, Ecclesia naufragium pateretur.

Ad rationem istam dicendum est, quod ibi est fallacia accidentis, variatione medij. Nam de potestate ordinis concludendo procedit ad potestatem jurisdictionis, quæ tamen sunt alteri & alterius rationis. Nam illæ possunt ab invicem de facto separari. Potest enim Episcopus qui habet plenitudinem ordinis, esse sine plebe, & per consequens sine potestate jurisdictionis. Exemplum de Episcopo, qui renunciavit Episcopatu suo. Potest etiam aliquis non Episcopus eligi in Papam, & ipso facto habet plenitudinem jurisdictionis, licet non habeat plenitudinem ordinis. Unde solum in consecratione Episcopi imprimitur aliqua potentia seu qualitas indelebilis spiritualis, per quam potest aliquas operationes sacras & hierarchicas exercere, respectu corporis Christi mystici, & sic alia à characterem sacerdotali. Quod videtur probabile, licet non sit ordo, qui est sacramentum, siue in hujus consecratione acquiritur sola perfectio characteris sacerdotialis, ut sit character ille recipiat magis & minus, ut iste doctor dicit: quod videtur dubium, maxime cum ejus perfectio non dependeat ex perfectione vel incremento organorum corporalium, vel alicujus dispositionis spiritualis recipientis incrementum, ratione cuius incrementi habeat potestatem ordinis conferendi; sicut est considerare in perfectione hominis respectu actus generandi; siue hoc fiat ex ordinatione Christi vel Ecclesie hoc habentis à Christo per modum passionis. Quidquid sit de hoc, nihil assero, quoad præsens. Primus tamen modus videtur magis probabilis, quia cum Episcopus possit in aliquas operationes, differentes specie, in quas non potest simplex sacerdos, videtur quod sacerdotales & Episcopales potestates sint specie differentes. Hujus autem operationes sunt confirmare, sacerdotes facere, consecrare, sanctum chrisma conficere, in quas non potest simplex sacerdos, non propter imperfectionem characteris sacerdotalis; cum transsubstantiare substantiam panis in substantiam corporis Christi sit operatio nobilior, quam aliqua prædictarum: sed quia sunt potestates alteri rationis. Quacunque tamen via data, bene volo, quod Episcopi soli possint ex officio Ordinem sacerdotalem conferre, qui inter Ordines sacerdotales tenet gradum supremum: & ex hoc bene volo, quod possint dici sacerdotes magni, licet Papa possit alijs committere, & de facto committit, quod possint Ordines minores conferre: sed per hoc nihil concluditur ad propositum: quia habito respectu ad gradum Episcopalem, ratione cuius Episcopi dicuntur sacerdotes magni, quantum ad potestatem Ordinis, cum summus Pontifex, quoad potestatem Ordinis, non habeat super eos, ut ipsemet dicitur: sequitur, quod prout dicuntur sacerdotes ma-

*Respon. ad  
14. ratio.  
adversarij.*

*An Episcopus  
pau novu,  
characterem  
imprimat.*



Papa uni-  
versalem ha-  
bet iurisdic-  
tionem.

Eni non sunt medij inter Papam & alios: sed quo ad hoc sunt æquales Papæ; & sic sua mediatio nihil facit ad propositū reductionis; & ideo concludendo ex hoc, quod non sunt vel esse possunt immediate sub iurisdictione Papæ, nisi median-ribus Episcopis, variat medium, ut per se patet. Imò ex hoc sequitur, quod immediata iurisdic-tio super personas inferiores non plus repugnat Papæ, quam alijs Episcopis, imò quod ipsi magis quam alijs debeat convenire. Item dicere, quod nullus Sacerdos parvus, vel alius non Sacerdos, debeat esse sub iurisdictione Papæ immediate, est falsum, & hæreticum: cum sit immediatus ordi-narius cujuscumque Christiani. Item si Sacerdo-tium magnum, quod ad Episcopos pertinet, de necessitate esset super Sacerdotiū parvum, quā-tum ad iurisdictionem; tunc sequeretur, quod non Sacerdos, vel non Episcopus, electus in Papā, post ejus acceptionem, ante ejus ordinationem vel consecrationem, esset sub iurisdictione ali-cujus Episcopi, nec haberet universalem iurisdic-tionem super alios, quod falsum est, & con-tra seipsum insequentibus. Vnde in talibus cō-tradicit sibi ipsi, quia eo ipso quod aliquis non sacerdos vel non Episcopus, est canonice electus in Papam, licet ex hoc non habeat plenitudi-nem ordinis, accipit tamen ex ipsa sua electione plenitudinem potestatis, & apicem iurisdic-tionis. Cum igitur quilibet Christianus ordinetur ad æternam beatitudinem consequendam, ad quam ordinatur Papale officium, secundū quod huius, necesse est dicere, quod non repugnat a-li-cui Christiano immediate subesse iurisdictioni summi Pontificis. Iurisdic-tio ergo, siue quantum ad correctiones, siue quantum ad sacramentalē absolutionem, non sic præcise consequitur Epi-scopalem dignitatem: quin possit non Episcopo convenire: nec obest, quia aliquis non Episco-pus, etiam secundum ordinationem Ecclesiæ, possit habere iurisdictionem latiore, quam a-liquis Episcopus, citra summum Pontificē. Po-tertia enim sacramentaliter absolventi, quan-tum ad sacramentum penitentiae, fundatur im-mediate super sacerdotalē characterem absolu-tē; licet usus restringatur secundū ordinationem Ecclesiæ. Quamquā ergo omnes & singuli Epi-scopi sint assumpti in plenitudinē ordinis, quā-tum ad potestatem absolventi, & ordines conse-crati, habent tamen potentia ligatam, quantum ad usum, specialiter in absolutionibus sacramē-talibus, & dispensationibus; & propter deter-minationem & subtractionem materiae, & pro-pter retentionem casuum aliquorum, & propter limitationem iurisdictionis. Sed summus Pon-tifex dicitur sacerdos summus, quia non solum habet plenitudinem ordinis, quantum ad po-terstatem habitualement, sed habet plenitudinē us-  
us, quia nullus casus, nulla persona, suam subterfu-git potestati, ex eo quod potestas ejus ordinaria ad omnem casum, & ad omnem personam ge-neraliter se extendit. Potest igitur aliqua perso-na infima reduci immediate in Papam, & quā-tum ad potentiam iurisdictionis, & quantum ad potentiam ordinis; quia cum sit Episcopus, po-terest ordines sacros immediate conferre: quia ta-men ubique non potest presentiaiter interesse, alij Episcopi possunt alios ordinare, qui in par-tem sollicitudinis sunt vocati. Et potest eis, & alijs non Episcopis, iurisdictionem committere, sicut Abbatibus, & alijs, eā tamen & se nullatenus

abdicando. Intelligendū est etiam ad evidentiam prædictorū, quod quia Episcopus ratione pleni-tudinis ordinis reservatur Ordines celebrare, virgines, altaria, calices consecrare, Ecclesias de-dicare & reconciliare, quæ Prælati inferioribus & sacerdotibus, parvis & simplicibus nullatenus conceduntur, possunt dici sacerdotes magni, & non obstante q̄ aliqui de ipsorum diocesi ab eorū iurisdictione eximantur eorum sacerdotio magno, ratione cuius dicuntur habere plenitudi-nem, nullatenus derogatur, ut patet ex dictis; quare ratio non valebat. Propter quod ad solu-tionem præfatæ rationis, & plurium præceden-tium & subsequen-tium rationum est distinguē-dum de potestate. Est enim quædam potestas sa-cramentalis quæ est respectu corporis Christi veri, in qua potestate ordo sacerdotalis tenet gradum supremum: quia ibi datur potestas trans-substantiandi substantiam panis in substantiam corporis Christi, & substantiā vini in substantiā sanguinis: & isti characteri innititur potestas absolventi sacramentaliter, quæ potest exire in actū, supposita iurisdictione & natura subiecta; & si attendatur modus huius transsubstantia-tionis; quantum ad multa, & termin⁹ huius transsub-stantiationis; quia est ibi vera substantia corporis Christi ex vi conversionis, & anima Christi ra-tione concomitantis naturalis, & Deitas ratio-ne unionis: sic ista potestas est altissima quæ ho-minibus conceditur: nec huius sacerdotiū recipi magis nec minus: nec est bene dictū, quod dica-tur sacerdos parvus ad modum pueri, qui cibū potest convertere, non tamen sibi simile gene-rare: nam huiusmodi sacramentum, prout reci-pitur per modum cibi & spiritualis nutrimenti, sic non solum convenit sacerdoti, sed cuilibet Christiano. Hæc tamen est differentia inter ip-sū & alios cibos corporales, quod iste cibus non muta-convergit cibantem in seipsum, dicente August. *non me mutabis in te; sed tu mutaberis in me.* Ecce-  
trario autem est de alijs cibis corporalibus. Sed ut istud sacramentum comparatur ad potestatem ministri consecrantis & transsubstantiantis, sic solum competit talis potestas habenti characte-rem sacerdotalē. Secunda est potestas ordinis Episcopalis, quæ est respectu corporis Christi mystici, & est disparata a potestate præcedenti, licet illam præsupponat; & isti potestati ut sic, competit circa corpus Christi mysticum actio-nes sacras exercere, cujuscumque sunt Ordines ce-lebrare, & confirmare, Chrisma conficere, virgi-nes & altaria consecrare, Ecclesias dedicare; & sic de alijs. Tertia est potestas iurisdictionis, & ista non est necessario connexa ordini Episco-pali, nec illū de necessitate præsupponit, imò si accipiat iurisdic-tio quantum ad sacerdotalē absolutionem, solum præsupponit characterē sacerdotalē. Si autem accipiat quantum ad correctiones ordinarias & statuta, sic etiam po-terest competere non sacerdoti, & multo fortius sacerdoti non Episcopo, sicut Abbatibus & De-canis; & potest poni exemplum in alijs multis, sicut in electis confirmatis ante eorum ordina-tionem vel consecrationem. Imò talis iurisdic-tio in correctionibus conceditur sexui mulie-bri, sicut Abbatissis, de quibus minus videtur, licet iurisdic-tio spiritualis, etiam non sacra-mentaliter nec plenarie nec propriè competat mulieribus: quia etiam in foro judiciali nec extor-  
municare, nec absolute potest, habet tamen po-

Potestas sa-  
cramentalis.

Eucharistia  
non muta-  
tur in nos,  
ut alij cibi

Potestas or-  
dinis Epis-  
copalis.

Potestas iur-  
isdictionis

Papa sum-  
mus sacer-  
dos.

test iurisdictionem secundum quid, respectu monialium sibi professarum, quantum ad observantiam regulæ, & quantum ad aliquas punitiones regulares vnde cum potestas iurisdictionis sit alia, & disparata à potestate ordinis Episcopalis, & etiam quandoque à potestate ordinis sacerdotalis, cum contingat unam sine alia reperiri, & e converso, sicut Episcopum sine iurisdictione, & iurisdictione sine ordine, & sine potestate Episcopali, ut exemplificatum est, & exemplificari potest in multis: arguere de una potestate ad aliam, est æquiuocare de potestate; & etiam committere fallaciam accidentis; ut est per habita manifestum. Et ista distinctio valet ad dissolutionem plurium rationum, sicut patere potest diligentius intuenti.

Ratio 15.  
adversarij.

Definitio ordinis ex August.

Quinta decima ratio sumitur ex ipso ordine, non secundum quod est sacramentum, prout accipiebatur in ratione præcedenti; sed prout definitur ab August. 19. de Civ. Dei, ubi definitur ordinem, sic dicens, quod *ordo est parium dispariumque rerum suarumque loca tribuens dispositio*. Ex quo patet, quia in universo vel in Ecclesia alicui locum sibi non debitum tribuere, est horror, & non ordo, peruersio, & non ordinatio: cum ordo nihil sit, nisi dispositio tribuens unicuique locum suum. Sicut ergo videmus in ordine universi, quod cum aer sit medi<sup>9</sup> naturaliter inter ignem & aquam, si aqua vel pars aque removeretur de loco suo, & immediatè conjungeretur igni, non esset ordo; sed horror: sic cum Episcopi sint medi<sup>9</sup> inter summum Pont. & alios inferiores, quantum ad iurisdictionem spiritalē; sequitur, quod collocare huius homines inferiores sub summo Pont. quantum ad iurisdictionem, sine Episcopis medijs, & tollere de loco suo medio, est ordinem pervertere, & perversitatē inducere in Ecclesiā: & quia hoc facit exēptio, sequitur quod sit tollenda. Item videm<sup>9</sup> in naturalibus, quod quantum agens naturale dat alicui de forma, tantum dat sibi de loco, nam semper formaliora sunt & perfectiora & superiora inferioribus. Facere ergo quod inferius teneat locum superioris, est facere quod non formale sit formale, & e converso. Sicut autē est diversitas locorum secundum situm, quantum ad inferiorem & superiorem, sic est diversitas locorum in Ecclesia secundum gradum dignitatis, quia ibi est ponere gradus, secundum minus dignum, & magis dignum, & dignissimum: minus dignum non debet immediatè poni sub dignissimo; sed debet in ipsum reduci mediante magis digno, quod est sub dignissimo: & quia oppositum facit exēptio, ponendo minus dignum immediatè sub dignissimo, scilicet inferiores immediatè sub summo Pont. sequitur quod exēptio tamquam quædam peruersio Ecclesiastici ordinis sit tollenda.

Respons. ad  
supradictam  
rationem.

Ad istam rationem, licet novam nullam ponat difficultatē, quæ non fuerit tacta superius, tamen ad omnia quæ implicat, per ordinem est dicendum. Primo concedendo diffinitionē Augustini de ordine, prout ad propositum spectat, dico, quod exēptio non tollit ordinem, prout ab Augustino diffinitur, imò exemptis locus debitus conceditur & conservatur, prout expedit perfectioni observantiæ regularis. Nam loquendo de ordine prout est dispositio tribuens unicuique rei locum suum, si velimus per similitudinem locorum & locorum in ordine Ecclesiastico manuduci, videmus naturaliter loquendū ipsū

locum ab ipso loco totaliter contineri; ita quod locus est ultima superficies corporis: & huiusmodi sue continentis: & ista continentis cōditio cōvenit loco, non solum secundum quod est de consideratione naturalis, sed etiam prout est de consideratione mathematici: ita quod locus habet rationem continentis respectu locati. Secundū locus habet rationē in mobilis, ratione eiusdem distantie vel respectus per comparationē ad orbem, prout habetur ex 4. Physic. quod locus est ultimum continentis immobile primum: vnde concludit philosophus de loco 4. Physicorum post multa, dicens. *Vult autem immobilis esse locum, quare continentis terminus immobile primum hic est locus*. 3. de ratione loci est conservare locatum in ordine ad eliciendum operationes ei debitas per naturam. Nunc autem applicando ad propositum, loquendo de Religionibus communibus prius dictis, nullus est Episcopus vel Archiepiscopus, vel quicumque sub summo Pont. qui in sua diocesi vel provincia dictos ordines secundum eorum totalitatem contineat; & ideo non possunt habere rationem loci naturalis respectu dictorum ordinum, nec possunt huius ordines cōvenienter disponi, nec locari sub aliquo determinato diocesano vel provinciali sub summo Pont. Item non conservabantur persone omnes in statu Religionis, sed impediuntur multipliciter pereos, quantum ad observantias regulares dicti ordines, & etiam Abbatie particulares, tempore quo eis subdebantur; propter quod Religiosi sub talibus naturaliter non locantur, supposito particulari & malo regimine ipsorum. Item non est ibi sufficiens immobilitas, tum propter malas & indebitas provisiones, tum propter violentas, fraudulentas, & simoniacas intrusiones, tum propter diocesum divisiones, tum etiam propter diocesanorum translationes, Sed summus Pont. ratione universalis iurisdictionis, & plenitudinis potestatis, habet virtutē omnium Religionum & ordinum contentivam: habet etiam virtutem conservativam in ordine ad observantias regulares, & ad divinum servitium deuotius persolvendum; & hanc causam præcipuè præterdit in exēptionibus & privilegijs, quas vel quæ concessit: habet immobilitatē, primū quia est 1. continens ministeriale in orbe Ecclesiastico, 2. propter stabilitatē sedis Apostolicæ, 3. quia transferri non potest ad statum superiorem, cum gradum supremum obtineat in Ecclesiastico principatu, 4. etiam quia iste principatus diuidi non potest; cum sit universalis proprius, & maxime propter Ecclesiastici corporis & capitis unitatem. 5. immobilitatem habet propter fidei stabilitatem: quia Petro pro se & suis successoribus dictū est à Christo. *Ego pro te rogamus Petro, ut non deficiat fides tua*, &c. Ex quibus omnibus sequitur, quod exēptio non tollit ordinem, nec causat horrorem: sed ad similitudinem loci naturalis exemptos extrahit à loco eis innaturali, propter rationes prædictas, & eos collocat sub summo Pontifice, qui est locus eis debitus ad similitudinem loci naturalis, si proprietates loci naturalis diligentius attendantur. Vnde ad hæc dantur exēptiones & privilegia, ut religiosi quietius vivant, & in statu regulari perfectius cōseruentur, & operationes eis debitas possint liberius & perfectius exercere: sicut res naturales quiescunt, conservantur, & operationes proprias exercent, in suo loco pro-

Loci proprietas ex  
Aristotele.

Papa habet  
virtutem  
omnium Religionum cō-  
tentivam.

Luc. 22.

*Similitudo  
de clemen-  
tis, &c.  
infusa.*

*Nulli Chri-  
stiano repu-  
gnat subesse  
Papae imme-  
diatè.*

*Ratio 16. ad  
necessarij*

proprio naturaliter. Ex quo patet, quod exéptio nō est horror, nec peruersitas ordinis Ecclesiastici: sed est corruptionis & peruersæ deviationis Ecclesiastici ordinis conueniens medicina. Et ad exéplū, quod inducitur de ordine elemētorum, dicendo, quod si aqua vel pars aquæ immediatè conjungeretur igni, esset horror in ordine naturali: dicendum, quod non est simile, primo quia influentia seu continentia ignis elementaris immediatè se non extendit naturaliter ad elemētū aquæ: iurisdīctio autē & potestas ordinaria summi Pont. immediatè se extendit, vt prius dictū est, ad quemlibet Christianum 2. non est simile, quia ignis in vtraque qualitate, scilicet caliditate & siccitate contrariatur qualitatibus aquæ: & ideo respectu eius propter ejus nimiam acritatē & contrarietatem, habet respectu aque virtutē corruptiuam: sed altitudo & plenitudo potestatis ordinariæ summi Pont. non contrariatur religiosis, nec alicui Christiano: imō magis ei conuenit, & habet virtutem conseruatiuam & perfectiuā respectu subditorū, quare argumētū non valet, nec est exemplum ad propositum; & cum hoc malè sonat, si perfectius deducatur. Vnde nulli Christiano repugnat subesse immediatè summo Pont. nec oportet quærere talem mediationem, vt necessario, nec vt de congruo requisitam, sicut inter elementa, vt prius dicebatur. Ad illud quod addebatur vltius, quod agens quantum dat de forma, tantum dat de loco, & quod superiora sunt formaliora, & min⁹ habent de materia, dicendum, quod si vellemus talia applicare ad propositum, & malè intellectum, illi dicuntur formaliores, qui omnia ista temporalia & caduca, quæ materialia & per hoc corruptibilia sunt, relinquunt, & appropinquant primo actui, qui est Christus, secundum quod Deus; & qui secundum quod homo, paupertatem verbo docuit & exemplo. Quod autem vltius additur, quod sicut est diuersitas locorum secundum situs, quantum ad superius & inferius, sic est diuersitas locorum in Ecclesia, secundum gradum dignitatis: dicendum, quod esse immediatè sub iurisdīctione summi Pont. licet quandam libertatem & securitatem ponat, non tamen, secundum quod huiusmodi, ponit aliquem gradum essentialē Ecclesiasticæ dignitatis vel superioritatis, nec quantum ad essentialē gradum ordinis sacerdotalis vel Episcopalis, nec etiam loquendo quantum ad essentialē gradum vel superioritatem iurisdīctionis: cum personam nullam iurisdīctionem habentem eximi non repugnet: licet nullum sit inconueniens exemptos habere iurisdīctionis potestatem. Sicut esse immediatè sub dominio Regis, non facit in regali principatu comitem, vel baronem: cū multi plures subdantur immediatè regi, prout superius dicebatur: propter quod ratio ista multipliciter deficit, vt est per habita manifestum.

Sexta decima ratio innuitur ordini diuinarū personarum. Licet enim in diuinis non inueniatur propriè hierarchia, cum hierarchia idem sit quod sacer, principatus, principatus autem non est in diuinis respectu diuinarum personarū, sed solum respectu creature, secundum quem modum dicitur 12. Metaphisicæ, quod totum vniuersum est vnius principatus, cuius principatus concluditur in fine duodecimi vnus esse princeps, scilicet Deus. Et sicut dicimus, quod Deus est Pater, Deus Filius, Deus Spiritus sanctus;

non tan. entres dij, sed vnus est Deus: sic dicere possumus, quod princeps est Pater, princeps Filius, princeps Spiritus sanctus: nō tamen tres principes, sed vnus princeps. Sicut Aug. 5. de Trinitate. 13. vult, quod totius creature principū est Pater, principium Filius, principū Spiritus sanctus: non tamen tria principia, sed vnum principium. Quāvis tamen in diuinis non sit principatus respectu diuinarū personarū: & quod principat⁹ semper intelligatur secundum sub & supra, secundum maiorem & minorem dignitatem: in diuinis autem personis nihil superius & inferius, nihil majus & minus, sed est omnimoda æqualitas, iuxta illud August. 5. de Trinitate. *Filius per omnia est æqualis Patri, & similis Patri:* ponitur tamen in diuinis propriè ordo originis, secundum quod est vna persona ab alia, non tamē prior nec maior alia. Et ratione huius ordinis originis possumus saluare, quod vna persona operatur per aliam, & quod vna mittit aliam; & quod vna persona habet principalitatem in aliquo opere, vel in aliquo actu, vt ad aliam personam comparatur. Et hoc declaratur, & quantum ad actus notionales in productionib⁹ personarum, & quantum ad actus essentiales transeuntes extrā in productione creaturarū. Quantum enim ad actus notionales in productionib⁹ personarum diuinarum, quia filius est à Patre: per actum notionalem generandi, per quem accipit à patre essentiam & virtutem, dicimus quod pater agit per filium. Agens enim agit per illum, cui dat virtutem, per quam agit. Propter quod dicitur Ioann. 1. *Omnia per ipsum facta sunt:* scilicet vna persona mittit aliam: quia hoc est mittere, aliquem operari aliquid per illam. Similiter vna persona in aliquo opere principalitatem habet, vt ad aliā comparatur. Vnde Aug. 6. de Trinitate. dicit, quod Spiritus sanctus est de Patre principaliter, & quod licet Pater & Filius vnica spiratione spirant: Spiritum sanctum, tamen per huiusmodi spirationem Spiritus sanctus est à Patre dupliciter: quia est à patre immediatè, & secundum se, inquantum Pater immediatè & secundū se spirat Spiritum sanctū, & est à Patre principaliter & mediatè, inquantum Pater mediante Filio & per Filium, spirat Spiritum sanctū, eo quod de Filio, quod spiret, inquantum communicat sibi virtutem spiratiuam: sed est à Filio tantum immediatè & secundū se: non enim spirat mediante Patre, quia ad Patrem nō se habet datiuè sed receptiuè. Non enim dat patri, quod spiret, sed recipit à Patre. Applicando autem prædicta ad creaturam, siue ad opus creatū, possumus dicere, quod licet Pater & Filius & Spiritus sanctus vnica creatione simplici producant creaturam, eo quod sunt indiuisa opera Trinitatis, secundum Aug. & Dion: cum sit vna & indiuisa virtus in tribus personis; quia tamen illa virtus & substantia est in Patre, vt non ab alio communicata; in Filio vt à Patre, in Spiritu sancto vt ab vtroque communicata; dici potest quod creatura vel creatio est à Patre tripliciter, immediatè, & duobus modis mediatè, & principaliter, inquantum virtutem creandi communicat filio & prout eam vna cum filio comunicat Spiritui sancto: sed est in filio huiusmodi creatura vel creatio dupliciter, vno modo immediatè prout est à qualibet psona, alio modo mediatè & principaliter prout virtutem creandi communicat vni personæ sc. Spiritui sancto: sed est à Spiritu sancto.

*Vnicū principium creature sunt tres persona*

*August. 5. de Trinitate*

*Ioann. 1.*

*Spiritus sanctus est dupliciter à Patre*

*Creatura sunt à Patre tripliciter, à Filio dupliciter, à Spiritu sancto vno modo.*

cto immediate solum, prout est à qualibet persona, quia respectu diuersarum personarum habet se Spiritus sanctus modo receptiuo solum, & non datiuo. Pater ergo ad opus creatum tripliciter comparatur, vno modo secundum se, alio modo vt dat virtutē creādi filio, tertio modo vt dat virtutem Spiritui sancto: sed filius operatur ad huiusmodi opus dupliciter, vno modo secundum se, quia ipsum creatum est secundum se à filio, alio modo est à filio mediante Spiritu sancto, in quantum vna cum Patre dat virtutem creandi Spiritui sancto: sed ad Spiritum sanctum comparatur huius opus solum vno modo, prout sc. est creatum ab ipso. Ex prædictis sumitur argumentum ad principale, ppositum. Quia summus Pont. constitutus in sede à Deo, tamquā imitator Dei, debet in suis actionibus imitari ordinem, quem videmus in actione diuersarum personarum. Sed personæ diuinæ seruant suum ordinem inconcussum, quia Pater cōmunicat naturam, & ea quæ habet, Filio, & non e contrario; & Pater semper spirat Spiritū sanctū per Filiū, & ex hoc spirat principaliter, & Pater producit opus principaliter respectu filij, quia virtutē creandi cōmunicat filio, & producit opus huiusmodi principaliter respectu Spiritus sancti, quia spirando ipsum, cōmunicat ei virtutem creādi: propter quod opus creatū semper reducitur in Patrem & Filium & Spiritum sanctū &: semper reducitur in filium per Spiritum sanctum. Ergo eodem modo summus Pontifex debet reducere personas inferiores in seipsum mediantibus prælati medijs. Sed contrariū facit exemptio, quia inferiores personas reducitur in supremum non per medium. Et cum nihil sit aliud, nisi quædam deordinatio coniungere inferius supremo sine medio. Idem ergo est facere exēptiones, & facere, quod personæ inferiores reducātur in summum Pont. non per medios, prælatos, & quod summus Pont. velit operari in personas inferiores Ecclesiasticas, nō per Prælatos & medios; ac si Pater velit creaturas in seipsum nō per filiū mediū; & eas creare non per filiū: ac etiam si Pater & Filius velint reducere creaturas in se, ac eas creare, non per Spiritum sanctum, cui cōmunicant virtutē creādi. Dicit tamen, quod hoc nō est simile onino, sed simile est secūdū impossibilitatē & indecentiā; quia ex parte diuersarum personarū est impossibile tollerē huius ordinē mediationis in reductione. Sed exēptio quantū ad summum Pontificem nō dicit impossibilitatem, sed indecentiam, quia decet eum non solum exemptionem non facere, sed etiā factam tollere, nisi faciat hoc pro magna & euidenti vtilitate Ecclesiæ.

*Respons. ad prædictam rationem.*

*Ostentatio.*

‘Dicendum ad istam rationem, quod in ipsa assumuntur impertinētia, & transcendentia materiam exemptionum, de qua fit sermo: & aliter potest videri, quod adducere talia arcana & pertinentia ad origines & emanationes diuinarum personarum ad exemptionum & privilegiorum materiam, est transcendere negotium de quo hic agitur, & magis videntur talia adduci ad ostentationem scientiæ ex parte dicentis, scribentis, vel proponētis, & ad inducendum simplicium intellectum in quandam admirationē dictorum, & stupefactionem, vel hæsitationē simplicium intellectuum; quam ppter aliquam efficaciam, quā habeant ad probandum intētum. Nec gloriatur iste doctor, quod talia inuenerit;

quia ab alijs doctoribus longē melius & diffusius tractantur super primū sententiā, vbi determinatē & propriē habent locū, & à magistro Henrico de Gandano in summa sua, sicut sciunt illi qui videntur. Ne tamen illa, quæ in prædicta ratione tangūtur, aliquid contra exēptionē & priuilegia, quantum ad simplices & imbecilles intellectus, concludere videantur, discurrendū breuiter est per singula prædictorum, concedendo quæ vera sunt & ostēdendo satis clarē, quod ad propositum nō concludunt. Quod enim dicitur, q̄ in diuinis non est hierarchia siue principatus respectu diuersarum personarum, ppter omnimodam æqualitatem & identitatem naturæ & virtutis, verum est. Quod etiam vterius additur, quod in diuinis est ordo originis, in quantum vna persona originatur ab alia, hoc similiter verum est. Vnde cū essentia diuina sit purus actus, & purum necesse esse, & sit simplex in fine simplicitatis, impossibile est ponere pluralitatem personarum in diuinis, & distinctionem realem inter eas, nisi per eas relationes originis. Ita quod est ibi ponere Patrem, à quo alius, & Filium qui ab alio, & Spiritum sanctū qui ab utroque: vt Pater in diuinis solū datiuē se habeat per cōparationem ad alias personas, & nullomodo receptiuē; ratione cuius à Dion. dicitur fontata deitas: Spiritus autem sanctus quantum ad diuina solum receptiuē se habeat: Filius autem se habeat receptiuē ad Patrem, & datiuē ad Spiritum sanctum: istæ tamen relationes originis, ac per hoc oppositæ & distinctiue personarum, sc. paternitas, & filiatio, & spiratio passiva, propter identitatem omnimodam, & simplicitatem fundamenti respectu vtriusque extremi, quod quidē est essentia diuina, nullam compositionem faciunt in diuinis: & hoc in quæstionibus ordinarijs, in quibus ex intentione ista materia pertractatur, fuit diffusius pertractatum & declaratum. Ex hoc etiam ordine originis sequitur, quod vna persona agit mediante alia, & q̄ vna mittit aliam, & quod vna mediante alia & per aliam operatur. Ita quod in pductione creaturæ Pater agit immediatē & mediante Filio & Spiritu sancto; filius immediatē & mediante Spiritu sancto: Spiritus sanctus immediatē solū. Sed quod vterius dicitur applicando ad propositū, quod Pater naturam, & quæ habet, cōmunicat Filio, & semper spirat per Filium, & mediante Filio, Spiritū sanctū: & respectu operis creati semper creat per Filium, & mediante filio, & p Spiritum sanctum & mediante Spiritu sancto, opus etiam creatū reducitur in seipsum ordinatē, mediante Spiritu sancto & mediante filio: & quod eodem modo summus Pont. debet reducere personas inferiores Ecclesiasticas mediantibus prælati, tamquam Dei imitator, & à Deo constitutus in sede. Et quod simile est, exemptiones facere, & personas inferiores Ecclesiasticas reducere in summum Pontif. non per prælatos medios, ac si Pater velit reducere creaturas non per Filiū, & eas velit creare, non per filium: ac etiam si pater & filius vellent reducere in se creaturas & eas creare non per Spiritum sanctum: & etiam quod dato quod exemptio nō dicat impossibilitatem quantum ad summum Pont. dicit tamen indecentiam. Hoc scilicet in ista ratione facit veritatem, & defectus multiplex rationis: & ideo ad hoc est principaliter respondendum: & dicendum, quod ad istud simile per longē maiorem diffi-

*Ordo originis inter personarum diuinarum.*

*Quæ persona mittat aliam.*

*Defectus rationis aduersarij.*

multitudinem respondendum est. Quod enim quidquid Pater operatur, operetur per filium, & Pater & Filius per Spiritum sanctum, hoc habet absolutam necessitatem omnino impossibile aliter se habere; quia Pater omnia quæ habet communicat Filio, & Pater & Filius Spiritui sancto, quoad omnia essentialia; ac differunt ratione relationum oppositarum constituentium & distinguuntur personas in diuinis, dicente Christo Iesu filio Dei in Ioanne. *Omnia quaecumque habet Pater, mea sunt: & ille de meo accipiet, & annuntiabit vobis* &c. Et alibi, *Ego & Pater vnum sumus*, quantum ad identitatem essentiae, quod uniformiter tenendum est de Spiritu sancto respectu Patris & Filij; cum etiam in diuinis sit perfecta & omnimoda æqualitas, eo quod essentia & virtus in diuinis supra quam fundatur æqualitas, sunt omnino idem; cum omnia absoluta transeant in substantiam in diuinis, dicente Paulo ad Philip. 2 de Christo, *Cum sit forma Dei, non rapinam arbitratus est, esse se æquale Deo*. Ex istis omnibus sequitur, quod impossibile sit Patri operari nisi per Filium, & Patrem & Filium nisi per Spiritum sanctum: quia cum sit eadem virtus numero, & indiuisibilis in tribus personis producendi creaturam, & essentia diuina, quæ est eadem, omnino, quod sua virtus, ut præcisè conueniens tribus personis, & non ut connotans aliquam relationem vel notionem distinctiuam, sicut ratio producendi creaturam: impossibile est, quod Pater producat aliquam creaturam, quin eadem creatura eadem productione producat a Filio & Spiritu sancto, propter omnimodam identitatem & æqualitatem virtutis productiue. Verumtamen, quia Filius habet illam virtutem sibi à Patre communicatam per generationem æternam, & per modum intellectus, & Spiritus sanctus à Patre & Filio per modum voluntatis: licet tres personæ eadem virtute & indiuisa operatione producant creaturam, dicitur tamen creatura produci à Patre per Filium, seu mediante Filio; & à Patre & Filio per Spiritum sanctum, seu mediante Spiritu sancto: & hæc est necessitas inconcussæ & incommutabilis ordinis in diuinis, ut sic intelligatur Pater agere per Filium, & Pater & Filius per Spiritum sanctum: non sicut agens principale per instrumentale, sicut Rex per balliuum: nec sicut genus vniuersale per particulare, sicut sol vel cælum per hominem: sed sicut per agens æquale habens per omnia eandem essentiam & virtutem, habens tamen illam per alium, vel ab alio communicatam: nec sic ponenda est principalitas in diuinis personis quod alia dicatur minus principalis, quia principalitas ibi non potest continere essentiam, sed solum relationem designantem à quo alius, vel à quibus alius: quia Pater est à quo alius, scilicet Filius: & Pater & Filius, à quibus alius, scilicet Spiritus sanctus. Vnde illa principalitas moderatè & sobriè intelligenda est: quia nisi sanè intelligeretur, occasionem erroris posset de facili generare: potissimè si illa principalitas non ad relatiua vel notionalia, sed ad essentialia per simplices homines referretur. Tantum ergo colligendum est ex prædictis, quod identitas virtutis & essentiae, ut præcisè conueniens tribus personis nullam distinctionem connotando, est causa, quod opera Trinitatis sunt indiuisa. Sed communicatio eiusdem essentiae & virtutis ab una alteri, & à duabus vni, est ra-

tio quod una per alteram, duæ per tertiam operentur. Ex quo etiam sequitur, quod ad omnem operationem, ad quam se extendit virtus operatiua in Patre respectu effectus exterioris & creati, se extendit virtus operatiua in Filio & Spiritu sancto, propter identitatem virtutis creatiue & operatiue in tribus, & per comparationem ad extra, Christo dicente Ioan. 5. *quacumque ille facit, hæc & Filius similiter facit*. Sed totum est e converso in summo Pont. per comparationem ad Prælatos Episcopos respectu inferiorum personarum. Primo quia non est eadem potestas iurisdictionis nec ordinis, in Papa & alijs Episcopis, saltem secundum identitatem numeralem: nam quidquid sit de identitate specifica, quantum ad potestatem iurisdictionis in Papa & in alijs Episcopis, licet potestas ordinis sit eadē specie in ipso & in alijs Episcopis, tamen sunt secundum materiam differentes; nec sunt sic similiter in actu, quantum ad conseruationem in esse, nec quantum ad aliquem effectum causandum, quod de necessitate concurrant in eundem effectum. & habeant opera indiuisa, sicut dictum est de operibus trium personarum in diuinis; nec per consequens summus Pont. in omni opere suo operetur per Prælatos, vel ipsis mediantibus, sicut de diuinis personis dicebatur. Secundo est dissimile, propter inæqualitatem virtutis & iurisdictionis. Nam propter omnimodam identitatem substantiæ & æqualitatem virtutis, negabatur, & negatur ratio principatus in diuinis. Sed Prælati mediij non habent æqualitatem potestatis ordinariæ iurisdictionis cum summo Pont. quia summus Pont. est assumptus in plenitudinem potestatis, & alij in partem sollicitudinis; ratione cuius iurdictio summi Pont. ad multa se extendit, ad quæ iurdictio Prælatorum Episcoporum sigillarim vel insimul sumptorum nullatenus se extendit. In omni enim ordinato principatu oportet ponere aliquem vnum principalem & primum, cuius autoritas se extendit ad aliquid ultra, ad quod potestas seu autoritas inferiorum seu mediiorum nullatenus se extendit. Quod si veritatem habet in principatu civili vel regali, multo fortius in Ecclesiastico principatu, sicut habetur expresse 24. q. 7. cap. *Est aliud piscandi genus, quo genere sanctum Petrum piscari Dominus iubet*, &c. Licet ergo in diuinis non inueniatur principatus; quantum ad diuinas personas ad se inuicem comparatas, propter omnimodam identitatem & æqualitatem substantiæ & virtutis; inter personas tamen Ecclesiasticas propter inferioritatem & particularitatem potestatum & iurisdictionum ex vna parte, & superioritatem & excedentem generalitatem ex alia, reperitur variatio principatus, ratione cuius persona principas vniuersaliter in Ecclesia militare, non solum de possibili, verum etiam de jure diuino, & de expedienti & decenī multa potest & debet, non mediantibus Prælati medijs, operari: & dicere oppositum, siue dicere, esse omnino simile de summo Pont. & Prælati medijs, respectu personarum inferiorum, & de Patre & Filio & Spiritu sancto respectu creaturarum operando vel reducendo, siue secundum possibilitatem siue secundum decentiam, est velle æquare potestatem Episcoporum omnium, potestati & iurisdictioni summi Pont. quod est inconueniens & hæreticum, & enim perniciosum. Tertio est dissimile, quia Dominus Papa non solum de possibili, sed etiam de

*Malè arguitur à S. Trinitate ad Papam & Episcopos.*

*Hæreticum est æquare Episcopos summo Patri.*



Casum re-  
eruatō à  
Papā.

Matth. 16.

Prov. 16.

Ioann. 7.

Non cōcor-  
dant Episco-  
pi cum Papā  
ut Filium cū  
Patre.

conuenienti & decenti retinet multos casus, à quibus post retentionem alij Prælati absolvere non possunt, nec in ipsis dispensare: & hoc decet & expedit, & ad detestationem scelerum; & ut homines à perpetrandis nefandis actibus efficacius retrahantur. Si autem non posset agere in inferiores personas, nec ipsas in seipsum reducere, nisi per Prælatos medios, non posset sibi casus huiusmodi retinere. Vnde in signum, quod nullus casus peccati subterfugiat iurisdictionē Papæ, dictum est in persona Petri sub signo vniuersali distributio, Mat. 16. *Et tibi dabo claves regni celorum. Et quodcumque ligaueris super terram eris ligatus & in cælis: & quodcumque solueris super terram, eris solutus & in cælis*: quia habet plenum vsum clauium propter plenitudinem potestatis: alij autem Sacerdotes & Episcopi habent clauē ligatas & limitatas, quantum ad vsum, per determinationem vel subtractionem materiæ, secundum ordinationem summi vicarij Iesu Christi. 4. deficit ratio prædicta per dissimile, quia cum hoc, quod impossibile est, Patre operari, nisi per Filium, propter prædictas rationes, tamen hoc dato per impossibile, quod esset possibile, ad huc tamen non deceret; & hoc quia in Patre & Filio & Spiritu sancto est voluntas omnino cōcors: quia eadem per essentiā, & propter eundem finem operantur, scilicet propter diuinam voluntatem, quæ est finis non sui ipsius, quia sicut in diuinis non est causa efficiens per comparisonem ad diuinas personas, sic etiam non est causa finalis: sed sicut Pater & Filius & Spiritus sanctus sunt causa efficiens creaturarum, sic etiam sunt causa finalis earum, iuxta illud in Prouerb. *Omnia propter semetipsum operatus est Dominus*. Et non solum Christus secundum quod Deus, habet voluntatem concordem & conformem Patri, sed etiam secundum quod homo, ipso dicente Ioan. 7. *Sicut docuit me Pater, hac loquor*. Et *Qui me misit meum est, & non reliquit me solum, quia quæ placita sunt ei facio semper*. Non autem potest sic dici de medijs Prælati Episcopis respectu summi Pont. quia plerumque in voluntate & opere non concordant: quia summus Pontifex tamquam summus vicarius & monarcha militantis Ecclesiæ intendit promotionem boni communis, quod in imperfectis religiosi potissimè relucet. Prælati autem medijs Episcopi querentes quæ sua sunt, non quæ Iesu Christi, bonum huiusmodi nituntur impedire. Et ideo non est indecens, sed decens & expediens, quod religiosi non per Episcopos medios, sed per alios sui ordinis; & aliqui immediate, sicut Abbates, in summum Pont. reducatur. Item per exemptiones & priuilegia sequitur communis utilitas, & quantum ad mala euitanda, & quantum ad bona promouenda, ut fuit per habita manifestum. Item summus Pont. non habet se solum datiuē in Ecclesiastico principatu, ad similitudinem Patris in diuinis, nec alij solum receptiuē se habent respectu eius: imò ad sui creationem & promotionem concurrunt electio & cōsensus Cardinalium. Si etiam eligitur non Episcopus vel non Sacerdos, ab alio ordinatur & cōsecratur. Item in quantum talis dignitas recipitur in natura peccabili, recipit ab alijs Ecclesiæ sacramenta, sicut sacramentum poenitentiae, & extremæ vñctionis. Ex quibus patet, quod ratio huius doctoris deficiebat in multis, ut prius dicebatur.

Septima decima ratio innuitur Angelicis hierarchijs. Ponitur enim triplex distinctio in Angelis. Vna est hierarchiarum, quæ accipitur ex diuersitate illuminationum, & sunt tres, ut patet. Alia est distinctio ordinum, quæ accipitur ex diuersitate operum, & sunt nouem ordines, quia in qualibet hierarchia sunt tres ordines Angelorum. Tertia est distinctio Angelicarum personarum & accipitur penes diuersitatem naturarum; quia quot sunt Angeli siue personæ Angelicæ, ut dicit, tot sunt Angelorum species, in quolibet tamen ordine sunt quasi innumerales Angeli, licet sub vna specie, secundum ipsum, plurificari non possint. Quod autem quotquot sunt Angeli, tot sunt species Angelorum, ita quod non possunt esse plures Angeli in eadem specie, probat ex tribus. Primo ex hoc quod Angeli sunt quædam formæ subsistentes à materia separatæ: quia cum sint quædam formæ sine materia, non possunt differre, nisi formaliter & per formam. Sed idem est differre formaliter & per formam, quod differre specie, ergo &c. Major patet, Minor probatur per Aug. 83. questionum, ubi notat ideas, esse formas, vel species, formam & speciē accipiendo pro eodē. Secundo probat ex eo, quod formæ sunt sicut numeri, ut habetur 8. Metaph. Sed nulli sunt numeri formaliter differentes habentes totidem unitates, seu æqualiter distantes ab unitate. Ergo eodem modo nullæ sunt formæ formaliter differentes habentes totidem perfectiones, vel æquæ perfectæ seu æqualiter distantes à primo in gradu perfectionis; licet differentia numero possint esse æquæ perfectæ. Major patet per Philosophum 8. Metaph. ut dictum est, & etiam patet per rationem; quia sicut omnes numeri procedunt ab unitate, sic omnes formæ & omnes species procedunt à Deo, quia secundum Boetium in lib. de Trinit. *Est vere vnus, in quo nullus est numerus rerum absolutarum, licet sit in ipso numerus rerum relatarum*. Conueniunt etiam formæ cum numeris; quia sicut numeri propinquiore unitati sunt magis simplices & minus compositi, ita formæ propinquiore Deo, sunt magis simplices, & minus compositæ. Est tamen in hoc dissimile, quod numerus, quanto est propinquior unitati tantò habet rationem minoris numeri, quia continet in se plures perfectiones. Propter quod Deus, qui est numerus sine numero, dictus est infinitorum nomen; quia continet in se perfectiones infinitas, ut vult Dion. 1. de diu. nom. 3. probat hoc idem, ut Angeli comparantur ad animam humanam; & ista prælatio solum conuincit, quod Angeli non sunt compositi ex materia & forma, sed sunt formæ simplices. Nā cum anima humana sit forma ipsius corporis, & omnis forma secundum se tota sit quidam actus; impossibile est quod aliqua forma sit materia, vel aliquid, quod sit pura potentia. Et tamen sic est, quod nullum cōpositum ex materia & forma potest esse forma. Ex quo sequitur, quod anima humana non potest esse composita ex materia & forma. Est etiam alia ratio, quia aliter sequeretur, quod perficeret immediate duas materias, scilicet suam, & materiā corporis, quod est impossibile. Cum igitur Angelus sit actualiter & simpliciter formalior qualibet anima humana, & simplicior, cum anima teneat gradum infimum in genere substantiarum separatarum, sequitur, quod Angelus non possit habere ma-

Ratio 17.  
aduersarij.

Triplex in  
Angelis di-  
stinctio.

In Deo non  
est numerus  
absolutus,  
sed relatio-  
num.

Angelus  
simplicior ani-  
ma humana

teriam partem sui, sed est ipsa forma, & per consequens non potest differre ab alio Angelo, nisi forma & specie. Quare &c. Ex quo sequitur principalis conclusio, quod cum Angeli sint quædam formæ, & natura per antonomasiam dicatur de forma, ut habetur 1. Physic. & 5. Metaph. sequitur quod distinctio Angelorum accipiat pro distinctione & diuersitate naturarum; & quia non sunt duæ species in vniuerso æque perfectæ, sic quod non possunt duo Angeli esse æque simplices, vel æque perfecti. Et quia in natura perfectiori recipitur perfectius & nobilius esse, non erunt duo Angeli habentes æque nobile esse. Itē quia natura intellectualis habet perfectiorē naturā & perfecti⁹ esse, habet per consequens perfectiorē & perspicaciorē intellectū, sequitur, quod non possunt esse duo Angeli habentes æque perspicacem intellectum. Ex quibus omnibus patet, quod distinctio Angelorum est accipienda tripliciter. primò ex simplicitate & diuersitate naturæ, secundò ex nobilitate essendi, 3. ex perspicacitate intelligendi. Quomodo autem accipienda sit distinctio ordinū ex diuersitate ordinum vel denominationū quæ sumuntur ex operibus, patebit in capitulo sequenti. Restat ergo videre principaliter, quomodo distinctio hierarchiarū accipi debeat ex diuersitate illuminationum, quas illuminationes oportet descendere à Deo in Angelos, secundum quod ipsæ hierarchiæ sunt ad inuicem ordinatæ. Hoc est ergo regulare in huiusmodi hierarchiarum illuminationibus, quod cōmuniter loquendo, hierar. illuminatur immediate ab eo quod est supra se, & illuminat omnes qui sunt sub se: ita quod 1. hierar. illuminatur immediate à Deo & illa illuminatio pertingit immediate ad omnes Angelos 1. hierarchiæ, licet per hoc non excludatur, quin Angeli perfectiores eiusdem hierarchiæ, & etiam eiusdem Ordinis, illuminare possint angelos eiusdem hierar. vel ordinis minus perspicaces & minus perfectos, iuxta illud Isaïæ. *Seraphim clamabant alter ad alterum.* quod exponere videtur Dion. quantum ad doctrinam, ita quod alter petebat ad altero edoceri. 1. ergo hierar. quia est inter Deum & Angelos 2. hierarchiæ, illuminatur à Deo, & illuminat Angelos 2. hierar. tamquam inferiores, 2. hier. quæ est inter angelos & angelos illuminatur ab angelis 1. hierarchiæ, & illuminat angelos 3. hierarchiæ 3. hierarchia quæ est inter angelos & homines, illuminatur ab angelis 2. hierarchiæ & illuminat homines. Et sic differunt huiusmodi illuminationes in quodam generali, vel penes primum effectivum seu illuminatiuum, vel penes substantiam receptiuam. 1. modo differunt 1. hierarchia & 2. utroque modo differt 3. hier. à 1. & secundo modo tantum à 2. ut patet inuicem. Ponit exemplum familiare & grossum, quantum ad doctrinam humanam. quia 1. ponitur magister habens cathedræ excellentiam, 2. sunt baccalarij 3. lectores, 4. prædicatores, 5. plebs vel populus. A doctore ergo siue magistro descendunt illuminationes doctrine in baccalarios, & isti sunt ut 1. hierarchia, & inter istos etiā sunt gradus, quantum ad maiorem vel minorem perspicacitatem intellectus. A baccalarijs descendunt illuminationes in lectores, qui se habent, ut 2. & infima hierar. à prædicatoribus descendunt illuminationes in populares, qui repræsentant hic. hominū, quæ illuminatur ab infima hiera.

Angelorum. Ex his ergo omnibus formatur ratio ad propositum: quia Ecclesiastica hierarchia debet imitari hierarchias Angelicas & cælestes. Sed in angelicis hierarchijs inconcussum videmus hunc prædictum ordinem obseruari, quod 2. hiera. se habet immediate ad primā 3. immediate ad 2. ita quod in ipsis hierar. quantum ad illuminationes, inferiora reducuntur ad superiora per media, nec in talibus est exemptio secundum totum, nec secundum partem: sed omnes de 1. hierar. illuminantur immediate à Deo, & omnes de 2. illuminantur immediate ab illis de 1. hierar. & eodem modo illi de 3. respectu 2. nec illi de hierar. inferiori unquam collocantur supra illos hierarchiæ superioris, nec ita immediate illuminantur à Deo, sed tenent suum ordinem inconcussum. Eodem modo in Ecclesiastica hiera. inferiores non debent collocari circa superiores immediate, vel circa supremum, sed debent reduci in superiores vel in supremum per prælatos medios: & quia oppositum facit exemptio, ex ipsis Angelicis hierarchijs patet, exemptionē non esse faciendam, sed tollendam.

Ad istam rationem est dicendum, quod tota virtus huius capituli prout ad propositum spectat, in medio consistit sc. in vltima applicatione ad propositū. Quia tamen in hoc capitulo præmittit quasdam longas digressiones ad propositum impertinentes, quæ magis habent locū super 2. sententiar. quā in proposito, quarū quidam digressionum quædam sunt falsæ vel dubiæ, & quædam virtutem habent: ideo in solutione dictæ rationis seu dicti capituli sic procedam, quia ad 1. concedo illa quæ vera in dicto capitulo continentur: ad illa quæ falsa sunt vel saltem dubia respondebo, 2. solua ad formam rationis, prout facere videtur contra exemptiones vel privilegia per simile de Angelicis hierar. Quantum ad 1. in declarando distinctionem angelī debere sumi penes diuersitatem naturarum, duo ponit, quæ videntur dubia. Vnum est, quod non possunt plures Angeli esse in eadem specie, 2. quod videtur supponere, quod esse recipiatur in natura angelica tamquam aliquid realiter differens ab ea, prout etiā alibi multa scripsit ad probandam diuersitatem esse & essentiam. Quantum ad 1. quidquid sit de facto, utrum sc. sint plures angeli in eadē specie: dicere tamen, quod non possunt esse plures Angeli in eadē specie quacumque potētia, sicut suæ rationes innuunt, non est tutū, nec cōuenienter dictum. 1. quia dicere, Deum non posse facere plures angelos in eadem specie, est articulus condemnatus Parisijs, ab Episcopo, & de consilio omnium magistrorum in Theologia, qui pro tempore regebant. 2. quia si non possent esse plures Angeli in eadē specie, aut hoc esset ratione perfectionis specificæ angelicæ naturæ, aut quia formæ simplices carentes materia, siue non habentes materiam partem sui. Sed nullum istorum impedit, non 1. quia non potest dici, quod ratione perfectionis sibi repugnet communicari pluribus suppositis, quia hoc repugnaret Diuinæ naturæ, quæ summæ perfecta est: quod tamen falsum est. 2. non ratione imperfectionis, quia iam magis istis quidditatibus inferioribus repugnaret quod videmus esse falsum. nec potest dici 3. quod angelicæ quidditati repugnat ex eo quod caret materia & est forma simplex; quia animæ separatæ sunt simplices formæ sine materia, ut prius porbatum est, & etiā probari po-

Responso ad  
rationem ad-  
uersarij.

Artic. Pa-  
risiensis.

Isa. 6.

*Differre formaliter & differre specie non idem est.*

test: quia si anima humana in essentia sua includeret materiam, sequeretur, quod illa materia esset actus & forma materiae corporis: quod universaliter materiae repugnat, quod videlicet sit actus vel forma; & tamen sunt plures animae separatae sub eadem specie. Nec potest dici, quod istae animae differant vel indiuiduentur per respectum ad corpora, quae informauerunt, vel quia sunt habitu formae corporum: quia iste respectus praesupponit suum absolutum & suum fundamentum, & magis indiuiduatur per ipsum, quam e contrario, nec respectus est de formali ratione absoluti. Item non sunt actu formae corporum, & tamen actu realiter distinguuntur. Ergo oportet ponere, quod seipsis formaliter differant; & per consequens non sequitur universaliter loquendo, quod differre formaliter sit differre specie; sicut 1. & 3. ratio eius supponebat. Ex quo patet, quod quidditas angeli, quantum est de se, plurificabilis est in plura supposita absoluta; & cum non sit actus purus, nec infinitus plurificabilis est huiusmodi quidditas angeli secundum plurificationem suppositorum. Essentia autem divina una & eadem numero manens simplex in fine simplicitatis, subsistit in tribus personis relatiuis: quod sibi convenit, propter eius infinitatem & illimitationem. Praeterea omnis quidditas, quae potest intelligi sub ratione universalis sine contradictione, ita quod in ratione conceptus ejus non includitur singularitas, talis inquam plurificabilis est eadem specie manens in plura supposita. Sed omnis quidditas specifica creaturae est huiusmodi. Ergo &c. Propter hoc dicit Avicenna 6. Metaph. suae, quod necesse esse differri non potest, quia non habet rationem universalis, nec genus, nec differentiam. Item Porphyrius absque distinctione dicit, quod species est dicibilis & praedicabilis de pluribus differentibus numero. Ergo &c. Item Angelus posset annihilari a Deo, quo annihilato non videtur ratio, quin Deus posset eandem naturam producere, cum illa species non habeat repugnantiam ad esse; & cum nihil angeli annihilati remaneat, magis videtur verisimile, quod produceret illam speciem in alio supposito, quam in 1. maxime secundum illos, qui dicunt, quod nihil idem numero resurgere potest, nisi aliquid ei remaneat. Ex hoc enim magis dicitur resurrectio hominum possibilis, quia homine mortuo remanet materia & forma, scilicet anima separata, quae in morte separatur ab ipso corpore, sicut perpetuum a corruptibili, ut habetur 2. de Ani. licet non intendam dicere, nec velim, quin Deus rem simpliciter annihilatam possit eandem numero reparare; sed hoc dico propter aliquorum doctorum opinionem. Sic ergo absolute loquendo dico, quod possunt esse plures angeli in eadem specie, non per viam generationis, sed a Deo per viam creationis; nec videtur esse aliqua repugnancia ex parte potentiae Dei creatis, nec ex parte angelicae naturae creabilis: & ad hoc possent adduci plures rationes aliae: sed quia ad propositum exemptionum non pertinent, ideo dimittantur: nec tamen tamdiu istam digressionem tenuissem, nisi occasionem dedisset. Sed utrum de facto sint plures angeli in eadem specie, novit ille, cui millia millium ministrant, & decies centena millia assistunt. Videtur tamen quibusdam probabile sine assertionem temeraria dicendum, quod de facto sunt plures Angeli in eadem specie, & ad maiorem amicitiam naturalem ponendam inter eos; & quia

*Possunt esse plures Angeli ejusdem speciei.*

aliquibus pijs mentibus videretur durum, quod divina sapientia & divina bonitas permetteret unam totam speciem intellectualem damnari, & sine suo frustrari. Constat autem secundum fidem Catholicam, quod multi Angeli damnabiliter ceciderunt, quare &c. Hoc tamen iudicio illius, cuius sapientiae non est numerus, & qui sua sapientia creavit Angelos; relinquatur.

Ad rationes eius in oppositum, per quas nititur probare impossibilitatem plurium Angelorum in eadem specie, per ordinem est dicendum. Ad primum cum dicit, quod Angeli sunt quaedam formae subsistentes sine materia, concedo; & quod ulterius dicitur, quod ex quo non habent materiam partem sui, non possunt nisi formaliter differre, & per consequens specie, dico hic, quod differre formaliter potest duobus modis intelligi. Vno modo differre formaliter secundum absolutam rationem formae, ita quod illae formae habeant quandam contrarietatem & oppositionem inter se, prout contrarietas largo modo extenditur ad praedicamentum substantiae, nec habeant aequalem gradum entitatis, per comparisonem ad primum, & per consequens ex illis formis, quia sunt principaliter contrariarum & inaequalium operationum, non possit formari unus conceptus perfecte uniuocus, & sic dico quod differre formaliter est differre specie: nam perfecta univocatio solum modo in specie specialissima reperitur, & quiuocationes enim latent in generibus, ut habetur 4. Phys. & sic accipit formam pro specie Aug. lib. 83. quaestio. Idea enim proprie est respectu specierum. Alio modo differunt aliqua formaliter, non secundum absolutam rationem formae modo praedicto: sed secundum quod haec forma, in quantum scilicet duae formae participant eandem formam, & eundem gradum entitatis secundum rationem specificam, iuxta illud Porphyrii, quod plures homines participatione speciei sunt unus homo; & sic duae quantitates separatae, & etiam quaelibet duae formae convenientes in specie, sicut etiam duae animae separatae, differunt formaliter, & isto modo differre formaliter non est differre specie. Vnumquodque enim per illud, per quod habet esse formaliter, distinguitur ab alio formaliter, vel specie vel numero: propter quod illa ratio non valet.

Ad Secundam rationem, cum dicitur quod formae sunt sicut numeri, dicendum, quod ibi accipit formam secundum absolutam rationem formae, prout dicit gradum determinatum entitatis, per comparisonem ad primum, modo prius dicto; non autem accipit formam, secundum quod haec forma, & prout una forma singularis, ad aliam in eadem specie comparatur.

Ad Tertiam, cum arguit, comparando Angelos ad animam humanam, dicendum, quod illa magis facit ad oppositum, quam ad propositum. Bene enim concedo, tamquam verum & necessarium, quod anima non est composita ex materia & forma, & quod Angeli non sunt ex materia & forma compositi: sed quando ex hoc concluditur ulterius, quod cum sint formae simplices, differunt formaliter; & per consequens secundum speciem, falsa est conclusio, & mala & defectiva consequentia, ut patet ex praedictis. Imò si per exemplum de humana anima sequeretur sua conclusio, eadem ratione sequeretur, quod animae humanae separatae differrent specie, quod est falsum, nec valet evasio de aptitudine, & respec-

*Responsio ad 1. rationem pro diversitate specifica Angelorum omnium.*

*Ad secundam.*

*Ad tertiam.*

*Mala conclusio aduersarij.*

*Esse non differt ab essentia.*

*Responsio.*

An ad corpus, quia illa differentia aptitudinum & respectuum præsupponit differentiam animarum. Et ut sit ad unum dicere, omnis entitas siue absoluta siue respectiva, seipsa formaliter, idest essentialiter, differt à quacumque alia entitate: licet quantum ad suum cōseruari in esse actuali multa alia exigat, nec possit solitaria existere, vel cōseruari in esse. Quantum ergo ad simplicitatem formæ, & exclusionem materiæ, bene cōcedo similitudinem inter Angelum & animam humanam; sed quod concluditur ex dicta similitudine, quod non possunt esse plures Angeli in una specie, est concludere, quod animæ humanæ differunt specie, etiam dum corporibus uniuntur; vel quod sit unus intellectus in hominibus omnibus, secundum errorem Averrois in 3. de anima, quod est falsum & hæreticum. Propter quod iste doctor volens ascendere super altitudinem nubium, ponens solum suum super astra, sine alis supernæ dilectionis & discretæ cognitionis volans super hierarchias Angelorum, erroribus sui declarationibus & applicationibus, timere debet, ne in profundum errorum, viliter & damnabiliter demergatur. Cum ergo dicitur, quod distinctio Angelorum accipitur penes diversitatem naturarum, debet intelligi, specie vel numero differentium, ut patet aliquantulum ex prædictis. Quod autem ulterius dicitur, quod distinctio Angelorum accipitur ite ex nobilitate essendi, si intelligat quod ipsum esse, quantum ad suum principale significatum dicat aliquam actualitatem superadditam essentiae, & ab ipsa realiter differentem, sicut in multis tractatibus suis nititur declarare: sic dico ipsum falsum supponere: & in ista sua operatione de diversitate esse & essentiae à multis doctoribus efficaciter reprobat: & alias dixi in quaestione ordinaria, & in quolibet, quod mihi super hoc videbatur: & licet ad hoc probandum possent adduci multæ rationes: quia tamen ad propositum de exemptionibus non pertinet de esse & essentia disputare, ideo supersedeo quoad præsens. Potest tamen dici breviter, quod cum actus perfectus & primus dans esse simpliciter, si sit receptus de necessitate, requirit puram potentiam receptivam, esse autem essentiae cum sit actus perfectivus & primus, cum sit prima participatio esse divini, & per ipsum res dicatur esse simpliciter, sequitur, si recipiatur in aliquo, quod ipsum receptivum sit pura potentia simpliciter, ad modum materiæ primæ, quod repugnat manifestè actualitati formæ & naturæ Angelicæ. Ex quo sequitur, quod in Angelis non differt realiter esse ab essentia, quantum ad principale signatum. Possent ad hoc multa alia adduci, sed quia impertinentia sunt, dimittantur, ut ad alia magis pertinentia procedatur. His ergo disgressionibus aliquantulum impugnat, ad rationem prout contra exemptiones applicatur, est principaliter & breviter respondendum. Quando ergo dicitur, quod Ecclesiastica hierarchia debet imitari cœlestem hierarchiam, dicendum quod verum est, prout est possibile, & in ordine ad bonum illorum, qui accepturi sunt hæreditatem salutis. Ad hunc enim finem cœlestes hierarchiæ & militiæ ordinantur, ut habetur ad Hebr. 1. Omnes sunt admisti. spiritus, &c. Et quando dicitur in minore, quod in cœlestibus hierarchiis nulla est exemptio, quantum ad illas illuminationes, nec secundum totum, nec secundum partem, dicen-

dum 1. quod Deus aliquas illuminationes causat immediatè in quolibet Angelum beatum, & in quamlibet animam beatam, sicut lumen gloriæ, & actus beatificos objectivè, quasdam tamen illuminationes, respectu contingentium pertinentium ad regimen universi, & dependentium ex libero arbitrio diuinæ voluntatis, secundum ordinem sapientiæ suæ causat in Angelos inferiorum hierarchiarum mediantibus superioribus. Similiter in Ecclesiastica hierarchia potest Papa immediatè exercere actum jurisdictionis suæ in aliquos, & potissimè quantum ad illa, quæ sunt de necessitate salutis; & potest etiam alijs non Episcopis committere; sicut actum absolutionis sacerdotalis, qui innititur characteri sacerdotali: quosdam etiam actus exercet per se immediatè, vel per Episcopos medios, sicut celebrationes ordinum, consecrationes virginum, & sic de alijs, ut prius dicebatur: & per hoc saluatur aliquantulum ordo Ecclesiasticæ hierarchiæ ad similitudinem hierarchiæ Angelorum. 2. dico, quod quantum ad exemptionem, non est simile de Ecclesiastica hierarchia & de angelica vel cœlesti: quia in cœlesti hierarchia illi qui sunt perfectiores in naturalibus & in gratuitis simpliciter, alijs minus perfectis præferuntur, & eis superiores efficiuntur; & per consequens expedit, quod inferiores à talibus illuminentur, nec exemptio ibi expediret; quia ibi non cadit defectus nec malitia ex parte promouentis Dei, nec ex parte promotorum. Sed plerumque contingit oppositum in Ecclesiastica hierarchia. ubi ad statum prælationis promouetur quoadq; minus digni, minus sufficientes, & minus literati, & multæ deceptiones & defectus ibidem contingunt, propter quos defectus expediunt exemptiones in Ecclesiastica hierarchia. magis quàm in cœlesti: & defectus imitationis Ecclesiæ hierarchiæ in ordine ad angelicam vel cœlestem, magis provenit ex indebita promotione & indebito regimine Prælatorum, quam ex ipsis exemptis: imò ipsæ exemptiones sunt in remedium mali regiminis, & reductivæ secundum rem ad similitudinem regiminis angelorum. 3. dico quod esse exemptum, vel esse immediatè sub summo Pontifice, non ponit gradum dignitatis essentialis, vel superioritatis per se loquendo, in Ecclesia Dei; sicut facit esse de prima hierarchia vel 2. ipsorum Angelorum. 4. dico quod non est simile, quia Angeli inferioris hierarchiæ numquam sunt assumendi in superiore hierarchia. Sed homines inferiores quoadq; sunt assumendi ad hierarchiam superiorem quam Prælati: imò potest esse, quod subditus assumitur in ordinem Seraphim, & Prælati ad ordinem infernum, vel fortè nullum: sed poterit damnari in inferno, ubi nullus ordo, sed sempiternus horror inhabitat. Ex quibus patet, quod ratio non valet, nec istæ impugnationes exemptionum videntur procedere ex zelo salutis animarum ipsorum subditorum: sed magis videntur tendere ad depravationem & expoliationem bonorum temporalium eorumdem.

Octava decima ratio innititur ordinibus Angelorum. Deus enim totam hierarchiam & militiam cœlestem, omnes angelos, omnia corpora cœlestia, omnia elementa, & totum universum ordinavit ad bonum & ad regnum electorum, ut boni finem beatitudinis æternæ ad laudem Dei efficacius consequantur, & mali sua culpa damnati amplius confundantur. Omnes autem huius ordinis, seu militiæ & principatus cœlestes, quantum

*Quoad exemptionem non est simile de hierarchia cœlesti & Ec.*

*Ratio 18. aduersarij.*

1. Cor. 15.

Ieann. 14.

Isaia 31.

Habac. 3.

Distinctio  
Hierarch.  
AngelicarumDist. Ordinum  
in Angelis.

Seraphim.

ad actum pugnandi & bellandi pro electis durabunt usque ad finem mundi. Sed in fine mundi quantum ad actum pugnae & bellicae cessabunt, iuxta illud 1. ad Corint. 15. *Deinde filius cum tradiderit regnum Deo & Patri, & euacuauerit omnem principatum, & potestatem, & virtutem.* Intelligentes per regnum electos, in quibus regnauit, quos tradet Deo Patri in fine mundi. Secundum glossam ibidem, Angeli Angelis, homines hominibus, daemones daemonibus praesunt: sed in fine mundi completo numero electorum, cessabit omnis praelatio: remanebunt tamen huius ordines tam in Angelis quam in hominibus, qui facient unam ciuitatem Dei, quantum ad maiorem vel minorem gloriam & quantum ad maiorem vel minorem triumphum; secundum diuersitatem meritorum, iuxta illud in Ioan. *In domo Patris mei mansiones multae sunt.* Et sicut in ciuitate Dei erit vnus Deus omnes glorificans, secundum diuersas mansiones, & secundum quod diuersimode meruerunt: ita in ciuitate diaboli erit vnus ignis, omnes damnatos tam daemones quam homines crucians, secundum magis & minus, & secundum quod diuersimode meruerunt. In fine ergo mundi completo numero electorum, non erit necesse, quod Angeli Angelos, vel homines homines doceant, quantum ad nouam instructionem: quia non ulterius perficientur scientia: sed omnes immediatè docebuntur & illuminabuntur à Deo, iuxta illud Isaia. 31. *Ero eis in Deum, & ipsi erunt mihi in populum. Et non docebit ultra vir proximum suum, dicens, cognosce Dominum: omnes enim cognoscent me, à minimo eorum usque ad maximum, ait Dominus.* Similiter completo numero electorum cessabit motus caeli, iuxta illud. *Sol & luna steterunt in habitaculis suis.* Cessabunt etiam elementa, quantum ad operationes suas contrarias, per quas agunt & patiuntur, & ad inuicem generantur & corrumpuntur; & vniuersaliter generatio & corruptio cessabunt in istis inferioribus. Ex quibus omnibus patet, quod electi sunt quodammodo finis omnium, & quod totum ordinatur ad bonum electorum, vt prius dicebatur. Vt autem videamus plenius distinctiones Angelorum, & quomodo ordinantur ad bonum vniuersi, adhuc aliud aliquid est dicendum de distinctione hierarchiarum. Sicut enim videmus in curia regis temporalis, aliqui sunt secretarij, intromittentes se de omnibus, quae sunt in regno, sicut camerarij & consules; alij sunt Magistri & iudices, agentes opera, & exercentes iudicia, quae pertinent ad totum regnum: alij praepositi & balliui sparsi per diuersas partes regni. Primi ergo sicut secretarij, immediatè docentur à Rege, quomodo vult regi regnum suum, & postea docent alios, constituunt primam hierarchiam. Magistri autem intromittentes se de toto regno constituunt secundam. Alij autem sparsi per diuersas partes regni, constituunt tertiam. Prima ergo hierarchia docetur à Deo immediatè, secunda à prima; & tertia à secunda: & sic accipiuntur secundum diuersitatem illuminationum. Distinctio autem Ordinum, vt prius dicebatur, accipitur secundum diuersitatem operum, ita quod in prima hierarchia sunt tres ordines. Primus ordo denominatur à causa scientiae, scilicet ab amore; & dicitur Seraphim, idest ardentes & accensi amore Dei: amor enim est tota causa, quare aliquis reuelat alij secreta sua. Secundus ordo tamquam sub Seraphim denominatur ab ipsa scientia,

quae non est ita alta, sicut sua causa. Nam secundum Hugo. super Angelica hierar. *Intrat amor, ubi foris stat scientia.* Et dicitur ille 2. ordo Cherubim, idest scientia. Cherubim enim plenitudo scientiae dicitur. 3. ordo denominatur ab effectu scientiae, qui est iudicare, & dicitur ille ordo Throni, quasi sedes Dei, in quibus sedet Deus, proferens iudicia sua de regimine vniuersi. Et bene dicitur denominari ab effectu scientiae; iudicare enim est effectus scientiae. Nam vt habetur in prologo Ethicorum, vnusquisque bene iudicat de ijs quae nouit, & horum est bonus iudex. In 2. autem hierarchia sunt alij tres ordines denominati ab alijs tribus operibus vel actibus. 1. actus est, illa quae sunt iudicata & sententiata per Thronos, & reuelata, illis de 2. hierarchia modo debito imperare; secundum quod accipiuntur Dominationes, 2. actus est impedimenta remouere, quantum ad Virtutes, quarum est miracula facere; per quae remouentur impedimenta incredulitatis, & inducuntur corda fidelium ad credendum. 3. actus est, remotis impedimentis imperata in effectum mancipare, quantum ad Potestates. Similiter in 3. hierarchia ponuntur tres ordines. 1. est Principatus, qui quasi princeps se intromittit de vna vel pluribus prouincijs vel populis, sicut princeps, Persarum intromittebat se de Persis, & Michaël de Iudaeis, tamquam princeps eorum, secundum ordinem faciunt Archangeli; qui maiora nuntiant; vnde & se intromittunt de singularibus personis; hoc tamen est inquantum bonum illarum singularium est bonum totius multitudinis: sicut Gabriël nuntiavit Mariae natiuitatem Christi, quod fuit bonum totius populi Christiani. Tertium ordinem faciunt Angeli, qui se intromittunt de singularibus personis, vt singulares sunt, & vt bona eorum sunt bona singularium personarum. Ex his formatur ratio ad propositum. Quia summus Pontifex in ordine Ecclesiastico, & in personis Ecclesiasticis, tamquam Dei imitator, debet apponere curam & diligentiam, ut talem ordinationem teneat in Ecclesiastico principatu, qualem tenet Deus in caelestibus hierarchijs & in ordinibus Angelorum, prout ordinatur ad bonum regimen electorum. Dicitur Deus sic ordinare caelestes hierar. & ordines Angelorum, quod vnaquaeque militia & vnusquisque Angelus tenet gradum, & locum sibi debitum: ita quod ordo inferiorum nunquam perfectior est superiori, nec hierar. inferior superiori hierarchia: nec illuminatur ordo inferior à Deo, sicut superior, quantum ad illa quae spectant ad regimen vniuersi. Ergo eodem modo summus Pontifex debet vnicuique seruare locum suum, nec debet inferiores personas sibi immediatè coniungere, sed mediantibus Praelatis medijs, ad similitudinem eorum quae videmus in hierarchijs & in ordinibus Angelorum. Et quia contrarium facit exemptio, quia ordinem debitum non seruat, locum proprium non custodit, quia res debitas esse in loco inferiori collocat supra illum locum, & in loco eis non debito, nec ordine sibi competenti, sequitur, & exemptio est tollenda, & non concedenda, nisi pro euidenti causa, & raro, pro vtilitate Ecclesiae, ad eas faciendas moueatur.

Ad istam rationem breuiter est dicendum, & licet ecclesiastica hierar. debeat imitari caelestem, tamquam ab illa excita, & ad illam finaliter ordinata, personae tamen Ecclesiasticae ab imitatione huius-

Cherubim.

Throni.

Daniel. 10.  
Archangeli

Luc. 1.

Angeli.

Respons. ad  
ration. aduersary.



Disparitas  
inter Ange-  
los & homi-  
nes quoad  
hierarchias.

huiusmodi deficere multipliciter dignoscuntur: ratione cuius non est simile de personis Ecclesiasticis, quantum ad rationem exemptionis, & de ipsis hierarchiis & ordinibus Angelorum. 1. Quia perfectiores & digniores angeli simpliciter in superiori hiera. & ordine ponuntur, secundum valorem personarum, & exigentiam meritorum. Sed in Ecclesiastica hierar. plerumque preferuntur, ut dictum est, personarum minus sufficientes, carētes scientia & virtutibus, pleni cupiditate & avaritia, intendentes commodum temporale, non curantes profectum subditorum: quandoque etiam non intrant per ostium in ovile: sed per violentā intrusionem, vel per simoniacā praviratem. Dato etiam quod promotores vel electores habeant voluntatem meliorem promovendi, non tamen propter defectum notitiarum, possunt discernere meliorem. Item dato, quod pro presenti melior eligeretur, potest tamen perverti; per vertibilitatem & malitiā voluntatis. Sed nihil tale contingit in Ordinibus Angelorum. Nam ille, qui est spirituum pōderator, in cuius oculis omnia nuda & aperta sunt, vult semper præponere meliores. Angeli etiam beati, cum sint confirmati in bono, semper intendunt electorum salutem, nec deviare possunt per errorem vel malitiā a rectitudine veritatis: ob quod in Angelicis spiritibus locū non habet exemptio. Sed propter defectus prædictos in promotione & regimine Prælatorum, necessaria est exemptio, potissime Religiosis, ut divina quietius contēplentur. 2. Solvi potest, & jam in parte dictū est, quod omnes Ordines, & omnes Angeli bene movent, & operantur circa electos, in ordine ad finem intentum a Deo: sc. propter diuinam bonitatem, propter diuinum honorem, & propter electorum salutē. Sed Prælati frequenter movent subditos per imperitiā, & operantur circa illos, in ordine ad finem contrarium, sc. ut satisfaciant suæ ambitioni & cupiditati: propter quod in militante Ecclesia est opus exemptione, non autem in Ecclesia triumphante. Nec propter exemptionem ponitur exceptus in loco sibi non debito: cum hoc non ponat essentialē gradum dignitatis in Ecclesiastico principatu; & cum hoc cum Papa sit immediatus ordinarij cuiuslibet Christiani. Et specialiter cum multi exempti sint perfectiores Prælati, quantum ad merita scientiæ & virtutis. Propter hæc ratio non concludit.

Ratio 19.  
adversarij.

Nonadecima ratio innititur distinctioni hierarchiarum & ordinū Angelorum, prout post iudicium remanebunt. Dictum est enim, quod omnes hæc distinctiones hier. & ordinum angelorū, quamdiu durat mundus vsque ad diem iudicij, sunt ordinatæ ad pugnandum, & ideo vocantur militiæ cœlestes: quia sicut homines quamdiu viuunt, pugnant ut saluentur, iuxta illud Job 10. *Militia est vita hominis super terram.* ita angeli, quamdiu durat mundus, pugnant & bellant pro hominibus ut saluentur, & distinguuntur per principatus, quantum ad hierarchias; nam hierar. sacer principatus dicitur: & per acies, quantum ad ordines Angelorū. In vno n. principatu bene sunt plures acies, ita in vna hiera. bene sunt plures ordines Angelorum. In qualibet etiam acie sunt multi bellantes; sicut in quolibet ordine sunt multi Angeli bellatores. Quādoq; etiā contingere potest, quod antequam habeatur vel reveletur diuinum iudicium de modo pugnandi, quod habet fieri mediantibus Angelis i. hier.

& immediate per Thronos, boni Angeli inter se resistentiam vel pugnam habent, quantum ad particulare volitum; ut sc. non velit unus idē quod alij: iuxta illud quod scribitur in Daniele, quod princeps Persarum, qui erat Angelus, restitit Michaēli, qui erat princeps Iudæorum viginti & vno diebus. Volebat enim Michaēl liberare Iudæos, credens hoc esse faciendum propter orationes multorū bonorum Iudæorū; & princeps Persarum, hoc impediebat, vel non permittebat, videns multa bona contingere Persis, quorū Princeps erat, propter Iudæos cōmorantes inter illos. Vterque enim volebat bonū populi cuius erat princeps: & ista pugna duravit, donec acceptū fuit diuinum responsū, & diuinū iudiciū de liberatione Iudæorum: & ita vterq; mouebatur vno bono spiritu, & habebat bonam intentionem. Sicut etiam in vna cōmunitate possunt homines diuersi diuersa velle, & vnus velle, & alius non velle, secundum quod conscientiæ diuersimodē informantur, & tendunt ad diuersos fines, quorum tamen vterque est bonus. Sicut eodem vento existente in mari, si aliter & aliter vela vnius navis & alterius ordinentur, ibunt naues in aliam & aliam partem. Ex dictis ergo per modū epilogi, quod distinctio hierar. vel principatum potest sumi vno modo ex modo illuminationum, quia vna & eadem hierar. habet aliquomodo vnum & eundem modū illuminationis; vel potest sumi a modo bellandi, quia quælibet vna & eadē hierar. pugnat pro electis vno & eodem modo: & prima hierar. facit renouando secreta Dei. Secunda intromittēdo se de toto regno, &c. Ad hæc autem repetuntur & epilogantur ista, ad insinuandum quod distinctio hierar. & acies siue ordines non poterunt remanere post iudiciū; ut sunt quædam & quidā principatus ad pugnandum vel militandum pro victoria electorum, remanebunt tamen quinque modis, ut ex hoc videatur, quod exemptio sit tollenda. Remanebunt primò quantum ad maiorem vel minorem plenitudinem gloriæ, secundo quantum ad maiorem vel minorem perfectionem naturæ, 3. quantum ad maiorem vel minorem nobilitatem essendi, 4. quantum ad maiorem vel minorem perspicacitatem intelligendi, 5. quantum ad maiorem vel minorem lætitiā triumphandi. Vterius enim non erunt bellantes, sed solū triumphantes. Nunc enim præsens Ecclesia est militans, non triūphans. Sed cœlestes hierar. sunt vtrumque triumphantes in se, bellantes pro nobis. Sed quando Christus tradet regnū suū, idest omnes electos, Deo & Patri, tunc non erit vltius pugna, nec remanebunt ista, quantum ad effectum bellandi, sed quantum ad lætitiā triumphandi; & hæc secundum magis & minus: quia omnes superiores Angeli, quantum ad omnia 5. prædicta inferiores præcedunt, cum eis, quantum ad prædicta, secundum tribuentis seu remunerantis iustitiam, gradus nobilior debeatur. Ex quibus omnibus formando rationem ad propositum, quod non solum ab Angelis seu hierar. seu ordinibus Angelorum relegatur exemptio, prout ordinantur ad pugnandum pro electis vsque ad finem mundi; imò etiam quod post iudicium apud hierar. & ordines cœlestes locum exemptio nō habebit: quia quilibet in suo gradu & in suo ordine secundū propriam capacitatem habebit plenitudinē gloriæ, & sic de alijs, secundum exigentiam meritorum; nec inferioris

*Bellum inter Angelos sanctos quid sit & unde. Daniel. 10.*

*Epilogus adversarij.*

Pp

& minoris meriti, tenebit locum vel gradum superioris & maioris meriti; sed omnes tenet, secundum proprium ordinem, locum suum. Et quia exceptio facit oppositum; sequitur ex ipsius ordinibus angelorum, ante iudicium & post, quod exceptio non est facienda, sed tollenda.

*Responsio ad  
predictam  
rationem.*

Ad istam rationem breviter est dicendum, quod licet ibi sit magna & longa multiplicatio verborum, sicut in alijs præcedentibus, quæ etiã magis pertinet ad materiam 2. Sententiã, quã ad propositum; cum hoc quod ratio transcendens est, & de materia transcendenti, sicut & aliæ, virtus tamen ejus, quantum ad propositum pertinet, in modico consistit, nec tãgit diffingultatem aliã à prædictis. Tota enim virtus rationis in hoc consistit, quod superiores Angeli sic servabunt gradum & ordinem suum, quod plus habebunt de perfectione naturæ, & de plenitudine gloriæ, de nobilitate essendi, de perspicacitate intelligendi, & de lætitia triumphandi, quam inferiores, inquantum perfectiores sunt in naturalibus, & in gratuitis, & in essentia gloriæ, & plus habuerunt, & nobiliori modo de regimine universi, quã inferiores; & per consequens plus iuuerunt ad victoriam contra mundum, carnem, & diabolum obtinendam. Ex quo sequitur, quod post hoc iudicium illi electi plus habebunt de gloria & de lætitia triumphandi, qui plus in præsentia habuerunt de gratia, & de charitate finali; & plus ceteris meruerunt; & qui aduersarijs salutis, in se & in alijs perfectiorem victoriam habuerunt: ita quod si prælati in huiusmodi pugna alios excelluerunt in prædictis, sequetur etiam, quod sicut habent gradum altiore in Ecclesia; sic habebunt & in cœlo, præsertim quia secundum Apostolum, *Qui bene administraverit, bonum gradum sibi acquirat.* Verum, quia plures sunt Prælati, qui in huius pugna remissè, negligenter, & quandoque perniciosè se habent, nec intrant aciem secundum formam traditam à Christo principante, nec pugnant ad intentionem principis, sc. ad consecutionem salutis subditorum, ex eo quod in eis deficit charitas, & superabundat cupiditas; ideo gradum dignitatis iniuste detinent & occupant in Ecclesia militante. Nec sequitur, quod ante iudicium vel post, consequentur gradum beatitudinis altiore: imò timendum est, ne consequantur gradum damnationis grauiorem. Non est ergo simile de gradibus dignitatis in Ecclesia triumphante & militante: quia semper in Ecclesia triumphante gradus dignior & altior tribuitur magis digno; cuius contrarium fit frequenter in Ecclesia militante, non autem in triumphante. Quod etiam per simile ad pugnam corporalem potest aliquãlter declarari. Licet enim in regno temporali dux & comes teneant locum & gradum altiore, quàm vnus simplex miles, possibile est tamè, quod vnus pauper miles sit magis strenuus, & magis expertus in armis, & in arte militari, quàm vnus baro magnus regni sui: & ideo supposito quod huiusmodi pauperi militi velit exercitus obedire, magis expedit, quod exercitui præficiatur, quàm baro ditior & generosior eo in ordine ad finem victoriæ obtinendæ. Sic etiam summus Pontifex videns negligentiam, & inexperientiam, & auaritiã Prælatorum, Religiosos potest eximere à iurisdictione eorum, & de prælatis alijs, licet sint minoris status, Abbatibus & Prioribus magis expertis, & magis sollicitis providere, secundum quod consecutioni finis æternæ beatitudinis magis nove-

rit expedire. Ex quo etiam in omnis Prælatio, tam hominum quàm angelorum, debet ordinari ad salutem electorum, religiosi diuino seruitio mancipari, se Christo, prout est eis possibile, conformantes, cum sint venturi ad illam beatitudinem & forte ad gradum altiore quàm Prælati, secundum exigentiam meritorum, à iurisdictione eorum eximi debent, per quos consueuerunt à diuino seruitio, & ab actibus contemplationis & deuotionis, multipliciter impediri. Item exemptio non ponit exemptos super Episcopos, ut frequenter dictum est; imò Episcopi sunt in gradu dignitatis altiori; & eis comperunt aliqui actus ratione ordinis Episcopalis, sicut ordines celebrare, chrismata conficere, & sic de alijs, qui non competunt alijs personis inferioribus quantumcumque exemptis. Habent etiam multos alios subditos, pro quibus debent plusquam fecerunt, præliari, & eos debent illuminare per doctrinam sanctæ prædicationis, Sed tamen his diebus non consueuerunt se talibus occupare. Item, ut pluries dictum est, nullus, quantum ad illa quæ sunt fidei, est exemptus. Ex quibus omnibus patet, quod ratio non valebat. Item, quod ipse connumerat nobilitatem essendi cum alijs, si intelligat quod in Angelis, ipsum esse, quantum ad principale significatum, dicat rem aliã ab essentia, falsum est, ut patet ex dictis, & alias fuit diffusè declaratum. Quare &c. Viceversa ratio nititur ostendere, quod exceptio magis cauenda est in personis ecclesiasticis, quàm ad aliquid, quam in ordinibus vel hierarchia seu personis angelicis: & replicando multa quæ dicta sunt prius adhuc iteratò. 1. adducit rationem ad tollendam exemptionem per comparisonem ad Angelos, ut faciunt ad regimen universi. 2. adducit aliam rationem ad probandum, quod quantum ad aliquid minus debent fieri, & etiam magis nocere in personis Ecclesiæ, quam in Angelis. 1. ratio est talis, & jam tacta est frequenter superius, quia sic se debet habere summus Pontifex in regimine Ecclesiæ quantum ad personas Ecclesiasticas, quæ in Prælatione existunt, sicut Deus in regimine universi. Vicarius enim inquantum potest, debet imitari illum, cuius est vicarius. Sed Deus sic regit mundum per angelos, ut nullus superextollatur super gradum suum & ordinem, & nullus eximatur à suo gradu & ordine: & magis digno plus communicat de huiusmodi regimine universi; quia ut dicitur ad Rom. 13. *Quæ à Deo sunt: ordinata sunt.* Ergo & summus Pontifex sic debet facere & regere Ecclesiã sibi commissam, ut nullus superextollatur, vel eximatur à suo gradu & ordine: ita quod personis existentibus in gradibus, magis dignis magis communicet de huiusmodi gubernatione, secundum quod magis vel minus sunt assumptæ in partem sollicitudinis. Et quia contrarium facit exemptio, ideo sequitur quod sit cauenda. 1. ratio, quod magis cauenda est in personis Ecclesiasticis, quam in Angelis, est talis. Quia Deus posset sine Angelis gubernare mundum æquè bene & perfectè, sicut mediantibus angelis. Unde non per aliquam indigentiam ex parte sui, sed propter abundantiam bonitatis suæ, vult huiusmodi dignitatē regiminis communicare suis Angelis, modo dicto. Sed non est sic de summo Pontifex, quod possit totum facere per seipsum. Imò si vellet hoc facere, diceretur sibi: sicut dixit lecto Moyse. *Paulo labore consumeris, & ultra virtutis est negotium; solus illud ferre non poteris,*

*Ratio 10.  
adversarij.*

*Rom. 13.*

*Exod. 18.*

ut habetur Exo. 18. Imo Prælatus temp præfens satis habet facere ad corrigenda forefacta suæ diocæsis, ut non vituperetur ministeriū suum. Et si Prælatus præfens non potest hoc facere summ<sup>o</sup> Pont. hoc facere poterit semper absens? Si tamen aliquos eximat, nō fiet ita bene, nec ita bene corrigetur exēpti, qui nō habēt Prælātū Episcopū super se vigilantē, sicut non exēpti. Ergo &c.

Resp ad 20.  
ration.

Ad istam rationem breuiter est dicendum, & primò, quòd bene verum est, quòd sicut Deus magis digno Angelo plus communicat de regimine vniuersi, & ipsum in gradu constituit digniori, sic summus Pontifex prout sibi est possibile, deberet personas magis dignas & magis idoneas ad regimen Ecclesiasticum, & ad salutem electorum, ad dignitates Ecclesiasticas & ad Prælationes promouere: & hoc idē debent facere in collegiatis Ecclesijs electores: ad salutem enim electorum omnis Prælatio Ecclesiastica finaliter ordinatur. Et sicut sunt digniores & perfectiores promouendi & honorandi, sic sunt insufficientes & inidonei deponendi. Et si sic fieret, tunc Ecclesia melius regeretur, & fortē si omnes Prælati insufficientes à suis officijs deponerentur, & qui ad regimen Ecclesiasticum non sunt apti, pauci in suis officijs vel gradibus remanerent. Gradus ergo Ecclesiastici seu dignitates Ecclesiasticæ Ecclesiā non gubernant, sed personæ in talibus gradibus vel dignitatibus existentes: & ideo secundū proportionē personarum & graduum essent Ecclesiastici ad dignitates Ecclesiasticas assumēdi. Si tamen fiat contrarium, quod personæ inidoneæ, insufficientes, & insecræ, & etiam tyrannicæ, per fraudem & per simoniam ad huiusmodi dignitates assumantur, non est inconueniens, imò est necessarium, quod personæ diuino vacantes seruitio ab eorum iurisdictionibus eximantur, de Prælati alijs medijs magis expertis & magis sollicitis prouidēdo. Nūc iste doctor nō loquitur nisi de gradibus dignitatis, ac si per o & nihil facerent in regimine, sed i, sa dignitas quasi machina reget Ecclesiā, vel quod personæ magis dignæ semper in gradu digniori ponantur, cuius oppositū ad sensum videm<sup>o</sup> de facto. Item Episcopi Prælati magis habēt de regimine Ecclesiæ & subditorū, quā eis expediret, nec sufficiunt ad regendum. Item habent aliquos nobiles actus, ratione Episcopalis ordinis, quos non habent alij minores Prælati, sicut ordinare, virgines consecrare, &c. ut dictum est prius. Item est alia potestas & dignitas Episcopalis ordinis, & alia dignitas & potestas Episcopalis & spiritualis iurisdictionis, ut prius fuit visum in solutione 14. rationis, propter quod ratio non valet. Ad aliam rationem, cum dicitur, quod magis cauenda est in personis Ecclesiasticis, quā in Angelis, dicendum quod falsum est, ut probatum est superius; quia in Angelicis spiritibus & in regimine ipsorum non cadit error, nec deceptio, nec dominatio, sicut frequenter cōtingit, quantū ad Episcopos medios in Ecclesiastico principatu. Et quando dicitur ulterius, quod Deus eorum posset regere immediatē & æquē bene, non tamen summus Pont. cum sit creatura, & homo defectibilis, nec possit ubiq; præfens esse, ad hoc dico, quod verum est, sed ex hoc concludi non potest, quod exemptio sit tollenda; nec quod summus Pont. stulto labore consumatur, accipiens solus negotium ultra vires. Imò iuxta consiliū Ietro sacerdo-

Non gradus  
sed persona  
gubernant  
Ecclesiā.

Alia est po-  
testas Ordinis,  
alia  
iurisdictionis  
in Episcopis.

tis Madian elegit ad partem sui oneris, & sui regiminis supportandam, viros sapientes & gnaros, odientes avaritiā: cuiusmodi erant sancti Episcopi & Confessores in Ecclesia primitiua. Verum quia processu temporis vidit, quod unusquisque in viam suam, scilicet ad avaritiā, declinabat, & quod placebant pastores semetipsos, & lanis gregis operiebantur, gregem autem Domini non placebant, ut habetur Ezech. 34. sicut prius fuit allegatum: & etiam hoc, ad Ecclesiasticū regimen non ouebantur, ut in pluribus, min<sup>o</sup> digni: quoddam Religiosos certis ex causis voluit ex mēte, & eis de patrimonio sui Ordinis, Abbatibus, Prioribus, & capitulis generalibus & provincialibus, gnatu & sapientibus, & avaritiā odientibus, prouidere. Ex quo patet, quod per huiusmodi exemptiones stulto labore nullaten<sup>o</sup> se consumit, nec solus est in regimine exemptorum: sed prouidit sibi de conuenientibus medijs in ordine ad salutem electorum. Religiosorum specialiter, efficacius conuenientiam. Videnus etiam, quòd exempti nō accipiuntur, quam non exempti, & specialiter quā Sacerdotes seculares: sicut cōuenienter evidentia manifestat. Vnde etiam in n. Pont. corporaliter sit absens, habet tamen alios præfentes loco suo. Dico tamē, quòd Abbates particularib<sup>o</sup> medioeribus & pauperibus, nō ultra distat ab eis à sede Romana, quā non habēt in proprio cōuenientes correctores, non expedit exemptos, supposito bono regimine Prælatorū, sicut cōueniens principium huius operis dictum est. Si supposito autem malo regimine, adhuc eis melius dicit, eximī, quā per tyrannicā maiori Prælatorum nimis excessu ē gravari. Caueat ergo tan maiores quā minores Prælati, tam sc. Episcopi quā Abbates, ne super subditos per avaritiā & avaritiā tyrannizent. Tyrann<sup>o</sup> enim ad id cōueniunt respicit, nisi propria utilitatis causa, ut dicitur 5. Politic. & hoc est correctiui in rebus politicarum, ut dicitur 5. Politic. Ite pter quod, sicut tyrannicū regimen fuit & est causa, ex parte Prælatorum, quare aliqui subditi iurisdictione eorum sunt exempti, sic etiam Abbates aliquorum. Ordinum per violentas iniurias alicuius, & injustas depositiones aliorum, & injustam & indebitam aggregationem pecuniarum, vellent super subditos Tyrannicā exercere, posset esse, quod eorum demeritis possent exemptiones huiusmodi aliquibus temporibus annullari. Nullum tamen violentum perpetuū esse potest, sicut probatur 8. Physic. Dominum autem tyranni violentum est, ut habetur 5. Politic. ex quo sequitur, quòd dominū tyranni perpetuū ari non possit, ut probatur ibidem. Debet enim Prælati regere suos subditos, sicut dicitur regulam eis traditam à principaliter principante: & secundū exigentiam suam, ad quē subditi ex intentione ejus ordinantur. Ex dictis patet, quòd ratio contra exemptionem non valebat.

Exod. 18.

Non solus  
Papa exemptos regit.

Dominū tyranni  
violentiū est, ut habetur 5. Politic.

21. Ratio, ubi incipit fieri defectus ad illa, quæ palpari possunt, & tractari de facto, inhibetur in avaritiā, quæ fecit exemptio in Templarijs, quantum ad illa, quæ sunt fidei: ita quod præfens ratio, & aliquæ alia quæ sequuntur, factis, seu effectibus malis, magis quā rationibus inveniuntur: & potest sic formari ratio ex dictis suis. Quia illud debet cauēri, & numquam vel raro concedi, ex cuius concessione homines habent occasionem labendi in diuersos errores apostolicos & hereticos

prauitatis. Sed exemptio est huiusmodi. Ergo summus Pontifex non laxatis fibris, sed restrictis habenis procedere debet in exemptionibus concedendis. Major patet. Minor probatur, per ea quæ de facto videmus in Templarijs, qui occasione suæ exemptionis lapsi sunt in apostasiam perfidiæ, negantes & inducentes de nouo receptos ad negandū Christum esse verum Deū: asserentes Christum fuisse, non pro redemptione humani generis, sed pro suis sceleribus, crucifixum. Facti sunt etiam infideles, negantes Ecclesiæ sacramenta: specialiter sacramentum Eucharistiæ, quod est continentia sanctius, quia in eo continetur totus Christus, qui est Sanctus Sanctorū, intelligentia pulchrius & purius, quia post vnionem verbi ad carnem, inter cetera Dei opera sublimitate intelligentiæ pulchri<sup>9</sup> elucescit. Est tercio deuotione suauis, quia per ipsum incorporamur Christo, & efficitur mēbra eius: qui quidem cibus sacramentalis differt ab alijs cibis communibus in tribus. 1. quia est cib<sup>9</sup> mentis non ventris, 2. quia conuertitur in se cibātū, iuxta illud Aug. ac si Christus ab ipso sumptus sacramentaliter, ei loqueretur. *Non tu me mutabis in te, sicut cibum carnis tue; sed tu mutaberis in mi.* 3. differt ab alijs cibis, & ab alijs conuersionibus. Quādo vnū corpus per generationem vel nutritionem in aliud corpus conuertitur, hoc fit manente eadem substantia materiæ, quæ est subiectum manens sub vtroq; termino conuersionis. Sed tota substantia panis conuertitur in substantiam corporis Christi, eisdem accidentibus numero remanentibus. Secūdo non solum negabant Christum in Ecclesiæ sacramēto, verum etiam ceciderunt in vitium & errorē idolatriæ, adorantes inanimata idola, credentes se per ea suas diuitias possidere. Adorabant etiā catū in suis Capitulis, vt recognouerunt aliqui, & ipsi reuerentiam faciebant, credentes in talib<sup>9</sup> aliquid esse numinis, vel deitatis, q̄ est absurdū. Si autem Templarij nō fuissent exempti, sed fuissent à suis ordinarijs visitati, scita fuisset peruersa professio eorundem; nec in tales errores & hæreses cecidissent, nec in ipsis tādū remanissent.

Transubstantiatio.

Ratio 22. aduersarij.

Apocal. 14.

Vicesima 2. ratio annectitur causa præcedentium, quia est de Templarijs; tamen quia eadē solutio deserviet vtrique rationi, & innititur illis malis, quæ fecit exemptio in Templarijs, quantū ad illa quæ sunt moris; & dicit illa mala fuisse detecta per ministerium, industriam, & diligentiam illustrissimi regis Francorum, signati per Angelum illum, de quo dicitur Apoc. cap. 14 quod *data est illi clavis putei abyssi, & aperuit puteum abyssi, & ascendit fumus fornacis magna & obscuratus est sol, & aër de fumo putei* Ad videndum autem clariū, quomodo temporaliter errabant in moribus, est intelligendum, quod sunt tria bona mundana, circa quæ versantur mores humani, siue boni siue mali. Vnde si ad illa bona nos habeamus secundum Deum & rationem, sic sunt mores boni & virtuosī: si autē contra Deū & rationem, sic sunt mali & vitiosi. Huiusmodi autem tria bona sunt, 1. bonū delectabile, quantum ad gustum & tactum, 2. bonum vtile, sicut argentum & aurum, & illa quæ numismate mēsurantur. 3. bonum honorabile, sicut præfici, præesse, vel dominari: & ideo respectu istorum trium bonorum, quantum ad abutentes, reducit Ioann. omnia peccata, quæ perpetrātur in mū-

do dicēs 1. Io. 2. *Omne quod in mundo est, aut est Isai. 2. concupiscentia carnis, aut concupiscentia oculorum, aut superbia vite.* Templarij autem, quantum ad prædicta tria bona, & prædicta tria vitia, pessimē se habebant. Nam quantum ad delectabile secundum tactū, siue quantū ad venerea, sceleratissimē, sicut eis imponitur, se habebāt. Quātum enim ad peccatum secundum venerea, possunt homines in gradu triplici se habere, vt habetur 7. Ethic. Sunt enim quidam incontinentes, qui à principio tentationibus & passionib<sup>9</sup> resistunt, sed in fine propter eorum desidiam victi succumbunt, & hi dicuntur mali. Alij sunt intemperati, qui non bellant contra tentationes & passionēs, habituati in malum, est eis delectabile ire & viuere secundum illas; & multoties displicet eis, quod plus non tentantur, & quod plures motus non habent, siue non insurgunt, iuxta illud, quod dicitur in Prover. *Latanur cum male fecerint, &c.* & isti dicuntur peiores. 3. sunt bestiales, qui bestialitatem, idest vitium sodomiticum, quod est quædam bestialitas inordinabilis, ratione cuius signanter dicitur passio ignominie in Epistola ad Rom. dicunt sibi licere; q̄ isti qui talia agunt, sunt passi. Sed adhuc qui talia agunt, & dicunt talia licere, & non esse peccatum, sunt peiores, in hoc errorem & hæresim in moribus committentes. 2. errabant quantum ad bonum vtile, quod est concupiscentia oculorum, quia credebant quod per fas & nefas liceret eis bona temporalia acquirere vndecumque. 3. quantum ad bonum honorabile, quod est superbia vite, quia volebant omnibus superferri, sicut & ipsimet modo fatentur. Ex hoc sequebatur, quod omnibus alijs, seu aliorum honoribus inuidebant. Et creditur propter eorum inuidiam & superbiam ciuitatem Aconensem fuisse captam & perditam. Dicebatur enim publice, quod erant amici Saracenorum, & quod Saraceni ad eorum rogatū deferebant alijs Christianis. Dicebant Saraceni, quod Templarij erāt de lege cooperta: apud Saracenos enim philosophi & sapientes simulantes se credere legem eorum esse bonam, cum tamen sit tam irrationalis, occultē tamen recognoscebant vnū esse Deum, qui est prima causa omnium, prout in libris eorū legitur, & habetur, dicitur esse de lege cooperta, quia aliter credunt quam prætendant; sic etiā quia sciebant Templarios non credere legem Christianam, sed simulare se credere, dicebāt eos de lege cooperta. Et si dicatur, quod quādoq; strenuē bellabāt cōtra Saracenos, dicendum, quod & diabolus facit aliqua bona, sed illa facit intentione fallendi, sicut August. ait. Sic & Templarij si faciebant aliqua bona, nō tamē bene: quia non faciebant illa intentione placēdi Deo, nec merendi apud Christum, sed ppter temporale lucrum, vel vt coram hominibus apparerent. Nunc autē ista mala propter exemptiones Templarijs euenerunt; quia Prælati eos non poterant visitare. Ergo, &c.

Vitia Templariorum.

Prover. 2.

Rom. 1.

Templarij de secta cooperta credantur.

Ad istas duas rationes insimul est dicendum, q̄ nefandissima & sceleratissima sūt illa, quæ istis Templarijs imponuntur, & summē detestabilia cuilibet Christiano, quæ etiam multi ipsorum in regno Franciæ & alibi, & specialiter principales Magistri Ordinis Tēpli publicē sunt cōfessi. Errabāt enim turpissimē & nefandissimē, si vera sunt, quæ dicuntur, quantū, ad principia fidei, & quantum ad principia naturæ; tamquam apo-

Responsio ad 21. & 22. rationes.

1. Corin. 3.

Difficile est  
d nare aut  
excusare  
Templario.

Luc. 22.

Malè con-  
cluditur ex  
Templarijs  
contra excep-  
tiones uni-  
versim.

statæ perfidè negantes fidei fundamentum. Nam secundum Apostolum, *fundamentum aliud nemo potest ponere, preter id quod positum est, quod est Christus Iesus*. Et non modicum stuporis & admirationis inducit, quomodo in tot & tantis, & tam prouectis hominibus, nobilibus & ignobilibus, diuersorum generum & diuersarum linguarum, educatis à legitimis parentibus, nutritis inter fidelissimos Christianos, potuit tam subito nō solum lex fidei Christianæ, verū etiā lex naturæ tā turpiter & horribiliter offuscari. Quomodo etiā princeps tenebrarū intrantes Ordine illū propter honorem Christi, & ad Christi injurias vindicandas, & ad defensionem & recuperationem terræ sanctæ, ad debellandum inimicos fidei Christianæ, poterat tam citò peruertere, & in contrarium tam turpiter & tam grauiter immutare, & infelicitate & enormiter possidere. Rursus, si talia non haberent veritatē, quomodo principales Ordinis, qui erant exercitati in armis, in quibus metus inordinatus de facili cadere non debebat, tam vilis, tā horrenda, coram tota Vniuersitate Parisiensi, & postmodū multialij coram sanctissimo Patre summo Pont. cōtra se & Ordinem sunt confessi? Et si vera sunt vniuersaliter quoad omnes, quomodo in Seno nec si & Remensi, cum alijs provincijs. multi Templarij ex certa sententia permiserunt se comburi, à suis promissis confessionibus recedentes: cum tamen scirent, se posse euadere, si redirēt ad primitus confessata? Hæc sunt, quæ materiā dubitationis hincinde pluribus administrat. In quæstionem etiam factæ in diuersis regnis, quæ fuerunt lectæ publicè in Ecclesia maiori in Vienna tempore Concilij generalis, in multis contrariari sibi inuicem videtur. Ille autem, cui omne cor patet, & quem nullum latet secretum, spūs scilicet Ecclesiæ Iesus Christus, ad illustrationē purificationem, & pacem suæ sponsæ, velit super his reuelare plenam & meram veritatem, antequam hoc generale Concilium terminetur: ita quod veritate cognita, putamus & ardentissimus zelus Christianissimi & Illustrissimi principis Regis Francorum, ratione præuia finem prosperum & salutiferum sortiatur: & ut summus Vicarius Iesu Christi, Petrique successor, sic regat navem Ecclesiæ sibi cōmissam, ut inter procellas maris huius mundi euadens naufragium, eam pducatur ad portum felicitatis æternæ, omnia quæ ad hunc & ad alios pertinent articulos, diffiniens & disponens ad honorem Christi, & exaltationem orthodoxæ fidei Christianæ. Sibi namq; in persona Petri dictū est. *Ego pro te rogam Petre, &c.* Regentem namque Petri nauiculam non solum oportet esse solidatum in fide, verumetiam fluctuantes & debiles solidare, & stabiliter confirmare, & auersos & deuios ad veritatis rectitudinē reuocare. His ergo prælibatis ad objectiones istas, quæ prædictis erroribus inniuntur dicendū, quod dato, quod omnia essent vera, quæ Templarijs imponuntur, adhuc nihil per hoc rationabiliter concludi potest contra exemptos, & privilegia illorum Ordinum, qui persoluendo diuino officio manciantur, & in quibus sunt homines literati, & specialiter in quibus homines Iuristæ, & Theologi, & scientifici præferuntur. Dicere ergo, quod exceptio fuit in causa istorum errorum, non est verum. 1. quia ut multi & magni dicunt, non erant exempti; 2. quia dato quod essent exempti, tamen quantum ad illa quæ sunt

fidei, non erant exempti. Imò quamcumque exempti fulgeant dignitate, si de hæc si impetantur, Episcopis sunt subiecti, ut patet Extrau. *Ad abolendam*, in fine. Imò si Papa esset hæreticus, quod absit, in hoc esset minor & inferior fidei quolibet Christiano, 24. q. 2. *Acharius*. Sed si tales fuerunt, ut dicitur, sunt aliæ causæ congruentius & verissimilius assignandæ. 1. quia erant laici, & specialiter, quia rectores eorum & principantes apud eos, sacra Scripturæ notitiam non habebat. Sacra enim Scriptura est turris fortissima & munitissima propugnaculis: & mille clypei pēdēt ex ea, omnis armatura fortium. Cant. 4. Per ipsam enim custoditur, & roboratur scutum fidei ad extinguendum ignea tela nequissimi humano generi aduersantis. Ab ipsa etiam accipitur gladius spiritus, quod est verbum Dei. Propter quod cum Christi præcipuis sectatoribus diabolus per inuidiam potissimè sit infestus, eo quod æternæ beatitudini consequendæ præ alijs sunt adscripti, non expectat aliquam religionem purorum laicorum esse exemptam: cum huiusmodi nō habeant sacerdotes sacculares, nec Prælatos Clericos visitatores, nec habeat in Ordine intrinsecū directiui, sed laici clericis dominantur, ac si pedes supra caput contra naturalem ordinem ponerentur. Labuntur de facili in errores, potissimè cum sint pompis & vanitatibus dediti, quæ cito excecant hominem, nisi frænū inueniant rationis. Affectus enim ad temporale causat ignorantiam, & econuerso. Vnde Chrysostomus super Mat. *Nihil quo scriptum ignores, ita facit, ut temporalibus his rebus esse affixum: nihil hominem ita temporalibus rebus affici, nisi per ignorantiam*. Defectus ergo scientiæ diuinæ scripturarum potuit esse vna causa istorum errorum in Templarijs ut de ipsis, verificetur illi d. Isa. 5. *Captiuus ductus est populus meus, quia non habuit scientiam*. Et Ambr. dicit. *Gravissime peccas, si ignoras*, grauissimè inquam, id est periculosissimè. Licet enim ignorantia excuset peccatum à tanto, quia tamen morbo non obuiat, nec ostendit pericula, nullum ponens prohibens contra peccatū, nec aliq; retractiui, potest esse ratio, quod aliqui in errores grauissimos dilabatur: supposita tamē in hoc pueritate veritabilis voluntatis. Propter quod dicitur Sap. 3. *Sapientia & disciplina nam qui abiicit, infelix est*. Et Paulus 1. ad Cor. 2. dicit quod *animalis homo non percipit ea quæ Dei sunt: insipientia enim videtur illi, & non potest intelligere, quia spiritualiter examinatur*, sicut superius fuit dictum. 2. Ratio in Templarijs esse potuit, quia prædicto defectu supposito, maiores eorū habitabāt cum Infidelibus & Saracenis; & cum non haberent clypeum Scripturatum, quem sciret opponere, cito poterant trahi extra limites veritatis. 3. Causa esse potuit otiositas. Non enim erant occupati in diuino seruitio, nec in studio literarum; & cum essent diuites, non indigebant opere manuali. Pauci etiam eorum & rari se exercebant in actibus bellicosis; & in eisdem, ut dicitur, in captione ciuitatis Aconensis infideliter se habuerunt. Cum igitur animus hominis nesciat esse otiosus, si non occupatur in actibus virtuosiss, de facili recipit cogitationes inutiles, & peruersas, & citò labitur in errores, & diuersa genera peccatorum; quia *sensus & cogitatio hominis prona sunt in malum ab adolescentia*, ut dicitur Genes. 8. Propter quod in ipsis, si vera sunt, quæ dicuntur, verificatū fuit illud Eccli. 33. *Multam*



*malitiam docuit otiositas, & illud Ezec. 16. Hæc fuit iniquitas Sodome sororis tue, superbia, abundantia panis, & otiositas.* Et B. Bernard. 2. de Consideratione dicit, quod otiositas fugienda est, *mater nugarum & nouerca virtutum.* Seneca etiam in Epistolis dicit, quod *otium sine literis mors est, & vini hominis sepultura.* Ratione quorum omnium concludit Salomon Proverb. 2. *Et qui festinat otium, stultus est.* 4. causa continuatiua erroris esse poterat, quia annū probationis non habebat, quod multum reddebat eos suspectos, & circumuenti, errores tā graues alijs reuelare forsitan non audebant; & ex hoc iamdiu est, quod habebant Prælati sufficientem occasionē inquirendi, quantum ad illa quæ sunt fidei, contra ipsos: præsertim cum in historia de terra sancta, in qua narratur facta Godefridi de Buillon, in vno capitulo sint nō modicū diffamati. In omni ergo cōgregatione, & specialiter religiosa, & in actib<sup>9</sup> bellicosis, requiritur, quod sint aliqui literati, qui sciant alios instruere de articulis fidei, & de pertinentibus ad salutem, & qualiter à Deo debet victoria belli principaliter expectari; & ad ipsum, & eius honorem principaliter ordinari: & narrare victorias, quas dedit Deus illis, qui pugnabant pro diuinis legibus defendendis, & pro cultu fidei augmentando. Vnde & Iudas

1. & 2. Mac. Machabæus, dum deberent ingredi bellum; armavit suos sermonibus optimis. Et moyses dux populi Israëliti accipit legem à Domino, & eam populo promulgauit. Et David Rex bellator egregius fuit eximius Prophetarum, sicut superius fuit dictum. Illa igitur quæ dicuntur de Templarijs, nihil impingere possunt nec debent in illos exēptos, in quibus sunt præsidetes homines literati; & qui iam ramos emisunt in cælum, & ornauerunt de suis ramis & spiritualibus folijs Ecclesiam triumphantem; & direxerūt & dirigunt in viā veritatis fidei Christianæ multos filios Ecclesiæ militantis. Illi namq; probati sunt, quos Deus commendat: nec illos possunt nec debent homines reprobare, quos Deus per remunerationem præmij & operationem miraculorum multipliciter approbavit. Beatus enim Gregor. qui exemptiones concessit & induxit, egregi<sup>9</sup> doctor, & summus Pont. monachus fuit, & multi fuerunt sancti in ordine S. Bened. Imò quasi omnes Abbatia nigræ ordinis S. Benedicti plurimorū sanctorū corporibus sunt ornata; & specialiter B. Benedic. cuius vitā scripsit B. Greg. & cuius regulam confirmavit, B. Manrus, & B. Hugo Cluniac. & B. Robertus, qui Cisterciensem Ordinem in honore Mariæ Virginis inchoauit, in quo floruit. B. Bernar. Abbas, & doctor egregius, B. Guillelmus 7. Abbas Caroliloci, & postmodū Primas & Archiepiscopus Bituricensis. Et B. Petrus Monachus Bonæ-vallis Vienn. Dioc. & postmodū Abbas in ordine, & deinde Archiepiscopus Tarentasiensis; & multi alij sancti in diuersis eiusdem Ordinis Cister. Abbatij, pro quibus Deus fecit & facit multa & magna miracula, & quorum nomina scripta sunt in libro vitæ. B. Edmūdus in Abbatia Pontini. & B. Malachias in Abbatia Claræ-vallis, propter devotionem Ordinis, elegerunt Ecclesiasticam sepulturam; quia in dictis Abbatij longo tempore in vita sua fuerant conuersati. In Ordine etiam E. August. sub cuius regula multi militāt mendicantes & non mendicantes, sicut Prædicatores, Præmonstratenses & Canonici Regula-

res, sunt & fuerunt multi sancti, sicut ipsemet B. Augustinus, apud Prædicatores B. Dominicus, & B. Petrus martyr; & in Ordine minorum B. Frāciscus patronus eorum, & B. Antonius. Vnde patet, quod illæ duæ rationes sumptæ de factis Templariorum, magis vidētur procedere ex animo detrahendi, quā ex zelo veritatem dicendi, seu mores hominum reformandi. Quare &c.

Vicesima tertia innititur malis & inconuenientibus, quæ facit exēptio in Canonicis sæcularibus exemptis. Et hæc probatur ex tribus, prout ad tria possunt specialiter cōparari. Possunt enim comparari ad Prælatos, à quibus se exemptos dicunt, 2. ad suos conciuēs & socios, 3. ad personas illis conjunctas. Sed in his omnibus malè se habet, ratione & occasione exemptionū, quibus gaudent: vt probatur per singula discurrendo, ergo &c. Minor probatur 1. vt comparantur ad Prælatos; quia dedignantur Prælatos vocare superiores suos, sed se æquiparant Prælati, vocātes eos pares & vicinos: & quod grauius est, aliqui eorum reputant se Prælati superiores, asserentes se posse excommunicare ipsos: & dicunt se habere iurisdictionem in donabus Prælatorum, citantes & monētes familiares eorum: & quod peius est, insurgunt armati contra Prælatos: quæ omnia ab exemptione funere originē, nullus sanæ mentis potest dubitare. Nec valet, si dicatur, quod capitulum eligit, siue facit Prælatum, & per consequens est prius & superius & præstantius Prælato, sicut est causa præstantior suo effectus; quia sic se habet capitulū ad Prælatum, sicut calor, qui est accidens, ad formam substantialem ignis. Calor enim imperfectus in generatione ignis præcedit formam substantialem ignis, & se habet in huius generatione in ratione organi & instrumenti: sed ignis perfectus præcedit calorem perfectum; quia materia cum forma est causa omnium accidentū, quæ sunt in ea, vt dicitur in fine 1. Physicorum. Sic Capitulum imperfectum præcedit Prælatū perfectum via generationis: & se habet in eligendo in ratione organi & instrumenti: in quantum eligit in virtute Prælati superioris, ad quem pertinet confirmatio electi. Sed Prælatus perfectus & confirmatus præcedit perfectum capitulum. Capitulum enim imperfectum est, donec habeat caput confirmatum; & cum accidens non agat nisi in virtute substantiæ, vt imperfectum nisi in virtute perfecti, sequitur quod Capitulū agere non possit nisi in virtute Prælati. Capitulū enim dicens se exemptū à Prælato, dicit se imperfectū: & per consequens dicit se non posse agere, nisi in virtute ipsius: & sic negando loquelam ponit loquelā. Secundo declaratur hoc idem, prout comparantur ad consocios & conciuēs suos, tam clericos quā laicos. Nam incedunt armati, mouent rixas, vadunt errabundi de nocte, inuadūt clericos & laicos, & vulnerant eos. Et sicut alia non timent longinquum: sic isti sunt mū Pont. distantem non timent. Item Archidiaconi & alij, qui recipiunt à Prælati dignitates: propter quas faciunt eis homagia, & promittūt se eis esse subditos, non obediūt Prælati, nec metuunt eorū sentētiās, nec etiam sentētiās canonū formidāt. Item etiā in transitu & sine deliberatione debita cognoscūt de causis arduis; & matrimonia legitima, & per consequens rata, quia inter fideles, separant, nō solum quoad thorum, sed etiā quantum ad vinculum: separando, quos Deus conjū-

Ratio 23.  
aduersarij.

Historia bel  
li terra san-  
ctæ.

Sancti ali-  
qui Ordinū  
Religiosorum.

1. Corin. 7.

xix cōtra Euangeliū, & Apostolum 1. ad Cor. 7. *His qui matrimonio iusti sunt, precipio nō ego, sed Dominus, uxorem à viro non discedere: quod si discesserit, manēre innuptam, aut viro suo reconciliari.* Item in sententiā canonis incidentes, vna & eadem die visitāt plures Ecclesias, & à qualibet illarum totam & integram procurationem recipiunt in pecunia numerata: quod non licet Episcopis, nisi de Domini Papæ indulgentia speciali. Tertio declaratur hoc idem, vt cōparātur ad personas cōiunctas, tam laicos quam laicos, & ad vxores, sorores, filias, neptes, & alias personaseis conjunctas. Nam propter exemptionem nō timentes Prælatos, discunt noctuagi de nocte per villam, portantes arma & vulnerantes eos, qui volūt suis voluptatibus obuiare, frāgentes ostia, & mulieres ibi existentes vi opprimētes, vel violenter inde educētes, & alia enormia facientes; quibus omnibus exemptio tribuit incentiū, quia carentes capistro & freno correctionis, inde faciunt materiam & audaciā delinquēdi. Ex quo sequitur, quod exemptio sit tollenda ab ipsis; præsertim cum in eis non appareat vtilitas studij, quo fides saluberrima defenditur & roboratur: sed magis student ad rixas & litigia, & placitorū, & multorum malorū multiplicationem. Quare &c.

Responsio ad prædicta rationem.

Ad istam rationem dicendum, quod exemptio minus habet de cōgruitate & cōueniētia in Canonicis Ecclesiarū cathedralium, quam in personis religiosis, & in locis, & in Abbatij corūm dē. Primò quidem, quia maior est cōformitas, quantum ad vīctum, & quantum ad diuinum seruitium, & quantum ad modum habendi in proprio, & in communi, inter Episcopum & Canonicos propriæ Ecclesiæ cathedralis, quam inter Episcopum & Religiosos; qui differunt ab ipso Episcopo in vīctu & vestitu, & qui nihil habent in proprio, nec habere debent; & habent aliud seruitium in multis, & alias obseruantias regulares. Secundò, quia Episcopus magis immediate se habet in ratione capitis immediatij respectu Canonicoꝝ suæ Ecclesiæ cathedralis, quam respectu ipsorū religiosorū: & dicitur propriè sponsus immediat⁹ illius Ecclesiæ cathedralis, & ab ipsis Canonicis immediatè eligitur. Nec Decanus Ecclesiæ cathedralis ita potest habere nomen capitis & sponsi, respectu Canonicoꝝ ipsius Ecclesiæ, sicut Abbas respectu suorum monachorū; nec ita perfecte astringuntur Canonici ad obediendum Decano, sicut monachi adstringuntur ad obediendū Abbati: nec habet tantam vim castigatiuam & punitiuam respectu Canonicoꝝ, sicut Abbas respectu monachorū. Tertio quia Abbates vnius Dioc. non sic intimè faciunt vnum corpus cum Episcopo, sicut Collegiū Cathedrale cum proprio Episcopo: & ideo magis cōgruè possunt per viam exemptionis ab invicē separari. 4. Quia si Abbas excedat, vel sit impotens & deficiens in correctionibus monachorū, adhuc potest apponi remediū, vel per patrem Abbatem, vel per Capitula generalia, quantum ad illos cōmunes Ordines: vel saltē per Capitula quincialia, quantum ad alias particulares Abbatias: ita quod ob defectum correctionis nō oportet semper adire Romanam Curiā, sicut superius fuit dictum. Licet autem exemptio nō tantum deceat Capitula Cathedralia, sicut Collegia Religiosorum sicut dictū est, hoc tamen non obstante, adhuc expe-

Minus expedit Canonicos eximi, quam Religiosos.

dit, quod aliqua Capitula Cathedralia sint exempta. 1. Propter nobilitatem aliquarū Ecclesiarū Cathedraliū, & ad authoritatem Sedis Apostolicæ perfectius declarandā. 2. Quia Canonici tenentur ad residendum in Ecclesia, vt insistant diuino seruitio persoluendo pro viuīs & defunctis, propter quod bona Ecclesijs sunt concessa. 3. vt magis seruentur iura Ecclesiæ, & quantum ad possessionum & iurisdictionum Ecclesiæ perpetuam conseruationem: & quantum ad præbendarum Ecclesiæ magis discretā & rationabilem distributionem. Nam multi sunt Prælati, qui non curant, nisi quomodo ditentur ipsi temporaliter, & amici eorū; ratione cuius si omnium ad Ecclesiā pertinentiū haberent donum & iurisdictionum, citò petirent iura Ecclesiæ; præsertim cum totum capitulum, vbi sunt multi oculi, & multæ valentes personæ, plura videant: quod etiā magis est stabile, quam sit Episcopus: quia Capitulum non moritur, nec transferitur, sicut Episcopus: & plures oculi plus vident quam vnus: & quod à pluribus quæritur, tamen sint sapientes, facilius & efficacius inuenitur. Item etiam in concessione præbendarum Ecclesiæ multi Episcopi non attendunt ad merita personarū, in ordine ad bonum Ecclesiæ; nec in ordine ad finem principaliter intentum à Christo, sc. ad consecutionē beatitudinis æternæ; ob quæ omnia expedit, vt talibus Ecclesijs solēnibus Cathedralibus, ne pereant Ecclesiariū iura, & promoueantur digni, exemptiones & libertates à sede Apostolica concedantur: præsertim cum multi Episcopi plus intendant ad promotionem sui sanguinis, vel ad satisfaciendum suæ auaritiæ, quæ ad honorem Christi & Ecclesiæ, vel quam ad bonum animarū. Ex quibus dictis sequitur satis validū argumentum. Quia si Cathedralia capitula, de quibus minus videtur, vt dictum est, expedit eximi: qui cum Episcopis minus conueniunt, & per ipsos possunt de facto in suis obseruantijs regularibus multiplicius impediri, hos eximi magis conuenit.

Expedit etiam Capitula Cathedralia eximi.

His ergo prælibatis, ad illa quæ cōtra canonicos seculares & cathedrales exemptos proponit, est per ordinē respondendum. Et 1. cum nullus malus debeat ab aliquo sanæ mentis in sua malitia sustineri; dico, qd non est honestū, nec decens, nec consonum rationi, quod aliquis Canonicus, seu quicūq; de Ecclesia Cathedrali velit se simpliciter parificare Episcopo, quantum ad dignitatem & authoritatem grad⁹ vel ordinis: vel qd possit authoritate propria cōtra ipsum excommunicationis sententiā fulminare. In casu tamen ad iurisdictionem Ecclesiæ pertinente, ne pereant iura Ecclesiæ, potest suæ ordinare insistere doti; & debeat tunc Ecclesiæ libertatem, cuius tam ipse quam Episcopus membra sunt: licet Episcopo ratio capitis, quod est membrum nobili⁹, debeat: & inter membra corporis. caput debeat cōputari. Quod autem dicit, quod incedūt amati, &c. ista non approbo, nisi in casu necessitatis; quæ rarissime accidit. Ad id, quod vltimū addit, quod exemptio est in causa, non sequitur, sed peruersitas voluntatis: quia aliqui nobiles Canonici nō exempti facere talia nullaten⁹ formidarent, nisi suis cōscientijs præcaverent. Ad id qd dicitur, quod Capitulum se habet ad Episcopum, sicut accidēs & organum. & sicut calor impestu ad introductiōnem formæ substantialis, dicendum quod non est verum. 1. Quia accidēs imperfectum præcedens

Responsio ad criminā Canonicos obiectā.

formā substantialem in materia, non remanet idē numero post introductionem formæ substantia-  
li, sed omnia accidentia præcedentia corrupū-  
tur ad introductionem formæ substantialis, & in-  
troducuntur nova, secundū exigentiam & na-  
turā illius formæ. Aliter n. forma substantialis nō  
perficeret immediatē ppriam potentiā materiæ,  
nec daret actum primum, quod est inconveniens.  
Sed Capitulum idem nūo remanet, ante electio-  
nem & post, & ante confirmationem Episcopi, &  
post: quare non fuit simile. Item non agunt exē-  
pti in virtute sui Diocæsani, sed magis in virtute sū-  
mi pontificis: quæ virtus est maior & solidior, q̃  
ppria diocæsani: quare ratio non valet, Quod itē  
dicitur, quod Canonici exempti non vacant stu-  
dio, dicendum per interemptionem: imō multi  
sunt vacātes studio Theologicæ veritatis, & etiā  
scientiæ Iuris Canonici. Vnde & in Ecclesiā no-  
stræ Dñæ parisiensis vidi simul in actu, (& adhuc  
sunt,) plures Doctores & Baccalarios in Theolo-  
gia, & in scientia Iuris Canonici: & in multis ec-  
clesiis cathedralibus multi sunt canonici in vtro-  
que Iure, & in Theologia, quæ est omnium sciē-  
tiarum domina & magistra, magis excellenter li-  
terati, quā sint proprii Episcopi illorum locorū,  
vel prælati. Quantum ad 2. principale, prout scō-  
parantur ad totos suos, & concives, vel subdi-  
tos: quod videlicet incedunt armati, & vulnerāt,  
argumentum indiget probatione, & quicumque  
talitā faciunt, maiore agunt: & licet non habeant pa-  
pam præsentem, semper tamen habēt Decanum,  
& Capitulum, cuius correctioni subduntur. Pos-  
sent etiam esse tanti generis, & tantæ præsump-  
tionis & audaciæ, quod dato, q̃ exēpti non essent,  
Episcopus nō auderet man<sup>o</sup> ponere super eos. Itē  
si aliqui pauci sunt mali in vno Capitulo, cum alij  
plures sint boni, nō debent boni, propter aliquo-  
rum paucorum malitiam, suas perdere libertates.  
Ad illud, quod Archidiaconi non timent incide-  
re in sententiam canonis, dico, quod hoc est malū  
si verum est: sed ex hoc sequitur, quod multo mi-  
nustimerent sententiam Episcopi: & ideo revo-  
catio exemptionis nihil proficeret, quātum ad il-  
los. Quod item additur, quod separant matrimo-  
nia rata & legitima, dico, quod hoc facere erro-  
neum est in moribus & in fide: quia contra verita-  
tem faciæ scripturæ, & ordinationem Episcopi:  
& in hoc non sunt exempti, sed Episcopis subdun-  
tur: propter quod si non corripuntur à tantis erro-  
ribus & excessibus, est negligentia prælatorum.  
Quod additur, quod vna die de pluribus Ecclesijs  
recipiunt integras procuraciones pecunia nume-  
rata, dico, quod hoc malum est, & torpis quæst<sup>o</sup>, re-  
pugnans Iuri Canonico & Divino: & vtiq̃ Ep-  
iscopi, quorū procuraciones sunt lōgè plus sump-  
tuosæ, similia & graviora facere nullatenus attē-  
tarent. Ad tertiū principale, vt comparantur ad  
personas coniunctas, quod discurrent noctivagi,  
& armati, frangentes ostia, alios vulnerantes, &  
mulieres vi opprimentes & educantes, dico, quod  
talitā sunt tam gravia, si sint vera, q̃ non possunt  
aliqua ratione æquanimiter tolerari: nec suppo-  
nendū est, quod Decanus & Capitulum alicuius  
exemptæ Ecclesiæ talia publicè facta trāsire per-  
mitterent impunita: nec exemptio est in causā ta-  
lium excessuū, sed perversitas voluntatis. Dato  
etiam, quod aliqui pauci hæc facerēt, non tamen  
pppter hoc debet vna tota cōmunitas diffamari,  
nec suis libertatibus privari: quia per aliam viam  
potest remediū adhiberi: nec debet culpa vni<sup>o</sup> in

*Decanus ca-  
nonicorum  
exemptorū  
superior.*

totam multitudinē redundare: præsertim cum à  
nulla determinata persona exempti Capituli de-  
pendeant originaliter huiusmodi libertates, sed in  
favorem totius collegij sint cōcessæ. Item si ho-  
mo iste consideraret, qualiter sui, tam de propria  
familia, quā de parentela, se habuerunt in Bitur-  
icensi ciuitate & diocesi, in primordio suæ pro-  
motionis, forsitan haberet minorem occasionem  
aliis detrahendi. Nam sicut fama cōmunis fert,  
in suæ promotionis exordio sui rapiebant per vio-  
lentiā mulieres. filias burgensium & vxores: & cū  
querimonia deferebatur ad ipsum, respondebat,  
quod sui non erant Angeli, sed homines: ac si di-  
ceret, quod indifferenter liceret homini cū muli-  
eribus carnaliter cōmisceri: & ob hanc causam  
ciuitate cum confusione exiuit: & longo tēpore  
ausus non fuit in illis partibus remanere. Vnde si  
suos proprios tam malè corripiebat, non est præ-  
sumendū, quod meliùs corrigeret Canonicos nō  
exemptos: & quia turpe est Doctori, cū culpa  
redarguit ipsum, priùs debet amoveret trabē de  
oculo proprio: postea, iuxta Christi sententiā, festu-  
cā de fratribus sui decentiùs & ordinati<sup>o</sup> amoueret.

*Vitia fami-  
liarium ad-  
necessary.*

*Matth. 7.  
Luc. 6.*

24. Ratio innititur iis malis, quæ in Religiosis  
diuitibus & exemptione contingunt. In tribus n.  
vt dicit, principaliter delinquūt. 1. Quātū ad illa  
quæ suā Religionem respiciunt, portantes inor-  
dinatum habitum: & quandoque, ne cognoscantur,  
se transferentes ad habitum sæcularē: feren-  
tes falcones & alias aues venaticas: portātes gla-  
dios & arma bellica, alios vulnerantes: quod sim-  
plicitati & perfectioni Regulari repugnat: cū  
in Religione sit detestabile, non solum non refræ-  
nare linguam, iuxta illud Iacobi, *Si quis putat, se  
religiosum esse, non refranans linguā, huius vana est  
religio:* sed delinquunt quātū ad sacramenta Ec-  
clesiastica, & quantum ad statuta Ecclesiæ, matrimo-  
nia clandestina celebrando contra prohibitionē  
Ecclesiæ: licet matrimonium sit magnū sacra-  
mentum, in quātū significat coniunctionē Christi  
& Ecclesiæ: iuxta illud ad Ephes. 6. *Sacramentū  
hoc magnum est, sc. matrim. dico autē in Christo &  
Ecclesia.* Potest autē aliis de causis dici sacramen-  
tum magnum, sc. vel ratione effectus, quia purgat  
ab originali & actuali, si inueniat, sicut Baptism<sup>o</sup>,  
vel ratione continentię, sicut sacramentū Eucha-  
ristiæ, in quo Christus realiter continetur, vel ra-  
tione ministri, sicut Confirmationis & Ordinis.  
Item contra ordinationem Ecclesiæ recipiunt ex-  
communicatos & interdictos ad diuina officia,  
sepeliunt excommunicatos in cœmeterijs bene-  
dictis, communicantes mortuis, quibus non li-  
cebat communicare viuīs: non curantes etiā de  
reconciliatione cœmeteriorum sic pollutorum.  
3. Delinquunt aliis iniuriando, & de facto vidit,  
vt dicit, vnum interfuisse in fractione portarum  
hospitij vni<sup>o</sup> Prælati, vbi plures fuerūt vulnerati,  
& vnus interfectus. Item per potentiam diuitiarū  
opprimunt alios, iura aliorū vsurpantes, vagabun-  
di de nocte, vi mulieres opprimentes, implentes il-  
lud varicinium Iere. 24. *Videō ficus bonas, bonas  
valde, & malas, malas valde.* Per bonas ficus, boni  
Religiosi, per malas, mali congruè designantur. Itē  
non dant se studio, quia si amarent sacrarum sci-  
entiā literatū, carnis vitia non amarent, secundū  
Hieron. Propter quod summus Pontifex talibus  
non debet exemptiones concedere: sed datas re-  
vocare. Addit & vltiùs per modum corollarij,  
quod sicut Deus potest creaturā eximere à causa  
secunda, in ordine naturali, ita vt remaneat ordo  
ad Deū,

*Iac. 1.*

*Ephes. 6.*

*Ierem. 24.*

Daniel. 3.

Genes. 22.

Exod. 3.  
Osae 1.

ad Deū, non remanente ordine ad creaturā, quod fieret, si Deus calefaceret aliquid sine igne: vel si existentem in igne nō permitteret calcheri, sicut fuit in camino triū puerorum: sic etiam in moralibus existentib⁹ de iure naturali, potest Deus tollere, & suspendere ordinem ad proximū, remanēte ordine ad Deū: sicut praecepit Abraham, ut interficeret filium suū innocentē; & Hebraeis, ut acciperent de Aegyptiis, vasa aurea, & argētea, quae secum deiecerant; & Olee, ut acciperet vxorē fornicariā, & faceret filio, fornicationis: quae omnia, cum sint contra ius naturale, non possunt fieri sine peccato mortali, nisi sublato ordine ad proximū: quo sublato remanente tamen ordine ad Deū, potest Deus praecepere, ut talia sine peccato fiant, quia ratio peccati est, inquantū deordinatur à Deo: deus tamen talia facit raro, & pro evidenti utilitate fidei: sic summus Pont. qui licet nil possit facere contra ius naturale, quia talia suae potestati non subduntur, potest tamen facere contra ea, quae sunt de iure positivo, cuiusmodi est exemptio: si velit ea facere, quia potest, debet raro ea facere, & pro magna & evidenti utilitate Ecclesiae. Unde, quod vnam magnā Religionem, in nullo, vel modica ex parte, deditam studio, faciat exemptam, ex qua exemptione tot mala oriuntur, non decet, nec expedit, ut cedit: cum, secundum Apostolum, non omnia quae licent, expédiant.

Responsio ad  
23. & 25. rationem.  
adversary.

Ad istam rationem, sicut ad praecedentem, breviter est dicendum, quod religiosi, diuites dici nō debent, cum votum emiserint paupertatis, licet diuitias & possessiones habeant in communi: nec tales diuitiae sint ab eis habitae & possessae: nec etiam exemptiones eorum, per se loquendo, sunt alicui causa culpae vel lapsus sed inordinata voluntas male utentis. Quod autē aliqui Religiosi deferant habitum inordinatum & dissolutum, reprehensione dignum est: cum omnia, quantum ad exteriorē & interiorē conversationem, honeste & secundum ordinem fieri debeant apud eos, & debeat lux eorum lucere coram hominib⁹, ut videant op. eorum bona, & glo. Pat. eor. qui in caelis est. Unde si portarent aliqui habitum dissolutum in Ordine Cister. si deueniret ad Superiorū notitiā, graviter punirentur: & idem fieret in Cluniacensib⁹, Praemonst. & in aliis exemptis Abbatib⁹. Nam in Cluniaco, & in Maiori monasterio, & in Abbatia S. Dionysij deferunt habitum per omnia regularem, humilitatem & austeritatem penitentiae praeferentem. Si autem in aliquib⁹ locis particularibus exemptis, vel in aliquibus particularibus personis inueniatur oppositū de facto, non debet in alios omnes redundare: praesertim cum talia, & multo magis grauioribus excessibus, in deferendo arma, & in vulnerationibus, punirentur: si ea ad superiorum notitiā contingeret deuenire. Nec est magnū mirabile, si inter tot homines vnius magnae Religionis, ubique terrarum diffusae, inueniantur aliqui à Regularibus observantiis deviare: cum inter Apostolos Domini, qui tamen non erant nisi 12. vnus pessim⁹ sit repertus. Item exemptio non debet dici causa talium dissolutionum & excessuum: cum plures non exempti inueniantur in his culpabiles, magis quā exempti. Nec mirū, cum Praelati Episcopi, ut in pluribus, in suis visitationibus plus intendunt temporalem quietem, quā morum reformationem, vel salutem animarum. Nam aliqui eorū in suis visitationibus & procurationibus excessibus plerūque calices & ornamenta Ecclesiae secum deferunt, morum reformatio-

nem quasi totaliter negligentes: cum tamen deberent loca, quae ad eorum procurationē non sufficerent, propriis sumptibus visitare: ut habetur 10. q. 3. c. *Cauendum*. Nec possunt, ut in pluribus, habere tantum zelū in reformatione & promotione morum, quantum ad obsequantias regulares, sicut Praelati propriae Religionis & professionis. Videm⁹ etiā, quod in exemptis Ordinibus, maxime communibus, sicut Cister. Cluniac. &c. longe melius & rigidius sunt correctiones, quā in Ordinib⁹ non exemptis: & utinam Praelati non excederent in avibus & canib⁹ venaticis, & inequitaturis, & in alijs vanitatibus hui⁹ mudi. Ad illud, quod principaliter secundū additur, quod delinquant, quantum ad Ecclesiae Sacramenta, &c. dico, quod qui talia agunt, male faciunt, & si sciretur, quantum ad exemptos, graviter puniretur. Caveant tamen Episcopi, ne talia quandoq; per se trahant etiam non exempti, & presbyteri seculares. Non est etiam supponendum, quod aliquem excommunicatū sepeliāt in suis coemeteriis, nisi pri⁹ à proprio Sacerdote sacramentaliter absolutum, & ab ordinario, vel per statutū iuris super hoc expressè editum, vel per privilegium speciale: supponendo semper, quod sit in forma Ecclesiae sacramentaliter absolutus, ac promiserit stare iuri & ordinationi Ecclesiae, Extra. *De sepul.* in fin. Cui communicatur viuo, per sacramentorum Ecclesiae exhibitionem, potest communicari mortuo per debitum ecclesiasticā sepulturā. Quod tertio circumscriptis iniuriari, &c. si ita fieret, ille monach⁹ esset graviter puniendus, & carceri mandandus. Hoc n. factum est particulare. Et si vellet us vnu factum per affectum contrarium refellere, possumus isti Praelato, qui talia scribit, improprie acco- dicere illud, *Medice, cura te ipsum*. Accidit namq; in Dicecesi Bituric. cum ad quamdam Abbatiam Cisterciensis Ordinis, quae Locustregius nominatur, ipsemet declinasset, ubi nec procurationē habet de iure, nec de consuetudine, nec auctoritatē habet visitandi, cum Ordo Cister. per privilegia Apostolica à talibus sit immunis: non sunt contumacibus regulatib⁹, quos illi de praedicta Abbatia soliti erant liberaliter ministrare: sed volens ibidem comedere carnes, contra voluntatē Religiosorum dicti loci, & contra mandatum, ac privilegium Sedis Apostolicae, sui proprii famuli viotēter ibidem duos porcos rapuerūt & mactaverūt: Prioremq; dicti loci contradicentem ac resistētem taliter tractaverunt, & inhumaniter verberarunt, quod ex illa lésione vnum amiserit oculum infra breue temporis intervallum. Non est supponendum, quod Religiosi, qui habent abundanter diuitias in communi, velint in damnationem animarum suarum ad se trahere per violentiam alienarum. Specialiter cum homines, ut in pluribus, non ita pro bonis temporalibus communibus, sicut pro proprijs consueverint, anxii. Quod autem dicitur ulterius, quod debet raro eximere, sicut Deus raro facit miracula, vel raro eximit res naturales à suo ordine naturali, solutum fuit superius: quia non eadem necessitatem ordinis & inclinationis, habent Praelati, medij ad inferiores suae Dioc. sicut habent res naturales ad suas operationes proprias exercendas. Itē privilegium vel exemptio, cum sit quaedam lex priuata, est quaedam species iuris positivi, & per consequens non habet rationē miraculi, ut superius dicebatur. Quod etiā dicit, quod non debet, nisi raro, cum debere sit verum necessitatis, ut habetur ff. *De verb. signific. l. Pecuni.*

Praelati Religiosi ap-  
posuerunt Epi-  
scopum autē  
genda cano-  
nica.

LUG. 4.

Privilegium  
est sp. se quo-  
re possit.

sequitur quid potestatem summi Pontificis quantum in se est, caritate debilitet, & necessitate laceret: & supponendum est, quod si auderet, huius potestatem expressius limitaret. Quod autem dicitur, quod divites Religiosi in modico vel in nullo sunt dediti studio, dicendum per interemptionem: quia in claustris suis habent determinatum spatium ad studium. Vnde reservato modico tempore pro corporis necessitate & victu, totum residuum temporis expendit in diuino seruitio, vel in oratione, vel in lectione. Item etiam multi habentes diuitias in communi, habent solemnia studia, & Magistros & baccalarios in Theol. facultate, sicut Cisterci. & alij plures, ut prius fuit dictum. Diuitiz etiam se non prestant impedimentum ad studendum, sed requiruntur ad habendum libros, & ad necessitati corporis providendum, iuxta illud 10.

**Ari. Eth. 10.** Ethic. *Ad bene contemplandum, oportet sanum corpus existeret, & coassistere corpori necessaria, & reliquum famulatum.* Et contra ibid. *Turbatum ab agitudine, & egentem, non est facile contemplationi insistere.* Item exceptio non datur solum propter studium, sed principaliter datur ad quietius & deuotius vacandum diuino seruitio: & in hoc etiam attenditur euident & communis honor & utilitas Ecclesie: & per hoc Deus honoratur, & diuinus cultus ampliatur. & a Deo multa spiritalia & temporalia beneficia impetrantur. Nam ut habetur 1. Cor. ultimo. *Multum valet deprecatio iusti assidue.* Ex quibus patet, quod ratio non valet, nec probat silentium.

**Iac. 5.**

**Ratio 11.**  
**aduersary.**

Vicesima quinta ratio plures implicans, innititur significato nominis ipsius exemptionis. Et est prima ratio talis, nam hoc significat exceptio, quod aliquis eximitur a suo ordinario. Sed non potest quis eximi a suo ordinario, nisi eximatur a suo ordine Ecclesiastico, quem debet habere in Ecclesia. Esse autem extra debitum ordinem Ecclesiasticum est malum. Ergo &c. Secunda ratio talis est. Nam illud est malum, quod est inhonestum, & per quod tollitur status honoris Episcoporum & Pontificis. Sed hoc fit per exemptionem, Ergo &c. Maior patet per Apostolum 1. ad Cor. 14. *Omnia honeste & secundum ordinem fiant in vobis.* Hoc autem est honestum, in quo seruatur honoris status. Minor probatur: quia in hoc conservatur status honoris Episcoporum & Pontificis, quod sunt supra alios, in ijs quae sunt ad Deum, ut dicitur ad Hebr. 5. Debent enim esse medij inter summum Pontificem, & alios homines, in ijs quae sunt ad Deum, & in spiritualibus. Sed superioritas & mediatio per exemptionem tollitur, ut de se patet. Ergo &c. 3. ratio sumitur ex hoc, quod per exemptionem tollitur debitus ordo, id est debita ordinatio, quantum ad subditos: & ista confirmat 1. rationem. Nam debitus ordo hoc requirit, quod inferiora reducantur in superiora per media. Et hoc est, quod ait Dion. de Diu. nominibus. *Ipsa est, inquit, diuina scientia, quae est omnium effectiua & semper omnia concordans, & semper est causa indissolubilis omnium concordationis & ordinis. Semper fines priorum coniungit primis secundorum; & hoc modo dispositionem & harmoniam omnium pulchre operatur.* In hoc ergo stat harmonia & consonantia totius vniuersi, quod fines priorum siue principiorum debet coniungi primis secundorum. Priora autem sunt summa, 2. autem sunt media, 3. sunt inferiora. Similiter in Ecclesiastico principatu summus Pontifex est omnino Prior, Episcopi sunt medij, alij autem tertij. Infima ergo Pontificis debent coniungi

**Dionys.**

primis & supremis aliorum Praelatorum, ut de ipso verificetur spiritualiter, quod de ipso Christo dicitur ad litteram. *Omnia subiecisti sub pedibus eius* **Psalm. 8.** Infima etiam aliorum Praelatorum debent attingere suprema aliorum inferiorum. Sed iste vniuersalis ordo per exemptionem tollitur & confunditur, ergo &c. Si autem obijciatur per illa, quae prius dixerat, quod Capitulum imperfectum in eligendo praecedit Praelatum imperfectum: Praelatus autem imperfectus dicitur, donec per superiorem confirmetur, Sed Papa electus numquam ab alio confirmatur, & ita sequitur, quod semper remaneat imperfectus, & per consequens collegium Cardinalium ipsum eligentium. Ergo &c. Ad quod respondet bene, dilatando tamen se ad multa, quae nil faciunt ad exemptionis materiam: quod scilicet electio summi Pontificis est excepta actionis. Cum enim Papa ex ipsa sua sola electione, quantum ad regimen Ecclesiae, accipiat omnem formalitatem, omnem dignitatem, omnem superioritatem & apicem, quantum ad illa quae iurisdictionis sunt, & in ipsa sua electione sibi detur tantum de formalitate, dignitate, & iurisdictione, quantum potest habere, eo quod ipse sit summus inter alios homines hic viuentes, quantum ad illa quae iurisdictionis sunt, non indiget alio homine ipsum confirmante vel stabiliente: nec in ipsum, quantum ad illa quae iurisdictionis sunt influente, cum superiorem in terris non habeat: superiora enim influunt in interiora, & ipsa stabilunt & confirmant, non e contra. Ex quo sequitur, quod sua electio sit sua confirmatio. Hoc enim videmus in ordine corporum in vniuerso, quantum ad continentiam & situm, quod superiora & vniuersalia secundum situm & continentiam influunt in inferiora, & ipsa continent, & ab inferioribus non continentur. Vnde & supremum corpus coeleste influit, & alia inferiora continet, & non e converso iuxta illud 4. Physic. *Terra est in aqua, aqua in aere, aer autem igne, ignis in celo, calidum autem non amplius.* Sic etiam Papa alios Praelatos confirmat & continet: ipse autem a nullo alio puro homine confirmatur. Similiter in naturalibus videmus, quod quantum generans dat generato vel passo de forma, tantum dat sibi de loco, & per consequens de praesidentia & influentia. Papa autem cum ex vi suae electionis accipiat summum de formalitate & influentia & praesidentia: quantum ad alia quae iurisdictionis sunt in Ecclesiastico principatu, non indiget homine confirmante, sed ipsa sua electio est sua confirmatio. Intelligendum tamen est, ut dicit, quod licet per electionem accipiat apicem, quantum ad ea quae sunt iurisdictionis, non tamen quantum ad ea quae sunt ordinis: quia si eligeretur non Sacerdos, oporteret quod ordinaretur in Sacerdotem, ad hoc quod posset conficere corpus Christi. Similiter si eligeretur non Episcopus, oporteret quod fieret & Episcopus, ad hoc quod posset confirmare vel facere alios Sacerdotes: & quod sit magnus Sacerdos, quantum ad illa, quae sunt ordinis. Sic etiam ex ipsa electione non sequitur, quin in quantum peccator, possit esse alij subditus, & ab alio beneficii absolutionis sacramentalis recipere, quia seipsum absolueri non potest. Cum enim non sit homo qui non peccet, nullus ab illa sententia est exemptus. *Ita ostendite vos sacerdotibus.* Necessarium est enim propositum constituendi, & etiam ipse actus confessionis, si adsit locus & oportunitas constituendi. Licet autem Papa a puro homine non co-

**Luc. 17.**



Ioann. 15.

firmetur; non tamen ppter hoc excluditur operatio Dei vel Christi, qui est verus Deus & verus homo. Ipse enim dicit, *sine me nihil potestis facere*. Imò q̄ ejus confirmatio habeat esse immediatè à Christo, patet per illud quod dicit Petro

Luc. 22.

Luc. 22. *Ego pro te rogamus Petre, &c.* Ex quibus verbis colligitur, quod Petrus, & quilibet eius successor, cōfirmatur in fide immediatè à Christo, Fides autem est fundamentum in iurisdictione, quæ est ædificium Papæ super ædificatum super fundamentū fidei. Sed per hoc quod subditur, *Et tu aliq. c. conf. f. s.* datur intelligi, quod ad Petrū, suosq; successores, pertinet mediātè vel immediātè confirmatio aliorum Prælatorū. Signanter autem, ut dicit, loquitur hic Christus de fide: quia debet se principaliter intrinsecus de ijs, quæ sunt fidei. Alia autē quandoq; alijs sunt commissæ: quia si in Ecclesia Dei esset Archidiaconus, ad eum spectaret custodia & executio temporalium: & si esset in Ecclesia Romana Cancellarius, ad eū spectaret collatio beneficiorū, & determinatio vel definitio causarū & quæstionū; ita quod Papa nō intrinsecus se, nisi de fide. Itaque electio Papæ immediātè reducitur in Christum; confirmatio autem aliorū Prælatorum reducitur in Papam, vel immediātè, quantū ad superiores Prælatos, vel mediātè quantū ad inferiores, licet immediātè aliquos Episcopos vel Abbates cōfirmer: quāvis videlicet, hoc nō possit esse sine aliqua ordinatione; & semper exemptio aliquam inordinationem importat. Et replicando quæ prius fuerant dicta, addit ulterius, quod si Deus, qui potest in naturalibus omnia facere immediātè & æquè bene, non tamen vult, sed dignitatē suam vult communicare creaturis, & sic administrat res, ut eas p̄prios motus agere sinat, ut in principio dicebatur per Augustinū: sic etiam summus Pont. debet administrare personas Ecclesiasticas, ut eas p̄prios cursus agere sinat; & cum executio eorum quæ pertinet ad Ecclesiam non possit æquè bene per unū fieri hominem singularem, quantumcumq; bonum, sicut fit per plures bonos, sequitur, quod exemptio concedenda non sit, nisi pro magna & evidenti causa. Quod etiam electio summi Pont. quantum ad confirmationem reducat in Deū vel in Christum, probatur per illud quod habetur Matt. 16. *Ego dico tibi, quia tu es Petrus, &c.* Et sequitur; *Tibi dabo claves regni colorum: & quodcumque* &c. quod singulariter & specialiter dictum est Petro, suisque successoribus. Alijs autem dictum est generaliter post resurrectionem

Matth. 16.

Ioann. 20.

Matth. 28.

Luc. 24.

Respons. quod  
rursum ad  
ration. 25.  
adversarij.

alia ordinis, alia jurisdictionis. 1. duplex, una sacerdotalis, cujus actus proprius est conficere corpus Christi: alia Episcopalis, cujus actus proprius sunt consecrare, confirmare, & ordinare. Actus autem potestatis jurisdictionis sunt visitare, corrigere, & confirmare. Et iste actus, ut dicitur, est proprius Episcopi, ut Episcopus est, cum sit potestas ordinaria, quæ regulariter & per Episcopatum cōsequitur. Est tamen, ut dicitur, differentia inter istos actus prædictarum potestatum, quia quantum ad duos 1. actus qui absolute fundantur super potestatem ordinariam, Papa non potest nec debet aliquem Episcopum auctare, quin sacerdos possit conficere, & Episcopus ordines conferre, & confirmare; sed quantum ad 3. actū fundatum super potestatem jurisdictionis, Papa potest illum actū restringere, vel suspendere, vel etiā totaliter tollere: sicut patet, quando Episcopatum dividit, vel Episcopum ad tempus suspendit, vel etiā totaliter deponit. Et per hoc respondent ad prædictam rationem, & ad ea quæ implicantur in ea; quia exemptio ut dicunt, non remouet exemptum totaliter à suo ordinario Episcopo, quantum ad actus ordinis Episcopalis, penes quos status honoris Episcopalis principaliter attendatur: sed solum quantum ad actus jurisdictionis; & quia actus siue executio jurisdictionis dependet ex libera potestate summi Pontificis, ideo sine præjudicio cujuscumque, potest ipsum subtrahere vel limitare, prout suæ dispositioni visum fuerit expedire. Sed licet illa distinctio principaliter sit vera, & eandem posuerim in præcedentibus, & per consequens illam negare non debeam, nec velim; in procedendo tamen ulterius, videntur isti licet præcedant subtiliter, quædam dubia implicare. Primum dubium est in hoc, *Dubia* q̄ dicunt, q̄ actus jurisdictionis, qui sunt visitare, corrigere, &c. sunt p̄prij Episcopi, ut Episcopus est, tamen iurisdictionis est potestas ordinaria, qua singulariter & per se consequitur Episcopum. Nam si hoc haberet veritatē, cum per se præsupponat de omni & semper, ut habetur 1. *Posteri.* sequeretur, quod nullus Episcopus, ipso remanente Episcopo, posset privari, vel suspendi, vel deponi à potestate jurisdictionis, nec ab actibus qui ipsam consequuntur, & fundantur super eam: cuius tamen contrarium est verum, sicut ipsi fatentur consequenter. Ex quo sequitur, quod nec potestas iurisdictionis, nec actus fundati super eā propriè & inseparabiliter aliqui Episcopum consequantur, nec Prælatum alium, nisi solum summum Pont. qui illam habet immediatè à Christo, & inseparabiliter, cum dixit illi, *Pasce oves meas. Et tibi dabo claves regni colorum,* qui etiam à Christo ex vi suæ electionis, dato q̄ non Episcopus eligatur, accipit summū apicem, & summā præfidentiam, quantum ad illa, quæ jurisdictionis sunt in Ecclesiastico principatu, sicut superius dicebatur. Vnde illa potestas jurisdictionis ordinaria ita immediātè & inseparabiliter consequitur summum Pontificē, eo ipso quod electus est, respectu cujuscumq; Christiani, quod non potest ab ipso remanente in tali statu, nec potest aliquem eximere à seipso, licet si eligeretur sacerdos, vel non Episcopus, esset ordinandus & consecrandus: quia ipsa sui electio non dat sibi illa quæ sunt ordinis, licet det sibi illa quæ sunt jurisdictionis. Ex quo etiā patet, quod nec in summo Pont. ista plenitudo potestatis ordinariæ annectur inseparabiliter & per se or-

Ioann. 21.

Matth. 16

*Papa quoad  
Episcopale  
Ordinem a  
liis non ex-  
cedit.*

dini Episcopali, cum possit adesse ex vi electionis, antequam in ipsum consecratur, & abesse, causa cessationis vel depositionis in certis casibus, sicut in casu hæresis, Episcopali ordine remanente. Sed inseparabiliter & per se sequitur statum summi Pont. quæ quidem summa potestas attēditur quantum ad plenitudinem iurisdictionis, quæ sibi competit, inquantū est vicarius Christi, & successor Petri. Nam quantum ad Episcopalem ordinem, alios Episcopos non excedit. Secundū dubiū est in hoc, q̄ dicunt, quod quantum ad duos primos, auctus qui absolute fundantur super potestatem ordinis, Papa non potest nec debet aliquem sacerdotem vel Episcopū arctare, quin sacerdos possit conficere, & Episcopus ordines conferre & consecrare: quia licet tam potestas sacerdotalis ordinis quam Episcopalis indebili characteri innitatur, & per consequens illam potestatem summus Pont. auferre non possit, nec etiam aliquod agens creatum, & per consequens facere non possit, quin sacerdos si conficiat, quin consecratus sit, & Episcopus si consecret, quin consecratus sit; tamen ex rationabili causa potest tam Episcopum quam sacerdotem suspendere & excommunicare, & eis dictos actus interdiceret: quod si contrarium facere attentarent, & mortaliter peccarent, & irregularitatem incurrerent. Et licet ordinati ab excommunicato, suspensio, vel interdicto, schismatico, vel præciso, ordines recipiant, & characterem ordinis, nec sint iterū reordinandi: si tamen hæc scienter faciant, scientes Episcopum esse talem, & ipsi ab executione suorum ordinum sunt suspensi. Tertium dubium est in hoc, quod exemptio non remouet exemptū à suo ordinario Episcopo, quantum ad illa quæ sunt ordinis; istud enim non est verum, quantum ad multos exemptos, qui possunt adire quoscumque Episcopos, sicut eis placet, pro recipiendis ordinibus, nec pmitterent proprios diocesanos in suis monasteriis ordines celebrare; nec pmitterent se vel suos ordinari ab illo, sc. proprio diocesano, ne aliquam iurisdictionē ppter hoc vellent super eos usurpare: privilegiati tamen non debent adire alium, nisi eis indebitē concedatur, si cut superius pluries fuit dictum. Quod ergo dicitur 1. in prætractando distinctionem prædictā, q̄ potestas iurisdictionis & actus ad eā pertinentes, consequuntur p se, propriè Episcopum, vt Episcopus est, non est verū, 1. quia potestas iurisdictionis quādoq; præcedit Episcopale consecrationē: sicut in electo & confirmato, antequam in Episcopū ordinetur, & consecratur. 2. quia potest remanere Episcopalis dignitas, quantum ad id quod ordinis est, cessante vel remota potestate iurisdictionis, sicut in Episcopo renunciante, vel deposito, vt dictū est supra. Verum est tamen, q̄ Episcopum, vt ordinarius est, & vt ad certum titulum electus vel assumptus & ordinatus, concomitatur regulariter iurisdictionis potestas, & hoc de iure positiuo, inquantum in potestate sollicitudinis secundū ordinationē Ecclesiæ à Christi vicario sunt vocati. Huiusmodi enim potestas ordinaria, quantū ad iurisdictionem determinatæ dioc. in Prælati quibuscumq; citra summū Pont. est de iure positiuo, & ordinatione Ecclesiæ: & ideo non solum de facto, sed etiam de iure potest recipere magis & minus, restringi vel dilatarī p vnionē vel diuisionē dioc. vel Episcopatus: & etiam quantū ad restitutionē casuū & actionum respectu eorum-

*Iurisdic-  
tio  
Episcoporum  
est de iure  
positiuo.*

dum personarū, vt quod aliquæ personæ non sint exemptæ, quantum ad illa quæ sunt fidei: sint tamen exemptæ, quantum ad illa, quæ pertinent ad iurisdictionem, prout Christi vicario ex causa rationabili visum fuerit expedire. Sed potestas ordinaria summi Pont. quantum ad ea quæ iurisdictionis sunt, non potest recipere magis & minus, nec restringi per subtractionem aliquarū personarum, quamdiu sunt in hac vita, vel aliquorū casuum de iure; quia illam potestatem habet à Christo immediate & generaliter super omnem humanam creaturam; licet de facto restringatur vel dilatetur secundum obedientiam vel rebellionem & inobedientiam, & etiam infidelitatem aliquorū. Hoc tamen est ad condemnationem eorum, qui eius potestati ordinariæ & iurisdictioni à Christo immediate fundatæ & sibi collatæ resistunt. Licet etiam restringatur vel dilatetur extensiuè de facto: secundum quod aliqui moriendo vel nascendo incipiunt vel desinunt esse viatores. Sed quādiu homines vtriusque sexus sunt in statu viatoris, subsunt de iure diuino iurisdictioni summi Pont. Quamvis enim sint multi infideles & schismatici, tenentur tamen venire ad fidem Catholicam, & ad unitatem Ecclesiæ, extra quam non est salus: quia qui non credit, iam iudicatus est, vt dixit Saluator in Ioanne: & sine fide impossibile est placere Deo, vt dicitur ad Hebr. Secundum hoc igitur quod creuit vel decreuit Ecclesia, per conuersionem infidelium ad fidem, vel per auersionem aliorum à fide, vt prius dicebatur, secundū hoc potestas Papæ dicitur de facto crescere extensiuè, licet de iure ad omnes generaliter se extendat. Hoc est ergo regulare, quod potestas iurisdictionis non de necessitate consequitur ordinem Episcopalem: potest enim Episcopus cedere potestati iurisdictionis, vel deponi, & etiam summus Pont. per cessionem vel depositionē in certis casibus, sicut in casu hæresis, ordine tamen Episcopali indebiliter permanente. Sed in hoc est dissimile, quia remanere Papa in statu summi Pont. de iure non potest aliqua persona humana in hac vita, nec aliquis casus subterfugere suam iurisdictionem, nec suam ordinariam potestatem; quia summa & vniuersalis potestas ordinaria sibi de iure diuino, & auctoritate Christi, sibi dignoscitur conuenire. Sed secus est de alijs Prælati Episcopis, quibus potestas iurisdictionis & ordinaria conuenit de iure positiuo, vt dictū est supra, & quia summus Pont. potest super illa, quæ sunt de iure positiuo, & de ordinatione Ecclesiæ, ideo potest Episcopatus limitare & transferre, iurisdictiones Episcoporum arctare vel dilatare; prout vtilitati Ecclesiæ viderit expedire. Intelligendum tamen est vltius, quod licet Papa possit suspendere vel restringere actus vtriusque potestatis, scilicet ordinis & iurisdictionis, differenter tamen; quia quantumcumq; suspendat Sacerdotem vel Episcopum ab executione sui officij, si tamen Sacerdos suspensus celebret & conficiat, consecratus est; & si Episcopus ordinet, ordinatus est; quia tales actus innituntur indebili potestati quæ est à Deo immediate, vt superius dicebatur: peccat contra ordinationem, inhibitionem, & sententiam summi Pont. veniendo. Sed potest tollere vel suspendere actus pertinentes ad potestatem iurisdictionis: quia si oppositum attentetur, statuendo, excommunicando, vel suspendendo, aut visitando, &c. nihil reputatur esse

*Iurisdic-  
tio  
Papæ non sus-  
cipit magis  
& minus.*

*Ioann. 3.  
Hebr. 11.*

*Nulla perso-  
na eximitur  
à iurisdic-  
tione Pontifi-  
cis.*

Secunda Di-  
stinctio quo-  
rundam.

factum, nec habere aliquā reboris firmitatem, cum tales actus nulli indelebili potestati innituntur. Secunda Distinctio, cui principaliter innituntur, est de ordine essentiali & accidentali. Nā sicut in vniuerso est duplex ordo, vnus essentialis, qui respicit ipsas species rerum, quæ sunt sicut numeri, ita quod vna est perfectior alia; alius est ordo accidentalis, qui est ipsorum indiuiduorum: accidit enim isti indiuiduo, quod generetur ab isto vel illo, vt dicit Commentator: sic in Ecclesia militante est duplex ordo; vnus essentialis, secundum quem gradus prælationis ordinatè procedunt à summo Pont. & ab ipso depēdent, quantum ad eorum confirmationem, & regularem institutionem, vt patet de Patriarchis, Primatibus, Archiepiscopis, &c. Alius potest dici ordo accidentalis, sicut ordo iurisdictionis, qui propter vnitatem specificā potestatis gubernatiuæ inventam in alijs Prælatibus, quæ tamen principaliter residet apud summum Pontificem assimilabatur ordini indiuiduorum sub vna specie: quia sicut accidit Sorti, quod generetur à Petro vel Martino; ita accidit religioso, quod visitetur ab Abbate, Priore, vel Episcopo, & si istud per accidens reducat ad per se, magis reducetur ista gubernatio in Prælatos eiusdem vitæ & professionis, quam in alios Prælatos disparatos. Primum autem ordinem, vt dicunt, Papa nullatenus mutare debet, cū in eo essentialiter existat decor & pulchritudo in gradibus ecclesiasticis distributa. Secundum autem ordinem, qui est accidentalis, & à suo arbitrio plenè depēdet, potest ex causa rationabili liberè immutare. Primus n. ordo institutus est à Christo, vt dicunt, secundus autem ab institutione humana: & quantum ad vsum & executionem, dependet totaliter à summo Pontif. quod patet ex hoc, quod nouos Episcopatus & iurisdictiones instituit, & iam institutas diuidit: & omnes personas transfert de vna administratione ad aliam, put ratio suadet & utilitas depōscit: quāvis articulos fidei, & essentialia in sacramentis, immutare nō possit: eo quod talia ab institutione soli Christi robur habeant firmitatis, sed quamvis istud sit subtiliter dictum, videntur tamen isti in procedendo & exemplificando, inter vera quæ dicunt, multa dubia & repugnantia implicare. Nam in hoc, quod dicunt exemplificando, quod isti gradus Ecclesiastici, Patriarchatus, Primatus, & Archiepiscopatus, pertinent ad ordinem essentialē Ecclesiæ, & ordo siue potestas iurisdictionis ad ordinem accidentalem: repugnantia & contradictionem implicare videtur. Constat enim quod quidquid dignitas Archiepiscopalis, vel primatus, vel Patriarchatus, addunt super dignitatē Episcopale, totum est ad potestatem iurisdictionis, cū nihil sit ordinis vltra consecrationem Episcopalem. Imò si Episcopus eligeretur in ipsam, non oporteret ipsum vterius cōsecrari; nec aliquid posset sibi addi de potestate ordinis, licet ex vi sue electionis sibi detur & cōferatur sūma potestas iurisdictionis. Dicere ergo, quod isti tres prædicti gradus Ecclesiastici, qui sūt supra dignitatē Episcopalem, & per consequens ad potestatem iurisdictionis pertinentes, ad ordinem essentialē pertineant, est in dictis repugnantiam implicare. Item dicere quod isti gradus procedunt & depēdēt à summo Pont. quantum ad eorum confirmationem & regularem institutionem, & quod essentialis ordo Ecclesiæ in ipsis consistat, implicat famili-

ter repugnantiam, vt patet manifestè. Item falsum est dicere, quod isti gradus Ecclesiastici prædicti, sint de essentiali ordine Ecclesiæ, & immediate instituti à Christo, eo modo quo imponuntur: quia si sic esset, Papa nō posset eximere Episcopum ab Archiepiscopo, nec Archiepiscopum à Primatē, quod falsum est. Oportet ergo dicere, quod isti gradus sunt instituti ab Ecclesia, sicut à Petro principaliter, & à suis successoribus in diuersis regnis & regionibus per temporū incrementa, specialiter quantum ad Archiepiscopos & Primates, idcirco sunt de iure p̄scriptio, propter quod Papa habet in talibus plenariam potestatem. Vnde posset facere ex circa & rationabili causa, quod in regno vel regione, vbi sunt Patriarchæ, Primates, & Archiepiscopi, nō esset primas, nec Archiepiscopus, nec Patriarcha; quod omnes Episcopi sicut nō mediātē subessent. Potest etiam remanere sub prædictis gradibus inferiorem eximere à iurisdictione superioris. Item posset de Archiepiscopo vel Primatē facere, quod esset simplex Episcopus, & de suffraganeo facere, quod sit Archiepiscopus vel Primas, sedem Metropolitanam transferre: cōnon conferendo, vel auferendo, nisi illud solum, quod ad iurisdictionis pertinet potestatem. Quod etiā vltius dicitur, quod ordo vel potestas iurisdictionis assimilatur ordini accidentali indiuiduorum sub vna specie, dicendum, quod licet potestas iurisdictionis sit aliquomodo accidentalis respectu aliorum Prælatorum circa summū Pont. in quantum eis comperit de iure p̄scripto, & secundum ordinationē Ecclesiæ: summus tamen Pontifex non est accidentalis: imò ubi potestas iurisdictionis plenarie essentialiter & inseparabiliter cōuenit de iure diuino. Ex quo patet, quod potestas Papæ ordinaria est altior, antior, & solidior: quia non à puro homine, sed à Christo immediate fundata & concessa, quā potestas ordinaria aliorum Prælatorū. Et hoc est, quod dicitur 24. q. 1. c. Est aliud apostolicum piscandi genus, quo genere solum Petrum Dominum piscari iubet, dicens, mitte hamam, & cum piscem, qui primus ascenderit tollit. Iterum etiam inferioribus Prælatibus non assumitur simpliciter ordo indiuiduorum sub vna specie, quia indiuiduam vnius speciei, æqualiter ipsam spem participant: sed potestas iurisdictionis, non æqualiter participatur ab habentibus eam, nec æqualiter in diuersis gradibus reperitur, quia vna potestas ordinaria est superior alia, vt per se patet. Vnde aliquomodo assimilatur ordini indiuiduorum, propter vniuersitatem possidendi & gubernandi, & corrigendi, vt isti dicunt, & etiam propter vnitatem finis: quia omnis potestas iurisdictionis Ecclesiæ ad salutē subditorū, & ad æternā beatitudinē consequendam finaliter ordinatur. Item etiā licet accidat isti Religioso, quod visitetur ab isto vel ab illo, dicendum quod similiter accidit isti, quod ordinetur ab illo Episcopo, vel ab isto: & licet actus ordinandi, & specialiter sacerdotalem ordinem conferendi, in visitatore dignitatem Episcopalem non requiratur, tamen hæc per se requiritur, quod aliquis à suo superiore, quantum ad potestatem iurisdictionis, secundum quod huiusmodi, visitetur. Dicendum est igitur, quod bene duplex ordo in Ecclesia reperitur vnus accidentalis quantum ad potestatem iurisdictionis Prælatorū sub vno Pontif. vt dictum est, qui aliquomodo assimilatur ordini indiuiduorum sub vna specie, &

Iurisdictionis potestas non est accidentalis Papa.

Papa qui piscari iubetur, non est piscator.

Papa quæ mutare possit, quæ non.

*Ordo essentialis in Ecclesia à Christo institutus*

ali quomodo ordini specierum in universo, neutri tamen ordini assimilatur simpliciter, quin ibi ut visum est, contingat magnam differenciam reperire. Alius est ordo essentialis in Ecclesia, non de jure positivo, nec institutus à puro homine, sed immediatè à Christo, & iste ordo in sacramentis, specialiter in sacramento ordinis potissimè declaratur, secundum quod unus ordo est perfectior altero; inquantum ad consecrationem corporis Christi magis de propinquo, & principalius ordinatur. Et idem sentiendum est de perfectione & præminencia characterum, qui in dictis ordinibus indelebiter imprimuntur. Huiusmodi autem ordines seu characteres indelebiles sumus Pont. auferre non potest, nec pertinencia essentialiter ad huiusmodi sacramenta: sicut nec articulos fidei potest aliquatenus immutare: licet possit ordinatos ab executione dictorum Ordinum suspendere, & eis certis ex causis executionem interdiceret, eo modo quo superius dicebatur: ita quod licet prædictos actus de facto exercent, non tamen possint illos licitè & sine peccato exercere. Item etiam ordo essentialis est inter ordinem Sacerdotalem & ordinem Episcopalem, licet Episcopatus non sit ordo, qui est sacramentum: quia siue ordo Sacerdotalis & Episcopalis innituntur eidem characteri, siue pluribus, consecratio tamen Episcopalis Sacerdotalem ordinem necessario supponit: licet sacramentales ordines qui ordinantur ad Eucharistiae sacramentum se mutuo non necessario supponant. Item inter istos ordines, scilicet Sacerdotalem & Episcopalem, per comparisonem ad suos actus, est sic ordo essentialis, quod consecratio corporis Christi non potest fieri nisi à Sacerdote, nec collatio ordinis Sacerdotalis, actus confirmationis, quæ est sacramentum, actus consecrationis Episcopalis, actus consecrationis sacri Chrismatis possunt fieri nisi ab Episcopo: nec istæ potestates possunt ab eis auferri, prout superius fuit dictum. Per alium igitur modum respondendum est ad illa quæ in prædicta ratione 25. implicantur. Et primo ad illud quod dicitur, quod exemptio remouet exemptum ab ordinario, & à suo ordine Ecclesiastico, quem debet tenere in Ecclesia, & per consequens, est mala, dicendum, quod exemptio non remouet exemptum à suo principali ordinario, qui est essentialiter & principaliter suus ordinarius, & de jure diuino, cuiusmodi est summus Pont. qui sine præiudicio cuiusquæ est ordinarius omnium diocesani, & cuiuslibet Christiani, ut habetur 9. quæst. 1. cap. *Per principalem*. Licet exemptum ab ordinario accidentali remoueat & de jure positivo, quia quod Episcopi præsent, & quibus præsent, hæc habent à Papa; per cuius etiam auctoritatem dioc. limitantur, diuiduntur, & vniuntur, sicut superius fuit dictum: ex quo patet quod non ponuntur extra ordinem, quem tenere debent. Sed propter malum euitandum, & majus bonum consequendum, suo principali ordinario perfectius vniuntur: & à loco quasi non naturali, in quo ab operationibus obseruantie regularis & diuini seruitij multipliciter impediabantur, per exemptiones & privilegia remouentur: nec repugnat alicui Christiano immediatè sub iurisdictione summi Pont. contineri.

*Responsio Anchoris ad Priorem partem.*

*Ad 2. partem objectionis.*

Ad illud quod secundò arguebatur, quod exemptio tollit honoris statum, &c. dicendum, quod per exemptionem status Pontificalis seu Episcopalis ordinis non tollitur, licet status iurisdictionis

Episcoporum, quantum ad exemptos, nisi pro fide dumtaxat, aliquantulum minuat; & hoc vel propter maius bonum, vel propter eorum demerita, & propter vexationes, quas Religiosi ante eorum exemptionem inferebant. Item remanet eis multum de iurisdictione, quantum ad alios seculares, & Religiosos non exemptos, quam etiam sufficienter exequi non possunt, prout requirit salus & utilitas animarum: unde magis deberent gaudere de alleviatione oneris, quam tristari. Item stat<sup>us</sup> honoris eorum reseruetur in hoc, quod ultra minores Prælatos habent ordines celebrare, sacramentum confirmationis conferre, virgines & altaria consecrare, & sic de alijs: licet prædictos actus Episcopi ordinarii circa exemptos non exercent, nisi velint exempti, ut dictum est supra. Priuilegiati tamen debent, quantum ad ordines & benedictiones Abbatum, suis ordinarijs præsentari. Et si dicatur, quod non est supponendum, quod Prælati qui sunt in statu exercendæ perfectionis, velint prædictos Religiosos in prædictis actibus regulatibus impedire: dicendum, quod si hæc faciebant tempore B. Gregorij, ut allegatum est prius, 18. q. 2. cap. *Luminose*, quando erant multi sancti Episcopi & deuoti, multo magis supponendum est, & timendum, ne istis temporibus nouissimis in quibus sunt, secundum dictum Apostoli, homines seipsos amantes, & querentes quæ sua sunt, non quæ Iesu Christi, acceptarent & vellent facere consimilia, vel etiam grauiora: & ideo supponendum est, quod illi qui petunt exemptiones & priuilegia reuocari, non intendunt per hæc animarum sui vel aliorum salutem: sed propter suæ iurisdictionis ampliationem & quæstum temporalem: & magis supponendum esset, quod ex ambitione & avaritia, quæ ex charitate moueantur: specialiter cum multi satis negligentes super sui & aliorum custodiam videantur; nec appareat, quomodo de se & alijs, qui eorum curæ & iurisdictioni supponuntur, possint in districto Christi iudicio sufficientem reddere rationem. Quod autem 3. dicitur, quod per exemptionem tollitur ordo debitus, secundum quæ inferiora debent reduci in supremam per media, iuxta sententiam Dion. de Diu. no. &c. dicendum, quod illa regula tenenda est in ijs, quæ habent essentialem ordinem, & essentias & operationes secundum speciem differentes. Sic autem non est in proposito, quia iurisdictione citra summum Pont. in alijs ad accidentalem ordinem pertinet, ut dictum est supra, quare ratio non concludit. Et item secundum illam viam sequeretur, quod nullus non Prælat<sup>us</sup>, & nisi Primas vel Patriarcha, posset esse immediatè sub iurisdictione summi Pont. quod falsum est: quia hoc nulli repugnat, imò de necessitate conuenit, ut dictum est supra: quare &c. Item cum Episcopi iurisdictionem non habeant, nisi secundum ordinationem & limitationem Papæ & Ecclesiæ, non habent rationem medij respectu illorum, qui auctoritate summi Pont. ab eorum iurisdictione sunt exempti. Et per consequens exempti in quantum exempti, per ipsos tamquam per media in summum Pont. minimè reducuntur. Quod autem ulterius dicitur de prioritate & primitate principat<sup>us</sup> Petri, quia hoc attestatur plenitudini potestatis eius, suorumque successorum, gratia veritatis & materię concedatur: quod tamen subditur, quod ipsa eius electio, & sua confirmatio, & quod ex vi suæ electionis accipit apicem & cul-

*1. Tima. 3. Philip. 2.*

*Ad 3. partem responsio.*

men iurisdictionis, non obstante quod sit non Episcopus, est contra ipsum, quantum ad multas rationes præcedentes, in quibus à potestate & dignitate Episcopalis Ordinis nititur procedere ad dignitatem & potestatem iurisdictionis, quasi istæ potestates non essent inter se disparatæ. Quod etiã ulterius dicitur, quod exemptio esse non potest sine aliqua inordinatione, &c. dicendum, quod dato quod Episcopi bene se haberent in regendo, tunc diceret inordinationem secundum quid, diceret tamen ordinationem simpliciter, in quantum esset ad majus bonum, & ad meliorem & ampliorẽ cultum diuinũ principa- liter ordinata. Supposito autem malo regimine Prælatorum, tunc dicit remotionem inordinatæ tyrannidis & inordinati regiminis, tãquã termina à quo, & accessum ad terminũ ad quem, simpliciter ordinatum: quia in ordine ad cultum & seruitiũ diuinũ deuotius & quietius per agendum, sicut frequenter allegatum est per beatum Gregor. 18. q. 2. &c. Quod autem reperendo dicit, quæ prius dixerat in principio, quod Deus sic res administrat, vt eas proprios cursus agere sinat, &c. solutũ fuit in principio, ad 1. rationem; & hic repetere non oportet. Quod etiam dicitur ulterius, quod illa quæ pertinet ad regimen Ecclesiæ, non ita bene possunt fieri per vnam singularem personã, &c. solutum fuit prius: quia Papa non regit exemptos sine medijs & coadjutoribus, sed sibi prouidit de medijs eiusdem professionis conuenientibus, & magis sollicitis & expertis. Concludo etiam ulterius, quod confirmatio electionis summi Pont. reducitur in Christũ, imò à Christo immediatè confirmatur, per illud, qd sibi simpliciter dicitur Mat. 16. *Tu es Petrus &c.*

*Matth. 16. Et tibi dabo clauis Regni calorum. &c.* Licet enim alijs discipulis insimul dixerit etiã sub signo vniuersali distributio Mat. 18. *Et quodcumque ligaueritis super terram, erit ligatum & in cælis: & quodcumque solueritis super terram, erit solutum & in cælis,* tamẽ nulli ita principaliter, nec ita singulariter dictum est, sicut Petro. Item etiã quãdo Christus talia dixit in Matth. adhuc erat non solum comprehensor, sed etiam viator, existens mortalis pro ministerio nostræ redẽptionis: nec decebat, quod ipso existente nobis compassibili haberemus caput aliud loco sui. Sed post resurrectionẽ idest post passionis triumphum, nouam vitam inchoãs resurgendo, volens ascendere in cælum, & nos ponere in realem possessionem, & etiam corporalem, cælestis ciuitatis, quãtum ad naturam assumptam postmodũ venturus ad iudicium generale, vnũqu; secundum opera propria redditurus, suam sponsam, scilicet Ecclesiam, quam sibi proprio sanguine despõsavit, sine re- ctore eiusdem rationis vnigenæ relinquere nolens; vnũ super omnes alios instituit, cui totius gregis vniuersalis Ecclesiæ curam commisit, cum plenitudine iurisdictionis & ordinariæ potestatis, dicens sibi, sicut in principio operis huius dicebatur. *Petre amas me? Pasci oues meas.* Er ex tunc post ascensionem subtrac̃ta eius corporali præsencia secũdum modum conuersationis humanæ, Ecclesia sub Petro, idest sub Christi vicario dicitur remansisse. Quod autem ulterius addit iste doctor, ad probationem principatus Petri, quod post resurrectionem inter omnes viros primo vidit Christum, iuxta modũ loquendi qui in Euaelio ponitur, cum dicitur, Mat. ultimo,

*Marc. 16. Dicite discipulis eius, & Petro, &c. non habent*

magnam efficaciam, & aliter exponũtur à sanctis. Ideo inquit, Greg. singulariter nominabatur, ne propter negationẽ desperaret. Item etiam primitas apparitionis post resurrectionem non est sufficiens signum vel probatio primariæ & principalis prælationis: cum legatur primo mulieribus apparuisse, quæ tamen dominiũ iurisdictionis vel prælationis non habent propriè in Ecclesiastico principatu. Vnde licet intenta conclusio sit vera, sc. quod electio Papæ confirmatur à Christo, & quod Papa supra omnes de Ecclesia habeat principatum, per istam primitatem apparitionis, quod scilicet inter viros primo apparuerit Petro, hoc tamen non est authenticum, vt habetur ex virtute verborum Evangelij. Per hoc etiam intenta conclusio efficaciter non probatur. Et per hoc patet ad rationẽ, & ad ea quæ in ea tangebantur.

Greg. hom. 21. in Eua. g.

Vicesima 6. & vltima ratio quantũ ad tractatum huius doctoris, nititur probare, quod per exemptionẽ efficiuntur exempti turpis pars Ecclesiæ. Pars n. habet pulchritudinem ex ordine ad suũ totũ, in eo qd decenter secundum debitũ & ordinatum sitũ cum alijs partibus coniugitur suo toti. Propter quod dicit August. in Enchiridio cap. 10. quod singula creata bona sunt; vniuersa verò valde bona: quia ex omnibus cõstitit vniuersitatis admirabilis pulchritudo; & per oppositum dicit idẽ Aug. in Confess. quod turpis est pars, quæ suo non est congruẽs vniuerso. Sed exempti sunt pars, quæ suo non congruit vniuerso, quia nõ tenent modum & ordinem competentẽ vniuersali Ecclesiæ, secundũ quẽ semp inferiora reducuntur in superiora, p media, & semp alij à Pont. reducuntur in sumũ Pont. p põ- tifices medios. Ergo &c. Secũdo pbat hoc idẽ, quia homo cũ sit mediũ inter Angelos & bestias, nõ potest nisi triplici modo viuere, quia vel vivit vt homo, vel vt angelus, vel vt bestia: si vt homo, sic sibi cõpetit vita politica siue socialis, vel civilis, cũ homo sit naturalitẽr animal politicũ & ciuile, vt habetur 1. politic. Si ergo exẽpti velint cõmunicare cũ alijs de cõmunitate & ciuilitate Ecclesiæ, & velint tãquã pars alijs annumerari, cũ nõ teneant modũ aliorũ, nec gradũ, nec ordinẽ potestatis, p cõparationẽ ad vniuersitatẽ Ecclesiæ, nõ sunt dicẽdi pars absolute, sed cũ additione, turpis; quia vt dictũ est, turpis est pars, quæ suo nõ congruit vniuerso. Ex quo sequitur, qd exẽpti ppiè nõ viuunt vt homo, nec propriè vt pars hujus Ecclesiæ. Sequitur ergo, qd viuunt altero duorũ modorũ: quia vel vivit vt angelus, seu diuinus, & sic viuunt vita contemplatiua, & est melior homine, vel est vt bestia & est peior homine: & vt viuunt vita voluptuosa, iuxta illud philosophi 1. politic. non indigens alio, sed per se sufficiens, non est pars ciuitatis, quare aut bestia, aut Deus, idest aut est peior homine, & est bestia idest bestialis, aut est melior homine, & tunc est Deus, idest diuinus vel Angelicus. Ex quo sequitur, quod exemptus cũ non viuatur vt homo, vel est diuinus & angelicus, si dat se contemplationi & studio, vel est bestialis, si dat se vitæ voluptuosæ, quare facere exẽptos nõ deditos studio, est facere quandã turpem partem in Ecclesia, & etiã facere homines bestiales, & bestialiter viuentes. Vltimus in fine sui operis addit quasdã auctoritates decreti ad suũ propositũ declarandũ: sed vt dicit, ad aliã scientiã transferẽdo, more Apostoli verba Poetarum ad suũ propositũ assumentis,

Vltima ratio aduersa- rijs.

Exemptio inordinati- onis nõ habet

Matth. 16.

Matth. 18.

Papa super alios Episco- pos.

Job. 21.

Marc. 16.



cū dicitur, corrumpunt mores bonos colloq. praua: & more Aug. cū ait, trahit vnūquemq; rēcopi-  
 scencia sua. igitur authoritas quam allegat po-  
 pūla Distinctio. 98. cap. *Nulla*, vbi dicitur:  
 quod nulla ratione clerici aut sacerdotes habē-  
 di sunt, qui sub nullius Episcopi disciplina aut  
 prouidentia gubernantur. Tales enim acepha-  
 los, id est sine capite, prisca consuetudo nūcupa-  
 uit, Ex quo sequitur, exemptos delinquere, quā-  
 tum ad statū viz. 2. authoritas est, & quicumq;  
 suis Episcopis non obediunt, indubitanter re-  
 probi existunt. Porro ipsi à Deo donum summi  
 muneris consequuntur, qui suis doctoribus, qui  
 recte Episcopi intelliguntur, libenter obediunt.  
 Ex quo habetur, quod exēpti delinquēdo, quā-  
 tum ad illa quæ sunt viz. nō consequuntur à Deo  
 donū summi muneris, id est ea quæ sunt Patriæ 3.  
 authoritas est, ille pculdubio scādalizat in Deū,  
 qui recte non docet, & qui ejus scandalizat Epi-  
 scopū vel sacerdotē. Ex qua auctoritate latenter  
 datur intelligi, qualiter debeat fieri exemptio;  
 quia solū quantum ad recte docentes, qui se dant  
 studio, non autē quantum ad illos, qui non sunt  
 studio dediti; quia cum animus hominis nesciat  
 esse otiosus, tales qui non sunt dediti studio, dāt  
 se voluptatibus, & ex hoc scandalizāt ejus Epi-  
 scopū vel sacerdotē. Et talibus nullatenus est exēp-  
 tio cōcedenda, & si data sit, nullatenus tolerāda.

Responsio ad  
 26 rationē  
 aduersary.

Ad istam vltimā rationem huius doctoris, &  
 ad ea quæ implicantur in ea, per ordinem est di-  
 cendum. Et primò ad solutionē rationis, & de-  
 clarationē prædictorum, necnon ad ostendē-  
 dum congruitatem & vtilitatem exemptionum;  
 erit declarandum per modum epilogi, quod ex-  
 empti in vniuersitate Ecclesiæ nō causant turpi-  
 tudinem partis, sed potius est causa conseruati-  
 uæ bonitatis & pulchritudinis in exemptis. Si-  
 cut enim vnumquodque trahit ex suis causis en-  
 titatem, sic etiam bonitatem, pulchritudinem &  
 commendabilitatem. Pulchritudo igitur & bo-  
 nitas atque congruitas exemptionum ex quatuor

Pulchritudo  
 exemptionis  
 ex causis suis  
 declaratur.

declarat. Primo ex causa finali, 2. ex sua cau-  
 sa efficiente, 3. ex causa formali, 4. ex causa sua  
 materiali. Prima via sic patet, quia illud habet  
 rationem boni & pulchri, quod ad bonum finē  
 ordinatur, & per quod multa mala & turpia gra-  
 uantia excluduntur & evitantur. In hoc enim ac-  
 quiritur bonitas & pulchritudo, tā moralis quā  
 etiam corporalis, quod abiicitur forma cōtraria,  
 & inducitur forma pulchritudinis & decoris.  
 Sed exēptio est talis, quia ad bonum pulchrum  
 & honestum finē ordinatur, scilicet ad quietius  
 & deuotius & feruentius vacandum diuino ser-  
 uitio, & contemplationi, sicut frequenter alle-  
 gatū fuit per B. Grego. 18. quæst. 2. c. *Luminoso*.  
 Item per exemptiones excluduntur & remo-  
 uentur oppositiones vexantes, injuriæ violentæ,  
 & expolationes monasteriorum, quas Religiosi  
 ante eorum exemptiones à suis ordinarijs susti-  
 nebant, vt patet in eodem decreto. Ergo &c. 2.  
 via patet ex sua causa efficiente & originali; quia  
 fuit à viris sanctissimis, & doctoribus excellē-  
 tissimis summis Pont. introducta, qui maximū  
 & ardentissimū zelū pro statu Ecclesiæ habuerūt:  
 cuiusmodi fuit B. Grego. vt patet, per decretum  
 præallegatum, quare &c. Tertio & hoc patet ex  
 sua causa formali, 1. quia per hoc habetur maior  
 connexio Religiosorum inter se, & per compa-  
 rationem ad summum Pont. 2. quia per hoc cō-  
 seruatur maior vnitas & connexio Ecclesiæ, &

præcauentur schismata, ne in Ecclesiā generen-  
 tur. Ex hoc enim quod in qualibet prouincia &  
 dioc. vident Prælati vigere obedientiam exem-  
 ptorum; qui semper ac promptè parati sunt exe-  
 qui summi Pont. sententias & mandata, nō au-  
 dent se ita colligere, nec concatenare, nec per  
 consequens Romanæ Ecclesiæ per viam schisma-  
 ticam repugnare. Tertio, quia per exemptiones  
 potestas summi Pont. lucidè declaratur; & per  
 hoc quod habet aliquos exemptos in qualibet  
 dioc. ostenditur & probatur, quod sit cuiuslibet  
 dioc. ordinarius principalis: quæ omnia faciunt  
 ad decorē & pulchritudinem Ecclesiæ Romanæ,  
 & per consequens vniuersalis Ecclesiæ; cū pul-  
 chritudo corporis de debita connexionē mem-  
 brorum inter se, & ordine ad caput, habeat prin-  
 cipaliter declarari. Quarta via patet ex sua causa  
 materiali, scilicet ex ipsis exemptis, qui vitam An-  
 gelicam ducunt, vacando diuino seruitio, quasi  
 prælibando cœlestem melodiam spirituum bo-  
 norum, sicut patet in Ecclesijs principalib⁹ ipso-  
 rum exemptorum & priuilegiatorum: strictius &  
 perfectius vivunt communiter loquendo, quam  
 alij non exempti, quantum ad obseruantias re-  
 gulares: & plura bona conferunt, & in pluribus  
 subueniunt toti communitati Ecclesiæ in spiri-  
 tualibus & in temporalibus, quā alij, sicut su-  
 præ circa principū huius operis fuit dictū; & hæc  
 rei euidencia manifestat. 1. x quo sufficienter cō-  
 cludi potest oppositum intenti huius Doctoris,  
 scilicet quod exempti non sunt turpis pars; sed  
 valde puichra, suauis, & decora, formosa sicut  
 Ierusalem; terribilis vt castrorum acies ordinata,  
 vt dicitur Cant. 6.

Ad 1. ergo, quod in prædicta ratione dicitur in  
 cōtrarium, quod exempti sunt turpis pars, ex eo  
 quod suo non cōgruunt vniuerso, dicendum per  
 interemptionem. Imò sunt pars puichra per cō-  
 gruentissimam ordinationem suo cōgruens vni-  
 uerso: & cum dicitur, quod non reducuntur in  
 summum Pont. sicut alij per Pont. medios, dicē-  
 dum, quod in summum Pont. per magis cōgru-  
 entia & proportionata media reducuntur, scili-  
 cet per Prælatos ejusdē Religionis, cum quibus  
 magis cōueniunt, & qui tenent consimiliter cum  
 eis tria vota Religionis, quod non faciunt Epi-  
 scopi, qui possunt habere non solum in commu-  
 ni, sed etiam in proprio; nec sunt ita experti, nec  
 ita solliciti, quantum ad obseruantias regulares,  
 sicut Prælati Religiosi, sicut superius fuit dictū,  
 Quare &c. Non enim per debitam cōnexionem  
 cohætere possunt vel coniungi, quibus vota &  
 studia sunt diuersa, vt habetur in Concilio His-  
 pal. Homines etiam diuersæ professionis nō de-  
 bent simul jungi, vt habetur in eodem Concilio  
 16. q. 7. cap. *In nona actione*. Nec ex huius exem-  
 ptione causatur aliqua turpitudine, sed magis pul-  
 chritudo, vt dictum est: præsertim cum gradus  
 Ecclesiastici, quantum ad iurisdictionis potesta-  
 tem, non sint totaliter ad modum entium natu-  
 raliū mensurandi, & specialiter cum potentia  
 summi Pont. quantumcumq; omnes alias excel-  
 lens, proportionem nō tollat, quin possit imme-  
 diatè influere in quemlibet quantumcumq; in-  
 finitum Christianum.

Ad illud autem quod 2. additur de triplici vi-  
 ta seu de triplici modo viuendi, dicendum est q  
 exempti bestialiter non vivunt, sed vivunt vt  
 homines vita politica & civili, quantum ad vitā  
 actiuam, & vitam diuinā & Angelicā quantum ad  
 contem-

Ad 1. partē  
 rationis 26.

Concil. Hisp.

Ad 2. partē  
 ejusdem ra-  
 tionis.

*Vita activa  
& contem-  
plativa.*

contemplativam; nec evadere tyrannidem Prælatorum, est dimittere rationem partis, quantum ad communicationem civium in Ecclesia militante: imò ut magis possint alij communicare, quantum ad vitam activam, in operibus misericordie spiritualibus & corporalibus, propterea sunt exempti. Quod autem ulterius dicit, quod illi qui vivunt ut Angeli, & vita contemplativa, non sunt pars communis Ecclesie, male dicit, & falsum. Nam communis civitatis Ecclesie militantis tate est latitudinis & altitudinis in perfectione, quod utramque vitam, activam & contemplativam, includit, quæ in scriptura per Liam & Rachel, Martham & Mariam congrue designantur; & quantum ad utramque vitam pollent exempti, & in utramque specialiter se exercent. Ex quibus omnibus patet, quod universitatem Ecclesie non deturpant, sed multipliciter faciunt ad ejus pulchritudinem & decorem, ut est per præcedentia manifestum. Ad illud autem quod dicitur ulterius, allegando quasdam auctoritates Decreti, dicendum est. quod ibi nimis præsumptuose procedit, & multum vilificat, quantum in se est, jura & decreta, quæ sunt ab Ecclesia approbata, ea dictis Poëticis comparando. Cum enim Ecclesia regatur à Spiritu sancto, non debent statuta Ecclesie ab aliquo Christiano seu Catholico Poëtica reputari. Ad illas tamen auctoritates quas allegat, est cum reverentia respondendum, & dicendum, quod per illas nihil contra exemptiones vel exemptos concluditur, nec probatur. Loquitur enim 1. auctoritas, & alie consequentes, contra non exemptos, qui suorum Episcoporum, quorum jurisdictioni subduntur, subterfugunt disciplinam: non autem contra exemptos, qui à jurisdictione Episcoporum exempti, sub suis proprijs Prælati ejusdem professionis sub disciplina & regula vivere eligunt ætiori. Primos enim, scilicet non exemptos, subterfugientes suorum Episcoporum disciplinam, prisca consuetudo acephalos vocare cõsuevit: non autem huiusmodi exemptos, qui sub Christi vicario, qui est caput Ecclesie, & sub Prælati sui ordinis districtè vivunt, & vivere volunt sub observantia regulari. Ex quo patet, quod 1. auctoritas sanè intellecta in nullo contrariatur exemptis. Per hæc etiam patet ad 2. auctoritatem: quia exempti, quantum ad Episcopos, dici non debent inobedientes, nec reprobi: cum ipsis obedire, nisi quantum ad ea quæ sunt fidei, virtute exemptionum minimè teneantur: ratione cuius non sequitur, quin consequantur donum summi muneris, quantum ad illa quæ sunt patriæ: imò munus huiusmodi tantò perfectius consequitur, quantum respectu Prælatorum sui ordinis, quibus obedientiam promiserunt, in virtute sollemnis voti, & per consequens per actum virtutis laetæ, perfectius, promptius, & firmitus obediunt, secundum ordinationem Ecclesie, & suæ sanctæ regulæ approbatæ ab Ecclesia, secundum quam profitentur. Ex his etiam patet ad 3. auctoritatem: quia tales suos Episcopos non scandalizant, cum & sanctè vivant & rectè doceant, vacando cõtèplationi, & operibus misericordie, & divinis laudibus decantandis. Unde de talibus exemptis scandalizari non debent; sed debet exemptos huiusmodi de virtuosis actibus commendare; & debent erga alios suos subditos taliter se habere, præcautes, ne alij non exempti, propter eorum malum regimen, processu temporis consimiliter eximantur. Quod etiam ulterius subditur, quod

*Qui acephali  
appellandi.*

debent dari deditis studio, concedo; in hoc tamè tacitè recognoscit quod Prælati Episcopi non sunt studij sacre Theologie promotores, sed magis, ut in pluribus, impeditores, quia exemptiones studentibus non prodesse, si Prælati diligenter studium promouerent. Item studium non est præcisa causa, nec etiam principalis; quia exemptiones à sanctis patribus, sicut à B. Gregorio, primitus sunt concessæ, sed magis divinum servitium, ut scilicet divino servitio quietius & devotius insistatur, sicut patet per B. Grego. in capitulo supra pluries allegato, 18. quæst. 2. cap. *Luminoso*. Ex quo sequitur ulterius, quod exemptiones illis potissimè dari debent, in quibus utraque exemptionis ratio notabiliter reperitur; qui videlicet circa sacratum studium literarum, & circa divinum servitium, & circa opera misericordie laudabiliter se exercet: cuiusmodi sunt multi, non solum mendicantes, sed etiam non mendicantes; sicut Cisterci. Clunia. & plures alij, habentes studia solemnia Parisius & alibi, in alijs locis conventualibus, continuè vacantes divinis laudibus, lectioni, operibus misericordie, disciplinis, & alijs observantijs regularibus, pro utrei cuidentia manifestat. Et in hoc terminatur responsio & solutiones ad rationes & motiva quæ contra exemptiones in tractatu Fratris Egidij Ordinis fratrum Eremitarum sancti Augustini & Bituricensis Archiepiscopi, minus rationabiliter inducuntur.

UT TAMEN exemptionum, materia, quantum ad decentiam & expedientiam, & ut veritas dictorum in præsentis tractatu, ac dubitatorum solutio, & quarundam auctoritatum expositio, plenius elucescat; est intelligendum, quod licet quædam dicta B. Bernardi 3. de Consid. ad Eugen. Papam, & in quadam Epistola ad Henricum Senonensem Archiepiscopum, superficialiter intellecta, videantur exemptionibus repugnare, sanè tamen & intrinsecus intellecta, secundum intentum loquentis, exemptionibus realiter non repugnant: nisi solum quantum ad illos, qui exemptionibus abutuntur: sicut aliàs diffusius in quadam quaestione de quolibet declaravi.

Ad quorum omnium intelligentiam pleniorè, brevier est norandum, quod exemptiones possunt dupliciter considerari, uno modo per comparisonem ad finem, ad quem secundum se, & ex intentione primariæ institutionis & concessionis earum, tam ex parte concedentium, quam ex parte recipientium, per se & principaliter ordinantur. Alio modo possunt considerari per comparisonem ad finem malum & inordinatum, qui est finis per accidens, ad quæ exemptiones huiusmodi per inordinatam inclinationem appetitus infecti ex perversa intentione referuntur; & iste finis per accidens secundum diversas intentiones & affectiones abutentium variatur. Si 1. modo considerentur exemptiones, sic nulli dubium esse debet, quin exemptiones sint licite, & laudabiles, & expedientes: cum ad bonum finem, laudabilem, & expedientem, ad divinum servitium quietius & devotius & perfectius persolvendum, & ad alia multa spiritualia, & ad relevationem multarum oppressorum ipsarum Ecclesiarum ex intentione cõferentium principaliter ordinantur: sicut frequentur allegatum est per B. Grego. 18. q. 2. cap. *Luminoso*, qui scilicet B. Grego. Doctor excellentissimus habuit ordinatissimè actum de bono statu Ecclesie, & de divino cultu ampli-

*Quibus præcipue dari  
debeant exemptiones.*

*S. Bernardi  
verba contra  
exemptiones  
allata sol-  
vuntur.*

*Exemptiones  
non possunt  
dupliciter  
dari.*

Rt

*Effectus vti-  
les exempti-  
onum.*

*Bona abuti-  
entibus sa-  
pe sunt noci-  
ua.*

*1 Corint. 8.*

*Charitate  
nemo potest  
abuti.*

ando dictas exemptiones principaliter instituit & indulgit. Multi etiam effectus viles & fructu-  
oli ad exemptiones huiusmodi consequuntur, si-  
cut elucidatio potestatis summi Pont. connexio  
Ecclesie vniuersalis, illuminatio & eruditio fide-  
lium, in ijs quæ pertinent ad salutem, per studiũ  
& prædicationem exemptorum, sustentationes  
pauperum, subsidium animarum, tam vivorum  
quàm defunctorum, per devotas orationes, Missarũ  
celebrationes, & alia quæ pertinent ad obser-  
uantias regulares, vt est per habita manifestum.  
Si autem considerentur exemptiones 2. modo,  
sic dicendũ, quodd licet exemptiones sint bonæ,  
secundum se, abutentibus tamen, ex affectione  
peruersa & intentione sinistra ipsas in malum fi-  
nem referentibus, non sunt expedientes, sed no-  
ciuæ. Multa enim sunt bona, secundum se, & de  
genere suo, quæ tamen abutentibus sunt nociua:  
sicut potest poni exemplum, & quantum ad bo-  
na fortunæ, cuiusmodi sunt diuitiæ & honores:  
& quantum ad bona corporis, cuiusmodi sunt for-  
tudo, sanitas, & pulchritudo: & quantum ad bo-  
na animæ, cuiusmodi sunt scientia & prophetia,  
& alia dona gratis data, & virtutes morales, si sine  
charitate habeantur: quæ quidem omnia sunt bo-  
na secundum se & in genere suo, sed tamen ma-  
gis & minus, & secundum gradum suum, & ad  
bonum finem per se & principaliter ordinata: &  
tamen possunt esse in nocuum per compa-  
rationem ad illos, qui ad superbiam vel iactantiã  
talibus abutuntur. Sicut etiam de bonis animæ  
pater, quæ inter bona enumerata præcellunt,  
iuxta illud Apostoli dicentis, q̃ scientia inflat,  
quantum scilicet ad abutentem, licet per se lo-  
quendo perficiat & illuminet intellectum: sub-  
jungit tamen Apostolus, quodd charitas ædificat,  
quia charitate & gratia gratum faciente non po-  
test aliquis malè vti. Nam charitas & gratia gra-  
tum faciens de natura sua faciunt habentem for-  
maliter Deo gratũ, & dignum vita æterna. Prop-  
ter quod talia gratuita ex parte habentis non  
possunt cadere in abusum. Sic eodem modo ap-  
plicando ad propositum, licet exemptio sit bona  
secundum se, & in genere suo, vt dictum est prius,  
quia tamen non est de bonis gratuitis, potest ea  
aliquis malè vti, ex varijs & peruersis affectio-  
nibus, & ex intentione sinistra finem malum & per-  
uersum, Deo, & rationi, ac fini, qui per se & prin-  
cipaliter debet quæri, contrariũ, secundum pro-  
prias concupiscentias, & affectiones peruersas &  
varias intedendo: sicut, verbi gratia, si aliquis vta-  
tur exemptionibus ad superbiam vel iactantiã, vel  
ad subterfugiendum superiorum obedientiã, vel  
ad bonorum temporalium liberiores dissipati-  
onem, vel ad dissolutionem & euagationem: quæ  
tamen locum non habent in Ordinibus genera-  
libus habentibus connexionem ad inuicem, prout  
rei euidentia manifestat: vel si aliquis principa-  
liter intenderet, procurando vel concedendo ex-  
emptiones, jurisdictionis Episcoporum diminu-  
tionem, depressionem, & detractionem, in odium  
Prælatorum, & non potius diuini cultus ampli-  
ationem, & oppressionum releuationem. Licet  
enim ad exemptiones sequatur diminutio juris-  
dictionis Prælatorum, hæc tamen per se & prin-  
cipaliter non intenditur, sed solum per accidens,  
in quantum erat Religiosorum oppressiua, &  
obseruantie regularis, & diuini seruitij ac boni  
impeditiua; sed principaliter intenditur diuini  
cultus ampliatio pacifica & quieta; & vt Ec-

clesiæ vel Abbatiz ab oppressionibus & grau-  
minibus releuentur. Nec propter hæc exempti-  
minus, imò magis spiritualiter nutriuntur, nec  
etiam extra locum eis competentem in corpore  
Ecclesiastico situantur, si summo Pont. qui est  
Christi vicarius, specialius & intimius vniun-  
tur: specialiter quoad illos exemptos, qui habet  
in suo ordine sufficientes & intrinsecos correc-  
tores, prout superius dicebatur. Attedendo igitur  
ad tales fines per accides inordinatos & per-  
uersos, & per comparisonem ad abutentes, B.  
Bernardus in prædictis locis exemptiones repre-  
hendit, non secundum se, sed earum abusum,  
quoad illos, qui ex corruptione & mala inclina-  
tione appetitus ac intentione sinistra ad iactan-  
tiam & superbiam, ac Prælatorum irreuerentiã,  
& specialiter quantum ad insignia Pontificalia,  
exemptionibus abutuntur: licet talia insignia  
Pontificalia possint ad bonum finem & licitum  
ordinari, licet à non Episcopis deferantur, si per  
hæc honor & reuerentia sedis Apostolicæ &  
Christi principaliter intendatur. Sicut etiam  
patet in diaconis, & pluribus Cardinalibus, in-  
quantum per talia insignia specialius & intimius  
pertinere ad sedem Apostolicam demonstratur:  
ratione cuius congruum est, vt aliquibus signis  
præminentia, quæ ad essentiam Episcopalis or-  
dinis non pertinent, præ alijs honoretur. Non  
ergo contrariatur B. Bernardus in prædictis lo-  
cis sententiæ B. Grego. quia B. Bernardus lo-  
quitur contra abutentes, & finem per accides,  
& malum ex peruersitate voluntatis intendentes,  
nec habentes sufficientes intrinsecos correctores.  
Loquitur etiam supposito bono regimine Præ-  
latorum. Beatus autem Grego. exemptiones cõ-  
cedit & approbat, per comparisonem ad bene  
vtentium, & ad finem principaliter intentum, ad  
quem per se ex intentione eas instituentium & cõ-  
cedentium ordinantur. Supponit etiam Præla-  
torum regimen defectivum. Et quia illud quod  
est per se, est potius, quàm id quod est per acci-  
dens, & secundum id quod est per se finis alicu-  
ius rei, & in ordine ad bene vtentem secundum  
exigentiam finis principalis, sit de illa re principa-  
liter iudicandum, non autem secundum finem  
per accidens: quia finis per accidens, qui accipi-  
tur ex parte vtentis, variatur secundum quod vtēs  
diuersimodè afficitur per comparisonem ad fi-  
nes varios & diuersos; propter quod de illis quæ  
sunt per accidens, non est curæ arti, vt habet ali-  
bi declarari: sequitur, quod considerando ex-  
emptiones & priuilegia secundum exigentiam fi-  
nis, ad quem ex intentione principalis instituen-  
tis & concedentis, & per comparisonem ad be-  
ne vtentes, secundum regulam rationis principa-  
liter ordinantur, debeant tamquam bonæ in ge-  
nere suo simpliciter, expedientes, & laudabiles iu-  
dicari: non obstant abusu aliquorum paucorum,  
quorum particularitates de facto, maximè cum  
sint remediabiles, non debent in totius commu-  
nitatis exemptorum multitudinem redundare.  
His igitur aliquid declaratis, videtur ra-  
tionabiliter concludendum, quod non obstan-  
tibus illis, quæ contra exemptiones ab alijs in-  
ducuntur, si diligenter attendantur prædicta, q̃  
exemptiones multipliciter expediunt, & à sum-  
mis Pont. cum magna maturitate, necessitate, &  
cum deliberatione prouida sunt concessæ. Hæc  
enim attestatur summi Pont. plenitudini pote-  
statis. Nam vt habetur 25. quæst. 1. Valet sancta

*Exempti nō  
sunt extra  
locum sibi  
competentem.*

*Non aduer-  
satur Bern.  
Gregorio.*

*Conclusio fi-  
nalis.*

Statuta per  
perseveran-  
tiam obinēt  
robur.

Romana Ecclesia, vel ob regionis, vel necessitat-  
tis, vel exhibiti beneficij gratiā, quibuscumque pri-  
vilegijs suis munire, & extra generalia decreta,  
quādam specialia beneficia indulgere, considera-  
ta rationis æquitate. Et item cum leges & statu-  
ta Legislatorum, tā in civili seu regali, quam etiā  
in Ecclesiastico principatu, per longam & perse-  
verantem observantiam magnam trahant roboris  
firmitatē, & attestentur stabilitati perpetui prin-  
cipatus; & per oppositum per frequentem sui mu-  
tationem & variationem multum cadant a sui  
roboris firmitate, ut habetur ab Aristotele in Po-  
liticis suis: nec statuta frequenter mutata, & per  
reuocationem variata, cum tanta reuerentia &  
promptitudine obedientiæ, sicut stabilia & per-  
manentia a subditis acceptentur: patet, quod pe-  
riculosum est, & damnosum, præjudiciabile, &  
indecentis stabilitati sacro-sanctæ sedis Romanæ  
Ecclesiæ, quæ a Petra qui est Christus, & super  
Petrā Christum est immediatē fundata, illa per  
reuocationem immutare, quæ per eandem sedē  
sunt propter bonum commune, & maxime pro-  
pter diuinum cultum perfectius ampliandum,  
cujusmodi sunt exemptiones & privilegia Eccle-  
siarum, cum magna maturitate & deliberatione  
prouida a sanctis Patribus summis Pont. jamdiu  
instituta & rationabiliter concessa: & specialiter  
cum secundum jura & privilegia Ecclesiarum &  
Sacerdotum inuiolata manere cunctis tempori-  
bus decernantur, dicente B. Leone Papa, ut ha-  
betur 25. quæst. 2. cap. 1. & 2. [Privilegia Eccle-  
siarum & monasteriorum sanctorum Patrum au-  
thoritate instituta, nulla possunt improbitate e-  
uelli, nulla nouitate mutari.] Præsertim cū causa  
quæ mouit sanctos Patres summos Pont. ad ex-  
emptiones Religionibus concedendas, per aug-  
mentum continuum, & accumulationem graua-  
minū in suo robore perseveret: nec sint Episco-  
pi his diebus majoris sanctitatis & perfectionis,  
nec majoris zeli pro diuino cultu cōseruando &  
ampliando, quam fuerunt tempore B. Greg. qui  
dictas exemptiones principaliter instituit & in-

dulsi, ut patet 18. q. 2. cap. *Luminoso*. Ex qui-  
bus patet, quod non est causa, quare exemptiones  
istis temporibus debeant reuocari: sed quantū  
ab Episcopis & alijs, his diebus acius & audius  
impugnantur, tanto decet & expedit, ut summus  
Pont. ac sacro-sancta sedes Romana, a qua to-  
ta sancta Religio traxit ortum, suos exemptos  
peculiares filios per exemptionum & privilegio-  
rum conseruationē perpetuam fauorabilius pro-  
sequatur; præcipuē cum earum vel eorum reuo-  
catio plenitudinē authoritatis & potestatis sum-  
mi Pont. non modicum offuscaret, quæ per hoc  
quod in qualibet dioc. vel prouincia habet ex-  
emptos & priuilegiatos filios speciales, ut prius  
fuit visum, plenius elucescit. Earum etiam re-  
uocatio statui & honori, ac profectui tā tempo-  
rali quam spiritali sacri Collegij Reuerendorū  
Patrum dominorū Cardinaliū, ac sacro-sanctæ  
sedis Romanæ Ecclesiæ, quæ est omnium aliarū  
Ecclesiarū Domina & magistra, multipliciter de-  
rogaret. Videat igitur lynceis oculis & facie a-  
quilari summus Pont. Christi vicarius, qui ad  
summū dignitatis apicem Ecclesiastici regiminis  
est assumptus, quod intendentes ad hoc, quod  
exemptiones & privilegia reuocentur, intendē-  
tes suæ potestatis & jurisdictionis dominiū am-  
pliare, plenitudinem potestatis summi Pont. la-  
tenter offuscare, limitare, & diminuere, molun-  
tur. Videat nihilominus ad honorem & profectū  
sacro-sanctæ Romanæ Ecclesiæ, bona ac utilia  
quamplurima, tam spiritalia quam temporalia  
ex exemptionibus & privilegijs multipliciter pro-  
venire, & sanctorum Patrum suorum sequendo  
vestigia, suos exēptos & priuilegiatos filios spe-  
ciales contra impugnantes eosdem in suis liber-  
tatibus studeat inuiolabiliter conseruare: ad ho-  
norem Sponsi & summi Pastoris Ecclesiæ, cujus  
vices gerit in terris, Mediatoris scilicet Dei &  
hominum Iesu Christi: cui, cū Patre & Spiritu  
sancto, est honor & gloria in sæcula sæculorum,  
Amen.

*Explicit tractatus fratris Iacobi de Thermis, Abbatis de Caroliloco, Cisterciensis ordinis, Silvanotensis  
Diocesis, contra impugnatores exemptionum: ab eodem editum in Vienna, tempore Concilij Generalis.*

Scripsit etiam hic author hujus Disputationis Compendium; sed parum uti-  
le fuisset illud eidem Disputationi subnectere. Item Quæstionem scripsit  
quodlibetalem, ut loquuntur, cujus modò meminit: sed quia non alia cō-  
tinet, quam quæ hic edita sunt, nisi quod fusiùs; ut etiam monet, de mente  
& verbis S. Bernardi, qui aduersus exemptiones allegari solet, differit, illam  
nunc omittimus: fortassis eandem aliquando cum alijs ejusdem quæstioni-  
bus, si reperiri potuerint, eduturi.



# ANNOTATIONES

IN TOMVM QVARTVM BIBLIOTHECÆ CISTERC.

*In Epistolā  
ad Patres de  
Monte Dei.*

**F**RATRES &c. Ab initio ferè mundi in more positum fuit, vt homines se mutuo fratres appellarēt, aut inferiores maiores Patres dicerēt. Sic Gen. 19. Loth Sodomitas, & 29. Iacob alienigenas. Ioan. 20. Christus Apostolos, Apostoli passim fideles. 4. Reg. 4. Eliseus Eliam patrē vocat. Hæc autem appellatio in Cœnobiiis mansit, exul à mundo. Meminit Guillelmus speciatim fratris Stephani, qui ex Ordine S. Benedicti ad Carthusienses venerat, vt sibi iam antè noti & iuncti.

*Ibidem.*

*Labor meum quotid.* Labor ille est hic liber *De vita solitaria* inscriptus: quem, postquam Mōte-Dei rediit, quò illos inviserat, eorum gratia scripsit. Quòd autem dicit, revixisse solitariam vitā per Patres Carthusienses, intellige vitam, qua non solum seorsum à sæcularibus, sed etiam qua separati ab invicem Religiosi vivunt, non simul, vt Cœnobitæ.

*Lib. de vita  
solit. initio.*

*Occurre in favore* Melior est hæc lectio, quàm vulgaris, quæ habet, *in fervore*. Alia huiusmodi innumera ex autographo correctæ semel dixisse sufficiat. mera ex autographo correctæ semel dixisse sufficiat. Amorem Dei, quo sc. eum diligimus, videtur statuere Spiritum sanctum: quod & Magister sententiatur. & alij ex August. docēt, sed improbāt Theologi.

*Ibid. cap. 21.  
& 28. & alibi.*

*Medit. 4.*

Secellum in Cœnobium Signiacense videtur Author verbis illis describere, *Flōiani, & mansi in solit.* &c. Indicat n. iam ante illū recessum se in paradiso sanctæ Religionis habitasse.

*Medit. 5.*

Videtur negare, Christum orasse pro voluntariè peccantibus: fortassis, quia etiam suos interfectores de ignorantia excusavit, quando pro eis oravit: vel quia specialiter non oravit pro illis, sicut pro ignorantibus: cùm tamen generaliter pro omnib⁹ oraverit. Deniq; eo sensu exponendus est Author, quo Paulus, post notitiā veritatis acceptam peccantib⁹ hostiam non relinqui, asserens.

*Hebr. 10.*

*De Contem-  
plando Deo.  
cap. 10.*

*De Dignit.  
Amoris c. 7.*

Philosophos veras virtutes, cum August. negat habuisse: quæ tamen conantur Theologi benignè exponere, quia sententia opposita probabilior apparet. Quod ait, Petrū charitatem non amisisse peccando, non est intelligendum de habitu charitatis infuso, à gratia sanctificante inseparabili, sed de actu aliquo dilectionis imperfecto: non enim omnis amor Dei excludit peccatū mortale, vt aiunt Suar. & alij.

*De Natura  
animæ p. 75.*

Fides non respuit rationem comitem: arguuntur tamen meriti, qui credere nolunt, nisi id quod ratio humana probat. Hoc est, quod intendit Author.

*Disput. contra  
Abaila.*

*Iterum noua docet, &c.* Petrus Abaelardus jam ante annos circiter viginti erroris damnatus fuerat Successione: circa annum verò 1138. iterum cepit falsa dogmata scribere & docere. Hæc libro isto refutat

Guillelmus, Signiaci monach⁹, abdicato Abbatiali sancti Theodorici pedito. Ob hanc causam, nullum se in hominibus dicir: beatus autem Bernardus, cui hoc opus nuncupat, ei postea rescribens, carissimū suum Guillelmum salutat, non Abbatem.

Quod hic videtur Author cum Augustino negare, virtutes vllas sine fide & spe reperiri, piè exponendum est, de virtutibus, quæ ad regnum cælorū promerendum valeant.

*In Cant. 6a.  
1. pag. 156.*

*Nec omnino aliquis excluditur à regno Dei.* Hæc verba, & quæ subjungit, asserens, omnibus patere ianuam gratiæ, quibus similia alibi sæpe habet, vt & S. Bernardus Serm. 1. in Purific. & alibi, ostendunt satis, Deum gratiam omnibus dare, secundum horum Patrum mentem. Hoc idèo notari, quia infrā opinionē contrariam vnus ex illius Authoris horum oppositione refellere decreui.

*In Epistolā  
ad Ro p. 178.*

Negat, opera bona ex debito deposcere remunerationem: sed hoc intelligendū est, seclusa promissione & pacto diuino: qua de re Theologi.

*Ibid. p. 189.*

Negat, esse in Deo diuersum subsistendi modū, sed ibi subsistere sumit pro existere, nō vt hypostasis seu personæ proprietatem notat.

*Ibid. p. 240.*

*Non est gratia communis omnibus.* Hæc sententia non est tenenda, nec Abaelardus oppositam sequens rectè in hoc arguitur. Ratio quoq; , quam Anonymus iste affert, inefficax est, & fallax. Nam ex eo quod non omnib⁹ reprobis collata sunt omnia dona, quæ gratiæ nomine appellari possunt, malè infert, nō omnibus gratiam dari, seu offerri: sic enim etiam inferret, nullum habere Dei dona, quia null⁹ habet omnia. Sufficit ergo aliquam gratiam reprobis concedi, qua si bene vterentur, ad maiorem & maiorem paulatim promoverentur, & tandē ad salutem pervenirent. Certè Patres reprobis gratiam concedunt: & inter hos S. Prosper, qui etiam illā abortiuus non negari censet. Quia autē illorū verba alibi adduxi, hoc loco non est necesse ea referre. Ideo nec Guillelmus hanc sententiā Abaelardi notauit, quæ tamen Pelagianismi damnauit, q̃ hominem solis viribus naturæ bonū posse agere, senserit. Notanda etiam hic fraus Abaelardi, qui cum Pelagianis gratiam Dei in lege & in libero arbitrio constituebat. Denique ex utroque Authore, Guillelmo scilicet, & isto Anonymo, constat, illos errare, qui Abaelardum putant liberum arbitrium negasse, cùm potius de gratia malè senserit, vt liberū statueret arbitrium, vt ex prædictis Authoribus omnino sit manifestum.

*Diff. Anonymi cont.  
Abail. 256.*

FINIS.







